

10

62173/18

MEDICAL SOCIETY
OF LONDON



ACCESSION NUMBER

PRESS MARK

BOHN, J.

1) circulus 1710

2) de renunciatone 1711

87

T8



*Johannes Bohn.
Therapeutices Professor Public, et Facultatis
Medicae Decanus perpetuus.*

Howard. July. 82. 1729.

D. IOHANNIS BOHNII Prof. Lips.

CIRCVLVVS
ANATOMICO.
PHYSIOLOGICVS

SEV

OECONOMIA
CORPORIS ANIMALIS

HOC EST

COGITATA FUNCTIONVM ANIMALIVM
POTISSIMARVM FORMALITATEM ET CAVSAS
CONCERNENTIA.

ACCESSERVNT

DISSERTATIONES
PHYSIOLOGICÆ.

LONDON. MEDICAL SOCIETY OF



LIPSIÆ

APVD THOMAM FRITSCH
ANNO M. DCC. X.

NOBILISSIMO VIRO,
AC
CELEBERRIMO SECVLI HVIVS ANATOMICO,
DOMINO
MARCELLO
MALPIGHIO,

MEDICO AC PROFESSORI BONONIENSI,

Fautori atque Amico Honoratissimo,

D. IOHANNES BOHN

Bene agere.

Centrum desiderabat hic meus *Circulus Anatomico - Physiologicus*, sine hoc Circuli, figurarum perfectissimæ, perfectione destitutus, cui commodius & exactius post multos demum labores invenire haud potui, perspicacissimo TVO Oculo, in iudicando firmo, ad peripheriæ autem ejus æquales, id est, æquitatis & benevolentiae radios seu lineas emissuro. Atque horum quidem utrumque a Summa TVA eruditione, quam omnes, quibus Res Physicas & Anatomicas colere concessum, venerantur ac stupefunt, majore mihi fiducia polliceor, utpote cui non hominis tantum, sed naturæ, viscera cuncta evolvere licuit: adeo quidem, ut ad scripta TVA incomparabilia & concentrata maxime totus Orbis Anatomicus, tanquam ad Centrum & Polum unicum, reflectat. Censuræ proin TUÆ præsens expono opusculum, cum tantilli illius, quod in hoc congregare potui, maximam partem TUIS pariter lucubrationibus in publicum editis, ac colloquio, quod per literas amicissimas per aliquot hætenus annos mecum coluisti, debeam. Vale! VIR CELEBERRIME, & me, ut soles, ama.

AD LECTOREM.

COgitata hæc Anatomico-Physiologica, quæ sub titulo *Oeconomia Corporis Animalis* Tibi exhibeo, non eum in finem exscribi concessi, quasi argumenti novitas peculiarem a Te sibi promittere queat admirationem! aut applausum, utpote quod infiniti ante me Scriptores evolvere in se susceperunt. Multo minus me illa ideo congeffisse, moneo, quasi quæ in hoc rerum genere ab aliis non visa, neglectave, eruere, complere, &, Promethei instar ignem cœlestem mortalibus tradentis, Naturæ mysteria propalare velim aut mihi præsumam: ab hoc enim arrogantia genere me alienum norunt, quicumque me norunt, & humeris meis doctrinæ hujus momentum impar credo, ejusmodi illius conscribere systema, quod vel plerisque tantum, ne dicam, omnibus ac singulis, functionibus animalibus debite ac sufficienter declarandis se accommodet. Sed hujus in publicum prodeundi ausus stimulos illis potius debeo, qui visis, quas olim & in gratiam nonnullorum, exercitium disputatorium desiderantium, edideram & typographus me incio & invito recuderat, *Exercitationibus Physiologicis*, harum exemplaria vel a me, vel a Bibliopola petebant, quibus nihilominus neuter nostrum gratificari poterat. Horum E. in studia mea affectui assurgere, illis tamen simul declarare, volui, quam inepte & frivole egerit ille typographus, qui proprio magis lucello, quam Publici commodo, inhians, thesibus illis, quas paucis tantum amicis destinaram, aliis Viris Eru- ditis molestiam creare non veritus fuerit. Hinc tandem Functionum Animalium potissimas contemplatus meas circa has conjecturas in chartam conjeci, non quod indolem harum majoris æstimem, sed ut ex his etiam dignoscant alii; quantum in rebus naturalibus me nescire, lubens profitear, ac præsentis scripto tester. Si itaque in hoc intricata, dubia, imperfecta, L. B. observes, me forsan plura ejusmodi farinæ Te ipso, annotasse, scias, emendare nihilominus ac evolvere mihi illa haud licuisse; est enim labor hic non hominis, sed hominum, Tibi ut felicius contingat fatum,
opto.

AD LECTOREM.

opto. Interim a Doctioribus, quibus negotii hujus difficultas innotescit, veniam imperfectionis & immaturioris conatus me impetraturum, confido, cavillatorum nugas rideo, causam mihi dicente Hippocrate de Arte: *At vero verborum inhonestorum arte ad ea, quae ab aliis inventa sunt, confundenda promptum esse, nihil quidem corrigendo, eorum vero, qui aliquid sciunt, inventa apud ignaros calumniando, non sane scientia votum aut opus esse videtur, sed proditio magis natura sua aut ignorantia artis. Solis enim artis ignavis hoc ipsum factum convenit &c.*

INDEX PROGYMNASMATVM.

Progymnasma I. De Generatione & Conceptione. p. I.

II. De Vita & Nutritione Foetus. 22.

III. De Part. 33.

IV. De Principio Vitali s. Forma Corporis nostri Animalis. 42.

V. De Respiratione. 72.

VI. De Sanguinis Circulatione. 89.

VII. De Nutritione. 105.

VIII. De Appetitu Ventriculi. 114.

IX. De Alimentorum assumptione. 120.

X. De Chylicatione. 128.

XI. De Chyli Depuratione & Motu per Intestina. 144.

XII. De Chyli Motu per Vasa. 149.

XIII. De Sanguine & Sero. 166.

XIV. De Urinae Secretione atque Excretionem. 185.

XV. De Transpiratione & Sudore. 203.

XVI. De Purgatione Menstrua. 213.

XVII. De Epatis Officio. 230.

XVIII. De Lienis Usu. 248.

XIX. De Spirituum Animalium Natura. 259.

XX. De Spirituum Animalium Generatione. 274.

XXI. De Spirituum Animalium Dispensatione. 286.

INDEX PROGYNASMATVM.

Progymnasma XXII. De Sensibus externis in genere. 279.

XXIII. De Tactu. 307.

XXIV. De Gustatu. 318.

XXV. De Olfactu. 327.

XXVI. De Auditu. 341.

XXVII. De Visione. 357.

XXVIII. De Sensibus internis. 376.

XXIX. De Motu Animalis. 387.

XXX. De Somnio & Vigiliis. 403.

INDEX DISSERTATIONVM.

Dissertatio I. De Alkali & acidi insufficientia pro principiorum seu elementorum corporum naturalium munere gerendo. 413.

II. De Aeris in sublunaria influxu. 433.

III. De Menstruo universali animali. 463.

IV. De Duumviratu hypochondriorum. 477.

V. De Trepanationis difficultatibus. 493.

VI. De symptomate urgente. 515.

VII. De arte naturæ æmula. 533.

VIII. De medicamentorum Chymicorum & Galenicorum præpollentia dubia. 557.

IX. De Abortu salubri. 598.

X. De præmaturiore intermittentium fuga suspecta. 619.

XI. De experientia fallaci. 641.



I. N. I.

CIRCVLI ANATOMICO- PHYSIOLOGICI

PROGYMNASMA I.

DE

GENERATIONE ET CONCEPTIONE.



Vincta præter reliquas creaturas animantia, adeoque hominem etiam, quamvis præ cæteris Animæ Rationalis ac Immortalis prærogativam a Summo Creatore receperit, interitui ac corruptioni obnoxia esse, quotidie nobis & circa nos contingentes casus credere jubent. Conservandis proin ac propagandis ad finem usque rerum speciebus per Potentissimum illud *Multiplicamini & Benedi-*

ctionem Divinam vis generandi simile brutis æque ac homini Clementissime concessa fuit, & adhuc conceditur. Quæ potentia sicut a Creatore in Creaturas emanat, ita equidem huic haud difficile fuisset, perenni & continuata creatione perennitati specierum animalium prospicere, id est, singulis harum individuis pereuntibus unum, imo plura, per *Fiat* Suum Majestaticum substituere: aliter tamen placuit Sapientissimo Numini, creaturis productis, finita sex dierum creatione, totum negotium,

A

Gene-

PROGYMN. I. Generationis puta, committenti, ac per congrua & sapientissime adaptata animantibus organa subsequenter universi seculis in & sub generatione agenti, adeoque certis mediis, sexus nempe disparitati & mutuis amplexibus, in prima statim creatione se quasi adstringenti.

Duplex semen Ad prolis siquidem, per naturam constitutam, productionem duplex
ad generatio- requiritur semen, masculinum æque ac foemineum : quorum hoc mate-
nem necessari- riæ potissimum, illud efficientis, rationem habet. Mater, quem foetui
um. constituendo suppeditat, liquorem genitalem intra proprios testiculos, distinctis vesiculis ceu ovulis, inclusum tenet: qui ideo & propter majorem, quam cum alitum vitellario præ masculorum testiculis habent, analogiam Ovaria Neoterice recte audiunt. Symbolici equidem illius ovi, quod Veteribus sacrum fuisse, horum Scriptores passim testantur, ideo quod formam mundi non tam extrinsecam, quam intrinsecam, seu modum & rerum omnium antiquitatem id complectatur, i. e. maximum naturale mundi orientis mysterium obumbret, fundamenta ponderare, mei in præsentiarum haut erit, multo minus antiquum illud, *Omnia ex Ovo*, probare in me suscipiam; Harveum nihilominus cum alios rerum naturalium accuratiores Ruspatores, Anatomia comparativa suffultos, sequi observem, ova quoque venditare, i. e. ex Ovo animalia perfecta cuncta, adeoque & hominem, produci, asserere haud vereor.

Testiculi muliebres sunt Ovaria.

Animalia cuncta ex Ovo.

Quam enim plurium hactenus seculorum Scholæ foverunt inter Vivipara & Ovipara differentiam, illam nominatum *Angila Decus* per scriptum, *de Generatione animalium*, ambiguam reddebat, donec conjecturæ huic Harveanæ a reiteratis sectionibus, observationibus atque experimentis multifariis, in utroque animalium genere adornatis, plus successive certitudinis atque autoritatis contigerit, ac omnium animantium primordia in & ex ovo deprehensa fuerint. Siquidem non aliqualem tantum, sed ejusmodi oviparorum & viviparorum analogiam, quæ ad discrimen hoc plane solvendum & ad conceptionis atque œconomix pulli in ovo ac foetus in utero conformitatem evincendam adæquata, diversa svident phænomena, ut non tam Ovum Ovo, quam viviparorum generatio oviparorum productioni, simile magis videatur, modo partes ovi, gallinæ v. g. essentielles seu pullum constituentes a partibus nutrientibus & conservantibus, seu minus essentialibus & accessoriis distinguamus. Sc. Cicatrix ovi pennatorum pars essentialis soli-

Ovi pennatorum partes duplices.

solitaria est, vitello adhærescens, cui liquor seu colliquamentum genitale inexistit, & cujus producti alendi ac augendi gratia vitellum compductum, albumen vero superinductum, videtur. Hanc cicatriculam vivipara cum oviparis communem possident, i. e. vesicula spermatica muliebris præter cicatriculæ illius contenta nec plus, nec minus involvit, sed tota cicatriculæ nomen meretur: adeoque & quia vitellum cum albumine non pullo formando, sed nutriendo, dicatum, homo vero ejusdemque generis animalia reliqua conceptum suum intra ilia propria fovent ac maturant, dimenso tali horum foetus haud indigebant, sed novam quotidie a matre captant alimoniam. Latius justo extendunt, aut, si mavis, incongrue applicant vulgo distinctionem inter ζώονα & εἰς ζώονα; utpote per quam sine dubio non principiorum & conceptionis, sed partus seu enixus solummodo, disparitatem innuebant præter Notionum vim ejusdem primi inventores: i. e. alia animalia fovent ova intra alia extra se.

Distinctio inter ovipara & vivipara male applicatur.

Fœmellæ E. præter volatiliū & natatiliū reliquæ pariter ova gerunt & fœcundata ad uterum deponunt, utpote quas vesiculas membranaceas, genitura limpidissima turgidas, intra testiculos suos alere, autopsia credere jubet. Quippe cujuscunque animalium, viviparorum vulgo dictorum, speciei testiculi inspiciantur, hi pari modo, ac ovarium pennatorum, racemum ex ovulis seu vesiculis mollioribus, pellicula propria obvolutis, humore seroso ad sensum homogeneo turgidis, a se invicem omnino separabilibus & in cumulum quasi congestis, monstrabunt: sub levi tantum hoc discrimine, quod qualibet harum vesicularum fibrosis testiculorum alveolis ceu calicibus profundius aliquantum immergatur iisque, modo arctius, modo laxius, includatur, cunctas vero involucrum quoddam insuper commune, quo vitellarius alias destituitur, obvelet, totumque quasi racemum tegat. Atque hæc vesiculæ, prout in puellis nuper natis exilissimæ cernuntur, & milia granula haud transcendunt, ita supervenientibus pubertatis annis successive crescunt & majorem molem induunt: a congressu vero fœcundo notabiliter immutantur, & earum una vel altera non raro intra tubas Fallopianas reperitur, semper vero, si paucis a coitu diebus extispiciū fiat, vestigium separatæ in testiculo comparet, ac per consequens conceptum omnibus partibus absolutum, si seminis masculini accessorium excipias, perinde ac in oviparis, se includere hic testatur.

Etiā fœmellæ viviparæ ova ponunt.

PROGTMN.I.

*Ovula hæc con-
generantur.*

Exortum suum non magis consuetudini maris debent vesiculæ hæc prolifera, ac vitella, alitum ovaria componentia, galli compressioni: quippe utraque in illis etiam foemellis observantur; quæ masculi amplexum ignorant; Sed congenerari potius ovulorum horum rudimenta prima puellarum foetibus æque, ac reliquas earum partes integrantes, intra viscera materna, vel hinc evincitur, quod in pennatis modo editis, mox ovulorum racemus conspiciatur, juxta *Aquapendentem* milii aut sinapi semen vix æquantium, juxta *Harveum* adhuc minorum & visum prope effugientium; imo in embryonis foeminei, qui vix sextum gestationis mensem compleverat, testiculis instar fundaminum exilium ovulorum horum primordia ante biennium mihi videre contigit, ut illarum vesicularum miliarium taceam, quas in ovario gemellæ monstrosæ recens editæ *Peyerus* se observasse, perhi-

*Et fluidum su-
um ab arteriis
spermaticis
recipiunt.*

bet. Lympham autem genitalem papulæ hæc successive recipiunt ab Arteriis, spermaticis appellatis, & post miras divaricationes cincinnos atque contorsiones serpentinæ testiculis horumque vesiculis ita implantatis, ut harum etiam superficiem interiorem plexibus elegantioribus exornent. An immediate vasa hæc Lympham hanc adeo concentratam infundant, dubium penes me est, cum naturam in cunctis alias secretionum suarum modis angustis & colatoriis determinatis, quæ glandulas appellamus, uti constat. E. & hic substantiæ testiculorum fibrosæ aliquid glandulosi intertextum esse, augurari liceat, quæ, vesiculas has stipans illis simile, quod uteri nervoso-glandulosa substantia conceptui, præstet, i. e. genituram præparet, & per meatulos insensiles iisdem instillet: atque hoc quidem eo confidentius assero, quod aliorum oculos, meis lynceos magis, glandulas, membranosis testiculorum fibris immensas, vidisse, percipiam.

Lamy dubia.

Hæc de ovulis humanis doctrina sicut auribus nonnullorum dura & paradoxa satis visa fuit, ita inter hos illam haud ferre potuit *Lamy*, *Gallus*, per diversa scripta alias non adeo ignotus, sui que dissensus argumenta varia protulit, quorum graviora hæc mihi videntur: Sc. primo cum *Diemerbroccio* supponit, foeminam similiter ac marem semen sub liquoris, non ovuli, forma cum voluptate ad uterum in coitu profundere, retinendum, si proliferus ille dici debeat; irritum autem hunc evadere, si ex eodem hoc promanet. Deinde

*Horumque so-
lutio.*

ovipa-

oviparorum ac viviparorum disparitatem hinc confirmare satagit, quod his, quæ nihilominus ἐλγότοκα, duplex, illis vero, quæ πολύτοκα, simplex & unicum tantum ovulorum obtigerit promptuarium: quod gallinæ effœtæ ovis destituantur harumque ovarium cum infundibulo contabescat & tantum non plane pereat; cum fœminæ etiam decrepitæ & steriles ovulis ac testiculis succulentis adhuc gaudeant, harumque Tubæ patulæ semper observentur.

Verum illam, quam fœminæ in congressu per muliebria excernunt, humiditatem semen minime æstimari posse, inde colligere convenit, quod in tanta sæpe copia ea profundatur, v. g. in vaccis & equis, quibus, quanta intra testiculorum angustias generari & colligi vix poterat, & quidem in congressu æque fœcundo, ac non fœcundo: quod nihilominus fieri haud deberet, si adeo nobilis liquor & fœtui producendo materia existeret. Potius autem fluidum hoc serum glandularum, uteri hujusque cervicis sibilis interjectarum, esse, *Gre-fius de Organ. muliebr. C. Bartholinus de Ovar. muliebr. & Malpighius in Epistola ad Sponium* evicerunt, diversisque usibus illud manciparunt, de quibus disserere hujus loci vix videtur, sufficit, non semen esse. Quod vero fœmina bina ovaria, pennata unum tantum, receperint, nec Momus Creatorem ideo taxabit, modo paulo circumspicius attendat, viviparorum quoque plura satis multipara, v. g. canes, feles, cuniculos, mures, dari, duplici instructa testiculo, adeoque nec cuncta hæc unius tantum, vel paucorum fœtum, matres existere: nec Lamy manes hoc mirabuntur, si in alitum vitellario simplici plura, quam in humanis similibusque testiculis, observabunt ovula. Quod tandem pennatorum effœtorum ovarium cum infundibulo sensibiliter maxime contabescat & fere dispereat, fœminarum hujus generis organa secus, ratio in promptu est: quod illa subventanea æque, ac fœcunda, ova ponant, adeoque non semper galli consuetudine indigeant, fœminæ autem non, nisi a semine masculino actuatæ & exagitata; unde si quæ horum cohibeantur aut supprimantur, non omnimode exarescent illarum testiculi, quamvis hos juvenculis magis turgere, vetulis notabiliter corrugari seu contabescere, autopsia loquatur. Retinent demum tubæ plus carnositatis & organisationis præ ovi ductu avium ideo, quod hic cum ovario & u-

Humor genitalium muliebrium non est semen.

Cur duo testiculi muliebres, unum vero & simplex ovarium?

Cur pennatorum ovarium cum obi ductu dispereat?

PROGTMN. I. tero magis membraneus sit, & communi cum his vaforum tractu gaudeat, unde ovario siccescente, usuque cunctorum cessante desinunt cuncta esse, quod fuerunt: uterus contra mulierum, carneus magis, decrepitis etiam succulentus satis manet, hinc nec ejus appendices tubiformes seu Cornua adeo facile in ligamenta exsucca abeant.

Totius conceptus materia in ovulo.

Etiam aliquid alimonie.

Pluribus insuper contra dogma hoc turgescit dubiis idem Gallus, quorum tamen analysin proxime insequentibus reservare, commodum cenfeo. Inpraesentiarum supponere haud ambigo, quemadmodum in alitum ovis foecundatis cuncta pulli conformationi necessaria cum alimento praesto sunt; ita cuilibet ovulo humano, a masculini seminis virtute actuato, binas membranas, foetum ambientes cum ipsius embryonis ac placenta uterinae futurae rudimentis seu primis staminibus inexistere, ipsique, postquam ad uterum devolutum, praeter nutrimentum nihil a matre accedere. Imo nec sine adaequata ac proportionata alimonia primum conceptum seu ovulum impraegnatum habitaculum hoc novimestre subintrare, sed priorum dierum annonam secum apportare, hinc verosimile fit, quod uteri lateribus nondum cohaereat, adeoque nec a matre statim pabulum recipere queat.

Materiam generationis sola mater praebet.

Nihil ejus pater.

Materiam E. conceptui sola mater, nihilque ejus pater, suggerit, pari iterum ratione, ac in oviparis fit; quorum galli semen, ob sui paucitatem, penis ejaculantis brevitatem, vaginae angustiam ac uteri & oviductus longitudinem atque tortuositatem, vitellarium vix conscendit, quantitas nihilominus ejus exilis pluribus ovis simul foecundandis, nec obstante, quod vitella horumque cicatriculae tunica densiore obducantur, adaequata existit: quod fieri minime posset, si praeter formam illa aliquid materiei sibi inde promitterent, i. e. si ovario hujusque singulis ovis substantialiter commisceri horumve fluidum subingredi deberet. Pariter experientia multijuga edocemur, ejusmodi foeminas non raro concipere, quas penem masculinum sub amplexibus venereis intra vaginam haud admisisse, certum. Dum *Riolanus anthropogr. l. 2. c. 34.* foeminam, cujus vaginae orificium a praecedanea & violentiore distocia laceratum maximam partem & eousque coaluerat, ut vix specilli apicem admitteret, nihilominus denuo impraegnata, aliam vero imperforatam, & quae frigiditatis coram judice

judice accusabat maritum, his non obstantibus, gravidam deprehensam fuisse, perhibet : & *Guillemeau de l'heureux accouché* l. 2. c. 10. virginem quandam, cujus orificium uteri externum totum fere membrana spissa & firma admodum constipabatur, ut deflorari a marito non valeret hinc chirurgia indigebat, quarto ab incisione mense puellam peperisse, refert, prioremque Riolani observationem prolixioribus circumstantiis *αὐτόπτης* confirmat. Cujus etiam generis est, quod *Blanchart Collect. Med. Phys. cent. 3. obs. 56.* suggerit, concepisse nempe foeminam post sterile septem annorum matrimonium, cujus orificium uteri externum pariter carne firma, relicto exilissimo tantum foramine, occludebatur, hinc pro partu juvando diæresi opus habuisset. Imo quibusdam animalibus ejusmodi contigit conformatio, horumque vaginæ longitudo ac tortuositas v. g. cuniculis, ovibus & vaccis, ratione cujus seminis masculini crassamentum uteri interiora conscendere, vix concipi valet; præprimis in vaccis, quarum vagina mucos lento seu iclore gelatinoso repletur ac orificium uteri internum obturatur : ut taceam, quocunque in loco genituræ foemineæ imprægnationem supponamus, masculinam tamen hujus folliculum densum satis excludere, ejusque immiscelam inhibere. Facio proin meam, quam Aristoteles 1. *de gener. animal. c. 2. & 20.* ejusque affectuæ propugnant, sententiam, marem formam & principium motus, foeminam vero corpus ac materiam, suppeditare, i. e. illius semen efficientis solummodo rationem habere.

Semen masculinum tantum efficienter concurrat.

Neque hoc paradoxum propterea censeri debet, quod tantillum ovuli liquoris generationis ac nutritionis materiæ simul minus proportionatum existat, i. e. forsan embryoni formando totum impendatur, nihil ejus pro alitura relicto : quatenus primis & tenerimis corpusculi ejusmodi sientis fibrulis exigium quoque alimonix sufficit; præprimis si aut nihil, aut paucissimum & insensile admodum, ex antecedaneis concludamus hoc, quod mas ovulis, viviparorum æque ac oviparorum, impertitur. Fateri equidem nos jubet autopsia circumspectior, cicatriculam ovi subventanei ut plurimum paulo minorem, in prolifico majorem, existere; minime tamen mox accessorium sensibile seminis masculini inferre aut fingere licet, cum spumescencia & rarefactio, qualem a semine masculino, maxime fermenta-

tivo

PROGTMN. I. tivo & activo, foemineo contingere, nemo Philosophorum aut Medicorum negabit, papulam illam foecundam in maiorem molem non distendere nequeat. Imo solum sperma muliebri principium prolis materiale sancire, aut potius conjicere, urgemur, eadem inspectione ovorum accuratiore persuasi, qua constat, in hypenemii ovi non minus, ac foecundati, cicatricula sacculum quendam cinereum cum incluso corpusculo albicante deprehendi, sub hac tantum disparitate, quod hoc pulli caput & carinam distinctius in foecundo, in subventaneo confusus, & instar molae informis, exhibeat, illudque circulis diversis circumvalletur, hoc appendices tantum reticulares & irregulares magis habeat, uno verbo, non materia, sed forma duntaxat, discrepent. Et quam alias diversarum scholarum Philosophi inter semina vegetabilium ac animalium profitentur congruentiam, praesentem quoque theoriam notabiliter illustrare videtur: dum pari forsitan modo ac unus idemque ejus succus a motore intestino in pulpam alimentariam & germen vegetans cogitur, semen masculinum ex congruis ovuli foeminei particulis stamina primigenia embryonis texit, reliquum vero ejus fluidum in nutrimentum ejusdem adaequatum deliquat.

Cadit proin etiam per hanc crassior commiscela & mutua utriusque geniturae pro semine completo constituendo subactio, quam intra uteri cavum ex Aristotele & Galeno sibi suisque discipulis persvaserat Antiquitas, neque sub hoc sensu auscultare amplius conceditur *Lucretio*, canenti:

Semper enim partus duplici de semine constat.

Ita tamen, ut eo ipso, quo efficienter seu formaliter genituram maris in generatione se habere, assero, non vim quandam incorporam & conceptui mentis nostrae non adeo disparem, seu spiritualem tantum ejus irradiationem, quali Harveus delectabatur, in hoc negotio admitto, sed contactus quidam corporeus utriusque sexus liquoris genitalis fiat, necesse est, licet infinita & inexplicabilis forte subtilitatis minima illa masculini, quae porulos ovuli subeunt huiusque fluidum subigunt, credere moneant phaenomena hactenus recensita. Quamvis enim nihil seminis masculini post coitum in utero reperiatur, quale quid de damis idem Harveus testatur, imo hoc post coitum etiam foecundum denuo effluere videatur: ambiguum nihilominus

Semen masculinum nihilominus per contactum agit.

ominus relinquatur, an illud totum, i. e. hujus activa magis portio simul excernatur? item, an omne, quod rejicitur, genitura maris, an non maximam partem pituita illa uteri deliquata, de qua superius dictum, sit? potissimum cum tota uteri hujusque partium compages porosa atque spongiosa imbibendis his particulis fluidioribus & valde penetrantibus satis idonea existat.

Masculinum hoc semen an intra testiculos viriles conficiatur, an tantum perficiatur, nemini litem movebo: hoc interim perpetue veritatis observatur, cunctorum animalium, mutuo congressu generantium, mares testiculis instructos esse: ita quidem ut invito quavis Aristotele, pisces ac serpentes quoque illis gaudeant, horum extractione illorum quælibet ad procreationem sobolis inepta reddantur, & ad quam *Tb. Cornelius* in exsectis libidinantibus largioris genituræ profusionem provocat, fallax sit, & prostatarum potius productum illa castratorum exspumescencia videatur.

Sine testibus equidem equos & tauros aliquando generasse, admitti potest, illos videlicet, quorum vesiculæ seminales tantum forsan adhuc genituræ prolifera, a testibus olim elaboratæ, asservant, quantum unico foetui producendo sufficiebat, ast, unde cani illi, quem testiculis extirpatis filios generasse idem *Consentinus* testatur, tanta vis extiteris, non liquet,

nisi vasorum ejus deferentium extremitates, quæ ordinarie in hoc animalium genere nonnihil ampliantur, latiores & vesicularum seminatum aliorum animalium ad instar (quibus canes alias destituuntur)

dilatatas fingamus. Quippe in homine similisque conformationis animalibus reliquis semen in coitu haud immediate e testiculis per vasa ejaculatoria effunditur, sed ejus illa tantum portio vibratione venerea projicitur, quæ ab illis sensim ad receptacula illa vesiculosa deposita, inque iis sæpe per aliquot dies, menses, ac diutius, asservabatur: præprimis cum impetus ejusmodi ejaculatorius ac tanta seminis quantitas, quanta una sæpius compressione excernitur, ab angustissimis ac longissimis canaliculis, ex quibus testiculorum compages conglomeratur, intra breve adeo coitus momentum sperari minime posset.

Quam enim testiculis horumve vasis deferentibus cum vesiculis communicationem *Wharionus* & *van Horne* denegabant, atropsia edocet, & liquor per syringam vasis illis impulsus retrogrado quasi ab

B

horum

A testiculis præprimis seminalibus semen est.

Quadam animalia post castrationem adhuc generare possunt.

Canes minimalium

Semen in coitu excretum vesicularum est.

Testiculi cum vesiculis seminalibus communicant.

PROGTMN.I.

horum insertione & serpentino quasi motu vesiculas dictas replet, antequam ejus aliquid in meatu urinario compareat, ita ut non, nisi folliculis his turgidis, seminis excretio expectari queat.

*Summa humo-
ris genitalis
activitas,*

*Cerebri & te-
sticuli
conferentia*

*Generatio in-
choatur in te-
sticulo mulie-
bri.*

An materia hujus geniturae juxta Hippocratem ab omnibus ac singulis parentis membris decidatur? an sanguis, an succus alius huic involutus, eadem sit? quid semini & generationi humor Prostatarum conferat? item, an prater succum nervosum ipsi intermixtum in turgescencia venerea de novo & plures spiritus animales ad organa virilia transfundantur? non inquiram, in praesentiarum mirari sufficit summam ejus activitatem & penetrandi facultatem. Quatenus

gallus una vel altera gallinae compressione si non totum hujus ovarium, ex vitellis ultra viginti non raro coagmentatum, certe maximum ejus racemi complexum, foecundat, papiliones miram ovulorum copiam unico congressu actuant., &, prout historiae superius allegatae evincunt, interdum vix muliebrium extremis affricum maris semen foeminas impraenat: uno verbo, instar miasmatis contagiosi aut magnetici muliebria irruit, ac in his corpusculi organici prima stamina nedit, ejusque motum vitalem inchoat, infracto quidem ovuli cortice. Quam quidem ineffabilem energiam planius concipere licebit, si mutuum illud commercium, quod cerebrum & testiculos, genituram & succum nervorum, intercedit, accuratius pensitemus, & quantum unius dispendium alterius efficaciam enervet, attendamus: ita ut liquorem genitalem cerebri fluido, si non per omnia similem, certe ratione actuositatis admodum conformem, augurari conveniat, dum eorum uterque magno impetu, determinato tamen, non tumultuario, agit, quicquid agit; nec adeo inepte testiculorum conformationem cerebri structurae analogam, illosque alterum cerebrum pronunciavit Borellus.

Locum in quo semen energeticum, in coitu profusum, potentiam suam in ovula exerat, determinare mihi vix praesumo, ingenia siquidem diversa enormiter quaestio haec exagitavit: probabiliora nihilominus mihi visa aequiori censura expono. Sc. cum primo non tantum per Harvei, sed aliorum quoque inspectiones frequentiores constet, statim a coitu foecundo nihil conceptus vel ovuli intra uterum reperiri; secundo prima & sensibilibior ab eodem mutatio circa testicu- lum

lum observetur; *tertio* ova pennatorum intra ovarium adtuentur; ac *quarto* ovula motore opus habeant, quo ex profundioribus & strictioribus testiculorum lacunis protrudantur, verosimile fit, intra hos formationis negotium inchoari, i. e. conceptionem contingere. Nolo aliis horumque, quibus delectantur, ratiociniis difficultatem movere, ne hos intempestive laceffere adeoque taxanda pruriginē laborare videar. Quartum nihilominus meum argumentum, quia facile impugnari posse prævideo per illa, quæ ab uno alterove supponuntur, quasi ovula muliebria maturiora vinculis, strictioribus hæctenus, laxatis, partim a tunica testiculorum fibroso-carnea, partim a laciniis tubarum musculosis, elidantur atque exprimantur, & quidem antequam seminis masculini contactum experta fuerint: hypothese huic vel ideo absolute subscribere nequeo, quod tubarum extrema fimbriata exturbationi huic insufficientia, fibrositatem vero testiculi stricturam & impulsus illarum turgescentiæ ac complexui haud semper synchronicam, hinc ovulorum plurium, ad abdominis cavum elabentium, perditionem verear; ne repetam notabilem illam alterationem, quam a coitu testiculo contingere, autopsia evincit.

Non inficior equidem, unum ovulum altero maturius & ad secessum paratum magis existere, i. e. testiculo laxius tantum adhuc coherere, adeoque eorum unum, rato bina, rarius trina, in homine aliisque hujus generis parumparis tantum una vice fecundari atque elidi: ipsam tamen ovuli tendentiam intrinsicam & determinatam ambientium compressionem maximam partem ab extra supervenienti elasticitati seminis masculini in acceptis referre poterimus. Ut potest per quam ovuli fluidum spumescit, pelliculæ distenduntur, & a fibrosis testiculorum vinculis avelluntur, musculosæ vero ambientium expansiones ad contracturas extraordinarias, sub Creatoris tamen provida directione & immutabili naturæ lege, urgentur. Sine conspiratione siquidem ejusmodi uniformi & sine seminis masculini impressione si contingeret ovula decidua fieri, quid impediret, eorum plura successive irritato conatu ad uterum devolvi in putrilaginem exitiosam degenerare, imprimis in illis foemellis, quibus maris consuetudo denegata. Denique si ordinarie absque masculino semine exagitatore ovula testiculorum putamina elaborentur, frequentiores in

Vix sine præcedente coitu ovula testiculos deserunt.

Qua ratione semen masculinum ovulum ad secessum urgeat?

PROGTMN. I.

Intra testiculos perfecti conceptus formati.

illorum subjectorum, quæ coitum non experta, testiculis foveæ, i. e. illorum vacuæ quasi calices, conspicerentur, quales nihilominus minus secundo successu investigamus. Faciunt huc observationes ejusmodi, quibus intra testiculorum claustra vesiculas illas genitales foecundatas & in completum conceptum evectas legimus. Dum v. g. conceptus extra uterum & tubas non laceratas, per consequens in testiculo productos, *Jacobum Grandium* Venetiis vidisse, *Nobilissimus Bartholinus de Ovar. mul.* innuit: cujus etiam generis phenomenon, *Anglorum Phil. Transact.* 147. insertum. Sc. Canis foemellæ gravidæ foetus a percussione intra ejus viscera moriuntur & in tabem abeunt, cujus etiam aliqua pars per cervicem uteri excernitur: quo non obstante eadem denuo imprægnatur & moritur. In cujus cadavere dissecto cornua uteri priorum catulorum ossibus & carnibus putrilaginosi omnimode effarcta, conceptus vero posteriores abdomini inhaerentes cernebantur, sine dubio, quod in testiculis actuati cornua constipata intrare haud potuerint. Quibus addenda, quæ *Dn. de S. Mauricio* in foemina quadam ante triennium circiter deprehendisse, *Abbas de la Roque journal de Medic. No. 1.* refert. Hæc octo olim infantum felix puerpera ex symptomatis ordinariis se gravidam credebat, post bimestre vero animi deliquio corripitur, sudore frigido & asphyxia, cum torminibus inguinis dextri, ad renalem usque regionem expansis ac parturientium tandem conatibus similibus. Sub quibus cum vita defungeretur in abdomine ejus aperto præter cruoris abundantiam singularem masculinus foetus perfectus, tuniceis evolutus pollicem crassus ejusque duas tertias longus, testiculus dexter sinistro quadruplo crassior, in parte a tuba averſa laceratus, cruore refertus ac procul dubio a grandescens inibi foetus mole disruptus reperiebatur, tuba ejusdem lateris naturaliter & instar sinistrae se habente, ac utero constitutionem ac magnitudinem non imprægnati exhibente.

Generatio absolbitur in utero.

Sicut autem vix concipi valet, partes in conceptu omnes simul, sed successive demum, produci, & momentaneum genituræ masculinae contactum apparatu huic constituendo parem esse paradoxum videtur: ita rationi conformius est, intra uterum illam non mox torpescere, & de activitate sua remittere, sed hujus totam compagem cum appendicibus suis eandem fertilitatem ab eo susceperere i. e. formationem embryonis

bryonis in testiculo inchoatam intra uteri sinum continuari, hujusque fotu & complexu intendi ac juvari, præprimis cum paucis ab impregnatione diebus, & antequam aliquod conceptus rudimentum in utero compareat ejus substantiam spongiosam notabiliter immutari, inflari, intumescere &c. constet. In oviparis equidem res aliter se habere videtur, aut tantillum forsan est, quod vitellum & albumen activitatis atque energiae a semine galli intra uterum recipit: quatenus horum utrumque æque ac ipsius cicatriculae fluidum primigenium ab illo mox intra ovarium actuantur, i. e. totum ovum uno actu, antequam oviductum aut uterum illabatur, in racemo foecundatur & vigoratur, ut nullo exagitatore externo ulteriore opus habeat. Sed in viviparis dimensum, quod uterus hospiti suo quotidie subministrat, quodque staminibus hujus primigeneis, instar tomenti apponi debebat, activitate & fermentatione illa plastica pariter ac materia ipsius germinis primi, opus habet, antequam gratum embryoni evadat epulum, i. e. non nisi caractere genitali determinatum & actuatum membrum ejus tenellis constituendis & augendis idem aptum evadit. Hinc toto gestationis tempore uterus non ut cella tantum hujus penuaria, sed ut culina insimul præparatoria, erit attendenda, in qua per digestricem seminis masculini virtutem, quicquid succi nutritii a matre deciduum huc ablegatur, illius corpusculo subigendo, fermentando ac alternando præparatur.

Quibus autem canalibus seminis illæ particulae agiliores & actuantur ovario muliebri adducantur, novas inter scriptores peperit lites, dum eorum alii per canales tubarum manifestos, alii intervenientibus vasis sanguiferis & mediante demum circulatione illas testiculis affundi sibi persuadent. Prius cum *Graefio* plures hactenus defenderunt, quamvis vano satis conatu, cum materia illa, in tubis post coitum reperta, quamque pro semine masculino venditat, illis etiam foemel-
lis, quæ non coierunt, inexistat, adeoque haud infallibiter genitura masculina extrinsecus adveniens pronunciari queat: potissimum cum ipsum *Graesium*, hypotheseos suæ oblitum *cap. 13.* offendamus, dum humorem a semine alienum tubas dictas interdum oblinere ait; ut taceam, eundem crassamenti seminis aditum versus uteri interiora cum aliis n. gasse, serum nihilominus tubarum glutinosum pro eodem

*Per quas Bias
semen ma-
sculinum te-
sticulis adfe-
ratur.*

*Non per Tu-
bas.*

PROGTMN.I. inepte & contradictorie satis venditare. Et licet Fallopii autoritatem in partes vocet, ipsum nihilominus hujus textum in *Observ. anat.* legenti dubium manebit, an latex, quem semen vocat, masculinum, an foemineum, sit: & quidem eo magis, quod appendicibus his uteri citato æque loco ac in *Instit.* deferentium vasorum manus depeget, nec addat, a coitu tantum se materiam hanc vidisse, item quod in *Observat.* verbis antecedaneis edisserat, se, quæ de Tubarum conformatione & usu scriberet, in virginum & mulierum, illarum pariter quæ coierunt, cadaveribus observasse. Eandem difficultatem magis auget, quod per ipsius Graefii pariter autopsiam in cuniculis tertio demum a coitu dietubarum extremitates testiculis adaptari cernantur, ovulis intra hoc tempus ac citius alteratis. Facit huc, quam ex *Phil. Transact.* retuli, canis superfoetatio singularis, ubi priorum & intra vitalitatis officinam enecatorum catulorum membra putrilaginosæ cornua uteri ita infarciebant & opplebant, ut nec corpori seminis, nec auræ seminali, ullus per hæc concederetur aditus, contigerat nihilominus nova imprægnatio.

*Nec per Vasa
sanguinea.*

Alteram & illorum proin amplecterer sententiam, qui, cum in animalium post coitum apertorum nec uteris, nec horum antennis semen cernerent, hoc, aut ejus auram spirituosiorem, interveniente uteri substantia a venis & massa sanguinea absorberi, hujusque demum fermentatione peculiari ovula foeminea imcompleta actuari & foecundari asserunt, pari circiter modo, ac medicamentorum, sive topicorum, sive haustorum, item alimentorum, primis viis adhuc inexistentium partes energeticas immediate magis implicari, constet: nisi me ab hac diverteret, per hanc commiscelam necessario aut sanguinis massæ ingenti tantillum seminis plane & ita demergi, ut ab hac præter modum discontinuatam ac dilutum omnem in ovula energiam perdat, aut illum a fermentativis hujus particulis in motus efferos & individuo exitiosos cieri. Potissimum cum breviori tractu fieri poterat penetrantissimæ hujus & instar sulphuris cuncta perrumpentis substantiæ translatio: Sc. per porositates & spongiosam uteri hujusque appendicum quarumvis testiculis continuarum substantiam; hæc enim est quæ a spiritu hoc genitali infuso mox turgescit & sensibilibiter satis ad testiculum usque alteratur. Imo ab hujus trajectu sine dubio

*Sed per uteri
porosam sub-
stantiam.*

dubio contingit, flaccidas & languentes hactenus Tubas tendi, & ad ovarium pro excipiendo ovulo deciduo exporrigi, prout inferius patefcit.

Atque hæc quidem fatis libere explicata ratione succederent, niſi obicem ſemini mafculino ponere videretur ichor ille mucofus, quo muliebrium genitalium interiora extra complexum venereum parcius, in coitu uberius, madent: utpote a cujus lentore aut particulis elafticis & generativis omnem plane ad penitiora aditum denegari, aut has ab illo maxime inviſcari ac obtundi, verofimile eſt. Verum an- *Unde humiditas uteri interna.* notari oportet, lacertofam uteri & tubarum ſubſtantiam ſub variis fibrarum ſuarum inclinationibus & implicationibus porofitates (glandulis forſan ſtipatas) ſpongiformes innumerabiles fovere, quæ cum corporibus glandoſis in vagina conſpiciſ, per minimos & cœcoſtubulos, mucaginem ſeroſam ad interiora muliebrium plorant, & quidem ſub orgasmo venereo copioſiorem, propter aliqualem tunc temporis ſanguinis ſtagnationem ac fibrarum tenſionem majorem: non ſane, quæ titillando hujus voluptatem intenſiorem reddat, ſed quæ potius propagandæ inſimul ſpeciei immediatum magis officium præſtet.

Quale hoc ſit, vix ullus hactenus ſcriptorum determinavit, aut *Cujus uſus?* determinare auſus fuit, præter *Celeberrimum Malpighium*, cujus conjecturæ eruditiffimæ non exigua laus conſtat & conſtabit. Hic nempe in *Epiftola ad Sponium* exarata autumat, ichorem hunc effuſo intra vaginam ſemini virili obviam fieri, ita ut, quemadmodum hujus craſſamenti ingreſſum prohiberet, ejusdem particulas volatiliores abſorbeat, ſeu illius halitilibus ſpirituofis menſtrum ſeu vehiculum opportunum ſubminiſtret, ac ab iisdem ſibi admixtis in turgeſcentiam ſeu fermentationem ſingularem abripiatur, qua mediante uterus hujusque partes non tantum ſolidæ, ſed fluidæ pariter, in motum cican- tur, donec ab ovario media tuba exceptum ovulum hac mixtura irrorari & energetico mafculini ſpermatis ſpiritu fœcundari poſſet &c. Quod quidem dogma licet paradoxum ſatis appareat, ideo præprimis, quod tantus humiditatum uterinarum confluxus exigium virtutis illius plafticæ forſan inundet & fatuum reddat, ſimili ratione ac pauci vini guttulæ per aquæ amphoram diſperſæ efficiam ſuam per-
dant:

PROGTMN. I. dant : cunctis tamen pensatis circumstantiis , si non omnes , certe plurimæ, difficultates asserti disparebunt.

Quippe *primò* plurimum fermentorum molecula minima ingenti fermentandæ massæ sufficit, imo, quod magis, hanc, ut in alia pariter concreta vim fermentativam exerat, disponit & adaptat, i. e. a mole fermentandi majore fermentivis non semper obtunditur. *Deinde* Spiritus genitalis fermenta mechanica cuncta sua energia longe antecellit, quia vitalis & ad subigenda sibi adæquata, ingentis quamvis molis, accommodatus seu transmutativus simul observantur, i. e. qui quod fermentat, seu fœcundat huic fermentativam & fœcundandi virtutem itidem concedit : par circiter phænomeno, ac, qui chylus a Lympha modo conficiebatur, paulo post chylicatoriam virtutem, si ad Lymphæ diaphaneitatem evectus fuerit, recipit. Quod porro *tertio* in semine minus mirandum, quatenus quotidiana edocemur experientia, unum tantum gonorrhœa virulenta affectum si admiserit fœmina, fluidum ejus uterinum præsens æque, ac mediante hoc succedaneum quoque, fracedine ac virulentia non adeo facile delebili infici, vixque efferatiorem dari virus venereum propagandi modum, quam qui per seminis affriktionem contingit. *Præterea* illa plerisque animalibus in coitu solennis genitalium collisio & reciprocatio non ut merum libidinis æstrum concipi debet, sed spumescentiæ tam fluidi mulieris, quam seminis masculini, hinc intimiori utriusque commiscelæ, litare videtur : imprimis cum experientia constet, imprægnationem tunc ut plurimum & felicius contingere, si utrumque horum simul prorumpat, & in amplexus quasi mutuos ruat, hinc unum altero facilius connubat, quam si singula dispari impetu & successive demum excernantur.

Modus fœcundationis.

Qua ratione autem in ovulum hujusque fluidum semen masculinum agat, seu quomodo hoc germen prolificum, tanquam illius complementum, in eodem producat, res ardua & tantum non mysterii plena est. Coaguli vices masculino, lactis fœmineo, semini vices decernit *Aristoteles l. 1. de gener. animal. c. 20.* a cujus partibus præter *van Horne*, qui sanguinem maternum ab illo coagulari ait, illi stare videntur, qui acidi masculini ac fœminei alcali concursus & coalitum sibi fingunt. *Plazzonus* masculinum crassius, farinæ, fœmineum,

neum, aquosum, aquæ comparat, ex quibus conflata pastam vis prolifica pinset ac depset; quorum cunctorum dogmata adhuc involvuntur ambiguitatibus, facile observandis. Ex recentioribus quidam ipsa embryonis stamina solidiora & totam ejus corporaturam a masculino semine in ovulum muliebri derivari contendunt: sed dispicere nequeo, spissitudinem & soliditatem, quam in illius atomis volatilibus & mobilissimis concipiunt, multo minus, quomodo hæ sibi relictæ in solidum embryonis corpus concrecere atque coagulari queant, aut semini foemineo instar staminis existant; ne repetam, quæ superius contra materialem genituræ virilis concursum producta fuerunt. Probabilius est, hoc, quicquid in generatione præstat, semen masculinum motu præstare, quatenus non tantum ex ejusmodi particulis coagmentatur, quæ tenerrimæ & mobilissimæ, sed ipsi generantis quoque in congressu contentio vehementior ac totius generis nervosi seu systaseos spirituum animalium nisus extraordinarius singularem impetum imprimit.

a motu dependet.

Hoc siquidem motu rapidissimo, ordinato tamen, ovulum muliebri illius atomi activissimæ seu spiritacæ irrunt, totumque hujus contentum in peculiarem spumescentiam cient, ipsi, hætenus quasi fatuo semini, germen primigenium inducunt, mox tamen & simul ejusdem motum & tendentiam vitalem inchoant, h. e. ovulum non tantum prolificum reddunt, sed conceptum vitalem producunt.

Motus hujus ratio est obscura.

Motum hunc foecundantem seu masculini seminis cum foemineo concursum, specialius & per partes determinare, vix ulli mortalium permisit DEus, cujus oculi massam nostram viderunt informem, & cujus manus nos in abdito confecerunt, liceat nihilominus de opere hoc divino ita balbutire. Nempe particulæ maxime energeticæ, a toto deciduæ, postquam a proluxa organorum genitalium cribratione ac subactione diversas configurationes sortitæ fuerunt, pro diversitate suarum idearum dum in liquorem ovuli spermaticum seu albumineum agunt, hujus partes a partibus divellunt, congruas sibi adaptant, & quod instar molæ informis illi innatabat, eousque fingunt, donec per miram coordinationem carina & membrorum embryonis rudimenta prima fabrefiant, ab iisdem particulis mobilibus & componentibus vim motivam primam pariter ac avtoma ab artifice suscipientia seu animata,

Motus hujus ratio est obscura.

C

Quæ

PROGTMNI.

Obula imprægnata minora fatiur.

*Glandulosum
obuli corpus
non generatur
sine præbio
coitu.*

Quæ dum sunt, ovula primo in majorem quidem molem distendi, mox tamen idem notabiliter subsidere, probabile est, quatenus eorum hæc, quæ nondum imprægnata, imprægnatis majora, & in tubis quæ offendimus prolifica subventaneis longe exiliora existunt, i. e. quæ antea cerasi fructum integrum, postmodum vix nucleum ejus æquant. Causa hujus subfidentiae corpus illud glandulosum est, quod fœcundatam intra testem stipat ovulum & proventum suum portioni hujus fluidi intrinseci debet: præcipitata & exturbata forsitan ab exagitatione seminis masculini. Precarium hoc videbitur illis, quibus adhuc incertum, post coitum demum fœcundum glandulosam hanc substantiam manifestari, idque ideo, quod in nuper natis fœmelis ac aliquamdiu imprægnatis etiam observetur, item, multiplex reperiatur in ovariiis illorum animalium, quæ haud multipara. Verum quemadmodum aliorum, imprimis quorum fides optima & observandi dexteritas conspicua, autopsiam in dubium vocare nefas duco, ita quin oculis propriis, cum attentione in materiam, quam mente volvo, directis, diffidam, nemo mihi vitio vertet, adeoque quantum quidem his in diversis, tam humanis, quam brutorum, subiectis usurpavi, nunquam, nisi a coitu, me excrecentiam illam glandulosam observasse, testor. Pauci elapsi sunt menses, cum puellæ sedecim, & paulo post alius, tredecim, annorum, his ipsis vero infanticidæ juveniculæ, nona a puerperio septimana, extispicium celebrarem, in quarum neutra ne vestigium ejus deprehendere potui: pariter, quos uteros vaccinos & ovillos hujus rei experiundæ causæ hæctenus lustravi, horum non imprægnatorum testiculos glomis his glandulosis vacuos, fœtorum vero illius tantum lateris, cujus cornu fœtum gerebat, testiculum uno, effœcto tamen, instructum vidi, hinc ordinarie non nisi coitus proliferi productum substantiam hanc auguror. Sicut autem experientia innotescit, per petulcam non nullarum lasciviam & nefandas frictiones actitillationes interdum, & sine omni maris cohabitatione, aliquod ovulum ad uterum provocari, subventaneum equidem: ita nec ratio deest, quin in ejusmodi subiectis sibi relictis aliquando similis substantia generetur, quatenus vel a stimulis venereis intrinsecis, vel extraordinario sanguinis & succi genitalis orgasmo, exagitationem intestinam & secessum portionis lymphaticæ unius alteriusve ovuli, imprægnationis motui similem, contingere, non impossibile est.

Hic

Hic est folliculus glandulosus & luteus, quem ovulum testiculo exturbare, cum Graëfio plures judicant, quatenus intra tunicas hujus communes & proprias exurgens totum illud obvolvatur, semisimque accrescens idem undique comprimat, ac demum tunicam testiculi rumpendo viam ipsi paret, illudque per foramen sui medii, quod papillam vocat, expellat. Mihi autem verosimilius videtur, globum hunc glandulosum, sicut primordia sua si non cuncta, certe aliquam eorum partem, lymphæ ovuli genitali minus activæ debet, ita hujus depurationi, ac particularum conceptioni minus congruarum sequstrationi, tanquam filtrum ministrari, minime vero illud protrudere videtur. Quippe ejus substantia contractioni præstandæ minus adæquata, i. e. haud fibrosa, est, sed quicquid compressionis in ovulum subjacentem exerit, a fibroso testiculi involuero habet, non ut externo tantum, sed cujus fibræ motrices ad interiora quoque se insinuant, hinc glomum hunc undique stringunt & cogunt, potissimum vero ejus papillam magis ad circumferentiam testiculi urgent, ac hujus involuero lacerato illius hiatus manifestant, ita quidem, ut, monente *Laudato Malpighio*, eum præputii instar non raro retrahant ac revellant. Quæ fibrositatum contractura dum contingit, vasa sanguifera per glandulosam substantiam decurrentia & ovulo inserta corrugantur, comprimuntur, ut arctatis & floccescentibus quasi radice seu pedunculo ejus connexu cum testiculo lavetur, donec, ut dixi, a fibrosis plexibus plane ejiciatur.

Et sic ambigere cessabit *Lamy* hujusve umbra secessum ovulorum a testibus, quibus hætenus profundius & arctius immersa hærebant, cum continuïtas eorum pristina a vasorum nutrientium arctatione & marcore ipsiusque receptaculi constrictione solvatur. Quando autem aperturam seu hiatus testiculi negat, hinc falsi aut fallaciæ *Graëfium* accusat, seu ejus foramen papillave transeunti ovulo minus parem ait, autopsiæ reclamationem, qua non tantum constat, ex observatione *Graëfii* mox ante & post ovuli secessum illum non frustra quaeri; sed in brutis aliquoties post partum adhuc papillam hiantem mihi conspiciere licuit.

Ad uterum demum devolvitur conceptus per tubas, pari modo ac in oviparis per oviductum, non obstante, quod qui harum primum inventorem

PROGTMN. I. inventorem se venditat, minus nobilem his canalibus usum & infumiculatorum seu spiraculorum uteri vices decreverit. Quatenus *primo* ratione conformationis atq; connexionis notabilis has uteri appendices & oviductum gallinaceum intercedit analogia: *secundo* harum extremitas fimbriata & musculosa post coitum fecundum testiculis propinquior, imo hos arctius complecti cernitur, ut præter *Ruysschii* tabulam, qua in utero recens imprægnatæ embryonem paucorum dierum, in illius testiculo dextro aperturam & tubam ejusdem lateris proboscidis instar ad ovarium reflexam testatur, aliorum anatomicorum observationes perhibent. Quibus *tertio* jungendum, quod in brutorum non tantum tubis, tertio, quarto, &c. a coitu die ovula has permeantia, sed foetus quoque humani intra easdem aliquoties deprehensi fuerint, qualium exempla *Riolan. l. 2. c. 35.* & *Vossalius* Chirurg. Paris. Anno 1669. sub titulo duplicis matricis, annotarunt. Facit denique huc, quod Tubis constipatis nulla in utero fiat conceptio, prout ex canicidio superius ex *Transact. Angl. 147.* adducto manifestissime liquet.

Quomodo tuba testiculo appropinquet?

Cum vero tubarum extremitas patula, ratione cujus ovulum a testiculo arripit, in homine aliisque viviparis ab hoc multum distet, nova de hujus applicatione & adductore emergit difficultas, seu qua mechanica pro ovulo immediate excipiendo testiculis admoveantur: Siquidem, quam *Graefius* suggerit, quasi seminis masculini blandati-tillatio orificium illud fimbriatum adaptet, haud omni dubio caret, potissimum cum ejusmodi stimulus & vellicatio tubas has, tanquam conformationis fibrosæ, non tam explicare seu elongare, earumve orificium aversum sursum reflectere ac testiculis adaptare, quam corrugare atque retrahere valeat. Pro phænomeni itaque hujus ætiologia explicanda observandum, canales hos ratione suæ substantiæ, qua uterum, cujus appendices æmulantur, fibroso-spongiosæ texturam corporibus penis nervosis similem fovere, hinc ab æstro venereo, a maris semine impresso ad turgescentiam aliquam disponi. Atque hac quidem tendentia potius a testiculo, quam ad eundem ad eundem expor-rigerentur, nisi a fibris motricibus a testiculis, vel immediate magis, vel per ligamenta lata, sub diversis inclinationibus ad tubas excurrentibus, pariter a turgescentia illa genitali laceffit, tanquam totidem

totidem habent seu loris revellerentur, & ad elapsuri ovuli exceptionem disponderentur.

Quod quidem eo commodius fit, quatenus earum lacinia foliaceæ musculosæ, instar digitorum testiculum complectuntur, molliterque comprimunt, i. e. ovuli eruptionem non minus juvant, ac elisum apprehendunt, & per orificium angustius ac circularibus fibris firmatum ad Tubæ sinus latiores protrudunt, a quorum fibris muscularibus successive & modo quodam peristaltico ad uteri cavum hoc devolvitur.

Conceptus E. non intra uterum demum formatur, sed extra *Totus conceptus a testiculo ad uterum deponitur.* eum in testiculo seu ovario productus, involucri suo munitus, ac seminali genitoris aura vitalis redditus, ad uterum deponitur, quo humus motu magis actuetur, ac ab hoc præparatam alimoniam recipiat inter ipsum fluctuans fœtus. Id est, pariter ac semina pedunculos & calices suas integra elabuntur, terræque horum grana, non pulpa inseruntur; sic sine crepatura suarum tunicarum succus albugineis cum sibi innatante carina uterino arvo committitur: & metuendum, ne folliculo hoc exutus embryo nutrimentum primigenium, simulque cum hoc ambiens & fulcimentum mollius ac suis staminibus tenerioribus adæquatum, perdat, sine quo hæc facile distrahi ac dilacerari contingeret. Præterea quamvis prout ordinarie unum seminis cuiusvis granum uni plantæ, spicæ, arbori, &c. proferendæ sufficit, ita unum ovulum cuncta unius fœtus rudimenta complectitur, & gemelli producendi bina ovula pariter, ac bini caules, duo seminis grana, postulant, quale quid, præter observationem Svammerdamii, a *Schradero in præfat. obs. anat. med. descriptam, cuiuslibet gemellorum duplex edocet amiculum: Non pro plane impossibili tamen habendum, ex uno ovulo aliquando prodire gemellos, simili forsitan ratione, ac interdum unum frumenti granum plures spicas promit, ova gallinarum duplici vitello albumine & cicatricula prædita gemellifica deprehenduntur; quales illos potissimum credere fas est gemellos, qui distinctis includuntur involucri.* *Gemelli unde?*

PROGTMNASMA II.

De

VITA ET NUTRITIONE
FOETUS.

Lustravimus hætenus Embryonis, foetus nobis adhuc insensilis, Primordia, seu primum potius ejus germen, nunc quales radices agat, & qualiter ejus partes provectiores oculis compareant, investigandum. Quem quidem sicut haud nudum intra uterum hæere experientia edocemur: ita involucrorum eum ambientium telam primo omnium explorare, si non retexere, convenit, quo commodius eorum incolam intueri liceat.

*Tunica ante
foetum existi-
stunt.*

Has membranas non generationis seu conceptionis & uteri productum, nec foetui coætaneas, multo minus hujus indusolum, sed ipsa concipiendi aptitudine vetustiores & testiculorum virgineorum sobolem esse, i. e. longe ante foetum existere tegmina hæc, quæ mollium fascium potius instar excipere atque obvolvere debebant foetum formandum, facile constare potest, modo ovulum integrum suoque folliculo obvallatum matricem illabi, repetamus. Hoc enim, dum ovario adhuc immergitur, duabus pelliculis propriis gaudet, non adeo difficulter separabilibus, imprimis si coctione prævia, subtiliori instrumento & manu suspensa operatio administretur: quarum altera seu exterior crassitie & vasorum sangviferorum conspiciuitate Chorii, interior atque tenuior Amnii inchoamentum dici debet; ita ut, quia a contento non minus ac ambiente fluido perpetim irrigantur, successive illius ac foetus innatantis moli cedant, i. e. sensiles huic se accommodent & cum inquilini augmento magis magisque expandantur.

*Tunicarum
numerus.*

Alias in numero eorum determinando autores discrepant, hincque minus cautos Lectores confundunt: quatenus eorum alii cum Galeno, v. g. Vesalius, Spigelius, Plempius, Highmorus, harum tres i. e. præter Chorium & Amnium Allantoidem sibi in homine pariter ac brutis finxerunt, contra Eustachius, Fallopius, Arantius, Aquapendens, Vidus Vidius, Paraus, Bartholinus, Everhardus, Th. Aldes & plerique

Recen-

Recentiores eandem in dubium vocarunt : Sed controversiam hanc ^{PROGTMN.} pariter decidit avtopsia, quæ foetui humano æque ac aliis animalibus, ^{II.} quæ simplicem ordinarie foetum gerunt, illam denegat. Neque enim ^{Non datur in} audiendus erit Spigelius Plempiusve, qui ideo a pluribus eam præter- ^{homine Allan-} visam & neglectam suspicantur, quod ob tenuitatem summam facile ^{toides.} laceretur : cum fixa nondum sedes a textoribus suis ipsi concessa sit, & ab aliis omnium extrema pronuncietur, ab aliis inter Chorion & Amnium collocetur, ab aliis denique instar zonæ foetum cingere dicatur, uno vero nesciunt, ubi quærant, quam Lectori suo persuadere allaborant.

Solius itaque Chorii & Amnii pelliculæ involucria foetus constituunt, quæ primis equidem gestationis mensibus aliquantum distant, ^{Chorion & A-} & ab interfluente quadam humiditate, divulsæ tenentur, ut in aborti- ^{mnion sibi ma-} bus sex & decem septimanarum aliquoties mihi videre contigit: post- ^{xime conti-} modum vero sub tali proportionem augentur, ut sibi firmiter tandem co- ^{gua.} hærescant, ut non, nisi summo labore, a se invicem separari queant, & una seu simplex tunica videantur, hinc quod de humoribus binis, sudore nempe & urina, aliave humiditate membranis distinctis seclusis, cum *Galeno Vidijs*, *Fallopis de la Courvée* &c. referunt, figmenti potius aut deliramenti, quam naturalis phænomeni nomen merentur. Id est nullum sicut inter tunicas has observatur interstitium, ita nec humor, & si inter dissecandum ejus quid effluat, amnium cum chorio laceratum esse, certo opinari fas sit. Interim, si quæ in praxi fiant, ^{Aqua longius} sedulo satis attendamus, aliquot interdum ante partum dies, nedum ^{ante partum} septimanas, aquarum notabilis quantitas ex utero, & quidem cum sen- ^{profluent un-} sibili abdominis subsidencia, sine foetus detrimento tamen, profluit: ^{de ?} problema emergit, cujus generis & fontis fluor ille sit? Amnii fluidi portionem aquas has pronunciare non possumus, quia nihil incommodi inde patitur foetus, nec illius aliquis in partu subsequente defectus observatur : concipiamus proin aliquando & aliqua sua parte has tunicas a se invicem hîscere, & inter duplicaturam suam humiditatem ad crepaturam usque Chorii colligere, sive hoc per porositatem amnii præternaturalem, sive aliam ob causam contingat. Atque harum membranarum exterior aut involucri foetus exterior lamina, seu Chorion, Amnium, tanquam interiorem crassitie notabiliter, i. e. tantum, quantum

PROTOMN. I.

II.

Nulla Chorion
propria est
carnositas.

quantum quidem dura cerebri Meninx pia, superat: carnositatem tamen illam, quam Vesalius ipsius superficiei exteriori & utero contigua affingit, omnimode detrectat, nisi quam a sibi accessoria placenta uterina mutuatur.

An gemelli u-
no includan-
tur in involuero.

Inter Scriptores quoque ventilari solet controversia, ab obstetricibus tamen & harum amanuensibus feliciter & certius quam a Doctoribus cathedrariis, determinanda, an gemellorum singulus singulis & propriis gaudeat secundis, aut annon potius, juxta *Fontanum in epit. Vesal.* aliosque ambo eisdem involvantur loculis? *Laurentius* equidem *lib. 8. quest. 21.* distinctione inter gemellos unius ac disparis sexus nodum solvere conatur, illosque easdem seu communes, hos diversas & solitarias habere tunicas, asserit: obstat tamen experientia, quæ, diversi æque ac ejusdem sexus foetus distinctis ut plurimum amiculis prodire testatur, quod vel ideo mirari haud decet, dum singula ovula, unico foetui consecrata, propriis suis instructa cernuntur tunicis & multiparorum quilibet catulus peculiare secundinas sibi vendicat. Haud omnimode tamen impossibile videtur naturæque vim inferre, in uno eodemque ovulo foemineo, duorum aliquando embryonum stamina produci, adeoque binos foetus communi interdum & unico involuero gaudere: pari circiter fato ac ex uno tritici grano duplex, imo multiplex, spica progerminat, & in uno ovo duplex atque triplex cicatricula cum totidem vitellis ac albuminibus conspicitur, ex quo gemini pulli nascuntur, raro quamvis vivaces; magis autem singulare est Stenoni in utero ovis cujusdam visum, foetus sc. tres communi chorio stipati, amniis autem propriis seclusi. Imo hæc communio secundinarum non tantum, prout de oviparis modo dictum, causa est, cur gemelli ejusmodi ut plurimum abortivi aut brevioris vitæ sint? sed quoque cur corpora eorum variis modis coalescant & monstrosa prodeant?

Embryo quo
modo nutritur?

Nutritionem Conceptus aliter concipere licebit in embryone, seu cujus venularum capillamenta nulla adhuc placenta firmantur, ac in foetu, cui e par hoc alterum contigit. Illarum enim extremitates, tanquam radice insensiles, ovuli utero recens illati colliquamento libere innant & siphunculis suis subtiliores ejus particulas absorbent, non per aviditatem aliquam & virtutem attractricem congenitam, qualem hactenus somnia-

somniarunt, sed quas ab implusu externo & jugi recipiunt. Quippe con- PROGTMN.
tinua particularum suarum mobilissimarum activitate dum agit in colli- II.
quamentum illud primigenium spiritus genitalis masculus, hoc variis
modis conquassat, subigit & attenuat: dum parietes interim uteri, ovu-
lum arctius complectentes & molliter comprimentes, reciprocis implusi-
bus, quos ab arteriis suis sustinent, floris illius nutritii minima adæquata
ostiolis seu porulis dictorum filamentorum intrudunt, & circulationem
in embryo, formica minore exiliore, inchoant, pari circiter modo, ac
aer ovo inclusus, dum per incubationem rarefcit & expanditur, pelliculas
hujus palpitando comprimit & minima nutritiva cicatriculæ eique inna-
tanti pullo adigit. Sub horum canaliculorum venosorum directorio
dum corculi rudimento colliquamentum adducitur, & illud ad aliqualem
irritationem ab hoc distenditur, per genitalium spirituum primitus sibi
impressorum, robur ad resistentiam aliqualem mox contrahitur & humo-
rem suffusum denuo per arteriolas projicit, ac repetitis his motibus reci-
procis vasa cum staminibus sibi annexis extendit & in majorem molem
successive explicat. Simul vero dum reditus atque secessus hi aliquandiu
exercentur, sensim fluidum albugineum rubedinem nanciscitur, a flave-
dine forsân colorem rubiginosum hinc subrubicundum contrahens, (si
quæ in pulli gallinacei formatione contingunt, hic adaptare licet) ac tan-
dem purpuram splendidam induens.

Quia autem tantillum colliquamenti corpusculo, quotidie magis
magisque grandescenti, vix sufficere poterat, nec primis tamen statim
diebus placenta uterina ejusque munium præsto est, i. e. illud intervenien-
te hac cum utero nondum cohaerescit: aliquid penus subsidiarii immedia-
te magis ab utero, a cujus amplexu arctiore fovetur, capiat, necesse est.
Non quidem sub specie ejusmodi transcolationis, qualem *de la Courvée*,
Everhardus aliique sibi fingunt, qualem nihilominus diversæ circumstan-
tiæ ambiguum reddunt: sed aut per venillas illas, mox umbilicales dicen-
das, aut per alios canaliculos utero & tunicis ovuli intermedios. Prio-
rem modum inde auguror, quod quæ hæcenus vasorum fibrillæ per colli-
quamentum conceptus primo libere fluctuabant, hujus tandem pelliculas
ad uteri usque cavum perforant & radices suas ultra sphaeram suam ex-
porrigant: hinc, antequam per placentæ primordia firmentur, aliquid il-
lius humiditatis, ab eadem turgescencia seminis masculini deliquatæ ac
digestæ,

*Circulationis
sanguinis ex-
ordium.*

*Augmentatio-
nis ratio.*

Sanguificatio.

*Nulla humoris
nutritii ab u-
tero ad conce-
ptum fit trans-
colatio.*

*Sed penetrat
alimonia aut
per Venas,*

PROGTMN.
II.

*Aut per alios
e analiculos
cæcos,*

digestæ, imbibant & centro suo advehant, simili forsan modo ac in equabus maximo, & in suis toto, gestationis tempore, fieri, Zootomiæ cultoribus solertioribus innotescit. Neque tamen alter vasculosus apparatus rationi omnimode repugnat, quatenus autopsia edocemur, Chorion non tantum illa parte, qua epar uterinum sustinet, sed ubique & per totam fere sui circumferentiam, nisi qua cervicem spectat, fibrillis conspicuis utero adnasci in hujus substantiam quaquaversum radicari, quarum meatus cæcos ab hujus madore perfundi non minus probabile est, ac germinis aut ramuli vegetabilis fibrillas per aquam explicatas, inde humiditatem imbibere novimus: nam filamenta hæc ligamentorum tantum vires conceptui firmando præstare, illud dissuadet, quod conglobatus circa eundem undique uterus illi detinendo sufficiat.

*Fœtus non ali-
tur sanguine,*

*sed succo chy-
loso.*

Fœtus autem nomen & granditatem postquam assecutus, ejus vasorum umbilicalium extremis placenta seu epar uterinum annascitur, ex glandulosa atque fibrosa substantia coagmentatum & præparatorium illius alimonie impofterum organum. Sc. olim quidem & per plura secula receptum dogma fert, fœtum sanguine materno ali: verum eo ipso, dum nec primis a conceptione diebus, quibus embryoni nulla adhuc cum utero connexio obtigit, nec ultimis, ubi placenta in duas laminas divisa utero connexio obtigit, nec ultimis, ubi placenta in duas laminas divisa utero vicinior vix aliquid sanguinis fundit, illum recipere valet, adeoque & illa vasorum uterinorum ac umbilicalium anastomosis decantata diu satis explosa est, cruentum ejusmodi victum fœtus abhorret, concepente huic præprimis Hippoc. de Carn. t. 8. & de natura puerit. 21. gratiorem & svaviorem, i. e. lacti potius analogum, succum, qualem in glanduliferis ex cotyledonibus & in placentiferis ex placenta, ab utero avulsis, exprimere licet.

*Ubi hujus suc-
ci fiat secretio?*

Quem E. arteriæ matris hypogastricæ cum spermaticis adducebant utero, sanguis minime integer fœtus canalem sanguinis subit, sed ejus tantum aliqua portio seroso gelatinosa, duleis ac mitis & particulis asperioribus liberata est, utpote mucoso & delicatulo ejus corpusculo congrua magis. An prima hujus secretio in uteri substantia, an potius intra placentam demum, peragatur, ambigo: cum simile serum quale amnium replet, per uteri superficiem internam hujusque poros transudet, illis etiam in locis, ubi nullæ eminentiæ glandulosæ in cotyledoniferis cernuntur,

nec

nec placenta ipsi cohaereſcit, ſyphone vaſis in jeſta uteri ſuperficiem in-
ternam haud tranſcendant, & cotyledones, ſi ab utero has avellamus, per
fibras tantum, quarum nonnullæ a coagulo lacteo candicant, huic annatæ
deprehenduntur hinc in carnoſitates has uteri accellorias ejus vaſa haud
exporrigi videantur. Accedit, quod equinorum conceptuum Chorion ul-
timo demum menſe, & ſuillorum nunquam aliquid, aut tantillum ſal-
tem, carnoſitatis aſſumant, hinc quicquid ſucci chyloſi illi ſuſci-
piunt, uteri potius pulpæ in acceptis referant. Quare rationi conformius
apparet, ſuccum chyloſum, intra uteri ſubſtantiam fibroſo glanduloſam
totam à reliquiis ſeminis turgelcentem, ſecretum, per capillares hujus ca-
naliculos acetabulis ac his obviis Chorii eminentiis mammiformibus, in
reliquis animalibus placenta, inſtillari. Obſervantur ſiquidem in horum
uteris prægnantibus alvei, tubulorum lacteorum mammariorum æmuli,
qui ex pluribus radicibus minoribus in lacunas ampliorem coeunt & ad il-
lorum cavitates hiant. His ſingulari artificio ſecundina adaptatur, ut
hujus ſc. eminentiæ ſeu papillæ illas cotyledonum more ingrediantur, iis-
que quaſi inclavatæ hæreant, quo liquorem illum nutritium, ab utero e-
dulcatum & partim hujus fibrarum contractione, partim ſanguinis arte-
rioſi jugi appulſu, expreſſum excipiant, a venæ umbilicalis radicibus ab-
ſorbendum. Quod quidem eo commodius fit, quatenus placenta hæc
binis arteriis umbilicalibus, a corpusculo fætus emanantibus irrigatur, qua-
rum ſanguis, ſucco primigenio turgidus, ſerum illud gelatiſoſum magis
deliquat, ſubigit, & per minima quaſi ſibi adaptat, ſimul tamen ſuo impul-
ſu ad venularum oſtiola urget, concurrente compage placenta fibroſa hu-
juſque corrugatione alterna.

Hucusque in nutritionis & nutrimenti adductionis modo concordet *Fœtus nutritur*
& unanimis fere Veterum Scholas cum Neotericorum Cathedris obſer- *etiam per os.*
vamus: aſt nutrimenti aliquam portionem ultimis menſibus non imme-
diate ad canalem ſanguinis, ſed canalem alimentorum ſeu primas vias de-
poni, eamque in ventriculo & inteſtinis digeri, hæ ſuis perſuadebant di-
ſcipulis, enormiter hoc dogmate Antiquitati moventes choleram, quam
nec Hippocratis divini compeſcere poterat autoritas, *lib. de Carnib.* diver-
ſis argumentis, fœtum aliquid alimenti ore capere, aſſerentis, poſtquam
ſcil. chyliſcantia organa perfectionem ſuam attigerunt. Haud parum
interim turgelcentiam hanc forſan temperabit, quod intra ventriculos

PROGTMN.
II.

non tantum pullorum gallinaceorum decimo quinto sexto &c. incubationis die ante Harveum *Volcherus Coiter* jamdum & ante seculum substantiam hylosam viderit, sed quod in viviparorum quoq; stomachis liquorem, amnii contento per omnia similem, testetur quotidiana experientia, in specie Everhardi, qui abortum viginti & octo hebdomadam, licet nihil alimenti assumpisset, magnam quantitatem lactis serosi vomitu rejecisse, perhibet.

*Humor amnii
non est excrementitius,*

Humorem equidem amnii olim excrementitium, i. e. sudorem atque urinam foetus pronunciabant: ast ex Recentioribus potissimi, v. g. *de la Courvée*, contrarium sustinent, ejusque potius alimentum forbile fluidum hoc asseriebant. Eo ipso tamen, dum Laticis hujus notabilis quantitas in partu ut plurimum profunditur, vixque adeo invidam & luxuriosam naturam concipere licet, quæ tantum alimenti matri detrahat,

*sed nutritius
& excrementitius simul.*

quo hæc sine sui noxa & interitu carere nequeat, Harvei potius sententiam nostram facimus, fluidum hoc, foetum immediate alluens, nutritias æque ac minus nutritias particulas fovere, quarum hæc ferofiores, illæ chylosæ & spirituosæ magis existant. Nam *primo* cum foetus incremento quamvis in omnibus animalibus augeatur, in nonnullis tamen appropinquante partu notabiliter denuo imminuitur, & interdum omnimode fere absuitur, humor hic ita ut ex caniculo, instante partu dissecto, catulos illæsis membranæ *Graef* extraxerit aridos. *Deinde* nec ullo pravo odore atque sapore imbutus is deprehenditur, ita quidem ut propter snavitatem ejus bruta suos catulos lambendo eum absorbeant: imo *tertio* illis

*Humor amnii
est coagulabilis,*

quoque animalibus, quæ haud sudant, & quorum vesica urinaria ad Allantoidem manifesto perforata est, circumfundatur, & quidem *quarto* in gelatinam seu offam levi igne coagulabilis. Posterius hoc equidem negat *Mauriceau Malad. des femmes lib. 2. cap. 3.* quem tamen cum aliis v. g. *Barbato de form. foetu.* facile conciliare licebit, tempora distingvendo: id est, fluidum hoc, quod per totam fere gestationem calore congelascebat, partu in te aut in eo minus condensabilis observatur, per rationem mox tradendam.

sed non semper.

*Unde humor
amnii,*

Major interim difficultas, per quas vias fluidum hoc amnio infundatur, emergit: cum illa per tunicas transcolatio aut dubia, aut adhuc minus proportionata seu insufficiens, videatur; neque hic alimonix secessu: juxta *Warthon*, per funiculi umbilicalis gelatinam, propter difficultates a *Needhamo* motas, concipi valeat. Scopo magis forsan ap-

pro-

propinquant, qui, postquam, imprimis mediis gestationis mensibus, majorem densitatem contraxerunt tunicae ambientes, non immediate ab utero, sed a foetu potius, ut alimoniae superfluitates vel cruditates, illud derivant; modo organum excretorium magis congruum, ac hactenus factum monstrarent. Arteriarum equidem umbilicalium propagines illas, quae tunicas haud elabuntur, sed intra amnium in capillares ramificationes terminantur *Needham. & Graf.* huic muneri destinant; sed quid obstat, quo minus earundem oscula non serum tantum hoc chylosum, non vero simul sanguinem arteriosum evomant? ut taceam, tunc arteriarum terminum autopsia nondum comprobatum esse. Alii per poros habitus externi secretionem ac depositionem hanc fieri autumabant, quibus & ego olim adstipulabar: quasi nimirum proportionata minus alimoniae, per venam & fauces assumptae portio per superficiem foetus excernatur, & ad amnium deponatur, ore iterum haurienda & praevia ventriculi digestionem interioribus partibus denuo applicanda, donec tandem dulcioribus & pinguioribus illius partibus delibatis & corpusculo ejus agglutinatis ejus moles sensim imminuatur & acrior & minus alibilis reddita partus tempore excernatur. Verum nec hoc dogma ab omni ambiguitate liberum: quatenus pori corporis universi foetus tantae colaturae praestandae minus adaequatae comparent, & laxior nimis habitus pariter non tantum serum gelatinosum, sed cruorem simul fluidiorem emitteret. Commodiores E. & proportionatae magis viae investigandae erunt.

PROGTMN.
II.

Non ab arteriis.

Nec poros transudat.

Observabunt mecum, qui recens natis infantibus adstant, horum mammillas lacte seroso turgere, & quidem ita, ut, si hoc non tempestive atque rite exprimatur, illa indurentur, inflammentur ac suppurecant, pariter ac earum nutricibus a lacte coagulato & casefcente contingit. Novi foeminas, quae puellis saltem hoc proprium ajunt, ast idem experiuntur pueri quoque: ut proin phaenomen hoc utrique sexui commune esse, vix dubitandum veniat. Quid itaque absurdi emerget, si asseram, per papillas foetum abundantias Lymphae nutritiae excernere, & ad amnium deponere? cum nulla alias ratio suppetit, cur ubera haec tenella tanto lactis proventu gauderent. Non enim proprio corpori & reliquis ejus membris alimentum praeparant, quatenus glandularum conglobatarum productum ad massam sanguineam haud immediate redit, nec Lactici-

Sed per mammillas.

PROGTMN.
II.

nium hoc ore immediate hauriri potest : unde jugi hujus affluxu aggravata illud necessario profundunt , utut non multa Sc. duplicem usum mammillæ corpori videatur præstare , unum corpori individuali & proprio , alterum alieno ; illum quidem , quem modo determinavi , alterum lactationem prolis futuræ : adeoque mammas masculinas nullum aut minimi admodum momenti , usum habere , & pro notis tantum ob generis æqualitatem viris easdem concessas , hinc glandulis destitutas ajunt , præcipitanter nimis agunt , cum in adultioribus quoque viris aliarumque speciebus masculis lac , aut , ut Spigelius mavult , humorem lacti similem , stillent , vide *Arist. Histor. animal. l. 1. c. 12. & l. 3. c. 20. Alex. Benedict. Anat. l. 3. c. 4. Laurent. Anat. l. 9. quæst. 2. & Aquapendens Pentateuch. l. 3. c. 13.* hi enim plurium Scriptorum loco erunt.

*Drelincurtii
de humore
amni sententia.*

Quia tamen , ut innui , mammæ , quicquid agunt , per texturam glandularum conglomeratarum agunt , *Celeberrimi Drelincurtii* nuperrime super subjectum hoc divulgata hypothesis conjecturæ huic meæ aliquid probabilitatis conciliat : qua præter cerebri lympham recrementitiam glandulorum , oculorum , narium & oris colaturam salivalem in stagnum usque cumulari docet. Eadem enim glandularum cunctorum ejusdem generis in foetu ac adulto ratio , i. e. omnes in lymphæ a cruore secernenda ac eliminanda sunt occupatæ : Unde cum mammarum æque ac capitis glandulæ in foetu tenello & molliore laxioris sint texturæ & patentioris porositas , quam in nato solidiore & compactiore , earum etiam recrementa intra uterum uberiora , extra eundem parciore sunt , imo harum quædam , sc. mammæ , plane exarescunt ; Imo propter eandem porulorum laxitatem non mere salivæ & aqueæ , sed chylosæ magis , illa erit humiditas , quam foetus salivando & per papillas rejicit , ore denuo haurienda , quo primam colaturam elapsæ particulæ nutritiæ per repetitas demum circulationes membræ nutriendis ac augmentandis agglutinentur.

An Renes aliquid tribuant ?

An Renes & Vesica urinaria , juxta *Stenonem* & eundem *Nobilissimum Virum* aliquid simul conferant , negare equidem vix audeo , nam quæ vulgo contra urinæ ad amnium defluxum urgentur argumenta , hujus loci haud erunt. Sc. dum instant , in illorum quoque animalium , quorum urina ad allantoidem secedit , it in foetus , organis urinariis nondum instructi , pariter cujus meatus urinarius imperforatus , amnio fluidum copiosum reperiri : solitarium equidem urinæ confluxum infringit , haud tamen

men omnimode tollit, imo quicquid feri in ejusmodi subjectis per renes PROGTMN. elimari nequit, glandularum reliquarum forsan stillicidium auget. Præ- II. terea a foetoris & acrimoniæ absentia deprompta argumenta sponte concidunt: modo laticem hunc renalem, propter eandem renum laxitatem, ratione cujus nec adhuc in unum corpus arctius compinguntur, sed sub lobulis quasi distinctis cernuntur, lymphæ dulcedinem & suavitatem præ se ferre concipiamus, imo eandem in natis aliquandiu retinere, observemus. Foetum nihilominus vix mejere inde augurare liceret, quod a partu non statim, sed pluribus demum elapsis horis, ejus aliquid emittat, ac primis diebus ut plurimum urinandi difficultate sæpius valde pertinaci, laboret: probabiliter propter vias illas nondum tritas & mucilagine diutius retenta ac congesta infarctas.

Tamdiu autem intra uterum hæc lymphæ alibilis celebratur transcolatio & excretio, donec mamillarum, ac reliquarum forsan glandularum conglomeratarum, ad os se exonerantium, meatibus cum incrementum *Humor amnii tandem particulis nutritiis destituitur.* te foetus mole & soliditate magis arctatis & constipatis hæc ejus aut parum, aut non, nisi aquosiorum & nutritioni in congruum liquamen transmittant: quod dum fit, amnii contentum sensim & successive particulis glutinosis & chylosis depauperatur, nec prout superius dictum, in offam gelatinosam adeo facile evaporando inspissatur, & per consequens, illis absumptis atque exhaustis vix aptum amplius foetui existit sorbillum.

Quod si proin fluidi foetus catholici motus circumscribi debeat, duo præprimis in hoc attendere continget singularia & a natorum functionibus peculiaria phaenomena. Primo siquidem canalis alimentorum, inverso plane ordine sanguinis penu materiam digerendam excipit, lympham sc. illam chylosam, quam prius sanguini interfluam, postmodum *Ventriculus alimoniam caput ex sanguine.* ab eadem deciduam ac ad amnium depositam, ore sorbet. Idem equidem ventriculus & intestina natorum multo sero a glandulis vel adjacentibus, vel suis parietibus intertextis, irrigantur, cum hac tamen disparitate, ut hoc immediate magis sanguinis receptaculo ad illorum cavitates elutrietur: neque ut alimenti materia, sed ut alimoniam solvendæ menstruum, (Unde etiam humoris fermentativi aut digestivi nomen fortitur) confluat, sc. saliva ore deglutita serum glandularum ventriculi ac intestinorum, item pancreaticus succus, ut suis locis patefcat. An prolixam lympham hæc absorpta intra cavitates illas sustineat digestionem, & annon

PROGYMN.
II.

*Circulatio
sanguinis in
fetu.*

annon potius receptaculo tantum sanguineo intervenientibus canaliculis lacteis & thoracico suum restituant, ambiguum, cum varias non intra matris modo, sed foetus quoque viscera & sanguinem experta fuerit alterationes atque exaltationes: quia nihilominus nec foetui edito lac eousque accommodatum observatur, ut sine primarum viarum activitate & foculentiarum secretionem in illius succum & sanguinem converti possit, nec in lymphâ hac nutritia ejusmodi perfectionem atque homogeneitatem supponere possum, quæ nulla ulteriore subactione & cohebtatione indigeat; & quidem eo minus, quod intestina foetus meconio infarcta reperiantur.

Præterea nec in Circulatione sanguinis foetus omnes, quas in nato, observat circumstantias natura, sed harum quasdam peculiare habet. Ordiamur hujus periodum a placenta uterina ad quam depositus succus chylusus in venæ umbilicalis radices percolatur & per hujus tubulum cum sanguine arteriarum umbilicalium ad sinum venæ portæ fertur. Qui quamvis in quinque ramos notabiles facessat, propaginibus suis, in quas vis epatis plagas exporrectas, nihil, aut parum, tamen cruoris chylosi hujus acinulas penitiores subit, & mediantibus demum his ad Cavæ radices capillares, sed immediate per canalem venosum patentissimum, ex sinu portæ in illius truncum adigitur, ex quo sub dextra auricula, & antequam in dextrum ventriculum explicatur, partim, hunc & pulmones otiosos præterlabendo, per anastomosin amplam & ovalem in venam pulmonalem hujusque auriculam & ventriculum sinistram derivatur; partim ad dextrum dimittitur. Qui tamen sanguis pariter pulmones præterfluit, quatenus quidem ad ostium arteriæ pneumonicæ a cordis contractione urgetur, exinde vero per canalem quendam arteriosum, foetui itidem proprium, in aortam eandem deflectit. Adeoque sicut epar a Cœliacæ propagine dextra, sic pulmones ab arteria bronchiali, omnem vitalitatem & alimoniam capiunt. Confluit autem, qui modo divulsus erat, in arteria magna sanguis non tantum per hujus ramulos ad omnes foetus partes propellitur, & per harum venulas ad arteriæ magnæ orificium denuo circumgyratur: sed hujus quoque aliqua portio extra corporis proprii ambitum, per arterias nempe umbilicales ad secundinam, devehitur, cum lactescente matris succo per venam umbilicalem foetui retribuenda.

PROGYMNASMA III.

PROGYMN.

DE

II.

PART V.

TAntisper in utero conflatus hospitatur foetus, quoad expleta sunt commorationis hujus decreta curricula. Incerta, indiscreta & confusa hæc declamant præter Aristotelem ac Plinium Scriptores plerique, cæteris animantibus statum magis pariendi tempus concedentes: ast cum anticipantis in homine partus causæ (postponens forsan rarissimus est) ut plurimum externæ, aut, si internæ, morbificæ, existant, nec bruta semper a contingentibus his omnino immunia sint, adeoque intempestivos quoque interdum excludant partus, non video, cur Dædalam rerum naturam vel imprudentiæ, vel iniquitatis, arguere velimus, potissimum cum firmus & constans satis ab eadem foetui quoque humano intra uterum commorandi sit præfixus terminus. Elapsis siquidem ab imprægnatione novem mensibus solaribus, aut decem Lunæ curricula seu mensibus lunariis, civilibus latebras ac tenebras uterinas is relinquit ac auram liberiores & lucidam petit: & quidem uno vel altero plurimum illorum dierum, quibus alias foeta, non foeta, menstruum fluxum patitur; utpote quibus singulorum fere antecedentium mensium motus intestinos naturam moliri, ex symptomatis, quibus gravidæ tunc non raro obnoxia, colligere licet, ultimo E. majores hi nifus acquirunt vires, quod foetus & uterus in eosdem conspirent.

Id est, postquam sua quæque homini membra virtus genitalis perfectit, anima nati domicilii habenas sibi soli vendicat, neque genitorum suorum operam ulterius curat, aut eadem eget, scil. gnara ac potens suapte energia omnem provinciam obire: generationis proin confectarium partus est, alius illa patri frustranea, matri & foetui exitiosa evaderet. Causas hujus enixus confusa satis serie ut plurimum recensent, & commodus forsan in stimulantibus seu urgentibus, ac præstantibus seu agentibus, duplices, scil. rimantur.

Instinctus, seu occasiones foetus exclusionem urgentes quod spectat. stimulantibus, Galenus foetum eousque in utero gestari ait, donec perfectior redditus per os nutriri queat: quæ tamen hypothesis, quia, foetum toto gestationis tempore per venam umbilicalem omne nutrimentum haurire supponit, Non perfectio foetus.

E

per

PROGYMN.
III.

per illa, quæ in progymnasmate præcedente monita, sponte corrui, i. e. ultimis gestationis mensibus ore alimoniam sorbere novit foetus & actu forbet. Imo hoc assertum terminum & finem tantum consuetæ gestationis, perfectionem nempe foetus, quæ hunc non tam ad egressum stimulat, quam ut in lucem prodire valeat, disponit & aptum reddit, exprimit, neutiquam vero nervo quæstionis respondet, aut qualis causa ad partum impellens sit, daterminat. Ut taceam, hac partus causa concessa, animadvertente *Harveo*, sequi, imbecilliolem foetum diuturniorem moram in utero trahere, utpote qui alimonia per os adeo commode frui non posset.

*Nec alimenti
penuria juxta
Aquapenden-
tem.*

Alimenti defectum seu insufficientiam cum *Hippocrate de Natura Pueri* pro causa, licet non solitaria, *Aquapendens de format. fætu part. 2. cap. 9.* venditat, licet pariter minus adæquata *Harveo* visa. Quod (1.) ad id temporis gemellis, imo tergeminis foetibus, victus abunde suppetat, quos tamen semestres v. g. plus alimonix uti solitario, præprimis robustiores & voraciores, hoc debiliore & frugali. Addit (2.) quod lac ad mammas deductum edito infanti sufficiat, adeoque uterum adhuc alluens foetui sufficere queat. Miror interim *Harveum*, sibi minus constantem, quod quam alimenti penuriam rejecerat, subsequente mox textu asserat his verbis; *Ego potius nascendi causam esse dixerim, quod succus intra amnium, alendo foetui maxime accommodus, tunc temporis vel deficiat, vel a relictis excrementis depravetur.*

*Non moles fa-
tus & aqua-
rum.*

Porro idem *Aquapendens* foetus grandioris & humorum illum ambientium cumulatorum molem uterum demum & eo gravare, eundemque ad molimen deturbandi pondus & molestias minus proportionatas excitare ait. Sed litem ipsi pariter movet *Harveus* attendens, foetum novimestrem octimestri non raro minorem existere, vix tamen, instar hujus, integrum adhuc mensem intra uterum consumere: item gemellos octimestres solitario foetui semper præponderare, minime tamen ideo ante terminum solennem excludi. Imo ut crassiolem foetum moram hanc ad terminum legalem usque patienter sustinere, observamus, ita septimestris exilior non raro eundem anticipat. Idem de humiditatum onere sit judicium, de quibus, quamvis, an ultimis diebus augeantur, an imminuantur, non disputare mens sit, gemellos nihilominus duplici amiculo inclusos, v. g. septimestres, solitario fætu earum plus secum gestare, hinc
uterum

uterum magis gravare, ratio jubet, qui tamen ad sarcinam hanc citius de-
ponendam non magis ab illis, quam hoc, urgetur. PROGTMN.
III.

Sunt, qui foetum hunc fructui, uterum arbori comparantes, per *Nec propter
maturitatem intrinsecam deciduum fieri autumant: vix tamen hac ratio-
ne ætiologiam illius operis explanant. Maturitas enim fructus, ut talis, maturitatem
sicut ad ejus devolutionem & deciditiam nihil facit, sed hæc præprimis
& immediate a petioli connectentis ariditate, hinc succi nutritii interce-
pto affluxu, est: ita circumstantias has negotio huic minime applicare li-
cet. Quippe, ne tangam, foetum & foetam nullam continuitatem, sed
contiguitatem duntaxat, intercedere, eo ipso, dum placenta uterina cum
funiculo umbilicali a matre ac foetu, ultimo æque ac primo gestationis
momento, sufficienter humectatur, & succulenta conspicitur, nulla ari-
dura in partibus his, nec similis, qualis fructus ab arbore, secessus hic con-
cipi poterit. De cœtero quamvis Harveo prompte largiar, illum partum
naturalissimum esse, ubi cum secundinis integris harumque aquis conce-
ptus, ceu ovum integrum, prodit, quale quid tamen quia rarius contin-
gentibus accensendum, reliqui partus, qui exutis & relictis secundis fiunt
præternaturale statim dici haud debent: in quibus nihilominus exclusio
foetus non per divulsionem placentæ ab utero inchoatur, set foetus potius
exclusus hanc post se trahit, cujus connexio cum utero non raro adeo
stricta observatur, ut edito infante non, nisi violentiore obstetricis manu,
educi queat, nec hac semper educatur.*

Alii serum foetus nutritium, ad amnium depositum, post multi jugas
ab intra ad extra, & vice versa, sui circulationes dulciores & chylosas par-
tículas sensim perdere & acrimoniam induere, putant: cujus spiculis foe-
tus ad calcitrations & torsiones inordinatas commoveretur, involucri
sua disrumperet, uterumque simul laceffendo ad sui excretionem provo-
caret. Licet autem ex progymnasmate superiore patefcat, humorem
foetum circumfluum primis mensibus dulciorem & gelatinosum magis
existere, vix tamen unquam is tantam contrahet acrimoniam, quæ enor-
mius laceffendo foetum ad sinus materni amplexus subterfugiendos ur-
geat: quatenus ordinarie non magis mordax ac salivalis humiditas, ille
degustatur, motus etiam foetus, ultimis diebus ut plurimum minus impe-
tuosi, vellicationes ejusmodi vix produnt, neque causa suppetit, per quam
contentum hoc amnii, omnibus quamvis particulis lacteis exutum, acri-

PROGTMN.
III.

*Sed propter
aeris defe-
ctum.*

*Fœtus non re-
spirat.*

*Quomodo re-
spiratio ma-
tris ipsi suffi-
ciat.*

moniam potius, quam aquositatem inspidam, præ se ferat cum nihil fermentationis corruptivæ hic metuendum veniat.

Potius E. Respirationis necessitatem in scenam produco, utpote quam maxime partum ciere, præeunte Aquapendente mihi persvadeo: non equidem, quasi per appetitum quendam elicitem, squaloris uterini novimestris pertæsus, fœtus auram liberiores exposcat ac anhelet, sed quod fluidum ejus intrinsecum sine motore externo machinæ magis grandescenti impar evadat. Suppono sc. in embryone cordis & sanguinis motum sine respiratione hæcenus integrum esse, utpote qui, in tenebroso hujus corpore tardior & lentus magis, pro sui conservatione aeris impulsu haud indigebat sed cui humor nutritius, a matre deciduus & intra hujus pulmones rarefactus seu virtute elastica actus, sufficere poterat. Succum a matre infusum materiæ aere mobilius copius proportionatis imputum esse inde augurari convenit, quod sanguini arterioso involutus intra illius pulmones vitalitatis perpetuandæ characterem receperit: Propter aeris autem accessum immediatum denegatum tardiores in fœtu humorum motum celebrari, *Nobilissimus Boyle de Vi aeris elast.*: ac *Celeberrimus Pecklinus de Aeris & alimenti defectibus* experimento singulari palam faciunt. Sc. catulos tunicis suis exemptos, &, antequam sensibilibiter respirant, dissectos, vix ullum, aut perceptibilem cordis motum exercere, a tunicis vero liberatos thorace demum, postquam aliquandiu respirarint, aperto pulsum cordis satis vibrantem edere, eundemque non raro per notabile tempus continuare. Ejusmodi proin motui leniori elasticæ aeris atomi proportionatæ sunt, quibus non tantum humor nutritius a matre, sed sanguis quoque fœtus, per arterias umbilicales, adfluens, intra epar uterinum, simili ratione ac alias in pulmonibus, imprægnatur: qui ideo per venam quoque umbilicalem purpureus & splendidus magis, pariter ac per venam pulmonalem, refluit, prout in catulis mihi aliquoties conspiciere licuit, hinc placenta Pulmonis potius, præ epatis, uterini forsitan nomen merebitur.

*Quando &
cur non am-
plius sufficiat?*

Temporis vero tractu, ubi intendi debebat motus humorum vitalis, eidem continuando matris particulæ elasticæ subsidiariæ haud sufficiunt: sed fœtus immediatum & pleniores aeris accessum postulat, qui vitalitatis robur augeat, i. e. motum fluidi catholici intestinum actionibus potentioribus perficiendis accomodat. Quippe molliori & laxiori tenelli

cor-

corporis compagi exagitandæ lenior & moderatus sanguinis appulsus ac
 nisus adæquatus est, huiusque ope cunctarum partium solidarum penitio-
 ribus poris cuneoli moventes satis impingi valent, ideo quod parum resi-
 stentiæ in his offendant : ubi vero harum substantia magis solidescit &
 spissior evadit, major atque potentior quoque in movente fluido requiri-
 tur impetus, vehementior quoque cordis vibratio, qua ad quosvis illarum
 secessus intimiores, a fibrarum incremente rigiditate magis tenfos & ar-
 ctatos, cum sanguine vitali succus nutritius feratur. Hinc aeris activi
 magis impulsum seu inspirationem foetus compactiorum membrorum
 exigit, & quidem eo magis, quo plus sanguinis materni ab utero ad mam-
 mas derivatur.

Quibus suppositis problema ab Harveo propositum: *Qui fiat, ut foetus in lucem editus, membranis integris opertus & in aqua sua etiamnum manens per aliquot horas citra suffocationis periculum superstes sit; idem tamen secundis exutus, si semel respiret, postea ne momentum quidem temporis absque eo duret, sed confestim moriatur?* meo quidem iudicio facilius solvere licebit, quam hactenus quidem ab uno vel altero scriptorum & ex aliis hypothesibus factum. Sc Fœtus septimestris partu intempestivo exclusus mox respirat, & sine respiratione ne aliquot quidem momentula vivere potest, qui tamen in utero ultra nonum mensem sine aeris usu superest & vegetus perseverat: pariter sapius aliquot a matris obitu horis vitalis per sectionem cæsaream educitur fœtus & tunicis involutus nihil aeris indiget, simul ac vero ejus delicias semel delibavit, his interclusus illi-
 co suffocatur. Hic enim dicere haud sufficit, post respirationem hinc circu-
 lationem sanguinis per pulmones inchoatam, horum motu interrupto hunc stagnare & strangulare: Foramen siquidem ovale & canalis arteriosus, in fœtu patuli meatus nondum adeo præclusi sunt, quin sanguis eosdem re-
 petere & per canales hos intactis pulmonibus circumferri queat, cum ex-
 perientia horum vestigia satis conspicua in adultioribus non raro subjectis testetur. Nec admittere convenit, humores secundis inclusos tantum particularum nitroaerearum continere, quantum pro analogo respiratio-
 nis præstando & vita infantuli aliquantisper continuanda requiritur, qua-
 tenus spiritus ille nitroaereus aeris huiusque ad vitalitatem concursus in
Progymnasmate quarto & quinto in dubium vocatur. Neque quadrat,
 quam *Borellus* exponit, nodi hujus Gordii solutio, quasi fœtus, cujus san-

PROGYMN.
III.

gvis a particulis aereis, maternum sanguinem interfluis, mobilitatem vitalem hactenus mutuabatur, postquam editus & matris suppetiis destitutus sibi que relictus, sine aeris usura functioni vitali præesse nequeat: non enim Harveus quærit, cur fœtus a matre editus sine respiratione superesse non possit, sed cur editus & tunicis suis adhuc obvolutus sine matre & respiratione vivat, exutus vero iisdem mox extingvatur? Probabilius E. apparet, compagem illam corpusculi, utero aut secundinis adhuc operiti, laxiorem undulationi sanguinis leniori & vitalitati fœtus aliquomodo adhuc proportionatam esse, seu motui huic intestino non omnimode resistere; ast a superveniente aere externo mox ita comprimi & condensari, ut, nisi aeris, plumones subintrantis, quædam particulæ motivæ seu elasticæ sanguinis renitentiam intendant roburque augeant, aut quæ hactenus hoc præstiterant, denegentur, necessario motus vitalis per constipationem & pressionem habitus immoderatiorem mox turbetur ac deprimatur i. e. tantum atmosphæræ ponderis & potentiæ compressivæ accrescit, quantum substantiæ aeræ intrinsecæ hujusque virtutis decedit. Adeoque non tam propter respirationem inchoatam, quam habitus externi majorem pressuram, principium vitale intrinsecum satiscit, nisi ab aeris exterioris jugi influxu enutriatur ac perpetuetur.

Interim manes Harvei non ægre laturos confido, si deside experimenti hujus absoluta ejusque universalitate ambigam, i. e. forsan non omnem fœtum, qui jamdum respiravit, mox ab aeris externi penuria extingui. Ambigere siquidem me jubent binæ historiæ stuporis plenæ, quarum nihilominus fidem Acta forensia testantur, quas ex alia quadam mearum schedularum repetere liceat. Sc. in prato Torgaviensis argi Anno millesimo sexcentesimo decimo nono meretricula quædam puellam enititur, quam tanquam flagitii testem ut occultaret, vivam in terram vicinam defodit, vivam nihilominus postmodum magistratus protrahit. Pariter Anno millesimo sexcentesimo septuagesimo quarto parentes, quam ex nefario coitu genuerant, filiam editam mox pannis involvunt, scrobi in horreo ad altitudinem pedis paratæ imponunt, terra hanc replent & spicarum avenacearum mergitibus tegunt, mirando tamen fato, quo missella hæc defossa post septem horarum spatium superstes & viva eruta fuit, & parentes a crudeli infanticidii crimine liberavit.

Hact-

Hactenus de Casu, partum indicente & urgente, nunc investiganda restant, quæ eundem perficiunt, quæq; duplicis generis observamus, matrem nempe parturientem & pariendum foetum quorum utrumque in negotio hoc conspirare, vel illud credere jubet, quod alterutro munere suo non fungente partus fatiscat aut deficiat, quamvis experientia constet, interdum foetum mortuum solo matris nisu, interdum hac defuncta foetum vivum, ejici. Atq; hæc quidem utriusque molimina mutua & synchronica sunt, ut foetus in motus extraordinarios concitatus membrorum suorum extensionibus ac gyrationibus uterum, ad ejiciendum hunc sibi molestum hospitem, provocet, hic suis contractionibus eundem comprimat & molestat ab hujusvero conatibus novos denuo stimulos suscipiat, illumq; extrudat.

Foetum in partu minus otiosum esse, præter observationes illorum, qui a matre mortua vivum foetum secessisse perhibent, v.g. *Cornar. hist. ad mir. 14. Matthæi quest. medic. Salmuth. centur. 2. obs. 1. & 36. Harv. de Partu & Act. Hafn. vol. 2. obs. 35.* inde evincitur, quod hujus viribus fractis parturientis conatus rariores & debiliores, hinc partus difficilior reddatur, etiamsi, quæ communiter de eo tradunt, non adeo evidentia videantur. Ita dum foetum aliquot ante partum diebus, imo septimanis (juxta alios septimo etiam mense) situm suum pristinum mutare, i.e. convoluto corpore in caput præcipitari, ajunt, & quidem præ hujus gravitate seu pondere, non perpetuæ observationis est, sed pro subjectorum diversitate variat: quatenus in quibusdam equidem foeminis tale quid contingere, obstetricum exploratio & cadaverum sectiones docent, secus tamen se res habet in aliis, quæ non, nisi aliquot ante partum horis singularem abdominis tensionem ejusque figuræ mutationem observant, hinc de ejusmodi reflexione foetus certæ evadunt. Multo minus capitis pondus auctum foetum adeo intempestive præcipitem dabit, cum, ne plura addam, complexus uteri strictior oneri capitis levando ac sustinendo satis commodus existat. Pariter nec quam a calcitracione foetus membranarum rupturam, & aquarum profusionem sibi concipiunt, omni difficultate caret: quod instante partu uterus non tam elongetur seu dilatetur, i.e. ad extendenda & laceranda involucria foetui locus paretur, quam conglobatus seu in sphaeram convolutus appareat, & ad cervicem magis subsideat. Et probabilius differunt, qui membranas non a foetu, sed ab ipsis humoribus, in angustum coactis, rumpi suspicantur: quate-

PROGYN.

III.

Causa partum moventes.

Matre mortua editur vivus foetus.

An foetus ante partum in caput convertatur?

Foetus non rumpit membranas.

Sed ipsa humorum fluida.

nus

PROGYMN.
III.

nus per orificium uteri internum quod primo hiat, vesica quasi aqua turgida prominet, capite foetus satis alte adhuc constituto, imo interdum in partu praternaturali plane reclinato & ab orificio averso. Hinc orificio magis magisque expanso, fundo vero uterino contracto humores copiosius exprimuntur, ac ab eorum impulsu ac turgescencia involucria tensa lacerantur.

Mater in partu agit, Uterus

& diaphragmate.

Mater autem concurrat tam ratione uteri, cujus fibrosa compages tensa & stimolata renitentia & contractione sua foetum exprimit, ita quidem, ut hoc exturbato illius ambitus notabiliter imminuatur ac pedetentim ad pristinam exilitatem conglobetur: quam diaphragmatis tensione, seu expiratione cohibita, qua foetus exclusioni simili modo, ac foetum alvinarum excretioni, famulatur, imprimis si ipsis conatibus uterinis molimina hæc voluntaria combinet pariens, quod obstetrices *partum juvare* ajunt. An fluidi catholici, i. e. sanguinis & spirituum peculiaris simul subsit impetus & qualis, equidem determinare non audeo, animadvertens nihilominus, symptomata nonnulla, parturientium conatibus non absimilia gravidam, temporibus illis, quibus matri non gravidæ menstrua fluunt, vexare, tempus partus ut plurimum cum mensum termino coincidere, hoc in quibusdam paulo ante partum copiosius ad mammas deflecti, affluxum feri uberiorem tunc ad muliebria contingere, hasque partes sensibilibiter emolliri & laxari, ac denique medicamenta volatilia sanguinem fundentia mensesque moventia partum accelerare: non omni probabilitate destituitur, fluidorum quoque motum magis universalem parturientibus obstetricari.

Ossa pubis in partu non dissolvuntur.

Dum E. aquæ e laceratis tunicis profluunt, foetus caput, uteri orificio perpendiculariter imminens, hac immediate sequitur & cum trunco & artubus, sibi que combinatis secundis emancipatur. Quod ut commodius fiat, tota non tantum vagina uteri, sed ossium quoque pubis, coxendicis sacri & coccygis juncturae notabiliter laxantur, potissimum vero ultimum horum ossiculum ad posteriora reclinatur, ita quidem ut juvenulae annosis ut plurimum vel ideo minore labore pariant, quod hoc flexibilis uteri aperturæ facilius cedat, ac reliquarum cartilagine molliores notabiliorem distensionem patiantur. Quæ autem de ossium pubis in partu divulsione vulgo tradunt, nec in difficili satis observantur, nisi in casibus plane extraordinariis: laxaturque tantum cartilago illa conglutinans, qua
ab

ab humiditatibus confluis rarefacta & intumefcente extrema illorum magis equidem a se invicem elongantur, nunquam tamen, quod in quaestione illorum continuitas solvitur, sed interveniente illa cartilagine, instar vinculi seu ligamenti connexa detinentur, quicquid etiam multi reclamant.

Avulsas secundinas excipiunt purgamenta uteri cruenta seu Lochia, *Lochia*, non quidem, quod Foetus & Uteri vasis aliqua haecenus intercesserit continuitas, nunc soluta, sed quod ostiola vasorum uterinorum a placenta obturata, nunc vero reſerata, sanguinem gestationis tempore intra vasa & uteri spongiosam pulpam cumulatam, evomant, a corrugatione successiva suarum fibrarum, ad pristinam usque uteri figuram ac molem sensim arctata. Et paradoxus satis videtur, quem *Salmuth. cent. 3. obs. 89.* testatur, lochiorum defectus naturalis, dum foeminae cuidam illorum nihil plane fluxit, quinimo haec in ipso partu vix tantum cruoris excrevit, quantum spatium manus extensae tingeret. Inter Medicos equidem ad hunc usque diem controvertitur, an uterus ab incrementis foetus mole distensus ratione suae substantiae aut parietum attenuetur, an potius incrassetur? quatenus cum *Galeno & Vesalio* prius asserunt *Falcoburgius & Mauriceau*, ita quidem ut horum prior placenta utero arctius adherescerentem aliis imposuisse suspicetur, posterior sententiam Galeni dogmati contrariam, erroneam valde pronunciarit: posterius autem phenomenon profitentur *Arantius, Baubinus, Iacob. Sylvius Fontanus, Laurentius, Varolius, Spigelius, Riolanus, Roonhuysen, Graef* ac potissimi Neoterici, uteri nempe tunicas secus, ac alias membranas, quanto magis distenduntur, eo magis crassescere, ita ut instante partu pollicis ad minimum spissitudinem aequent. Sed totum & ad tot secula extensum certamen forsan componere licebit facile & ad hunc modum. Sc. quando crassescere in gravidis dicitur uteri substantia, haud illo sensu hoc fit, quasi haec, quae in non praegnanter pollicis transverso crassitie accedit, in gestante ultra hunc tumeat, utpote quod contra autopsiam, quae in cunctis, quorum secandi copia mihi facta fuit, subjectis uterum a foetu ad partum usque explicatum ratione suae substantiae digiti minoris profunditatem vix excedere, hinc utero vacuo longe tenuiorem, praepressis circa fundum, monstravit. Quod si vero crassities haec cum circumferentia & amplitudine, quam uterum praegnantis ultimis mensibus gaudet, comparetur: illa revera mirum in modum aucta dici debet, i. e. uteri substantiae & moli multum accessit,

F

quod

PROGYMN.
IV.

quod antea non habebat, ita ut quæ extra imprægnationem rarissime unciarum duarum, nunc libræ unius ac alterius, pondus multum excedat. Vnde verosimile fit, illos, qui augmentum hoc uteri negarunt, sine autopsia soli rationi, a vesicæ dilatatione petitis, confisos fuisse, cujus major expansio majorem attenuationem comitem nansciscatur: aut uteros maxime exsuccos & per hæmorrhagias exsiccatos tantum secuisse, quale quid *de Caux de Gener. homin. append. 2. no. 1.* sibi obvenisse perhibet.

Quippe non mera distensio & fibrarum distractio est, quam uterus ab imprægnatione patitur, sed ejusdem substantia insimul a suscepto & congesto sanguine, instar spongiæ, intumescit, ut in plura quasi strata evadere & pori illius minores in acetabula conspectiora explicari videantur, usque dum post partum fibræ se denuo contrahant & lochiis expressis ad naturalem tenuitatem, aut, si mavis, crassitiem, ille redeat.

*Sanguis non
stagnat circa
uterum.*

Dum colligi dixi gestationis tempore circa uterum sanguinem, nulla hujus stagnatio concipi debet, per quam in putredinem contentum aque ac continens necessario abriperetur, sed segnior tantum & qui circulationi reliquarum partium non respondet, per uteri poros ejus motus est; ita tamen ut singulis momentis recentibus sanguinis particulis diluatur & novam vitalitatem ab arteriis hypogastricis recipiat, hinc a congruescentia & corruptione præservetur. Neque mirandum, per illam tantum uteri partem, qua secundina sibi hic agglutinata tenebat, totam nihilominus ejus compagem expurgari & a superfluitatibus fœculentioribus liberari. Singularis siquidem non modo inter vasa uterina utriusque lateris deprehenditur associatio, pluresque horum inosculationes quam manifestissime cernuntur, sed tota uteri substantia cavernosa unicum & continuum quasi vas, tortuosum nimirum ac cellulosum, est, ex cujus cavernulæ uni ad alteram commeatus patulus conceditur.

PROGYMNASMA IV.

DE

PRINCIPIO VITALI SEV FORMA CORPORIS NOSTRI ANIMALIS.

*Corpus nostrum
sicut in Machina
est.*

CORPUS nostrum, quod cum animantibus perfectioribus reliquis, quoad potissima membra, harum conformationem & mutuam habitudinem

nem, commune gerimus, satis congrue nunc a Philosophis & Medicis plurimis machinæ comparari solet, ex variis organis, tanquam totidem rotulis, vectibus, elastris, ligulis, funiculis &c. instar automati cujusdam, conflata: quæ quamdiu functiones suas organicas; a motu horum multifario emergentes, exercet, tamdiu vivere dicitur, quando vero motus ille, omnium actionum animalium rector, cessat, adeoque hæc pereunt, mortua appelletur.

Vno verbo: Vita, ut cum *Helmontio* loquar, *est principium formale, quo entia creata quævis, & per consequens, Animantia quoque agunt, quod agere jussa sunt.* Vix equidem inficiari licet, animalia spontaneas etiam exercere actiones, a nulla machina expectandas, utpote cujus motus continuus & æqualis semper observatur: dum illa nunc partes has vel illas pro lubitu movent, iisdemque quietem imperant: minime tamen ideo analogia, quam utraque intercedere cum Neotericis dixi, evanescit.

Quippe quemadmodum in homine animam rationalem moderatricem diversorum motuum animalium concipimus, ita non efficienter, sed occasionaliter concurrere, motusque illos pari forsan ratione dirigere videtur, occasionaliter concurrere, motusque illos pari forsan ratione dirigere videtur, ac horologii seu machinæ hydraulicæ impetus atque tendentias variis occasionibus sufflaminare, accelerare aut quocunque modo immutare licet: in brutis vero, qui nobis videntur actus spontanei, ab objectis nihilominus sensibilibus tantum emergunt, sensoria externa cum spiritibus animalibus ad medullarem usque cerebri substantiam varie exagitantibus, hosque ad organa motoria dirigentibus.

Præjudicium enim, quo animalia bruta horumque musculos motibus vere spontaneis gaudere, nobis persuademus, inde præprimis exurgere videtur, quod dum sensationes & motus corporis nostri locales sine præmeditatione aut directorio animæ rationalis raro fieri observamus, aut quod fiant, mente percipimus, illos immediate & semper ab hac emanare credamus, cum tamen ab ejusmodi ente spiritali & incorporeo tale quid haud sperandum. Quatenus v. g. mens equidem nostra in conceptibus formandis occupatur, eosque exprimere loquela jubet, minus tamen sollicita est de thorace & pulmonibus dilatandis & constringendis, de lingua volvenda, de trachæ cartilaginibus adducendis & abducendis, labiisve referendis aut comprimendis similibusque & infinitis fere motibus, voluntariis communiter appellatis, peragendis: utut illos actu fieri percipiat;

PROGTMN.
IV.

ciat. Neque etiam omnes corporis humani motus ab eadem anima cognoscente, sed interdum a solis objectis aut cerebri peculiari dispositione, nobis insciis & plane invitis, v. g. convulsi, determinantur: nec infrequens est animæ sensitivæ pathemata, obstrepente rationali, tales nobis imprimere impetus, qualibus ad incongrua ferimur; ut taceam, sapius nos hæc vel illa differere aut recitare, v. g. preces, mente minime ad prolata verba, sed ad aliam, eamque non raro diversissimam, rem applicata. Adeoque diversi motus, juxta *Cartesium*, equidem in homine, non tamen per hominem, exercentur.

*Artis opera:
non raro motus
spontaneos
maxime amu-
lantur.*

Præterea nec varietas illa motuum spontaneorum dictorum derogat, quo minus principium motus materiale & mechanicum in nobis perinde ac in brutis, supponamus: si præprimis ponderemus, quam stupendas hodie æque ac olim ars produxerit & producat operas taumaturgas, ordinaria & vulgaria, v. g. horologia, machinas hydraulicas, pneumaticas &c. motuum varietate longe antecellentes, talium etiam, quos, homo v. g. barbarus, & qui nullum unquam ejusmodi automaton conspexisset, aut ejus structuram penitiorum cognovisset, pro motibus vitalibus & animalibus haberet. Nolo ex Antiquitate revocare ligneam Dædali Venerem, quam ab infuso hydrargyro, velut a sanguine, ad gressus formandos agitatam fuisse referunt: neque Architæ Tarentini columbam, cui ars volandi potentiam conciliarat, nec aves Memnonis motu & sono animatas: nec Iohannis-Regio Montani aquilam ligneam, quæ volando Imperatori Norimbergam tendenti viam monstrabat: recentiora magis nobis obvia sunt automata, quibus aliquid, vel magici vel animaleitatis, subesse, incautus putare, v. g. horologia, quæ postquam modum determinatum absolverunt, ad eundem repetendum sponte se accingunt & restituuntur, motus siderum, fluxum ac refluxum maris, similiaque monstrantia. Item cohortes militum equestrium ac pedestrium, arte conflatorum, diversos motus ac exercitia militaria, æque ac animatæ, ad stuporem usque præstantes. Quo etiam spectat ferrea ista statua, quæ referente *N. a Waesenaer Tom. 5. Hist. ann. 1623.* per Varios anfractus Regi Maroccensi appropinquabat, flexisque genibus libellum supplicem exhibebat, & eadem via recedebat. Id est dum *utuntur*, juxta *Aristotelem*, natura, quæ in circulo reperitur, opifices, varia conficiunt instrumenta, occultantes principium, ita ut pars tantum machinæ appareat immobilis, non manifestata causa.

Multo

Multo magis proin in totius Macrocosmi & Microcosmi Artifice summo & infinitæ scientiæ atque potentiæ Mechanico, seu creatore primo. IV. admittere & venerari conveniet ejusmodi virtutem, per quam nobis quidem omnibusque nostris artibus superiora, illius tamen Omnipotentia longe inferiora, produci & coagmentari potuisse, persuadeamus. Potissimum cum ipse *Aristoteles* passim, præprimis modum horum comparatione quadam ad machinam automatam explicet his verbis: *Quemadmodum spontanea appellata machina parva motione facta moveatur, laxatis seque mutuo impellentibus vertebis; ita & animalia moventur: Instrumenta namque ejusmodi habent cum nervorum, tum ossium, naturam, & hac quidem tanquam ibi ligna & ferrum, nervos autem ut vertebas, quibus solutis & laxatis moventur.* De cætero, utut omnium actionum & motuum quos bruta exerunt, ætiologias adeo evidentes reddere vix valeamus, ac Opifex taumaturgi sui corporis motionum cunctarum rationes exactas & mechanicas recenset, ac per habitudinem illius rotularum, elaterum &c. ad oculum demonstrat: haud tamen ideo ad peculiarem, præter hanc partium dispositionem, motorem seu animam recurrere convenit, phænomena animalia minus declarantem, & tantum non majori obscuritati involventem.

Omnes autem functiones animales, aut certe, quotquot earum nobis innotescunt, in motu quodam, sive locali, sive intestino (quamvis nec innotestinus sine particularum situs & loci mutatione concipi queat) consistere, aut nullam harum sine alterutro eorum perfici seu concipi posse, aliquis illarum illustratio, hincque formata inductio monstrabit: utut motum hunc in quibusdam earum magis minusve manifestum esse, diffiteri haud liceat. Masticationem, deglutitionem, recrementorum, narium, fœcum, alvi ac urinæ excretionem, salivæ & sputi rejectionem, respirationem, sanguinis circulationem & quasvis artuum ac membrorum externorum agitationes semper cum & nunquam sine motu, seu partium diversarum solidarum præprimis musculorum, contractione ac extensione determinata contingere, ex confesso omnium nunc potius suppono, quam ut prolixis demonstrationibus illud evincere tentem: reliquis phænomenis animalibus motum pariter subesse, huncque illorum formalitatem absolvere, potius demonstraturus.

Alimentorum appetentiam, si veteribus concedas partium nutriendarum atque vasorum capillarium exinanitionem, hincque per majores

PROGTMN.
IV.

horum tubos ad Epar & Ventriculum derivatam suctionem, aut cum Neotericis ab humiditate lymphatica ventriculi, fibras hujus vellicante, & spiritibus animalibus quasi retrogradum & determinatum motum imprimente, illam fieri dicas: motum huic functioni denegare haud poteris, sive suctionis, sive vellicationis notione eum explices.

Chylificatio, sive sub caloris, sive fluidi fermentativi aut solventis, moderamine concipiatur: particulas tamen assumptorum a se invicem recedere, aliisque adaptari, i. e. in prima hac digestionem locum mutare, palam est; ut taceam, caloris formalitatem in motu consistere, nec lympham illam ventriculi, solventem vel fermentantem, sine hoc confici seu ad ventriculum deponi posse, Producti hujus ventriculi ulteriorem in intestinis perfectionem ac deputationem, absque succi pancreatici & bilis appulsu, glandularum intestinalium emunctione, chyli heterogeneousitatem secessu, & sine intestinorum motu peristaltico nemo sanæ mentis sibi fingere valebit; & multo minus chyli laudabilis translocationem ac ad vasa lactea ac massam sanguineam depositionem. Pariter sanguificatio & succi nutritii ulterior exaltatio, per quamcunque demum hypothesein explicetur, nunquam tamen sine incallescencia, rarefactione & compositione, uno verbo, sine motu, stabunt. Lymphæ, bilis, urinæ ac sudoris secretionem dum dicis, translocationem & divulsionem particularum, antehac contiguarum, hic fieri, ultro concedis, & quidem notabilem valde: quatenus qui latices sub massæ uniformis contiguitate intra unius ejusdemque vasis generis limites coercerantur, ad diversos nunc canales & emunctoria ablegantur, i. e. continuo sanguinis arteriosi appulsu atque impetu per colatoria adæquata urgentur. Entis illius, quod Spiritus animalis nomine communiter gaudet, præparationem aut segregationem firimari quis satagat, absque motu & transpositione certarum sanguinis particularum ad cerebri substantiam illam haud deprehendet, potissimum cum eodem pariter sanguinis jugi accessu hic opus sit, utpote sine quo mox eclipsin patitur anima sensitiva seu œconomia animalis: profecto non tantum, quatenus illi materia appropriata subtrahitur, sed quatenus hæc ipsa ejus confectio, motore illo quiescente, sistitur ac cessat. Sensationem de cætero quod concernit, ejus formalitas in motu seu undulatione spirituum animalium determinata erit quærenda, ideo scilicet quod illi, tanquam corpora physica, ab objectis externis, nisi his reddantur contigui, affici nequeant, neque hæc mutationes cerebro ac sensuum internorum organo

organo communicari valeant, nisi illi agitentur, aliosque sui generis ex-^{PROGTMN.} agitent. Dum ergo recensitæ hætenus functiones a motu ita dependent, IV. ut sine eo nullæ sint ac frustrentur, neque ulla alia in corpore animali observetur, de quaidem prædicari non liceat: non inepte concludi puto, totam corporis animalis œconomiam a motu quodam illius universali, cujus vis in diversis organis diversimode modificatur, regi atque dirigi.

Cum autem omne corpus quod movetur, ab alio moveatur, i. e. nul-^{Movetur cor-} lum horum per actuositatem sibi propriam (utpote cujus essentia nulla ^{pus non a se} competit) statum suum mutet, sed ab actuositate alterius & extrinseci ^{ipso, sed ab} omnem motum expectet: non sine ratione investigare convenit, & olim ^{alio.} æque ac nunc investigatum fuit, quodnam illud movens sit, hæc nostra membra horumque contenta perenni ejusmodi vibratione regens? Re-^{Non ab anima} spondent communiter, Anima, & quidem rationalis. Verum, quamvis ^{rationali.} concedi debeat, Animam hanc ut merum spiritum, actuositate propria gaudere: eo ipso tamen, dum per eandem homo imagine Dei splendere dicitur, i. e. hæc immaterialis est, actionum organicarum directrix credi vix potest, nec ad gubernandam corporis nostri œconomiam immediate aliquid confert, sed actionibus immaterialibus, quales intellectus & voluntas, tantum præest; ita quidem, ut, quamvis motus quidam nostri corporis inde promanare videantur, horum tamen non vera sed occasio-^{Anima sensi-} nalis tantum, causa existat, prout superius dictum. Præterea si bruta eo-^{tibi est cor-} dem, ac homo, ventriculo, epate, corde, cerebro &c. absque agentis mere spirituosi influxu aut adjutorio chylicant, bilem secernunt, sanguini ^{porea.} motum localem imprimunt, ac liquorem nerveum conficiunt: cur ho-
minis visceribus vitalibus virtutes has, sine animæ rationalis concursu, de-
negabimus?

Sed quoniam prolixius ante me Animæ immaterialis in corpus absolute imperium destruxerunt Philosophi plures: de movente materiali erit cogitandum, quod animam sensitivam, male tamen, vocant, quatenus, proprie loquendo, nullum præter animam rationalem ens existit, cui, ut a corpore distincto, titulus animæ competat, nullaque a corpore & anima rationali distincta substantia in nobis reperitur. Adeoque anima hæc sensitiva si admitti debet, ejus formalitas seu essentia non in substantia a materia partium distincta, sed, quia ^{primo} in multis animalibus v. g. lumbricis, lacertis, serpentibus, anguillis, apibus &c. divisibilis observatur, materiale aliquod, quatenus divisibilitas materiæ, tanquam substantiæ

PROGTMN.
IV.

Substantiæ extensæ, individuus comes est, concipienda erit. Dubitare equidem liceret, in quibusdam, eisq; imperfectioribus tantum, animalibus hanc animæ divisibilitatem in partibus separatis observari: ast regeo, in perfectioribus quoque, qualia præter anguillam diversa alia aquatiliū genera sunt, it. quadrupedum musculis cordi, intestinis &c. simile quid contingere, ut taceam, quæ de corde hominis extracto & ad septem aut octo minutarum in igne palpitante ac subsultante, it. de homine, qui pari supplicii genere evisceratus, hinc corde suo in manu carnificis existente, aliquot adhuc precum verba proferre, auditus fuit, *Verulamius de Vita & Morte* refert, & de motibus oculorum, labiorum in capitibus decollatorum, horumque truncorum variis exagitationibus præter quotidianam experientiam *M. Marci Phil. Vet. rest. part. 3. f. 8. sub sect. 1.* annotavit. De cætero, quamvis hæc suspectæ fidei quibusdam videri possent, neque omnium animalium membra detruncata æque motus aliquid vitalis exerant, ne utique tamen corporeitas hujus motoris animalis erit in dubium vocanda. Si enim quæras, quo se recipiat anima partis amputatæ, respondent, retrahi ad corpus reliquum; eo ipso ergo dum contractioni & expansioni obnoxia est, corporea dici meretur, imo in reliquum corpus illam se recipere vix posse, inde auguari convenit, quod nulla partium corporis viventis inanimata seu informis sit, nec sine absurdi commissi culpa dici queat, partes has superstites plus formæ aut animæ, quam antea habebant, nunc recepisse.

Deinde dum sensationes, præter tactum, reliquæ quatuor nihil aliud, quam passiones & motus ab objectis corporeis impressi, & species tactus sunt, non, nisi corporeum exagitabunt, & commovebunt, huicque modo voluptatis, modo doloris, perceptionem inducent, i. e. per contactum realem animam corpoream afficient. Accedit his *Tertio* pugna illa inter animam sensitivam & rationalem, per quam, quæ hæc nescit, vult aut non vult, illa agit, aut non agit, v. g. dum totum Pater Noster similemve precationem sine omni animæ rationalis attentione seu devotione dicimus, concupiscentiis ejusmodi exandescimus, quibus sana ratio frænum quidem imponere tentat, frustraneo tamen conatu & ab impetu animæ sensitivæ eluso. Denique & *quarto* (pluribus enim argumentis recensendis nec mihi, nec aliis, molestiam creabo) quam levi occasione constrictus, compressus aut laceratus nervus animæ sensitivæ influxum sinit aut intercipit, & cerebrum per subsidentiam calvariæ, sanguinisve

con-

congruationem compressum totalem apoplexiam corpori infert: haud PROGTMN.
 igitur immateriale erit, omnia penetrans, cui obex adeo firmus contingere IV.
 potest. Breviter, idem plane ortus est vitæ hominum ac bruto-
 rum, iisdem instrumentis & functionibus utrorumque vita conser-
 vatur & perpetuatur, demumque eadem prorsus ratione dissolvitur
 ac perit.

Actionum interim vitalium Tummus vigor, celeritas atque impetus, *Cui parti cor-*
 materiam hanc, cui anima illa coextenditur, subtilem ac mobilem valde *poris radica-*
 suadent, ratione cujus mobilitatis formam, nostra corpora astuantem, *spiliter hæc ani-*
 ritum seu spirituum congeriem forsan dicere liceret, non quasi immateria- *na inexistat?*
 lis & corpori contradistincta substantia hæc existat, sed quod instar spiri-
 tus cujusdam, arte chymica producti subtilissima & agilis admodum ob-
 servetur, aut agilitatem corpori reliquo præstet: aut propter vigorem
 hunc ejus summum, principium hoc vitale nulli forsan creaturæ commo-
 dius, quam lumini, comparabitur, quod, quamdiu radios sine interposita
 nube aliove corpore opaco projicit, & longinquo etiam illuminat; & ani-
 ma nostra sensitiva, nullis remoris aut impedimentis sufflaminata, totum
 corpus actuat, in syncope vero, apoplexia &c. quasi extincta prostermitur,
 nebula tamen discussa interdum vim suam denuo exerit. Proin quam-
 vis, si mechanicam, consulamus & automatum artificiale pot-
 tentiam motivam scrutemur, modo ab elatere solidiore aut pondere,
 modo a fluore Aquæ Aëris vel ignis, eam emergere, palam fiat: quia ta-
 men solidorum moventium impetus brevior longe, quam qui vitæ dura-
 tione proportionatus est, contra fluidorum, utpote natura sua & semper
 in motu existentium, impulsus magis perennis, videtur, vix solidiori cui *Non Solida.*
 dam corporis nostri organo, sed fluido potius, principatus & directorium
 adeo perpetuum erit committendum. Quatenus per elasticitatem ejus *Elasticitas*
 modi tantum corporum nisus concipiendus est, quo hæc in aliam configu- *quid?*
 rationem ab ea, in qua per externam aliquam vim detinebantur, tendunt,
 i.e. eorum partes equidem flexiles, ita tamen se habent, ut in statu illo, in
 quem pressione externa sunt adductæ, haud maneat: ideoque Elateres
 tantum saltem motus corporibus obviis imprimere possunt, quantum a
 pressione illa partes illæ receperant; quod, quia exile, nisum etiam satis
 exilem & breviorē ciere, hinc motui vitali per plures annos duraturo,
 præstando minus congruum videtur; ut taceam ejusmodi elaterem in
 corpore haud reperiri. Ponderis appensivi vim ut declinem, vix opus, cum

PROGTMN.

IV.

*Sed Fluida.**Ss. Sanguini.*

nec tale quid in corpore observetur: Fluida ergo potius substantia negotio huic adaequata magis erit.

Scilicet ubicunque machina ex substantia solida & fluida coagmentatur, principium motus automati non in solida, sed fluida, experimur, utpote' cujus particulae natura sua semper in motu existunt, potior etiam vis movendi solida fluidis, quam solidis fluida ac solida exagitandi, inest: ita quidem ut, quamdiu fluida substantia sensibilibiter movetur, tamdiu machina, si quoad omnes sui partes solidas integra & rite cohaerens fuerit, agitur, motu vero illius cessante haec quoque haeret seu torpet. Pari modo nulli parti corporis animalis solidae motoris summi & universalis munus, hinc primatum aliquem decernendum puto, sed a fluido potius universali seu hoc, quod cuncta membra alluit ac permeat, i. e. sanguine, haec actuari, probabile fit.

Ab hoc enim huiusque appulsu illa compagis nostrae solidioris dependet activitas, quam vitam vocamus, quatenus (1.) diversa S. S. loca evincunt, animam carnis sanguinem & in sanguine esse: (2.) nullus in quacunque corporis parte deprehenditur calor nullaque vitalitas, quam quae cum sanguine per aterias influit, contra influxu hoc impedito, v. g. in syncope, passione hysterica, extrema mox frigescent, sensus & motus turbantur, ac cadaveri simile apparet corpus: imo ipsum cor, quod sedem vitae regiam seu primariam motoris primi & vitalis vulgo proclament, quicquid vitalitatis habet, id omne a sanguine, per arterias coronarias substantiam ejus subeunte, mutuatur. De cetero (3.) sanguis pars principalis & primogenia corporis existit, a qua & in qua pulsatio puncti salientis in ovo inchoatur, & in qua etiam in ultimo mortis articulo omnis motus desinit, quodque omnium reliquorum fluidorum animalium fidus promus condus existit. Denique & (4.) cum sanguinis profusionibus extraordinariis vires imminuuntur, cum immoderationibus vita perit.

*Consequamen-
tum genitale
& sanguis non
differunt acti-
vitate.*

Etsi enim *Harveus de gener. animal. exerc. II.* sub finem tertii & quarto die punctum saliens & purpuram sanguinis simul sibi apparuisse, testetur, imo *Celeberrimus Malpighius de form. pulli* cordis motum sanguine rubicundo priorem esse, augeretur: minime tamen aliquid contra sanguinis in corpore actuando vim inferre licet, quatenus fluidum candicans, quod postremo rubicundum evadit, nihil aliud, quam ipse sanguis, seu humor genitilis, successu temporis purpuram inducens, est, adeoque motum vitalem quasi magis concentratum praestat, eo praeparatis tempore,

ubi

ubi præter vesiculam pulsantem & vasorum aliquos tractus umbratiles, nulla adhuc partium solidarum comparebat. Neque enim color ille fluidi-^{PROGTMN. IV.} do corporis perfectioris præ liquore foetus formandi majorem vim conciliat, utpote qui effectus potius, quam causa, vitalitatis existit, adeoque non minus a virtute genitili seu vitali dependet, ac partes reliquæ tam solidæ, quam fluidæ, producendæ: & sanguis purpureus non majorem præ colliquamento genitili limpido & candido prærogativam habet, quam vinum rubellum præ fulvo aut pallidioræ.

Eo ipso tamen dum non sanguis, ut talis, vitalitatem hanc habet & partibus solidis concedit, sed subjectum tantum ejus immediatum existit, vel quod ipsa S.S. animam sanguini, inesse asserat, nec sanguis profusus aut cadaveris vasis inexistentis vitalis dici queat: porro nunc investigandum, quodnam illud sit, quod sanguinem vitalem a cadaveroso distinguit, seu qualis sit ille character, ratione cujus sanguis vivit & vivificat, i. e. quæ sit vitæ formalitas, quæ sanguinem hujusque interventu machinam animale universali & perenni adeo influxu actuat? Atque in hoc principio vitali determinando, potissimis scriptores, meo quidem judicio, errarunt, quod ens quoddam hypostaticum & substantiam a materia separatam, prout jam dictum, illud crediderint, hinc modo sub animæ sensitivæ, calidi innati, substantiæ igneæ & lucidæ, spiritus vitalis, archei conceptibus crudis & ambiguis explicuerint; quibus nec felicior, nec perspicacior *Cornelius Consens.* prædicari debet, ut ut de fato hoc in passu magis propitio sibi gratuletur, dum halitum, quendam tenuissimum Sanguini in hærentem omnium vitalium operationum effectorem pronunciat. Cum tamen nullam entitatem in sanguine vivente aliam, si motum excipias, quam in cadaveroso, observare liceat; adeoque hic ab illo pariter tantum ac horologium quiescens ab actu moto, differat. Modum ergo hunc principium vitale pronunciare conveniet, utpote quem solum sanguis vivus sibi peculiarem servat: & fluiditas atque calor ipsi simul inexistentes motus potius vivifici effectus & producta videntur.

Fluoris ac spissitudinis naturæ explicandæ equidem hic immorari nolo, ast de sanguine supponendum erit, illum, particulis ramosis ac viscidioribus turgidum, si quiescat, plus minus grumescere & congelari, ideo præprimis, quod calor, viscidam & gelatinosam hanc substantiam solvens, pereat, hæcque particulas rubicundas involvens nomine cruoris per ponderositatem, qua sero aqueo præpollet, subsideat ac secedat: ergo

PROGTMN. a motu fluxibilitatem tam immediate, quam mediate habet; & ab hac
 IV. tanta actuositas, quantavitalis, nunquam expectari poterit. Quem vero
 Nec calor. calorem in sanguine, quemque cum hoc ad totam peripheriam deferri,
 deprehendimus, pariter motus tantum illius intestini consequens est,
 huncque, ut umbra corpus, sequitur, i. e. juxta Hippocr. de Corde, San-
 guis non est natura calidus, sed calefcit, hinc Calor hic inepte satis princi-
 pium vitale de cathedris proclamatus fuit, sive seorsim, sive humido ra-
 dicali combinatus, attendatur.

Quid calidum
 innatum bete-
 rum,

Scilicet veteres sibi concipiebant calorem quendam connatum
 cum Humido quodam radicali pingui, illum principium vitale activum,
 hoc passivum, pronunciantes, eo quod iste consumens, hoc, tanquam
 pabulo, frueretur & ab hujus jugi featurigine, instar flammæ ab oleo,
 aleretur & sustentaretur: ita quidem, ut calidum innatum ex humido
 primigenio & calore spiritioso compositum, omnibusque partibus
 solidis proportionabiliter in prima conceptione coëxtensum atque alli-
 gatum, i. e. de eo alia membra plus, v. g. cor & epar, alia minus, v. g.
 cerebrum, intestina, participare, hinc quædam sibi tantum tepescere,
 crederent, dum reliquorum ignis suæ activitatis sphaeram ad totum cor-
 pus expanderet, i. e. ad reliquas partes, præter his insitum, influum
 quoque calidum emittere. Ast dogma hoc commento satis egregio
 simile est, dum primo Calor nullus, nisi in sanguine aut a sanguine, ut
 pote cum quo, a corde propulso omnis calor ad totius peripheriam
 derivatur, in hac vero statim torpescit ac extinguitur, dum in syncope
 vel aliis animi deliquiis sanguis non appellitur, ejusve motus intestinus
 hebescit: ita ut secundo humidum præter sanguinem radicale aliud ens
 rationis videatur, atque hoc nomine ab Harveo prolixè & sollemniter
 satis jamdum explosum fuerit. Cui accedit Tercio quod animalia den-
 tur, v. g. ranæ, testudines, pisces, serpentes, echini, gelida maxime, &
 quorum sanguis frigore nivi fere par observatur, quæ nihilominus
 vivacissima, summe fœcunda & ad vitales functiones quasvis obeundas
 quam aptissima existunt, i. e. tales cum frigore intestino actiones exer-
 cent, quas in aliis animalibus calor notabilis producere credebatur; &
 quod in extispiciis animalium frequentius deprehendi, cor etiam horum
 tactu frigidum diu satis adhuc palpitet: hincque falsum maxime appareat
 suppositum, calorem quendam innatum vitalitatis animantium autorem
 esse

esse, imo omne calidum partium solidarum vitale, mobile & evanesibile, PROGTMN.
i. e. influens nullum vero ipsis alligatum & connexum, dicendum. IV.

Ratione ergo motus sanguinis, hic suppono, illum duplicem ex ^{partium soli-}
istere, intestinum & circularem seu progressivum, & utrumque vita-
litatem corpori concedere, cum motus cordis & sanguinis illud unicum ^{darum:}
sit, quo vivens a cadavere differt, seu cum quo vitam hic & partes solidæ ^{Duplex san-}
inchoant, continuant ac deponunt: ita tamen, ut motum sanguinis ^{guinis motus.}
intestinum, quia sine dubio prior & posterior est motu locali, vitam pri-
mum & radicativum, hunc communicativum principium, dicere li-
ceat ad imitationem forte Antiquitatis, calidum in insitum ac insituum
distinguentis, i. e. localis instrumenti vicem gerat, quo mediante san-
guis vitalis & vivificus cunctis membris apportetur, ut hujus energiam
intestinam perferant; imo idem hujus effectus videtur, adeo, ut
hoc cessante circulatio pariter torpescat & sistatur.

Quamvis autem motus hic sanguinis intestinus autopsiæ non adeo ^{Intestinus mo-}
facile pateat, ac forsitan circularis eum tamen sanguini viventi subesse ^{tus sanguinis}
diversa suadent. Quatenus primo ejus massa ex variis diversæ texturæ ^{probatur.}
& gravitatis particulis coagmentatur, quas, utut motu cordis simul
omnes versus eandem plagam abripiantur, diversis nihilominus ad &
a se invicem tendentiis gaudere, præter experientiam ratio suadet. Dum
non tantum globuli, tanquam partes magis compositæ & sensibiliores,
portionem ejus rubicundam constituentes, quamdiu hæc fluorem natu-
ralem retinet, modo sursum, modo deorsum, modo ad hæc vel illa
latera feruntur, prout quidem per Microscopia cernere licet: sed sim-
pliciores quoque & sensus nostros fugientes moleculas sc. pingues, sa-
linas, aqueas ac terreas, ex quibus fluidum hoc coagmentari, non im-
probabile est, diversos suos impetus & nesus habent. Deinde varieta-
tem sanguinis partium harumque varios motus ac tendentias evincunt
disparēs adeo liquores, quos in animalis diversis colatoriis separari, &
ex penu hac depromi, experientia edocti novimus, utpote quarum
heterogeneitatem secessus sine sui evolutione & motu intrinseco nec
concupere quidem nobis possumus. Quibus denique aëris accedit acti-
vitas, quam nunquam non experitur fluidum hoc nostrum universale,
quamque alias solidiora & compactiora corpora exagitare & commo-
vere, variis phænomenis contra adversarios morosos (si tales augura-
rer) probare possem.

PROGTMN.

IV.

*Hic tam enim non
est fermenta-
tibus.*

Sed mox ex suppositis alia emergit difficultas, qualisnam ille motus intestinus sit? cumplerique aut ebullitionis aut effervescentiæ, aut fermentationis, termino delectentur, i. e. per luctam & collisionem quandam particularum, si non contrariarum, certe diversi generis, exagitationem hanc vitalem & intestinam fieri, autument. Quæ contra effervescentiam & rarefactionem sanguinis, a Cartesio, Hogelando & Sylvio (sub dispari quamvis circumstantiarum habitudine) assertam, produci possent, hujus loci haud faciam, illius præprimis hypotheseos examen nunc adornaturus, quam frequentiore maximeque radicatam hodie observamus, sc. fermentari simili modo sanguinem in nobis, ac mustum aliosve succos vegetabilium, ad maturationis & perfectionis statum evehendos, hancque fermentescentiam vitalis principii locum gerere. Agnoscit dogma hoc propugnatores Viros, per eruditionem summam & inventa largiora de Scholis Philosophicis & Medicis optime meritos, & inter hos, si non primum, certe vix ultimum, *Helmontium*, qui de febr. c. 2. vitam sanguini confermentatam pronunciat: de quo nihilominus ambigere, ejusque inventoribus ac defensoribus dubitandi rationes exponere mihi integrum erit.

*Sanguis ad
fermentescen-
dum ineptus.*

Nec per se.

Fermentationis itaque terminum motui sanguinis vitali haud adeo congruum esse, præter reliqua hinc mihi persuadeo, quod fluidum hoc, sive sibi relinquatur, sive chyli accessorio turgescat, fermentationi concipiendæ ac sustinendæ minus idoneum existat, nihilque hoc in passu cum musto similibusque crudioribus succis fermentescibilibus commune habeat. Nolo per partes cunctasque circumstantias horum & illius disparitatem evincere, cum unicam hanc negotio huic sufficientem credam, quatenus non vinum, sed mustum, non succus defœcatus, sed crudus & recens, fermentationem subit, qualem sane sanguinem nostrum veteranum & multijuga deputatione ad maturitatem & puritatem summam exaltatum pronunciare minus convenit. Neque crudiorum licebit appellare sanguinem embryonis aut modo nati, quam adultioris & senioris subjecti; multo minus illum magis, hunc minus, fermentescibilem dicere: dum sine dubio succus, qui conceptus prima stamina constituit & agit, subtilior longe, purior & ad summum usque perfectionis fastigium evectus, hinc minus fermentescibilis est, imo sanguis in foetus vasis blandiore & leniore longe motu quam in natis, gaudet.

Haud

Haud majorem fermentescendi aptitudinem vel impetum idem ^{PROGTMN.} sanguis recipiet a reliquis succis, sibi diversis in locis confusis & com-IV, mixtis, v. g. lymp̃ha, bile, succo nervoso &c. utpote ab eodem modo separatis, & nec per se fermentescibilibus, nec fermentorum vices ^{Nec ab aliis humoribus in fermentationem abripitur;} (ut vulgo tradunt) magis sustententibus, ac spiritus vini, si alii vino ^{Nec a chylo,} addatur. In specie vero & multo minus in fermentationem abripietur sanguis a chylo recenti affuso, utpote cujus fermentescencia precaria satis videri poterat non auctoritati suorum doctorum, sed naturæ, li- tantibus. Totum siquidem illud dogma, quo chylum effervescentiam naturalem occasionaliter inchoare ac inchoatam augere afferunt, his præprimis innititur, quod ille ex alimentis fermentescibilibus sæpe satis, & per modum fermentationis in ventriculo ac intestinis confectus hinc sanguini recens adductus huic crudus sine turgescencia assimilari nequeat. Ast eo ipso, dum quædam tantum assumptorum, & quidem sibi relicta, ad fermentescendum prona sunt, aut non ab omni chylo, aut ab uno major, ab altero minor, sanguini turgescencia expectanda foret. Multo minus per fermentationem chylus conficitur, prout suo loco constabit: neque si huic natales suos deberet, haberet sanguis, cur ab hujus fermentatrice potentia complementum suum i. e. vitalem effervescentiam, speraret, tantillumque hujus ab illius mole & activitate potius notabiliter obtunderetur. Non equidem is sum, qui adeo exiles & sanguini exagitando impares valde chyli accessorias partes suspicer, cum post chyli distributionem, si non lacteum plane, seroso tamen lacti innatantem conspiciere liceat cruorem: sed texturam ejus minime talem esse, per quam vel ipse fermentescat, vel alia, quibus additur, in fermentationem abripere queat, utut majore etiam mole ipsis affundatur, inde infero, quod lacti per omnia similis, imo hoc cum illo idem, adeoque non magis ac lac ad fermentandum pronus existat. Præterea cum proventus chyli modo par- cior, modo uberior, haud appareat, qua ratione sub disparitate & inæquali fermenti hujus affluxu æqualis nihilominus & perpetua contingere queat fermentatio vitalis, ut taceam, per plures sæpe dies nihil plane illius suggeri, maximam tamen partem immutato sanguinis motu vitali.

Imo si ab effectu de formalitate hujus judicandum fuerit, per ex- ^{Nec effectus Fermentatio- nis in sangui- duere ne comparant.} perimenta quotidiana edocemur, cuncta fermentando ejusmodi in-

PROGTMN.
IV.

duere texturam, per quam aut austeritatem cum dulcedine immutant, aut aliquid aciduli spirant, & ad spiritum inflammabilem fundendum prona redduntur. Prius in corpore animali haud expectandum, cum nec in chylo, nec sanguine crudiore aliquid ponticitatis emendandæ observare vel concipere liceat: pariter posterius quoque experientiae repugnat, sc. nihil a coris sanguini secundum naturam constituto per multorum quamvis annorum exagitationem introduci, multo minus ad spiritus sulphurei seu ardentis exhalationem illum disponi. Mechanica siquidem, variis encheirisisbus adornata, ostendit, animalia horumve partes putredine quidem concipere, vix tamen ulla unquam arte ad fermentandum, i. e. eousque, disponi posse, ut succum acetosum forment, aut spiritum inflammabilem suppeditent, cum tanren succum uvarum non tantum intra suos folliculos, sed extra hos quoque profusum, notabiliter fermentescere, palam sit. Quod ab *Incomparabili* quoque *Anglorum Philosopho* in *histor. Sangu. human.* annotatum legimus, dum ait: *Ab experimentis a me factis haud tantam concepi spem, ut ex humano sanguine expectarem spiritum vinosum seu ardentem, etiamsi talis plerumque ex liquorum fermentatione emergat: eoque minus animatus sum, istiusmodi spiritum sperare, quod adhuc incertus sum, an ulla fermentatio, proprie sic dicta, unquam fiat in sanguine humano, sive intus in corpore remanente, sive foras effuso.*

*Fermentatio
ab aeris inter-
clusione non
statim cessat.*

Denique si observemus, quam facile motus hic cohiberi, vitaeque extingui possit, modo aliquot respirationis momenta intercipientur, & per exilem satis morulam aeris usus denegetur, vix propter fermentationem illam suppressam hoc fieri poterit: cum, quamvis aeris liberioris contactus fermentationes notabiliter pronoveat, inchoatas tamen & in vigore existentes ejus subitanea interclusio vix adeo plenarie & subito sistit, quin ejus motus, si non tantus, ac olim, certe sensibilis adhuc, observetur, & satis diu, licet remissior, duret.

Vno verbo, quod alias multorum errorum in Philosophia naturali parens observatur, fingendæ etiam fermentationi vitali occasio extitit, sc. quod phaenomena, huic vel illi tantum subiecto, aut huic vel illi solummodo rerum naturalium speciei, peculiariora, mox pluribus & omnibus applicemus, adeoque ex particularibus observatis conclusiones & hypotheses universales cudamus. Hac ratione siquidem factum, quod *Metalla & mineralia Putrefactio & Fermentatio, animalibus & vegetabilibus* frequentes & con-

con-

congrui motus, mineralium & metallorum quoque affectiones creditæ ^{PROGYMN.} fuerint: dum non tantum horum succos intra venas suas fermentescen-^{IV.} do in concreta sui generis perfectiora abire, docuerunt, rubiginem ^{factioni ac fer-} metallorum putredinis speciem seu effectum dixerunt, sed eadem pro-^{mentationi} ducta subterranea solidiora variis putrefactionibus ac fermentationibus ^{minus abnoxia} recludere, in primam sui materiam redigere, exaltare ac maturare, sibi ^{sunt.} præsumunt, utrumque sine omni ratione & vano satis conatu. Pariter quam fermentationem vegetationem plantarum, si non absolvere, certe hujus potissimum instrumentum observabant, animalium vitalitati præesse, hancque perpetuare sibi persuasurunt hactenus plures, rerum species ha-^{Analogia exi-} rumque mutationum ætiologias confundentes: cum, ut superius dictum, ^{lis inter mo-} paucissimæ tantum sint circumstantiæ, ex quibus fermentationis & motus ^{tum sanguinis} sanguinis vitalis æqualis analogia, plures contra earum observentur, ex ^{sitalem & fer-} quibus horum disparitas colligi possit, ^{mentationem.}

Perspiciebat hoc *Willisus*, quam alias & in prioribus suis scriptis in *Willisii sen-* sanguine asseruerat turgescantiam animali actuando proportionatam & ^{tentia de ac-} vitalem, in posterioribus suis meditationibus, præprimis de *sanguinis Ac-* ^{censione san-} *censione*, diffitetur, i. e. omnibus vitalitatis phænomenis minus adæqua-^{guinis.} tam pronunciat, ideo præprimis, quod fermentatio calorem excitare & ^{In dubium co-} *catur.* perpetuare nequeat: Eo ipso autem, dum per modum accensionis san-^{animalia fri-} guinem incalescere, atque in hac accensione animationem illius consistere ^{gida sunt per-} autumat, plurimis sese implicat denuo difficultatibus. Primo siquidem *Willisus* ^{fectis.} *sibi* male imperfectiora animalia illa vocat, in quibus nulla observetur san-^{contradicit.} *contradicit.* guinis incalescentia; cum pisces, echinum &c. perfectioribus animali- bus, consensu omnium scholarum, adscriptos, sanguine frigidiori actuari in propatulo sit. Deinde quamvis idem *loco alleg.* animalibus his frigidioribus accensionem sanguinis deneget, huncque multo fermentescenti comparet, minime incalescenti, imo quamvis *de Anima Br.* animam ejusmodi imperfectiorum animalium proprie flammam dicere primo ambigat, dum eam nihilominus postmodum particularum subtilium & quasi ignearum aggeriem tenuiorem, & in insectis igneæ naturæ pronunciat, ideo quidem, quod pabulo sulphureo atque æreo nitroso æque ac reliqua animantia opus habeant: egregie sibi contradicit, supponens in quibusdam animalibus ignis & flammæ requisita seu causas, iis tamen denegans ipsum ignem ut effectum, quem in his asserere, vel sensus tactus vetat,

PROGTMN.
IV.

*Analogia san-
guinis motus
vitalis &
ignis non per
omnia qua-
drat,*

Quando vero per reliquorum frequentiorum incalescendi modorum declinationem & remotionem pro sanguinis accensione argumentari satagit, fallaciam insufficientis partium enumerationis committere videtur, subticendo illam vivificandi & incalescendi rationem, quam mox tradam. Etsi enim illum animandi & incalescendi modum confirmare contendat, quod anima sensitiva perinde, ac ignis, qui particularum subtilium, contiguarum in motu perenni existentium & continua quarundam genesi aliarumque secessu restauratarum aggeries est, in perpetuo partium sanguinis subtiliorum motu, harumque perditione & regeneratione consistat, quod pari ratione ac ignis, pabulo duplici, sc. sulphureo & aëreo seu nitroso fruatur & conservetur; quodque fuliginosa imo crassiora ab utroque recrementa secedant: vix tamen adæquate satis identitatem flammæ ignis & nostræ vitæ seu vitalitatis per hæc comprobatur. Ratione quippe prioris motum equidem sanguinis particularum perennem lubens ipsi concedo, ac superius evincere conatus fui, item, harum motarum quasdem secedere, hisque novas succenturiari, imo eidem Willisio, motum hunc vitæ causam formalem constituere, adstipulor: quia tamen in putrefactione, fermentatione aliisque forsitan phænomenis naturalibus, similes minimorum vibrationes contingunt, cum sui exhalatione, & pro perpetuandis his motibus, materiæ novæ additione, adeoque motum intestinum sanguis non sibi & activitati ignis peculiarem, sed cum pluribus mutationibus naturalibus communem habet; exin nihil virtutis consequentiæ ipsius accrescit. Nec huic favet, quam in scenam producit, pabuli identitas, dum sulphur seu substantiam inflammabilem sanguini equidem inexistere, mechanica probat, præprimis quod exsiccatus & carbonibus inspersus exardescat, reliquis tamen hujus partibus integrantibus illud ita subactum & involutum est, ut ad flammam concipiendam in corpore animali minus idoneum videatur. Multo minus usus aëris animalibus adeo necessarius aliquid accensionis liquori vitali subesse evincit: quatenus præter ignem plures motus naturales observantur, quos aëre intercluso haud fieri aut inchoatos sufflaminari & cessare, domesticis etiam experimentis novimus, v. g. fermentationis, putrefactionis &c.

Succidere equidem videtur *Willisus* controversiam hanc; quando de *Accens. sang.* animationem hujus in ipsius accensione, aut in affectu maxime analogo consistere, de *Anim. Brut.* vero ignem & flammam non
per

per rutilum splendorem & calorem, utpote accidentia duntaxat, describenda, ait: Sed, posito, esse hæc flammæ & ignis accidentia, sunt nihilominus, inseparabilia, & quæ cum igne actu tali non possunt non existere, præprimis cum vel ipse calorem animale inde deducat, & propter hujus absentiam animalibus quibusdam accensionem sanguinis denegat, item quod sulphur intrinsecum & Nitrum aëreum subjectum atque pabulum ignis animalis agnoscat, utpote quæ eadem ratione ac in igne vulgari, concurrentia, necessario flammam constituunt, & calorem actualem producant. Quæ tandem ex fuliginum sanguinis secretionem pro ignis latentis inexistencia inferre sustinet, petitionem principii sapiunt, & fuliginibus fuliginosa magis sunt, prout de *Respiratione* constabit.

Penitus proin ponderatis circumstantiis cunctis, de alio motu ^{*Alia motus sanguinis intestini ratio explicatur.*} genere cogitandum esse, admonemur, tali scil. seu nobiliore & quale non, nisi in animalibus viventibus, observare ac supponere convenit. Scil. sicut cum Hippocrate Medici partes corporis nostri seu animalis recte in continentes seu solidas, fluidas seu contentas & impetum facientes seu spiritus distinxerunt; ita in ovulo foecundo triplicem concipere convenit substantiam, ^{*In ovulo triplex substantia.*} cujus alia crassior solidiorum organorum substantiis materiam suggerit, altera sanguinem & reliquos inde emanantes fluores constituit, tertia fluidis ac sub horum vehiculo solidis etiam motum impertitur. Sanguinis materni & paterni puriorem & subtiliorem portionem pro scaturigine dum agnoscit genitalis hæc materia, necessario multum particularum aërearum, de quibus in seqv. dicitur, involvit, ut vel sola ipsius ad spumescentiam pronitas testari poterat: quæ motum vitalem intestinum, licet haud sensilem, in conceptu inchoent atque eo usque perpetuent, donec singulis quasi momentis cum succo nutritio a matre deciduo plures earum recipiat foetus, quamdiu uterum inhabitat, moli indies crescenti, hujusque motui vitali sufficientes. In auram vero liberam partu egressus, & a maternis subsidii ^{*Quæ ab aere ambiente perpetuatur.*} remotus idem, ab hac vitalitatis intrinsecæ petit impetus, i. e. motori-

PROGTMN.
IV.

*Spiritus Vitalis
sibi datur.*

Motus itaque hic congenitus perpetuatur a motu ambientis fluidi, & motori primo atque intrinseco succenturiatur externus, quod quidem paradoxum videbitur illis, qui spiritum quendam vitalem sanguinis motum molimine suo prestare autumant. Quibus equidem, pacis publicæ conservandæ gratia, quoad nomen spiritus facile condescendere possem, modo substantiam, quam eodem indigitant, a particulis illis aëreis, inferius planius determinandis, haud aliam i. e. non in corpore productam, sed ipsi tantum introductam, mecum conciperent. Trutinandum siquidem, his expono, an ille idem spiritus, sive quodcunque corpus subtile & satis mobile, sibi relictum, ad expansionem vitalem perficiendam aptum sit: quatenus & hic quoque locum habet superius adductum axioma: *Quicquid movetur, ab alio movetur.* Quippe, qualiscunque demum spirituum impetus sanguini inexistat, vix tamen ponderosorum ac reliquarum corporis partium renitentia proportionatus, i. e. qui motui vitali adeo perenni sufficiat, is concipi valet: nam quemadmodum in se satis blandus, ita necessario, quemadmodum quodlibet movens naturale, tantundem, spiritus ille motus sui perdit, quandum alteri, i. e. sanguini, concedit atque imprimit, nisi ab extrinseco perpetim mobili singulis momentis novas suppetias recipiat. Ut taceam, ipsius hujus substantiæ mobilis intrinsecæ multum sine dubio continuo fluxu exhalare, vel crassiori sanguinis substantiæ ita implicari, ut nihil nisi sui expansivi ulterius exercere queat, adeoque citius justo deficiat. Instas, singulis momentis evanescentibus & perditis spiritibus novos succenturiari & substitui: quæro unde? si a sanguine & alimentis respondeas, ab hoc dubio me liberares, rogo: Sc. Animal robustissimum & vegetum aëre ambienti subtractum, vel hoc ipso intercepto, subito languescit, & extinguitur, ita tamen, ut si tempestive satis novo fruatur aeris appulsu, in momento quasi ad pristinas vires atque alacritatem redeat: quorsum spirituum tantæ copię recesserant, & ex quo angulo adeo celeriter denique advolant, seu unde tam subita & in momento contingens eorum regeneratio? Accedit his, quod recens suffocatorum animalium sanguini motus quidam undulationis seu micationis ad notabile interdum tempus inhæreat, qui tamen ad pulsus cordis ciendum vix adæquatus observatur, nisi ab inspirato per tubulum aëre, ut mox innuam, impetum majorem hauriat.

*Nec sibi relictus
sufficiens.*

Et quamvis nonnulli in hac versentur opinione, spiritum illum, sanguinis rectorem, in se adeo energeticum esse, ut pro vitalitate exerenda
satis

satis potens videatur, ita nimirum a DEO creatore productum: hancque hypothesein suffulciat *J. A. Borellus de vi percussion. c. 21.* asserens, præter corpora omnino inertia & quiescentia in rerum natura quoque admitti debere alia corpora spirituosæ & vivida, quæ ex se ipsis moveri possint a connaturali virtute, eis a DEO communicata. Nihilominus, 'quemadmodum huic facile largior, ejusmodi substantiam seu materiam subtilem nunquam sine motu existentem, in hac universitate dari, neque pro incredibili habeo, potuisse a Summo Creatore ejusmodi impetum motivum partibus animalium subtilioribus immediate magis imprimi, quarum motus quamvis ab obstaculo aliquo turbetur aut sistatur, vis tamen motiva minime deleatur aut debilitetur: sic si creaturas harumque habitudines, non ut existere poterant, sed prout existunt, lustremus, aliter rem se habere, constabit. Ut enim hujus loci hæc censeam, probare, post DEUM materiam quandam perpetim mobilem, reliquasque creaturas omnes moventem, aut motus impetum ipsis imprimentem, tanquam motorem creatum universalem, dari: per inductionem tamen interruptam me recte concludere puto, nullum animal quia sine fluido ambiente, sibi congruo, subsistit, nec impetum motus vitalis ab intus, sed ab extra, habere.

Fluidum hoc, quantum quidem nobis innotescit, observatur duplex, *Fluidum animalia ambiens & vivificans duplex.*
 aqua & aer: quorum illam omne piscium genus, hunc reliqua animalia cuncta, habitaculum agnoscunt; & quæ de pyrausta ac Salamandra vulgo circumferuntur, quasi in igne & ab igne vivant, fabulam potius anilem sapiunt. Deprehenditur nihilominus inter aquatilia & aërea hoc discriminis, quod horum nullum, nisi amphibium extiterit, ordinarie aliquot momenta intra aquam degere queat, degant nihilominus extra aquam & in aere per notabile interdum tempus quædam natatiliū generata. v. g. anguilla, raja, tinca, murena &c. præprimis vero crustacea & testacea, quorum hæc aquis extracta ad quadraginta, it. ad quinquaginta, dies vitam protrahunt: ita ut vel ex hoc, missis aliis ratiociniis, judicare liceat, aërem ipsis aquatilibus non plane incongruum ambiens fluidum existere, præprimis crassiorem, v. g. cavernarum subterranearum, in quibus pisces nonnullos diutius superstites, quam in aëre tenuiore, manere, cancerorum similiumque conservatio evincit.

Rationem hujus phænomeni reddere, res minus ardua foret, nisi physiologiam hominis seu aëreorum potius nunc intenderem: de quibus *Animalium vitalium ex aere.*
 quia

PROGTMN.
IV.

*Ab aere venis
inflato anis
animalia in
illo alias vi-
bentia, fere
mortua reviv-
iscunt.*

*Aer est prin-
cipium vitale,
secundum ve-
teres quoque.*

quia constat, ea, quamdiu respirant, vivere, aëre autem quacun-
que intercluso mox suffocari & perire, hunc motorem eorum sanguinis
immediatum & unicum auguror. Atque hoc quidem eo magis, quod
primo insecta aliaque nonnulla animalia vitam mortemque anniversariam
subeant, pro diversa aëris temperie & crassitie atque tenuitate reciproca,
ita quidem ut hyeme alias mortua visa interdum hypocaustis calidioribus
illata reviviscant. *Secundo*, quod eadem insecta sive integra, sive quæ
capite truncata per notabile alias tempus vivebant, in antlia pneumatica,
exhausto aëre, mox extinguantur, adeoque nec hoc animalium genus aeris
usu sine vitæ discrimine carere queat. Quo etiam spectat a Naturæ so-
lertioribus Scrutatoribus observatum, quod eorum pleraque, oleo, melle,
butyro similive materia tenaci oblnita, mortem pariter oppetant, aut no-
tabiliter languescant: non, ut communis fert sententia, quasi hæc, ut
de oleo potissimum affirmarunt, specifica ratione ipsis infensa & venena
existant, sed quod eorum totidem tracheæ, ad habitum corporis apertæ,
hac ratione contipentur, iisque aëris ad interiora appulsus denegetur,
prout *celeberrimus Malpigh. de Bombyce* prolixius edisserit. Imo *tertio*
pisces quoque, quos tamen, proprie loquendo, vix respirare constat,
maximam vitalitatis suæ partem ex aëre captant, quatenus in stagnis gla-
ciatis pereunt, foramini glaciei fractæ & confinio aëris turmatim & oribus
hiantibus accurrunt, nec fervidiorem æstatis aërem ferunt, sed sub
hoc exertis extra aquas buccis anhelant, ac intra receptaculum machinæ
pneumaticæ aquæ innatantes, per aëris eductionem enecantur. Quibus
Quarto accedunt experimenta, quibus animalia, quorum thorax apertus,
fere extincta ab aëre non tantum per arteriam asperam, sed per venam
quoque cavam & ductum thoracicum inflato, aliquantum reviviscere te-
statum fit, i. e. primo auricula dextra, hinc ventriculus dexter, ac denique
sinistra cum sinistro, hætenus torpidæ & fere rigescentes partes, pulsus
pristinios ex postliminio repetunt, & ad notabile tempus, si plus successive
aëris inspiretur, paradoxo spectaculo, continuant. Ita ut argumentari
haud ulterius verear, quoniam sub præsentia & usu aeris vita integra ma-
net, denegato vero & impedito in pulmones ingressu perit motus san-
guinis vitalis primum & adæquatam existere motorem aerem ambientem.

Non agre hanc conjecturam ferent veterani illi Hippocratis sibi
visi discipuli, quibusque calidi innati fulgines suffocationem minantur,
modo divini illius Coi, non idolum cæca superstitione venerentur, sed
scripta

scripta sine præjudicio evolvant. Nolo ex 6. *Epid. f. 5. t. 9.* repetere, PROGTMN.
hominis animam semper & ad mortem usque produci: aëris ambien-
tis facultati animanti causam pressius non minus ac clarius dicit de
Flat. t. 6. & de Morb. sacro t. 8. ibi nimirum his verbis: *Mortalibus*
vita & morborum solus aër est autor, hic vero: Sapientiam & motum
membris exhibet aër. Paraxagoram & Asclepiadem si ex Antiquitate
 consulamus, prior corroborationem, posterior successivam regeneratio-
 nem anima Respirationem ajunt: a quibus nec recedit Democritus,
 quem equidem Cives sui mente motum, Hippocrates nihilominus sa-
 pientum optimum & super omnia sapientem pronunciabat, dum recitan-
 te Aristotele de Respir. inhibere respirationem docet, ne anima extruda-
 tur, quatenus aëris particula spherica, quas Abderitæ in Epist. ad Hipp.
 idola vocabant, loco sphæricarum intrinsecarum succedant. Quæ vero
 contra hoc assertum moveri poterant difficultates, has earumque exa-
 men capiti de Respiratione reservo, sollicitus in præsentiarum potius
 de formalitate, qua post virtutem genitalem aër in nobis motum &
 actum vitalitatis præstat & conservat.

Quam, si cum Scholarum turba spiritum quendam vitalem ad-
 mitterem, commode hac ratione explicare liceret, sc. agens illud aeris
 catholicum spiritui sanguinis vitali formando inservire: quia tamen *Non spiritus*
 spiritus ille a priore evinci nequit, consequentia vero, per quam il- *aërens bibisf.*
 lius existentiam statuminare satagunt, mihi satis precaria comparet, dum *cat.*
 quicquid enti ejusmodi hypostatico adscribunt, de motu quoque san-
 guinis sine entium multiplicatione expectari potest, præconceptæ huic
 ab antecessoribus opinioni renunciare haud vereor. Præprimis cum
 vix probabile videatur, ideo animal maxime vividum, & robustum,
 sine alterius cujusdam violentiæ externæ concursu, per aeris inspiratio-
 nem interceptam in momento fere enecari, quod spirituum vitalium
 generatio ad tantillum temporis interrupta fuerit: quatenus eorum pau-
 ciores etiam animali conservando sufficere ipsimet fatentur, i. e. no-
 vis quamvis suppetiis non semper suffulti, nihilominus non statim
 omnes ita & simul extinguantur aut pereant, ut ab uno quasi ictu
 corpus concidat.

Mechanice magis negotium hoc determinare conatur idem Bo-
 rellus de mot. animal. part. 2. asserendo aëris quavis inspiratione pul-
 monibus illati aliquam partem sanguini commisceri, eamque elastici-
 tate

PROGTMN.

IV.

*Aer non motus
in oscillatorio
in sanguinem
agit.*

*Aer tota sua
substantia
sanguinem
non intrat.*

tate sua a motibus sanguinis solidarumque patrium intercepta, fluido huic universali motum oscillatorium perpetuum inducere, qui spirituum & sanguinis tendentias regulet & moderetur, ne præcipiti nimis cursu vitæ periodum abruptant: pari circiter ratione, ac horologii pendulum oscillatorium itibus ac reditibus suis æquitemporaneis illius causæ motivæ violentiam & motus omnium ejus rotarum dirigat, regulet ac contemperet.

At circa hypothesin hanc monendum primo aërem haud integrum & atmosphericum vasa sanguinea pulmonum subintrare horumque contento commisceri. Negari haud potest Præclaros autores satis confidenter hoc affirmare præter veteres plurimos (qui spirituum vitalium maximam portionem ex aeris particulis derivant) Scil. *Entium pro circul. sangu. Sylvium disp. med. 7. Swammerdam. de respir. Lower de Corde. Truſton de Respir. &c.* Sunt tamen, qui idem in dubium vocant, sc. *Riolan. in Encbirid. anat. patbol. Highmor. in disquisit. anat. Harv. de circul. sangu. Maurocord. de structura & usu pulm. & Needham de form. fœtu. Sylvius & Swammerdam* quidem hoc præprimis urgent experimentum, sc. aërem asperæ arteriæ pulmonum animalis adhuc calentis immisſum ac lente intra horum substantiam pressum, tandem in arteriam & venam pulmonalem ac utrumque cordis ventriculum transire: experimenti tamen hujus successum negant alii, v. g. *Harveus & Highmorus*, nec mihi unquam illum observare contigit, nisi, forsan per summam violentiam & vesicularum pulmonalium & vasorum rupturam aliquando hoc contingat. Nec, qui post repetitas pulmonum inflationes prodit sanguis spumofus ac minei coloris aeris novi commiscelam arguit, sed a sola agitatione dependet, per quam aeris particulis intrinsecis major se dilatandi & sanguinem in exilissimas bullulas elevandi conceditur libertas, pari circiter modo ac spumefcentes liquores quosvis in vasis clausis mera concussione maximam partem in spumam redigere licet, quamvis materiam quoque aëre subtiliorem, & quæ hujus portionem intrinsecam dilatat, concurrere non improbabile sit, prout sequentia monstrabunt. Multo minus Truſtonis experimentum tanti ponderis est, ut aeris hunc comneatum persvadeat. Perhibet nempe, se aliquando observasse, liquorem subatratum in arteriam pulmonis ovilli per syringam immisſum, partim & quidem copiosius, per venam erupisse, partim autem per tracheam

cheam cum spuma exitum reperiisse. Siquidem (1.) merito dubitatur, ^{PROGTMN.} an communicatio hæc arteriæ lævis & asperæ sit naturalis, cum hoc ^{IV.} concessio cruentæ exspuitionses frequentiores fuerint? (2.) an eadem facilitate ex aspera arteria ad vasa pulmonalia reliqua, ac ex his ad illam, fluidem quoddam pertingere possit; Denique nec via aut ratio transmittendi aërem intra venam pneumaticam *Borelli* adeo expedita & facilis videtur, dum sub vehiculo seroso humiditatum pulmonum naturalium hunc aeris transitum concipit: quatenus aquositates has a sanguine & pulmonibus secretas & excernendas, non verò ab iisdem de-
nuo admittendas, concipere debemus. De cætero incongruum plane ^{Imo incon-} aeris ejusmodi crassioris & ambientis ad interiora accessum inde augu-
^{gruus foret} rari convenit, quod per elasticitatem suam sanguinem nimis rarefacien-
^{sanguini.} do, hinc comprimendo, hujus motum intestinum æque ac circularem turbet, quatenus frequenti experimento testor, nihil heterogenei, venis infusum, animalia citius suffocare, præter aerem, mediante tubulo leni impetu quater vel quinquies inflatum, utpote qui instar potentissimi coagulitoris aut alterius veneni, animal enecat. Quare aer ille, nos ambiens, interiora haud penetret sanguinique commisceri, nec elasticitate vel oscillatorio suo motu huic aliquid expansivi communicare poterit, siue hunc ut motus vitalis impetum primum, siue moderatorem & regulatorem ejus tantum, supponamus.

Deinde quamvis admittam, vel admittere cogar, per inferius re-
censendas rationes, aliquid substantiæ aeræ subtilioris pulmones horum-
que vasa permeare & sanguinem interfluere, hoc tamen minus elasti-
cum, neque ad motum oscillatorium sustinendum, huncque sanguini-
imprimendum, idoneum est: quatenus crassior tantum illius portio
ex machinulis compressilibus & resilientibus coagmentatur, pulmonum
poris insensibilibus minus proportionata, subtilior vero nihil elastici-
tatis habet. Imo denique, quem *Borellus* spiritum, intus alentem &
infusum per omnes artus molemque corporis animalis agitantem, cau-
sam motivam & impetum facientem pronunciat precarius satis mihi,
& Accuratissimo huic alias Philosopho, ex præjudicio Scholarum po-
tius, quam propriis speculationibus, genitus videtur.

De alia proin vitalitatis, ab aeris influxu dependentis, ætiologia
disquirendum, quod dum attendo, ante omnia mihi probandum erit,
aerem non contactu mediato, i. e. interveniente pulmonum & vasorum
contactum.

PROGTMN.
IV.

substantia, potentiam suam in sanguinem vitalem exserere, cum nulla qualitas sine subjecti in ejusve particularum materialium simul translatione transferri alterive corpori communicari queat. Multo minus ab agitatione illa sola, quam pulmones, ab aeris reciprocis incurfionibus & excursionibus agitati, sanguini præstant, hujus spumositas, splendida rubedo ac pulsus cordis restitutio erunt derivanda, qualia ab aere, ad modum Hooekii, folle pulmonibus agonizantium & ad sensum extinctorum, animalium immisso observamus. Nam si agitationis pulmonum ut talis, tanta vis, cur, quæso, non ad primam vel secundam, sed decimam imo vigesimam &c. demum horum diastolen & systolen, adeoque successivè demum, cordis motus refuscitatur? Aut quæ ratio, quod post plures demum aëris in venam cavam aut ductum thoracicum inspirationes idem cor ad novas vibrationes insurgat, sine omni scil. pulmonum motu factaque ab hoc impressione? Unde necessario infero, aliquid substantiæ aëreæ ipsi sanguini tam sub administratione horum similiumve experimentorum, quam per respirationem naturalem, commisceri.

Aer componitur ex triplici materia.

Media natura aeris portio sanguinem subintrat.

Quia vero ab aëre atmospherico seu hujus omnibus partibus sibi intertextis tale quid vix expectandum esse, ex antecedaneis suppono: hæc evolvere, & quænam earum illi negotio aptæ, rimari convenit. Ubi ante omnia mihi concedi postulo, hoc, quod nos aërem dicimus, ex triplicis generis particulis coagmentari, crassioribus, subtilissimis seu æthereis, & ad utrasque media ratione se habentibus. Crassiorem aëris substantiam sanguini per respirationem haud admisceri, ex dictis facile colligi potest: i. e. quoniam, si hæc poros pulmonum exiliores penetraret, subtiliorem etiam sui materiam secum eo abriperet, adeoque totus aër intra vasa pneumonica & ventriculos se proderet; quod cum experientiæ repugnet, hunc tantum sanguini se insinuare probabile fit. Eo ipso nihilominus, dum alteram & subtiliorem hanc atmosphæræ partem ex minimis diversæ adhuc magnitudinis & exilitatis contextum agnosco, subtilissimas vero seu æthereas vel ideo in penitioribus his vasorum recessibus vix sperare licebat, quod nullum lucis vestigium, ejus nihilominus productrices sunt, in animalis corpore observare contingat, aut si forsan præsto sint, propter tortuositatem, quos transeunt, pororum incidentias suas rectas luciferas frangi & immutari patiantur:

tur: quæ his paulo majores, crassioribus tamen & elasticis minores, PROGTMN
 intra sanguinem potissimum admitti, verosimile sit. IV.

Atque has quidem denuo suppono, quod a plurimis Naturalis
 Philosophiæ Scriptoribus assertum, in perpetuo motu versari, hincque
 crassiorum flexibilium elasticitatis & expansivæ potentix causas existere;
 ideo præprimis, quod per figuram suam sphericam se aliasque mino-
 res, pariter globulosas, non, nisi in uno semper puncto, contingant,
 adeoque sibi nunquam implicantur aut cohærescant, sed motum pri-
 mo impressum semper retineant. Hinc, utut poros & interstitia parti-
 cularum solidarum quævis facile penetrent, quia tamen eorum motus *Eumque exa-
 gitat.*
 haud simplex & rectus, sed varius & circa axin propriam est, vel quod
 ratione figuræ dictæ in omnem partem facile mobiles sint, vel quod
 a resistentia particularum sanguinis solidiorum & crassiorum novam
 determinationem recipiant: variis his tendentiis latera & ramenta
 sanguinis quaqua versum propellunt, concutiunt, hæcque ab aliis sibi
 incumbentibus, ac motu cordis reliquarumque partium continentium
 resistentia inflexa & compressa ad dilatationem & expansionem sui
 urgent, ita quidem ut hi impulsus intrinseci semper eo efficaciores
 evadant, quo compressio & renitentia exterior validior contingit, qua-
 tenus particulae subtiles majores nisus exerunt in suo motu impeditæ,
 quam eodem liberius concessio, quemadmodum in cunctis machinis
 elasticis observare est, quæ quo magis comprimuntur, eo conatus
 resiliendi pristinamque figuram & situm recuperandi major est, minor
 vero, quo minus inflectuntur aut in tendentia naturali turbantur.

Haud enim in materia illa aërea subtiliore ejusmodi vis penetrandi *Materia hæc
 non cuncta pe-
 netrat.*
 concipienda est, quasi nullæ corporum particulae tantam soliditatem
 habeant, quæ illi non resistent, utpote quod penetrationem corporum,
 philosophis cunctis suspectam ac exosam, oleret: sed quædam corpus-
 culorum ex quibus corpora majora coagmentantur, tanta firmitudine
 gaudent, quæ si materiæ illius subtilioris accessum non omnimode
 inhibeat, certe difficiliorem reddat, adeoque ejus post frequentiores
 nisus prius sustineat, antequam vias ipsi pandat. Atque tales sangui-
 nis quoque massam fluidam intertextas gerere, rationi conforme est,
 quatenus partes quodlibet fluidum componentes non fluidæ, sed solidæ,
 existunt, quod egregie satis infiniti fere philosophi demonstrarunt, adeo-
 que mea demonstratione haud indigebit.

PROGTMN.
IV.

Motus sanguinis vitalis ætiologia. Sanguinis consistentia diversa quomodo vires moderetur?

Obscura est ratio motus vitalis.

Qua ratione sanguis partes solidas bibificet?

Consistere itaque originaliter vitam nostram aliorumque perfectiorum animalium augutor in ejusmodi fluidi duplicitate aucta, quorum alterum subtilius, ex aëre ambiente pulmonesque irridente, expressum & intrinsecus illatum sanguinis minima, quibus intermiscetur, crassiora motu suo vario, nobisque quamvis indefinito, divellere annititur, ab horum tamen renitentia ita coercetur, ut ambo sibi æquiponderantia reciprocas tendentias & impetus exserant, sub pugna autem hac amicabile turgescunt illam sanguinis æquabilem, quam vitam vocamus, perennem reddant. Cui conjectura non parum favere videtur, quæ circa virium disparitatem pro sanguinis consistentia dispari annotare solent Practici: mediocrem nempe illis conservandis ministrari, spissitudinem vero æque ac fluiditatem nimiam earum perpetuationi & potentia maxime obesse. Cum enim, quod vires vulgo dicimus, nihil aliud, quam motus hic sanguinis vitalis sit, qui, si potentior, illas plures & integras, si remissior, vacillantes ac deficientes, vocamus: si sanguinis resistantia fuerit major, crassioris sc. & glutinosi magis, si minor, fluidioris nempe minusve fibrosi, utraque ratione micatio seu oscillatio illa vitalis turbatur, i. e. vita & vires paribus passibus ambulant.

Planius negotium hoc reddere vix licet, partim quod a sanguinis, actu vitalis, penitior contemplatione excludamur, partim quod nullus in rerum natura motus suppetat, qui cum illius activitate analogiam adæquatam habeat, i. e. talem, quæ similia cum hac producat phenomena, adeoque formalitatem intrinsecam si non omnimode, aliquomodo tamen, eandem promittat, & ubi non instantiarum exclusivarum plures, seu ejusmodi, observentur, ex quibus disparitas illius cum reliquis exagitationibus naturalibus manifesto compareat.

Interim sicut non sanguinis tantum, sed machinæ potius solidioris, gratia motum illius intestinum contingere, ex superioribus repeti potest: ita dum a cordis vibratione per arterias sanguis, turgescunt hac vitali instructus, omnibus membris impellitur, vitam exinde hæc participant, i. e. ad motus vitales varios apta redduntur. De qua participandi ratione neminem quidem scriptorum sollicitum, omnes vero in effectus veritate acquiescentes, observo: quod si vero suspicioni locus, nec hæc in caloris influxu quaerenda, prout quidem hætenus nobis obtrusum fuit, cum animalium nonnullorum carnes totamque substantiam solidam, piscium v. g. & serpentum, æque ac fluidam, gelidam

sensus

sensus evincat; sed stimulum potius magis apposite vitam hanc com-
municatam seu influam appellare licebit, quo cunctæ partes ad motus
vitales præstandos continuo & intrinsece irritantur, licet impetus &
vim movendi aliunde, sc. a cerebro & genere nervoso petant.

Meam hanc suspensionem suppressere maluissim, nisi ab aliis, quo-
rum ingenia feliciora, aut assensum, aut emendationem & accuratiores
hoc in passu conceptus per ejusdem ingenuam sub dubitationis schemate
expresionem mihi pollicerer. Quibus simul repetendum trutinandum-
que offero experimentum, haud levis consequentiæ, tam pro caloris, ut
talis, influxu vitali enervando, quam pro stimulo illo sanguinis vitali in-
trinscco aliquomodo innuendo. Sc. injiciatur mediante siphone in ani-
malis quocunque mortis genere modo extincti arteriam aqua frigida,
& statim, si non a primo, certe secundo, hujus impulsu musculi, ramu-
los ab illa recipientes & hætenus rigidi in motus & agitationes sensibiles
abripientur, tales etiam, quæ articulos, ac membra, quibus destinantur,
notabiliter flectant & distendant, prout in canis cruribus posterioribus &
cauda, it. in anterioribus & flexoribus capitis, item massetere & tempo-
rali musculo mecum non sine stupore aliquoties viderunt phænomeno-
rum ejusmodi naturalium solertiores admiratores.

*Aqua arteriis
injecta parti-
bus cadaveris
aliquid motus
restituit.*

Quia nihilominus sanguis noster calidus semper observatur, adeo-
que membra solidiora sub tepore moderato fovet, ratione hujus caloris
observandum, illum equidem multarum functionum corporis nostri si
non instrumentum primum, certe causam, sine qua non, existere: mi-
nime tamen immediate ad vitalitatem illius aliquid contribuere, prout su-
perius dictum. Præterea nec hic fermentationi cuidam sanguinis in ac-
ceptis referri debet, utpote quali ille minime gaudet: imo licet eidem so-
lennis, haud tamen effectum hunc præstaret, cum fermentescentes liquo-
res nihil caloris prodant. Pariter nec effervescentiæ cuidam vis sangui-
nem calefaciendi decernenda, dum fermentum rarefaciens Cartesii & pu-
giles Hogelandi ac Sylvii similesve luctationis intrinsecæ a Scriptoribus
nominati exagitatores satis suspecti videantur, ut alia a *Lowero de Cor-
de, Needham de form. fœtu, ac Borello de mot. animal.* contra hæc pro-
ducta argumenta, utpote notissima, taceam. Multo minus ignis qui-
dam vitalis vel in corde, vel sanguine, suasu *Helmontii, Holstii, Willsi* &
aliorumque fingi debet: utpote diu jamdum suffocatus ac extinctus.

*Calor sangui-
nis non est a
fermentatio-
ne.
Nec ab effe-
rescentia.*

Neque ab igne

PROGTMN.
IV.

Omnia animalia in fluido determinato degunt.

Pulmonum structura in calidis & frigidis animalibus variat.

Calor & frigus animalium intrinsicum est ab ambiente fluido.

Quo tamen in re adeo difficili aliquid tantum verosimilitudinis eruatur conferre mihi liceat animalia illa, quæ per gelidum sanguinem functiones vitales nostris plane similes exercere, superius innui, cum nobis aliisque, quorum sanguis fervet, animalibus: ut quæ utraque intercedunt, circumstantiarum identitas ac disparitas commodius elucescant, & ex his forsan caloris nostri fons derivari queat. Convenit itaque inter eadem, quod neutrum horum extra fluidum proportionatum vivat, nec vivere queat, calida non extra aerem, frigida non extra aquam, aut certe in aere crassiore & humidior v. g. testudo, rana, cancer, serpens, echinus &c. in dumetis, locis cœnosis, umbrosis, paludosis ac subterraneis cavernis degentia: ita tamen ut nec pisces, undarum incolæ aeris usu omnimode destituantur ac supersedere queant, prout superius indigitatum. Ast peculiare sibi vendicant calidiora præ frigidis, quod illa cuncta pulmonibus gaudeant & respirent, dum horum aerea & amphibia tantum, sc. serpens, echinus, rana &c. iisdem instructa observantur & aëre fruuntur; piscium genera, si cetacea excipias, neutiquam. Præterea variat structura pulmonum in respirantibus, quatenus in frigidioribus illi vesiculosi magis existunt ac sacculorum instar membraneorum & latiorum se habent, v. g. in rana, testudine, serpente, echino, calidiorum vero pulmo substantiæ compactioris, i. e. ex vesiculis & meatulis innumeris ac exilissimis coagmentatus videatur.

Quibus præmissis ita suspicor, animalia calida, quia temperato magis & calidiori fluido inexistunt, hocque perpetuo inspirant, hujus mobiliores seu magis exagitantés particulas sanguini illatas huic motu suo vario aliquid fervoris imprimere: qualem sub aura humidior degentia ac aquis innatantia sperare haud poterant, utpote quorum fluidorum particulae, etiam subtilissimæ, minus mobiles, hinc ad exagitationem calorificam animalibus præstandam minus idoneæ existunt. Accedit organorum aerem admittentium & sanguini impellentium disparitas, qua qui intra narium anfractus tabulosos, oris atque faucium fornicatas angustias, pulmonumque cavernosos sinus refractus demum, adeoque attemperatus magis aer, frigidior alias, sanguini appropinquat: dum piscibus quicquid vaporosi aquei ab undis, quibus immorantur, impellitur, nihil ab horum organis immutationis aut teporis suscipit; nec aer frigidus ac subterraneus in animalibus respirantibus frigidis aliquid correctionis patitur, utpote quorum organa seu pulmonum folliculi spatiosiores minus-

que

que interrupti ad discontinuandum & ad aliqualem teporem refringen-^{PROGTMN.}
 dum ac subigendum aërem minus congrui videntur. Neque enim mi-^{IV.}
 rari convenit, quod unus, idemque aër pro diversa motus sui directione
 modo frigidior, modo calidior existat, cum, ut prolixitati ulteriori par-
 cam, vel ex uno ore per labia modo diducta, modo constricta, & diverso
 impulsu exspiratus halitus nunc frigidus, nunc calidus, prodeat.

Solum itaque fluidum ambiens huiusque particulæ subtiliores
 in aliis animalibus calidum, in aliis frigidiorum sanguinem cum carnibus
 reddit, utrumque tamen cum adæquata vitalitate: ita quidem ut
 quemadmodum ab aere calidior interiora nostra plus incalescunt, con-
 tradicente quamvis *Hipp. 1. aph. 15.* ita pisces v. g. extra aquam ac in aere
 etiam temperatiore conservari tepescunt, & quidem eo sensibilis, quo
 exspirationi propinquiore existunt, ab ambiente aereo minima tepidiora
 recipientes. Paradoxum hoc videbitur illis, qui calidum quoddam in-
 trinsecum seu innatum vitæ autorem ex præconcepta ab antiquitate opi-
 nione credunt: quia tamen huius æque existentia ac potentia per hacte-
 nus pro'ata notabiliter concussa est, in theoriæ huius expositione si non ra-
 tionibus sufficientibus instructum, certe non sine omni ratione differen-
 tem, me judicabunt illi, quibus in arduis aliquid, quam nihil, tentasse ma-
 gis arridet. Imo vel ideo eandem profiteri volui, quod quam ex fermenta-
 tionum aut effervescentiarum disparitate calida & frigida nodi huius so-
 lutionem nonnulli sibi pollicentur, minus congrua videatur.

Qui enim turgescencias calidas salinorum, quorum alterutrum si-
 mul oleosum, frigidæ a salium minus sulphureorum, conflictu derivant:
 in piscibus similibusque animantibus macrum seu spiritum magis salinum,
 in calidioribus pinguiorem Mercurium sibi concipiunt. At quamvis de
 nulla mihi adhuc effervescencia frigida constet, quæ inter salino-
 rea, & non semper inter mere salina, contingat: vix tamen absolute as-
 sere licebit, salina puriora quævis sibi occurrentia, semper ac tantum cum
 frigore effervesce, quatenus v. g. spiritus Nitri ac oleum Vitrioli cum
 spiritu salis Ammoniaci volatili, it. cum cineribus clavellatis calorem no-
 tabilem movent, quod in Aceto destillato cum iisdem cineribus clavellatis
 pariter observatur. Quæ quidem phænomena majorem adhuc admira-
 tionem patient his, quibus per mechanicam constat, Spiritum contra Vi-
 trioli & Nitri bezoardicum cum eodem Sale Ammoniaco volatili, item
 acetum destillatum cum Sale Tartari frigoris productores fieri. Deinde
 appli-
 tent.

Non vero ab
 effervescentiis
 diversis.

Salina mera
 non semper
 cum frigore
 effervescent.

Pisces multo
 sulphure sca-

PROGYMN.
IV.

*Nec a motus
intrinseci ce-
leritate ac
tarditate.*

applicationi quoque diversæ implicantur difficultates, dum pisces destillationi mancipati, si non plus, certe haud minus olei, quam substantiæ salinæ fundunt: Pariter animalium terrestrium pinguedo semper spissioris, aquatiliū fluidioris, consistentiæ observatur, adeoque hæc coagulatore oleorum salino, præter frigus ambiens unico, potius destituuntur.

Multo minus dispari motus celeritati disparitas hæc in animalibus erit adscribenda: quasi nempe celerior ac vehementior, a diversi ambientis diverso impetu dependens, calorem, segnior ac debilior gelu seu caloris defectum suggerat, quale quid nonnullos, eosque alias eruditissimos, Scriptores asserere notum est. Eandem siquidem motus celeritatem & impetum in Aceto destillato aut Spiritu Viridis æris cum Sale Tartari, ac cum Sale Cinerum clavellatorum colluctante, deprehendes: ut fileam, non pauca illorum animalium, tactu gelidorum, v.g. pisces, serpentes, Salamandram &c. velocissima atque continua fere sui corporis jactatione nobis persuadere, se impetuosissima atque celerrima humorum exagitatione, horumque particularum subsultationibus haud moderatis, gaudere. Imo non impetus gradu necessario, sed per aliud forsā modificationis genus, motum sanguinis intestinum caloricum & frigidum in diversis animalibus differre, idem aer halitu emissus comprobare poterat, qui labiis diductis, debiliore quamvis, aut saltem non potentiore, vibratione exspiratus calidus deprehenditur, frigidus vero, si eadem contracta transseat, magno quamvis pectoris conatu propulsus, prout modo dictum.

PROGYMNASMA V.

DE

RESPIRATIONE.

AEr ergo inspiratione pulmones subiens motus illius sanguinis vitalis, de quo hætenus dictum potissima causa est: ita quidem, ut prima omnium animalium functio sensibilis oblervetur inspiratio, cui semel susceptæ cum expiratione recens natum nunquam postmodum sine vitæ certissimo discrimine se subtrahere posse, ex antecedaneis suppono.

*Respiratio non
est pro fuligi-
nibus elimi-
nandis.*

Videri equidem posset, suffocationem a denegato aëre ideo contingere, quod vaporibus seu fuliginibus eliminandis hac ratione nullus sit locus: pariter ac ignis extinguitur, si fumo ejus non concedatur exitus.

At

Ast frivolum hoc commentum jamdiu in fumos abiit, postquam PROGYN. V. scilicet, quam infulse œconomia vitalis igni destruenti, & qui sanguinem in corde adurat vel elixet hincque fuligines fumosas elevet, comparata fuerit, comparuit. Eo ipso enim dum ejusmodi impurus & fuliginosus ignis in corde & sanguine haud reperitur, sed blandus & temperatus admodum calor, fumosæ eructationes nec concipi quidem possunt: imo quomodo advertente *Helmontio, Eudemic. possibilis esset fuliginum explosio, quæ simul sibi intime permistum scholarum spiritum vitalem non prouderet affatim?*

Accedit, quod, quamvis aliqualem inter calorem sanguinis nostri & ignem culinarem concedamus analogiam: eo ipso tamen dum hic in loco clauso & ab aeris externi appulsu sequestratur, ideo tantum extinguitur, quod fuligines effumantes spatium, quod secedant, non reperiant, sed aliam forsân simul causam concipere, nec de vitali nostro calore hoc asserere licebit, potissimum cum hic non, ut formale, sed effectus quidam tantum, vitalitatis in *progymnasmate præced.* admissus fuerit. Candela siquidem & carbones candentes (minus fumosi) in vase clauso aere repleto tardius, ac exhausto, extinguuntur; hac quidem differentia, ut in pleno fumi, in vacuo recipiente nihil eorum compareat. Cujus tamen phænomeni contrarium fieri, i. e. diutius in exhausto receptaculo, quam in aere pleno, subsistere deberet ignis, utpote in quo fuliginibus excipiendis adequatum magis concederetur spatium. Imo missis illis, quæ dogmati huic *Maurocordat. Pneum. Instr. c. I.* opponit, ob eandem rationem animalia in vase aere pleno ac clauso citius expirarent, quam in anthlia pneumatica, post aerem exanthlatum, ac in loco admittendis effluviis preparato: cujus nihilominus contrarium pariter experientia testatur.

Quamvis enim admittere deceat aerem ambientem non tantum intraporos suos excrementitios sanguinis vapores, per tracheam expullos, absorbere, sed ex pulmonibus, dum expiratur, eosdem secum evehere, hinc circulationem sanguinis per horum secretionem forsân notabiliter juvare, pari ratione, ac venti detergendis & auferendis humiditatibus corporum, quæ permeant ac feriunt, his exsiccandis efficacissimi observantur: potissimum cum determinatam tantum aeris consistentiam respirationi proportionatam existere, varia probent, adeo, ut crassior ac nimis condensatus eidem notabiliter officiat. Quorum illud cryptæ subterra-

PROGYMN.
V.

neæ ac balnea evincunt, quorum aer exhalationibus illis seroso - sanguineis transportandis haud magis idoneus observatur, ac aqua aliave menstrua particulis solubilium saturata plus eorundem corporum imbibunt: quatenus aer ad instar menstrui se habet, partes corporum inexistentium fugaciores delibantis ac absorbentis, haud itaque ultra sphaeram receptivitatis suæ agentis. Facitque huc, quod aer intra spatium angustius aliquoties inspiratus ac expiratus, hinc vaporibus aqueis plus justo infarctus, brevi suffocet, nisi idem ab humiditatibus illis liberetur, aut novi aeris accessu sublevetur: quale quid *Borellus de Motu Animal. part. 1. propos. 221. & 222.* singulari machina in urinatorum gratiam præstare satagit. Conjicere tamen fas est, aerem inspiratum præter hunc usum aliquid præstantius adhuc corporibus animalium conservandis præstare; adeoque si per unum vel alterum tantum momentum serositatum illarum secretio atque excretio impediatur, illa vegetiora & vivida haud statim enecari, dum sub pleuritide quoque serosa commode satis sanguis circulatur, nec febricitantes, in quibus major fuliginum copia, tam ratione materiæ crudioris, quam caloris magis adurentis, foret supponenda, item asthmatici, impacta quamvis pulmonibus pituita viscida, haud statim suffocantur, sed sub hujus congerie plures dies, menses ac annos supervivunt. De cætero non omne, quod vaporetenus e faucibus exhalamus, pulmonum humiditas recrementitia est, sed stillicidium insimul glandularum oris, faucium & narium, quod per aeris expirati impetum, tanquam vento rapidiore, detergitur, & cum hoc vaporem constituit.

*Non pro refrigeratione sanguinis.
Nec pro condensatione ejus.*

Quæ de refrigeratorio respirationis in sanguinem usu ab aliis producta fuerunt, refutare mei haud erit, ne *Helmontii*, *Charleroni*, *Sylvii*, *Boyle*, *Maurocordati*, *Borelli &c.* actum agere videar: Neque, *Sylvio*, qui sanguinem, ne intra cordis sinus nimis rarefiat, ab aeris acido nitroso condensari sibi persuadet, multas moras nectam. cum satis obvium sit aeris illud Nitrum condensatorium, & sanguis e vena pneumonica seu pulmonibus emanans tenuior, spumosior ac fervidior deprehendatur illo, qui eisdem per arteriam adducebatur. Imo respirationem nec ad refrigerationem & ventillationem caloris intrinseci, nec ad nimiam turgescentiam sanguinis compescendam primario a natura institutam esse, vel ideo, credere jubemur, quod alterationum harum turbatio ac feriatio adeo brevis subitaneam mortem, qualem a respirationis frustratione experimur minime inducere queat.

Ex

Ex quo fundamento nec illis adstipulari convenit, qui aërem spiritibus vitalibus materiam subministrare, eaque deficiente animal extinguī v. PROGTMN.
ajunt, quippe ut illa, quæ contra hypostaticum ejusmodi principium mo- Nec pro spiri-
vens *progymnasmate preced.* monui, quæque ab aliis contra spiritus hos tuum materia
eorumque materiam aëream mota fuerunt, taceam, vix concipi potest, quæ suppeditanda.
ratione ejusmodi spirituum productionis momentanea interceptio seu
cessatio, adeoque aliqualis tantum illorum defectus, qualem hæmorrhagiæ
quoque similesve evacuationes enormiores, sine vitæ tamen dispendio,
sæpius præstant, illico animal virium integrarum & maxime sanum, sine
alterius ejusdem violentiæ externæ concursu, perimat.

Sunt insuper nonnulli, inter quos *Byzantinus* ille *Pneumatici Instru-* Non pro cir-
menti Scriptor, qui circulationis intra pulmones inchoandæ ac perpe- culatione san-
tuandæ gratia Respirationem celebrari, i. e. pulmones torcularis vices guinis,
gerere, probare contendunt, qui sanguinem expiratione pro vacuo
declinando ex ventriculo cordis dextro attractum aeris pulmones disten-
dentis vasaque sanguifera comprimendis adjumento in sinistrum urgeant;
unde ablata respiratione, quia cessaret circulatio sanguinis, ad vitæ
animalis adeo necessaria, hoc necessario & subito obiret. Sed quam-
vis negari haud queat, quod potissimum *Maurocordati* argumentum
obseruo, stagnante sanguine, aut intra cordis sinum dextrum, ob dene-
gatum per arteriam pulmonalem, a quacunque, vel obstruente, vel
comprimente, causâ ad pulmones influxum, aut intra horum sic dictum
parenchyma ac venam pulmonalem, ob interclusum ad ventriculum
sinistrum, a quavis itidem causâ, aditum, suffocationem & mortem
fores pulsare: non magis tamen hinc concludere licebit, pulmones
circulationis sanguinis primum organum esse, ac reliqua vasa, in quibus
sanguis stagnat, adeoque inflammationes, dolores aliaque symptomata
excitat, motus ejusdem autores proclamare. Præterea, ut ut certo
certius sit, motum partium non tantum externarum quarumcunque,
quas sanguis permeat, multum ad circulationem, hujusque præprimis
partem retrogradam per venas, accelerandam conferre, fibrarum præ-
primis contractione poros reciproce constringendo seu comprimendo,
sanguinemque exprimendo, (quem in finem, ut alia nunc transeam, pro
venæ sectione commodius & felicius administranda ægrum manum
digitosque frequentius agitare jubent Chirurgi) sed pulmones quoque
dilatatione & coarctatione sua idem sine dubio agere, quod præter pueru-

PROGTMN.
V.

lum illum Leidensem *Swammerdamii* qui spiritus cohibiti seu suppressi ope per patulum in pede vulnus notabilem sanguinis portionem pro lubitu excernebat, modo allegata evincit venæ sectio, in qua spiritus compressio hancque mox excipiens tussis sanguinem, vix undulantem, sensibilibiter vibrant & saltu prodire jubent. Nulli tamen circulationis causarum efficientium classi organa hæc, nisi illarum forsan, quas *sine qua non* appellant, adscribi poterunt: Potissimum, cum motus cordis & pulmonum haud synchronici observentur, prout in cadaveribus recentiter suffocatis non tantum videre licet, quorum cor adhuc ad tempus pulsatur, omni motu pulmonum cessante, sed quilibet in se, cohibita ad momentula respiratione, pulsus in carpo integrum & validum satis deprehendet. Accedit, quod cor per se vim movendi per totum vitæ tempus, æque ac in foetu, cujus pulmones nihilominus otiantur, habeat ac pulset; proin & eo ipso, dum in embryone absque pulmonum apparatu & actione per simpliciores ac patentiores canales sanguis ex uno ventriculo cordis ad alterum huiusque vasa transcolari aut unico cordis ventriculo in piscibus motus sanguinis absolvi poterat; cur non in animalibus reliquis & in natis via eadem ac brevior idem ageret? Denique ambiguum satis est, an in inspiratione, an expiratione, patula magis spatia pulmones sanguini affluenti concedant, aut an inspiratio præ expiratione plus ad eundem exprimendum conferat: cum siphone injectus per arteriam pneumonicam liquor tepidus flaccidos equidem ac inflatos pulmones permeet, facilius tamen longe hos, quam illos.

*Respiratio bi-
tali principio
immediate ma-
gis præst. it.
Sanguificatio-
ni.*

Unde potius denuo concludo, aerem, pulmonum vesiculas subeuntem, primario motu suo in fluidum nostrum vitale agere, hocque continuo exagitando vitam perpetuare, illa ratione quam superius suspicatus sum: secundario autem, immediate tamen pariter, sanguificationi præesse videtur idem, imo mediate quoque allis functionibus vitalibus inservit, chyli nempe motui, urinæ & fecum alvi excretioni, partusque exclusioni, de quibus suis locis agetur, posthabitis nunc illis, quas non sine respiratione contingere, minus tamen ad œconomiam animalis integritatem facere, novimus, v. g. voce, loquela, sternutatione, olfactu &c.

Atque hic equidem profiteri mihi liceat errorem, in quem a prædecessoribus nonnullisque fallacibus phænomenis Chymicis raptus olim mihi

mihi aliisque persyasi, aeri scilicet atmosphærico particulas' salino-PROGTMN.
 sulphureas innatare, quæ vitæ nostræ occultus quasi cibus existant, & v.
 volatilizando ad spiritualescentiam sanguini præsto sint: memori illius *In aere am-
 biente ordina-
 rie nullæ par-
 ticula salino-
 sulphurea.*
 Ciceronis: *Cujusvis hominis est errare, nullius, nisi insipientis, perseverare
 in errore.* Ambiguitatem hujus dogmatis seu materialis aeris in con-
 servando Macro- & Microcosmo concursus, in peculiari schedula
 superioribus annis Eruditioribus exposui, neque hactenus aliquid eorum
 reperire potui, quod me in triviali chymicorum hypothese, quasi, quic-
 quid aer in sublanaria agit, potissimum per sal & sulphur aliquod
 universale & Panspermiam quandam præstet, firmet: quatenus cuncta *Nec Pansper-
 mia.*
 eorum, hactenus equidem obvia, experimenta aut consequentia desidera-
 ta destituuntur, aut eorum argumenta plus in conclusione, quam in
 præmissis, habent. Bina hujus generis, antehac nondum prævisa, teka *Object. 1.*
 hic produxisse & considerasse sufficiat, quorum alterum a vegetabilibus
 illis petiitum, v. g. sempervivo, squilla aliisque bulbis, quæ ex aere
 ad notabile molis suæ incrementum vegetari, observamus; quod quidem
 sine substantiæ salino-sulphureæ & maxime energeticæ, illi innatantis
 connubio fieri non posset. Alterum Araneæ, serpentes similiaquea nima- *Object. 2.*
 lia suggerunt, quæ vasis incarcerata sine epulis solidioribus diu satis
 vivere, nutriri & sensibilibus satis augeri, viderunt plures, ex aere ergo
 particulas solidiores & activas haurire, autumant. Ast nec horum
 ratiociniorum pondus reliquorum & alias a me revisorum pondere
 majus est, dum, quoad primum, minima aquea, aeri intertexta, nutri- *Quomodo ve-
 getabilia in
 aere extra ter-
 ram vegeten-
 tur?*
 mentum adæquatum ac sufficiens plantis ejusmodi, quarum substantia
 non adeo facile dissipabilis est, existere valent, pari ratione, ac vegeta-
 bilia cuncta, in terra radicantia, non, nisi insipidum & aqueum succum, *tur?*
 inde recipiunt, diversis & activis nihilominus earum particulis forman-
 dis, congruum. De araneis par esto judicium, vaporibus forsan aqueis *Quomodo qua-
 dam animalia
 solo aere vi-
 vant?*
 contentis. Neque enim illorum nunc propugnabo sententiam, qui
 ex ovīs & foetibus propriis, sub captura hac enixis has victum petere,
 putant, hoc enim supposito quid de serpentibus foret pronunciandum,
 qui, intra vasa oclusa pariter asservati, penu hoc destituuntur? de his
 siquidem vix augurari licet, ex aura nutrimentum salinum, oleosum,
 spirituosum &c. eos captare, utpote cujus tantillum, quantillum ex
 concessu inexistet, alimonix quantitate, qua ordinarie fruuntur,
 longe inferius est, nisi tenui admodum diæta illos frui, i. e. ex aeris

PROGTMN. vaporosi aquositatibus victitare, dicamus. Præterea cum multa anima-
V. lia sub diuturna, anniversaria ipsisque peculiari abstinencia vivere, con-
stet, atque ex horum genere araneæ quoque cum serpentibus sint, quæ

hyeme v. g. sine alimentorum usu latitant, inedia vero hujus ætiologia
minime in promptuario aëreo, sed intrinseca horum animalium textura,
quærenda veniat; haud apparet, quomodo ex serpentum, aranearum
&c. abstinencia longiore salino sulphurea atmosphæræ textura, hujusque
in vitalitate animali continuanda activitas, inferri queat; & quidem
eo minus, quod quæ substantiæ mere sulphureæ salinæve, ad nutrienda
horum similiumve viventium corpora inidonea plane observentur.

*Nec aeris par-
ticula sulphu-
reo-salina
sanguinem in-
gredi possunt.*

Demum quemadmodum plerosque spiritus & salis catholici assertores
strenuos maxime in hoc unanimes deprehendo, non intrinsecam, sed
accessoriam, i. e. aglobo terraqueo elevatam & ab aëris fluido simpliciore
absorptam hanc esse substantiam: ita ex *Progymnas. præced.* nunc
repeto, haud crassiora i. e. terrea & aquea, atmosphæræ ramenta pulmo-
num ac sanguinis penitiora subintrare, ergo nec salina nec sulphurea,
utpote terreæ magis naturæ & subtiliori aëris portioni, qualem in sangui-
ne admitti superius concessi, haud combinabilia.

*In Respiratio-
ne pulmones
potius passivæ
quam activæ se
habent.*

Ratione modi, quo respiratio peragitur, ante omnia monendum,
eam, secus ac in scholis hæctenus factum, meliori forsân jure passionem,
quam actionem, pulmonum dici: quatenus motum potissimum thoracis
hi sequuntur, ac cum hoc dilatati aëri spatium ac aditum parant, com-
pressi vero ab ejusdem lateribus eundem denuo exire jubent. Non
quidem, ut communis pariter fert sententia, quod pulmo aëris usus
necessitatem persentiscens, vim sibi naturalem attractricem in consensum
trahat, & aërem advocare conetur, adjutus, ut commodius hoc præstet,
i. e. locum inveniat, in quo dilatetur a facultate animali, thoracem
insimul attollente: Sed primum motus hujus principium in thorace
hujusque musculis erit quærendum, i. e. pulmones non replentur, quia
dilatantur, sed dilatantur, quia replentur. Quippe enormiter vulnerato
thorace ac hujus musculis motus pulmonum notabiliter turbatur, imo
tandem plane cessat illius lateris, quod laceratum, utriusque vero, si
ambo discissa fuerint. Contingit equidem pulmonum lobos per pectoris
fauciati vulnus reciproce prorumpere & retrahi; minime tamen hinc
inferendum, illos motu spontaneo agitari: quatenus ejusmodi vivisectiones,
seposito omni præjudicio, intuentes mecum testabuntur omnes,

*La Musculis
principium
motus thora-
cis.*

non

non ex dilatato, sed constricto potius, thorace pulmones proflire, tunc ^{PROGTMN.} scilicet, ubi nec hi ab aere dilatantur, sed potius subsident. Imo nullav. pars corporis solida, cujuscunque conformationis fuerit, potentiam sese explicandi aut dilatandi habet, sed omnium motus aut contractorius, aut qui expansivus, semper ab externo quodam, sive illam subeunte, sive alia ratione divellente, est; nec pulmonibus proin vim se ipsos explicandi concedere licet.

Willisus quidem *Anat. cerebr. c. 24. & Pharmac. Rat. part. 2. f. 1.* *Willisii de*
c. 7. pulmones mere passivos in hoc negotio dicere veretur, (1.) quod Re- ^{actione pul-}
 spiratio sanguinis & cordis gratia fiat, & a varia horum crassi & habitudine ^{monum sen-}
 varie determinetur, unde pulmones, quos ex toto confluentis sanguis tran- ^{tentia.}
 sit, primos hujus instinctus percipere, necesse sit: (2.) quod ab objectis
 externis minus congruis, item humoribus acerbis in motus violentos &
 anomalos v. g. tussis frequentius cieantur, quibus demum diaphragma ^{refutatur.}
 cum reliquis thoracis musculis assurgat. Mox tamen utroque in loco
 menem suam planiorem reddit, adeoque ab illorum, qui intempestive in
 eum invehebantur, convitiis se ipsum vendicat. Dum in *Anat. Celebr.*
 pulmones systolen & diastolen equidem moliri, his vero fibris motricibus
 destitutis musculos dictos succenturiari expresse ait: in *Pharm. Rat.* au-
 tem iisdem non diastolen, sed systolen tantum, concedit, quam per duplex
 fibrarum genus, branchiis ac cellulis pulmoniacis commune, in expira-
 tione exerant. Vno verbo: ad expirationem efficienter aliquid, in in-
 spiratione nihil, conferunt pulmones.

Scilicet in inspiratione dilatatur, in expiratione constringitur, & ad ^{Musculi inter-}
 pristinas angustias reducit, thorax, per motum costarum ac diaphragma- ^{costales non}
 tis reciproco, quem quidem variis, naturæ tamen ac autopsiæ minus ^{simul dilatant}
 congruis, modis Autores descripserunt. Ita horum quidam a musculis ^{& constringunt thoracem.}
 intercostalibus externis, tractum subclaviæ mutantibus, attolli, hincque
 thoracem arcendo ad expirationem facere, ab internis vero abduci, &
 dilatando inspirationem præstare, costas, sibi persuadent. Cum nihilo-
 minus mechanicæ vim inferat, duas series fibrarum, in musculis interco-
 stalibus decussatarum, usus diversos habere, i. e. earum alias dilatandis,
 alias complicandis, costis inservire: quatenus tam internorum quam ex-
 ternorum musculorum fibræ, dum agunt, abbreviantur, neutrorum vero
 elongantur. Plerique cum *Spigelio* eosdem in inspiratione tantum ex- ^{Ratio motus}
 plicari, in expiratione complicari seu constringi, perhibent; *Plempius* costarum.
 contra

PROGTMN. V. contra, *Sylvius*, *Swammerdam*, *Mayow* &c. costarum in inspiratione arcum non tam rectum magis reddi, adeoque extrorsum tantum, in inspiratione easdem magis ad interiora incurvari, sed sursum potius simul, ac deorsum trahi, hinc illa ratione pectoris cavitatem ampliare, hac contrahere, autumant. Cujus phaenomeni veritatem praeter argumenta, quae *Mayow* ex mechanicis & ipsa costarum conformatione ac articulatione petit, quemlibet experientia docebit: ita quidem, ut interstitiis costarum vulneratis digitus immissus, in inspiratione minus, in expiratione firmius, constringatur ac comprimatur.

Motus diaphragmatis.

Diaphragmatis motum, quem cum agitatione costarum causam sociam dilatationis & constrictionis thoracis recte supponunt omnes, pariter ambiguum satis Scriptorum disparitas reddidit, & quidem saepe ridicula satis, id est, quam nec autopsia delere poterat, prout de observatoribus motus diaphragmatis sex *Plempius Fund. med. l. 2. s. 7. c. 3.* perhibet, qui, postquam singuli in dissectione animali vivo motum diaphragmatis attentè considerant, rogati in duas nihilominus partes secesserant. Vnde non mirum, quod alii, v. g. *Arantius*, *Plempius* (falso eadem mens a quibusdam *Laurentio* quoque assignatur) diaphragma in inspiratione sursum, in expiratione deorsum, rapi, asserant, alii, *Laurentius*, *Spigelius*, *Bartholini*, *Sylvius*, *Swammendam*, *Diemerbroeck* &c. contrarium sustineant, pro quibus & mea in diversis subjectis celebrata, autopsia facit. Nempe eo ipso momento, quo costae elewantur, seu thorax attollitur, convexitas diaphragmatis, abdomen spectans, cum planitie immutatur, ita ut patente satis nisi manum admotam feriat, adeoque in inspiratione pectoris cavitatem derelinquendo hanc longiorem & fundum thoracis depressiorem reddat: remittendo autem cum musculis intercostalibus de sua systole in expiratione flaccidum a visceribus abdominis sursum cogitur, aut potius a Mediastino hactenus tenso, hujusque motu restitutivo, sursum rapitur, hinc eundem denuo instar cunei replet & cavitatem ejus breviorē facit. Neutra tamen harum sui habitudinū vel ad costas explicandas, vel constringendas, concurrat, sicut cum *Plempio* alii docent: quippe sua systole nihil praeter se ipsum movet, nisi quod abdominis contenta deprimat ejusque musculos atque integumenta distendat.

Quamvis vero ex dictis elucescat a duplici hoc thoracis motu reciproco pulmonum systolem & diastolem dependere, nisi quod ad expirationem ipsam pulmonum substantiam fibrosam quodammodo concurrere,

rere, hic supponamus, obscurum tamen manet, qua ratione aer sub inspiratione asperam arteriam & fistulas pulmonales reliquas subingredia-
 tur; Triplex circa hoc phænomenum explicandum præprimis circum-
 fertur sententia: quatenus sunt, qui dilatatos a thorace pulmones aërem
 vacui vitandi seu fugandi causa, subintrare & ab his quasi attrahi suspican-
 tur; alii eundem a distenso thorace propulsum intra asperam arteriam
 urgeri, sibi persuadent; quibus denique accedunt, qui eundem aërem
 motu proprio, postquam pulmonibus a dilatato pectore spatium con-
 gruum concessum fuit, illos subire, putant.

Priores duæ hypotheses controversiæ de vacuo innituntur, quod
 negant, ita tamen, ut prior, vacuum a natura abhorreretur, & pro hujus adeo
 necessaria declinatione aërem intra pulmones vocari asserat; posterior
 autem eo ipso, quod cuncta in hac rerum universitate corporibus, partim
 sensibilibus, partim insensibilibus, sint repleta, nullumque spatium, nisi
 pulmones explicatos seu explicandos, in quod aër, a dilatato pectore &
 abdomine inter inspirandum commotus, secedere queat, reperiatur, illum
 hoc modo propulsum fauces & pulmones vacuos petere, seu ad hos de-
 trudi volunt. Sed quoad illam, concipi haud potest, quisnam sit ille
 naturæ aut pulmonum appetitus, quo quod a vacuo metuendum da-
 mnnum prævideant, percipiant aut dijudicare valeant: & si forsan naturam
 corporaque naturalia vacuum detestari, dicendum veniat, istud non agent
 primario & per se, sed secundo & per accidens tantum, i. e. ratione
 confluitatis particularum, ex quibus fluida quævis in prima creatione
 coagmentata novimus. Nec ulla datur in tota rerum natura, attractio,
 sed omnis corporum naturalium motus pulsu perficitur, ut brevitatis gra-
 tia ex Philosophia naturali suppono.

Quoad propulsionem autem aëris ad pulmones, qua post Cartesium
 delectantur plures, cuique prolixius & cum majore conatu causam dicit
 Svanmerdammius: ejus vim illud præprimis enervat, quod ea stante ne-
 mo per tubum parieti ad vicinum usque conclave intruso ex hoc, aut ex
 vase seu recipiente majore, angustioris colli & aere pleno, spiritum tra-
 here vel recipere valeat. Quatenus os inspirantis tubi orificium ac sum-
 mitatem vasis ita tegit & constringit, ut ad thoracis dilatationem commo-
 tus aër aërem vitro aut cubiculo alteri inexistentem, & ab ambiente satis
 seclusum, agitare & in pulmones ejus hac ratione demittere aut cogere
 nequeat:

PROGTMN. nequeat: cum tamen etiam hac ratione agentem commode respirare, experientia doceat.

V.

Ipsius vero Svammerdammi experimenta maximam equidem partem evincunt, aërem thoraci & abdomini nostro circumfusum ab his, dum dilatantur, propelli, haud tamen sufficienter probant, eundem necessario ad pulmones inspirantis determinari: quippe eo ipso, dum juxta illum & per experientiam pectus dilatari, hinc aër propelli valet, obturata quamvis propellentis trachea, aut propter morbum minus explicabilibus existentibus pulmonum cavernulis; aliud patium præter has offendens aër protrusus nulla necessitate versus pulmones hujus vel illius dirigitur. Sic, quando, idem scriptor pulmones non, nisi ab aëre impulsio, dilatari, ex hoc concludere satagit, quod vulnerato minus magisve thorace ab hoc vibratus aër pulmones parcius, aut plane non, subeat, vulnere vero occluso per ordinariam & naturalem viam idem aër pulmones repetat: successum equidem experimenti talem sæpius observavi, qualem innuit, de consequentia tamen hinc elicita dubitare jubet *Lamswerde de Respir. Swammerd. Expir.* quod nimirum vulnus pectoris, multum aeris admittens, inhibeat, quo minus sufficiens ejus quantitas asperam arteriam subintrare queat, id est, utut dilatatio thoracis aliquid impulsus & motus occasionis aëri imprimat, neutiquam tamen inde certi reddimur, an eadem hunc pulmonibus necessario impellat, & annon a seipso, vel aliunde, hoc motus principium fortiat. Accedit, quod pulmones ab aëre, fauces appellente, dilatari nequeant, compressi ab aëre externo, per plagam pectoris irruente, prout ex sequentibus constabit. Porro dum canis vivi arteriæ asperæ adaptat canalem, animalque vasi angusto, aqua pleno, ita immergit, ut altera tubi extremitas supra aquæ superficiem emineat, & hujus beneficio idem sub aqua respiret; invito quidem Lamsverdo contingit, sub reciprocis inspirationis & expirationis motibus aquam modo ad vasis marginem spiratim elevari modo subsidere, simulque aërem supervenientem modo attolli, modo cum aqua denuo descendere sit: ejusdem vero Lamsverdi argumentum meum facio, scilicet si nullus, nisi cum & a superficie aquæ propulsus, aër tubum irrueret, & pulmonum compagem replet, qui fiat, quod urinatores in fundo maris profundissimi hærentes, per canalem ultra hujus superficiem prominentem, libere respirent, cum concipi nihilominus haud possit robur illud pectoris tantum, quod tam vastam oceani molem, sibi incumbentem, sustollat ac propellat.

Regeri

Regeri equidem posset, urinatores mari submersos nihil incommodi ex compressione aquæ incumbētis pati, imo nec hanc perferentescere, vel V. quod ab hac æquali undique vi comprimantur, vel quod ex hypothēsi Cartesianiana minima cujuslibet fluidi & præcipue aquæ, nunquam quiescant, sed semper per aquæ compagem circumrotentur ac agitentur, adeoque nec gravitent, nec levitent, cum semper quaquaversum, fursum deorsum, ac ad latera moveri queant: Per consequens nec thoracis dilatationem & ab hac expectandam aquæ & aëris elevationem turbari. Audiendi tamen erunt ante omnia illi, qui pondus hoc aëris experti fuerunt, uno ore afferentes se notabilem corporis constrictionem sub aqua pati; quale quid quilibet pariter testabitur, si manum aquæ aut Mercurio immergat, sensibilem compressionem observans: unde nec thoracis motum adeo liberum, ac extra undas, per consequens nec tantum in aquas ejus impetum concipere licet. Aliud siquidem est, animal nihil damni, v. g. luxationem, rupturam, similemve continuitatis solutionem a compressionē aquæ molis experiri, neque tactu ponderis illius vim percipere; ideo quod illa non ab una, sed pluribus simul, partibus in ejus corpus agat: & aliud universalem illam corporis constrictionem sustinere, per quam ad motus liberiores & elevandis aquis proportionatos ineptum redditur.

Quia ergo ex his satis superque constat, nec inspiratione aerem pulmonibus impelli, ultimam, quam *Illustrissimus Boyle* defendit, hypothēsin admittere conveniet: scilicet atmosphæram aut vi ponderis sive proprii, sive aëris incumbētis, aut per particularum elasticarum turgescētiā, pulmones pectoris dilatati irruere, haud dissimili ratione, ac vesica aut pulmones animalis cujusdam folli ita inclusi, ut illius collum aut trachæ cum nostro hujus commune orificium nanciscatur, ad follis laterum distractionem ab aëre ambiente replentur ac distenduntur. Hactenus enim tabellæ follis, vesicæ ac pulmōni incumbētes, aeris, semper equidem fluxilis, ingressum, ad hos per resistantiam suā impediēbant, iis vero nunc distractis spatium corporibus istis mollibus ac distensibilibus conceditur, ut ab aeris influxu actu distendantur. Quippe non aerem circumstantem ad orificium, commune urgendo, sed spatium saltem præparando, latera folium in replendis vesica aut pulmōnibus inclusis concurrere, inde satis verosimile fit, quod si similis vesica vel pulmōnes compressi machinæ pneumaticæ receptaculo ita immittantur, ut horum orificia per summitatē, illius emineat,

PROGTMN.
V.

eidemque glutine adæquato firmentur: ad unam vel alteram aeris, qui in excipulo continetur exantlationem hi ab incumbente atmosphæra intumescunt, remoto scilicet aere excipuli crassiore comprimente & externi impulsui hætenus resistente.

*Aeri gravitas
ineff.*

Aeri gravitatem subesse ipse *Aristoteles de 4. celo de 4.* asserit, post eundem vero variis experimentis idem evicerunt *Torricellius, Boyle, Th. Cornelius, Merfennus, Mariotte, Liber Experimentorum Academia Experimentalis Medica, A. Borellus* alique infiniti fere Scriptores: inter quos etiam recensemus *Berneullii* aerem ponderandi rationem, ex *Ephemerid. Parisi Anno 1684.* legendam. Quia nihilominus inter hæc experimenta uti frequentissimum ita omnium maxime præsentaneum, est *Toricellianum*, ex suspensione seu elevatione Mercurii aeris gravitatem concludens, illudque a diversis, etiam eruditissimis, Viris impugnatur: revera ab aeris prementis gravitate dispari hanc Mercurii ascensus diversitatem emergere, evinci potest duplici ratione. Nimirum primo tubus hic *Torricellianus* cum vasculo suo, utrisque Mercurio, ut decet, repletis, vasi alii vitreo includatur, & ex hoc per antliam pneumaticam aer educatur; ad singulas antliæ illius agitationes Mercurius in fistula notabiliter & profundius semper subsidebit, contra aperto epistomio, pro quantitate aeris intromissi varia idem denuo elevabitur. Deinde idem instrumentum aquæ claræ profundius immergatur, quo nimirum hæc scutellam subtus collocatam ad trium v.g. pedum altitudinem superet: Sic Hydrargyrum ex vasculo latiore per angustam fistulam altius longè quam sub aere, elevabitur, a majore aquæ, quam aeris, pondere pressum.

*Elasticitas
aeri subest.*

Pariter non minorem condensibilitatem ac ad rarefendum denuo aptitudinem, seu vim elasticam, ratione cujus corpora comprimentia eousque repellere annititur, donec expansionem naturalem recuperarit, aeris competere, vulgo etiam innotescunt fonticuli artificiales cum sclopetis pneumaticis, edocent, quibus peritiorum Philosophorum ac mechanicorum machinas & experimenta majoris momenti addere conveniet, *Boyllii* præprimis, utpote inter cunctas sine dubio primi. Id est, aeris compages composita videtur ex machinulis exilissimis, quæ stringi quidem ab externa violentia possunt, hac tamen vel non nimia, vel recedente, ad instar arcus flexi, resiliunt, pristinamque figuram repetunt, seque dilatando modo ipsum premens, modo alia sibi obvia

pro-

propellunt. Seu aeris elater vel spira nihil aliud quam ejusmodi par-PROGTMN, ticularum contextus atque implicatio est, quæ vel ab aeris superincumbentis pondere, aut alio quovis corpore comprimuntur, contiguissimè illis comprimentibus simul contra nituntur, adeoque a pressione ista se liberare & in statum pristinum vindicare semper moliantur. Ut v. g. in vesica, aere fere vacua & arctius constricta experimur, quæ intra vas recipiens ab aeris successiva educatione sensim, ac tandem ad crepaturam usque, distenditur, sublata aeris ambientis pressura; hinc elasticitate aeris intrinseci restituta, ac levata.

Cum itaque atmosphæra ratione ponderis æque ac elasticitatis non tantum qualibet spatia vacua facile irruat, sed res quoque quasvis sibi contiguas potenter premit, quod experimentis innumeris comprobari *Modus, quo aer irruit pulmones.* posset, & a celeberrimo Boylio comprobatum fuit; non improbable est, aerem ad tracheam continuatum per hanc ad dilatabilia pulmonum interiora semper introitum moliri. Hinc, dum latera thoracis, quæ pulmonum dilatationi hactenus resistebant, a musculis suis remouentur ac spatium hujus ampliatur, simul vero aeris illius, qui cavitatem hanc, quousque a pulmonibus non adimpletur, occupat, spira a dilatatione illa laterum notabiliter debilitatur, obstaculo hoc utroque remoto aer tracheæ vicinus ac totius atmosphære pondere & elasticitate depressus: pulmones irrupit, utpote in quibus minorem reperit renitentiam, pari modo ac in vesicam, machinæ Boylianæ ita inclusam, ut ejus orificium ad atmosphæram hiet, utpote quam, post exantlatum vitrii recipientis aërem, ab hac explicari seu inflari, superius dixi.

Si proin ex me quærarur, cur, aeris quandam substantiam subtiliorem tantum sanguinis motui vitali perpetuando appropriatam pronunciarim, subtilior nihilominus aer, qualis est in montibus altioribus & *Cur aer tenuior respirationi incongruus.* valis recipientis machinæ pneumaticæ, post evocatum crasgiorem, respirationi minus commodus existat? ajo, duplicem crasgioris atmosphære usum observari, quatenus nempe hæc fuit tantum, quantum singulis inspirationibus sufficit, pulmonibus impellit, & quatenus aeri pectoris intrinsecò eò usque æquilibratur, ne hic nimis rarefcens inspirationem æque ac expirationem turbet. Prioris phænomeni causa ex dictis patet, quo vero & alteri dici queat, brevitatis gratia hic suppono, fluidum animalium ambiens determinata ad intrinsecum gaudere habitudine & relatione; cujus intuitu pisces in aqua, lumbrici, ranæ, serpentes

PROGTMN.
V.

&c. in terræ cavernis undosis, aves in aëris excelsiore contignatione, reliquaque animalia in atmosphæræ strato inferiore seu terræ vicino degunt, hæcque sua loca naturalia vix sine notabili sui incommodo & vitæ periculo mutant, non tantum quod inspirationi horum hucque analogo fluidum ambiens peregrinum minime congruum existat, sed simul, quod fluidis eorum intrinsicis æquilibrium adæquatum non præstet.

Hinc animalia, aeris ambitu, æquilibranti alias adstricta, si aquis submergentur, licet per canalem extra has prominentem respirent, compressionis tamen quasdam molestias patiuntur, quod urinatores testari, superius innui: & in sudatorio seu balneo commorantes, quamvis aerem ab extra hauriant, difficulter nihilominus & sub molis prementis quasi pondere anhelant. Machinæ vero pneumaticæ ergastulo inclusa animalia, ad unam vel alteram aëris crassioris exantlationem mox mire inflantur, oculos prominentes ostendunt ac vomunt, sed readmisso aere externo subito & ad pristinam molem atque figuram subsident, pari ratione ac vesicam mediocriter compressam, & orificio suo obturam in vacuo distendi, aere autem superveniente collapsæ observamus. Ut proin non adeo forsitan a vero abludat, particulas aereas sanguinis & membrorum solidiorum animalis, vim suam elasticam, hæcenus aliquantum temperatam, in vacuo impetuosius exerere & sese latius explicando partium dictarum renitentiam eo usque superare, ut poris carniū, nervorum &c. dilatatis & inflatis molem totius sensibilibiter augeant, circulationem turbent ac tandem functionibus motivis ac sensitivis cunctis sub convulsionum atrociam finem imponant, nisi in tempore redeat aer ab extra turgescantias has intrinsecas compescens. Simili E. modo per montium altiorum cacumina iter facientes, propter atmosphæræ minus adæquatam nec sufficientem pressionem, dyspnœas, nauseam & convulsiones ventriculi, vomitus cruentos, choleeram & hæmorrhagias, qualia symptomata *I. Acoſta* cum suis sociis, dum Periacæ, Montis Peruviani, fastigium transcenderet, expertus erat, patiuntur. Minime tamen eorum corpora ita intumescunt, ut de animalibus vacuo inclusis modo dixi: quatenus nec in terris altissimis tanta aëris subtilitas esse valet, quæ similem, ac vacuum, in respirationem reliquasque actiones animales jus habeat, sed quæ iufuida tantum nostra, non vero horum partes continentes, agat.

Deni-

Denique ex piscibus etiam illi, qui extra aquas & in atmosphæra nostra aliquandiu superstites manent, v. g. cyprinus, anguilla, cancer, it. ra-
na, machinæ exaltationes haud diu sustinent, sive sine, sive cum aqua illi immittantur, sed mox enormiter turgescunt & languescunt: a redeunte nihilominus, tempestive aëre molem & vires pristinas itidem recuperant. Qui vero piscium mortui extrahuntur, horum vesica natatoria flaccida & corrugata plane apparet, similiter ac ranæ pulmones vesiculosæ: utraq; ad vacuum majorem portionem aeris interni emittentes.

Atque hæc circa inspirationem hujusque fiendi modum sufficiunt, & quæ *Borellus de Mor. animal. part. 2. propos. 91.* profert, quasi videlicet actio inspirationis a simplici aeris intra pectus amplificatum receptione haud compleatur, sed quædam præterea pulmonum compressio aërisque ad canaliculos pulmonum penitiores impressio seu impulsio requiratur, a resiliantibus costis expectanda, partim superflua videntur, partim concipi nequeunt. Superflua siquidem & minus necessaria illa aëris incuneatio est, cum non hunc, sed ejus portionem saltem subtiliorem, sanguini commisceri, superius probaverim, adeoque haud nova aëris intra pulmones condensatione opus sit: observamus siquidem animalia intra vacuum agonizantia & languida plane a levissima aëris crassioris admisione refocillari, huncque intra exilissimos quoque eorum pulmonum porulos excipi. Præterea nec concipi potest, quomodo eadem costarum resilitio seu thoracis constrictio inspirationi & expirationi, perpetua & æquali reciprocatione alternantibus, litare queat, & sine dubio ad bronchia potius patentiora, quam angustiores pulmonum vesiculas, per laterum constrictionem aer urgebitur seu exprimeretur. Supponit equidem, quo difficultatem hanc subterfugiat, *Borellus*, rimulam laryngis a suis musculis tunc simul claudi; quod nihilominus ingens videtur postulatam; quatenus diversa rimulæ laryngis dilatatio & arctatio vocis potius modulationi inservit, & bronchothomiam experti satis commode respirant, aut incommoda si quæ patiuntur, aliam hæc ætiologiam sapiunt.

Expirationem interim quod concernit, haud incongrue a nonnullis in mediocrem seu naturalem & violentiorem seu intensiorem distinguitur: quarum illa non mediantibus peculiaribus musculis, horumque activitate contingit, sed ipsi præstandæ sola costa-

PROGYN.

Ad inspiratio-
nem nihil facit
pulmonum
compressio.

Expiratio du-
plex.

TUM

PROGTMN. V. rum resilitio, seu partium thoracis ambientium motus restitutionis & diaphragmatis relaxatio, seu pectoris ad naturalem angustiam reductio, sufficit, quæ ideo etiam minore temporis spatio peragitur; nisi forsan musculo sterni triangulari, aliquantulum hætenus extenso, munus cartilagineas costarum inferiorum appendices detrahendi, sicque thoracem leviter constringendi concedere velimus. Inten-

*Musculis ster-
ni triangula-
ris actio.*

*Non omnis
aer in expira-
tione semper
ejicitur.*

sior vero, qualem loquentes, canentes &c. præstamus, musculos abdominis in auxilium vocat, qui viscera hujus cum diaphragmate sursum impellunt, sicque ærem e pulmonibus majore impetu exturbant, ita tamen ut horum obliqui, costis inferioribus inserti, has simul aliquatenus detrahant. In utraque tamen hac expiratione pulmones, quos in inspirationis actu plane otiosos pronunciavi, aliquid conferunt, plus aut minus prout impetuosius, aut blandius expirare urgemur: cum in omni expiratione aerem æque omnem exprimi, minus probabile sit, nisi fortiore exsufflatione hoc fiat. Juvant E. hanc expirationis partem fibræ musculares, quibus non tantum tracheam hujusque ramulos, sed cellulas etiam pulmonum undique stipari, per *Accuratissimi præ-* primis *Malpighii & Willisii* industriam novimus: quarum ope arctius dum contrahuntur illæ fistulæ & ampullæ, ultimos suos nisus exerunt hæ, hinc plus solito nonnunquam aeris, imo mucum similiaque solidiora heterogenea, exterminant. Neque tamen improbable plane est, easdem fibras sua renitentia aeri externo asperiori minusque congruo penitiorum introitum intercludere, aut ad minimum illum notabiliter moderari: item ab harum actione, aut frustrata aut depravata, asthmata dyspnœæve similes aliaque respirationis symptomata interdum obvenire; quod tamen vix hujus loci.

*Expirationis
usus.*

Alias expirationis usus haud tantus est, cujus prolixior declaratio in præsentiarum foret expectanda: primario siquidem aeris inspirati denuo expellendi gratia hæc pectoris & pulmonum concidentia contingere videtur secundario vero voci formandæ ea potissimum inservit. Neque tamen ideo aer inspiratus mox iterum expelli debebat, quasi nova refrigeratione indigeat, aut fuliginosa sanguinis & cordis recrementa secum abripiat, prout ex superioribus elici potest: sed ut subtilior illa ejus portio, quam intra pulmones deposuerat, ipsi ab aura libera restitatur, simulque ab aere de novo impulso novum impetum recipiant particulæ illius magis activæ ad interiora pulmonum & vasorum cogens.

Sed

Sed neglexeram fere, aliorum negligentia seductus, inquirere in il-
 lum instinctum, qui musculos thoracis ad inspirationis & expirationis VI.
 motus reciprocos invitet, seu provocet, seu quo directore, inter sangui-
 nis vitalitatem & contracturas musculorum medio, hi ab illius summa exi-
 gentia convellantur? In quo determinando supponi debet, respiratio-
 nem per se actionem mere naturalem esse, quod nobis etiam invitis non
 advertentibus peragatur, &, quia vitalitati perpetuandæ primario præest,
 ejus motus perennes & æquabiles sint; simul tamen ratione modi aliquid
 spontanei involvere, mediante quo illam retardare, accelerare ac inten-
 dere valemus, pro actibus occasionalibus quibusdam præstandis: hinc
 vulgo Respiratio functio ex naturali & spontanea mixta appellatur. Quia
 nihilominus uterque horum motuum a musculorum thoracicorum habi-
 tudine diversa emanat, probabile fit, illum instinctum seu primum ad
 opus respiratorium impetum modo intrinsicum, modo extrinsecum, esse.
 Intrinsicum quidem maximam partem in respiratione naturali peragenda,
 quatenus fibrillæ nervorum, tracheæ, bronchia & pulmonum vesiculas
 minimas stringentium, a sanguine, quo arteriarum & venarum plexus,
 eosdem stipantes, turgent, in motus determinatos cientur, eosque ad
 nervos diaphragmatis & musculorum thoracis sibi communes propa-
 ganda hos in consensum trahunt & ad contractiones motivas disponunt:
 Interdum nihilominus idem instinctus internus, licet præternaturalis, est
 in respiratione præternaturali & extraordinaria, tussi, dyspnœa &c. v.g.
 sanguinis ac feri stagnatio aut acrimonia, eosdem nervos pulmones in-
 trinsicos immediate afficiens. Ast in Respiratione magis spontanea, qua-
 lem cantantes, loquentes, ridentes &c. exercemus, primus ejus impetus
 ut plurimum a musculis thoracis immediate magis exoritur, hisque
 mediantibus thorax, & cum hoc pulmones, varie agitantur.

PROGYMNASMA VI.

DE

SANGVINIS CIRCUL-
 LATIONE.

HActenus de motu sanguinis intestino ac vitali, hujusque causa con-
 servante, progredi nunc convenit ad localem seu progressivum, i. e.
 M mediante

PROGMN. VI. mediante quo fluidum illud universale & cum hoc principium vitale ad totum corpus ac ex hoc ad cor & pulmones reducitur, pro novo impetu, quoad motum æque circularem ac intestinum, suscipiendo: illo quidem a corde, hoc a pulmonibus.

Mobetur sanguis.

Etiā juxta Veteres.

Qua ratione secundum hos.

Moveri sanguinem ad partes & a partibus, ratione & experientia evincitur, conspirant etiam in hoc Veteres ac Recentiores, in modo tantum, i. e. ratione termini, a quo & ad quem, discrepantes. Illi quippe duplicem supponebant sanguinem, venosum & arteriosum. Quoad venosum, asseriebant chylum a venis mesaraicis absorberi circa confinium tamen harum trunci & rami splenici in partem crassiorem & tenuiorem dividi: quarum hæc ad epatis portas, illa ad Lienem secedat, ac singula in sanguinem ab his visceribus mutetur. Sanguinem epaticum tenuiorem per venam cavam ascendentem ac descendantem toti corpori exceptis abdominis, nutritioni destinatis, membris, crassiorem seu splenicum cum his, adduci, pergebant, ita tamen ut ascendens partim immediate artubus superioribus ac capiti adducatur, partim quasi per diverticulum quoddam ventriculo cordis dextro infundatur, hincque tam per pulmonum substantiam, quam per septum cordis, ad ventriculum hujus sinistrum derivetur, ubi spiritu vitalis activitate imprægnatus mediantibus arteriis totum corpus pariter, ac venosus, irrigaret, postquam sc. uterque vel in vasis & horum anastomosibus, vel in ipsa substantia partium nutriendarum, commixtus foret, & venosus ab arterioso vitalitatis characterem recepisset. Partibus autem nutriendis quantum hujus impendatur, tantum per chylicationem restitui, postquam sc. venæ minores majores, hæc Epar, hocque ventriculum lacefferint & succine quadam obscura appetitum naturalem moverint.

Non equidem inficior, quosdam Scriptorum in quibusdam relatarum circumstantiarum variare, ipsi nihilominus huic dogmati fundamentali addicti observantur plerique. Peculiare quid & ab omnium aliorum opinio cremorissimum proponit *Varolius Anat. l. 2. c. 1.* per quatuor nempe illa majora corporis vasa non solum sanguinem advehi, sed unum quodq; horum duobus contrariis motibus inservire, ita ut per arteriam venalem non modo aer ad sinistrum ventriculum, sed quoque spiritus vitalis cum sanguine arterioso ab eodem ventriculo ad eosdem proficiscatur, nec non per venam arterialem a pulmonibus accedens aer dextrum cordis sinum ingrediatur, & sanguis venalis ab hoc ad eosdem migret. Similiter per venam cavam

san-

sanguis imperfectus dextrum ventriculum subeat, perfectus inde recedat, PROGTMN. ac demum per aortam sanguis incultus sinistram petat sinum, a quo exal- VI. tatus mox revertatur & cum venoso per totum dispensetur. Idem est, *Licet duplex* quod Liceti inventum gloriatur, (quem tamen plagii haud accusabo) dum *circulatio* duplicem circulum in duplici vasorum genere profitetur, successive & distinctis momentis concipiendum.

Neutrum tamen horum, multo minus commune, dogma stantibus *stare ha sen-* illis, quæ seculi præprimis hujus felicitas manifestavit, admitti potest, *tentia ne-* præprimis si singula ejus membra speciatim examini solidiori exponan- *queunt* tur; ut suis locis comparebit: æternitatis vero gloriam sibi jamdum comparavit Circulatio Sanguinis, ab Harveo si non primum visa, certe egregie, prolixè & clare explicata ac demonstrata.

Appellatur hoc nomine motus ille, non quod circulum mathematicum exacte circumscribat, sed quod ad unum idemque punctum, a quo promanabat, mox redeat idem sanguis & lympa, sc. a corde ad partes per arterias propellantur, ab iisdem ad idem per venas revehantur: aut, momente *Harveo*, agitationem hanc Massæ sanguineæ localem eo pacto circulatoriam vocare licebit, quo Aristoteles aerem ac pluviam circularem superiorum motum æmulari dixit; i. e. sicut imbres terram madefacientes a solis calore evaporent, vapores elevati condensentur & condensati in pluviam denuo decidant.

Causam hujus motus sanguis extra se habet, secus ac intestinus & vitalis, cujus motorem in sinu gerit sanguis turgescens: cor nimirum, cujus pulsus extrorsum vibratur sanguis, mox ad eundem fontem refluus. Et quamvis circulo scripto proprie nullum principium nullusque finis assignari queat, hinc cor quoque ea quidem ratione, quod ab eo sanguis ad reliquas partes derivetur, principium, a quo, dicatur, termini vero ad quem, quatenus sanguinem redeuntem excipit, titulum eodem jure mereatur: Organum nihilominus hoc principium circulationis doctrinæ gratia concipere licebit, quod primus motor sit, i. e. a cujus pulsu illa inchoatur. Quod enim machinæ hydraulicæ antlia seu embolus primarius, illud in machina animali hujusque fluido catholico circumagendo, præstat cor: quatenus ille aquæ, hoc sanguini, evehendo ac propellendo, primum impetum imprimit, utroque autem fatigante utriusque fluidum stagnat,

PROGTMN.
VI

Ante omnia tamen monendum, non sanguinem solum esse, qui circuitum hunc sustinet, sed sero ac chylo dilutum. Serum cum sanguine circulari, nec veteres negabant, illud hujus vehiculum asserentes: idemque confirmat sanguis sive arteriotomia, sive venasectione educus, item insertio canalis thoracici & jugularium atque axillarum lymphaticorum seu serosorum vasorum in venam subclaviam. Chyli vero Euripus non adeo perpetuus, sed temporarius tantum, est, digestionem nimirum alimentorum absoluta, chylique dispensatione inchoata, in sanguine extravasato conspicui & imperitioribus Medicis in hoc sub specie pituitæ, humoris crudi aut nescio cujus prodigii imponentis. Proinde nec circulationis negotium solis vasorum sanguiferorum limitibus circumscribere, sed ad lactea & lymphatica quoque vasa illum circuitum extendere convenit: cum vasa lactea a lymphaticis non aliena sint, hæc autem omnem, quam Lympham a circumferentia revehunt, ab arteriis receperunt, & in hoc venis respondent.

Quicquid cor agit, motu agit.

Motus ejus duplex.

Expellit cor sanguinem in systole.

Recipit in diastole.

Hanc E. massam a Corde per arterias prodire constat ex perpetuo hujus motu, quem haud frustraneum vel ideo auguramur, quod cum hoc animal vivere incipiat, eodemque cessante emoriatur, hinc quicquid in corpus agit, motu hoc perenni præstet. Sicut autem in vivorum extispiciis motum illum observamus duplicem, constrictorium seu systolen & dilatatorium seu diastolen, mutuo reciprocantes; Dum cor modo secundum tractum suarum fibrarum & ab omni parte constringitur, modo fibris laxatis pristinae figuræ restituitur: ita systole fieri nequit, quin extra suos ventriculos urgeat, quem receperat, sanguinem. Sub diastoles autem statu affluxum & repletionem hanc contingere, vel tenella foetuum & pullorum coreula edocent, quæ ut in systole pallefcunt, ita in diastole ruborem induunt, illud a sanguine expresso, hoc ab irridente: vel mechanica credere jubet, coarctatis undiquaque ventriculorum parietibus nihil ab extra hos illabi posse.

Diastole prout merus restitutionis motus videtur, aut, si aliquam ventriculorum turgescientiam comitem habet, sanguini tantum illabenti ac distendenti hanc debet: Sic systole ejus nil, nisi ipsius fibrarum motricum determinata tensio seu contractio est, per quam ventriculi, harum compagi subjecti, eousque & cum tali impetu arctantur, ut prelo quasi quodam expellatur, quicquid continent bini hi *humana nature fontes*. De Cordis siquidem substantia musculosa, vix dubitare poterant Hippocratis

Cor est muscul.

eratis sectatores, quibus ex illius lib. de Corde constare debebat, *Cor muscu-PROGTMN.*
lum valde fortem, non nervo, sed densitate ac constrictione carnis esse: qua-VI.
 lis etiam conformatio musculosa a *Stenone*, ac *Lowero* satis accurate de-
 lineata fuit, ne illorum meminerim, quos ante hos *Pisis* jamdum structu-
 ram hanc evoluisse, *Borellus* refert. Miror potius *Vesalium*, carnem fi-
 brosam cordi concedentem, de evolutione nihilominus harum fibrarum
 desperandum, dum seriem & tractus earum conjectura potius, quam
 sectione, in crudo æque ac elixo corde eruendam proclamat. Audaces
 fortunam juvare vixque adeo difficulter texturam hanc evolvi posse, quem-
 libet, manum operi admoventem docebit successus: modo moniti *Borelli*
 memor fuerit, vix instar glomi, ut gloriati fuerunt alii, hanc fibrarum col-
 ligationem perplexam & intricatam dissolvi posse, cum ab elixatione fi-
 bræ plures citius rumpantur, quam earum plicaturæ decussatæ sol-
 vantur.

Vasorum quibus cor immediate cum reliquis irrigandis membris
 communicat, duæ arteriæ ac totidem venæ sunt, quarum nomenclatura,
 fabrica ac distributio nec tyrones latent. Sanguis nihilominus qui ad
 promptuaria eorum per venas secedit, haud recto tramite eadem ingreditur,
 sed intervenientibus demum auriculis, secundum *Hippocr. mollibus*
& cavernosis. Quæ prope insertiones illarum exurgentes sanguinem
 eousque morantur, donec musculo cordis a contractione remittente
 aut reverso, hujusque ventriculis relaxatis eundem, systole sibi propria
 infundant. Hi siquidem folliculi substantiæ & texturæ pariter mu-
 sculosæ sunt, ventriculorum gratia, tanquam ministræ horum ostiariæ,
 & musculi subsidiarii cordis basi annexi: quorum etiam numero sem-
 per respondent, ita ut in piscibus, uno tantum ventriculo instructis,
 una quoque earum tantum compareat. Imo ab iisdem auriculis cordis
 motum inchoari, i. e. illarum constrictionem hujus systolen antecedere,
 præter fundamenta illa mechanica, a *Borella* prolixius adducta, unica
 illa autopfia testari poterit, quæ, dum in animali modo defuncto per
 immissum in venam cavam & ventriculum dextrum flatum motum cor-
 dis resuscitate conamur, prius auriculam dextram, hinc demum cordis
 ventriculos cum sinistra agitari cernimus, imo in moribundis quibus-
 vis cordis ventriculi auriculis citius pulsare desinunt, præprimis dextra,
 utpote quæ cor satis diu supervivit. Videturque *Borellus* sibi met ipsi
 contradicere, quando suæ hypotheseos immemor, post sanguinis venosi

*Auricula
quid?*

*Auricula non
inhibent san-
guinis resu-*

PROGYMN.
VI.

*num e Ventri-
culis.*

ad cordis ventriculos ingressum appendiculas arcte claudi ac restringi, sicque sanguinis illius regressum prohiberi scribit. Quippe eo ipso dum systole auricularum contractionem ventriculorum præcedit, his vero in diastole constitutis nihil sanguinis ad venas recedere potest, valvulæ tricuspidales ejusmodi resiliitioni obicem ponunt & ventriculorum systolen explicatio auricularum comitatur; non video, qua mechanica assertum hoc declarari vel defendi queat.

*Sunt sanguinis
venosi diverticula.*

Scopo propinquiorem autumo *Higbmorum*, qui diverticula seu secessus auriculas vocat, in quibus sanguis venosus aliquandiu moretur, ne continuo motu ventriculos irruens his aut omnem se stringendi occasionem præripiat, aut valvularum triangularium clausuram ac coniventiam impediât, donec ventriculi horumque pelliculæ laxatæ affluenti sanguini denuo viam pandant. Quia autem venæ cavæ truncus & ventriculus dexter venæ pulmonali & sinistro sinu notabiliter ampliores observantur, dextra quoque auricula major sinistra existit quo plus sanguinis ut excipere & dispensare valeret. Interim ne sanguis per venam cavam descendens ascendentem remoram faciat, eumque reprimat, duplici mechanica natura cavit, quarum neutra circa venæ pneumonicæ ostium observabilis. Sc. intrinsecus circa utriusque trunci confinium tuberculum seu eminentiam quandam transversam solidiorem & fere cartilagineam collocavit, quæ instar sepimenti ambos caudices distinguit & sanguinem descendentem in auriculam divertit, quæque in homine, erecto corpore incedente, elatior & conspectior, quam in brutis prono capite ambulantis existit. Extrinsecus vero eodem in loco magis musculosa cernitur hæc vena, imo fibras quasdam carneas ab auricula excipit, quo ascendentem sanguini levamen præstet, eumque, non obstante descendentis nisu in contrarium, ad auriculam validius urgeat.

*Valvularum
tricuspidali-
um usus.*

Denique, ne modo illatus ventriculis sanguis a mox insequente horum vibratione ad eadem venosa vasa, a quibus promanabat, repellatur, his continuatæ appenduntur pelliculæ, quæ, a circulari tendinosi orificii annulo triangulares emergentes, strias ac segmenta sua extrema seu apices tendineos in cordis prominentias, quas carunculas papillares columnas lacertulas & monticulos carneos communiter ajunt, dimittunt, & quidem in opposita ventriculorum parte collocatos. Quæ membranulæ ab appellente sanguine venoso distenduntur, subsequente autem cordis systole ab elevatis monticulis earum fibræ laxantur, sibi-
que

que propius accedunt: hinc a sanguine propellendo, non secus acve-
la ventis turgida, dum adiguntur, & ad orificia cordis elewantur, hæc
occludunt, & omnem illi aditum ad auriculas denegant, usque dum
systole cordis absoluta & ad arterias fluidum hoc propulsum fuerit.

Atque hæc propulsio a carne cordis pariter ac reliquorum mus-
culorum motus, perficitur, dum ejus fibræ abbrevitatæ spatia ventri-
culorum undiquaque angustiora reddunt, non primario per sui decur-
tationem seu constrictionem, sed per inflationem seu turgescentiam
potius, qua ventriculorum spatia replent, & contentum ibi sanguinem
instar preli exprimunt: ita ut *Harveo* motus cordis recte ejus quædam
ab omni parte tensio & secundum ductum omnium fibrarum restrictio
dicatur, ut facile patefceret, si vulnere cordis viventis digitus immitta-
tur, qui in quavis ejus pulsatione velut forcipe aut prelo stringitur a
carne cordis contracta simulque tumefcente & indurata,

Eo ipso autem, dum cor musculus esse, ex dictis constat, non
ab alia præter hanc, quæ musculus movet causa, ejus vibratio poterit
expectari: & quam *Galenus* facultatem pulificam seu vitalem, *Cartesius*
ebullitionem seu turgescentiam sanguinis, in scenam producit, a diversis
scriptoribus validissime eversa sunt. Quamvis enim artuum agitationem
in hoc a cordis motu discrepare, palam sit, quod musculus cordis sui
magis juris videatur, suumque motum etiam nobis nolentibus, volen-
tibus, exerceat, nec sponte tamen a sua actione cesset, aut per se impe-
tuosius agere possit, imo in corde, calenti adhuc animali evulso & nervo-
rum commercio interrupto, per notabile adhuc tempus hujus motus
conservetur: a diversis nihilominus causis proximis hoc & reliquos
musculos actuari, exinde nondum inferre licet; sed eadem cum his
mechanica seu necessitate organica, sc. per fibrarum tensionem & in-
flationem, & per consequens a spiritibus quoque animalibus, illud
moveri, probabile fit.

Nam primo horum influxu per nervos cardiacos quocunque modo
intercepto cordis pulsus sistitur, quod præter *C. Pisonem*, qui de *Morb.*
ex colluv. serof. obs. 47. & 48. ex ruptis aut obstructis illis cordis motum
repente abolitum testatur, experimentum à *Williso* & *Lowero* commen-
datum confirmat, dum ligatis nervis octavi paris pulsus cordis cum
respiratione mox cessat. Perhibent equidem hujus phænomeni primi
inventores, a ligatura dictorum nervorum tantum contremiscere &
palpi-

PROGYMN.
VI.

*Moveretur cor
adhuc, post-
quam petiore
ebullsum.*

palpitare, per notabile tamen adhuc tempus, &, observante *Williso*, per aliquot dies, languidum ac miserum animal vitam protraxisse: quod ego tamen martyrio huic philosophico exponebam, fulmine quasi tactum a constrictis funiculis expirabat. Deinde protrahatur ex vivi animalis pectore cor aut hoc inibi tam diu linquatur, usque dum ab omni motu cesset & mortuum æstimetur: hoc apice cultelli aliquoties punctum ad quemlibet ictum se contrahet seu systolen vitalem reiterato æmulabitur, certo indicio subesse adhuc sensationis instrumenta, spiritus nempe animales, qui hac suarum fibrarum strictura molestias illorum ictuum amoliri conantur, quosque proin in vivo & integro pariter animali motus auctores censere convenit. Et ne violentiæ ictuum aliquid hoc in passu tribuas, similem vim pulsatoriam recuperabit idem corculum a spongia, aqua calida imbuta, aut ab hac guttatim ipsi instillata, ita ut quælibet fere hujus guttula novum motus stimulum & vitalitatem quasi novam eidem impertiri videatur.

*Cur cordis motus
perpetuus?*

Cur vero nobis invitis ac nescientibus moveatur cor, & quidem sine ulla, toto vitæ tempore, intermissione, secus ac reliqui muscoli, quorum motus arbitrium seu appetitus moderatur? maxima semper visa fuit difficultas ac diversas his extorsit theorias, quas recensere, examinare aut refutare in præsentiarum nolo, potius conjecturas meas explicaturus. Suppono nempe (1.) ad omnes partes mobiles, quæcunque fuerint, spiritus animales seu succum nerveum, sine ulla intermissione ferri, atque his semper illam vim concedere, quam *Borellus* propriam musculorum vocat, i. e. eos semper in mediocri tensionis gradu conservare: (2.) quibusdam, quamvis forsan paucis, musculis, sc. sphincteribus, ani, vesicæ &c. potentiam hanc solitarie sufficere ad munera sua præstanda: (3.) vero alios, & quidem plerosque, impetum insuper per intervalla recipere, eidem *Borello* instrumentalem dictum, per quem ad potentiores vibrationes astuantur; & quidem modo a voluntatis sic dicto v. g. in motu, brachii imperio, modo ab humoribus in nervos agentibus, sc. in respiratione, modo a distensione cavitatum, quarum parietes musculosi existunt.

Atque hæc, quæ brevitatis gratia nunc suppono, postulata suo loco ubi sc. de motu animali dicendum, prolixius evincam; scopi præsentis erit docere, quarundam partium virtutem motivam gradum intensiorem a distendentibus transfluentibus acquirere, sc. cavitatum & meatuum omnium,

omnium, quibus involucri seu tunicas musculosas natura concessit. Ast **PROGTMN.**
 denuo deprecor prolixitatem, loco plurium & omnium erunt intestina: VI.
 hæc enim prout perpetua, levi tamen, virtute constringendi gaudent, ita ^{Motus intesti-}
 contenta ventriculi si ad eadem devolvantur, ab horum mole novos sti- ^{norum qualis?}
 mulos suscipiunt. Quatenus hæc tendentiæ eorum naturali & eousque
 resistunt, ut tunica carneæ fibrulas divellant, donec hæc majore nisu in
 pristinam habitudinem se vindicantes successivè seu per succedaneas in-
 testinorum partes convellantur & motum peristalticum dictum ex-
 quantur.

Simile quid circa cordis motum augurari licebit, i. e. fibræ, ejus tur- ^{Cor stimulat}
 binem formantes, æquali & continua tendentia, sub motu etiam restitu- ^{a sanguine}
 tionis, pollent, stimulum tamen novum quoties ab irruente per vices san- ^{Ventriculo-}
 guine persentiscunt toties in violentiores turgescencias ac contracturas ^{rum.}
 abripiuntur, & quidem, dum interpolatis & æqualibus insultibus hoc fit,
 cum relaxationibus totidem alternantes. Non causam equidem dicam
Cartesio & ab ipso fictæ sanguinis rarefactioni, quam eousque intendi
 scribit, donec cordis sinus præter modum distracti extensique dilatari am-
 plius nequeant, sed tandem constringantur: multo minus ab illorum par-
 tibus stabo, qui copia sua sanguinem cor ad constrictionem laceßere sibi
 persuadent; illud tamen audacter dico, ligata vena cava paucos post ictus
 pulsus cordis fatiscere, ac paulo post plane perire, solutis vero vinculis re-
 suscitari. *Cornelium Consentinum* nihilominus ne dubium plane dimittam,
 asserentem, nec ligatam cavam, nec vulnera cordis, hujus motum tollere,
 sed illud etiamnum, ut antea, notabiliter palpitare, alterneque constrin-
 gi ac laxari, &c. ne pulsus verum cum palpitatione aliquali confundat,
 adeoque verbis, *ut antea*, absterneat, moneo: palpitat cor ligatum, vul-
 neratum, in frustra dissectum, & omni sanguine exutum, ast vix umbra pul-
 sus hoc dici meretur, & nisi alii stimuli supervenirent, hæud obser-
 vabilis.

Quemadmodum autem, ut suo loco constabit, nullus musculorum
 sibi suisque spiritibus animalibus relictus, sine sanguinis confluxu ad mo-
 tum habilis est, sic forsitan nec cordis pulsus sine sanguinis per arterias co-
 ronarias confluxu fiet: i. e. quemadmodum, qui ventriculos subit, san-
 guis stimulum, ita, qui substantiam hujus seu fibrillarum porulos permeat,
 contractionis ejus causa socia erit, spiritibus videlicet, seu succo nerveo
 combinanda, illo modo, de quo, ubi de Motu animali, agetur.

N

Vibra-

*Ad motum
 ejus cum spiri-
 tibus animali-
 bus concurrat
 sanguis per
 arter. coronar.
 affluens.*

FROGMN.

VI.

*Irruit sanguis
arterias pulsu
cordis.*

*Coagunt ta-
men arterie.*

*Refluit san-
guis a partibus
per Venas.*

*Sanguis Veno-
sus & Lympha
non tractu mo-
ventur.*

*Sed ab arte-
rioso propel-
litur.
Concurrit mo-
tus Venarum
peristalticus,
item partium
tonus.*

Vibratione hac e cordis sinubus expressus sanguis arteriam pneumo-
nicam & magnam illabitur, per harum ramulos ad omnes corporis partes,
harumque minimos porulos defluens; ita ut omnis, quem in carpo
aliisque arteriarum patentioribus ramulis observamus, pulsus a sanguine,
compressione seu constrictione ventriculorum cordis impulso ac arteriæ
latera feriente & distendente sit: cum ictum hujus dilatatorium eodem
observemus momento, ac cordis systolem sub læva papilla, & ex arteria
fauciata cum cordis contractione sanguis profiliat. Neque tamen arteriis
omnis renitentia denegari, hinc si non pulsus, ad minimum vis restricto-
ria, concedi debet, qua earum fibræ musculosæ multiplici serie congestæ
sanguinem ad spaciola usque partium exprimant seu expellant, ut accurate
a Borello demonstratum fuit: imo hæc arteriarum restrictiva reactio
sola postulare videbatur valvulas semilunares, illarum ostiis præfixas,
ne sc. sub earum systole expressiva sanguis retrorsum & ad cordis sinus
urgeatur.

Arteriarum furculos capillares intra partium, in quibus terminan-
tur, substantiam crassitiem suarum tunicarum deponere, aliave extremita-
tum apertura mechanica instrui, verosimile est: per quam sanguinem
sub minimorum & vix sensibilium molecularum specie emittant & poris
illarum fibrarum instillent, ut his vel alimoniam concedat, vel in eisdem
diversimode alteretur ac depuretur. Quicquid vero ejus usus his non
impenditur, mox & eodem quasi momenti ictu a venis & lymphaticis pa-
riter capillaribus resorbetur, ex his ad majores ramos, hinc per venam ca-
vam & pulmonalem ad auriculas ac ventriculos cordis, derivandum. At-
que hæc translatio haud contingit per modum attractionis, vasis illis redu-
ctoriis cum ventriculis communis, quantenus vena ligata intra ligaturam
& partium extremitatem sanguine turget, commercio cum corde licet
intercepto: sed protruditur & impellitur potius illis fluidum hoc a san-
guinis arteriosi continuo appulsu, ita ut vena cava toties circa cordis con-
finia sanguine repleatur, quoties arteria magna pulsat. Quia nihilomi-
nus vis hæc motiva ab extra impressa, dum ex plurimis vasculis minoribus
in majores truncos confluit humor, sensim languet, Symbolum quoque
suum confert & quasi novum impetum præstat motus venarum musculosa
tunica instructarum peristalticus, circa illarum truncos satis conspicuus.
Item successiva valvularum actio, quam Borellus mechanice & egregie sa-
tis describit, & cujus defectum in varicum productione præprimis
accusa-

accusamus. Nec excludenda partium fibrosarum inflatio ac constrictio PROGYMN. alterna, qua antipraxia seu renixu quia in paralyfi destituuntur, in hujus VI. principio membra intumescunt; imo ideo artuum motus tumidiores reddunt venas, hincque sanguinis per earum vulnera effluxum juvant: quo etiam spectant compressiones partium quævis reciprocar, sc. ab aëre ambiente & inspirato emergentes.

Ratione transitus autem ex arteriis ad venas notum equidem est, non-*Anastomoses* nullos anastomoses seu inosculationes utriusque hujus vasorum generis *arteriarum & venarum.* finxisse, ut paucillum quidem sanguinis ad partes solidas deponatur, mediantibus vero illis & immediate magis major ejus portio ex arteriis venas subintret; Verum rationi hæ arteriarum & venarum implicationes repu-*Non dantur.* gnant, nec sensibus unquam comparuerunt. Illis siquidem concessis haud liquet, qua ratione sanguis & lympa ad & per quosvis partium poros pertingere queat, quatenus nullum fluidum meatus angustos & difficiles subit, si patentiores offendat, scil. anastomoses dictas. Nec stantibus his ulla poterit fieri sanguinis in partes secretio & transcolatio, v. g. in glandulis, renibus & in quibusvis reliquis, cum nutritio seu succi nutritii appositio sine secretionem particularum concipi nequeat. Accedit experimentum duplex, quorum altero cadaveris v. g. humani brachii arteriæ injicitur aqua tepida, venæ sociæ postquam prius fuerit injectum vinculum: qui per venam infra vinculum incisam non regurgitabit, nisi brachium & manus liquore, poros omnes musculorum & cutis replente notabiliter turgeant, i. e. nihil ejus amplius excipere ac retinere valeant. Deinde injiciatur arteriæ cuiusvis cera liquefacta, injiciatur quoque venæ ejusdem membri, diverso tamen colore tincta, utraque vasa capillaria penitus & usque dum in substantiam carniū plane oblitterentur, subintrabit, (quamvis non æque feliciter venarum ramulos cunctos, ob valvularum renitentiam) nihil tamen cernere licebit canalīs intermediū seu ambigui, i. e. in quo aut utriusque tincturæ cera confundatur, aut per quem ex arteria ad venam, aut ex hac ad arteriam illa tendat.

Et quamvis pro inosculationibus his facere videatur phænomenon anatomicum, quod *Waleus* de motu Chyli describit sc. si vena cruralis animalis, vivi prope inguen ligetur, simulque cum arteria circa genu constringatur, sanguinem nihilominus ex arteria ad partem venæ supra genu existentem derivari, mihi etiam successum hujus administrationis aliquoties videre licuerit: neutiquam tamen hinc *Waleus* recte infert.

PROGTMN.
VI.

Prodeunt quippe ex toto crurali trunco, antequam ad genu & pedem extremum descendat, ramuli laterales, musculis superioribus dicati, qui æque ac inferioris pedis furculi, in vascula capillaria absumuntur, & demum in iisdem musculis plane dispereunt, observantur etiam in illis venarum capillares radices, quarum extremitates forsan insensibiles, ita ut eadem ratione per hos ac inferiores musculos, i. e. non per anastomoses, sed substantiæ partium solidarum porosæ interventu, sanguinem ex arteriis ad venas colari, per experientiam hanc minus dubium evadat. Et hoc quidem eo magis, quod sanguinis, ad fibrarum partium interstitiola profusi, intra venulas receptio non adeo difficilis sit: cum humorem serosum, poros partium carnosarum in anasarca præter modum opplentem, non raro aut sponte, aut post propinata hydragoga, a venis resorberi, sicque modo per alvum, modo per vias urinarias, eliminari, constat.

Affluit sanguis per arterias, redit per venas.

Affluit E. cunctis membris a corde sanguis, lymphæ & chylus per arterias, redit ad idem promptuarium per venas ac lymphatica vasa. Hinc arteria, cui ligatura injecta, intra hanc & cor mox intumescit, inter eandem & membri, cui destinatur, extremitatem detumescit: Contra vena filo constricta illa sui parte, qua truncum & cor spectat, concidit & subidet, qua autem furculos minores, turgescit.

Pariter Arteria intra nodum & partis extremitatem sauciata, nihil, vena autem eodem in loco secta, multum sanguinis fundit: arteria autem inter ligaturam & truncum vulnerata sanguinem cum impetu projicit, vena itidem truncum versus incisa ne guttulam ejus dimittit. Præterea, si arteriæ v.g. crurali brachii, aut cuivis siphone injiciatur aqua tepida, semper remeabit hic, & quidem non raro cum saltu, per vulnus trunci venæ adjacentis: ita quidem ut, quæ in principio operationis cruenta satis reddit, tandem limpida & omnis tincturæ expers, muscoli vero, quos alluit ac transfuit, post reiteratas injectiones plane albicantes, conspiciantur. Contra per venam immissa aqua similisve liquor arteriam haud penetrat, aut per hanc ex parte refluit. Jucundo spectaculo & sine violentia notabili habitudinem hanc arteriarum & venarum ad se invicem ostendit Experimentum, Venetiis in Academia Sarroti primum tentatum, postmodum a me nuperrime adornatum, cum renibus ex canis & ovis lumbis evulsis. Nimirum horum arteriæ emulgenti rite adaptatur tubulus, illeque ita includitur Machinæ pneumaticæ Boylianæ, ut tubulus arteriæ continuus per foramen excipuli superius aliquantum promineat, vena autem ad

ad excipulum libere propendeat. Summitati recipientis tubus vitreus ^{PROGTMN.} latior ita adaptatur, & ope cementi conferruminatur, ut tubulum illum ^{VI.} minorem excipiat, isque aqua eousque repletur, donec hæc eundem tubulum minorem ad altitudinem digitorum trium vel quatuor transversorum superet. Quo facto aër educitur, & post aliquot hujus exantlationes aqua tubi majoris per minorem arteriam & substantiam renis penetrabit, mox tamen & sine sensibili hujus distensione per venam effluet. Quod si vero venæ tubulum & reliqua eadem ratione adaptes, ac aërem evoces, aqua pariter quidem venam subit, nihil vero ejus per arteriam extillat, sed renis compages ad crepaturam usque intumescit, imo in una vel altera parte fissurus agit, & per has illa plenis rivulis promanat. Constat E. hinc, naturam ita in structura hac disposuisse, ut sanguini ex arteriis ad venas, non ab his ad arterias, patula concedatur via. Imo per venas & lymphatica maximam portionem sanguinis & lymphæ, quæ per arterias continuo appellitur, ad scaturiginem remeare, inde concludere jubemur, quod tantum hujus fluidi in partibus consumi nequeat, quantum ateriæ singulis pulsibus adducunt.

Quæ cuncta quamvis sat ponderis habeant, nihilominus, ut de fluxu & refluxu hujus Oceani certior redderem, aliquando ligatum in cane vivo arteriæ cruralis truncum sub filo transversim discidi, expectaturus, an crus inferius totum motu & vitalitate privaretur, i. e. sphacelo corripereetur aut saltem tabesceret. Ast, ut ut ad nonum usque diem hoc subjectum superstes maneret, examini tamen ulteriori dum hoc exponebam, observavi, 1. vulnus maximam partem consolidatum, 2. cruris motum ac vitalitatem adhuc integram, 3. arteriam cruralem revera totam discissam, 4. hujus ramos infra sectionis locum sanguine vacuos, 5. venam nihilominus cruralem totam illo turgidam: ita ut ex hoc phœnomeno fere intulerim, haud solas arterias sanguinem advehere, sed alios simul subesse canales investigandos. Confirmassent me in hoc dubio illa, quæ de *Caux opuscul. med. de Circul. sangu. nam. 3.* refert, sc. primo postquam idem experimentum in eundem finem adornaverat, tantum abfuisse, ut ob id animal aut crus periret, ut potius paucis diebus absque ullo medicamento reconvaluerit & ambularit, imo cruri quoque: cujus arteria præscissa, itenditem innixus fuerit, ac tandem aufugerit. Deinde in nosocomio Parisiensi contigisse, ut quidam in brachio medio vulneratus gangrena corripereetur, quæ suc-

PROGTMN.
VI.

cessive totam brachii anticam cutem, ab humero fere ad carpum, latitudine quatuor aut quinque digitorum cum subjectis vasis per musculorum interstitia ad ossa usque exedebat, remanentibus solis musculorum corporibus ac tendinibus, qui cum manu inferiore vitam & sensum retinebant, imo sensim pars superior brachii coalescebat, cum ulcere quamvis relicto teterrimo. Cum autem circuitum sanguinis certissimum, & hunc per solas arterias influere, cum aliis supponeret, pro difficultate hac declinanda ita suspicatur. Nempe quoniam adeo facile & copiose, etiam illas, quæ ab arteriarum furculis remotissimæ, partes harumque extremos poros in statu naturali subiret, fieri etiam posse, ut abscisso arteriæ trunco arteriolæ superiores, in membri summitatem sanguinem effundentes, reliquis & inferioribus arteriis deficientibus, inferiores quoque membri poros rigent, & propter communicationem, quæ ipsis cum superioribus intercedit, impleant; nec impossibile esse per eandem communionem pororum, venæ trunco abscisso, per ramulos venosos superiores ex poris substantiæ inferioris sanguinem refluere.

Quæ theoria an experientiæ conformis, ut experirer, in cane vivo arteriam iliacam externam dextram, antequam abdomen elabebatur, inguine discisso ligavi, ut hac ratione omnibus hujus ramulis in crus abeuntibus harumque sanguini viam præcluderem, atque hoc modo nominati Scriptoris suspensionem aut confirmatam, aut incongruam, conspicerem; sed labor hic eundem nobis, ac superius, concedebat eventum, i. e. animal equidem aliquid difficultatis inter ambulandum patiebatur, sed potius forsân ex vulnere inguinis, ac ex ligata arteria, & cum elapso triduo crus lustrarem, hoc vitale, arteriam pariter vacuam venamque sanguine plenam deprehendebam. Ad plura proin me accingebam experimenta, & in alio subjecto ipsum aortæ truncum paulo supra iliacarum exortum filo innodabam, ac consuto abdomine illud superstes decendium detinebam: quod primis diebus movendi impotentiam posteriorum crurum patiebatur, ac dolorem singularem ejulatu fere continuo exprimebat, tertio tamen iisdem denuo innitebatur, commodissime postmodum ambulabat, cibum potumque assumebat, uno verbo tandem optime constituti animalis functiones exercebat, ac decimo die lustratum arterias æque ac venas sanguine plenas monstrabat. Quod phenomenon sicut primo intuitu mirabar, ita ejus causa

causa mox comparebat; quippe abdomine denuo aperto vinculum ruptum protrahebam: hinc primis diebus affluxum equidem sanguinis per arterias & motum crurum interceptum, infrequentibus vero utrumque restitutum, concipiebam.

Quare quantum incidi canem, hujusque arteriæ magnæ truncum descendentem dicto loco bis ligabam, ligaturam utramque duplici nodo & ita firmando, ut omnem rupturæ metum declinarem. Vivebat hic ab operatione per viginti octo circiter horas cum cruciatibus & clamoribus vix interpolatis, tantillum equidem comedebat, at cruribus posticis nec stare nec progredi valebat: & cum semimortuum cum suspicerem, crura dicta algida plane & anterioribus longe frigidiora, nihil autem sanguinis in illorum arteriis, unam vel alteram tantum guttulam in venis, ac abdomine tandem aperto aortæ vincula adhuc stricta, ulcerosa & purulenta tamen materia stipata, hinc circulationis Harveanæ rationem integram ac veram deprehendi.

Quemadmodum E. ex dictis concludo, arteriosum sanguinem partibus, vel usus publici, vel privati singularum, gratia appelli, nempe ut in his aut recrementa deponat, v. g. in renibus, fluidis nobilioribus ac toti inservientibus materiam præbeat, aut v. g. in cerebro, epate, testiculis &c. aut ulterius exaltetur & perficiatur, v. g. pulmonibus, aut lympham dimittat, sc. in glandulis, aut cunctis atque singulis alimonia, calorem ac vitalitatem subministret atque conservet, unde ejus ad quodcunque membrum influxu intercepto, mox alget, contabescit ac emoritur hoc. Sic, qui per venas refluit, vix aliquid utilitatis corpori præstat, nisi forsan partium, quas præterlabitur, calorem fovendo: sed scaturiginem suam repetit, ut nova vitalitate, chylo & lymphâ imprægnetur. De cætero a motu hoc perpetuo sanguinis massæ conservatur fluiditas ac crasis, qui alias quietus mox congelascit & in serum fluidum ac grumum spissorem facessit: impetus vero appellentis minima sui congrua partibus solidioribus penitus impingit, horumque porulis angustioribus impellit atque intrudit.

Uno verbo: Cor est membrum totius, si non principalissimum, sane nobile & necessarium maxime, & quod visceris vitalis, cum pulmonibus, titulum jure optimo meretur: quatenus sanguinem vitalem ac vivificum reliquis omnibus largitur & adducit, non vero ut cum veteribus recentiores quidam credunt, spiritus vitales, aut sanguinem

PROGTMN.

VI

*Usus sanguinis arteriosi.**Venosi nullus usus.**Circulationis utilitas.**Cor est membrum nobilissimum.*
Usus Cordis.

cum

PROG TMN
VI.

*Non spiritus
conficit.*

cum spiritibus conficit. Nam qui spiritus vitales a corde produci autumant, modo animæ sensitivæ sedem, modo caloris nativi fontem concipiunt: sub neutra tamen harum hypothesium suam assertum defendere possunt.

*Animi passio-
nes non in cor-
de contingunt.*

*Non datur
ignis cordis
vitalis.*

*Nulla in corde
sanguinis
ebullitio.*

Dum, (ne repetam, quæ superius de principii vitalis mobilitate & per totum corpus extensione adducta, ita quidem, ut nec cor aliam vitalitatem seu animam, nisi a sanguine, habeat,) nemini adhuc compertum videtur, quænam sit illa pars, quæ tanto splendore præ reliquis gaudet, ut animæ domicilium jure dicatur, & ab aliis altithronum hoc in cerebro non minore forsitan ratione collocatur, utpote a quo sensitiva facultas immediate magis emanat, & in quo ultimo terminatur. Quod vero pro hac cordis excellentia firmanda producant, argumentum, quasi omnes animæ passiones in eo accendantur & percipiantur precarium satis videtur: quatenus passiones hæc nihil aliud quam commotiones & sensationes violentiores sunt in cerebro & nervoso genere contingentes, & quem cordis motum ab affectibus animi varie turbari, in propatulo est, effectum potius illorum pathematum non immediatum, sed mediatum, i. e. a spirituum animalium exagitatione extraordinaria emergentem, pronunciare decet. Imo pari modo ac dolor in pede, convulsio aut paralyxis non in crure, ita nec motus cordis turbulentus intra proprios sinus, animæ sedem evincunt. Præterea dubia quoque satis illa ignis vitalis inexistencia apparet, sive cum lucentem cum *Helmontio*, *Holstio*, *Bartholino* &c. concipiamus, sive ab ebullitione seu effervescencia sanguinis illum cum *Cartesio*, *Sylvio* &c. derivemus. Illum siquidem nulli adhuc mortalium conspiciere licuit, neque sanguis subjectum flammæ, congruum videtur: nec quia sanguis animalium mactatorum in tenebris lucet, vivo quoque lucem aut flammam affingere decet, nisi in ligno putrido pariter lucente ignem vitalem dominari velis. Multo minus calor hic ebullitionis cujusdam sanguinis, intra ventriculos cordis contingentis productum est, sive illam a fermento quodam cordi intrinseco & connato secundum *Cartesium*, *Hogelandum* & *Lowerum* (contra *Mearam*) sive ab humorum, illius ventriculo subeuntium, subcontrarietate secundum *Sylvium*, deducamus. Fermenti siquidem ejusmodi cardiaci existentiam dubiam reddit fabrica cordis mere musculosa, adeoque ad fluidi ejusmodi activi productionem inepta; & quamvis etiam tale quod concederetur, tanta tamen ebullitio,

quæ

PROGTMN.
VII.

DE

*Duplex Nutritionis necessitas.
Nutritio & generatio six differunt.*

Pariter Nutritioni animalis cum ejusdem generatione convenit, quatenus sicut vis illa plastica ex materia ad sensum simili ejusmodi partium diversitatem producit; ita altrix communiter dicta facultas quoque similis & homogenei fluidi, pro varietate singularum partium alendarum, convenientem cuilibet assimilationem, appositionem & transmutationem praestat. Et miror, quosdam Philosophos, alias perspicacissimos, adeo cecutire, ut omnem vim formantem seu formam inducentem nutritioni denegent, solique generationi decernant: cum quicquid ex materia una eademque in osse, v.g. osseam, in membrana, membraneam, aut certe his valde similem, substantiam producit, illique adeo diversam texturam intro-

PROGTMN. VII. introducit, seu, ut ipsi hi censores loqui amant, succum alibilem pro varia partium nutriendarum conditione miris modis transmutat, iisque assimilat, sane formam huic inducat ossis, membranæ, glandulæ &c. qua ante destituebatur ille. Hinc quamvis tempore prior nutritione dicatur prima generatio, qua stamina seu rudimenta embryonis delineantur ac finguntur: talistamen, quia haud momentanea videtur, vix concipi valet absque successiva materiæ appositione & assimilatione, proinde ne generationis quidem momentum sine nutritione existere potest. Nec concessa hæc temporis disparitas formalitatis disparitatem mox inferre jubet, & ob id non generatio simpliciter, sed generatio renovata, continuata &c. Nutritio satis appropriate dicitur. Neutiquam tamen is ego sum, qui discrimen illud utriusque hujus functionis manifestissimum neget, quod præter formam, intrinsicam magis vulgo dictam, aliam adhuc externam atque organicam generatio materiæ ipsi subjectæ introducat, a nutritione nunquam expectandam: ita quidem ut, si v. g. digitus, nasus &c. perdat, per nutritionem membra hæc minime reparentur, nisi lacertarum caudas & cancerorum chelas detruncatas excipias, quas reaccrescere, puerorum quoque experientia comprobat.

Semper aliquod particularum fluidarum ac solidarum perditur.

Scilicet dum duplici, hætenus explicato, motu agitur, sanguis actionum equidem vitalium potissimus existit autor, vix nihilominus fluidi hujus perennis & potens satis vibratio sine notabili particularum secessu & depeculatione fieri potest, & quia simul illius impetus vitalis per deprædationem hanc successive infringatur, imo solidarum partium rotunda, glutinosa & poris harum impacta substantia per eundem adeo continuum appulsum & recessum deliquetur & detergatur: in uno subjecto quamvis præ altero citius aut tardius, prout nimirum hinc motus rapidior aut blandus magis est, succis vero modo tenacioribus, modo citius dissolubilibus, illa gaudent. Breviter, eadem est causa, eademque ejus vis, quæ corpus nostrum conservat, ac quæ illud singulis momentis atterit & consumit: ac proin vita haud adeo incongrue quibusdam totius & singularum hujus partium dispendium assiduum & successiva quasi mors a quibusdam fuit proclamata.

Sanguis motum vitalem certam fluidi sui crasin supponere, ex antecedaneis constat, hanc E. a mutuis particularum suarum collisionibus, variis tendentiis, successive immutari probabile est, quatenus immutata hac ratione molecolarum harum magnitudine, figura & situ totius massæ texture

tura necessario alteratur, ut ad sustinendos motus vitales ab aërea substantia impressos ineptior evadat. Imo exhalant quoque non tantum sanguinis multæ, sub continua ejusmodi agitatione, particulae, sed earum quoque aliae sibi implicantur, hinc a reciproca tendentia remittunt, aliis partium solidarum poris incuneatis ac ab harum fibris sub nutrimenti nomine irretitis. Per secessum itaque ac deprædationem hanc impetus sanguinis vitalis successively infringitur, nisi novis suppetiis, quas partim ex aëre, partim alimentis solidioribus, petunt, restaurentur particulae recedentes: Ita quidem ut post diuturniorem abstinentiam sensim fatiscat illud principium vitale, i. e. virium mox aliqualis observetur defectus ac ad quasvis actiones segnities. E contra statim ac a pastu & chylicatione chylus sanguini suffunditur, vires deficientes sensibilibiter refocillantur, calor intenditur, pulsus vigoratur & robur novum corpori accrescit: probabiliter satis ideo, quod calor & vigor sanguinis hactenus collabascens per chyli recentis ac turgescens accessum resuscitentur, sine qua alias facile torpescerent hi & tota machina animalis. Hinc sanguis, qui membra nostra hoc ipso tempore aluit atque vegetat, vix dici poterit numero idem cum eo, qui in ætate puerili aut juvenili nos irrorabat ac actuabat, aut post aliquot annorum decursum nos humectabit: quatenus opus erat, ut perpetuam illius deprædationem perpetua excipiat restauratio, adeoque perpetuo, juxta Hippocratem, corpori innascatur anima.

Atque in hoc prima & potissima necessitatis alimentorum seu pastus quotidiani ætiologia consistere videtur, neque sola partium solidarum attritio nutritionis causa est, quia illæ succulentæ & robustæ adhuc virium nihilominus notabile dispendium perferunt: cui præterea, & si diuturnior & aliquot dierum celebretur inedia, aliam insuper accedere, ex dictis liquet. Haud equidem vulgari subscribo doctrinæ, quasi partium solidarum substantia fibrosa ab inedia & laboribus consumatur & deliquescat, v. g. musculorum, membranarum &c. horum enim stamina primigenia ut firmiora & magis perennia, ita numero haud differt musculus, ligamentum, tendo adulti ab infantis organis, discrepat tantum in hoc, quod per diutius continuatum pororum infarctum seu alimoniam appositionem & quasi stratificationem extendantur, & quoad dimensiones quaslibet augeantur illa stamina radicalia. Fluidi nihilominus vitalis potentem satis exagitationem ac ejusdem motus localis vibrationem vix admittere possunt, quin illius impetu rapidiore substantia earum rorida & gelati-

PROGTMN.
VII.

nosa, fibras earum rigidas reddens & saporis suavitatem coctis carnibus concilians, sensim abradatur: quatenus illud non tantum jugi suo affluxu & refluxu hujus ramenta detergit, sed viscositate adæquata sensim magis magisque defraudatum & acrius factum illam gelatinam dissolvit ac imbibit, per eandem vero chylosæ substantiæ penuriam, quod illius glutinis roridi per labores aliasque causas consumptum erat, reparare nequit. Hinc flacciditas & atrophia membrorum.

Quamvis E. motus sanguinis, nec intestinus, nec localis, in tenello infantis aut pueri corpusculo adeo [vehemens] & rapidus sit, ac in provectoris ætatis homine: duplici tamen de causa uberiore alimento juxta *Hippocratis* effatum, opus habet illud: Sc. vel propter ipsam partium solidarum substantiam fibrosam, vel propter alimentum poris harum agglutinatum ac inhærescens. Illa siquidem mollior adhuc atque extensilis seu dilatabilis valde plus alimonix excipit & admittit, antequam corpus debitam molem & robur acquirat, hujusque membra ad terminum, actionibus edendis proportionatum augeantur. Hoc vero quia spissitudinem sufficientem in corpore infantili vix acquirere potest, facilius, i. e. per motum quoque sanguinis lentum & blandiorem, deraditur, ac, nisi continua quasi roridæ illius substantiæ appositio fiat, illud flaccidum relinquit. Sicut enim calor, quem exagitatio sanguinis vitalis producit, aut comitem habet, inter reliquos usus hunc etiam corpori præstat, ut serum nutritium in substantiam, non gelatinæ tantum similem, adeoque facile solubilem, sed tenacem magis & fibrosæ analogam, cogat: ita in pueris, quibus ille adhuc debilior, spissitudinem hanc succo alibili adinducere nequit, qua adulatorum corpora, calore potentiore æstuantia, fruuntur.

Atque ideo contingit, ut, si anorexiam, dyspepsiam, aut evacuationem levissimam experiantur teneriora & molliora ejusmodi subjecta, habitus eorum mox notabilius flaccescat & marcescat quam quæ per ætatem firmiora possident membra: citius tamen in illis quoque amissi fit reparatio ac in his, i. e. pristinam carnositatem & corpulentiam brevi recuperant. Nisi enim chylo semper recenti stamina partium solidarum in his irrorentur, sed sanguis effectus illa alluat, hic alimoniam eorum molliorem & tenacitate debita destitutam mox detergit & absorbet, eamque vel in vapores resolvit, vel per loca, modo consveta, modo inconsveta, eliminat, præprimis si sub febricula motus ejus aliquan-

tum

tum intendatur. Econtra statim ac alimenta denuo appetunt ac digerunt, hæc in uberius mox nutrimentum fibris illis cedunt, adeoque VII. perditam succulentiam confestim magis reparant, motu sanguinis blandiore existente aut post morbum reddito.

Modo innui, me haud admittere posse illam scholarum hypothesin, qua dum per nutritionem partibus solidis in locum deperditi aliquid surrogari ajunt, concedi sibi postulant, tam motu humorum intestino, quam laboribus durioribus, ipsis aliquid deradi: cujus dissensus rationes has trado. Nimirum, ut ossa taceam, quæ molem pristinam in fame aut tabe enectis retinent, fibrarum, v. g. membranarum, musculosarum compages solidior haud adeo facile dissolvitur aut destruitur, licet ab inedia diuturniore contabescere dicantur: fit enim hoc a succi tantum nutritii glutinosi, ipsorum poris impacti hosque distendentis, consumptione, quam necessario partium mollium concidentia & fibrarum abbreviatio, hinc muscoli v. g. attenuatio & corrugatio, sequitur. Fluidi enim nec interni nec externi, secundum naturam se habentis, nec artuum, vehementissimæ & continuæ quamvis, inter laborandum collisionis vis tanta est, quæ solidissimam & compactam partium substantiam arrodere aut conterere possit: sed quicquid horum vel singula, vel cuncta, agunt, in gluten illud, quod tertium humorem secundarium vocant, quoque instar tomenti cujusdam staminibus illarum adhærescit seu intertextitur, tantum agunt. Unde male hactenus plures asseruisse constat, solidis similaribus per *quiescentiam* vel nutritionem talem, quæ succum alibilem in carnem, membranam tendinem &c. transmutet, tantum, quantum decesserat, accedere & quasi supergenerari: nisi formalitas hujus nutritionis sub quadam limitatione explicetur, quæ forsitan talis esse poterit.

Sc. quemadmodum neminem, si Galenum hujusque commentatores stipendarios excipias, inficiari auguror, nutritionem ab augmentatione sola duntaxat ratione differre, ita ut si plus alimonix in partium substantiam convertatur, quam absumptum erat, Accretionis notione negotium determinetur; sin vero ejus tantundem, vel minus etiam, quam deperditur, in eandem facesset, Nutritio simpliciter audiat. Sic quamdiu nutritio cum molis incremento contingit, modum nutritionis scholarum locum equidem habere reor: ubi vero corpus sub annorum decursu extensionem atque fibrarum robur illud acquisivit, quod actionibus

*Nutritio &
augmentatio
ut differant?*

Nutritio duplex est.

PROGTMN.
VII.

nibus organicis obeundis adæquatum, eandem nutritionem cessare, mihi verosimile fit. Id est, quod in crescentibus vera poterat appellari nutritio seu assimilatio, in perfectioribus & qui molis firmata, rarefactionis tantum termino potius & proprie magis explicari posset.

Vera.

Quamvis enim in neutro horum subjectorum de partium solidarum substantia aliquid perdatur, quia tamen animalis junioris organa, ex tenellulis atque exiguis staminibus congesta, debitaque extensione destituta, in fieri quasi adhuc sunt: formationi mox parastata & comes individuus atque fidelissimus observatur nutritio, quæ singulorum illorum non tantum poris gelatinosam & ab harum substantia alienam massam infarcit, prout in adultis fieri solet; sed ipsorum staminibus congenerem quoque materiam, cambium alias dictum, apponit ac agglutinat, i. e. substantiæ propriæ particulas adhuc deficientes suggerit, hasque illis, quæ jamdum præsto sunt, combinat.

& Notha.

Quod si vero desideratam illam firmitudinem ac molem cuncta ejus membra contraxerint, non video quid his assimilari & apponi queat, aut quid demum magnitudinis ipsorum conservandæ causa intertexi debeat, cum nihil plane substantiæ eorum solidioris decedat: Sed poirs tantum hujus roridum quoddam interspergitur gluten, alterius plane naturæ, quod humectando atque distendendo molliter, actionibus partium organicarum cunctis inservit.

*Vera generatione
dixit differt.*

Vera proin illa nutritio est, quam paucis tantum circumstantiis a generatione discrepare, dixi: i. e. eadem vis formatrix, quæ primum conceptum nutriendo producebat, seu insensilia ejus membrula ad molem usque conspicuam evehebat, foetum etiam editum, donec molem, suæ speciei conformem, adeptus fuerit, extra uterum comitari & quod ipsi adhuc deest, addere videtur: quo facto individuali huic usui valedicit & cum pubertatis annis ad organa generationis se recipit, speciei propagationi nunc operam navans. Paradoxæ huic meæ conjecturæ aliquid probabilitatis foeneratur hoc, quod crescentes adhuc aut ad generationem aut conceptionem minus adhuc idonei observentur: aut si illi intempestive se applicent, sine notabili sui dispendio & accretionis ulterioris interceptione hoc vix præsent: i. e. quantum facultatis plasticæ generationi prolis intempestivæ impenditur, tantum nutritioni indivituali seu propriæ patris & matris decedit.

*Augmentatio
cum pubertatis
annis cessat.*

Materiam nutritionis communiter sanguinem ajunt: alii duplex PROGTMN. VII. partium similiarium genus, supermaticarum nempe & sanguinearum, supponentes duplex etiam nutrimentum, sanguineum & ferosum seu chylosum, sibi conceperunt. Materia nutritionis. Omnes partes sunt spermaticæ. Ast quoniam omnes partes spermaticas, nullas sanguineas esse, ex superioribus facile colligitur, cadit etiam ex distinctione hac promanans assertum. Sanguinem autem purpureum, i. e. a lymphâ concrefcibili diversum, haud nutrire, Harveus, Entius, Sanguis non nutrit materialiter. *Glissonius, Everhardus* multique alii Neotericorum, argumentis satis validis evicerunt, idemque dogma reassumere vetat illud ab omnibus concessum axioma: *Isdem nutrimur, ex quibus constamus.* Cum autem, non ex sanguine, sed alio quodam latice, nos primordia nostra capere, certum, nec eodem nutrirî, recte concludimus, vehiculi tamen materiæ alibilis & agentis munus ultro concedimus. Hinc enim fit, quod animalium fame extinctorum cadavera minus ex sanguia deprehendantur: imminui nihilominus deberet moles sanguinis notabiliter, si hic esset eorum alimonia.

Vnde quoniam materiam corporis nostri formandi benigniorem & suaviorem succum deprehenderunt, albumini similem ac spiritibus turgidum, quem Colliquamentum materiæ feminalis *Harveus* appellavit, analogum quoddam huic fluidum in corpore formato supposuerunt, illud vero determinare nondum ausi fuerunt. Donec *Glissonius* & hujus po- Succus nutritius nervorum. pulares diversi succum quendam nervorum nutritium in scenam produxerint, quia Ventriculi, Lienis, glandularum mesenterii & lumbarium chylo, per nervos octavi paris, qui per organa hæc disperguntur, ad cerebri medullam derivaretur, exinde vero ad totum corpus iterum emanaret: cui tamen hypothefi *Bartholinus, Bettus, Willisus, Cole* aliique nervose admodum contradixerunt. Proin quemadmodum sanguinis Non nutrit. Serum nutrit. æque purpuram, ac succum nervorum nutriendis partibus, ineptum judico, serum potius sub sanguinis purpura absconditum, seu chylum magis colliquatum ac resolutum materiam nutritionis suspicor. Quatenus (1.) nullum aliud, præter sanguinem rubicundum, adeo universale & omnes partes alluens fluidum in corpore deprehenditur, quam serum: (2.) omnes partes sero madent. (3.) Serum super ignem & calore mediocri in gelatinosam seu glutinosam massam congelatur, illi analogam, quam Veteres Cambium dicebant, & per quam suam alendi aptitudinem prodit: (4.) Ejusmodi nutrimento intra uterum advescimus: (5.) Sanguis animalium

PROGTMN.
VII.

um juniorum majorem feri & gelatinæ hujus nutritiæ portione involvit, quam vetustiorum, utpote cui extravasato & concreto hoc copiosius circumnata, imo ex eorum carnibus per coctionem facilius & uberius elicatur: (6.) vero fame enectorum sanguis succo hoc gelatinoso destituitur, & per vappescentiam hanc mortem infert.

Serum nutritium est succus homogeneus.

Succum autem hunc nutritium adeo heterogeneousum esse, ut pro disparitate partium alendarum diversas actu contineat particulas, v.g. pro osse osseas, pro glandula glandulosas, pro membrana membraneas, merito ab Harveo in dubium vocatur, & probabilius est, ex materia potius similari nutrimentum capere partes omnes, perinde ac ex eadem pluviali aqua incrementum plures plantas harumque radicem æque ac folia, flores &c. petere experimur: quæ licet homogenea & fere insipida deprehendatur, amarescit tamen in absinthio, accrescit in sinapi, dulcescit in liquiritia, solidescit magis in ligno, minus in flore & fructu, fluiditatem retinet in hujus succo, stipticam virtutem induit in tormentilla, laxativam in rhabarbaro &c. aliasque demum in aliis vegetabilibus recipit qualitates. Tanta siquidem partium nutriendarum varietas est, ut tot ipsis respondentes particularum in humore nutritio species vix fingere liceat: sed nutrientis seu efficientis demum vi contingit, ut ex uniformi massa plura diversæ conformationis prodeant membra.

Gelatinosa & fibrosa sanguinis substantia non differunt.

Miror pro in *Borellum* in sanguine nutritio duplicem substantiam alibilem sibi concipientem, unam albugineam seu gelatinosam, quæ consistentia, sapore, calore & concrelescibilitate in igne albumini ovorum respondeat: alteram glutinosam, cerebro & nervis similem, quæ in ejus rubicunda parte crebris ablutionibus detegatur, concreta in fibras & membranulas candidas. Haud enim differunt particulæ sanguinis albuginosæ a fibrosis, nisi caloris ab extra supervenientis gradu, & quod serum nutritium mediocri igne in gelatinam inspissatur, potentiore in membranulam cogitur: nullasque fibras ex sanguine protrahere vel separare possumus, nisi calidæ aquæ hic infusus fuerit.

Nutritio alia vera, alia nothæ. Efficiens Nutritionis vera

Causa Nutritionis efficiens pro duplici hujus formalitate duplex videtur: quarum altera nutritioni veræ & augmentationem sociam habenti, altera nothæ, seu quæ sine partium ulteriore extensione fit, competit. Prioris autorem triplicem nuncupant diversi Scriptores dum horum alii facultatem nutrientem, singulis partibus propriam ac conna-

connatam; alii harum pororum diversam configurationem atque habi-
tudinem; alii fermenta certa transmutatoria ipsis inexistencia supposue-
runt. In facultatum existentia, notionali tantum, destruenda non est
ut multum laborem impendamus; fastidiunt illam plerique recentiorum.
De fermentis particularibus, nisi horum formalitas exactius circumscri-
batur, brevi forsan idem sperandum, utpote a facultatibus illis non, nisi
conceptu, distinctis. Neque opusest, diversis partibus fermenta dome-
stica aut facultates proprias affingere: cum una tantum partium simila-
rium species sit, nempe fibra. Pororum demum conformationem quod
spectat, hæc equidem plane negari nequit, & os v.g. quia poris mi-
noribus seu particulis arctius sibi implexis constat, quam musculus aut
membrana, arctius quoque combinat & compingit ramenta alimentaria
ut in substantiam duriorum seu os facessant: aliter musculus v.g. cujus fibræ
laxiores alimentum haud adeo cogunt & condensant, hinc molliorem
ejus compagem conservant: & sic quælibet pars substantiæ suæ modum
per modificationem hanc alimoniam perpetuat. Quia nihilominus (1.)
in succo alibili tantam & varietati partium nutriendarum congruam par-
ticularum heterogeneitatem hoc dogma supponit, (2.) vis plastica, quæ
a nutritione paucis circumstantiis differt, nullis pororum limitibus cir-
cumscribitur, utpote quæ partes nondum existentes format: nec poro-
rum habitudinem pro causa sufficiente agnoscere possum. Rationi E.
conformius censeo, idem esse nutriens, quod generans, sed illud ipsum,
quod causa motus atque conformationis est in materia genitali, nutrire et-
iam hoc, quod genuit: quamvis hoc specialius exprimere haud magis
liceat, quam quod in generationis actu fibram format, membranam texit,
os coagulat &c.

In altera vero nutritionis specie, quam provectioris ætatis experiun-
tur, & in qua nulla amplius succi nutritii fit assimilatio atque in partium
solidarum substantiam transformatio, motus sanguinis intestinalis, hincque
dependens calor, de quibus superius dictum, potissimum præstat, quate-
nus motu illo particularum nutritiarum contingit secretio, calor vero se-
cretum eousque inspissat, donec partibus firmandis harumque functioni-
bus peragendis proportionatum & aptum evadat, quem si non primum,
certe nec ultimum, usum caloris nostri auguror.

Quia nihilominus spirituum animalium confluxus ad partes interclu-
sus mox atrophiam comitem habet, adeoque sine cerebri & nervosi ge-
neris nutritio.

*non est Facul-
tas.*

Nec fermentum.

*Nec pororum
habitus.*

*Sine spiritibus
animalibus*

*nulla contingit
nutritio.*

PROGYMN.
VIII.

An materialiter, an formaliter, concurrant?

neris adjutorio nutritio frustratur, ut in paralyfi, nervis præfectis aut alias enormius læsis observamus, sanguine quamvis cum succo suo alibili prompte satis influente: disquiri meretur, an fluidum illud nerveum materialiter, an formaliter tantum, concurrat? Nutrimenti passivi seu materialis vices ipsi concedere prohibet summa ejus & sensus fugiens tenuitas atque incoercibilitas, cujus intuitu ejus substantiæ modus adhuc ambiguus est. Imo quamvis etiam succulentia quadam gaudeat, qualem diversi scriptores probabilem ajunt, nullo tamen infallibili adhuc experimento demonstrarunt: quia nihilominus non, nisi exilissima, hujus moles concipi valet, nihil etiam alimonix substantificæ sibi hinc promittent partes esurientes & languentes; & per consequens influentiam ejus tantum formalem in negotio nutritionis suspicari fas est, qualem, hæreo.

PROGYMNASMA VIII.

DE

APPETITU VENTRICULI.

*Nutrimenti
usus.*

EX dictis cuilibet innotescere puto, Nutritionem postulare alimenta seu materiam aptam, hoc est talem, quæ a visceribus & organis determinatis eo usque immutari & disponi possit, ut substantiam deficientem aut deperditam restauret, quæque cibi & potus nomine vulgo appellatur.

Appetitus.

Quia autem defectum nutritionis intrinsecum non, nisi cum virium sensibili refractione & membrorum flacciditate exitiosa, persentiscimus, i. e. tunc demum ubi propter alimonix penuriam fluidæ æque ac solidæ corporis nostri partes a statu naturali recesserunt: stimulum quendam nobis Summus indidit Opifex, a quo ad quærendum victum adeo necessarium impellamur, quem appetitum ventriculi, seu famem & sitim, ajunt, eundemque in naturalem ac animale communiter distinguunt.

*Naturalis
quid?*

Naturalem definiunt per exinanitionem partium vasorumque, in extremitatibus horum inchoatam, hinc per majores ramos ad epas, ab epate ad intestina & ventriculum usque suctione quadam, nobis tamen haud perceptibili, propagatam: Animalem vero molestam seu dolorificam illam vocant sensationem ventriculi, a priore specie oriundum, quæ animal modo famelicum ad solidiorum, modo sitiens ad fluidorum seu li-

*Animalis
quid?*

quo-

quoroforum, assumptionem provocetur. Ast duo sunt, quæ difficultatem negotio huic pariunt, & primo quidem, an ejusmodi appetitus naturalis, qualis quidem vulgo describitur, existat? Dubitandi rationes sunt, quod (1.) defectus succi nutritii merus & vasorum capillarum infane seu vacuum, quod nullam entitatem habet, seu nihilum, nihil molestiæ, suctionis similisve positivi seu realis efficere queat. (2.) Vix unquam adeo vacuæ redduntur partes solidæ, & harum vasa, nisi forsitan in illis, qui diutius ab alimentorum usu abstinuerunt: præprimis cum singulis momentis novi massæ sanguineæ appulsus contingant. (3.) Nec desiderium aut suctionis ejusmodi in illis, utpote entibus, phantasia & desiderio destitutis, & ad suctionem ineptis corporibus, concipi potest: ut (4.) taceam commercii vasorum habitus cum epate ac ventriculo; quod longe aliter se habere, ex circulationis doctrina suppono. Dicendum E. potius, hoc quod veteres appetitum naturalem maluerunt, nihil aliud esse, quam defectum recentis chyli in genere vasorum & massæ sanguineæ, ratione cuius motus illius vitalis, hinc solidorum quoque organorum, vigor factificat.

Deinde ambiguum satis adhuc videtur, an appetitus animalis ultimam seu tertiæ corporis regionis digestionem finitam, hinc appetitum naturalem, semper præsupponat, & annon potius illi excitando sufficiat alimentorum antea ingestorum & in chylum redactorum ad intestinalem propulsio? Quatenus ordinarie & frequentius fame corripimur sexta, septima aut octava post pastum hora, qua secunda & tertia corporis regio succo chyloso & nutritio adhuc turgent: ita quidem ut post prandium satis largum coenam denuo quæramus, ubi sc. chylus prandii nondum consumptus & partibus nutriendis agglutinatus est; ut infantes vel robustiores illos taceam, qui nec merendam detrectant. Accedit quod appetitus seu fames omnis statim a pastu sedetur, ubi sc. assumpta cruda adhuc in ventriculo stabulantur, i. e. nulla adhuc digestio, multo minus chyli ad partes nutriendas distributio, contingere poterat.

Aliud itaque est, quod appetitum seu famem movet, lympa sc. digestrix stomachi: non tamen quatenus acida & rodens, quale omnium fere post Helmontium doctorum dogma est, a me inferius impugnandum. Hoc loco asserere sufficit, laticem illi ventriculi, ut ut minus acidum & moderate salsum tanquam Lympham a sanguine secretam atque ad ventriculum vacuum devolutam, per activitatem suarum particularum

PROGTMN.

VIII.

Naturalis non datur.

Fames non semper supponit appetitum naturalem.

Humor ventriculi est salus.

PROGYMN.
VIII.

Non acidus.

*Acida, ut ta-
lia, nec sola,
appetitum mo-
vent.*

*Subiectum Ap-
petitus non so-
lus Ventricu-
lus est.*

larum salinarum nervosam illius tunicam, non rodere, mordicare aut dolorifice pungere, sed blande titillare ac mollius afficere & famem patrare.

Acorem equidem vellicantem subesse, hic inferunt, quod acida assumpta famem torpidam resuscitent ac restaurent: contra, quæ acidum evertunt, cuncta eandem prosternant. Verum, si experientiam experientia opponere licet, frequentiora eorum observantur exempla, qui acidis humoribus turgescences anorexia nihilominus laborant, imo ab assumptis acidulis magis læduntur, ut *Poterium* mittam, qui *cent. 3. obs. 96.*

famem caninam acidis se curasse perhibet. Neque sola acida appetitum stimulare, testatum faciunt alcalia tam fixa, quam volatilia, salsa aromatica acriora quævis, idem præstantia: quo etiam spectant illi, quibus bilis per ductum cholodochum peculiarem ad ventriculum defluit, hincque voraces maxime existunt, vid. *Vesal. de hum. corp. fabr. l. 5. cap. 8.* Adeoque concludo, non acida tantum, seu utalia, sed quævis acriora, appetitum movere, hinc consequentiam prioris argumenti esse nullam: alterius vero minor suspecta videtur, eo ipso, dum alcalia idem agere modo dixi. Terrea equidem, Martialia & pingua obtundunt famem, non tamen quatenus acido tantum infesta, sed quatenus quamvis acrimoniam salinam absorbent, ac destruant.

De cætero animadverto hic errorem, quem plures errarunt, intra ventriculum famis limites figentes, & in sola hac vellicatione pro appetitus formalitate explicanda acquiscentes: cum tamen in organo hoc nulla fieri possit appetentia, tanquam sensorii interni productum, sed vellicationem tantum illud sustineat, quæ spiritus animales in motum ejusmodi appetentem concitat. Quatenus tunicæ nerveæ fibrulæ eoque afficit & commovet fluidum ventriculi, donec spiritibus animalibus, per has earumque truncos undulantibus, motum extraordinarium & retrogradum imprimat: hinc in ventriculo mollietiem seu languorem, cerebro vero ejusmodi impressionem præstet, per quam phantasia in alimentorum solidiorum desiderium feratur. Ita ut præter illam ventriculi sensationem molestam, imo sæpius sine illa, sensus quoque internus concurrat, quatenus impressio in ventriculo facta ad cerebri usque meditullium propagatur, & hujus incolis, seu spiritibus, communicatur, hinc appetitum, vel sub boni, vel mali, specie stimulat, partesq; tandem assumptioni alimentorum dicatas in motus spontaneos trahit. Quem cerebri ac spirituum influxum illa insuper appetitus destructio

studium confirmat, quam ex delirio ac animi pathematis patimur: item **PROGTMN.**
 appetitus ille, quem ex esulentorum gratorum & savorum comme- **VIII.**
 moratione, perentiscimus.

Hic enim quamvis principium suum habeat in cerebro, non tamen in illo terminatur, sed per nervos stomachicos ad organa, assumptioni atque digestionem alimentorum dicata, emanat: adeoque simile hic contingit illi, quod in turgescencia & appetencia venerea observamus, sc. prout hæc modo a membrorum genitalium titillatione exoriente ad cerebrum propagatur, modo ex objecti amabilis conspectu aut reminiscencia ad genitalia devolvitur; sic fames seu desiderium alimentorum interdum a primo sensorio ad primas vias, interdum ab his ad illud exporrigitur, semper tamen utraque conspirant.

Ratione temporis famendi, superius equidem dixi, ventriculum *Cur magis fa-*
 vacuum mox, adeoque sexta vel septima statim a pastu hora, impulsus *memus lon-*
 ejusmodi famelicum pati: intenditur nihilominus hæc perceptio, si no- *gius, quam*
 vus pastus diutius differatur, v. g. a coena ad prandium. Cujus phæ- *brevis a chy-*
 nomeni rationem hanc suspicor, confluit equidem omni tempore ad *lificatione?*
 ventriculi cavum lymphæ hæc activa, quia nihilominus illa, quæ statim a chyli distributione circulatur, chylosa & gelatinosa substantia plus turget, quam quæ aliquot post eandem horis, v. g. matutinis demum, per corpus fertur: hanc dulcioribus & glutinosis particulis magis viduatam,amenta sua salina potentius in fibras ventriculi dimittere, i. e. vehementius stimulare, præ illa, quæ chylo recente adhuc scatet & lentore suo spiculorum ejusmodi vim obtundit. Quæ etiam causa, *Cur infantis*
 cur infantes ad alimentorum frequentiore assumptionem non tantum *voraces?*
 parati observentur, sed eadem voracitate quasi sæpius postulent. Nempe lacte, juseulis similibusque mollioribus eduliis quia saginantur, hæc non tantum ab eorum stomachis brevi in chylum resolvuntur, sed per corpus circulata glutinosam & albugineam suam substantiam ad poros partium facile & uberius deponit, hinc lympham mox vacuum denuo ad ventriculum ablegat.

Neque tamen adeo infrequens est, ut, si famem justo diutius feramus & ipsi quasi imperemus, sponte quasi hæc cesset, aut sensibili- *Cur si famem*
 ter imminuat: ejus paradoxo duplex videtur ætiologia, una in spiri- *diutius susti-*
 tibus, altera in humore ventriculi quærenda. Illi quippe quia ab ine- *neamus, hæc*
 dia diuturniore maxime fatiscunt & torpescunt, a stimulis illius non *tandem sponte*
fatiscat?

PROGTMN.
VIII.

adeo facile percelluntur, seu impetus ejus percipiunt. Potissimum cum humor hic non tantum particulas suas salinas crebriore circulatione ad vias urinarias, vasa biliaria &c. sensim deponat, sed per salivationem naturalem tota lymphæ moles imminuatur, nec quod ejus ad ventriculum & intestina devehitur, omne per lactea vasa ad massam redeat.

Cur fames salivam moveat?

Habet fames, vehementior imprimis, sibi frequens hoc, ut uberior ac tenuiore saliva os scateat: quod symptomatis genus modo famis, modo alimentorum conspectus, effectum pronunciant. Quod si tamen cuncta penitus pensitemus, non tam a fame, quam a causa famem intendente, fluiditas hæc salivalis emergere videtur: i. e. aquosior, post nutritiarum molecularum depositionem, reddita lymphæ angustiora glandularum salivalium colatoria uberius permeat & ad os deponitur. Haud tamen nego, fercula quoque apposita delicatiora, aut horum recordationem, fluorem illum juvare, spiritus animales excitando & ad oris pariter ac reliquas primarum viarum glandulas determinans, hinc lymphæ secretionem accelerans.

Cur mox a pastu refocilemur?

Sedatur nihilominus stimulus hic esurinus mox & sub alimentorum fere solidiorum deglutitione, & quidem cum sensibili corporis refocillatione ac voluptatis cujusdam perceptione; ratione cujus circumstantiæ illa famis enervatio, quam narcotica, terrea, martialia &c. præstant, sibi præ hac peculiare vindicat, ut corpori vix aliquid delectationis aut virium inde accrescat. Nimirum assumpta esculenta succo digestivo & stimulant ventriculi dum commiscuntur, hujus fluorem imbibunt & spicula ejus vellicantia obtundunt, sicque illum molestiæ eximunt, & in statum magis quietum. Simul vero & eo ipso, quia non tota chyli massa ultimam omnium assumptionum expectat chylicationem, sed mox & dum assumptioni illorum adhuc vacamus aliquid laticis stomachici, solubilibus maxime eorum particulis imbuti, ad intestina demittitur, & ad vasa lactea amandatur: Commodum etiam aliquod in totum corpus redundat, scilicet sub chylicatione vix inchoata notabilis hujus refectio.

Sitis.

Appetitus altera species sitis dicitur, quæ pariter molesti quadam sensatio ventriculi ad fauces nonnunquam extensa est, occasione cujus ad liquida horumque assumptionem determinatur ille. Si causam hujus a scriptoribus poscas, modo ariditatem faucium, modo acrimoniam salium, hinc semper aliquid præter naturam, accusant, adeoque

que sitis cujusdam praternaturalis, nunquam naturalis, ætiologiam tra- PROGTMN.
dunt. VIII.

Summam potus necessitatem esse, i. e. corpus nostrum sine fluido- *Potus necessitas.*
rum haustu subsistere haud posse, arguit non tantum intolerabilis mo-
lestia & infirmitas, quam ex siti vehementiore & longiore patimur; sed
quod alimenta solidiora sine liquidis nec commode digeri, nec dispen-
sari, valeant. Quas circumstantias si probe ponderemus, materia po-
tulentæ concupiscentia vix pari jure, ac fames naturalis quædam, sive
functio, sive passio, dicenda foret, i. e. talis quæ causam habeat intrin- *Sitis natura-*
secam, & corpori integram partem seu corpori secundum naturam *lis sibi datur.*
inexistentem. Quippe primo ex hypothesi omnium, contraria dicitur
causa sitis causæ famis; quæ sane eidem corpori & ventriculo inharere
nequeunt, & humor sane esurinus, seu famis productor, quique dig-
estionis subsequenter etiam existit causa, sine notabili sui & totius
damno aliquid sibi contrarium ferre nequit. Deinde cum in tempe-
ratis & s. n. constitutis subjectis fames semper præcedat sitim, illaque
dum fracta ac solidioribus assumptis potulentorum emergat con-
cupiscentia; manifeste liquet, vel siccitatem, vel acrimoniam vel quo-
cunque demum illorum, sitim excitare. Accedit, quod potus, ut sub-
stantia aquosa, quæ siti desideratur, corpori in nutrimentum minime
cedat, sed, chyli digestionem & distributionem absolutam, per diversa emuncto-
ria denuo rejiciatur: ut mittam, quædam animalia nunquam potare,
cuncta tamen comedere, i. e. famis equidem, neutiquam sitis, causam
fovere.

Eo ipso E. dum a cibo demum sumpto naturaliter homo bibere
gestit cibus autem similiaque assumpta, quæ sitim movent, non ex re-
rum naturalium, sed non-naturalium, ordine sunt, hæc phænomenis
naturalibus minime accenseri poterit. Et si forsan a ventriculo jejuno
expetatur potus, hic tamen vel totam humorum massam falsedine &
acrimonia singulari laborare, vel seri immoderationes evacuationes sub-
esse, intimat: quibus omni jure accensemus hydropis quavis species,
siti clamorosa non raro ægros excruciantes, quatenus sero extravasato
& ad loca p. n. deposito rivulis serosis ordinariis, hinc ventriculum
quoque irrorantibus, materia subtrahitur. Alia paulo ratio est sitis &
ariditatis faucium, quam, qui inflammatione harum reliquarumque ad
salivæ secretionem & excretionem facientium glandularum subjecti sunt,
patiuntur.

PROGYMN.
IX.

patiuntur: utpote in quibus ob compressa vasa salivalia nihil feri separatur, hinc oris interiora rorulenta hac humiditate defraudantur.

PROGYMNASMA IX.

DE

ALIMENTORVM ASSVMPTIONE.

Sicut quilibet appetitus sensitivus ad motum localem impellitur, quo, S bonum amplecti, & malum fugere aut fugare conamur: ita ut famem atque sitim declinemus, alimenta capimus & ori intrudimus, non tantum ut per hoc, tanquam infundibuli cujusdam latiore partem ad angustiore[m] œsophagi canalem commodius devolvantur, sed ut primam in hac officina patiantur alterationem adeoque ad felicior[em] deglutitionem & digestionem præparentur solidiora.

Vocatur illa communiter Masticatio, ac duo involuit, comminutionem nempe & salivæ commiscelam seu ciborum per hanc subactionem: quæ utraque quamvis simul fiant, diversis nihilominus organis peraguntur.

Comminuunt scilicet dentes incidendo, frangendo ac terendo seu conquassando, si horum series inferior, maxillæ mobili impacta cum superioribus collidat, & quidem motu voluntario, quem muscoli maxillarum exercent: ita tamen ut musculus oris communis, Buccinator dictus, & labia ab extra, lingua ab intra contractione & agitatione sua varia illis cibum subjiciant & extra illorum cancellos delapsum in locum pristinum reponant, donec crebriore & repetita hac trituratione in subtiliorem pollinem redactus fuerit.

Incisioni inserviunt dentes priores, ideo incisores appellati, quibus pro alimentis imprimis decerpendis quasi saltem utimur, & qui ideo illis quoque animalibus, quæ, alias non masticata deglutiant, conceduntur, quo mediantibus iis prædam arripiant atque evellant, v. g. piscibus nonnullis & ruminantibus plerisque, quæ dentes hos in inferiore tantum maxilla gerunt, aut iisdem pro arrodendis corporibus utuntur, v. g. lepus, sciurus, mus major &c. quibus longiores & superioris quoque maxillæ ornamentum contigerunt. Canini vix singularem præ incisoribus in homine usum habent, nisi quod, reliquis paulo

paulo longiores, confringendis durioribus ministrantur, hinc canibus PROGTMN.
 similibusque voracibus & rapacibus animalibus frequentiores existunt. IX.
 imo quibusdam animalibus armorum vices præstant, quibus æque contra
 aggressores se defendunt, ac insontes invadunt, v. g. apro, viperæ. Ast
 conterendo & conquassando officium suum præstant molares, qui in
 homine, varia esca utente, nec adeo plani sunt, ac in bobus & equis,
 nec adeo asperi ut in leonibus dilacerantibus, sed medio modo se habent.

Mechanicum nimirum semper agit natura & pharmacopœum imi-
 tatur, scindendo, limando, radendo & in minima conterendo alimenta
 solidiora per instrumenta adæquata, incidentia atque conquassantia:
 quo fluido seu menstruo salivali ac digestivo facilius ad horum intimiora
 paretur aditus. *Loco dentium
natura in qui-
busdam ani-
malibus aliis
organis utitur.*
 Non unius equidem generis instrumenta hæc in cunctis
 animalium generibus deprehenduntur, quatenus eorum multa aut den-
 tibus plane carent, v. g. aves pleræque aut si illis instructa, hi nihilo
 minus ejusmodi conformationis cernuntur, quibus pro masticatione
 uti nequeunt, v. g. anser & cygnus, rostrum denticulatum gerentes,
 quo herbacea comprehendant & avellant, item pisces nonnulli, qui dentes,
 quos habent, non mansionis, sed escæ ac prædæ captandæ ac retinen-
 dæ gratia videntur gerere, v. g. Lucius. Spectant huc quadrupeda ru-
 minantia, quæ dentibus incisoriis, quos inferior tantum eorum maxilla
 gerit, pro decerpendis solum vegetabilibus, utuntur, hæcque demum
 regesta per dentes molares minutius conterunt. Ex quibus satis super-
 que patet, naturam non uni organorum apparatui se adstringere, i. e.
 non masticata tantum deglutire, sed vel multiplicitate, vel structura
 ventriculorum singulari, dentium officium expedire.

Quadruplici ventriculo gaudent quadrupeda graminivora plera-
 que v. g. bos, ovis, cervus, aut triplici, scilicet capricerva: in qui-
 bus tamen non hæc multiplicitas & diuturnior intra viscera alimen-
 torum mora tantum, sed ruminatio quoque, masticationi succenturia-
 tur; quod in lepore, qui unico & simplici tantum gaudet ventriculo,
 humiditatis hujus lymphaticæ abundantia, quam glandularum pecu-
 liaris apparatus suggerit, eademque ruminatio pariter præstat. *In ruminanti-
bus.*

Aves equidem nonnullæ, quibus rostra adunca contigerunt, ali-
 moniam suam mediantibus his discerpunt & arrodunt, adeoque hoc
 modo ad chylicationem aliquo modo præparant; aliæ earum grana,
 quibus vescuntur, excorticant, medullam nihilominus horum inte-
 gram *In abibus.*

PROGTMN.
IX.

*Lapilli aliaque
duriora cujus
usu in abium
Ventriculis.*

gram devorant: pleraque vero earum illa integræ deglutiunt. Hinc triplici donatæ sunt ventriculo, quorum tertius carnosus maxime, i. e. ex musculis crassioribus conflatus contritioni & conquassationi illorum inservit. Quatenus hujus tunica interior tendinea & callosa huiusque asperitates seu scopuli musculorum exteriorum vibratione & quasi gyratione frequentius sibi commissi frumentum ac grana devorata frangunt atque atterunt, imo reiterata ac continuata hac tritura ac pistura in pollinem, chylum dictum, redigunt: cum aliter carnivoræ, v. g. ciconia, grus, accipiter &c. unicum, quo gaudent, ventriculum minus carneum minusque callosum & fere membranaceum habeant. Imo probabilius est, lapillos, arenulas, vitra similiaque duriora a quibusdam granivorarum avium deglutita contritioni potius, quam alimonix, acori ventriculi saturando, putaminibus ovorum constituendis, ministrari i. e. lavigationem granorum facilitare & dentium molarium vices supplere: utpote quibus non tantum valde delectantur, sed, si iis carere cogantur, pessime quoque inde se habent. Hinc quæ earum semina prius exorcitant, v. g. achantis, carduelis &c. lapillis ejusmodi vix opus habent, mollior enim horum substantia facilius & sine his conteri & in emulsionem chylosam resolvi potest: Imo *Harveus* annotavit, eosdem lapillos aliaque duriora & aspera, si diutius in animalium horum ventriculis permanerint, ac longiore attritu nimis lavigentur, tanquam nullius amplius usus, rejici, & volucres non, nisi calculos asperiores & lingua probatos, eligere. Quod idem diversa comprobant experimenta, quibus numismata convoluta, globuli vitrei cavi similiaque gallis Indicis intrusa post aliquot dies attrita, & confRACTA visa fuerunt, & illa quidem ratione partium tantum externarum, quibus se contingere poterant, derasa.

Cuncti tamen, ut munere suo commodius ac diutius fungantur dentes duritiæ peculiari præ reliquis ossibus gaudent, ita ut aeris contactum non tantum sine ulla sui corruptione aut alteratione ferant, sed ferramentorum ac ignis quoque vim maxime eludant. Inter mandendum nihilominus pedetentim illis aliquid deradi ac decedere, non plane improbabile videtur, quatenus semper & per totum vitæ tempus crescunt; quamvis propter continuam eorum collisionem mutuamque attritionem incrementum hoc vix compareat, compareat nihilominus, si dentis cujusdam antagonista perdatur, tunc enim alter super reliquos
suæ

suæ seriei socios mox elevatur, & ad appositi ac perditī alveolū uf-
que exporrigitur. PROGYN. IX.

Atque hac quidem alimentorum comminutione opus erat pro
assumendorum saporibus melius percipiendis ac dijudicandis, pro li-
dem commodius cum saliva macerandis ac subigendis, pro degluti-
tione eorum facilitanda, ac pro aditu solventi ventriculi commodiore-
parando: ita ut propter multiplicem hunc masticationis usum non *Mansonis
usus.*
inepte Arabes illos animam suam odisse dixerint, qui masticationem
negligunt. Imo ideo mox patet, cur potulenta seu fluida dentium
actionem præterlabantur ac sine hac ad ventriculum demittantur: qua-
tenus particulas suas sapidas æqualiter per molem suam distributas ge-
runt, nec opus habent saliva macerante, in minima facilius secedentia
nunquam deglutitionem morantur, nec ventriculi multam digestionem
postulant.

Majoris nihilominus ponderis est alteratio, quam a salivæ com-
miscela expectant ac sustinent solidiora, utpote quæ primam horum
liquefactionem ac dissolutionem inchoat & instar menstrui cujusdam
universalis mirifice ad alimentorum quasvis particulas se habet: imo
quosdam fugitivæ mentis Adeptos in tantam sui admirationem rapu-
it, ut solvens catholicum mineralibus quoque inde promiserint, de-
liramento nihilominus se aliosque dissitarum mundi plagarum decepe-
rit. Horum quamvis somniis suavioribus minime subscribam, activi-
tatem tamen illius fluoris peculiarem diversa evincunt, præprimis ad
alimenta determinatam, utpote quorum, uno vel altero tantum mo-
mento in ore volutatorum, licet quoad odorem & saporem fere
ἀποσπᾶται, sapores atque odores sensibiliter & brevi immutat, ne in ejus
virtute fermentativa salisque exuperantia commendanda prolixus exi-
stam, ab aliis annotatis.

Ratione E. hujus texturæ intrinsecæ, i. e. per aquositatem æque ac
saluginem suam vincula masticatorum laxat, adeoque pariter pro accuratio-
re saporum dignotione laborat, illorum substantiam salino-sulphuream seu
particulas sapidas a reliquis evolvendo ac delinquendo, quatenus *salia non
agunt, nisi dissolvantur*. Insuper eadem oris humiditas fauces atq; œsopha-
gum humectat ac lubricitat, hinc deglutitionem faciliat, & vel cum ali-
mentis, vel seorsim ad ventriculum deplua hujus fluoris aliquam portio-

PROGTMN. nem constituit, ideoque nonnullis pabulum humoris ventriculi digestorii
IX. appellatur. Quæ cuncta ita se habere, salivæ defectus, dictarum functionum frustrationem mox pedissequam habens, edocet.

Saliva fontes. Confluit illa a diversis glandulis conglomeratis, tanquam totidem fontibus ad os, quarum alia in ipso hujus cavo reconditur, alia foras adjacent.

Glandula buccarum. Prioris generis sunt (1.) Glandula buccarum, inferiore, & qua buccis contigua, sui parte latiores ut plurimum ac in apicem angustiores abeunt: quæ intervenientibus fibrillis, a membrana buccas succingente, emanantibus, arctius conglomerantur ac harum superficiem internam constituunt: ita tamen ut lymphatica earum excretoria seu salivalia infinita illam perforent, orificiis partim majoribus & secundum tractum maxillæ inferioris dispositis, partim minoribus & sine ordine observabili hiantibus, vixque nisi expressionem humoris salivalis, conspicuis. Addit:

Sublinguales. his *Steno* (2.) sublinguales, utrinque ad lingvæ ligamenti inferioris latera sitas, quarum vasa excretoria plura exiguis radicibus oriunda, parallelo tractu a lingua versus gingivas laterales abeunt, & ad digiti fere transversæ a dentibus distantiam ostiis exilissimis & pariter non, nisi expressione humiditatis, manifestandis, se exonerant: accuratior nihilominus & strenua magis aliorum v. g. *Casp. Bartholini* investigatio evincit, vasa hæc non a sublingualibus, sed aliis longe minoribus, illisque aditis, glandulis emanare, ab iisdem vero sublingualibus prodeunt (3.) ductus bini, quorum radices a singulis glandulae conglomerationibus ortæ in truncum communem se exonerant, qui ductum Whartonianum comitatur, & prope hujus ostium in os hiat. Accedunt (4.) palatinae seu tota palati caro ac tonsillis continuata glandulosa productio, cujus exilissima & innumera vasa excretoria tunicam sibi superextensam perforant & totam quasi cribrosam reddunt, in postica palati parte patentiora: ita ut non simplex & mera membrana sit, quæ palati ossa succingit & pituitaria *Schneidero* dicitur, utpote: qualis ad pituitam a vasis vicinis imbibendam ac digerendam quam ineptissima foret. (5.) Circa faucium extremitatem conspicuæ sunt tonsillæ, glandulae quasi duæ, ad illius latera sitæ, interveniente tamen productione glandulosa & per palatum expansa itidem continuæ seu combinatæ: quarum sinus satis ampli & ex canaliculis minoribus cœcuntes ad os hiant. Quibus tandem & (6.) uvula accenferi debet, palatinae carnis glandulosæ eminentia conica & ab hac ad isthmum propendens.

Glandulae.

Palatina.

Orī vero exterius accumbentes salivales scaturigines rivulos suos PROGTMN. vel immediate vel mediate demum, ad illud derivant. Illæ sunt (1) IX. glandula parotis conglomerata, cujus excretorium in homine oblique *Glandula pa-* descendit & ostio suo centrum fere buccarum perforat: (2) Glandula *rotides.* maxillaris interna, cujus ductus inter musculos ossis hyoidis & linguæ *Maxillares.* versus mentum decurrit ac pone dentes incisores inferiores, inter gingivas & papillam quandam ad os aperitur: Addimus his (3) ductum *Ductus saliva-* Salivalem, nuperrime a Nuckio, Professore Hagense, inventum ac divul- *lis nobis.* gatum, qui a glandula, in orbita oculi, inter musculum hujus abducentem & ossis jugalis parte supremā, collocata, emergit & perpendiculariter fere super os maxillare descendit, usque dum prope dentem molarem superiorem secundum non procul a Stenoniani ductus ostio, in os aperiatur. Alī *Aquæductus Fallopii.* mediate demum & per ambages certorum alveorum & receptaculorum salivæ portionem tribuunt (1) auris concha, ex qua canalis cartilagenus, a Fallopio Aquæductus appellatus, ad palatum partim, partim ad nares derivatur, aurium humiditatem serosam advehens. (2) Ductus *Ductus lachrymales.* lachrymales a duplici oculorum glandula inter palpebras hiantes, e quibus stillans humor in plorantibus lachrymarum nomine, per genas defluit, alias vero & ordinarie per puncta lachrymalia & illis continuum canalem ad nares derivatur (3) Vasa narium propria ex glandulis sub harum tunica latitantibus prodeuntia, ac in hujus tubulos cartilagineos se exonerantia: quorum serositas cum oculorum lymphā hinc per patentes satis *Saliva quid?* meatus, pone dentes incisores superiores, ad palatum deponitur.

Est E. saliva nihil aliud, quam serositates plurium glandularum conglomeratarum in ore coagmentatæ, in hoc alimentorum digestionem per macerationis quandam speciem inchoantes eandemque cum ventriculi lymphā propria absolventes: dum ratione substantiæ suæ aqueæ in salinas, ratione salinæ in sulphureas ac terreas, seu tenaces magis, illorum particulas agunt.

Quemadmodum autem solida tantum masticationem exigere, ex *Deglutitio.* diffis constat, ita his & fluidis communis est deglutitio, minore apparatu nihilominus in fluidis, majore in solidioribus, contingens. Involvit hæc pariter duos actus, quorum uno alimenta beneficio linguæ ad faucium angustias ac gulæ partem superiorem seu pharyngem, devolvuntur, altero per œsophagum ad ventriculum demittuntur ac quasi deprimuntur.

PROGIMN.
IX.

*Vsus linguae in
deglutitione.*

*Gula etiam
agit in deglu-
titione.*

*Tunica muscu-
losa oesophagi.*

*Cur liquida
interdum dif-
ficilius soli-
dis deglutiun-
tur.*

Linguam deglutitionis opus inchoare, credere jubent ejusdem morbi & lésiones quævis, illud turbantes, in infantibus quoque, qui lacte aliisque fluidioribus fruuntur, si ligamenti illius prolongationem ranulamve patiantur. Quod lingua offert, Pharynx excipit tribus musculorum paribus elevatus ac explicatus, mox denuo se constringens per sphincterem seu oesophageum muscolum, hinc assumpta complectens & ad ipsum gulæ canalem detrudens, ad ventriculum demittenda. In qua nihilominus actione gula se non mere passive habet, i. e. canalem tantum præbet, sed simul quoque agit: quatenus illa, sibi relicta, haud semper adeo patula est, sed propter mollitiem concidit, imo constringitur, unde alimenta solidiora ratione crassitie, glutinositatis &c. in eadem hærent, nisi aliquid illa impellat. Præterea & si pondere tantum per oesophagum ferrentur deglutienda, bruta vix deglutirent: cum in pronis his & de terra cibum capientibus hic contra naturalem tendentiam ascendere aut per oesophagum horizonti parallelum moveri nequeat. Accedit ipse conatus voluntarius, quem inter deglutiendum observamus, ita quidem ut semideglutita repellere nobis liceat.

Præstat autem impulsus hunc gulæ tunica carnea seu musculosa per motum suum peristalticum: quam *Aquapendens* carnem sui generis, alii rectius muscularem tunicam, appellant, in ejus tamen fibrarum tractibus describendis notabiliter discrepant, si non errant fibris: Dum *Vesalius* ex transversis tantum involucrum Autores hoc contextum esse asserit, *Steno* illas spirales dicit, quæ instar duarum cochlearum, contrario ductu sibi occurrant, ac sese mutuo oblique interfecent aut transcendant. *Willisus* ex duobus musculis compositis tunicam hanc conflari ait, qui quatuor parallelogramma cum fibris oppositis seque decussantibus efficiant. Quorum hoc posterius schema quamvis in bubulis, caninis similiumque quadrupedum subjectis omnium maxime conspicuum sit, in homine tamen ita reperiri *Willisus* concedere nequeo, testor potius in hoc structuram, quam *Fallopium* & *Aquapendens* asserit, involucrum hoc duplici fibrarum serie gaudere, quarum aliæ seu exteriores longitudinales, aliæ transversæ seu circulares, existunt, quales nuperrime adhuc publice demonstravi.

Contingit non raro in morbis, ut fluida commode satis deglutiantur, solidiora secus, si nimirum gula quamcunque angustiae speciem patiatur: ast solida facilius, liquida difficilius, & non, nisi cum suffocationis imminetia ad ventriculum demitti, paradoxum valde experientiae nihilominus quoque conforme, est.

Cau.

Causarum hujus symptomatis quatuor *Laurentius annat. l.9. quest.* PROGIMN.
 26 auguratur, quasi illud contingat (1) ab epiglottidis erosa particula, ratione
 cuius solida equidem cartilaginem illam deprimant, atque ad œsophagum delabantur, liquida autem tracheam, non omnimode cooper-
 tam subeant, mox tamen a vaporibus expiratis ad nares usque repellantur :
 (2) si hyoidis ossis & laryngis muscoli paralyfin aut convulsionem patian-
 tur, quatenus solida his pondere suo vim aliquam inferant, fluida non item :
 (3) a tumoribus & inflammatione faucium & œsophagi, quorum moles a
 potulentis absorptis augetur, a solidarum compressione imminueretur ;
 ac (4) a carunculis fungosis in faucium & œsophagi interiore facie, post
 ulcera male curata, enatis, pari ratione a fluidis intumescantibus a solidis
 compressis & attenuatis. *Hildanus cent. 5. obs. 34.* sedem mali in epiglot-
 tide ipsique partibus vicinis sibi concipit, humore viscido eousque im-
 butis, ut laryngem exacte occludere nequeant : ita ut liquida penetrent,
 spissiora vero operculum illud asperæ arteriæ magis comprimant. Sunt
 denique, v. g. *Ballonius & Gabelcboverus*, qui in cartilaginum & mu-
 sculorum ejusdem laryngis exsiccationem culpam referunt, pari ratione
 liquida admittentem, solida arcentem,

Verum, etsi facile largior, interdum ab epiglottide erosa & con-
 tabescente tale quid contingere posse, rariorem tamen causam hanc
 suspicari licet, ideo, quod erosionis & contabescentiæ ejusmodi signa sæ-
 pius absint, contingente nihilominus hoc symptomate, ac interdum ex
 improvise satis. Nec apparet, qua ratione in convulsione musculorum
 faucium deglutienda duriuscula pondere suo spasmis illis resistere que-
 ant, utpote quod horum potentiæ minus proportionatum : multo minus
 constat, qualis illa vis sit, quam resolutis musculis illa imprimant, qui
 robore potius contractorio indigent, quale quid a mole ejusmodi de-
 glutiendorum haud proficiscitur.

Glandulas inflammatas aut quocunque modo tumidiore a potu-
 lentis allabentibus magis inebriari, ridiculum est, præprimis mox in mo-
 mentaneo horum transitu, cum spongiarum texturam & usum dudum
 deposuerint ; imo in casibus his fluidis præ solidis facilior aditus conce-
 ditur : neque carunculas fungosas œsophagi præternaturales adeo facile
 penetrabit & tumefaciet potus momentaneus, ut *Laurentius* quidem
 sibi imaginatur. Quæ præter epiglottidem partes laryngis a pituita vi-
 scida eousque imbui possint, ut hujus rimulæ exactiorem clausuram tur-
 bent,

PROGYNN.
X.

bent, non video: cum intumescencias quasvis meatus potius angustare & obturare, ex institutionibus etiam innotescat. Sicut autem, epiglottidem sicciorem potius huic compressioni quandoque impedimento esse, superius concessi: ita denique, quid musculi laryngis tabidi & exsucci huc conferant, non apparet.

Sennertus E. prax. l. 3. p. 13. & 17. propter paralyin partium destructioni alimentorum inservientium tale quid fieri putat, quatenus majore facultatis motricis robore & instrumentis fortioribus indigeant liquida, quam solida, ut comprehendantur ac deglutiantur: Sed non determinat organa hæc. *Higlmorus vero disq. anat. l. 1. c. 3.* specialius agit, & tunica carneæ fibras transversas acculat, quæ tono naturali destitutæ liquida aut repellant, aut non admittant, quæ circa laryngem stagnantia suffocationem minitentur. Mihi vero probabilius videtur, musculorum potius ipsius pharyngis resolutorum hunc effectum esse: nam nec ex ore quidem moveri possunt potulenta in hoc casu, ita ut musculis his laxatis, necessario & eousque collabascant principium gulæ, ut illi dilatando non, nisi solidior bolus, instar cunei, adequatus videatur. Et si principium hoc subintrarint fluida, profecto flacciditas & debilitas fibrarum ejus transversarum ulteriorem illorum descensum vix inhibebit, cum pondus ac fluor potius ad superandas has connivencias satis potens videatur.

PROGYMNASMA X.

DE

CHYLIFICATIONE.

*Contractio
Ventriculi di-
gestionem ju-
vat.*

Postquam ventriculi cavum alimenta subintrarunt, hujus tunicae carneæ diversi ordinis fibræ sese contrahunt, adeoque ab omni parte ejus superficies interior alimenta arctius complectitur & per rugositates & eminentias suas eadem aliquomodo discontinuat; utrumque pro commodiore & immediata quasi lymphæ digestricis adaptatione & contactu, ex glandulosa scilicet ejus substantia scaturientis. Nec adeo absonum videtur per reciprocas hujus tunicae carneæ contracturas eundem humorem quasi emulgeri, simulque massam alimentorum, quasi pistura quadam subigi, hujusque substantiam chylosam exprimi. Clauduntur etiam sub

*Clauduntur
orificia ejus.*

con-

contractione hac orificia ventriculi ambo, non adeo tamen arcte, ut vulgo ^{PROGTMN.} quidem crediderunt. Nam sinistrum, non quidem per fibras circulares ^{X.} sibi peculiares, quas nonnulli sibi sinxerunt, sed præter contracturas toti ^{non omni-} ventriculo communes, per fibras carneas inferioris diaphragmatis musculi ^{mode.} superiores illud amplectentes harumque motu reciproco satis arcte constringitur, ita tamen ad quemlibet bolum superingestum vel hauustum aliquantulum dilatetur, facileque hos admittat, nihil vero deglutiti, aut vaporis aut flatus, nisi extraordinarie & cum impetu emittat. Dextrum vero seu inferius ut ut pariter satis conniveat, & a tunica ventriculi nerveo-glandulosa, in molem oblongam instar epistomii elevata, obturetur; ita ut nihil foetoris seu halituum stercoreorum ex intestinis ad ventriculum & superiora efferri queant, nisi, observante *Platero*, vel tunicæ carnosæ culpa vel laxitate nervæ extraordinaria, hoc contingat. Semper tamen & eoque pylorum hiare, ut chylo fluidiori, & lymphæ particulis alimentorum leviter etiam tinctæ exitum concedat, auguror, donec crassior chylus pedetentim sequatur. Quocunque enim tempore, i. e. chylicatione etiam vix inchoata, duodenum aperiatur, chylum crudorem semper continet, semper E. ad ventriculi contractiones interpolatas aliquantulum hiat ostium hoc; imo vacuo etiam ventriculo aliquid salivæ deglutitæ & lymphæ ventriculi sensim ad intestina exprimitur, unde ex harum coacervatione ventriculus pastus necessario præter modum distenderetur. Neque metuendus erit crudorum ad intestina prolapsus, cum orificium hoc dextrum satis emineat, & curvatura sua sinistro fere diametraliter opponatur, hinc nomen inferioris vix ratione situs, sed usus forsan tantum, mereatur.

Quod vim chylicatoriam propriam, non vero cum intestinis communem habeat, ambigo, diversa tamen ratione singula concurrere, ex sequentibus constabit. Primario autem magis ventriculo illam competere, inde probabile fit, quod in hoc diutius morentur, sensibilibus valde deliquescant & qualitates suas omnimode deponant assumpta, & ad eorum in intestina introitum mox vasa lactea intestini superioris chylo conspicua reddantur, adeoque ventriculo radicis nutritionis titulus optimo jure competat.

Principatum hunc organo dicto derogare conantur ex recentioribus ^{Male negatur} nonnulli, alimenta in eo tantum dissolvi seu macerari & ad chylicationem, in intestinis demum tenuioribus subeundam, disponi: Ideo, quod ^{ventriculum} nulla unquam chyli rudimenta in eo reperiantur, sed loco hujus massa ^{chylicare.} foeda, fracida & cruda ipsi inexistat: nullus unquam observatus fuerit

PROGTMN.
X.

chyli vomitus, nulla a ventriculo emanent vasa lactea. Quod si tamen non de nominibus litigemus, sed rem ipsam ponderemus, facilis difficultatis hujus continget solutio: distinguentibus scilicet inter chylicationem & chyli secretionem. Elaboratur chylus maximam partem in ventriculo, manet tamen fœcibus suis adhuc confusus & commixtus: pari ratione ac mustum productum dicimus, statim ac expressæ fuerint uvæ, licet earum crassamenta ipsi adhuc coextiterint, aut quemadmodum essentiam menthæ absinthii confectum dicimus, licet fluidior & purior hujus pars per decantationem aut filtrationem a remanentia & fœcibus nondum separata fuerit. Hinc nec Chyli, i. e. meri, vomitus expectari poterit, imo nec in intestinis sincerus & purus unquam comparebit Chylus, quocunque demum tempore sectiones vivorum adornentur. Vasa lactea an unquam circa ventriculum conspiciantur, nec affirmo, nec nego; nec tamen posito, non comparere hæc, inferendum, ventriculum non chylicare: conficit chylum qui tamen sero diluente adhuc opus habet, quo vasis ejusmodi exilioribus adæquatus, i. e. fluidus satis, evadat. Denique tota hæc controversia a formalitate chylicationis male explicata dependere videtur, ut sequentia declarabunt,

*Chylicatio est
actio similis,
non organica.*

Ubi ante omnia præmonendum illam actionem minime organicam, sed similem esse i. e. quæ a ventriculo, ut tali, minime prodit, imo omnes functiones, chylicationis ministræ, similes sunt. De modo & instrumento primario, quo contingat, triplex præprimis olim & hætenus in scholis floruit hypothesis: dum alii, scil. Galenici, chylicationem per modum coctionis, adeoque a calore ventriculi & adjacentium viscerum fieri docuerunt; alii ex veteribus pariter ac recentioribus, acidum quendam ventriculi succum actioni huic præesse aut illam notabiliter juvare, autumant; alii denique ad fermentationem confugiunt, talem scilicet, qualis in fructuum succis & massa panis quotidie observatur.

Calorem autem & elixationem huic operi insufficientem esse, i. e. non chylicare, *Helmontius* diversis in locis, inprimis *Calor efficienter non digerit*, demonstrat: quam nihilominus reformationem ante eum jamdum susceperat *P. Castellus*, *Schola Messinensis Medicus*, in epistola ad M. A. Severinum conscripta, his verbis: *Non solius caloris opus cibi coctionem dicimus, alioquin & in olla talis fieri posset.* Quibus accedit, quod (1) Caloris actio tantum sit calefacere, & per accidens exsiccare, ita ut coctione productum non differat substantia a non cocto per chylicationem autem aliud plane ens prodeat; (2) pisces digerant & chy-

licent,

lificent, quibus tamen nullus calor inexistit; (3) multa a stomachis animalium dissolvantur, quibus solvendis calor minus proportionatus, v. g. X. ossa: nec (4) calor solida in substantiam fluidam redigat, nisi fulurum mineralium excipere velis.

Acorem ventriculi idem præstare, vetus pariter & longe ante nostra *Acidum chyli* tempora extitit doctrina, dum *Galen. s. de usu part. cap. 4. & Avicenn. sicare, vetus* *L. 1. can. fen. I. doct. 4. cap. 1.* aliquid bilis atræ seu humoris melan-^{est dogma.}cholici acidi a liene ad ventriculum s. n. emulgeri perhibent, famem æque ac chylificationem excitantis. Hos secuti fuerunt. *Zacutus Lus. l. 2. pr. hist. c. 12. Quercetanus diat. polyhist. P. Castellus l. a. Hogelandus in æcon. animal. Waleus de motu chyli, Highmorus, Sylvius* ac recentiores fere omnes: quorum nonnulli acorem hunc cum Galeno & Avicenna a Liene derivant, nonnulli eum ventriculo intrinsecum & proprium pronunciant. Majore tamen conatu acidum hoc ventriculi fermentum seu digestivum asserit Helmontius, nempe (1) quod passerum guttur acidum spiret, (2) multæ volucres are-^{Acidum chy-}nam, lateres &c. pro temperando acido nimio assumant, hisque denegatis^{liscare.} pessime se habeant (3) ingesta cuncta, et si dulcia, in ventriculo mox accescant: (4) acida desidem appetitum acuant, ac (5) ructus acidi nidorosis, supervenientes juxta *Hippocr.* in morbis digestionem redivivam pronunciant. Mittam ridiculum ejus argumentum, quia ipsi tyroni saltem acidum stomachi confirmabat, dum chirothecam a stagmate sulphuris acido corrosam perhibet: omnis enim consequentiæ hoc expers, cum acidis vim rodendi inesse, omnes concedant, ipsumque chymia consultissimum præter chirothecam & spiritum sulphuris alia plura phænomena docere poterant, parum tamen præsidii exin hauriet acescens illius doctrina. Speciosiora videntur argumenta, quibus alii Helmontium hujusque acorem propugnant, nimirum quod (6) medicamenta chalybeata assumpta nidorem sulphureum eructent, (7) lac jejuno ventriculo potum & vomitu illico reiectum coaguletur & cascescat.

Cui tamen Helmontii dogmati & ratiociniis, quibus hoc nititur, re-^{Negatur.}spondeo partim in genere & per experimenta contraria, partim in specie & ad illorum singula. Quod prius siquidem in animalium jejunorum ac vi-^{Lympha ven-}ventium dissectis ventriculis insipida semper degustatur lympa, aut levi^{triculi haud} tantum salsedine tincta: neque hæc alcalibus affusa cum his effervesceat, nec^{acida.} sirupi violarum colorem cœruleum in rubedinem, quod acidorum proprium, sed viriditatem, commutat. Et quamvis interdum in canibus, ^{Acor ventri-}pane fermentato pastis, acor aliquis deprehendatur, in aliis tamen, qui pane^{culi non raro} ab^{ab assumptis-} albo

FROGTMN.
X.

albo & lacte similive epulo minus acido saginati, nihil fracedinis aut saporis acidi observare potui: ita ut cum *Mæbio* & *Schoockio* concludere conveniat, aciditatem ventriculi, si qua exhalet, ut ut ingeniis plurimorum adeo impressa sit, ut eam communi scholarum applausu jamdum comprobatum, vix amplius in dubium vocent, esse non ens & secundum naturam in eo haud reperiri, sed vel ab assumptis, vel a dispositione morbifica, contingere, potissimum cum ructus jejunorum & vomitus per mare navigantium rarissime acidi observentur.

*Volucres cur
arenulas de-
sorent.*

*Acida non
semper appe-
titum exci-
tant.*

In specie vero & quoad argumenta singula *Helmontii* & reliquorum, ventriculi acido causam dicentium (1) puerile illud in passeribus junioribus factum experimentum haud singularis gravitatis videtur, quod pullorum tantum, & quidem pane acido, sero lactis similibusve cibatorum, non vero aliorum quoque passerum guttur acidum spiret: & verosimile sit, *Helmontium* puerum errasse in omnibus experimenti circumstantiis attendendis aut conclusionem inde formanda. Quoad (2) ex antedecano gymnasmate repeto, volucres arenulas aut lateres non tam pro acido temperando, quam granis devoratis commodius atterendis, assumere, cum non lapillos molliores, sed duriores, eosque asperiores tantum, seligant, & certis quibusdam avium speciebus, quæ hoc agunt, semper, nunquam reliquis, acorem nimium inexistere, vix probabile sit. Nec (3) cuncta in quibuscunque ventriculis acescunt, sed illa tantum, quæ acido sensibili polent, aut per fermentationem facile acorem induunt, v. g. mustum, saccharata &c. Pariter nec (4) acida indifferenter appetitum excitare, superius dictum, sed in ejusmodi tantum subjectis, quæ pituitosis aut biliosis humoribus scatent: imo acor ventriculi peculiaris cruditatis species est, & chylicationem insigniter turbat. (5) Ructus equidem acidi, levitatibus intestinorum summis supervenientes *Hippocrati* s. 6. *aph.* 1. boni pronunciantur, minime tamen sequitur, illos signum laudabilis ventriculi digestionis, aut ut talis contingat, succo acido opus esse, i. e. testari tantum videntur de chylicatione inchoata, nondum tamen perfecta.

De cætero nec semper, quod ab *Hippocrate* ac Medicis bonum dicitur, mox rebus naturalibus accenseri debet: alias v. g. surditas biliosis dejectionibus superveniens, aut biliosa egestionis, quas surditatem commode excipere, idem *Hippocr.* s. 4. *aph.* 28. ait, naturales dicendæ forent, aut Sternutatio hysterica quia superveniens solatio, juxta *sect.* 5. *aph.* 35. est, actionis naturalis nomen mereretur, ut infinita alia, quorum sub tali sensu penes eundem mentio fit, taceam.

Ructibus.

Rustibus nidorosis, quos (6) a martialium ingestione *Willisus* con- PROGTMN.
tingere asserit, rehero phenomenon hoc minus universale esse, i. e. non X.
omnibus æque subjectis a ramentis his metallicis ingestis ejusmodi ni-
dorem exhalare, sed illis tantum, quibus hæc congruum & familiare
sunt remedium, i. e. hypochondriacis, quorum acidum satis potens:
Imo limatura hæc cum simplici aqua macerata similem nidorem spirat.
Nec (7) Lac potum & intra ventriculum coagulatum, huic necessario
& secundum naturam acidum inexistere, evincit, cum alcalia pariter
lac coagulent, & reliquæ alimentorum hesternorum. v. g. tale coagulum
producere queant.

Nondum proin acidi stomachici inexistencia satis comprobata vi- *Acidum non*
detur, nec omne, quod vim solvendi habet, eandem peracorem exerit, *chylificat.*
quatenus chymicis experimentis levissime etiam tincto innotescere pot-
est, alcalica quoque salsa ac sulphurea potentiam menstrualem possidere:
& assumuntur esculenta varia, quæ acidis alias haud parent, aut ab his
dissolvuntur, pingvia scilicet seu oleosa, facessunt nihilominus in chylum.

Per consequens & multo minus, quem Helmontius hujusque ass- *Nec chylus*
clæ in chylo sibi concipiunt, acor expectandus erit, utpote qui, cum *acidus est.*
menstrui acidi effectus supponatur, hoc evanescente sponte sua dulcescit.
Feci nihilominus, ut de hac re certior fierem, neque sine experientia
contra scriptores tantæ autoritatis prodirem, diversa experimenta: qui-
bus equidem in cane, pane fermentato & acidulo pasto, assumpti odo-
rem atque saporis subacidi reliquias massam semidigestam fovere de-
prehendi, imo crudior hic chylus cum aqua coctus & filtratus ab affusione
salis tartari & spiritus salis armoniaci in offam albam præcipitabatur; ni-
hil tamen horum in alio, pane dulci ac lacte faginato, observavi.

Qui denique per fermentationis modum hunc parari autumant, ca- *Chylus non*
loris & coctionis vim huic negotio insufficientem, fermentationis vero per fermenta-
in rebus dissolvendis magnam, supponunt, v. g. superius allegatus Ca- *tionem para-*
stellus, dum ait: *Nec solius caloris opus coctionem dicimus &c. sed fer-*
mentatione opus est, qua cibi in ventriculo sublevantur, hulescant &
instar spongiæ, permeabiles reddantur, cui cum Helmontio de sextupl. di-
gest. aditipulantur ex Neotericis diversi: Imo Sennertus Paralipom. in Inst.
quest. 2. idem innuisse, suisque Institutionibus ac Praxi hac in parte
contradixisse observatur, dum præter calorem ventriculi alimentorum
quoque calorem intrinsecum huic operi præesse vult, excitatum sc. ab
externo, & qui fermentationem quasi quandam efficeret. Quam qui-

PROGTMN. dem fermentationem alii fieri putant a principio interno, alii a fermento ab extra superveniente: dum *Castellus*, *Walaus* &c. bilem atram eum in finem a liene ad stomachum transmitti, *Hogelandus* ab arteriis ipsius ventriculi immediate magis infundi, ajunt, *Helmontius* ab eodem viscere fermentum acidum inspirari docet, ac *Sylvius* humiditati salivali & alimentorum reliquiis munus hoc confert.

*Fermente- sci-
bilia non fa-
cile digerun-
tur.*

Ast fermentationi chylicatoriae præprimis duo obstant, sc. quod, quæ valde fermentescibilia, chylo laudabili constituendo vix adeo apta observentur, minus autem fermentescibilia in chylum commode abeant. Prioris exempla quod concernit, probabile equidem per hypothesein hanc foret, illa alimenta, quæ fermentationem facile subeunt, quam citissime etiam digeri, & in laudabilem chylum converti: testatur nihilominus experientia, fructus horarios, mustum similiaque, ad fermentescendum maxime prona, non tantum præ aliis non citius digeri, sed, liberius paulo assumpta, ructus, anxietates, tormina similiaque symptomata & crudita-

*Non fermente-
scibilia in Chy-
lum abeunt.*

tum phænomena movere. Posterioris vero asserti testimonia præbent itidem pingvia, carnes morticinæ putrescentes & ossa, minus fermentescibilia, in chylum nihilominus abeuntia: quo etiam spectant panis probe fermentatus, qui eupeptus maxime observatur, & pecora a capite mortuo frumenti, vel pro aqua ardente vel cerevisia paranda, fermentati & ad ulteriorem fermentationem inepti, pingvescunt, item sues ex stercoribus aliorum animalium. Imo, quod aliquoties tentavi, alimenta cujuscunque generis digesta, ex animalium vivorum ventriculis protracta ac destillationi convenienti commissa, ne tantillum spiritus sulphurei fundunt. Plura huc facientia argumenta a *Schoockio* & *Mabio* recensita, lubens mitto, cum hæc sufficienter probent, fermentationem aut nullam in ventriculo contingere, aut, si qua est, nequaquam concipiendam vulgarem & translatitiam sed forsitan plane aliam & sui generis, ac abusive magis sic dictam: præprimis cum ipse ille fermentorum ac fermentationum Patronus summus, *Helmontius*, *Spirit. Vitæ* §. 8. hoc innuat, per fermentationem ventriculi ex alimentis non extrahi aquam vitæ, sed aliud longe in nobis esse fermentum, quo res in chylum resolvantur.

*Semidigesta
nullum spiri-
tum fundunt.*

Quod autem bina argumenta pro fermentatione ventriculi superius indigitata concernit, scilicet quod calor & coctio operis hujus non sint adequatum organum, fermentatio contra in rebus solvendis & immutandis multum valeat: neque singula, neque ambo connexionem logicam gaudent, quatenus alia forsitan agendi ratio naturalis restare potest, v.g. solutio

olutio, huic functioni animali magis congrua. Neque, dum alii addunt, PROGTMN. quod videlicet alimenta intra animalium ventriculos odores & sapores X. suos mutant, saliva vim fermentantem habeat, & alimenta rarefiant, sufficiente pondere gaudent: cum a putrefactione & contactu quoque menstruorum solvenda qualitates illas patibiles perdant, saliva etiam ut ut insipida, vim solvendi possideat, ac per extractionem quoque & separationem particularum solubilium massa rarefcat seu majores poros acquirat, neque omnis coctio & fermentatio in chylicatione excludatur, quamvis primaria hujus instrumenta minime existant.

Alia E. ratione Chylicationis negotium erit explicandum nimirum *Chylicatione non fit per im-* hujus formalitatem non transmutatione quadam absolvi, sed consistere *mutationem, sed extrac-* illam primario & immediate in liquoris ventriculi seu menstrui digestorii *nem.* cum particulis alimentorum laudabilium seu congruorum combinatione seu educatione, quod extractum, a facibus liberatum, chylus, seu chymus potius, dicitur.

Reperitur nempe in quorumcunque animalium ventriculis semper *Fluidum con-* fluidum quoddam, simplex & sincerum magis in illis, quæ aliqualem *trictis.* inediam passi, turbidum vero crassius & heterogeneum magis, si victu quoditiano ac frequenti fruatur animal. In animali vivente instar aquæ limpidissimæ hoc cernitur, & fluidum satis, sub diversa tamen quantitate; in demortuis, vel etiam vivis quibusdam, lentum & tenax magis, utpote in quibus propter caloris defectum concrefcit, aut quacunque de causa viscidius existit; hinc in nausea & vomitu jejunantium limpidus profluit humor, qui tamen mox congelatur. Est, uno verbo, illa ventriculi humiditas, quam excrementitiam veteres credebant; ast male, cum limpidissima, purissima & fero laudabili similis sit, ac alimentis commisceatur, ejus autem glutinositas præternaturalis existat. Scaturiginem illius non ex liene petere convenit, eo quod viæ aliene ad ventriculum deficiant, & extirpato viscere hoc animalia nihilominus chylicent; neque immediate ab arteriis, quia hæ organis secretoriis destituuntur, adeoque ad secretionem lymphæ minus aptæ sunt. Duplicem potius laticis *Saliva ordin-* hujus fontem reor, glandulas nempe salivales, & glandulas ventriculi. *rie ad ventri-* Quoad illas, quamvis, per pravam forsitan consuetudinem, multum fa- *culum descen-* livæ sputi nomine rejiciamus, plus tamen ejus, vel alimentis commix- *dit.* tum, vel sine his, ad ventriculum, ne quidem nobis de hoc cogitantibus. v. g. somni tempore, dimittitur, imo omnis saliva in brutis per gulam degluti videtur, utpote nihil plane sputando excernentibus: unde eam *Saliva non est* excernentium.

PROGTMN. haud excrementitiā esse, probabile sit, alias enim oneri foret primæ
 X. digestionis organo. Et quemadmodum in pennatis granivoris præter
 glandulas salivales, os irrigantes, ingluviēs & echinus, ventriculo vero
 præfixi, humiditatem salivæ æmulam faciunt & huic infundunt, ita
 salivalem humiditatem in non pennatis ventriculo infusam hujus acti-
 vitatem juvare videtur; utpote quæ mox inter masticandum alimenta
 notabiliter immutat. Glandulæ ventriculi, sive tunicam hujus interiorem
 & peculiarem constituent, quam alii villosam; alii glandulosam appel-
 lant, sive, ut *Wopfero de cicut. aquat.* placet, tunicæ ejusdem nervæ
 insculptæ seu intertextæ sint, per infinita sua vascula excretoria lympham
 eructant, circa orificium imprimis superius collocatæ ac majores, & a
Cornelio & Pechlino præ reliquis annotatæ: quibus in pennatis, carnoso
 cartilagineo ventriculo gaudentibus, succenturiantur glandulæ eminen-
 tiores & magis conspicuæ, Echini seu secundi horum ventriculi superficie
 interiori annexæ, quas extra ventriculum verum & in vestibulo quasi col-
 locari necesse erat, ne ab attritu lapillorum ac arenularum lacerentur; imo
 alimenta ex tertio ventriculo ad hunc interdum repelli, si forsitan ille his ni-
 mis onustus, aut hæc minus adhuc macerata fuerint, vero vix ab simile est.

*Humor ven-
 triculi non est
 acidus.
 Est lymphæ seu
 serum.*

Hoc ventriculi fluidum haud acidum existere, sensus probat, probavi
 etiam superius: neque occultum in eo acidum fingere convenit, cum sine
 hoc, & per particularum suarum salinarum motum vitalem ac intestinum
 idem, imo plus, præstare queat, quam menstrua corrosiva quævis. Brevi-
 ter est illa ipsa lymphæ, quæ cum sanguine per corpus fluctuans in glandulis
 determinatis passim separatur, adeoque a salivalibus & stomachicis quoque
 glandulis ventriculo infunditur. Quemadmodum E. lymphæ nullibi, sive
 in vasis sanguineis, sive lymphaticis, acida, sed aquea & saporis leviter
 falsi, in statu naturali, degustatur, ita nec humor ventriculi, ejus aliqua
 portio decidua, mox tamen sub chyli specie eidem remiscenda, acoris, sed
 dilutæ saltem fædædinis, particeps erit, qualem mecum observarunt omnes,
 experimentis hujus rei causa adornatis adstantes.

*Humor ven-
 triculi quo-
 modo chyli-
 ficet;*

Hoc serum, dum aquositate, particulis salinis & motu vitali in as-
 sumta agit, horum substantiam lactescentem & mucilaginosam imbibit si-
 bique adaptat: quæ prout in hoc vel illo vegetabili & animalium parte plus
 minus abundat, ita eorum unum præ altero euchymum magis dicitur. Et
 Chylificatio non, juxta *Helmontium*, species transmutationis rei in rem est,
 cum vix ullum alimenti genus totum in chylum facessat, dum vitello quo-
 que forbili ac lacti, suctione ex nutriticis mammis hausto, sua crassamenta,
 chylo

*Per extra-
 ctionem.*

chylo foetus haud proportionata, sed in scybala abeuntia, manent; i. e. PROGTMN. cujuscunque tantum alimenti particulæ determinatæ & menstruo huic an- X. mali appropriatæ ipsi connubunt, ac sub fluore adæquato massæ sanguineæ & toti corpori advehuntur, hujusque partium poris incuneantur, donec his præcipitatis aut per filtrationem quandam sub nutritione secretis inane denuo evadat menstruum pristinamque officinam ac nova ingesta petat, hinc satis emphatice ab *Hippocrate* vehiculum nutrimenti vocetur. Quod si tamen transmutationis termino quis delectetur, ideo quod ipsæ hæ ingestorum alibiles particulæ a reliquis *heterogeneitatibus*, separatae & quasi avulsæ totius concreti texturam, hinc qualitates, deponant, & sub emulsionis lactescentis specie chylum forment, illi litem vix movebo, præprimis cum characterem etiam vitalem ab ipsa hac lymphâ stomachali recipiant eadem: eo ipso tamen, dum non totum vegetabile v. g. sed hujus quadam tantum moleculæ magis homogeneæ, tale quid patiuntur, solutionis seu extractionis terminus forsan formalitatem hujus operis exhaust. Quo jure proin solvens hoc vitale menstruum universale dicitur, ideo, quod in edulia omnis aut diversi generis agit: eodem particularis solventis titulum merebitur, quatenus non omnes omnium alimentorum partes, sed determinatas & suæ texturæ congruas tantum, corpori vero alendo adæquatas, imbibit sibi que adaptat.

Quæ tamen solutio seu extractio ut commodius fiat, concurrit primo *Concurrunt ad chylificationem fermentationem* interdum aliqualis fermentatio, in non fermentatis, ad fermentescendum tamen aptis, ita quidem, ut ex his facilius in chylum abeant fermentata præcrudioribus: non quidem per se, sed quatenus fermentatione res extrahenda disponitur & compages ejus adeo laxatur, ut ad dimittendas particulas menstruo supervenienti appropriatas, apta evadat. Quamvis enim superius non sine ratione negatum fuerit, fermentationem Chylificationis vim exhaust, item, omnia, quæ chylum suppeditant, fermentescibilia esse: illam tamen omnimode & in omnibus assumptis excludere haud convenit, quatenus ejusmodi fermentescendi potentia vel ipsis alimentis inest, vel ab humiditate salivali, humore ventriculi & reliquiis alimentorum pristinorum excitatur aut plus minus juvatur. Deinde calor quoque ventriculi & adjacentium viscerum *it. Calor,* semper multum præstat, tam, lympham ventriculi actuando, ejusque fluorem conservando, sine quo alias lentesceret hæc & inspirassetur, ita quidem ut actu calida hac ratione ventriculi digestionem valde proficua deprehendantur: quam fermentationem, si qua subest, promovendo. Denique nec *ac motus Ventriculi.* sine attritione seu pistura hæc contingere, *Erasfrato* largior, dum ventricu-

PROGYMN.
X.

Ius, non tantum per tunicam suam carneam modo confringitur, modo laxatur, sed ab abdominis musculorum & diaphragmatis motibus reciprocis per intervalla comprimitur, hocque motu pressive escam miscet, exagitat, uno verbo lymphæ suæ activitati adminiculo est.

*Chylificationis
duratio.*

Tempus chylificationis, i. e. quantum hujus natura impendat, nonnulli. v. g. *Kyperus*, determinare conantur per famem denuo supervenientem, quasi non citius novus contingeret appetitus, nisi pristinis alimentis omnimode in chylum redactis, cum tamen avide satis adhuc escam appetamus, licet ejus notabilem quantitatem jamdum assumpserimus. Dicendum potius, variare hæc primo ratione assumptorum substantiæ solidioris aut mollioris, quantitatis majoris minorisve ac præparationis præcedentiæ diversæ: quatenus juscula, pulles & ova forbilia panis, hic carnibus, & hæc ossibus, citius digerunt, frugalis pastus largiore facilius consumitur, ac cocta præ erudioribus, probe masticata præ integre devoratis, chylum promptius dimittunt. Secundo variat chylificationis tempus pro diversitate comedentium, sive hæc sit specialis, sive si individualis.

Ratione quippe prioris lupus & canis citius digerunt, & *Cornel. Consens.* in involueris amphibia, ventre angvillæ, partem anteriorem attritam valde & digestam, posticam adhuc vivam & extra fauces prædonis hujus propendentem vidit. Spectat huc ætas, temperamentum, vitæ genus, simileve circumstantiæ, dum puerorum ventriculos activos magis seniorum, studiis vacantium præ operariorum & agrestium torpidiores ac segniores &c. experientia testatur. Quoad individualem vero prærogativam, eam pariter quotidie observamus, refertque *Riolanus*, in *exam. epist.* *Wal.* de Polemarcho Bironio patre, eum, postquam in prandio largius epulatus, ipsique post bihorium bombardæ majoris ictu caput avulsum fuerat, vacuum ostendisse ventriculum. Ita ut probabile videatur, pro humoris digestivi affluxu & activitate varia ejus quoque effectum seu chylificationem citius aut tardius absolvi, non habita semper ratione famis supervenientis aut non supervenientis. In genere tamen & ut plurimum chylificatio intra sex vel septem absolvitur horas: citius quidem in vigilantibus, quam dormientibus.

*Etiā intesti-
na chylificant.*

Nolit tamen sibi quis persuadere, solum ventriculum huic muneri vocare, prout a plerisque hactenus factum, sed chylificationem in ventriculo inchoatam in intestinis continuari atque absovi: quatenus ratione non minus substantiæ solidæ seu tunicarum, quam fluidæ seu lymphæ adfluen-

adfluentis, hæc ventriculis revera continuatus existunt. Nec improba-
bile tamen est, aliquid forsan chyli ultimam perfectionem intra ventri-
culum sine intestinis recipere, quatenus quædam assumptorum particule
ita se habent, ut præ reliquis illius lymphæ promptius connubant, adeo-
que ulteriore digestionem vix indigeant. Potissimum vero illorum, post
macerationem ac digestionem stomachalem, in intestinis demum ultimam
manum experitur, dum præter eosdem aut similes humores lymphatis-
cos, quos glandulæ intestinales, a *Pecblino* ac *Peyero* observatæ, & pan-
creas subministrant, bilis affluxum ac commiscelam intra hæc sustinent.
Imo cum propter perpetuas ventriculi contractiones fieri nequeat, quin
cum digestis aliquid crudorum, fluidorum præprimis, alimentorum si-
mul pylori angustias elabatur, ac in quarto demum ruminantium ven-
triculo chylus purior & perfectior observetur, utique nec statim tota
assumptorum massa in ventriculo non ruminantium perfecte digeretur.

Ast mox nova emergit quæstio: in quonam hæc chyli perfectio aut
evolutio ultima consistat? *Helmonius*, chylum acidum, a fermento ven-
triculi acido productum, supponens, hujus acorem a bilis alcali intra
intestina præcipitari & cum falsedine naturæ nostræ magis amicabili com-
mutari putat: quasi sc. ambo concurrentes primo se invicem magis fun-
dant & attenuent, sal bilis falsum chyli acidum penetret, effervescen-
tiam blandam excitent, atque tertium, sal scilicet acido-falsum, volatile
tamen, fiant. *Sylvius* cum acido Pancreas humore idem fluidum bi-
liosum efferverescere, sicque chylum ab alvinis facibus liberare ac præci-
pitare, pituitam vero intestinalem dissolvere, ait. *Helmontio* vero
obstat ⁽¹⁾ quod chylus ventriculi non sit acidus, ut superius demonstra-
tum; nec ⁽²⁾ bilis cum quovis acido adeo facile, prout communis tradi-
tio fert, effervescat. Tentavi hoc variis modis, bili affundendo spiri-
tum Vitrioli, Nitri, Salis: cogeantur equidem mixturæ hæ in offam ^{Bilis cum aci-}
diversi coloris & consistentiæ, absque omni tamen ebullitionis nota. ^{dis non effe-}
Neque etiam coagulum ejusmodi acida semper præstant, dum recordor,
bilem caninam cum spiritu salis mixtam viriditatem gramineam con-
traxisse, absque notabili sui turbatione aut præcipitatione: cum idem spi-
ritus salis fel bubulum in offam vitellinam coagularet. Multo minus
⁽³⁾ chylus a bile præcipitatur, ut quemlibet, mechanica docebit. Syl-
vio regeo, quod succus pancreaticus non sit acidus, ut inferius con-
stabit, nec bilis cum acidis ebulliat, nec cum succo pancreatico effe-
vescat, quemadmodum pariter mox probabo. ^{Abile Chylus non præcipita-}

PROGTMN.
X.

*Bilis chylum
attenuat.*

*Eumque san-
guini combi-
nat.*

Hinc *Nemesii* potius, bilem coctionem ingestorum juvare, docentis, doctrinam restaurare conveniet: Sc. crudiores ac crassiores chylum, qui massæ sanguineæ nondum adhuc commiscibilis est, bilis, quæ ideo flos sanguinis quibusdam dicitur, intra intestina attenuat seu hujus visciditatem dissolvit, ut illi magis congruus humor evadat. i. e. Chylus crudus sine bile mediatrice sanguini non adeo prompte commiscetur, hinc cruditates in hoc producit, ita ut a defectu aut inertia bilis cachexia & hydrops, unde in cadaveribus, affectibus his defunctorum, bilis aut parca aut viscidior & glutinosa valde reperitur: & bilis quasi vinculum intermedium est, quod sanguinis massam & chylum recentem intimius combinat, pari circiter ratione ac vitellum ovorum resina & olea destillata aqueis liquoribus apaqat.

*Bilis appeti-
tum ac dige-
stionem jubat.*

Hunc bilis usum insuper probabilem reddit (1) quod præter bilem epaticam, quæ continuo magis fluxu ad intestina fertur, cum chylo vesicaria quoque bilis confluat: (2) quod animalia, quo voraciora, hinc quo fervidius digerunt, ductus cholodochos ventriculo implantatos gerant; quale quid in lupis frequentius observari asserunt, & remex ille Vesalii testatur cujus ventriculo bilis inspirabatur, quique voracissimus erat, nec nauseæ in maris procellis, obnoxius sed robustissimi ventriculi existeret.

*Succus pan-
creaticus non
est acidus.*

Quoniam nihilominus præter bilem duo adhuc latentes, succus nimirum pancreaticus & lymphæ glandularum intestinalium, ad intestina confluunt, horumque contentis associantur, eorum quoque ad chylum habitudo ac usus erit investigandus. Ubi ratione prioris hujus aciditas, a *Sylvio, Graefio, Syvalvio & Schuyl* adeo canonisata, aliis multis suspecta videtur, nec sine ratione, hinc nec ejus cum bile effervescentia & sub hac contingens fœcum a chylo præcipitatio, mox approbanda erit. Sæpius & in varii generis subjectis sensuale hujus succi institui examen, & ut ut eum limpidum & a reliquis heterogeneitatibus immunem continuo satis & plenior profluvio ex ductu pancreatico ad intestinum vivi animalis apertum emanare viderim, nunquam tamen vel minimum acoris degustare potui, nec potuerunt alii adstantes, sed omnes hi mecum semper insipidum potius, vel, levissime falsum ad modum lymphæ ventriculi, testati fuerunt: Imo metuendum, si succus pancreaticus acidus foret, ne-chylum, lacti analogum in serum & cleosam substantiam præcipitet. Unde concludo, illam succi pancreatici aciditatem, quam hætenus supposuerunt, esse nullam, cum nec ipsam, nec effectum ejus, de-

pre-

prehendere liceat: Sed falsum potius, instar lymphæ seu seri sanguinei, PROGTMN.
illum pronunciare convenit. X.

Quando enim Graëf in canibus limpham hanc pancreaticam secundum naturam falsam, propter alimentorum genus solidius atque durius, ossa sc. ab aciditate sola haud dissolubilia, concedit, neutiquam tamen hanc falsedinem effervescentiam intestinalempedire aut tollere, ac his non obstantibus in homine pluribusque animalibus, alio victu utentibus, aco-rem reperiri, affirmat: ejus asserto primo obstat functionum animalium horumque instrumentorum, in distinctis etiam animantium speciebus conformitas, per quam fluida, quæ eundem usum præstant, ejusdem texturæ esse hincque emanantes potentias & qualitates easdem præ se ferre probabile fit, perinde ac ex membris solidis idem ventriculus in cane æque ac homine chylicat, cor in utroque & aliis pulsat, renes urinam secernunt &c. & quidem per eandem sui in cunctis his conformationem & rationem. Quare nec ratione usus & agendi principii atque modi succi pancreatici in cane & homine ulla concipi potest disparitas, & quicquid ille in cane per falsedinem præstat, in homine quoque per eandem præstabit.

Quod deinde a fine petit Graëf, argumentum, & quidem extra corpus canis existente, nempe a victus genere, non adeo philosophicum est, cum veros rerum fines ignoremus. Imo quod indigitatus nullus sit, exinde inferre licet, quod (1) non omnes canes ossibus alantur, nec (2) sola ossa, sed carnes quoque, panem &c. devorent; gaudeant nihilominus omnes succo pancreatico non acido, sed falso. Præterea nec ratio suppetit, cur solvendis alimentis durioribus, sc. ossibus, menstruum falsum præ acido appropriatum magis sit? nec quomodo succi pancreatici quæcunque salina potentia ventriculi actionem possit juvare? cum antequam ingesta ad intestinum devolvantur & humiditatis pancreaticæ contactum experiantur, jamdum in ventriculo dissoluta & subacta reperiantur.

Neque Schyllii experimentum, quod in *Tr. pro Veter. Medicina* describit, mihi, quamvis secundum omnes ab Autore commendatas circumstantias operanti, successit. Ligavi pylorum, intestinum jejunum sub insertionem ductus cholodochi & pancreatici filo constrinxi, nihil vero illorum quæ ille se vidisse, ait, aut aliorum effervescentiæ ac præcipitationis signorum, observabam, bilioso tantum humore (ratione caloris) repletum deprehendi intestinum, haud tamen adeo amaricante,

*Nec cum bile
intra intesti-
num ebullit.*

PROGTMN.

X.

Succus pancreaticus Chylum diluit.

Suspicio E. potius succum hunc tam chyli, quam bilis, gratia ad intestinum derivari: Chyli nempe, ut hujus substantiam, alimentorum crassamentis adhuc involutam, diluat ac fluidiorem reddat, id est, chylosam substantiam ab assumptis in ventriculo fere tantum maceratis imbibat & ad fluiditatem & traductionem per lacteorum canaliculos disponat. Ex superioribus equidem suppono, aliquid alimentorum in ipso statim ventriculo speciem chyli induere, parum tamen ejus a cruditatibus separabile esse: quæ E. in ventriculo per macerationem digestoriam chylum mutabantur, in intestinis, per copiosius affusum menstruum educuntur & separantur i. e. dilutum chylosum cum succo pancreatico formant. Hinc etiam in intestinalitubo, supra ductus pancreatici insertionem vasa lactea aut nulla, aut rariora sunt: utpote quibus chylus excipiendis nondum omnimode accommodatus existit.

Ac bilem temperat.

Ast bilis insuper gratia laticem illum adduci, inde probabile fit, quod continuo rivo, deficiente quoque chylo influat, item, quod ductus pancreaticus in homine, item felle, carpine, anguilla & plerisque animalibus cum ductu cholodochi eodem insertionis ostio gaudeat, aut non longe sub biliario pancreaticus canalis implantetur, v. g. in lepore, cane, bove, &c. aut biliario ipso se insinuet duobus digitis transversis ante hujus ad intestinum hiatus v. g. in ove: adeoque bilem non, nisi latice suo dilutam ac temperatam dimittat. Videtur E. pariter hanc magis diluere, ejusque activitatem concentratam discontinuare, quo chylo penitus commisceatur.

Lympha glandularum intestinalium usus obscurus.

Lympha glandularum intestinalium quid præstet, ambigo, quippe chylificationi, chylive perfectioni eandem ministrari, inde dubium fit, quod major earum proventus intestini ilei inferiore parte ac crassis reperiatur, pauciores in jejunio, ex quo nihilominus & ilei superiore parte potissimam Chyli portionem lactea abripere, palam est. Neque video, quid fœcibus præstent, nisi ut molliorem forsan & fluiditatem earum conservent: Naturam vero adeo luxuriosam & prodigam, ut serum laudabile excrementis vehiculo mancipet, asserere vix audeo, potius ignorantiam meam profiteor.

Chylus quid?

Constat interim ex antecedaneis, chylum nihil aliud esse, quam particulas alimentorum lactescentes & gelatinosas ab humiditate ventriculi & intestinorum solutas, evolutas huicque ita combinatas, ut homogeneous equidem fluidum videantur constituere, tale tamen, quod ex globulis diaphanis per liquorem crystallinum agitatæ microscopio armatis oculis compareat. Proinde lympa non sine ratione egregium non tantum nutrimenti vehiculum, sed corporis perpetuum menstruum audit, quod alibiles assum-

assumptorum partes imbibat, illisque sub nutritionis circuitu depositis, & PROGTMN. colatura quasi separatis, ad novas denuo recens ingestorum excipiendas X. aptum evadat, id est, vires solventes nunquam perdat.

De colore chyli adhuc disputari solet, an semper lacteus is sit, aut an. *Color chyli* non potius assumptorum tincturam interdum præ se ferat? Distinctione tamen inter Chylum ac Chymum supposita, negari haud valet, cum in-chymo variare & assumptorum disparitati respondere, hinc fœces quoque alvi tincturam illorum pariter aliquantum ostendere; & jumenta, oves &c. a gramine, quibus vescuntur, chymum & stercora viridia habent, in homi-ne vero, nisi assumpta enormius tingant, is ut plurimum cinereus observa-tur. Chylus tamen perfectior & a crassamentis ac fœculentiis liberatus *Semper albus.* semper albicans conspicitur intra vasa lactea: perinde ac tincturæ vegeta-bilium turbidæ ac crassæ post filtrationem demum aut similem separandi ra-tionem diaphaneitatem congruam recipiunt. Mirantur plerique & solli-cite satis inquirunt, cur nihilominus chylus hic ex quibusvis, v. g. viridibus, esculentis productus uniformis semper & lacteus compareat? Suntque v. g. *Willisus*, qui sulphur & sal alimentorum volatile acido ventriculi combi-nata tale quid præstare, augurantur, pari modo ac v. g. spiritus Cornu cervi, *Vnde hæc al-bedo?* aut solutio sulphuris cum lixivio parata & extracta vegetabilium resinosa, ab acido affuso lactescerent. Quos nihilominus erroris arguere licet exin-de, quod pharmaceuticæ hæc lactescentiæ præcipitationum quædam inchoa-menta sint, & complementa sua mox pedissequa habeant, dum post subsi-dentiam, mox albedinem lacteam deponunt fluida hæc, crassamentis ad fundum secedentibus: quale quid in chylo seu chylificationem haud con-tingit, sed ille candorem suum per vasa lactea ad ductum usque thoracicum fartum testum conservat. Imo eo ipso dum acoris ventriculi existentia su-specta sit, ac sulphur atque sal non omnibus æque alimentis sub eadem pro-portionem insunt: nec ex horum connubio perpetuum ejusmodi phænomenon derivari valet. Verosimilius est, eo ipso dum menstruum digettivum *Est a substan-tia alimento-rum oleosa, aquea, com-mixta.* mucilaginosæ & oleosæ vegetabilium ac animalium substantia, tanquam alibi, imprægnatur, hanc semper eandem lymphæ pellucidatem aqueam in lacteam albedinem commutare, donec illa deposita pristinam diaphaneita-tem recuperet solvens.

CHYLI DEPVRATIONE ET
MOTV PER INTESTINA*Secretio chyli
a facibus.*

PRæter perfectionem illam, qua chylum intra intestina exaltari dixi, patitur etiam secessus feculentiarum a substantia sua laudabili, i. e. hæc diaphaneitatem demum chyli ultimam hic recipit, ratione cujus phænomeni illa quibusdam chylum expolire dicuntur.

Juxta Helmontium & Sylvium per præcipitationem contingit.

Ætiologiam hujus secessus Helmontius per modum præcipitationis fieri contendit, quando passim, v. g. *de Sextupl. digest.* chylum acidum a fermento fellis intra duodenum salsum fieri & a stercore sequestrari, ait: Cui *Sylvius* ad stipulandi videtur, ejusdem bilis cum succo pancreatico confluctui separationem hanc in acceptis referens.

Helmontii hypothesis.

Sc. *Helmontius*, animadvertens, chylum sanguini & cordi infundi haud posse, nisi acorem, in stomacho conceptum & reliquis partibus extra hunc omnibus hostilem, exuat, ac a ciborum partibus in stomacho non sufficienter subactis & ad chyli diaphani pulchritudinem minus evectis, purgetur: salis saporem, illum in intestino mox induere, i. e. sal ejus acidum in salsum a bilis contractu immutari, hanc vero simul saliendo chymum pro cruore separare, & inde stercus subtrahere, docet, quod ad crassiora intestina perductum a fermento quodam stercoreo perficeretur.

Sylvii opinio.

Sylvius vero supponens, fluidiores seu chylosas alimentorum partes per fermentationem aliqualem eousque disponi, ut a viscidioribus magisque consistentibus seu facibus alvinis secedant: quia tamen secretio illarum omnimoda sola fermentatione obtineri nequeat, præcipitatione opus esse ait, hoc est tale quid ut affundatur, cui ob majorem affinitatem jungantur illorum partes alterutræ, relictis cæteris. Porro cum bilem & succum pancreaticum cum ventriculi contentis ad intestina amandari observaret, illos mutuo equidem effervesce, bilem nihilominus ratione salis sui lixiviosi fermentatorum alimentorum visciditatem eousque immutare ac frangere suspicatur, ut partes eorum chylosæ a cæteris promptius secedant, a succo pancreatico ulterius diluendæ & per spongiosam intestinorum tunicam ad lacteorum radices capilares colandæ, relictis cum substantia bilis crassiore facibus in intestinis.

Verum vix opus videtur ejusmodi prolixitate, modo ex antecedentibus PROGYN.
 repetamus lympham ventriculi digesticem, non in cunctas, sed deter- XI.
 minatas tantum esculentorum particulas agere & solutis ac derasis his ^{Separatur chy-}
 combinatam manere: Sic enim transcolatio huic muneri secretorio satis ^{lus a fecibus}
 adæquata, neque indigebit chylus, a reliqua assumptorum massa jamdum ^{per transcola-}
 separatus & huic saltem confusaneus, alia sequestratione; pari modo ac ^{tionem solam.}
 extractis pharmaceuticis sola aut subsidentia & decantatio seu filtratio suffi-
 cit, præcipitatio vero eorum texturam evertit. Colaturæ siquidem hujus
 ope fluidum chylosum ad vasa lactea secedit, relictis crassamentis ac fœ-
 culentis spissioribus ad anum usque ablegandis ac præcipitandis. *Sylvio*
 equidem in hoc condescendo, quod bilis, sive ratione salis sui lixiviosi,
 sive ratione totius suæ & peculiaris ^{Texturæ} visciditatem chyli egregie cor-
 rigit ac dissolvat, prout ex *antecedente progymnasmate* suppono: vix ta-
 men separationi ejus a fœcibus hoc modo ministratur, cum fluido ventri-
 culi, quod particulas alibiles imbibit, nulla cum reliquis cruditatibus inter-
 cedat connexio, solvenda. Præterea concedo etiam, succum pancreati-
 cum chylum diluere & fluxilem magis reddere: effervescentiam vero hu-
 jus & bilis, bilis & chyli, acidi cremoris in falsum transmutationem ac ex-
 crementorum a chylo præcipitationem, invito *Helmontio* ac *Sylvio*, omni-
 mode nego, per illa, quæ *Progymn. allegatum* suppeditat, argumenta.

Recordor, pro præcipitatione & secretionem hac biliaria confirmanda
 ad pathologica provocari experimenta, nimirum in lienteria, quam alii cœ-
 liacam passionem vocant, ab ictero producta fœces chylosas excerni, i. e.
 chylum his commixtum manere: quatenus bilis per obstructum ductum
 cysticum & cholodochum ad intestinum defluere & hujus contentis affundi
 nequeat. Verum, quamvis observationi fidem derogare nequeam, quo-
 tidiana fere convictus experientia; minime tamen hoc illud consequentiæ
 inde elicere possum, quod urgent. Prodeunt siquidem excrementa chylosa,
 quia chylus osculorum lacteorum capillamenta penetrare nequit, excludi-
 tur vero his per visciditatem a bile non solutam aut correctam.

Sine bilis siquidem aſtivate chylum commodè ſecedere vix poſſe, ſe- ^{Sine bile nulla}
 quens docere poterit experimentum. Nempe Chylificationis tempore ^{fit chyli & fœ-}
 Intestinum jejunum ligetur, ligato etiam ſeorſim ductu pancreatico, & huic ^{cum ſecretio.}
 inexiſtens maſſa granula aut potius guttulas vel punctula albicantia infinita
 & a reliqua ſui ſubſtantia coloris obſcurioris, ſeparata huicque quaſi inter-
 texta oſtendet; cum ventriculi ac duodeni, contentum uniforme & ho-
 mogeneum magis comparæt.

PROGTMN.

XI.

*Fæces albi non
prima tantum
coctionis re-
crementa
sunt.*

Quid Chylus sit, itidem ex superioribus innotescit, Fœcum autem alvinarum nomine venit omne illud, quod illo sequestrato ad crassa intestina fertur: ita tamen ut primæ huic coctionis recremento aliquid secundæ ac tertiæ quoque accedere videatur. Nam primo in diarrhæis similibusque alvi fluoribus sudor & urina, tanquam secundæ ac tertiæ corporis regionis excrementa, supprimuntur, his vero denuo adæquate erumpentibus fluxus abdominis cessat; Deinde per evacuationes criticas & pharmaco adornatas humores ex habitu corporis & genere vasorum per alvum educuntur.

*Non datur fer-
mentum ster-
corum.*

Helmontius circa fœcum productionem in nuda præcipitatione aut secretionem haud acquiescit, sed de *sexupl. digest.* ac de *flarib.* fermentum quoddam stercorem & corruptivum illis insimul decernit, intestino cæco proprium, eo quod illæ ex quibusvis assumptis eundem fœtorem contrahant, diversum tamen pro diversa animalium specie. Verum vix concipi potest, quomodo a natura, corruptionem nunquam intendente, corruptivum seu stercorificum fermentum expectari queat, & eo ipso, dum fœculentiæ hæ in tenuibus jamdum intestinis fœtent, antequam ad cæcum pertingant, & chylo laudabili dum adhuc intermixtæ sunt: non peculiare fermentandi & in stercora commutandi jus vel cæco, vel reliquis intestinis concedi potest, sed a ventriculo potius fracedinem hanc induere videntur, dum humiditate sua in ingesta agit, separatque inde separanda. Quemadmodum itaque hujus humoris, pro animalium diversitate specierum specificam indolem esse, ex diversitate illorum, quæ appetunt ac digerunt hæ præ illis, colligimus; sic eundem v. g. panem aliam fracedinem in canis aliam in hominis ventriculo, digestionem induere, probabile est, imo animalium diversæ speciei ventriculi, in ediam passi, si dissecantur, disparem graveolentiam exhalant.

*Fœtor fœcum
non contingit
a præcipita-
tione.*

Cadit E. & hac ratione ætiologia præcipitatoria, dum per eandem bilis alcalicæ in chylum acidum activitatem fœtorem intestinorum contentis conciliari, nonnulli suspicantur: pari circiter modo, ac lac sulphuris si cum aceto destillato præcipitetur. Scilicet, obstat huic fracedo ventriculi ingestis impressa, & acoris chyli falsum suppositum: quibus accedit, quod sulphura tantum simpliciora præcipitando adeo sensibilem fœtorem emittant, reliqua vero concreta & de sulphure aliquantulum saltem participantia minime; E, nec alimenta, utpote quæ haud tota sulphurea.

*Separatio chy-
li a fœcibus.*

Vt autem quæ separabilia, actu separentur, chylus fluidior ac purior, tanquam levior, intra intestina, fœculentiis crassioribus ac ponderosioribus subsidentibus, sponte sua ad superficiem illarum fertur, & vasis chyli feris
ablor-

abforbendus sistitur: quatenus cum his per totum intestinorum, imprimis **PROGTMN,**
tenuium, tractum, peristaltico & lento horum motu, protruditur. Atque **XI.**
hinc fit, ut tenuium contenta molliora & fluxilia magis, crassorum com-
pactiora & solidiora conspiciantur, illic chylo diluta, hic eodem destituta:
Quam contentorum diversam consistentiam quoque distinctionis intesti-
norum fundamentum puto. Non enim ratione substantiæ, vel, ut *Riola-* *Cur intestino-*
nus ait, ratione tunicarum tenuiorum vel crassiorum, in tenuia & crassa *rum alia cras-*
poterant dividi, sic enim duodenum cæco & colo crassius; nec ratione ca- *sa, alia tenuia*
pacitatis, utpote cujus intuitu idem cæcum tenuibus foret accensendum. *bocentur?*

Motum hunc intestina a tunica carnea habent, quam inter extimam & *Motus intesti-*
nerveam mediam cernimus, secus ac *Riolanus* docet, dum diversum mem- *norum est a*
branarum in ventriculo & intestinis situm pronunciat, & carnosam tui- *tunica carnea.*
cam, quæ ventriculum extrinsecus ambit, in intestinis internam & sub ner-
vea collocatam ait. Hæc ex duplici stratorum ordine contexta est, quo-
rum interior crassius satis & annularibus fibris gaudet, in mesenterii circum-
ferentiam, tanquam tendinem, abeuntibus, ita ut, dum convelluntur, il-
lud cum vasis lacteis sibi adducant hæcque chylo excipiendo quasi adaptent
exterior vero ex fibris rectis seu longitudinalibus contextus illi super-
sternitur, & eius filamenta ad angulos rectos secat: quam fibrarum se-
riem diversam & ad nerveam atque communem tuniam habitudinem
omnium optime cernere licet, si intestini portio in aceto per biduum ma-
ceretur, postmodumque infletur, sic enim fibræ sponte quasi sua a se invi-
cem recedunt.

Sc. dum fibræ tunicæ hujus transversæ seu circulares contrahuntur,
intestinorum arctatur profunditas seu latitudo, & quia eodem tempore
longitudinales abbreviantur, hæc longitudini illorum detrahendo spatium
hoc magis angustant. Quia vero hæc fibrarum utriusque seriei contractio-
nes seu abbreviationes non continuæ, nectantæ, sunt, ut contenta cuncta
simul ab una extremitate, ad alteram mediantibus illis propelli queant, (*Motus intesti-*
norum peri-
stat siquidem intestinorum longitudo & tortuosa complicatio, sine qua *stalticus.*
chyli distributio haud rite contingeret, sed chylus cum fœcibus mox pro-
flueret) sed interpolatæ sunt, i. e. successive & velut per subsultus, seriatim
tamen, sunt, non secus ac fidicen uno digito comprimit, alterum at-
tollit: hic intestinorum motus *Helmontio* successivus, vulgo, quamvis
Pecquetus eum se nuspiam in animalibus vivis deprehendisse, asserat, lum-
bricalis seu vermicularis audit, quod pariter ac vermis, flexuosis gyris per
totam sui longitudinem modo constringantur, modo dilatentur intestina,

PROGYMN.
XI.

& horum una pars quasi per cochleam explicatur, proxima constricta, nunc subsideat hæc, attollatur altera. Quæ partium alternans & reciproca dilatatio atque arctatio dum per totum intestini canalem se excipiunt, & æquabili ordine perpetuantur: eadem pars modo chylum ac fœces recipit, modo eadem dimittit, illo vasorum lacteorum excretoriorum orificiis oblato, his ad podicem ablegatis & per hunc excretis.

Valvule con-
nißentes hunc
motum ju-
vant.

Neque dubito de valvularum conniventium concursu, utpote quas non tantum totidem remoras suspicari convenit, chylum recipientes ac derinentes, sed, quia fibris transversalibus tunica carneæ continuæ, adeoque, si non motum proprium exercent, certe illarum motum sequuntur, sua constrictione chylum pariter superficiei intestinorum intrinsecæ propius adigunt, hinc per compressionem lacteis vasis impellant, quod spiralis valvulosa hujus texturæ tractus ac conformatio in lepore, vulpe marino & Struthio camelo &c. maxime evincit.

Non immerito tamen cum Pecqueto & Lowero dubitatur, an successiva hæc intestinorum corrugatio seu contractio chylo, in lacteas venas impellendo, immediate aliquid conferat, & annon potius ipsi aditum præcludat? quatenus intestinum quo contractius ratione capacitatis, eo strictior quoque & compactior ejus substantia, & per consequens hujus pori & excretorium canaliculorum ostiola eo arctius constipantur & comprimuntur. Ac rationi conformius videtur, tunc temporis cum in vasa admitti, quando aliqua intestini pars a motu & corrugatione remittit, proinde orificia illorum laxiora ac patentiora redduntur, hisque chylus a vicinæ partis systole & impulsu quasi incuneatur.

Item, com-
pressio abdo-
minis.

Nihilominus nec dilatatio illa, quam chylus deciduus præstat, a corrugati intestini provincia ad latiore delatus, nec impetus, illi ab angustiore impressus, sufficiunt ad poros & oscula vasorum, quibus ille intruditur, aperienda: Sed intestinorum compressio in auxilium recte ab eodem Pecqueto vocatur, quam præsertim inspiratio, musculorumque forsan abdominis tensio præstat. Nempe dum intestinorum hac ratione compressorum latera chylo propius accedunt, hujus aliqua portio intestini laxati & in diastole, constituti, spongiosæ tunica, hincque vasorum lacteorum osculis, impellitur, quæ a superveniente ejusdem fibrarum constrictione partim per eadem altius urgetur, partim ad idem intestinum relabitur: sicque motus peristalticus non tam chylo intra lactea suscipiendo, quam ab iisdem admissio ulterius cogendo ac promovendo inservit.

Chylo

Chylo autem separato & eliminato foccibus naturalis contingit con-
 sistencia, fluidior in tentibus, spissior in crassis: sub qua ad Rectum de-
 volvuntur, ac demum plane e corpore proferibuntur. Perficitur hæc
 excretio & alvi depositio duplici organo, uno intrinseco, altero extrinseco.
 Intrinsecum voco contracturam illam intestinorum successivam, de qua
 modo dictum, quatenus ab ordinaria illarum mole ad hanc provocan-
 tur atque irritantur. Ita ut non opus sit stimulum ab ile [hujusque acri-
 monia petere, eandemque ideo clysterem naturalem appellare: quate-
 nus quicquid hæc scybalis commodius eliminandi forsitan confert, illorum
 visciditatem corrigendo ac solvendo præstat. Neque bili ejusmodi acri-
 monia subest, per quam magis tunicam intestinorum nerveam, quam
 cystis suæ propriam, irritare queat: cum quamvis lingvæ degustantis,
 ratione amaroris, notabilem sui perceptionem imprimat, minime tamen
 ideo tali acrimonia vel ejusmodi particulis gaudeat, quæ tactus sensoria
 afficiant atque stimulent; præprimis cum focculentias intestinorum secun-
 dum naturam se habentes, nunquam acres & vellicantes, sed vel inspi-
 das, vel subdulces deprehendere liceat. Postquam vero motu illo ad
 intestinum rectum delatæ, podicis sphincterem, ratione fibrarum extre-
 marum ad interiora ejus reflexum, repletionem suam laceflunt ac distendunt,
 donec extrinsecus superveniat motor, Musculi nempe abdominis sub vo-
 luntatis Imperio contracti, qui comprimendo alvum hujusque conten-
 ta ad ostium idem magis patens, superiore per valvulam Coli constipa-
 to, urgeat atque excludunt.

PROGYMNA.
 XI.

*Facium excre-
 tio quo modo
 fiat?
 Bilis hand fi-
 mulat,*

PROGYMNASMA XII.

DE

CHYLI MOTV PER
 VASA.

Quamvis in *precedente Progymnasmate* vasa lactea canales illos sup-
 posuerim, quorum ductu ab intestinis chylus derivetur: de viis ni-
 hilominus seu cataractis, per quas in mare illud sanguinis rubrum can-
 didantes chyli fontes abeant, famosa inter Scriptores ventilatur contro-
 versia, an sex *Aselli* aliorumque mente chylus tantum per sola feratur
 vasa lactea, an per venas mesaraicas rubras, quæ Veterum, *Harvei &*

T 3

Bilfi

PROGTMN. *Bilſii* ſententia, an per utrumque genus vaſorum ſimul, prout *Deuſingius*,
XII. *Horneo* & *Syvamerdamius* demonſtrare promiſerunt?

*Chylus per ſa-
ſa lactea fer-
tur.*

Chylum per venas lacteas moveri, vix aliquo indiget testimonio ſeu argumento: cum tunc temporis demum illa vaſa ſplendeant, & conſpicua fiant, ubi digeſtione alimentorum in ventriculo facta hujus productum a prima corporis regione, ad ſecundam deportari, probabiliter ſatis ſuſpicari licet. Cui accedit, quod vaſa hæc ſilo conſtriſta intra ligaturam ac inteſtina intumeſcant: ac probe hæc preſſa liquorem lacteum in eadem revomant. Qui vero vel omnem chylum vel ejus tantum aliquam portionem per venas meſaraicas vulgares deferri ſibi perſuadent, duplici utuntur argumentorum genere, quorum altero lacteorum uſum chyliſerum evertere, altero meſaraicarum venarum autoritatem, a tot ſeculis conceſſam, firmare, conantur.

*Argumenta
contra lactea-
rum venarum
uſum.*

Prioris ſordinis argumentorum tria ſunt, quorum *primum*, quod annotante *Harveo de gener. animal.* ac *Cornelio conſent. progymnaſ. 6.* pen- natis cunctis vaſa lactea denegentur: *alterum*, quod in animalibus, quibus contingunt, tantæ exilitatis exiſtant, quæ allumptorum ac digeſto- rum molis minus proportionata, ac devehendo poſt ſingulos paſtus chy- lo, in voracibus præprimis, haud adæquata videtur. Accedit his *ter- tium*, quod color fluidi intra dicta vaſa lacteus chyli præſentiam minus infallibiliter evincat, dum *Bilſius* v. g. eadem non chylum, ſed rorem ferre, aſſerit, & *putatitia lactea vaſa in aquatica tranſmutat.* Colorem enim lacteum nullam ſpecificam differentiam inter liquorem, qui per vaſa, nobis dicta lactea, movetur, & rorem ipſius facere docet, illum- que ab hoc non magis diſſerre, ac cereviſia ſpumans, ſi paulatim de- ſpumando clara evaſerit ſpiritibus ſcil. rorem in ſpumam elevantibus, diſcuſſis; vel albedinem roris nihil aliud eſſe, quam antecedaneum li- quorem fluentis ſeu mobilis aquæ, cujuſmodi liquor, antecedaneus in deſtillatione aquæ aniſi, cinamomi &c obſervari ſoleret. Pariter *Syvam- merdam* & ejus fautores non niſi albicantem lympham eſſe, ex glandulis inteſtinorum emanantem & per arterias huc derivatum, quicquid in lacteis comparet.

*Argumenta
pro benis me-
ſaraicis.*

Secundæ classiſ argumenta ſunt, & quidem (1) quod *Harveus de genere animal. excret. 22. & 53.* ac *de Circul. Sangv. exercit. 1.* ſuppeditat, quoque animum ſuum ſuſpenſum tenere, *Steno de vitell. ad inteſtin. pulli tranſit.* fatetur, cum venæ umbilicales ab ovi liquoribus & fœtus hu- moribus ſuccum alibilem abſorbeant, ac ad nutriendum pullum ac em- bryonem

bryonem deferant, nihil prohibere, quin pari ratione venæ mesaraicæ PROGTMN.
 rubræ, cum umbilicalibus eandem venam portæ pro trunco agnoscentes XII.
 in foetu æque ac adulto idem officium in recipiendo ab intestinis &
 epati adducendo chylo præstare queant. (2) Si, prout ex eodem *Stenone*
 constat, venarum munus non tantum in hoc consistit, ut ab arteriis affu-
 sum sanguinem revehant, sed &, quicquid earum ostia subintrare valet,
 una cum sanguine cordi adferant; certe nec venis mesaraicis hoc dene-
 gandum; ab intestinis scilicet præter sanguinem chylum excipere: ita ut,
 quamvis illæ ad horum cavum non hient, sed in eorum tunicas termi-
 nentur, haud tamen concludere liceat, illas chylum arripere non posse;
 cum venæ intercostales, quæ intra substantiam pleuræ terminantur, pus
 & serum ex cavitate thoracis reducant. (3) Singularem harum venarum
 ramificationem seu arcuatam & multiplicem anastomosis peculiarem
 ipsis præ aliis venis usum decernere, i. e. ut præter arteriarum & reli-
 quarum venarum totius corporis contenta aliud quid complecti possint,
 chyli nempe aliquam portionem. Addo his a *Borello de Mot. animal.*
part. 2. propos. 199. productum argumentum, adeoque (4) erit, quod
 venarum mesaraicarum & Portæ trunci tanta sit amplitudo & circa duo-
 denum ac jejunum, undique radicans, tanta copia, quæ ter vel qua-
 ter arteriosi sanguinis fluxorem ad minimum superent.

Referendum huc (5) experimentum *Bilsi*, quo in cane vivo jubet
 arterias mesentericas ligare, abdomen iterum consuere & post aliquot
 horas rursus aperire; Sic enim arterias vacuas, venas autem succo quo-
 dam subobscuro & cineritio refertas deprehendi, quem cum ab arteriis
 ob injectum vinculum prodire nequeat, fateri necesse esset, per conti-
 nuatas venarum radices ab intestinis ascendere. Atque hunc quidem
 chylum esse, cujus cum sanguine affinitatem facillime evincere. Sicut
 enim hic, si non continuo fermento caloreque fluidus conservaretur,
 mox coagularetur, ita illum succum, ex venis mesaraicis extractum, aeri-
 que expositum, horæ spatio condensari.

Quæ cuncta & utriusque generis argumenta quamvis auctoribus *Respondetur*
 suis non adeo levis armaturæ visa fuerint: vix tamen pondere adæquato *ad argumenta.*
 in probando postulato gaudent. Quatenus primo cum *Th. Bartholino*
 equidem de *Vasis lact. contra Harv.* juramento asseverare nolo, in omni-
 bus animalibus, adeoque pennigeris etiam lactea vasa reperiri, sed *Cur pennata*
lacteis carent.
 atopia frequentiore convictus his eadem deesse, promptissime largior, hinc
 chylum in has, & in quavis forsitan oviparorum, animalium specie per
 venas

PROGTMN.
XII.

venas mesaraicas immediate magis sanguinis massæ suffundi: an secundum aliquos ideo quod lympham a glandulis conglomeratis uberius intra ventriculum ac intestina ille recipiat, ut lymphæ, quam mesentericæ & lumbarum glandulæ conglomeratæ subministrant, supersedere queat, hypothesis, inferius exponenda me dubitare jubet. Eo ipso autem dum volucres sub aliqua conditione, quæcunque demum illa fuerit, lacteis carent, phænomenon hoc ad reliqua animalia, quorum primis viis alia glandularum conglomeratarum & conglobatarum conformatio contigit, haud erit extendendum. Rationem equidem disparitatis hujus determinare, difficillimum, imo forsân impossibile: venarum nihilominus ad intestina aliam in alitibus habitudinem testatur experimentum, a *Brucanero* annotatum, sc. flatum anseris intestino ligato impulsam per venarum mesaricarum oscula ad venam portæ tendere, quod & mihi tentanti successisse testor, cum in lactiferis animalibus frustranei hi conatus sint, i. e. status intestino immixtus hujus venas non conscendat: adeoque alia prout venarum mesaraicarum rubrarum in avibus est conformatio, ita alius quoque ipsis concedendus erit usus.

Vasorum lacteorum apparatus chylo proportionatus est.

Nec secundo vasorum lacteorum minor & parcius apparatus ingestis ac digestis adeo disproportionatus videbitur, si (1) concipiamus, vix decimam imo forsân minorem, assumptorum partem in chylum facessere, neque (2) hunc confertim, sed lento satis motu, ex ventriculo & intestinis elutriari: Sic enim lacteorum exilitatem compensat parvitas non tantum chyli, quæ ex copiosioribus quoque esculentis prodit, sed tardior etiam ejus ex ventriculo per intestini tubum satis longum motus, quo quod chyli exilioribus neutiquam, pluribus tamen canaliculis lacteis, exhiberi possit, ut taceam per autopsiam planum & ab *Asellio* jamdum animadversum, vasa hæc venis mesaraicis *prope altero tanto plura esse. Bilssi* vero hypothesein quod concernit, sive cum eodem rorem hunc refocillandis tantum partibus ac fermentis earum constituendis, sive cum *Zassio* nutriendis simul iisdem, inservire dicamus, egregio figmento similis illa videtur. Primo siquidem negandum albedinem chyli seu roris a spumositate, per spirituum turgescientiam excitata, esse, & cum morte animalis in aqueum magis liquamen facessere: quatenus chylus paucis adhuc spiritibus turget, sed succus admodum crudus existit, hinc in expirantibus subjectis & cadaveribus quoque per aliquot horas, si modo a lymphæ confluxu defentatur, lacteum colorem & consistentiam retinet, spiritibus sine dubio per mortem discussis. Et quod in ductu

Albedo chyli non a spirituum turgescencia.

thoraci-

thoracico, aut vasis etiam lacteis aliquid qualitatum harum deponat, & PROGTMN. serosus magis compareat, non, quod spumositatem exuat, contingit, sed XII. quod lymp̄ha magis magisque tra&u temporis diluatur. Deinde probet *Bilsius*, motum roris seu chyli eundem esse, ac illum destillationis, per quem aqua spirituosā albicans, oleo scil. copiosiore foeta, prius elevatur, quod nunquam præstabit: contingit enim hoc, quod aquæ pars spirituosior maximam & volatiliorem olei partem ex concreto aromatico secum evehat, qua posterior & magis phlegmatica destituitur; quod sane huic chyli motui applicari nequit. Præterea aliud adhuc est, quod hoc Bilsi dogma suspectum reddit, via nimirum duplex, qua rorem suum partim ad receptaculum lumbare, partim ad glandulam, venæ portæ affixam, hinc ad epar, transire, iudicat, indeque vasā epatis lymphatica derivat. Au-^{Lymphatica} topiæ siquidem repugnat (1) per vasā lymphatica aliquid humiditatis epar^{epatis nihil} conscendere, id quod ligatera horum canaliculorum evincit, inter quam^{ab intestinis} & epar non vero inter illam & partem sui inferiorem, illi intumescunt: (2) vasā epatis lymphatica venarum lactearum mesenterii surculos, seu his continua esse; utpote cum quibus plane non communicant; sed ex cavo potius epatis, per venæ portæ glandulas recto ductu ad receptaculum lumbare confluunt. Nunquam enim & nec illo tempore, quo vasā lactea mesenterii lymphæ niveo candore splendent, lacteus in his observatur humor: & facit huc observatio *Rudbeckii de vas. serof. tab. II. fig. 3.* ubi vas quoddam lymphaticum solitarium ex epate multis radicibus exortum ac alveo dicto lumbari implantatum monstrat.

Swammerdamii denique sententiam, & quod lymp̄ha glandularum ^{Contentum la-} intestinalium sit, quicquid per lactea vasā sub specie chyli movetur, quod ^{teorum non} spectat, illa satis dubia vel ex hoc videtur, quod (1) peracta chyli con-^{est Lymp̄ha} fectione ac distributionis hujus tempore tantum compareat ille liquor, ^{glandularum} lymp̄ha vero intra vasā sua perpetuo fluctuet. Accedit (2) quod præter chyli admiscelam nihil sit quod lympham intestinalem lacteo magis colore tingere queat: it. (3) quod glandulæ illæ in parte intestinorum, mesenterio atque exortui vasorum lacteorum opposita collocentur, ac præter *Joban. Heinr. Pauli* horum ostia patentia, hinc glandulis nullis immersa *Lovverus* demonstravit. Imo (4) animadvertente *Nobilissimo Casp. Bartholino de diaphr. structura*, si strias & puncta albicantia, aliquando sibi in mesaraicarum sanguine visa Steno Chylum credit, cur liquori lacteorum hoc nomen denegat? aut cur non illum lacteum sanguini mesaraico

PROGRMN.

XII.

*Vasa lactea
cuncta sunt et-
iam lymphati-
ca.*

interspersum lacticem æque glandularum intestinalium productum, ac lacteorum fluidum, suscipiatur?

Haud equidem negari potest, sed, frequentiore in ejusmodi animalibus, quibus per longum satis tempus nihil alimentorum concessum fuit, inspectione edoctus audacter assero, non tantum vasa lactea secundi, sed primi quoque generis, seu ab intestinis immediate emanantia, simul & ratione usus perpetui, lymphaticorum munus gerere, hinc vasa potius intestinorum communibus, quam propriis, accenseri debere: temporarium tamen quod præstant, munus chyli ferorum etiam nomen ipsis conciliat, auferentium cum lymphæ hylum, seu lympham crudiorē; nam lympham non nisi puritate ac simplicitate a chylo differre, ex superioribus, partim partim inferius dicendis, constabit. Interim dubium mihi manet, qualisnam lymphæ sit, quam vasa hæc vehunt? id est, an, quæ in substantia intestinorum a sanguine arterioso immediate, pariter ac in partibus cunctis, secreta, an quæ a glandulis ventriculi ac intestinorum ad horum cavum profusa & salivali humiditate temperata fuit? Neque inde quicquam favoris dogmati Syvamerdamio contingit, quatenus quæ modo lympham meram, eamque forsan a glandulis etiam intestinorum exhibitam, vehunt, vasa lactea primi generis alio tempore simul chylum admittere possunt, pariter ac vasa lactea secundi generis.

Nec Harvei argumentum de motu humoris alibilis per venam umbilicalem in pullo sufficiente consequentia gaudet: cum aliud sit, venas ex humoribus ovi, quibus immersæ, aliquid succi alibilis absorbere, quam ex cavitate intestinali, ad quam haud abeunt, aliquid petere. Præterea cui per inventum *Needham*, & *Stenonis* non innotescit ductus a vitello ad intestinum pulli abiens, per quem potius illius colliquamentum ad hunc derivatur? Imo quamvis in viviparis etiam vena umbilicalis succum lactescentem a matre erogatum, cum sanguine arterioso proprio, ex secundina recipiat; minime tamen venæ melsaraicæ intestinorum simile quid sibi promittere possunt: quatenus cunctæ venæ in partibus solidis radices figentes, exin cum sanguine, lympham, chylum, seu quicquid arteriæ illis infuderant, revehunt, chylo tamen crudiori & sanguine nondum diluto absorbendo non statim idoneæ pronunciari valent: potissimum cum non ex poris & substantia tunicarum, sed ex cavitate intestinorum, illum haurire debeant. Pariter nec ejusdem *Stenonis* ab humorum purulentorum serosorum &c. ex cavitate abdominis, aut thoracis ad venas regressu petitum ratiocinium omni exceptione majus est, & de minore ejus non adeo inepte ambi-

ambigitur, an non ex substantia potius partium continentium & viscerum inclusorum, quam cavitatibus, illæ recrementa hæc imbibant? Rarissima siquidem observantur illorum hydropicorum & empicorum exempla, quos derivatione hac levatos testari licet: etsi forsân aliquando tale quid contigerit, profecto naturæ miraculis & anomaliis hoc annumerandum, neutiquam vero inde conformatio & phænomena naturalia explicanda erunt. Venarum mesaraicarum arcuata inosculatio, amplitudo & frequentia arteriis minus proportionata utut non usum privatum sed publicum magis arguat, minime tamen chyli ferum suspicari jubet. Frequentia siquidem latitudo sanguinis arteriosi appulsu accommodata videtur, qui per arterias, libere satis decurrentes nullisque fibris motricibus immerfas, celerius atque impetuosius ad membra hæc fertur, quam ut a venis arctioribus revehi queat; nisi lento hujus motui retrogrado conformatio ejusmodi præsto esset. Præterea, & forsân eadem vel simili de causa circa ventriculum, vesicam, imo cunctas partes, tales arcuatæ venarum, arterias longe superantium, observantur plexus, ut v. g. in venis brachii ac cruris obvium est. In genere vero venas arteriis notabiliter ampliores existere, universale corporis est phænomenon, cujus causam superius annotavi. Denique, sicut arteriosi sanguinis impetuosiores appulsus ventriculi & intestinorum digestionis juvandæ gratia fieri, non improbabile est, sic anfractuosum & segniorum per venas regressum chyli per lacteas motum accelerare, calore fluxibilitatem ejus conservando & coagulationem inhibendo, facile largior. Tandem *Bilsii* quod spectat experimentum, huic equidem obicem jamdum posuerunt. *Steno in respons. ad vindic. hepatis redit. Bartholini Spicil. lymph. 2. cap. 7. & Malpigh. de struct. epat. c. 6.* iisdem tamen propriam addere possum experientiam, qua in canibus, ad jussu *Bilsii* administratis, sanguinem e venis mesaraicis eductum, nec colore, nec consistentia, nec ulla ratione, ab illo, qui ex vena v. g. jugulari atque crurali promanabat, disparem mecum viderunt alii, imo uterque celeriter æque concrelescebat: hinc quicquid chyli sanguis mesentericus involvit, non immediate ab intestinis, sed ab arteriis mesentericis recipit, per corpus cum sanguine solenniter circulati.

Uno verbo cuncta, quæ hæcenus a venarum mesaraicarum Patronis producta fuerunt, argumenta vix tantum in recessu habent, ut motum chyli per eas infallibiliter evincant: aut si forsân uni vel alteri eorum aliquid probabilitatis subsit, possibilitatem tantum hujus tramitis, non vero actua-lem ejus existentiam, indigitant. Imo experimentorum plurium aliorum scrupuli hujus causa adornatorum, fallax deprehensus fuit successus ab illis

Experimento-
rum fallacio.

PROGYMN.
XII.

qui deposito omni præjudicio horum administrationem susceperunt, & *rogna* intempestiva nimis præcipitantia exclamare verentur. Ita nonnullis imposuit chylus ex vena mesaraica discissa cum sanguine distincto quasi rivulo emanans: quod contingere poterat vel propter aliquod vasorum lacteorum simul amputatum aut vulneratum, utpote quæ venas stipare, imo sub una interdum cum his tunica dillescere, palam est. Vel dubitare licet circa idem phænomenon, pari ratione, ac de experimento Bilsiano modo annotavi, an chylus, mesenterico sanguini interfluit, ex intestinorum canali, an ab arteria demum & substantia illorum, ad venam depositus fuerit? cum ex subjectorum nonnullorum venis reliquis, tempore scilicet congruo apertis, chylo pariter candicante seu lacteo dilutus educatur sanguis. Alios fefellit odor & sapor alimentorum medicamentosorum, aut medicamentorum alimentosorum, quem in sanguine venarum mesaraicarum se observasse, aliis persuadebant: sed nechi omne remouent dubium, cum illa alimentorum vita media seu qualitates specificæ sanguini & sero totius corporis communicentur & ad tempus inhaerescant, ita ut v. g. alii esum post triduum aliquando mihi manifestarit Venæ sectio, ut illorum taceam, quæ urinam odore gramineo, violaceo &c. hinc sanguinis quoque totam massam, inficiunt. E. quem in venas mesaraicas vulgares per ocularem demonstrationem se exhibere posse, olim gloriabantur *van Horne in prodrom. partium genital.* & *Swamerdam. in miracul. mundi*, videre magis desidero, quam spero: hi enim fuerunt soli, qui memoriam hujus pristini transitus Lectoribus suis refricuerunt.

*Nullus chylus
mouetur per
mesaraicas
venas.*

*Vasorum lacteorum
formatio &
progressus.*

Vasa lactea ex infinitis radiculis, ab intestinis emergentibus, in majores semper propagines coeunt, quæ vel ad latera & secundum tractum vasorum mesaraicorum sanguifluorum, vel eadem variis modis transcendendo ac cingendo, nomine lacteorum radicalium, seu primi generis, ad glandulas conglobatas minores; per mesenterii circumferentiam dispersas, hinc maximam partem ad mediam majorem feruntur.

*Datur etiam
pancreas Asellii
in ho.
mine.*

Novi, plerosque glandulam hanc, quam *Asellius* pancreas, alii, ad differentiam pancreatis veri, pancreas glandulosum, appellabant, homini denegare, ipsique lumbares substituere: sed contra autopsiam agunt, qua truncis majoribus arteriæ mesentericæ superioris ac venæ glandulam insignem satis adhærescere, constat. A qua denuo prodeuntia lactea cum reliquis, quæ eam præterlabebantur, ad receptaculum lombare, & ductum thoracicum nomine distributoriorum seu lumbarium & secundi generis, numero radicalibus ut pauciora, sic ampliora, se exonerant.

Ex

Ex intestinelorum cavo eadem oriri, secus ac mesentericas venas inde elucescit, quod, si prope illa comprimantur, chylum, quo scatent, ad illorum canalem revomant. Non infrequens tamen observatur anomalia & in hoc quoque vasorum genere naturæ, ut dicitur lusus, eorum quædam ab intestinis ad glandulas extra mesenterium conspicuas, interdum secedere, v. g. ad glandulas epati vicinas, quale quid *Wharton* annotavit, item ad glandulam, hæmorrhoidalibus vicinam, prout *Needham* testatur; adeoque aliquando versus glandulas etiam venæ portæ unam vel alteram venulam lacteam efferri posse, non rationi adeo repugnat. Neque tamen hæc unquam epas conscendunt, hujusve penitiora subintrant, prout cum *Asellio Wallens*, *Th. Bartholinus*, alique sibi persuaserunt, sed ex his reliquisque glandulis cunctis emanantes propagines in receptaculum lumbare terminantur: quæ autem lactea in glandulam hæmorrhoidalem feruntur, rarius forsan observamus, nisi forsan cum feculentis alvinis aliquid succi chylosi intestinum rectum subintret; unde secundi generis lactea inferiori receptaculi lumbaris parti in canibus implantantur. Ita ut per extispicia frequentiora constet, nihil chyli immediate ex intestinis cystemam illam intrare, sed omnem prius in glandulas prius intermedias deponi.

PROPTER
XII.

Omnis chylus
ex intestinis
primo fertur
ad glandulas,
Non excre-
menti secer-
nandi causa.

Cujus gratia & quem in finem decubitus & secessus hic celebratur, ambiguum, probabile tamen est, illum contingere, vel ut chylo aliquid in his addatur, vel dematur, seu secernatur. Sunt, qui colatoria glandulas has autumant, in quibus ac per quæ serosior & aquosior hujus substantia sequestretur: at quia nulla obvia his sunt vasa excretoria, serum seceretum & recementitium e corpore eliminantia, opinionem hanc mitto. Angli potissimi, v. g. *Glisson*, *Wharton*, *Charleton* &c. pariter in glandulis his secretionem quandam sibi concipiunt, non tamen excrementi, sed purioris ac mitioris cujusdam, & partium nervosarum altitaturæ destinati succi, adeoque a mesenterii plexibus nerveis horumque caudicibus ad cerebrum evehendi. Sed hypothesein hanc satis dubiam reddit (1) quod circa præcordia v. g. ingentes & conspicui latis deprehendantur plexus nervei, ubi tamen nihil succi chylosi confluit, neque tamen viscera hæc majore nisu seu motu, ac reliqui muscoli, gaudent, neque exquisitiore sensu opus habent. Nec (2) per nervos eodem, succus aliquis simul ascendere ac descendere valet, quale quid nihilominus concipiendum, si chyli quædam portio per nervos intercostales cerebrum petere, hincque ad idem mesenterium & viscera reliqua per eosdem tramites delabi deberet. Imo (3) nervi hi ligati intra glandulas

Neque pro secretionem succi
nervei.

PROGTMN. dulas has abdominis & vinculum injectum intumescere deberent, quo
XII. nihilominus experientia minus conforme.

Neque addi-
tur chylo ali-
liquid.

Addi E. chylo intra glandulas illas aliquid, probabiliter satis mihi inferendum videretur, serum sc. seu lympham, intra easdem a sanguine ferofo secretam; quatenus ille serosior semper comparet in vasis lacteis secundi generis; cum scilicet in finem, quo nimirum, succi illius nutritii præparatio, quam lymphæ salivalis, stomachi & intestinorum inchoavit, consumat glandularum harum conglobatarum latex. Sed, quia serositas, quam chylus intra glandulas suscipit, ipsi etiam a certarum partium separatione & quasi præcipitatione contingere poterat, lymphæque copiosior intra receptaculum & ductum thoracicum ipsi commisceatur, cujus tantillum, quod forsan in glandulis his ipsi accedit, instar guttæ ad ingens flumen se habet: hypothesin hanc dimitto, adeoque secretionem potius aliquam in his mesenterii glandulis, perinde ac in reliquis conglobatis, celebrari autumo, non quidem recrementi alicujus, sed substantiæ cujusdam pariter laudabilis & a venis hauriendæ, prout, *de Sangu. & Sero* dicetur.

Marchetti de
motu chyli
sententia.

Singularis & paradoxa valde est hypothesi *Dn. Marchetti*, quam paucis ab hinc annis eum publice exposuisse, ex literis ac relatione Amicorum percepi. Sc. asserit, vasa lactea primi generis non in glandulas mesenterii terminari, sed hastantum leviter contingere & præterlabi, plexui vero nerveo ita implicari ac submergi, ut eorum posteriores progressus persequi & evolvere haud liceat, plexu quamvis discisso chylus emanet: sub hujus vero tegmine ipsi medullæ spinali implantari, probat hoc modo: Evellere nimirum jubet aliquam spinæ vertebram, lumbis non inferiorem, sicque medullam ejus dilacerare, illo ipso tempore, quo animalis digestionem primam peractam ac distributionem inchoatam supponimus: & chylum verum profluxurum pollicetur. Vasa autem illa, quæ nomine lacteorum secundi generis cystem lumbarem adire viderentur, lymphatica glandularum mesenterii reliquarumque vicinarum partium ait.

Refutatur.
In glandulas
mesenterii
abest lactea.

Huic tamen dogmati difficultatem parit primo autopsia, qua venas lacteas radicales in glandulis dictis revera abscondi & fere obliterari, edocemur, & si quæ forsan earum unam præterlabuntur, alteram nihilominus ita subeunt, ut sub ipso introitu, aut non longe ab eo, plurima horum vasorum prius denuo in ramulos dividantur, & vel hac nova sui diramacione monstrent, intra compagem harum glandularum se in surculos

culos capillares, ac tandem insensiles plane, abire & evanescere. **CON-PROGYMN.**
 firmat hoc triplex *Diemerbroeckii* observatio, quam *Anat. lib. 1. cap. 8* XII.
 recenset, Cœlicali sc. seu potius Lienterici, fluxus ex obstructis hisce
 glandulis obvenientis: quæ in sectione cadaverum turgidæ, induratae ac
 albicante cremore, in caseosam spissitudinem congelato, infarctæ visæ
 fuerint. Deinde plexui mesenterico nerveo unum vel alterum vas lacte-
 um immisceri & quasi immergi, hocque discisso chylum profundi, quo-
 tidiana nos credere urget experientia; cum vix in tertio vel quarto sub-
 jecto adeo felices esse contingat, ut cunctorum lacteorum accuratam &
 absolutam illorum vasorum ramificationem ac insertionem sine laceratione
 evolvere atque cernere liceat, idque præprimis ob plexus nervei
 fibrillas, illorum propagines varie stringentes atque implicantes: quæ
 tamen vasa lactea non tam primi, quam secundi, generis esse, ac ad re-
 ceptaculum lumbare terminari, sollicita magis administratio & ligatura
 ductus thoracici ostendit. Quo etiam evincitur, non mera lymphatica *Lactea secundi*
 esse, quæ a mesenterii glandulis excipit illa cisterna dum liquor in illis *generis non*
 æque ac in hoc fluctuans lub^{il} chyli distributionis tempore lacteus, extra *tantum sunt*
 hoc limpidus ac aqueus plane, conspicitur. Neque quæ vertebræ spi- *lymphaticæ.*
 nalis evulsionem comitatur, chyli profusio, per spinalem medullam lati-
 cem hunc cerebro alendo adduci, probat: cum vix ulla compareat en-
 cheirisis, per quam protrahi queat aliqua vertebrarum adeo caute, quin si-
 mul laceretur ac disrumpatur canalis thoracicus receptaculumve lumbare,
 ntpote quæ spinæ membranæ ac ligamenti arcte satis adnasci & connedi,
 sectiones docent; multo magis E. violentiore pondilorum evulsionem rum-
 petur hic chyli alveus, & incertum dimittet suum Spectatorem *Marchet-*
tus, an chylus profluens e ductu chyliifero, an ex medulla spinali, ema-
 net. Denique si chylum capiti & cerebro tantum mancipat idem, unde
 alimoniam suam petent huic subjectæ partes? item, quorsum, quod chy-
 li hujus cerebri nutritioni non mox impenditur, sed hujus residuum
 manet, secedet? ac qua ratione & quibus meatibus spiritus animales,
 tempore distributionis chyli, dum medulla crudiore hoc succo infarci-
 tur, partibus adducentur?

Ab his glandulis & intervenientibus lacteis secundi generis chylus,
 partibus pinguioribus aliquantulum exutus, cisternæ lumbari infundi-
 tur, sacculo mere membranaceo & substantiæ adeo tenuis, quæ a levissi-
 mo digitorum aut instrumentorum contactu laceratur, uno verbo lym-
 phaticis vasibus subtilitate vix cedit; cui receptaculi titulus concessus, non
 quod

PROGTMN.
XII.

*Omnis chylus
per ductum
thoracicum
fertur.*

quod afferret, sed quod exceptum ulterius dimittat chylum ac lympham, ad quorum utrumque laticem perinde & indifferenter se habet, & per ductum thoracicum venæ subclaviæ modo sinistrae, modo dextrae instillat eum sanguini commiscendum.

Ambigunt equidem diversi Anatomici, an omnis hic chylus sursum feratur, cum pars etiam receptaculi illius, in canibus satis magni, & ad inferiora profundius extensi, inferior & hunc conscendentes rami lymphatici succed candido interdum turgeant, & vasa quædam lactea secundi generis ad imum abdominis excurrant. Ast difficultatem hanc tollit, vel, ut superius annotatum, quod ab intestino recto nonnunquam vasa quædam lactea inferiori cysteræ chyliferæ parti implantentur: vel quod valvulas lymphaticorum laxatas chylus interdum præterlabatur, hinc ad inferiora tendere videatur. Quamvis enim pelliculæ hæ lymphaticorum in subjectis vivis satis tensæ sint, ut meatum totum exacte claudant, hinc chylum & lymphæ motum tantum ad superiora dirigant atque determinent: in cadaveribus nihilominus & naturali fluidorum motu per ligaturam, qualem in administrationibus ejusmodi ut plurimum adhibemus, intercepto ac turbato, valvulæ interdum eousque laxantur, ut ex receptaculo lumbari ad ramos lymphaticos, ex locis inferioribus ascendentibus, chylo ad hos aditus pareatur. Quem tamen non ad extrema horum properare, sed in statu naturali sursum ad receptaculum & ad venam subclaviam pariter vergere, thoracici ductus, aut vasorum etiam horum inferiorum, ligatura nos docet, horum intumescentiæ inferiora versus magis conspicuam reddens. Contingit hic simile quid, quale in ductu thoracico non raro observamus, si nimirum pro hujus insertionem evolvenda venam subclaviam in cordis vicinia ligemus: hoc enim dum fit, rutilum evadit fluidum ejus, propter valvulas illius extremitatem a sanguinis motu intercepto dilatatas ac laxatas, hinc pauculas hujus guttulas canali huic se insinuantibus & ejus lympham regurgitando tingentes.

Quando vero a nonnullis observatum legimus, vasa quædam lactea cum venis iliæ vel aliis venæ cavæ ramis communicasse: plus circumspersionis opus habet, antequam admittatur. Et si enim non adeo absurdum, nullamque naturæ vim inferre, videatur, ad ramos venosos inferiores chylum deponi, cum & hi non minus, ac vena subclavia, per cavæ ascendentes caudicem, cordi eundem adducant: imo licet *Conringius* in *Bartholini cent. 2. epist. 14.* hac ratione naturæ rectius consultum autemet, si chylus diversis in locis sanguini venoso commisceatur, adeoque facilius ab hoc absorbea-

forbeatur & immutetur: quia nihilominus autopsia mihi vagas ejusmodi lacteorum insertiones & cum venis, præter subclaviam & jugularem communicationes denegavit, phaenomenis dubiis ætiologias fingere non immerito supersedeo.

PROGYN.
XII.

Quippe quod idem *Conringius* I. a. addit, per ductum Pecquetianum omnem meare chylum ἐν τῶν ἀδυνάτων esse, cum copia chyli & paucitas atque angustia vasorum chyliiferorum, hætenus cognitorum, quæ ex receptaculo, chylum ad sanguinem devehere queant, de aliis viis dubitare haud permittant: ex illis, quæ superius de vera chyli & vasorum lacteorum proportionem monui, destrui poterit.

Præterea thoracici canalis amplitudo lacteorum cunctorum fluido excipiendo ea transmittendo non adeo, ut quidem videtur, disproportionata est, ^{Ramificatio} ^{vasorum la-} ^{cteorum tor-} ^{tuosa.} posito etiam quod illorum omnium simul capacitati minor existat ille: quatenus illius angustias celeritas motus compensat, i. e. chylus per vasa lactea lenta magis undulatione, per ductum Pecquetianum rapidiore motu, fertur. Dispar hæc motus celeritas probabilis redditur per tortuosas ac plexuosas lacteorum in mesenterio ramificationes, ubi alia eorum aliis occurrunt, adeoque duo aut tria in caudicem simplicem coalescunt, mox in plures iterum surculos facessentem, ita tamen, ut hi quoque iterum in unum rivum confluant. Imo inter glandulam mesenterii majorem & ipsum receptaculum capreolorum ad instar contorquentur & anfractuosis meatibus sibi implicantur eadem; ita ut tardissimum & frequentius reflexum seu refractum chyli per canales hos motum necessario concipere conveniat: E contra recto magis tramite per ductum thoracicum fertur idem, imò novos impulsus recipit in cisterna lumbari & dicto canali, ut mox constabit. Accedit succi hujus major fluiditas, hincque mobilitas potior, qualem, intra glandulas & receptaculum ac lympham magis magisque admissa ac diluente sortitur spissior longe intra mesenterii ambitum hujusque vasa.

Et quas idem *Conringius* aliive sibi videre visi fuerunt, propagines lacteæ lymphatica forsan fuerunt, aut per modo allegatas causas & per violentiam quandam chylum sibi intrusum excipi entia, aut quinta ac sexta a pastu hora lympham chylo recente imprægnatam revehentia. Frequentioris siquidem observationis est, cani probe saginato si terminato tempore ex vena vel arteria educatur sanguis, serum hujus chylosum maxime comparere; imò vasa etiam lymphatica, a primis viis quam remotissima, lympham ejusmodi lactescentem continent: secus, si in animali aliquandiu in ediam ferente eadem videre gestias. Nihil vero, præter nota vasorum, chylum sanguini affun-

PROGTMN.
XII.

dentium, sperandum esse, sequens *Loweri*, docebit experimentum. Nempe mox a pascu vulnere non adeo magno aperiatur thorax, quod commodissime fiet inter secundam & tertiam costam supra cor, quo digitus tantum immissus illius canalem chyli ferum contingere & comprimere queat, qualis compressio per horam præter præter continuetur, hincque sanguis ex arteria aut vena incisa educatur, qui nihil chyli continebit: secus, si digitum aliquantulum retrahas & stagnanti hæctenus intra venas lacteas & receptaculum lumbare transitum concedas, i. e. sanguis sero lacteo magis dilutus comparebit.

Altera autem, quam idem *Lowerus* commendat, encheirisis consequentia elicienda minus favet: nimirum dum ductum thoracicum vel alveum hujus lumbarem lacerare jubet, quo chylus ad pectoris cavitatem profundatur, hinc sanguini non accedat; sic enim vulnere confuto canem, utut probe pascum, intra paucos dies elanguescere & expirare, ventriculo tamen intestinis & vasis lacteis in cadavere chylo turgescitibus, propter hujus ad sanguinem influxum omnimode interceptum seu denegatum. Nisi enim hanc circumstantiam simul addas i. e. sanguinem e vase ductum examines, dubitare poteris, an non tam a lymphæ subtracta, quam a chylo denegato, contabescencia & mors animalis contingat: cum serum, si non ut nutriendum, certe ut diluens & vehiculum sanguini maxime necessarium sit.

Quoniam nihilominus natura non semper suspicionibus nostris, satis etsi probabilibus, se accommodat, neque, ut superius dixi, ipsius conatibus vim infert, eosdem turbare videtur, si duobus vel pluribus locis chylus sanguini affundatur: adeo obstinate receptaculi Serq. Chyliferi cum aliis iisque inferioribus, venis inosulationem negare vix licet, cum quod hodiernus dies nobis denegat, vel posteritati, vel nobismet ipsis, alius forsitan concedere ac manifestare queat. Speculationi ejusmodi occasio extitit duplex & in duobus cadaveribus fœmineis facta Parisiis a *Domino Petrault*. *Pecqueto & Gayant* observatio, quarum priorem *le Journal des Savaas*, utramque *Perrault Essais de Physique tom. 1.* in appendice legere licet. Nempe in primo subjecto tubulus ductui thoracico prope septimam ac octavam vertebrae dorsi immittebatur, & per hunc flatus, compressio prius circa tertiam vertebrae eodem canale: sicque venam emulgentem sinistram cum trunco cavæ in iliacas abeunte ad quemlibet aëris impulsus non tantum distendi & per emulgentem fissam, prope ejus cum cava commissuram spiritum erumpere viderunt, sed ipsum ramum circa quartam vertebrae a trunco chylifero emanare, & ad emulgentem descendere, ex diversimode administratis inflationibus atque compressionibus concludere valebant. Ast

evidentiora longe hæc reddidit quinquennium post facta administratio ana-
tomica, quæ ductus illius thoraci commercium non tantum cum vena e-
mulgente sinistra, & quidem interveniente lumbari, quæ ut plurimum in
hanc aperitur; sed cum lumbari quoque dextra, quæ ipsi trunco cavæ sub
emulgente ejusdem lateris implantatur, manifestavit. Quia tamen non,
nisi in duobus subjectis, & quidem fœmineis, hæc visa utut pluribus ex-
dem encheirises fuerint applicatæ, testatur ipsemet *Perrault*, lusus forsan
naturæ etiam tantum phænomena hæc accensere placebit.

Vidimus hæc tenus canales, per quos chylus ex prima ad secundam *Quis chyli*
corporis regionem migrat, investigare adhuc convenit movens, *motor?* cujus im-
petu longum adeo iter chylus peragat: quod non unum, sed varium, de-
prehendemus. Primum impulsus recipit a motu intestinorum peristalti-
co (quem, denuo miror, a *Pecqueto* non observatum, cum aliquandiu
post Cordis etiam ab omni motu feriationem conspicuus existat) utpote
cujus vibratione per vasa lactea & glandulas, usque ad alveum lumbarem,
ille urgetur, conspirante in hoc valvulosa vasorum lacteorum conformatione.

Accuratissimam harum valvularum primus delineationem *Ruyfchius* *Valvule la-*
exhibet, una cum encheirisi illas evolendi, cujus pariter miror querelam, *teorum.*
qua neminem hæc tenus, nisi suspensa manu, de iisdem sermonem habuisse,
nullibi quoque aliquid de eorum structura scriptum se reperisse ait: postquam *Etiā Aescle-*
Plempium non tantum aliquomodo, sed primum potissimum eorum *Inven-*
torem prolixè fatis de iisdem harumque conformatione ac habitudine dis-
feruisse, ex ipsius *cap. 18.* ejusque verbis sequentibus liquet: *In his* (vena-
rum lactearum meatibus) illud admiratione dignum, quod pluribus valvulis
sive ostiis interdistincti sunt sive intercisi, quas ego valvulas sæpius vane-
scēte sæpe jam chylo, instar minutissimorum, veluti marsupiorum, aut con-
cretarum guttularum stillarumve dependere ex illis, non modo qua commit-
tuntur intestinis, sed etiam in reliquo ductu, animadverti. Quæ res facit
&c. hæc tamen inter utrasque (valvulas venarum mesaraicarum & lactearum)
constituta dissimilitudine & differentia, ut illæ *Columbi* (mesaraicarum) foris
intro ferantur, nostræ contra (lactearum) intus foras spectent. Imo *cap.*
28. usum earum distincte addit, impedire scilicet, ne quod semel haustum
est materia, inani atque irritò labore remeet vicissim ac restagnet in partem,
unde haustum est &c.

Propter hæc siquidem ostiola vasa chyliifera ligata æqualitatem super-
ficiæ exterioris hinc inde deponunt, & geniculatam seu nodosam figuram *Quomodo ad*
adipiscuntur, illæque intestinis averis & cavitatē sua glandulas ac rece-
faciunt. *motum chyli*

PROGTMN
XII.

*Chyli motus
receptaculo.*

*Per ductum
thoracicum.*

*Motum Chyli
habet motus
musculorum
abdominis.*

*Valvula du-
ctus thoracici.*

ptaculum respicientes chyli ad fontem refluxum impediunt, ita quidem ut nec compressione hic ad illum retrorsum urgeri queat. Quod dum agunt, brevioribus suis distantis cuilibet fere guttulæ peculiarem ponunt obicem, ne, dum intestinum a sistole remittit, fluor hic per ostia canalium recurrat, ad novam vero contractionem dum insurgit idem aliâque guttulam vasi impellit cuneus cuneum trudit, atque sic prima a secunda, secunda a tertia, & sic deinceps, stilla movetur, donec glandularum porî ad tensionem suarum fibrillarum congruam iis saturatæ harum fibrositatum renitentia ad lactea secundi generis ac receptaculum commune chylum cogant. In quo novam experitur virtutem motivam, eamque duplicem, unam diaphragmatis, alteram arteriarum. Scilicet receptaculum processibus diaphragmatis substratum, quoties hoc in inspiratione convellitur, illique intumescunt, ab horum reciprocis ictibus comprimitur, ejusque contentum sursum adigitur: arteriæ vero, receptaculum idem cum suo canali stringentes, singulis suis pulsibus hæc feriunt & comprimunt, sicque impetus pariter quosdam succo chyloso imprimunt; quales non tantum intercostales videntur, quibus canalis ita subjicitur, ut ad angulos circiter rectos eum fecerit, atque diastole sua interpolata successive & per gradus quasi chylum ab una valvularum contiguatione ad alteram elevent, sed ipse aortæ truncus cui lateri cisterna communis adjacet, hujusque arteria emulgens sinistra, quæ eandem transcendit, reciprocis suis ictibus chylum venæ subclaviæ sinistræ impellunt.

Denique motui hujus non minus ab intestinis ad lactea ac receptaculum, ac ex hoc ad canalem sanguinis, multum & communi magis concursu favet motus musculorum abdominis & diaphragmatis totius, per inspirationem & expirationem agitatorum molliter cum visceribus cunctis intestina & canales lacteos comprimens & ad ostia magis patentia dirigens. Quem impulsus vel hoc probabile reddit, quod si in vivo subjecto per vulneratum ductum thoracicum receptaculum evacuetur, mox filo ille constringatur, tardo satis incessu, imo vix, chylo hoc denuo repleatur, ambientibus ac prementibus musculis discissis atque remotis: quod si vero manu ventriculus intestinaque cum mesenterio blande palpentur ac comprimantur, motrix illa succenturiata eoque adigit chylum, ut venas lacteas cum suo alveo ad notabilem turgescientiam brevi distendat, & musculorum abdominis vicem præstet manus.

Quod vero de vasis lacteis horumque valvulis monui, suo modo has ad motum chyli juvandum conspirare, id in canali quoque thoracico locum habere videtur. Ductus siquidem ille diversas valvularum quasi contiguationes

tones

tiones sortitur, quatenus ad diversas distantias ex oppositis ejus lateribus pel-
 liculæ semper binæ ac semilunares expositæ limbis suis in medio canalis
 se contingunt & mutuo excipiunt, adeoque aliquam ejus partem ita inter-
 ciunt, ut quam superior, exactius connivens seu occlusa, contignatio susti-
 net, chylus ad inferiorem pondere suo relabi aut ullaratione impelli nequeat.

Ligatus siquidem prope sui in venam insertionem, cum, nec compressus,
 quidem versus receptaculum regeri patitur: imo circa medium ac imum
 sui, seu prope receptaculum, discissus, non superiorum contignationum,
 sed inferioris ac laceratæ tantum, contentum profundit, digito quamvis
 pariter desuper palpetur. Flatus itidem, a cysterne lumbari inspiratus
 totum equidem canalem ad venam axillarem usque distendit; at per hanc
 immixtus ad receptaculum haud descendit, sed in superiore mox intersectione
 canalis valvulosa sistitur. Contra qui ligatus in parte superna ductus intra
 vinculum hætenus tumebat, hoc soluto mox chylum venæ transmittit, & huic,
 prout de flatu dictum, a sacculo chyliifero ascendenti, ad eandem usque ve-
 nam patulus deprehenditur.

Pari E. ratione sibi relictus, dum ab eadem cysterne & inferiore cana-
 lis parte chylum recipit quædam superior, hæc dimensum suum eousque
 sustinet, neque per pendicularem ejus meatum hoc ad scaturiginem delabi
 patitur, donec novus inferiori factus impulsus sibi proximum, hocque ter-
 tium, i. e. sicut unda undam, propellat: Ita tamen ut arteriarum intercostali-
 um quoque pulsus aliquid successioni & elevationi huic successivæ conferat,
 prout modo innui.

Infunditur E. Chylus sanguinis massæ, tanquam vectigal hujus per-
 petuum, ut præter dicta insertio potissimum canalischyliferi in venam sub-
 claviam satis patens evincit: cui accedit, quod quinque vel sex a pastu
 horis sanguinem totius corporis chylus copiose interfluat, crudus plane &
 ductus illius fluidi plane similis, prout in hominum æque ac brutorum san-
 guine, venæ-sectione hoc tempore educto, cernere licet; quamvis inter-
 dum chylum præter modum quoque in sanguine abundare, huncque gra-
 vare, observationes multorum testentur, v. g. Bartholini cent. 1. hist. 17. Borell.
 cent. 1. obs. 25 Rhodii cent. 3. obs. 32. & Philosophicarum Transact. Anglor. 6.

Lactem hunc sanguinem non raro corruptionis productum esse, haud
 nego, v. g. quando Diemerbroeck Anat. lib. 20. 12. refert, certa quadam febre
 petechiali epidemica correptis si primis mox diebus sanguis Venæ-sectione
 eductus fuisset sanguis, hunc magis naturalem, subsequenter autem emis-
 um lactem comparuisse, ut ut in ediam seu anorexiam aliquot dierum passi

PROGYMN.

XIII.

Interdum tamen chylus.

fuertint: Imo forsan hujus generis erit sanguis ille lacteus, trina venæsectione puellæ synchocho maligna laboranti profluens, cujus *Rhod. I. a* mentionem facit. Nunquam vero chylum & lac cum sanguine per vasa circulari, aut ex his prodire, allegato *Diemerbroeckio* largiri nequeo, quatenus v. g. idem *Rodius I. a.* ex observatione *Petri a Castro*, lactantem febricitantem merum lac ex vena incisa excrevisse, & puerperæ simile quid contigisse perhibet, atque hoc non pituitam, sed verum & genuinum lac, fuisse, coagulo compertum testatur. Favet huic altera observatio ex *Philos. Trans.* petenda, ubi post assumptum jentaculum largum, item, annotante *Baribolino* post lactis haustum, Venæsectio fuit administrata.

In tertio ductus thoracici.

Hiatus, quo advenam sanguifluam ille meatus aperitur, ut plurimum simplex, rarius duplex, observatur, valvula semilunari conspicua instructus: quæ quia cor respicit, non tantum hoc commodi præstat, ut sanguinem per axillarem & jugularem recurrentem transvehat, ne ingruenti chylo impedimento sit aut hujus ostium illabitur, sed ut impingentem quoque sibi chylum, ad exteriora forsan inclinantem, ne sanguinis motum retrogradum turbet, versus venæ truncum & cor dirigat.

Chylus nunquam purus ad cor fertur.

Neque tamen Chylus hic unquam merus est, sed copiosissima lymphæ diluitur, quatenus non tantum vasa lymphatica cuncta, ex cruribus aliisque membris corporis inferioris externis ac visceribus atq; glandulis omnibus abdominis emanantia, laticem suum ad receptaculum lumbare, quod ideo *Chylo & lymphæ commune* ajunt, conflunt, sed ad chyliferum quoque ductum glandulæ & viscera pectoris diversis in locis se exonerant. Quod primis etiam hujus canalis impugnantibus occasio extitit, cur minus chyliferum, ferrosque potius vasis innumerandum, illum crediderint: quod raro aut nunquam chylum lacteum, i. e. qualem venæ lacteæ vehunt, sed serosum plane, frequentius non, nisi aquam pellucidam & limpidam, continere observetur.

PROGYMNASMA XIII.

DE

SANGVINE ET
SERO.*Non tantum sanguificatio- nis gratia chy-*

QVem in finem sanguini permisceatur Chylus, si quæras, commune plerumque audies effatum, sanguificationis causa, seu ut hic in sanguinem commutetur, hoc fieri: supponentium scil. sanguinem solitarium & adæquat-
tum

tum corporis nostri nutrimentum omniumque reliquorum fluidorum *mate-PROGTMN.*
 riam esse. Quoniam autem ex antecedaneis constat, sero potius nos nutri- XIII.
 ri, nec improbabile erit, præter cruorem serum quoque nutritium seu lym- lus adducitur
 pham ex chylō parari; imo cum serum seu lymphā sanguinis rubicundam sanguini.
 substantiam mole & pondere longe superare, experientia palam faciat: am-
 biguus hæreo, an sanguificationis, an serificationis, titulum hæc actio poscat,
 imprimis si a potiori fieri debeat denominatio.

Sanguis siquidem, dum intra vasa fluit, massa equidem homogœnea,
 videtur, revera tamen fluidum dissimulare & ex duplici succo, tanquam
 partibus integralibus, coagmentatum est: quorum alter serum, quod *Hip-*
pocr. de glandul. sanguinem album, Vulgus aquam sanguinis, *Helmontius* la- Dua sangui-
 ticem, ac moderni Anatomici lympham seu rorem vocant, alter cruor ille, nis partes.
 qui post Venæsctionem celebratam in thrombum coagulatus illi innatat,
 quamvis nec hunc omni sero destitui, inferius dicendum veniat. Atque hos
 succos partes sanguinis vere integrales esse, & sub eadem forma, qua sece-
 dunt, toti inexistere, solo motu confusas & superficialiter tantum commix-
 tas, inde concludere licet, quod (1.) alteratio & secessus, qui sanguini extrava-
 sato & aeri exposito contingit, non ab aere præcise, sed ab illarum partium
 diversa gravitate & textura, dependeat, adeoque sponte & absque fermenta-
 tione, præcipitatione aut similis causæ cujusdam externæ actione sensibili-
 fiat: cum (2.) bilis, lac similesve humores corporis animalis tale quid non,
 nisi per alterationem quandam recensitarum aut similem, patiantur; Imo
 (3.) serum sub lymphæ notatione per peculiare canaliculos moveatur, i. e.
 mox ab altera sanguinis parte secernatur, mox eidem reaffundatur.

Non adeo absurdus proin *Harveus* est, ac videri poterat, dum *de gener.*
animal. cap. 52. ait, sanguinem, ut est naturale quid, heterogeneum seu
 dissimilarem existere, ac ex partibus dictis componi; prout autem vivit, pars-
 que animalis præcipua est, ex succis istis simul mistis constans, similem
 animatam, seu ex corpore & anima compositam, esse. Evanescente vero
 illa anima (quam motum vitalem superius dixi) substantiam hujus illico
 corrumpi & in ea, ex quibus olim constabat, dissolvi. In hoc tamen ipsi
 subscribere vereor, quod illud serum, in quod tractu temporis sanguis fere
 totus degenerat, idem cum sero naturali pronunciet: quatenus putrilaginis
 inchoatæ quidam effectus id est, hinc secus ac illud, quod grumum mox
 in principio circumfluit, nihil, aut parum mucilaginis in se habet, ut me-
 chanica docet.

PROGYMN.
XIII.

Concordare in partibus his sanguinis supponendis cum recentioribus videntur veteres, dum a chylo serum fecerni, illum ipsum autem in sanguinem facessere, ajunt: Sed discrepant invicem in hoc, quod serum humorem simpliciter aqueum, paucioribus spiculis salinis imprægnatum, eundemque per simplicem quandam secretionem produci, communiter crediderint.

Serum est succus alibilis.

Quippe serum superiorum seculorum medici pro fluido mere excrementitio & urinæ parte integrante habebant, ita tamen ut levem aliquem usum corpori simul, pro cibis in ventriculo commodius diluendis & macerandis, chyloque & sanguine per vasa angustiora devehendis præstaret, hinc cum Hippocrate de alim. τῆς τροφῆς ὄχημα illud appellabant. A quibus tamen unicus, quantum scio, recedit Mercatus, quando tom 1. lib. 1. part. 3. class. 5. quæst. 94. ait: Serum, sanguinis appellatum, cum reliquo sanguine trajicitur, cujus pars una vehiculum sit ipsius ad minimas usque particulas, qua officio functa vel discutitur insensibiliter, vel in sudoris formam prorumpit, celebrata partis coctione: reliqua ejus portiuncula roris modo partibus adhaeret, refectura aqueam earum substantiam. Et paulo post: Ex quo evidenter constabit, longe differre inter se urinam & humorum serum: nam illa merum est excrementum, hoc vero vicem habet, inter alios usus, alimentum. Cujus vestigiis moderni plerique insistentes, aut paulo altius progredientes, serum seu lympham non tantum nullum excrementum, nec simplex succi nutritii vehiculum, sed humorem laudabilem & nutritium asserunt.

Serum sanguinis & Lympha sunt idem.

Quatenus primo omnis Lympha sanguini intra cor commiscetur, cum hoc totam peripheriam defertur & exinde partim separatim, partim illi combinata, ad idem principium redit. Deinde sero extravasato & aut e corpore profuso, aut ad cavitatem hujus aliquam præter naturam deposito, partes solidæ suo nutrimento defraudantur, & hydropi pectoris, capitis aut asciti tabes reliquarum partium semper jungitur, nisi has simul anasarca laborare contingat. Sunt, qui inter serum sanguinis & lympham distinguunt, hancque laudabilem & roriferam, illud excrementitium pronunciant: ast quam minus gnari œconomix animalis sint, hoc ipso turpiter testantur, cum serum intra vasa sanguifera fluctuans vix, nisi situ, a sero lymphaticorum differat, eisdemque cum hoc qualitatibus gaudeat. Quo enim reliquas circumstantias, utrique communes, taceam, Tertio utrumque serum, modo secundum naturam constitutum, multum gelatinosæ & nutritiæ substantiæ continet, qualis ex carnibus & ossibus animalium, imprimis juniorum, coquendo elicitur.

Utra-

Vtraque siquidem partium, quas sanguinis integrales dixi, quæque pri-
mo intuitu homogenea videbatur, duas diversas complectitur substantias. Se-
rum nempe fluidum præter multam aquositatem albumini ovorum similem
substantiam interfluam habet, quæ illius maxima parte ignis actione expulsa,
pariter ac albumen, diaphaneitatem suam cum opacitate albuginea & fluidi-
tatem cum spissitudine gelatinosa immutat. Pariter Sanguinis portio pur-
purea multum hujus gelatinosæ seri substantiæ intertextum gerere, non raro
autopsia dignoscimus, si sc. hæc particulis cruentis potior, aut his non per mi-
nima commixta fuerit, in quo casu iustar macularum cœrulearum thrombo-
intertexta conspiciuntur, ac ejusmodi cruorem ignarum vulgus putridum sum-
meque corruptum pronunciat. Poterit nihilominus mucilago hæc a quovis
cruore, etiam illo, qui nihil hujus oculo sistit, evocari & separari, si hic in
aqua calida maceretur, aut huic leniter incoquatur, & aqua filtrata denuo
evaporetur: sic enim glutinosum sedimentum comparebit, mole & pondere
cruoris in pulverem tandem rubicundum abeuntis, notabiliter imminuto.

XIII.

*Seri substantia
gelatinosa.**Galatina hæc
etiam grumo
cruoris inest.*

Atque hæc substantia rubicundarum particularum vinculum est, quod
vulgus fibrarum nomine appellat, & per cujus majorem minoremque abun-
dantiam rubedini complicatam, sanguinis consistentia variat, facileque aut
difficilius coalescit. Quamvis enim viscus hic, si sanguis aut ex venæ vulnere
aut alias aquæ calenti immittatur & cum hac refrigerescat, instar lanæ carptæ
aut fibrarum membranearum, reticulatim sibi implexarum, lateribus ac fun-
do vasis adhærescat: fictæ tamen hæc sanguinis fibræ sunt, quas in hoc nulla
oculorum aut instrumentorum acies deprehendere poterat, sed aqua calida
sanguinis glutinosam portionem dissolvit, quæ cum illa postmodum refrige-
scens in tenuiora filamenta congelascit. Pariter Laniones, pro certo farcimi-
num ac edulium genere ex sanguine parando, ab hoc ejusmodi fibras, nomi-
ne der Udern/ separant, sanguinem sc. calide profluentem aliquandiu manu
aut baculo succutiendo, sicque pari modo, ac cremorem lactis, in partes he-
terogeneas, diversi ponderis, divellendo: usque dum purpureas serum
aqueum dissolutas teneat, gelatinosæ vero graviores secedant & a frigore su-
perveniente in stamina tenaciora inspissentur. Nec fibras has solidiores san-
guini viventi prænextitisse, exinde concluditur, quod, sub quacunque exili-
tate concipiantur, id est, sub qua etiam non, nisi microscopio instructo oculo
comparent, semper tamen vasorum capillarum meatibus crassiores sint, adeo-
que frequentiores horum obstructions inde metuendæ forent.

*Fibræ sangui-
nis arte pa-
rantur.**Non sanguini
inexistunt.*

Harveum interim in partibus sanguinis describendis duplex premit er-
ror, nempe, quod galatinam seu mucilaginem, grumi rubicundi locum su-

*Gelatinosa
seri pars non
differt a se-
pe rosa.*

PROGTMN.
XIII.

*Non est tamen
magis cocta.*

*Mucilaginis
abundantis
diversa causa.*

*Pars grumē
inferior non
differt a su-
periore.*

periolem occupantem, a recensitis hactenus sanguinis partibus aliam, imprimis vero a serosiore portione discrepare, credat: item quod substantiæ rubræ summitatem floridiorem ac magis splendentem a basi obscurioris rubedinis realiter distinguat. Mucilago siquidem illa non differt a gelatina sero fluido innatante, sed eandem cum hac consistentiam, diaphaneitatem similesque qualitates possidet: ideo minus commode forsan, juxta Aristotelem, crudior sanguinis pars dici poterit. Neque tamen Harveo concedendum, quod præ reliquis sanguinis partibus subtilior & magis excocta sit, licet floridiori sanguinis superficiei immineat, & sanguis gelatina hac turgidus, si venæ sectione educatur, cum impetu vehementiore profiliat: summitas enim loci haud semper majorem perfectionem testatur, sed levitatis tantum indicium est, quæ aqueam & rubram substantiam antecellit. Multo minus sanguinis impetuosior exultatio materiam hanc perfectiorem & activam magis necessario arguit, cum interdum lento satis motu sanguis ejusmodi mucilaginosus prodeat; & si tale quid contingat, fervori potius sanguinis aquositate absumenti, hincque gelatinam coagulanti, hoc adscribendum erit.

Dicerem proin, illam diversas agnoscere causas productrices, substantiam tamen ejus semper esse eandem, sc. nutritiam. Nam interdum abundantia alimonie in acceptis erit referenda, adeoque in voracibus copiosior observatur, in fame pereuntibus neutiquam, utpote quorum serum quoque nihil hujus glutinis continet: Interdum a motu sanguinis intestino deficiente, mucilaginosum hoc non in minima & sufficienter divellente ac subigente, videtur emergere, unde cacochymicis & leucophlegmaticis quoque frequens est: interdum vero, ut monui, fervoris & caloris sanguinis extraordinarii quoque productum est, quo aquositates diluentes magis exhalant, & in offam albugineam excoquitur serum nutritium.

Duplex vero portionis rubicundæ stratum non substantia differt, quasi superius coccinea rubedine splens, ad majorem puritatem & subtilitatem evectum, inferius autem ex terrestritatibus aut fœculentiis melancholicis similibusve scraffamentis compactum esset: coloris siquidem hæc disparitas ab aeris tantum immediato contactu dependet a quo sanguis etiam venosus ac totus nigricans in sui summitate brevi crustam mineam & egregie rutilam recipi, inferiore sui parte subnigra manente, quæ tamen inversa & aëri liberiore exposita similem splendorem induit, illa in fundo nigrescente; imo sanguis pariter arteriosus totus rutilus rubedinem superficiei exterioris retinet, inferioris deponit, & cum nigredine venosa commutat.

Sc. supponendum hic, ut mox addam, sanguinis substantiam rubicundam ex globulis minimis coagmentari, qui post extravasationem motu vitali destituti ponderositate sua subsident & in thrombum coeunt: cujus summitas aëri exposita, quia ex globulis minus compressis & figuram suam naturalem maximam partem retinentibus coagmentata lucis radiis transitum concedit & reflexiones atque refractiones horum colorificas admittit seu præstat; strato vero huic qui subjacent, globuli, undique compressi ac lucis radios magis excludentes, plus radorum reflectunt, quam transmittunt, & per consequens splendorem sanguinis rutilum umbra quadam nigricante obfuscant. Unde etiam fit, ut sanguinis guttula major nigricans, si rudiore manu in moleculas minores divellatur, mox mineam rubedinem recuperet, quatenus plures ac tantum non omnes ejus globuli aëri lucido exponuntur: Imo hæc ratio quoque videtur, cur sanguis tubulo angustiore exceptus ubique; i. e. in summitate æque ac fundo, diu satis illam rubedinem fulgidam retineat; sc. minor longe est illarum pellucidarum sphaularum cumulus, earumque pauciores a reliquis comprimuntur, per consequens nihil aut parum umbrosi & opaci formant, plusque luminis refringunt quam reflectunt.

Duæ E. tantum nobis erunt Massæ sanguineæ partes, in quas sc. sponte sua & mox secedit, rubicunda nimirum & serosa s. mucilaginosa. Quarum habitudinem & proportionem ad se invicem commodius nunc intueri licet, postquam sc. de tali instrumentorum opticorum apparratu constat, quo fluidorum non minus, ac solidorum minima, alias invisibilia, oculis usurpare licet. Fluidus enim ac calidus adhuc sanguis si tubulis vitreis appropriatis immittatur & oculo microscopio armato sistatur, crystallinam & aqueam exhibet humiditatem, quam globuli infiniti rubicundi interfluunt & ad diversas illius plagas feruntur: qui globuli, seu mavis, grumuli rubicundi, quemadmodum sine dubio rubicundam sanguinis portionem constituent, in thrombum autem congelascunt, quatenus partim sua subsidentia connivent, partim interveniente glutine seri gelatinoso conglomerantur; ita serosa substantia molem eorum longe superat. Ut mirum proinde videatur, Physicos ac Medicos hactenus omnes de Sanguinis officina, organo ac productione adeo sollicitos fuisse ac cruentas fere inter se turbas & lites de his concitasse: cum tantillum sit, quod sanguinis, proprie ita ipsis dicti, purpuram gerat, hinc vix tantum visceris sanguificantis ambitum, quantus Epatis Lienis, Cordis &c. est, postulet.

*Sanguinis pars
rubicunda mi-
nor longe sero.*

FROGTMN.

XIII.

Proportio sanguinis rubri ad serum.

Proportionem hanc quamvis pro specierum ac individuorum disparitate discrepare, mihi persuadeam, eam nihilominus ut aliquomodo determinarem, aquæ calidæ certo ponderi certum sanguinis pondus ex vena secta influere & immisceri permisi, solutionem filtravi, remanens denuo solvi ac filtravi, huncque laborem toties repetii, donec vix decima aut duodecima grumi, omni gelatina exuti, seu substantiæ tingentis, adeoque exilis portio remaneret.

Partes sanguinis pingues.

Et Caseosa Secernuntur in glandulis.

Sc. Chylo pariter, ac lacti, præter substantiam aqueam & salinam, inexistunt partes butyrosæ seu pingues, ac gelatinosæ seu caseosæ, quarum illæ parciore, quibusdam salinis combinatæ grumulos illos rubicundos de quibus modo dictum, seu tincturam sanguinis constituunt; nisi sanguinis motus vitalis torpidior, aut organorum sequenstrantium textura & constitutio vitiosa salisve defectus has non sufficienter a caseosis separet; unde frigidiora communiter sic dicta subiecta pinguiora evadunt: Caseosæ vero seu gelatinosæ nutriunt, earumque pars aquea & salina per urinarias vias excernitur. Secretio utriusque hujus substantiæ in glandulis conglobatis mihi peragi videtur, quatenus, qui his adducitur in mesenterio, chylus candicantibus seu lactescentibus, i. e. pinguioribus particulis, exutus inde profluit, hincque aqueus magis comparet: serum etiam, quod aliquantum adhuc lactescens glandulis infundebatur, ab iisdem diaphanum magis emanat, mucilaginem aut gelatinam minus spoliatum, imo hæc magis evoluta & exaltata observatur; id est, quæ in chylo non adeo manifesta, in lymphâ conspicua redditur. Atque hæc per glandulas transcolatio eousque reiteratur, donec per eandem, motum sanguinis vitalem reliquorumque viscerum structuram organicam chylus potior in diaphanam & purissimam mutetur serositatem; portio vero ejus sulphureo-salina inter sanguinis canalem huiusque continuis machinis ulterius perficiatur, ad splendidam usque rubedinem.

An spirit. animales seu succus quidam nervus in lymphâ?

An præter chylum succus quidam nervus ad lymphæ substantiam aliquid contribuat, inter Scriptores ventilatur, nec adeo improbabile plerisque idem videtur. Quod (1.) nervi majores & plures ad glandulas cunctas abeant, quam sensationes & motus earum exigant: (2.) nervosum genus a diuturnis ac enormioribus salivationibus exsicceetur: (3.) ab intempestiva salivæ suppressione diversa nervorum symptomata, tremores, convulsiones &c. contingant: (4.) a compressione glandularum inguinalium vertiginem & convulsivas affectiones *Willis. de morb. convuls. cap. 10.* annotarit: (5.) alteretur lac ab animi pathematis: (6.) ligatis nervis recurrentibus saliva copiosior, & per consequens lymphæ nervæ regurgitatio, fiat. Quibus denique

& (7.)

& (7.) *Sylvii* addunt argumentum, esse nimirum diuturniorem lymphæ, quam PROGYMA sanguinis, motum, ita quidem ut aliquot post mortem horis lymphatica filo XIII. constricta adhuc intumescant, adeoque ab alio, præter arterias, fonte, nervis nempe, hirivuli suas hauriant aquas.

Verum quamvis succi cujusdam nervei materialem pro lymphæ (forsan *Dubitat* etiam sanguinis) fluido formando confluxum adeo pertinaciter negare mihi haud præsumam: argumentis tamen recensitis vix tantum evidentie subest, quæ omnem dubitandi occasionem præripiat, potissimum cum nihil humiditatis adhuc in nervis demonstratum fuerit, in quo tamen cardo rei volvitur: Adeoque primo equidem concedo, glandulas nervis numerosis & grandioribus donari, ita quidem ut harum vasa sanguifera nonnunquam excedant, iisque necessario aliquem, præter motum & sensum ordinarium, usum publicum ac peculiarem largior: hunc tamen, quicumque fuerit, cum materiae cujusdam sensibilis affluxu contingere, aut in hoc consistere, mihi persuadere nequeo, ob rationem dictam. Pariter salivationem genus nervosum exsiccare ac debilitare, eandem vero intempestive suppressam variis symptomatis nervinis occasionem existere, res experientie est: poterat tamen utrumque fieri nervos non immediate afficiendo, sed serum cerebri ac nervorum nutrimentum subtrahendo, aut vitiosæ lymphæ excretionem sufflaminando, i. e. sicut sine succo chyloso nec cerebrum, nec nervi, vigorem suum integrum retinere queunt, ita illius penuria aut pravitas his exitiosa evadit. Quam a glandularum inguinalium compressione *Willisus* observavit vertiginem cum spasmodicis symptomatis, commercium equidem glandularum harum & generis nervosi, ac spasmus in extremitate nervi a dolore & cruciatu inchoatum ad principium hujus continuari, intimat: corporis tamen alicujus succulenti ad illas descensum & restagnationem minime probat. Alteratur insuper lac in mammis ab affectibus animi, non quod aliquid heterogenei ejus nervi adferant, sed quod motum humorum per totum corpus ac secretionem lactis turbent horum incongruæ tensiones. Ligatis nerveis recurrentibus salivatio excitatur, non quod, motu humoris per hos impedito, ad oris glandulas per fibras reliquas, a communi cum illis trunco exporrectas, illius major portio ad os derivetur, sed quod in spasmos concitatis partibus his, venisque compressis feri sanguinei uberior fiat secretio & confluxus. Denique & quoad lymphæ motum, aliquandiu etiam a morte durantem, a spirituum animalium, quidem aliquali adhuc vigore ac remanentiis illum derivare convenit, qui tamen an materialiter influant, ambiguum manet.

PROGTMN.

XIII.

Lympha sanguini denuo affunditur.

Sanguini denuo affunditur serum æque in glandulis separatum, ac ex partium cunctarum nutritione resuum, cum chylo, intra venam subclaviam & jugularem, nam ad has omnis revehitur lympa, sive mediante alveo lumbari & ductu thoracico, sive immediate magis per lymphatica jugularia & axillaria: ipsi tamen minus arcte combinatur, quo per arterias ad partes, vel nutriendas, vel secretorias, delata facilius ab eo denuo secedere queat. Illa nihilominus, quæ ab his redit, semper aquosior est hac, quæ cum sanguine adfluebat: quatenus partium illarum stamina singulis circuitibus aliquid glutinis illius roridi imbibunt ac retinent, hinc serum effectum magis dimittunt.

Cur quædam Lympha per Venas, quædam per lymphatica redit?

Quod vero hujus quædam pars cum sanguine per venas, quædam seorsim, per peculiare redeat canaliculos, hujus phænomeni forsitan ratio hæc est: quod non omne intra partes solidas a sanguine secedat, ejusdem texturæ, qua advehatur cum eodem per venas reducendum, quod vero ejus a sanguine secretum, hinc immutatum, vasa lymphatica, quorum oscula sibi magis adæquata subeat.

Serum glandularum conglomeratarum

Secernitur insuper alia quædam feri portio in glandulis conglomeratis, quæ aut nunquam cum sanguine redit in gratiam, sc. lac & prostaticarum serum, aut non, nisi longiore ambage, primarum nempe viarum, ipsi reconciliatur, salivalis nempe humiditas, cum ventriculi & intestinorum succulentia; quibus denique accensere convenit humorem genitalem in testiculis separatum & ad vesiculas feminales viriles æque ac muliebres depositum.

Materia lactis non sanguis, Sed chylus.

De reliquis cunctis hætenus dictum, circa lactis tantum proventum in præsentiarum monendum, me illorum me addicere partibus, qui non tam ex sanguine illud confici, quam inde separari, ajunt. Rationes hujus opinionis qui desiderat, adeat *Everhardum de hominis brutique exortu, Lowerum de Corde, Barbatum de Sangv. & Sero, Entium pro Circul. sangu. Diemerbroeckii Anatom. & Modernos plerosque.* Vno verbo: Lac nihil, nisi chylus aut lympa crudior est, cum sanguine mammis adductus, ab illo intra harum glandulas secretus inque earum alveos lactiferos depositus. Partes cum sanguine integrales easdem fovet, minus tamen adhuc distractas, sed intimius adhuc sibi agglomeratas: unde etiam fit, lac emulctum non adeo subito, ac sanguinem, in serum & grumum facessere, sed arctius sibi adhuc implicatæ videntur, donec frequentioribus circulationibus secessum patiantur. Vix credo, aliquod in contrarium prolatorum argumentorum solutione sua adhuc destitui, ideoque bina tantum, quas ipsa experientia mihi movet, dubia evolvere conabor, Quorum prius est, quod lac primo serosius & aquosius compareat, adeoque crassius subsequens coctionem, non meram secretionem indigitet: alterum, quod

Cur lac primum serosius?

quod lac perfectum chylum, qualis ad ductum thoracicum, hincq; canalem sanguinis defertur, spissitudine longe superet. Illius solutioni favet Hippocrates de nat. pueri t. 20. dum ait: *in mulieribus (gravidis) densam carnem habentibus lac posterius significationem de se prabet; in raram vero carnem habentibus prius: i. e. cum in lactationis principio canaliculi ac meatus glandularum mammariarum haftenus ex succi, angustiores adhuc sint, quam ut chylum crassorem admittere queant, hic sanguini individuus magis comes manet, serositates tantum quasdam dimittens; ubi vero tractu temporis multisque circuitibus ad mammas repetitis poruli illi ampliantur, totam chyli compagem recipiunt, sicque lac spissius mammae fundunt. Posteriori vero difficultati obviam ire licebit, dicendo, sequestrari quidem intra glandulas lactiferas chylum sero plus minus dilutum, si tamen intra harum lacunas aliquandiu stagnet, sensim atque sensim hujus partem serosam a venis resorberi & ad canalem sanguinis revehi, relicta substantia crassiore & lac exquisitum formante: unde etiam fit, ut in illis quoque foeminis, quae aliquandiu lactando infanti operam dederunt, si post evacuationem mammae omnimodam haec novo lacte repleatur, hoc, quod illius primum emulgetur, aquosius, quod postmodum prodit, spissum magis deprehenditur.*

*Cur lac chylum
crassius?*

Sanguificationis organum atque rationem formalem haftenus determinare fuerunt conati, in duas classes redigam, quarum una actionem illam sanguificationem organicam pronunciat, hujusque patroni modo Epar, modo Lienem, modo Cor &c. ipsi, ut officinam pariter, ac afficiens, praefecerunt: altera, cujus forsan antesignanus Harveus, & post hunc Glissonius, similem actionem sanguificationem proclamarunt & sanguinem ipsum, seu ejus spiritum vitalem, sanguinem conficere asseruerunt. Neutram tamen harum hypotheseum sufficientem & adaequatam esse muneri huic expediundo, per unum vel alterum ratiocinium evincam.

*Non fit ab
Epate.*

Et quidem Epatis per tot secula conservatam auctoritatem in dubium vocat (1.) quod sanguis in ovo & pulli primis staminibus observetur, antequam epatis aut ullius visceris solidioris rudimenta compareant; & ubi nihil sanguinis, prout in viviparis alias fieri, vulgo credunt, a matre ad pullum pertingit; (2.) quod epar plerorumque piscium candicet, imo quorundam viridescat, sanguine illorum pariter purpurascens: (3.) formati pulli epar notabiliter palleat ac successive demum conspicuam magis rubedinem a sanguine transcolato recipiat, seu potius mutuetur; quippe in decollatis aut quibus alias sanguis subtractus, pariter pallet, ejusque compagi integre

PROGTMN.
XIII.

integræ per aquæ tepidæ frequentiores injectiones omnis purpura exui potest. Imo (4.) ipsi Galenici & epatis summi fautores inviti confiteri videntur, sanguinem non ab epate, sed epar a sanguine, proficisci, dum parenchyma illius quandam sanguinis affusionem, seu sanguinis quoddam coagulum pronunciant: unde antequam vel affundatur vel coaguletur, rutilarit sanguis necesse est. Quibus demum & (5.) accedit, quod chylus seu succus nutritius, foetui a matre suggestus, penitiora epatis haud subeat, sed per canalem venosum amplissimum immediate ex vena umbilicali & venæ Portæ sinu in Cavæ radices absque ulla per substantiam illius transcolatione feratur, in sanguinem nihilominus vitalem facessens.

P. Minus pro-
pugnat epar.

Argumentis
minus validis.

Epatis equidem vim sanguificandi inter reliquos vindicare aut *Paulus Minus Bononiensis*, in suis *disquisitionibus anatom.* quarum titulus: *Medicus igne, non cultro necessario Anatomicus*: sed successu minus secundo, pro- ut ex ponderatis ejus argumentis constabit. Quippe quam inter sanguinem venæ Portæ & venæ Cavæ annorat disparitatem, non undique autopsiæ conformis, nec illius consequentiæ est, quam sibi Scriptor hic promittit. Sc. (1.) sanguis venæ Portæ sanguine Cavæ serosior est, quia ab illo, qui affluit, feri magna portio in epate separatur, per vasa lymphatica ad receptaculum lumbare deponenda: neutiquam proin latex serosus & a nutritione viscerum abdominis, venæ Portæ continuorum, intra epatis compagem in sanguinem fuit mutatus. Dum vero pergit, aquosam tantum feri portionem per vasa lymphatica ad receptaculum lumbare proscribi, & remanere gelatinosam, ita quidem ut serum Portæ plus substantiæ gelatinosæ, quam latex Cavæ, si ambo per calorem coagulentur, monstret: experientiæ vim infert, dum lymphæ ab epate versus receptaculum commune reflua, si examini submitatur, gelatinositate copiosa turgere cernitur. Non autem mirum, si lymphæ Cavæ parciores hanc foveat, quia aliquid ejusdem mucilaginis simul in bilem abit, ut vel hujus lentor satis manifestus svadet. Dum (2.) laticem serosum Cavæ coloris saturioris & flavescens ait, nec hinc ipsius opinioni aliquid probabilitatis accrescit; utpote quæ tinctura a biliosarum particularum commiscela emergit, quas sanguis perinde ex epate secum abripere poterat, ac lymphæ circa biliaria vasa fluctuans, quæ interdum sublutea cernitur, neque video, undecunque demum color hic derivetur, quid pro sanguificatorio epatis munere hinc inferri possit. Quando autem (3.) grumum sanguinis Cavæ vividioris & splendentis magis rubedinis, ac consistentiæ melioris, Portæ contra sanguinem nigricantem & vix coherentem ait, suis oculis nimis fidere videtur, nisi forsân animalum

sub nostro cœlo degentium sanguis aliter ac Italarum se se habeat. Præ-PROGTMN.
 terea quando ad epar copiosiore, quam ad ullum aliud membrum, san- XIII.
 guinem deferri dicit, in cor ac pulmones injurius est, utpote quibus vi-
 fceribus tota humorum massa mancipatur, illorumque cavernas permeat;
 cum venæ portæ tantum cruor epati infundatur: neque etiam alia hinc prodit
 consequentia, quam usus cujusdam publici gratia hoc fieri.

*Nec cor san-
guificat.*

Iisdem similibusque armis aggredi quoque licet hos, qui cordis munus
 sanguificandi probare in se susceperunt, quatenus, quamvis vix infallibili-
 ter determinare possimus, an cor sanguine an hic illo, prior existat, san-
 guis tamen in pullo prius circa vasorum umbilicalium extremitates con-
 spicitur, antequam in puncto saliente appareat. Cui accedit, quod cordis
 fabrica mere musculosa muneri huic haud accommodata existat, sed reci-
 piendo ac impellendo tantum sanguini destinata videatur. Neque enim ideo
 contingere poterat cordi hoc munus, quod omnem sanguinem ex toto cor-
 pore ac chylum immediate magis recipiat, ac toti corpori erogat: cum
 eo ipso, dum sanguinem partibus impellere debet, recipiat pariter eun-
 dem, necesse sit, adeoque anthliæ potius in machina nostra hydraulica
 vices exinde concludere, par est. Quam præterea coloris sanguinis venosi
 & arteriosi disparitatem adducunt, quasi ille nigricans crassior & effoetus
 dextro ventriculo influens e sinistro purpureus atque tenuior emanet per
 hanc fallaciæ secundum non causam ut causam se implicant, minus atten-
 dentes, mineam rubedinem sanguini venoso non intra cordis sinus sed
 pulmonum compagem, induci, ita ut sub hac e vena pulmonali jamdum
 profluat & ad sinistrum illius ventriculum derivetur. Poterimus nihilo-
 minus etiam sub his conceptibus Hippocrati & Platoni condescendere, cor
 sanguinis fontem appellantibus, cum fontium non sit, aquam conficere, sed
 paratam aliunde excipere & scaturigine sua promere ac erogare. E. cor
 cor quoque sanguinem fundens naturæ animalis fons erit.

Quoad Glissonianam vero hypothesin, quam Anat. epat. c. 35. proluxe *Nec solus san-*
 explicat, quasi sc. sanguis vitalis sui ipsius opifex existat; ideo quod chylus *guis.*
 ipsi intimius & per minima commisceatur & cum hoc frequentius per corpus
 circuletur, unde fieri non posset, quin ejus, utpote mole & viribus chylo po-
 tentioris, particulæ in hujus minima agant, hæcque sibi assimilent: nec illa
 adeo absolute & solitarie admitti potest.

Sc. haud equidem nego, motum illum intestinum, quem ab aëre san- *Sed sanguis*
 guis intra pulmones recipit chylo immutando ac sanguini effoeto & quasi gru- *cum organis.*
 mescenti restaurando maxime appropriatum esse, quatenus eos in minima di-

PROGTMN.
XIII.

versi generis divellit, horumque nonnulla componit: quia nihilominus sub motu hoc vario non concipi potest aliqua immutatio atque dissimilatio i. e. quæ chylum in sanguinem abire jubeat, dubitare mihi concedatur, an sine omni partium concursu organico sanguificatio contingat? quatenus quidem reliquis quoque functionibus animalibus spiritus ille seu motus vitalis, tanquam motor primus, præest, ut v. g. nec lienis actio fieri queat, nec urina in renibus separètur, nisi sub motoris illius universalis directorio, nunquam tamen ille ad functionem hanc vel illam determinatur, nisi sub organica membrorum conformatione horumque concursu specialiore.

*Sanguis non
conficitur per
fermentatio-
nem.*

Quam enim hætenus supposuerunt perpetuam massæ sanguineæ fermentationem, vitalitati pariter ac sanguificationi dicatam, merito superius mihi suspecta visa fuit, & adhuc dubia manet, cum sanguis æque ac chylus ad fermentescendum quam ineptissima existant corpora. Neque etiam fermenta ulla, dum alia in fermentationem abripiunt, his fermentatione formam suam induunt, v. g. fæces vini vegetabile fermentandum sibi non simile, multo minus idem reddunt: sed excitatores tantum existunt potentiæ fermentativæ intrinsecæ, per quam nihilominus, sine omni fermenti extrinseci contactu, fermentandum naturam sibi adæquatam recipit, quamvis lento magis forsan motu, dum mustum v. g. sponte sua in vinum facessit. Et si fermentantium tanta vis, ut alia sibi dissimilia transmutatione quadam sibi assimilent, cur mustum non ex aqua, sanguine animalium similive fluido mustum conficit, sed se ipsum tantum perficit & in vinum redigit? In prima equidem generatione spiritus ille genitalis sanguinis primæ guttulæ conficiendæ adæquatus erat, videbatur enim agere in laticem chylo multo perfectiorem & subtiliorem, qui nullo ulteriore organorum apparatu pro sui sanguificatione indigebat: ast postquam consumpto illo colliquamento primo crudiores foetui subministrantur succi, spiritus ille sine organis muneri huic arduo insufficiens erit.

Quando E. Glissonius hoc modo concludit: Quæ causa in primo conceptu primum fabricavit sanguinem, illa, vel saltem ei æquipollens, etiam postmodum sanguificationis fons æstimari debet; limitatione indiget: quia eo ipso, dum idem spiritus vitalis architectonicus mox de organis & machinis variis fabricandis & constituendis sollicitus est, harum ministerio postmodum agit, quicquid agit; i. e. semper equidem generali suo concursu totum automa vivificat, materiam tamen vivificandam sibi per organa adæquata parari vult, adeoque sine horum adjutorio nihil operatur. Accedit, quod œconomia foetus, quoad nonnulla ab œconomia natorum discrepet, & qui sine pulmoni-

monibus horumve actione in illo contingebat motus vitalis, in edito ab or-
ganica horum structura dependeat, & sine hac mox fatiscat imo cesset: ita ut
quæ vitalitas hincque dependens significatio in conceptu primo nullis machi-
nis adstringebatur, nunc sui perennationem a mechanica viscerum structura
petat.

Puto E. sanguificationem functionem ex simili atque organica com-
positam esse, quatenus Chylus non tantum intra glandulas in partem gelati-
nosam atque oleosam dispefcitur, a sero intra renes aliisque recrementis in re-
liquis colatoriis liberatur, sed intra pulmones demum ultimam quasi experi-
tur manum, & intra horum vesiculas a particulis aëreis eoque disponitur, ut
usum, cui a natura destinatur, commode exequi possit.

Modum, quo hoc contingat, specialius explicare, res satis ardua est, quatenus nec sensibus quicquam hujus patet, nec analogum sibi quid in rerum
natura habet: meris itaque suspitionibus ut Lectorem dimittam, cogor.

Dirimitur nimirum primo Chylus in partem gelatinosam, aqueam &
pinguiorem per mechanicam glandularum structuram, & quidem non omni-
mode sub prima sui per has cribratione, multo minus in glandulis tantum
mesentericis, sed reliquis quoque totius corporis conglobatis, tanquam toti-
dem emundatoriis: ita ut chylum seu lympham crudiorem post multijugas
demum per totum automa circumgyrationes pinguiore illas moleculas de-
ponere autopsia evincat, quatenus non tantum quæ intra vasa sanguifera, sed
quæ intra propria sibi vasa, fluctuat, una vel altera post inchoatam chyli distri-
butionem lactea adhuc conspicitur ac sensim tantum diaphaneitatem atque
limpiditatem congruam recidit. Particulæ interim illæ pinguiore salinis
quibusdam implicatæ dum intra pulmones vesiculofam texturam a subtiliori-
bus atomis aëreis assumunt ac repetitis pro eorum compagem circumrotatio-
nibus, tornando quasi, in bullulas seu vesiculas, determinatæ molis & ad in-
vicem habitudinis, rediguntur, purpuream sanguinis tincturam consti-
tuentes.

Sulphureas magis has particulas cur credam, suadet, quod in aqua non
adeo facile, nisi interveniente gelatina sibi intertexta, solvantur: ad vesicu-
losam vero figuram illas intra pulmones evehi, colligitur, quod purpureus &
spumescens magis inde profluat sanguis, nigricans qui eosdem influxerat.
Quam nihilominus spumescentiam rubedinis splendentis autorem esse, vel
agitatio sanguinis venæsectioneeducti testari poterat: quæ sive manu, sive in-
strumento aliquo, perficiatur, sanguis nigricans in spumam coccineam facile
elevatur. Magis tamen hoc confirmat examen sanguinis adhuc fluidi, per
micro-

PROGTMN.
XIII,

microscopium adornatum, ubi vesiculas rubicundas per lympham crystallinam ferri observamus; quæ nihilominus statim ac ad quietem se componunt, motore vitali destitutæ, in grumum nigricantem facessunt. Qui E. globuli elatere aëreo perduto in venis subsidendo ad grumescentiam tendunt & massam nigricantem magis formant, intra pulmones sub respiratione denuo disjuncti ac magis distensi, ut radios lucis equidem transmittant, non tamen sine refractione, rubedine ejusmodi egregia splendent ac lympham sibi interflutam, quamdiu per hanc agitantur, eadem ornant.

A rarefactione E. determinata harum particularum earum dependet mobilitas, hinc tincturæ etiam exaltatio; quatenus calore etiam externo solo, v. g. manus admotæ, sanguinis intra tubulos vitreos, examini ejusmodi adaptatos, vesiculæ fere conniventes & sibi mutuo inclinantes, in novos motus abripiuntur & per lympham denuo agitantur, simulque novum quasi splendorem de se spargunt. Quo vero colorem hunc non hypostaticum nec cuilibet globulorum proprium esse, dignoscas, observabis, hos magis discontinuatos & singulos omnis tincturæ expertes comparere, adeoque non, nisi per determinatam sui agglomerationem, ad refractionem radiorum rubificantem disponi.

*Sanguificatio
& Lymphæ
productio una
est functio.*

Dum autem tota humorum massa vitali exagitatione exæstuat infinitis attritionibus, reliqua etiam simul chyli substantia subigitur atque deliquescit, donec lymphæ æthereis aëris particulis, tanquam totidem elateribus, imprægnata simili motu, quo altera portio, agitetur, i. e. vitalis evadat: quamvis rubicundam portionem mobiliorem autopsia, hinc magis activam ratio suadeat. Per consequens, vix alia ratio est sanguificationis ac lymphæ productionis, sed una utriusque causa existit, motus nempe sanguinis vitalis intra pulmones determinatus atque impressus: idem sc. qui ex sanguine venoso arteriosum producit, i. e. crassum, nigricantem atque effoetum, fluxilem, spumofum & rubicundiorem reddit, quod exaltationem ejus communiter vocant.

*Rubicunda
sanguines por-
tiomagis effi-
cienter se ha-
bet.*

Recte proin Harveus scribit, sanguinem materialiter æque ac formaliter seu efficienter ad vitalitatem & nutritionem concurrere; quorum illud ejus gelatina, hoc globuli tingentes præstant: adeo, ut nec sine his, neque illa commode vivere liceat, & ab utrarumque penuria nutritio notabiliter lædatur. Videntur siquidem sphaerulæ illæ agiles gelatinosæ ramenta simul in motus perennes abripere, mutua sua attritione deliquare, iisdem tamen instar malleolorum similiumve impellentium organorum existere, quibus

quibus particulas nutritias poris partium solidiorum, tanquam totidem cuneo-^{PROGTMN.}
los impellant, suaque attritione calorifica inspissent.

In specie circa lymphæ motum adhuc notetur eum esse vel a corde, ^{XIII.}
vel ad cor. Quæ a corde tanquam a centro, ad partes, ut peripheriam, <sup>Affluit lym-
pha per ar-
terias.</sup>
fertur lymphæ, arteriarum ministerio fruitur, adeoque nunquam, nisi san-
guinis purpura obvoluta, movetur: quam autem hæ dimittunt, si glandu-
las excretorias v. g. mammarum excipias, ad idem principium primumque <sup>Refuit per Se-
nas & Lym-
phatica.</sup>
fontem, vel immediate, vel mediate, revehitur. Immediate idem con-
tingit lymphæ aut sanguini combinatæ, aut ab eodem secretæ: illi quidem
a partibus quibusvis per venas, huic ab iisdem, exceptis glandulis conglom-
meratis per vasa lymphatica appellata. Quod vero ejus mediate magis ad
cor remeat, a glandulis conglomeratis, quales sunt oculorum, narium, sto-
maticæ seu salivales, stomachicæ intestinales & pancreas, secernitur & per
excretoria harum vasa ad canalem alimentorum seu primas vias deponitur,
modo cum particulis assumptorum, sub chyli nomine, modo sine iisdem, <sup>Item per la-
ctea.</sup>
per vasa illa lymphatica, quæ communiter lactea vocant, & ductum thoraci-
cum sanguini reaffundendum.

De Venis & glandularum conglomeratarum vasis excretoriis quia dictum,
Lymphaticorum tantum exortum atque progressum investigare restat. Sunt <sup>Vasorum lym-
phaticorum,
formatio.</sup>
sc. canales splendentes & pellucidi ut plurimum, interdum rutilantes, ubi
sc. immediate magis cum vena communicant, item candidi magis, quinta
vel sexta a pastu hora, circa folliculum fellis vero existentes interdum sub-
flavi: pertenuæ ac substantiæ ratione aranearum telas vel cerebri piam me-
ningem crassitie vix excedentes, ita quidem ut ad levissimum instrumen-
torum vel digitorum contactum rumpantur, & profluente hinc lymphæ plane
dispereant. Quamvis enim *Bilsius*, postquam ipsi a *Russchio* valvulæ ho-
rum vasorum demonstratæ erant, situ suo impediētes, ne aliquid per ho-
rum meatus a centro ad circumferentiam excurrat, arrogantia quasi coactus,
& quo dogma suum de motu lymphæ sustineret, schedula seu epistola qua-
dam ad *Dn. Tob. Andrææ* conscripta, orbi erudito persvadere conatus fuerit,
illa duplici gaudere tunica, intra quarum duplicaturam liquor aliquis serosus
deportaretur: nulli tamen anatomicorum oculi tam lyncei ac manus adeo
agiles contigerunt, quibus illam tunicarum duplicaturam dignoscere potue-
rit. Ratione valvularum innumerarum, quibus illa instructa, quasque *Bar-*
tholinus & *Rudbeck* probabiliter tantum fingeant *Russchius* autem *Bilsius*, <sup>Valvulas ha-
bent.</sup>
eas pertinacissime neganti, ad oculos demonstrabat, exterius geniculata
& nodosa, pariter ac venæ lacteæ apparent: quatenus harum ubique gemi-

PROGYMN.
XIII.

na & semilunares ex lateribus oppositis exorrectæ mutuo connivent, ita ut lymphæ, vinculo aut digiti compressione interceptæ, ac in locis his cumulata nodosæ vasis inducat intumescantias.

Ab omnibus
partibus ema-
nant.

Certa ac ordinata earum ramificatio & situs hæcenus nondum demonstrari potuit, quamvis in diversis & tantum non omnibus corporis membris visa fuerint, id est, sanguifera vasa ubivis fere comitentur, ut satis absurde a quibusdam lieni eadem denegata fuerint. Exoriuntur siquidem ab omnibus partibus, quas sanguis arteriosus appellit, adeoque nec cerebri plexus iis exulant: addis tamen *Steno*, eadem vel prodire a glandulis, vel has ad minimum transire, cui *Malpighium* quoque adstipulari observo, de *Struct. epatis* omnia quarumcunque partium lymphatica ex glandulis conglobatis derivantem. Quod tamen assertum an absolutæ veritatis sit, ideo dubito, dum ab artuum extremitatibus & ex pulmonum compage, ubi nulla adhuc glandulosa textura annotata fuit, eorum maximæ emergunt copiæ.

Terminantur
in venam sub
claviam &
jugularem.

Cuncta se exonerant in venam subclaviam & jugularem sinistram, vel potius in harum concursum: ita ut lymphatica vasa pariter distinguere liceat in ascendentia & descendientia: ascendentia dicendo cuncta, quæ ex partibus, venis subclaviis subjectis per communem truncum thoracicum in dictas venas abeunt; descendientia vero, quæ ex collo & brachiis, interdum separatim, interdum cum thoracico canali in ampullam latiore coeuntia, eisdem venis implantantur.

Bilsi lymphæ
motus ad peri-
thiriam.

Motum equidem feri per lymphatica retrogradum in dubium vocavit *Bilsius*, qui neminem hæcenus mortalium cursum aquæ ductuum eorundemque originem præter se cognovisse, gloriabatur, asserens lympham, cui roris nomen imponebat, ad circumferentiam ferri, vel pro partium nutritione, vel pro diversorum succorum, humoris sc. pericardii, Lactis, seminis, lachrymarum, salivæ &c. materia. Cujus motus centrum constituit intestina & in his radicania vasa putatitia lactea, quæ in aquatica transmutabat: mediantibus quibus partim ad epar, partim ad receptaculum lumbare, hinc omnes corporis partes, volveretur roris instar reficiens latex.

Lymphæ at-
trahitur a
partibus juxta
Bilsum

Hoc tamen assertum acriter impugnarunt *Th. Bartholinus*, *Sylvius*, *Steno*, *Needham* & Neotericorum potissimi, per ligaturas vasis hisce applicatas ac flatus liquorisque injectiones. Ligaturarum pondus mox detrectabat *Bilsius*, in ejusmodi tantum vasis illud locum habere credens, ubi circulari motu ex uno eorum ad alterum humores deriventur: qualis inter ac per rorifera minime daretur, utpote in quibus fluctuans humor non pulsus, sed partium externarum tractione, moveretur. A valvularum remoris qui vi-

Valvulas lym-

am hanc intercludi asserebant, v. g. *Mænichen & Ruysch*, illos fastuoso animo ac vultu irridebat, ipsisque obstrepebat, quasi apud neminem esset, illas demonstrare: quorum posterior nihilominus has ipsi ad oculum stitit, partium vero potentiam tractoriam diu satis explosam gratis admittere nequeo. Nihil epati lymphæ extra sanguinem venosum ab intestinis concedi, superius monui, utpote quorum vasa lactea sive vera, sive putatitia, nihil commercii cum epate habent, quod tamen magno errore supponit idem Novator. Porro dum intumescere videmus lymphatica inter vinculum, unde humor, qui eadem distendit? non a centro, cum ejus ab hoc accessum, sive tractorium, sive pulforium, ligatura inhibeat. E. a partibus, quas non trahere, sed propellere, inde liquet. Imo denique circulationem lymphæ paradoxe satis in dubium vocat, quatenus hæc a corde cum sanguine per arterias adducitur, ex his vero per venas partim cum cruore, partim per lymphatica ad pristinam scaturiginem redit.

Valvulis a *Ruyschio* detectis ac monstratis, necessitate quasi coactus, ut sententiam suam sustineat, replicat *Bilsius*, inter lymphaticarum venarum duplicaturas liquorem permeare posse, motu, lymphæ motui intra vasorum canalem, contrario: adeoque intra illas fluctuantem lympham ad partes nomine Roris emanare, quæ vero per internam vasorum cavitatem feratur Fermenti nomine a glandulis redire, fingit. Verum cum, ut supra dixi, omnem oculorum aciem fugiat hæc vasorum duplicatura, nec duplex illa lymphæ latio ulla encheirisi evinci queat, utrumque, tanquam non visum, sed fictum, Inventori suo relinquo: potissimum cum illa stante in utraque a vinculo parte canales hi intumescere debeant, quod nihilominus sensibus repugnat.

Denique cum ductus thoracicus roriferus omnem lympham intestinalem venæ subclaviæ committat, haud comparet, qua ratione ejus aliquid glandulas sputuitarias lachrymales &c. conscendere queat, sanguini nimirum commixtæ, & fluore continuo cordi allatæ, ac lymphaticorum jugularium orificia præterlabentis. Hæc enim non semper cum rorifero canali communicant, sed separatim ut plurimum venæ implantantur: per consequens, nihil ab hac, nihil ab illo, lymphæ excipere possunt, ut ligaturarum ta- ceam & super has contingentis intumescentiæ illorum lymphaticorum, utpote de quibus ad nauseam usque scriptores egerunt.

Quibus ita se habentibus, & dum lymphæ sanguini semper intermixta est, ab eodem vero secreta illi mox reaffunditur, mirum sane, cur nonnulli scriptorum illam acidulam proclamant, imo eorum quidam enor-
mius

PROGTMN.

XIII

Lymphatico

rum negat

idem.

Epar non ha-

bet basi lym-

phatica ab in-

testinis. Etiam

lymphæ circu-

latur.

Bilsi duplica-

tura tunica-

rum in basi

lymphaticis.

ficta videtur.

Nihil lymphæ

per ductum

thoracicum ad

glandulas ca-

pitatis fertur.

Lymphæ non

est acida.

PROGTMN.
XIV.

minus caliginosi corallia ab hujus acore succi citri diluti æmulo, arrofa se vidisse, sibi imaginati fuerint: cum quos *Helmontii* illud: *Omne acidum extra stomachum toti corpori hostile est*, non movet, erroris nihilominus convincere potuisset *Hippocrates*, dum *acidum humorem, reliquos praelentem omnium maxime incommodum æ Veter. Medic.* pronunciat. Quippe eo ipso, dum sanguinem contingit, imo hujus pars est, lymphæ omnis acoris necessario expers existit, ne coagulationibus exitiosis vitalem illius motum turbet. Et ad quam *Sylvius* aliique provocant experientiam sensualem, illam aut falsam & ex præjudicio enatam, aut in subjectis morbo- sis tantum annotatam, dicere fas est: cum quotiescunque in homine æque ac brutis cujuscunque speciei degustetur, lymphæ nihil acoris, sed falsedi- nem potius temperatissimam, linguæ affricet.

*Vsus lymphæ
varius.*

Circa usu tandem laticis hujus serosi adhuc observandum, illum proli- xiorẽ & universalem, varium tamen magis simul forsã, esse, ac olim qui- dem atque in præsentiarum credi poterat: cum ejus potentiam cundæ regio- nes corporis experiantur, & sine hac nihil virtutis exerant, prout ex hætenus dictis colligere continget. Primis siquidem mox viis menstruum existit solvens assumptorum potens & catholicum satis, quæ in ore macerat, in ventriculò digerit, in intestinis inde chylum provocat ac in receptaculo lumbari diluit, ubique vitalitatis caractere illorum particulas, quibus connupserat, impræ- gnat. Sanguini intermixtus hujus potissimam partem constituit, i. e. præter lympham massa sanguinea parciores moleculas possidet, imo lymphæ sangui- ne prior in prima conceptione existit, adeoque hujus forsã autor & produ- ctor primus appellari posset. Solidis demum partibus rorulentum existit re- staurativum & alimonia solitaria: (ne spirituum animalium materiam tan- gam) donec depositis, in sanguine particulis sulphureo- salinis, in membris solidis substantiæ gelatinosa, in pristinam puritatem homogeneitatemquẽ se se vindicet hoc fluidum animale, nihil virtutis solventis pristinæ quod perdi- derat, sed infinitis alimentorum solutionibus peragendis, ut menstruum uni- versale, adhuc satis adæquatum.

VRINÆ SECRETIONE
ATQVE EXCRETIONE.

Seri, non Sanguinis, Recrementum si Vrinam dixerō, litem detrectabo illam, an primæ, an secundæ, aut tertiæ, coctionis, productum sit fluidum hoc? i.e. ubicunque serum reperitur, ibi etiam hujus excrementum existat, & chyli æque ac seri perfectioris superfluitates aqueo-salinæ, ab iis, ad renes devolutis segregantur, imo particularium magis coctionum heterogeneitates serum quævis alluens ac transfluens deradit, imbibit, secumque ad urinæ secretoria abripit.

*Vrina est Seri
excrementum.
Et quidem
cunctarum di-
gestionum.*

Cum seri potius, quam sanguinis, excrementum urinam suspicer, antecedanea declarabunt, imprimis vero proportio illa ruboris ad serosam & gelatinosam sanguinis substantiam: ut proin ab hac potius, quam ab illius tantillo, urinæ profluvium expectari queat: imprimis cum moleculæ illæ rubicundæ in statu naturali vix adeo prompte deliquescere videantur. Illius igitur portio aquosior, postquam vehiculi munere functa, gelatinosa substantia exulta, cum particulis quibusdam totius massæ salino-sulphureis per renes transcolata odorem, saporem similesve affectiones, hincque nomen, mutat, ac urina evadit atque appellatur.

Vrina quid.

Materiam ipsi cunctas digestiones suppeditare, modo indigitavi, unde etiam factum, ut præter urinam sanguinis, quam Veteres plerique solitariam sibi concipiebant, urinam potus quoque seu primæ digestionis ex illis nihilominus *Vallesius de Vrin. c. 1.* & ex modernis *Helmontius de Sextupl. digest. ad- miserint.* Et quamvis *Argenterio de Vrin. cap. 2. & 4. H. Mercuriali de Vrin. cap. 2. ac L. Iouberto de Vrin. cap. 1.* minime condescendam, asserentibus, Vrinam præter alimentorum potulentam partem nihil esse: eo ipso tamen, dum a potu affatim hausto matulam citius ac frequentius petere cogimur & potulentorum quantitati urinæ fluor respondet, horum aquositatem potissimam ut plurimum illius portionem constituere, verosimile fit, hujusque intuitu lotium primæ coctionis recrementum dicere conveniet, quamvis ad renes usque per massam sanguineam Chylum & serum comitetur illa. Imo ideo de primæ quoque digestionis habitudine testantur urinæ, quatenus chyli crudioris dilutum sanguini confusum intra renes secernitur, ut plurimum sine omni tinctura, non raro tamen quasdam salino sulphureas alimentorum soli-

Vrina potus.

PROGTMN.
XIV.

diorum particulas, sibi intra ventriculum incoctas gerit, hinc saturatoris coloris ac spissioris consistentiæ prodit, atque contenta simul solidiora oculis sistit: Neque tamen absolute determinare licet, annon præter potus urinam aliud adhuc primæ digestionis lotium paretur? i. e. annon lymphæ quoque illius, quam solutioni esculentorum in primis viis vacare dixi, aquosior & effoeta magis substantia, antequam chylus ulteriorem exaltationem suscipiat, mox intra renes sequestretur? in illis præprimis subjectis, quæ aliquid simul potus hauserunt.

Sicut pariter ambiguum manet, an quod ipsius sanguinis sero inter mendum decedit, pars ejus existat veterana an mustacea seu per potum demum suffusa? quatenus illud serum, quod excrementum sanguinis vocabant, minus tale esse, ex superioribus constat, & dubitare adhuc licet, annon particula illa, cujuscunque generis, quæ in sanguinem & lympham facessere nequeunt, primæ potius, quam secundæ, digestionis excrementa vocari mereantur? E contra rationi satis conforme est, urinam aliquid ipsius sero intrinseci simul fovere, cum nos ordinarie etiam plus mingere, quam potulentorum assumere, ipsimet testemur omnes, ita quidem ut sub diuturna satis edilium & potabilium abstinentia illius nihilominus semper aliquid excernamus.

Denique tametsi omnem urinæ proximam materiam per arterias renibus adduci, in propatulo sit, quin nihilominus hujus fluoris contenta tertiæ regionis quoque exuperantiæ ac heterogeneitates aqueæ, salinæ &c. existant, negari vix potest. Hinc quamvis lotium de sanguinis massæ ac viscerum, quocunque modo ad ejus confectionem atque depurationem concurrentium, crasi & dyscrasia testetur; neutiquam tamen inferre convenit, eandem illius tantum excrementum esse: quatenus e tertia corporis regione serum urinosum, hoc est particulis alibilibus vacuum, vix deferri poterat, nisi sanguini ac sero laudabili intra venas ac arterias denuo commisceatur, unde necessario horum fluidorum æque ac partium solidarum humorumque particularium,amenta & impressiones recipit, easque secum ad vias urinarias devehit.

*Vrina prima
& tertia co-
ctionis excre-
mentum est.*

Breviter, primæ atque tertiæ potius, quam secundæ, coctionis excrementum urina videtur, i. e. aquosa aut potulentorum, quæ mole gelatinosam superat, aut sero, quæ post illius, sub digestionem tertia, secretionem & quasi præcipitationem instar plegmatis effocti se habet, retinendis vero atque imbibendis atomis salino-sulphureis quam promptissimum evasit menstruum, substantia est, prout mox prolixius constabit.

Ante omnia vero hic præmonendum, præter Hippocratem & Galenum, qui sub excrementi secundæ coctionis titulo lotium venditabant, accessorium ipsi

ipsi peculiare a bile constituisse, quasi ab hujus subtiliore parte ipsi flavedo con-
tingat, imo ex mente *Pecqueti* falsuginem inde illud concipiat. Quibus ta-
men cum *Helmontio* modernorum contradicunt plurimi, nec rationibus de-
stituti. Quippe si fero urinaeo fel addi deberet, cur tanto apparatu idem intra
epar & vasa biliaria separatur? & nonne forsitan commodius egisset natura, si
oneri huic epar subtraxisset, & renibus solis idem imposuisset? Multo minus
urinæ falsugo a bile expectari poterat, quod in hac aut nullum, aut urinæ sali
non conforme, sal reperiatur. Accedit, quod bilis tantillum tincturæ, co-
piosissimæ urinæ inducendæ, non sit proportionatum: nec sine amaritudinis
indelebilis nota sui tincturam lotio imprimere queat; quam tamen nec in
urina naturali & diluta nec in illa, quæ per aquositate evaporationem inspissa-
tur, sensus testatur.

Ratione officinæ non disputabo prolixè contra illos, qui urinam non re-
num, sed ventriculi, productum credunt, modo mihi concedant, in renibus
eam secerni, & reliquis humorum massæ partibus hætenus involutam mani-
festari. Adducitur his per arteriatum emulgentium canales satis amplos
cum sanguine; neque ullus Scriptorum viam hanc ordinariam in dubium
vocat animadvertens nihilominus, potulenta uberius atque præcipitanti-
us haurita, imprimis jejuno ventriculo paulo post urinam deponendam urgere,
circuitus hic a ventriculo ad renes ordinarius prolixior justo ipsis videbatur,
hinc de breviori & assiduo magis tramite solliciti erant, eumque modo conjun-
ciebant, modo, quasi satis perspectam, fingeant. Et quidem aut immedia-
te ex ventriculo & intestinis, per membranarum harum poros cæcos ac venas,
v. g. *Willisius* & *Swalve*, vel ex glandulis & receptaculo lumbari, v. g. *Th. Bar-*
tholinus & *Crucius*, vel ex ductu thoracico ad emulgentes venas v. g. *Gayant*,
Chirurgus Parisiensis, ne ductus Moschreferam, quales *Bilsius* peculiare sibi
arroganter satis secumque sepeliendos reservabat.

Magis paradoxus videri poterat anonymus ille *Anatomicus Gallus*, qui, ut
ex *Philos. Transact. Num. 65. & 67.* legere licet, lotii aliquam portionem
ex ventriculo & intestinis, neglectis renibus, per obscuros quosdam meatus
immediate magis ad vesicam derivari, experimento demonstrare sibi præ-
sumebat. Sc. scribit, se aliquando canis vivi abdomen eoque aperuisse,
ut omnem ex vesica urinam exprimere & ureteres filo constringere potuerit,
quo omni lotio per hos via fuerit interclusa: quo facto nihilominus post
trihorii decursum notabilem illius copiam in vesica animalis adhuc superstitis
reperierit. Subscribere huic observatur *Diemerbroeck*, vasa ejusmodi lactea

PROGTMN.
XIV.

ex intestinis ad vesicam ex odore atque colore assumptorum in urina residuo necessario inferens, quamvis nec visui conspicua, nec ab ullo adhuc anatomico demonstrata: quæ quidem viâ in paucis quibusdam adeo patulæ sint, ut non tantum ipsum chylum lacteum & serum copiosius, sed res quoque solidiores devoratas, v. g. aciculas, femina &c. transmittant.

Non dantur.

Quas tamen semitas partim fictas, partim regia via vix breviores, ac curationem sectio & circumstantiarum ponderatio docet. Nam quoad filtrationem illam per tunicas ventriculi spongiosas, in qua *Willisus* acquiescit, eam minime concipere licet, vel quod substantia illarum aquositatibus serosis minus adæquata existat, in tanta copia, quanta nonnunquam matulam replet urina, intra breve adeo temporis momentum, transmittendis: vel quod ventriculi involucra renumque vasa & compagem nulla intercedat continuitas, per quam, tanquam per gossypium, serositas ejusmodi huc derivari queat. Pariter, dum idem *Willisus* & *Swalve* venas gastricas huic muneri translatorio destinant, vanitatem hoc haud exiguum olet, & vix comparet discrimen inter hanc viam extraordinariam & ambitum solennem: quatenus si fluidum hoc venæ ventriculi assumerent, prius interveniente portæ vena & epatis substantia ad cavam, cor, pulmones, denuo ad cor & ab hoc demum per aortam ad renes devolvi deberet.

Nec vasa lactea ad arteriam emulgentem, a Bartholino visa, pro viis adeo tritis admittere concedit autopsia: potissimum cum illas nunquam, nisi *de lacteis thorac. cap. 6.* testetur, imo *defens. Vascor. lymphæ. contra Riolan.* potius aut ex Pecqueti tantum observatione supponat, aut præternaturales & Diabeticis saltem patulas augeretur, aut aliis in locis ex vicinitatis duntaxat jure & phænomenorum collectione breviorum aliquem tractum suspicetur. Eorundem lacteorum ad glandulas renales declinatio, quam *Crucius in epistola* Deusingio dicata & *Niloe de ferment. & nutrit.* fingunt, etsi autopsiæ responderet, minime tamen rectam magis viam monstrat, eo quod, quicquid ad corpora hæc deponitur, ad venam emulgentem & cavæ caudicem derivetur, & quem a capsulis illis ad externam renum tunicam, hincque ad ureteres, posterior horum Scriptorum sibi concipit decubitus, multis adhuc involvitur, iisque crassis, difficultatibus. Denique nec Gallorum illa receptaculi & canalis chyli ferri cum venis emulgentibus inosculatio aliquid lucis promittit: quatenus quicquid ad venas has deponitur non nisi interveniente pulsu cordis & arteriarum renes appellit.

Breviore

Breviore manu negotium aggrediebantur, qui posthabito renum se-PROGTMN.
cretorio munere immediate magis ex primis viis ad matulam publicam XIV.
lotium derivabant: ast aque infelici successu. Neque enim odor atque *Non dantur*
color excretorum necessario tramitem hunc urgebat, cum per renum quo- *canales a ven-*
que compagem aliquid texturæ hujus tingentis odorferæ liquores hausti *triculo & in-*
transferre possint, habitum corporis quoque trameent, ac sudores eadem *testinis imme-*
imbuant, ut experientia quotidiana confirmat. Neque lactea urina extra- *diate ad vesti-*
ordinarios mox meatus exigit, dum easdem glandulas & canaliculos rena- *cam.*
les, quos justo laxiores interdum sanguis trajicit & urinam cruentam facit,
chylum quoque transmittere, rationi haud repugnat. Pro aciculis vero
similibusve toto genere præter naturam transmittendis, nostrum non est,
peculiares fingere vias, sed aut solius naturæ extraordinarie agentis, aut
præter naturales, illæ erunt dicendæ: in quibus admittendis *Diemerbroec-*
kium facilem observo.

Quam autem Gallus ille jactat experientiam, non semel, sed aliquoties,
vanam & falsam expertus sum, mecumque viderunt alii, quos ad hujus
administrationem & successum conspiciendum invitavi: i. e. ligatis ureteri-
bus post plures etiam horas nihil unquam urinæ in vesica, canales tamen dictos
aliquando cum renibus tumidiore, haneque corrugatam, deprehendi. Et si
forsan seri aliquid in hac fluctuare observare contingat, vereor, ne tuni-
cæ ureterum ac vesicæ interioris productum & glandularum ipsi intertex-
tarum lymphæ sit: cujusmodi glandularum proventum modernorum aut-
opsia evincit.

Experientia igitur destituti præter arterias emulgentes alios canales ad-
ductorios in renibus comminisci haud conveniet, & sine suppositione
ejusmodi viarum incultarum subitæ ac copiosæ a largiore potu mictionis
alia facile reddi potest ratio. Quam nihilominus antequam exponam, at-
tendi moneo, non adeo celeriter, ut quidem communiter ajunt, ab assum- *Non adeo ce-*
pto, potu nos mingere, nisi ventriculus & vasa potulenta materia, vesica *leriter a potu*
autem urina, jamdum turgeant, ita ut, quam ab haustis acidulis aut quovis *mingimus.*
potulargiore excernimus, urina non haustorum, sed serum vasis ac urina
forsan vesicæ inexistencia & ab ingestis protrusa sit. Dum prius a po-
tatione emictum lotium odorem, colorem aliasque urinæ sanguinis con-
ditiones præ se fert, subsequens vero easdem sensim deponit & crudatan- *Vnde celeritas*
dem plane profluit. Et si quæ forsitan celeritas mejendi a potus repletionem *mejendi a po-*
observatur, contingit hæc, quod ad vasa delatus ille serum his inexistens tu-
mole sua non tantum ad renes majore impetu protrudat, sed hoc maxime

PROGYMN.
XIV.

augens & massa sanguinis laxius cohærens, ipsique haud assimilabilis, facilius intra renum glandulosos porulos denuo separetur.

Neque adeo absonum videtur, inter computationes præter modum distentum ventriculorum ac intestina vasa quoque tam propria quam viscerum vicinorum aliquantum comprimere, hinc in reliquis vasis ad turgescentiam extraordinariam sanguinem ac serum cumulare, hocque tali modo ad & per renes copiosius atque impetuosius urgere. Quod omne quidem fieri potest sub ambitu naturali, quatenus potulenta, ventriculi ac intestinorum activitate haud indigentia, neque eandem sustinentia, citius vias suas percurrunt, i. e. canalem alimentorum mole aut algore suo ad expulsionem promptiorem laceffunt, hinc in lacteas venas sine ulla mora coguntur, atque sic per receptaculum lumbare, ductum thoracicum & canalem sanguinis eadem velocitate ad renes usque abripiuntur.

Quatenus circulationem totius sanguinis massæ intra quadrantis horæ spatium, si non aliquoties, semel ad minimum, contingere, hincque per renes quoque serum volvi, diversa ac certa credere jubent experimenta anatomica, quorum administrandi rationem *Loyerus de Corde cap. 3.* monstrat.

Renum substantia?

Ab hac E. sanguinis massa, quam fluidum hoc excrementitium hæcenus interfluebat, & cum qua renes appellebat, secernitur idem & quidem intra glebas glandulosas, quas præter canaliculos excretorios substantiam organorum horum formare, *Malpighii Ocularissimi* labori improbo debemus, quasque, exilissimas quamvis, cernere nihilominus satis commode licet, modo encheirisis utaris, ab eodem *de Renibus cap. 2. ac 3.* commendatis. Neque texturæ huic vasculoso glandulosæ evolvendæ incongruum erit, renem excipulo machinæ Boylianæ ita includere, ut *progymn. 6.* indigitavi, ac post aëris exantlationes ac aquæ aliquam per arteriam receptionem atque incuneationem tubulum hujus probe obturare: sic enim paucis diebus intra vacuum particulæ renis sponte quasi invicem secedent, a rarefacto nimis aere evolutæ atque distensæ, ut immisso postmodum flatu manifestius compareat, membri hujus molem ex vasculis infinitis cum appensis glandularum acinis constari.

Illustrat eandem renum structuram monstruosum illud, quod in juvenis cujusdam Illustrissimi cadavere observatum idem *Malpighius* in epistola quadam, ad Sponium exarata, perhibet. Cujus renis sinistri, exigui mole, exterior facies ex glandulosis folliculis quasi in racemum congestis coagmentata videbatur, qui singuli vasis sanguiferis irrigati, longioribus vasis excretoriis, ex quibus alias renum caro componitur, destituebantur, plevi
imme-

immediate magis aut brevissimis tantum ductulis, connexi. Ren dexter PROGTMN. illo longe major in insignes glandulas, instar vesicularum urinaturgidarum, XIV. exterius protuberabat, imo similes glandulosæ vesiculæ congeriei vasorum excretoriorum solito latiorum interferebantur. Quas quidem monstrosas glandularum grandescantias a seri urinosi stagnatione contigisse suspicatur, præprimis cum in quibusdam earum loco seri cruor repertus fuerit, vel propter impeditum per venas recursum, vel laceratum separatorium organum. Inde nihilominus congrue satis concludit, renum molem præter arterias & venas glandulas harumque tubulos excretorios involvere.

Qua mechanica autem secretio urinæ in glandulosa renum compage *Urinæ secretio contingit.* perficiatur, difficile dictu, dum alii Doctorum per attractionem quandam hoc fieri olim autumarunt, quasi renes per vim quandam attractricem & magneticam serosiores & urinæ congruas tantum sanguinis particulas, reliquis neglectis alliciant; alii eorum in cribratione seu trauscolatione acquiescunt: alii fermentum præcipitans, alii fusorinm, in hoc negotio cooperari suspicantur.

Hoc nihilominus probabile satis arteriam renalem in ramos majores, *Percolatione.* per anastomoses arcuatas communicantes, ac demum in furculos minores seu capillares divulsam, sanguinem quaque versum & per totum renis ambitum dispensare, præprimis ad glandulas, extremitatibus suis appensas: cujus quædam particule serosæ, ipsius massæ laxius cohærescentes, illarum porulos seorsim & liberius transeunt, reliquis cum sanguine per venas, cum quibus, illæ eadem ratione, ac cum arteriis communicant, ad cavam redeuntibus. Quia vero iisdem glandulis sua adaptata sunt vasa excretoria, in tot, quot pelvis tubulis excipiuntur, papillas secedentia, per singulorum horum oscilla serum in glandulis secretum ad pelvim depluit.

Id est glandulæ renales organum sunt urinæ secretorium, fibræ autem *Glandule renum fibris continua.* maximam renum compagem constituentes, porosæ & canaliculosæ, excretorium: quatenus binas hæc partes sibi continuas existere non tantum ratio svadet, sed experientia confirmat. Quoad hanc equidem *Malpighius* fatetur, infusos per arterias liquores, licet glandulas ad crepaturam usque repleant, urinaria tamen vasa minime penetrare, quem administrationis successum *Graef.* pariter *de usu Siphonis & Truſſon de Respir. in respons. ad animadvers.* narrant, hac tamen disparitate, ut horum posterior nihil plane, prior tantillum saltem, infusorum per pelvim & ureterem rediisse testentur. In biniis tamen subjectis (observata cautela a *Nobilissimo Bartholino de præpar. viscer.* de liganda prius vena emulgente commendata) secundo magis eventu idem

PROGTMN.
XIV.

idem tentavi olim, quorum renes ab aqua tepida injecta mirum in modum & ad obrigescentiam usque suæ substantiæ intumescabant, notabili illius portione per ureterem profluente, minore tamen longe infusa. Alterum, cujus idem *Malpighius* mentionem facit, phænomenon hoc modo observavi, sc. in canibus binis vivis, ligatis venis & ureteribus, postquam aliquandiu supervixerant illi, ab appulso & stagnante sanguine renes non tantum valde turgescabant, & excretoriorum vasorum propagines cum glandulis cohærescentes conspiciebantur: sed ureteres quoque supra ligaturam aliquantum tumebant, ac sauciati serum dimittebant, copiosius quamvis in uno, quam altero animalium. Pariter cum aliquando, pro viis ex intestinis ad vesicam investigandis, ureteres, sine venarum interceptione, ligassem, renis pelvim cum uretere sero scatentem vidi: econtra in aliis, tam sine, quam cum, ligatura venarum tentamini huic expositis, irritum hoc, id est vix sensibilem renum intumescientiam, deprehendi. Quibus addendi, quos in renibus, vacuo, pro circulationis sanguinis ratione exploranda, inclusis, & ut superius innui, adaptatis, contrarios mecum annotavit quidam rerum Physicarum solers Cultor, successus. Testantur sc. *Academia recens a Sarroto Venetiis congregata, Observatores*, aquæ, quæ per arteriam ac renum substantiam ad venam derivatur, ne guttulam quidem ex uretere destillare, idem & nobis contigit: In alio nihilominus rene per ureterem quasi præ-tumidum & erectum, aquam impetu notabili proflire vidimus, altera nihilominus vice in eodem subiecto frustra hoc phænomenon expectantes.

Quæ ratio sit disparis hujus eventus, vix determinare audeo, sufficiat interdum & ita succedere experimenta hæc, ut in subiectis integris ac vivis communicationem illam glandularum & fistularum excretoriarum probabilem reddant. Quamvis autem certum maneat, serum urinosum ab humorum massa percolatione quadam in renibus, pari circiter ratione, ac dum idem ex arteriis ad glandulas pro lachrymarum, salivæ &c materia deponitur ac per harum lymphatica excretoria eliminatur secernitur: controversitur nihilominus inter autores, an hæc seri urinosi secretio ab organica tantum renum conformatione sit expectanda, & annon aliæ functiones adjutoriæ seu ministræ simul concurrant?

Sunt enim primo qui coctionem seu digestionem aliquam, renibus propriam, ad separationem hanc facere putant, v. g. *Helmontius* & *Tachenius*, qui peculiare fermentum stercoreum & locii putrefactivum, supponunt, item *Mæbius* ac *Sylvius*, cuncti præter separationem lotii materiæ transmutationem, insuper intra viscus hoc tribuentes: ita ut urinam materialiter equidem in
massa

massa sanguinea concipiant, formaliter tamen in renibus demum fieri asserant. PROGTMN.
XIV.
Quatenus (1.) Morbi renum diversi urinæ productionem modo inhibeant, modo depravent: (2.) Serum & materia potulenta in renibus peculiari foetore ac sapore imbuantur: iisque (3.) cuilibet animalis speciei propriis, & (4.) in iisdem quoque subjectis quorum serum sanguinis insipidum, semper nihilominus vel ut plurimum urina observetur salsa, adeoque salsedinem hanc in renibus recipiat.

Cui tamen dogmati reponere convenit, respondendo ad *primum*, quod morbi renum, quicunque fuerint, urinæ secretionem quoque lædant, ita ut ab horum noxa non ad digestionem seu immutationem quandam argumentari liceat; ad *secundum* (1.) non omnem foetorem a putredine dependere, (2.) *Ad secretionem urinæ nullam digestionem concurrit.* nec odorum inductiones semper immutationem renum exigere, cum particularum tantum dislocatio odores mutare queat, imo (3.) sapores quoque non raro a particularum constituentium divulsione & aliarum adaptatione excitari. Quoad *tertium* vero cuilibet animalis urinæ specificus quod contingat sapor & odor, habent hoc ab alimentorum potius, quam specifici fermenti renalis, varietate. Ultimo & *quarto* Salis abundantia non semper linguæ patescit, v. g. in vegetabilibus, ex quibus nihilominus in notabili quantitate illud elicitur: Salsa proin magis observatur urina, quod gelatinosam substantiam illa deposuerit; quemadmodum serum etiam intra vasa effectum ac diutius sine novi chyli subsidiis circulatum semper falsum magis deprehenditur, hincque in uno eodemque subjecto sapor ejus pro temporis varietate variat.

Deinde sunt, qui fermentum quoddam, non equidem transmutatorium, sed præcipitatorium renibus tribuunt, v. g. *du Hamel de Affect. corpor. l. 2. c. 3* Nec per præcipitationem, quod pari ratione laticem serosum a cruore separet, ac lac in serosam ac caseosam substantiam facessit: ideo præprimis quod Diuretica simul etiam lac coagulent, adeoque, quia sanguinem plus præcipitent, largum Vrinæ profluvium inferant. Ast theoriam hanc non immerito obscuram *Borellus* proclamat, quæque ex familiari Chymicorum philosophandi methodo oriatur, quibus satis foret, vocabulis illis metaphoricis fusionis & præcipitationis gloriari, licet de modo & ratione mechanica, quæ talis fusio & præcipitatio celebretur, non adeo solliciti sint. Vel ideo siquidem admitti nequit, quod quæ lac in partes secedere jubent, sine concretione alterius a sero substantiæ nunquam agant: diuretica vero tale jus coagulatorium in sanguinem non habeant, nec habere sine totius brevi interitu possint; unde qui per venam emulgentem refluxit non magis congruatus observatur, ac quem reliquæ corporis venæ fundunt, quod ipse hujus dogmatis autor attendisse videtur, dum quæ lacti coagulationi

PROGTMN.
XIV.

gulationem inducere modo dixerat, sanguinem fundendo urinam præcipitare aſſerit. Cui accedit, quod lactis præcipitationem præſtent acida, urinam vero præter hæc moveant alcalica & urinoſa, lac & sanguinem a coagulatione præſervantia.

Non per fuſionem.

Proin Tertio *Williſius*, has ſimilesve inconvenientias prævidens, non sanguinem præcipitans, ſed fundens, renibus *Pharmac. rat. part. 1. ſect. 4. cap. 1.* aſſingit fermentum: quod naturæ alcalicæ lixiviali & rancido odore atque ſapore ſe prodat, & sanguinem, ad coagulandum alias aptiſſimum, ad fundendum vero & in ſeroſitates multas exſolvendum minus habilem, deliquet, & hujus partes ſeroſas ad ſeceſſum diſponat, a renum poſtmodum colo ſeparandas, ſimili ratione ac ſal tartari lacti, aut cum ſpiritu ſalis armoniaci ſanguini inſtillatum, utrumque a coagulatione immune ac fluxile magis reddat.

Quæ tamen hypotheſis pariter ſuis premitur difficultatibus, quatenus (1.) nullum datur ſal alcalicum, ſive fixum & lixivioſum, ſive volatile & urinoſum, in rerum natura, niſi quod ignis aut putredo produxerint: quorum tamen agentium neutrum in corpore animali vivo admittere poſſumus; imprimis cum non de ſale lixivioſo vel urinoſo, ſed de enixo, ſalſo & ſali armoniaci vel nitro ſimili renum fracedo & odor teſtetur, prout inferius conſtabit. Præterea & (2) in dubio relinquitur, an ranciditatem & ſalfedinem illam urina a renibus horumve fermento, an hi a ſero & ſanguine, recipiant? & quidem eo magis, cum ipſe *Williſius* paulo ante dixerit, lotium ſalfedine imbutum, dum renum meatus perſuit, particulas ſalinas iis affricare, proindeque odore ſeu oblinimento quodam lixiviali eos inſicere. Imo rem ita ſe habere, i. e. renes ſalfuginem & fracedinem ab urina potius mutuari, nullumque proprium fermentum poſſidere, duo mihi evincere videntur phænomena quotidianæ obſervationis, quorum primum, quod urina recens natorum nullam aut vix ſenſibilem, graveolentiam ſpiret: alterum, quod urina potus parum aut nihil odoris ac ſaporis a renibus excipiat. Nec (3.) ſalia illa fixa & volatilia in ſerum tantum aqueum, ſed gelatinofam quoque ac purpuream ſanguinis ſubſtantiam agunt, easque ſimul diſſolvunt, alias enim nihil potentiæ ſanguinem delinquendi haberent: E. eaſdem quoque in urinam fundunt; quod abſurdum & contra experientiam. Multo minus (4.) ejusmodi fermento præſervante opus erat corpori, quod sanguinem contra coagulationem tueatur, cum hic in ſtatu ſano & intra ſua vaſa fluiditatem naturalem haud adeo facile, ac extravafatus, dimittat, & *Helmontius* etiam poſt mortem aliquandiu ſanguinem fluidum annotaverit. Nec (5.) plus fuſionis ac attenuationis intra renes poſtulat atque exigit ſanguis, utpote cujus partes ſeroſæ reliquis laxius & ſuper-

superficialiter tantum coherēt: hinc sine fermento divellente & solatenum PROGYMN.
mechanica structura ab his disjungi ac segregari valent, cum fermentorum XIV.
activitatem vinculis tenacioribus tantum combinatæ heterogeneitates desi-
derent.

Præterea haud exigui momenti sunt, quæ *Borellus* contra fermentativam hanc urinæ secretionem producit: quasi intra angustias glandularum renalium, & sub celeberrimo ac rapido ejusmodi motu, quo sanguinis massa per glebas renum glandulosas fertur, commotiones, rarefactiones ac ebullitiones tales, sine quibus nullus motus fermentativus & turbativus concipi valet, fieri nequeant. Vix enim fermenti penetrantissimi tanta est activitas, quæ sub tam exili mora & in adeo strictissimis glandularum porulis vim suam sufficienter exerat, cujusque, si in rerum natura daretur, contactum renum substantia ferre possit: & ex momentanea ejusmodi tantum actione fermenti & sanguinis massæ simile quid necessario contingeret, quale quid in filtratione & transcolatione v. g. solutionis auri, sulphuris &c. intempestive adornata observamus. Sc. si hæc similesve solutiones mox ab instillato præcipitante v. g. sale tartari, aceto, filtro committantur, haud retinentur ab hoc præcipitanda seu secernenda, sed sub liquoris turbidi specie tota solutionis massa chartam bibulam permeat: pari ratione metuendum, ne semipræcipitata cum urina renum colatorium transeant.

Malpighius, nullum equidem renibus proprium concedens fermentum, *Neque fermentationis* nihilominus præter horum structuram & apparatus mechanicum perpetuam sanguinis fermentationem secretorio huic muneri litare autumat, utpote quæ *guinis aliquid confert.* solutæ & liberiores redditæ salinæ & aqueæ particulæ ab occurrente organorum structura facilius excipiantur, & a reliqua massa sequestrentur. Cui supposito in hoc quidem prompte subscribo, quod, quemadmodum in omnibus concretis, præprimis fluidis motus quidam intestinus partium, si non elementalium, certe integralium, concipi debet, per quem tamen species & forma misti non mutatur, ita nec sanguini ille denegari queat, quiabilem eum reddat pro dimittendis particulis separabilibus: talis autem non separat strictius combinata, multo minus, ut superius prolixius differui, fermentationis titulum meretur.

Et quia denique nec illa Scholarum vetus sententia, quasi renes per facultatem attractricem & electricam serum a sanguine avellant, per sanio-
 rem philosophandi rationem admitti potest, quatenus, nullam attractionem in rerum
 natura dari, illa evincit: Illam plerorumque modernorum hypothesin, quam
 Borellus multis explicat, & per plures propositiones defendit, nimirum

PROGTMN.
XIV.

per solam configurationem cribrosam & necessitate mechanica serum urinosum in renibus separari, amplector. Quatenus sanguis vibratione cordis per arterias emulgentes impetuosius impulsus intra horum furculos capillares primo in minutias homogeneas, moxque intra glandularum porulos in heterogeneas diffingitur, id est, dum per hos rapide propellitur, serum urinosum a reliqua massa, cui simplici contactu & laxius duntaxat adhærescebat, avellitur & ad canales illarum excretorios, figuras his absorbendis pariter accommodatas & cum glandularum secernentibus meatulis communes habentes, deponitur; dum interim reliquas moleculas venæ per proportionatam pariter illis ac omnibus venarum ostiolis solennem, configurationem excipiunt, ac ad communem fontem revehunt.

Idem equidem *Malpighius*, sicuti in admittendis sententiis maxime circumspectus & prudentissimus, ita artificium, quo urina in renibus separatur obscurissimum non sine ratione pronunciat: quatenus formalitas hujus renum mechanicæ, seu individualis & exactior meatuum in glandulis horumque vasculorum radicibus capillaribus structura nos lateat, id est, dubium sit, an configuratio hujus machinæ interna, per quam hoc separationis opus peragat, spongiæ, incerniculi fistularum aut alterius cujusdam instrumenti, quod ad quotidianos usus usurpamus, texturæ consonet? aut cui horum maxime consimilis existat renum fabrica? Eo ipso tamen, dum, eodem in loco, necesse esse, concedit idem *Perspicacissimus* pariter *Vir*, hanc renum machinam internam configuratione hoc separationis opus peragere, item dum naturæ operandi industriam fecundissimam pronunciat, quæ ignotis nobis polleat machinis, & talibus quidem, quas nec mente quidem assequi liceret: non tam obstrepentem, quam modeste tantum dubitantem & *plus ultra* spirantem etiam hoc in passu eum judicare convenit. Ignoramus equidem exactam cribrositatum harum structuram, ideo tamen de urinæ secretionem colatoria dubitandum haud erit: i. e. pari ratione, ac pannum, cutem ac carnes porosas esse & fluida appropriata cribri ad instar transmittere, ex effectu concludimus, quamvis horum meatus non magis ac renum, conspiciamus, eorumque individualis & determinata conformatio nos lateat. Præterea per diversitatem figurarum meatulos quosdam unum fluidum præ altero, id est, quorum particulae diversæ pariter figuræ, admittere, svidet v. g. sudor aqueus, qui per cutis poros, non vero sanguis, cui ille commixtus erat, penetrat, item pori lignorum, aquam solam, non aërem, nec Mercurium, transmittentes &c. Cur E. in renibus idem locum habere, præfracte negabimus?

Oportu-

Oportune impræsentiarum reminiscor instantiæ, quam olim Amicus PROGTMN. contra colatorium hoc renum officium movebat: nimirum cum observe-
 mus, nec aquam, per arteriam emulgentem impulsam semper, nisi vena
 ligata, per ureterem redire, nec semper, aut aliquomodo tantum in vivis
 subjectis ad eundem ureterem ligatum serum urinosum deponi, integra quam
 vis manente renum structura; hujus forsan mechanicam secretioni lotii haud
 adæquatam videri, sed vel fermentum, quod morte destrueretur, vel simile
 quid, sub cruciatibus animalis deficiens aut fatiscens, in statu naturali subesse.
 Cui nihilominus solvendæ inserviet, primo, quævis colatoria non quibusvis
 colandis appropriata existere, adeoque nec incerniculum renale, fluido uri-
 noso saltem accommodatum, aquam fontanam aut fluvialem transmittit:
 deinde facile concipi potest, multos meatulos & poros, in vivis animalibus
 patulos atque apertos, morte non tantum immutari & constipari, sed sub
 torturis quoque ejusmodi martyrum anatomicorum distorqueri ac obturari,
 adeoque hoc nomine saltem secretionem renum, sine fermenti ficti extinctio-
 ne, turbari.

XIV.
*Cur arteriis
 emulgentibus
 injectus liquor
 non redit per
 ureterem?*

*Cur urina ure-
 teres ligatos
 non distendit
 semper?*

De cætero illud, quod *Malpighius* quoque miratur, adhuc aliquid dif-
 ficultatis transcolationi huic mechanicæ affricat, quod cum urina in statu
 sanitatis particulæ salino-sulphureæ, ac consimiles, imo in statu præterna-
 turali heterogeneitates ejusmodi, quæ cum naturalibus ejusdem figuræ,
 hinc poris renum adæquatæ, vix censerî poterant, excernantur, nempe san-
 guis congrumatus, pus, aliaque totius corporis recrementa extraordinaria
 ut illæ, quæ toto genere præter naturam, mittam; pro quorum diverso
 appulsu amplitudinem & configurationem porulorum renalium frequentius
 immutari, necesse foret, quod nihilominus absurdum.

*Quomodo he-
 terogenea
 crassiora, non
 sanguis
 renes pene-
 trent?*

Sed solvit nodum idem *Barellus*, & primo quidem quoad corpuscula
 salina: sc. aquæ guttulas, quæ illa exceperunt, nihil suæ figuræ mutare,
 quin easdem porositates, quas aqua dulcis subit, aqua etiam sale turgida
 penetret, non autem aliæ tincturæ, aquæ admixtæ: quatenus ligni & car-
 nium poris pari facilitate aquam simplicem & falsam se insinuare, obser-
 vamus. Unde haud mirum, urinam salibus turgidam fistulas urinosas pe-
 netrare, non vero sanguinem, utpote cujus textura a sero salino longe
 distat: Et, quia sulphureæ partes non nisi salinis atomis involutæ, urinam
 tingunt, illas harum quoque ductum facile sequi. Quod vero in statu mor-
 boso, pus aliaque recrementa morbosa, sine sanguine fluido, emingantur,
 ratio est, quod meatus renum ordinarii extraordinarie nonnunquam dila-
 tentur, pari ratione, ac naturam meatus alios, alias exiliores, pro hetero-

PROGTMN. geneitatibus molestis eliminandis, ad tempus ampliari, constat, v. g. in hæmorrhagiis narium criticis ac symptomaticis, fluore mensium &c. Id quod si sine figuræ, v. g. rotundæ mutatione contingat, ampliati canales alia etiam admittent recerementa, quorum minima ejusdem figuræ, licet majora, imo etiam quædam diversæ figuræ, modo minora: non vero ramosas sanguinis moleculas, nisi forsan arteriola vel vena lacerata seu disrumpa sanguinem simul ad canaliculos nonnullos renales aut ad pelvim deponi, contingat.

*Cur non omnis
urinosa sub-
stantia simul
secer nitur?*

Quando *Malpighius* instat, singulis cum urina excretis consimiles partes in sanguine remanere & non omnes ad urinarias vias deponi, quod tamen, si ex configuratione vasorum renalium sola talis secretio contingeret, neque illas per fermentationem quandam intestinam prius ad secessum disponi necessarium foret, fieri haud posset: idem *Borellus* regerit, quod non omnis sanguis simul ad renes feratur, sed maxima ejus pars illos præterlabatur. Verum haud ex asse satisfecisse videtur huic dubio, quatenus etiam ille sanguis, qui renes transmeavit & per venas emulgentes redit, sero & salibus adhuc inquinatus deprehenditur. Unde dicendum potius, aliquid sanguinis seu succi nutritii compactiori renum substantiæ alendæ impendi, id est, non per poros horum secretorios ferri, cujus serum effectum per venam emulgentem revehitur, subsequenter tamen circulationibus & ad renes factis impulsibus segregandum: imo portio quædam feri urinosi reliquis massæ particulis gelatinosis arctius adhuc implicatur, ut per urinosum cribrum colari, & a reliquis mox sub primo impulsu avelli nequeat.

*Ad secretio-
nem facit pul-
sus sanguinis.*

Intra glandulas E. renales secreta urina per harum siphunculos, superius memoratos, exprimitur ad pelvis tubulos & sinum forsan, non tam per motum diaphragmatis inspiratorium & musculorum abdominis motus reciprocos, utpote qui solidiori renum compagi comprimendæ minus sufficiens, quam per sanguinis arteriosi continuum appulsus, qui, novum apportando serum, pristinum e glandulis renalibus urget & extrudit; unde hic a *Borello* non adeo inepte causa urinæ efficiens dicitur. Neque etiam mechanicis legibus refragatur, easdem arteriolas, renum compagi intertextas & a reciprocis cordis pulsibus dilatatas, meatulos urinæ secretorios, repetitis ictibus comprimere, adeoque serum impactum per eorum oscula exprimere atque propellere.

Atque

Atque sic Ischuria illius, quam a sola plethora emergentem ac sanguis-
 nis tantum subtractione solutam *Riverius cent. 1. obs. 1. & 89. ac Tulpius XIV. lib. 2. obs. 43. referunt, & cujus generis videtur illa, quando Cornarius Ischuria a obs. 21. quendam sine ullo renum ac vesicæ affectu per plures dies non, nisi post fluxum narium, minxisse perhibet, ætiologia sponte lucet, quatenus uterque sanguinis appellentis usus hac ratione cessat: i. e. per plenitudinem ejusmodi extraordinariam leviozem tantum impetum persentiscunt renes, cum, quo impulsus cedat, sanguis locum non inveniatur, vasis ad erepaturam quasi turgescitibus ac distentis, unde nec protrudendo, nec exprimendo in serum urinosum prompe satis aget ideam; ut taceam sanguine præter modum distenta vasa, renes undiquaque pereurrentia, accessum æque ac egressum seri urinosi sufflaminare.*

Hoc per fibras renum canaliculatas harumque fasciculos papillares in
 ureterum tubulos seu emissiones fistulosas, ac demum eorum sinus latiores,
 seu pelvim, deponitur: unde per eorum canales, lumbarem regionem ob-
 lique transcurrentes, successive ad vesicam, tanquam matulam publicam,
 destillat, non tantum ratione molis & gravitatis propriæ, sed eorundem ure-
 terum motus peristaltici seu constrictionis successivæ, quam tunica eorum
 fibroso-carnea præstat. Ita ut vasa hæc non solum urinæ canales concedere,
 sed ejusdem quoque descensum per fasciculos suos musculosos horumque
 tendineas intersectiones juvare, palam fit.

In vesica autem sensim collecta urina eousque cumulatur ac asservatur,
 donec vel mole & copia, vel acrimonia, illam ad excretionem stimulet,
 tingit hæc potissimum per ejusdem contractionem propriam, quam fibris tu-
 nicæ suæ carnosæ, ideo ab *Aqua-Pendente & Spigelio* musculus urinæ detru-
 sor appellatur, exequitur, qua potentiam fibrarum sphincteris contractorem
 eousque superat, ut eo laxata cervix patula evadat, hinc urinam, ex arctato
 & compresso fundo propulsam, libere transmittat. Musculos quoque ab-
 dominis, præprimis rectos ac pyramidales, contractoria sua intumescencia
 vesicam comprimendo, functionem hanc accelerare, vix negandum, impri-
 mis cum sub urinæ excretionem abdomen contrahi cuilibet constet: Hos ta-
 men ministras tantum, non primarias, manus præstare, inde comparere, quod
 post diuturniorem urinæ, vel voluntariam, vel involuntariam, suppressionem,
 contractis quamvis maxime musculis abdominis, lectum libere & continuo
 fluxu emingere haud liceat; propter tonum nimirum tunicæ illius enormiter
 laxatum & ad constrictionem minus aptum. Spectat huc experimentum
Walei, quo musculis abdominis resectis vesicæ subjecti adhuc vivi infligitur
 vulnus

*Descendit uri-
 na per urete-
 res ad vesicam.*

*Expellitur
 urina.*

*Per tunica
 vesicæ car-
 neam.*

*Et per muscu-
 los abdominis.*

PROGTMN. vulnus, mediocris magnitudinis, per quod urina impetu notabili profilit, vesica in arctum maxime sese conglobante.

XIV.
Tunica vesicae musculosa.

Tunica siquidem inter communem & nerveam media non tantum fibras carneas hinc inde sibi intertextas gerit, sed tota carnea & musculosa est pari ratione ac tunica ventriculi atque intestinorum media: prout non tantum in semicocta vesica, sed cruda quoque, præprimis si cum stagnatione sanguinis animal perierit, & per tunicae communis remotionem atque sui inflationem ad spectaculum hoc illa præparata fuerit, conspicitur. Annotarunt musculum hunc vesicae Fallopius, Aquapendens & Spigelius, qui eum inter musculos etiam vesicae describit, alia tamen longe ratione, ac in Veslingii similibusve tabulis sub staminum fere circularium ordine eadem tunica delineatur. Recens quidam *Anatomia Compendiarius* anonymus, in scriptulo exiguae molis (*Essais d'Anatomie*) tunica huic carnea tres fibrarum series, longitudinalium, circularium & transversalium (potius forsan obliquarum) assignat: Vereor autem ne liberalior justo in vesicam, prodigus vero in naturam, fuerit, quæ tanta fibrarum varietate illam haud exornavit. Autopsiæ & archetypo magis conforme est Schema & descriptio Casserii, Spigelii &c. quibus etiam se applicat

Fibras tantum longitudinales habes.

Myographia Nova Editor, Casserii figuræ suam adeo accurate accomodans ut præter musculorum inscriptiones nihil adjectum jurares: uno verbo, unicum tantum, eumque longitudinalium, licet cernere hujus tunicae fibrarum ordinem, reliquos fictos crederem.

Vulnera fundi vesicae non sunt lethalia.

Intuentes hanc structuram vesicae integræ carnosam desperare ut cessent, moneo, de Vulneribus fundo illius inflatis, quæ simpliciter lethalia pronuntiabat veneranda antiquitas: imprimis si Plateri *obs. l. 3. pag. 850. Kentmanni de calcul. cap. 11. Wurzii Chir. part. 2. cap. 13. & S. Pauli Flor Dan. part. 2. pag. 83.* legerint, historias fundo vesicae vulneratorum & sanatorum recensentium. Corruente enim illa substantia vesicae mere membranea corrui etiam, quam huic fundamento vulgo superinstruunt, lethalitas absoluta: imo cum fundi etiam ejus maxima pars peritoneo ac musculis NB. in homine continua sit, carne horum accrescente muscoli hi cum vesica sauciata per cicatricem communem occallescent; modo prudenter in medendo operatus nec turundis abusus fueris, prout in Studioso ante sexennium cum stupore mecum observabant ipsi ministrantes Chirurgi.

Partes urinae integrales sunt liquor & contenta.

Vrina hæc excreta partes agnoscit vel integrales, vel elementares magis: quarum illæ sunt fluidior urinae substantia, cum solidioribus seu crassioribus quibusdam particulis, quæ, denegato motu vitali, quo cum sanguinis massa communi fruebantur, ab illa nomine nubeculae, suspensionis ac sedimenti

menti, secedunt, ac pro diverso suæ gravitatis gradu seu tendentia, modo summitati, modo medio lotio innatant, modo ad fundum præcipitantur, ita tamen ut secessum horum contentorum eorum spissitudo & medii resistentia diversa varie moderetur, & quod nubeculæ situm ac nomen habebat, eno- rema & frequentius sedimentum evadat. Id est, quemadmodum nubecula substantiam maxime tenuem & raram agnoscit, quæ ut plurimum per transpirationem exhalat, ideoque in sublimi manet, aut raro etiam cum suspensione conspicitur, frequentius sedimentum: quod calore externo leni admotum, dum rarefcit in reliquorum contentorum locum evehitur, imo plane discontinuatur, refrigerato vase se ipsum denuo ad ima præcipitans. Pariter si medium spissius plus contineat particularum solidiorum sibi adhuc combinatarum, quam separatarum, hæc vel mole, vel tendentia, medii resistentiam superare nequeunt, hinc aut plane non comparent, aut hypostaseos locum vix occupant. Quia tamen in statu naturali crassamenta hæc nihil aliud, quam partes salino-terreæ non commode deliquabiles & fluido feri exactius immiscibiles sunt, ita quidem ut in perfectissime sanis neutrum eorum compareat, & de chyli atque sanguinis digestionem optima absentia sua testentur: si forsan copiosiora & tantæ molis illa extiterint, ut urinas turbidas reddant & totam ejus compagem occupent, minus subactæ videntur hæc heterogeneousitates, adeoque cruditatis humorum statum indignant.

Elementales ac simpliciores urinæ partes voco aquam, sal, terram & sulphur, quarum evolutionem tamen non igne potentiori committendam puto, utpote qui analyta rerum satis fallax observatur, sed blandiora agentia arbitros hoc in passu seligere convenit, prout *Nobilissimum Bellinum*, Renum æque ac horum producti Inquisitorem exactissime egisse, constat. Priores tres substantias, vel ipse sensus, vel simplex tantum evaporatio distinctas monstrat. Sc. aquam totum urinæ fluorem constituere, & cæteras partes cunctas longe superare, ex simplici & blanda exhalatione seu destillatione urinæ dignoscitur, quicquid provocatur, instar aquæ pellucidum ac inspidum est, urinæ vero evaporatione hac inspissata pristinam formam recuperat & urinæ integræ denuo per omnia similis evadit, modo tantum aquæ communis ipsi affundatur, quantum humilitatis propriæ perdiderat: ita quidem, ut sextuplo aut septuplo præter propter moles aquositarum reliquam urinæ substantiam antecellere observetur. Salis inexistentiæ sapor probat, qui pro majore aqueæ substantiæ evaporatione acrior fit, donec sedimentum seu remanentia viscida ac nigricans in aere deliquescentes sal acerrimum, quod lingua vix ferre potest, sapiat. Terræ ramenta manifestat non tam destillatio ad capitis mortui remanentiam, quam

PROGTMN.
XIV.

Et Sulphur.

quam si urinæ ad mellaginem abstractæ aqua communis ad pristinam usque fluiditatem reaffundatur: quæ urina regenerata quemadmodum cum urina naturali hoc etiam commune habet, ut temporis tractu turbetur & putrescat, ita antequam corruptionem hanc subeat, ad fundum vasis dimittit tenuissimum, subpallidum, ac plane insipidum pollinem, pro terra simpliciore merito habendum. Ast sulphuris denique inexistenciam arguit; si non odor, qui singulis, etiam integris, urinis inest, certe foetor ille teterrimus, quem inter putrescendum non tantum, sed sub mitiore & simplici etiam evaporatione, urina spirat: ut visciditatis taceam, quam eadem per evaporationem sensim majorem induit, eamque resinösam, sine dubio a particulis ramosis, quibus olea seu sulphura abundare ex chymia mechanica nunc suppono. Quamvis sulphuris hujus exilem satis portionem esse, hoc evincat, quod nihil fere pinguis seu olei formis in destillatione urinæ elevetur, nisi forsan illum spiritum ardentem seu vinosum urinæ putrescentis, cujus *Helmontius de libias* c. 3. meminit, huc referre placeat.

*Sal urinæ non
est alcalicum,
Sed salis armoni-
aci simile.*

In specie vero salis urinosi essentiam quod spectat, a quibusdam rudioribus chymicis, qui inter urinæ sal & urinosum distinguere nesciunt, alcalicum hoc pronunciat: quævis, si rem accuratius pensitemus, haud purum alcali, sed salsum, seu nitrosum, vel potius sali armoniaco simile, i. e. quod præter alcalicas acidas etiam particulas fovet, deprehendatur, hincque *Spiritus urinæ in fundamentalis nativitatis suæ puncto salis* recte ab *Helmontio* l. a. dicatur. Probat hanc falsedinem primo urinæ sapor, qui sane non lixivialis, sed nitrosus, seu salis est: deinde diversarum solutionum præcipitationes, quæ cum urina cruda adornatæ alia longe phænomena sistunt, quam quæ per spiritum & sal urinæ vel alcalia fixa ac pura fiunt, dum v. g. Sal, ex terra nitrofaeductum & urinæ affusum, se invicem haud turbant, cum spiritu urinæ vero idem sal solutum in lacteum liquorem abit, quod ipsi pariter contingit, si cum sale tartari agas. Pariter urinæ si spiritus nitri, aqua fortis simileve acidum instilletur, rubedo saltem hujus aliquomodo intenditur: quod si vero alcali, sive fixo, sive volatili stigma ejusmodi affundatur, sine ebullitione ac turbatione notabili illud nunquam contingit. Solutio vitrioli ab urinæ spiritu & sale tartari in offam mucilaginosam & quasi sebaceam cogitur, urina autem lacteum tantum colorem & consistentiam ipsi induit: imo ipsa urina per spiritum proprium saliaque fixa præcipitatur & coagulatur; ut taceam phænomenorum diversitatem, quam solutiones metallicæ, v. g. auri, modo cum urina, modo cum salibus urinosi præcipitatæ, experiuntur. Quibus tertio accedit, quod urina, per se destillationi exposita saltem aut spiritum haud

haud penitus urinosum, hinc nec adeo penetrantem fundat, sed mitiorem PROGYMN.
 longe & sali armoniaco similem: quatenus sal urinosum, quod ipse in sero XV.
 combinabatur, sal acidulum secum evehit: econtra cum additione alcalium
 fixorum aut calcis vivæ qui conficitur, sal & spiritus urinæ, penetrantissimi
 existunt, substantia sc. illa acidula ab alcali fixo concentrata & absorpta, ut alia
 insuper testari poterat encheirisis. Denique & quarto *Helmontius* l. a. præ-
 ter spiritum urinæ salsum volatilem duo salia fixa urinæ inesse tradit: cui *Illu-*
strissimus Boyle in *Chymista Scept.* subscribere videtur, quando præter sal
 urinæ volatile commune & fixum genus quoddam, sali armoniaco simile, sub-
 limari posse testatur.

PROGYMNASMA XV.

DE

TRANSPIRATIONE
ET SVDORE.

PER habitum seu poros cutis quæ contingunt, excretiones *διαιρέσις* & seu *Sudoris* seu
 dationis nomine veniunt, materiam cum urina eandem agnoscentes & *transpiratio-*
 organorum tantum secretiorum diversitate ab hujus productione distinctæ. *nis & urina*
 Latex siquidem aquosus, frequentioribus circulationibus per corpus agitatus *materia ea-*
 cum moleculis quibusdam salinis, sanguinis massæ aut solidioribus partibus *dem.*
 detritis, sicuti intra renum cribrum secernitur, ita ejus simul aliquam portio-
 nem per poros cutis exhalare, palam est. Quippe primo sudore copiosius *Sudore copioso*
 profluente & transpiratione libera urinæ parcitas observatur, quæ contra co- *parcior urina*
 piosior emingitur, si cum sudore *διαιρέσις* quoque inhibeat. Posterius ex- *&c.*
 periuntur, qui sub aura gelidiore v.g. hyberno degunt, qui frequentius mi-
 eturiunt, quam qui in locis calidioribus aut stragulis cooperti illas habitus ex-
 cretiones promovent, a quibus matula non adeo desideratur: sine dubio,
 quod materia utriusque communis per diversam hanc atmosphæræ habitudi-
 nem seu idem serum excrementitium modo per cutem emittatur, modo via
 hac intercepta, ad interiora ac renes cogatur.

Peculiare quid sibi vendicant Insulæ Indiæ adjacentes, quarum advenæ *Cur interdum*
 per longum tempus & fufius sudant, nihil interim vel siccitatis oris, vel alvi, *sudor copiosus*
 aut urinæ defectum perferentiscentes: uno verco sufficit his, imo abundat, se- *cum urina.*
 rum, per quævis emunctoria proscribendum.

PROGTMN.
XV.

*Sudoris sapor
salus & sal.*

Cujus phænomeni ætiologiam adæquatam etsi nobis, a regionibus illis adeo distitis, reddere vix liceat: diversa nihilominus alia insularum harum phænomena atmospheræ earum singularem & penetrantissimam monstrant humiditatem, per quam corpora magis madefiunt & ad plures aquositates dimittendas disponuntur. Attendi tamen simul, scaderem, an sudor hic adeo copiosus non tam vaporum extrinsecorum in corporibus hominum coagulatorum productum, quam ab intra elevatarum exhalationum coagulum sit? Deinde recrementi cutanei ac urinæ identitatem materiale evincit sapor utriusque falsus: quatenus sudor nolentibus ac invitis quoque in os influens saluginem suam huic imprimit, in cute molestissimas rosiones, &, si intempestive hic & transpiratio cohibeatur, pruritus intolerabiles, excitat. Referre huc non pigebit mechanicam *Tachenii*, qua ex indusiis sordidis & strigmentis cutaneis imbutis simile sal, quale urinæ, in *Hippocr. Chym. cap. 12.* producere docet, quamvis hoc non adeo foetens, ac urinæ sal, testetur. Pariter convenientiam urinæ & sudoris, ratione feri falsi, paucis abhinc diebus mihi confirmavit Vir honestus, hypochondriacus tamen & scorbuticus primicerius, qui quemadmodum inter reliqua dyscrasiæ suæ symptomata sudoribus nocturnis frequentioribus exponitur, ita mane de lecto surgens salina strigmenta solidiora de cute sæpius detergit, paria forsân illis quæ sudorem arenularum *Bartholin. cent. 1. hist. 34.* vocat, & in quodam Viro Nobili, arthritidi atque calculo, tanquam hostibus aut hostibus domesticis, sæpius obnoxio *Ol. Wormius* viderat. Id est, sicut ejusmodi hominum urina multum salis muriatici, vel sub forma crustæ salinæ superficiei ejus innatantis, vel sub arenularum granulis lateribus matulæ adhærescentis, vel sub pollinis splendentis hypostasi subsidentis, continet: sic, si eidem separando renes haud sufficiant, serum cutaneum hoc copiosius tingit.

Sudor de assumptis testatur.

Tertio, quemadmodum non infrequens est, urinarum odorem atque saporem de assumptis testari hæcque æmulari, ita larvas horum interdum quoque sudor atque transpiratio sibi adaptant, dum v. g. allium & coepas olent, imo potulenta, qualia hausta, per poros evacuantur. Dum v. g. *Salmuth. cent. 2. obs. 28.* cerevisiam largius potam sapore, ac tinctura pristina imbutam sudore excretam refert; quod de quibusdam vinis, v. g. Cretico, itidem nonnunquam experimur, it. a vino Hispanico rubro de quo vid. *Bartholin. cent. 4. obs. 62.*

Cur nullus in sudore fatur?

Unum, quod objici posset, prævideo, nimirum urinam in statu etiam naturali graveolentiam sibi propriam spirare: qualem nihilominus sudantes

PROGYMN.

XV.

Cur nullus in sudore fætor?

tes non percipimus, neque de eadem nobis adstantes conqueruntur: Prævideo tamen simul, quid solutioni hujus instantiæ inservire queat. Primo foetoris gradus in lotio diversi, eorumque nonnulli vix sensibiles, sunt, in illo sc. quod intra vesicam haud diu congestum & asservatum fuit: cum mora diuturniore demum graveolentiam induere, quilibet in se experiri queat: Sudor contra, qui in nullo receptaculo ante sui excretionem colligitur, sed ejusdem secretio atque effusio uno eodemque actu contingit, nares vix sensibilibiter feriet. Secundo nec una vel altera urinæ guttula, naribus præsertim remotioribus, sensibilem molestiam creat, sed in notabili quantitate collecta & naso propius admota: quia autem tantillum est, quod sudore aut transpiratione exhalat, & quidem non intra vas angustius coercibile; nec foetoris molestiam observamus. Imo denique prout urinam unius subjecti præ alterius lotio foetidam magis deprehendimus, sic quosdam sudantes hircum olere cum maximo sæpe incommodo experimur, imo si cum urinæ retentione pertinaciori quosdam in sudorem solvi contingat, fracedinem urinofam hic copiosissime exhalat. Exemplum ejusmodi *Salmuth. cent. alleg. obs. 82.* refert, de quodam, qui a paroxysmo nephritico suppressione urinæ eousque correptus, ut corpus ejus ad crepaturam usque inflatum fuerit, in sudorem universalem exsolvitur, urinam plane odore referentem, & cum calculi excretionem cessantem.

Ast mox aliud occurrit contra assertum hoc dubium, nimirum, si eadem urinæ & sudoris foret materia, semper quoque esse sudandum, prout frequentius mingimus. Cui vulgo cum *Erasmo* respondent, multum humoris serosi subministrari urinæ, parum autem eum sanguine ad habitum ferri & in uno ejus loco colligi, *E.* facile in vaporem verti posse, pariter ac cyathus aqua plenus, si soli exponatur, intra aliquot dies demum absumentur, in tabulam vero effusus citius exsiccetur: an apposite & sufficienter, non disquiram, sed meum potius illis addere liceat judicium. Ideo nimirum vix sudamus, quia tantillum feri est, quod singulis pulsibus & per arteriolas cutaneas capillares glandulis illis excretoriis singulis advehitur, quod, antequam nova guttula (forfan vix vigesima) pars affluat, a colore partium substratarum mox in vaporem solvitur: cum ingens satis feri moles quolibet sanguinis impulsu non tantum renibus adducatur, sed intra pelvim horum & vesicam guttula urinæ sequestrata plures in laticem pleniorum congerantur, sique stilla stillæ accrescat.

Cur non adeo frequenter sudamus, ac mingimus?

Excretionem has cutaneas binas haud æque naturales omnes judicant, sudori recrementi naturalis titulum vix concedentes: non tantum quod

PROGTMN.
XV.

materia, quæ in sudore humor, in transpiratione vapor, sed efficiente quoque i. e. potentiore & minore calore seu sanguinis exagitatione majore & minore, differant, adeoque sudatio functio minus naturalis videatur, sed ad illam perinde ac diarrhœa ad secessum alvi naturalem, se se habeat. Verum mox & pro prolixiore declinanda lite largior, quod Sudatio ratione impetus, atque impellentis utique aliquid præternaturalis involvere videatur, nihilque, nisi transpiratio intensior atque velocior sit: materiæ nihilominus intuitu, organorum & secretionis atque excretionis modi hæ functiones ambæ consonant, prout ex sequentibus elucescet.

Sudoris materia est humor naturalis.

Sudoris materiam proximam humorem, eumque naturalem, esse, ex dictis suppono, & quas contra hæc *Diocles* atque *Sennertus* movent, instantias commode satis tolli puto. Prior siquidem, dum ita argumentatur, Excrementa tertiæ coctionis quia vel per insensibilem transpirationem, vel sudorem, excerni solent, ad insensibilem autem excretionem agens potentius & calor robustior requiratur, qui materiam ad vaporem usque attenuet, necessario sudor ex impotentia caloris nativi contingeret, & sic excretio præternaturalis foret: gratis supponit, omnem humorem serosum a calore naturaliter constituto in vaporem resolvi debere, adeoque sudorem semper a caloris & virium aliquali defectu promanare, Cum non vaporet-

Nulum excrementum vaporis ad habitum deferatur.

nus, ut communis fert sententia, serum hoc excrementitium ad glandulas subcutaneas deferatur, sed per vasa cum sanguine laudabili influat, neque excrementum tertiæ tantum, sed secundæ, imo primæ quoque coctionis non raro videatur, ac frequentius a talibus occasionibus excitetur sudor quæ non tam exagitationem sanguinis caloremque ejus remissio- rem, quam auctum, evincunt, v. g. a motu corporis, humores violentius commovente. Simili ratione quando *Sennertus*, si rite omnia in corpore dispensentur probeque coquatur a natura & vincatur cibis, i. e. a corpore sano & secundum naturam constituto, materiam sudoris colligi haud posse, scribit, petitionem committit principii, alium sibi fingens humorem præter serum urinosum pro sudore formando.

Sudor ratione materia est naturale quid, ratione efficientis secus.

Plempium itaque arbitrum hujus controversiæ postulabo, qui quo *Diocles* cum Galeno, cui posteriori istius opinio dura & præter rerum evidentiam videbatur, conciliet, considerata causa efficiente sudorem vix naturale vocari posse excrementum, respectu vero materiæ, quæ semper & secundum naturam in animali colligeretur, omnino naturalem dicendum esse, inquit. Nisi enim naturalis foret illa humiditas sudorifica, nunquam sane sudor oboriri posset, nisi cum molestia aut prodromo illius quodam

præ-

præcedaneo: idem proin, quod transpirationi materia existit, id est, hu- PROGYN.
miditas naturalis, in sudorem promanat. XV.

Minus siquidem philosophice agunt,* qui, inter vaporem & humo-
rem distinguentes, transpirationis materiam exhalationem seu fuliginem
ajunt, cujus quadam portio in vestimentis, cutem immediate magis sti-
pantibus, condensata strigmentorum ac sordium cutis, ipsaque evacuatio
hæc insensibilis, nomine appellatur, quæque illæ ipsæ atomi sunt, ex qua-
rum perceptione canes feras pariter ac dominos suos dignoscunt. Vix *Humor & va-*
enim materialiter & substantia, sed modo tantum materiæ, vapor aut ex- *por non disse-*
halatio quævis, a massa, unde elevatur, differt: quatenus illæ exminutiis *runt substantia,*
tantum hujus, per calorem rarefactis atque dilatatis, ejusdem tamen cum
toto naturæ, conflatur ita quidem ut illa particularum majorum & sensibi-
lium magis figuram exacte retineant, ut præter quotidianam rerum chy-
micarum experientiam *Philosophorum Angliæ splendidum Decus, de deter-*
minata effluvia natura evincit. Nullum proin materiale discrimen admittunt,
Transpiratio insensibilis ac Sudor. Et si forsitan alicui de humoralis efflu-
viorum insensibilium textura dubium maneat, calentem manum corpori
cuidem solido & polito, v. g. vitro, chalybi, propius is admoveat, itata-
tamen, ne hoc contrectet aut illa huic plane contigua fiat: mox enim
conspiciet superficiem horum aqueo velut vapore obnubilari & quasi obfu-
scari, quatenus insensibilia illa effluvia a corporis lavigati & aeris ambientis
frigore condensata roscidam quandam nebulam formant; imo extrema di-
gitorum calidorum pulpa compressa guttulas quasdam aqueas exhibet, quas
sensim & particulatim prædeuntes vaporem & transpirationem formare, ne-
mo negabit. Aut aridiori & omnis sudoris experiri cuti applicetur li-
quor ille pharmacopolarum, ex lythargyro, cerussa, aceto & quibusdam
aquis appropriatis compositus, quem Lac Virginum vocant, poros cutis ea-
dem nigredine inquinabit, qua sudore madidum membrum totum, si eodem
liquore insuper humedetur, atrari conspicitur.

Per consequens, qui urinæ, sudoris & transpirationis materiam eandem *Sudori etiam*
cum Galeno & Vallesio contra Dioeclem pronunciant, non sine ratione agunt: *insunt parti-*
quamvis & hoc concedendum veniat, quod, uti sudoris excretio in statu na- *cula laudabi-*
turali rarissimum satis contingens est, ita rarius merum excrementum illam *les.*
humiditatem, quam pori habitus stillant, suspicari deceat: quatenus languor,
qui sudorem ut plurimum excipere solet, fluido quoque nutritio ac spirituosio
aliquid decessisse, intimat. Neque tamen Transpirationem sine omni par- *it. Transpi-*
tium corporis laudabilem & integrantium dispendio fieri, præter *Sanctorii rationi.*

Medi-

PROGTMN. Medicinam staticam, qua, quod insensibiliter exhalat, reliquorum & crassiorum excrementorum cunctorum pondus notabiliter superare, demonstrare satagit, vel hoc docere poterat, quod pro atmosphæra, hinc transpirationis quoque disparitate plus aut minus alimentorum opus habeant animalia diversa, ut ex *Eruditissimo Domini Pechlini de Aeris & Alim. defect.* prolixius constare poterit.

Organum secretorium non sunt vasa, sed glandula cutanea.

Organa feri hujus secretoria olim vasorum sanguiferorum cutaneorum extremitates credebantur: sed eo ipso, dum nulla in vasis sine colatorio feri potest secretio, nec capillaribus his secretorium sudoris & perspirationis materiæ munus concedi debet, sed ad glandulosam pariter texturam confugiendum erit, qualem nostra tempora nobis manifestarunt; Sc. latitat sub cuticula tegmen reticulare, per cujus innumera foramina non tantum infinitæ fere pyramidales papillulæ, tactus primum organum, sed glandulæ quoque pariter coneiformes, cum suis vasculis excretoriis eminent, radices suæ ambæ in strato cutis inferiore figentes, aut forsân, juxta *Hornium*, hanc cutis laminam suis implicationibus ac connexionibus formantes. Observatores harum primi mihi videntur *Naturalium rerum Studiofissimus* olim *Steno*, & quem *Cultorem omnis generis Doctrina & mei Fautorem Summum* deprædico, *Celeberrimus Borrichius* ut ex *Tb. Bartholini cent. 3. epist. 65. & 97. Stenonis tr. de muscul. & gland. ac Aëtor. Hafn. vol. 1. obs. 108.* apparet. Exilissimæ sunt hæ glandulæ, ita ut in sano corpore, visum pene fugiant, in tabidis vero achydropicis conspectiores existant, milii grani nihilominus molem vix excedentes, unde miliarium nomen susceperunt: in illis quidem, quod pinguedine, obvolvante alias, deliquata nudæ magis existant, in his vero, quod a feri stagnatione morbosa compages earum magis intumescat. A *Laudatissimis suis primis Inventoribus* illis accensentur, quæ ex pluribus frustulis, coagmentantur propriaque sua vasa excretoria habent, sc. conglomeratis, & sine dubio sudorem secernunt, quatenus hæ ipsa earum vascula in poros cutis abeunt.

Pori sunt earum vasa excretoria.

Quo ordine hi per habitum collocentur, vix determinari poterit, quamvis non absque ordine illos locari ex manuum & pedum volæ accuratiore inspectione augurari conveniat. In specie in palma, circa extremitates & radices digitorum, præter rugas majores & lineas, Chiromantarum offendicula, striæ conspiciuntur infinitæ, subtilissimæ sibi que fere parallelæ, tractibus vero suis diversis partim lineas spirales & ellipticæ, v. g. in pulpa pollicis summa, partim triangula spherica in cunctis dictis locis describentes: e quarum striis prodeunt pori, tanquam totidem exilissimi fonticuli, quorum ostiola tantæ ampli-

amplitudinis, ut ab oculo, microscopio armato, sudor intra horum tubulos PROGTMN. featuri cerni queat.

XV.

Malpighius his a cuticula pelliculas convexas & valvularum usum in *Valvula eo-* sudore cohibendo ac emittendo, sc. modo tensas, modo laxatas, præstantes, *rum.* assignat: Suspitor tamen, pace Tanti Viri, membranulas has non tam sudoris fræna, quam ambientis aëris impetuosioris sufflamina existerè. Quamvis enim earum conformationem & apparatus mihi nondum conspici licuerit, eo ipso tamen, dum secundum descriptionem ejusdem *Laudati Autoris* interiora spectant, sane concipere nequeo, quomodo, quacunque ratione tensæ ab intra allabentes humiditates intercipient seu reprimant: cum simili structura vasa lymphatica gaudeant, quorum nihilominus contentum per valvularum convexitatem, non concavitatem, movetur. Eteo ipso, dum extremitatibus meatulorum horum præfixæ sunt hæ pelliculæ, nec pone vel supra se aliquod repagulum norunt, non video, cur scatebræ sudoris harumque impetus ostiola hæc molliora non reclinent, eorumque conatus eludant. Imo denique haud apparet, quid membranularum illarum tensionem & relaxationem moderetur, i. e. quisnam instinctus sit, qui ad reciprocas has habitudines illas provocet aut disponat: quatenus sine hoc aut per appellentis lymphæ molem atque motum, a sanguine arterioso impressum, semper apertæ detinentur, aut intempestive clausæ illum porulis infarctum, ad coagulationem & putredinem usque corpori exitiosam, detinent.

Verum, ut excretio sudoris atque diaphoresis rite succedant, pro illarum ratione commodius explicanda monendum duco, utriusque facilitationem maxime dependere vel ab humore secernendo & extrudendo, vel a glandularum secermentum, vel denique pororum excernentium, habitudine congrua, quarum gradualis differentia modo in exhalationes, modo in guttulas, serum exturbandum redigit, absentia sudorem pariter ac diapnoën turbat.

Humor excernendus mobilitatem postulat i. e. fluxile & tenue serum ad sudorem & perspirationem promptius observatur, viscidius vero, in pituitosis communiter appellatis subjectis, utramque excretionem cohibet: Et frigus externum non tam poros constringendo, quam humores congelando ac inspissando eandem evacuationem turbat. Contra nimia humorum attenuatio ad transpirationem potius disponit, ita quidem ut foco assidentes aut sub radiis solaribus degentes sæpius plus sudemus, quam sub umbra commorantes: non tam propter poros hinc magis laxatos, quam quod humiditatis ad canaliculos cutaneos depositæ minima, antequam in majorem guttulam con-

Dd

gerantur,

PROGYMN.

XV.

gerantur, a caloris ambientis violentia abripiantur & in vaporem solvantur. Præterea huc facit laxior & firmitior humorum compages, ratione cujus in statu naturali, & ubi illa mediocriter se habet, diaphoresis vix guttatim contingit, item in febrium principio, ubi serum cum miasmatis morbificis reliquæ sanguinis substantiæ arctius adhuc coheret, i. e. humores crudi existunt: in declinatione vero tam totius morbi, quam paroxysmorum, ob humorum factum secessum, item in scorbuticis, quorum sanguinis compages laxior & quasi deliquescit, ægri sudore quasi diffluunt.

*Glandularum
conditio ido-
nea.*

Glandularum secernentium aptitudo in meatuum horum intrinsicorum adæquata configuratione consistit, quam quidem exactius delineare vix licet. In poris vero excretoriis juxta requiritur amplitudo, quæ secretum intra glandulas serum transmittat: unde si vel a sordibus obstruantur, vel ab aëre frigidiore constringantur, sudor supprimitur, e contra partes moderate fricando, ac humiditates frequentius abstergendo ejusdem eruptio juvatur. Spectat huc diversa fibrarum cutis tendinosarum seu nervearum habitudo, quæ modo laxior, modo strictior, excretiones has juvat ac intercipit: i. e. quo magis tensa illæ, indeque glandulæ ac pori angustiores existunt, eo parcius transpiratio, imo nullus observatus sudor, quo laxatæ & resolutæ magis, hinc meatus patentiores, eo plus utriusque expectandum. Confirmant hos moribundi aut quibus a metu similive affectu exteriora flaccescunt & spirituum animalium influxu orbantur, quos sudoribus colliquativis inundari experientia quotidiana perhibet: quatenus in his sanguinis per arterias impulsus debiliior circulationis partem alteram, sc. per venas retrogradam, continuare nequit, adeoque serum in extremitatibus quasi stagnans harum meatulos laxiores copiosius penetrat; quamvis impetuosiores quoque ac totalem magis feri a sanguine secessum seu præcipitationem hunc sudoris fluorem juvare, non improbable sit. Et licet in agonizantibus extrema nec tumeant, nec rubeant, adeoque de stagnatione illa, quam modo innui, dubitandi occasio emergere queat, difficultas tamen omnis sponte evanescet, si primo attendamus ad illum partium sanguinis secessum, quem partes ejus tingentes congelatæ & a serositate præcipitatæ patiuntur, ita ut ad habitus porulos exilissimos evehi vix possint. Deinde fatiscientibus viribus & elatere vitali, moles sanguinis necessario multum subsidet, ejusque compages notabiliter arctatur, ut partes, quas alluit, necessario magis magisque collabascant: & quidem eo magis, quod sudor hic deliquativus non per habitum tantum profundatur, sed per viscerum pariter interiorum vasa & tunicas effluat,

*Unde sudor
moribundo-
rum*

Motor

Motor & efficiens causa primaria motus sanguinis circularis est, mediante quo materia serosa glandulis his cutaneis impingitur, & quasi incu-
 neando per easdem colatur: pro cuius etiam diverso impetu ac velocitate su-
 dor & transpiratio modo copiosior, modo parcius, contingit, quatenus no-
 vus & continuo appulsus sanguis serum ad & per organa ad cutis usque spira-
 cula urget. Idem sanguinis impulsus excretioni quoque sudoris congesti
 ministratur, serum ad glandulas depositum extra harum alveolos ad ostia pa-
 tentiora urgendo; quatenus reciprocis arteriolarum dilatationibus illas com-
 primit, novum vero hac ratione impulsum serum pristinum exturbat. Ut
 causam tamen adjuvantem admittere convenit motum ejusdem sanguinis in-
 testinum, pro aeris inspirati diversitate diversum, i. e. qui fervidior massam
 sanguinis magis exagitat, & transpirationem æque ac sudorem faciliat, con-
 tra, qui frigidior & crassior. Pariter motus & exercitia corporis, ut causæ
 externæ, utramque excretionem juvant, item atmosphæræ calor intensior, v. g.
 sub stragulis, sanguinem magis commoventes & ad ebullitionem quasi cale-
 facientes: ita tamen ut pro varia humorum, organi aliarumque circumstan-
 tiarum conspiratione, modo insensibilis, modo sensibilis, evadat hæc eva-
 cuatio.

Denique prout poros pellis majores, de quibus hætenus dictum, or-
 gana sudationis & perspirationis communia, sudoris autem excretoria so-
 litaria esse, ex antecedaneis colligitur: sic præter hos conspectiores alios mi-
 nores longe, insensibiles meatus ac glandulis subcutaneis haud continuos
 in tegmine hoc, non tam comminisci, quam admittere, convenit, trans-
 spirationi insensibili satis congruos. Observamus siquidem, aut potius a
 posteriore & ex effectu concludere jubemur, ejusmodi porositatum insensi-
 lium apparatus, in ejusmodi etiam corporibus, quæ cute nostra solidiora
 & compactiora, v. g. ligno, metallis &c. multo magis in cute, tanquam
 tela, ex infinitis minutissimisque staminulis & fibrillis contexta, tot mil-
 lena millia spatiola intermedia, seu corpusculorum, ex quibus illa con-
 glomeratur, intercapedines innumeras concipere poterimus, imprimis cum
 alia partium animalis integumenta, glandulis haud instructa, multo minus
 ab harum vasis excretoriis pertusa, fluido intrinseco exitum concedant, v.
 g. pellicula ovi interior ac viscerum tunicæ, quorum varia experimenta
 Dominus Boyle in Tentamine porologico congestit, ibi potius legenda, quam
 inde transcribenda. Addo his tergora animalium aridiora, quæ quamvis
 poros majores interdum oculis nudis obvios, aut Mercurium transmitten-
 tes, retineant, eo ipso tamen dum arefcunt, multumque humiditatis exha-
 lant,

PROGTMN.

XV.

*An sudor sit
naturale ex-
crementum.*

lant, præter illos infinita quoque interstitia, quibus hæc detinebatur sibi intertexta gessisse, ratio svadet: dum fluido illo, quo hætenus turgebant, evaporante arctius sibi implicantur eorum fibrillæ. hincque longitudini ac latitudini pellium ejusmodi multum decedit.

Quibus ita se habentibus facile satisfieri poterit quæstioni illi famosæ, an sudor naturale corporis recrementum existat? Sive enim materiam, sive organum pensites, hoc ex partium solidarum, illa ex fluidarum, utrumque ex integrantium, numero est: illa in hujus compage glandulosa, pariter ac in reliquis totius corporis conglomeratis, separatur & per canales ipsis continuos ejicitur, ac proinde sudor, tam materiæ, quam colatorio- rum fecernentium ac excernentium intuitu, naturale excrementum appellari poterit. Disparitas siquidem illa, quam inter transpirationem insensibilem ac sudorem hætenus tradiderunt, parum fundamenti habet, ut ex præmissis partim, partim exinde constat, quod insensibilis illa transpiratio non per solum exhalationis modum celebratur, cum glandularum structura hoc vetet sed omne quod a sanguine in his secedit, humoris naturam obtinet, adeoque in hoc tantum a sudore, communiter sic dicto, differt, quod in hoc serum intra glandulas subcutaneas secretum sub guttularum densitate promanet; in illa vero idem serum secretum, aut propter sui paucitatem, aut propter aeris ambientis habitudinem determinatam, in vaporem solvatur. Imo nec illa diaphorescos insensibilis materia, quam per poros exiguos & insensiles magis prodire, modo dixeram, præter aquositate salinam aliud est, sed sub hac forma per arterias cuti impellitur: quoniam autem illæ intercapedines tanæ exilitatis sunt, ut integras majoresque guttulas recipere nequeant, sub exilitate hac moleque insensibili eas elabuntur, imo a calore intrinseco æque ac ambiente inramenta adhuc minora divelluntur.

*Ufus excretio-
num cutanea-
rum.*

Ufus Transpirationis utriusque potissimum evacuatorius est, i.e. cum in finem has excretiones natura movet, ut massa sanguinea a particulis effœtis liberetur, simul tamen ex habitu solidiore quoque abstergantur ramenta incongrua, præprimis salina, aut quicquid a laudabilis nutrimenti natura degenerat, hinc molestum evadit: Unde hi, in quibus transpiratio, aut in adsvetis sudor, supprimitur, morbos non tantum cutaneos v.g. scabiem, sed humorales quoque, imprimis febres, hasque interdum mali satis moris, contrahunt. Nec tamen ratione destituitur speculatio, quam *Malpighio* debemus, quasi perspirationis atque sudoris aliqua adhuc efficacia, & utraque hæc excretio simul Tactus singulare sit adminiculum: quatenus hujus organum

organum seu papillæ cutis nervæ ab illorum rorulentia aliquid humecta-PROGYMN.
tionis petant, ne nimium arefcant, nec ex affiduo usu callosa reddantur. XVI.
Ita enim locatæ sunt glandulæ excretoriæ ac corpora illa nervea, ut series
eorum se quasi intercipient, aut alternent utriusque hujus generis emin-
tiæ: imo in locis tactus exquisitoris, v. g. plantis manuum & pedum,
frequentiores & majores cernuntur glandulæ subcutaneæ, earumque vasa
excretoria patentiora & singulari ordine locata.

PROGYMNASMA XVI.

DE

PVRGATIONE MEN-
ETRYA.

Excretionibus atque Evacuationibus naturalibus accensere mihi liceat flu-
xum menstruorum, Fœminis solennem ac proprium: ideo quod hic illis
sanguinis portionem allevet, quæ, nisi subtrahatur, corpori molesta & ex-
itiosa evaderet. Scil. cum Summus rerum Creator sexui fœmineo tantum
sanguinis assignarit, qui non alendo tantum corpori proprio sufficeret, sed
fœtus quoque gestationi operam commodaret: is sanguis abundans, ne
non gravidis turbas moveat, sui evacuationem postulat.

Maribus equidem interdum analogum quid contingit, quippe ne tan-
gam, quæ de Judæis vulgo referunt, quasi quædam sanguinis guttulæ sin-
gulis mensium curriculis semel pervirgam eorum stillent, *Amatus Lust. tiuntur.*
cent. 5. cur. 3. viri cujusdam mentionem facit, qui quolibet mense copiosissi-
me per hæmorrhoides, perinde ac per uterum mulieres, evacuabatur, qui-
que, cum sanguis hic aliquando solito more haud flueret, eundem per os
sine tussi & febre rejiciebat: & Bartholinus *cent. 5. hist. 53.* juvenem quen-
dam singulis mœnibus ordinato sanguinis per inferiora fluxu fuisse pur-
gatum perhibet

Verum contingentibus rarioribus hæc erunt accensenda, in præsentibus
arum notasse sufficiat insullum illud Galeni ejusque superstitiosorum non-
nullorum, v. g. Roderici a Castro pronunciatum, quo muliebri generi hoc
plenitudinis remedium seu evacuationem a natura concessum ajunt, quod
hæc domi agat, neque vehementioribus laboribus exerceatur, ac ab utraque
hæc multitudinem humorum coacervet: item, juxta Arist. & Hippocr. quod
fœmina mare frigidior humidiorque existat, idcirco sanguine magis abundet,
Fœminis. nec
propter desti-
diam, nec pro-
pter frigidius
temperamen-
tum menses
fluunt,

PROGTMN.
XVI.

quippe quæ alimentum quidem, quantum expedit, concoquat, verum propter caloris imbecillitatem id, quod redundat, per balitum digerere nequeat, proinde plus sanguinis, quam illi pro nutritione partium sit ex usu, accumulæ &c. Egregia sane & Dictatoribus Medicinæ summis digna fabula! Ad desidiam natas asserit fœminas Galenus, quarum nihilominus pleræque, missis Amazonibus & Spartanis mulieribus, nostris temporibus maximos & tantum non virorum operis pares subeunt labores, v. g. agrestes. Frigidius fœminarum temperamentum sub certis conditionibus largior, quâ ratione tamen hoc ad sanguinis plenitudinem conferat, non assequor, licet frigidity humidoritas combinetur: cum calidum & humidum potius temperamentum, etiam ex Vertiginosorum ejusmodi scriptorum hypothese, plethoræ inducendæ accommodatum sit. Nec ratio, quam subnectunt, plus probabilitatis habet, quippe non minus tertiam, quam secundam, digestionem in fœminis vigere, & humorem nutritium productum eas quoque in substantiam partium alendarum eommode satis convertere, vel ideo negari nequit, quod æque ac mares carnositatem & obesitatem corporis non raro contrahant. Præterea transpirant ac sudant fœminæ pariter ac viri, testis hujus, unicus quidem, sed pluribus major, erit hircus, quem olent puellæ viro maturæ cum maritatis: nonne E. idem calore, qui multo sanguini conficiendo aptus, ejus quoque superfluitates serosas per habitum expellere queat? quæstio equidem magistralis videri poterat Magistris illis Artis, aty rone nihilominus commode solvenda.

Cur fœmina
humana tan-
tum menses
patiantur?

Majoris paulo momenti quæsitum est, cur Catameniorum fluxu fœmellæ humanæ tantum vexentur? quod *Helmontius Lunar. tribut.* proponit, eique, conjecturam suam adaptat hanc: Sc. Evam, quæ ante lapsum fœtum sine dolore exclusisset neque fluxus menstrui conspurationem sustinuisset, post esum pomi vetiti pruriginis libidini se obnoxiam fecisse, virum in congressus excitasse & admisisse, hincque naturam humanam corruptam concepisse: unde per membrum, quo multis ærumnis obnoxia evasit, lapsus sui successivam culpam & cruentam naturæ deturpationem posteris nunc testaretur. Verum magis piam, quam Philosophicam, dicere liceret hanc meditationem, quatenus primo dubium manet, an sola revera mulier impuritatem hanc experiatur, cum de Simiis majoribus idem affirmant plures, ipseque *Helmontius* concedere videatur, quas tamen de peccato originali participare nemo asseret. Deinde nova hinc emergit quæstio, an, si in statu innocentiae perseverasset, homo lunare hoc tributum non exsolvisset, i. e. annon ante lapsum quoque fluxum hunc passus fuisset? In qua quidem deter-

Non ut pecca-
ti pœnam.

An in statu
integritatis
fœmina men-

determinanda curiositate mea Omniscientiam Creatoris interpellare nolo, PROGTMN. XVI.
 vi* tamen comparet, cur non a peccati labe immunis excretionem hanc sibi
 solennem habuerit; cum quæ sanguinis habitudo ad conceptionem æge-
 stationem foetus post lapsum, eadem ante illum quoque, necessaria extiterit, *fibus obnoxia*
 & sicut non partus, sed modus partus, poena peccati est, sic fluxum hunc *fuisse?*
 a molestiis cunctis vindicare potuisset Clementissimum Numen. Per con-
 sequens vera fluxus menstrui causa non est peccatum nec maledictio divi-
 na. Nec magis commoda super hæc est theoria Helmontii junioris, qui *Non feminis*
in præfat. ad Lector Operibus Patris præfixa, *fæminas ideo menstrua pati,* *fluunt menses.*
progenerationi inservientia, quoniam hominem, quoad corpus tantum, non *quod corpori*
 quoad spiritum & animam *progignere debent:* quippe ut ut contraversæ illi *foetus tantum*
 quid pater, quid mater, in generatione, foetus conferat, denuo me impli- *materiam*
 care nolim, haud tamen evidens est connexio, quod eo ipso, dum fœmi- *commodent.]*
 na corpori foetus litat, menstruis exponi debeat.

Præterea obvia sunt exempla ejusmodi fœmellarum, quæ purgamento- *Etiam concipiunt fœmina,*
 rum horum ignaræ, ita tamen ut mundities hæc ipsarum fœcunditati nihil de- *nunquam*
 roget, qualia præter illa, quæ ex diversis Scriptoribus *Sennertus pr. l. 4. part. 2. menstrua.*
f. 2. c. 1. quæst. 1. producit, Panarol. pent. 1. obs. 15. Timæus l. 4. cap. 7. recensent, qua-
 leque & ego in fœmina honestissima pariter, ac Nobili, sex, ni fallor, infan-
 tum matre, testor: quod qua ratione contingere nonnunquam possit, i. e.
 ut sine præcedaneo flore fructum nihilominus gerat, seu concipiat, mulier,
 inferius investigabo.

Sanguis autem menstruus, menstrua & menses dum appellatur purga-
 mentum hoc, singulis mensibus illud & statò proin tempore illud excerni, pa-
 tet, vel etiam vulgo innotescit. Habent nihilominus quædam subjecta hoc
 peculiare minusque morbosum, quæ menstruum illum terminum ordinarie
 anticipant: quatenus v. g. *Panarol. pent. 2. obs. 41. mulierem quendam quo-* *Quædam sub-*
 libet mense menstrua bis in maxima copia, citra sanitatis noxam rejecisse, & *jecta, menstru-*
pentec. 3. obs. 3. aliam, vetulam tertia quavis septimana sanguinem [copiosissi- *um tempus an-*
 mam per uterum deposuisse, perhibet. Quoniam tamen solennior fœminis *tipiciant.*
 est menstruus terminus, factum inde videtur, quod fluxus & refluxus hujus
 oceani microcosmici, causa ad Lunam, secundum cujus cursum menses ut
 plurimum numerantur redactus fuerit: quod quam erroneum dogma sit, iti-
 dem inferius patefcet.

Erumpunt, simul ac ad generationem apta evadit puella, quod ut pluri- *Tempus prima*
 mum secundo septenario & anno decimo quarto contingit cum reliquis mu- *menstrui eru-*
 tationibus, quæ ipsi pubescentibus solennes sunt: adeoque ultra septimum *ptionis.*
 etiam

PROGTMN.

XVI.

*Quadam ci-
tius mensruis
obnoxie fiunt.*

*Quadam ad
decrepitam
etatem eadem
patiuntur.*

*An ex utero.
an ex Vagina
santum fluant?*

etiam septenarium raro durant, sed circa annum quadragesimum nonum aut quinquagesimum subsistunt, ubi sc. vis prolifica simul cessat. Observatur nihilominus etiam circa hos terminos quædam anomalix, quatenus non tantum circa duodecimum & undecimum annum nonnullis puellis floris hujus primordia comparent, quale exemplum *Timæus lib. 4. cap. 13.* refert, sed nono, octavo & sexto quoque, qualia *Fernel. path. lib. 6. c. 26. Kerckring. Spicil. anat. obs. 87. & 12. it. quarto, quale Tulpius lib. 3. obs. 36.* imo ab ipso nativitatis die, quale idem *Kerckring. obs. 87. & Bourgois de Obstetric. lib. 2. c. 5.* annotarunt. Tertio & quarto a nativitate die in duabus puellis simile quid testari possum, ita tamen ut in earum una cruentationis hujus ne vestigium amplius comparuerit, donec anno tertio ex febre acutissima moreretur, & vix aliquot ante discessum horas aliquid sanguinis per pudenda æque ac gingivas ipsi erumperent. At majorem stuporem parit altera harum, quæ ad duodecimum usque annum, quem nunc attingit, statim temporibus menstruum tributum naturæ solvit. Pariter in nonnullis fœminis ultra dictum terminum motus ille menstruus extenditur, v. g. ad annum septuagesimum & octuagesimum, perhibentibus *F. Hildano cent. 2. obs. 61. cent. 4. obs. 63. Timæo lib. 4. cas. 14. Bourgois l. 2. cap. 6. Barth. cent. 6. bis. 34.* quibus tamen magis mirandum, quod idem *Hildan loco post.* virgini cuidam ab anno quinquagesimo cessantia menstrua circa annum septuagesimum demum, item, quod *Kerckring. obs. 88.* mulieri anno quadragesimo tertio subsistentia post febrem tertianam octuagesimo primo aliquoties rediisse, memorant.

De Spatio durationis particularis & quantitate sanguinis excreti aliquid monere supervacaneum videtur, cum pro subjectorum diversitate utrumque horum variet, & locupletissima hoc in passu autorum scripta reperiantur: ad modum vero hujus evacuationis quo propior accessus fiat, per quamnam præprimis vasa hæc contingat, primo disquirendum.

Commune omnibus aut certe plerisque autoribus dogma est, per arterias æque hypogastricas ac spermaticas ac utrarumque mutuas anastomoses ad uterum confluere sanguinem: per quam vero hujus partem menstrua ejus, fiat defecatio, dum quæstio emergit, mox in partes secedunt, quarum alia & potissima uteri fundum & cervicem pro excretorio hoc habet, altera & minor per vaginam solam superfluum illud eliminari prætendit. *Vesalius* curiosior ex Veteribus hujus rei indagator primo ambiguus pro vulgari & triviali magis sententia ideo concludit, quod aliquoties in fœminis uteri prolapsu laborantibus ex hujus orificio interno sanguinem stillantem viderit. Cui ad stipulantur *R. a Castro, Graef. & alii*, potissimam mensium partem & ordi-

narie

narie per uterum, aliquid eorum tantum interdum per vaginam emanare, PROGTMN. XVI.
 afferentes: & quidem per argumenta sequentia. *Primo* quod fœtus nu-
 trimentum toto gestationis tempore, a sanguine materno deciduum, ad
 ipsum uterum per hujus vasa deponatur & enixo fœtu lochiorum nomine
 ex eodem prorumpat. *Secundo*, quod plura ac majora vasa ad uteri fun-
 dum, quam ad hujus canalem abeant: *Tertio* conquerantur de dolore lum-
 borum, quibus menstrua imminet, qui a vasorum hypogastriorum disten-
 sione contingat. *Quarto* uteri membrana interna, ex observatione *High-*
mori, a prominentibus venarum orificiis aspera compareat: ac *Quinto* men-
 struorum eruptio gravidis & fœtibus non raro funesta existat & abortum
 concitet.

Quod si tamen autopsiam postulemus præter illam, quam ex *Vesalio*
 de uteri procidentia & *Highmoro* de prominentiis venarum modo allegavi,
 nulla existit, neque *Vesalius*, neque alius Sectorum, de tali gloriari pote-
 rat, qua ex menstruata cadavere litem hanc dirimere potuerit; duplicem
 enim illam *Hippocratis aphorismorum* primo adscribendam i. e. difficilem
 esse, mox evincam: Ut proin non adeo pronum me in vulgarem senten-
 tiam esse, ingenue profitear, illis nimirum ratioeiniis non satis convictus, *Ex vagina po-*
 contraria vero experientia instructus.

Hanc olim jamdum suppeditabat! *Carolus Piso* in eruditionis
 ac experientia quam plenissimis suis *Observationibus & Consiliis de*
prætervitis hætenus morbis, ab aqua seu serosa colluvie & diluvie ortis. cap.
 7. ubi ait, *experimento plurium anatomicorum insimul ac proprio in puella, quo*
tempore menses fluere, strangulata cadavere, publice dissecto solum sinum
pudoris sanguine perfusum, ac menstruo tinctum fuisse observatum, uterum
autem prorsus siccum & arcte continentem.

At eandem renovabat, magisque firmabat ante sexennium circiter
 a me dissectum infanticidæ corpus: cujus pudenda cum vagina uteri, quam-
 vis menstruo fluore conspurcata reperirem, cavitatem nihilominus uteri
 cum aperirem, mundam ac nitidam mecum conspiciebant præsentem. Imo
 proxime elapso anno in puella, in oppidulo vicino, læsionis ab extra illatæ
 explorandæ causa, jussu Magistratus, a me pariter dissecta, simile quid, i.
 e. solam vaginam cruentam, cavum autem uteri omnis spurcitie ex-
 pers, vidi.

Quod rationes vero pro utero allatas attinet, de autopsia *Vesalii* &
Mulierum a Castro testium provocatarum, non immerito dubito, an quod
 ex orificio uteri elapsi stillare viderunt, sanguinis ex cavitate uteri ipsa, an

Ee

potius

PROGTMN. potius vagina tantum; emerferit? cum quantas phantasias & nugas igna-
 XVI. rum æque vulgus ac Medici de uteri descensu hactenus venditarint, in pro-
 patulo sit, vaginæ inversæ protuberantiam pro uteri corpore habentes: aut.
 si vera, unquam fuerit emotio, ane sanguis ille ex limbo ejusdem osti-
 prominente ac molliore potius, quam ipsius uteri substantia compactiore,
 hujusque concameratione magis recondita, promanarit? Cum in juvenula
 illius suffocata utero viderim limbum orificii interioris prominentem cruore,
 quasi ab involuero molliore, obvolutum, promanante sc. ex hujus meat-
 bus patentioribus: Et vix appareat, qua ratione vasa intra solidiorem ac
 duriorem uteri substantiam; (qualis in menstruatis pariter ac non men-
 struatis deprehenditur) eousque aperiri queant, ut fluori ejusmodi sæpe satis
 largo occasione existere queant; ut probabilius videatur, laxiorem ac mol-
 liorem vaginæ compagem admittendis & emittendis ejusmodi sanguinis co-
 piis magis accommodari.

Præterea succum nutritium, foetus alendi causa adducendum, utique ad
 ipsum uterum derivari, concedo, hujusque superfluitates puerperiorum no-
 mine post partum ex ejusdem interioribus recessibus eliminari, minime ta-
 men inferre auderem, E. etiam menstruum sanguinem huc appellere: cum
 utero ut tali, nihil ab excretionem hac emergat commodi, sed toti corpori, cui,
 per extremitatem aliquam illum rejici, sufficit. Plura & conspectiora vasa
 sanguifera fundi uterini subire penitiora, nec tyrones latet, & quidem foetus
 inprimis gestandi causa, dubito tamen non immerito de consequentia, quam
 inde eliciunt, usque dum hæc planior reddatur. Conqueruntur de dolore
 lumborum, quibus lunaris hæc molestia imminet, conqueror & ego de luna-
 ticorum ejusmodi præcipitantia, qui dolorem illum a vasis hypogastricis, in-
 ferius longe sub lumbis ab iliicis emanantibus, horumque tensione derivant.
 Vteri superficiem ab extremitatibus venarum tumidulis asperam vidit in men-
 struatis *Higbmorus*, se nullam inter has & reliquas ratione intumescen-
 venarum disparitatem unquam reperisse, ingenue fatetur *Vesalius*, nec forsan
 alii viderunt: imo cum arteriarum potius juxta *Higbmor.* sit sanguinem pro-
 fundere, haud video, quid nodositatis in venarum capillamentis expectare
 queat, mensibus instantibus. sive fluentibus? Nec menstruorum tandem in-
 tempestiva eruptio ideo tantum foetum præcoccem exturbat, quod hujus pla-
 centæ cum utero contiguitatem arctiorem solvat, eum suffocet &c. uno verbo
 eum inundet: sed perinde, ac alia sanguinis profusiones, nutrimentum hu-
 jusque impulsum ipsi subtrahit, ita ut antequam guttula sanguinis ad uteri sinum
 effundatur, ille jamdum expirarit. Adeoque non vanus plane ac superfluous
 erit

Quomodo
 menstruorum
 fluxus abor-
 tum movet?

erit abortionis metus, quem per cervicem quoque promeans sanguis incutit, prout equidem infert *Graef.* quatenus incerti manemus, anne prater modicum, quod venæ sectione in plethoricis educit Medicus circumspexit, vulnusculum pro lubitu claudens, plus & ad penuriam usque foetus per vaginam non minus, ac ipsum uterum, prodeat sanguinis?

PROGTMN.
XVI.

De coetere &, quod potissimas circa materiam hanc difficultates peperit, in causa circuitus Catameniorum reddenda diversas observamus sententias, haud pari successu explicatas ac defensas, prout ex harum & autorum collatione patebit. In hac tamen instituenda, aliisque ex professo refutandis ego in praesentiarum me adeo prolixum haud geram, meos potius super hoc argumentum expositurus conceptus, eosque a telis praevisionibus vindicaturus.

Nimirum suppono, foeminam foetui concipiendo & gestando a natura esse destinata, adeoque viscera digestionum non sibi & individuo propria, sed proli ac speciei etiam propagandæ ministrantia habere i. e. quæ plus humiditatis nutritivæ atque sanguinis conficiant, quam conservationi individuali impendatur ac impendi queat. Ne vero succi hi, quos in aliena eommoda cumulat eadem, copia & mole ipsi extra gestationis aut lactationis negotium exitiosa evadant, statis temporibus vasa deplentur, tantumque illius massæ rejicitur, quantum pro allevando parum corpore huiusque viribus congruum, donec congestis pristinis copiis, nisi imprægnatio superveniat, novam sarcinam denuo deponat eadem mulier.

*Menstruus
sanguis quid?*

Sanguinis E. plenitudo reciproca huius evacuationis stimulus primarius est, non per desidium quidem & otium aut temperamentum frigidius, quo *Galenus, Hippocrates & Aristoteles* inclinant, nec præ nimio fervore & caliditate, quam alii, v. g. *Democritus*, huius exuperantiæ augurantur causam, contracta, sed per habitudinem illam totius, qua Creator sexum sequiorem a masculino distinctum voluit, & per quam illum concipiendo & gestando foetui, in prima statim creatione præfecit ac adaptavit. Planiorena dispositionem hanc cumulativam reddere aut ejus formalitatem speciosius determinare, nemini forsan mortalium concessum, sed Illi tantum, cui soli generationis mysteria innotescunt, sc. Naturæ Summæ: Sufficiat plethoram aliquam subesse, quæ evacuationem hanc urgeat, quam inde potissimum colligo, quod hac interrupta male se habeant mulieres, sanguinis subtractione mitigentur symptomata hinc dependentia, nec per evacuationem illam viribus evacuatae aliquid decedat, E. quod evacuabatur erat exuperans quoddam.

*Est exuperans
ita quoddam.*

Foetus futuri gratia superfluitates has congeri, inde auguror, quod tunc demum, quando puellæ pubescunt & ad matrum officium expediendum idonea.

*Foetus desti-
nata.*

PROGTMN.
XVI.

neæ declarantur, primo variis molestiis intestinis, v. g. gravitate lumborum ac lassitudine totius &c. postmodum ipsa eruptione, se prodant, in foeminis senioribus & proli gestandæ dispereant, in gravidis retineantur, in partu autem seu puerperio uno impetu rejiciantur.

Objectiones.

Hanc sententiam autem quamvis mihi haud tribuam, eo ipso tamen, dum me ipsi addico, illa argumentorum tela, quæ in hanc nonnulli vibrant, aut sustinere, aut declinare, jure socieatis adstringor, qualia congesta videre licebit apud *Fr. Boyle de flux. mensr. mulier. & Charletonum de Causis Catamen.* ambos adeo amice & verbotenus fere conspirantes, ut quisnam horum alterius Armiger nuncupari debeat, ego incertus sim, sed lectorem potius judicare sinam. Ajunt sc. multas foeminas statim evacuationis hujus gaudere periodis, quibus nihilominus sanguis infra mediocritatem consistit, id est, minus plethoricis, etiam tabidis, quoque catamenia, & quidem interdum profuse satis, fluere: imo, (quod mœnia nostræ sententiæ magis concutere opinantur) non raro contingere, ut plethora solennem hanc excretionem turbet ac sufflaminet, ita quidem ut restitui illa, nisi abundantia sanguinis arte imminuta, nequeat. Quibus addunt, quod, si sanguis eo nomine duntaxat a foeminis profundatur, quasi mole sua vasorum oscula aperiat, logice satis inferri debeat, illa potius vasa, quæ teneriora, v. g. narium, pulmonum, plenitudini huic evacuandæ locum concessura, præ uterinis: utpote quæ in tubulos, uteri substantiæ intertextos, & membrana densa atque valida munitos, terminentur.

Quibus respondetur.

Atque hæc quidem instantiæ probabilitatis ac consequentiæ aliquam speciem præ se ferre videntur, tantam nihilominus duntaxat, quæ, ventilatis probe omnibus circumstantiis, sponte evanescit. Quippe quoad primum, experientia liquet, foemellas quoque illas, quibus vix notabilis sanguinis exuperantia inest, menstruatim evacuari, imo, quæ potius ex succæ videbantur: Eadem tamen experientia quoque evincit, defectum illum aut minorem quantitatem sanguinis, quæ menstruo tributo erogando haud impedimento est, nunquam a causa præternaturali, sed naturali potius subjecti dispositione, dependere; id est relativa ad minimum, si non absoluta, plethora est. Sc. vix sistere licebit casum, quo mulier a morbo emaciata, post hæmorrhagiam a vulnere, narium &c. mensum corripitur fluxu: tales nihilominus menstruatitas frequentius offendimus, quæ, ut ut signa plethoræ nulla præ se ferant, plus tamen sanguinis secundum naturam cumulant, quam individuo proprio hujusque conservationi impendi poterat. Quæ E. veram succulentiam penuriam patiuntur, vix fluxui huic obnoxie sunt, nisi aut acrimonia, aut ebullitio

extra-

extraordinaria molis vices impleat: proin tabidæ pleræque mensium defectum equidem patiuntur, nullas tamen superabundantiæ sanguinis persentiscunt arumnas, nisi tales illis accenseri velis, quæ habitus quidem macilentia, & partium solidarum flacciditate seu ariditate laborant, vasis tamen majoribus & fluido universali uberiore gaudent, quale quid, ut viris, sic foeminis quoque, quam frequentissimum est. In his enim vasa maxime tument, non tantum, quod, partibus & integumentis, quibus stipabantur & obvolvebantur, consumptis & ex succis eminentiora & conspectiora magis reddantur sed quod revera & sanguine uberiore turgeant: quatenus succi nutritii notabilis portio, alias poris solidarum infarcienda; retinetur & ad plenitudinem congeritur, in menstruam evacuationem eruptura.

PROGTMN.
XVI.

Præterea abundantiam sanguinis præter naturalem excretioni huic obicem ponere, huncque non, nisi Venæsectione similive remedio Chirurgico tolli, res est quotidianæ observationis: quia tamen copia illa defectus hujus non immediata & proxima, sed remotior demum & occasionalis tantum, causa existit, nihil exinde contra exuperantiam, menstruum genitricem, inferri potest. Nimirum prout ad excretionem quamvis requiritur non stimulus tantum seu materia illam urgens, sed potentia insimul quædam contractoria seu expressoria, oneri ac moli expellendæ proportio-nata: ita si illam superet hæc, ita ut fibræ organorum excretoriorum a copia aut turgescencia humoris excernendi præter modum & ultra elasticitatis suæ sphaeram distendantur, plenitudo obesse potest excretioni sui ipsius; licet urgens maneat propellendum idem. Illustrabo rem phænomeno superius indigitato. Urina in vesica collecta materia est excernenda, vesica organum excretorium, quarum illa hanc ordinarie mole sua ad sui rejectionem provocat: quod si tamen vel a calculo similive causâ morbifica meatus urinarius eousque obturetur, aut per verecundiam intempestivam & consilio mictio diutius prorogetur, donec ex urinæ ejusdem cumulatione hincque repletionem vesicæ iusto majore hujus fibræ motrices extraordinarie distendantur, extracto licet calculo & imperata quamvis a voluntate excretionem, hanc vesica sibi relicta pro exigentia præstare nequit, sed adjutorio musculorum abdominis horumque conatu atque tensione indiget. Pariter si cordis sinus cum toto sanguinis canali a fluidi sui, præter modum congesti ac turgescantis, nimis dilatentur, nec illud arteriis sanguinem impetu adæquato impellere, nec hæc cum partibus fibrosis renitentia congruæ se accommodare possunt, hinc cunctæ sanguine ad torporem usque inundantur, adeoque contra repagula ordinaria parum admodum impetus dirigunt.

Cur & quomodo plethora
mensis sistat?

PROGTMN.

XVI.

*Cur sanguis
per uterum
evacuatur?*

Cur denique ad uterum hujusve cervicem compactiorem & horum vasa magis firmata moveantur & per hæc erumpant sanguinis illæ copię menstruæ potius, quam per pulmonum horumque vasorum teneriorem texturam? hujus circumstantiæ ætiologiam structura uteri, evacuationi huic magis congrua, suggerit, illa imprimis, quam *Anatomicus Bononiensium Celeberrimus*, in Epistola ad Sponium super indigitata, in subjecto tam vacino, quam humano, describit. Imprimis vero negotio huic favebunt arteriarum ac venarum reticulares plexus tubulos uterinos varie, & ita stipantes, ut venæ amplitudine & numero arterias longe superare videantur; illarumque frequentius furculi bini singulam comitentur arteriam: qualem vasorum, imprimis venosorum horumque appendicum texturam cum nec in pulmonibus, nec alibi reperire contingat, cessabit cum *Bayle Charleton* mirari, cur per uterum potius, quam aliud membrum, superfluitatum sanguinis menstruas fiat eruptio, cujus mechanicam magis rationem inferius tradam.

De cœtero nec adeo sublesta fidei est causâ congesti seu congerendi sanguinis finalis, quam fœtus gestandi commodum superius pronuntiabam & argumentis firmabam: prout quidem Vterque hic Menstruæ purgationis Curiosior Explorator autumat. Non equidem illum me esse, qui fœtum ex sanguine menstruo fingi ac nutriri, cum Galeno asserat, *priora bina* præcipue docebunt *progymnasmata*; eo ipso nihilominus dum sanguini materno succum illius involvi cum Viris quibusdam Egregiis suspicor, & hunc cum sanguine illius gratia cumulari necesse est.

*Cur reliqua
animalia nul-
la patiantur
menstrua?*

Quæ enim contra opinionem hanc insurgunt, aut potius ab aliis concitantur, bruta vivipara, quasi sc. hæc fœtus suos intra uterum commode gerant ac alant, sine sanguinis aut succi nutritii congestionem ac præcedaneis menstruis repurgationibus, imo sæpius, v. g. in vaccis, cum septimanarum aliquot, liberiore lactis erogatione: fateor, magnas turbas movent, non mihi tantum, sed quamcunque circa menstruorum causam hypothesin profitentibus. Ideo nec video, qua agilitate se illi his extricare poterunt, qui in utero fermentum aliquod vel intestinum, vel in sanguine circa hunc conceptum, sibi fingunt, nam & in his manet eadem difficultas, cur nimirum canes, equi, oves &c, hoc ac menstruis destituantur. Provoquant equidem ad discrimen singulare conformationis uteri mechanicæ, quod hominem & simiam cum reliquis animalibus intercedat, ac in tubulorum præcipue uterinorum apparatu diverso consistat: ast nescio qua audacia in effatum hoc ferantur, cum sane tubulosam illam conformationem, ut

alia

alia nondum adeo accurate a me lustrata animalium genere taceam, cum PROGTMN. homine communem generant vacca & equa, de simiarum autem confor- XVI. matione uterina, hominis utero adeo analoga, eousque dubitare mihi ne- Non ratio- mo vitio vertet, donec Bayle illam potius describat seu demonstret, quam conformatio- nis uterina. secundum præconceptam opinionem tantum asserat. Neque etiam si aliqua tubulorum seu folliculorum lhorum compareret pro diversitate animalium disparitas, pro menstruis cumulandis aut excludendis facere, cum in om- nibus animalibus imprægnatis sanguini, modo parcius, modo uberius, col- ligendo illi parati existant, nihil vero menstrui recipiant aut excernant.

Quo nihilominus phenomenon hoc, quantum dicta quidem senten- Visiperna ex- tiæ aliginem afflat declarem, præmonendum, viviparorum potissimum cepto homine foemellas annuatim semel aut frequentius, statis tamen semper temporibus, stria conce- coire & concipere, homini vero nullum certum cohabitandi & concipien- ptionis tempo- ra habent? di terminum a natura esse præfixum: quatenus equæ verno præprimis tem- pore, verno & autumnali omne lanigerum pecus, a fine solstitio æstivo, suis mense Februarii usque ad medium Martii, Septembris cameli, sub hyemis initium ursæ &c. mares admittunt. Sicut proin illis sufficit, ut paulo ante coitum turgescencia illa humorum, per quam in Venerem ruunt, affi- ciantur, statis illis & sibi solennioribus coeundi temporibus: ita foemellis humanis perpetua quasi plenitudo & concipiendi aviditas atque prompti- tudo inest. Quibus quemadmodum, si coitus & conceptionis earum ex- Etiam reliqua pectionem aliquid frustretur, menstrua concedebatur evacuatio: sic bruta bruta turgescencia simi- relia, nisi imprægnantur, per similem eruentationem, v. g. vaccas, ca- lem excretia- nes &c. aut per ferosi saltem sanguinis rejectionem (non adeo exigua, nem patium- ut Bayle quidem asserit) deferre, constat. Quoniam E, in his aut an- tur. nua tantum, aut brevioris periodi illa sanguinis congestio, veneri litans, est, nec adeo frequentes, sed typis tantum illius orgasmici respondentes ex- cretiones animalia hæc exigunt: foemellæ contra humanæ, quia frequentius turgent, crebriores etiam depletiones postulant.

Cur autem simia, homini non tantum ratione conformationis diver- Cur simia forum membrorum, sed decilitatis & actionum atque morum amulatio- mensurus ha- nis quoque, quam analogum animal, cum eodem etiam menstrua com- beat? munem pariatur fluxum, a me ac Germanis nostris, qui observationum, ejusmodi phænomeno explicando necessarium, sufficientia destituimur, propter animalium sc. horum penuriam, hujus rei vix speranda erit suffi- ciens ratio. Hoc interim cuncti testantur Zoographi & experientia, sa- lacissimum hoc animalis genus ac lunæ mutationibus maxime obnoxium esse

PROGTMN.
XVI.

esse ita ut in Sacris etiam Ægyptiorum olim nutrire-
tetur, quo tempus con-
junctionis solis ac lunæ accuratius scire potuerint: quatenus sub hoc mares
ac foeminæ visu non tantum, sed reliquis quoque functionibus animalibus,
deficere videntur, foeminæ vero sanguinem simul per naturam egerunt.

Quia nihilominus hæc lunæ mutationi se accommodans excretio at-
que deliquium non omni fabularum Plinianarum suspicione caret: non
tam huic, quam lasciviæ illarum summæ, illa adscribenda erit: per quam &
humorem turgescentiam peculiarem in ejusmodi languorem interdum conji-
ciuntur, simulque menstruo humano analogam patiuntur excretionem anima-
lia hæc. Neque tamen hujus eandem rationem ac in homine esse inde au-
guro, quod non incertis, sed statis, prout reliqua bruta, temporibus conce-
ptioni aptæ existant harum foemellæ, utpote circa Æquinoctium vernum &
solstitium æstivum tantum, catulos, testimonio rerum naturalium scriptorum
parientes.

Modum ipsum hujus excretionis quod spectat, equidem, dum abundan-
tias sanguinis in corpore congestas dixi purgamenta muliebria, *Vesalii* reli-
quorumque me subtraho dogmati, quo intra uteri vasa sensim illa coacervari
ac a reliquo sanguine decidua reponi fingunt, donec receptacula hæc turge-
scentia illum singulis mensibus per aperturam suorum osculorum emittant, &
quasi evomant. Quippe ipse fatetur *Vesalius*, & cum hoc plures, se in foemi-
nis instantibus extinctis nullam vasorum uteri præ reliquis sensibilem obser-
vasse distensionem atque intumescientiam. Imo stante circulatione sangui-
nis ejusmodi hujus stagnatio nullibi, & per consequens nec circa uterum, ad-
mitti potest: neque vasorum horum tanta est capacitas, quæ copiarum sanguinis
menstrui asservandæ & retinendæ se accommodet. Nihilominus si flexuo-
sos arteriarum æque ac venarum uterinarum attendamus tractus, si singularum
miras anastomoses, certe nullibi talem vasorum sanguiferorum implicatio-
nem atque conformationem continget observari: peculiarem proin quoque
ex hac eliciamus usum peculiariaque phaenomena, ratio suadet.

Non coacer-
santur men-
strua circa
uterum.

Vasorum uteri
conformatio.

Sc. sanguis per uteri unius lateris arteriam, dum ad furculos minores
fertur, ab oppositi lateris arteria necessario aliam motus sui directionem re-
cipit, illiusque pariter fluori imprimit, ita ut utriusque rami sanguinis motus
turbetur & impetus illius aliquantum refringatur: atque hoc quidem eo mag-
is, dum a plexibus his arteriosis emergentes rami tortuosis pariter demum ac
serpentinis ductibus in substantiam uteri feruntur. Simili ratione cum se ha-
beant venæ, impetu sanguinis intra arterias retuso, lenta magis undulatione
per harum quoque reticulatas implicationes ille vehitur, i. e. arteriosi sangui-
nis

nis impulsu maximam partem destitutus, reliquarum venarum sanguinis motum tarditate notabiliter superat. Quam quidem vasorum uterinorum habitudinem singulari & vario usu pollere, tam in utero calefaciendo & humectando, serositatibus illius deponendis, quam sanguine in prægnantibus colligendo atque retinendo, facile nunc evincere possem: sufficiat nihilominus præsentis negotio, a me mensium eruptioni hanc texturam egregie litare, demonstrari.

PROGTMN.
XVI.

Nimirum sicut extra turgescentiam menstrualem sanguinis motus per hæc vasa notabiliter infringitur, & aliquid stagnationi analogum patitur: ita non minus hoc contingit sub turgescencia illa, & quidem cum majore vasorum horum distensione. Quam licet in cadaveribus notabilem vix reperire liceat, subesse nihilominus aliqualem, dolor ille gravativus ac tensivus, quem in regione hypogastrica & circa lumbos, a sanguine, intra arterias æque ac venas non libere satis moto, sed congesto ac distendente, patiuntur partes hæc, si menses immineant, suadet. Quia vero dum imprægnata existit foemina, & uteri spongiosa atque cavernosa textura, hæcenus compactior, per activitatem seminis masculini, ad rarefcentiam usque reclusa est, diverticulum spatiosum sanguinis hujus exuperantiæ paratur, in quod secedat illa, ad tubulos sc. uterinos, per uteri compagem dispersos: Contra, ubi solidior & ad rarefendum in non gravidis inepta est uteri substantia, stagnans hic sanguinis venulas, interiorem vaginæ superficiem adeuntes, divellit ac per harum extremitates ruptas nomine menstruum promanat, donec subsideat aliquantum ac imminuatur ejus turgescencia.

Hinc fluor
menstruus a
venis.

Non arteriarum profluvium immediatum esse sanguinem menstruum diversa evincunt, imprimis quod non splendidus, sed nigricans, nec cum tanto impetu, sed lente magis, prodeat idem: neque tamen ideo ad tubulos illos uterinos cum Bayle & Charletono confugere decet, quasi ad turgescentiam demum horum depositus ab arteriis sanguis per horum oscula erumpat: hos enim in gravidis tantum videtur subire, hincque molem & substantiam uteri incrassare ac distendere, quas nihilominus in menstruatibus sanguinem haud alluere, autopsia testatur. Aut, si hoc fieri, quis pertinaciter asserere vellet, respondere istenebitur difficultati huic: cur non æque ac in gravidis, ad hos depositus sanguis retineatur, molemque uteri sensim tumidiorem reddat?

Non ex arteriis, sed venis.

Non ex tubulis uterinis.

An conjectura hæc mea omni dubio careat, ipsemet dubito, certus tamen, per hanc totum menstruum negotium satis commode explicari posse: neque opus mihi videtur peculiarem pluribusque difficultatibus implicitam fermentationem fingere, ut quidem a plerisque neotericorum fieri observo,

Non a fermento uterino menses excitantur.

PROGTMN.
XVI.

quamvis sub duplici ratione. Sunt enim qui menstruum circuitus fermento cuidam uterino domestico seu uteri proprio adscribunt, quod hæcenus torpidum ac delitescens, singulis mensibus semel tantum in actum prorumpat, & sanguinem extraordinarie commoveat ac menstruatim deturbet: Verum ante omnia probari debebat ejusmodi fermenti inexistencia, quam hæcenus nihilominus suppositam tantum observare licuit. Siquidem quod pro illa asserenda ab analogia ventriculi aliorumque viscerum petitur, argumentum quasi, dum sua propria contigerint singulis horum fermenta, nec utero tale denegari queat, manum satis est, dum de illorum adhuc existentia non immerito dubitatur. Nec stantibus his mox utero quoque similis fermentativa activitas concedi valet, & quidem non perpetua, sed temporaria, quæque per universum corpus se diffundens totam sanguinis massam effluviis activis imbuat, ut hæc circuitibus lunaribus magis volatilifata acrius effervescat. In ambiguo enim relinquitur, unde hoc fermentum uterus recipiat, cum circa annos demum pubertatis se manifestet? aut ubi delitescat & congeratur in impuberibus & sub menstruæ evacuationis intervallis? cur menstruas idem observet exaltationes & sanguinis motui continuo novas introducat exacerbationes? & quomodo tandem eundem sanguinem motu peculiari ac tali exagitet, qui vitalem non intendat, neque tamen hunc turbet aut immutet. Multo minus symptomata, quæ menstruum fluxum antecedunt, aut comitantur, vel ejus moram præternaturalem ac suppressionem sequuntur, fermenti hujus præsentiam aut defectum, vigorem aut torporem, necessario credere jubent: cum prioris generis affectiones cunctas a sanguinis congestione ac turgescencia, posterioris vero ab eadem partim sanguinis habitudine partim inde tractu temporis emergentibus recrementis incongruis, derivare majore facilitate queamus.

Neque a fermento circa uterum congesto.

Videns E. hæc similiaque obstacula aliquoties laudatus *Charleton*, quod olim & in *Exercitationibus pathologicis* asseruerat, fermentum uterinum in recentiore ac superius allegato scripto capit: peculiari, prolixè & cordate revocat: an tamen planiorem circa menstruum aetiologyam sententiam sibi elegerit, docebunt sequentia. Nimirum cum *Bayle* inter plantas & animalia, perfectiora quoque, supponit analogiam, eamque non quoad principia seminalia & generationis modos tantum, sed vegetationis quoque utriusque etiam rationes: Supponit porro similitudinem, quæ forminarum utero cum terra intercedat, illum naturæ agrum ferendis animalibus destinatum, hanc matricem plantarum, appellando. Sicut autem non quævis terra, & omni tempore, fecunda sit aut suam fecunditatem exerat, nisi

nisi iusto gaudeat tepore, a solis irradiatione ac igniculis subterraneis con-
 citato, simulque per salium variorum ab humiditate pluvia, dissolutorum, PROGTMN. XVI
 conflictu effervescat seu exagitetur: pariter in utero statis temporibus ali-
 quem excitari fervorem ac turgescentiam fecundantem, & quidem a sali-
 bus, cum alimentis, deglutitis, ac cum succi alibilis redundantia ad uteri
 tubulos devolutis ibidemque congestis, utpote intra quos stagnans hocce
 fluidum a dulcedine & benignitate sua naturali degeneret, acorem indueret,
 sensim exæstuet, tandemque in sensibilem effervescentiam erumpat, uterum
 atque sanguinem exagitantem. Id est a turgescentia hac primo lenta re-
 pleri ad distensionem & eo usque folliculos uteri, donec ulteriorem hi afflu-
 xum respuant & ad molestias has quamprimum propellendas motu suo con-
 strictorio se accingant: quod dum sine sanguinis æstu & effervescentia fieri
 nequeat, arterias simul præter modum distendi atque rumpi, harumque san-
 guinem profusum fermentativi illius succi colluviem simul eluere, usque-
 dum finito profluvio uteroque in pristinum statum restituto nova conge-
 ratur colluvies fermentativa.

Sicut autem analogiam illam inter terram & uterum sub certis cir-
 cumstantis promptus admitto, ita vim, illam fermentativam de qua potissi-
 ma existit quæstio, speciosius probari mallet, quam, hætenus factum: cum
 petitionem principii spiret succum alibilem, sive a nervis, sive ab arteriis
 ad uteri tubulos deponi, quo foetus quandocunque conceptus, unde vive-
 ret, in promptu habeat. Quippe primus conceptus haud statim ab utero
 alimoniam suam petit, sed dimensum suum primum intra pelliculas pro-
 prias secum adfert: imo metuendum, ne sub stagnatione & acescentia illa
 ejusmodi pravitatam contrahat succulentia hæc collecta, quæ fluenti san-
 guini coagulationem ac utero inflammationem inducat, embryoni vero
 exitiosum & mortiferum evadat ferculum. Præterea nec comparet, qua
 ratione humoralibilis, quamdiu vitalis, adeo facile acorem fermentativum
 induere queat, cum fermentationem, qua in acidum degenerant fluida, in
 corpore animali nunquam conjicere liceat, ac humores in corruptionem
 putrefactivam potius quam fermentativam, proni sunt.

Intra salium seu corpusculorum fermentativorum terminos generaliores
 se se continet Bayle, horumque collectionis & fiendi rationem ut evidentem
 magis reddat, ea in utero seu congestione, seu generatione seu utroque modo
 coacervari autumat: ideo quod nulla totius corporis pars adeo sensibilibiter
 mollescat ac rareseat. quod autem a sale hæc fermentatio distensiva sit,
 probat partim ex salium lixiviosorum natura, quorumvis fermentandi, in

*Fermentam
 hoc non est ab
 acido.*

*Non a salibus
 reliquis.*

PROGTMN.
XVI.

sanguinem præprimis, esset manifesta: partim exinde, quod foeminæ biliosæ facilius & brevioribus periodis evacuentur; partim quod vegetabilia menses moventia sale volatili abundant; partim quod sal assumptum ad venerem stimulet & fecunditatem inducat. Verum & hoc loco ambigere non pigebit, an rarefcentia aliqua uteri extra imprægnationem contingat? an in imprægnatis ab hoc fermento uterino, an potius a seminis masculini immissi turgescant, an demum a sanguinis intra tubulos collectione, illa sit? Deinde equidem in præsentiarum haud disputabo, an salia acida, an lixiviosa seu alcalia, fermentationi sanguinis concitandæ magis apta sint: repeto tamen superius propositum paradoxum, nulla salia lixiviosa aut urinosa in rerum natura dari, nisi quæ aut putredo, aut ignis produxerit, quorum neutrum tamen in animali vivente conjicere licet. Præterea nec foeminis biliosis faciliores ac frequentiores semper hæ existunt excretiones; &, si tales forent, non a salis abundantia, utpote quam bili pariter jam dum denegavi, hæ forent derivandæ.

Nec cuncta emmenagoga sale volatili abundant, v. g. radix rubiæ tinctorum, cortex granatorum, martialia & vitriolata: imo sal marinum aut nitrosum nili, quod animalia in venerem concitat ab Ægypti mulieres fecundiores reddit, multis parasangis a salium lixiviosorum ac volatilium textura, hinc viribus quoque, differunt.

*Menstruus
fluxus non de-
pendet a Luna.*

Multo magis decipiuntur, qui statas & menstruas has excretiones a variis lunæ phasibus dirigi ac moveri ajunt, ita tamen ut juxta versiculum vulgatum juvenculas nova, vetulas plena ac decrescens, evacuet. Quatenus *primo* haud evidens comparet ratio, cur homines præ reliquis animalibus & brutis lunæ potentiis atque influxibus obnoxii sint, & annon in his per eandem virtutem æque ac in homine, menstruum ejusmodi profluvium excitari potuerit. *Secundo* si muliebris hæc purgatio a Luna ipsius esset mutationibus, omnes foeminæ, ad minimum ejusdem ætatis, in uno habitantes climate & ejusdem temperamenti, eodem die ac tempore evacuantur: quod nihilominus experientiæ adversum dum aliis évacuationis hujus periodi triginta, aliis viginti, aliis viginti quatuor &c. nullis aut paucissimis plurium aut pauciorum dierum sunt.

*Menstruus
sanguis non
est vitiosus.*

De cætero, dum solam sanguinis superfluitatem sine fermento degeneri, menstruæ évacuationis causam pronunciaui, sponte concidit fabula ac traditio illa, quam de pravitate & virulentia hujus excreti superstitiose satis nonnulli colunt: quasi hoc retentum difficiliora corpori inducat mala, specula inficiat, horum nitorem destruat ac vina corrumpat exhalatio seu transpiratio

spiratio menstruatarum, idem sanguis plantas contactu suo exarescere faciat **PROGTMN.**
 ac enecet &c. Quamvis paulo mitiorem sese gerat *Helmontius*, dum cruo- **XVI.**
 rem menstruum *deposuo demum spiritu vitali, & postquam recentis cada-*
veris proprietates horridas induerit, virulentum evadere, & per gradus qua-
si ad liquaminis cadaverosi malignitatem ascendere, ait: quod linteo men-
 struato probare satagit, quatenus hoc aquæ bullienti immersum maculam
 primo contrahat indelebilem, quæque demum tertia elotione e linteo fo-
 raminato excidat, non secus, ac si spiritu acido sulphuris illud corrosum fuerit.

Negari equidem vix potest, non raro sub menstrua excretionem aliquid
 pravorum humorum latitare, & ab his corpus liberari, menstrua quoque
 retenta varias corruptiones subire, hinc pessimis affectibus occasionem ex-
 istere: qua ratione tamen, si per se vel acrimonia singulari, vel maligni-
 tate pollerent, ab uno excretionis termino ad alterum, aut toto gestatio-
 nis tempore, sine matris aut foetus certo periculo, coacervarentur? Im-
 primis haud adeo simpliciter admittere conveniet *Plinii & Columella* ob-
 servata, utpote minus universalis: cujus etiam indolis est illud *Helmontii*
 experimentum, dum quilibet sanguis linteum macula non adeo facile de-
 lebili tingit, nullus tamen, nec menstruus, tali, quæ non, nisi cum ero-
 sione telæ eluatur, ridentque *Helmontium* nostræ mulieres. Imo denique
 etsi menstruum cadaverosum & corruptum exhalationem & fracedinem cor-
 ruptivam spiret, huic aut illi corpori exitiosam: hæc tamen illi non ita
 peculiaris est, quin alius sanguis similiter putrescens simile quid præstet.

Atque his circa formalitatem, causam atque naturam menstruorum *Qua ratione*
 prælibatis commodius nunc satisfieri poterit quæstioni: cur quædam foemi- *sine menstribus,*
 næ menstribus careant, & quidem sine conceptionis læsione? Sc. supponendo *quadam con-*
 ex antecedaneis, sanguinis menstrui collectionem, ut talem, ad conceptio- *ceptionem?*
 nem nihil conferre: non tantum quod bruta sine mensibus præcedaneis, sed
 femellæ quoque humanæ sæpius statim post excretionem consummatam con-
 cipiant. Sed, quia gestationi potius foetus sanguinis menstrualis congestio
 dicata videtur, utut rarissimum, haud impossibile tamen est, foeminam hanc
 vel illam ejusmodi sanguinis & viscerum crassi gaudere, per quam, licet ille
 haud menstruatim coacervetur, nihilominus cavernosam uteri substantiam
 penetrare ac sufficienter distendere queat, & cui, e matris vasis delabenti, quo-
 tidie tantum, quantum decedit, feliciore viscerum digestionem succrescere ac
 substitui possit. Quemadmodum contra puellis junioribus & infra puberta-
 tis annos constitutis, item viris quibusdam, talis sanguinis exuperantia ac tur- *Cur quædam*
 gescentia per habitudinem naturalem fluidarum ac solidarum partium ali- *puella mensi-*
 quando *bus corripian-*
tur?

PROGTMN. XVII; quando contingere potest, ratione cujus ad menstruum vestigal aut intempestive, aut indebite, solvendum adstringantur.

*Quomodo
menstrua
erumpentia
abortum mo-
beant.*

Eo ipso tamen, dum postmodum cum sanguine, quo uterus irrigatur, alibilis succus & nutrimentum foetui adducitur, imo cum hoc particula etiam illæ aëris elasticæ, sine quibus vitæ foetus perennare nequit ad eundem transferuntur, ac uterus in molliorem atque spatiosam concamerationem ab eodem sanguine materno explicatur non una ratione, si menstruus sanguis intempestive erumpat, aut alia quævis enormior hæmorrhagia gravidam invadat, foetus ad præcoccem enixum urgetur, enecatur atque exturbatur. Nam primogenio & pabulo necessario ille defraudatur, cum sanguine illud subtrahendo: deinde, quod potius, vitalitatis conservatore ac continuatore, aëris nimirum substantia subtiliore a matre decidua, privatur, sine quo tenerum ejus corpusculum vix subsistere potest. Tetio copiosius paulo excreto sanguine uterus notabiliter subsidet i. e. connivent ejus cavernulæ cunctæ, a sanguinis totidem moleculis distentæ & parietes uteri erectos ac firmos detinentes: quibus fulcris subtractis concidit ac corrugatur idem, ejuque compressu foetus exturbatur.

PROGYMNASMA XVII.

DE

EPATIS OFFICIO.

Restant ex functionibus Viscerum vitalium Epatis ac Lienis officium, quod quidem non excrementi aut superflui cujusdam expulsionem, sed succorum laudabilium magis atque retinendorum productioni, litant, quatenus Epar in specie bilis præprimis gratia factum videtur.

Epatis connexio cum diaphragmate non semper lædit respirationem.

Hujus equidem cunctas conformationis conditiones evolvere, non hujus loci erit, circa connexionem ejus cum Diaphragmate tantum annotas se conveniet hanc, utut latiore, modo ipsius moles non simul augeatur, haud semper, imo vixl unquam, respirationi derogare, i. e. hanc difficiliorrem reddere, prout equidem Vulgi est sententia: utpote qua connexione neque motum inspiratorium, nec expiratorium, diaphragmatis lædit. In priore siquidem, dum deorsum fertur idem, moles vel pondus hoc, utut arcte satis & ubique agglutinati epatis, illius tendentiam non tam turbat, quam juvat: neque, si motu restitutionis ad fornicatam figuram & in locum naturalem redire conetur diaphragma, impedimento viscus idem est, quatenus pluralitas & latitudo ligamentorum pondus hujus non intendit, sed ad allevationem ejus

nota-

notabiliter confert, & fufpenforii ordinarii potentia paraffata fidelis exiftit. **PROGTMN.**
 Neque adeo vanam effe hanc conjecturam, edocere poterant illa fubjecta, quo- **XVII.**
 rum epar pluribus iufto vinculis & latiore cum diaphragmate connexionem gau-
 det, nunquam tamen, nifi cum facilitate ordinaria, auram vitalem trahebant
 eadem, qualia diverfa non naturali fed violentiore quoque morte preempto-
 rum testari poffum: aft vix ulla magis paradoxa, quam in fufpenfo, nuper
 a me publice diffecto, mihi contigit autopsia, ubi tota epatis fuperficies exte-
 rior feu gibbofitas diaphragmati connectebatur, ita ut in diverfis locis fine
 laceratione tunice fuæ non potuerit feipari, & e corpore protrahi, quem
 nihilominus fatis agilem omnisque dyspnœæ expertem noverant omnes.

Visceris hujus fubftantiam cum Erafftrato hactenus omnes parenchy- *Subftantia*
 maticam & ex fanguine circa vafa congrumefcente congestam pronuncia- *epatis.*
 runt, videbaturque his aditipulari *Harveus*, dum cervorum epar in prima fui
 conformatione rude ac informe, inftar rubicundæ ac fanguine lentæ affufio-
 nis, observari perhibet. Paucis tamen ab hinc annis *Malpighius*, *plurimum*
viscerum conformationis intrinseca Restaurator solertissimus, pariter ac felicis-
simus, ab imperfectiorum animalium fectionibus & evolutionibus ad perfe-
 ctiorum organisationis determinationem progrediens, hepar glandularum
 conglomeratarum congregationem pronunciat i.e. compingi totam ejus molem
 præter vafa ex pluribus lobulis, propria membranula obvolutis ac per stamina
 membranofa intermedia connexis, quorum finguli ex acinis glandulosis plu-
 ribus, vasis appensis, aggregentur. Quod afferit *Incomparabilis hic anatomicus*,
 variis argumentis confirmat, ut non opus videatur plura hunc in finem com-
 minifci quo tamen rudi etiam oculo conformatio hæc mox obvia fiat, ut com-
 modiffimam, commendo encheirifin, in qua calida epar macerare, fimul vero
 aquæ tepidæ per venam portæ injectionem ad albedinem usque idem eluere;
 fic enim glandulofam & lobulofam texturam quilibet agnofcet.

Vafa ejus commodè difpefcunt in adducentia & abducentia, ut illius generis *Vafa epatis.*
 fint Venæ portæ, arteriæ coeliacæ ramus dexter & nervi, hujus autem Lympha-
 tica, Biliaria & venæ cavæ furculi: utraque vel ufum privatum, fc. arteria, ner-
 vi Vena cava & lymphatica, vel publicum, nempe Portæ ac Biliaria vafa, commo-
 dantia. Quorum hæc pofteriora bina adeo arctus nexus atque focietas inter-
 cedit, ut eorum rami fub communi Gliffonii ubique contineantur involuero
 vaginali: Venæ autem portæ & cavæ anafomofes, quas præter veteres *Backius*
de Corde afferit, consentientibus *Gliffonio*, *Malpighio* aliisque nego. Vaforum
 biliariorum alveus notabilis & communis vefica biliaria eft, adeoque epatis
 quoque generi vaforum accenfenda: cum quo non tantum ratione coalitus du-
 aus

PROGTMN. **XVII.** Atus cystici ac epatici, sed per radices sibi proprias, cysticas ideo dicendas, quoque communicat, quarum truncus majusculus sapius in vesicæ collum, ubi fibroso circulo ceu valvula hoc constringitur, per duplicaturam tunicarum oblique implantatur, ita ut valvulosa gaudere structura videatur officium hoc ejus exile.

Quadruplex de usu epatis hætenus floruit sententia. In usu Epatis determinando varias Scriptores venditant sententias, inter quas olim treceptissima Galeni fuit, qui illud verum & primarium viscus sanguificationis tradit; quæ hypothesis, ita quoque increbuit, ut, quemadmodum *Plempius* ait, de hac nulla amplius in scholis Medicis disputatio fuerit. Alii, inter quos præcipui *Kyperus* ac *Lindanus*, epar quidem non plenarie sanguificare, sed chylum tantum disponere ac præparare, autumant, ut a eorde facilius postmodum in sanguinem transmutari queat; adeoque cordis adjutorium epar constituunt. Tertia circa epatis actionem seu officium sententia est *Glissonii*, asserentis, hoc sanguinem a bile defœcare adeoque depurare: in quo cum potissimis veteribus ipsi convenit, qui sub coctione epatis sanguificatoria biliosum excrementum a chylo & sanguine separari docebant. Alium epati usum assignabat *Backius*, bilem nimirum haud sanguinis excrementum esse, sed condimentum potius & perfectivum illius, quod *Helmontii* pariter dogma est: adeoque non a sanguine segregari, sed potius intra folliculum productum, per porum epaticum advehi & sanguini commisceri, quam sententiam olim etiam profitebatur *Sylvius* in disputationibus medicis, licet eandem paulo moderetur & corrigat in *Praxi*.

Epar secernit bilem. Quid cuivis harum sententiarum difficultatis obstet, recensere nolo, cum partim ex illis, quæ de sanguificatione & chyli motu fuerunt producta, partim ex mox insequentibus, patescere queant: potius ex his de conformatione visceris hujus præmonitis ita infero, quod, cum glandulosum illud sit, i. e. instar racemi glandulosi se habeat, munere secretorio polleat, fluidi sc. fellei, quod per peculiaris vasa inde profluere & in cysti seu folliculo peculiari asservari, observamus.

Bilis ex Vesicula non deferitur ad porum epaticum.

Dubium equidem mox assertum hoc reddunt *Backius* & *Sylvius* modo nominati, qui, quo bilem ab excrementi iniquatione cum *Helmontio* vindicarem, ejus materiam per arterias cysticas folliculo, adduci aut ex illarum sanguine in hac elaborari, docent, unde per ductum cysticum partim ad intestina, partim per porum epaticum ad epar veheretur, ibique chylo, hic sanguini, per venam portæ appellenti, commisceretur. Hypothesin tamen hanc, diversa sunt, quæ destruunt, & primo quidem experimentum *Malpighii* pluries a me adornatum, quo ligato ductu cystico, i. e. omni hujus cum epatico commercio

mercio intercluso, imo resecto & extirpato plane folliculo fellis, notabilis nihilominus in subiecto vivo per porum epaticum bilis quantitas profuit. *Secundo* Bilis vesicaria a pori epatici fluido, colore, consistentia & sapore differt: dum illa crassior, tincturæ obscure magis viridescens & plus amaricans hoc fluidius, dilutum & aqueum magis minusque amarum deprehenditur. *Tertio* nec ductus epaticus & cysticus in animalibus cunctis coeunt ac communicant, sed vel plane distinctis insertionibus, vel demum communi tantum osculo, in intestinum terminantur: v. g. in viperis & anate, quarum ductus biliarii post longiores distinctos tractus sub ipsa insertionem demum sui in orificium commune hiant, item in reliquis pennatis plerisque, v. g. pavone, gallina, ac interdum in anate, quoque observante *Blasio*, quorum canales separatim & interjecto notabili spatio ad intestinum se exonerant. *Quarto* porus epaticus si ligetur, hic intra ligaturam & folliculum, intumescit, i. e. nihil ab hoc recipit. Quo etiam spectat, quod *Malpighius* aliquoties in canibus se annotasse perhibet, geminos pori epatici ramos a distinctis epatis lobis emergentes interdum recta versus ductum communem deferri & huic, longe infra cystici communicationem ac duodeno propius implantari.

Accedit his *Quinto*, quod animalia quædam omni vesicula biliaria destituantur, v. g. glires & equi, item Cervi, in quibus præter truncum pori epatici nullum aliud bilis receptaculum, id est, nullam unquam vesiculam, deprehendi, ita tamen ut huius rami, per epatis compagem dispersi ingentes satis mihi visi fuerint, & unus illorum, in illa epatis parte, cui folliculus alias adnascitur, in alveum, truncum latitudine dupla superantem, ad unciam duarum longitudinem extendatur. Imo *Sexto* huc facit observatio *Diemerbroeckii*, qua in folliculo nullam bilem, epaticum vero porum bile turgentem, deprehendit.

Præterea substantia quoque folliculi biliarii, huiusque imprimis tunica *Folliculus fellis* interior, muneri huic minus adæquata videtur, ut ut a *Backio* & *Sylvii* talis est ineptus venditata. Haud equidem inficiari licet, tunicam illam glandulas miliares *ad bilis productionem.* infinitas sibi intertextas gerere, pariter ac vesicæ urinariæ & ureterum interior superficies glandulis ejusmodi exilissimis stipata cernitur: sicut nihilominus hæ parum admodum urinæ, aut ab urinâ plane disparem lympham, ad vesicam deponunt, ita de folliculi fellis glandulis non immerito dubitatur, an hæ bilem veram, an lympham tantum, huic analogam, evomant? Aut si forsân glandulæ hæ vesicariæ veræ bilis productioni litant, potior nihilominus glandulosa epatis compages est, in cuius quibusvis plagis ductus epaticus suas radices figit, exinde potius immediate fluidum suum hauriens: Folliculum

PROGTMN. enim bilis præparatoria functione plane excludere, durum nimis foret: præ-
XVII. primis cum Viperarum folliculus ab epate remotissimus sit ac non, nisi per ductus cystici extremitatem, circa insertionem in intestinum cum poro biliario communicet.

Neque possum non hic mentionem facere cujusdam egregii phænomeni, quod primo casu tantum observabam, in altero vero subjecto, utroque humano, eodem successu repetebam. Sc. Flatu cum distenderem folliculum fellis, factum ut bilis hujus tunicas, integras plane adhuc, sudoris forma penetraret, & absterfa quamvis mox rediret: postquam vero exteriorem avellebam paulisper tunicam, eandem bilis spumescens transudabat, & quidem non in parte folliculi tantum inferiore, quæ bile scatebat, sed medietate altera vacua; probabili forsan argumento, aliquid bilis in tunicarum harum substantia præparari in, i. e. cadavere per tensionem inflatæ vesiculæ felleæ exprimi.

A ductu epatico aliquid bilis vesicula recipit.

A ductu Epatico aliquid fellis folliculo infundi, augurari jubet (1) conformatio hujus cervicis intrinseca valvulosa, qua simili ratione, ac pylorus per prominentiam quandam in duodenum terminatur, ductus cysticus in vesiculam hiat: ita ut ratione hujus epistomii eminentis si non bilis omnis, saltem maximæ ejus portionis egressus impediri videatur, admittendæ vero eadem ex dicto poro epatico adaptata existat cystis. Confirmat hoc (2.) flatus per ductum cysticum ad notabilem hujus turgescentiam immissus, cujus pars per eandem viam sponte redit, distento nimirum illo orificio prominente: aut flaccidior aliquando eadem, ut ut manibus moderate comprimatur nihil aëris aut flatus ulterius emittit, subsidente sc. & cervicem obturante eadem valvulosa, aut valvulæ munus gerente, apertura; nisi majore demum adhibita violentia. Tandem vero ac (3.) omne dubium tollit experimentum sequens, sc. in subjectis vivis diversis dilaceravi folliculum fellis, usque ad cervicem, visurus, an aliquid bilis per hanc versus fundum laceratum proflueret: respondebat expectationi eventus, i. e. bilis non tantum turgescencia & spumositæ quadam ex angustiore cystico canali ad latiorē cervicem eructabatur; sed idem cysticus meatus, cum ipsi vinculum applicarem, inter hoc & intestinale manifestissime intumescebat.

Aliquid bilis folliculus recipit per proprias radices.

Non omne interim cystis contentum a ductu epatico proficisci credere jubemur quod animalia dentur ut superius dictum, quorum porus epaticus cum illo haud communicat: in quibus sane nihil bilis illum ad folliculum deponere, plus quam probabile est. Neque tamen hoc inserviet pro officina fellis particulari intra cystim asserenda quasi in animalibus, qui-

quibus congrua utriusque meatus biliarii combinatio contingit, partim in *PROGTMN.* epate, partim folliculo bilis generetur: sed rationi conformius est, ex epatis substantia per radices illas cysticas, quas superius innui, aliquid etiam bilis huc confluere. Quippe illas minime venarum cava & portarum furculos esse, inde evincitur, quod (1) venarum portarum ramuli cystici ad truncum hujus abeant, antequam epati inferatur, cujus propagines per epar dispersae sanguinem non ex ramis capillaribus ad majores, sed instar arteriarum, a majoribus ad capillares, eundem vehunt: eo ipso autem, dum venarum illarum cysticarum in Portam abeunt, nihil inde expectare poterit cava. Favet huic sententiae (2) observatio *Blasii*, qua pressam canis vesiculam, ea parte, qua ab epate avulsa, bilem in notabili quantitate emisisse, perhibet. (3) In discissis ejusmodi propagibus bilis reliquas amarities detegit. Quod (4) referatur illud *Celeberrimi Pecchini*, qui in canibus calentibus adhuc pressum manibus epar bilem in dissectum folliculum evomuisse refert. At (5) omnem dubitandi ansam praescindit ductus ille major cysticus, quem post *Glissonium* in bovino & humano subjecto viderunt plures, quemque in binis cadaveribus humanis, superioribus mensibus, satis conspicuum offendi.

Ambigit equidem de Via hac *Cole de Secret. animal.* quasi radices vesiculae propriae non sint muneri huic congruae, sed totum bilis ab epatico *Dubius Cole* poro illa recipiat, quatenus propagines illarum quantitati bilis, qua colligitur, non sint proportionatae, vesicula satis commode per cysticum meatum impleri queat, dorus biliaris cum vena portarum per totum epar decurrat, adeoque vesicarum radiculis nullum locum concedat, ac quod viperarum vesicula ab epate prorsus determinetur. Sed potissima haec argumenta tantum ductulos hos non sufficere probant, neutiquam eosdem aut horum usum plane evertunt: quatenus jamdum concessi partim per radices illas cysticas, partim porum epaticum, partim forsan a glandulis ipsius vesiculae hanc adimpleri. De cetero non video, quominus furculi illi, folliculo proprii, unum vel alterum ramum portarum comitentur: licet eorum connubium & progressum demonstrare summa exilitas vetet, per quam frequentius eorum trunci oculos nostros fugiunt.

Interim notabile discrimen observavi semper inter bilem vesicariam *Differentia* atque epaticam, quamvis dispari ratione a Scriptoribus determinatum. *inter bilem* *Pechlinus* siquidem in annate pariter ac cane vesicariam viridem, hepaticam *vesicariam & epaticam.* nigram ac plumbeam, testatur: cui adstipulari videtur, *Diemerbroeck* epaticam cystica foeculentiolem pronuncians: Econtra *Malpighius* de Liene bilem pori epatici dilutioris gaudere colore, sapore haud adeo amaricante

PROGTMN.
XVII.

ac minore lentore, sed igne vel simili quodam exagitatam vehementissimam exhalare fracedinem, aliaque longe diversa a cysticæ bilis natura pati. Quod etiam mihi experientia confirmavit, dum bilem folliculi magis amaram, lentam, epaticam fluidiorem ac mitioris saporis deprehendi, imo hæc non raro dulcedinem quandam, sacchari saturni saporis æmulam, mihi visa fuit præ se ferre. In alio aliquando subjecto canino vivo ad hujus intestinum apertum ex ductu cholodocho per notabile tempus nihil bilis flavæ emanabat, nisi quod postmodum interpolatis vicibus liquor consistentia fere aqueus prodiret, dilutæ sc. admodum tincturæ ac saporis vix amaricantis, sed falsi potius: quod fluidum bilis epaticæ portionem fuisse, illud evincebat, dum folliculus dissectus, crassiorem, saturate magis tinctam & amaricantem bilem exhibebat, secus ac *Cole* bilem noviter ex epate emanantem acriorem suspicatur.

*Materia bilis
est sanguis.*

Materiam ipsi sanguis suggerit, non chylus, ideo, quod animalium diuturniore inedia confectorum vasa biliaria bile satis turgeant, ut in serpentibus præprimis, quamvis per aliquot dies aut septimanas nihil alimonii assumpserint, observare licet. Nec improbabile videtur, sanguinem splenicum huic negotio magis accommodatum esse, quatenus hic non a nutritione tantum visceris hujus refluit, sed peculiarem in eodem alterationem sustinuit, de qua inferius dicetur. Qualis autem imprimis natura illa sanguinis portio sit, quæ in bilem facessit, judicare difficillimum, Glissonius equidem calorem vitalem perpetua coctura in sanguine amarulentum ejusmodi humorem produci asserit; sed variis sese implicat difficultatibus: quatenus primo dubium est, an omnis amaritudo sit a calore? Experientia equidem conforme observatur, quædam concreta, imprimis dulcia, per coctionem diuturniorem & quasi assationem amarescere, v. g. saccharum, lac, liquiritium &c. hic tamen amarescendi modus haud universalis & solitarius existit, quatenus per solam certarum particularum divulsionem ac adaptationem amarities pariter producit, v. g. in Vitriolo Lunæ, oculis Cancrorum cum aceto mixtis aut ipsis canceris huic aut vino acidulo incoctis. Deinde vix concedi potest calor ad amaritiem assans seu adurens in corpore animali: qua ratione enim foetus humidior ac serpentes, pisces &c. bilem conficerent, quorum sanguis actu frigit.

Hujusque substancia sulphurea, paucosale mixta.

Nec qui particulis serosis bilem constituentibus salino-sulphureas admisceri contendunt, nisi commode satis se explicant, scopum feriunt, cum tantillum forsân falsi bili insit, aut, quod hujus inexistit, aliis particulis adeo, contemperatum & obvolutum est, ut oleo atque phlegmati potiores

res partes in bile credam. Uno verbo: si ex bilis textura saponaria, quam PROGTMN. XVII.
detergendi virtute præprimis exerit, de ejusdem materia constitutiva ju-
diciū ferre velimus, multum aquæ, parum olei ac tantillum salis videtur
involvere adeoque de sanguinis æque substantia serosa ac rubicunda, par-
ticipare.

Præparationis rationem tam veteres quam recentiorum potissimi, in secre- Confectio bilis
tionis formalitate quærunt, paucis tantum exceptis, v.g. *Barckio, Sylvio*, qui per est secretoria.
transmutationem & per tincturam quandam transmutativam, seu augmentati-
vam, folliculo fellis propriam, bilem fieri ajunt: ast hos premit, quod nihil aut
parum admodum fellis intra folliculum conficiatur, reliquis vero trans-
mutationis fermentativæ propugnatoribus obstat, quod nullum ejusmodi
transmutans fermentum intra epatis glandularum porulos congeri queat,
quodque omnis rerum immutatio naturalis non nisi particularum quarundam
divulsiō & cum aliis combinatio atque implicatio sit.

Quæ enim a nonnullis in contrarium producuntur argumenta, quasi
bilis a sanguine notabiliter discrepet, particulæ biliosæ sanguini non per
simplicem contactum cohærescant, & parenchyma epatis peculiare præter
colatorii munus activitate quadam singulari polleat: a secretoria bilis con- Non fermenta-
fectione me haud avocabunt. Quippe (1) sola sæpe particularum, ut modo tibia &
dixi, separatio, translatio ac adaptatio diversarum & aliarum plane a pristinis transmutatio-
qualitatum autor existit: & ideo bilis materialiter sanguini inhærens, for- ria.
malitatem & potentias bilis, quas per secretionem ac combinationem il-
lam epaticam nondum receperat, exerere haud potest. Et per consequens
nec illud vinculum, quod aillis constitutivas moleculas reliquæ sanguinis
massæ hactenus connectebat & quasi intertextas tenebat, secretioni ejusmodi
præjudicat, utpote apparens tantum non verum, aut certe tale, cujus nexus
a colatorio appropriato satis commode solvi potest. Pariter & (2) paren-
chymatis epatis peculiaris structura, moles conspicua similesque circum-
stantiæ, haud mox immutatricem potentiam & fermentalem virtutem ipsi
conciliant: quatenus cuilibet secretioni peculiaris visceris secernentis or-
ganisatio, hinc magnitudo similesque materiæ modi, competunt, & v. g.
renum textura mechanica urinæ equidem segregationi se accommodat, bili
& salivæ separandæ minime congruit. Et si productio seu immutatio quæ-
dam per succum aut auram fermentalem similem hic fieri deberet, vel in
ipsa epatis substantia hæc resideret, æque amara; vel aliunde adduceretur
aut inspiraretur: quorum nihilominus utrumque sensus superat vel his non
respondet, cum substantia epatis dulcis degustetur, reliquaque organa &

PROGYMN.
XVII.

vasa fermentum asservantia & inspirantia non compareant. Potius E. mechanica tantum necessitate bilis intra epar generatur: quatenus sanguis partim motu sibi a vasis & cordis pulsu impresso, partim a compressione abdominis reiterata seu respiratoria per subtilissimos venarum portarum ramulos & poros acinorum glandulosorum ad triplex vasorum recipientium genus, horumque radículas capillares urgetur, i. e. ad venam cavam, vasa biliaria, & lymphatica derivatur & in triplicem substantiam divellitur.

Proponit adhuc dubium singulare *Minus* in tractatu superius allegato, & in quo Epatis facultatem sanguificatoriam vindicare contendit. Sc. cur, cum sanguis non amaricet, amaricet nihilominus bilis in folliculo, sanguini vero denuo aut urinæ in ictero aut per naturam fœcibus commixta nihil amaroris prodatur, contra eidem sanguini, urinæ ac fœcibus ejus una vel altera guttula instillata amaritudinem intolerabilem imprimat? Subdit etiam problemati huic responsum, mihi quidem minus aptum visum, nihilominus haud prolixius taxandum aut impugnandum: brevius potius me expediam. Substantia bilis sive in statu naturali, sive præternaturali a sanguinis & urinæ partibus reliquis, item fœcibus alvi, ita involvitur atque his intimius connubitur, ut amaritiem suam plane aliasque qualitates occultet, arte vero dum iisdem instillatur, superficialiter tantum iisdem cohærescit, hinc amaritiem ostendit. Nam per secretionem, qua reliquis sanguinis particulis evolvebatur bilis, liberiores redditæ ejus moleculæ novas potentias exerunt, quas artificialis & confusanea ejusmodi mixtio obtundere haud poterat: obtundit nihilominus aliquando mixtio præternaturalis in ictero, at non omnimode. Quia enim cum mixtione & connubio naturali hoc commune habet illa, ut mixtorum particulæ motu ac tendentiis vitalibus adhuc gaudeant, in utraque per minima coeunt sanguis ac urina cum bile, dum autem arte miscentur, exuta vitalitate sese adeo arcte complecti nequeunt, hinc liberæ & activas magis retinet bilis suas particulas: neque tamen per icterum ad pristinam plane redintegrationem has cum sanguine & sero, a quo secretæ, eas redire, color peregrinus & flavus testatur, quo in affectu hoc laborantibus serum, urina & cutis afficitur, quale quid in statu naturali haud contingit.

Sicut autem sanguinem, colatoriarum epatis potentiarum expositum, & per hujus texturam pressum venarum cavarum radices excipiunt, sic bilis ad vasa biliaria urgetur, a quibus partim ad folliculum fellis partim ad intestinum, deportatur. Fellem nempe vesiculam præter fluidum, quod ejus glandulæ secernunt, bilem partim a ramis, biliaribus partim a trunco epatico recipere, jamdum dictum: saltem ra-

*Quomodo bilis
ex uctu epatis*

None

tione modi, quo hoc fit, attendendum, admitti illam ab epatico poro ad cer- PROGTMN.
tam tantum vesiculæ distensionem, quam si superare mole sua conetur, simul XVII.
hoc cervicis orificium & valvulosam hujus texturam dilatat, levior autem ve- tico ad cystim
siculæ contractio & renitentia ulteriorem ejus influxum interruptit. feratur.

De cætero diversis experimentis instructus, ante septennium sc. jam-
dum maximam partem auditoribus meis communicatis ac demonstratis, asse-
rere haud ambigo, præter inosculationem ductus cystici atque epatici mani-
festam, forsan intrinsecus quosdam latitare canales intermedios, qui, ipsi epa-
tis substantiæ immersi, inter epaticum porum & vesiculæ cervicem mutuam
servent commercium. Experimenta hæc quamvis alia occasione publici juris Etiam per ca-
nales poro
epatico & fol-
liculo inter-
medios.
fieri passus fuerim, horum tamen potissima hic repetere jure dominii mihi re-
servavi. Sc. aliquoties observavi, folliculo fellis bubulo ad turgescentiam
per ductum cysticum inflato, diversos simul epatis tractus intumescere, imo
tandem per porum epaticum flatum prodire. Pariter ex bovina æque ac vi-
tulina vesicula omnem expressibilem, hinc ejus cervicem vinculo satis arcte
constrinxi, ne aliquid fluidi per hoc illam illaberetur: ope siphonis aquam te-
pidam epatico poro injeci, cujus notabilis portio ad folliculum fellis flacci-
dum divertebat, & per hujus inflictum vulnusculum redibat. Denique pari-
ter in folliculi bubuli cervice satis longa plura viderunt mecum foramina, præ-
ter insertionem ductus Glissoniani, decem v.g. item duodecim, adstantes,
oblique satis tractu tunicas penetrantia, adeoque potius aliquid admittentia,
quam emittentia: in canibus ac homine meatuum horum comparuerunt
pauciores, tres vel quinque, sine dubio ob brevitatem cervicis, stylum inter-
dum æque, ac in bovino subjecto, recipientia.

Quia tamen in exilioribus his ulteriorem horum meatuum progressum
investigare molestum, si non impossibile, erat, bubulum epar denuo ag-
gressus sum, in quo præter meatulos dictos minores modo unum, modo
duos, patentiores conspexi, ramulis quibusdam per epatis compagem dis-
currentes, majoribus vero suis truncis ad epatici pori reconditam adhuc
partem ita decurrentes, ut flatum ac stylum simul ad eundem derivarent,
i. e. canalem vesiculæ & ductui epatico communem monstrarent: Quod
etiam factum, cum orificio hujus ad cervicem folliculi hianti ceram lique-
factam injicerem, quippe hæc per ductum epaticum excernebatur: imo
leviter tandem excarnato epate totos horum ductuum tractus, præprimis
cera infarctos, horumque ramificationes per epatis compagem & ad epa-
ticum tendentiam conspiciere commode licet. Prout olim & prima vice
hæc biliariorum vasorum anastomosis se mihi obtulerit, mox delineari cu-
rabam,

PROGTMN.
XVII.

rabam, aut figuram hanc ex mea manu citius, quam putaram, in aliorum manus pervenisse expertus sum adeoque priore typo æque ac archetypo destitutus aliud hujus phænomeni schema *Actis Eruditorum* nostratibus concessi: quod quantum a priore distet, aut eidem congruat, illi, qui utrumque possident, me melius judicabunt, quos tamen admoneo, ne eadem semper ratione in omni subjecto hæc se habere, sed sub his quoque inosculationibus naturam egregie ludere, sibi persvadeant.

*Sylvius con-
trarium susti-
net.*

Contrarium equidem cum *Backio* sustinet *Sylvius*, i. e. bilem ex cysti potius ad porum epaticum, & sub hujus directorio ad epar, deferri, sanguini per minima commiscendam: & quidem vi argumentorum sequentium: Quod (1) Vagina venæ portæ & poro epatico communis utriusque contenta motu suo peristaltico versus eundem terminum, id est, ad epatis compagem hujusque intimiores recessus urgeat: (2) flatus per ductum epaticum immixtus maculas & vesiculas flavas in epatis superficie producat, hujus substantiam aliquantulum in tumorem attollat, ac tandem venam cavam perrumpat: (3) arteria epatica maxima sui parte vaginam communem penetrans ductus epatici ramulis implantetur, hinc sanguis arteriosus bili commisceatur, hujusque motum versus epar maturet. Imo licet a visis observationibus *Excellentis. Malpighii* & ab his convictus *Sylvius*, bilis secretionem ab acinis epatis glandulosis expectandam esse, hancque partim per ductus epatici truncum ad canalem intestinale, partim per folliculi radices ad ejus cavitatem ferri: constanter tamen negabat, nihil ejusdem bilis ex acinis epatis glandulosis ad venæ cavæ propaggines, iisdem acinibus continuas transire, nihilque ejusdem per pori biliarii ramulos venæ portæ, pariter eisdem glandulis arctius conjunctæ, infundi. Quatenus nec a *Malpighio*, nec a quovis alio, probatum sit hæcenus, bilem a sanguine venoso, non autem arterioso, secerni, via ex poro biliario ad venam cavam patula existat, at bilis ictericorum sanguinem subeat.

*Cujus argu-
mentis respon-
desur?*

Quibus nihilominus argumentis regerere convenit, & quidem *Primo*, hujus negando consequentiam, cum in aliis visceribus, v. g. liene, item renibus, arteriæ & venæ pariter involucris ejusmodi communibus gaudeant: quarum vaginarum tamen vis motrix non tanta est, quæ sanguinis venosi refluxum impedire queat, multo minus eundem e ramis majoribus ad minores dirigat. Præprimis cum non adeo certum, an ab hac vel sanguis venæ portæ, vel fluidum biliarii canalibus, multum impetus sibi promittere possit: aut eo ipso, dum vagina hæc crassior est illa sui parte, qua portam, ac, qua porum biliarium involvit, imo binis his valis processus ejusdem involucri sepimenti inter-

intermedii vices præstat; motus utriusque hujus tunicæ partis non adeo pares esse, nec eandem determinationem habere, suspicari licebit. Denique & quamvis motus vaginæ hujus peristalticus satis potens admitteretur, eo ipso tamen, quia non successivus, i. e. instar intestinorum, est, sed prout in arteriis, se habet, quarum tota ramificatio post impulsu a sanguine impulsu susceptum simul leviter contrahitur: motui bilis ab epate nihil præjudicare potest, sed undique æqualiter compressus ab hoc meatu biliaris contentum suum versus latiore & patentem magis sui portionem, hoc est, extra epar, dirigit.

Ad *Secundum* respondetur, nullas meatui epatico inexistere valvulas, quæ ejusmodi aeris ad epatis penitiora & venam cavam ingressum impediunt; adeoque motus bilis ordinarius inde non erit determinandus: posse bilem pariter ac flatum aut aliud fluidum per vas hoc ad venam cavam ferri, recte equidem concludit *Sylvius* actu tamen bili motum hunc contingere, quia nec ipse infert, nec alii inde inferre facile sibi præsumunt.

Olim equidem, quod casu primum in subiecto humano observaveram in cadaveribus postea tam humanis, quam brutorum, cum admiratione aliqua intuebar, compressio folliculo fellis epatici pori non tantum truncum, cystico continuum, sed hujus quoque ramos, quousque quidem horum unum vel alterum ad substantiam epatis prosequi concedebatur, intumescere, imo ad quemlibet ictum compressivum per horum vulnusculum bilem effluere, aliqua simul bilis portione per canalem communem ad intestinum stillante: exinde quoque, quoties folliculus fellis aut constrictione propria, aut a visceribus abdominis compressus, arctatur eum bilem partim ad ductum intestinalem, partim epaticum urgere, pro *Sylvio*, & *Præceptore quondam æstumatissimo, nunc desideratissimo*, argumentabar. At, ut modo dixi, probat nec hoc phæ-
Compresso folliculo intumescit porus epaticus.

Cur? nomenon aliud quid quam nihil valvulæ similisve obicis ob stare, quominus fluida, violentius impulsa, ex biliari pori trunco ad ramulos etiam ejus extremos meare queant: in vivis autem subiectis tale quid suspicari haud convenit, quod motus bilis ab epate contrarius, ac a perpetuo sanguinis venæ portæ impulsu, hinc acinorum glandulosorum repletionem, directus, idem impediat. Sicut enim consequentia logica maxime destituitur, flatus aut liquor intestino jejuno impulsus ventriculum replet, E. contenta intestinorum secundum naturam ad ventriculum replet, E. contenta intestinorum secundum naturam ad ventriculum evehuntur; aut eadem fluida per ureterem immissa pelvim renis subeunt, E. urina motu naturali non ab hoc ad ureterem, sed ex hoc sursum & renem versus meat: pari ratione nec in vasis biliaris aliud quid

PROGTMN.
XVII.

Bilis non defertur ad benam portam & eadem.

Parum bilis materiae arteria, plus bene portae, supereditate.

Viraque bilis ad intestinum fertur.

An motu continuo, an interrupto?

evincit motus ille ab extra impressus, i. e. valvulis carere porum epaticum; minime tamen motum bilis ab epate naturalem destruit, præprimis cum sub ipso illo experimento, continuata paululum vesiculæ biliaris compressione, bilem impulsam ex epatico ad communem ductum restagnare, & statum per folliculi fundum ac cervicem epatico inspiratum mox ad eundem ductum intestinale resiliere, accuratior illius administratio testetur.

Neque Tertiæ argumenti Sylviani pondus percipere possum, si cavitate, si substantiæ & tunicis tantum, pori biliarii sanguinem arteriosum infundi, constaret: quorum posterius tamen rationi conformius videtur. De cætero, quamvis ut impossibile plane venditare nolim, cum sanguine ex glandularum epaticarum acinis refluxo aliquid bilis delibare venæ cavæ radices capillares, perinde ac lymphatica folliculi biliarii vasa interdum lympham subluteam vehere observamus: per accidens tamen potius, quam ex prima naturæ intentione, hoc aliquando fieri, dicendum erit, ideo, quod eo ipso, dum bilis a sanguine secernitur, eidem mox denuo reaffundi nequeat: imo si radices cavæ bili æquæ ac sanguini excipiendæ ostiola congrua haberent, aut nulla, aut parca admodum, intra epar illius contingeret secretio. Multo minus a poro epatico aliquid sperabit vena portæ, utpote cujus contentum a ramis semper majoribus ad minores tendit adeoque per hos nihil ab illo admittit sed potius versus hunc propellit. Bilis tantillum ex sanguine arterioso, glandulas vesiculæ fellis & pori biliarii irrigante generari, ut ambabus largior, potiore nihilominus hujus quantitatem portæ sanguini in acceptis referre jubet ligatura arteriæ celiacæ, qua non obstante bilis insignem proventum experimur: nec, quamvis arteriæ plus materiæ biliosæ funderent, vel cava vel portæ, plus fellis reciperet, ob rationes modo explicatas. Denique miror Ingeniosissimum alias Sylvium a statu & motu bilis ictericorum præternaturali ad lationem bilis naturalem argumentatum fuisse: fecit hoc sane eadem probabilitate, qua serum motu naturali ex vasis ad cavitatem abdominis capitis &c. in hydrope, aut urinam ex renibus & ureteribus obstructis ad massam sanguineam regurgitare, quis asserere vellet i. e. nulla, nec bilis necessario venæ cavæ & massæ sanguineæ instillatur.

Ad intestinum autem quæ prolabitur bilis, partim illa est, quam ductus epaticus fundit, partim quæ in vesiculâ colligitur ac asservatur: quare nus qualis in folliculo est, talis in intestino conspicitur, ligato nihilominus quamvis ductu cystico etiam in eodem comparet, nihilque, quod continuum ejus affluxum per ductum epaticum moretur, obstat. Emergit tamen hinc mox quæstio, an bilis motu continuo & æquabili, aut potius interpolato seu interrupto

ructo

rupto tantum, intestinum subeat? quorum prius probabilius est, dum in di- PROGTMN.
 versis subjectis vivis bilem, lente quidem, aut sine notabilis moræ interventu, XVII.
 per ductus cholodochi ad intestinum aperturam promanare videmus. Et si
 forsitan in quibusdam subjectis influxus hic interruptus aliquando videatur,
 quale quid & mihi obtigisse, recorder, interpolatio tamen hæc non naturæ
 hujusque impulsui per intervalla tantum agenti adscribi debet, sed vel san-
 guinis appulsus vacillantis ac intermittentis, vel convulsionum intestini, effe-
 ctus erit: quippe intervalla hæc nullum certum observant typum, ac ejus-
 modi subjecta per cruciatus, quos sub administrationibus talibus sustinent,
 intolerabiles viribus mox spoliantur, & ad convulsiones adiguntur.

An vero bilis vesicaria æque ac epatica continuo undulet ad intesti- *Bilis vesicaria*
 num motu? hoc modo determinandum puto. Sc. vesicariam non semper, *per vices tan-*
 sed per vices tantum, elutriari, quatenus eo ipso, dum folliculus potissi- *tum movetur.*
 mum bilis a ductu epatico & radicibus propriis recipit, momenta conci-
 pienda erunt, quibus hæc adducatur, & per consequens, quibus se con-
 trahere bilemque expellere nequeat ille. Epaticæ contra fluxum æquabi- *Epatica conti-*
 lem magis svadet, quod (1) ligato meatu cystico, imo vesicula plane re- *nua magis.*
 scissa, bilis nihilominus satis diu adhuc ad intestina defluat, quemadmodum
 in cane, cujus ante tres septimanas folliculum extirpaveram, duodenum
 quoque bile scatens reperiri: (2) bilis, quæ sine cystici canalis ligatura ad
 intestinum libere promanat, minus acris, magis diluta, uno verbo, non
 vesicaria, sed epatica, reperitur.

Quando proin *Glissonius* bilem per intervalla tantum ad intestina de- *Glissonii hy-*
 volvi asserit, & quidem propter ductus cholodochi angustiores atque ob- *potestis demo-*
 liquam ad intestinum insertionem, donec illa in vesicula copiosius congesta, *tu bilis ponde-*
 hanc ad potentiores vibrationem sui que expulsionem stimulet, illasque *ratur.*
 angustias perrumpat: vesicariæ tantum bilis rationem habuisse, nihil vero
 epaticæ motui continuo derogasse videtur. Dum vero adeo longa inter-
 valla vesicariæ non erumpentis conjecturatur idem, quasi nimirum, quam-
 diu ventriculus alimentis repletus ac chylus per duodenum feratur, nihil *Glissonii de*
 ejus descendere autumat, & quidem, quod hac ratione intestinum duode- *motu bilis*
 num & per hujus tunicarum duplicaturam repens ductus cholodochus un- *sententia, in*
 dique in hoc corporis statu comprimatur, imo si aliter contingeret, ven- *dubium voca-*
 triculi æque ac intestinorum actio insigniter lædatur, ab eo recedere ratio *tur.*
 jubet, quia vix concipi potest, folliculum per tot horas, quas digestio pri-
 ma postulat, bilem tantum admittere, nihil autem ejus expellere, nisi ultra
 crepaturam usque eundem distendi velimus. Neque illa vis compressiva

PROGTMN. ventriculi & chyli hinc deflui tanta unquam erit, quæ motum bilis inhi-
 XVII. beat, alias nec per ureteres v. g. prægnantis, ab utero ac foetu compressos, urina ad vesicam stillaret: ut taceam, quocunque tempore, adeoque a pastu quoque & sub media chyli confectioe atque expulsionem, intestinum bile scatens reperiri, utut nec vomitus, nec lenteriam, passum fuerit animal.

*Cole de secre-
 tione & excre-
 tione bilis sen-
 tentis.*

Partibus *Glissonii* se addicit hujus Sympatriota in *erudito de secretionem animali libello*, quamvis per rationes illius hypothese interdum consonantes, interdum dissonantes. Sc. quantum ego quidem hujus mentem assequor, supponit (1) omnem bilem, folliculo præter tantillum, quod miliares ejus glandulæ stillant, ab epate per porum epaticum & cysticum infundi, eum in finem, ut hujus bilis acrior per cysticam dulciorem contemperetur: (2) bilis intra epar secretionem non quovis tempore æqualiter & eadem ratione contingere, uberius sc. si sanguis novo chylo turgat, parcius, si sanguinis massa effœta seu chylo vacua existat; adeoque pro diversitate harum circumstantiarum hujus laticis plus minus ad folliculum deponi. Cibatum nihilominus (3) & ab alimentorum fermentatione turgescens ventriculum vesiculam biliariam plus comprimere, & fel ad intestinum exprimere, auguratur i. e. quo tempore bilis excernatur copiosior, eo producat & ad folliculum deponatur parcius, adeoque nec (4) hoc tempore aliquid ejus immediate ex poro epatico ad intestinum descendere, sed post chyli demum distributionem peractam & sanguine turgescens.

*Videtur diffi-
 cultatibus im-
 plicita.*

Sed, missis nunc reliquis hypotheseos hujus circumstantiis, pace hujus *Clarissimi Viri* non immerite dubitare mihi videor, an illa bilis generatio atque secretio hac ratione alternent? quatenus frequentius contingit, massam sanguineam chylo & ventriculum simul alimentis turgere, v. g. si post prandium largius cœna quis fruatur: ac vesicula non tam per passionem externorum seu viscerum accumbentium, quam a fibris motricibus propriis, ad extrudendam bilem cogitur. Eodem proin tempore, quo bilis copiosior conficitur, eam copiosius quoque ad intestinum defluere necesse est, & quidem partim per porum biliarium immediate ab epate, partim interveniente vesiculæ diverforio: neque cibandi tempus terminum expellendæ bili determinabit. Multo minus mihi persuadere possum aliquid momentum sensibile, quo intestina nullum bilis confluxum sustineant, utut parcius uberiusque illa affluat: vel quia modo vesicaria & epatica simul, modo epatica sola, vel epatica quoque modo plenius applicat, modo & hujus proventus exilior est.

*Nunquam
 non aliquid
 ad intestinum
 jersur.*

Nihil.

Nihilominus, ut motus hujus vicissitudines diversasque habitudines aliquantum determinem, *primo* concedendum, chyli gratia ad intestinum bilem deponi, adeoque sine dubio hoc tunc contingere uberius, quando intestina illo scatent, parcius, ubi illo carent: neque digestionis hinc metuenda aliqua turbatio, nec cruditates, vomitum ac lienteriam provocantes, Glissonio suspectæ. *Secundo* propabile videtur, Vesiculam bilem ad al quam sui rigiditatem ac distensionem proportionatam admittere, hacque introducta ad illius expulsionem irritari, utpote fibras motrices vellicante: pari forsan ratione ac flatum sibi impulsus, si modum non excesserit, quamvis extracto tubulo cysticus canalis haud comprimatur sponte retinet, cumulatam autem ad extraordinariam sui dilatationem eousque dimittit, donec subsidencia propria ad molem, quam moderatior flatus concedebat, redeat, ratione nimirum cervicis ejus circuli membranei, modo minus, modo plus, dilatati. Imo *tertio* supponendum, illo tempore, quo bilis per ductum cysticum influit, nihil forsan hujus ex folliculo per eundem ductum ad intestinalem efferri, Bilis autem ideo ad vesiculam secedere videtur, ut eousque, donec chylus ad intestina descendat, moretur, simulque acrimoniam & activitatem majorem contrahat, particulis ejusdem aqueis aliquo modo exhalantibus, ratione cujus vim suam in chylum potentius exercere queat. In qua quidem conjectura me præter autorem illum *Malpighii* & *Diemerbroeckii* non parum firmat experientia, quod bilis flava per se in vase digesta magis magisque viridescat: imo accedit, quod in ramis epaticis plurimis fluidiorem bilem, in eorum autem nonnullis, quos scirrholâ textura affecerat, eam mucosam & viri descendentem seu obscurioris potius flavedinis observarim; sine dubio a mora atque stagnatione. Adeo ut in *Cole* partes descendere haud liceat, dum bilem epaticam intra folliculum attemperari ac mitescere scribit quatenus veticaria semper illa acrior observatur Eidem nihilominus Scriptori largior, bilis intra epar secretionem non omni tempore eadem ratione contingere, sed tunc, ubi sanguinis massa novo chylo turget, plenius fieri, adeoque uberius etiam ad vesiculam divertit: non quod chylus ipsi materia existat, sed quod propter majorem sanguinis turgescientiam tunc temporis omnes secretiones felicius contingant. Neque adeo præfracte nego, repletum alimentis ventriculum & per vices distentum pylorum ad emulgendum e folliculo fel multum conferre, illi arctius allidendo eumque comprimendo: per consequens, bilem vesicariam plenius intestinum influere, ubi chylo hoc scietur concludo.

XVII.
Secretio & ex-
cretio bilis ut
se habent?

Cur ad Vesicu-
lam secedat
bilis?

PROGYMN.

XVI.

*Bilis quanti-
tates sensi-
biles.*

De usu bilis cum alias dictum, de potentiis ejus sensibilibus adhuc addere conveniet, has vel communes esse tam vesicariæ quam epaticæ, vel proprias alterutri harum. De propriis quia pariter in hoc ipso *progymnasmate* actum, ratione communium paucissimis observandum, utrique 1. inexistere singularem lentorem ac visciditatem, cum fluiditate nihilominus peculiari contemperatam: quam non tantum tactus dijudicat, sed spumescentia quoque ejus summa svadet: 2. In utraque penetrans & sui valde multiplicativa deprehenditur amaritudo, cum dulcedine tamen aliquali intermixta: item 3. color flavus, subviridiusculus nihilominus simul. Quæ tamen conditiones ratione assumptorum, sanguinis diversitatis & epatis conditionis variant: & quod de subviridiusculo colore *Graef de Succo pancr.* movet dubium, quasi a solius succi pancreatici vitio ille emergat, experientia refragatur, quatenus in folliculo etiam aliquid viriditatis habet, imo ad æruginositatem usque evecta interdum cernitur bilis, id est, antequam succi pancreatici connubium experiatur, testante idem *Diemerbrockio anat. l. 1. c. 14.*

*Bilis qualitates
sensibiles.*

*Bilis quas mu-
tationes sub-
eat ab affusis.*

a Spiritu vini

*ab aqua cina-
momi.*

*a Spiritu Salis
armoniaci.*

*a Spiritu san-
guinis hu-
mani.*

De habitudine ejusdem laticis ad humorem ventriculi digestivum, chylum & succum pancreaticum quæ attendi poterant, ex superioribus repetantur: quas vero sub affusione aliorum fluidorum in illo mutationes ratione consistentiæ, saporis, coloris &c. observaverim, coronidis loco subnectam, an forsitan alii, me perspicaciores inde circa intrinsecam illius naturam atque actionem aliquod formare possint judicium. Miscui *primo* bilem bubulam cum spiritu vini simplici rectificato, & subsidebat offa flavedinis obscuræ cum interspersis fibrillis subernante liquore tenuiore & amaritiei temperatæ: agitata simul parum spumescebant, & coagulum maximam partem denuo solvebatur, reposita autem in loco calido per viginti quatuor horas pristinum monstrabant coagulum atque fluidum, cum sapore pariter mixto. *Secundo* alteri bilis bubulæ portioni affudi aquam cinamomi spirituosam, quæ ad manus erat, quæ pariter mox coagulabatur, magis tamen in fibrillas quasi ex viridi flavescentes, quæ ab agitatione denuo solvebantur cum spumescentia notabili, & sapore ex utroque ingredientium mixto: post digestionem vero totidem horarum nulla ipsis contingebat insuper mutatio. *Tertio* a spiritu salis armoniaci mox tota solvebatur bilis sine ullo præcipitationis aut coagulationis momento: solutio hæc comparebat clara & fere aurea, sapor ex urinoso & bilioso mixtus & absque omni spumositate, licet mixtura agigaretur; quam etiam faciem post diei & noctis digestionem retinebat. Paulo aliter *quarto* conspiciebatur cum spiritu sanguinis humani mixta bilis

bilis, i. e. solvebatur ab hoc pariter tota solutio clara & sapor mixtus, cum spumositate tamen aliquali, ac colore magis viridescente, ac post digestionem in loco tepido cum tantillo sedimenti. *Quinto* cum oleo tartari per deliquium congelascebat bilis bubula in coagulum fibrosum, cum aliquali spumositate & colore naturali; bilis autem canina nihil congelationis inde patiebatur, sed fluiditatem atque colorem naturalem retinebat, imo fere fluidior evadebat. *Sexto* ab affusione Spiritus salis mox cogebatur bilis bubula in offam vetellinam, stigma autem acidum ipsi supernatabat, agitata illa fibrosa evadebat, sine spuma & cum colore viridiusculo: fluiditatem autem fere naturalem absque notabili turbatione, atque amaritiam retinebat canina, virorem gramineum simul induens. *Septimo* cum spiritu nitritidem in substantiam bili vitellinæ æmulam cogebatur, acido liquore supernatante, fel bubulum; mox sponte solvebatur in liquorem primo viridem, hinc obscure rubicundum seu puniceum, notabiliter tamen viscidum, qui post aliquot momenta obscure flavescebat, in sequente die flavus plane & satis diaphanus evaserat, cum coagulo furfuraceo & flavissimo-saporis mere acidii. Canina autem bilis ab eodem nitri slagmate maxime turbabatur cum sedimento crasso, & tota massa æruginosum saporem atque colorem induente. *Octavo* spiritus Vitrioli cum felle bovis mox cum notabili spumositate coagulabatur, aciditate illius integra manente & viriditate: post digestionem vero diei & noctis secedebat massa in liquorem viridem ac sedimentum crassius atque fibrosum, cum sapore pristino. Cum *nono* solutionem mercurii sublimati ipsi affunderem, bilis supernatans statim coagulabatur in substantiam obscuræ viriditatis, inferiore mixturæ parte seu solutione mercurii ad cœruleitatem vergente: Post paucula momenta tota mixtura mucosa plane & ex cœruleo viridis reddebatur, donec in sequente die sedimentum mucosum viriditatis pallidioris, liquor supernatans lacteus & utrumque saporis austeri observaretur. Detrectabat *decimo* cum bile miscelam coagulum oleum; baccarum juniperi, continuata tamen aliquandiu agitatione paululum coibant, usque demum secundo ac tertio die resinofam fere substantiam formarent. Aquæ simplici *undecimo* infusa bilis huic primo submergebatur, agitata vero cum spumositate notabili integre solvebatur in liquorem pellucidum & plane aureum. *Duodecimo* bilem flavam colatam, postquam per triduum in loco tepido asservaveram, flavedinem hæc suam cum viriditate commutabat. Denique ac *decimo tertio* bili cum spiritum nitri urinosum affunderem, colorem & consistentiam naturalem hæc retinebat.

PROGYMN.
XVII.

ab oleo tartari.

a Spiritu Salis.

a Spiritu Nitri.

a Spiritu Vitrioli.

a Mercurio sublimato.

Ab oleo baccarum juniperi.

Ab aqua simplici per se.

a Spiritu Nitri urinoso.

PROGTMN.
XVIII.

PROGYMNASMA XVIII.

DE

LIENIS VSV.

*Ad Lien nul-
lius usus?*

*Ejus Extirpa-
tio.*

Actioni epatis quia ministrari videtur Lien, hujus œconomiam & officium Annunc lustrabimus. Extiterunt equidem olim nonnulli, & inter hós præprimis *Erasistratus*, *Democritus* & *Ruffus Epheſus*, viscus hoc nullius plane usus & otioſum proclamantes: quaſi ſc. natura dum in foetus hypo-chondrio dextro epar formaret metuere, ne artis ſuæ architectonicæ obli-viſceretur, niſi ſimile quid in ſiniſtro quoque moliretur, adeoque lienem epati, ornatus maxime gratia, oppoſuiſſet. Quod dogma magis confirmavit commentum Plinii, quaſi Lien, tanquam peculiare curſus impedimentum, curſoribus eximi poſſit ac ſoleat: conſpirante inſimul nonnullorum Medi-corum experientia, v. g. *Hierovani*, qui lienem triginta duarum librarum ſe aliquando extraxiſſe gloriatur, item *Rouſſeti*, qui duorum Chirurgorum meminit, qui ſe lienes ſauciatos & enormius alteratos extirpaſſe perhi-buerant, cui ſimilia exempla *Ephemerid.* naturæ curioſ. *decur.* 2. ann. 3. *obſ.* 195. ac *Bonnet. medic. ſeptener. collat.* l. 3. ſ. 20. *cap.* 12. referunt. Acceſſit demum his recentiorum plurium curioſitas, qui ex animalibus vivis poſt ligaturam hujus vaſorum lienem protraxerunt atque extirparunt, illaque nihilominus ad actiones quaſvis aptiſſima poſtmodum obſervarunt.

Pluries idem tentavi, ut plurimum fauſto, rarius ſequiore ſucceſſu, quorum tamen phænomenorum cunctorum vix amplius recorder: quod ſchedulæ meæ nihilominus circa hanc operationem impræſentiarum ſug-gerunt, hoc eſt: Extirpavi aliquando canis muſculi mediocris magnitudi-nis lienem, quem brevi ac feliciter ſanatum per octo abhinc ſeptimanas alebam. Hic primis quatuor ac quinque diebus aſſumpta vomitu rejiciebat, inſimulque murmura frequentia, & quidem tanta, per totum etiam reli-quum tempus patiebatur, ut ipſe canis non raro, quaſi cum ſtupore illis auſcultaret: de cœtero & paucis diebus elapſis, vorax, optimi & pinguioris habitus ac creberrime mingens obſervabatur, quod in illo pariter ſubjecto, cujus vaſa ſplenica arctius tantum ligaverat, *Malpighius* annotavit: imo quod olim etiam in ſimili *ἀσθηλὴν* expertus ſum, ſalaciſſimus erit, coitum-que frequentius ac cum ſumma alacritate præſtabat. Diſſectus vero poſtmo-dum nihil præternaturalis aut extraordinarii monſtrabat, niſi omenti partem a qua vaſa ſplenica reſciſſa fuerant, cum peritoneo partim, partim inteſtino late-

lateris sinistri per coalitum quasi callosum & fere scirrhosum conna-
tum. Alterius cujusdam canis vasa splenica ad *Malpighii* jussa aliquan-
do ligavi, sine visceris ipsius extirpatione: qui intra paucas ab operatione
horas expirabat, forsan ob hæmorrhagiam, quam inter operandum
enormissimam patiebatur. De cætero in duobus canibus bilem, al-
tero ab operatione hac die, intra folliculum lustravi, quæ in heterogeneita-
tes diversæ consistentiæ videbatur recedere, sc. innatabant hujus liquori calo-
ris subflavi molecolæ albicantes, & quasi caseosæ: quod nihilominus aliis quo-
que subjectis, splene instructis, non adeo insolens est.

Quibus cunctis utut ita se habentibus, minime tamen hoc viscus frustra
conditum esse, conjecturari licet: quatenus quædam organa, quorum actio
pro vilitate perpetuanda non adeo immediate necessaria est, quibus scil. defi-
cientibus excrementorum solenniores excretiones haud violenter suppri-
muntur, ac a quorum excisione haud enormiores metuendæ veniunt hæmor-
rhagiæ, sine sensibili œconomia animalis damno extirpari possunt, & per conse-
quens lien etiam; quod tamen an eadem facilitate fieri queat in homine,
an in canibus similibusque animantibus, quorum connexio lienis cum parti-
bus vicinis non adeo arcta, autopsia anatomica determinabit. Proin non in-
epte judicant, qui ex visceris hujus singulari structura, ejus miranda per vasa
conspicienda cum partibus diversis connexione & ipsius prava dispositione
emergentibus symptomatis singularem ejus usum suspicantur, quicumque de-
mum is fuerit.

Quippe substantiam ejus non, secundum commune scholarum placitum, *Substantia*
merum sanguinem concretum & vasis circumfusus, sed simul fibrosum esse, *Lienis.*
post *Hippocratem* jamdum *Vesalius*, *Highmorus* & *Glissonius*, imo totam fere
ejus compagem ex fibris seu cellulis membranaceis compingi, *Excellentissimus*
Wepferus ac *Malpighius* annotarunt: ita ut totum hoc organum ex membra-
nulis, sinus & cellulas infinitas, velut apum favos, efformantibus, coagmen-
tatum nihilque aliud, ac venosi ductus seu sinus ramificationes atque conca-
merationes videatur, pari ratione ac a gracilescnte trachea pulmonum com-
pagem concamerari innotescit. Præter quas tamen membraneas cavernu-
las glandulæ exilissimæ, modo singulæ, modo racematim congestæ, conspi-
ciuntur, ita intra dictas lineis cellulas locatæ; ut arteriarum atque nervorum
extremitatibus adhærescant, exiliores longe in subjectis humanis, quam in
ove, vitulo &c. utpote in quibus post membranarum externarum ablationem
repetita cum aqua elotione, aut leviori tantum cruoris stipantis deterfione in

PROGTMN.

XVIII.

Arteria splenica.

apricum emergunt corpuscula hæc, Antiquitati usque ad nostra tempora ignota & *Malpighii* dexteritati reservata.

Vasa præter communia Lien sibi propria nulla habet, de arteria nihilominus noetur, illius caudicem intra ipsius visceris compagem infinitas propagines secedere, quarum præter illas, quæ involucri ejus exteriora irrigant, nonnullæ glandulas indigitatas adeunt, quædam vero immediate & absque alterius cujusdam corporis interventu ad sinus & tubulos venosos se exonerant. Prioris generis arteriarum capillarium terminos, in glandulis nempe, assequi difficillimum, quatenus ab injecto quidem liquore tincto eousque manifestantur, ut has tortuosis circuitibus stringant, liquor tamen impulsus earum interiora minime penetrat: reliquarum vero cum cellulis lienis immediatum magis commercium ratio æque ac experientia evincit. Quippe eo ipso, dum sanguis copiosissimus ad cavernosam lienis compagem deponitur, hunc sane non interveniente corpore & colatorio quodam intermedio, sed immediate ex arteriarum osculis, huc secessisse, probabile fit: imo non tantum liquores fluxiliores, sed cera quoque, arteriæ splenicæ si impellantur, præter ramulos arteriæ quaquaversum sese explicantes, cellulas lienis ac ductus venosos mox omnes subeunt ac replent. Quibus ita se habentibus paradoxum esse desinit, quod arteria splenica epaticam amplitudine adeo notabiliter superet: id est, quia sanguinem non per minima insensibilia visceri solidiori infundit, sed potius in ejusdem cavitatem cavernosam profundit, majori sanguinis moli effundendæ majus etiam postulabatur vas adductorium.

Vena splenica.

Huic combinatur vena, ramus splenicus, κατ' ἐξοχήν dicta, non quidem per anastomoses, quales *Baubin*, *Spigelius*, *Bartholinus*, *Higbmorus* & *Diemerbrock* fingebant, sed per vaginam communem, cujus primam inventionem *Malpighio* debemus, quæque vasa non tantum hæc sanguifera, sed binas quoque singulis arteriosis propaginibus adstantes nervos investit, cunctorumque diramationes hac ratione comitatur. Cujus venæ extremitates nequaquam ad glandulas exporriguntur, aut harum forsitan non, nisi exilissimæ & sensum omnem fugientes, quæ tantum saltem sanguinis, quantum a nutritione & munere earum publico resistat, revehere queant. Alias vero peculiaris ejus intrinseca observatur structura, quatenus quidem ramulos a se dimittunt aut potius recipiunt, majores ejus caudices, arteriarum & nervorum fidos comites, pervii nihilominus foraminibus insuper aliis cernuntur, ad cellulosem lienis compagem immediate magis abeuntibus, seu potius his continuis, ita ut membranosæ illæ cellulæ nihil aliud quam appendices & expansiones sinus venosi compareant, Illud nihilominus occasione hac notari

mal-

mallem, profundiore longe & per furculos capillares magis forsan in ho-
mine, quam in brutis quibusdam venæ splenicæ esse diramationem: quod
Nobilis. etiam Ruyschium obs. anat. 22. annotasse legimus, quatenus dum ce-
ra, arteriæ splenicæ vitulinæ v.g. injecta, mox simul tubulos hujus venosos
cunctos opplet, ac per truncum quoque eorum non raro remeat, nihil hujus-
modi in homine observare potui, sed loculi & venæ ramuli nullam ab arteria
ceram excipiebant; sine dubio quatenus venæ hujus exiliores magis, quam in
brutis, evadant.

Prout E. arteria sanguinem lieni adducit, ita unicum abductorium hu-
jus vas Vena cernitur: adeoque si illi per venam non liber concedatur transi-
tus, non tantum pulsatio in hypochondrio sinistro ac spinam versus mole-
stissima excitatur, qualem enormissimam *Tulpius lib. 2. observ. 28.* testatur,
sed variæ quoque sanguinis excretiones, æque satis immensæ, utræque a re-
stagnatione hujus contingunt. Ita ad requisitionem Prætoris civitatis hujus
aliquando aperui cadaver viri cujusdam, ob veneni hausti suspicionem, qui
vomitu cruento vehementissimo, intra paucas horas perierat: hujus cordis
ventriculi ac vasa reliqua sanguine vacua conspiciebantur, stomachi vero &
intestinatorum cavitas eodem turgebant, lienis facies exterior callosa &
fere scirrhusa, interior compages flaccida ejusque cellulæ pariter omni san-
guine exhaustæ videbantur, & Epar totum scirrhusum erat; unde conclusi
non tam a veneno, quam regurgitatione sanguinis per venam splenicam, ob
epar scirrhusum, vomitus hos cruentos lethales obvenisse.

De Nervis a que Lymphaticis quid præter illa, quæ ab omnibus fere
fuerunt visa & explanata, nihil monendum duco, nisi quod posteriora
æque ac priores non superficiem tantum visceris hujus & tunicam exterior-
em permeent, sed ipsi profundius quoque se insinuant: an vero eorum
ultimus terminus glandulæ, illæ intrinsecæ sint, de quibus superius dictum,
vix ulla oculorum acies dijudicare poterit, licet ad diversas lienis plagas
eorum ramulos interdum inclinare viderim, quominus tamen eorum ex-
tremitates conspici queant, inhibet cruor; interanea lienis spissius obvol-
vens, quem dum maceratione & elotione cum aqua derergerere conamur,
vasculorum ejusmodi capillamenta similesve minutias inviti etiam dilacera-
mus.

In usu hujus organi eruendo non equidem Naturam Matrem atro car-
bone notabo, quasi per somnium nonnullorum lienem atro colore & te-
nebris quibusdam obduxerit, quo eundem abscondat & latitare velit: hoc
nihilominus omnes fateri cogimur, nullius forsan visceris & membri usum

*Lymphatico-
rum terminus.*

*Vsus lienis ob-
scurus est.*

PROGTMN,
XVIII.

abditum magis latere, ac præsentis, utpote cujus non tantum agendi modum, sed actionem ipsam ignoramus, cum reliquorum omnium functionum ætiologias ni explicare liceat, certe de functione ipsa, qualis sit, constet. Id est, nemo ambigit, cerebrum spirituum elaborationi ac dispensationi præesse, oculum videre, aurem sonos excipere, ventriculum chylicare, intestina chylum a fœcibus separare, renes lotium producere, epas bilem conficere, quamvis quo mechanico & speciali apparatu operas suas peragant, non in omnibus hisce organis aque pateat: ast quid Lien corporis œconomix præstet, ubique tenebræ, ubique silentium.

Neque tamen unquam adeo viribus suis desperavit aut diffusa fuit Medicorum cohors, quin rei hujus satis perplexæ manum mentemque applicuerint hujus diversi antistites, i. e. secando, lustrando, observando, meditando in studium naturæ se dimiserint, uno verbo indefesso labore hujus in liene abditum opus evolvere allaborarint, quamvis minus prospero ad hunc usque diem successu. Quod quidem a me haud illa intentione dictum volo, quasi aliorum inventa ac meditationes cavillare ac redarguere velim, sed ut mecum dignoscant, tantillum illud, quod scimus, tanto illo, quod nescimus, longe inferius esse: *Immerito enim ullus aliquis ipsorum reprehendatur, propterea quod invenire non potuerint, imo laudandi potius omnes, quod investigare conati sunt.* Licebit hos dispescere in duas classes, quarum alia excrementi cujusdam sanguinei secretioni, alia humoris laudabilis ac nobilioris confectioni lienis ministerium destinavit.

*In liene non
secernitur ex-
crementum
melancholi-
cum.*

*Non adducitur
lini sanguis
crassior.*

Qui heterogeneous ac sordes a massa sanguinea hic detergi ajunt, iterum aut sanguinem magis fœculentum per arteriam splenicam adduci & ad lienem deponi, aut hunc a laudabili in lienis substantia demum secedere contendunt. Illorum sententiam suspectum reddit, primo quod nullus, nisi arteriosus, sanguis, adeoque haud magis fœculentus, terrestris, tartareus, melancholicus &c. ex eodem cordis ventriculo sinistro, per eandem aortam descendantem & arteriam coeliacam, ad lienem æque ac ad epas ceterasque partes valeant deferri; cum intra arteriam splenicam aut hujus communem cum epatica exortum sanguinis in partes crassiores atque tenuiores secretio fieri haud possit. Deinde difficultate non levi gaudet, quod sanguis per arteriam splenicam impulsus ab illo, qui per epaticam reliquosque arteriosos ramos fertur, nec colore, nec consistentia, nec aliis qualitativis sensibilibus, differat.

*Nec secerni-
tur in Liene.*

Reliqui Scriptorum proin, quo scopulos hos evitent, intra splenis demum compagem succi illius melancholici & excrementitii secessum fieri docent

docent, simili circiter ratione, ac intra Epar bilis a sanguine secederet. Quos PROGTMN. XVIII.
tamen illud maxime stringit, dum in omnibus organis, secretioni recre-
menti cujusdam destinatis, observatur ac necessario desideratur recepta-
culum illius, quod secretum, & vas excretorium, pro eodem e corpore
eliminando: quorum neutrum cum in hoc organo conspiciatur, transco-
latorio fœculentiarum ejusmodi bilis atræ munere hoc eximendum erit.
Qui enim per vasa brevia ac hæmorrhoidalia excrementum hoc splenicum
egerit contendunt, novis se aliosque implicant difficultatibus: siquidem non
poterat hoc fieri per vas breve arteriosum, quod nihil a splene, sed ab hujus
trunco arterioso, sanguinem sc. recipit; neque per venosum, quod illud
venæ splenicæ potius sanguinem a ventriculi nutritione refluxum, non mi-
nus, ac reliquæ venæ gastricæ infundat. Arteriam hæmorrhoidalem, nul-
lum legi, atris his verramentis canalem excretorium nuncupasse, nec sine
ratione: cum ipsius aortæ propago immediata mesenterica inferior sit hæ-
morrhoidalium truncus. Nec venæ hæmorrhoidali internæ transporta-
torium hoc munus tribui poterat, quatenus hæc non semper splenici rami
soboles est, sed frequentius in mesentericæ ramum sinistrum, interdum in
ipsum portæ truncum terminatur, ut in virili subjecto, publice dissecto,
aliquando observavi: neque etiam, quamvis cum illo ramo communicaret,
lien sibi excretorium vas inde promittere poterat, cum venam etiam hanc
trunco majori sanguinem advehere, minime eundem depellere, circulati-
onis leges jubeant.

*Nihil a liene
rejecitur per
vasa brevia.*

*Nec per hæ-
morrhoida-
lia.*

Qui ductum pancreaticum lienis vas excretorium fingunt, hos *Graefius* *Nec per du-
ctum pancrea-
ticum,*
erroris quam plenissime convincit: vel hoc unicum convincere poterit,
quod quamvis ipsum pancreatis corpus ratione vasorum communium &
communis membranæ Lienis aliquomodo continuum videatur, ductus nihi-
lominus ille Virsungianus nihil cum viscere hoc commercii habeat; imo
extirpato liene pancreas in officio suo non deficit, sed sine interruptione
ulla succum suum profundit. Qui denique negotio huic adductorio *Lym-* *Nec per Lym-
phatica Vasa.*
phatica vasa accommodant, nitori ac diaphaneitati horum multum detra-
hant, terrestreitates sanguinis acidas, ut crassamenta inspissantia, his con-
credentes, quorum vestigium nihilominus in vasis lienis non magis, quam
reliquis lymphaticis,prehendimus: neque video, quid squaloris sanguis
hic deponeret, si eundem ex receptaculo communi, ad quod sordes has
deferri credunt, & ductu thoracico repeteret.

Præterea illi quoque, qui succi cujusdam magis laudabilis atque no-
biliores confectioem a Splene expectant, multis difficultatibus se obruunt:

PROGTMN.
XVIII.

Lien non sanguificat.

Nec Ventriculo fermentum parat.

Non exaltatur in liene sanguis a spiritibus animalibus.

Nec sanguinem condensat.

Nec sanguinis motum temperando agit.

Sive cum *Aristotele*, *Aretaeo* &c. illum sanguinem, sive cum *Walao*, *Helmontio* aliisque humorem acidum aut auram fermentalem, ventriculi digestionem ministrantem, concipiamus. Priorem equidem sententiam defendunt plurimi, v. g. *Vesalius*, *Piccolhomini*, *Baibinus*, *Platerus Sennertus*, *Vlmius*, *Spigelius*, *Jessenius* &c. Splenem cum *Aristotele* ἡτταρ νόδον appellantes, imo *Hoffmannus* in libro peculiari plura & ab aliis supervisa ac omissa argumenta, prolixius explicat: cunctis tamen his *Higbmorus* in *disquis. corp. hum. ac Malpighius c. 6.* satisfaciunt. *Walai* autem & *Helmontii* dogma suspectum reddit hoc, quod animalia, quorum lien evulsus, æque commode appetant ac digerant assumpta, imo voracia maxime evadant: & canes v. g. quorum lien longius a ventriculo distat, non minus ossa, etiam solidiora, digerunt, ac de avibus, quorum lien ventriculo propinquius accumbit, *Helmontius* asserit, ne denuo provocem *Malpighium* l. a.

Liceat huic Scriptorum classi inferere *Veltbusium* ac *Sylvium*, visceris hujus hanc actionem credentes, ut sanguinem in corde confectum ulterius carminet, & per spirituum animalium, copiosius hic congestorum, commiscelam plusquam perficiat, seu ad fermenti aut tincturæ sanguineæ naturam evehat, a cujus contactu chylus facilius atque celerius in sanguinem abeat. Quem tamen usum non minus impugnat hoc, quod nondum evidens sit, nervos succulentam quandam substantiam adducere, annon conspectiores illi splenis nervi fibrosæ ejus potius texturæ impendantur, aut eandem ad reciprocas contracturas actuent: ne repetam animalia, liene orbata, quæ sanguine maxime activo frui, eorum agilitas, salacitas, summa & ad quasvis vitales actiones promptitudo svadet.

Patradoxam inagis & antecedaneæ contrariam opinionem fovet *Dn. Denis in dissert. Acad.* quatenus quidem in hoc ipsi cum *Walao* similibusque convenit, in liene acidum quendam confici succum, eum tamen sanguini hunc in finem commisceri asserit, ut ipsius nimia alias frænatur tenuitas atque ebullitio. Sed quemadmodum nimia sanguinis rarefcentiæ ætiologiam haud tradit: ita nec condensationis illius necessitatem declarat, multo minus actu fieri, ostendit. Accedat his usus, quem post *Excellentissimum Wepfferum de Apopl. obs. 10.* recens pariter scriptor, *de Caux Medicus Diepensis*, in opusculis suis philosoph. proponit, supponens bilis in epate generationi aut secretioni peragendæ celerem & ordinarium sanguinis motum minus congruum esse, utpote quo diversæ substantiæ magis confundantur, & pori organorum secernentium eousque dilatentur, ut illas omnes simul transmittant. Ideoque potissimam sanguinis partem a bile sua de-

pur-

purgandam non per arterias impetu adhuc integro, sed per portæ venam, PROGTMN. eodem facto, epar subire, & quidem non tantum ex ventriculo, intestinis XVIII. &c. sed ex liene præprimis, cui diverticuli potissimum munus incumbat, quod sanguinem a bile liberandum, contemperet, ejusque impetum aliquomodo obtundat. Si quæras, cur venæ cavæ sanguis, attemperatus satis, materiam comodam bili non suppeditet, mox paratus est respondere posterior, illum hyeme & plus, quam bilis expurgatio requirat, frigidiores esse.

Sed diversa pariter sunt, quæ contra hoc assertum moveri poterant, nempe primo vix comparere, qua ratione celerior, & qui per arterias contingit, sanguinis transitus secretioni diversarum substantiarum oblit, cum in cerebro, renibus & glandulis cunctis, imo in partibus quibusvis nutriendis hæc sub impulsu arterioso ac veloci commode fiat? & eo ipso, dum per motus sanguinis infractionem ad grumescentiam aliqualem disponitur hic, in ferum equidem & grumum secedit, minime tamen partium, quas bilefcere decebat cum reliqua massa vinculum laxatur. De cætero, utut prius illud admitteretur postulatum, ac proin concederetur, lienis, sicuti reliquorum viscerum, venæ portæ radicibus annexorum, aliquem usum secundarium hunc existere: neutiquam tamen pro primario is haberi debet, & nulla argumento nominati Scriptoris inest consequentia, in liene nullus alius apparet, aut mihi videtur usus, E. non existit.

Restat sententia *Malpighii* maxime ingeniosa & a conformatione organi intrinseca petita, quam nihilominus pro primis tantum cogitatis & enunciatis *Malpighii de usu lienis sententia.* tionibus dubitativis ipsemet modeste nimis venditat; hanc ego, quia opuscula ejus de *Viscerum structura* omnium fere teruntur manibus, prolixè exponere, superfluum ducō, tanquam optimam nihilominus & quam circumspectissime prolatam commendo. Nec ipsum tamen *Celeberrimum hunc Virum* vitio mihi versurum, confido, si ejus aliorumque judicio æquo mea commendem dubia, ab illorum eruditione ac experientia edecumata his plus certitudinis efflagitans.

Sc. præter sangniuem per ramum splenicum a liene nihil emanare observamus, E. probabiliter satis inferre licet, hunc lienis productum esse, non quidem in totum, cum sanguinis arteriosi ingentem copiam recipiat viscus hoc, sed in tantum, i.e. peculiari ratione immutatum: præprimis cum hunc non, prout in aliis partibus, ab arteriarum ramulis capillaribus sibique & his interjecta carne, sed ex cellulis & sinibus latioribus, ad quos illarum tubuli se emunxerant, vena recipiat. Lymphæ equidem per vasa sua a liene pariter copiosissime recedere, res est autopsiæ congrua, vix tamen hujus gratia organi

PROGYMN.
XVIII.
*Bilis genera-
tioni infer-
iens.*

gani peculiaris apparatu erat opus, quatenus in diversis aliis membris ejus secreto quoque contingit, lymphæque splenica itidem ad receptaculum commune deponitur. Sanguinem autem illum cum idem ramus splenicus venæ portæ ac epati immediate infundat, pariter augurari convenit, peculiarem horum viscerum in officio esse conspirationem, seu certam quandam eorum usus dependentiam, i. e. præparatoriam seu adjutoriam epatis potentiæ functionem lienis existere. Sunt, qui pro dependentia hac confirmanda illud annotarunt phænomenum, quod liene extirpato brevi post augeatur notabiliter epatis moles: minime tamen hoc quadrat quatenus non in omnibus subjectis tale quid observatur, imo a copiosiore tantum sanguinis per arteriam epaticam, splenica destructa, affluxu videtur exoriri. Potior mihi hoc in passu videtur observatio, qua altero post extirpationem lienis die bilem intra folliculum quasi in heterogeneous secessisse, hinc ejus texturam notabiliter infractam fuisse, superius retuli: verosimiliter proin cum *Malpighio* concludo, bili in epate secernendæ lienis functionem ministrari.

Object.

Bina equidem huic muneri lienis difficultatem pariunt, (1) quod extirpato quamvis hoc viscere bilis productio integra maneat: (2) ejus aliquid intra folliculum fellis conficiatur, ad quem tamen nihil sanguinis splenici pertingat. Verum quoad prius, licet omnimode concederem, in ἀσπλήν. ejusmodi bilis generationem quoad omnes & singulas circumstantias recte se habere, quod nihilominus difficilius probatu, & contrarium innuere videtur experimentum modo allegatum: neutiquam tamen frustraneum plane lienis in hoc negotio concursum esse, inde sequitur, quatenus arteriosus forsan sanguis copiosius ejusmodi subjectorum epati illatus, similisve circumstantia defectum hunc corrigere potest. Nec alterum argumentum tanti ponderis est, cum sanguis arteriosus sine splenis adminiculo quasdam etiam sui partes biliosas dimittere queat; ex quibus conflatum fluidum an ejusdem cum vena portæ seu epatis bile texturæ sit non sine ratione dubitatur, cum sensibiles quædam qualitates, de quibus *progymn. anteced.* dictum, de utriusque bilis intrinsecæ naturæ disparitate satis manifeste loquantur.

Respond.

Scilicet deponitur sanguinis arteriosi potior pars ad cellulas lienis, minor ad glandulas illis interjectas. illa quia non ad arctos carniū poros, sed in spatia latiora, secedit, motu suo per venas retrogrado pulsui arteriarum & cordis haud respondet, imprimis cum sanguinis de novo appellentis impetus intra ipsam arteriam splenicam, per flexuosum hujus tractum, notabiliter retundatur atque infringatur: ita ut verosimile sit, vix quartam partem v. g. sanguinis illius, qui per arteriam affluebat, uno eodemque

que denuo ictu expelli, adeoque quamlibet sanguinis arteriosi particulam aliquot pulsum moras intra lienis compagem pati, sine dubio pro alteratione quadam sustinenda. Quam quidem non in secretionem quadam consistere, hoc evincit, quo structura lienis cavernosa ad functionem ejusmodi sit inepta, nec vala observentur excretoria, quæ humorum a sanguine secretum aliorum demandent.

Neque enim assentiri possum illorum placito, qui lienem aquositates sanguini demendo hunc ad bilificationem prædisponere ajunt: quatenus præter illas, quas lymphatica auferunt, quæ secernantur & quorsum ablegentur, non comparet, neque etiam sanguis ex lienis cellulis per venam profluens sero minus dilutus cernitur. Adeoque quamvis aliquid serositatis huic etiam sanguini decedere, in propatulo sit, ejus tamen elutriationem lien non sibi peculiarem, sed cum epate reliquisque organis communem habet. Imprimis autem hoc attendi meretur, lympham, quam intra lienem sanguis dimittit, non illius portionis serum esse, quæ in sinibus ejus colligebatur, utpote quæ extra secretoria organa constituta lymphaticis vasis nihil concredere poterat: sed glandularum potius splenicarum productum videtur.

Non secernitur in Liene a sanguine aquositas.

Quamvis enim glandulas has, corpuscula Lienis compagi peculiaris & hujus actioni maxime & primario litantia Excellentissimum Malpighium venari, constat, in quibus secretus humor salinus sanguini splenico commiscetur, hujusque texturam eousque laxet, ut biliosis particulis intra epatis glandulas dimittendis aptus reddatur: quia nihilominus dubitative tantum hæc sua cogitata exponit idem glandularum harum primus Inventor, ipsemetque dubitandi rationes quasdam addit, conjecturæ ejus aut nondum omnimode subscribere possum, aut illam minus recte capio. Primum autem dubium mihi ex glandularum harum vasis excretorii, intrinsecas lienis cellulas spectantis, defectu emergit, & quidem tali, cujus emendatio vix expectanda, quatenus glandulæ conglobatæ, quales hæc sunt, nullum excretoriorum canalium genus aliud, præter vasa lymphatica ordinaria, agnoscunt: Quorum cum insignis caterva circa lienem spectetur, ab intra quoque erumpentium, hæc non, nisi a glandulis his harumque racemis, prodire videntur, & per consequens, nullo alio vase excretorio illæ gaudent. Deinde si acidum liquorem emuntoria hæc glandulosa præparare & sanguini instillare concipiamus, novis pariter implicamur difficultatibus. Walai alique acidum hoc lienis lingua etiam patefcere, asserunt, quod ego nunquam degustare potui, nec degustarunt alii, quos ad epulum hoc invitavi unquam.

Non accedit in Liene.

PROGTMN.
XVIII,

Ne ramen lingvæ propriæ aut unius alteriusve meorum Auditorum plus fidei, quam allorum, qui forsân gustatu exquisitiore pollent, adhiberem, iudicem in causa hac fontica mihi, elegi lac, ipsi lienis recentis bubuli substantiam incoquendo, & si tantillum sub hac occultaretur acidi, coagulationem hujus expectando: sed frustra lac enim colorem equidem & saporem (non in acidum) mutabat, ne minimum tamen turbationis aut præcipitationis sui vestigium monstrabat; adeoque nec hoc modo acidum lienis manifestare potui. Hinc quem salem acidum aut acerbum ex liene arte chymica se produxisse perhibent bonæ fidei ac magni nominis Viri, ignis productum & decompositum quoddam, non integram partem lienis hujusve contenti, suspicari conveniet: & quidem eo magis, quod sanguinem condensando, lac præcipitando, talem se præstet ille, qualem nec lien admittere, nec bilis secretio desiderare potest. Nulla siquidem mechanica nullove experimento chymico probabilitas aliqua evincitur, per quam acidum cujuscunque gradus, sanguinem ad facilius dimittendas moleculas bilis constitutivas disponere queat: imo acida quævis, quia sanguinem ingrumum cogunt, per grumescentiam bilis generationi officere magis videntur.

*Decoctum &
Extractum
splenis bovis.*

Decoctum & extractum splenis bovis, ad quæ ordinarie provocant, quasi nimirum hæc virtute in uterum ac lienem de oppilativa gaudeant, & quidem per constitutionem salinam, qua vitriolica pharmaca viribus uti, sic textura quoque, æmularentur, caliginem aliquam speculationibus nostris inducere possent: Si tamen eadem trutinentur accuratius, nihil saporis vitriolici aut salini foveat, quasque eorum in menstruorum restitutione similique obstructionum reperatione observarunt, vires additamentis potius ac menstruis, quam spleni vel bovis vel alterius animalis, assignari debent, & qui extractum splenis bovis degustabit, præter empyreumaticum quid nihil sapidi, nihil salini, in hoc testabatur, perinde ac in reliquis extractis officinarum vulgaribus, coctione & inspissatione paratis.

*Experimenta
circa sangui-
nem spleni-
cum.*

Dubius E. inter tot Scriptorum dogmata & suspiciones hærens, illis ac præjudiciis omnibus sepositis, rem solis sensibus, & quæ hæc suppeditarent, auguriis decidere suscepi, variorum proin animalium lienis horumque sanguinem denuo lustravi. Et primo quidem, quotquot illorum dissectui, omnes sanguinem minus glutinosum at tenacem, sed fibris, uti vulgo loquuntur, destitutum omnimode, exhibebant; Deinde ligata in subjectis vivis vena splenica, libera relicta arteria, viscus hoc reponebam vulnusque consuebam, post bihorum vero (nonnunquam citius aut tardius) rescindebam, & ecce,

& ecce, vena ac corpus splenis rutilo turgebant, in subjectis adhuc vivis, sanguine: quem *tertio* ex vena ac viscere dissecto colligebam, sanguis minex ac splendentis rubedinis ac dulcis plane, sine pulsu tamen, promanabat, ac *quarto* fluidus maxime ac intenso purpureus per plures horas conspiciebatur, dum ex vena v. g. jugulari. eductus mox in grumum congelascebat post horulam serum aqueum sensim dimittentem. Homogeneus contra *quinto* persistebat idem splenicus, nihilque feri ab eodem secedebat, nisi quod interdum tantillum grumi nigricantis ipsi innataret, qui tamen successive in fluorem purpureum plane videbatur diffuere, decantatione separandum. Hinc colligio 1. Sanguinem plenicum nec texturam arteriosi, nec venosi, habere sed inter binas has mediam; 2. esse fluidum maxime & glutinositate potissima exutum: quas conditiones in liene sine dubio suscepit, ac præ reliquo totius sanguine peculiare gerit. Qua mechanica, me latet.

PROGTMN.
XVIII.

PROGYMNASMA XIX.

DE

SPIRITVVM ANIMALIVM
NATVRA.

Olim de Spiritibus animalibus commune erat dogma, ad τὸ εἶναι *Motus & sensus* animalis illos tantum facere, i. e. motum & sensum saltem præstare: *sus faciunt et-* quasi nimirum functiones hæ ejusmodi duntaxat essent, quibus sine vitæ iam ad simpli- *citer esse.* dispendio carere liceat, id est ad τὸ εἶναι corporis individui nihil conferant.

Verum hos facile convellere apoplexia poterat, quæ cum sensuum & motus ablatione vitam tollere observatur, adeoque sensationes ac motus quosdam magis vitales arguit: ut taceam, functionum recensitarum nullam sine motu, paucas forsân sine sensatione, peragi ac celebrari posse, ut ex dictis cuilibet constabit. Præterea a plurimis neotericorum in controversiam vocatur, an fluidum nervorum seu spiritus animales adeo subtilis texturæ sint, quin materialiter quoque ad hos vel illos humores simul constituendos aut exaltandos concurrant: & proin nec hac ratione præter sensorium ac motorium alium insignem corporis œconomix præstent usum?

Spirituum animalium siquidem titulum hoc cerebri productum vulgo recipit, neque sine omni ratione, non tantum, quod animæ rationalis nutus prompte & perspicue exequatur, aut per hoc, ut instrumentum proximum, illa functiones suas peragat, sed quod simplicitate suæ animæ, sensitivæ appellatæ, naturam non tam æmuletur, quam hypostasæos hujas no-

PROGTMN.
XIX.

tabilem maxime partem formet. A modernis plerisque succi nervosi nomine indigitatur, corporeitatem sensibilem magis illis attribuentibus: imo ex his sunt, v. g. *Borellus*, qui præter fluidum seu spiritus, functionibus animalibus destinatos succum nerveum nutritium, ab illis diversum, sibi concipiunt, sine sensationis ab motus potentia partibus singulis peculiari succulentia prospicientem.

*Spirituum
animalium
existentia pro-
batur.*

Spirituum horum animalium existentiam atque efficaciam sensoriam & motoriam vix ullus in dubium vocabit, ne tamen eosdem gratis admittere videar, rationes, quibus hanc evinci posse putem, has maxime puto. Quatenus *primo* in corpore animali ejusmodi phaenomena observantur, motus nempe sensus, & conceptus, qui a fluidis partibus reliquis, multo minus solidioribus, proficisci haud poterant: *deinde* ipsa cerebri ac nervorum conformatio & structura singularis peculiarem illorum actionem & usum commendat, qualem nullam aliam, quam spirituum animalium productionem, observamus. Quatenus *tertio* partium harum actione intercepta, v. g. a compresso aut vulnere enormiore, ligatura &c. eadem subito evanescent ac pereunt.

*Motus & sen-
sus non sunt
per solam ten-
sionem fibra-
rum.*

Neque enim audiendi illi sunt, qui sensationis & motus facultatem per solam fibrarum nervearum ac membranarum tensionem communicari seu adaptari autumant, pari ratione, ac chordæ instrumenti musici tensæ ac tractæ, si in una sui extremitate pulsantur, subito sui concussionem & tremorem usque ad extremitatem alteram diffundant: cujus dogmatis affectam præter *Galenum I. de Hippocrate & Platonis dogmat.* deprehendimus *C. Pisonem in observ. alleg cap 7.* dum nervos cerebro continuos in convulsionibus, non per motum fluidi cujusdam p. n. sed per continuitatem illam tantum contrahi putat, quatenus cerebri membranæ tensæ ac concussis nervorum genus simul concutitur & rigescat. Ferit enim hos, quod nervi partium etiam actu motorum, in statu tensionis haud deprehendantur, sed illis sive quiescentibus, molles, flexiles & laxi semper existant: imo licet rigidi in una tantum sui extremitate tangantur, tangens tamen illud cum non spiritus immaterialis, sed substantia corporea concedi debeat, & quidem quæ non sanguis simileve fluidum alterius & determinati magis generis mobile admodum concipiatur corpus, necesse est, quocunque demum nomine id appellemus. Accedit, quod inter partes movendas ac nervos vel tendendos vel tensos nulla sit proportio quatenus musculorum nonnullorum robur adeo ingens observatur, ut illi præstando totum nervosum systema tensione sua haud sufficeret: & pulsus illius, quo tremor sonoricus ab una fidium extremitate

tate ad alteram propagatur, vis in movendis aliis corporibus exilis admo- PROGTMN.
 dum, motibusque animalibus peragendis haud congrua videtur. Præterea XIX.
 nulla tensio & rigiditas in corporibus ejusmodi mollibus, quales nervos con-
 spicimus & contrectamus, fieri aut fingi valet, nisi aut trahens, aut ma-
 teria seu corpuscula substantiæ illorum impingenda seu incuneanda evin-
 catur: prius quia vix demonstrabile, alterum, scilicet incuneandorum, ge-
 nus erit admittendum, id est, spiritus animales.

Sunt equidem nonnulli, v. g. *Argenterius*, qui *comment. 2. in art med.*
Gal. unum tantum spiritum sanguini inhaerentem seu vitalem, nullum ani-
 malem, admittunt, & quidem præprimis ideo, quod (1) sola facultas ani- *An solus spi-*
 malis, sine peculiari substantia hujusque influxu, ad actiones animales suffi- *ritus vitalis*
 ciat; perinde ac solis lux sine substantia illuminet: (2) nervorum soliditas *functionibus*
 ac durities spirituum momentaneos accessus & recessus minime admittat: *animalibus*
 (3) deficiente circa cerebrum sanguine sensus & motus cessent ac perdantur: *sufficiat?*
 (4) nec de loco constet, seu in qua cerebri parte spiritus animalis gignatur:
 (5) si cerebrum spiritibus animalibus semper scateret, semper cogitationes
 atque sensationes fieri deberent; quod nihilominus experientiæ haud re-
 spondeat. Imo quamvis constrictis aut obstructis nervis motus & sensus
 aboleantur, minime tamen hoc ostendere, ait, spiritum per eosdem ferri:
 cum etiam facultas sua instrumenta & media expedita postulet, etsi hæc
 non cum aliqua substantia moveatur. Nec defunt ex recentioribus, qui
 spirituum horum influorum exilentiam ambiguum reddunt, quod (6)
 Nervi non adeo numerosa serie a cerebro prodeant (7) vinculo constricti
 in subjecto vivo supra ligaturam haud intumescant, neque (8) canales re-
 vehentes habeant, qui, prout venæ sanguinem, spiritus illos ad cerebrum
 revehant. Plura hujus generis argumenta profert *Argenterius* l. a. quia
 tamen vel Galeni tantum hypothesibus respondent, aut falsis plane inni-
 tuntur, illorum enumeratione & ventilatione supersedere malo, ad pro-
 ducta potius reflectens.

Quæ si non numero, sed pondere, mensurentur, singulorum vis mox *Negatur,*
 evanescet. Et primo quidem ingens postulatum est facultas sine organo,
 accidens sine subjecto, quale quid non entibus dudum annumerarunt sa-
 niores Philosophi: i. e. quemadmodum radii solares sublunaria ferientes
 corpora substantia certi generis sunt, & ex atomis infinitæ exilitatis ac infiniti
 numeri compinguntur, neque horum lumen per nebulam aliter impeditur,
 quam quod corpuscula ex lucido corpore emanantia hujus spissitudinem
 superare & penetrare nequeant; pariter facultas animalis sine spirituum a-

PROGTMN.
XIX.

nimalium conglomeratione nullius existentia, nulliusve efficaciam est. Deinde nec nervorum soliditas tanta, quae corpusculorum subtiliorum, quales spiritus concipimus, itui ac reitui resistat: utpote quos ex *Argenterii* etiam opinione per membranarum, carniū, tendinū &c. compagem firmiorem & arctiorem ferri necesse foret, licet per meatus arteriarum patulos cum sanguine appellant. Quod eo quidem facilius ab his sperandum, dum idem spiritum per exhalationem, item per substantiam vaporosam, definit. Deficit sensus & motus, deficiente circa cerebrum sanguine, a cuius continuo appulsu spiritus animales vigorantur, eorumque secretio materialiter & formaliter juvatur; prout ex sequentibus patefcet: i. e. deficiente sanguinis impulsu deficit cerebri vis spirituum genitrix & dispensatrix. Circa generationis spirituum animalium officinam & locum primum magnae semper inter Doctores altercationes extiterunt, *Argenterio* vero maxime condescendo, dum illos in plexu retiformi seu reti mirabili aut ventriculis produci, Galeno negat; hoc ipso tamen cerebro non omnimode excludendi sunt, eorumque officina & organum proximum inferius iustrabimus. Praeterea spiritus animales, quia corpuscula mobilia valde videntur, vix unquam sine activitate concipi possunt, id est, nunquam otiosi sunt, adeo ut nec somni tempore, nec unquam, homo aequae ac bruta phantasmatis diversis non sint exposita.

Haud plus ponderis habent argumenta, quibus modernorum nonnulli *Argenterii* dogmati favent: quatenus copiosa satis, si non ratione primi exortus, sane ratione diramationis, observatur nervorum progenies, arteriis ac venis par, toti vero maxime proportionata. Una equidem saltem est medulla oblongata, ast innumeri hinc emanant surculi nervei, pariter ac ex uno artae caudice universo corpori sufficientes contingunt rivuli sanguinei. Cur nervi ligati non intumescant, problema est difficilius solutionis, quam nihilominus inferius tentabo: sufficiat hic animadvertisse, phænomenon hoc spirituum animalium existentiae nihil derogare. Denique destituuntur nervi vasis reductoriis, quod illis non indigeant: non indigent autem, quia aut non adeo facile effecti evadunt, vel quia reductione eorum non est opus, vel quia per venas & lymphaticas hæc commode fieri potest.

Manet proin spirituum animalium existentia integra, licet *Argenterio* concedam, illas ipsas particulas elasticas, quae motum intestinum impertiuntur, sanguini forsan illorum etiam hypostasim formare i. e. ex sanguine ad cerebrum emanare. Essentiam interim eorum quod concernit, huius doctrina insigni difficultati immersa videtur, cum propter summam sui subtilitatem sensoria nostra fugiant: ex effectibus vero illorum formalitatem si determi-

Qualis spirituum animalium natura.

nare

nare attentemus, vix aliquid in rerum natura occurrat, quod illam per omnia **PROGYMN.**
 æmuletur. Mihiq̃ue inter cunctos, qui de natura spirituum animalium **XIX.**
 commentati fuerunt, si non philosophice, prudenter tamen, egisse videntur,
 quieos definiunt partem corporis tenuissimam & mobilissimam: conceptu
 satis generali negotium complectentes, adeoque multas lites subterfugientes,
 quas quotquot circa idem hæctenus, mihi quidem notæ, legere licet apud au-
 tores, hypotheses contestari coguntur.

Ita v. g. *Willisus in Anat. cerebr.* ac de *Anima Brutor.* instar radiorum lu- ^{Non de lucis}
 cis, e sanguinis vitalis flamma emanantium, Spiritus hos se habere, prolixè ^{essentie par-}
 contendit, qui perinde, ac radii solares aut lucidi cujusvis corporis aëri, liquori ^{icipant.}
 nervoso intertexti, a cerebro & nervis pro facultatum animalium exercitiis per-
 agendis diversimode configurentur, ac radii a vitris dioptriciis multifariam re-
 fringantur. Quibus fabula hæc arridet, diversis eam exornare satagunt argu-
 mentis, tanquam totidem cristis. Nimirum primo provocant ad motus il-
 lorum celeritatem summam, per quam eo ipso statim momento, quo animal
 ad motum spontaneum irritatur, aut hunc voluntas jubet, ipsa manus v. g. ad
 apprehendendum, pedes ad appropinquandum actuantur seu spiritibus in-
 strudi cernuntur, i. e. celerrimo motu a suo principio ad totam peripheriam
 feruntur; per quam etiam a sensoriiis externis ad primum objecti impulsu
 impressio hujus, primo sensorio communicatur. Deinde oculos testes ad-
 ducunt, horumque pelluciditatem ac splendorem vividum & moderatum in
 sanis, languidum in moribundis, ac igneum quasi in delirantibus aut delirio
 vicinis: diversam illorum habitudinem spiritibus animalibus integris, con-
 cidentibus seu evanescentibus atque impetuosius exagitatis & ferventibus
 assignantes.

Sed dubium penes me adhuc est, nec unquam forsan sua luce radia-
 bit, sanguinis vitalitatem flammula naturam gerere adeoque spiritus hos, ut
 radios lucentes, emittere, ut superius me satis evicisse puto. Multo minus di-
 gerere possum notabilem disparitatem, quæ spiritus animales & lucis radios
 intercedit: quatenus illi vitalium subtilitatem longe superant, iisque activi ma-
 gis consentur, hi vero nihil aliud quam flamma discontinuata, hinc minus vi-
 brans & agilis sunt. De cætero in hoc Scriptores illi, qui sub lucis aut lumi-
 nis conceptu spirituum animalium habitudinem explicant, falli, aliosque fal-
 lere videntur, dum lumen extra oculos intuentis, id est in corporibus, quæ lu-
 cida aut luminosa appellantur, existere putant: sed gignitur potius lumen ex
 motu determinato atque appulsu ætheris ad oculum, quo spiritus animales
 externo atque adventitio impulsu agitati luminis ideam menti percipien-
 dam tradunt, pariter ac dolor non est in gladio vulnerante, qui eum in-
 fert,

PROGTMN.
XIX.

fert, sed a modificatione certa hujus & habitudine ad carnem scissam dependet. Et quamvis illam inter lucem & spiritus animales analogiam in hac ipsa motus determinatione tantum querere velimus, quasi nimirum pari ratione & eodem motu, quo particulæ æthereæ per fluidum diaphanum agitata lucis perceptionem in nobis movent, spiritus animales ferantur: eo ipso tamen nec materiale, nec formale, horum explicaretur, sed influxus tantum ratio aliquantum innotesceret, imo posito, ratione materiæ spiritibus cum lucis radiis convenire, motu nihilominus discreparent, ideo quod per media diversa, illi nimirum per corpora nervorum & organorum solidiora atque opaca, hi per fluida tantum diaphana, ferantur.

Willisus hæ-
sitat.

Imo etsi forsan per hypothesein hanc visus & auditus phænomena, satis congrue explicari queant, minime tamen comparet, quid reliquorum externorum ac internorum, item motus formalitati eruendæ aut determinandæ conferant, i. e. horum phænomenis minime quadrant. Denique ex collatione scriptorum horumque diversorum locorum Viri hujus, cujus singulari alias, investigandi dexteritati & judicandi acumini multum debent, hæc nostra & posteritatis tempora, satis superque elucet, Eum nec sibi ipsi constare, dum de *Anim. Br.* modo instar ejusdam spiritus terebinthinæ aut alterius sulphurei cerebri productum in phrenitide accendi, modo in melancholia ac mania acescere, atque aceti vel Aquæ fortis naturam induere, modo in stupiditate & morositate indolem spirituoso salinam, tanquam genuinam & propriam, amittere, idem docet. Quorum comparisonem cum spiritu vini, terebinthinæ & Cornucervi *part. 1. cap. 4* minime quadrare ait, eos *part. 2. cap. 12.* tanquam liquorem spirituosum sale volatili refertum, qui a sanguine destillatur, se habere, asserit: ut mittam, Eum in *Anat. cerebr. de motu muscul. & morb. convulsiv.* liquorem animale nitrosum & explosivum, si sanguinis sulphuri combinetur, pronunciare, quæ prædicata cuncta lucis radiis, ut talibus, haud congruunt.

Quo tamen simul argumentis illis, quibus aliquid lucis lucidis spiritibus accrescere nonnulli sibi persuadent, satisfiat ratione illius impetus celerioris, quo per totum systema nervosum feruntur, attendendum, spiritus animales, quorum copiam systema animæ sensitivæ formant, per totum corpus expansos esse & continua serie undique ac semper diffundi, ita ut nec in motu, nec sensatione, opus sit, emissarios ejusmodi ab una nervi extremitate ad alteram proflire ac impelli, sed uno eodemque momento, quo spiritus aut intra cerebrum aut sensorio externo percelluntur tota eorum cohors intermedia ad alterum usque terminum in motum abripitur, dum una harum parti-

particularum alteram, hæc vicinam, pariter valde mobilem, levi impulsu per-PROGTMN. cellit, sicque motum in una extremitate nervi inchoatum ad alteram usque XIX. continuat. Quod nnicum quamvis commune habeat cum particulis, luciferam motionem sustinentibus, quia nihilominus aliis corporibus sibi contiguus & ratione figuræ facile mobilibus eadem motus ratio competit: analogia hæc a velocitate motus petita, minus, adæquata videtur. Nec ex oculo-*Lux oculorum* rum diaphaneitate & nitore vario spirituum luciditas adeo elucescit, si sc.*non testatur* ponderemus, lucem hanc oculorum non innatam, sed ab extra incidentem & *de lucida spi-* a retina denuo reflexam atque refractam esse: hinc pro diversa humorum & *rituum na-* tunicarum oculi habitudine splendor ille variat. Quamdiu sc. humores cum *tura.* tunicis naturali pelluciditate gaudent, tunicæ vero situm convenientem accurate observant, i. e. nec nimis tenduntur, aut turgent, nec subsident & flaccescunt, plus radiorum ad retinam usque, sub refractionibus congruis deferretur, hincque vivide magis sub novis refractionibus reflectitur: quod si vero in moribundis humorum ac tunicarum pelluciditas turbetur, tunicæque flaccescant, nec radiis incidentibus, nec reflectendis, transitum & refractiones necessarias præstant, per consequens corneæ opacitatem inducunt. Quod in delirantibus aut alias intense febricitantibus ignea & rutilans quasi conspiciatur oculorum lux, cave, ne præjudiciis occæcatus spirituum fervori & exæstuationi tribuas, adeoque in sole caliges: humorum & spirituum in febribus ac deliriis exagitationem impetuosiores omnes largimur, cur vero fulgoris oculorum, affectuum horum comitis, causam spiritus potius ferventes, quam sanguinem turgescens, pronunciem, nondum constat. Sicut enim ab humoribus & tunicis *αχρεῖς* vix aliquid coloris peregrini luci incidenti affricatur, nisi quantum hujus a tunicæ retinæ tinctura suscipiunt: ita quæ ab hac, dum ejus vasa sanguine extraordinarie turgent, reflectitur, & quidem per tunicam corneam, vasculis sanguiferis pariter tumidioribus intertextam, non potest non aliquid rutili recipere. E a mechanica potius oculi structura, quam a spirituum animalium diversa habitudine, splendoris oculorum mutatio erit petenda, neque hæc illorum naturam lucidam sufficienter probat.

Clarissimus Mayovv particulas æris nitro æreas, respirando ad sanguinem demissas & sub hujus involucrio ad cerebrum transmissas, spirituum indoli magis convenire suspicatur, ideo quod (1.) in motibus violentioribus respiratione intendatur, pro particulis illis, quæ in contractione musculorum plurimum impetuosiores a sanguinis massa copiosius secernantur & deperdantur, harumque dispendiis resarciendis ac restaurandis. (2.) Quod motus musculorum a particulis nitro-æreis & salino-sulphureis, se mutuo intra fibras mo-

PROGEMN.
XIX.

trices exagitantibus, contingat: - quarum non hæ, sed illæ a cerebro emanent, & per consequens ipsi spiritus animales existant: utpote qui (3) pariter, ac particulæ nitro sulphuræ, non tantum maxime subtiles, agiles, elastici & motibus velocissimis obeundis aptissimi, sed (4) perinde ac illæ valde dissipabiles, sint, nullaque sui vestigia post se relinquant. Quibus addit (5) particulas nitro-aëreas non minus, ac ipsos spiritus animales, ad vitam sustinendam necessarias esse, ita quidem, ut ex observatione *Malpighii*, in insectorum, quorum partes discissæ ac a capite separatæ adhuc moveantur, medullam spinalem totam vasa pneumonica propagentur, sicque singulis medullæ illius protuberantiis, tanquam totidem cerebellis, materia spirituum animalium adducatur. Item quod (6) Animalia in vacuo mox convulsionibus lethali- bus corripiantur. (7) Phthisici & respiratorio organo male se habentes spi- rituum animalium penuriam patiantur, ac (8) in febribus pestilentialibus spirituum animalium œconomia maxime perturbetur. Imo (9) in Spiriti- bus animalibus illud cum partibus nitro aëreis commune deprehendit, quod perinde ac hæ interdum valde activi & agiles, interdum inertes satis sint, pro- ut modo sibi relinquantur, modo aliis combinentur: ac Cerebrum demum (10.) indolem velut salinam obtinens & sulphureis moleculis maxime desti- tutum, spiritui illi aëreo colligendo ac detinendo valde idoneum existat.

*Non datur
spiritus nitro-
aëreus.*

At supponit hic scriptor, qui a multis negatur, spiritum aëris nitrosum, seu salem ejus igneum, & ejus existentiam nondum satis probavit. Fateri equidem convenit, sine aëre nullam flammam subsistere, inde tamen illius materialis ad hanc constituendam concursus nondum evincitur: quatenus aëris motus solus, seu vibratio, quam materia ejus atherea in corpora defla- grabilia exerit, pro flammeo fluido formando forsitan sufficit. Neque intra nitrum spiritum hunc aëreum concentratum latitare, experimenta ejus, sc. de pulvere pyrio sub aquis & in vacuo deflagrante, adstruunt: posterius liqui- dem phænomenon autopsiæ haud respondet, prius vero non sine aëris ambi- entis concursu contingit. Extra aquam nempe accensus pulvis pyrius & huic intrusus spiritu suo expansivo eam eousque dilatat ac rarefacit, ut in molem longe majorem efferatur bullasque projiciat hæc, aëri per consequens ab ex- tra irruenti viam ac spaciū paret:

*Nec spiritus
animalis de eo
participat.*

Quare, ut argumentis ejus singulis me applicem, primi, tertii, quarti, sexti ac insequentium nego propositiones majores, secundi ac quinti vero mi- nores. Se concedo respirationem & aëris usum in motibus violentioribus corporis magis necessarium esse, hoc tamen non fit propter uberiores spiri- tum animalium, multo minus particularum nitro aërearum, dissipationem,

fed

PROGTMN.
XIX.

fed ob turbatam aliquantum aut liberam minus forſan ſub moribus extraordinariis reſpirationem. Motum muſculorum a particulis ſulphureis ſanguineis & nitro-aëreis ſpirituum animalium horumque luſta emergere pariter petitionem principii olet, de qua inferius dicitur: neque agilitas ſpirituum ſumma ſtatim de ſpiritus nitro-aërei ex inexitentia teſtatur, cum aliæ quæque ſubſtantia, licet haud nitroſa, facile diſſipentur. Aëris ad vitæ choream perpetuandam maximam neceſſitatem eſſe, ipſa experientia loquitur, quid autem hoc ad ſpiritus nitro-aërei exiſtentiam & in corpore animali neceſſitatem probandam conferat; ſuperius declaratum, ſcil. nihil. Cur a defectu aëris convulſiones contingant, huius rei longe alia ratio eſt, ſcil. elateris corporis intrinſeci nimia expansio, ab ambientis renitentia non ſatis æquilibrata Phthiſicis ſpiritus animales fatiſcunt, ob tutam ſanguinis craſin depravatam: & in peſte ſimilibusque morbis, ab atmophæra inquinamento ac virulentia exortis, ſpiritus huius nitroſum affici æque ambiguum eſt, ad hunc illi inexitere; ut taceam non in omni peſte aeris habitudinem excuſari poſſe. Spiritus animales non, niſi ab aliis particulis mobilibus, ipſis adaptatis, actuari, non minus dubio vacat, ad partes nitro-aëreas ſibi relictas otari & a ſulphurearum demum conſortio in motus concitari: i. e. quamvis hæ ſine ſulphure non in motu exploſivo verſentur, haud tamen ideo ſine omni motu ſunt; pariter ut ut ſpiritus animales non ſenſibiles & violentiores motus ſemper edant, nunquam tamen eosdem plane quieſcere, vel ſolus ſenſus credere jubet. Denique quamvis cerebrum naturæ ſalinæ magis minusque ſulphuræ concedatur, adeoque explodendum ac proſtigandum ſpiritus nitro-aëreum minus pronum ſit: per texturam nihilominus hanc non ad ſulphureorum vel alterius generis corpusculorum imbibitionem ac receptionem ineptum plane redditur; multominus hinc colligi poteſt, ſpiritus animales nitro-aëreæ naturæ exiſtere.

Multo minus juxta *Borellum* ſpiritus ſulphurei, v.g. vini, ſpirituum animalium naturam exhauriunt, nec qui de ſalis volatilis ſeu urinoſi genere eos eſſe autumant, formalitatem eorum congrue explicant: quippe ſi ſubtilitatem ac mobilitatem demas nihil ſpiritus animalibus cum mechanicis ejusmodi productis commune intercedit, nec intercedere debet, cum reliquæ horum qualitates ſpirituum animalium texturæ & operationibus potius derogent, quam easdem juvent. Et quamvis *Nova Medicinæ Scriptor* dulces ac ſuaveolentes, pronunciet illos omnemque ſalfedinem, amaritiem, aciditatem ac graveolentiam his peregrinam ac hoſtilem judicet: melius tamen forſan & naturæ rerum conformius egieſſet, ſi omnis plane ſaporis atque

PROGTMN. odoris expertes eosdem dixisset, sic enim ad sapores & odores quosvis accuratius dignoscendos atque distinguendos aptiores forent, cum contra dulcibus spiritibus omnia dulcia, suaveolentibus nihil foetidum videatur, nisi eousque superatis his ab objectis eorum qualitatibus, ut ad naturalem dulcedinem atque suaveolentiam nunquam redire possint. Imo sicut sapor hic ac odor eorum gratus gustatum atque olfactum notabiliter turbaret, ac depravaret, ita quid reliquis sensibus externis ac internis, item motui, suavitas, hæc duplex conferat, nulla ratione declarari valet.

*Qua ratione
spirituosa &
urinosaspiri-
tus roborantur*

Cum Spirituoso sulphureis & salibus volatilibus fluido huic maximam intercedere analogiam, inde multi suspicantur, quod Spiritus vini simileque aquæ spirituosa, item liquores urinosi, naribus admoti aut infusi exhaustos spiritus reficiant, & quidem in puncto temporis quoque. Experientiæ quotidianæ haud repugno, suspicor tamen pariter, miasmata horum liquorum generosior, naribus & palatum afficientia non eatenus spiritus torpidos excitare, quasi in eorum substantiam mox abeant, obstat siquidem huic ætiologiæ non tantum brevitæ temporis, intra quod corticem ac medullam cerebri subire non poterant, sed exilitas quoque molis, qua ad tantum dispendium refarciendum minus proportionata existunt, ita ut alia longe ratione ejusmodi volatilia, cujuscunque generis videantur. Nempe observamus simile illis præstare clamores, frictiones atque vellicationes, quas nemo nihilominus spiritibus animalibus materiam suppeditare asseret, sed quocunque agunt, nervos ac spiritus vellicando ac commovendo operantur, ita ut motus in sensoriis hinc inchoati ad cerebri usque medullarium propagentur: nec improbabile E. est, exhalationes ejusmodi penetrantes ac vibrantes maxime ac nervos, narium ac palati leu linguæ subeuntes hos horumque fluidum motu extraordinario concitare & ad undulationem pristinam hoc stimulare atque impellere. Et quamvis ratione suæ substantiæ subtilis atque æreæ, postquam nimirum sanguinis massæ suffusa & cerebro illata ejusmodi analeptica, sive cephalica, sive cordialia, vulgo dicantur, hujus molem augeant & quasi nutrant: ambiguum nihilominus manet, an ut concreta salina aut sulphurea, an aut corpora simpliciora, & postquam facies ac texturas illas eousque deposuerunt, ut substantiæ ærea pristinam receperit libertatem & naturam, hoc præstent? Posterius augurari suadet utrumque horum liquorum effectus identitas, texturæ vero disparitas, & quidem talis, qua unus etiam alterius texturam exertit & fluiditatem turbat; i. e. si spiritus animales sulphureæ naturæ sunt, iis minime convenient urinosa, sin urinosa, nocebunt sulphurea seu spirituosa: E.

ad

ad aliquod utriusque commune, nempe particulas aëreas ipsis intertextas, in PROGTMN. determinanda eorum virtute refocillatoria confugiendum erit. XIX.

Nec fallere nos debet odor sali armoniaco similis seu urinosus, quem corticalem cerebri substantiam, præ medullari exhalare *Willisus anat. cerebr. cap. 10.* sibi persvadet, & ex quo illum liquorem subtiliorem a sanguine secretum sale volatili imbuere ac spiritualizare, i. e. ad spiritum animalium fatigium & nobilitatem evehere, putat. Quatenus cerebri cortex a medulla haud peculiarem vaporem spirat, nec totum cerebrum præ reliquis corporis partibus de peculiari odore gloriari potest, nisi quod omnium facillime putrescens fracedinem singularem exhalet: ex qua tamen tanquam phænomeno cadaveroso, nihil quoad spirituum texturam ac habitudinem naturalem eliciendum. Imo licet naturalis ac vitalis illa fracedo foret, minime tamen ad spiritus usque hæc derivari posset, pari modo ac ventriculi neuseabundus vapor non chylo aut sanguini affricatur; aut in ambiguo relinqueretur, an odor ille urinosus fermento cuidam spiritualizanti, ut spiritibus, an recrementis sequestratis, competat?

Longius ab hac sententia recedit *Pascal* in libello, cui nomen, *la Nouvelle découverte & les admirables Effets des ferments dans le corps humain*, Spiritus animales sanguinis partem acidiorē afferens, quæ nimirum ex aëre, tanquam principium omnium rerum maxime activum, in massam sanguineam demissa omnium fermentationum ac motuum naturalium causa existat, in cerebro vero ab hac denuo separata & in pristinam fere libertatem vindicata dictorum spirituum nomen & munus suscipiat, utpote substantia mobilis, penetrans & activa magis. Premit tamen dogma hoc, quæ antedanea, difficultas, insipiditatem potius in fluido animali desiderans: & quamvis haud negem potissimas in hoc constituendo partes aëreæ substantiæ esse aciditatem nihilominus hujus & illius haud evincit. Provoceat equidem pro spirituum animalium acore comprobando ad triplicem experientiam, sc. quod lympa ventriculorum cerebri acidula deguntetur & cum oleo tartari effervesceat, quod cerebrum aliquandiu & ad putrilaginem asservatum massam panis fermentet, & quod ex nervis majoribus liquor stillet, cum alcalibus pariter effervescens. Ast de priore & ultimo experimento dicerem aut in morbidis tantum subjectis aut nunquam succedere, adeoque hæc autorem, utpote sententiæ suæ congrua, ex aliorum tantum relatione adduxisse, imprimis cum paulo post, *epistola sc. 12.* succulentia ex præfecto nervo stillidium omnimode neget: ac, nisi linguam præjudiciis corruptam admoveamus, lympa ventriculorum cerebri nunquam,

PROGTMN,
XIX.

quam, nisi forsan aliquando in statu praternaturali, acida comparebit; nec, licet talis in statu naturali deprehendatur, necessario spiritibus quoque aco-rem affricaret, utpote recrementum potius ab his sequestratum. An cerebrum massam farinaceam in fermentationem abripiat, nec affirmare, nec negare audeo, qui hoc nunquam tentavi: certus nihilominus sum, ex hoc phænomeno nec cerebri secundum naturam constituti, nec spirituum animalium aeorem concludi posse, cum putrilagine sua, cui cerebrum facile, per aliquot potissimum dies asservatum, inhiat, alia, quæ contingit, corpora in motum abripere queat.

Singularis & modificata est spirituum animalium volatilitas.

De cætero quæcumque demum fluidorum artis chymicæ nobis concipiamus volatilitatem & activitatem, spirituum animalium energiæ nihilominus illa vix par erit, quatenus cerebri hæc producta officinarum penetratissimos clystos volatilitate ac mobilitate longe antecellunt, interdum nihilominus illis fixiora longe videntur. Prioris evictionem vix ullus a me postulat, activitare hac summa per infinitos effectus se ipsam comprobante: paradoxum potius videbitur alterum cunctis, pariter tamen satis probabile evasurum, si spiritus animales ab objectis externis quasi repellere & ad interiora determinari, pensitemus, cum chymici quidam liquores nullis vasibus atque integumentis coerceri queant. Aut dicendum erit, spiritus illos hos non tantum mobilitate superare, sed mobilitatis hujus suæ peculiarem determinationem seu modificationem involvere, ratione cujus nihil sibi simile in rerum natura norint. Id est, spiritus animales sunt substantia summe mobilis, vel potius actu in motu existens, tenuissima & propter summam sui subtilitatem insensilis, adeoque maxime activa & secundum Anaxagoram ætheriæ materiæ amula, i. e. ex corpusculis sphericis congesta. Quæ ordinarie leni & æquabili quadam undulatione per genus nervosum & partes fibrosas cunctas fertur, nihilominus insuper aut a voluntate seu appetitu, aut ab objectis externis concitata veloci admodum impetu hinc inde movetur. Uno verbo, est portio illa aeris mediæ naturæ, quæ per respiracionem sanguini commiscetur; hujusque particulas elasticas reddit: postquam nempe denuo in cerebro ab eodem separata per nervosum systema diffunditur, hinc tendentia sua varia huic elasticitatem imprimit, i. e. ut fluidum inclusum elaterii illius causæ evadit, & quæ sibi relicta particula nihil equidem virtutis elasticæ habent, fibrulis tamen nervorum solidioribus & flexibilibus elaterium determinatum imprimunt.

An spiritus animales succulentiam habeant?

Quoniam autem vix ullum de spiritibus his, corpus nostrum actuantibus, sine succulentia aliqua formare nobis possumus conceptum, ac substantia

stantia hæc admodum penetrativa intra partium nostrarum undique transpirabilem, poros vix coerceri ac detineri posse, videtur; Diversi æconomix animalis accuratiores Lustratores, illorum naturam per puriorum ac subtiliorum sanguinis particularum systasin explicare attentarunt adeoque vehiculum seu involucrum tale concedunt, per quod ad animalia munia obeunda apta maneant, sibi tamen arctius implicentur ac eousque cohærescant, ut a nimis cito secessu vendicentur ac partibus solidis quasi leviter inviscatæ existant. Nominare horum duos sufficiat, *Willisium & Vieusens*, quorum prior passim spiritibus animalibus succum nervosum, partium valde subtilium pro vehiculo & retinaculo adjudicat, qui fluiditate sua illos per totum genus nervosum diffundat, viscositate vero sua eosdem, ne protinus exhalent vel dispensentur, in serie & systasi velut continua conservet. Alter in *Neurographia universali, decennali labore & curiositate singulari congesta*, totum cerebri ac nervorum fluidum succum lymphaticum appellat, ex duabus partibus congestum, humidiores seu crassiores, ac sicciores seu subtiliores: quarum illa, mitissimi rosis ad instar, per universam cerebri ac systematis nervosi substantiam nutritionis horum gratia, diffundatur, siccior autem & subtilior fluidi ejusdem portio proprie spiritum animale constituat. Paradoxe vero magis negotium hoc exponit *Borellus*, dum non tantum humorem spirituosum seu substantiam liquidam locomotivam ac sensitivam, sed insimul alium liquorem partium cunctarum refectivum & nutritium in cerebro confici & per genus nervosum ferri, prolixis circumstantiis demonstrare annititur.

Sunt nihilominus pariter multi Scriptorum, qui consistentiam spirituum animalium non liquidam, sed æream & vaporosam magis, autumant, & quidem non minus ac illi variis instructi argumentis: Sub quorum utrinque repugnantia quid probabile magis, quidve eligendum sit, fateor, dubius hætenus hæsi & adhuc hæreo. Qui succulentiam illorum asserunt, hos primo movet necessitas, quasi ejusmodi contiguitas atque nexus inter minima illa ærea requiratur, qui eorum in liberas auras evanescentiam si non plane inhibeat, certe ita refrænet ac sufflaminet, ne jugi & momentanea quasi emanatione & uno impetu exhalent, sed instar pulveris pyrii aliquantulum humectati, successive & munere suo functi demum expirent ac dissipentur. Secundo succi nervosi existentiam concludunt ex nervorum molitie non tantum & flexibilitate, sed humiditate quoque, ex tendinibus ac nervis discissis stillante, ovi albumini simili & igne concrescibili, qualem multi egregii viri autopsia propria testantur. Tertio idem suadet cerebri ac cerebelli conformatio, cujus cortex ex glandulis infinitis diversæ magnitudinis ac

*Argumenta
pro succi nervosi
existentia.*

figura

PROGYN.
XIX.

figuræ coacervatur ex quibus propullulantes fibrulae pellucidæ aut tubuli medullarem utriusque partem constituent. ac demum in nervos, tanquam minimorum sui generis tubulorum fasciculos abeunt. Sicut proin glandularum sit separare liquores, eosdemque in cannulas seu ductus proprios deponere, ita hæc cerebri glandula non possent non liquorem aliquem secernere eumque ad filamenta sibi appensa derivare, sanguinem per arterias ingentes copiosius excipientes. Nec his quarto addere pigebit a Cole suggestum ratiocinium, nimirum massam nostram sanguineam ex solidioribus & ramosarum particularum alimentis parari, quorum moleculæ vix eousque in corpore animali attenuari & comminui possint, ut nativam indolem plane depellant, nihilque ejusque simul ad penitiora cerebri rapiant: idque eo minus, cum vix ulla adeo accurate in eodem separatio fieri queat, ut subtilissimæ partes sine omni crassiorum adhæsione ad quædam secedant vasa, præprimis intra cerebrum, cui meatuum laxitas notabilis subesse videatur.

Succum nervosum quædambium reddunt.

Verum utut hæc similiave liquorosam spirituum animalium texturam, aut humorale eorum vehiculum verosimile satis reddant, mox tamen quasi uno ictu percellere videtur, idem dogma duplex experimentum a quolibet tentandum & dijudicandum; nimirum nervi nec ligati supra vinculum intumescunt, nec dissecti aliquid humiditatis plorant, quorum utrumque nihilominus fieri deberet, si succulentia quadam a cerebro impulsæ scaterent. Est dubium hoc non a me primum motum, sed quod plurimum ante me jamdum torfit ingenia, ut ex autorum lectione patefceret: tale tamen, cui, quantum quidem ego penetrare valeo, nondum satisfecerunt, quoque opus hoc in scriptis publicis aggressi fuerunt, & quod probabilitatem illam si non omnimode tollit, certe nihilominus valde concutit.

His dubiis respondetur ab Autoribus.

Sic *Willisus*, qui profluvium liquoris ex tendinum nervosarumque partium vulneribus atque ulceribus modo testatus fuerat, paulo post ad objectionem illam regerit, quasi liquor in nervoso genere scatens valde subtilis & spirituosus sit, qui alucta & corrugatione circa istas partes, quando asperius tractantur, insensibiliter evaporare & diffari possit, imo addit, in quorundam animalium catulis recens natis, quibus succus iste adhuc viscosus nec adeo diffabilis existit, nervos majores vinculis constrictos intumescere. Paulo aliter *Glissonius* & ex hoc *Charleton* difficultatem hanc declinare satagunt, motum liquoris nervei haud perpetuum & impetuosum, sed lenem & interruptum esse, & per attractionem partium similarium simul determinari, qua attractione per ligaturam aut sectionem intercepta affluxus ille utique cessaret. Item in vivorum dissectionibus, antequam vel

nervus

nervus præscindi, vel ligatura ipsi applicari queat, omnem per luctam animalis succum in partem, cui nervus implantatur, elidi, & ad vas lymphaticum illi socium deponi, aut ad totum corporis habitum profundi, adeoque nihil ejus postmodum ad nervi illius extremitatem amplius profluere. Alii, v. g. *Cole*, eidem dubio se extricare conatur, dicendo liquoris hujus quantitatem ac impellentis robur haud tantum esse, a quo intumescencia ligati aut stillicidium resecti nervi expectari queat.

PROGRMN.
XIX.

Quorum alias & privatim in abstrusissimo hoc negotio *Vitorum Cerebrimorum* adivi oracula, nervosorum tubulorum arctitudinem & compagem minus dilatabilem, aut horum spirales simileve tortuosos tractus accusant, item nervorum laterales ramulos ac plexus, extremitate illorum a sectione aut ligatura irritata, liquorem spirituosum intercipere, autumant.

Hæc sunt, quibus contra oppugnatores succum cerebri spirituosum defendere conantur, sed, uti dixi, armis minus adæquatis. *Willisio* siquidem concedi nequit corrugationem a ligatura aut vulnere nervi tantam esse, quæ spiritus discedere & evaporare jubeat: quippe eo ipso dum nervus per duriores ejusmodi contrectationem ad sui contractionem urgetur, sentit has molestias, si sentit, spiritus non deficiunt, sed præsto sunt, utpote sine quibus objectorum tangibilium nulla fieri poterat perceptio. Si in quorundam animalium catulis nervus supra vinculum intumescit, cur non in adultioribus? non enim visciditas humoris diversa hoc moderatur, quia non tantum in cunctis catulis non quibusdam saltem) par est lentor, sed annosa quoque animalia plus viscida cumulant; imo quantum lentori succorum in recens, natis accedit, tantum nervorum decedit soliditati, ita ut per rariorem & laxiorem horum compagem succulentia etiam spissior paulo diffilari queat. Diffilatur forsan facilius *Glossonii* partium-vis attractiva succum spirituosum nervorum advocans, utpote obsoleta & abjecta satis: concipere vero nequeo in ligaturæ administratione ac nervi præcisione cruciatuum & luctæ rationem, qua præcedanea spiritus omnes ejusdem nervi aut ad partem & lymphatica evomantur, aut ad totum habitum diffundantur, ita ut omni simul commeatu nervus privetur.

Sed minus congrue.

Scatet hic spiritibus, quia sub & post administrationem hanc adhuc sentit: fieri hæc potest, sine multis ac dolorificis admodum partium lacerationibus atque convulsionibus, adeoque non omnimoda spirituum eliso, nec ad ramulos atque plexus nervi laterales secessus incorrigibilis, nec ad totum proscriptio irrevocabilis, hinc erat metuenda, quia ipse nervus mox supra vinculum & partes maxime vicinæ molestias illatas persentiscunt. Cur E.

Mm

non

PROGYMN.
XX.

non supra ligaturam intumescit, ubi spiritus succulenti? cur spiritus, postquam reparata est iactura elisorum, non redeunt? cur nervum non inflant, cur ex detruncato non stillant? Neque enim succi hujus exiguitas, nec impellentis robor exile, nec canalium angustia aut tortuositas hoc impedire poterant, cum forsan cunctas circumstantias illas emendet temporis mora, modo tantillum sit corporei sensibilis, quod influit. Major longe est moles sanguinis, quæ per arterias aut venas singulis v. g. horis fertur, concipe fluidum nervum quod per integrum adducitur diem, illius millesimam, aut adhuc minorem portiunculam, gaudet nihilominus hæc sua mole. Cordis sanguinem impellentis vis sine dubio longe superat potentiam cerebri aut huic intertextarum arteriarum, qua liquidum nervorum exprimitur: eo ipso tamen, dum hujus aliquid successive illa exprimit, sensibilibiter cumulat temporis tractu, quod alias insensibile. Moretur eundem influxum textura arctior, tubuli spirales aut quæcunque canaliculorum tortuositas, haud nihilominus ita morabitur, quin post moram aliqualem, quod influxerit, nervum sensibilibiter distendat & in guttulas coeat. Id est, cuncta hæc intumescentiam nervi compressi & extillationem fluidi sensibilis ex eodem discisso difficiliorem reddunt, omnimode tamen haud tollunt, vel intercipiunt.

Tandem vero & in gratiam illorum, qui nervum ligatum aliquando intumuisse, præfectum liquorem fudisse, perhibent, mihi dubitare liceat, an quod illum distendit, quod idem liquidum fundit, intrinsicum, an extrinsecum tantum, ipsi existat? i. e. an a lymphæ cerebri, an non ab arteriis potius, venis & lymphaticis, nervis intertextis aut accumbentibus, hæc eorum inflatio contingat? item, annon serum ex vulneratis stillans feri potius nutritii, per arterias adducti, aut lymphatici vasis, tunicæ nervi intertexti, portio, non autem cerebri humiditas, sit? Constabitque exinde, me nervorum fluidum liquorosum non equidem negare, haud tamen credere: nec vitio vertet mihi illud, quod, quæ mihi persuadere nequeam, aliis nec persuadere attentem.

PROGYMNASMA XX.

DE

SPIRITVVM ANIMALIVM GENERATIONE.

IN capite, seu hujus potius in hærente cerebro, spiritus animales elaborari, inter omnes convenit, illis exceptis, qui cum *Argenterio* non, nisi unicum spiritum

spiritum, sc. vitalem, per corpus rotari credunt: & quidem ex sanguinis & PROGYMN. feri per carotides & cervicales arterias cerebri substantiæ infusi subtiliore por- XX. tione. De lana caprina, siquidem mihi disputare videntur, qui an rubicun- ^{Materia spi-} da, an serosa, pars spiritibus materiam subministret, disquirunt, & quamvis ^{rituum anima-} haud videam, quo fundamento *Mæbius* rubicundiores sanguinis substantiam ^{lum est subti-} illam pronunciet, nec tamen simpliciter *Barbato* subscribere possum, ideo ^{lior pars san-} illi contradicenti, quod rubedo spiritibus, imprimis visoritis, sit inutilis & in- ^{guinis & seri.} geniosiora multa animalia sanguine careant. Vtrique sanguinis substantiæ, plexuum artificio vix dirimendæ, sunt implicatæ particulæ spiritibus consti- tuendis congruæ, ab utraque E. separabiles denuo, & rubicundam etiam mas- sam in partes minus rubras atque coloris expertes resolvi posse, chymia docet.

Neque tamen cum illis facio, qui substantiam quandam tenuem seu ha- litum ex sanguine, fervore cordis, ad cerebrum elevari, ajunt, nec cum illis, qui ejus partem subtiliorem & spirituosiorem caput appellere docent: Sive ratione levitatis superiora potius quam ima petentem, sive per glandulas capitis externas atque internas, v. g. jugulares, maxillares, parotides, pitui- tariam & plexus choroidei acinulos glandulosos, a phlegmatica & crassiore substantia liberatam. Quatenus non vapor est, qui per arterias illas cere- ^{Non Evaporosa} brum conscendit, sed sanguis cum reliqua sui massa idem: qui ex ventriculo ^{materia est} cordis sinistro scaturiens principium sui motus minime a diversa levitate & ^{Spirituum.} gravitate habet, sed omnem sui tendentiam a solo cordis impulsu & vibratio- ne recipit & per unum atque simplicem aortæ truncum ad superiora æque ac inferiora propellitur. Neque etiam arteriæ capiti dicatæ adeo perpendicu- lariter ex illo cordis sinu ad caput vehuntur, ut vel vapor, vel subtilior quæ- dam sanguinis portio, tendentia & levitate propria, illuc separatim ferri va- leat: quatenus Arteriæ magnæ truncus non, quæ vulgaris scholarum doctrina est, in ascendentem ac descendentem caudicem dirimitur, sed antequam ille in ramos abeat, primo incurvatur & arcum quendam format, ultra cujus an- gulum demum emergunt axillares cum carotidibus atque cervicalibus sub di- stinctorum ramorum specie. Subclaviarum siquidem sinistra absque ullius notabilioris rami productione statim ad lateris sui claviculam excurrit, dextra autem, postquam a trunco aliquantulum ascendit, carotidem exhibet, non juxta *Highborum* utramque, sed textram tantum, sinistra vero ex medio in- ter subclaviam utramque puncto, i. e. ipso aortæ trunco, prodit: ac cervica- les utrinque ex lateris sui subclavia emittuntur. Tandem nec illa, quæ in glandulis colli, oris & calvariæ separatur lymphæ, sanguini cerebrum petenti

PROGTMN.
XX,

subtrahitur, illumve activum magis reddit, sed a portione hac, quæ per arteriarum ramulos laterales ad illas deponebatur, quæque cerebrum non immediate petit, verum ex colatoriis illis per venulas ad caudices jugulares redit ac cordi denuo infunditur: ut mittam, quod in illis glandulis a sanguine segregatur, non excrementi naturam habere, sed in salivam digestoriam facellere.

Spiritus animales etiam elaborantur in medulla spinali.

Nec improbabile est, per totum medullæ ac nervorum tractum fluido huic animali supplementa quædam subsidia ab eodem sanguinem arterioso accedere: quatenus arteriæ conspicuæ non modo illius caudicem medullosum, sed majores quoque nervorum propagines, stipant & comitantur: Et medulla oblongata non tantum quoad suas radices seu crura, sed totum sui tractum corticali non minus ac medullari substantia gaudet, adeoque eidem cum cerebro & cerebello muneri secretorio, seu spirituum confectorio, vacare videtur.

Quia hæc corticali etiam gaudet substantia.

Illa siquidem si per longum dissecentur in prominentiis æque suis lenticularibus, quas *Willisius* ideo corpora striata appellavit, ac in reliquis suis tractibus & protuberantiis ex medullaribus & corticalibus stratis, alternatim sibi adaptatis, congesta cernuntur. Ex iis vero coalescens caudex, ut ut totus striatus & fibrosus seu medullaris compareat, intus tamen & in medio sui aliquid substantiæ ex cinereo rubescentis, imollioris & cortici cerebri per omnia similis, alit, quam vel ideo cum hoc eundem usum præstare, inde augurari jubemur, quod in eam notabiles terminentur arteriarum ramuli, adeoque medulla spinalis, sicut *Hippocrati* & *Galeno* cerebrum oblongatum, ita mihi cerebrum inversum videatur, i. e. corticem in sinu gerat. Denique manifestissimis quoque instruitur medulla spinalis sinubus venosis, quorum usus cum cerebri sinubus sine dubio idem, i. e. spirituum productioni pariter ac hi ministrantur.

Præter alimentorum activas particulas aeris quoque partes inspirata constituant spiritus.

Sanguinem autem & serum ideo horum materiam proximam suspicor, quod latices hi multum illius substantiæ aeræ intertextum gerant, arteriæ catervatim cerebrum stipent ac subeant & influxu sanguinis intercepto mox spirituum animalium vigor omnis pereat. Atque hanc quidem materiam subtiliorem alimenta particulis activis turgidiora non tantum suggerunt, languidis viribus & sensui ac motui labascentibus instaurandis maxime accommodata, postquam sc. a ventriculi reliquisque digestionibus illæ evolutæ magis fuerint: sed aer præprimis ambiens multum spirituum materiæ confert, substantiam illam subtiliorem intra pulmones ad sanguinem deponendo, cum hoc a cordis impulsu cerebro inferendam. Quod vel ideo augurari

gurari convenit, dum *Oculatissimus* pariter ille *Anatomicus* ac *Acutissimus* **PROGTMN:**
Philosophus in *Anatomia Bombycis* globulos vel nodulos deprehendit, me- **XX.**
 dullæ horum & similium insectorum intertextos atque cerebri portionum
 dispersarum seu conglomeratarum ac corticalium ejus glandularum æmu-
 los, imo ipsam inde elongatam spinam ab arteria aspera ramos conspicuos
 & frequentissimos & per hos aerem immediate magis recipere, ait, ita
 quidem, ut hiatibus seu osculis his tracheæ, ad habitum corporis patentibus,
 per viscidiorum inunctionem vel quocunque modo oclusis, animalia
 hæc modo paralyti modo convulsionibus, corripiantur, indeque pereant.

Sunt, qui subtiliorem quoque aeris portionem, per nares inspiratam *Non tamen*
 cerebrum immediate magis subintrare ac materialiter ad spiritus animales *aer per nares*
 formandos conspirare putant, post *Hippocratem* sc. & *Galenum Vesalius*, *cerebro addu-*
ctus.
Laurentius, *Columbus*, *Varolius*, *Baubin*, *Sennertus* plurimique ex Re-
 centioribus, v. g. *Burrhus* in *epist. ad Bartholinum de cerebr. Fracassat. de*
Cerebr. Barberius de spir. nitro aer. &c. quorum castra & ego olim secutus.
 His nihilominus *Higbmorus* bina, eaque satis ponderosa, opponit argumen-
 ta, quod nullus aer cerebri substantiam immediate penetret, ac sine aeris
 quoque concursu spiritus animales generentur, v. g. in piscibus ac foetu.

Et utique ante omnia ac præliminariter determinandum erit, an aliquid *aer non pe-*
 aeris ambientis immediate ad penitiora cerebri pertingat? quod quidem *netrat per na-*
 asseri poterat per hoc, quod odores, id est aer particulis activis seu salino- *res cerebrum.*
 sulphureis atomis turgidus, ac naribus haustus spirituum animalium robur,
 & quidem adeo manifeste, intendat, ut apoplecticos, epilepticos, hystericas
 aut simili mortique analogo affectu oppressos resuscitet: quale quid nisi
 spiritibus illis aer connubat & eosdem nutriat, ab eo vix expectandum. Præ-
 terea huic facere videtur immediatum illud commercium, quod nonnul-
 lorum insectorum specierum cerebrum ac spinalem medullam & aerem am-
 bientem, mediante aspera arteria, intercedit. Cui accedit, quod potissi-
 marum avium nares ad cerebri cavitatem immediate hient, prout in aquila
Nobilissimus Borrichius annotavit, & in anseribus aliisque pennatibus, quo-
 rum os cribriforme non foraminibus pluribus exilioribus, sed uno tantum
 majore, narium tubo respondente, gaudet, observavi. Imo denique vel
 ideo subsidia ab aere externo spiritus animales petere, *Barberius* l. a. cre-
 dit, quod magnæ nimis spirituum animalium impensæ ac dispendia aliunde
 præter sanguinem illa postulent.

Cuncta nihilominus hæc argumenta paradoxo huic adstruendo minus
 sufficientia esse, patet, quod *primo* dubium sit, an odores naribus admoti

PROGYMN. spiritus animales immediate reficiant, & annon cum aere per nares ac fauces ad pulmones deriventur, atque in his sanguinem paulo magis exagitent ipsique novum elaterem imprimant? postquam imprimis a *Celeberrimo Cassp. Bartholino*, de *Olfact. organ.* demonstratum est, aerem huicque intertexta minima per anteriorem narium partem, quam fretum seu viam aeris vocat, admissum, per sinum seu diverticulum hujus ad asperam arteriam derivari, ita tamen ut, dum per hanc viam pulmonibus impellitur aer, perceptio particularum olentium, si quæ ipsi fuerint immistæ, in naribus simul contingat. Et quamvis omnes aeris partes odoriferas organo olfactus impingi & ab his spiritibus, in illo undulantibus, ad primum usque sensorium per nervos motum retrogradum imprimi, ab hoc vero cerebri etiam incolas aliquantum exagitari, concedam: relinquitur tamen adhuc in suspenso, an illæ particulæ interiora nervorum olfactoriorum ac cerebri substantialiter subeant, cum per solam illam impressionem, extrinsecus factam, spiritus commoti seu motus sui novam determinationem recipientes, symptomata illa recensita solvere queant. Accedit, quod reliquorum sensuum objecta materialiter haud penetrent, i. e. minima saporifera non intra papillas linguæ nerveas ad cerebrum usque se insinuent: verendum enim foret, ne horum crassamenta, fibrillarum nervearum canaliculis haud proportionata, obstructions nocivas in his patrent.

Nerbi e partibus non absor-
bent humores. Neque enim a *Willisio* adeo facile persvaderi possum, nervos a partibus quibusdam, quibus implantantur, aliquid humoris vel effluvia quædam absorbere & non raro ad cerebrum usque evehere, v. g. ex sensorio gustus, atque visceribus primæ digestionis vacantibus, quorum filamenta nervea ab ingestis libamina quædam immediate excipiant, iisque in magna inedia & spirituum exsolutione ipsi cerebro suppetias ferant, ita ut a volatilibus vix deglutitis, & antequam hæc sanguinis massam subeant, citissima refectio observetur. Videntur enim hæc, quod spiritibus ac cerebro conferunt, emolumentum non materiali cum illis connubio præstare, sed vellicando saltem fibrillarum extremitates & concitando per has undulantes, hæcenus autem torpidos, spiritus, prout in *progymn. preced.* evici. Multo minus eidem *Willisio* adstipulari possum, dum præter benigna alimentorum effluvia materias quoque infellas ac hostiles ex liene; utero &c. intervenientibus nervis horum viscerum, cerebrum conscendere ait, ab his enim metuendæ constipationes atq; obstructions trumitem hunc frequentius intercipient: adeo ut harum effluvia motus tantum spiritibus incongruos imprimere & nervos ad spasmos extraordinarios concitare, mediantibus

vero his demum cerebri incolis turbas movere, verosimilius videatur, quo PROGYMN.
eundem *Virum Clarissimum* quoque alias, v. g. in *Patholog. Spasmodica* XX,
inclinare observamus.

Secundo nec commercium illud aeris ambientis cum cerebro & medulla oblongata in bombyce aeris cum spiritibus animalibus miscelam sufficienter evincit, quatenus tracheæ horum insectorum ramuli eorundem quoque ventriculo, intestinis, cordi &c. pariter immediate magis implantantur, secus ac in reliquis animalibus, quorum œconomia aliter longe se habet: ita ut rationi congruum videatur præter substantiam aeris subtiliorem ramenta quoque ejus crassiora huic speciei aliquid commodi præstare, quod inquirere, non est hujus loci. *Tertio* pari modo res se habet cum avibus, quarum processus mammillares, haud in filamenta plura, prout in homine & quadrupedibus, secedunt, sed sub forma simplicium tubulorum aut tubulatarum potius vesicarum per unum tantum ac majus ossis ethmoidei foramen ad nares descendunt, hoc tamen exacte claudunt & constipant: ita ut per tubulos hos membraneos, utpote extremitate sua oclusos & cœcos, nihil aeris interiora cerebri subintrare queat. Imo etsi hujus aliquid per processus mammillares cerebri ventriculos conscenderet, minime tamen spiritibus animalibus producendis illud destinari potest: quatenus aer hic interiores ventriculorum concamerationes replens, eorumque parietes medullares feriens, ad corticales ejus glandulas, tanquam spirituum illorum officinam primariam, haud pertingit. *Barberio* vero *quarto* sufficere poterit hoc, quod, qui per musculorum motus consumuntur, spiritus ab alimentis & aere pulmonibus hausto commode satis reparari valeant: & qui eorum forsan sanguinis reliquorumque humorum confectio & exaltationi impenduntur, per circulum ad pristinam scaturiginem, id est, cerebrum, redeant.

*Tubuli abium
mammillares
non sunt per
gii.*

Ex Sanguine E. hujusque lymphæ tantum fluidum hoc animale generatur, & quidem in cerebri corticali seu glandulosa substantia, utpote quæ artérias majores & crebriores, hinc sanguinis potiorem penum, recipit: cujus gratia ejus compages anfractuosa valde & plicata conspicitur, nimirum ut plura illorum vasorum, plusque spirituum materiæ ac alimonix, admittere possit. Haud equidem medullari cerebri compagi vasorum sanguiferorum, imprimis arteriarum, implicationem omnino denegare permittit liquoris tincti aut cere potius, per arteriam injectio, utrorumque medullarem substantiam permeantium: dum humido sanguineo eadem non tantum pro calore fovendo, sed pro vitalitate & nutritione integra servanda, indiget, cui muneri

*Officina spiri-
tuum anima-
lium est cortex
cerebri.*

PROGTMN.
XX.

muneri nec sanguis, qui per plexus vasorum intrinsecos, nec qui per sinus venosus fertur, sufficit. Quia nihilominus arteriæ corticales medullares in tantum superant, ut hæ visum fere omnem effugiant, illas cortici præter ulum privatum publicum præstare, non improbable est, id est, materiam fluido, intra cerebrum producendo, advehere.

Dubitat circa assertum hoc *Th. Baribolinus* cum *Stenone*, qui in dissertatione de *Canis Carchar. dissect. capite* per argumenta diversa non levia, an omnes animales functiones a solo cerebro profluant, nec pars earum spinali medullæ, tanquam primæ scaturigini, adscribenda sit? dubitat. Quatenus (1) moles cerebri in piscibus exilis, paucique hinc emanent nervi, (2) plures autem eorum e spinali medulla prodeant, quam qui per transversum mox sub cerebro sectam medullam spinalem transire valent. (3.) in piscibus eadem toto spinæ tractu medullæ crassities, nec prope caudam attenuetur, (4) in animalibus reliquis circa lumbarem regionem ea magis crassescat, (5) in avibus eodem loco cavitas rhomboidalis reperiatur. Verum pensitanti accuratius omnes circumstantias mox patefcet, *Subtilissimum Stenonem* hic non disputare de cortice & medullari cerebri substantia, sed de cerebro toto ac medulla spinali tota: adeoque prompte largior, medullam spinalem pariter ac cerebrum confectioni spirituum animalium litare, minime tamen ratione medullaris, sed corticalis, substantiæ. Cineritia siquidem seu glandulosa & mollior illa portio, quæ cortex cerebri vulgo audit, non tantum huius superficiem seu ambitum exteriorem format, sed interioribus quoque ejus recessibus ita immergitur, ut nomen equidem corticalis, non vero glandulosæ substantiæ mutet, & in cruribus medullæ oblongatæ satis conspicua reddatur: medulla vero spinalis præter involucrum medullare & albicans medullium ex rubro cinereum ac cortici cerebri simile involvit, strias medullares de se promens ac nervis superius descendentibus fibrillas & spiritus accessorios suggerens. Quare in piscibus, quibus exilis admodum cerebri moles contingit, similibusque animalium speciebus, v. g. in bombyce, cujus medullæ spinalis singularis & nodosus est apparatus, plus spirituum intra spinam, quam calvariam, elaborari, probabile fit.

*Et medulla
spinalis.*

*Vnus est spi-
ritus.*

Ipsam vero præparationis modum quod spectat, huic determinando præmittendum duco, spiritum specie unum eundemque per corpus agitari & hoc agitare, licet duplici, triplici, imo quadruplici nomine ejus differentiam conentur explicare plurimi: qui a principio universali & radicali, spiritu scilicet genitali, ut multi rivuli ex uno mari, emanans successively in partibus evolutus, diversimode alteratus seu modificatus, imprimis autem per mecha-

mechanicam cerebri conformationem determinatus motuum atque PRGCTMN. sensationum autor evadit. Quo supposito cum Cartesio aliisque infe- XX.
ro per meram secretionem colatoriam, perinde ac in reliquis glandulis, *Qui per me-*
confici intra cerebri glandulosam compagem fluidum animale, *ram secretion-*
tenus per illam sanguinis, vibratione cordis impulsus, particulæ subtiliores *nem produci-*
aeræ, reliquis laxius coherentes, hinc molem & figuram cerebri poris congruam nactæ, hos subeunt, sicque a crassioribus & liquorosis magis liberantur, ac ad animalia munia præstanda idonea redduntur. Neque enim actu quodam transmutatorio hic opus videtur, cum spiritus animalis existentia formalis & vis in embryonis primis staminibus sese exerat per sensum & motum, quibus manifestissime, hæc gaudere, antequam vel cerebri rudimentum conspiciatur, experientia testatur: quamvis, quia humoribus profundius adhuc immersus, organis adæquatis destitutus confusanei, parciore & torpidi magis ejus observentur effectus. Multo minus ad fermentum aliquod abstrusum confugere opus est, nec cum *Willisio* ad tale, quod salis armoniaci texturam spiret: utpote qualis fracedo non, nisi in cerebro ad putrefactionem tendente observatur, nec de salis urinosis natura spiritus hos participare, superius dictum.

Præstat hanc colationem duplex motus, sanguinis sc. appellentis, ac cerebri. Ille lenis & blandus admodum est, & forsan alia longe ratione se habet, *Vis motus san-*
ac in reliquis secretoriis organis: siquidem arteriarum harum furculi non *guinis & cere-*
immediate cerebrum subeunt, sed postquam plexus demum retiformes egregios & prolixios formarunt, quo post impetus demum notabiliter fractos & retusos, sensimque, non vero torrente pleno, ac cum inundationis atque apoplexiæ periculo, visceri huic tenerrimo sanguis pulsu cordis adductus infundatur. Quoniam vero plexus hi, cerebri corticalem substantiam stipantes, hujusque anfractus succingentes ita formati sunt, ut carotis non tantum *Arteriarum*
unius lateris cum carotide alterius lateris, & sic vertebrales quoque invicem *cerebri multi-*
& per intermedios sibi ramos communicent, sed carotides quoque vertebra- *plex inoscula-*
libus singulari artificio inosculentur, ita ut liquor tinctus, vel per alterutram *tio,*
carotidum, vel vertebralium, injectus, mox omnes totius cerebri arterias æqualiter repleat hasque tingat: sine dubio hoc factum videtur, quo actioni cerebri adeo necessariæ conformatione hac maxime prospiceret natura, i.e. ne, annotante *Willisio*, sanguinis affluxus in ulla ejus parte deficeret, sed ipsi ad diversas ac singulas plagas, multiplex via patesceret. Confirmat hæc Idem duplici observatione, quarum altera in *anat. cerebr. cap. 7.* annotata carotidem dextram, altera, de *Anim. Br. pert. 2. cap. 8.* enarrata, dextram caroti-

PROGTMN.
XX.

dem pariter ac vertebralem intra cranium emergentes offeas & impervias redditas, sine apoplexiâ nihilominus ullis invasionibus, testatur: quatenus quidem reliquæ arteriæ adhuc patentes cerebro sufficienter irrigando adæquatæ fuerint. Quod nihilominus naturæ beneficium iusto latius extendere videtur allegatus *Willisus*, dum ait, *si forsan adituum horum quatuor tres occludi contingeret, per unicum tantum sanguinem advectum reliquorum omnium canales & ductus illico suppleturum.* Quippe quamvis ipsi concedatur, sanguinem, per unam v. g. cervicalium arteriam adductum, sufficientem esse pro materia spiritibus subministranda: quia tamen secretio & dispensatio horum magna parte ab illius impulsu reciproco dependet, probabile sit, hunc, imminute & per unicam saltem arteriam contingentem spiritus insufficientes producere, hisque torporem inducere.

*Quid arteria
pro secretionem
spirituum con-
ferant?*

Sanguis E. arteriosus sensim corticem cerebri appellens porulis hujus glandularum appropriatis subtiliorem sui partem impellit & crassiores exuvias deponere incuneando quasi cogit, perinde ac in aliis visceribus motui secretorio præest. Juvat hanc secretionem, ut dixi, duplex cerebri compressivus motus, uterque pariter reciprocus, ab arteriarum nimirum cerebro intertextarum dilatatione hujusque subsidentia emergens. Quemadmodum enim cunctis cunctorum membrorum arteriis concessum est, ut, dum a sanguinis impulsu dilatantur, simul proportionabiliter comprimant substantiam illorum sibi implicatam & immediate magis accumbentem, ita nec arteriis cerebri hoc denegari debet, utpote quibus non minus in substantiam cerebri molliorem jus, imo forsan potius, contigit. Deponunt siquidem hæ, dum calvariam subintrant alteram & crassiorem seu fibrosam tunicam, ratione cujus alias non levem in sanguinem appellentem renitentiam exerunt, & nimix sui dilatationi quasi frænum injiciunt, sicque secundum canalium suorum longitudinem magis sanguinem dirigunt atque determinant: unde parum aut vix cordis vibrationi resistentes, magisque dilatata in cerebrum pariter vehementius agunt, ejusque corticem potentius comprimunt. Ad systolem vero suam redeuntibus his, partes cerebri, hætenus quasi a se invicem sub earum diastole divulsæ, denuo subsident & interstitiola sua alia adhuc ratione angustant, hinc novam quasi vibrationem hoc restitutionis motu sanguini hujusque particulis imprimunt. Quamvis nec improbable sit, spiritus, ipsius cerebri incolæ, fluidum hoc secretum magis discontinuare: hujus vero substantiæ densitatem particulas has denuo combinare & forsan in liquamen animale cogere.

Quid Cerebrum?

Communis est plerorumque Scriptorum sententia, dum hæc sunt, PROGTMN.
 serositates superfluas ad ventriculorum cavitatem ordinarie & secundum XX.
 naturam transudare, exin per diversa emissaria eliminandas, quarum de-
 terminatio novas peperit lites: de quibus tamen idem, quod de humore
 pericardio, præmonerem, disquirendum sc. esse ante omnia de utroque
 hoc latice, an secundum naturam congerantur, antequam de illius vasis
 excretoriis, de hujus vero usu solliciti simus. Fabulantur multa de usu
 aquæ in capsula cordis stagnante, dum eorum alii cordi refrigerio existere, *Aqua pericardii nulla.*
 alii hujus calorem intendere, alii motum juvare, illam sibi fingunt, nemo
 tamen unquam de illius existentia dubitavit, nisi quod in hydropicis &
 hecticis copiam ejus majorem testentur omnes, qui morbis defunctorum
 cadavera secuerunt. Uno verbo, nulla est, & si reperiatur, aut morbo, aut
 mortis generi, suam scaturiginem debet: si nimirum alterutrum aut utrum-
 que horum tale extiterit, quod circulationem ad tempus turbet, & ejus-
 modi violentam ac præternaturalem feri transudationem atque congestionem
 præstet: unde in decollatis aut simili velocissimo mortis genere ereptis,
 alias vero sanis, sæpe ne guttula quidem cernitur. Idem asserere haud
 vereor de lymphæ intra cerebri ventriculos congesta, quam in illis, qui nul- *Nec Ventricu-
lorum cerebri.*
 lo alias affectui capitis aut hujus enormiori læsioni expositi fuerunt, nun-
 quam reperi, adeoque ejus collectionem semper præternaturalem pronun-
 cio, sive a glandularum & lymphaticorum vasorum plexibus cavitatum ha-
 rum intertextorum, crepatura ac ruptura, sive per corticis morbosam con-
 stitutionem & laxitatem hujus pororum, illud contingat. Infinita hujus
 generis observata penes autores legere licet, quorum nonnulla *Malpighius
in exerc. epistol. ad Fracassat. de Cerebro* ex diversis Autoribus allegavit, il-
 lorumque plura ex Scriptoribus addere supervacaneum duco, præter unicum
 mihi ante biennium obvium. Sc. a percussione capitis, baculo mediocris
 crassitie facta, puer quidam septem annorum, cephalalgiam, modo vigi-
 lias, modo soporem profundum, convulsiones, vertiginem &c. passus,
 vigesimo sexto a percussione die moritur, in cujus calvaria, membranæ ac
 substantia cerebri nihil præternaturalis videre licuit, præter feri limpidissi-
 mi uncias circiter duas, ventriculos eousque distendentis, ut corporis cal-
 losi partem, quæ sub falciformi processu hemisphæria cerebri interjacet,
 ad chartæ simplicis fere tenuitatem redegerit, hæcque ad levem tantum he-
 misphæriorum illorum divulsionem rupta fuerit.

De usu spirituum animalium nemo ambigit illos sensationum ac mo- *Vsus spirituum
animalium*
 tuum organa esse, quos enim motus, naturales dictos, naturalibus spiriti-
 bus

PROGTMN. bus in acceptis referunt, illos ab eodem animali fluido contingere, inferi-
 XX. us patefecit: an vero & quomodo per succulentiam aliquam partibus
 nutriendis, aliisque succis constituendis & exaltandis, aliquid con-
Consensus in- ferant, nec affirmare, nec negare aut determinare audeo, per argumenta
ter facultate- diversis in locis jamdum a me producta. Hoc nihilominus sine ulla hæsi-
tem vitalem tatione assero, inter functiones reliquas, quas vitales vocant, & hanc ani-
& animalem malem singularem observari consensum: ita ut illæ sine sensu & motu, hæc
 citra digestionem viscerum & sanguinis motum subsistere nequeat. Ali-
 menta appetimus sensatione quadam stimulati, eaque sine motu nec assu-
 mere, nec digerere naturæ concessum, hæc postquam in chylum & sangui-
 nem mutata, a recrementis purgata, ut corpus totum, sic cerebrum quo-
 que, irrigant, hicque ac functionum animalium opificibus alimoniam at-
 que materiam instillant: quod, quemadmodum sine pulsu cordis fieri non
 poterat, ita spiritus in cerebro ex sanguine producti huic motores existunt
 primarii, i. e. redivertuntur partibus singulis suum munus actum in orbem, & spiritus
 eosdem, quos animalibus actionibus præesse dicimus, cæteris paribus, di-
 gestorios, depuratorios, chylicatorios, respiratorios, &c. minus absurde
 appellare liceret.

Non differunt Ab usu nihilominus proximo dispari quibusdam in sensorios & mo-
spiritus senso- torios distinguuntur, imo his diversa quoque loculamenta a nonnullis assi-
rii ac motorii gnantur, sensoriis nempe, cerebri cortex, motoriis, medulla: at minus com-
 mode, quatenus spiritus idem animalis ad sensum atque motum præstan-
 dum se indifferenter habet, ad hunc vero & illum ab organorum tantum
 atque concitantium disparitate determinatur, quamdiu vero cerebro adhuc
 inexistit, discrimen hoc soli suæ vicinæ ad sensum aut motus organa de-
 bet. Sic, qui v. g. per nervorum auditorium subit, partim per hujus ra-
 mum molliorem meatum auditorium hujusque membranam pro sensatione
 actuat, partim per propaginem duriorum musculis diversis vim movendi
 impertitur: imo in uno eodemque nervo sensorius atque motorius simul
 est, v. g. in cordis cæterorumque musculorum, idem nempe, qui punctu-
 ram acus persentiscit, musculum quoque ad contractionem sui ac retractio-
 nem membri provocat.

Cur in para- Obstat videtur ac regeant huic positioni, quod in paralyticis non-
lyticis non- nunquam aboleatur motus, integro adhuc sensu, interdum motu superstiti-
nunquam abo- pereat sensus. Prioris phænomeni exempla quotidiana sunt, posterioris ob-
lentur mo- servationes quoad reliquos sensus pariter frequentes, quoad tactum vero
tus, maneat rarioris experientiæ, existunt. V. g. dum Platerus post epidemium mor-
sensus? & bum
contra?

bum coxam sibi per plures annos stupidam redditam fuisse perhibet, & PROGTMN. XX.
 vesica atque podex, licet minime resolvantur, excernendi stimulum per-
 dent: imo, quod rarius contingentium, *Fernelius Parbol. lib. 5. cap. 3.* re-
 fert, cujusdam corpus undique ex vinolentia stupuisse, motu tamen illaeso.
 Verum quemadmodum prioris phaenomeni ratio hæc est, quod sensus
 sensibilis tantum objecti quædam impressio sit, quæ sine spirituum nisu aut
 elatere singulari ab organo externo ad sensorium usque commune continua-
 tur atque propagatur: cum ad motum contra eorundem vegeta magis ex-
 pansiō a principio nervorum ad illorum usque extremitates exigatur, adeo-
 que spiritus pauciores ac torpidiores ad sensum sufficiant, imo ab objectis
 externis concitentur. Ita sensum sine motu aboleri, non tam spirituum;
 quam organorum culpa fit, dum v. g. oculus non videt, quia nervus opti-
 cus, humores & tunica illius a textura & habitudine naturali recedunt,
 movetur nihilominus vi spirituum per nervos tertii, quarti &c. parisi ad
 musculos hujus influentium. Pariter si tactus pereat in cute, vegeta satis
 adhuc facultate musculorum ipsi subjacentium, causa in organo tactus, pa-
 pillis sc. nerveis per illam dispersis, hæret: unde etiam ejusmodi stupore
 correptorum membra non, sicut motu & influxu spirituum animalium de-
 stituta, contabescunt, sed succulenta permanent, ob ingressum spirituum
 animalium haud interruptum. Stupore ejusmodi affecti observantur le-
 prosi, elephantiaci & maniaci nonnunquam, quibus vela causa morbifica,
 vel ab injuriis frigoris diutius latis cutis induratur, ejusque corpora papil-
 laria ad stuporem usque rigescunt. Videbatur equidem vinolenti illius
Ferneliani stupor aliud svadere, i. e. ejus rationem in spiritibus potius per
 temulentiam frequentiore & vini narcosis stupefactis esse quærendam: sed
 respondet huic *Platerus*, affectum hunc non tam a vini narcosis, quam
 frigore aeris externi, in quo attoniti ebrii jacent, quodque fibras cutis ner-
 vosas præter modum constringat, esse petendum. Cui forsitan, quia meræ
 conjecturæ innititur hæc explicatio, nec *Fernelius* harum circumstantiarum
 meminit, addi posset, utique vinolentiæ hunc torporem esse adscribendum,
 quatenus robore naturæ stupefactoriæ vini sæpius ingurgitati particulæ ad
 nervorum extremitates fuerunt depositæ. Manent proin iidem spiritus
 sensorii, qui motorii, multo minus illos in visorios, gustatorios &c. di-
 spescere conveniet.

SPIRITVVM ANIMALIVM
DISPENSATIONE.

*Usus spirituum
primarii
sunt functiones
animales.*

Spirituum animalium usum, quamvis latissimum satis in *progymn. preced.* recensuerim, eorum immediatæ tamen magis videntur functiones illæ, quas animales communiter vocant, i. e. ratione quarum animalia reliquas creaturas antecellunt, atque in sensitivam seu cognoscentem, appetitivam ac motivam communiter distinguuntur. Quia vero functiones hæ, quotcunque demum illarum fuerint, cum spirituum animalium motu ita coincidunt, ut his quiescentibus, vel quacunque de causa, v. g. propter narcoticorum abusum non motis aut mobilibus haud contingant, vel contingere possint: rationi consonum est, in motu seu vibratione spirituum dictorum illarum formalitatem quærere.

*In motu spirituum
omnis
eorum activitas
consistit.*

Quippe quemadmodum sensus externi ut plurimum internos hique appetitum, & hic demum facultatem locomotivam sapius contitat atque gubernat, spiritus vero animales, ut corpora Physica, ab objectis externis affici nequeunt, nisi his reddantur contigui neque hi impressiones ac mutationes suas cerebro aut sensorio primo communicare valent, nisi locomoveantur aliosque sui generis moveant, pariter nec organa motus per se agitantur, nisi ab iisdem spiritibus ad ea delatis horumque tendentiis: ita a motu dictorum spirituum, varie determinato, ut a causa principali, trigam harum functionum prodire in propatulo est. Hac tamen ratione & ea arte disposita est corporis nostri machina, ut levis etiam impressio magnos in illa motus efficiat, adeoque non opus sit, spiritus numero eodem totum canalem nerveum sub quovis musculi nisu aut objecti perceptione transmeare & ab una nervi extremitate ad alteram proflire: sed sufficit, ut fluidi in systemate nerveo contenti talis fiat concussio seu undulatio, qua una hujus particula alteram leviter saltem impellendo species objectorum ab organo usque ad cerebrum & motuum instinctus ab hoc ad musculos, & utraque per totum nervi tractum, devolvat; cum hypostasis hæc animæ sensitivæ per totum nervosum genus æquabiliter expansa, omnesque ejus partes integrantes, seu spiritus, serie quadam sibi exacte contiguae sint.

Levis tamen.

Explicat *Borellus de mot. animal.* negotium hoc per intestinum animalis aqua repletum, aut cujus meatus funiculum spongiosum, crassitie accurate sibi respondentem, ac aqua pariter turgidum, contineat: hoc enim leviter compressum aut a quolibet ictu, ita commoveretur, ut fluidi intrinseci in una hujus extremitate concussio usque ad alterum extremum continetur ac transferatur; quatenus quod fluidi illius loco icto proximum, leviter impulsus, suas sibi contiguas partes, hæque reliquas, longo ordine se consequentes, impellant, adeoque motionem ab una tubi extremitate ad alteram diffundant.

Vix equidem concipere licebit in vivente & secundum naturam constituto animali aliquod momentum, quo spiritus hi ab omni plane motu vacent seu omnimode quiescant, cum status ejusmodi ipso hypostasi atque essentiae videatur contrarius, vel ut fluidæ tantum substantiæ eidem concedi nequeat, cujus formalitas in eo consistit, ut ex particulis actu motis congeratur: Potissimum, quod propter continuum materiæ novæ seu sanguinis appulsus e glandulosa cerebri ac cerebelli substantia ad medullares fibras, ut vascula ejus excretoria, urgeatur illorum productum, sicque nunquam quiescat hoc. Distinguere tamen conveniet inter motum seu undulationem fluidi hujus ordinariam ac perpetuam seu blandam, quam a principio intestino & impulsu ordinario seu æquabili habet, & inter exagitationes ejus violentiores seu extraordinarias magis, ad quas vel appetitus stimulat, vel objecta externa cogunt: quarum illa functionibus minus animalibus seu vitalibus, v. g. nutritioni ac viscerum motibus haud voluntariis præest, hæ sensationes & motus voluntarios tantum præstant.

Adeoque spiritus illi, qui musculum movent, quique motus ab extra impressos actu recipiunt, non tunc demum a cerebro influunt, partesque actuant, hoc enim celerrima nimis ad cujusvis objecti contactum præsentia & potentia motiva præsentanea dissuadet: sed fibræ horum organorum, spiritibus a cerebro deciduis nunquam non scatent, quos insitos vocare liceret, & quorum dispendia ab illis, qui per nervos appellant, continuo non tantum restaurantur, sed iidem quoque ab his, qui instinctus & impressiones suas intrinsecus recipiunt, exterius vero a sensibilibus in lationes diversas adiguntur, id est, motus ac sensationis hujus vel illius formalitatem recipiunt.

Motus fluidi nervei blandus seu ordinarius & perpetuus ad animalium esse magis simpliciter facere videtur, quatenus functionibus mere vitalibus præest: extraordinarius vero ad eorum bene tantum esse, quod a sensibus excepto tactu reliquis & motibus voluntariis habent, confert. Imo uterque ratione

Quotuplex
spirituum animalium motus.

PRCGYMN.
XXI.

*Velocius mo-
ventur spiri-
tus in nervis,
quam in cere-
bro.*

tione termini a quo & ad quem itus ac reditus illi diversi observantur, dum omnis motorius ab extra, sensorius vero quilibet ad intra contingit, ut ex sequentibus constabit. Nullatamen functionum harum quarumcumque fieri potest, nisi postquam medullosa cerebri, cerebelli & medullæ oblongatæ substantia fluidum animale ex glandulosa admiserit & exceperit, utpote quæ dispensatorio spirituum muneri inservit: ita tamen ut non adeo absurdum sit, lento satis fluxu illos in cerebri ac cerebelli medulla moveri, nisi forsan ab appetitus aut voluntatis natu impetum extraordinarium suscipiant, usque dum ad tractus medullares, ab illa emanantes, seu nervorum principia magis distincta devehantur, in quibus velocitatem & novum quasi impulsus acquirunt. Partim quod ex spatiis latioribus ad angustiores nervorum tubulos seu fibrillas deriventur, observata eadem motus quantitate: partim quod a spiritibus ex medullæ oblongatæ substantia confluentibus & accessoriis novum impetum recipiant, pari forsan ratione, ac rivulorum duorum in unum alveum confluentium alter alterius motum motu suo intendit seu velociorem reddit. Et per consequens, dum iidem spiritus ab extremitatibus nervorum versus horum principium & medullarem cerebri ac cerebelli compagem coguntur, horum motus exterius inchoatus velocior pariter est, ac ubi intra radices nervorum terminatur idem: quatenus impetus illius, quem ab objectis externis fortitur, vis sensim perit & ex angustioribus nervorum cancellis ad latiora medullæ spatia delabatur fluidum animale.

*Qua ratione
contrarii spi-
rituum motus
in uno nervo
contingant.*

Fertur E. hoc per nervos motibus contrariis, & quidem non raro per unum eundemque eorum eodem tempore, quatenus una eademque manus calorem ignis percipit, seque varie contrahit, lingua inter loquendum sapes dijudicat &c. cujus phænomeni duplicem ætiologiam *Borellus* suppeditat, posteriorem præ altero ipsemet commendans, thesibus, ni fallor, *Celeberissimi & de re Anatomica atque Medica Meritissimi Bellini* conformem: Ego ductum horum *Eruditissimorum Virorum* sequens, negotium illud ita explicō. Sc. fluidum nervorum non tantum a speciebus sensibilibus, & contractione musculi, sed ab omnium quoque partium fibrosarum contrai-tentia naturali, semper retrorsum urgetur, & undatim refluit, cum nulla fluidi impulsio per fistulam angustiore concipi queat, quin per solam resistantiam solidioris illud ad aliqualem refluxum determinetur, pariter ac solidum motum ab alio solido, cujus resistantia major, quam illius motus, reflectitur, quamvis sub dispari reflexionis gradu: ita tamen, ut refluxus ille major sit, qui a specierum sensibilibus impressione & fibrarum motricum contractione, quam qui a sola eorum renitentia naturali emergit. Quippe

pe eo ipso, dum poruli & canaliculi horum a fluido illo distenduntur statum suum naturalem mutant, majore proin resistentia in fluidum impulsam ac distentum agunt, ejusque repercussionem attentant: quem renixum, si objectum sensibile superveniat, hoc non parum juvat, ac tremor aliquis fluidi actuantis excitari videatur; major vel minor prout diverso momento musculus contrahitur, aut membrum objectum sensibile percipit. Quæ contrariæ proin concussiones, dum diversis temporibus contingunt, licet ob horum brevitate summamque sui frequentiam vix distinguibilibus, earum reciprocatio haud attenditur, adeoque alternantes motus & sensationes pro continuis & simul contingentibus habentur, pari ratione ac regurgitatio cujuslibet fluidi, cum nisu majore impulsu.

Sicut autem triplex spirituum motus genus per nervos hac ratione elucescit, de motu vero sensorio & musculos motorio horumque causis capitibus peculiaribus dicendum erit: ita in præsentiarum sollicitos nos esse convenit de motore illo indifferente, i. e. per quem genus nervosum actionum vitalium gratia & pro perceptione objectorum externorum actuatur.

Eadem est vis, quæ fluidum hoc per nervos continuo fluxu movet, ac quam *Quid spiritus ad nervos ac partes impellat.* idem ex cerebri glandulis exprimere, superius dixeram, nimirum dilatatio arteriarum, pia meningi ac corticalibus glandulit, imo forsân medullæ cerebri, intertextarum, cerebrique reciproca subsidentia: cui accedunt novi & mox separati spiritus, qui reliquos & prævie in cerebro existentes ex canaliculis suis versus nervorum initia urgent, æqualiter tamen ac blande, pro partium cunctarum, adeoque musculorum quoque, æquali tensione.

Quo tamen pressio illa commodius fiat, nec cerebrum præter modum arteriarum explicationi cedat, membranarum & calvaria soliditas atque renitentia vetat, ad subsidentiam arterias æque ac cerebrum cogens, ita quidem, ut calvaria sulci & frondosi sinus de arteriarum majorum impetu non levi tententur, quo molliori cranio sui vestigia imprimunt, quæ nihilominus postmodum iisdem totidem moderatores & quasi fræna existunt.

Medullosa cerebri substantia, Veteribus revera medullaris texturæ cre- *Medullosa cerebri substantia.* dita, Neotericorum sedulitati aliam longe exhibuit faciem, anatomen comparativam, ut œconomia animalis investigandæ instrumentum appropriatum, admittentium. Observatur enim hæc corporis callosi seu medullaris compages fibrosa, seu ex funiculis ac canaliculis exilissimis congesta, continuis sc. glandulis corticalibus seu ab his, tanquam totidem vascula excretoria, emanantibus. *Est fibrosa atque tubulosa.* Imprimis vero conspicua sit medullæ hæc fibrositas in piscium cerebris, in quorum ventriculis candidæ fibræ distinctim apparent, quemadmo-

PROGTMN.
XXI.

dum in nonnullis quoque avibus, item in lepore: imo in ove aliisque brutis ac homine ipso eadem reperiuntur modo in recens mox enecatis animalibus cerebri lustratio concessa sit, præprimis in anteriore ventriculorum area, ab-
 rafa leviter cinerea seu cordicali ejus substantia, aut leniter tantum divulsa quavis cerebri solidioris ac recentis medullosa parte, qua ratione longiores interdum filamentorum horum tractus distrahere ac evidentes reddere licet. In coctis cum oleo cerebris distinctissima ac conspicua redditur substantia tam corticalis glandulosa, quam medullaris striata, cujus fibrulæ encheirisi hac paululum induratae facile a se invicem separari possunt: in plerisque tamen locis adeo arctam inter se colunt contiguitatem, ubi sc. nihil glandulosæ substantiæ eas intercedit, ut continuum plane constituent corpus, nullaue interstitiola admittere videantur; in aliis vero striata magis corpora formant, v.g. in apicibus crurum medullæ oblongatæ, thalamis nervorum opticorum &c. i. e. ex stratis medullaribus ac corticalibus variegatis congesta. Ita ut tota hæc cerebri ac cerebelli portio ex innumeris & exilissimis fibrulis harumque fasciculis collecta, appareat, tanquam totidem vasculis excretoriis capillaribus, qui spiritus animales ex glandulis corticis immediate & antequam nervorum formatorum & compactiorum principia subeant, admittant seu excipiant.

Fibrarum medullarum tractus diversi sunt,

Qualem ordinem & tramitem observent ductuli hi, difficile determinari potest, ob teneritudinem ac mollitiem potissimum eorum summam, vixque nihilominus omnes versus eundem terminum tendere, imo diversa serie eodem in cerebro, cerebello & medulla oblongata collocari, inde præsumitur, quod in hac fasciculos nervorum ad inferiora declinantium forment, adeoque itibus ac redivisibus spirituum magis rectis ministrentur, in cerebro vero plures eorum versus corpus callosum ac hujus superficiem fornicatam, seu centrum ovale, detorqueri ac inclinare probabile fit, pro tortuosis ac implicatis forsan magis tractibus formandis, tendentiis spirituum variis, sensuum internorum formalitatem exprimentibus, adæquatis. An canaliculorum horum quidam ab uno cerebri hemisphærio ad oppositum medullæ oblongatæ latus ferantur, & vice versa, adeoque decussatim se intersecant, dici nequit; quamvis implicationi ejusmodi annuere videatur phænomenon pathologicum frequentissimum, quo partes corporis, non percussio, sed sano, cerebri lateri subjactæ resolvuntur ac convelluntur, item illa fibrarum circa ventriculos cerebri piscium superequitatio, quam *Malpighius*, Cerebri accuratissimus *Prosector*, innuit.

Quem.

Quemadmodum autem his, in medullam oblongatam compactis, continui videntur nervi, sic quosvis horum surculos fasciculos seu capillamentum quoddam, ex plurimis illis filis fibrosis, ut radicibus, compositum, atque vagina seu involucrio quodam membranoso colligatum, æstumare quamlibet autem fibram perviam credere decet. Annotavit hanc nervorum structuram ante seculum jamdum *Volcherus Coiter* in *Observ. Anat. Chirurg.* dum fibras eorum capillares ex medulla cerebri, tenui meninge circumplicatas, produci scribit, quæ statim in exortus principio, vel paulo post separatim discretæ, plures vel pauciores, coacerventur, & ab eadem tenui meninge colligantur, donec extra calvariam vel spinam erupturæ a dura matre firmamentum & vaginam communem recipiant. Atque hæc quidem in universum ita se habere, pergit, ut nullus unquam nervus. neque opticus quidem, ex unico filo sive fibra constet, id est tractus tubulosus simplex sit, quemadmodum si secundum longitudinem findantur, cuilibet comparebit. Nec fibræ hæ, in quas nervus major fissus secedit, simplices omnino sunt, id est tales, quales in cerebro congestæ, sed a Prospectore, qui oculis æque sat perspicacibus ac patientia sufficiente instructus, earum qualibet in minores alias dirimi poterit, singulas suis indutas tunicis, illius forsan membranæ processibus, quam *Tulpius cent. 1. obs. 27.* primus attendit, & tertium spinalis medullæ involucrium, idque ob summam tenuitatem arachnoideum, recentiores appellant.

Neque etiam quilibet nervus cunctas, in quot arte dirimitur, fibras a primo suo principio sortitur, sed earum quasdam a partibus, quas transit, & præterlabitur, mutuatur: unde etiam fit, ut nervorum, ad membra longinquiora & plura tendentium, caudices per secessum ramulorum in partes laterales non semper imminuantur, sed potius crassescant, ab implicitis sibi de novo filamentis.

Originem hujus involucri nervorum tertii & secundi *Vieussens*, cujus in re anatomica dexteritatem singularem præter commendationem, qua *Briggs in ophthalmogr. præfat.* eum ornat, ejus *Neurographia* testatur, ab una eademque tenui cerebri meninge producit: cum tamen aliunde potius secundæ tunicæ exortus contingat. Primus, quantum ego quidem novi, *Bidloo* Tertium quoddam cerebri involucrium. in *Anatome sua Corp. hum.* Spectatissima mentionem facit cujusdam tertiæ Cerebri membranæ, duræ & piæ intermediæ quam in nupera pariter secti-
one publica cadaveris virilis, non tertia a morte hora, ut Anatomico huic contigit, sed decimo quinto die, Spectatoribus meis videndam præparavi: qua supposita aliter paulo medullæ oblongatæ ac nervorum involucrium strata explicanda erunt, ut quod & exteriori seu duræ matri immediate

PROGTMN. subjicitur, sit recens hujus inventæ meningis propago, arachnoides autem
XXI. tenuis vulgo sic dictæ expansio.

*Nervi olfacto-
rii & optici
non sunt per-
forati.*

Nervis olfactoriis equidem, processibus mammillaribus alias dictis, brutorum imprimis, notabilis inexistit cavitas, qualem opticis quoque incautiores Sectores decernunt, & ad cujus commodiorem observationem quasdam *Galenus* inculcat conditiones, quibus plures addit *Plempius* alique, imo sunt, qui super hanc autopsiam testem provocant. Verum quoad canalem, qui nervis olfactoriis subest, monendum, hunc spirituum transferendorum gratia minime esse formatum, & parietes ejus pariter, ac nervi reliqui ex filamentis medullaribus tenerioribus compingi, adeoque illam ad nervi, ut talis, structuram & usum nihil conferre. Nec opticos canalem ejusmodi uniformem involvere, sed ex fibris pluribus, instar cæterorum nervorum, coagmentari, evincit eorum cauta magis, & a protuberantiis illis medullaribus, quas thalamos horum *Galenus* vocat, inchoata sectio. Et si forsan aliquando hiatus quidam patentior in eorum corporibus fuerit observatus, minime tamen naturalis is credi debet, sed a subsidencia & secessu staminum horum, nullis piæ meningis processibus firmatorum, videtur productus, præprimis cum in recentioribus & succulentis adhuc cadaveribus haud conspiciatur. Apparet quidem in illius extremitate, qua fundum oculi spectat, umbrosa aliqua profunditas, seu sinus quidam ad principium eorum tendens: sed emergit tantum a filamentis medullaribus divulsis, & ad latera inclinantibus, pariter ac in caryophylli floris medio meatum quendam ad calicem usque ejus distractione aliqua horum foliorum fingere licet. Quod vero ejus fibrullæ medullares non adeo commode, ac in aliis solidioribus nervis, evolvi & distingui possint, hujus ratio est, quod, ut modo innui, hæ sibi per totam nervi exporrectionem, perinde, ac in ipso cerebro, sint contigui, nullasque meningis productiones sibi intertextas gerant, adeoque solidioribus haud distinguantur involucris.

*Nervi omnes a
Cerebro.*

Habent E. nervi cuncti cum medulla spinali idem principium, cum hæc nihil aliud, quam fibrillarum nervearum infinitarum fasciculus, sit, atque totidem nervi, quotquot ad remotiores quoque corporis partes abire debebant, in cerebri medullari substantia distincte radicentur & separata inde initia petant: hac tamen disparitate, ut eorum nonnulli a medulla elabantur, statim ac crura ejus coierunt, id est, intra calvariam illius adhuc existit caudex; alii vero sub hujus involucris diutius immersi longius per spinam ferantur, priusquam inde progerminantes per interstitia verte-

bra-

brarum distinctim propullulent. Nulli tamen eorum, proprie loquendo, PROGTMN.
 ex spinali medulla, sed omnes ex oblongata, antequam calvariam deferat, XXI.
 aut cerebro potius, prodeunt, utpote quæ, ut modo dixi, nihil aliud, quam
 staminum medullarium numerosa congeries, est. Hæc stamina autem quia
 arctius compacta, &, prout de opticis annotatum fuit nervis, per membra-
 nea involucra nondum separata sunt, mirum contingere haud debet, quod
 spinalis medullæ tractus nervulos haud distinctos & separatos, sed omnes
 adhuc sub uniformis massæ specie, exhibeat, nisi quod striata magis ac ce-
 rebrum compareat, quamvis sub lineis serpentinis ac tortuosis. Prout ta-
 men profundius per spinam descendit, post plures emissos furculos laxior
 ejus evadit compages, per quam aliquales se insinuantes piæ matris ema-
 nationes fibrulas ejus stipant, sensimque distinctas magis reddunt, v. g. in
 vertebriis lumbaribus inferioribus. Imo superiorum quoque veterarum lum-
 barium medulla, si in spiritu vini maceretur, post avulsam illam tunicam,
 sponte sua in filamenta plura secedit; quod tamen a thoracica minime ex-
 pectandum. Vix unquam nihilominus tubulos hos nerveos mihi distinctius
 videre contigit, quam in cadavere Nobilis cujusdam, crudeli fato & sclo-
 peti minoris globulo, spinam intra secundam & tertiam lumborum verte-
 bram perforante, interfecti: Hic enim octiduo post inflictum vulnus satis
 cedens medullam ad spithamæ longitudinem sphacelosam exhibebat, levi-
 ter saltem obstetricante cultro in funiculos infinitos secedentem.

*Spinalis me-
dulla fibrosa
est.*

*Nervi alii du-
riores, alii
molliores.*

Quamvis autem fibrillæ medullares omnes, quamdiu intra cerebrum
 & medullam oblongatam atque spinalem sunt, eodem substantiæ modo gau-
 deant, cerebrique medullaris portio æqualem ubique spissitudinem seu con-
 sistentiam obtineat: observantur nihilominus nervorum alii duriore, alii
 molliore, hi sensum exercitiis destinati, v. g. olfactorii, optici & audi-
 torii molliore, illius generis plures motui & sensibus simul destinati. Cu-
 jus phænomeni rationem si postules, altum expèris apud Scriptores silen-
 tium, nisi quod eorum nonnulli, curiositati Lectoris, ut sperant satisfacturi
 per causam finalem hujus disparitatis a scopo primario eum avertere conen-
 tur, hoc modo. Ita nimirum a natura comparatum fuisse, quod, quem-
 admodum sensationes vel sine omni, vel cum levissima tantum nervorum
 contentione fiunt, ita nervi sensorii horumque fibræ singulari duritie &
 rigiditate non indigeant: contra nervos, qui præter sensationis motus quo-
 que munus præstant fibras duriusculas postulare, quo validioribus sæpe mu-
 sculorum, quibus destinantur, nisibus proportionati & validi satis exi-
 stant.

Et cur?

PROGTMN.
XXI.

Verum sicut aliud est, causam phænomenorum naturalium reddere, aliud, finem naturæ operanti affingere, ita, qui motus & sensus gratia nervorum alios molles, alios duros fieri debere putat, minime determinat, quod tamen in quæstione, qua ratione mollescant, aut rigescant: imo dum vererum fines sæpe nos latent, fit, ut, qui in his determinandis ac supponendis adeo faciles sunt, facile quoque in errores abripiantur, quod etiam hic observo. Quippe non major est tensio seu contentio nervi moti, ac quiescentis, ut superius jamdum demonstratum, nec musculorum omnium motus adeo validi, v.g. oculorum, linguæ, aurium &c. quibus nihilominus duriores concessit natura nervos, neque demum in maximis eorum vibrationibus nervorum aliquis lacerationis metus, cum hi non, instar funium molem attollentium, illum trahant, neque tenuissima in vastissimo & violentioribus motibus exposito musculo fibra laceretur. Præterea, eo ipso, dum cunctæ cerebri medullares fibræ seu prima nervorum stamina æque mollia observantur, nulla hic nervorum soliditas major, vel minor, peti potest, sed dependere hæc videtur disparitas a substantiæ modo illo, quem, dum medullam oblongatam elabuntur, aut retinent, aut demum suscipiunt. Id est, supponere liceat differentiam inter fibras nervorum primas & radicales, secundas & nervos ipsos: quorum illæ eadem omnes gaudent mollitie, hæc dispari, per consequens nervi quoque ipsi. Manent autem harum fibrarum secundarum aliæ molliores, quod earum fibræ radicales non singulæ a pia matre involucra petant, sed in fasciculos collectæ demum crassiores, communem sortiantur tunicam: econtra motoriorum mox fibræ primæ singulæ vaginulis mox peculiaribus includuntur, sicque coagmentatæ fibram secundam mox duriores reddunt. Atque hoc quidem non ideo, quod nervis sensoriis tali robore non sit opus, sed quia ipsorum functioni fuisset incongruum: neque ut a laceratione præserventur motorii, sed quo diversis capsulis horum inclusæ fibræ primæ motuum determinationes varias forsan commodius dirigant.

Porosa nihilominus est nervorum conformatio, sive illos integros, sive singula horum stamina secunda ac prima, attendamus: sicut enim hæc totidem vascula cerebri corticis excretoria sunt, ita prout eorum plura aut pauciora in hoc vel illo nervo coalescunt, plus minus pervium illum evadere contingit, ut a quibusdam etiam caudices nervorum cannæ indicæ porosæ non adeo inepte comparentur. Duo adhuc in præsentiarum circa conformationem hanc disquirere mihi præsumo, a Borello Ingeniosissimo suppeditata, nimirum an fibræ nervorum primæ tubuli sint, substantia quadam spongiosa & madida, simili medullæ sambuci virentis ferulæ aut cannæ indicæ infarcti? item,

an in fasciculis nerveis fibrarum componentium interstitia vices canalium al-
 terius generis, corpori nihilominus utilis suppleant? Quorum utrumque
 ambiguitate atque obscuritate haud levi involutum deprehendo. Quoad
 prius enim eo ipso, dum fibrulas nervorum primas tubulos pronunciat, qui
 materia medullæ sambuci recentis æmula repleantur, aliam adhuc & tertiam,
 præter medullarem, & corticalem compagem, concipiat in cerebro substan-
 tiam, quæ spongiosum illud fibrarum contentum formet, necesse est, ubi ta-
 men hoc lateat, non apparet. Id est, cum cuncti medullares, cerebri corpus
 callosum ad principium usque nervorum constituentes, tractus præter hanc
 medullarem substantiam nihil includant, nec aliud spongiforme corpus hinc
 emergentes nervi sibi promittere poterunt. Neque hoc confirmabitur ma-
 gis ex eo, quod nervæ fibræ molles, flexibiles, lubricæ & madidæ semper sint,
 ac nutrimentum humidum simul admittant: quatenus sine porositatibus his
 spongiosis etiam spirituum influxus fieri, iidemque funiculi aut a succo ani-
 mali, aut a vasis sanguiferis vel ferosis humectari valent.

In defectu peccat *Blasius*, qui in *Anat. Medulla spinal.* medullarem
 nervis substantiam omnimode denegat, & nervos simpliciores seu horum
 funiculos nihil aliud esse, ait, quam meningis tenuis productionem fila-
 mentosam, sine considerabili substantiæ medullaris additione: ita quidem
 ut, si nervi, a spinali medulla procedentes, etiam satis vasti, secundum
 longitudinem dividantur, vix aliud, quam filamenta membranacea innumera
 exhibeant, medullari substantia fere destituta; atque hoc tantillum materiæ
 medullofæ, non a cerebro & medulla oblongata, procedere, sed similem
 huic materiam nervorum filamentis forsan a natura communicari, absque
 eo, quod inter medullam cerebri seu spinalem ac nervi quædam detur com-
 munio. Ast utique exiguum est medullofæ productionis, quod intra va-
 ginulas singulas secluditur, quasque pro meris & simplicioribus fibrillis mem-
 branaceis *Blasius* habet, funiculi dissimilares sunt substantiæ, quorum sin-
 guli aliquid medullofi continent, sive principio suo propinquiores existant,
 sive longius hinc evagentur: ita ut non mirum, quod, involucrum tan-
 tum horum commune divellendo ac penitiora negligendo, medullam hanc
 non repererit, quæ nihilominus, dum nervi per transversum secantur, satis
 conspicua sit indeque exprimitur.

Alterum, quod *Borellus* proponit, paradoxum est, quod, cum nervi fi-
 brarum seu canaliculorum intra vaginas membranosas contentorum collectio-
 nes sint, pariter, ac in consimilibus fasciculis, ex subtilissimis filis vitreis con-
 gestis videmus, interstitia lateralialia illos intercedant, quæ officium tubulorum
 gerunt.

in

*Fibra nerveæ
non habent in
se medullam.*

*Ipsa tamen
fibræ medulla-
res sunt.*

*Interstitia fi-
brarum ner-
vosarum non
canalis vires
gerunt.*

PROGTMN. in admittendis fluidis, perinde ac ipsi canaliculi, suppleant, id est, percoletur per interstitia hæc fluidum, diversum ab illo, quo tubuli ipsi fibrarum turgcant. Vix negari possunt spatiola hæc ductulis analoga, cum cujuscunque demum figuræ aut exilitatis concipiantur fibrillæ, in nervum sensibiliorem coagmentatæ, nunquam tamen vel mente ita sibi adaptari poterunt, quin inania inter se relinquant spatia, quamvis nobis minus patentia: nullum tamen aliud fluidum in his admittere possum, nisi quod ex substantia fibrarum minimarum transudat, & vel cerebri productum, vel nutrimenti serosi superfluum est. Neque enim constat de officina hujus succi aut parte mittente, dum quicquid glandulæ cerebrales secernunt, ad ipsas medullares sibi que continuos, ductulos deponunt: cum alia E. parte quia non communicant hæc interstitia canaliculosa, nec a cerebro, nec aliunde, in partes inferiores aliquid derivabunt.

Non datur succus a fluido animali nervorum distinctus.

De cætero dubia satis adhuc est existentia illius succi nutritii, a spiritibus animalibus, qui functiones animales exercent, diversi neque illam magis firmant argumenta, quæ idem *Borellus* suppeditat: sc. quod operationes animales vires potius consumant, & somni tempore animalia magis vegetentur ac augeantur; quod sine hac succorum disparitate, quia nutritio nunquam interrupta, simul etiam & semper contraherentur omnes musculi, concipi vix posset; accedente & hoc, quod perpetuus hujus succi nutritii influxus, si cum animali idem, externorum objectorum impressiones nunquam ad cerebrum admitteret, Nondum enim adeo evicta est succi nervorum, cujuscunque demum, substantia nutritiva, quam nihilominus fundamenti loco supponit Noster: nec, si concedatur, alium hunc ab illo qui sensationi ac motui animali præest, fingere urgemur. Magis aluntur ac crescunt animalia tempore somni, quam vigiliarum, quia quod motibus vigilantium impenditur, dormiendo retinetur, ita tamen, ut sub somno æque ac vigiliis blandus & æquabilis ejus ad musculos & partes quasvis, cum spiritibus animalibus, influxus sine intervallo perpetuetur. Et ab hoc continuo liquoris animalis appulsu non metuenda erat totius corporis convulsio, cum ad hanc & musculorum motum præstandum alius insuper impetus exigatur, qui quiescentibus membris deest: qua ratione vero non obstante influxu motorio refluxus sensorius liber maneat, superius explicui.

PROGYMNASMA XXII.

PROGYMN.
XXII.

DE

SENSIBVS EXTERNIS
IN GENERE.

Functiones animales non ad *bene* tantum, sed *simpliciter*, *esse*, *facere*, *sensus ad con-*
superius dictum fuit. In specie quoad sensus externos monendum, quod, *seruationem*
 quamvis hominis forsan individuali conseruationi vix adeo necessarii vi- *animalium*
 deantur, dum, præ brutis hoc peculiare ille habet ut quod sensoriiis tan- *maxime ne-*
 tum externis hæc percipiunt, aut de cuius congruitate atque incongruitate *cessarii sunt.*
 per hæc saltem iudicant, id in homine non raro sola fere ratio præstet. Per
 quam interdum, quæ v. g. nunquam degustavit, solo oculo, aut ex aliorum
 relatione, aut quouis præiudicio, sapida & palato grata aut ingrata æsti-
 mat, i. e. ori ac faucibus illa citius & auidius intrudit, antequam oculus,
 nares aut lingua eadem approbarint, detestatur contra ac horret talia, quo-
 rum usum sola præconcepta opinio diffusaerat: bruta nihilominus fercula
 sua olfactu prius explorant, canis naribus dominum a reliquis domesticis
 ac peregrinis dignoscit, alia tactu explorare observantur conditiones obje-
 ctorum, illa sc. quibus oculi denegati, aut ad dignoscendum minus sufficien-
 tes existunt. Et brutis quidem tactus adeo necessarius sensus videtur, ut sine
 eo animal non foret animal: ita quidem ut, dum hoc definitur per corpus
 vivum sentiens, primario illud tactu gaudere nobis concipiamus, cum quam-
 vis uno vel altero reliquorum sensuum careat, sine illo tamen eorum nullum
 existat. Præterea pauca forsan, si ulla, animalia dantur, gustu destituta, ut-
 pote qui sensus ad nutritionem maxime necessarius est, seligens alimenta
 congrua ab incongruis: quod in aliis quoque olfactus tantum præstat.

Hinc fit, ut propter rerum, quæ ipsis prodesse aut obesse possunt, varie- *In quibusdam*
 tatem unumquodque animal pluribus aut paucioribus gaudeat sensationibus, *animalibus*
 imo in quibusdam nos superet: nec absolute impossibile est, plures earum, *pauciores sen-*
 huic vel illi animalis speciei quam nobis contigisse, dum in eorum quibusdam *sus, forsan et-*
 pauciores potentia se exerunt, eorum alia contra talia persentiunt, quæ no- *iam plures.*
 stra reliquorumque sensoria quinque attingere non poterant. Ita lumbrici
 terrestres, reliqua insecta & testacea pleraque vix tantillum alterius cu-
 jusdam sensus, præter tactum, monstrant, quatenus objectorum qua-
 litates seu modificationes non omnes æque percipiunt: imo plura organa ac
 modi dignoscendi cuncta, quæ animalibus perfectioribus & pluribus sensibus

PROGTMN.
XXII.

præditis contingere poterant, bona aut mala, supervacanea fuissent his imperfectioribus, utpote hoc miseriæ aut præminentia habentibus, ut paucis stpentur rebus sibi noxiis aut gratis, unde simul etiam iis denegarit. natura organa, quibus earum plura appetere, vel fugere queant.

*Possunt esse
plures sensus
quam quinque.*

Nolo huc prolixè referre, quod alia animalium odore destituantur, alia, quæ herbis sine discrimine vescuntur, præ illis, quæ harum delectum accuratiorem habent, nec sapore adeo exquisito gaudeant, alia minus audiant &c. infero potius hinc, animaleitati nihil derogare, si illorum quædam hominem etiam numero sensuum antecellant. Quippe quamvis plura in his non deprehendere liceat sensoria, quam quinque hætenus nota, negative tamen de eorum existentia & conformatione hinc argumentari haud magis poterimus, quam si de functionibus illis vitalibus, quarum organa sensibus nostris non assequimur, dubitare vellemus. Imprimis autem quædam animalia peculiare sibi sensus, hinc peculiaria sensoria servare, inde persuademur, quod eorum nonnulla tempestatum augurio polleant, quo nos ac totum reliquum animale genus destituimur, quædam his molesta, quæ aliis gratissima, & vice versa, existant. In specie non immerito ambigeret quis, an sensus, quo vespæ, muscæ &c. in conclave, in quo saccharum aut mel detinetur, per longe diffusa loca & per angustiores fenestrarum rimas feruntur, odoris, nec potius peculiaris longe ab hoc, species sit, quatenus sensibilibus horum ad distans adeo contingens impressio naribus minus proportionata videtur.

*Tactus facit
ad esse homi-
nis.*

Verum hominis quoque conservationi, si nullus reliquorum sensuum, certe Tactus, vel ideo etiam sensuum externorum primus dicendus, videtur in servire, quatenus fame, quæ certa ventriculi percussio seu perceptio est, ad alimentorum assumptionem, ac perturgescentiam veneream, hinc partibus genitalibus impressum stimulum, ad generationem, provocamus, ne illos commemorem instinctus seu tactus species, qua viscera nostra cuncta ad propellenda, dissolvenda, cribranda & excernenda fluida, alibilia æque ac recrementitia blanda quadam vellicatione incitantur. Ita ut hoc tantum disparitatis hominis & brutorum sensationes intercedat, quod hæc illis magis ad esse & conservari sui indigeant, homo autem maximam partem voluptatis & commodioris tantum esse gratia, functionibus iisdem fruatur.

Sensus quid?

Est autem sensatio in genere modus quidam percipiendi seu cognoscendi objecta externa, ut sensibilia seu corporea sunt: quemadmodum contra mens eadem absque ulla specie materiali apprehendit. Atque hæc impressiones quia modo ab extra nervorum extremitates fibrosas, in determinatis organis ac sub certis horum modificationibus, afficiunt, seu animæ sensitivæ

Et quoruplex?

median-

mediantibus his offeruntur; modo intus & seclusis objectis externis, concitantur & ab eadem percipiuntur: adæquata scholis semper visa fuit distinctio sensuum in internos & externos, quamvis de finibus utriusque generis ambigant Scriptores. Sunt siquidem nonnulli, qui sensationes externas mere passive ac receptive se habere contendunt, *Aristotelis* sensum pati quoddam ac alterationem quandam 2. de anima c. 4.5. & 11. pronunciantis, autoritate præprimis freti; alii imperfectiorem sensationem hanc & inchoamentum saltem ejus hoc vocant, nisi species, quæ occasionaliter movebat organum, percipiatur ab anima i. e. non tantum recipiatur, sed dignoscatur quoque in cerebro, quod sensum communem vocant. Hinc orta inter eos *Actio finium regundorum* seu disceptatio, An sensus externi mere passive se habeant, omnemque activum seu perceptivum excludant.

Quam ut dirimam, sciendum, sensum etiam de inanimatis seu anima sentiente destitutus interdum prædicari, i. e. eorum quædam objecti congrui aut incongrui contactum atq; vicinitatem percipere dicuntur, quatenus ab illo commoventur seu afficiuntur, v. g. dum ferrum a magnete agitatur, hujus propinquitatem seu emanationes apprehendit, aliud metallum neutiquam illas persentiscere dicitur, quia ab eo non movetur. Pariter de plantis quibusdam asseri potest, quod succum alibilem sibi convenientem dignoscant, admittant ac radices suas versus eundem exporrigant, minus adæquatum respuant, has quasi retrahant & ad contrariam plagam detorqueant: item dum una alterius propinquitate delectatur, aut eandem fugit. Ast plus involvit sensatio animalis, imprimis humana, sc. præter illam receptionem moventis seu afficientis externi contingit in his quædam objecti apprehensio seu perceptio, id est, dignoscunt, ipsam rem, cujus species per sensorium externum subintrabat. Prout enim ille non videt, non audit, objecta, qui, alteri rei maxime intentus, per oculos equidem radios ab objecto emanantes vel reflexos, per aures sonum, admittit, non tamen hos aut objectum percipit seu cognoscit: ita nec ulla sensatio absolvitur per solam illam motus, ab objecto impressi, receptionem, sed potentia sentiendi tunc demum vim suam exerit, quando agit, i. e. ad objectum reflectitur, seu ex motu illo, quale sit hoc, dijudicat; & sine hoc actu oculus non magis videns dici poterat, ac camera obscura, per cujus foramen, vitro lenticulari instructum, radii ab extra in parietem album feruntur.

An sensus mere passive se habeant.

Sine activitate non est perfecta sensatio.

Prolixam illam controversiam, an bruta sentiant, an juxta *Cartesium* secus? meam in præsentiarum non faciam, complacet nihilominus mitior illa super hanc *de la Chambre* sententia, qui brutis aliquam sensibilibium per-

PROGTMN.
XXII.

ceptionem, imo analogum quid rationi concedit: in homine interim sensus externi haud perfecti dici debent, antequam sc. distinctas illas perceptiones, a motibus sensoriorum, tanquam causa occasionali, excitatas admittat sensorium commune; adeoque sensum superiorem seu communem illi simul involvunt, qui omnibus singulorum organorum externorum motibus se accommodet, instar judicis summi quasi auscultet, & circa impressiones illas per modum determinatum, quamvis nobis latentem, agat. Per consequens sive animam sensitivam totam, sive ejus tantum aliquam portionem, aut ut quibusdam modernorum loqui placet, certum plexum, affectiones sensoriorum ab extra impressas percipere & sine actu hoc sensum nullum fieri, dicamus: præter alterationem organorum activum quid in quibusvis sensibus externis concipere decet.

Modus sensationis.

Id est ad hunc fere modum rem externam sensu percipimus, dum portio animæ sentientis, seu spiritus sensorio externo inexistentes ab objecti impulsu commoventur, aut illius speciem recipiunt, qui impulsus undulatione quadam per nervum ad commune sensorium continuatur, sicque species quasi irradiatione quadam ad cerebrum transmittitur: unde hujus quadam & spirituum in illo hospitantium, concussio fit, perquam iidem, per modum forsan cujusdam resistentiæ, in impulsu hunc feruntur seu reflectuntur, illumque, percipiunt. Vnde profecto illi haud deridendi sunt, qui potentiam v. g. videndi oculo, audiendi facultatem auri, denegant, potissimum cum experientia evincat, animo & spiritibus aliis rebus intentis, nos nec v. g. quæ proxime ante oculos sunt videre, nec dormientes sonos percipere, ut ut necessario aurem illabentes hujusque fibras tremore suo percellentes. Cui accedit, eos, quibus post magnos cruciatus atque dolores perpeffos crus aut manus fuit amputata, de acerrimo membri perditu dolore adhuc conqueri: perceptio E illa dolorifica non in membro detruncato, sed cerebro contingit, concitato in hoc simili motu, qualem a sensorii externi affectione sustinebat alias sensorium commune.

Distinctio inter sensus externos & internos.

Quibus ita se habentibus difficile dictu, an sensus communis sensibus externis, an internis, accenseri veniat, cum ad illos quinque quos vulgo externos ajunt, indifferenter se habeat & singulorum complementum sit, minime tamen per organum externum fiat: adeoque illi forsan cautius agent, qui cum inter externos ac internos mediatorem pronunciant. Doctrina nihilominus gratia illos tantum quinque, qui visus, auditus, olfactus, gustus & tactus nomine veniunt, sensus externos vocabimus, utpote quorum organa prima extra cerebrum constituta sunt: internos vero qui cerebri terminos

minos haud transeunt? quorum illi, quatenus intra sensoria fiunt, mere passive seu receptive se habent, hi autem præter passiones activitates quasdam semper involvunt, i. e. species oblatas simul dijudicant, retinent ac denno depromunt, sensus communis, phantasiæ ac memoriæ terminis notati.

Bembelus alique sensus ex eodem fundamento dirimunt in inferiores ac superiores, illos dicentes externos tantum, utpote qui species impressas saltem recipiunt: & superiores, quos denno vel cognoscentes & dijudicantes, sc. sensum communem ac Phantasiam, vel recipientem ac retinentem tantum, nempe Memoriam, volunt: quibus equidem me non oppono, sed suo sensu eodem abundare patior, non minus inepte tamen forsitan distingvi poterunt in transeunt, quæ objecti tantum præsentis rationem habent, Externi vulgo vocati cum sensu communi, & in magis permanentes i. e. qui circa præsens æque ac absens objectum versantur, Phantasia nempe ac Memoria.

Quamvis enim jurgia illa alterna, quæ Peripateticos atque Cartesianos, intercedunt, an aliquid sit in intellectu, quod non prius fuerit in sensu dirimere in me haud suscipiam: illud tamen asserere minime vereor, nihil apprehendi & dijudicari a sensitivæ animæ facultatibus superioribus, seu sensibus internis, quod per organa externa nunquam aut nullatenus fuerit receptum, & sensuum internorum etiam objecta semper ens quoddam reale & extra nos constituta sunt. Quatenus sensus communis non, nisi præsentium & a sensoriiis externis impressas ideas, admittit ac attendit: Imaginationi partim eadem, partim absentes, semper tamen sub forma olim observata, repræsentantur, ac Memoria rerum præteritarum tantum, aliquando tamen sensibus perceptarum, species pro objecto agnoscit. Quia tamen entia duplicis generis, materialis sc. & immaterialis existunt, & immateriale organa corporea naturaliter movere nequit: sequitur, ut omne a sensibus externis percipiendum, materiale seu corpus naturale, substantia extensa existat, quæ sensoriorum partes mobiliore per contactum quandam exagitet, & motuum horum occasione certas ideas sensibus superioribus formet atque exhibeat, i. e. species percepta nihil aliud, quam sensorii externi modificatio quædam est.

Vulgus, quia non ipsa corpora, sed horum saltim quædam attributa, sensoria externa illabi, observabat, hæc sub sensibilem seu patibilem qualitatibus, ab ipsis corporibus horumque materia & modis discretarum ac realium, titulo fugebat, sed præter omnem rationem, prout a *Gassendo*, *Cartesio*, & quem primo loco nominare decebat, *Boyllo* aliisque neoteri-

PROGYMN.
XXII.

cis prolixius hoc jamdum evictum fuit. Suntque sensibiles illæ qualitates seu potentia nihil nisi partium, ex quibus unumquodque corpus coagmentatur, affectiones mechanicæ, sc. figura, situs, magnitudo, motus aut quies, insuperque relatio, ordo, vel congruitas seu incongruitas ad vicina corpora: ratione quarum modificationum dum in organa nostra diversa diversimode agunt, singularesve in his producunt effectus, colore, odore, sapore &c. gaudere dicuntur corpora. Id est discrepant ab his materiae modis illi effectus, non magis ac congruitas clavis ad seram seu illius aptitudo referendi hanc ab illius magnitudine, figura &c. seu ut dolor partis sensibilis a figura & motu gladii vulnerantis: quas instrumentorum habitudines non ut peculiare a figura similibusve materiae modis potentias agnoscimus, multo minus qualitatium peculiarium nomine dignas judicamus. Quare quatenus patibiles hæ qualitates subjectis suis inhaerent, facultatum nomen merebuntur, quatenus vero sensoria nostra afficiunt, motus tantum horum determinati erunt dicendi: sicut autem sub priore conceptu nihil a materia diversum, ita effectus non substantia sensilis, sed partis, quam objecta contingunt, affectio est.

Non dantur
qualitates in-
tentionales.

Multo minus inter objecta sensuum intentionales concipere conveniet qualitates, in hoc ex scholarum consensu a realibus separatas, quod illæ subjecto immanent, hocque non, nisi in propinquum, operari faciant, v. g. calor ignis: hæ vero ab eodem emanent, ac illud indistans etiam agere habile reddant, v. g. lumen e sole egrediens & remotiores quoque mundi angulos illuminans, felis cistæ inclusæ vis in hoc aut illo individuo lipothymiam excitandi, & quidem ad spatium non tantum longius, sed per sepimenta quoque crassiora. Siquidem accuratius rem pensitantibus constabit, aut omnes qualitates reales, aut omnes intentionales, esse: imo omnem, qui inter agens atque patiens requiritur, contactum revera corporalem, nullum intentionalem, seu mere virtuales dici debere. Primo namque, etsi ex ipsa peripatheticorum hypothese loquamur, ignis calore suo non tantum in vicina, sed plus minus distantia quoque agit, modo lenius, modo potentius, prout major minorve ille fuerit: imo solis calor in sublunaria hæc potenter satis influit, ab ejus corpore quam remotissima. Deinde nec lumen, a sole prodiens, pro simplici qualitate, multo minus intentionali, haberi potest: sive secundum Epicureos ex effluviis e corpore lucido emanantibus constet, sive ex *Cartesii* placito ab ætheræ substantiæ determinato impulsu, a lucidi corporis agitatione impresso, proficiatur. Tertio nec felis hominem ad syncopem usque afficiendi modus, nec magnetis actio in ferrum &c. absque

que contactu corporeo contingunt, sed ipsa effluvia, quæ nihil aliud, quam particulæ corporis, ex quo exhalant, minutissimæ sunt, ex eisdem prodeuntia, ejusmodi effectus præstant. Imo denique, dum qualitas intentionalis seu virtualis realem sequitur, & ab hac dependere dicitur: hujus dubia existentia dubiam etiam reddit illam, cum umbra suum esse a corpore, cujus umbra, tantum mutuetur.

Figura E. Magnitudo, Situs & Motus substantiarum corporearum, seu modi & affectiones harum mechanicæ solæ sunt, quæ sensoria nostra percellunt, quarum in hæc effectus, seu ab illis his introductas alterationes, sensationes externas vocamus. Quatenus nempe horum agiliores partes seu substantia fluidior ab eorundem organorum extremitate usque ad primum sensorium seu sensus communis sedem determinata ratione devolvitur, hinc situs & figuræ ratione cum organis immutantur: ita ut non adeo absurdi sint, qui sensus cunctos externos, cum *Aristotele 2. de anima c. 3 ac 3. de anim. cap. 12. & 13.* diversas tactus species pronunciant, quarum discrimen a varietate tangentium & contactorum tantum emergat, & quemadmodum tactus per se sentit, cætera instrumenta seu sensoria tactu sentiant.

Sensuum externorum ratio formalis.

Neque tamen sensoria hæc ut meri canales concipi debent, sed eorum talis observatur conformatio ac apparatus, qui objectorum impulsus non tantum admittat, sed eosdem simul determinate modificet: adeo ut, nisi auris concha, tympano, labyrintho &c. fuerit instructa, exciperet quidem aërem sonorum, non autem sonum, i. e. non sub illa modificatione, qua sonorus percipi posset. Et quid, quæso, inter cameram opticam ac vulgarem, vitro lenticulari munitam, ac illo destitutam, cujus paries posticus albus, & cujus niger, est discriminis? notabile sane, ac ratione cujus quidem radios lucis utraque harum admittit; optica tamen & commode adornata tantum reflexos ac refractos, & sub his species corporum exterius vagantium.

Sensoria externa modificant species.

Pariter nec oculus nec per hunc anima sensitiva videret, ut ut patens per pupillam ad nervum opticum radiis concederetur aditus; nisi mechanica hujus structura radios colligeret, refringeret ac ad retinæ fibrillas commode dirigeret: quorum in reliquis sensoriis eadem ratio est. Imo eadem organorum determinata conformatio ipsam recipiendi aptitudinem illis conciliare videtur, sine qua non reciperet objecti sapidi impulsus lingua, id est, nisi v. g. nerveis papillis gauderet, neque cutis tangibilia admitteret, si vel a frigore externo, aut callis a laboribus inductis, vel elephantiasi, fibræ ejus papillares solidescant, aut quacunque ratione tenerior eorum textura cœque corrumpatur, ut speciebus accessum intercludat.

Dum

PROGYMN.

XXII.

*Sub sensatione
spiritus non
omnimode re-
cedunt.*

Dum autem in spirituum motu quasi retrogrado, ab objectis impresso ac determinato, scilicet malitatem sensuum externorum suppono, non omnimodam eorum ab organi extremitate ad facultatis interioris usque sedem retrocellionem, i. e. talem, quæ illam nervosque capillares vacuos plane relinquat, concipio: prohibet enim hoc animæ sensitivæ ad organa usque necessaria extensio. Nec oculus, qui nigrum videt, posset simul recipere radios ab albedine corporis ejusdem reflexos eosque primo sensorio adferre, neque idem videret, simulque doleret; nec objectum idem, diutius aliquando sensorii nostri expositum, nisi primo contactus sui momento, illa eorumve spiritus commoveret; denique nec dolor in membri extremo excitatus propter dolorem superioris ejusdem membri partis sentiretur: quibus cunctis nihilominus experientia contradicit. Sed sufficit talis nervi ac hujus spirituum concussio, qua particula particulam commoveat, donec inde exagitatum sensorium commune impressionem objecti primam persentiscat, seu ex successione hac ejus impulsus percipiat, ut ut quælibet harum particularum sensitivarum in statione sua fere omnimode permaneat: per renitentiam scilicet illam, quam spiritibus cerebri motus imprimit, si non continuam, certe interpolatam, de qua superius dictum.

*Sensatio in ce-
rebro quomodo
fiat?*

Statim ac enim objecti impressio in sensorio excipitur, seu spiritus hujus ejusque nervorum agitationem illam ab extra impressam patiuntur, hi commoti alios, intra cerebri medullasam substantiam undulantes, successive quidem, sine sensibili tamen mora, exagitant: i. e. eo ipso dum, uti vulgo loquuntur, character seu species rei sensibilis intra organum excipitur, ad sensorium primum seu corpora striata, defertur, ubi altera & activa magis sensationis transeuntis pars, quam sensum communem vocant, supervenit, ejusdemque unam ab altera distinguat, non ut cerebro aut nervorum principio inhærentem, sed ut illi corporis parti, ubi prima impressio facta & unde illa spirituum successio cœpit, inexistentem. Neque incredibile est, quæcunque demum cerebri portio sensus communis organum concipiatur, huic diversos inexistere cancellos seu tractus, neque eandem viam insistere spiritus ab oculis cum iis, qui ab auribus appellant: ita ut eorum alii percellantur, dum reliqui quiescunt, ne diversorum ab organis diversis impulsus adeo facile confundantur.

*Spiritus sen-
sorii non diffe-
runt.*

Minime tamen ideo spiritus hi sensorii diversi generis atque texturæ concipi debent, & quasi sine contextus ejusmodi varietate, aut si ubique sibi similes forent, adeo diversas affectiones aut objectorum impressiones tam apte non exprimant. Quippe eo ipso, dum totius spirituum anima-

lium

lum tystaseos officina eadem ac uniformis est, fibrillæ etiam cerebri me-
 dullares, pariter ac nervi ipsi extra cerebrum sine dubio varie implicantur
 atque inosculantur: animam sensitivam in tot, quot ejus functiones seu
 sensus, portiones, textura intrinseca distinctas, dirimere vix conveniet, &
 sine disparitate ejus influentiarum ad organa diversa hæc species objectorum
 diversas, singulis appropriatas, recipere ac sub distinctis ideis communi
 sensorio exhibere valent, quod easdem, ut oblatas, non aliter admittit,
 percipit ac cognoscit. Id est, una eademque anima, simplex atque uni-
 formis, videt per oculum, gustat per linguam, tangit per cutem, pariter
 ac unus idemque opifex pluribus instrumentis utitur, terebra nihilominus
 non dolat, sed terebrat, ferra non percutit, sed secatur &c. neque adeo inepta
 est comparatio ejusdem analogia cum polypo, quo Stoici olim delectaban-
 tur, & per quam ejus caput resideat in cerebro, crura vero per nervos ad
 organa sensuum exporrecta impressiones objectorum excipiant, ac ad cen-
 trum sui devchant.

Quoniam autem, uti monui, sensus externus, animalibus perfectiori-
 bus primario a natura conceditur, ut res sibi consonas ac dissonas digno-
 scent, & quidem secundum cunctas illarum circumstantias & conditiones,
 hæc vero varii generis observantur: omnes has per unum sensorium ac re-
 strictam adeo facultatem percipere haud poterant, & per consequens pluri-
 bus sensibus atque organis indigebant, quorum quinque vulgo numerantur,
 eorumque appellationes existunt notissimæ. Nolo ac nequeo his sextum
 vel plures addere, quinarium tamen illorum numerum nondum ita assertum
 vel confirmatum observo, quin ambigendi de eo locus amplius relinquatur.

Ajunt, tot, & non plura, nec in nobis nec in cæteris animalibus, reperiri
 organa sensoria: E. nec plures sensus. Cujus argumenti antecedens quamvis
 in nobis pro certo admitterem, qui nullam aliam præter quinque illas nos
 exercere sensationem observamus, aut potius ex præjudicio hausto per-
 svademus, hinc de alio organo vix somniamus, multo minus investigando
 solliciti sumus: dum nihilominus quæ ad nos aliaque animalia indifferenter
 se habent, ac de quorum existentia vix cogitamus, ab aliis accuratissime
 dignoscuntur, sive sub congruitatis, sive incongruitatis, idea; a vero non
 adeo alienum videtur, quibusdam animalibus sensum insuper ac sen-
 sorium contigisse, nobis ignotum, & quo nosmet ipsi cum reliquis
 destituimur. Pergunt, totidem sensus externos animali sufficere,
 adeoque plures supervacaneos fore: quatenus non totius universi,
 sed illarum tantum hujus partium, intra quarum activitatis sphaeras col-

PROGTMN.
XXII.

locamur, & a quarum diversa habitudine conservatio ac interitus no-
ster dependet, dignoscendarum gratia nobis sensus Creator dedisset:
Ast denuo dubito, nonne animalia, aliam atmosphæram incolentia, v. g. aves,
aut cryptas subterraneas quærentia, plus aut aliud quid sensationis habeant,
alioque insuper organo gaudeant, quo aëris mutationes, it. annonas nobis
futuras, persentiscant, & contra harum damna ac molestias se defendant, v. g.
frumenta congerendo, loca altiora conscendendo, regiones ac plagas mutan-
do &c. Præterea de nobismet ipsis præter *Platonem*, qui Refrigerationes,
calefactiones, dolores, voluptates &c. inter sensus refert, ipse *Aristoteles 2. de
anima cap. 11.* prolixè hæsitat, annon plures nobis tactus insint, seu potius am-
bigere jubet, anne caloris & frigoris perceptio peculiaris a tactu sensus exi-
stat? neque ipse, vel alius Philosophorum ejus dubitandi rationem suffi-
cienter declinare potuit. Adeoque forsitan vix adeo paradoxum moxque
sannis excipiendum videtur illorum dogma, qui quinarium & canonicum hæ-
ctenus sensuum numerum Caloris & Frigoris sensu augment. Recte equidem
Sensus caloris & frigoris bi-
detur a tactu
disersus. *Sylvius* confusionis illius cum tactu hanc rationem censet, quod non diverso
ac distincto sed eodem, utatur uterque hic sensus organo, sc. cute: verum eo
ipso, dum cutis vim suam tangendi a papillis certis nerveis sortitur, adeo-
que sola asperum & læve, durum ac molle percipit, plures autem insimul cor-
poris partes, cute ac nerveis illis eminentiis destitutæ, caloris ac frigoris im-
pressiones recipiunt, primum harum qualitatum sensus organum aliud, ac
tactus, suspicari convenit. Et quemadmodum gustus ac tactus in eadem lin-
gua simul reperiuntur, nec tamen ideo unus sensus sunt, quatenus, si simul ad
diversum apparatus attendatur, qui in eodem organo diversis objectis perci-
piendis inservit, bini sensus in hoc fieri possunt: ita quia instrumento proxi-
mo ac primario differunt, tactus & caloris frigorisve perceptio distinctos et-
iam hos sensus appellare decet, imprimis si, ut hic fit, qualitates sensibiles ge-
nere diversæ sint.

Nec denique motus, quinarium hunc numerum eliciendi, usualis ali-
quid ponderis habet, dum ita colligunt. Rerum, quæ nos lædere ac juvare
possunt, alias nobis esse propinquiores, alias remotiores: quarum illæ ha-
rumque habitudines, nempe motus, figura, magnitudo, soliditas, frigus, ca-
lor &c. tactu, gustatu ac odoratu perciperentur, dissitarum vero, sonos ac co-
lores auditus & visus persentisceret. Mera siquidem postulata sunt, an mo-
tus, figura, magnitudo objectorum tantum propinquiorum, annon remotio-
rum quoque, conditiones sint, hinc annon visus potius, objecta adæquata exi-
stant? An oculus longinqua tantum, non propinquiora quoque, cernat?
An odores saltem remotiores, an non vicinorum quoque corporum, nares
feriant?

feriant? ac tandem, an omnium qualitatuum sensibilibum sufficiens facta fuerit enumeratio? PROGYMN. XXIII.

PROGYMNASMA XXIII.

DE

TACTV.

Qui ultimus ac ignobilior sensus, Tactus, ut plurimum creditur, eo, quod non, nisi objecta propinquiora, percipiat, ejusque objecta omnium crassiora ac compactiora existant, hoc est materiæ valde & profundius immerla Tactus sensuum externarum primus. natura gaudeant: eum omnium primo explicare non displicebit, nec reliquorum sensuum nobilitati præjudicabit. Locum ipsi hunc conciliant diversa, & inter hæc summa ipsius necessitas, ut sine eo animal non foret animal, i. e. non sentiret: adeo ut quamvis unum vel alterum sensuum in animalibus nonnullis deficere contingat, nullum tamen eorum, observante *Aristotele 3. de anima cap. 12.* sine tactu deprehendatur, & insecta, cochleæ, ostreae similiaque stupidissima sensu hoc pollere videntur. Atque hoc quidem ita fieri debebat, cum ad conservationem ac tutelam animalis is maxime necessarius sit, fluidorum ambientium aliorumque vicinorum habitudines dijudicans, & ad harum approximationem aut fugam ea determinans, ne illa repetam, quæ de alimentorum ac Veneris appetitu huc facientia in *progymn. præced.* dixi. Imo reliqui sensus externi per modum contactus exercentur, & hujus quædam species exquisitiores ac perfectiores sunt, ita ut, nisi sub tactus idea atque analogia, commode concipi aut explicari eorum natura nequeat, imprimis vero gustatus, animadvertente hoc eodem *Aristotele 2. de anim. cap. 3. ac 3. de anim. cap. 12.* Contra, tactus reliquorum sensuum ministerio haud indiget, i. e. dum sine tactu nullus illorum est, tactus sine cæteris peragitur, ac certius ex eo depromitur judicium, quam ex illis; neque infrequens, ut, ubi de reliquorum fide dubitamus, hunc fidissimum exploratorem ac supremum judicem postulemus, sicut colores tactu exploratos ac discretos *Dominus Boyle* testatur. De cætero latior quoque provincia huic sensui obtigit exin, ratione cujus pariter non exilis prærogativa ipsi præ cæteris competit, dum plurimum longe & tota natura distinctissimorum sensibilibum impressiones supra reliquos quatuor apprehendit ac dignoscit. Id est, quemadmodum visui sola lux seu colores, auditui solus sonus, olfactui odorum, gustatui saporum tantum species exponuntur, sic contra varii satis observantur corporum modi, ratione quorum solidum & fluidum, calidum ac frigidum, asperum ac læve appropriata tactus objecta putantur, eaque hujus discretioni sistuntur: cujus denique potentia non exilioris cujusdam organi limitibus se circumscribi patitur,

PROGTMN.
XXIII.

sed per totum habitum cutaneum diffunditur, quo ambientium impressiones mox undiquaque excipiat, ac sic quoque animali circumspēctus protector existat.

*Homo tactu
cuncta anima-
lia superat.*

Exactissimum sensum hunc homo habet, ita ut, secundum *Aristotelem* 2. de anim. cap. 9. dum in ceteris sensibus a reliquis animalibus valde superatur, tactu tamen ceteris longe excellentius percipiat: neque hoc assertum concutiet quæ de Aranea vulgo asserunt, quasi tactu nos superet, quatenus hoc in passu muscæ ac formicæ v. g. eandem forsan longe antecellunt, & sensus hujus vigor excellentior araneæ ideo tribuitur, quod sc. in telæ suæ medio residens, muscam hujus etiam extimæ circumferentiæ impēgisse & inhærescere sentiat. Quod nihilominus mirum videri haud debet, quatenus non tam muscam, quam motum, ex ejus implicatione emergentem, apprehendit animalculum hoc, id est non potest commoveri a musca irretita telæ extremum filamentum, quin aranea medio hujus insidens aut inhærens agitationem illam persentiscat. Homo contra, quia non unum sensus hujus objectum, sed plura, apprehendit, ac distinctius percipit, prærogativam hanc tangendi merito retinet, hincque eidem Aristoteli loco alleg. prudentissimum animalium pronuntiatur.

Sicut autem admiratione maxime dignum, cur & quomodo adeo varia & formaliter ac specie distincta objecta unicum sensorium afficiant, ita horum, quæ qualitates tactiles ideo vocant, ab aliis pauciora: dum quidam in solido & fluido, calido ac frigido acquiescunt, quidam illis humidum & siccum, durum & molle, asperum & leve, nonnulli grave insuper ac leve, imo alias corporum habitudines addunt, adeoque cum *Themistio* diversas tactus species formant.

*Solidum &
fluidum sunt
tactus obje-
ctum.*

Et quoad solidum atq; fluidum cum illud sit, cujus partes ita inter se cohærent, ut contactui corporis nostri resistent, quodq; non, nisi difficulter, in minora dirimitur; hoc vero observetur, cujus minima haud ita firmiter coaluerunt, ut ejusdem contactui resistent, sed mox & ad levem solidiorum contrectationem discontinuentur: nemini dubium fore puto, has corporum modificationes per se tangibiles ac proprias maxime dici posse, quarum tactus seu contactus organum primo ac per se, seu nullo interveniente alio sensu, afficiunt, nec ab ullo insuper sensorio, nisi forsan per accidens tantum, dignosci valent. Siquidem dum v. g. aërem & aquam fluidam, lignum solidum, judicamus corpora, ideo, quod per illum volucres, per hanc pisces, libere agitantur, hoc vero ad sustinendam ac includendam aquam commodum existat, nullo sensu hoc determinamus, sed ratione potius ex phænomenis illis colligimus.

Calidum

Calidum ac frigidum tactu solo & immediate seu per se nos deprehendere, eorumque præsentiam testari putamus: licet an pari modo, ac per eandem numero tangendi aut sentiendi potentiam, qua solidum v. g. & fluidum, asperum & læve determinamus, hoc contingat, non sine ratione alii hæsitent, ut in *proximo* monui *progymnasmate*. Primo enim quamvis potentia tangendi asperum ac vis calidum a frigido discernendi eodem utantur organo, dum utrumque horum cute exploramus: quia tamen aliud est objectum calidum seu calorem imprimens, ac solidum seu asperitatem præ se ferens, horumque formalitates intrinsecæ, seu modificationes specificæ, longe discrepant, prout per neotericorum æque ac veterum physicorum hypotheses facile probari posset, calidi ac frigidi perceptionem si non distinctum a tangibilium reliquorum dignotione sensum, certe peculiarem tactus speciem, pronunciare licebit. Deinde haud adeo mirandum, cur & quomodo tam varia & formaliter distincta objecta unum sensorium afficiant? cum hoc sc. cutem, non proprium sibi habeat calor & frigus perceptionis sui organum, sed quævis membrana, hinc colorum quoque tunica, item muscoli, glandulae &c. ab his qualitatibus similiter percellantur: hincque inferendum potius, cutem tangere per tegminis nervosi huiusque eminentiarum conformationem peculiarem ac determinatam, percipere nihilominus eandem cum omnibus suis partibus integrantibus caloris ac frigoris præsentiam, adeoque sensum hunc nullo peculiari apparatu indigere, sed omnibus partibus mollioribus æque solennem esse, utpote quarum fibræ, sub quacunque demum textura, diversas a calidi & frigidi propinquitate modificationes sustinent. Imo, quod conjecturam hanc non parum firmat, frigoris atque caloris perceptiones in animalibus perfectioribus æque ac imperfectioribus nonnullis maxime vigent, ut ut tangendi illa potentia, quæ asperum ac læve v. g. distinguit, hominem aliave sui generis haud antecellant, imo his inferiora, longe existant: aha econtra illas aeris vicissitudines parum curant, aut ab illis moventur. Ita aves anniverfariæ, v. g. hirundo, ciconia autumnni tempestatis seu auræ ingruentiam persentiscunt, cercopithecus latebram suam tempestive ac artificiose satis contra hyemis injurias munit, limaces cochleas suas tegmento singulari cooperiunt: sylvestria autem animalia pleraque & aves ceteræ vix aeris illas mutationes curant, quamvis tangendi alias potestate minus torpida polleant.

Asperitatem ac Lavitatem quoque, inter illos concretorum modos refero, qui tactu potissimum & immediate magis dignosci solent: quatenus illius formalitas in inæquali partium superficie corporum situ consistit, quæ

PROGTMN.
XXIII.

*Sensus caloris
& frigoris a
tactu differt.*

*Asperum &
læve pariter
tactu digno-
scuntur.*

PROGTMN.
XXIII.

rum aliæ emineant, aliæ deprimantur; v. g. in ferro rubigine obducto, lapidibus minus politis &c. Lævitatem vero de iis concretis prædicamus, quorum partes superficiales æqualem situm obtinent, nec earum aliæ aliis prominentiores vel depressiores sunt: v. g. de ferro & marmore polito. Hanc siquidem disparitatem palpando experimur ac apprehendimus, & quos cæcus ille, cujus ex relatione Finckii *Nobilissimus Boyle de Color. part. 1. c. 3.* meminit, tactu discernebat, colores per disparem superficiei asperitatem dignoscebat, ab hac enim textura varia, tanquam causa intrinseca, colorum disparitatem dependere, satis superque constat.

*Asperitas &
lævitas sæpe
haud sensibilis.*

Quas tamen qualitates, quia figuram superficiei concernunt, interdum oculis simul ac solum quoque distinguimus, & quod holosericum manus læve pronunciant, hujus superficiem oculi ex filamentis eminentibus horumque intervallis constare testantur: quamvis utrumque hoc sensorium interdum circa illas falli, & quæ oculis & manibus lævissima apparebunt, satis nihilominus scabra existeré, microscopiorum usus aliæque circumstantiæ evincant. Ita v. g. in acu acuminata & novaculæ politissimæ acie monstrosam asperitatem *Hookius microgr. obs. 1. & 2.* manifestavit, imo cuncta metalla, maxime polita ac lavigata, & inter hæc plumbum quoque, etsi compactissimum, in suis superficiibus fissuras, profunditates ac eminentias, uno verbo, asperitates enormes, oculo armato sistunt, ac semina, alias lævissima credita, v. g. papaveris, per microscopium satis asperum & foveis atque coliculis notabilibus instructum cernitur. Pariter nec vitrum maxime politum suis destitui superficiei inæqualitatibus, muscarum similiumve insectorum gressus, quibus latera hujus perpendiculariter conscendunt, nos credere jubent, utpote qui fieri non possent, nisi reperirent animalcula in vitro ejusmodi scabritiem ac inæqualitatem, quæ cruribus ipsorum firmamento essent. Imo quamvis etiam hæc superficiei asperitas sensus nostros, quocunque etiam adminiculo instructos lateat, dubitare tamen semper licebit, nihil ejus inæqualitatis subesse, eo quod hi ad omnes corporum affectiones & modificationes eruendas non sufficiant, quod facile probare possem, modo e re præsentè foret.

*Humidum &
siccum non
sunt tactus ob-
jectum.*

Quod autem humidum & siccum spectat, vix realem & absolutam quandam tactilium differentiam formant, ex quacunque demum hypothesi agas. Secundum Peripateticos enim humidum idem est, ac fluidum, & siccum idem, quod solidum: quatenus illud dicebant termino proprio haud contineri, optime tamen alieno, hoc vero per propriam suam compagem limites adæquatos sibi constituere, credebant; quod idem est, ac

fidi-

si dixissent, humidum seu fluidum contactui corporum externorum minime resistere, sed diffluere, siccum vero seu solidum duriorum quoque contactum ferre, & non, nisi majore conatu, discontinuari. Quam bene vel male interpretes Antesignanum suum hoc in passu explicarint, haud moneam, egit siquidem hoc inter alios *Gassendus* nervose satis: mihi sufficiat, evicisse, juxta Peripateticos fluidum & humidum, siccum & solidum non discrepare. Proprie tamen & philosophice magis loquendo, humiditas & siccitas modi tantum quidam mere relativi sunt, ut per illam talis concipiatur potentia, per quam alia corpora madefiunt, & per siccitatem, quæ non madefacit. Si ulterius quæras quid madefacere? in promptu est responso, per singularem fluiditatis suæ rationem ita subire corpora, ut hæc inde molliora ac flexibilia magis evadant, ita ut argentum vivum & ær siccior, fluida quidem, humida tamen non sint, quod non madefaciant, seu corporum solidiorum poris inhærescant: tametsi idem Mercurius forsan, auro plumbove combinatus, si hæc in amalgama redigat, eorum intuitu humidus ac humectans dici valeat, sitque aqua non madefaciens manus, metalla humectans nihilominus. Contra si aqua cum brassicæ foliis, resina, similibusve comparetur, quia poros horum non subit, humida vix poterit vocari, similiter ac oleum, quod chartam siccam humectat, aquam irroratam minus penetrat. Per consequens sub hoc sensu humiditas non erit hujus loci, eo, quod mollietates demum ab humectantibus introducta, non autem humidum seu humiditas, tangilibus annumerari queat: nec siccitas, sed ipsi combinata soliditas aut rigiditas, manus contrectantis afficiat.

Neque tamen mollia seu mollietates peculiarem tangibilium classem merebuntur, utpote de fluido & solido simul participans, & medio modo ad utrumque horum se habens, quamvis haud semper sub eadem proportionem: i. e. coagmentari videntur concreta mollia ex duplici particularum genere, quarum quædam magis quietæ, quædam mobiles magis sunt, ita ut posteriores priores simul aliquantum exagitent, aut ab extra commotæ per harum fluorem commodius adigantur. Durum autem, quia nullo modo a firmo seu solido differt, minime distinctum tactus objectum dici valebit, neque singularem hinc sibi fingeret *Themistius* tactus speciem.

Denique quod gravitatem & levitatem corporum attinet, sive harum formalitas ab inclinatione quadam intrinseca dependere, sive tendentiam diversam ab externo aliquo illa recipere; supponatur: neutiquam tamen pro vero & proprio tactus sensibili haberi possunt, i. e. tali, quod ab hoc primo & per se, aut solo, nulloque alio, sensorio, præter tactus organum, perci-

XXIII.

*Quid humidum & siccum.**Nec molle peculiarem tangibilium classem format.**Gravitas ac levitas non sunt objectum tactus.*

PROGTMN.
XXIII.

percipiatur. An levitas absoluta in rerum natura detur, non disputabo, multo minus prolixè, quid grave, quid leve, determinabo: eo ipso nihilominus, dum gravia pronunciamus, quibus ferendis aut levandis manus aut humeros nostros impares experimur, levia, quibus sine molestia sustinendis illi sufficiunt, comparatione facta inter corporum tendentiam deorsum versus majorem minoremve & musculorum nostrorum robur, non vero per sensorium tactus, gravia a levibus distinguimus. Adeoque manus lapidis non sentit gravitatem, ut talem, multo minus levitatem plumæ, sed illius saltem soliditatem aut asperitatem, hujus pariter flexibilitatem, rigiditatem, levitatem, ac scabritiem tantum percipit: per consequens nullum sensorium externum, sed ratio potius, rerum gravitatem ac levitatem metitur ac determinat. Præterea, dum sensibile per se tale modo unico sensui proprium, v. g. color visui, observatur; modo pluribus sensibus commune contingit, sc. quinque materiæ modi, figura, magnitudo, numerus, motus & quies: gravium ac levium tendentias inter hæc sensilium generaliora capita potius referre convenit, tanquam motus & quietis quasdam species.

In organo Tactus determinando, Veteres aut negligentes, aut titubantes admodum observamus, quemadmodum ipsemet *Philosophorum Princeps* de eodem satis ambigere videtur, dum 2. de anima cap. 11. dubitandi locum ait, *instrumentum tactus quidnam sit, utrum ipsa caro, & id, quod in cæteris simile est carni, an ita non sit, sed id quidem ipsum sit sensus hujusce medium, instrumentum autem ipsius primum aliud quoddam sit intus?* Et paulo post: *patet instrumenta jam dicta sensuum esse diversa, in tactu autem id ipsum nunc latet.* Item 1. de hist. animal. cap. 4. scribit, *Tactus itaque in parte corporis similari consistit, ut in carne, aut in aliqua ejusdem generis.* An omnimode organum latissimi hujus sensus ignorarit, ut *Casserio* videtur, non asseram: conqueri nihilominus mecum necesse habebunt, qui ejus scripta evolvere non erubescunt, sive carnem, sive aliquid intus sub carne, sive partem similem, illud concipiamus, generaliores eum tantum nobis suppetere notiones. Econtra latiores justo limites sensorio huic constituunt, qui cunctas partes, fibris nerveis instructas, sc. præter cutem membranas omnes, carnes musculorum & parenchymatum, tangere docent; a quibus parum admodum recedunt, qui membranis cunctis, & quicquid de membranæ textura participat, munus hoc demandant, attendentes, in nullo membro tactum celebrari, quod membranæ expers, membranis autem obvoluta singula qualitatum tangibilium vim persentiscere.

Temperare sibi magis videtur *Casseri* de *Tactus org.* c. 18. ubi illorum PROGTMN. opinionem veritati proximam esse ait, qui organum tactus id, quod carnosum & nervosum quid obtinet, statuerint, sc. cutem eamque membranam carnosam, seu ex carnis & membranæ materia genitam vult. Quatenus quicquid in corpore nostro sentit, per membranas hoc agat, ita tamen ut opus habeant hæ aliqua temperatura, a caliditate & humiditate item insensibilitate carnis petenda. Et profecto si pensitemus, ad quemlibet sensuum externorum absolvendum non perceptionem tantum objectorum confusam, sed talem ac accuratorem, per quam v. g. viride a rubro, triangulum a quadrangulo, dulce ab austero, asperum a lævi, discernatur, requiri: affectionem illam, qua pleura v. g. membrana epatis, musculorum fibræ a quocunque tangibili percelluntur, sensationem seu tactum haud vocare poterimus, eo quod per hanc qualitates tactiles a se invicem haud distinguantur. Hoc est, dolent potius & patiuntur membranæ hæ tantum rei durioris aut heterogeneæ, non tamen sub specie propria, sc. asperitatis, aut lævitatatis, incongruum appulsum: alias acrimonia humorum, sub idea, modo frigida aura, modo ferri aut carbonis igniti, in membraneas partes agens, vel quodvis externorum, inter qualitates tactiles, numerari deberet; quod absurdum.

A *Casseri* itaq; aliorumque, qui cutem solam adæquatam tactus organum Sed cutis. volunt, partibus stare malo, cum cuncta membra, cute obvoluta vim hanc tangendi exercere, involucro autem hoc destituta (nisi linguam excipere placeat) haud vere tangant, i. e. qualitates tactiles percipiant ac discernant. Nec falsam adeo mentem is Aristoteli affingit, qui eum per carnem aut carni simile, quod tactus instrumentum suspicatur, cutem intellectam voluisse asserit: quatenus, dum dubitandi rationem mox subdit, ait: *si quis pellem circa carnem subtiliorem extenderit, deinde rem tactu percipiendam tetigerit, sensum statim similiter fieri, pateretamen, in illa pelle tactus instrumentum non esse.* Siquidem cum nulla corporis pars conspectui ita exponatur, ut pelli vel simili tegmine obvolvi possit, excepta cute: hujus carnem hic videtur innuisse. Quia tamen nec ipsemet sibi constat, invitum obtorto collo in hanc sententiam trahere nolo, sollicitus magis de illa cutis parte, quæ primum & immediatum tactus organum sit, & per quam potissimum aptitudinem tangendi habeat.

Videbatur hæc quibusdam substantia ejus membranæa, ideo, quod, quicquid in corpore sentiat, id per membranas hoc agat, v. g. ossa per periostium, muscoli per membranam propriam ac cerebrum & nervi per duram ac piam matrem. *Casseri*us, ut dictum, membranam ejus carnosam huic negotio ad-

*Non tamen
hujus nervo-
rum substantia
medullaris.*

PROGYMN.
XXIII.

æquatam credit, *Molinettus* in *dissert. anatom. pathol.* molliori seu medulloſæ nervi ſubſtantiæ munus hoc confert: aptiores tamen forſan ipſi erunt papillulæ nerveæ, a *Nobiliffimo Malpighio* detectæ. Ratione tantum ſubſtantiæ nervorum, medullaris advertendum, illam utique tangibilem quorumvis differentias harumque impreſſiones admittere ac ſenſorio interno exponere: aſt quia hæc ratione indifferenter ad reliquas & cunctas ſe habet, adeoque non immediatum ac proprium organum, id eſt, quod a ſenſibili omnium primo ac a tangibili ſolum percellitur, ac ſub ſenſorii externi communis tantum titulo venditari debet.

Cutis ana-
tome.

Variant equidem in tegmine cutaneo deſcribendo Autores mire, dum eorum alii hoc partem corporis ſimilarem volunt, alii v.g. *Lindanus* & *van Horne*, ſubſtantiæ ipſius duplicem aſſerebant, exteriorem ſc. nerveam atque poroſam, interiorem carneam & veluti glandulis reſertam; qualem etiam ſuboleſciſſe videtur *Maſſa*, qui ejus internam laminam molliorem, externam durioſam, eſſe docet, quarum hanc ſpermaticam, illam glutinoſam, *Spigelius* pronunciat, ita quidem ut ratione hujus celerior vulneris cutanei conſolidatio contingat, illius vero difficulter, nec, niſi interveniente cicatrice. Quo tamen accuratius hujus ſenſorii fiat examen ex *Malpighio* huc referendum, primam cutis laminam conſtituere cuticulam, quæ eſt ejus pellicula exterior, tenuis, denſa tamen, quæ cutis ſubjacentis ſubſtantiæ cohæreſcit, & ubi perforata, per ſuos poros ſudoris vaſculorum orificia oſtendit. Quæ ſublata reticulare quoddam deprehenditur corpus, ejusdem præter propter craſſitiei ac Linguae media tunica: intra cujus foramina ſeu areas. crebriora non tantum ſudoris continentur vaſcula, ſed per eaſdem papillulæ quoque cum illis a ſubjacente lamina emergunt, quæ ad cuticulam, terminantur. Sub hæc expansione cutis demum ſubſtantiæ fibroſa, ex arteriarum, venarum, nervorum ac tendinum extremitatibus contexta conſpicitur, quibus glandulæ miliares numeroſæ, vaſis ſuis excretoriis, ſeu ſudoriferis, donatæ, denſiſſimæ interponuntur, cum pyramidalibus papillulis, nervis continuis, & cum ſudoris vaſculis ad cuticulam exurgentibus.

Ejus papilla-
res eminen-
tiæ.

Corpuſcula hæc quemadmodum in cuticula in plures fibrillas abeunt; ita nervorum, cuti intertextorum, faſciculi fibroſi atque apices peculiari ratione contexti videntur, ut in brutorum nonnullorum labris & naricibus extremis, quibus objecta eadem contrèctare ſeu tactu explorare, obſervamus, apparet: in his ſiquidem papillæ hæc conſpectiores & copioſiores prominent, ſimul tamen ingentes nervorum faſciculi conſpiciuntur, a quibus corpuſcula illa

illa pyramidalia propagari probabile est, pari forsan ratione, ac papillis lin-
guæ gustantibus manifesta satis intercedit cum nervis continuatio. PROGTMN.
XXIII.

An hi nervorum apices sensorii peculiarem nanciscantur texturem, & qualem, vix determinari poterit: quamvis eo ipso, dum in cute aliud quid præstant, quam in reliquis partibus, & ex profundo ejus per reticulare illius tegmen emergunt, non improbable sit, aliter paulo, ac ipsos nervos, quorum propago sunt, & horum fibras medullares, nimis teneras, eos conformari; in quocunque demum mechanica hæc consistat. Neque tamen adeo mirum videri debet, quod nervorum extremitates sint: recipiunt enim cum linguæ eminentiis objectum immediate magis & per simplicem contactum, dum in oculo, v. g. non lux sibi relicta, sed modificata demum admittitur, & nervum ferit.

Per has autem papillulas pyramidales tactum imprimis celebrari, inde *Sunt tactus*
cum earum *Inventore primo* auguror, quod in organis, quæ tactu exquisitio-*primarium*
re pollent, numerosior & major illarum eminentiarum apparatus, v. g. in *organum.*
vola manus ac digitorum apicibus, minor vero, in reliquo corporis habitu, conspiciatur: unde *Cassorius* manus proprium, verum ac determinatum tactus organum, reliquas partes cute tectas, sibi tantum servientes, qualitates noxias fugiendas per illam dignoscere, ait, quamvis ejus rationes huc minus quadrent. Accedit, quod nervorum extremitatibus papillæ hæc immediate magis cohærescant, imo, ratione quidem figuræ externæ, non tamen ratione substantiæ, eas & linguæ eminentias gustantes intercedat disparitas. Quibus *Malpighius* addit, quod, cum tactus objecta, propter modum suæ substantiæ cuticulam penetrare hincque sensationem concitare nequeant, satius sit, credere, naturam appendices has papillares supra cutem elevasse, ut obvia seu appellentia attingerent horumque impetus experirentur. Ac denique nulla pars, sensu hoc destituta, illis gaudet: vel, cui hæc desunt, tactu pollet.

Modum tangendi quod concernit, repetenda huc sunt, quæ de sensatione in genere fuerunt præmonita. Sc. percelluntur papillaria illa corpuscula per contactum tangibilem, & ab horum ictibus, qui a varia illarum particularum superficialium figura, magnitudine atque impulsu prodeunt. Et pressio-*Modus tangendi.*
nis quædam species hic erit concipienda, ratione cujus aerem ordinarie nos ambientem tactu non percipimus, sed tunc demum, ubi ventis vel flabellis cuti impellitur: Imo hæc ipsa ratio doloris videtur, quod nimia fibrillarum illarum contingat pressio seu tensio, spirituum motum placidum notabiliter turbans. Ab objectis autem magis minusque tensæ fibræ harum
papil-

FROGIMN.
XXIII.

papillularum spirituum intra nervos, sibi continuos, undulationes multifariam immutant ac determinant, eosque ad primum usque sensorium concutiunt. Non enim contingere, id est levissime premere, potest objectum aliquod nervi extremitatem, quin spiritus ipsi inexistens simul quasi prematur, qui necessario trudit sibi proximum, usque dum per continuam horum seriem principium nervorum hujusque incolæ commoveantur, percipiatque sensus communis speciem organo impressam.

Mirabile est phænomenon, per experientiam nihilominus diversorum scriptorum atque Practicorum eousque confirmatum, ut nec illi, quibus hoc videre nunquam contigit, de ejus veritate dubitare queant: Sc. observatur, eos, quibus manus aut tibia amputata est, de acerrimo quandoque dolore in iisdem membris, quasi integra adhuc existerent, conqueri, ita quidem, ut contrarii vix convinci queant. Plura ejusmodi exempla ex Autoribus transcribere nolo, plurimum loco erit singulare illud, quod de nobili Delphinatus Galliæ Fœmina refert *Bremier, Abregé de la Philos. de Gassendi. tom. 6. lib. 2. cap. 1.* Sc. huic insciæ & sub prætextu applicandorum certorum remedium crurum alterum gangrænosum adeo dextre tantaque solertia amputatur, ut operationem illa non tantum non perentisceret, sed per octo & novem menses tibiam amissionem ne quidem suspicaretur aut observaret, fallente eam crure ligneo linteis involuto, quod quotidie inungebant, ac ut moris deligabant chirurgi. Postquam vero, cicatrice introducta, perditæ tibiam admoneretur, hæc, asseveravit, semper puncturas ac cruciatus acerbissimos per totum crus hujusque extirpatam pariter extremitatem sustinuisse, imo se tales adhuc sentire. Paulo aliter se habet, quod ego olim aliquando observavi in quodam, cui per infausam sclopeti majoris explosionem seu potius diffractionem manus maximam partem & eousque confringebatur ac abrumpebatur, ut quod connexionis ejus cum brachio residuum, Chirurgus refecaret. Hic enim miser a prima & sub lipothymiis facta deligatione manum sibi integram ac propter læsionem aliqualem linteis obvolutam credebat, donec subsequente die ac deligatione ejus excidium oculis iisdem usurparet ac deploraret.

Cur interdum
de membri am-
putati dolore
conquerantur
agri.

Quæritur E. quæ dolorifici, aut dolorosi potius, hujus phantasmatis ætiologia, seu quid sit, quod ex tibia aut manu amputata speciem molestam ac dolorificam sensorio communi adducat, continuitate inter illam & hoc omni intercepta aut sublata? Communis & a pluribus recepta sententia est, per potentiorum hoc contingere imaginationem, quæ dolorum atrociorum horumque impressionem non adeo facile oblivisci posset, eas-

que

que adeo frequenter & attente recolat, quasi ipsum membrum pathemate PROGYMN;
dolorifico affectum adhuc subellet ac molestam lædentis speciem revera XXIII.
reciperet cerebroque inferret. Verum cum aliud sit, dolorum pristinorum Non per phan-
reminisci, aliud eisdem adhuc actu sustinere, perinde ac discrepant, vinum tasiam.
bonum degustare, & aliquando ejus haustus recordari: hæc minus quadrant,
imprimis cum nulla unquam doloris a fractura, luxatione, arthritide, cal-
culo, distocia &c. vehementia adeo potens fuerit, quæ post sui evanescenti-
am talem impressionem in animo reliquerit, ratione cujus aliquis se pa-
roxysmo arthritico decumbere, fracturam sustinere, membrum dislocatum
gerere aut foemina partum eniti, sibi adeo firmiter persuadere posset, cui
præjudicio evertendo nulla sana ratio vel sensus sufficiat. Perseverat enim
ejusmodi hominum nonnullis ille dolor redditque insomnes noctes non
tantum, quamdiu fraus adhuc latet, sed postquam etiam detecta est: adeo-
que ratio facile hunc phantasiæ errorem emendaret, nisi continuus & novus
adforet impulsus, qui in sensu communi similem perceptionem concitaret.

Recentiores proin, & inter hos *le Grand. hist. nat. part. 9. art. 1.* ne-
gotium aliter aggrediuntur. Sc. supponunt, talem esse corporis nostri
constitutionem, qua nulla illius pars ab alia remotiore parte agitari queat,
quin pari ratione ab intermediis moveri possit, quamvis remotior tunc ni-
hil prorsus ad motum hunc conferat: simili fere modo, ac, qui funis unam
extremitatem trahat, simul alteram extremitatem moveat, quod idem fie-
ret, si priore extremitate relicta ac neglecta, una ab intermediis ejus par-
tibus tenderetur. Adeo, ut, dum miser ejusmodi dolorem articuli re-
scissi sentiret, hoc contingat, quod nervi a cerebro ad extremum v.g. pe-
dem olim descendentes, nunc vero prope genu terminos recipientes, ibi
eadem ratione moveantur, ac alias movebantur, in extremo pedis, ad sensum
hujus vel illius digiti dolentis animæ, in cerebro residenti, imprimendum. Ast
tota hæc explicatio probe succederet, modo, quid nervum eadem ratione in
genu moveat, addidissent: evincit hoc phænomenon, terminum omnium
sensationum ultimum in sensu communi ac cerebro esse, sicut nihilominus
in organo & apice nervorum harum motus inchoari, hæcque sensibilibus spe-
cies primo excipere palam est, disquirendum, E. remanet, quodnam hoc
movens sit, seu quid dolorem excitet? cui nec *le Grand*, nec alius, quos
mihi legere concessum, satisfecit.

Mallẽ itaque ab aliis perspicacioribus problematis hujus difficillimi *Sed a statu*
solutionem expectare, quam iisdem ineptiis meis glaucoma facere: nisi *nervorum ab*
in arduis aliquid conari, sequiore licet successu, veniam promitteret. Nem- *impressione*
prius re-

PROGYMN. XXIV. *percepto ex superioribus, retrorsum urgeri spiritus non tantum a sensoriis ab extra stimulis, sed a partium naturali quoque renitentia, siue hæc ipsis intrinsicæ sit, siue a fluido ambiente contingat, adeoque ex membro quoque mutilato: & ex hoc forsân impetuosius illi remeant, quod illorum congeries nunc tanta, quanta olim corpori mutilato superflua ac minus proportionata existat, membrisque totum longitudinis tractum emetiri nequeant, perinde ac post eandem membrorum extirpationem a sanguinis congestione & disproportione alvi similiaque sanguinolenta profluvia fieri, experientia docet. Advehere autem videntur spiritus hi exagitati cerebro ideam seu speciem sensationis pristinam & molestatam, quod nervorum detruncatorum extremitates adhuc forsân in illo statu, tensionis, contractionis &c. sint, ad quem per undulationem ab extremitate membri dolorificam, pristinam ac retrogradam redactæ: adeoque, quamdiu in hoc permanent, haud alium motum, nisi dolorificum, & quem sibi olim impressum receperant, per partes sui superiores usque ad primum sensorium, communicant.*

PROGYMNASMA XXIV.

DE

GUSTATV.

Gustu nos gaudere, juxta *Aristotelem 2. de anima cap. 9.* exactiore, quam olfactu, partim ex illis, quæ de olfactu mox subsequenter dicenda, constabit, partim exinde elucescit, quod, quorum objectorum rationem reliqua animalia olfactu solo explorant, nos gustatu insimul ac potius, dijudicemus: & quidem ideo, quod quamvis omnes sensus tactus quædam species videantur, & sine tactu nullus eorum contingat, magis tamen de Gustu hoc dici mereatur. Utpote qui tantam cum illo affinitatem habet, ut a quibusdam invicem vix distinguantur, & in specie, quod alias in genere de cunctis sensibus asseruerat, de Gustu repetit idem *Aristoteles 2. de anima cap. 3.* dicens, *unum quid est eorum Sapor, quæ tactu percipiuntur*, ac *3. de anima cap. 12.* eam tactus speciem nuncupando: quatenus res sapida æque ac tangibilis organo suo immediate admovetur, imo illa hoc altius subit. Magna nihilominus inter olfactum & gustatum quoque deprehenditur conformitas, quatenus rerum, quæ gustari debent, & quarum salubritatem ac noxam gustu disquirere decebat, primus velut explorator ille existit, ne temere noxia degustemus, & vini v. g. qualem generositatem lingua sibi pro-

mit-

mittere debeat, mox odor prænunciat; ita ut hujus gratia illum naturam PROGTMN. concessisse, non adeo improbabile sit.

XXIV.

An juxta eundem *Philosophum* exquisito magis polleat gustu homo, præ reliquis animalibus, an juxta vulgaris potius traditionis distichon,

An homo perfectissimo gustu polleat?

*Nos Aper auditu, Linx visu, Simia gustu,
Vultur odoratu, præcedit Aranea tactu.*

Simia nos ac cætera antecellat? vix absolute pronunciare licet. Quamvis enim illius argumentum non omni destituatur probabilitate, quod sc. homo tactu aliis animalibus superior, gustus vero tactus species sit: quia nihilominus a vero non alienum, quodlibet animal tantum gustandi aptitudinis possidere, quantum rebus, quas offendit, explorandis sufficit, & hominis sapores dignoscendi potentia non parum forsitan per ejus intemperantiam depravatur, ut sibi salubria ab insalubribus haud discernat, sed sine discrimine improvide satis illa ingurgitet, hanc prærogativam ipsemet sibi dubiam reddere videtur.

Eo ipso autem, dum Gustatus non illam tantum voluptatem parit, quæ *Vsus gustatus* salivam movendo animalia ad alimentorum assumptionem compellit, aut *ad esse animalis* allicit, sed per illum ipsum sensum eadem assumendorum congruitatem ac incongruitatem, i. e. victum nutrientem seu salubrem ac suavem a pravis & ingratis ferculis, distinguunt, hæcque proin respuunt, illa ingerunt: a gustu animalium nutritionem moderari, seu certa ratione dependere, probabile fit, hincque eundem primariam maxime linguæ functionem pronunciare convenit, utpote quæ animali necessaria & ad conservationem ejus simpliciter magis facit. Facit E. gustus non modo ad voluptatem, qua ad assumenda hæc vel illa allicimur, a quibus ablato voluptatis sensu abstineremus: sed, quod potissimum, propterea imprimis necessarius est, quod eo deficiente animalia quævis cibaria indifferenter assumerent, & sic veneno sæpe loco alimenti ad sui interitum, fruerentur.

Objectum hujus sensus proximum & adæquatum sapor communiter dictum, *Aristoreli* gustabilis nomine venit. Quod ipsius assertum eo lubentius approbo, cum sapor, animadvertente etiam *Casserio de Lingua gust. org.* ut ens absolutum & qualitas a re ipsa distincta non existat, sed impressio saltem sapidi determinata, a materiæ mixti peculiari textura ac motu, seu modificatione ejus, emanans: ratione cujus gustabile illud omne sit, quod per sui certam dispositionem organo habili determinatas imprimat passiones, quæ sub illius & nervorum directione in cerebro perceptionem movent, quam gustum appellamus.

Quid sit sapor?

Pariter

FROGMN.

XXIV.

*Saporis notio
duo significat.*

Pariter enim & melioris doctrinæ gratia hic quoque supponendum, saporis notione modo habitudinem saporiferam denotari, qua v. g. alimenta aut quævis linguam primario afficientia gaudent, & per quam illam afficiunt, ratione cuius non tantum sapidum ab insipido, sed amarum quoque a dulci, austero &c. discrepat: modo alterationem illam, quam, dum, gustabilia linguæ applicamus. patimur & persentiscimus. Ita ut prior illa & intrinseca sapidorum habitudo objectum hujus sensationis, constituat, utpote omnibus sapidis communis modificatio: afficiendi autem & percellendi modus neutiquam, utpote de quo conceptum generalem formare, cumque definitione adæquata circumscribere haud licet. Non enim, nisi per experientiam ejus particularem dignotionem assequimur, ita ut, quamvis hujus formalitas satis communis existat, & quod uni aut alteri sapidum aut gratum apparet, a paucis forsitan, si ab ullis, insipidum & minus suave pronunciatur, quia nihilominus haud omnes æque, propter disparem sensorii dispositionem aut præconceptam opinionem, semper eandem saporum ideam percipiunt: quamvis eadem sapida delibent, & quæ huic salivam, alteri nauseam, movent, imo quibus aliquando cum magna voluptate fruimur, illa postmodum fastidimus, aut ut insipida respuimus; vix aliquam, eamque mutilam satis & fallacem perceptionis hujus cognitionem nobis comparabimus.

*Sapor non est
ab elementis
peripatheticis.*

Intrinseca autem illa saporis in genere formalitas seu sapidorum natura, in quo consistat, res obscura semper visa fuit, cum illam a solo quodam principio hypostatico, tanquam elemento, plures hactenus derivarint. Peripathetici siquidem ignis existentis majorem minoremve potentiam hoc volebant, quos tamen *Scaliger exerc. 297. sect. 4.* & *Grillus* in peculiari scriptulo, quod *de Sapore amaro & dulci* edidit, refutant: Et vel ex hoc solo illorum hypothesis destruetur quod elementa ipsa ex eorum sententia insipida sint, adeoque ex illorum qualitatibus & mixturis saporis proficisci vix queant, cum juxta eosdem *Quicquid aliquid non habet, alteri dare non possit.* Chymici E. per salia horum naturam explicabant, primum sapidum sal esse, & a variis salium generibus varios saporis prodire docebant; quibus *Magnanus* subscribit, saporem nihil aliud, quam salis actionem, asserens. Quod quidem assertum non adeo improbabile esse, inde colligitur, dum corpora cuncta, alia sapidissima, si iis sal intrinsecum tollatur, cum hoc saporem omnem perdunt, hujusque tantillum quidem linguæ imprimunt: sapida vero redduntur eadem, si sal ipsis addatur, ut vel coquorum experientia nos docere potest.

Nec a sale simpliciter.

Circa quæ tamen monendum *primo* plurima dari concreta, sale turgentia, quæ nihilominus aut plane insipida, aut certe sapore notabili vix prædita

dita sunt, v. g. Cornu Cervi, mandibulas lucii piscis &c. *Secundo* negari PROGYMN.
XXIV. equidem haud potest, salia cuncta exquisitissimo & penetrantissimo sapore gaudere, & ex diversa horum miscela alias illorum species emergere, v. g. ex acido & alcali falsum: quia tamen præter hæc duo salia nulla alia observantur, nec saporibus infinitis determinandis sufficient. *Nec tertio* ex commixtione alcali & acidi falsus semper sapor oritur, v. g. dum ex spiritu nitri acidissimo ac rodente cum alcali proprio aut cineribus clavellatis nitrum verum, falsedinis & corrosionis maxime experts & levissimi amatoris conflatur. Imo *Summus hujus Seculi Philosophus*, Boyle, de orig. formar. & qual. alium quoque ex ejusmodi salium miscela contingere posse saporem perhibet, & salis cujusdam dulcissimi, ex liquore admodum acido & alcalico, sine alterius cujusdam insipidi admiscela, confectionem testatur, cujus forsan generis est solutio sacchari Saturni cum spiritu salis armoniaci præcipitata, mixturam plane insipidam constituens.

Hinc probabile videtur, salinas quidem particulas in concretis saporum causas existere, per rationes modo adductas: non tamen quomodocunque se habentes, sed magnitudine, figura & motu determinatas ac modificatas. Eo ipso enim dum potentiam saporiferam mixto propriam dixi, id est, saporis nomine actionem vel motum corporis, quo lingua modo adstringitur, modo laxatur, modo pungitur, indigitavi, non ab hujus uno alterove principio activo, sed peculiari etiam illorum cum passivis concursu ac combinatione, seu a tota concreti textura, & habitudine ad salinam substantiam, hæc potentia derivari debet: quatenus mechanica testatur, non pro sapidorum & activorum tantum diversorum vario concursu, sed pro horum etiam cum insipidis combinatione varia, saporibus sensibilibus exaltari, deprimi ac immutari.

Eo salinarum quidem molecularum, non cum sapidis tantum, sed cum insipidis quoque, variam implicationem ad producendos ac alterandos Sed modificato. saporibus multum facere, diversa, ab eodem Boyle de mechanico saporum orig. allegata experimenta evincunt: quatenus v. g. solutio argenti amarissima cum muria præcipitata, hincque in igne fusa, lunam corneam insipidam, & saccharum Saturni cum spiritu salis armoniaci præcipitatum omni pariter sapore notabili destitutam massam post se relinquunt, econtra Zincum & Stannum insipida cum spiritibus acidis, imo Zincum cum urinosis quoque, soluta variorum saporum phænomena ac decomposita evadunt. Pariter acida terreis affusa cum his austeritatem ponticam, cum minio vero vel cerussa saccharinam dulcedinem, ac cum argento amaritatem felleam induunt: quorum

PROGMN.
XXIV.

quorum tamen hæc per destillationem denuo in stigma pristinae aciditatis & substantiam metallicam inspidam redigere licet:

Motus præterea particularum harum saporibus varios producere, exaltare atque immutare, probabile fit, partim quod calida vulgo appellata, v. g. aromata, id est, quorum particulae in motu constitutae, frigidis sapidiora observentur: partim ex saporum mutatione, quæ motus corporum intestinos, sc. maturativos, fermentativos ac putrefactivos sequi solet, quorum vi particulae saporiferæ varie atque insensibiliter sibi atteruntur, attenuantur sicque modo pungentes, modo secantes, modo flexiles magis redduntur, adeoque interdum ad dulcedinem suavissimam, interdum ad aciditatem gratam &c. concreta evehuntur. Imo hujus loci etiam videtur destillatio, dum v. g. nitri prismatice atque sexangulares particulae, quæ pro lingua penetranda atque afficienda justo obtusiores sunt, ignis vehementia finduntur ac franguntur, hinc angulos acutos magis recipiunt, ut sub stigmatis ac ore linguam promptius subeant & potentius feriant. Ita ut exinde etiam hoc concludendum veniat, quædam corpora insipida existere, non quod figura, quæ palatum afficere apta, destituantur, sed quod adæquatam non habeant exilitatem, qua linguæ poros subintrare queant. Spectat huc alimentorum elixatio atque assatio, quæ particularum sapidarum figuram atque molem pariter varie immutare solent: hinc eorum saporibus modo intendunt, modo destruunt ac immutant.

*Humiditas
salibalis re-
quiritur ad sa-
porum digno-
tionem,*

Eo ipso interim, dum substantiam salinam modificatam saporibus causam assero, annotandum, quemadmodum nulla salia agunt, nisi dissolvantur, ita salium quoque saporiferorum solutionem, ut in organum agere & in hoc perceptionem illam, quam gustum vocant, excitare possint illa, maxime necessarium esse, & quidem quam humidum aqueum præstat. Hinc etiam factum videtur, ut subjectum saporibus quibusdam credita fuerint corpora humidissima, aut certe humectata, & illa, quæ absolute solida & sicciora sunt, nec se humectari patiuntur, insipida plane observantur, v. g. lapides, vitrum metalla &c. eo, quod substantia eorum minus divisibilis & in tam exiguas particulas redigibilis aut dissolubilis haud sit, ut organi gustus adæquati porulos penetrare valeat, utpote quod solis salibus proprium est. Ex gustabilibus itaque salivalis humiditas salsedinem hancapidam evocat atque imbibit, illa etiam si solidioris texturæ fuerint, hinc humiditatem ad intima sui non admittant, dentibus prius confringuntur ac atteruntur: qua ratione sal suum sapidum promptius dimittunt & salivæ concedunt. Hinc fluidorum & ad salis purioris naturam propius accedentium saporibus primo statim instrumenti contactui

tactui patent, esculenta vero aliaque solidiora, v. g. aromata, utut acerrima maximeque sapida, non, nisi masticata & in ore probe volutata eosdem illi imprimunt. PROGTMN. XXIV.

Ac pro salivalis hujus humiditatis diverso affluxu & conditione fit, ut res modo sapida, modo insipida, modo peregrini saporis compareat. Quatenus quorum fauces ac lingua exsuccæ existunt, insipida pleraque deprehendunt, es schmeckt / wie ein Stück Holz; cum sine salivali humiditate gustabilium substantia sapida solvi & elixivari nequeat: quale quid, quibus lingua nimia humiditate perfunditur, pariter evenit; hæc enim tantillum sapidi nimis diluit, ejusque particulas præter modum discontinuat. Pariter si saliva ab humore sapido imbuatur, v. g. sanguine, bile in ictero &c. eadem heterogeneo hoc tincta, ad imbibendas particulas sapidas inepta redditur, aut easdem notabiliter depravat, atque adulteratas sensorio suppeditat: unde in ictero cuncta amaricant, quamvis de acidis, ejusmodi agris propinatis, observarim, falsedine potius molesta, sine dubio, per certum cum particulis biliosi humoris congressum ac connubium, linguam afficere.

Qua vi autem salia hoc præstent, id est, qua ratione demum organum afficiant, a priori vix explicari posse videtur. Licet enim harum figurarum diversitate potissimos acquiescere deprehendamus, ab hypothese nihilominus hac, hætenus satis trita, me recedere jubet certum phenomenon, quo mihi persuadere cogor. salium naturam intrinsecam, hinc saporis quoque, immutari, ut ut figuram pristinam extrinsecam retineant illa. Sc. si a sale communi spiritus nitri aliquoties cohibetur, hic aliquid salis illius deradit, tantum vero suæ substantiæ illi concedit, quantum ipsi pro sapore penetrante, leviter amaricante atque refrigerationis sensu item inflammabilitate similibusque Nitri veri conditionibus necessarium: hoc tamen sal in aqua solutum & post evaporationem proportionatam neutiquam in stirias sexangulares & nitriformes, sed in sal cubicum & sali marino simile, crystallisatione congelatur, adcoque nitrum ratione materiæ evasit, figuram ejus utut detrectet, & pristinam retineat. Ita ut concludendum veniat, sapidorum afficiendi aptitudinem non tantum a salium diversa figura, sed ab horum quoque insimul varia magnitudine & motu emergere, sicque in sensorium nostrum agere seu speciem saporishuic imprimere.

Hoc omnium consensu Lingua est, corpus ex diversis partibus coagmentatum, quippe præter fibras carneas variæ tendentiæ atque tractus, ratione quarum musculorum plurium invicem coëuntium contextus ac commixtio videtur, in illa duplex, aut secundum alios triplex, observandum involucrum. Linguae partes.

PROGTMN.
XXIV.

Quorum inferius, musculosam linguæ compagem immediate obvolvens ratione substantiæ corpus nerveum, ratione vero figuræ seu eminentiolarum infinitarum, exin prorumpentium, papillare primis suis Inventoribus audit. Hujus superficies siquidem exterior inæqualis & aspera est, quatenus imprimis in hac radices figunt certæ papillulæ, interior vero non per contiguitatem tantum aliqualem substantiæ linguæ fibrosæ jungitur, sed ratione propaginum nervosarum, ex quibus maximam partem contexta est hæc expansio, ipsi satis valide connectitur, ita ut difficulter & vix absque alterutrius laceratione a se invicem separari queant. Assurgunt ex hoc eminentiæ quædam capitata, quas fungis, plaustrorum clavis aut cornubus limacum emissilibus & conductilibus comparant, & quidem sine ordine certo dispositæ, nisi ut earum plures circa apicem linguæ & hujus latera, pauciores circa basin & in summitate ejus conspiciantur, inferior autem & frænulum spectans superficies a fungulis his immunis & glabra appareat. An horum corpusculorum capitula foraminulenta seu poris manifestioribus prædita sint, alii negant, alii affirmant, uno verbo, vix ulla oculorum acie sufficienter dignosci potest, licet meatulorum vestigia microscopio instructus in illis aliquoties viderim. Perforant exterius linguæ involucrum & ad superficiem illius eminent, ita ut oculis mox compareant, recipiant tamen tunicam ab illius strato exteriore, quod cuticula simile ajunt: radicibus vero suis non tantum tegmini illi nerveo, sed nervis ipsis, hoc maximam partem constituentibus, ac per linguæ substantiam dispersis, papillæ hæc continuæ existunt, seu nervosarum fibrarum fasciculi videntur. Quippe circa linguæ apicem, qui nervis multis gaudet, numerosiores cernuntur, ut modo innui, eadem, neque ad detractionem involucri linguæ exterioris evelluntur: imo nervorum propagines a fibrosa hujus substantia hinc inde liberatas in corpuscula hæc revera abire, hinc deprehendi, quod hamulo suspensus leviterque retractus nervulus papillam sibi viciniorum intra involucri exterioris capsulam profunde satis adduxerit, adeoque continuationem sui cum illa satis evidentem monstravit.

*Quæ lingue
pars prima-
rium gustus
organum?*

Quæ E. harum partium organum primum & proprium gustatricis facultatis existat, disquirendum. *Vullesio* siquidem, *Laurentio* ac *Spigelio* annuere vix decet, involucri membranaceum hoc suspicantibus: neque *Piccolhomino*, *Casserio*, *Sennerto* ac *Molinetto*, spongiosa linguæ carni idem munus deferentibus; multo minus *Fernelio*, *Cartesio* & *Willisio* nervos horumque fibras per illius compagem copiosius dispersas immediatum sensationis hujus organum pronuntiantibus; nec denum *Wharioni* admitti potest dogma, quo tonsillis & harum expansioni glandulosæ, linguam obvol-

venti,

venti, negotium illud tribuit: utpote quos omnes *Bellinus* pariter ac *Mal-* PROGTMN.
pighius errorum solidissime convicerunt, cum *Fracassato* autem papillulas XXIV.
 seu eminentiolas illas nerveas in recensitarum partium locum surrogarunt, *Papilla ner-*
 nec sine ratione. Quatenus (1.) corpuscula hæc peculiari structura gaudent, *scæ.*
 adeoque ratione hujus & quoad faciem externam a papillulis cutis tangen-
 tibus recedunt, dum hæc pyramidales, linguæ vero capitatae, cernuntur. Ac-
 cedit (2.) quod corpuscula hæc cum nervis immediate communicent: (3.)
 in illis linguæ regionibus, quæ papillas has numerosiores gerunt, v. g. in
 apice, sapida melius dignoscantur, quam in reliquis, quæ paucioribus aut
 nullis gaudent: Has siquidem papillulas porosas harumque substantiam me-
 dullarem saporiferum liquamen immediate magis contingit, hujusque spi-
 ritus impressione sua exagitat, id est, perceptionem illam, quam gustum
 vocant, excitat: fibras modo constringendo, si acerbum & austerum illud
 fuerit, modo laxando, si dulce, modo pungendo, si acidum extiterit.
 Videtur autem hoc præ tactu peculiare habere hic, quod res sapida lin-
 guam profundius longe subeat, quam tactilis qualitas quodvis membrum,
 hinc subita & interdum momentanea fere spirituum refectio seu excitatio a
 vini vel alterius sapidi maxime libamine observetur.

Juvat impressionem hanc notabiliter motus linguæ, qui nerveis his
 canaliculis salivam sale sapido imprægnatam fortius impellit: ita quidem
 ut, si saporum conditiones accuratius attendere & dignoscere velimus,
 objecta linguæ applicata ore tantisper volutemus, donec sufficienter evo-
 luta atque impulsa hæc fuerint. Imo facit etiam hæc gustabilium agitatio,
 ut non in unam aut alteram tantum, sed plures harum, papillarum illa
 adigantur, hincque pluribus locis plus sapidi imprimatur: ne commemo-
 rem hac ipsa oris commotione salivam commodius exprimi & ad elicien-
 dam potentiam saporiferam adduci.

Mechanicum hoc in passu quoque natura imitatur, id est, in substan-
 tiæ lapidæ eductione. Quemadmodum enim ille concretum extrahendum
 primo contundit aut conquassat, hinc aquam simileve menstruum affundit,
 massam aliquantulum agitatur ejusque solidiores particulas frequenter com-
 primit, pro extractione substantiæ solubilis commodius evocanda: pari mo-
 do masticatione non tantum in ore comminuuntur sapida solidiora, sed
 per eandem saliva illis penitus impingitur, horumque vis exprimitur, quæ
 cum saliva, quam imbuerat, porosam illam linguæ papillarum substanti-
 am penetrat, perinde, ac vasa porosiora, v. g. lignea, solutiones illas me-
 chanicas harumque eductum saporem denuo absorbent.

PROGYMN.

XXIV.

*Fauces ac œso-
phagus nullam
vim gustandi
habent.*

Sunt nihilominus, qui linguam non solidarie munus hoc gerere, autumant, eorumque alii infimul palatum, alii fauces & œsophagum cum ipso orificio ventriculi sinistro in auxilium vocant, utrique vero ad rationem atque experientiam provocant, asserentes (1.) patres has nervis communibus gaudere, (2.) palato res sapidas applicatas degustari aut certe sapores non a lingua sola, nisi palato impressa & quasi affricta, percipi, ac (3.) grata assumpta suavem jucunditatis affectionem seu voluptatem ad ventriculi usque ingressum comitari, contra ab ingratis comestis nauseam & vomitus contingere. Verum neutra harum partium aliquid de saporum impressione percipit, quatenus quæ palato soli applicantur, equidem, si acriora fuerint, hunc rodunt, neutiquam tamen sapores ipsi impertiuntur, prout quemlibet experientia docebit: & quod palato pro sapido commodius dijudicando imprimatur lingua, non illius, sed hujus, gratia, & pro meliore saporum evolutione atque receptione fit. Quæ vero fauces præterlapsa, ut ut propter aliquas sui sapidas particulas, linguæ altius impressas ac inhærentes, spiritus aliquandiu adhuc exagitatos & quasi degustantes teneant, seu gratam sui reminiscen-
tiam relinquunt: œsophago tamen vix tale quid concedunt, utpote papillis illis, ut primario gustandi organo, destituto; quod pariter de tonsillis & harum productione glandulosa, palatum succingente, dicendum.

Non enim nervorum communitas actionis identitatem concludere permittit, sed organi conformatio sola est, quæ actionis vel perceptionis rationem formalem determinat. Imo quamvis ingrata assumpta nauseam & vomitum non raro concitare, negari vix possit: minime tamen hoc contingit, quod gula illorum sapores percipiat ac dijudicet cum eorundem ingratorum commemoratio aut reminiscencia sola hoc interdum præstet. Et quæ lingua non incongrua persentiscit, v. g. medicamentum amarum saccharo obvolutum vel incrustatum, illa nec ventriculus percipit, nec vomitu rejicit, nisi ratione acrimoniæ similisve qualitatæ ac incongruitatis nervæ illius tunicæ infesta existunt. Hincque etiam fit, ut pilulas aloeticas, ne harum amaritiem ingratam percipiamus, celerrimo & uno impetu deglutiamus, quo facto, nihil molestiæ aut nausæ inde patitur gula: & frustra sibi Philoxenus gruis collum exoptabat, quo voluptate alimentorum diutius frueretur, nihil enim hujus gula percipit.

PROGYMNASMA XXV.

DE

OLFACTV.

PROGYMN.
XXV.

INter quinque sensus medius olfactui assignatur locus, quatenus ab una parte tactum & gustum, sensus, quæ objectorum immediato contactu indigent, ab altera visum & auditum, remotioribus quoque adequatos, spectat; hic contra nec nimiam corporum contiguitatem postulat, nec remotiora nimis percipit. Ferre tamen cogimur iudicium *Aristotelis*, dum 2. de anima cap. 9. ac de sensu & sensu cap. 4. asserere non veritus fuit, de Odoribus ac odorabilibus non æque bene, ac de reliquis sensibus ac eorum objectis aliquid solidi nos determinare posse: ideo sc. quod sensu hoc non adeo exacto gaudeamus, sed animalium complurimum inferiore, atque omnium reliquorum, qui nobis insunt, sensuum stupidissimo.

*Alia animalia
nos olfaciendi
potentia an-
tecellunt.*

Observamus siquidem reliquorum animalium nonnulla, quæ non tantum odorabilia ex longinquo magis percipiunt, hominis naribus ad levem saltem distantiam obvia, sed talia quoque, quæ odores, hunc nunquam nec ullo modo afficientes, accuratissime apprehendunt ac discernunt. Prioris generis sunt apes florum odores percipientes ac dijudicantes, Vultures, corvi &c. cadaverum fracedine longius allekti; Posterioris vero exemplum unicum, ast insigne & evidens, præbet eanum sagacitas singularis, qua odores, alias nulli forsan animali perceptibiles, eminus sectantur & horum ductu ferarum ac Dominorum suorum vestigia e longinquo dignoscunt, cujus rei observationes singulares ac stupendas *Illustrissimus Boyle de nat. effluv. cap. 4.* recenset. Spectat huc Tigridis olfaciendi exquisitior potentia, qua sola catulos suos quærere & explorare dicitur. Nos contra non, nisi naribus admota, hæcque valde duntaxat odorifera, nec sine voluptate aut molestia, percipere valemus: ut ut quosdam homines præ cæteris peculiari olfactus subtilitate præditos post *Campanellam* alii Scriptores, v. g. in omnis Eruditionis genere *Celeberrimus Morbosi de transmutat. metall. p. 31. Dominus Boyle l. a. Digby de corp. nat. tr. l. c. 27. & Alt. Hafn. vol. 2. obs. 117.* referant.

Quod si tamen nobismet causam dicere velimus, hebetudinis narium facile forsan nos absolvi continget; quatenus brutorum olfactus ad paucissima tantum restringitur objecta, hominis vero odoratus latioribus & ad infinita extensis limitibus gaudet. Sic canis v. g. non ab odoribus florum, sed ferarum saltem, commovetur, adeoque per objectorum paucitatem ipsius

*Brutorum ol-
factus ad pau-
ca tantum ob-
jecta restrin-
gitur.*

PROGTMN.
XXV.

ipsius olfaciendi potentia intenditur, aut non distrahitur, quæ in homine per rerum varietatem obruitur. Imo forsitan homini omni idem evenit, quod illis contingere solet, qui pharmacopolio similive loco, qui odores graves, potentes atque multifarios spirat, aliquandiu immorantes de olentibus oblatis non adeo commode judicant, nec tam copiosis exhalationibus se stipati sentiscunt: quamdiu enim in hac rerum universitate varias & infinitas corporum odororum atmosphæras contingimus, nunquam fere nares nostræ illarum impressionibus non auscultant, adeoque de pluribus equidem, de paucis nihilominus sufficiens, olfactu ferimus judicium. Quæ etiam ratio est cur concretorum odores si ex asse explorare velimus, non diu admodum, sed brevi ac per vices, illa organo applicemus, ne sc. hujus nervi vaporibus præter modum infarciantur, hinc ad excipiendas ejusdem corporis subsequitur emanationes inepti reddantur. Proin admiratione magis dignum, quod canes contra, quo diutius & propinquius dominis suis adsunt, horumque atmosphæris magis adsuescunt, eo facilius ac promptius vestigia illorum dignoscant: sine dubio ob organi peculiarem ab humano conformationem.

*Olfaciendi
habetudo non
primario ab
instrumenti
abuso depen-
det.*

Olfactus hujus nostri torporem nonnulli facultatis & instrumentorum abusu adscribunt, quasi sc. homines, quia alii & aptiores modi ciborum qualitates explorandi aliunde illis suppeterent minorem hujusce rationem habeant, sed lautius viventes organum illius ciborum diversorum potentioribus & crassioribus effumationibus inquinant, ut proin halitus puriores ac simpliciores, quibus odorabile temperatum constat, vix unquam recipere ac percipere possent. Allegant sententiæ hujus suæ comprobandæ causa canes venaticos, minore narium sagacitate pollentes, si pleniore pastu fruuntur & culinarum nidores undique hauriant: cum emundioris nasi & ferarum exploratores agiliores deprehendantur, quibus parciore ac simplicior victus tantum conceditur. Idem cum sentire videatur *Digby* l. a. ut opinioni huic speciem aliquam conciliet, mentionem facit cujusdam, qui puer cum parentibus metu hostium in sylvam profundius propulsus, & in hac plures annos commoratus, radicibus, pomis sylvestribus glandibusve victitabat, de quorum sapore ex odore judicabat, naribusque procul radicum ac fructuum salubriorum proventum percipiebat, imo eos, qui ipsi postmodum insidiabantur, eminus adorabatur: donec tandem captus brevi postquam ad lautiores victus redierat, miram illam narium sagacitatem penitus amiserit, foemina interim, quæ ejus curam habebat, ita se applicans, ut illam non præsentem protinus, instar Ichneumonis sagacissimi, odoratu insequeretur. Quæ cum ex aliorum relatione

relatione, quamvis fida satis haberet, de altero quodam ex certa & propria PROGTMN. experientia atque cognitione simile narrat, qui temperato admodum seu par- XXV. tiora cibo victitans cujuscunque corporis qualitates, quos vulgo gustu exploramus, odoratu discernebat.

Si tamen negotium hoc secundum cunctas sui circumstantias ponderemus, non equidem omnimode negabimus illos, qui in atmosphæra nimis heterogenea, & crasfiore degunt, hincque vapores activos continuo fere naribus ablorbent, v. g. coquos, aromatarios, pharmacopœos &c. ad odores dignoscendos minus aptos existere, contra nares, quas nidores frequentes similiaque effluvia potentiora haud feriunt, sed quæ aura simpliciore fruuntur, procul magis odores, alias vix sensiles, discernere, ut canum insuper venaticorum exemplum docet: meliore nihilominus jure defectum hunc in connatam potius organi imperfectionem cum *Aristotele 2. de anima c. 9.* conjicimus, *Sed ab hujus conformatio-* dum hujus structuræ a brutorum plerorumque conformatione disparitas manifestiore & adæquatam magis causam sistit, in narium ac processuum mammillarium imprimis peculiari textura consistentem.

Narium conformatio, per quam bruta olfactu præ homine excellere, *Narium con-* aut sensus hic pro ipsorum conversatione magis determinari videtur, bina *formatio in ho-* præprimis involvit, longitudinem sc. & cavernositatem diversam. Longi- *mine & brutis* tudinis nasi diversitatem olfactus sensum intendere aut deprimere, illorum docere poterit experientia, quibus nasus rescissus, utpote qui odorabilia minus exacte dijudicant. Ast potissimum, quod bruta potentius odorantia & hominem intercedit, dispar est ossis cribriformis seu spongiosi processuum textura. Sc. in profundo narium recondita sunt ossicula oblonga & spongiosa, quæ alii cucullam, *Casseri*, per evidentiorē forsan rationem, turbinēs seu ossa turbinata, appellavit. Hæc ex parietibus narium ossis, præprimis externo, exurgunt, & secundum longitudinem illarum decurrunt, in exortu tenuiores, mox vero crassescunt, convolvuntur & turbinem formant, extremitate altera nullibi alligata. Atque horum quidem ossium in homine tria sunt breviora, nec adeo complicata, in reliquis vero quadrupedibus eorum plura magis contorta ac longiora conspiciuntur, in tubulos etiam cœcos, potissimum in parte illa nasi, quam diverticulum aeris vocant, abeuntia, v. g. in bove, ove, cane, lepore & fele. Accedit his dispar processuum mammillarium conformatio & moles in brutis semper major, & quidem non ruminantibus tantum, sed cane quoque ac fele, imo sub tubulorum vesicalium forma hi ad avium nares omnimode descendunt.

T t

Præterea

PROGYMN.

XXV.

*Non tam a
causa externa,
quam natura-
li, est hominis
olfaciendi tor-
por.*

Præterea non tam a causa externa seu vitæ genere, quam ab interna & connata quadam dispositione ac structuræ ratione hoc contingere, probabile fit, quod (1.) multi homines, v. g. agrestes, aut quibus lautiores epulas fortuna alias denegavit; simplici ac tenui satis victu utantur, non minus stupidas interim nares retineant: contra (2.) de illis nasuris, quorum superius allegati Scriptores mentionem fecerunt, si Digbzanum priorem excipias, haud legamus, eos simpliciorem præ aliis sui generis hominibus coluisse diætam. Et si (3.) passus uberior ac culinarum nidor canum sagacitati ideo præjudicat, quod vapores ejusmodi poros instrumenti olfactorii præter modum inferciant, ac aliarum post nodum exhalationum accessum intercipient: magna profecto foret illorum canum hebetudo, qui in stabulis vel soli, vel cum equis, detenti, atmosphæram satis crassam & penetrantem sustinent, quæ tamen haud impedit, quominus dominorum æque ac ferarum vestigia perferant. Vt (4.) Catellorum domesticorum taceam, qui varii generis cibum devorantes ac diversis exhalationibus stipati, quamvis non eadem cum venaticis, singulari interim in dominis suis similibusque explorandis dexteritate pollere, constat.

Quod E. producta phænomena attinet, prout ex antecedaneis repetendum, primum sensationis gradum atque inchoamentum in motu illo consistere, quem objectum sensorio externo imprimit, eodemque particulas hujus mobiliiores exagitat: sic illi, quorum organa a potentiorum odoriferorum uberiore appulsu continuo & sine notabili intermissione afficiuntur, leviorum ac discontinuatorum valde vaporum odorabilium impetum non percipiunt, simili fere modo, ac quorum oculi lumine splendidiore percussi, aut aures campanarum & tympanarum strepitui adsueta, radios obscuriores ac sibilos blandiores minime observant: quos autem rarius olere contingit, horum sensorium parum aut rarius vibratum & fere omnimode quiescens ab odoriferorum etiam temperaturarum accessu promptius figuræ ac situs suarum particularum mutationem sustinet, id est, illa sentit.

Et si forsan aliquam prærogativam animantibus præ homine reliquis natura concefferit, minime tamen illis hanc invidere nos decet, utpote aliis adminiculis in alimentis discernendis instructos. Dedit enim potestatem olfaciendi animalibus eadem, ut quæ alimenta ipsis convenient, quæ noxia sint, dignoscant, unde observamus, illa si in alimoniam ignotam incidant, hujus qualitates non libando, sed odoratu, explorare, quod nos gustatu potius agimus: atque hic indagandi modus nunquam eadem fallit, sed fidus satis salubritatis ac insalubritatis illorum index existit, cum homines in illo aut non

*Cur in brutis
major olfa-
ciendi neces-
sitas,*

ac-

acquiescant, aut sapore solo interdum congrua ab incongruis seligant. Imprimis vero homini æque ac brutis sensum hunc natura largita est, quo, cum nonnullorum corporum maxime præsens noxa sit, quam vel leviter delibata exerunt, naribus potius tantillum & exiguas admodum illorum atomos hauriant, non adeo magnæ efficacæ, quam ut crassiora eorum ramenta linguæ, cum sanitatis majore periculo impriment.

Ejusmodi enim ac tanta olfactus & gustatus cognatio mutuaque conspiratio est, ut hujus gratia ille adornatus videatur, isque res, quæ assumi & gustari debent, quasi prævie & e longinquo magis exploret, imo non raro, præprimis in brutis, huic succenturietur ac ejus vices gerat, ne noxia temere devoremus. Quod quidem eo commodius fieri poterat, dum odorabilem ac sapidorum pariter magna est affinitas, & particulae nares percellentes ab iisdem rebus exhalant, quæ gustum afficiunt, ac ejusdem inter se naturæ videntur, hinc pari fere modo tam degustata quam olfacta nos afficiunt, recreant aut quocunque modo alterant: odorabilem tamen, utpote subtiliorum, vis major, quam sapidorum crassiorum, videtur. Imo suaviora nobis contingunt cuncta, quæ naribus non minus ac palato talia apparent: quemadmodum e contrario si utrique horum sensuum ingrata & vehementiora existant, nauseam movent, idem tamen quoque agunt naribus tantum admota, perinde ac si linguæ applicata fuerint.

De cætero convenientiam utriusque hujus sensus horumque objectorum destillationes catarrhosæ quoque evincunt, quarum vim mox utrumque horum instrumentorum percipit, indeque in actione sua turbatur: quatenus lymphæ stagnatio aut confluxus immoderatus in uno eorum concipi nequit, quin vicinitatis onere alterum simul efficiat. Neque, ut vulgo fieri solet, reflectendum hic est ad nervorum par linguæ & naribus commune: dum identitas seu analogia objectorum est, per quam nec odorabile narium tunicam, nec sapidum linguæ papillas, utrasque eodem malo laborantes subire valet.

Quibus ita se habentibus, id est, dum odora quoque per contactum quandam nares afficiunt, & juxta *Aristotelem de sensu & sensil. cap. 5.* medius inter illos sensus, qui tangendo suo munere funguntur, Olfactus est, vix tolerari amplius potest illa scholarum traditio, qua odores non substantias, sed meras qualitates, rerum censent, quasi sensus non substantias, sed saltem accidentia earum, neque ullus sensus per qualitatem realem seu materialem, sed tantum ejus speciem, seu qualitatem virtuales aut intentionalem afficiatur, & quæ similia sunt: verum nec odor absque sensilis ad

PROGTMN. organum applicatione corporali seu materiali exerceri valet, ipsaque efflu-
 XXV. via corporea seu exilissimæ objecti odoriferi particulæ narium interiora
 penetrant horumque spiritus immediate afficiunt ac commovent, id est,
 concreta, quæ odorum exhalatione organa immutant, veris solidisque, a
 tota illorum massa deciduis, atomis, quæ æque, ac totum, materiales at-
 que corporeæ sunt, non autem imaginariis ac nudis quibusdam qualitati-
 bus intentionalibus, vim suam exerunt.

Particulæ equidem seu corpuscula illa, a quorum modificatione odor
 emergit, saporiferis subtiliores atque tenuiores, adeoque facile dissipabiles
 sunt, imo per harum molis exilitatem contingit, ut illis solvendis ac deve-
 hendis aer menstruum & vehiculum proportionatum existat, sapidorum vero
 ramenta crassiora salivali humiditate indigeant. Substantialem nihilomi-
 nus earum emanationem evincunt (1.) odores, qui spiritus ac sanguinem
 pari ratione afficiunt, seu idem auxilium & damnum, ac ipsa odoratorum
 substantia magis crassa seu spissior, quamvis sub gradu & potentia remissio-
 re præstant: adeo ut Castoreum, sive naribus admotum, sive deglutitum,
 strangulatus uteri & motus convulsivos mitiget aut tollat; alexiteriorum
 odor perinde fere ac eorum substantia assumpta, morbosa contagia arceat,
 moschi exhalationes æque, ac si deglutiendis commisceatur idem, hamorrha-
 gias renovet. Hinc etiam (2.) eadem potentius olentia, aliis præter nares
 membris applicata, in hæc agunt eorumque cruditates dissolvunt ac con-
 sumunt, v. g. aurium, ut de moscho, ambra castoreo similibusque innotescit:
 quem effectum non, nisi sub materialium & particularum integrantium
 ejusmodi topicorum secessu & ingressu, concipere possumus. (3.) Odores
 vento nobis contratio adferuntur, secundo vero dissipantur ac recedunt,
 dum odor, quem Insula Zeilandia, Cinamomi ferax, spirat, præternavigan-
 tibus per aeris multorum milliarium tractum apportatur, pariter ac fragran-
 tiam florum malorum aurantiorum ex Provincia Gallia præternavigantes
 per quinquaginta milliaria perferunt sicut rerum exoticarum Scriptores
 & per ejusmodi maria iter facientes testantur: quod fieri non posset, nisi
 qualitas hæc odorabilis particulis oleoso-salinis cinamomi aut florum au-
 rantiorum inhaereret, & sub harum involucro transmearet, alias facile diffu-
 bilis. Imo (4.) odores in concretis odoriferis magis actuandis, exaltandis
 atque effœtis quasi renovandis multum conferunt: prout de Moscho illi
 referunt, qui Chinam ceterasque provincias, in quibus ille colligitur, vi-
 sitarunt, nempe illius fragrantiam omnium optime per urinæ putrescentis
 fœtorem, seu hujus particulas salinas effumantes, resuscitari atque intendi.

Qui-

Quibus (5.) accedit, quod odores æque ac foetores aërem sensibilibiter crassorem reddant, ejusque poros ita repleant, ut, missis experimentis illis, quæ machinarum pneumaticarum apparatus suggerit, eum inspirantibus suffocationem minetur. Docet idem (6.) frequentior odorum receptio odoratum obtundens, ac ad discernendos alios odores ineptum reddens: sine dubio quod corpuscula organi poris se insinuantia hos nonnihil obstruant, hinc supervenientes particulas resiciant & excludant, seu harum in illud actionem impediunt.

PROGTMN.
XXV.

Objicitur equidem ab odoris vix tantum tamque diuturnum contingere posse effluvium, quale ad spatia amplissima replenda & odoribus ad loca dissita deferendis sufficiat, etsi etiam corpus odorum totum in vapores resolvatur: Item, huic nihil decedere molemve ejus absumi, quamvis quam diutissime odores emiserit. Observandum tamen, summam admodum esse subtilitatem atque exiguitatem istorum effluviolorum, quæ molem ac pondus concreti, unde effumant, vix sensibilibiter imminuunt, latiori nihilominus aeris, menstrui fluidissimi, plagæ eousque imbuendæ sufficiant, ut hujus portio, naribus attracta, per intervalantium particularum habitudinem, has sub specie odoris commoveat: pari circiter modo, ac croci vel cupri granulum unum satis molis & substantiæ in se habeat, pro liquoris seu menstrui convenientis quantitate notabili & fere incredibili ad flavedinem aut coeruleitatem tingenda. Nihilominus quemadmodum odoriferarum harum exhalationum aliæ crassiores, aliæ subtiliores, id est, ab involucris terreis aliisque viscidioribus plus minus liberæ sunt: ita ponderis decrementum sensibile ab illarum secessu nunc tardius, nunc citius, contingit, aut observatur, revera tamen ac tandem aliquid molis perdi ac consumi libranti-tum instrumentorum philosophicus magis apparatus ac *Boylei* accuratissime adornata experimenta docent. Præterea quid obstat, quominus loco particularum secedentium & odoriferorum aliæ concretorum poros subintrent, & illis surrogentur? neque pro ætiologia hac odorum ulterius defendenda opus erit, confugere ad viscosos quosdam halitus, qui a fontibus suis non facile divellantur, in nares tamen horumque nervos insultus odoriferos exerant, utpote qui multis adhuc implicantur difficultatibus.

*Imminuitur
ab earum ex-
halatione pon-
dus concreti.*

Atque hæc effluvia corporalia non juxta Peripateticos calidiores & sic-
ciores, seu igneæ particulæ sunt, in mixto prædominantes, utpote quæ odo-
rum formalitatem minime exhauriunt, eo quod qualitates hæc aliorum sen-
sum potius objecta sint, & ideam ab odorum idea quam distinctissimam
gerant.

*Effluvia odori-
fera non sunt
igneæ.*

PROGTMN. ^{gerant.} Et quod de Sapore *Scaliger* asserit, non magis eum oriri a qualitatibus primis, quam risum de odore potiori jure dici debet, frustra que,

XXV.

Nec mere sulphurea.

monente *Sennerto* laborant, qui odores a qualitatibus primis deducere fatagunt, utpote in quorum potestate non sint, sed ad propiora principia in horum evolutione decurrendum esse. Neque tamen Chymicorum Vulgo simpliciter auscultandum, qui sulphureo suo principio vim odorem solitarie attribuunt: nullum enim odoratum corpus tam simplex tamque homogeneum & mere sulphureum unquam exhiberi poterit, quod non de sale & sulphure simul participet, imo nec olea destillata, quæ plurimis concretis sub resinæ consistentia & forma insunt, imo hanc tractu temporis non raro reassumunt, iisque omnem odorem concedunt, & pro maxime sulphurea substantia habentur, sal simul involvere, facile probari posset. Præterea sulphurea haud cuncta, v.g. sulphur commune, ut talia, odorem sensibilem spirant, nisi aut per ignem aut menstruum alias appropriatum solvantur & agitentur. Neque sulphura salibus combinata semper aut notabiliter olent, v.g. in Cornu Cervi, succino &c. nisi aut accendantur aut alia ratione minime eorum commoveantur & a vinculis suis liberentur, aut ab his, v.g. per destillationem, liberata adeo mobilia sint, ut aeris appulsui facile cedant.

Sed dependent odores a particularum salino-sulphurearum certa modificatione.

Unde probabile fit, illam potius corporum texturam, per quam particulæ salino sulphureæ tenuissimæ, aut invicem aut reliquis laxius & ita coherent, ut leviori motui cedant, & ab aere facile abripiantur, odorum formalitatem constituere. Sulphuream substantiam basin odorum esse, colligere jubemur exinde, quod cuncta odorifera inflammabilia existant aut aliquid inflammabilis involvant: aliquid vero salis hanc sibi combinatam gerere, probabile fit, quod hæc sola sulphuribus solvendis inserviant. Tenuitatem harum particularum evincunt modo dicta: earum autem laxiorem nexum experientia confirmat, per inductionem suffulcita, quatenus ad avolationem & secessum valde dispositæ observantur, & quæ vix aliquid odoris habent, fermentatione & putrefactione olentia evadunt. Hinc aromata, castoreum, camphora, salia volatilia & olea destillata potentius olent: ita quidem ut substantia hæc salino-sulphurea a concretis separata, v.g. ab oleo nucis moschatæ expresso, aut ambra per infusionem cum spiritu vini tartari sato, remanentiæ inodoræ plane evadant, ipsaque salia volatilia per eundem spiritum vini non tantum flavedine omni, sed multo insuper foetore exuuntur, quatenus hic sulphurea & oleaginosæ minima, illis laxius intertextæ, eluit ac imbibit. Tandem motum illorum minimorum ultimum odorife-

odoriferis actum imponere, patet, quod (1.) aer calidior, odora magis quævis reddat corpora: (2.) per reiteratam corporum ejusmodi, etiam compactionum, v. g. succini, vitri, attritionem odores excitentur citiusque exhalent: (3.) olentia per fixationem & motus particularum refrigerationem inodora fiant, v. g. camphora cum oleo vitrioli soluta: contra (4.) salarmoniacum, per se inodorum, quod ejus substantia urinosa & graveolens ab acido salis marini retinebatur, per commixtionem cum calce viva aut cineribus clavellatis, urinosum foetorem spiret, sale volatili urinæ in pristinam libertatem vindicato, quod itidem a solutione illa camphoræ sperandum, si affusione aquæ olei vitrioli repagula divellantur.

Vnde probabile fit, particulas has salino - sulphureas sufficienter demum exagitatatas odores gignere, i. e. ab odoriferis demum emanantes odoratus organum illo sensationis modo, quem olfactum vocant, afficere. Nisi enim mobiles, aut potius actu commotæ existerent, narium cavernas harumque fibrillas sensorias minime subintrarent: siquidem ab aere non possent absorberi & hoc vehiculo, tanquam menstruo appropriatissimo, ad interiora deferri. Quod solvens cum adeo fluidum sit, ut in continuo motu existat, ex corporibus, quæ aditum ipsi concedunt, minima odorifera non tantum rapit ac propellit, sed eodem quoque motu, tam sibi proprio & blandiore, quam ab extra impresso atque vehementiore, ad sensorium defert. Pro diversa tamen sui habitudine odoriferorum quoque vim diversimode moderatur, quatenus tenuis nimis & calefcens aut supportandis illis exhalationibus impar est, aut illas magis discontinuat atque diluit, quod dissipare vulgo ajunt: mediocris consistentiæ miasmata odorifera commode sustinet nec ad distans adeo emanare sinit: crassior autem, v. g. frigidior eadem quasi præcipitat seu horum egressum inhibet. Hinc fit ut tempore meridiano nulla, aut exigua in pratis aut hortis fragrantia, nec borea flante aut noctu: sed mane imprimis ac vespere, ubi mediocris & odoribus evehendis congrua aeris consistentia est, observetur.

Quamvis autem aer, nobis nec de eo quidem cogitantibus, quosvis corporis nostri meatus subeat, & per consequens patulos etiam narium tubulos nunquam non ingredi, simulque quas odoriferas atomos solutas tenet, eo secum abripere valeat: vix nihilominus sine inspirationis conatu olfactus ordinarie & sufficienter fieri videtur, quatenus, observante jamdum *Aristotele & Galeno*, etiamsi nares vapore potenter olente repletæ sint, nulla odoris, nisi spiritu naribus attracto, perceptio contingat. Cui asserto vim egregiam conciliat Experimentum *Lowerianum*, a *Needhamo de form. seu cap. 6. allegatum*,

PROGYMN.
XXV.

Estum, dum cani arteriam asperam in jugulo præscindit, eamque vulnere satisfato extrorsum vertit, ut non per os aut nares, sed omnimode per guttur prominens respiret: unde non vox tantum, sed olfactus quoque omnimode pereat, neque teterrimis odoribus animal moveri possit. Et si propriam in nobismet ipsis consulamus experientiam, non tantum, quo fortior fit inspiratio, eo odores melius percipimus, sed naribus quoque potentius olentia propius admotæ sine inspiratione his vix aliquid odoris imprimunt. Cujus phænomeni ratio hæc videtur, quod ordinaria aeris undulatio non sufficiens sit pro penetrandis angustioribus organi olfactorii porulis, sed opus habeat impetu inspiratorio, utpote quo rapidiore magis motu exhalationes odoriferæ nares permeant, hinc sensorio fortius impelluntur & quasi incuneantur.

*Cassorius, sine
inspiratione
odores percipi
ait.*

Cassorius equidem *de fabrica nasi* sect. 2. c. 2. & 3. olfactum non ideo sine respiratione absolvi putat, quasi hæc illius causa, sine qua non, existat, sed quod natura eidem olfactus organo & respirationis, & olfactus, munus commiserit: adeo ut, si respirationem alii membro eadem decrevisset, haud dubium foret, quin naso etiam olfacere potuissemus; facere nihilominus ut melius olfactus fiat, naturamque ad odores attrahendos præter suum institutum respiratione tantum abuti. Si enim, inquit, *respiratio olfactui necessaria esset, primario propter hunc homini concessa foret, nam hanc servare naturam legem, ut quicquid in corpore nostro necessario alicui competit, homini largitura sit. Cum igitur respiratio ex instituto natura primario propter cordis aliorumque viscerum refocillationem nobis data sit, sequi, eandem ad olfactum necessariam non esse: siquidem una eandemque rem varios quidem usus habere posse, verum unum tantum primarium ac principalem, & ad illum solum necessariam esse, ad reliquos vero per accidens aut secundario concurrere.* Quibus subdit, odorem per se & sibi relictum nares non scendere, nec impellente opus habere, hystericas, respiratione destitutas odores percipere & ab his excitari, item uterum odorari, falsum autem esse, retento spiritu odorem naribus suppositum haud sentiri.

Qui refutatur.

Sed primo promptissime ipsi largior, vitæ seu cordis refocillationis (ut ipsi placet) gratia primario respirationem a natura adornari: pari tamen modo, ac sine illa actiones aliæ, v. g. chyli motus, excrementorum secretio atque rejectio, loquela &c. minime fieri poterant, & quidem non per naturæ quendam errorem, ita relationi illi, quam respiratio ad vitalitatem habet, nihil derogat, olfactui eandem ministrari, potestque una eandemque actio usum primarium ac secundarium habere, ita tamen ut posterior in relatione ad suum objectum huic æque, ac ille in relatione alterius, necessarius

sarius sit, v. g. dum Linguae & hujus motus primario gustui, secundario loquelæ, inservit, neque tamen gustatus, neque loquela, sine illo exerceri valent. Præterea odores motus sui naturalis ratione nares petere, apud omnes in confesso est, dubitatur tamen an narium illam tunicam vel quodcunque sui sensorium primarium sufficienter & sine impulsu externo penetret? & annon, quemadmodum saporibus dignoscendis oris agitatio ministratur, particulas sapidas linguae profundius immergendo seu imprimendo, simili modo inspiratio minima odorifera illi impingat? Quæ enim de hysteriarum odore nobis obtrudit, vero consona haud sunt, vel quod respiratio non in omni uterino strangulatu aboleatur, vel quod sensibus etiam eadem defraudentur, adeoque nec olfacere possint: potiusque dicendum, odoriferas has emanationes, quia nunquam sine activitate rodendi, per hanc narium tunicam sensilem admodum eousque vellicare, donec spiritus aliquantum suscitentur, hinc odores quoque percipiant ac ab his magis magisque refocillantur; id est easdem primo non alia ratione in hysteriis operari, ac frigida adpersionem, pilorum pubis vellicationem &c. Vterum quis unquam olfacere crediderit? movetur equidem varie pro varia rerum penetrantium applicatione, ast non minus odores percipit, ac ventriculus, quem fragrantibus equidem sanari, non vero ea odoretenus apprehendere, *Helmontio* credo. Denique quando idem *Cassorius* illi contradicit experientiæ, quæ sine respiratione nullum odorem sentiri; superius monui, tanquam impostoriæ, sibi ipsi imponit: datur siquidem momentum inspirationi & expirationi intermedium, in quo nihilominus nihil odoris, quamvis naribus immediate suppositi, percipimus.

Nares enim organum olfactus adæquatam videntur, E. in his quoque principalis illa pars, in qua odoratus sit, aut mediante qua nervi olfactorii percelluntur, erit quærenda: haud tamen video, cur hæc, ex opinione *Aristotelis* & *Galenii*, necessario similis esse debeat. Adeoque multo minus huic ad stipulandum erit, dum in anterioribus cerebri ventriculis, in libello, quem *detingit*, *Olfactus instrumento* scriptum reliquit, tit. 8. de *Vsu part. cap. 6.* olfactum celebrari asserit: quatenus omnis sensus tactus quidam est, per quem objectum organum immediate percellit, quo hujus species demum nervorum ductu cerebro inferatur, non autem apparet, qua ratione odorabile vel cerebrum, vel hujus ventriculos immediate contingat, vel contingere queat. Est insuper cerebrum sensus communis sedes, ventriculi autem illius ad functiones ejusmodi maxime inhabiles existunt: non E. illud unum idemque species recipere & percipere, seu, ut in se sunt, apprehendere valet, & eo ipso, dum omnium

PROGYMNA-
XXV.

Nec in proces-
sibus mammil-
laribus.

Insensuum featurigo seu concursus est, non magis unius, quam alterius organum erit, sed ad cunctos hos se indifferenter habebit. An illi bene vel male, ejusve menti conformiter egerint, qui *Galenum* per anteriores ventriculos aliud quid, nempe processus mammillares, subintellexisse autumant, non disquiram, potissimum cum de his quoque ambigere conveniat, an muneri isti adæquati existant. A multis quidem Anatomicis, v.g. *Casserio*, *Molinetto* &c. sancitum legimus, ad processus hos medullares, tanquam ad proximum olfactus organum, per ossis cribriformis foramina, odoras illas evaporationes ferri: his tamen *Vallesius* jamdum 2. *controvers. c. 26. Eustach. Rudius de affect. corp. human. l. 1. c. 36. Schneider. de off. cribris. & Rolsinc. 4. dissert. anatom. cap. 27* satisfecerunt, eorumque opinioni & hoc obstare videtur, quod odorifera ore conclusa nihil impressionis sensitivæ ad calvaria interiora seu processus hos emittant, licet patula satis via per palati foramen, ad narium basin hians, exhalationibus odoriferis concedatur.

Et quamvis regeri possit, quod quemadmodum nullum sensibile spirituum animalium systema adeo immediate & magis turbat aut tam egregium robur eidem, & quidem in momento interdum, addit, exhalationes illas penitiora cerebri subire ac medulloas hujus substantiæ immediate magis affricari, necessum sit: item, quod in gravedine ac coryza, ubi processuum horum tubuli, serositatibus viscidis aut repleti, aut humectati nimis, existunt, olfactus si non tollatur, maxime tamen imminuatur, materia vero illa remota aut expurgata restituatur, integro semper narium tactus sensu manente: ac denique, quod in animalibus olfactu reliqua antecellentibus majores & conspectiores iidem observentur. Trium tamen horum argumentorum consequentiam ambiguum reddunt nonnulla, quatenus ratione prioris ex sequentibus constabit, processuum illorum lacinias seu filamenta extrema intra nares ab odoriferis immediate affici, ac nervos reliquorum sensoriorum, adeoque cur cerebri medullium etiam citius ab odoriferorum impressione percussatur palam sit, etsi mammillarum processuum cavitates, intra calvariam delitescentes, immediate haud subeant illa. Imò cerebrum ab odoribus lædi ac refocillari potest, quatenus ad hoc particulæ quædam odorum subtiliores penetrant: minime tamen inde concludendum, in processibus mammillaribus horumque cavernis odoratum fieri. Alteri vero argumento, cujus minorem ipse *Galenus* exemplo juvenis cujusdam, cui olfactus a diuturniore gravedine lædebatur, asternutamentis vero restituebatur; reponere licet, quod in coryza & gravedine processu mammillares ac narium tunica simul laborent, quibus male se habentibus necessario olfactus

olfactus turbatur. Neque si processus illos tantum male se habere, contin-
 gat, hincque olfactus vel aboleatur, vel imminuatur, illos primum odo-
 rum receptivum proclamare conveniet: probat siquidem hoc, sine illis ol-
 factum fieri haud posse, perinde ac visio, nervo optico vitiato, leditur,
 sicuti autem ideo non nervum hunc primum visionis instrumentum dici-
 mus, ita nec processus mammillares olfactui præsunt. Præterea læso odo-
 ratu a coryza narium tactus seu quid huic analogum nihilominus inte-
 grum manet: non quod nihil præternaturalis illæ patiantur, sed quia alia
 earum conformatio aliique nervi harum olfaciendi ac tangendi potentia mi-
 nistrantur. De cætero nec conformatio ac moles dispar processuum mam-
 millarium pro animalium magis minusve olentium disparitate vulgari hy-
 pothesi ita favet, ut eam ab omni contradictione defendat, cum organi
 capacitati diversæ nervus quoque congruere debeat, id est, majus mayo-
 rem, minus minorem, exigat.

Cur adeo notabili cavitate gaudeant processus hi, eaque ampliore in
 brutis plerisque, quam in homine, determinare non audeo: vix autem sero-
 sitatum evacuandarum, neque ut odorum impressiones acriores justo humidi-
 tate sua contemperent atq; demulceant tubulatam iis contigisse conformatio-
 nem, inde persvadeor, quod ordinarie & secundum naturam in ipsis ac conti-
 nuatis illis ventriculis nulla lymphæ colligatur, sed vel morbosæ constitutionis,
 vel mortis generis, productum sit illa neque exhalationes aut species odorifera
 per cavitates, sed latera & fibrositates medullares, cerebro ingeruntur, ad quæ se-
 rum illud, si quod est, minime pertingit. Præterea illud quoq; notari meretur, in
 hominis processibus nihil tubulosi deprehendi, sed hos ad sensum impervios ex-
 istere: cum non minor nihilominus in homine humiditates serosas excernendi,
 ac acrimoniam odorum contemperandi, quam in brutis, foret necessitas.

Probabilior E. mihi videtur sententia illorum, qui in naso externo seu
 prominente instrumentum olfactus primum, seu, quod impressiones odo-
 rum primas recipiat, quærent, huncq; non canalem tantum, per quem species ad-
 mittatur, sed intra quem etiam sistatur, pronunciant. Hinc enim fit, ut animalia,
 odorandi sagacitate pollentia nasuta magis existant, quam homines, quibus vel
 natura vel casu nares compressi & angustiores sunt, aut plane non, aut parum,
 olfaciant, ozæna profundius hærente laborantes externos odores percipiant,
 foetorem ulceris proprium minime. Sed, quod potissimum est, nariumque tu-
 bulos non tam canales odorum, quam organum eorum receptivum, existere, in-
 nuit interior & turbinata illarum textura, in homine simplicior, in ani-
 mantibus, qui hunc odoratu superant, tortuosa & plicata magis. Scilli-

*Organum ol-
 factus sunt
 ipsæ nares.*

*PROGTMN;
 XXV.*

PROGTMN:
XXV.

set narium cavernæ lamellis, non cartilagineis, sed osseis, seu totidem ossiculis spongiosis, in diversos quasi tubulos distinguuntur, circa os cribriforme angustiores, hujusque foraminibus oppositos & quasi continuos: quatenus lamellarum harum ossæarum quælibet, nunc longiores, nunc breviores, omnes tamen secundum longitudinem nasi protensæ, modo in plures ac minores seu tenuiores alias, tanquam totidem folia secedunt, hincque in cylindros fere tubulosos varios inflectuntur, modo simpliciores ac pauciores sæpius & ad spiralis lineæ tractum convolvuntur, ut præter *Casseri*um *Nobilissimus Bartholinus* de *olfact. organo* egregie demonstravit.

Primario tunica earum interior,

Cavernosam hanc narium faciem succingit earumque quamvis lamellam tegit tunica quædam spongiosa seu papillosa, quam *Casseri*us a reliquarum membranarum natura ac temperie multum, distare ait, & carnosam vocat: quæ continua equidem est duræ ac piæ matri, item oris tunicæ communi, substantiam nihilominus peculiarem spongiosam sibi intertextam gerit, per quam ad peculiarem determinatur usum. Imprimis autem vim sentiendi exquisitam & peculiarem nancisci hæc videtur a fibrillis medullaribus processuum mammillarium, quæ in animalibus sagacioribus, v. g. in canibus venaticis, majores & numerosiores observantur, quam in reliquis animalibus: quibus accedunt filamenta, nervi quinti paris soboles, quæ cum illis propaginibus in eandem pelliculam absumuntur. Non illas, sed has, propagines nerveas nares ad species odoríferas excipiendas actuare, nonnulli censent: ast probabilius de mammillaribus processibus horumque fibris, in quas illi abeunt, hoc asserere licebit, quatenus peculiaris illorum processuum structura, magnitudo diversa ac filamentorum illorum dispar numerus & moles singulare quid de eorum usu promittit. Neque tamen dubitandum, a nervo quinti paris hos novas suppetias & excitatores recipere, forsan pro consensu ac conspiratione inter organum hoc, linguam & oculos adornanda & conservanda, prout *Willis.* *Anat. cerebr. cap. 21.* & de *Anim. Br. part. 1. cap. 23.* ostendit.

Hanc tunicam cum *Eustachio Rudio l. a. & Valsolio l. a cap. 24.* odoratus instrumentum primarium censeo, utpote cujus textura singularis singularem usum ostendit, ac in animalibus, quæ hoc sensu reliqua antecellunt, turbinum & anfractuositatum illarum ossæarum, tunica hac obvolutarum observentur plures, quo nimirum, annotante *Stenone Myolog. spec. pag. 142.* in exiguo spatio magna existat superficie extensio, adeoque exceptum fluidum ambiens odoriferum magnam organi superficiem contingat: in homine contra, cujus olfactus hebetior, pauciores lamellæ ac cavernæ, hinc minor

minor longo organi tunicæ superficies est. Neque tamen dubito majorem anfractuositatem narium impressioni potentiori halituum odoriferorum ministrari, quatenus intra angustias has quasi undique compressi tunicam illam penitus subeunt, pari ratione ac inspirationem cuneum potentem iisdem existere observamus. Interim & coronidis loco miror, cur in *Casserium* adeo invehatur *Diemerbroeckius*, quasi nempe eandem nobiscum sententiam foveat, membranam narium carneam olfactus, organum dicendo; cum tamen l. a. sect. 2. c. 17. processibus potius mammillaribus intra calvariam sitis hoc munus concedat, cap. 18. contra tunicæ illius usum olfactorium, hujusque Patronum, *Vallesium* prolixè & acriter disputet, & sect. 3. c. 6. aliud longe membranas narium præstare, i. e. aerem temperare, doceat.

PROGYMN.
XXVI.

PROGYMNASMA XXVI.

DE

AUDITU.

IMmediate magis & sine notabili modificatione sua objecta percipiebant sensus explicati, & quidem per immediatum magis horum & sensoriorum contactum: minus corporaliter afficiuntur oculi & aures, subtilius & longinquius quid ab objectis emanans, non tamen, nisi sub singulari & varia modificatione, excipientes, adeoque horum sensationes præstantiores longe vocare licebit. In specie vero auditus potiore excellentia gaudet, quod ratione activitatis sphaeram suam longius extendat, & objecta remotiora valde dijudicet, ne ex improvido horum occurfu lædatur, aut quæ sibi usui futura, diutius & imprudenter evitet, sed proximius in hæc feratur, animal. Neque tamen illorum, inter quos etiam *Lucretius* videtur, opinioni subscribo, qui asserunt longius ferri sonos, quam odores, quatenus vel ex superius allatis exemplis satis superque constat, aut plura milliaria odores transportari, cum nec maximarum campanarum, nec bombardarum majorum sonus & strepitus, ultra unum vel alterum milliare dignoscantur. Quo non obstante & si distantiam, quæ odoriferum ac nares cum illa, quæ campanam v. g. & aures intercedit, comparemus invicem, firmum manebit, latiore esse sphaeram auditus, quam olfactus: ad nares enim ab ipso concreto decidua feruntur corpuscula, hinc odoriferorum materialiter magis illas afficit, aures autem nihil corporis sonantis, sed aeris saltem ab illo commoti portio, illabitur, hincque sensatio minus corpora hæc dici potest. De cætero ratione usus, non inepte auditus

Auditus & sensorius minus corporaliter afficiuntur,

Latior est auditus sphaera,

Usus auditus excellentior.

PROGTMN. *Ius Aristoreli* ad prudentiam atque scientiam conferre dicitur, cui etiam *Apu-*
 XXVI. *lejus* subscribit, nihil homini præstantius contingere potuisse, asserens præter
 auditum, cuius ope sapientiam atque prudentiam sibi compararet: ab aliis sen-
 sus etiam passionum vocatur, quasi omnium reliquorum ille esset, quo animus
 maxime commoveatur.

*Sonus primus
 & secundus.*

Objectum ejus audibile seu sonus est, qui, si percipi ac dignosci debeat,
 necesse habet, ut sensorium contingat, cum & hic sensus species tactus sit,
 qui sane fieri nequit, quamdiu utraque distant, & nisi unum alteri admovea-
 tur. Sonus autem non talis corporis sonantis affectio est, qualis nobis apparet,
 quamque patibilibus qualitatibus olim accensuerunt: sed ante omnia distin-
 guendum erit inter sonum primum & secundum, quorum ille sit hoc, quod
 in corpore sonante, v. g. campana, sonus appellatur; hic vero illa aurium
 sensatio, quæ impressionem corporis sonantis excipit aut sequitur. Posterior
 definitione explicari nequit, per solam cujuslibet particularem experientiam
 explicabilis, nam & hæc quoque in diversis subjectis variat: dum sonus in se
 satis æquabilis, alterius auri murmurans, sibilans, undulans &c. deprehendi-
 tur, concentui musico suavissimo ab auritis quibusdam asini rudentis vox, non
 raro antepositur, tibia tubæ comparatur aut præfertur, & quidem hoc vel
 pro organorum diversa conformatione atque habitudine, aut juxta præcon-
 ceptam opinionem. Prior vero est modificatio aut dispositio illa externa,
 per quam sonora illius perceptionem in nobis movent.

*Sonus alius po-
 tentia, alius
 actu.*

Aristoteles 2. de anima c. 8. sonum sub hoc conceptu non incongrue di-
 stinguunt in illum, qui est actu, & qui potentia talis: ita ut ratione posterioris
 quædam sono destitui & haud sonora, sc. lana, pluma, spongia &c. quædam
 eodem gaudere dicantur, v. g. metalla aut quævis solidiora, quæ sonare pos-
 sunt, actu autem sonorum nihil dici queat, nisi ad aliud sonet, id est sonus
 non sit unius corporis, sed unius ad alterum, & collidantur bina invicem, ne-
 cesse est, si ex potentia unius sonifica actu sonus fieri debeat. Habitudi-
 nem autem hanc sonantis ad aliud dum specialius determinare aut circum-
 scribere contendit Philosophus, ipsi cum modernis egregie convenit, quate-
 nus ambo in motu corporum locali consistere, i. e. in ictu verberantis ad id,
 quod verberatur, adeoque non sine latione eum perfici, autumant.

*Soni actus con-
 sistit in motu.*

*Negant hoc
 quidem Peri-
 patetici.*

Quamvis hypothesin hanc nonnulli ex ipsis Peripateticis in dubium vo-
 carint, localem motum ut causam proximam rejicientes, eo quod non quo-
 rumlibet corporum motum comitetur sonus, nec ad tantam distantiam, quan-
 ta interdum percipitur idem, v. g. tormentorum bellicorum majorum ad

duo milliaria) aëra sonante commoveri valeat. Verum omni sono latius sonum seu motum localem subesse, seu ad soni productionem ac propagationem illum requiri colligitur, quod (1.) nulla potentia sonantia corpora, v. g. ci-
tharæ, tibiarum, &c. sonum edant, nisi quocunque modo percussa: (2.) in effervescentiis plurimis stridor notabilis percipiatur: (3.) sonus sæpe per longam
fatis distantiam ad aures deferatur, & quidem (4.) si major ac vehementior, qualis est tormentorum majorum plurimumque explosio, fenestras non tantum, sed ædes integras & harum utensilia concutiat atque exagitet, qualia exempla varia Digby de nat. corpor. cap. 18. recenset, sed fenestras quoque ac membranam tympani rumpat. Ita ut degeneribus his Stagirisæ discipulis regerendum videatur (1.) utique non quemvis & quoruncunque motum, sed sonorum saltem, v. g. æris, non lanæ, ac certa ratione determinatum, sonum formare: (2.) multum equidem impetus ac motus requiri, pro quadam materiae portione ad mille v. g. passus transferenda, quem campana sane præstare haud posset; quia tamen hæc non corpus solidum & quiescens, sed aerem fluidum & in motu existentem exagitat, non tam hunc movet, quam ipsius motum determinat, atque ad producendum in nobis soni perceptionem modificat.

In hoc tamen ab Aristotele nobis recedendum erit, dum hic subjectum soni solida tantum concava levique corpora pronunciat, cum nihilominus fluida, v. g. aër & aqua, ponderosa sc. campanæ, plana, v. g. ensis stridus, similiaque, in quibus conditiones hæc demonstrari nequeunt, sc. pulvis pyrius, aurum fulminans &c. item liquores effervescentes, sonora & sonifica maxime observentur: adeoque non tam immotus subjecto, quam in modo & specie motus, soni formalitas querenda veniat. Siquidem non quemvis, sed (1.) celerissimum ac vehementiorem tantum motum sonum excitare, inde patet, quod non ad quamlibet manuum agitationem, sed earum demum commotionem, idem contingat, chorda testudinis, si blande ac lente contrectetur, nihil soni, sin potentius tacta, aliquem edat, nec gladius stridus aerem medio-
criter feriens, tale quid præstet, velocius vero per hunc vibratus sibilum aliquem causetur. Et quadrant huc, meo quidem iudicio, optime, quæ de stridore in liquoribus subcontrariis ebullientibus modo innui: quæ si blandiores adeoque a minus celeri partium agitatione levius saltem ac lente aer circumstans succutitur, sufficiens equidem illa collisio est pro calore aliquali concitando, neutiquam tamen ad sonum ciendum. (2.) Tremulus tantum seu reciprocus motus phænomeno huic proportionatus est, quatenus ejusdem testudinis seu citharæ fides, tympano bellico superinducta pellis non, nisi tremulo sui motu sonum edunt, qui tam-
diu

PROGMM.
XXVI.
Quibus re-
pondetur.

Non solida
tantum sonora
sunt.

Soni formali-
tas non a sub-
jecto, sed mo-
tus ratione
emerge.

PROGTMN.
XXVI.

*Aer non est
medium sed
subjectum soni.*

diu durat, quamdiu pellis ac chordæ hæ vibrationes suas valide adhuc exci-
tuuntur. Pariter in campanis ejusmodi tremulum observabis motum, si
manum saltem pulsatis admoveas.

Motus autem ille corporum sonorum cum aures nostras non imme-
diate feriat, sed aer duntaxat, ab illo percussus: sane non ut medium tan-
tum, sed ut subjectum atque vehiculum ejus erit attendendus, qui aures no-
stras immediate ferit, postquam vibrationem tremulam a corpore sonoro
recepit. Nam (1.) omne corpus solidum, vel totum, vel quoad partem,
agitatum, motum suum fluido ambienti communicat, E. aeri quoque, qui
cum (2.) particulis elasticis constat ad tremulum etiam motum, a solido
sonoro inchoatum propagandum, quam aptissimum videtur subjectum. Cum
(3.) nec pueros lateat, si per calicis vitrei, liquore repleti, oram digitus tre-
mulo motu circumferatur, sonum seu ululatum quasi quendam excitari, si-
mulque contentum liquorem trepida quadam vibratione exagitari, ut hic bul-
las emittere & subsultando eousque atteri videatur, donec velociore digiti
motu ultra fluidi superficiem guttulæ exiliant. Quod si E. aquam, fluidum
aere longe crassius, ita commovet digiti super vitrum motus, multo magis
& citra omne dubium hoc præstabit aeri, aquæ desuper incumbenti, quam-
vis impulsu nobis minus sensibili. (4.) Si citharæ vel simili instrumento mu-
sico propinquius admoveatur pluma aut paris levitatis corpus, ita tamen,
ne hoc fides tangat, dum plectrum illud ferit, ad quemlibet fidium ictum at-
que sonum pluma subsultabit, id est, ab aere vicino agitato concutietur.
Quibus (5.) accedit, quod Boyle de Vi aeris elast. experim. 27. & continuat. 1.
de aer. experim. 41. annotavit, pro aeris in machina pneumatica defectu at-
que ingressu reciprocante, sonora corpora, v. g. bilibre horologii, modo
parum, modo nihil, modo sensibile satis, soni edere, id est, sonus pro di-
versa aeris conditione ac præsentia valde variat; quale quid etiam in cam-
panula, in recipiente machinæ suspensa & post educationem aeris agitata
observavi.

*Sonori motus
determinati
tractus sunt.*

Interim quamvis totam atmosphæram corporis sonori seu sonantis ad
proportionatam peripheriam commoveri, ex dictis probabile fiat: minime
tamen versus omnes plagas aeris illa fluctuatio tremula, æquali semper vi-
bratione, propagari, sed sonus per certas lineas & quasi tractus magis mi-
nusve deportari videtur, quorum initia movens seu sonans corpus impressio-
ne sua describit; interdum tamen per reflexionem quandam ad plagam op-
positam vergere videtur. Hinc v. g. sibilum illum, quem globulus scelo-
peto emissus & aerem trajiciens movet, illi duntaxat percipiunt, qui lineæ
seu

seu radio a globulo descripto viciniōres sunt, reliqui & proculstantes neutiquam: pariter oratoris in suggestu prolata verba totius quidem auditoris atmosphæram commovent, magis tamen illum hujus tractum, in quem os suum ille convertit, cui qui expositi sunt, omnes illius voces distinctissime percipiunt, cum in alio angulo constituti præter sonum inarticulatum vix aliud assequi possint. Econtra non raro contingit, ut sonus v. g. campanæ, non e loco, unde proficiscitur, sed opposito, irruere videatur: quod ab ejus repercussione, qua aures ultimo ferit, emergit, pari ratione ac res per radio- rum reflexionem non semper, ubi est, sed illic, ex quo radii ultimo derivantur, v. g. in speculo comparat.

PROGTMN.
XXVI.

De cætero non solius aeris motus tremulus sonum nobis imprimit, sed sub aquis etiam non vico profunde hærentes motuum sonoricorum exter- *Etiā aqua interdum est soni subiectum.* norum viā perueniſſimus: quatenus aer vehementiore ictu concussus aquam sibi contiguam verberat, cujus vibrationes tympanum simili modo, ac aer li- berior, percellunt. Sonitamen hi, sub aqua excepti, fracti magisque ob- tusi comparent, quod hæc, aere spissior, hujus ictus non adeo prompte susci- piat, sed notabiliter infringat, imo reflectat, usque adeo, ut profundius sub- mergi, v. g. urinator ille *Gallus* cujus *Gassendus* meminit, in fundo oceani hæ- rens, nec sonos vehementissimos, v. g. tormentorum bellicorum ictus, per- cipere valeant, quatenus nimia aquæ incumbētis moles a commoto aere commoveri nequit, sed ejus tremoribus resistit.

Imo non fluida tantum, sed solida quoque ejusmodi motus sonorificos *Etiā solidæ* ad aurem transferunt, ut v. g. in trabe longiore observamus, a cujus una ex- *sonorificos mo-* tremitate percussa sonus ad alteram extremitatem & aurem huic propinquius *tus transbe-* applicatam propagatur. Pariter si lapis, globulus simileve corpus solidius, *hunc.* capsulæ ita includatur, ut aeri hujus intrinseco omnis cum ambiente interci- piatur communicatio: ad quamlibet capsulæ concussionem corporisve inclusi allisionem percipitur sonus per solidiores illius parietes. Quatenus trabis fibræ successive concussæ aerem illius alteri extremitati contiguum eousque succu- tiunt, ut hic aurem vicinam percellat: quod pariter de motu lignæ capsu- læ aereque ambiente concipi debet. Imprimis cum talia quoque corpora, quæ omni motui sensibili resistere videntur, percussa aliquam, & quidem sensibilem satis, corporibus sibi vicinis solidioribus agitationem imprimant, dum experientia evincit, incudem majorem, cujus ramenta ferrea, sine dubio fibrillis ligneis longe compactiora, minusque flexibilia, malleo leviter saltema percussum ita tremiscere, ut ipsi superimposita corpora levia, v. g. grana mi-

PROGTMN. lli, ad quemlibet hujus ictum sonorum subsultare observentur: quidni E. aer quoque circumstans, mobilior longe.

XXVI.
*Peculiaris est
motus sono-
rus.*

Peculiarem nihilominus motus hujus sonorigici rationem esse, & auribus magis, quam tactus ac visus organo movendo adæquatam, inde probabile fit, quod venti lenissimi corpora illa exagitent, quæ sonus satis gravis, v. g. campanarum, non commovet, minus tamen aures feriant: quamvis ad strepitus etiam tonitruales & tormentorum bellicorum ædes ac mœnia tremant, fenestræ frangantur &c. An hoc dependeat quod juxta *Perrault* spatium illud aeris, in quo fit motio tremula, arctius, & particula commotæ angustiores, sint, quam ut vim suam in alia conferant, non disquiram, cum vel ex hoc ipsa sonorum violentia concussoria & diffractoria pateat, ætiologiam illam phænomeno huic congruam esse. Auguror potius in genere saltem talem motus sonorigici ad aures habitudinem, per quam harum partium subtilissima textura ad aeris illam impressionem excipiendam apta redditur.

Quales intra aerem & ab aere motus particularum sonorigicarum experiatur modificationes, difficile dictu, multo minus quod secundum nonnullos philosophos illæ a corpore sonoro, tanquam centro, emanantes, in varios circulos cogantur, similes iis, qui in aqua a lapide injecto excitantur, adeoque ut sonus cum reflexione quadam fiat: quo commodius tamen ad auditus organum primum sonus deferri valeat, mirabilis & tortuosa aurium textura multum confert, vel quatenus particulis atque impressionibus sonorigicis colligendis, vel iisdem per refractiones diversas intendendis ac multiplicandis litat.

*Modificatur
sonus in auri-
bus.*

Auriculæ usus.

Particulas siquidem aeris sanorigicas latius dispersas auricula primo externa, instar infundibuli congregat, quæ cava & prominens, neque ornatus, neque tutelæ, gratia, sed sine dubio eum in finem lateribus capitis ac meatui auditorio a posteriore adaptata est, ne, quoniam hic non in anteriore parte, ut nares, sed a lateribus, collocatus, ita quidem ut antrorsum a posteriore parte vergat, sonus illum præterlabatur, sed ab illa interceptatur ac reflexus ad interiora ac anteriora dirigatur. Svadet hunc auriculæ usum non tantum, quod bruta aurita aures ad sonos apprehendendos varie circumagant, sed ejusdem quoque defectus, quem qui, sive per naturam, sive per infortunium, patiuntur, non exactum, sed instar fluentis tantum aquæ, & cum murmure quodam, sonum percipiunt: imo confirmat eundem instrumenti *αυστήρ* artificialis structura & usus, quam auriculæ succenturiari aut ejusdem commoditatem juvare, palam est. Quoniam autem sono non modo colligendo ac ulterius dirigendo, sed eidem pariter aliquo modo

modo per reflexionem intendendo, vannus hæc aurium prominens destinata videbatur, non mollior ipsi conveniebat substantia, quæ sonos frangeret, non autem repelleret, sed solidior, & quidem cartilaginea potius, quæ ingruentibus injuriis aliquantum cedat. Imo ut hoc commodius fiat, nacta est in super auris externa superficiem anteriorem & concavam non lævem aut æqualem, sed anfractuosam & flexuosis eminentiis atque profunditatibus ornatam: intra quas diversas reflexiones patitur aer sonoricus, hincque ejus impressio ad interiora intenditur. Vbi quidem reflexiones ac refractiones continuari & frequentiores ac potentiores evadere ratio suadet, perinde ac in machinis ac tubis tortuosis sonum notabiliter augeri observamus, & interior organi auditorii conformatio promittit. Nec aratione alienum plane, gyrosam ac tortuosam hanc vestibuli auditorii conformationem meatui auditorio actympano ab injuriis externis, aeris imprimis asperioris, defendendo ministrari, utpote cujus eminentiis non tantum aliquomodo tegitur ille, sed aeris minus temperati insultus primi excipiuntur & quasi emolliuntur.

Ipsam organum, capiti profundius immersum, dividitur in tres cavitates, quarum prior Antrum seu meatus auditorius vocatur, eo quod speciebus audibilibus primum concedat aditum: adeoque recens nati in-
 fantes nihil aut parum illarum recipiunt, multo minus percipiunt, utpote quibus porus ille secundum naturam deficit, vel constipatus a nonnullis
 Anatomicis deprehensus fuit, quorum tamen plures in hujus occlusionis formalitate & causa determinanda titubarunt. Ita *Casseri* de org. audit. *sect. 1. cap. 7.* tympani membranam pericranii propaginem supponens ossium illius annulum & partem meatus auditorii extimam, quæ in tenellis corpusculis cartilaginea, & ab osse petroso adhuc sejuncta, tractu temporis huic firmitus agglutinari suspicatur, hincque fieri, ut versus interiora magis recedentia orbicularem pericranii portionem, sibi superextensam, ab ejus reliquo abruptant, adeoque meatum a tergo relinquant, qui antea non existeret: Cui nihilominus illud obstat quod meatus auditorius totus toto gestationis tempore cartilagineus ipseque tympani circulus osseus profundius immersus observetur, licet huic nondum agglutinetur, per consequens pericranio adhærescere multo minus per subtilitatem summam, qua vix pilo respondet, membranam illam densam rumpere, nequeat. Hinc verosimilius videtur, quod recensior nonnulli annotarunt, nempe foetus ac recens natorum membranæ tympani tenuissimæ aliam crassiusculam & fere cutaneam prætendi, quam, vereor, ne *Fabr. ab Aquapend. de oper. chirurg.*

PROGTMN. pro toto genere præternaturali, sub nomine membranæ exterioris meatum
XXVI. abstruentis, habuerit: quæ tandem, ubi progressu temporis meatus auditorii inferior portio offeseit, & ab hoc cartilago assurgens reliquum illius canalis format, tensione hac forsân rumpitur.

*Sonus in me-
tu insenditur,* Per hujus E. canalem obliquum & tortuosum, id est, qui a postica parte antrorsum & primo sursum paulo, postmodum deorsum, tendit, dum sonorus irrupit aer, in angustum cogitur & ab inæqualitatibus ac curvaturis illius aliquantum reflectitur atque refringitur: unde sonus etiam majorem vim acquirit; quippe ad aeris densationem hic quoque densatur, par ratione ac ad ejus rarefactionem idem rarefcit ac dispergitur; quatenus spissior, elasticitate majore pollens, per hanc impressiones sonori corporis, dum ejus elateres sese restitunt, sensorio potentius impellit. Donec pelliculam sibi subjacentem, seu inferiori sui extremitati subensam, quam myringam ac Tympani pelliculam vocant, instar tympani percutiat, hancque verberando aeris intus concluso vibrationem suam communicat: quod eo commodius fit, dum meatus auditorii externæ parti apposita cernitur eminentia, instar valvulæ, regressum aeris cohibens.

*Tympani
membrana
usus.*

Membranulla equidem hæc proprium & primarium auditus instrumentum haud est, quatenus præter *Willisium de Anim. Brut. l. 1. cap. 14. Transact. Philos. Angl. no. 35.* annotarunt, eam in utraque canis aure perforatam non statim surditatem induxisse. sed auditum aliquandiu integrum illa lacerata mansisse: adeoque auditum haud secus, ac fenestra radiorum lucis incidentiam, juvat, id est, quemadmodum hæc lucem tantum admittit, & aeris frigidioris similiumque externarum ingressum impedit, sic pro partibus auris intrinsecis, imprimis nervo teneriore, contra ingruentiam ambientium incongruorum muniendis membranula hæc facta videtur. Nihil tamen impedit, quominus ab hujus læsionibus atque alterationibus sensus hic diversimode vitietur, v. g. si a topicorum frigidorum & narcoticorum usu stupescat, aut eousque laxetur, ut ad soni mediocris impulsus sufficienter tendi nequeat. Observandum enim, membranam hanc ordinarie ita per transversum meatus auditorii expandi, ut ejus superficies interior convexa aliquantulum appareat, retracta a mallei manubrio: quod si itaque a tensione sua naturali remittat, v. g. vitio muscoli, malleum non retrahentis, ut ad soni moderati impulsus minus tendatur, diversimode vitietur & turbatur auditus. Atque hinc fit, ut quidam surdastrum in campanili aut sub quovis strepitu majore commode satis audiant, nihil vero sonori mediocris percipiant extra strepitus hos constituti.

*Laxitas tym-
pani quomodo
auditum læ-
dat?*

Exempla

Exempla quatuor huc referre placet, bina ex *Williso*, tertium & quartum ex *transact. Philos. Anglor. locis alleg.* petita. Prius foemina est, quæ PROGTMN.
XXVI.
surda quidem, quamdiu nihilominus in conclavi, tympani bellici sonus aures ejus circumstrepbat, adstantium alloquia distincte capiebat, cessante vero immaniore isto strepitu statim obsurdescebat, cujus maritus ideo tympanistam pro servo domestico conducebat, ut illo mediatore colloquia interdum cum uxore haberet. Alterum surdastri maris erat, qui prope campanile degens, quoties plures simul campanæ resonarent, vocem quamvis facile & clare audiebat, tacentibus illis secus. Tertium in nobili a nativitate surdo observabatur, cui pariter temporaria ejusmodi medela solatio erat, sc. quamdiu tympanum violentius prope ipsum pulsaretur, a tergo submissius loquentium voces percipiebat, nec tamen clamantes, strepitu illo cessante: Cujus denique generis Studiosus quidam erat, qui surdaster omnia commode & distincte audiebat, quando in rheda velata per plateas velocius vehebatur, & cum amicis assidentibus colloquebatur. Quorum ratio procul dubio erat, quod in iis laxior tympani membrana validiore aeris motu & soni vehementioris impulsu aliquantum & eousque tendebatur, quo lenioris soni vibrationem suscipere, illamque aëri interiori imprimere potuerit.

Quamvis proin usus pelliculæ hujus primarius in eo consistere videatur, Præter usum
Casserio & Coitero etiam huc inclinantibus, ut aerem aurium internum ab ex-
terno secludat, eumque & partes auris interiores cum cerebro contra hujus
injurias muniat; quia nihilominus omnis motus sonorificus tremulus est, ve-
rosimile fit, tremorem hunc aeris externi commoti in membrana ista flexibili
renovari, ut tremens hæc aerem ultra undulantem etiam exagitet, sicque se-
cundario auditum juvet, aut eundem non intercipiat, pari circiter modo, ac, si
tympani bellici humo impositi pelli superiori aurem admovemus, quam longissime
excitatos & secus haud sensibiles sonos distincte satis percipimus. Hinc
sine auditus detrimento tolli ac destrui potest sepimentum hoc membraneum,
aeris sonori perceptioni nihil conferens, non tamen laxari, utpote qua ratione
motus ejus hebescit & obtunditur: destructionem tamen hanc tandem sequitur
surditas, sensorii interni crassi ab aere externo eversa.

Haud enim simpliciter hoc in passu facere possum cum quodam Moder- Non tenditur
ac laxatur a
musculis.
norum, *Viro de re Anatomica meritissimo*, qui diversam hujus membranulæ
tensionem ad magis minusve acutos sonos commode recipiendos facere autumat, ac illos sub specie, qua existunt, ad interiora transmitti haud posse, nisi
diversis illorum gradibus sui tensione & relaxatione se adaptet tympani pellicula,
id est, tendatur in soni acuti, remittat in soni gravioris, gratiam. At-

PROGYMN.
XXVI.

*Nisi extraor-
dinarie.*

que hoc quidem habere a duobus illis musculis, qui malleo implantantur, quorum interior, si vel solus, vel cum externo simul, agat, pelliculam hanc contrahat, exterior autem solus eandem laxet: non tamen pro arbitrio audientis, sed prout ab objecto externo determinarentur. Quamvis enim horum musculorum motum & usum hunc facilis concedam, voluntarius tamen & forsan extraordinarius magis est, qui tantum locum habet in duplici sonorum excessu, sc. iusto graviore atque acutissimo, ita quidem ut pro sono acuto aliquantulum temperando laxentur, pro graviore vero paulo tendantur iidem actympanum. Quippe non contraria his affingi potest habitudo, sc. ut pro sono graviore ac leni laxetur, pro acuto & vehementiore magis expandatur tympani membranula, quæ Eruditissimi Scriptoris mens: dum contrarium mechanica docet, vel docere poterant illa, quæ de laxitate illius præternaturali modo relata fuerunt. Neque motui musculorum horum voluntario illud ob stare valet, quod sonora, ne quidem de iis cogitantes, non raro offendamus, adeoque illorum actionem appetitus aut voluntas imperare nequeat: quippe si mediocris naturæ seu temperati magis soni fuerint, quiescunt aut ultra tendentiam naturalem haud contrahuntur musculi hi; ubi vero excesivus quidam nobisque molestus contigerit sonus, pro incongruitate hac aliquantulum temperanda musculorum illorum motum jubet motor intrinsecus.

*Usus ossiculo-
rum obscurus.*

Ossiculorum auditus, in cavitate tympani locatorum, usus æque dubius est, præprimis cum numerus eorum adeo incertus observetur. Hæc antiquis anatomicis, quantum ex horum scriptis legere est, ignota erant, primusque, qui bina eorum, sc. malleum & incudem, in lucem produxit, videtur *Iac. Carpenfis*, primus forsan rei anatomicæ Restaurator: addebat his tertium *Iob. Philipp. ab Ingrassia*, stapedis nomine celebre, a *Fallopio* postmodum pariter demonstratum. Post illa tempora tria hæc tantum viderunt cuncti profectores, donec *Sylvius* quartum addiderit, a *Blasio* & aliis denuo in dubium vocatum, ab aliis denuo confirmatum, imo in brutis quibusdam eorum tria, in aliis duo tantum, v. g. in anseri, in aliis plane nulla, reperiuntur. Super hoc quæsitum existentes autorum sententias in duas classes dirimere convenit, quarum una, quam *F. ab Aquapend. de aud. organ. part. 3. c. 5.* prolixius & post huac *Celeberrimus du Verney de audit. organ.* defendit, ossicula hæc ad motum sonorum externum a membrana tympani exceptum commoveri, hacque ratione eandem vibrationem aeri intrinseco communicare; quamvis sub hac disparitate, ut prior aerem il-
lum

lum internum a solis his ossiculis agitari asserat, posterior autem eundem PROGTYMN.
 etiam aliquid motus immediate a membranulæ motu tremulo recipere asse- XXVI.
 rat: altera membranæ potius tympani illa ministrari, id est, ad diversum
 fori appulsum hanc varie contrahere ac fulcire, docet, quam ex *Casserio*
sect. 3. cap. 9. Willisus l. a. suam facit. Quorum priori ego adhæreo, mo- Videntur son-
 tum sc. tremulum, myringis malleo, hinc reliquis, communicari, donec num propa-
 aerem hujus cavitatis ac labyrinthi hæc exagitent. Et si enim ossiculorum gare.
 horum exilissimorum collisio exilis admodum ac sonis externis exprimen-
 dis ac imprimendis vix proportionata videri posset: dubium tamen omne
 super hoc evanescet illi, qui, quanta in minimis naturæ vis sit, perpendet,
 i. e. qui in exilissimo oculo turrim similemque molem, intuentem infinites
 majorem, depingi attendit, quiq; non totum aerem sonantem, sed hujus tan-
 tum aliqualem impetum, ad sensorium deferri, supponit. Accedit intimior
 & adæquata huic motui mallei cum membrana tympani connexio, per
 quam hæc contremiscere nequit, quin illum, hincque reliqua sibi annexa ossi-
 cula simul in motum abripiat, adeoque illa ossicula, hæc neutiquam mem-
 branam, commoveant. Contra, aeris interioris tantillum haud sufficeret, ut
 ut a membrana tympani succussum. pro impetu adæquato organo auditus pri-
 mario impetiendo, nisi novum quasi sonorum ex ossiculis contextum, in-
 flari crepundiorum, sonum externum æmuleretur.

Aerem hunc internum a primo ortu mox connatum atque specui au- Non datur aer
 rium implantatum esse, olim fingebant Scholæ, qui per totum vitæ tem- implantatus
 pus numero idem perduraret & peculiari dispositione gauderet, pro ex- in tympano.
 ternis motuum ideis excipiendis: quibus prudentiores videbantur, ejus equi-
 dem primordia ipsa pariter nativitate superiora censentes, simul tamen con-
 cedentes, quod, quemadmodum particulæ quædam hujus quotidie absume-
 rentur & exhalarent, sic ab aere externo per meatus illos, qui ad palatum
 & nares tenderent, easdem restaurari atque perpetuari, ita tamen ut intrin-
 secæ hujus auræ, propter cubicem, quem valvula, illis canalibus præfixa,
 poneret, nihil exire aut perdi posset. At superiorem jamdum seculo figmen-
 tum hoc in auras diffilarunt *Coiter de audit. instr. cap. 7. & Casserius l. a. c. 15.*
 in hoc quidem dissoni, quod eorum prior aerem hunc internum totum
 cum externo ejusdem naturæ, posterior spiritui animali similem ejus substan-
 tiam arediderit ac pronunciarit. Atque illum quidem secuti fuerunt neo-
 terici plures, argumentis haud levibus persuasi, aerem hunc omnem per pala-
 tum ac nares aurium cavernas subingredi, ita tamen ut nihil obstet quominus
 ille per eandem viam relabi possit & soleat, utpote, ad fauces satis patentem
 qua-

PROGTMN.

XXVI.

*Sed per nares
& aquædu-
ctum Fallopii
subit.*

quatenus valvulam, quam nonnulli in aquæductu *Fallopii* concipiunt, autopsia denegat, idem vero canalis perpetua humiditate, ex auribus stillante, scatet.

Atque hic ipse canalis est, per quem surdus interdum clangorem testudinis, cujus summum dentibus comprehendit, percipit, item per quem surdastris auditus sui hebetudinem, os ad prolata verba aperientes, aliquantum corrigunt: quatenus qui per meatum auditorium oclusum, aut laxiorem tympani membranam adigi non poterat, per hanc viam minus ordinariam subintrat. Hincque etiam ratio potissima emergere videtur, cur gargarizantes sanos extrinsecos minus apprehendant, scilicet quod ille gargarizationis strepitus per aquæductum *Fallopii* non tantum immediate magis illabatur, hincque sonum ab extra incidentem obtundat, sed quatenus etiam hoc modo illius appulsui resistit, tendendo præter modum ab intra membrulam illam, quo minus ab ingruente ab extra aere sonoro versus interiora percelli valeat. Neque tamen plane absonum videtur, quin alio insuper modo sonus instrumenti musici per os auribus inferatur; quatenus eum non adeo commode ac distincte persentiscunt, nisi dentibus illud stringant: forsitan quod hac ratione dentes cum maxilla concutiantur, hæcque ossa temporum cum auris ossiculis contremiscere faciat, adeoque sonus ille externus renovetur.

Nobilissimus du Verney in ejus orificio cartilagineo peculiarem annotavit structuram, per quam aëri externo ad tympani auris cavitatem via patefceret: limbum scilicet crassiore, eminentem atque semilunarem, ita dispositum, ut aër, per nares ad os delabens, necessario inter cornua ejus se insinuet, ejusque notabilis portio, hic intercepta, in ipsum aquæductum feratur; quia alias omnis per viam aëris narium ad asperam arteriam prolaberetur. Hunc aërem, dum nares transit, intra has eousque modificari ac temperari ait, ne aurium internis ingruus existat, tantum nihilominus elasticitatis retineat, per quam usui, cui destinatur, proportionatus existat; sicut per eandem illius canalis plicaturam aëri e pulmonibus expirato ac minus elastico aditus ad aurem intercluderetur. Quando vero *Idem Clarissimus Vir* aerem labyrintho inclusum implantatum censet, ideo, quod ejus fenestræ seu foramina bina adeo exacte clausa sint, ut nec cum aere tympani, nec cum ambiente huic aliquod intercedere videatur commercium: cum venia ipsius mihi ambigere liceat de modo, quo ejusmodi aer, arctiori ejusmodi spatio inclusus, adeo perpetuam & uniformem elasticitatem per tot annorum seriem colat, ut præstando sine interruptione auditui semper præsto sit.

Nec in Labyrintho.

tit. Sicut enim totum corpus cum Hippocrate perspirabile concipere debemus, sic nec ab emanationibus humorum cavitās hāc erit immunis, potissimum cum insignis satis arteria ac vena eam permeat: per consequens brevi obtundent hāc spiram illam aeri huic implantato connatam ac usui ejus congruam reddent.

Interim aer intra tympanum succussus & sonorus factus partim versus foramen ovale, quod fenestram ovalem Fallopius appellat, partim ad foramen rotundum, tendit, ac utrique præfixam membranulam ferit: hujus equidem immediate tantum, illius vero immediate æque ac stapedis interventu, utpote cujus basis pelliculæ huic contigua, dum hic cum reliquis ossiculis colliditur, non potest non tremulo motu exagitare hanc. Quoniam autem foramina hāc bina labyrinthum, hujusque postremum secessum, quem cochleam vocant, respiciunt, ac hujus cavitatis vel cavitatum aerem tremulum reddunt pelliculæ eorum harumque exagitationes: verosimile est, hic residere organum auditus primarium atque immediatum.

Labyrinthus, propter anfractus ac tortuositates varias ita dictus, a Vernay apposite in tres quasi distinctas concamerationes distinguitur, quarum alteram vestibulum vocat, quod spatium sit præliminare duabus reliquis: alteram canalem semicircularem ait, utpote qui circulos, seu semicirculos potius tres, intus cavos seu sulcatos & sinibus mutuis se respicientes, complectitur: ac tertiam, cochleam veteribus etiam appellatam, quæ testudine triplicata, seu tribus pariter spiralibus tractibus gaudet. In hanc posteriorem labyrinthi secessum, per peculiare foramen ingreditur pars nervorum auditorium, dupileis, mollioris nempe ac durioris, propaginis, septimum intra calvariam exortum: ita tamen ut durior a molliore mox divellatur per osseum ac tenuissimum foraminis interstitium. Horum mollior & qui auditorii nomen imprimis meretur, pariter ac opticus, mox in tres ramos facessit, quorum crassior in cochleæ apicem terminatur, hujusque spiras substantiæ propriæ expansione, simili circiter modo, ac medullaris ejusdem nervi optici substantia in tunicam retinam molissimam abit, oblini; reliqui bini ad vestibulum ac canalem semicircularem exporriguntur ac in parietes ac gyros horum explicantur, dum interim durior, postquam a quinto pari ramulum suscepit, per peculiare, inter processum mastoideum & stiloideum, foramen calvariam elabitur. Atque hic nervulus quinti paris ille est, quia linguæ nervo reflexus per transversum tympani & ita fertur, ut hujus membranae contiguus videatur: unde etiam nonnulli anatomicorum ipsi usum chordæ, tympani bellici membranae subtenisæ assignarunt, i. e.

PROGTMN.
XXVI.

*Auditus orga-
num prima-
rium est ner-
vus.*

*Quod impu-
gnat Aqua-
pendens.*

*Defenditur
tamen.*

quæ tympani auris membranulæ motus tremulos renovet atque crebriores reddat. Quamvis quo jure & fundamento hoc factum fuerit, exinde colligere jubeat sana ratio, quod nervus verus filum hoc subtensum existat, sive exortum, sive terminum ejus ponderemus: propago siquidem est nervi ad linguam descendens, musculus etiam aurium internis furculos concedit.

Hinc concludere convenit, tribus in locis sonum a nervo eodem momento excipi ac discerni, nempe in Vestibulo, canali circulari ac in cochlea, licet in duobus posterioribus forsan accuratioribus, quam in priore. Commune equidem dogma est, partes binas priores multiplicandis tantum impressionibus sonoris, seu sono intendendo, ministrari, & post varias demum quasi refractiones in cochleæ ultimo angulo illum recipi. Verum eo ipso, dum pisces atque aves sine cochlea, utpote qua destituuntur, sonos apprehendunt ac quam distinctissime dijudicant; a nervo etiam auditorio ramulos & expansiones sensiles æque fortiuntur præter cochleam reliqui labyrinthi mæandri, quorum tortuosa ac gyrosa structura quoque talis est, per quam sonorifici impressiones in horum etiam sinubus notabiliter multiplicari & intendi valent; haud apparet, cur non illorum quoque velamenta nervea iisdem excipiendis apta suspicari conveniat, id est, soli cochleæ munus audiendi deferri debeat. Quia nihilominus ultimus quasi totius organi auditorii seu auris internæ terminus cochlea est, hæcque plus sensibilitatis a nervo majore videtur habere, accuratius forsan & ultimate magis hic specierum impressionem fieri, verosimile est, imprimis cum lamina hujus spiralis seu testudo facile contremiscere sonosque egregie multiplicare & refractos nervorum fibrillis potenter magis imprimere queat.

Receptam satis hanc sententiam in dubium vocat *F. ab Aquapend. de audit. org. part. 2.* dum inquit: *Nervus auditorius, in quo facultas sentiens consistit, etiamsi a sono tangatur, sentire tamen illum non potest. Nam sensus passio quædam est, pariendoque absolvitur, quare agens, quale ipsum est actu, tale patiens efficit, cum sit potentia. Agens est sonus, quod vero pati debet substantia sentiens, quæ, ut patiatur, fieri ut agens debet. Ligna ab igne patiuntur, cum ignita fiunt, sic substantia sentiens sonora effici debet, & ita a sono pati. Sed nihil a sono patitur, nisi aer, non enim si sonus manum contingat, fit sensus ipsius soni, seu dignotio, quia manus aerea non est: Sic etiam nervus quatenus substantia corpulentus est, etiamsi a sono tangatur, non tamen quidquam patitur, sed, si æreus sit, tum demum patietur, & in materiam agentis evadit, hoc est, sonorus fiet &c.* Sed supponit egregium postulatum, a nemine sanæ mentis facile concedendum dum patibiles qualitates & sic sonum quoque, tales

tales entitates reales a materia corporum, quibus insunt, distinctas vult, quæ PROPTIN.
aliis corporibus, quales actu sunt, inducantur seu imprimantur, id est, hæc XXVI.
semper actu talia reddant. Quoniam vero qualitatum ejusmodi existentiam
superius & aliquoties negavi, easque nihil præter corporum modificationes
ac habitudines diversas ad alia ipsis vicina pronunciaui, quæ impressionem
non actu eandem, qualis ipsi eorum modi sunt, in sensoria præstant: instru-
mentum sane auditus non necesse est, ut actu sonorum fiat, sed huic talis suffi-
cit dispositio, per quam ab objecto percussum in sensorium commune ita vi-
bretur, ut hoc tale objectum adesse, judicet, quale quid nervum hujusque re-
tiformem expansionem merito suspicamur omnes. Difficile ac prolixum foret,
theoriam hanc *Scriptori illi Egregio* persuadere, utpote qui purus putus Pe-
ripateticus, præceptorum philosophiæ corpuscularis ignarus: Sufficiet E.
ipsum per phænomenon simile absurditatis convicisse, sc. ut ut sensorium ta-
ctus are dura vel molli patiat, haud tamen ideo mollescit aut indurescit, ut
nec gustatus sensorium sapores actu induit seu sapidum evadit.

Interim circa aurium nervos alia adhuc circumfertur traditio, non mi- *An a nervi*
nus expungenda: quasi nimirum ab inosculatione nervi quinti paris, ad lin- *quinti paris*
guam abeuntis, cum nervo auditorio illa dependeat utriusque organi sympa- *inosculatione*
thia, ex qua, male se habente, surdos nativitate simul mutos esse, contingere *cum auditorio*
ret. Nolo hoc in passu *Laurentio lib. II. quest. II.* litem movere, quasi illa *surdi nativi-*
nervorum communio non solitaria semper communis hujus mali existat cau- *ate sunt mi-*
sa: cum, ut alia, quæ hujus loci sunt, & quibus, non semper a nervi auditorii
habitudine præternaturali surditatem ejusmodi fieri, alias evinci posset, mit-
tam, vel unicum illud in præsentiarum sufficiat, quod arte singularique indu-
stria miseris ejusmodi loquela restituta fuerit.

Loco plurium erit exemplum, quod *Digby I. a.* refert de quodam nobili
Hispano, qui ab ipso ortu surdus, ut ne bombardam, auribus admotam &
explosam auditu perciperet, simulque linguæ usu privabatur: quem nihilo-
minus dexteritas atque industria Sacerdotis cujusdam eo perduxit, ut post mul-
tos annos cum stupore omnium distincta admodum proferret verba, alios-
que secum colloquentes (solo adspectu) perfecte intelligeret, ut per integrum
diem in crebro hominum contubernio versatus illorum ne verbum quidem
non apprehenderet, atque apposite cunctis responderet. Potius mihi for-
mare liceat quæstionem tali modo: an unquam & per naturam rerum con-
tingere queat, ut per consensum utriusque illius nervi aliquis surdus ac mu-
tus simul evadat? quod nego. Dogma siquidem illud commune & per nescio
quam simplicitatem scholarum propagatum hoc erroris involvit, quasi ille

PROGYMN.
XXVI.

auris nervus, cui ramulus aliquis quinti ac ad linguam inclinantis parisi impli-
catur, auditorius sit, id est, speciem audibilem in aure interna recipiat: au-
tophia quamvis repugnante. Par nervorum auditorium seu septimum dupli-
cem involvit caudicem, molliorem ac solidiorem, quorum ille tantum in au-
ris cavitate terminatur, nihilque amplius commune aut implicationis cum so-
lidiore habet, sed hic, interiora ejus elabens, auriculæ tantum externæ prospi-
cit ad remotiora tendens, atque sub egressu hoc demum fœdus cum nervo
quinti parisi init. Non video E. quid lingua ab auditorio, id est, molliore,
nervo utcumque se habente ac læso, sibi metuere possit.

*Cur auditus
visu tardior.*

Præterea dum quæstio exsurgit, cur aures tormenti bellici v. g. aut ligna-
rii ligna findentis, strepitum tardius percipiant, quam oculi ignis ejusdem
explosionis flammam aut securis findentis atque ligni contactum conspiciant?
adeoque sonus sensorio suo tardius communicetur, quam objectum visus?
Determinare equidem discrimen hoc nonnulli hoc modo conantur, quod lu-
minis æthereæ magis substantia vel lucidi corporis particula hanc impellentes
vibrationes suas organo appropriato celerius inferant, quam strepitus aut so-
nus ingruat, utpote qui aeris, corporis luce longe crassioris hincque motus
tardioris, modificatio atque agitatio esset. Id est esse luminis propagatio-
nem momentaneam fere & æquabilem, quod ætheris minima nullam sui com-
pressionem patiantur, sonum vero, per aerem, qui impressioni cedat, diffu-
sum, tandem ab infinitis hujus reflexionibus languescere, per consequens de
velocitate primâ multum remittere. Insimul etiam eorum nonnulli putant,
facere huc utriusque organi a principio nervorum inæqualem distantiam, per
quam celerius contingat eorum sensibilibus circa primum sensorium perce-
ptio, quorum sensoria externa ipsi sunt propinquiora, nimirum hoc in casu
oculorum, præ aurium objectorum.

Ast disceptare adhuc videntur aures internæ de propinquitate ad princi-
pium nervorum cum oculis, imo illæ forsan ipsi magis præ his vicinæ sunt.
Adeoque illam potius objecti hujusque motus disparitatem disparis perce-
ptionis momenti causam augurari conveniet: quatenus infinitæ aeris solido-
ris particulae particulis sonoris in motu constitutis totidem & infinitas moras
nectunt, per quas non adeo velociter & in momento terminum ultimum at-
tingere potest, imprimis si concedamus tantas illas reflexiones esse, quæ cir-
culorum majorum ambitus describant, ut plures opinantur, cum lucis parti-
cularum propulsio ac motus simplex & directus magis sit, i. e. per lineam re-
ctam potius contingat, hinc lumen citius videatur ac sonus audiatur.
Imo nec reflexiones illæ soni per aerem reiteratæ tantum tarditatem ejusmodi
patrant,

patrant, sed instrumentum ipsum, non directo, sed per ambages demum plurimæque tortuositates ac spirales sonum tractus admittens, ejus perceptionem moratur: cum qui oculum subeunt, radii rectas magis observent lineas, hinc uno eodemque ictu, quo corneam adeunt, retinam pariter unicam feriant.

PROGYMNASMA XXVII.

DE

VISIONE.

Quem omnium externorum primum nominare decebat, sensus explicandus superest, utpote cujus præ reliquis prærogativam vix ullus sanæ mentis in dubium vocabit, sive ejusdem celeritatem atque activitatem ineffabilem, de qua sub finem *antecedanei progymnasmat* dixi, sive distantiam, per quam objecta remotissima apprehendit, sive usum, qui amplissimus, in cælo ac terra hujusque partibus integrantibus contemplandis, ponderemus. In specie vero objecti proximi intuitu potentiæ nobilissimæ, nomen meretur, reliquisque sensationibus palmam facile præripit, utpote quod lux vel absolute talis, vel per diversas reflexiones atque refractiones multifariam modificata & colores infinitos exprimens, uno verbo substantia immateriali quam proxima, est. Si organum evolvamus, fabricam miraculo plenam offendimus, i. e. talem, quæ Conditoris sapientiam præ reliquis membris ostendit, & in quam tot muscoli, tunica, humores, vasa sanguifera, nervi, glandulæ &c. conspirent. Sin denique modi ratio habeatur, tantum non immateriali quodam contractu videtur visus celebrari, objectorumque perceptio plerorumque non nisi cum singulari delectatione contingit.

Patescent ex specialiiori sensationis hujus tractatione illius splendoris summi radii infiniti investigantibus primo Objectum, quod est lux, sive a corpore lucido per medium diaphanum emanet, ac nomen primum retineat, sive e corporibus opacis sub certa habitudine reflectatur, & eorum imagines referat; sive inter reflectendum simul hoc aut illo modo refringatur, coloris nomine ac specie oculos afficiens. Oculis proin usurpamus præter corpora lucida, sc. stellas & ignem, opaca quævis, utpote ad reflectendum tantum apta, cum a diaphanis, in quibus radiorum motus neutiquam, aut saltem parcius, sistitur, tale quid non veniat expectandum. Porro quoniam nihil lucis per medium uniforme seu diaphanum ejusdem consistentiæ oculos nostros subingreditur, illius radii sive directi sive reflexi, nunquam

PROGYMN.
XXVII.

his conspiciuntur: necessario sequitur, coloratum vel colorem imprimis, utpote qui nihil aliud, quam lux modificata, id est, variis modis reflexa ac refracta est, visionis objectum frequentissimum existere. Hinc illa inter Scriptores hactenus magno adeo fervore agitata cadit controversia an Lumen, an Color, visionis adæquatum objectum sit? Imo sponte disparet ac evanidum redditur illud vulgi Philosophorum dogma, Lumen ad visionem requiri, aut ad objectum, aut ad medium aut ad ipsos oculos tantum illuminandos: uno verbo tantum ut causam, sine qua visio fieri non valeret.

*An objecta il-
luminentur a
luce oculorum?*

Neque diutius immorandum erit illi, quam pomposis ac prolixis olim discursibus moverunt, controversiæ, an lumen, quo objectum illuminatur, sit externum, an internum, seu connatum; Eo ipso enim, dum in loco umbroso constituti, sine lucis accessorii adminiculo nihil objectorum, aut minus distincte, dignoscimus: sane vel nullam, vel objectis sufficienter illuminandis haud adæquatam oculorum lucem concipiemus; & quidem eo magis, quod ejusmodi lux intrinseca visionem non tam juvaret, quam turbaret. Illis, qui fundamentis opticis leviter tincti, hoc satis evidens erit, his nihilominus, qui sine prævia encyclopædia Mathematica ac Physica, adeoque rudi Minerva, Medicinam coluerunt, ut commode idem persavdeam, hos in cameram obscuram ablego qualem pueri fere nunc adornare norunt, quæ non, nisi lumine omni, præter illud, quod per vitrum lenticulare subintrat, excluso, species externas excipit. Pariter, si a lumine majore seu potentiore v. g. radiorum solarium, oculus diutius aliquanto afficiatur, ita ut ejus quædam particulæ, aut certe harum impressione ad tempus retineantur, illumque, remota etiam luce externa, adhuc ad aliquot momenta illuminatum, seu in tali statu teneant, quem sub ipsa illuminationis actu sustinebat: alia objecta externa vel plane non conspiciuntur, vel confusa & sub colore aliena nobis apparent, ac functio hæc depravatur. Non equidem is sum, qui ex vulgari hypothese lumen qualitatem quandam illi perceptioni similem, quam ab ipso oculus patitur, velit, quasi impossibile alias foret, corpora luminosa seu lucida, illam, quam percipimus, in nobis sensationem præstare, nisi eandem sui habitudinem oculo communicarent, simili fere modo, ac de Lapide Bononiensi radiis solaribus exposito moxque ad locum tenebricosum deponato, ibique ad tempus lucente, innotescit: eo ipso tamen dum a luce externa luciferam ejusmodi impressionem sensorium nostrum patitur, per hanc ad species alias recipiendas ineptum redditur; quid proin obstabit, quo minus lux oculo perpetuo inhaerens ita illum alteret, ut ab objectis externis ulterius commoveri nequeat. Præterea si corpus

*Non datur lux
oculis innata,*

admo-

admodum luminosum per medium coloratum intueamur, hocque sublato oculos mox ad alterius coloris objectum convertamus, hæc colore illius tinctum cernitur, ob luminis colorati factam impressionem: quare similis metuenda foret visus depravatio a luce interna, eo quod hæc a colore tunice choroidis ac retinæ tingeretur, hinc radiorum ab extra incidentium colorem immutaret ac adulteraret. Tandem neque hoc luminis connati existentiam admittere videtur, quod palpebris firmissime in tenebris clausis nihil lucidi aut luminosi percipiamus, afficiamur nihilominus mox a lumine, aut candelæ, aut diurno, superveniente ita, ut illius præsentiam non tantum apprehendamus, sed etiam intensius a remissione distinguamus: quatenus hoc ipsos etiam palpebrarum poros & commissuras penetrat, quod nequitiam contingeret, si intra oculi bulbum vivida ejusmodi lux, debiliorem obscurans, latitaret.

Quæ vulgo pro luminis oculorum innati existentia afferri solent, partim ubi de spirituum animalium natura, ventilavi, partim hæc sunt, quod noctivaga animalia in tenebris crassioribus objecta distinguant, ac hominum exempla consignata legantur, qui noctu viderint, item quod cicindelæ similique animalcula lucifera seu noctu lucentia observentur. Postremis his non multum immorabor, quia non tam oculis horum insectorum lucem visoriam, quam toti corpori vitalem, inexistere, probare videntur, atque hoc quidem imprimis ideo, quod lux illa cum vita extinguatur: verum quia nobismet hoc in passu imponere videmur, vitalitati ac spiritibus lucidis intrinsicis hanc attribuentes, quæ a sola mechanicæ illorum fabrica emergebat, errorem hunc simul annotare debui. Per mortem siquidem corporum superficiem notabiliter immutari, vel sola cadaverum cutis flacciditas, color luridus &c. docere poterant: hujus itaque immutationem lucis quoque externæ reflexiones atque refractiones turbare, probabile fit, ita ut a splendore eorum cum vita cessante haud argumentari liceat, illum a fluido potius intrinseco, quam textura extrinseca, prodiisse, imprimis cum in sanguine & carne animalium mactatorum, piscibus putridis similibusque ab omni vitalitate alienis lux ejusmodi observetur. Animalium in tenebris videntium oculi luce egregia fulgent, ast non minus de intrinseca gloriari poterunt, ac illa quibus prærogativa hæc denegata, ut olim jamdum & ante plures annos in felibus experti mecum fuerunt amici præsentis. Sc. induximus felem exili cubiculo, cujus rimæ omnes probe obturatæ erant, cum lucerna, candelam maxime abscondente, insuperque vestimentis involuta: nihil lucis hujus oculi spargebant, ut ut a pluribus nostrum & aliquoties nostros ad animalis hujus converteremus oculos, donec tantillum ex lucerna abscondita lucis emanare pate-

Cur quorum-
dam anima-
lium oculi in
tenebris lu-
ceant?

PROGymn.
XXVII.

pateremur, quo felis oculi, in altero conclavis angulo, & quidem a lucerna averſi, egregie ſplendebant, nobis quamvis nihil adhuc illuminare videretur idem; ſuppreſſa vero denuo luce lucernæ ad priſtinam obſcuritatem ſe recipiebant noctuvagi hujus animalis oculi. Non potui E. aliter inde inferre, quam lucem oculorum hujus ſimiliumque animalium propriam & intrinſecam eſſe nullam, confirmatus imprimis, cum forte fortuna poſtmodum inciderem in locum *Helmontii de form. ortu. §. 50.* qui ſpeculo exponere jubet oculos hujus animalis in ſpiſſis cameræ tenebris, nihil tamen luminis in ſpeculo reflexum comparere teſtatur; ſecus, ſi in camera vicina debile detineatur lumen, cujus tantillum per foramen in obſcuriorem tranſeat, in ſpeculo apparens. Hinc probabilius fit, horum quoque animalium lucem participatam & ab extra eſſe, ut pluribus mox oſtendam.

*Viſio non fit
per emissionem
radiorum.*

Imo his ita ſe habentibus corrumpitur etiam illud Platonis & Pythagoræ aſſertum, qui lucis radios pro objecto illuſtrando ab oculo emitti, hosque ab eodem opaco ad idem organum reflexos ſpecies viſibiles huic ſimul adducere docent: quod poſtmodum duce *Galeno* amplexi fuerunt Medici ac Philoſophi plures, v. g. *Valleſius*, *Caſſerius* &c. illudque variis argumentis confirmare allaborarunt, quæ, utpote ab *Ariſtotele*, *Plempio* aliisque repudiata, recoquere haud conveniet. Liceat contra hos in præſentiarum illud ſaltem monuiſſe, quod oculi tantum lucis, ſeu corpusculorum aut radiorum complecti nequeant, qui ſerie haud interrupta ad infinita, eaque quam remotiſſima objecta, qualia v. g. ſtellæ fixæ ſunt, vibrentur & ad illuſtranda illa ſufficiant. Multo minus concipi poteſt, qua ratione ex oculis noſtris radii tanta velocitate ad corpora diſſita maxime emanent, & exinde ad eosdem reflectantur, quanta uno eodemque momento, quo oculos clauſos aperimus, objecta nihilominus remotiſſima a nobis cernuntur; cum nec lucis motus, quamvis celerrimus, philoſophice loquendo, in momento contingat, aut contingere certo dici queat.

*Noctubago.
rum lux eſt a
conformatione
oculi.*

Quod vero Modernorum nonnulli, Platoni adſtipulantium, argumentum primarium ſpectat, petatum ab illis brutorum ſpeciebus, v. g. Leone, ſele, talpa, mure, noctua &c. imo humanis quoque nonnullis individuis: quorum oculi noctu ac in tenebris æque, imo accuratius ac interdiu, objecta viſibilia dignoſcunt ac percipiunt, quod factu impoſſibile aſunt, niſi lux quædam ab his emanans objecta illuſtraret ac conſpieua redderet. Diſputat partim contra hos, partim eosdem explicare ac defendere allaborat, *Plempius ophthalmogr. lib. 4. probl. 25. & 26.* ſed utrumque egit conatu minus ſecundo. Nyctolapiam (in ſenſu Hippocratico) quibusdam brutis pariter

ac

ac nonnullis hominibus naturalem esse, plura Scriptorum testimonia perhibent: minime tamen hæc sufficiunt, pro luce aliqua oculorum propria seu intrinseca, multo minus ejus emanitione illuminante, inferenda, sed videtur, aptitudinem hanc & videndi potentiam peculiarem in conformatione tantum sensorii singulari, seu tali consistere, cui lux major ac diurna officit, minor & nocturna proportionata est. Haud equidem per cunctas horum animalium species illud probare mihi præsumo, tanquam rem infiniti forsan laboris: in felle nihilominus domestica & noctua, quorum oculos frequentius intueri concessum, talis horum deprehenditur conformatio, per quam interdum difficulter & vix sine molestia illas videre probabile fit: dum luci splendidiori expositæ nictitando pupillam plus minus contrahunt, mediocrem aut minorem observantes illam dilatant atque explicant. Spectant huc exempla illorum, quamvis rariora, quorum nihilominus unum *Platerus* in puero aliquo annotavit, qui de die & præsentē lumine cæcutiunt, noctu vero & in tenebris res minimas quoque dignoscunt, & quidem propter dilatatam nimis pupillam, quod vitium *Mydriasis* vocant: ita ut organi fabricam in his subjectis peculiarem oculis etiam usurpare liceat, an tamen hæc pupillæ circumferentia amplior causa hujus prærogativæ solitariae sit, merito dubito. *Tiberii* oculi quales ratione pupillæ aliarumque circumstantiarum fuerint, haud innotescit, adeoque nec de hujus noctu videndi potentia judicium adæquatum ferre possum: si tamen *Suetonio* credere fas est, similem hic ejus oculorum & pupillæ amplitudinem testatur, quamvis sint, qui excellentiam hanc ipsi plane denegent.

Puto autem, texturam hanc, per quam noctu magis, quam interdum, *Que varia.* nonnulla animalia vident, tria potissimum involvere, ita tamen ut hæc modo huic vel illo subjecto separatim contingant, modo in uno combinentur, hinc potentiam illam excellentiorem reddant. *Primo* sc. illa emergere videtur a summa tunicae corneæ & humorum tenuitate atque limpiditate seu pelluciditate extraordinaria, qualem in iisdem felibus observamus, ut per hanc minima etiam tunicae retinæ contemplari & discernere possimus; per quam quia nihil aut parum admodum lucis reflectitur aut intorquetur, vivo magis radio hæc, ut ut exilis, tunicam illam ac humores transit, pari modo ac fenestris vitrorum pellucidiorum exigua lux sufficit, pro conclavi illuminando, crassiores vero nec major commode permeat. Hoc est humorum & tunicae corneæ summa perspicuitas radios lucis diurnæ integros seu minus temperatos, vel umbrarum notabilium interjectione haud alteratos admittit, qui splendore nimio oculum lædunt: eadem tamen partium limpiditas atq; puritas exactior ad

PROGTMN.
XXVII.

illustrationem sensorii, per lucem etiam exiliorem, proportionata existit. *Deinde* eadem structura consistere observatur, ut modo innui, in pupillæ majore amplitudine & ad plures simul admittendos radios capacitate, quæ in iisdem felibus ac noctuis reperitur, ita ut illarum totus fere oculus pupilla appareat: dum uveæ limbus anterior, qui pupillæ ambitum circumscribit, in animalibus his cum cornea plane non cohæret, quo mobilis magis existat, hincque pupilla facilius constringi & dilatari queat, quod interdum in illis ut plurimum fieri, experientia testatur, imo in nyctolapis hominibus similis pupillæ latitudo deprehenditur. Circa quam tamen adhuc attendere conveniet, requiri illam pro phænomeno hoc talem, quæ cristallini humoris diametrum non excedat, alias illum præterlabentes radii visum potius turbarent, quam juvarent. Breviter, pupilla latior una eademque ratione obest, ac prodest, illud, quatenus plus justo luminis diurni eandem subit, quod cameram oculi visoriam nimis illustrat, hinc radios ab objecto reflexos cum reliquis confundit: hoc vero, quatenus nocturna lux magis dispersa, non, nisi a pupilla latiore, excipitur, & in camera hac obscura majorem vim exerit.

Sunt, qui *Tertio* eandem noctu videndi potentiam ab humoris cristallini majore cum cornea vicinitate deducunt, quasi pari ratione, ac in tubis opticiis vitrum vitro propinquius lumen incidens intendat magisque actuet, hinc visionem, speciem augendo ac oculum potentius illuminando, juvet: vicinitas illorum arctior, si tunicam corneam & humorem cristallinum intercedat, plus lucis diurnæ, quasi decebat, oculo communicet, ad intendendam vero nocturnam debilem adæquata sit. Favere etiam horum opinioni videtur, quod animalia hæc complanatam magis corneam gerant, adeoque hæc sine dubio cristallino humori propinquior sit. Quod si tamen ad anatomen provocemus, monstrabit hæc, noctuvaga multum humoris aquei, parum vitrei, habere, adeoque nihilominus, & a depressa quamvis cornea cristallinum multum satis distare, retinæ vero tanto propinquius accedere, quantum vitrei moles ac profunditas minor existit. Contrarium itaque potius, id est retinæ & cristallini propinquitas, visioni horum animalium nocturnæ prospicit, & quidem duplici ratione. Nimirum, sicut latior pupilla pluribus ac diversis magis radiis patet, ita horum plures cristallinus ab illa remotior, quam propinquior, admittit; pariter, quo conus visorius brevior, id est parum a retina distat idem, eo plures eorum infringit atque ad hanc dirigit: hinc impressionem in retinam potentioorem reddit, noctu & sub luce parciore congruam, interdum molestam ac lædentem.

Haud nihilominus vereor triplici huic mechanicæ addere quartam for-
 tan circumstantiam, dum choroides tunica in homine similibusque animalibus
 nigra aut obscurioris coloris cernitur, in noctivagis autem magis splen-
 dente colore tingitur, v. g. pallide flavescente aut cœruleo, qui, flavescent
 præprimis occasione est, cur animalium, horum oculi noctu quasi ignei seu
 scintillantes videantur, reflexis nimirum a fundo eorum lucidiore radiis inci-
 dentibus. Sicut enim nigredo aut quivis obscurior choroidis color hoc uti-
 litatis oculi camera visoria præstat, ut radios ad anteriorem & laterales ejus
 partes reflexos obumbret, ne, animadvertente *Cartesio* ad oculi fundum de-
 nuo retorti species ibi confundant, aut potius ut eadem nigredo radios latera-
 liter incidentes mox absorbeat & obvolvât: ita contra quæ ad candidum co-
 lorem propius accedit choroides, ab exigua luce mox illustratur, ut vel illi fa-
 cilius coguntur, qui conclave dealbatur præ obscuro citius & ab exiliore luce
 illuminari observant.

Quamvis enim dogma illud *Helmontii*, quod l. a. profitetur, propugnare
 nolim, lunam singulis noctibus per peculiarem lucem lucere seu noctem rege-
 re, ratione cujus noctu oberrantia animalia objecta sua eminus distinguant,
 quæ nostros sub meridie oculos fugerent: nec noctu tamen tales admitti pos-
 sunt tenebræ, quæ omnis lucis mera privatio sunt, ac Cimeriis etiam aliquid
 luminis subesse videtur, licet dispersi admodum, influentis nimirum ab astris
 noctu lucentibus, adeoque fixis quoque. Quorum radii etsi perpendiculari-
 ter & per lineam magis rectam nubes similiaque obstacula opaca atque crassiora
 penetrare nequeant, ob poros horum minus rectilineos, refracti & reflexi ni-
 hilominus eorum aliqui per aerem feruntur: qui non omnium quidem ani-
 malium ac hominum oculos afficiunt, ob raritatem nempe & discontinuatio-
 nem sui nimiam, ac, ut insensiles, a pluribus negliguntur, quibusdam nihilo-
 minus maxime inserviunt, eosque acri, quamdiu astra lucida in cœlis corru-
 scant, inexistere, necesse est.

Omnis itaque lux, quæ objecta illustrat, hincque ad oculum reflectitur,
 extrinseca est, & per consequens dubium hoc, a nonnullorum animalium
 noctu cernendi virtute petatum & contra receptionem radiorum visivorum
 productum, nihil ponderis habet: ita quidem, ut quamvis aliquid lucis a quo-
 rundam oculis emanare concedamus, non tamen ut talis, sed quatenus demum
 ab objectis reflectitur, & de observatis quasi in oculo rationem reddit, visio-
 nem præstet. Dum anima spiritus hos luciferos extra se animare nequit, adeoq;
 objectorum etiam in hos facta impressio nullius efficaciam foret: ut oculi
 structuræ artificiosissimæ taceam, sine dubio eum in finem adornatæ ut spi-
 ritibus

*Oculi objecta
 non illumi-
 nant.*

PROGTMN.

XXVII.

*Et visus per
receptionem
radiorum fit.*

ritibus ac radiis ab extra redeuntibus adæquatam pro objectorum imaginibus exhibendis modificationem atque conformationem conciliare queat.

Nihil autem omnino radiorum seu lucis ad objecta emitti, adeoque revera per receptionem horum, ab objecto emanantium, visum fieri, diversis ratiociniis declarari potest, quorum *primum* sit: quod Objecta angulo luminoso commissa ex angulo obscuro commode cernantur, minime autem ex lucido conspiciantur, si in tenebris constituti fuerint, ideo nimirum quod sub situ objecti priore lucis, illud actuantis, radii ad oculum videntis reflectantur, nihil vero in tenebris hærens ab hoc illuminationis idem mutuetur. *Deinde* cum singularis inter sensus externos tam ratione objectorum, quam instrumentorum & sensationis modi observetur conformitas seu analogia; sensus reliqui cuncti etiam hoc commune habent, ut eodem sensoria ab objecto percellantur atque commoveantur: vix apparet, qua ratione visus ab objecto suo nihil recipiat aut afficiatur. Potissimum cum *tertio* de natura & formalitate sensationis sit recipere atque sustinere a sensibili tale quid, a quo, objecto remoto, immunes existebant, & facultas sensitiva non magis dignoscere potest unum sensibile præ altero, nisi utriusque contactum patiatur, i. e. ab hoc determinetur & quasi modificetur. *Quarta* res magis plana redditur per cameræ obscuræ seu optice phænomena, quatenus in hac corporum externorum & foramini ejus objectorum species cernuntur: non alia ratione, quam quod radii lucis ab iisdem reflexi in vitro cameræ lenticulari coeant, ac post sui in hoc intersectionem denuo intra cameram expansi: super parietem album, a vitri tergo collocatum seu paratum, terminentur. Imo denique huc faciunt cuncta vitra dioptrica ac perspicillorum genera, per hæc enim nisi a sensibili aliquid ad oculum videntis emanaret, nulla ratio adeo diversorum harum machinarum effectuum reddi posset, id est cur objecto modo majora, modo minora, modo hujus aut illius figuræ &c. compareant.

Adeoque sensus etiam testimonio comprobata puto Aristotelis sententiam, species nempe oculum subintrare, licet modus, quem interpretes ejus nobis hactenus obtruserunt, non ita planus, nec rationi conformis sit. Quas enim de speciebus intentionalibus, a genuinis & realibus emanantibus sibi hi Chymeras finxerunt, vel ex illis, quæ de sensatione in genere dixi, dispereunt, imo cum nec divisibiles seu corporeæ, nec indivisibiles aut inter corpus ac spiritum ambigentes sint, earum ratio formalis quam obscurissima comparet, adeoque determinari nequit. Si enim corporeæ pronuncientur, ipsis qualitatibus realibus, quas Peripatetici omni materialitate exuunt, materiales ma-

*Non species
intentionales
oculum sub-
eunt.*

gis & crassiores existunt, quod intentioni Doctorum, qui species intentio-^{PROCTMN.}
nales venditant, minus consonat: neque etiam tales dici possunt, quod in-^{XXVII.}
minima subjecti aut medii parte totæ ex sententia illorum reperiantur: Ne-
que si incorporeas virtutes has dicamus, sensoria movebunt, aut res exten-
sas representabunt, multo minus, quod tamen frequentius observatur, or-
gana lædent. Imo, si negotium penitus examinemus, cæcos catulos vo-
care has licebit species, quas ejusmodi homines festinando, id est, fun-
damenta optica negligendo, pepererunt: neque enim objectorum in spe-
culo sub tali, vel tali situ observatorum species mere virtuales sunt, sed a
radiis luminis reflexis, ac interdum simul refractis, emergunt.

Verum quoniam, quæ Thomistæ de his entibus docuerunt, a pluri-
bus superiorum æque ac nostri temporis Philosophis acutissimis ad nauseam
usque ventilata & funditus everfa sunt, de alia specierum visibilium ratione
& simulacri seu imaginis formalitate erit cogitandum. Ubi mox Epicuri<sup>Nec imagines
Epicuri.</sup>
crassiorem deprecor sententiam, qui veras rerum imagines & quasi idola a
visibilibus ad oculum transportari ait: sed objecti simulacrum in oculo vi-
dentis nihil aliud est, quam radii lucis ab hoc sub determinato situ & coi-
tione ad oculi fundum reflexi, hinc figuram & colorem idoli representan-<sup>Sed visus per
radiatorum im-
pressionem fit.</sup>
tes. Quatenus nempe cuncta sensibilis puncta, & ab his infiniti prodeun-
tes radii, postquam in tunica cornea & humoribus, disparis consistentiæ
ac figuræ, varie inflexi ac fracti, in puncta totidem retinæ sibi opposita
agunt, hæcque omnem objecti punctorum impressionem, hinc rerum ima-
gines, recipit: pari circiter modo, ac per cubiculi obscuri foramen &
huic adaptatum vitrum aut tubum opticum rerum extra cubiculum existen-
tium figuræ in chartam aut parietem oppositum trajiciunt & quasi pingun-
tur.

Fabrica sc. oculi, prout quidem per plurimum anatomicorum industriam
hanc evolutam novimus hætenus, cameræ ejusmodi obscuræ, commodius
autem forsan, secundum *Perrault. Essais de Physique tom. 3. part. 1. cap. 4.* si
tunicam retinam demas, conspicio seu tubo optico comparatur. Vt idem,
quod in machinis his triplex vitrum, cum tunica cornea humores agent, iris
oculi in medio perforata circulos chartaceos ejusmodi instrumentorum amu-
letur, qui circumferentia seu limbo suo radios magis obliquos excludat, ima-
ginem alias in fundo oculi pictam turbantes; Ligamentum ciliare crystalli-
num humorem sustinens, circuli metallici seu similis locum gerat, qui vitrum
firmet, tubi vero superficiei atratæ respondeat tunica choroides, lumen col-
laterale seu peregrinum absorbens, ac crebriores ejus reflexiones inhibens.

PROGMN.
XXVII.

Et sicut denique tubos ejusmodi pro diversa objectorum distantia & lucis conditione elongare atque contrahere licet, pari ratione musculi intumescencia sua oculum comprimendo elongent, relaxati pristinae figurae restituant: id est, crystallinum humorem retinae vel adducant, vel ab eadem elevent sicque ipsi habitudinem ad hanc ejusmodi concilient, per quam haec illius humoris focum decenter excipiat. Pariter recentiorum quidam oculum arte parant, cujus vitrum amplum & convexum, & orbe chartaceo inclusum corneae tunicae vicem gerat: crystallini humoris loco ipsi supponitur vitrum lenticulare, quod a postica parte charta, quae organum visus receptivum seu primum exhibeat, ita cooperitur, ut haec pro lubitu adduci ac retrahi queat, donec distincta objecti species in ea compareat.

Modus visio-
nis.

Radii autem ab objecto reflexi in pupillam vel perpendiculariter incidunt, hique sine omni refractione tunicam corneam & humores ad retinam usque penetrant: vel cum perpendiculari angulum quendam formant, hinc oblique saltem pupillam feriunt & necessario in transitu per diaphana diversae consistentiae minusque plana & ad sphaericam figuram inclinantia diversas refractiones patiuntur. Illorum, accuratius loquendo, non, nisi unus est, reliqui omnes oblique oculum ingrediuntur, & per consequens ad retinam sine refractionibus non pertingunt, quarum unam in cornea, alteram in humore crystallino, adeoque duplicem, sustineat. Quae quidem refractiones adeo necessariae sunt, ut sine illis nullum objectum retinae imprimi queat, utpote papillam latitudine longe superanti: quatenus ejus radii directi saltem per angustiam pupillae illaberentur. Cujus defectus corrigendi gratia convexam oculo praefixit natura corneam, in homine magis, quam in reliquis animantibus, protuberantem, quo a potissima hemisphaerii expansione radios excipere ille queat: imo horum exciperet plures, nisi eminentiae oculum stipantes, scilicet supercilia, nasus & genae, notabilem eorum portionem interciperent. Quoniam autem non tantum hujus figura convexa ejusque substantia solida observatur, radios per medium fluidum aeris nimis divergentes cornea colligit, ad perpendicularum infringit & papillam versus dirigit, quam ubi subeunt, humorem ostendunt aqueum cornea denuo fluidiorem, & a perpendiculo iterum divergunt, hinc nova indigent refractione, quam crystallinus humor solidior ipsis praestat, eosque in retinae puncta objecti punctis diametraliter opposita dirigit. Cui talis obrigit situs & convexitas, corneae convexitate magis complanata, ratione cujus a pupilla & retina proportionate distat, & quali opus erat partim pro foci seu coni visorii apice in retina exactissime terminando, partim pro radiis lucis excellentioris, seu

poten-

potentius vibrantibus, per umbram, quam pupillam ambiens sclerotis PROGTMN. XXVII.
format, proportionabiliter contemperandis. Qua nihilominus diversa ob-
jectorum ab oculo distantia diversumque lucis robur visionem maxime variat,
organis his ita & per peculiarem mobilitatem prospectum est, per quam
humor crystallinus interdum retinae magis appropinquetur, interdum ab eod-
em recedat.

In ratione & modo, per quem hæc alternans oculi elongatio ac con- *Elongatio oculi non est a musculis.*
tractio contingat, explicando, autores variant; sunt enim, qui crystallinum
humorem a retina nonnunquam secedere ajunt, si musculi oculi cuncti, vel
ad minimum quatuor eorum recti, quorum singuli oculum ad diversas pla-
gas convertant, simul agentes, hinc abbreviati intumescentes latera oculi
bulbi compriment, hinc ad exteriora elongent: alii obliquis tantum binis
hoc officii tribuunt, hosque simul contractos in visione objecti remotioris
a retina crystallinum quasi protrudere, ne coni refracti apex ultra retinam
protendatur, reliquos vero potius oculum complanare, ajunt. Verum quia
intumescentiæ musculorum horum omnium vis contractionis eorum robori
inferior longe videtur, hæc elongationis ætiologia vix concedi potest ac fibris
illarum abbreviatis necessario oculus magis complanabitur, seu ejus anterior
pars mobilis, cui musculorum tendines implantantur, fundo hujus accedet,
vixque oculi tunicarum latera illorum intumescentiæ ita persentiscunt,
aut ab hac eousque comprimuntur, donec humorem aqueum & vitreum,
quibus lateralia spatia, sic dilatata, locum concedunt, ad anteriora cogant,
hinc oculum protuberantem reddant, simulque crystallinum elevent. Multo
minus obliquorum contractioni, ut tali, aliquid hoc in passu deferendum,
cum trochlearis idem cum reliquis principium habeat, nec alter, ut ut e pecu-
liari foramine orbitæ exsurgat, ejusmodi quid præstare potest, pariter re-
trahens. Neque a pressione horum aliquid expectandum, per rationem
dictam, ut taceam, tractus tantum angustiores oculi a tenuioribus his mu-
sculis comprimi, latiores vero ejusdem parietum partes dilatari.

De motu itaque partium oculi ita suspicor, abbreviatur utique ali- *Motus par-
tium oculi ut
se habeat.*
quantum totus bulbus musculis illius in sympraxi versantibus, elevabitur
autem & convexa magis evadet tunica cornea, ab humore aqueo, in se &
in spatium, corneæ subjectum ac a musculorum tendinibus immune, coacto
& quasi expresso: fieri tamen hoc nequit, quin simul crystallinus pupillæ
evadat propinquior, non solus sed cum vitreo elevatus. Quippe uterque
horum humorum communi connectitur tunica, sine ejus laceratione aut
tensione dolorifica crystallinus a vitreo divelli nequit; imo non possent

PROGTMN.
XXVII.

hi a se invicem recedere, nisi spatium vacuum seu fluido quodam explendum intercedat; unde radiorum in crystallino ad perpendicularum refractorum nova contingeret divergentia, visum maxime turbans. Ipse vero vitreus humor, quia mollis & dilatabilis maxime, per compressionem bulbi sine dubio aliquantum complanatur, adeoque aliquid crassitie sue deponit, ut per consequens crystallinus retinae propius accedat.

Humor crystallinus a vitreo non demonstratur.

Quia autem idem staminibus nexus ciliaris, tanquam totidem exiguis musculis annectitur, his sese contrahentibus, illum commoveri necesse est, non, quemadmodum communis fert sententia, ut levetur, & pupilla tota sua compage propinquior evadat, hoc enim, quæ de ejus cum vitreo connectione modo dixi, inhibent, sed quatenus hæc pariter mollior a figura elliptica ad sphericam magis cogitur, lateribus ejusdem undique compressis, ita tamen ut remittente hac contractione per elasticitatem intestinam ad pristinam figuram se mox recipiat. Imo quoniam ligamentum hoc stamineum processus quidam tunicae choroidis est, quam musculosam recentiores observarunt: probabile fit, uveæ dilatationem simul contingere i. e. sine pupillæ aliquali dilatatione humorem crystallinum vix attolli posse, quo radii lucis obscurioris aut objecti remotioris in hunc incidentes æque ac ad retinam refringendi breviores evadant, plures nihilominus eorum in hoc colligantur seu congerantur. Multorum equidem consona est opinio, quasi sub hac ligamenti ciliaris contractione simul constingatur pupilla, seu uveæ limbus angustior reddatur: ast rei exigentia pariter, ac partium conformatio, contrarium svadet. Quippe dum objecti remotioris ac lucis debilioris causa hæc contingunt, talis pupillæ angustia incidentiæ illorum radiorum maxime derogabit, seu parum nimis lucis admittet: pariter cum nullus musculus nullave musculosa expansio versus alterutrum suorum extremorum, sed medium sui, corrugetur & convellatur, tunica choroides aut hujus processus ciliaris contrahi nequit, quin limbus uveæ simul contrahatur, adeoque pupilla dilatetur. Ubi vero propinquius & splendidum magis lumen, supervenit, muscoli non tantum oculi externi a sua tensione remittunt, sed tunica choroidis atque uvea pariter laxatur, hinc pristinam figuram ac situm recuperat oculi bulbus ac partes, imo palpebræ sua conniventia his aliquid umbræ parant, ne a sensibili excellentiore lædantur.

Cur species visibiles non apparent inversæ?

Quoniam autem radii obliqui seu a circumferentia objecti incidentes post sui in crystallino interlectionem in retina ita terminantur, ut superioris extremitatis radii inferiorem hujus partem contingant sinistrae dextram, & sic reciproce; adeoque objecta necessario in oculi parte postica pinguntur,

PROGTMN.
XXVII.Non eriguntur
in Cornea.Nec in crystal-
lino nec in vitro.Immerse pin-
guntur in re-
tina.Nec insertun-
tur ac erigun-
tia

tur, ut præter regulas ac demonstrationes opticas camera obscuræ & microscopiorum phænomena evincunt: anxie semper & a pluribus investigatum fuit, quidnam sit, quod species retinæ inverse impressas ita erigat, ut in situ naturali, compareant? seu qui fiat, ut objectorum species non inversæ, uti per data fieri debebat, sed erectæ, & ut in se sunt, videantur? aut quam oculi pars sit, quæ radios inversos denuo dirigat? Alii refractionem, quæ in cornea fit, hoc præstare autumant: quos quidem ego vix intelligo, nisi ita se explicent, quasi species in cornea invertantur, quo a crystallino denuo erigantur, pari ratione, ac duplex tubi aut camera obscuræ vitrum erectas species sistat, seu quas antea horum invertit, alterum denuo erigat. *Keplerus* in vitreo idem fieri asserit, *Plempius* olim alteri radiorum interjectioni, in crystallini convexitate postica celebratæ, hoc munus se assignasse perhibet: quos cunctos tamen, præter absurda, quæ in leges opticas committunt, autopsia refutat. Siquidem si oculus ex cuniculo albo recens extractus inter oculum nostrum & candelæ flammam aut fenestram ad convenientem distantiam & ita constituitur, ut eum a postica parte intueri liceat: objecta illa externa cuncta propter aliqualem sclerotidis diaphaneitatem conspiciuntur, & quidem inversa. Quod in aliorum animalium quoque oculis observare licet, modo ab eorum parte nervo vicina aliquid scleroticæ aut choroidis separetur, adeoque retina nuda compareat, vel hujus etiam tantum removeatur, quantum vitrei humoris mollities fert: oculo enim hac ratione præparato & foramini camerae obscuræ aut tubo imposito, aut in retina aut in charta candida cuncta pupillæ oblata inversa deprehenduntur. Difficile equidem est, talia hoc modo adornare, quia retina laceretur ac humor perdatur, fateorque me nunquam præparationem hanc eousque absolvere potuisse, donec totum objectum per oculum conspexerim, tantum tamen obtigi, ut inversam ejus faciem in retina pingi testari queam, testanturque phænomeni veritatem plures Physici ac Mathematici insignes v. g. *Plempius ophthalmogr. lib. 2. cap. 19. de Chales Optic. lib. 1. propof. 1. & Anglo et optique lib. 2.*

Hinc non satis mirari possum illos, qui potius suo sensu, quam ex ipsa oculi conformatione ac refractionis legibus visionis rationem explicare satagunt, imo qui his similibusve experimentis contradicere audent, quibus nihilominus sensus quoque convinci necesse erat. Et profecto, si imagines situ naturali & recto retinæ imprimerentur, licet radii principales inverso situ eam appellerent: non reciperentur aut pingerentur in iisdem retinæ partibus, ad quas illi pertingerent, quod neminem, nisi principia negantem, asserturum confido. Cautius agere videntur, qui non in quavis oculi ab objecto distan-

PROGTMN.
XXVII.
tur per obje-
ctorum deter-
minatam distan-
tiam.

tia species in retina inversa ratione depingi ajunt, sed pro hujus varietate nunc inversa, nunc recta repræsentari: qualem observo *Ludovicum Laurentium*, Philosophum & Medicum Bononiensem, in *dissert. epistola de Specierum erectione in Camera obscura*, cum videret lentem convexam ab oculo proportionabiliter distantem objectum modo inversum, modo erectum ostendere. Quibus tamen, nec ideo adstipulari possum, quod, hoc supposito, casu, frequentius tamen nobis contingere queat ut quæ modo erecta, paulo post, ab iis vel recedentes, vel iisdem appropinquantes magis inversa cernamus; quod tamen vix ullus unquam per totum vitæ tempus sibi obvenisse testabitur idem *Laurentius* & alii v. g. *Sanctorius in 1. fen. Avicen.* hoc vitium in cameris obscuris corrigere variis machinis allaborant, quibus nihil litis movebo, modo talis ulla earum foret medela, quæ oculo applicari, aut per quam problema præsens explicari posset.

An directio
contingat ab
anima?

Oculum E. mitrunt alii, & ab animæ potius activitate hanc specierum impressionem inversam emendari mulunt, quales sunt v. g. *Plempius*, *Cavresius* ac *Augo*; quasi nimirum imago oculo impressa animam tantum ad actionem aliquam eliciendam determinet, repræsentativam nempe objecti, a quo talis species emanet, licet hic in dijudicando partium situ semper sequatur directionem radiorum emanantium: ab objecto, a quo producitur talis imago, & quoad locum ad exhibendum illud secundum lineam rectam, per quam illa intra oculum depingitur, non autem ad repræsentandum idem, ut intra oculum est. Atque his quidem facile auscultarem, modo virtutem illam imaginativam paulo planius explicarent, quod quidem facile fieri posse puto, si modo ad reliquos sensus externos reflectamus, qui cuncti objecta sua apprehendunt non sua idea, qua sensoriis externis imprimuntur, sed prout in se sunt: alias enim lingua non saporem, sed peculiarem tantum fibrarum vellicationem, nec auribus sonum, sed tremulum tantum tangendo perciperemus motum, quod nihilominus experientiæ refragatur. Sed hypothesin hanc spinosæ huic quæstioni resolvendæ haud sufficientem esse, inde concludo, hinc opticorum lucubrationibus denuo commendo, quod imaginatione & sensu communi optime se habentibus, rarius quidem; aliquando tamen, visum ita depravari contingat, ut homines super capita ambulare, ædium fastigia ad fundum inclinata &c. compareant: & *Sennertus* de quodam Medico Dresdensi refert, huic, cum oculos pro depromendo libro fortius sursum converteret, omnia postmodum inversa visa fuisse, cum autem ad pristinum statum rediisset, postquam oculos denuo majore impetu sursum detorsisset. Annon E, in oculo potius, quam sensorio communi, vitii hujus

Dubitatur.

hujus formalitas erit querenda? & per consequens, an res, ut in se sunt, PROCTMN.
conspicere, non tam animæ, quam oculi, opus est? ~~XXVII.~~

In vitreo humore vix ullam mutationem patiuntur radii visorii, nisi *Vix radios mutat vitreus humor.*
quod forsan secundum quosdam ille hos a perpendiculari aliquantum refringat,
pari modo, ac in tubo optico lens cava convexa rite adaptata ageret. Quibus
tamen regeri debet, vitrum equidem cavum pone convexum constitutum
radios nimium convergentes seu citius justo coituros paululum distrahere,
adeoque imaginem non tantum ampliorem, sed distinctam magis exhiberi:
est, quia aliqua inter bina hæc vitra requiritur distantia, tale quid ab humore
vitreo non erit expectandum, utpote crystallino maxime contiguo; aut si
foran aliquid divergentiæ præstat, non tam a concavitate seu sinuositate
hoc habebit, quam a fluidiore sua præ crystallino substantia. Hinc probabiliorem
Plateri æstimo opinionem, sc. vitreum humorem in situ conveniente firmare crystallinum, seu fulcimento ipsi existeret, & spatium inter
hunc ac retinam replere, ita tamen ut sine perspicuitatis impedimento hoc
fiat, id est, hic per suam diaphaneitatem summam radiis, crystallinum
penetrantibus, liberum ad retinam concedat aditum.

Hæc enim est, in qua focus & actio radiorum sistitur, seu in qua simul- *Visio fit in retina.*
lacta objectorum pinguntur ac excipiuntur, adeoque visus organum formalit.
male audit. Quippe primo nihil aliud est, quam expansio seu textura substantiæ
medullaris aut fibrosæ nervi optici, unde albida observatur levemque
rubedinem intertextam habet, ut incarnati fere coloris videatur: habetque se *Substantia & textura Retina.*
instar lintei seu chartæ albæ in postico oculi pariete expansæ, ita quidem, ut
pro experimento superius indigitato faciendo, detracta a vitreo retinæ charta
oleo inunctam aut ovi putamen substituere liceat. Et quamvis instar mucit.
tantum Cheroidis hemisphærium oblinientis compareat illo secandi modo,
quo ordinarie incisio in anteriore oculi parte inchoatur, sicque profusis
humoribus tunicæ hujus mollissimæ situs ac figura per convolutionem ejus-
modi turbatur: quod si tamen ita operatus fueris, ut prope nervum tuni-
cas exteriores solvas ac eleves, super vitreum expansa manet tela hæc sub-
tilissima, jucundissimo spectaculo. De cætero revera fibrosam & ex filamen-
tis tenerrimis tunicam hanc contextam esse, apparebit, si aquæ illa immer-
gatur, per quam aliquali mucositate diluta ac deterfa fibrillæ magis conspi-
cuae redduntur: cave tamen, ne præter fibras mucositatem hanc peculiarem
tibi concebias substantiam, sed pariter fibrosa fuit, ob summam nihilominus
sui molitiem divulsa, cujus stamina nervo optico continua ab hoc, instar
foliorum floris a caule, progrediuntur.

PROGYMN.
XXVII.

Deinde opinioni huic maxime favet experimentum, cujus superius mentio facta fuit, sc. si oculus bovinus aut similis, parte sua postica sclerotide & choroide exutus, ut retina tantum super vitreum humorem expansa relinquatur, foramini camerae obscurae aut tubo convenienti adaptetur, species in eadem retina, pariter, ac in charta alba, post vitrum lenticulare suspensa, conspiciuntur: ne repetam in teneriorum animalium oculis, v. g. cuniculi albi, quorum choroides & sclerotis magis diaphanae, sine harum detractione species oppositas apparere, item per pupillam horum animalculorum species externas in fundo oculi satis distinctas cerni.

*Choroidem pro
primario sen-
sorio venditat
Mariotte.*

Dogma quidem hoc, plurimorum Opticorum & Anatomicorum consensu approbatum, in dubium vocavit *Marriotte*, *Philosophus insignis*, partim in epistola quadam ad *Pecquetum*, partim in discursu quodam, Academiae Regiae Parisiensi inscripto: quo tamen successu, videbimus. Illius nempe rationes sunt, quod (1) pictura rerum non super insertionem nervi optici, utpote, qui non in fundi oculi centrum, ut communis fert traditio, sed ad hujus latus interius, implantetur: (2) retina non fibrosa sed mucosa plane, adeoque cerebro non continua. choroides econtra pia matris quaedam productio sit; (3) eadem retina observetur transparen, hinc ad sistendas species inepta. At luce sua radiant, quae argumentis his *Pecquetus* in Responsoria epistola regerit, nempe *primo* vix necesse, imo inconveniens, fore, si radii visorii super medium nervi optici incidant, sic enim non contingerent filamentorum, ab hoc emergentium, extremitates, utpote in lateribus oculi se terminantes: imo incidentes in profunditatem ejusdem nervi ab hujus umbra potius obvolverentur atque obliterarentur, superveniente imprimis illa obscuritate, quam a vasis sanguiferis, circa sui centrum crassioribus, retina tunica fortitur. *Deinde* & eo ipso, dum tunica haec medullosa, i. e. nihil aliud, quam nervi optici substantia explicata esset, ipsi continuationem ac communicationem cum cerebro denegari haud posse, ac ratione hujus connexionis aptiorem pronunciari deberet pro speciebus visibilibus recipiendis, quam choroidem, quam ipsemet pia matris processum autumat: cui etiam hoc addere liceret, non mucosam, sed revera fibrosam pelliculam hanc bulbi oculi existere, ut modo innui. *Tertio* denique concedit *Pecquetus* aliquam equidem Retinae diaphaneitatem, minime tamen hanc specierum impressionem impedire: utpote qua chartae oleo imbutae similis, pelluciditate vero cornu familiari, inferior esset illa & opacitatem aliquam combinatam gereret, ita ut, si ab oculo recenti ac succulento adhuc sclerotica ac choroides tollatur, aut avulsa aquae immergatur ista, optica satis existat.

*Refutatur de
Pecqueto.*

istat. Quæ insuper inter *Perault.* & *Mariottum* super eandem materiam ventilata fuerunt argumenta, prolixius referre nolo, cum literis horum *Celeberrimorum Virorum* vix ullus *Eruditorum* destituatur.

PROGymn.
XXVII.

Sine communicatione autem oculi cum cerebro nulla fit visio, id est, *Visio termina-*
objecti visibilis apprehensio, seu dijudicatio, & contactus ille atque exagita-
tatio, quam retina a radiorum activitate sustinet, vel ideo haud sufficit,
quod sine sensus interni concursu objectum non, ut in se est, sed ut ocu-
lum afficit, nobis appareret, prout, de sensatione in genere jamdum moni-
tum. Neque inconueniens erit hic applicare distinctionem illam Moder-
norum quorundam, qua Species in impressas & expressas dirimunt: ita ut
impressa illa sit, quam retina, instar speculi concavi, recipiat, expressa au-
tem ipse Facultatis seu Animæ actus reflexus sit, per quam talis sistatur
seu apprehendatur, qualis in objecto est, id est, viva ipsa hujus expressio.
Adeoque dum fibrarum retinæ, ex nervo optico emanantium, apices a ra-
diorum visivorum impulsu percelluntur, spiritus his inexistentes, determi-
nato modo exagitati, alios sibi vicinos commovent, usque dum hic eorum
motus, ab extra inchoatus beneficio continuitatis systaseos spirituum illo-
rum ad cerebri interiora devolvatur: ubi demum portio sensationis acti-
va & potissima supervenit, quam, quia cum passiva, & quæ in oculo ac
nervo fit, ratione temporis sensibilis, coincidit, organo externo vulgus
tribuit. Acujus nihilominus commotione ipsam visionem quam maxime
differre, id est, speciem impressam equidem adesse, deficere autem expres-
sam, oculis apertis dormientes aut aliis rebus maxime attenti evincunt: qua-
tenus ambo hi ab objectis quidem visibilibus percelluntur, illa tamen neu-
tquam vident, aut eadem oculum ferire, percipiunt.

*Modus Visio-
nis.*

Atque per ejusmodi particularum oculi subtilium ab hoc versus cere-
rum undulationem retrogradam dum visio continuatur atque ab-
solvitur, fit, ut non raro a corpore lucido potentiore aut valde illuminato
notabiliter lædatur visus: dum, postquam tale quid attentius atque diutius
spectavimus, alia objecta aut difficulter, aut depravate conspiciamus. Qua-
tenus major radiorum concentratorum magis quantitas fibras quasdam, si
non omnes, retinæ sensibiles valde præter modum alterat & quasi adurit,
seu spiritus impetuosius exagitando adeo rigidas, aut eosdem præter mo-
dum repellendo adeo torpidas reddit, ut ab objectis minus luminosis facile
commoveri nequeant, donec redeuntibus aut motui suo pristino restitu-
tis spiritibus pristinam flexibilitatem ac sentiendi potentiam repetant fibril-
læ eadem. Imo ideo contingit, ut per illam oculi partem, cujus fibra una:

*Quomodo seu
sile excellens
visum lædat?*

PROGTMN.
XXVII

Cur res Dupli-
ci oculo visa
non appareat
gemina?

vel altera tantum impetus a lumine majore sustinuit in altero, ad quod repente convertimus oculum, objecto macula quædam, prioris impressionis æmula compareat, diversi coloris, donec successive pristino tenori nervi cum spiritibus restituantur.

Est problema adhuc restat, quod multorum pariter seculorum ingenia exercuit. Qui nempe fiat, cur res una, gemino oculo visa, non gemina: sed simplex appareat? in quo evolvendo tantam *Gassendus* difficultatemprehendit, ut distinctam & accuratam magis visionem uno potius tantum oculo fieri asseruerit, quamvis quam congrue, vel ipsa cujuslibet experientia evincat. Omnium promptissimi videntur, qui per radiorum emissionem visum celebrari autumant, quasi ab ambobus oculis emanantes radii in uno subjecto concurrant ac terminentur: Quoniam autem hypothesin horum superius jamdum ventilavi ac reprobavi, quæ exinde petuntur, phænomenorum ætiologiæ nobis minus quadrant. Qui receptione specierum nos videre docent, varias hujus rei rationes commiscuntur, & inter hos *Galeno Vitellioni* &c. chiasmus ille nervorum opticorum arridet, in quo communi ac solenni nervorum coalitu speciem duplicem unam fieri ajunt. Alii v.g. *J. B. Porta* cum *Gassendo* frustraneam hujus problematis disquisitionem censent, quod unico imprimis oculo semper videamus, etsi utrumque apertum geramus. Denique sunt, ut reliquos taceam, qui quamvis formaliter duas sensationes pronuncient duplici oculo celebratum visum, esse tamen unam objective, quod unum sit, circa quod uterque oculus versetur. Verum sicuti observatii fuerunt, v.g. a *Vesalio lib. 4. fabr. corp. hum. hum. cap. 4. & Loffelio de Struct. ren. p. 59.* in quibus nervi hi distincti toto sui tractu comparuerunt, annotante etiam *Riolano Casalpinus* in Anatome publica Pisis celebrata idem testatur, quibus tamen nulla visus ejusmodi depravatio, qua singula objecta sub duplici schemate viderint, unquam contigerat: hæc sententia quoque a pluribus dudum jamdum explosa fuit, & quidem potiore jure, dum constat, facile & pro lubitu singulam speciem nobis duplicem sisti posse, sine solutione aut laceratione illius coalitus, cujus divulsionem repentinam cæcitatem induxisse *Ærius* perhibet. *Porta* & *Gassendo* responderi potest, quasi propinquiora tantum objecta, quorum specierum in utrumque oculum ingressum nasi eminentia inhibeat, alterutro oculo usurpemus, alias vero unum objectum duplici semper intueamur oculo, ita ut quemcunque horum repente claudamus, alter nihilominus semper stabile illud observet, adeo quidem, ut si quis modo utroque, modo uno oculo scripturam paulo motiorem legere tentet, uni obscurior, utrique evidentior illa compareat. Qui denique identitatem objecti in scenam

scenam producant, nec sibi, nec aliis satisfaciunt, quatenus, ut antea monui, facile eousque distorqueri possunt oculi, id est, unus eorum attolli, alter deprimi, ut geminum appareat specie & numero idem visibile. PROPTMN. XXVII.

Peculiarem E. ac egregiam nobis concessit super hoc phænomenon theoriam *Guil. Briggs. Ophthalmographia* accuratissimus Scriptor, quam brevibus in libello dicto innuit, prolixius autem & destinato in *Collect. Phil. Angl. N. 6. & Transact. Philos. 147.* explicat ac illustrat. Supponit nimirum nervorum opticorum medullares fibras tractu continuo a principio suo usque ad retinam ferri, quarum singulæ unius nervi singulis alterius, eundem inter se situm habentibus, responderent, ideo concordēs, homologæ aut homotonæ dicendæ. Quoniam autem species in utriusque oculi ac nervi filamenta homotona incidat, hæc æquali & eodem tensionis gradu gaudentia instar fidium unisonarum in testudine se haberent, adeoque unicam eandemque vibrationem perpeffa eam uniformem quoque sensorio communi inferrent. Cui sententiæ quamvis nihil applausus, quem meretur, derogare velim, cum venia nihilominus *primi ejusdem Inventoris* mihi exponere liceat dubia, quæ mihi circa eam emerferunt, & quidem brevissimis. Nimirum primo vix comprehendi potest, cur non frequentior sit illa visus depravatio, qua duplex comparer objectum unicum quam quidem in praxi observatur, si ille fibrarum parallelismus & symphonia causa hujus unisonantiæ fuerit, in illis præprimis subjectis, quorum cerebrum humidius oculique ad guttam serenam simileque vitium induendum proni? cum facile fieri possit, unam fibrulam hujus nervi ab humiditate præternaturali laxari, dum alterius ipsi consona naturaliter tensa manet. Deinde quid obstat, quominus fœmina illa, cujus Cæsalpinus meminit, non visus duplicitate laboraret, postquam a capitis vulnere attenuabatur hujus nervorum visorius alter, altero, ab hoc distincto, succulentiam & crassitiem naturalem retinente. Cui *tertio* & illud addo, cur alterutro oculo depresso, elevato aut ad oppositum latus converso, simplex objectum appareat geminum? Respondet huic *Clarissimus Autor* ex sua hypothese, quod radii vivi hac ratione in fibras discordes incidant: Regero, nec tamen hæc fibrarum distractio contingit, quin simul reliquæ oculi partes distorqueantur & situm mutant. Ita ut ambigere conveniat simplicitatis causa in nervo, an in organis potius externis, concipienda sit? quatenus nempe utrique oculi horumque partes singulæ eadem plana eademque parallela inter se observant, ita ut oculis duobus eodem plane modo objecto universis utriusque retina eandem prorsus & unisonam speciem recipiat. Nec vanum adeo hoc meum dubium esse, ab eodem allegatæ observationes depravati hac ratione visus evincunt, dum *Foresti* miles ille oculum alterum quasi prolapsum gerebat: quam

PROGYMN.
XXVIII.

Borrichius in Ast. Hafn. ægram, paulo ante mortem cuncta duplicata videntem describit, in hujus humoribus vitri polygoni similitudinem suspicabatur idem *Celeberrimus Vir*, ego alterutrius musculi aut tunicæ choroidis convulsionem, hinc vel totius bulbi, vel humoris crystallini, situm mutatum auguratus fuisssem: ac in fumibibone illo, cujus in *Iisdem Actis* mentio fit, aliquem horum muscutorum laxatum metuisssem, hinc oculi partem unam alteramve leviter quoque dislocatam. Quibus socium ex *Langii l. i. ep. 7.* jungo illum oculo vulneratum, qui quamdiu post curatum vulnus oculum palpebræ inferiori agglutinatum, hinc pupillam depressiorem, gestabat, cuncta gemina cernebat, donec tandem frequentiori motu oculus relaxatus cum palpebra naturalem positum recuperaret. In his enim cunctis alteruter oculus aut totus, aut quoad partem a planitie & parallelismo cum altero deficiebat aut ab eodem distrahebatur, ut diversam ambo ad objectum habitudinem acquirerent.

PROGYMNASMA XXVIII.

DE

SENSIBVS INTERNIS.

DVplicem in nobis suafu Aristotelis concipio facultatem cognoscentem internam: unam materialem, quam intellectum seu rationem ajunt, alteram materialem & huic subordinatam, Imaginativam, item sensus internos vulgo dictum. Posterior, non prior, est hujus loci, physica siquidem, id est, materialia, physicus tractat: de quibus tamen agere pariter supersadere mallet, quatenus ejus organa, vires & agendi modi adeo abstrusi sunt, ut præter notionum detorsiones aut allegoriarum cumulos de illis Scriptores nobis nihil reliquerint, aut concedere potuerint, neque ex Anatomicis & partium solidiorum conformatione aliquid lucis doctrina hæc sibi promittere queat.

Numerus sensuum internorum incertus.

Primo siquidem mox in numero horum sensuum immanentium determinando haud inter illos convenit, quem quisque eorum pro lubitu fingit, augeat aut imminuit, alii ad binarium restringunt, alii ad quinarium, imo forsitan senarium, extendunt. Illi nihilominus rationi maxime congrue agere videntur, qui unum eundemque sensum primum sibi concipiunt: quatenus non tantum una eademque anima est, quæ cunctis illis facultatibus, quas vulgo, ut totidem sensus, distinguunt, præest, sed idem quoque illa objectum, nimirum

nimirum cuncta sensibilia, ut talia, respicit, neq; ulla instrumentorum disparitas ^{PROGTMN.} distinctis his limites constituit. Et quando vulgo, ut omnium frequentissime ^{XXXVIII.} fit, dispescuntur in sensum communem, phantasiam & memoriam, ita ut ^{Sensus interni} sensus communis sit pars illa sensationis activa, quæ species, a sensorii exter- ^{realiter non} nis exceptas, apprehendit ac dignoscit, imaginatio, quæ species tam per sen- ^{sunt distin-} soria adductas, quam absentes, & a se formatas diutius retinet, dijudicat, com- ^{cti.} ponit ac dividit, ac demum memoria, quæ easdem a phantasia traditas con- servat ac suo tempore depromit: sane accidentaliter ac relativa quædam fun- ctiones has intercedit differentia, minime tamen formalis & per quam specie distinctos pronunciare convenit sensus.

Varie etiam ab autoribus describuntur, eorumque alii modo phantasiam tribuunt, quod sensus communis officium est, & vice versa, adeoque in ho- rum limitibus constituendis vacillant: Ego rem ita concepio. Sc. sensus com- ^{Sensus com-} munis formalitas quo commodius intelligatur, ejus nomenclaturæ æquivo- ^{munis duplex} catio ante omnia erit declinanda, quatenus interdum & minus proprie ipsam ^{acceptio.} rationem denotat, dum illos sensu communi carere dicimus, quos rectæ ra- tionis usu destitutos, stupidos, stolidosve observamus: in magis proprio ve- ^{Quid proprie} ro significato nihil aliud quam sensationum externarum cunctarum termi- ^{sensus com-} nus & centrum quasi commune videtur, in quo & a quo corporis lucidi, colo- ^{munis?} rati, sonantis, sapidi &c. species percipiuntur, earumve, non ut impressarum, sed ut expressarum apprehensio fit. Alias hoc dicitur imaginatio prima, ad differentiam secundæ & communiter ita dictæ, & a sensatione seu sensibus in hoc differt, quod corpora sensibilia per hos non, qualia sunt in semetipsis, sed tantum qualia sunt intuitu organi, repræsentantur: per illam vero corpora, ut revera sunt & sub certis ideis admittuntur ac dignoscuntur. Id est, sensus communis differentias inter variorum sensuum externorum objecta apprehendit, a se invicem distinguit & imaginationi secundæ seu phantasie propriæ sic dictæ, nomine phantasmatis, tradit: unde non incongrue interstitium seu mediator inter sensus externos ac internos appellatur, quod ab illis suggestas species phantasie & memoriæ concedat. Videturque duplicem imprimis involvere actum, quorum prior, per quem, tanquam sensum reflexum, ani- mal cognoscat seu sentiat, se sentire, cum sensus externi horumve sensoria suas actiones non percipiant, i. e. oculus non sentit, se videre, nec lingua, se degustare &c. requiritur proin superior quædam facultas, quæ sensationes ex- ternas percipiat, & per quam de illis judicemus, id est, non tantum videamus, sed nos videre observemus. Deinde idem sensus communis etiam sensibilia distinguit, illa pariter, quæ diversorum sensoriorum objecta, v. g. colorem a

PROGYN.
XXVIII.

sapore, sed ejusdem quoque, v. g. rubrum ab albo. Ac profecto, si rem accuratius pensitemus, & ab omni rationis concursu abstrahamus, vix aliquod, nisi exilissimum, -discrimen sensus externos ac sensum hunc communem intercedit: dum alveus quasi communis est, in quem motus, in sensoriiis externis ab objectis inchoati, ac per nervos propagati, confluant, id est, ad commune nervorum principium, quod ideo sensorium primum seu commune vocant, species cunctæ feruntur, sensationis ultimam manum, seu sui apprehensionem distinctam, experturæ.

*Imaginatio
quid?*

Imaginatio vero seu phantasia sensui communi contra distincta aut secunda communiter dicitur inter sensus internos ille, qui species sensibiles præsentēs, a sensu communi perceptas, quas sensatas vocant, aut absentes, id est, insensatas & a se formatas, diutius retinet, diligentius examinat, easque componit ac dividit. Ab aliis vero idearum corporum ac sentium tantum, tanquam præsentium, qualia hæc sunt, dicitur representatio & cum aliis combinatio atque ab iisdem secretio: ita ut a sensu communi in hoc diserepet imaginatio, quod sub actibus illius præsentia tantum ac sensoriiis exposita objecta sistantur, in hac vero absentium saltem ideæ quasi recoquantur, & instar præsentium represententur. Adeoque quamvis species insensatas objectum imaginationis proximum communiter dicant, semper tamen & hæc quoque corporum sensibilibus sint: id est, quamvis non directe & immediate, olim tamen vel eadem vel similes, a sensoriiis externis receptæ fuerint, cum nihil nobis imaginari queamus, quod non aliquando, si non totum, per partes tamen, sensu quodam externorum percepimus. Unde conceptioni seu imaginationi illi, quæ mentis seu intellectus quidam actus dicitur, hoc interesse videtur discriminis, quod mens per conceptionem suam præter phantasmata a sensoriiis impressa, v. g. circulum, spiritualis seu cogitantis cujuscvis substantiæ ideas percipiat: Imaginatione autem mere sensitiva corporeæ seu extensæ tantum substantiæ dignoscantur.

Atque hæc quidem posterior hypothesis, diversis de causis priorī anteponenda videtur, quatenus alias concipi nequit, quomodo specierum sensibilibus dijudicatio, quam sensus communis præstat, hoc in passu a phantasiæ activitate differat: cum quæ de confusanea magis sensus communis ac de exactiore imaginationis contemplatione, item de diuturniore ac breviori specierum retentione tradunt, petitionem principii sapiunt & gradualis hæc differentia ficta potius videtur. Hoc tamen prompte largior, in componendis ac dividendis speciebus imaginationem æque circa sensatas ac insensatas versari, componitque v. g. non minus colorem & dulcedinem pomi, quod manibus,

deti-

detinet ac degustat homo, quam ejusmodi pomi dulcedinem cum colore PROG. MN.
 pruni absentis & amaritiem myrrhæ absentis cum foetore asæ foetidæ, pariter XXVIII.
 non sensatæ. Atque hæc quidem sensuælis compositio ac divisio in hoc a
 mentis operatione differt, quod hæc ex duobus terminis simplicibus ens com-
 plexum formet, unum de altero enunciando, illa vero sine enunciatione pera-
 gatur & phantasmatis veritas falsitasve simplex maneat, nec composita evadat.

Denique Memoriam quod spectat, ajunt, hanc species sensibiles a phan- Memoria
quid?
 tasia cognitæ recipere atque reservare, easdemque, si opus fuerit, rursus
 eidem suggerere: unde quibusdam specierum thesaurus dicitur ad differentiam
 memoriæ intellectivæ, quam specierum intelligibilium promptuarium
 vocant. Alii per memoriam rerum præteritarum plures simul, tanquam
 præsentæ & quales sunt, pristino servato receptionis ordine repræsentari
 atque in hoc ab imaginatione discrepare putant: quod illa species corpo-
 rum absentium conjunctim & illa serie, qua a sensibus recipiebantur, hæc
 illas separatim & posthabito illo ordine admittat. Circa quæ tamen pariter
 monendum, in primo sensu descriptam Memoriam a phantasia vix discrepare,
 quatenus hujus munus ab omnibus in phantasmatum sensatorum ac non
 sensatorum formatione ac retentione consistere dicitur, & quæ eorum
 ex non sensatis formantur, nihil aliud, quam præteritarum rerum quædam
 rememorationes & repetitiones seu actus posterior memoriæ sunt, per
 quem species sibi concreditas phantasiæ hæc retribuit. Neque discrepentia,
 quæ memoriam posterioris acceptionis & imaginationem intercedit, talis est,
 quæ aut realis, aut modalis dici possit: quatenus, nisi rerum ac notionum mul-
 tiplicationem frivolum intendamus, nihil impedit, quominus phantasiæ
 quoque actionibus ordinem & cohæsiorem specierum concedamus. Cui
 accedit, quod species, quas memoria prodere dicitur, non omnes per sensus
 externos advenerint sed phantasiæ non raro tantum sine ordine etiam agentis,
 factus sint, adeoque nec semper, sub ordine, quo conceptæ rememorari
 queant.

An bina ejus munera, quæ in recondendis ac depromendis denuo speciebus
 consistunt actionum, an passionum, mereantur nomen, pariter disputant, Memoria mi-
nus cognoscit
sed tantum
passive se ha-
bet.
 nescioque, an non rationi conformius videatur Zabarella assertum, quo-
 memoriæ vim cognoscendi denegat, ut ut cognitioni revera inserviat: ut
 memoria recipere ac retinere videatur, non instar manus comprehendentis,
 sed instar ceræ, quæ sigilli figuram impressam aut loculi, qui nummum ad-
 mittit atque servat, i. e. non recondat, sed ab alio recondita teneat seu custo-
 diat. Neque altera memoriæ pars, i. e. specierum redditio & velut depositi

PROGIMN.
XXVIII.

restitutio multum activitatis involvit, quatenus quæ passiva recipiunt, i.e. sibi aliquid imponi aut imprimi patiuntur, passivè quoq; eadem retribuunt, i.e. pariter ac cÿsta thesaurum reddit, dum manus depositarii illum inde repetit. Videtur E. phantasiam quoque species, quæ memoria passivè repræsentat, inde reassumere & quasi auferre. Differretque in hoc a sensibus reliquis internis, quod illi objecta semper cognoscant, hæc vero nullam specierum vim cognoscitivam habeat, neque habere debeat, alias ab imaginatione non differret, neque phantasmata unquam quiescerent, sed perpetuo volutarentur, quod non memoriæ, sed imaginationis opus, & per consequens animal semper cognosceret, quod absurdum.

*Unicus potius
sensus inter-
nus latet.*

Verum commodius & philosophice magis unum eundemq; sensum internum seu principem nobis concipimus, a quo nihilominus diversæ emanent functiones: ita ut sensus communis ille animæ actus dicatur, per quem objectorum impressiones undique per spirituum quendam resultum, median-
tibus nervis sensoriis excipit, hincque objectum, cujus species illæ sunt, dignoscit. Quatenus autem illa spirituum motio quoddam sui vestigium impressum relinquit memoria, & vestigium seu simulacrum hoc phantasma foret dicendum: quod si cerebri fibræ a causa quadam exagitatis, excutiat-
tur, hinc sensui primario rei, quam organum externum olim hausit imago denuo formetur ac sistatur, hic phantasiæ munus nunc exercet, per consequens non ut facultas ab hac distincta concipi debet.

Vix enim opus est ejusmodi prosopopœia aut fictione entium talium, quæ tribuant, recipiant, & quando alterutrum horum agendum, id est, quando reddendum, quando recipiendum ac quamdiu retinendum, cognoscant: potissimum cum una eademque imaginatrix recipere, retinere ac dijudicare queat. Quatenus nihil differentię subest, inter brevi & diutius retinere, & inter superficialiter ac penitus considerare, quam mere gradualis, & quæ functio una, modo attenta ac firma satis, pauca momenta apprehendit, illa per continuatam actionem diutius retinere potest, imo non minus superficialiter, quam accurate, eadem, rite se habens munere suo fungetur. Nec video, in quo memoria differat a phantasia, cum utraque species retinere dicatur, licet una altera diutius: nisi forsan dicere velis, quod phantasia continua magis serie species ventilet, memoria autem per intervalla tantum agat, id est, præteritorum recordetur. Sed nec hoc necessario peculiare functionis genus format, cum memorandi actus primus, nihil nisi cessatio & quies specierum hæcenus ventilatarum, sit: reminiscen-
tia autem seu memoriæ actus secundus, phantasia tantum redintegrata seu resusci-

refuscitata, i. e. ille hujus actus videtur, per quem species non a sensibus externis allatas, sed a se ipsa formatas tractat. Nec memoriam & sensum communem mediatrix semper imaginatio intercedit, quatenus illa ab hoc species immediate recipere vel excipere valet. Uno verbo oratoriam potius, quam philosophiam hæc sapiunt, & una eademque Phantasia potest dici æstimatrix, memorativa &c. ita ut termini hi diversitatem quidem functionum non autem facultatis, indigent, pari forsan ratione ac vocabula progredi, saltare, percutere, similiumque motuum notiones non facultates motrices diversas, sed tantum functiones unius ejusdemque facultatis distinctas, declarant.

Quibus ita se habentibus facile etiam judicare licet, quid de organis diversarum harum facultatum diversis sit censendum; in quibus determinandis Scriptores variant. Veterum siquidem plurimi sensum communem in anteriore cerebri parte collocabant, phantasiam in media & memoriam in postica, seu ventriculis celebrari, docebant. Ast ratione ventriculorum monendum, (2) in his nullas exerceri functiones animales, per consequens nec ad hos species sensibiles aut phantasmata reponi: nec (2) eorum situs huic locationi appropriatus videtur, cum tres anteriores tali gaudeant, ratione cujus neuter horum inter quendam anteriorem, utpote qui nullus existit, & quartum medius dici valeat: ut taceam (3) nullam in his ventriculis observari substantiæ disparitatem, ratione cujus unius parietes solidiores aut molliores, hinc ad formanda potius quam retinenda phantasmata, aptiores existant. De cætero nec posthabitis his cavitatibus ventriculorum ratio sedum harum comparet, quatenus nec anterior cerebri pars vel humiditate, vel mollitie præ posterioribus quid peculiare habet, & precarium satis nondumque probatum deprehenditur, disparem hanc mollitiem ac diversos soliditatis gradus disparitati harum functionum adæquatos esse, & eadem forsan cerebri siccitas, quæ memoriæ pro retinendis speciebus inservit, huic in excipiendis & retribuendis illis incongrua erit: fluidior enim seu mollior cerebri textura, sicut ideo imaginationi favet, quod excipiendis ideis videatur appropriata, ex eodem fundamento necessaria erit illi cerebri portioni, in qua memoriam residere ajunt, i. e. sicut ceræ non solidiori, sed molliori, figura sigilli imprimitur, ab indurata vero retinetur, sic cerebri portionem rememoratoriam modo sicciolem, modo humidiolem, concipere opus foret. In specie vero quoad sensum communem, cum hic, quasi centrum sit, in quo omnes sensus externi concurrunt, adeoque sine dubio talem sibi sedem postulet, in quo nervi sensoriorum exter-

*Sensus internus
sedibus haud
distinguitur.*

PROGTMN.
XXVIII

*Cur laesa una
cerebri parte
una interdum
ejus tantum
laedatur fun-
ctio.*

norm terminantur : non Cerebri prora hæc erit, sed medullæ oblongatæ principium a quo illi exoriuntur.

Ajunt equidem læso uno horum alterum non raro integrum manere, quod præter *Benivenium* duobus confirmat exemplis *Tulpius cent. 4. obs. 14.* illorum sc. quibus a vulnerato occipitio enormis contigerat oblivio: item, illos memoria maxime valere, quibus occiput contigit amplius, eos vero, quibus frons & sinciput prominens magis existit, imaginatione fortiore & activa magis gaudere. Accedit, quod, si aliquid imaginatione fingere, frontem, sin reminiscenciam sollicitare velimus, occiput fricemus. Ast ratione prioris phænomeni observandum, lædi equidem harum functionum unam præ altera, hinc tamen diversas eis assignare sedes, temperamento & textura seu substantiæ modo distinctas non licet: & ad cunctarum harum harmoniam non tam unius cerebri partis humiditas, alteriusque siccitas, quam totius ejus compagis quædam & talis requiritur temperatura, qua deficiente facultas hæc non tota, sed una vel altera tantum ejus functio, bene se habet, v.g. imaginativa præ memoria &c. Pariter nec vulnera, quæ, posticæ cerebri ac capitis plagæ inflicta, memoriam præ imaginativa lædunt, functionem illam seu facultatem rememorativam hic collocari, evincunt: sed quemadmodum ad facultatem hanc cognoscentem intrinsecam congrua ac mutua cunctarum cerebri partium requiritur conspiratio, ita parte postica vulnerata aut alteratione hujus a vulnere relicta, adeoque destructa illa communi harmonia, contingere potest oblivio, nulla habita partium, intuitu subjecti, ratione.

*Non semper
ita se res ha-
bet.*

Neque tamen hoc perpetuè deprehenditur observationis, dum non raro sincipitis enormioribus plagis memoria, ab occipitis læsionibus imaginativa, imminuitur aut notabiliter turbatur: sicut nec adeo firmæ & immutabilis experientia, majore occipitio v.g. pollentes memoria excellere; utpote cujus capacitas amplior plus cerebri, pluraque vasa, per consequens plus huius vitæ, non siccitatis, involvit. Denique & quoad manus diversis capitis partibus applicationem, minime hæc perpetua est, dum, sive phantasma fingere, sive ejusdem reminisci velimus, frontem potius, quam occiput fricamus aut comprimimus. Imo res hæc meræ consuetudinis videtur, nihilque aliud denotat, quam quod facultas imaginatrix requie & secessu quodam opus habeat, ad reminiscenciam vero motus quidam, eam resuscitans, requiratur: cum contra alii, si rei cujusdam reminisci aut conceptum quendam sibi fingere velint, elevatis oculis oreque aperto alii aliis gestibus, iisque non raro satis ridiculi, v. g. pedibus calcitrantibus, medi-

meditationibus suis opem ferre, sibi persuadeant, ex quibus tamen circum-
stantiis nihil de sede functionum harum diversa concludere licet.

XXVIII.

Aliter paulo ac magis anatomice negotium hoc explicare conatus fuit
Willisus, nempe quoties animæ sensitivæ pars exterior percussa fuerit, sen-
sibilem impressionem, velut speciem opticam, aut undulationem cujusdam
fluoris interius & ad corpora striata deferri, sicque sensationis exterioris habitæ
perceptionem seu sensum communem celebrari: quæ impressio si ulterius &
corpus callosum seu medullaris substantiæ compagem reliquam & latiore
trajiciat, dicto sensui imaginationem succedere, iconem vero seu caracte-
rem tandem objecti sensibilis imprimi, si eadem spirituum retrograda flu-
ctuatio cerebri cortici, quasi terminis ultimis, allidatur. Ast utut hypothe-
sis hæc præ vulgari hoc laudis mereatur, quod loca illa distincta secundum
phænomena anatomica magis distribuatur, adeoque plus veri speciei præ illa
obtineat, tota tamen itidem in meris conjecturis sita est, suisque laborat angu-
stiis, quas declinare arduum satis videtur.

*Nec Willisus de
sede facultat-
um sententiam
locum habet.*

Primo siquidem sui oblitus *Willisus* videtur, dum corticem cerebri
glandulosum spirituum præparationi, medullarem substantiam dispensationi,
eorum destinatur, memoriæ nihilominus sedem in corticali ambitu consti-
tuit. Deinde dum omnem imaginandi potentiam, ab impulsu, quem ob-
jecta externa in sensoria & corpora striata exerunt, derivat, experientiæ &
communi omnium Autorum consensui vim infert: quatenus non interdum
tantum, sed semper forsan, sine ulla objecti externi præsentia & in organa
actione, imaginatio exercetur. Nec Tertio suppetit, qua ratione in cortice
cerebri ad tempus hære idæ impressæ, & longius demum post ad medul-
larem substantiam reflecti, sine spirituum animalium productionis insigni læ-
sione, aut specierum illarum a succo nerveo adhuc crudiore inundatione
queant.

Probabiliorem E. judicio opinionem illorum, qui, si non in toto cere-
bro, certe una hujus parte, functionum harum singulas exerceri autumant, ut
prolixius & accuratius satis *I. C. Claudinus de Sede Facultat. principum* docet,
quam pariter profiteri fere videtur *Viessens superius allegatus*, quando sensa-
tionem certum sensibilis motum, proprio ac congruo sibi sensorio impres-
sum, & ad albos usque striatorum superiorum & mediorum corporum tra-
ctus prorogatum ac propagatum vocat, ulterius vero & ad centrum ovale seu
corpus callosum *Willisii*, id est, medullarem cerebri substantiam si continua-
retur motus ille, imaginationem primam seu sensum communem fieri asserit.
Quod si vero in eodem, loco absente objecto, & occasione solius spiritus
ani-

*Vno in loco e.
in cerebri me-
dullari sub-
stantia, cum
istis functiones
hæc exercentur.*

PROGTMN.
XXVIII.

animalis fluxus extraordinarii motus, similes illis, qui ab objecto externo & præsentē excitantur, fierent, ac ad striata usque corpora redirent, modo secundæ seu propriæ sic dictæ imaginationis, modo memoriæ, actus contingerent, sub hac sc. disparitate: ut, si spiritus animales in pluribus centri ovalis fibrillis tales motus ordinatim & continuo tramite obeant, adeoque parēta fluendo ordinem seruent, ac ille motus, cujus occasione primæ rerum, quas recordamur, ideæ, certa quadam connexionē unitæ, productæ fuerunt, memoria seu potius reminiscētia contingat; imaginatio vero ex variorum motuum, quos spiritus animalis fluxus separatim & cum interrupta serie excitat occasione moveatur.

Sensus non errant juxta Epicureos. Hæc sunt, quæ de Sensatione in medium proferre licuit, in qua doctrina explicanda, quia ad morem aliorum Scriptorum, i e. per meras suspiciones, egi, eandem quoque cum illis veniam me impetraturum confido, quod mancus satis in his fuerim. Per materiæ connexionem coronidis loco disquirere adhuc conveniet, quantum fidei sensibus sit habendum? seu, ut alias problema exponunt, *An sensus errent, aut circa objecta sua fallantur?* Epicureis paradoxum hoc videbatur quæsitum, qui tantum sensibus tribuebant, ut eos nunquam falli posse, crederent: & quidem imprimis ideo, quod illi objecta apprehendant, prout repræsententur per speciem, quæ, cum ipsi objecto sit similis, utpote a quo emanat, illud non possit aliter repræsentare, quam est, & per consequens sensus in eodem dignoscendo non posset decipi.

Errare eo ajunt Academici.

Peripatetici sensus errare & non errare dicunt.

Contra fallaces nuncios sensus proclamabant Academici, id est hos, si non semper, plerumque tamen, mentiri, quibus accensere licet *Platonem* quoque, qui sensum veritatis frustrationem ajebat: quatenus corpus aquæ immersum, solem orientem ac occidentem visus majorem judicet, quam sit, baculum in eadem aqua fractum, qui integer, coloratum, quod minus tale, quiescens, quod movetur, amarum, quod dulce, sensibus non raro compareat. Peripatetici E. mediam sibi eligeant viam, fidem sensuum equidem aliquando in dubium vocantes, haud tamen omnimode exturbantes, & sensationem maximam partem veram esse, interdum tamen errare, docentes.

Nimirum supponebant distinctionem inter sensibile per se, & tale per accidens, quorum illud dicebant, quod primo & per a se, seu non interveniente alio sensum afficit, v.g. color, qui per se visu percipitur; hoc vero, quod per se sensum non movet, sed alterius demum, quod combinatum gerit, beneficio, v.g. si lactis dulcedinem nos sub albedine videre putemus. Porro sensibile per se distinguebant in proprium uni sensui, v.g. colorem visui, & commune pluribus,

ribus, qualis generis quinque numerabant, sc. magnitudinem, figuram, numerum, motum ac quietem, quibus alii distantiam alii, plures corporum habitudines, adjiciunt. Hinc prompti quæstionem ita decidebant, Errare sensus minime circa objecti proprii genus seu rationem communem, i.e. visum nunquam percipere sonos, nec auditum colores &c. decipi nihilominus per accidens, nempe defectu alicujus conditionis ad recte videndum maxime necessariae, circa particularem ac specialem ejusdem objecti proprii rationem, v.g. si hoc distans nimis fuerit: si a medio quodam alterante intercipiatur, adeoque rubrum aut viride e longinquo nigrum, rem albam per vitrum rubrum rubram, judicemus. Decipi autem sensus frequentissime, & quidem per se, in percipiendis objectis communibus, v.g. quiescere dum putant, quæ moventur: omnium autem facillime circa sensibilia per accidens ita dicta eos errare, ideo quod sensum non immediate afficiant hæc, sed ideo tantum percipiuntur, quod sensibili per se combinentur, hujusve subiectum existant.

Ast solidius forsitan agunt, qui sensus circa illud, quod per se ac proprium est sensibile, nunquam fallere arbitrantur, hincque omnem errorem, quem committere dicuntur, aut, conditionum necessariorum defectui, aut rationi per se agenti, adscribunt. Est enim sensatio motus quidam, qui ab objecto, tanquam agente, emanat, qui cum semper idem, id est, nunquam aliter se habere queat, semper etiam sensoria uno eodemque afficit modo, & per consequens sensus impressio semper talis est, qualis esse debet, ac qualis de ipsius objecti textura seu habitudine vera testatur, hinc vera semper ejus perceptio. Quod si tamen erroris convincantur sensus, hic imaginationis potius aut rationis perversæ ac præcipitanter nimis agentis productum videtur: quatenus sensus externi cum communi sibi non soli relinquuntur, sed imagines modo per sensoria externa allatæ cum aliis, olim conceptis, confunduntur & male connectantur. Ita v.g. hætenus recte agit visus, si baculus, partim in aere, partim in aqua positus, ipsi fractus compareat, quod si tamen eum revera fractum judicet, decipitur: recte agit oculus, si solem minorem, ac revera est, videat, errat tamen ratio, quæ exiguitatem hanc apparentem ipsi solis corpori tribuit. Haud fallitur auris, echo seu duplicatum sonum percipiens, decipitur autem ratio, si duplex inde corpus sonorum concludat. Neque sensorii nostris vitio vertendum, si quæ revera existunt & in se sensibilia sunt, sensorii nostris non semper talia comparent: v.g. si oculus in animalculo seu insectulo exiliori, quod oculis, pedibus, musculis &c. distinctis gaudet, neutrum horum dignoscat, adeoque ratio partes hæc illis deneget & corpora minus mobilia hæc suspicetur. Imo nec tunc quidem erroris accusandus erit sensus, si ejus organum

PROGMN.
XXVIII.

num male se habeat, v. g. in icterico aut febricitante, cujus linguæ dulcissima ac temperata maxime amaricant: quia & in hoc similive casu sensorium ab objecto aliter immutari nequit. Sc. veritas ac falsitas a sensibus nostris non est exigenda talis, quam formalem & compositam vocant, utpote quam intellectus seu ratio tantum determinat: sed illa tantum, quam apprehensionis vocant, per quam apprehendunt, vel non apprehendunt, rem, ut in se est, hinc errandi, vel non errandi occasionem rationi offerre solent, quorum tamen illud nunquam agunt, sed objecta semper, ut in se sunt, per species, quas sensoria impressas recipiunt, sensorio communi sistunt. A perverso E. imaginationis ac intellectus iudicio quia immunia existunt bruta, ideo nec in errores ejusmodi abducuntur, hisque sensus minus fallaces existunt externorum objectorum nunciis, potissimum cum his exploratores tantum rerum, quatenus hæ eorum conservationi congruæ aut incongruæ, existant, non vero, quemadmodum a nobis perverse sit, per sensoria de natura & veritate rerum ut talium, seu absoluta, magis judicent.

*Sensatio &
Imaginatio
interdum con-
funduntur.*

Spectat huc ille error, quando sensatio & phantasia pro uno eodemque actu habentur, invicemque confunduntur, dum quis nivem v. g. albam, rosam rubram intuetur, non albedinem, sed nivem, non rubedinem, sed rosam rubram, se videre autumat: haud attendens, sensus externos nihil, nisi accidentia, percipere, essentias vero rerum haud attingere. Id est, duo equidem sunt utriusque actus, quorum unus, sensationis nempe, imaginationi præcedit: quatenus oculus, dum nivem albam aut rubram cernit rosam, non ab hujus substantia reliquisque qualitatibus, v. g. nivis frigore aut floris odore, sed a colore tantum seu radiis lucis, derminate in illorum superficie modificatis & ad sensorium reflexis, afficitur, ac motus intra hoc excitati mediantibus spiritibus sensorio communi imprimuntur, & albedinis ac rubedinis perceptio fit. Eo ipso autem, dum nivis albæ aut rosæ rubræ, seu corporum ejusmodi, quibus albedo aut rubedo inhæret, idea illam sensationem mox sequitur, ut momentum, quo utraque harum perceptionum distinguatur, observari nequeat, confunduntur ambæ, & confusio hæc enormium atque infinitorum fere errorum occasio evadit.

PROGYMNASMA XXIX.

PROGYMN.
XXIX.

DE

MOTU ANIMALI.

PRæter discernendi per sensus potentiam animalibus, ut talibus, movendi vim & motum localem concessum esse, post *Aristotelem 3. de anim. cap. 9 animalia.* experientia loquitur: imo frustra forsitan nobis & illis sensus a natura forent concessi, nisi hi vim quandam motricem sibi sociam haberent, per quam, quæ illis congrua, adipisci, in congrua declinare, aut fugere, liceat. Videturque facultas hæc, animalium cognitionem insequens, ultima horum perfectio, per quam præter suum esse, se quoque conservandi potentiam a natura recipiunt.

Gaudent equidem suis motibus inanimata quoque, v.g. fluida cuncta, *Eoque pecu-* item vegetabilia solidiora: est nihilominus motus animantium alterius plane, *liari præ non* ac illorum tendentiæ, naturæ, & machinæ, quibus ille peragitur, plus artifi- *animatis.* cii involvunt, quam v.g. gravitas, qua aqua profundiora petit, aut motus, quo planta ad molem & perfectionem convenientem evehitur, quemque solis calor, aeris elasticitas &c. tanquam causæ communes magis, præstant: ut taceam, in his nihil cognitionis, nihilve appetitus esse, quo in tales vel tales lationes concitentur. Hinc motum animale omnem illum voco, qui animalibus, ut talibus, competit, id est, ratione cujus eorum membra magnitudinem, figuram atque situm suum mutant, hinc ad diversas animales functiones peragendas a principio intrinseco & conformatione peculiari disponuntur, v.g. ad respirationem, masticationem deglutitionem, chyli propulsionem, sanguinis circulationem, urinæ excretionem, gressuum apprehensionem, imo ad ipsorum sensuum functiones commode ac rite celebrandas. Atque hunc quidem omnem localem vocari posse, puto, licet corpus aut ejus aliquod membrum haud adeo sensibiliter ab una ambientis vicinia in alteram migret aut transferatur: cum nec ullius visceris fibra exilissima moveri seu contrahi possit, nisi cum sui aut certe suarum particularum insensibilium magis translatione & situs mutatione.

*Quid motus
animalis?*

Tyronibus a Scholarum Physicarum atque Medicarum Moderatoribus *Disiisse motus* hactenus semperque inculcatum fuit, & adhuc persuadetur, in animalibus *in naturalem* perfectioribus cunctis duplicem exerceri motum, Naturalem sc. & Anima- *et animale.* lem: quorum ille absque ulla præcedente objecti cognitione in organis musculo destitutis, & a spirituum quorundam Naturalium influxu contingeret,

PROGTMN.
XXIX.

v. g. pulsus cordis, ventriculi ac Intestinorum motus peristalticus; hic vero seu animalis. perceptionem atque appetentiam vel aversionem objecti cuiusdam semper supponeret, ideo elicitus dictus, a musculis, tanquam organo formali, perficeretur, vimque suam a cerebro & spiritibus animalibus hauriet, v. g. motus maxillæ inferioris, linguæ, capitis, artuum. Ficulneum autem satis distinctionis hujus fundamentum videtur, quatenus non tantum connexionem logicam destituitur, sed incerta quoque pro certis venditat.

*Minus ad-
equata est.*

Quippe quamvis *primo* differentiam quandam inter motum spontaneum (vulgo naturalem appellatum) admittere deceat; sc. ut ille ab appetitu eliciatur, hic vero absque ulla boni vel mali dignotione præstari videatur: adeoque ad illum sensuum externorum & internorum exercitium stimulet, hic autem motus impulsum ac normam a nervorum principio & facultatibus superioribus haud expectet. Nihilominus quia circumstantia hæc externa tantum, quæ ut causa intrinseca seu formalis ad motum perficiendum minime concurrat, sed eundem tantum moderatur: differentiam ejus aliquam accidentalem duntaxat, non vero intrinsecam atque formalem constituit.

*Motum etiam
non spontaneum
præcedit
sensatio.*

Præterea nec motus non spontaneus seu naturalis sine omni sensibili perceptione fieri videtur, & qualibet fibra vitalis instinctu quodam gaudet, per quem ad sui contractionem seu ad motum stimulat: quem stimuli sensum seu perceptionem, si non tactus speciem, certe huic analogam & determinationem ad motum censere convenit. Id est non equidem oculis, lingua, naribus &c. dignoscit ventriculus expellenda, multo minus a sensorii externis percipitur imaginatio & appetitus concitatur: ipsæ tamen hujus tunicæ expellendorum molem, texturamque persentiscunt, hæcque corrugatione sua amoliri satagunt. Pariter nec cordi suum stimulum, per consequens nec sentiendi vim, deesse, ex superius dictis innotescere potest, ex quibus repetere inpræsentiarum sufficit, cor e corpore viventis evulsum, ictus acus similisve instrumenti sentire, & pro frequentia aut raritate horum ad plures paucioresve contractiones urgeri.

*Non omnis
musculorum
motus spontaneus est.*

Deinde magnum satis postulatum apparet, an omnis, qui musculis peragitur, motus spontaneus seu voluntarius sit, atque ab appetitus arbitrio ita dependeat, ut sine hujus concursu fieri nequeat? Dubitandi siquidem occasionem concedit hoc, quod musculi nonnulli agant seu convellantur, nobis nec de illorum motu cogitantibus, v. g. spincteres ani, vesicæ &c. imo eorum alii, quos functioni arbitrariæ inservire, apud omnes in confesso est, contractiones sæpe non spontaneas obeunt, v. g. respiratorii, nisi ab antagonistis suis inhibeantur, in quantum spasmus unius musculi alterius

para-

paralyſi ſæpius ſupervenit. Hinc juxta *Stenonem* potius concludendum erit, *PROGTMN.*
 ſoli quidem muſculo, ſed nec omni, nec ſemper competere, ut motus *XXIX.*
 ſpontanei exiſtat organum: id eſt omnem quidem motum ſpontaneum ſeu
 voluntarium a muſculis fieri, non vero quemvis, qui muſculis peragitur,
 ſpontaneum eſſe. Præterea nec adeo difficile erit evincere, nullam totius
 partem, quam notabili motu exagitari contingit, omni muſculosa textu-
 ra deſtitui, ſed cunctas, ſi non muſculos formatos habeant, aut ab his agi-
 tentur, certe muſculosis tunicis vel fibris ſibi intertextis gaudere: quarum
 expansiones involucra viſcerum interdum ſatis craſſa & parietes firmos con-
 ſtituunt, hinc illud *Fallopium* aſſertum, ab eo toties repetitum, confirmant,
 ſc. *Nullam partem ſe ipſam movere poſſe, niſi fibris carnis fuerit inſtructa.*
 In Gula, Ventriculo, Intestiſ, modo nominatus *Fallopium* & cum hoc in
 Veſica urinaria muſculosa hæc involucra *H. Fabr. ab Aquapendente* anno-
 tavit: ſed nec reliqua motu gaudentia organa, ſc. Cor, Arterias, (quibus
Fallopium muſculosam texturam denegabat) *Venas, Tracheam, Folliculum*
fellis, ureteres, tunicam oculorum Choroidem, uterum eiſdem carere, aut
 fibras ad minimum motrices ſibi implicatas geſtare, *Stenonis, Williiſii, Looveri*
 aliorumque Neotericorum ſedulitas & dexteritas anatomica teſtatur. Imo Pul-
 monibus quoque muſculum reticularem, cellulas eorum ſingulas ambien-
 tam & comprimentem, ſuperinſterni, Lienis tunicam propriam cum fibris
 ſibi continuis, illius compagem tranſverſim & copioſiſſime perreptantibus,
 carneam eſſe ac peculiarem muſculum formare. Teſtum virilium interio-
 rem tunicam fibris carnis, ductuum ſeu inteſtinulorum illorum congeriem
 firmantibus ac comprimentibus, gaudere, *Malpighius* in epiſtola, quondam
 ad *Oldenburg.* exarata, innuit, ne illas lacertulas ac fibras carneas tangam,
 quibus Uterus huiusque Ligamenta ac Teſticuli cum Tubis *Fallopianis* in-
 ſtructa, *idem Vir Erudiſſimus in Epiſtola ad Sponium* exarata, indigitat.

Denique unum eundemque ſpiritum animale recensita hæcenus *Idem ſpiritus*
 liquaque cuncta membra pariter ac muſculos actuare, ſeu instrumentum *animalis eſt,*
 eorum activum exiſtere, illud declarat, quod nervis eorumque principio *qui cunctas*
 male diſpoſitis, obſtructis, compreſſis ac laceratis vis illorum motiva pere-
 at, econtra ſpaſmodica, a nervis promanantia miasmata & inſultus ipſis
 communicantur & in ſimiles cum muſculis convuſiones ea conſiciant. Ita
 ut ratione principii huius moventis communis etiam utique omnis motus
 partium ſolidarum, in animalibus obſervabilis, animalis dici queat ac de-
 beat. Motus autem ſpontanei non ſpontanei diſparitas ex eo tantum de-
 pendere videtur, quod ſpiritus animalis modo ab appetitus ſeu voluntatis

PROGYMN. imperio excitatus partes congruas ad spontaneos motus disponat: modo
XXIX. sine appetitus aut voluntatis stimulo partes alias æquabili & continuo magis
motu exagitet

*Musculus est
organum pro-
ximum motus
animalis.*

*Quid muscu-
lus formatus?*

Instrumentum hujus motus organicum seu passivum atque immedia-
tum, qui impugnatam hypothesein colebant, hætenus musculus pronuncia-
runt, quod hoc per transversum secto cesset articuli, cujus gratia illius confinio
hic implantabatur; actio illæsis motibus reliquis articuli ejusdem, ab aliis
musculis prodeuntibus: Sed ampliatis nunc motus animalis limitibus or-
ganum etiam hujus alia ratione determinandum erit, cum non motum
musculorum tantum, sed motus animalis in genere naturam, hic investigare
conveniat. Scil. prout nonnullis jamdum Neotericis inter musculi actionem
primariam, i. e. fibrarum ejus abbreviationem, & secundariam, seu partium
diffitarum tractionem aut adductionem & constrictionem (v.g. intestini recti)
fatis nervose distinguere placuit: ita primum magis motus animalis orga-
num non tam musculus, quam fibræ motricem, seu fibrarum musculosarum
congeriem, cum iisdem suppono. Aut commodioris doctrinæ gratia mi-
hi distinguere liceat inter musculus formatum & non formatum seu in-
formem: quorum illum cunctas has carneo-tendineas voco partes, quas
tota Anatomicorum schola nomenclatura hac dignas judicavit, & mastoidei,
bicipitis, temporalis, buccinatoris, masseteris, deltoidis, pectoralis, serrati,
vasti, latissimi, glutæi, spinati, vasti, gracilis &c. cognominibus, ab exortu,
insertione, figura, magnitudine, usu, similibusque petitis, distinxit, quas-
que a se invicem & ab aliis partibus, sine singulari laceratione, separare
& distinctas exhibere possumus. Non formatum autem dico, quamvis
congeriem atque expansionem carneo-fibrosam, sive latiore, sive an-
gustiore, sive simplicem & ex una tantum fibrarum serie contextam, sive
ex diversis harum seriebus coagmentatam.

*Quid non for-
matus?*

*Musculus non
formatus eas-
dem commu-
nes cum for-
mato partes
habet.*

Musculi formati structuram veteres jamdum evolvere ac describere
magno conatu susceperunt, quamvis hanc nec in genere, nec in specie,
illos penitus attingisse *Steno* non sine ratione conquestus fuerit, imo quem-
libet quoad potissimos musculos manus oculatæ fateri urgebunt: nisi in
quantum huic officio satisfecisse videtur idem *Steno de muscul. & gland.*
ac in *Myolog. specimin.* *Borell. de motu animali*, ac *Bidloo Anatom. human.*
corpor. Ab hoc autem non intrinseca textura, sed extrinseca tantum forma, non
formatum musculus discrepare, exinde infero, quod ex iisdem partibus, qui-
bus formatus, coagmentetur. Supersedeo recensere vasa, membranas similia-
que utpote quæ non formatus musculus communia habet non cum forma-

to tantum musculo, sed cum quavis parte corporis molliore. Primarium, quod musculorum hæc binæ species inter se commune, præ aliis autem cunctis membris, singulare habent, sunt fibræ motrices seu fibrarum musculi motricum flamina, quorum quodvis præter substantiam carneam duabus extremitatibus tendineis gaudet, & ex fibrillis seu staminibus exilioribus, per filamenta membranæ connexis, coagmentatur ac propria tunica obvolvitur: præter quas fibras cum nihil peculiare habeat musculus proprie & communiter sic dictus, omnem illam compagem, quæ ex fibris ejusmodi carneotendineis, tanquam partibus musculi essentialibus, conflatur, musculus seu expansionem musculosam, & quæ actionem & usum musculi præstat, dicere, haud absurdum erit.

In specie vero hujus generis cordis machinam esse, proluxius probarem, nisi per *Hippocratis lib. de Corde*, & a *Stenone*, *Lowero* aliisque musculosa. non tam verbis, quam manuali evolutione, sufficienter hoc factum, aut si ullum nostri temporis Anatomicum de hac ejus structura dubitare, nossem. Constat hoc facile, si hujus gratia elixatione corpus præparetur, ita ut ejus fibræ hinc crascescant, quæ facile a se invicem separari ac divelli poterunt, ejusdem figuræ prismaticæ, ejusdem coloris, & tenacitatis, ac in musculis artuum: quamvis hoc negari nequeat, cordis compagem in hoc ab iisdem musculis reliquis differre, quod illa firmior, solidior, uniformis, magis rubicunda, secus ac *Vesalius* asserit, fibræque ejus arctius cohærescant, aliamque paulo dispositionem obtineant, quatenus haud directæ, nec parallellæ sibi semper, sed curvæ, spirales & varie implicatæ aut singulari artificio dispositæ cernantur. Membrana siquidem cordis externa ablata ab hujus basi ac ostiis vasorum quatuor majoribus tendineis stratum fibrarum carnosarum emergit, fere directe ad mucronem abeuntium, hic vero inflexarum & ad ventriculorum cavitates reflexarum. Sub his alia conspiciuntur strata, oblique magis ac spiraliter descendunt, quorum fibræ plus minus inclinatæ, pariterque versus mucronem tendentes antequam hunc attingant, decussantur, sibi æque ac aliarum fibrarum seriebus implicantur, ac interius pariter reflectuntur, partim tractibus obliquis & fere transversis ad eandem, unde prodierant, cordis basin, partim ad ventriculorum hujus columnas intrinsecas, quæ ex his coalescunt, declinant, partim transversæ magis ventriculi dextri ambitum formant.

Similis, i. e. musculosa pariter, observatur hujus auricularum fabrica, a *Qua ratione* *Lowero* ac *Borello* satis evoluta. Quoad tunicas vero seu involuera ventriculi, a *fibrosa textu-* *ra partium re-* *intesti-*

PROGTMN.

XXIX.

*liquarum
evolvi possit?*

intestinatorum, vesicæ urinariæ, vasorum diverforum reliquorumque superius recensitorum organorum, & hæc quoque musculosa existere aut certe fibras carneas ac motrices sibi intertextas gerere, eadem autopsia docet. Quippe si ventriculus aut vesica urinaria, item folliculus fellis, inflentur, aut cum aorta, gula, trachæa &c. bacillo ne corrugentur, sed extensa, servantur, superinductis, ac testiculi sibi relictæ aquæ ferventi aliquandiu immergantur, leviterque & eo usque elixentur, donec harum tunicarum fibræ aliquantulum turgescant: involucria illa carnea a reliquis substratis non tantum facile avelluntur, sed harum fibrarum tractus atque ordines commodissime evolvi ac dignoscisci possunt. Atque hac encheirisi palam fit, ventriculorum v.g. præter tunicam communem, nerveam & glandulosam carnea triplicis fibrarum seriei, seu lamina carnea triplici quasi gaudere, quarum binas ante *Willisium pharm. Rat. part. 1. Fallopius in observ. anat.* cum eodem administrandi modo annotavit. Eodem artificio intestina duplici velo carneo muniri, deprehendit idem eademque ratione observare licet trachææ tunicam succingentem e rectis ac circularibus staminibus musculosis coagmentari, aortæ pellem tertiam ex fibrarum annularium, haud serie tenui aut simplici, sed aggerie quadam, aliarum super alias stratarum, constare, nec venas fibris carneis destitui, earum tunica quarta evincet; id quod in reliquis partibus per easdem aut similes encheirises pariter expectandum. In intestinis ac ventriculi tunica carnea harumque fibrarum seriebus divellendis ac seorsim exhibendis illud adhuc annotavi, commodissime hoc post macerationem unius vel alterius diei in Spiritu vini, aut adhuc facilius in aceto, fieri posse.

Caro præter

*fibrosam nulla
musculis inest.*

Et quamvis de musculorum formarum ac non formarum fibrarum fibrosam nullam & texturæ identitate dubitare jubeat hoc, quod illi rubicundi, hi pallidi existant, adeoque mere membranei compareant, seu tomento illo carneo vulgo dicto, destituantur: ante omnia tamen disquirere conveniet, an caro, quam ab ipsarum fibrarum staminibus distinctam ac peculiarem substantiam concipimus, quamque *F. ab Aquapendente de Muscul. fabric.* a musculis, maceratione, coctione atque deratione separare contendit ac docet, revera parenchyma seu tomentum quoddam peculiare, & non potius sanguis congrumatus, fibrillis eorum exilissimis impactus sit? Quorum illud equidem *Mollineto dissert. anat. pathol. l. 3. cap. 1.* arridet, ita ut quamvis carnem hanc primum contractionis musculorum instrumentum neget, ea tamen ablata fibras in unum & continuum magis corpus coire atque eoque indurari, ut corrugari & flecti amplius nequeant, asserit: posterius nihilominus probabilius videtur, i. e. carnes has, seu quod maceratione aut

aut coctione separatur, non tam substantiam solidam, quam fluidum sanguinis & gelatinæ nutritiæ, fibris adhærescens & intertextum, esse, quatenus hoc totum deliquabile est, & per coctionem aut macerationem solvitur, ut fibræ albæ remaneant.

Quod autem portio fibræ motricis media ac cujuslibet musculi venter mollior & laxioris compagis deprehendatur, non a peculiari sibi substantiâ, sed modo tantum substantiæ, habet, per quem sc. eorum fibrillæ integrantes, seu primigeniæ ac similes circa extremitates tendineas arctius, in medio sui carneo laxius, cohærent, hincque plus succulentæ a vasis, quibus irrigantur, admittunt. Aque hinc probabile redditur, fibrarum motricum rubedinem a sanguine duntaxat alluente esse, eamque ideo musculis formati forsan intensiorem conspici, quod vasa sanguifera ad hos majora abeant, plusque sanguinis eorum interstitiis ac poris affundant: fibræ autem ventriculi, vesicæ &c. arnosæ pallidiores observantur, eo quod organorum horum vasa majora extra tunicas viscerum illorum confita & in plexus retiformes explicata, propagines tantum exilissimas, hinc minus sanguinis, ipsis concedant. Aut potius disparis hujus coloris ratio hæc est, quod fibrarum ordines seu strata plura in musculo formato congerantur, quæ majorem hinc opacitatem induentes obscuram magis rubedinem præ se ferunt: dum pauciores illarum ordines in tunicis carneis plus pelluciditatis retinent, hinc sub diluta magis rubedine comparent. Rubent tamen & hæc notabiliter satis, si in suffocatis aut strangulatis subjectis earum lustratio adornetur: Econtra nec omnes musculi æquæ rubicundi, sed in uno eodemque cuniculi pede v. g. plus minus albicantes deprehenduntur, id quod in majorum quoque animalium exilioribus ac tenerioribus musculis evidens est, qui évacuato & profuso imprimis eorum cruore pallidi valde relinquuntur.

Præterea quamvis dubitare liceret, alteram musculi partem, sc. tendinem, quam olim a carnosa musculi substantia distinctam, alique ex nervo & ligamento compositam, alii substantiam sui generis, credebant, in corde & reliquis membris, se ipsa moventibus, haud adeo evidentem esse: difficultati nihilominus huic pariter satisfieri, si primo dicamus, nec in musculis veris & κατ' ἐξοχήν sic dictis extremitates ejusmodi tendineas observari, v. g. in spinsteribus aliisque, quorum extrema ambo ad sensum carnosam apparent. Deinde a pluribus excellentioris notæ Anatomicis, v. g. Spigelio, Aquapendente & Stenone demonstratum legimus, & jamdum innui, tendinem ab intermedia seu carnea musculi substantia haud discrepare, sed easdem fibras motrices, quæ distractæ & laxiores carnem seu ventrem musculi formabant, constipatas & in arctum magis coactas duram ac rigidiorem ten-

PROGTMN.
XXIX.

Et quid præ-
bet?

dinis extremitatem constituere, i. e. fibras musculi medias non nisi tendinem magis divulsam seu disgregatam existere. *Tertio* ipsa autopisia edocemur, carnem musculorum fibrosam primariæ horum actioni seu corrugationi, tendines autem minus complicabiles attractioni & adductioni tantummodo partium dissitarum ac musculo intercedente copulatarum inservire: ita ut non adeo absurde a quibusdam carnea pars clateri, tendinea funiculo immobili, fuerit comparata.

Hinc, quamvis in enarratis hactenus musculosis involucriis tendo compactior & evidens haud reperiatur, subest tamen divulsus: i. e. licet nudus minime adsit, carne tamen, ex vulgari hypothese, opertus, seu in fibras fissus, conspicitur, quod diversis quoque formatis musculis contingere, modo dixi. De cætero, quia in membris illis musculosis non ejusmodi partium solidiorum latitudo & transpositio, qualis in artubus fieri solet, sed usus abbreviationis illorum filamentorum tantum in hoc consistit, ut instar sphincterum agant, seu parietibus suis contractis, spatium & meatum subjacentem successive coarctent, horumque fluida protrudant seu exprimant: sufficit ipsis, ut fibræ eorum in seipsas cedant, aut in tunicis vicinis, vel sub ac superinstructis terminentur, hoc est, quamvis stamina horum extremitates non semper in tendinem firmum colligantur, in membranam tamen diffundantur, v. g. in intestinis, quorum tunicam communem seu extimam *Willisus l. a. sect. 1. c. 2. ex substrata tunica carneæ fibrarum longitudinalium tendinibus conflare, transversarum vero tendineas in mesenterium abire, asserit.* Idem contingit musculis abdominis, quorum altera extremitas in peritoneum explanatur, ita ut hoc nihil aliud, quam tendinum illorum ac diaphragmatis continuatio sit. Pariter arteriarum fibræ musculosæ annulares totidem quasi spincteres sunt, contractionem horum tubulorum per partes molientes: ventriculi autem fibrarum carnosarum series exterior & filamenta interioris non pauca in orificiis illis terminantur, reliquis ejusdem instrati interiorē æque ac exteriorē tunicam evanescentibus. Denique in specie quoad cor, hujus fibræ carneæ partim in orificia ventriculorum ejus tendinea, partim in tendines, oblique secundum superficiem externam, a summo ad imum decurrentes, partim in monticulorum interiorum apices tendineas, manifeste satis facessant.

Cum E. musculus animalis motus organum immediatum esse, ex dictis constet, investiganda nunc erit modificatio, per quem illæ & hujus fibræ quiescentes a musculo in motu constituto differant? seu qua ratione musculus, dum contrahitur, seu agit, ratione suarum fibrarum decurtetur? quod fieri, & ratio suadet, & ex vivorum anatome sensibus patet. Vbi quamvis proba-

probabilis satis videri poterat illorum hypothesis, qui per corrugationis modum qualem in crucis, bombycibus ac lumbricis observamus, fibras musculorum abbreviari autumant: eo ipso tamen, dum corrugationem horum similiumque animalium effectum potius, quam causam, contractionis musculorum, sub pelle eorum latitantium, esse, ex illorum sectionibus constat, pro corrugatione musculorum animalium reliquorum comprobanda nihil faciet phenomenon hoc.

PROGTMN.
XXIX.

Mobetur musculus non per modum corrugationis.

Siquidem carneæ quædam fibræ harumque fasciculi, per longum non tantum corporis eorum exporrecti, sed obliqui etiam, involucris externis substrati, hisque, & quidem in crucis & bombycibus imprimis circa incisuras suorum corporum, implantati, dum more aliorum musculorum contrahuntur, sibi superextensam pellem & membranam subjacentem simul corrugant, pari præter propter ratione ac musculos frontis cutem in plicas adducit, tunica ventriculi & intestinorum nervea a carne corrugatur, ac quorumvis musculorum membrana a subtus latentibus & abbreviatis fibris complicatur. Accedit, quod nullus modorum illorum mechanicorum, per quos alias corpora corrugari constat, & quorum duo potiores observantur, sc. per fluidi distendentis exhalationem aut ab alio contractionem, hic ad aptari possit. Sicut enim nullum extra & præter musculus seu fibram motricem contrahens est, sed musculus semetipsum contrahit, seu per virtutem intrinsecam contrahitur: ita nullum pariter fluidi secessum, qualis v. g. in corio, dum torretur, & carnibus, dum assantur, contingit, hic concipere licet, prout *Borellus de Motu animal. part. 2. propos. 8.* demonstravit.

Sunt equidem ex veteribus quidam, qui nervis, tanquam totidem loris seu frenis, musculorum fibras hinc inde trahi & abbreviari putant. Videri huic poterat inservire experimentum, cujus *Nobiliss. Bartholinus de nervor. usu in motu muscul.* meminit, quod nervi ranarum, ad femur hujus animalis abeuntes, quoties cultello aut simili instrumento vellicentur, toties muscoli, quibus illi prospiciebant, contrahantur ac moveantur; quale quid in ranis non tantum, sed aliis quoque animalibus interdum mihi contigisse recorder. Ast notatu digna sunt, quæ dogmati huic regerit *de la Forge in notis ad Cartes. de Homine*, quod, cum nervi plurima ex parte in plures ramos abeant, eoque diversis musculis implantatos, & talibus quoque qui contrariis actionibus præsent, fieri haud queat, quin anima, dum unum tantum horum ramorum & musculus trahere intenderet, trahat eorum plures & omnes, qui de illo nervi trunco participant. Porro, ait, si intervenientibus nervis musculi agitentur, musculorum apparatus inutilem atque super-

Neque trahitur a nervis.

TROGTMN.
XXIX.

perfluum videri: cum eadem, imo majore, facilitate partem movendam folam traheret quam musculo ftipatam & onuftam. Præterea non ineongrue dubitat, quorum nervi portio attracta fecedat, feu ubi recondatur: ac tandem concludit mufculos nervorum tractu haud moveri, imprimis cum experientia teftetur, magno etiam conatu tenfum nervum mufculum minime commovere, aut pone fe raptare. Quibus addo, nervos tantis obeundis motibus, quales mufculi obeunt, impares efle & metuendum, ne ab impetu movente aut refiftentia aliarum partium feu ponderofitate corporum, quibus elevandis robur intendimus rumpantur. Quod vero phænomenon illud attinet, quo nervum ictum mufculum convellere obfervamus, minime evincit, quod inde fperabant hypothefeos hujus Patroni, cum fibræ etiam ipsius mufculi, a nervo remotiores, fi purgantur, totum mufculum fimili, modo exagitent: Sed nervus hac ratione iaceffitus motum fluido fuo fimilem imprimit, qualem ab appetitus feu voluntatis nutû alias recipit; neque nervus compunctus adeo fenfibiliter convellitur, ut hujus tractionem mufculum fequi, inde inferri poffet.

*Sed inflatur
potius.*

Alii proin, quibus hæc motus mufculorum ætiologia minus congrua videbatur illos inflari, ficque fibras eorum abbreviari, putant, fc. præter *Aristotelem*, *Willifius* & *Par nobile Italarum*, *Bellinus* fc. atque *Borellus*, ideo præprimis, quod mufculi fub contractione fui notabilem rigiditatem & tensionem acquirant qualis nec a fimplici fibrarum corrugatione, nec alia quavis contractione foret expectanda: potiffimum cum craffitie ei eorum plus accedat, quam longitudini decedat, & per confequens novæ materiæ ab interioribus eorum ad exteriora nitentis, accessum feu rarefactionem fupponat. Quibus quamvis *Celeberrim. Steno in Myolog. Specim.* diverfis demonstrationibus geometricis contradicat, figuram equidem, non molem, in musculo tumefcente mutari, feu eundem fine novæ materiæ accessu aut fluidi influxu fecus ac veficam a flatu, in tumorem attolli, i. e. contractum æqualem efle non contracto: ab aliis tamen in specie *Borello part. 1. propof. 5.* quia jamdum *Laudatiffimo huic Viro* fatisfactum efle novi, tritam illam a pluribus fententiam etiam amplector.

*Et quidem a
spiritibus ani-
malibus.*

Inquirendum nunc reftat de fluido, feu virtute motiva mufculi intrinfece. Spiritus animales per nervos influos hanc fuppeditare, plerique consentiunt, qua nervo, qui ad hunc vel illum mufculum abit eique inferitur, ftrictius ligato aut reſciſſo, motus & actio illius omnino ceſſat, remanetque hic ut machina iners atque immobilis: hincque etiam fit ut, quo quifque mufculus mole amplior eſt, eo etiam majorem nervum fortia-

tur

tur. Concedit hunc influxum atque activitatem *Steno* ac modo *Laudatus* PROGTMN.
Barbolinus, negant tamen talem ejus in negotio hoc concursum, qualem XXIX.
 alii supponunt, id est materialem, & per quem, ut materiam accessoriam,
 tendatur ac distendatur musculus, viderique spiritus animales nihil aliud
 præstare, quam ut voluntatis imperium deferant, modo adhuc abstruso &
 omnes forsan latente: atque hoc præprimis ideo, quod influxu spirituum
 animalium quorundam defunctorum intercepto musculi nihilominus horum
 ad notabile tempus variis exagitentur subsulcibus. Verum eo ipso, dum
 ranam v. g. capite & corde rescissis, nihil, aut parum, de motibus suis na-
 turalibus remittere, experientia credere jubet, cultelli vero ictibus hanc
 ejusve ac aliorum animalium musculos torpidos ac quietos, ac novos sub-
 sultus & jactitationes reiterato provocari, constat: voluntatis etiam impe-
 rio declinato ac everso aliquem concedunt motorem fluidum intrinsicum,
 qui commercio quamvis omni cum cerebro, ut spirituum animalium officina
 ac promptuario. intercluso, motibus ejusmodi ad tempus præstandis
 adequatus existat, qui sane immaterialis dici nequit, E. materialis existit.

Quæ *Borellus* part. 2. propof. 28. pro dubii hujus analysi produxit, mea
 haud faciam, quia forsan cuncta non adeo congrua videri possent, & malo
 eandem ignorantia meæ confessionem repetere, cujus nec superius me pu-
 duit, quam conjecturis vanis lectori molestiam creare. Id est, dum princi-
 pium hoc movens non nisi sub conceptu materiali, admittere possumus,
 fateri cogimur: fluidi hujus motorii primam quidem scaturiginem in ce-
 rebro esse, unde aut spinali medulla, aut nervo per ligaturam aut quacua-
 que ratione intercepto, motus in partibus cessat: deponi nihilominus sen-
 sim in partibus ejus innumeras atomos seu particulas, quæ sibi etiam relictæ,
 aliquid virtutis dignoscentis simulque moventis habeant, licet fluidi hujus
 modum & rationem formalem nemini mortalium explicare concessum sit,
 verum simile videtur. Neque tamen spiritus hi seu fluidum nervorum solum
 actioni huic sufficit, sed sanguinis insimul confusus requiritur, & sine hoc
 musculorum contractio rite fieri nequit, ut vel solum experimentum *Ste-*
nonianum ab ipso Autore olim mihi communicatum, quo ligata arteria magna
 descendente in animali vivo omnis partium posticarum motus cessat, quod-
 que a pluribus nunc transcriptum legere licet, evincere potest. Nolo ita-
 que illius administrandi rationem prolixius explicare, sed potius negotium
 recte operanti succedere propria experientia testor: mirorque valde, *Paul-*
lum Mirum in disquis. Anat. infeliciorem manum, cui contrarium success-
 sit, & facta ligatura canis libere nihilominus ambulavit. Quoties ego il-

PROGYMN.
XXIX.

lam tentavi, semper successit, sub hac tamen circumstantia, quod ab hac animal per aliquod adhuc temporis spatium, dimidia circiter quadrantis horæ, cruribus æque posterioribus ac anterioribus innitatur & decurrat, sensim tamen sensimque illorum robur fatiscat, illa contremiscant, titubent ac tandem plane corruant, animalque pedibus tantum anterioribus suffulciatur: ast laxato iterum vinculo successive vires pristinae etiam posterioribus redeunt, i. e. tales, quæ gressui formando sufficiunt, quod pariter tamen non in momento, sed post eandem fere moram, demum contingit. Sine dubio quod ligata quamvis arteria nihil sanguinis adfluat, portio nihilominus ejus a venis nondum omnimode reducta illum motum sustentet: nec mox adeo libere, nodo licet soluto, omnium fibrarum motricum interstitia is subeat, per arterias appylsus. Eundem sanguinis in fibra contrahenda concursum comprobatur *Nobilissimi Bartholini* observatum, quod de *nervor. usu* edocet. Nimirum canis vivi vas cruralibus vinculum injicit & illæso nervo sub ligatura utraque vulnerat omnemque sanguinem educit, Imo, pro reliquiis hujus extergendis per arteriam aquam tepidam toties injicit, donec omnis tinctura sanguinea expers per venam redeat: qua ratione equidem in initio motus aliqualis carni adhuc deprehenditur, quamdiu aliquid adhuc sanguinis restitat, hoc vero plane & omnimode exhausto, & postquam pars vitalis esse desit, motus omnis cum sensu perit.

Spiritus E. tam insiti, quam influentes motus animalis autores existunt, & quidem sanguini arterioso combinati: licet quo impetu motivo eum exequantur, ambiguum satis videatur: id est, nondum hætenus sufficienter declaratum fuit, in quo moventium illorum habitudo differat, qua fibras actu movent, ab illa, qua easdem quiescere sinunt. Omnes autem concursus hunc admittentes, rarefactionem & elasticitatem quandam hujus mixturæ sibi concipiunt: in hoc tantum a se invicem recedentes, quod eorum alii cum *Willisio* spiritus animales spirituoso salinos & sanguinem nitro sulphureum supponant, qui concurrentes, velut nitrum sulphuri combinatum per motus instinctum per nervos adductum, tanquam a fomite igniario commoveantur & quasi accendantur, ut hac ratione diversæ hæ particulæ seu copulæ elasticæ elisæ & velut explosæ musculum subito inflent & ad contractionem disponant.

An ebullitione
cum sanguine?

Aliter paulo *Borellus* alique expansionem seu elasticitatem hanc explicant, sc. per ebullitionem & affervescentiam potius quandam, qualem inter liquores chymicos frequentiores observamus, quosque ex colluctatione horum

horum communiter assurgere ajunt, v. g. spirituum acidorum & alcalium fixorum atque volatilium, item Spiritus vini, Cornu cervi, fuliginis, vitriolis &c. sanguini calenti infusorum. Simili E. ratione & per actionem mechanicam parem succum nervosum, sanguini aut hujus alicui parti commixtum, bullascere ac rarefieri; fibrasque musculorum ad contracturam usque expandere, autumant.

Ab his dissentientem se profitetur *Mayow*, quasi non per fibrarum inflationem, multo minus a salium subcontrariorum conflictu & expansione, muscoli contractio contingat: separari tamen in & a musculorum substantia, tanquam peculiari cribro, a sanguine partes quasdam salino-sulphureas, quibus si spiritus animales nitro-aerei obviam fiant, ex mutuo horum contactu effervescentia contingat, fibrillas muscoli transversales (quas in quolibet musculo, ut partem essentialem, supponit) instar chordæ super ignem contortæ & contractæ, per modum caloris contrahens, hincque longitudinales & crassiores ejusdem muscoli fibras abbrevians.

An per effervescentiam fibrarum contractio?

Verum quoad hypothesin *Willisianam*, ipsamet ejus *Clarissimus Inventor* *Willis* sibi dubium videtur suum dimittere Lectorem, quando de Motu musculi sibi non satis constat, an spiritus animales revera spirituoso-salina & latex immediate a sanguine suggestus sulphureo-nitrosus existat: Sed quia in aliis naturalibus particulæ diversi generis reperiantur, ad elisionem atque effervescentiam, hinc expansionem, habiles, & a talibus tantum motus corporum intestini, quales musculorum contractiones, contingant, ejusmodi copulam elasticam potius præsumit ac fingit, quam probare annititur, nec ullus forsan probare poterit. Quæ ab aliis contra hanc explosivam virtutem prolata sunt, lubens prætermitto, de motore seu igne accensorio in præsentiarum saltem sollicitus, quem minus congrue determinat *Willisius*, quando munus hoc instinctu ab appetitu excitato aut deimisso confert: non immaterialem, illum equidem mihi concipio, sed quem ipse spiritus animalis, impetu extraordinario appulsus, præstat, neque tamen hic ad explodendum aut commovendum particulas illas subcontraries magis aptus est, quam spiritus ipsis musculis impactus, utpote cum hoc ejusdem indolis, sc. salina, id est, quem excandescendi seque & particulas sanguinis exagitandi vim hic non habet, nec ab illo, qui ab appetitu demittitur, recipit; neque recipere posset musculus discissus, in quo nihilominus motus reliquæ præterea observamus, illos quoque musculos in recenter mactatis animalibus, quorum sanguis effœctus, congrumatus & ad ejusmodi pugnam sustinendam ineptus est, aliquandiu, præprimis si vellicentur, aliquid adhuc motus

Willis sibi sibi explosivam in motu musculorum non habet locum.

PROGTMN.
XXIX.

exerere, in quibus explosio nulla, si qua unquam adfuerit, concipi potest. Cui denique subjungo, ex superioribus repetendum experimentum, injiciatur sc. mediante siphone in animalis modo extincti arteriam quamcunque aqua frigida, (explosionem potius inhibens, quam juvans) & si non ad primum, sane ad secundum, hujus impulsus musculi hactenus rigidi sensibiles maxime præstabant motus, atque horum quosdam, pro membrorum diversitate, jucundo satis spectaculo.

*Nec Borelli
ebullitio ex-
pansiva.*

In Borelli autem dogmate desidero primo, quod spiritum animale sulphureo salinum, instar spiritus vini, positive maxime pronunciet: deinde quod in sanguine cum hoc nervorum fluido pariter ac cum spiritu vini, ebullitionem fingat: ac tertio præter reliquas difficultates, quæ contra theoriam suam movet, quibusque satisfacit (quam bene vel male, cuncti, quorum manibus Scriptum ejus egregium teritur, judicabunt) non hanc annotarit quoque, qui fiat, quod si ad mutuam contactum fluida hæc elisiones ejusmodi præstent in artubus, cur non similem, imo majorem, experiantur ebullitionem eadem, intra cerebrum copiosius concurrentes? Quibus quarto accedit, quod, quemadmodum salia diversa sine coagulatione sui nunquam congregiuntur, id est horum confictum æstuosum connubium amicabile sequitur, etiam ex hac effervescentia frequentiore ejusmodi metuenda sint coagula, quæ fibrarum motibus subsequuturis notabilem obicem ponant: ne denuo provocem ad motum musculorum, quem solius frigida in arteriam injectione resuscitari posse, modo dixi.

*Nec Mayoß
effervescentia
contractoria.*

Clarissimi Mayoßi theoriæ nullam moverem litem, modo spiritum suum nitro aereum nobis evidentem magis reddidisset: quare de particulis sanguinis sulphureis in musculis secretis, harumque cum spiritibus animalibus effervescentia mihi dubitare tam diu licebit, donec congruo magis huic negotio experimento, quam per mixturam spiritus nitri ac spiritus vini, illam comprobet. Nec video, qualem effervescentiam sine rarefactione, hinc corporum solidorum flexibilitas, quibus subest, dilatatione ac intumescencia, quam nihilominus negat ac pernegat, concipere debeam. Præterea dum ab effervescentia hac colorem, fibrulas musculorum non aliter, ac chordas instrumentorum a calore foci aut candelæ contrahentem seu contorquentem, moveri putat; unde vim motivam petant piscium similiumque actu frigidorum animalium musculi, aut illi, quos torpidos aqua frigida in motum vin-

*Opinio de mo-
do musculo-*

rum propria. Pace itaque *Praclarorum* ejusmodi *Virorum*, ne plane ἀσύμφορον dictum propriam. scedam, quæ de phænomeno hoc abstrusissimæ ætiologiæ suspicor, exponam.

Nimirum

Nimirum cum aliis assero, in fibra motrice rite contrahenda sanguinem pariter, ac spiritum animale requiri: non tamen collidentes aut effervescentes, sed seorsim, quamvis simul, agentes. Deinde in spiritibus animalibus potentem satis suppono elasticitatem, qualicunque demum alias materiæ modo seu textura gaudeant, & talem quidem, quæ a pressione externa intenditur & quasi actuatur. Pressionem autem hanc ipsis præstant vel moderatam sanguis, canaliculis eorum fibrosis interfluus, vel impetuosorem instinctus insuper, iisdem fibris ac nervis modo ab appetitus impulsu, modo ab objectis externis, immediate magis lacescentibus, impressus: illam in musculorum tendentia naturali seu motu restitutionis, hanc in agitationibus eorum violentioribus, sive arbitrariis sive coactis. Quia tamen pressio, si continua fuerit, elateri impedimento est, talem eam hic mihi concipio, quæ non exacte continuo, sed tremulo & oscillatorio quasi nisu agat, adeoque momentula concedat elateris expansioni seu activitati, alias enim frustraneus is foret.

In sanguine duplicem observamus oscillationem & tremulum quasi impulsus, quorum alter ab ejusdem motu locali, quo ex arteria ad musculus profunditur, alter ab oscillatione vitali, seu reciproca ejus particularum tendentia, ac renitentia, dependet: utrumque E. hunc totidem quasi spirituum animalium incitatores & horum motuum stimulos auguror, nulla alia ratione agentes, quam ut illorum elateres molliter & repetitis ictibus comprimendo hos in motus & renitencias infinitas cieant; quæ pressiones, atque restitutiones licet alternæ adeoque haud continuæ sint, ob sui tamen brevitatem nobis continuæ videntur; & si forsan elasticitas spirituum valde fracta, ut non, nisi magnæ ac diuturniori sanguinis pressioni, auscultet, momenta pressionis restencias superant, & tremor partium contingit. Atque hæc virtus motiva fibris musculorum pro tendentia earum naturali & propria, quam alias motum tonicum appellant, sufficit, major vero, quia requiritur pro illa horum actione, quam vitalem vocat *Borellus*, & quæ ad levanda magna onera aliasve agitationes corporis necessaria: talis etiam præsto est mechanica, per quam spirituum intra fibras illas undulantium virtus expansiva intendatur, quatenus vel ab impulsu spirituum extraordinario, vel a fibris ab objectorum contactu in contraturas aut spasmos leviores concitatis, in angustum magis coguntur inexistens spirituum spirulæ seu machinulæ, perinde ac in machinis aerem comprimentibus seu condensantibus.

Sc. sensibilia, sive exterius illata, sive imaginaria & intus concepta, si sub specie congrui aut incongrui, boni aut mali, se sistant, statim vel *Appetitus quæ ratione mu-*
Ecc *pidinem sculos moveat?*

PROSTMN.
XXIX.

Objecta externa quomodo ad motum stimulant?

Qua ratione motus voluntarius coactus & naturalis differant?

pidinem, vel fugam, sui excitant, motusque extraordinarios spiritibus ac humoribus, & partibus solidis tendentias peculiare imprimunt. Id est, in appetitu tres videntur subesse motiones, se invicem excipientes, nempe complacentia aut displacentia, amplexatio & aversatio, ac denique conatus assequendi aut fugiendi. Quarum priores binæ qua ratione se habeant, seu quæ harum ætiologia sit, hujus loci haud est; sufficiat indigitare, amplexationem & aversionem objectorum interdum cum resiltione quadam spirituum ad medullam oblongatam & ab hac emanantes nervos contingere, quod conatum apprehendendi & detrectandi communiter vocant. Hic E. motus spirituum impressus seu elicitus est, quem nervorum stimulum vocant, & per quem, quidquid fluidi nervei per musculorum poros undulat, reciprocis pariter impressionibus eousque cogitur, ut majorem vim acquirens ac latius se expandens potentiores & sensibiliores nifus in machinis his producat. Nam nec hic influxus compressivus extraordinarius plane & omnino continuus, sed tremulus pariter & cum renitentia illorum spirituum, qui musculo inhaerent, quasi bilibre format tale, cujus alternationes & reciprocae tendentiæ, propter sui frequentiam ac brevitatem non percipiuntur, quas nihilominus ideo admittere cogimur, quod cerebri motus tantum reciproci sint, ab impulsu etiam sanguinis arteriosi in musculis & a renitentia fibrarum naturali diversas determinationes recipiant. Par ratio est motuum, ad quos a contactu objectorum immediato magis stimulamur, v. g. flammæ adurentis, nam & hæc, spiritus ad momentulum densando, illorum potentiam restitutivam intendunt: ita ut non mirum, si vellicato nervo, a principio suo quamvis resecto, aut laceffito ipso musculo per ictum simileve, elateres residui novum calcar recipiant, hinc reciproce convellant partem; quæ ratione aquam quoque per arteriam insusam, de qua superius dixi, motum aliqualem musculis restituere, auguror.

Hæc est præcox illa theoria, quam, dum hæc conscribo, mens suggerit, & cui præter conceptuum crudorum nihil prædicati decerno, eamque meliora edoctus promptus defere. Determinandum nunc restat discriminis quod motum voluntarium & naturalem intercedit, id est, quo manus v. g. interdum saltem extendatur aut flectatur, hinc non, nisi ab appetitu seu voluntate, moveri videatur; cor vero, diaphragma, tunicæ viscerum musculosæ &c. contractiones perpetuas & æquabiles, quamvis interpolatas, exerceant, adeoque nunquam non agere possint. Ex qua difficultate *Willisus* ac *Borellus* se facile extricabunt, dum prior motus naturales perpetuos & indeclinabiles a cerebello, spontaneos autem a cerebri potentia motiva deri-

derivat, quod in hoc activus appetitus, præter influxum ordinarium, motus quendam instinctum, tanquam fomitem igniarium, suppeditet: posterior ab eodem seu voluntatis imperio, per vim quendam cerebri convulsivam, spiritus animales musculis instillari, eosque in his turgescunt cum sanguine seu inflationem quendam præstare ait, eoque durabilem, quamdiu instillatio hæc arbitraria perseveret. Verum uterque horum novis potius difficultatibus se implicat, quatenus sub termino instinctus non facultas quædam mera & incorporea concipi potest, ipseque nihil aliud, nisi recentium & plurium spirituum copiam subsidiariam, foret, quæ explosionem illam non magis maturabunt, quam veteranæ illæ cohortes, utpote cum quibus ejusdem naturæ sunt. Pariter *Borelli* dogma satis precarium est, quippe quamvis huic largiendum veniat, per impetum illum motivum, quo musculi a cerebro excitantur, spiritus animales impetuosius ac copiosius paulo instillari, nihil tamen horum illis hætenus inextitisse, difficulter probabit, sed contrarium potius ex superius allatis, partim inde, constat, quod sentiendi virtute, hinc spirituum animalium penu, nunquam destituantur musculi. Opinor itaque, motus musculorum sensibiles atque vitales instinctus suos modo recipere ab appetitu & hujus diverso moderamine, quos voluntarios seu spontaneos dicimus, modo ab objectis horumque impressionibus immediatis magis. Sicut autem hæc objecta vel extrinseca & contingentia, vel entitates seu motus corporis intrinsecos & machinæ integrales, observamus: ita illorum stimulus in temperarios, breviores & coactos motus concitat, cum objectorum impressione desinentes; horum autem impressio, quia perpetua, perpetuis quoque agitationibus, non nisi cum illa, cessantibus, v. g. respiratoriorum musculorum, cordis, tunicarum, ventriculi, occasione existit.

PROGYMNASMA XXX.

DE

SOMNO ET VIGILIIS.

Motibus defatigatum corpus spiritusque his atque sensibus hætenus vacantes alternam amant requiem, ita quidem, ut vigilias sine somno intercalari vix aliquandiu, nisi cum summa omnium membrorum lassitudine, functionum hebetudine, & non sine vitæ periculo continuare queamus. Quemadmodum enim vigilias in ipso sensationum ac motus spontanei

*Quid Vigilia,
quid Somnum?*

PROGTMN.
XXX.

tanei liberiore exercitio consistere, omnes fatemur, ita tunc nos vigilare novimus si objecta externa, moderate in sensoria agentia, percipere ac præter motus non spontaneos etiam spontaneos exequi valeamus. Adeoque per eandem experientiam cum *Aristotele* plurimi Scriptores somnum cessationem seu privationem vigiliarum naturalem pronunciant, qua durante sensibilia adæquata & organa blandius afficiuntur nullam sui perceptionem excitent, nulli motus spontanei fiant, imo internæ animæ sensitivæ potentiæ suos actus vix convenienter exercent, sed vel ab iisdem prorsus ferientur, vel confuse tantum hos præstent.

Somnus sensuum externorum affectio est.

Sensuum externorum affectionem dum somnum dico, non omnem objectorum actionem in sensoria seu organa externa negatam volo, quasi mirum hæc eorumque partes plane non ab illis commoveantur, eorumve impressiones sustineant: cum quemadmodum radii lucis cameram obscuram, omni sensu omnimode destitutam, nihilominus incidunt & objecti speciem sistunt, per oculum dormientis apertum ad retinam usque ferri possit eadem atque in hæc depingi, ita non improbabile sit, perinde ac in oculo, orbitæ suæ educto, contingere observamus, objecta dormientium quoque oculus commovere. Neque obex comparet, qui soni aurem appellentis per meatum auditorium a tympanum ad labyrinthum & cochleam usque ingressum moretur; quin hic fibrosas & nerveas harum cavitatum expansiones percellat: ita ut de reliquis sensoriis externis idem promittere nobis queamus. Quia nihilominus hæc sensoriorum exagitatio sensuum formalitatem haud absolvit, & species non sentiuntur, id est, non percipiuntur, nisi quando motus inde impressus ad cerebri interiora propagatur, & hoc, quod sensum communem communiter ajunt, superveniat: Somnum equidem non sensoriorum, sensationum nihilominus affectionem aut sentiendi impotentiam naturalem appellare conveniet. Quam percipiendi impotentiam qui per privationis notionem duram nimis sibi visam exprimere nolunt, illis feriatiōis, intermissionis quietis similemve quemcunque terminum facile concedo: potissimum cum spiritum animalium naturæ & mobilitati summæ vim quasi inferat, ab omni motu seu tendentia vacare; revera enim etiam in dormientibus eos moveri, motus cordis, respirationis &c. credere jubet. Quando autem, quod in uno subjecto facilius, in altero difficilius, contingit, aliquis clamoribus & compellationibus nocturnis auscultat, puncturas aliaque contrectationum genera sentit, volatilium naribus suppositorum odores percipit, aut a quovis sensibili, modo blandiore, modo violentiore, somno deditus afficitur: hic eo ipso, dum ab ejusmodi rebus commovetur, non pro dormiente amplius haberi

Quomodo quidam dormientium sentiant.

beri potest, sed, quia animæ sensitivæ potentias externas exerit, vigilantibus re- PROGTMN.
ctius accensetur. XXX.

Et quamvis ejusmodi homines, si somnum omnimode excusserint, sensibilibus eorumque sensationum factarum haud recordentur, haud tamen ideo tunc, ubi ab iisdem actu commovebantur, alto somno oppressi dici poterant: quatenus vigilantibus quoque interdum evenit, ut sensibilibus perceptionum mox & in momento obliviscantur, imo verbum unum vel alterum quoque eloquantur, cujus vix ore occluso amplius meminerint. Si nimirum eorum sensoria ab aliis objectis eoque distrahantur, ut his firmiter infixæ seu intenta illa quidem simul percipiant, phantasiæ tamen seu memoriæ non concedant, sed eadem ex organis citius dimittant, quam ulteriore ac imaginatrice spirituum agitatione memoriæ inscribi poterant. Admiratione proin minus dignum, quod dormientes se quidem aliquid ingruentium externorum persentiscere, corporis jactatione, imo loquela, testentur adeoque hoc ipso momento vigilant, mox tamen ac denuo obdormiscentes illorum plane obliviscantur. Phantasia siquidem, quia nec in dormientibus otiosa, aliisque a memoria suggestis, expendendis vacuas, momentaneum hunc sensibilibus impulsus, horumque confusam & obscuram satis perceptionem haud ruminatur, multo minus retinet, seu memoriæ concedit, ut illis somno discusso reminisci valeat. Quæ ita se habere, inde suspicor, quod somnolenti haud æque congrua quæsitæ verba proferant, sed de alio interrogati de cepis respondeant: i. e. aliis tunc temporis obruta eorum facultas imaginatrix sensibilibus externorum species haud componendas componit, combinandas dividit.

An cum sensatione motus quoque spontaneus in dormientibus ferietur, aut an non potius cum non spontaneo ille, seu arbitrarius, præsto sit? *An somnus motum spontaneum efficiat?*
Scriptores hæsitant: Negantium etiam hypothesi favet, quod dormituriæ nec se ipsos sustinere valeant, sed stantes aut minus commode sedentes, instar fulmine tactorum concidant, aphoni fiant, eorumque artus laxati propendeant: Contra spincteres ani, vesicæ in dormientibus pariter ac vigilantibus contrahuntur & tono suo vacante, ac profundissimo quoque somno oppressorum thorax & abdomen a musculis suis ac diaphragmate respirando attollitur, dilatatur atque arcatur; quo etiam facit, ne de Somnambulis aliquid dicam, quod dormientes hos vel illos artus moveant ac mire satis per lectum circumvolvantur. Hinc concludere fas est, motu quoque illo, quem spontaneum alias dicunt, nonnullos dormientium musculos semper & ordinarie agitari, reliquos interdum duntaxat. Ordinarie agitantur v. g. muscoli

PROGTMN.

XXX.

*Morantur qui-
dam musculi
motu magis
naturali dicto
qui non a cere-
bello nervos
recipiunt.*

musculi respiratorii, quorum tamen motum ex spontaneo mixtum alias ap-
pellant: haud quidem, juxta *Willisium* & *Vicussens*, ideo, quod nervis pecu-
liaribus & a cerebello oriundis gaudeant, hinc sub peculiaris spirituum ani-
malium generis moderamine stent, utpote quod ab iis nondum sufficienter
probatum, dum v. g. spincteres ani & vesicæ nervos minime a cerebello reci-
pientes, quorum equidem motus a voluntatis seu appetitus directorio aliquo-
modo dependet, sine hoc nihilominus ordinarie se contrahant, adeoque eo-
rum constrictione a nobis vix impediri queat, nisi abdominis ac intestinorum &
vesicæ compressione.

Modo allegatus quidem *Vicussens Neurogr. l. 1. cap. 20.* duplici expe-
rimento motus involuntarios cordis, thoracis &c. nervis a cerebello maximam
partem oriundis, majoremque quam cerebro, spirituum copiam apportantibus,
tribuit, eosdemque in munere hoc confirmat: quatenus vivi canis capite
aperto cerebellum discindit, lacerat atque eximit, cerebro & medullæ cau-
dice illaeso, & animali illico moriente, alterius vero canis medullæ oblon-
gatae partem anticam prope cerebrum eximit intacto cerebello, & per ali-
quot adhuc horas illo respirante. Sed quamvis hæc secundum recensitas
substantias promptissime succedant, (fateor enim, mihi hæc tentare non
licuisse) minime tamen hinc cerebri ac cerebelli spirituum diversitatem
illam, quam cum *Willisio* supponit, evincit. Quod autem membris his,
quorum motus continui ad vitam magis necessarii sunt, nervos concesserit
natura ex alia, quam, cui radicationem suam debent nervi sensorii,
ἐν κεφαλῇ parte, ideo forsan egit, quo spiritus quosdam, secludat & a
sensationum percussionebus immunes conservet, tales scil. qui motu inde-
finente, nec unquam interrupto, ad organa vitalia ferantur.

Molinettus dissert. anat. patbol. lib. 4. cap. 21. supponit, musculos a
sanguinis arteriosi spiritu potius fervido, per spiritum nervorum subtilio-
rem exagitato, moveri: quo nervorum fluido, propter occasionem agendi
in organa motus localis cessantem & voluntatis imperium intermissum, in
musculis deficiente, necessario etiam fatiscat horum motus diaphragmate
tantum excepto. Sed nec hujus dogma omnem dubitandi occasionem erip-
pit, & probabilius videtur, omnibus ac singulis quidem musculis somni
tempore potentiam motivam proximam subesse, non tamen eadem pariter
omnes uti: quatenus non omnes aut ab objectorum externorum vel sti-
mulorum intrinsecorum contactui aut phantasie atque appetitus impressio-
ne, tunc ad se movendum instigantur. Quorum tamen prius ac posteri-

*Cur quidam
musculi in
dormientibus
morbentur,
quidam qui-
scent?*

us interdum contingere, inde augurari convenit, quod dormientium mem- PROGTMN.
bra agitentur, aut dum aliquid sensationis molestæ, v. g. a decubitu, per- XXX.
cipiunt, aut dum per insomnium seu phantasiam illam, quam in vigilantibus appetitum vocamus, in motum vendicantur. Perpetuus tamen & plane inevitabilis quia est stimulus ille internus, quo ad respirandum provocamur, ideo nec muscoli, huic præpositi, potentiam suam nunquam exerunt, sed per impetum, quem respirationis summa necessitas & suffocationis periculum creat, ad reciproca sua munia continuo excitantur, adeoque nisus suos perpetuo repetunt his inexistentes elateres.

Tandem quod interiorum sensuum exercitia concernit, illa, si sensus *Sensus interni*
communis functionem excipias, inter dormiendum celebrari, probabile est: a somno non
cum animæ sensitivæ systasis nunquam non agat, spiritusque animales, et si *afficiuntur.*
in membris externis aliquatenus torpescere videantur, circa principium tamen nervorum, seu intra cerebri medullium ut primam scaturiginem perpetim agitentur, a quo motu si per momentula quidem pauca omnino desisterent, v. g. in apoplexia forti nunquam forsan ad pristinam activitatem revocari possent, imo hi ipsi phantasie continui actus insomniorum naturalium formalitatem constituere videntur. Et quamvis expergefacti ejusmodi motuum ac insomniorum non meminerimus, ea tamen in nobis contigisse, accubantes sæpius perhibent: nostris insultibus atque clamoribus agitati ac turbati.

Nec ab oblivione hac ad omnimodam spirituum quietem somniferam argumentari licet, quatenus nec ebrii dictorum & factorum suorum semper recordantur, quæ nihilominus ab eorum phantasia, sive adhuc integra, sive jamdum corrupta, emanarunt. Imo non infrequens est, ut vigilantes quoque, diversis simul meditationum generibus vacantes, se cogitasse, post breve temporis intervallum nesciant, aut, quia objecti & argumenti haud recordantur, se plane ab omnibus cogitationibus quievisse, opinentur: quos tamen sine cogitationibus haud magis, quam sine sanguinis motu, existere potuisse, palam est, eosque a phantasia exagitatos & meditados fuisse, vel ex gestibus eorum solis adstantes conjecturare poterant.

Sicut autem neminem facile contradicentem observabimus in hoc, quod spiritus animales somni æque ac vigiliarum subjectum, hæcque illorum affectiones alternantes, sint: ita investigandum relinquitur, primo an spiritus in somno ab omni plane motu cessent, deinde an somnus per sensoria externa ad interiora irrepit, an potius ab his ad illa emanet? Ratione dubii prioris *Spiritus animales in dormientibus non*
vix audiendus erit *Willisus*, quando pharmaca hypnotica pensum suum, quos-
dam

PROGYMN.

XXX.

*non cessant ab
omni motu.*

dam spirituum animalium perimendo, profligando seu extinguendo, perinde fere ac flamma affusa aqua coercetur, absolvere ait: & verosimilia magis sunt, quæ Lucretius canit.

--- Cinere ut multo latet obrutus ignis.

Unde reconstari sensus per membra repente

Possit ut ex igni cæco consurgere flamma.

Et in dormientibus spiritus minime extingui aut dissipari, præter hæc, quæ de sensus interni functionibus, somni tempore integris, modo dixi, evidens fit, quod ex profundissimo non raro somno vel clamoribus, plus minus vehementioribus, ostii pulsatione, aut rudiore contrectatione repente expergiscamur, non lassī aut molles, sed ad motus magnos & frequentiores præstandos, ad hostem & fures ejiciendos robustissimi & agiles satis, nihilque in nobis observemus, quod spirituum penuriam vel torporem ostendat. Adeoque probabilius est, instar ignis sub cineribus gliscentis illos se habere, eorumque tendentias paciores & blandiores tantum esse tempore somni, ita ut ad pristina munia alacrius quoque somno excusso se recipiant.

*Somnus a cerebro, non a
sensoriis incipit.*

Quoad alterum, quamvis quietem hanc spirituum relativam per totum genus nervosum diffundi, certissimum sit, exceptis illis partibus, quarum motus perpetuos atque æquales cum vita paribus passibus ambulare, inani:

Disvolvuntur enim dum demum membra fluuntque,

Debile sit corpus, langvescunt omnia membra.

Brachia, palpebræque cadunt, poplitesque procumbunt.

Minime tamen nobis persuadere debemus, quasi a sensoriis externis somnus, seu spirituum illa ligatio, inchoetur, ideo, quod hæc sæpius obdormiscant, dum phantasia perquam agilis adhuc observatur, & istis plane sopitis muniis suis adhuc liberrime fungitur. Id est, somni equidem primitiæ in organis externis mox comparent, ita quidem, ut somnolenti, licet somno nondum plenarie succumbant, imperfecte tamen videant, audiant, &c. imo hæc ipsa membra languore & specie quadam doloris interdum comprehenduntur, v. g. oculi hebescent & cæcutiunt, arenulisque infarcti invitis ocludi malunt, tandemque revera connivent, aures gravantur, &c. somniferorum nihilominus propinatio diversum ostendit, gravitatem scil. in cerebri interioribus, imo somni naturalis etiam prima rudimenta ex meditationum habitudine & totius corporis æquali lassitudine atque torpescencia, hinc spirituum circa primum fontem oppressione, sa-

tis congrue colliguntur. Et delassata dum nobis comparent sensoria, ideo **PROGTMN**
 fit, quod per subsiditiam illam spirituum intrinsicam, eorum emanationes **XXX.**
 ad exteriora inhibeantur, radiique hactenus in longum atque latum exporrecti
 quasi cohibeantur ac retrahantur, adeoque in his, tanquam a centro remotio-
 ribus, primo statim spirituum influxus interceptio compareat.

Super causam somni proximam dum consulo Scriptorum monumenta,
 non, nisi incertitudinis & suspicionum plena ex his legere licet: imo ab ullo
 mortalium vix meliora expectari poterant, cum natura & modus influendi
 spirituum accuratior omnes lateat. Eo ipso tamen dum hos substantiam sum- *Somni causa.*
 me mobilem & elasticam supposui, somnum introduci probabile fit, dum eo-
 rundem impetus ac tendentia infringitur atque obtunditur, quod magis incla-
 rescet, si causas somni evidentes frequentiores ponderemus: utpote quas cun-
 ctas vim fluidum mobilius & magis activum compescendi habere palam est.

Evadimus autem primo somnolenti mox a pastu, non quod recens & *Somni causa*
 mustaceus chylus, vel mole, vel cruditate sua spiritus animales supprimat, ho- *evidentes*
 rumque alacritatem obtundat; quatenus chylicatione vix inchoata, adeo- *sunt.*
 que chylo nondum distributo & cerebro suffuso, somnolentia hæc corripit: *Pastus.*
 Sed quod ingestorum substantia maxime solubilis fero ventriculi mox connu-
 bens cum hoc cerebrum alluat, & oleoginositate seu lentore suo spiritus in
 eodem undulantes inviscet, donec crassior chyli substantia affluens eosdem
 magis irretiat. Neque improbabile est, potulenta quovis pastu uberius par-
 tibusve hausta, quatenus ventriculum citius elabuntur & per totum corpus cum
 sanguine efferuntur, somni primitias formare & aquositate sua ad minimum,
 elateri spirituum moramnectere. Ejusdem generis sunt papaverina, opiata, *Hypnotica.*
 nicotiana, Datura Indorum, aut quævis alia hypnotica seu narcotica, quorum
 tamen ætiologiam pariter determinare nolo: nisi forsan in condensatoria ac
 inspissatoria illa potentia, quam *Verulamius* in opio deprædicat, *Celeberrimus*
Borrichius in eruditissimo de *Somno & Somniferis* scripto confirmat, quamque
 analogia, quæ ipsi cum sulphure vitrioli, fumo carbonum similibusque inter-
 cedit, probabilem reddit, acquiescere placeat. Quatenus ejusmodi hetero-
 geneitates vaporosæ, dum spiritibus animalibus suffunduntur & confundun-
 tur, ab iis intimius admittuntur, adeoque tenuitatem, hinc mobilitatem eo-
 rum infringunt. In specie vero quoad Papaver & opium, ex observatione
 modo *Laudatissimi Viri*, horum oleum vaporosum & quibuslibet liquoribus
 magis commiscibile, hinc fluido etiam nerveo præ aliis oleis citius connu-
 bens, spiritus in nebulam quasi tenuiorem densat, & torporem imprimit, illis
 quoque, qui in extremitatibus nervorum, v. g. circa ventriculum, existunt,

PROGTMN.
XXX.

quem tamen ad ipsius cerebri interiora mox propagant. Imo ex eodem principio oleaginositatis, spiritus stupefacientis, ratio commoda redditur virtutis soporiferæ, quam nux moschata comæssa aut hujus oleum expressum capiti ac naribus inunctum, observatur: quam tantam in ea annotavit *Bontius de Medic. Indor.* ut immoderatus devorata oleaginositate sua, pariter ac opium ventriculum simul ac caput, gravet, huicque torporem ac somnolentiam, caro interdum similem, inducat.

Inedia & evacuationes p. n.

Nec minus ad somnum disponunt inedia diuturnior atque evacuationes nimis quævis, v. gr. diarrhæa, hæmorrhagiæ, sudores, &c. non tam, quando actu contingunt, sic enim quietem potius turbant, sed quando cessarunt: item animi & corporis labores. Præstant autem illud cuncta hæc, vel dum spirituum animalium aculeos refringunt, illos consumunt ac inertes reddunt; vel dum pabulum atque materiam eis subtrahunt, sicque eos ad quietem extraordinariam disponunt. Spectant huc animi & corporis

Labores corporis & animi.

labores, activitatem spirituum insigniter infringentes, quæ tamen occasiones potentius hoc agunt in illis subjectis, quæ ex quacunque causa jamdum spirituum penuriam aut torporem patiuntur, v. gr. Scorbuticis ac Leucophlegmaticis; qui duriora exercitia & diuturniores meditationes ferre vix possunt, quin citius lassati foranum capestant. Pariter quemadmodum sensoriorum commotiones potentiores spiritus etiam intrinsecos exagitant eorumque agilitatem quasi exacuant, ita Sensibilem externorum defectus, aut eorum a sensoriiis omnimoda remotio torpori ac desidiæ eorum occasione existit, ita

Sensibilium defectus.

ut nocte multa, ubi nec oculos, nec aures, nec reliqua organa facile aliquid sensibilis ferit, sopor citius, quam interdiu, obrepat: quatenus ab his illorum fibrillæ nervæ aut spiritus haud perculsi, aut ad retrogradum motum incitati, subsident & feriantes reliquos circa primum sensorium undulantes minus exagitant. Par ratio est, si unico tantum sensorio sensile gratum ac suave offeratur, & hoc cum summa attentione observetur, v. gr. aquarum lenia murmura, musica, frictions blandæ, opiatibus citius somnum inducentes: Spiritus siquidem sensorii communis ab unius tantum organi externi vibratione minus commoventur, unico vero huic objecto, v. g. audibili blando, nimis attente inharens phantasia facit, ut ejus, quod adhuc extra nos est, nulla amplius in organo perceptio fiat, hocque pariter obtorpescat. Peculiari prærogativa hoc in passu gaudent oculi, utpote quorum fixior ac diuturnior obtutus non adeo facile somnum provocat seu admittit, sed eundem potius arcet: dum lux, tanquam illorum objectum & sensibilem omnium magis activum, spiritus animales majore impetu percellit, quam reliqua singula.

Sed

Sed plerarumque harum causarum occasionalium moderatrix atque **PROGTMN.**
 excitatrix existit consuetudo: quæ sola etiam diversis interdum functionibus **XXX.**
 adornandis stimulus egregius deprehenditur iisdemque pariter silentium & *Et Consue-*
 ferias indicit, v.g. alimentorum desiderium per statam quasi horam determi- *tuda.*
 nat, alvum per certa intervalla deponere jubet & vigiliarum quoque ac somni
 reciprocationes dirigit. Assiduitatis hujus naturalis & consuetudine indu-
 ctæ exempla passim miranda, sæpeque satis ridicula prostant, quæ horumque
 ætiologiam producere, non est hujus loci: sufficiat hic animadvertisse, quod,
 quemadmodum consuetudo hæc exinde præprimis gignitur, dum singulis
 vesperis, aut alio quovis stato tempore, somnum quærentes, nos a sensibilibus
 externis sensim subtrahimus, e contra dum hac vel illa hora expergeri volu-
 mus, hoc ministris aliisve commendamus; ita postmodum præsentibus licet
 objectis sensibilibus, eodem nihilominus tempore somnum capessimus, ideo
 quod spiritus nostri requiem pristinam repetant, & ad terminum certum tan-
 tum hætenus quieti, a phantasia, cui hic impressus, excitantur.

Quamdiu una alterave relatarum occasio adest, hincque spiritus *Causa Vigilia-*
 aut densantur seu incrassantur, aut imminuuntur, aut quacunque de causa *rum.*
 requiescunt & subsident, dormire dicimur: quod si vero illi ad munia sua se
 denuo accingant, i. e. a causis soporiferis contrariis pristinam mobilitatem
 recuperent sicque expandant, somnum vigilia excipit. Quia tamen modo
 sponte evigilamus, modo somnus interrumpitur, illud contingit, si spiritus
 refecti satis ac nova elasticitate imbuti sensoria novo & majore impetu appel-
 lant: hoc vero imprimis sensibilia potentiora ac molesta præstant, si hæc ex-
 terna fuerint, v.g. lumen aut sonus ingens, si in corpore lateant, v.g. humores
 acres, lumbrici, calculi & quævis lancinantia atque dolorifica, quibus cunctis curas
 & meditationes, sub certarum circumstantiarum moderamine, addere decet,
 spiritibus & imaginationi nullas inducias aut requiem concedentes, sed per-
 inde ob sensibilia externa, eosdem in perpetua & varia tendentia conservantes.

De usu utriusque hujus phænomeni præter illa, quæ in principio statim
 hujus progymnasmatismatis indigitavi, plura addere vix videbatur necessa- *Ufus Vigilia-*
 rium: cum vigilias actionum animalium imprimis edendarum gratia contin- *rum & Somni.*
 gere, seu potius in harum vigore & actu consistere, in propatulo sit, somnus
 vero iisdem spiritibus animalibus refocillandis ac redintegrandis inserviat;
 ita tamen, ut illi sub hoc sensationes & motus intrinsecos seu naturales, id est.
 qui ad vitam simpliciter magis necessarii sunt, sufficienter quoque peragant,
 membraque vitalitati immediate magis litantia actuent, v.g. cor, musculos *Somni tempore*
 thoracis, ventriculum, &c. Imò observamus, somni tempore, cæteris pari- *digestiones fe-*
 tibus *licus per-*
aguntur.

PROGTMN. tibus, alimentorum digestionem ac nutritionem ultimam commodissime fieri:
 XXX. tunc nimirum per motuum spontaneorum exercitia spiritibus non adeo dissi-
 patis, adeoque fluxu minus interrupto continua magis serie ad viscera derivatis.

*An in dormi-
 entibus, an si
 gilantibus, se-
 licior sit prima
 digestio?*

Utrum somnus, an vigilia, ventriculi actioni magis se accommodent, id est, an digestio alimentorum prima in dormientibus felicius ac in vigi-
 lantibus contingat? problema videtur in utramque partem æque disputabile:
 dum somnum suspectum reddit imprimis, quod hic statim a pastu susceptus
 cruditates primarum viarum patret. Contra *Willisio* suffragatur experientia,
 in dormientibus nempe alimentorum coctionem optime peragi: quatenus
 somnus cruditatibus ventriculi gravitatem atque fluctuationes creat. Qui-
 bus accedit, quod, quia nihil aut parum spirituum motibus spontaneis
 atque sensationibus in somno deditis impenditur, muniis naturali-
 bus seu vitalibus magis incumbere queant, a quibus tempore vigiliarum
 per illas avocabantur. Et profecto accuratius paulo attendere decet expe-
 rientiam illam vulgi imprudentioris, qua ab assumptis dyspeptis somnum tur-
 bulentum præfagit: an scil. perpetua, nullisque circumstantiis limitata, hæc
 existat? Sane quid frequentius est, quam ut ab epulis largioribus, commessati-
 onibus homines lectum & quietem quarant, imo bruta quoque, postquam
 ventrem probe repleverunt, somno indulgent, ambo sine ullo sanitatis dispen-
 dio. Ita ut probabile videatur, quibusdam tantum & determinatæ texturæ
 subjectis, horumque digestionem primæ vigiliæ aliquales emolumento esse: Il-
 lis scil. quorum lymphæ viscidior, & qui non tam a vigiliis, quam corporis mo-
 tu, qui eas ut plurimum comitatur, potiore illius fluiditatem ac in alimenta
 solidiora activitatem sibi promittunt.

*Secunda et ter-
 tia digestio in
 dormientibus
 promptius suc-
 cedis.*

Nutritionem autem seu reliquas digestionem somni tempore commodius
 fieri, eadem experientia testatur, dum non tantum infantes recens nati, quo
 plus dormiunt, eo magis aluntur & crescunt, sed adultiore quoque a somno
 reficimur & crassiores evadimus, per vigiliæ contra extenuamur & flaccesci-
 mus. Nec ratio deficit, quod hac ratione chylus sanguinis massæ infusus
 magis perficiatur, & partibus quiescentibus melius, quam in motu existentibus,
 apponatur seu agglutinetur. Quod vero adultioribus ex diuturniore &
 multo somno diversa damna, v. gr. torpor spirituum & cachexia, emergant,
 infantibus secus, disparitati alimentorum tribuendum: quatenus hi lacte &
 alimentis mollioribus ac eupeptis enutriti minus recrementorum cumulant,
 adultiore autem victu solidiore, crassiore & vario utentes pro excrementorum
 secretionem & excretionem vigiliis atque exercitiis magis indigeant. Atque sic per
 circulum se excipiunt Somnus & Vigiliæ, in quibus Circuli hujus Physio-
 logici sit

D. JOHANN BOHN P.P.

EPISTOLA

AD

D. JOELEM LANGELOTTVM

SERENISSIMI DVCIS HOLSATIÆ AR-

CHIATRVM,

DE

ALCALI ET ACIDI

INSUFFICIENTIA PRO PRINCIPIORVM SEV

ELEMENTORVM CORPORVM NATVRALIVM

MVNERE GERENDO.

Vir Nobilissime,

V Ti promiscue credendi, omniaque pro certis & veris admittendi facilitas cunctarum disciplinarum, adeoque & Physices, incrementis non parum quovis tempore obfuit: Ita Dubitationes, a Philosophis Excellentissimis tam studiose commendatas, si non ubiquaque, in Philosophia tamen naturali instauranda & promovenda duplicem in se habere fructum, *Franc. Baco de Verulam. de augm. scient. l. 3. c. 3.* nervosis deducit verbis: Vnum scilicet, quod eandem muniat contra errores, quando id, quod non plane liquet, non judicatur aut asseritur; (ne error errorem gigneret) sed suspenditur de eo iudicium, & non fit positivum: Alterum, quod dubitationes in codicillos relatae totidem quasi spongiae sint, quae incrementa scientiae perpetuo ad se sugant, & alliciant; Vnde fiat, ut illa, quae, nisi praecessissent dubitationes, leviter & sicco pede transmissa fuissent, dubitationum admonitu attente & studiose observentur.

Scepticam hanc viam huius seculi Scriptores quidam acutissimi triverunt, potissimum in principiorum naturalium numero, & natura explicanda, scilicet modo nominatus *Baco*, huicque nescio an comparandus, an antepo-

Ggg

nendus

nendus, *Boyle*, quorum editorum messem Respublica Philosophica uberri-
mam nunc experitur, ac experietur quilibet eorum Lector sedulus & Imita-
tor prudens. Vterque siquidem illorum, duce experientia, non tenui & ma-
nipulari, satis declararunt, quam siculnea sint Peripateticorum asserta, com-
muniter pro axiomatibus habita, & principiorum, elementorum, formarum
specificarum, qualitatum, similiumque numerum atque essentiam explican-
tia: ita ut de eorum Discipulis vix dici valeat, Vbi desinit Physicus, ibi incipit
Medicus. Imo Biga hæc Angliæ Luminum ulterius progressa Chymicorum
pariter trium principiorum veritatem in dubium per sua scripta vocavit, id-
que *Boyle* specialius & prolixius egit in *Chymista Sceptico*, & *Tentaminib. phy-*
siolog. circa Nutri. redintegrationem: Cujus de hypothesebus chymistarum
effatum nunc multum recessus fovere apparet, dum easdem cum miris per-
fectis animalibus idem fatum habere asserit, scilicet utraque, uti propere for-
mentur, sic fere brevis ævi esse.

Atque profecto hoc nostro tempore vix ullus chymicus, in tribus illis
hypostaticis principiis aequiescit, cum eorundem etiam autores, quid per
illa sibi velint, se vix scire, satis prodant. Igitur paucis abhinc annis *Duum-*
viratus quidam ab illis introducebatur, qui *Helmontium* non tam legerant,
quam ejusdem paradoxis, ut fascino quodam, ligati, & ad judicii liberioris
prolem generandam elumbes reddituri fuerant. Scilicet restringebatur proli-
xior principiorum activorum numerus ad binarium; prodibatque in arenam
ALCALI & ACIDVM, pugiles s. gladiatores duo, quorum conflictus
generationum, coagulationum, dissolutionum, uno verbo, cunctorum natu-
ralium phenomenorum immediatæ & solitariae causæ existerent.

Alcali & Acidum
chymico-
rum principia
activa.

Quibus, ne Antiquitatis splendor deficeret, *Hippocratis* autoritas in
auxilium vocabatur, *Ignis & Aquæ* notionibus *Acidi & Alkali* vim explican-
tis: Nec deesse poterat *Basilius*, *Paracelsus*, reliquaque Philosophorum
turba diversis tantum terminis ejusdem *Acidi & Alkali* principatui subscri-
bentes. Hypothesi huic, uti præter facilitatem & aptitudinem motuum in-
trinsecorum rationes formales explicandi etiam illa fors, novitatibus cunctis
frequens, contingebat, ut mox alios in sui admirationem, ac demum ample-
xum arriperet: Ita hætenus lucem publicam vidit fere nullum scriptum phy-
sicum aut medicum, nisi duobus illis *salibus* bene conditum, aut quod condi-
tura hac destitutum lectoribus delicatulis mox nauseam non pepererit.

Et sane talis illa est doctrina, quæ rebus Chymicis non saltem & Physo-
logicis, sed Pathologicis quoque & Therapeuticis multum lucis sceneratur,
ita ut per eandem abstrusissima hætenus, nunc reclusa, multique errores pas-

sim detecti fuerint, uti ex acutissimis scriptis *Helmontii*, *Zwelferi*, *Sylvii*, *Tachenii* &c. satis superque liquet, ideo magni æstimatis & æstimandis. Vix tamen eadem ad hoc autoritatis culmen pervenisse videtur, quin de illius monarchia universali dubitare adhuc liceat in tali seculo viventibus, ubi singula librare convenit, id est, *an hæc ex Laboratoriis Chymicis petita hypothesis sufficiens & adequata sit, ut theoriæ phenomenorum naturalium per eandem non tam explicari valeant, quam earum plures detorqueantur saltem atque corrumpantur?* *in dubium vocantur.*

Adeoque nec mihi circa Philosophiam hanc, potentiis salinis innixam, ambigere, religio fuit, postquam non simplicem & solam fidem comperiebar, quæ Physicos & Medicos nos reddit, sed opera etiam bona propria pro summo illo bono contemplativo acquirendo necessaria esse, convincebar. Hinc nefas duxi, illis axiomaticam dignitatem per credulitatem meam concedere, quorum dubiam sortem experimenta & ratiocinia plura mihi declarabant. Quæ TIBI, *Chymico plurimæ experientia pariter ac subtilissimi ingenii, & studiorum meorum ad hunc usque diem Fautori Maximo*, eum in finem nunc expono, ut, si indecenter forsan dubitaverim, in Mechanica erraverim, hanc non commode applicaverim, aut incongruas consequentias exinde deduxerim, meque ipsum seduxerim: Tuo auspicio & manu ductione ad illam, quam solum intendo, veritatem perducatur. *Rationes dubitandi.* Rationes meas dubitandi in tres fasciculos collectos sisto, quorum *prior* de essentia horum principiorum obscuritate conqueritur; *Alter* ex nonnullorum phænomenorum syndrome pro existentia & principatu illorum absoluto stabiliendo formatas inductiones disquirit; & *ultimus* tertii alicujus ad minimum, pariter valde activi, entis necessitatem suspicatur.

Primo scilicet (quod elementa quoque Peripateticorum, æque ac tria vel quinque Chymicorum suspecta semper reddidit) destituimur adhuc definitionibus essentialibus Acidi & Alkali: quibus deficientibus, nec, ubi sint, vel non sint, cognoscere aut determinare licet. Vix enim sufficit Philosopho illa utriusque entitatis notio, quam ipsis imponimus a modo linguam & palatum nostrum feriendi diverso, cum rerum naturalium penitior cognitio a solis sensibus externis expectari haud queat. Non tantum, quod pro Elementorum essentiis confirmandis relativa saltem aliqua ad sensorium hoc vel illud potentia inepta sit, utpote quorum singulis propria & ab alterius sensus distincta Idea communicatur, quas omnes ad conceptum generalem revocare, quamdiu intra sensuum directorium hæremus, impossibile est: Verum quod dentur etiam particula concretorum materiales, minores longe, quam quæ a

Solis sensibus externis fidendum non est.

Ggg 2

sensoriis nostris acutissimis, & quocunque modo armatis percipiuntur. Ita effluvia Mercurii vivi liquori, cui per aliquot horas hic infusus fuit, & cum quo aliquatenusebullivit, revera innatant, licet sensus omnes fugiant, presentiam tamen suam testantur, dum infusum hoc æque, ac Mercurius ipse, vermes necat, & tollit; Vti ante Helmontium *Jul. Cas. Clandin. Consult. 64. & Hartmann in prax. Chymiatr.* annotarunt. Pariter particulæ medicamenti purgantis cujuslibet a nutrice assumpti lacti hujus nullam a priore sensibilem alterationem aut characterem imprimunt; Manet siquidem hoc consistentia, colore, odore & sapore idem: Nihilominus huic easdem immerfas esse, catharsis, quam in lactando movent, credere jubet. Imo plura & tantum non innumera adducere valerem, nisi hoc assertum a plurimis Physicis acutissimis comprobatum nossem, aut sola effluvia magnetis comprobarent.

De cætero licet admittatur sensuum acumen tantum, quod interiorem Corporum naturalium texturam penetrare valeret: Nova tamen mox difficultas præliminaris emergit, an scilicet omnibus aut pluribus sensibus simul; an huic vel illi saltem arbitrium in causa tam ardua, absque ullius Leuterationis & Appellationis beneficii reservatione legali, concedendum sit? Non omnibus vel uno pluribus, propter diversam, quam modo tetigi, idearum emergentiam, harumque per notionem aliquam communem impossibilem expressionem; & verb. gr. illa, quam ex auro concipit oculus, species nullam congruitatem habet cum ipsius soliditate, digitis tangentis haud cedente. Nec quicquam commercii intercedit dulcedini sacchari cum ejus albedine, aut consistentia firmiore, sed objecta hæc corporum diversa diversis sensoriis percepta non nisi distinctis pariter conceptibus sensorio communi offerunt & ab eodem excipiuntur.

Multo minus huic aut illi sensui externo soli principia naturalia creandi & proclamandi munus concedi potest; mox enim pro tactu pugnarent Peripatetici, calidum & frigidum, siccum & humidum elementa vocantes? Visum commendaret Parmenides, Lumen & tenebras principia rerum credens; Imo metuendæ forent plures reliquis sensibus faventes, & Reipublicæ physicæ tranquillitatem turbantes partes. Cum tamen illæ qualitates, quæ verb. gr. tactiles, aut linguæ objecta sunt, non statim reliquarum cunctarum potentiarum, quæ præter istas conerentis naturalibus in universitate hæc phenomena, qualia a calore, ariditate vel amarore &c. derivare difficillimum est, formalitates exhauriant, vel aliquid saltem lucis obscuritati earum foerentur.

Et ut ad gustum in specie, quem iudicem venerantur Alkali & Acidi Patroni, desectam, de his notandum, quod quemadmodum superius in genere observabatur, dari quasdam substantias determinatis potentiis imbutas, quæ nec visui, nec tactui, nec aliis sensibus obviæ sunt: Ita quoque consentientibus nobiscum Duumviratus hujus Autoribus, Acidum & Alkali in adeo minutas & insensibiles particulas redacta, & per mixtorum compagem ita nonnunquam discontinuata existunt, ut a lingua, vel quocunque demum gustus organo percipi & dijudicari haud possint; In talibus etiam concretis, quorum activitas ab horum uno altero principio dependere dicitur, verb. gr. Alkali volatile in Cornu cervi, aciditas in melle, &c.

Præterea nec illæ videntur adæquate satis definitiones, dum Acidum *Inadequate* definitur per ejusmodi substantiam, quæ non alcali est: cum hoc tamen, *Alkali & Acidi definitiones.* si concurrat, effervescentiam parit: Et Alcali dicitur, quod non est acidum, cum hoc tamen æque affervescit. Siquidem Definitiones hæc saltem negativæ & relativæ sunt, de quarum vñ non immerito Logici dubitarunt. Nec illud pro indigentia demonstratum est, allegatarum acidi & alcali affectionum, id est, mutaræ eorum effervescentiæ, tantam latitudinem & vim esse, ut omnia phænomena naturalia per veram & sufficientem inductionem ad eas, tanquam summa genera, referri queant: Quod usque dum non præstabant principiorum horum assertores, tandiu duumviratum illorum in dubium vocare, perduellionis crimen haut erit.

Non nego equidem (foret enim hoc summæ ignorantia, aut protervæ pertinaciæ signum) per Acidi & Alcali potentias, harumque reactiones in Chymia, cui etiam prima incunabula eadem debent, mirandas & infinitas patrari solutiones, præcipitationes, destillationes, sublimationes, calcinationes &c. Ast pariter concedi oportet, ejusmodi operationum chymicarum observari diversas, quas mediæantibus illis effervescentiis, vel ad minimum non sine illis celebrari, neutiquam satis evinci potest, quod per exempla bina saltem nunc elucebit.

Scilicet notissima & decantata satis est alcalium in sulphura mineralia potestas, ita ut per sal Tartari, aut Nitrum fixatum sulphur commune in pulverem candicantem s. lacteum redigatur, ex eodem Balsamus & Tinctura tam per fixa hæc, vel similia Salia, quam per volatilia, verb. gr. salis ammoniaci & Cornu Cervi, & mediæantibus iisdem ex antimonio Sulphur quoddam extrahatur: Nulla tamen in nominatis dissolutionibus aut secretionibus annotatur effervescentia, potissimum quæ earum per viam humidam adornantur. Imo utut inficiandum non sit, si per fusionem seu calcina-

tionem cum alcalibus fixis tale quid fiat; strepitus ingentes, certissima & pathognomonica effervescientiarum signa, has mixturas edere: In iis tamen formalitas extractionis partis sulphureæ haud consistit; alias quoque cum his, si non iisdem, saltem aliquatibus & minoribus, coctiones sulphurum in lixiviis aut eorundem digestiones & destillationes per spiritus salino-volatiles contingerent, quod autopsiæ contrariatur. Sed strepituum horum causa unica est acidum sulphuris per accensionem sui juris factum, quod in alcali, verb. gr. Tartari agens effervescentiam parit, qua cessante & omni aciditate per calcinationem expulsa; demum massa epati similis evadit, id est, agit alcali purum in sulphur sibi commissum.

Pariter aptissimum deprehenditur resinarum plurium, verb. gr. Terebinthinæ, scammonii, Gialappæ, &c. solvens vitellum ovorum; quod nihilominus sine omni effervescencia notabili in illa corpora agit: Nec in ejusmodi dissolutionibus hæc concipi potest, cum eadem ratione Terebinthina cunctas reliquas resinas, imò diversa gummata, dissolvat, id est, sine ulla tumulto vim suam in hæc exerat: quem modum solvendi, ut singularem encheirisin *ZWelferus in animadversionibus in Pharmacop. August. passim* pro gummatibus & resinis solvendis & unguentis ac emplastris admiscendis commendat.

Prolixior me gererem in pluribus adhuc ejusdem farinæ exemplis enarrandis, & coagulationum pariter unam atque alteram Chymicis laboratorii notissimam in medium proferrem, nisi in sequentibus series non exilis harum & similibus foret expectanda. Sufficiat nunc digiti saltem extremitate (uti ajunt) attingere coagulationem Mercurii vivi, quam hic a fumo liquati plumbi patitur, ita ut fluido ejus corpori soliditas, metallicæ æmula, absque ulla Acidi & Alcali reactione, inducatur; id est, qualem nec ulla sensuum acumine, nec per sanam rationem augurari valemus.

*Alii etiam
agendi modi
in Chymicis
operationibus
præter Alcali
& Acidum dari
possunt.*

Interim quamvis denique omnes operationes chymicæ ex sola sapius nominatorum salium reciproca aut hostilitate, aut amicitia fluere; illæque proprie loquendo æque naturales sint ac istæ, quæ sine ulla artificis directione aut cogitatione in macrocosmo & microcosmo sunt: Nullus tamen Scriptorum unquam satis comprobavit, naturam in operibus sibi soli notis & propriis, nos vero latentibus, solis his instrumentis uti; & animus semper pendebit, annon præter nobis perspectos agendi modos aliis prudentissima & potentissima mater sit instructa? Cujus contrarium cum nemo forsân remove queat, Acidum & Alcali non tam facile principiorum naturalium titulo condecorare, convenit.

Sed quia assensus Tui, *Vir Excellentissime*, de hoc dubii genere olim jamdum ex literis Tuis recorder, alia potius argumenta producere nunc placet, quibus principiorum illorum hypostasim & universalitatem non parum concuti puto. Dum affectiones illæ, quibus in definitionibus eorum naturam exhaustiri & declarari, sibi nonnulli persuadent, neutiquam illæ videntur, quæ rationem istorum formalem, ut propria quarti modi, involvant, & differentiam utriusque specificam forment: id est, quæ aut Acido aut Alkali omni, soli semperque competant, quod ex sequentibus palam fiet. Scilicet omne quidem Acidum cum quovis Alkali, si nihil impediendi intercedat, effervesceat, modo plus, modo minus, hæcque duo semper tendentiam habent, vel secundum quosdam hostilem, & ad sui destructionem, vel secundum alios amicam, & ad arctiorem mutuumque amplexum: Attamen, an omne cum Acido effervesceat sit Alkali, & omne cum Alkali ebulliens sit acidum, ambiguum manet.

Prioris siquidem negativam probabilem reddit: quod acida cum acidis quoque ebulliant; & solutiones suas invicem turbent atque præcipitent, verb. gr. spiritus salis & vitrioli solutionem linae aut veneris per aquam fortem vel spiritum nitri adornatam: Effervesceat, & in offam quasi albicantem abit spiritus Vitrioli & Salis cum solutione Saturni, per acetum destillatum præparata; & aqua fortis atque spiritus nitri, quamvis ad sensibilem ebullitionem liquorem nominatum hauri cogant, fundum tamen petere jubent particulas plumbi sub forma pulveris albicantis. Allegarem etiam fervorem, quem oleum vitrioli vel proprio spiritui affusum excitat: nisi constaret de effugio, quod in particulis metallicis, intra olei dicti poros latitantibus, quærunt. Quasi scilicet partes hujus salinae magis concentratae, a phlegmate vero accedente nunc discontinuatae atque actuatae agerent in particulas illas metallicas, simili modo ac aliud quodvis acidum menstruum in metalla sibi subiecta; hinc ebullitio, hinc calor.

Et profecto ratione particularum metallicarum oleum dictum vitrioli non saltem ab omnibus acidis, sed proprio etiam spiritu distingui, mihi persuadere videtur non saltem hoc, quod ab amico quodam percepi, per longioris nempe digestionem obscuriorem suam rubedinem illud deponere, & limpidum magis evadere: sed docuit me idem vitriolum, a quo per solutionem cum aqua pluviali destillata & coagulationem pluries repetitam juxta Basilii mentem maximam metalli partem separaveram: quippe quod spiritum mox ad levioris & arenae ignis gradum dimittebat. Ita ut non dubitem, si solutiones & coagulationes illæ ulterius continuentur, totum spiritum mitiore illo

*Non omne cum
Acido effervesceat
Alkali
eff.*

*Oleum vitrioli
a proprio effu-
git spiritum de-
singui potest.*

illo igne destillari posse, remanente forsantantum capite mortuo, non obscure rubeo, sed albicante & spongioso, alumini ustio simili; quod de sua vitrioli preparatione & destillatione annotavit Regiæ Anglorum Societatis Membrum quoddam, uti ex *Transact. Philosoph.* 1674. p. 46. 47. &c. constat. Cum vero idem Vitriolum ita depuratum igne fortiore & reverberii urgebam, spiritus quidem aliqualem adhuc portionem evocavi, nihil vero olei, ut alias moris est, in vasis recipientis collo conspiciere potui.

2. Acidum etiam in motum cietur ab eo, quod neque acidum, neque Alkali est, verb. gr. idem oleum Vitrioli cum aqua seu communi seu destillata non sine insigni calore: Item cum spiritu vini & oleo terebinthinæ cum summa incandescencia & strepitu. De Aqua forti idem expectandum, si dicto oleo terebinthinæ hæc combinetur, & quidem cum luculentissima flamma, illis scilicet probe observatis circumstantiis, quæ Te, *Nobilissime Vir*, ex *Actorum Hafnienfium parte 1. Cap. 71. per Excellentissimi Borrichii* communicationem latere non possunt.

Non omne cum
Alkali ebul-
liens Acidum
est.

Porro nec omne cum Alkali ebulliens, aut hoc intra amplexum suum recipiens, mox pro Acido venditandum esse, jubet liquor Nitri per carbonem fixati & oleum Tartari per deliquium, quæ pariter, ac succus Citri, acetum &c. lac in partes secedere faciunt; quod a bile in eodem lacte aliquoties me observasse memini. Simili modo spiritus vini rectificatissimus cum spiritu Urinæ & spiritu salis Armoniaci (preparato hoc cum cineribus clavellatis aut Sale Tartari, minime vero cum illo, qui cum calce viva destillatur) itidem probe rectificatis in coagulum seu offam abit: non sane ratione acidi, quod in spiritu vini occultari, sibi nonnulli persuadent, uti suo loco pluribus constabit: In præsentiarum vero unicum huic scopo sufficiet.

Coagulatio
Spiritus Tar-
tarisati cum
urinoso.

Tentavi nempe sæpius, an, cum plurimi ex Helmontio spiritum vini omnem suam activitatem, si a Sale Tartari aliquoties cohobetur, amittere, & in Alkali relinquere, supponant, idem spiritus Tartarisatus, id est, qui in sale Tartari suam aciditatem, si quam habuit, deposuit, cum dictis spiritibus urinosus coaguletur: Et semper observavi, licet bis vel ter, imo aliquando sexies, a novo semper Sale Tartari cohobatus fuerit ille eadem celeritate, ac cum spiritu vini non tartarisato, desideratam offam fuisse productam. Imo huic addere, non inconveniens erit, illam, quam in hac mixtura annotavi circumstantiam, videlicet ejus coagulum, si in loco tepidiore saltem per exiguum temporis momentum asservetur, mox instar ni- is liquefcere; quæ subitanea colliquatio, si ab acido quodam coagulata hæc fuisset mate-
ria,

ria, haud expectanda foret, utpote cujus particulæ alcali intimius subeuntes, non tam facile ab hoc iterum recedunt.

Refero huc Magnetismum illum, qui salia volatilia & alcalia fixa in-^{Magnetismus}tercedit, id est, si hæc uti in *Epistola ad Naturæ curiosos* curiosissima loque-^{inter Sal vola-}ris, compari suo volatili jungantur: Ratione cujus Sal volatile vini, ut ve-^{sile & Alkali}rum compar (de cujus confectione olim nos invicem communicasse, re-^{fixum.}cordaberis,) alcali Tartari fixo per convenientem digestionem ita adhæ-
rescit, ut ambo simul alembicum conscendant, paucissimis vel nullis, si per
crebriores solutiones in aqua, quæ non madefacit manus, hoc bene prius
fuerit depuratum, terrestritatibus in fundo relictis.

Et quid opus est ad minus frequentes operationum Chymicarum spe-
cies descendere, cum Sympathiam hanc inter alcalia fixa & volatilia satis do-
ceat Spiritus Salis Ammoniaci, qui æque cum Sale Tartari per deliquium so-
luto in coagulum abit, ac cuti Spiritu vini.

Nolo pro deducendis & illustrandis magis illis, quæ differui, in præsentia-
rum cum quibusdam supponere differentiam illam, quæ acida intercedere di-
citur; nec Helmontii defendam hypothesein, alcalibus suas quoque Respu-
blicas esse: Immersa enim hæc videntur adhuc pluribus difficultatibus. Sed
ad alterum difficultatum mearum fasciculum me convertam, monstraturus a
diversis corporibus tales edi effectus, quos Acido & Alkali communiter adscri-^{Effectus qui-}
bunt, quæ tamen illis vel plane non, vel non in tanta quantitate inexistunt,^{dam Acido &}
quanta ad superandam aliarum concreti particularum vim, hinc ad dominium
impetrandum necessaria.^{Alkali minus recte tribuuntur.}

Ita oleis expressis acidum inesse dicitur, ratione cujus inflammabilitate Num oleis ex-
eadem gaudeant, ulceribus atque ossibus læsis cum maximo damno applicen-^{pressis Alkali}
tur, & vasis cupreis aut orichalceis illita saltem, aut inter deflagrandum viri-^{insit:}
ditatem ac cœruleum colorem inducant. Quibus tamen obstare puto, quod,
quamvis forsan in oleis expressis, præprimis olivarum, aliquid Acidi lateat:
haud tamen tantum illius sit, quanta pars olei inflammabilis, (quod totum
fere deflagrat,) & a qua caustica atque erodendi illa vis metuenda.

Siquidem (1.) observatur olea hæc talia præstare in dissolutione & extra-
ctione corporum sulphureorum qualia non acidis, sed alcalibus, competunt:
Et olea nucum lini, raparum &c. pro balsami sulphuris præparatione com-
moda æque menstrua observantur, ac Sal Tartari, oleum Terebinthinæ, Anisi
&c. licet, hæc ob puritatem majorem felicioris penetrationis esse, non negan-
dum. (2.) Oleum Philosophorum, id est, quod ab acido rodente per destilla-
tionem super lateres liberatum creditur, inflammabilitatem suam sartam te-

etiamque conservat. (3.) Pauxillum est, quod quantitati olei olivarum per destillationem hanc decedit; Destillatum vero pene totum alcalicum deprehenditur, & ratione saporis atque odoris Oleum Cornu Cervi aut simile æmulat. (4.) Nec desunt alia corpora, quibus in destillatione olei Philosophorum æque commode, ac lateribus, uti convenit: Hæc quamvis ad acida absorbenda & concentranda alias minus apta deprehendantur, verb. gr. arena purissima, prodit tamen oleum super eadem destillatum magis penetrans, quam illud Philosophorum vulgare.

*Num pingua
ratione Acidi
effectus præ-
stent?
In carie os-
sium?*

Præter inflammabilitatem autem in oleis expressis aut cæteris pinguibus, horumque aciditate radicari vilas, potentias reliquas quod spectat, & persistit diuturna quidem confirmatum stat, illa non adeo præstare esse ulceribus vel cranii aliorumque ossium affectibus; sed ista fordidæ magisque serpentina reddere, ossibus vero facile cariem inducere. Dubitationi tamen adhuc locus relinquitur, an pingua hoc præstent ratione acidi? Cum exilissimum & fere nullum hoc esse, modo deduxim: Imo pingua plura, verb. gr. axungia canina, humana &c. in phthia non minimarum virium deprehendatur, quæ Sale valentur alcalico abundare, per mechanicam demonstrabile est: & oleum olivarum ipsum in calculo renum, huiusque concretionem inhibenda, uti nonnullis frequens, ita utilissimum observetur remedium, quatenus austerum illum coagulatorem obtundit & enervat.

Nec ossium cariem seu erosionem sola acida causantur, sed alcalia, si potentiora, eadem ratione in illa agere, probabile, sit, quod ossium porosa magis partes inelixatione, pro sceletis nitidioribus conficiendis adornata, si lixivium, cui hæc incoquantur, aliquanto potentius fuerit, mox arrodantur, & cariosis quam simillimæ evadant.

*In dissolutione
Veneris?*

Deinde nec vis dissolvendi Venerem tantam consequentiam involvit, quæ in oleis expressis aciditatis præpollentiam necessario inferat: eo quod cuprum vel orichalcum calcinare aut his rubiginem viridem inducere non solis (forsan nec omnibus) acidis proprium sit; sed divisum hæc cum alcalibus non modo in cuprum, sed in ferrum quoque, imperium tenent. Prius haud paradoxum erit illi, qui Spiritum Salis Armoniaci aliquando instrumentis aneis aut casu, aut præmediato consilio illinivit, utpote qui mox & in momento pene hæc arrodit, & viride æris extrahit; ad cuius alias confectionem non saltem acetum, sed volatiliores quoque uvarum expressarum spiritus, & ipsa puerorum urina adhibetur. Posterius evincit Croci Martis aperitivi, æque per acida ac alcalica confectio, dum limatura chalcidis lixiviis salium absinthii, fraxini, genistæ &c. aliquoties irroratur, usque dum

dum rubiginem contrahat, & in Crocum transeat, qualem Croci aperitivi descriptionem *Senn. prax. lib. 3. part. 6. sect. 1. c. 2.* suppeditat, ac nonnullis practicis usualem esse novimus.

Nec minorem in ferrum agendi vim habent Salia volatilia, quorum *In rodendo* frequentissimum saltem nunc nomino spiritum Salis Armoniaci, qui Marti *ferr.* affusus tanto impetu hunc aggreditur, ut cum eo admodum ebulliendo mox particulas quasdam metalli separet, & cum his in crustam quandam abeat; dum reliquum ipsius sub hac crusta sibi superinducta profundius rodit & serpit.

De destillatis Oleis, horumque inflammabilitate & activitate idem nonnulli pronunciant, quasi in his acidum quoque primasteneret, eo quod (1.) *Nam in Oleis destillatis Acidum primas tenent?* alcalibus fixis connubant, ac cum his in sal volatile abeant; (2.) Oleum chamomillæ ex vasis cupreis destillatum cœruleum colorem nanciscatur, corrodingo & imbibendo aciditate sua horum particulas quasdam metallicas. Cui asserto tamen litem movet, quod olea vegetabilium destillata revera horum salia volatilia concentrata sint; & connubium eorum cum salibus fixis non statim aciditatem inferat, uti superius per sal vini volatile, item spiritum vini Tartarisatum fuit demonstratum. Pariter regeri potest, neutiquam colorem illum cœruleum soli oleo chamomillæ vulgari proprium a substantia metallica esse; eo quod per vasa vitrea quoque destillatum hoc eandem Tincturam acquirat. Et quid obstat, quo minus alia olea potentiora, & inter hæc chamomillæ Romanæ, similem tincturam non suspiciant? aut quæ ratio, cur, uti Pharmacopœi observant, admissio sapius aere, illud oleum eandem cœruleitatem amittat? cum metallicæ particula non adeo volatiles aut evanidæ sint, ut mox in auras abeant.

Quibus tandem accedit, acidæ particulas, ut tales, haud inflammabiles existere, alias oleum vitrioli acidissimum totum conflagraret: Sed aliud quid mixtis subesse, ratione cujus eorum nonnulla admodum combustibilia sunt; quemadmodum vel in solo sulphure communi manifestum sit, quod præter acidam aliam quandam seu inflammabilem substantiam fovere, probari facile posset; nisi theoria hæc ad subsequenter, eumque ultimum dubiorum fasciculum reservanda foret.

Id est, dantur corpora, ad quorum constitutionem præter famosa illa *Præter Alkali & Acidum dantur alia principia corporum.* duo salia non tantum aqueæ & terrestres particula, ut elementa passiva magis, sed aliæ insuper activæ, non parum faciunt: Ita tamen, ut in aliis concretis hæc magis sensibiles, in aliis magis absconditæ deprehendantur. Ad quam suspensionem tamen declarandam antequam me accingam, ex Men-

frui illius universalis virtute quadam depromam, quæ tam præcedentia, quam insequentia muniant; id est, Acidi & Alkali auctoritatem in dubium vocant.

*Quod ex Men-
strui univer-
sali virtute pro-
batur.*

Esti enim famosi illius solventis adeptum & possessorem me haut pro-
fiteri, multo minus ejusdem effectus portentosos testari valeam; Illius tamen
existentiam cum *Paracelso*, *Helmontio*, *Starkey* *Ludovico de Comitibus* &c.
imo illis etiam, qui salinum huic Duumviratum defendunt, suppono: Hoc-
que stante, quæro, cujusnam Athletarum horum robore in concreta quæ-
vis, sibi commissa liquor ille vim suam solventem exserat? Siye enim as-
serat quis, contingere hoc per aciditatem aliquam occultam & seminalem;
sive per huic contrariam potentiam; sive forsan per utriusque conjunctio-
nem: Neutrum tamen horum omnem super Acidum & Alkali haustam de-
clinabit ambiguitatem. Si enim alcali dicas, quomodo illam Mercurialem
vulgo appellatam, & a sulphurea diversissimam metallorum partem aggredie-
tur? quod per illam duumviratus hypothesin acido saltem proprium est:
Sin acidum surroges, qua ratione hoc sulphureas mineralium aliorumque
mixtorum moleculas solvet? Quas chymici omnes, & ex professo *Poleman-
nus de sulphure Philosoph.* alcalium saltem potestate subjectas esse, nervose
satis deducunt; Et quidem per illam sympathiam, quam *Helmontius Com-
plex. atque mixtion. elemental. sgment.* item *Blas human.* valde probabilem
& mechanicæ satis conformem reddit.

*Sulphurum
quorundam
per acida se-
paratio fit sal-
tem per corro-
sionem.*

Huic si quis objiciat, non solum per alcalia sulphurum extractiones ce-
lebrari; sed interdum Spiritus acidus pro sulphuris, verb. gr. Antimonii, se-
cretionem commendari. Exempl. gr. acetum proprium, aquam regis &c.
illi regeri poterit, sulphuris memorati per acida separationem neutiquam per
modum solutionis seu extractionis fieri, id est, ut menstruum solvens cum ato-
mis sulphureis evocandis coeat & uniatur; sed per meram saltem Mercuria-
lis vel alterius cujusdam non oleosæ partis corrosionem? ita ut sulphurea,
quæ a menstruo acido non ita absorberi poterat, sui juris facta superficiei
hujus innatet, cochleari tollenda, aut granulis ipsius Antimonii circumcir-
ca adhærescat instar crustæ sulphuris vivi substantiam amulantis. Modus hic
est Sulphur ab Antimonii Corpore separandi ab *A Sala* commendatus, &
ab aliis Chymicis tantè æstimatus, ut eum aliis ut vocant, processibus plu-
ribus præferendum esse, moneant. Et sane verum esse sulphur, quod hac
ratione elicitur, monstrat partim ejus combustibilitas, si carbonibus can-
dentibus immittatur; partim per Encheirisin, qua allegatus autor pro se-
parando cortice hæc sulphureo a reliquo Antimonio utitur, manifestum fit.

Scilicet

Scilicet si affundatur incrustato huic Antimonio Lixivii Salis Tartari sufficiens quantitas, atque ambo simul coquantur: solutio mox apparebit aurei coloris, ex qua per acetum destillatum præcipitatur substantia isthæ sulphurea, per sublimationem ab aliis heterogeneitatibus magis depurganda & in flores redigenda: Interim non nego, illam, quæ sub sulphuris veri specie prodit, substantiam interdum ex menstrui & menstruati particulis constari, &, proprie loquendo, non ob hoc separari, uti inferius de sulphuris ex Olei Terebinthinæ & Vitrioli, item de Sulphuris Antimonii per idem oleum Vitrioli præparatione constabit.

Quod si tandem utrumque horum Salinorum principiorum in liquore *Alcali & Asi-* Alcahest conjunctum, sive Sal tertium & enixum latitare, hocque combinatis *dam in Alca-* facultatibus vim suam exferere concludas: Remoram injicit omnium, qui *best conjun-* de Materia desideratissimi illius liquoris sua animi sensa propalarunt, univo- *Hum non est.* ca sententia, simplicissimum nempe & homogeneum illamens esse; hinc solvens hoc universale simplex, & incorruptibile existere, uti ex superius nominatis, *Helmontio, Ludovico de Comitibus, Starkey &c.* videre licet. Imo si uni vel alteri Chymistarum, qui Adeptos hujus menstrui Philosophici sese jactitant hoc in passu auscultare & fidem adhibere mens sit: Alcalicæ naturæ hoc esse, potissimum inclinant: Ita ut *Helmont. de potestat. medica ita passiva humor. Scholar. dec. pr.* alcalibus volatilifatis non saltem magnorum pharmacorum potestates, ob summam penetrandi vim, tribuat; Sed in solutionibus & extractionibus radicalibus alcahesti arcanum Sal volatile Tartari adæquare *de febris c. 15.* edisserat. Quæ si admittantur, alcalicum hoc menstruum per præmissas antecedentes non poterit agere in qualibet, verum sibi saltem proportionata.

Sed ut ad illa, quæ cuivis aut pluribus obvia sunt, regrediar, atque per illorum unum atque alterum ultimo loco evincam, præter Acidam & Alkali tertium quoddam ad minimum in concretis existere, quod maximam æque ac illa in iisdem agendi vim habeat: Placet in medium producere *Metalum per* auri aliorumve metallorum Amalgamationem, quam adornare solent me- *Mercurium bi-*chanici æque ac Philosophi per Mercurium vivum; qui cum illis ita & per *sum Amalga-* tam minima coit, ut in massam unctuosam & manibus tractabilem simul *matio.* degenerent; & hoc sive mediante traiectione per corium, sive destillatione, sive cum floribus sulphuris accensione separato, illa sub forma calcis subtilissimæ denuo conspicua sunt.

Acidorum alias esse corrodere metalla, a nemine unquam fuit negatum: *Aciditas Mer-* Ab acido vero calcinatoriam quoque Argenti vivi virtutem scaturire, satis ob- *curia datur.*

scurum hactenus stetit. Nam quod pro aciditate hac Mercurii comprobanda adduci posset ex observatione *Nobilissimi Borrichii. Astor. Hafniens. part. 1. Cap. 77.* lamellas ferreas per notabile tempus Mercurio depurato immersas, rubiginem contraxisse: neutiquam videtur omnem ambiguitatem tollere. Siquidem ipse Accuratissimus Observator dubius hæret, & quemvis suo sensu abundare permittit, an rubiginis illius promus condus, Argenti vivi penetrati inhabitans, acidum falsumve sit? Cum alcalia etiam Martem rubigine incrustare, & in Crocum redigere, ex superius dictis repetiqueat. Adeoque, ut taceam, illum probandi modum consequentia necessaria destitui, quod corrodit metalla, est acidum, quia medii hujus termini insufficientiam satis evolutam esse reor; Imo concedam quoque, acidum omne, sive domesticum, sive peregrinum, a Mercurio non tam facile separari: Nondum tamen mihi persuadere possum, summam illam activitatem, quæ aurum verb. gr. metallum texturæ alias firmissimæ, intra breve temporis spatium per minima dissolvit, ab acido hujus solo & potissimum, promanare.

Metalli Amalgamatio non a solo Acido promanar.

Siquidem 1. Menstrua quævis acida, postquam in metalla aut mineralia egerunt, multum acrimoniæ suæ perdidisse, observantur, si ab his illa iterum separantur, concentrata scilicet potissima eorum aciditate intra metalli calcem. Mercurius vero, quacunque encheirisi ab iis revocatus, non saltem ejusdem ac antea formæ, nitoris & activitatis est; Sed inter optimos modos Mercurium depurgandi ille a plerisque refertur; ut cum metallis nobilioribus amalgamatus ab iisdem aliquoties cohobetur. Nec infrequens & a Chymicis magnæ æstimationis commendata mercurii rectificatio contingit, si hic cum dupla portione calcis vivæ & tartari calcinati aliquoties per retortam pellatur: Qua sane ratione, si quæ adhuc aciditas mercurio subesset, per destillationem super alcali repetitam hæc separaretur; Cum tamen ita rectificatus mercurius nihil de amalgamatoria & metalla arrodendi virtute amiserit.

Tertium illud principium quale sit?

Hoc tertium autem mixtorum elementum quale sit, difficile dictu: Ad differentiam tamen reliquorum duorum ens hoc insipidum seu dulce, ac in corporibus combustibilibus inflammabile interim vocari forsitan posset; usque dum essentiæ hujus commodior, & magis adæquata notio suppetat: Licet nec is sim, qui hoc pro universali principio venditem, aut quarti etiam existentiam excludam.

Ignis natura in motu celerissimo consistit.

Primo ergo facilem me sisto in admittenda Cartesii aliorumque recentiorum doctrina, ignis actualis naturam in motu celerissimo & diverso minimarum particularum consistere, non tantum eo, quod corpora, plura, licet ad sensum frigida satis, per motum incallescant, & flammam concipiant: sed quod

quod microscopii etiam adjumento observantur certa corpuscula poris concretorum inflammabilium immersa, quæ, punctulis ac lineolis argenteis simillima, & ante sui accensionem quietissima, ad primum incalæscentiæ gradum mox vibrari incipiunt, ita quidem ut cum flammæ excitatione instar scintillarum celerrimo motu quaqua versum concieantur, imo concreta ipsa in diversos motus secum abripiant. In carbonibus, præeunte *Hookio Micro-graph. obs. 16.* innumeri & totam illorum substantiam penetrantes pori deprehenduntur, quos tamen per saniores Philosophiam haud vacuos, sed materia quadam subtilissima repletos partim concipere convenit, partim ipsum Microscopium per filamenta argentea reticulata, quæ inibi conspiciuntur, oculis exponit. Lucentium harum atomorum quadam per radios solares commodo speculo ultorio concentratos statim ad diversos terminos celerrima agitatione feruntur, remoto speculo quietem denuo subeunt; diutius vero in hos directis radiis solaribus, plures earum simul inordinato motu rapiuntur, ut pluvix cuidam argenteæ vel aureæ hoc phænomenon non inepte comparari valeat.

In Sulphuris floribus horumque per speculum dictum accensione, idem *Item in sulphuris floribus,* mecum observarunt alii, utpote quorum porulis interjecta lucidissima corpuscula pari celeritate & diversa motus determinatione agitantur, ut sulphuris pollinem manifestissime simul exagitent, hacque ratione in flammam illum abripiant. Nec minus jucundum & hypothesi Cartesianæ multum favens spectaculum apparet, si tale quid in pulvere pyrio adornetur, cujus *& pulvere pyrio.* porulis antea pariter quiete inhærentes scintillulæ ita per radios solares commoventur, ut ipsos pulveris hujus globulos simul quaqua versum & citâ admodum vibratione detorqueant, & ebullientes quasi (quod in floribus sulphuris itidem observatur) reddant.

Hæc utut in omnibus corporibus inflammatis ita eveniant, (nolo enim prolixus esse in enarrandis illis, quæ ceræ colliquatio, olei Terebinthinæ & spiritus vini excandescencia exhibuerit) non tamen concedendum puto, particulas terrestres quasvis, modo singulæ seorsim primi elementi motum sequantur, ignis formam nancisci; sed earum nonnullas saltem, quæ quantum *Nonnullæ saltem particule terrestres motu excitatae inflammantur.* diu mixto quietæ inexistunt, & aliorum elementorum atomis oppressæ non percipiuntur, ignem potentialem tantum formant, motu vero excitatæ, hinc mixtionis vinculo soluto, simul coeunt, & in ignem actualem seu flammam prorumpunt.

Evincit siquidem hoc effervescentiarum diversitas, quarum quadam ex commixtione certorum corporum æque frigida, ac aliæ calidæ apparent, contin-

contingentibus nihilominus in utrisque harum celerrimis particularum confusarum collisionibus. Cui addo, quod quidem succini, colophoniarum &c. pulvis & ipsa Mattis limatura per candelæ flammam transmissa, mox accendantur, alia vero corpora pariter minima, verb. gr. Sal, arena &c. simili, imo majore, celeritate per eandem flammam projecta tale quid haut participantur: Cujus sane discrepantis phænomeni rationem in particularum inflammabilium præsentia aut defectu consistere, probabile est. Demum fluida & liquida corpora cuncta, licet horum formalitas in minimorum varia volutatione consistat, nec calorem nec flammam contrahunt; nisi eorum certa quædam & inflammabilia ipsis inhærentia, & a cæteris liberata moveantur: Hinc alius motus per Microscopium in spiritu vini non accenso observatur, ille scilicet, qui ipsi cum fluidis cunctis communis; alius, si flammam hic concipiat.

Substantiæ inflammabilis differentia ab Alkali, Et ab Acido.

Substantiæ hujus ab alcali discrepantiam exinde colligo, quod, quæ hoc Salis genere abundant, minus, quæ vero eodem destituuntur, magis apta ad flammam concipiendam sint: Quod, quia plus quam quotidianæ experientiæ conforme, per specialia exempla illustrare, non videtur opus. Acidæ vero particulas ab inflammabili substantia distinctas existere, quoniam magis dubitatum fuit; ab uno atque altero adhuc ratiocinio probabilitatem quandam mutuari debet. Sulphuris itaque corpus si intueri placet, illud hæud homogeneum est, sed ut reliqua transeam, præter minima acidæ [quæ Vi gener. de Igne & Sale cap. 37. aluminosa vocat] inflammabilia quoque possidet: ita quidem, ut his per oleosa menstrua verb. gr. spiritum Terebinthinæ, separatis; residuum ejus Sal Crystallinum formet, quamvis in exili quantitate, unde non mirum ex libra una verb. gr. Sulphuris vix unciam semis vel drachmas sex stigmatis acidæ colligi. Magis hoc confirmatur per artificialem illam sulphuris veri & inflammabilis generationem, cujus modum Boyle Chym. Scept. t. 2. p. 133. docet, & mixturam olei terebinthinæ cum oleo vitrioli materiam agnoscit. Nec minorem lucem opinioni huic concedit illud Sulphur Antimonii, quod cum oleo Vitrioli præparatur, dum hoc per aliquot septimanas cum Antimonio digeritur, usque dum friabile hoc factum per arenæ ignem sulphur verum & inflammabile exhibeat, ex combinatione acidæ olei Vitrioli & inflammabilis Antimonii partis oriundum.

Vegetabilium in combustionem immutatio in part. oleosas

Ex vegetabilium combustionem idem elucescit, quæ sive igne foci sive in vase clauso instituatur, particulas oleosas & inflammabiles ab acidis quam distinctissimas sistit: Licet tales sub ejusmodi disparitate ex fermentatis seu putrefactis herbis aut floribus non extrahantur; sed mediante fermentatione & putre-

putrefactione ita immutentur, ut ex acido sapius fiat oleosum, ac ex utroque interdum urinosum emergat. Prioris immutationis veritatem nobis declarabit mel atque saccharum, quorum spiritus acidus simplici destillatione proliciendus superveniente fermentatione oleosus, inflammabilis & spiritui vini quam simillimus prodit. Alterius metamorphoseos exemplar primum exhibet Salum volatilium vel spirituum urinosorum ex vegetabilibus sine omni additamento extractio, quam Dominus Dr. Cox. Angl. Transactioni Philosoph. suæ nationis Anni 1674. d. 25. Martii inferi passus fuit: cujus operationis potissimum instrumentum cum sit putrefactio, mediante hac ita immutantur & disponuntur vegetabilia, ut, licet alias cuncta acidum non leve contineant, præter phlegma atque oleum nigrum & crassum sal volatile in notabili quantitate nunc promant; ita quidem ut, si minus sufficientem putrefactionem eadem experta fuerint, urinosi spiritus quantitas imminuatur, aciditatis vero quædam reliquæ in phlegmatico liquore observentur. Oleosa autem salinam naturam mediantibus dictis universalibus analytici induere inde liquet, quod, qui ex vegetabilibus neglecta fermentatione destillantur, liquores aquei oleum copiosius sibi supernatans vehant, quod fermentatione superveniente aliquomodo immutatur, ut particulis salinis atque aquosis intimius commixtum & junctum in spiritum ardentem seu sulphureum abeat, oleis per se minime commiscibilem; per putrefactionem vero idem plane destruitur, ita ut ejus corruptio salis urinosi generatio evadat omnis odoris & saporis concretæ expertis, & salî cornu cervi, urinæ &c. similis.

nb acidis dissolvas.

Quæ quamvis ita sese habeant in fermentatis & putrefactis; per se tamen & igne nudo destillata vel combusta docent, magnam differentiam intercedere partes suas acidas & inflammabiles. Lignum siquidem, (quod ex vegetabilium partibus nunc in testimonium vocabo) dum concrematur acidas quidem perdit, utpote per calorem ignis agitata & expulsa: differunt autem nihilominus hæ ab inflammabilibus, & pabulum ignis existentibus.

Non obscuram lucem lucrantur hæc ex sequentibus. Si enim fuliginis instituamus anatomen, lignorum quædam pars inflammabilis sub forma olei satis copiosi, quædam Salina apparebit: Sin vero in vase clauso concrematio lignorum fiat, i. e. destillationi per retortam illa tradantur, cum oleo spiritus exstillat sapore acidus & minus inflammabilis, qui tamen quoque oleosam & inflammabilem adhuc substantiam involutam tenet, eam-

Fuliginis anatome.

que conspicuam reddit, modo ipsius aciditas tollatur, quod commodissime fit, si super cineres proprios vel aliud corpus alcalicum is cohobetur. Imo nec aciditate omni fuliginem destitui, exinde colligo, quod longe alius magisque urinosus ex hac propellatur spiritus, si aliquod alcali fixum ipsi admisceatur, quam est ille, quem fuligo igni per se tradita fundit: Hinc non adeo absurdus, ac prima facie haberi posset, est *Vigenerius de igne & sale dum cap. 32. ex capite mortuo fuliginis salem armoniaci salis naturæ similem elixivari scribit.*

*Carbonum aciditate privati-
torum inflammabilitas,*

Præterea si ab acido mixtorum prodiret inflammativa potentia, carbonum ex lignis producti & omni aciditate privati focis vel furnis nostris nihil emolumenti adferrent, utpote per hanc hypothesin ad ignem sustinendum & alendum minus apti. Memini quidem nonnullorum conatuum haud vituperandorum, quibus aciditatem ex prunis in alia corpora derivatam per diversos effectus evincere satagunt: Sed quamdiu nondum aperte liquet, quod alterationes hæ soli acido, ut causæ, competant, uti superius deduxi; consequentia talium argumentorum suspecta manet. Ego carbonum lignorum vehementi satis & continuato igne destillando nullum spiritum acidum ex his prolicere potui; Sed phlegma saltem in vase recipiente observavi fuliginosum, i. e. aliquali & linguæ vix perceptibili falsedine tinctum: quod cum alcalibus neutiquam, cum acidis vero variis aliquo modo, effervescebat, adeoque alcalicum potius dicendum videbatur.

Itemque Spiritus Vini.

Tandem a partibus etiam meis videtur stare Spiritus vini, qui si probe rectificatus fuerit, totus deflagrat & præter phlegmaticam atque salinam substantiam plurimum oleosam continet; quam de acido parum aut nihil participare, multo minus ideo inflammabilem esse, hinc suspicor. Quod spiritus ille, si aciditatis notabilis particeps, aciditatem fluidorum minime corrigeret & eos dulcificaret: quorum tamen illa non saltem, quæ menstrua corrosiva satis alias sunt, sed humores etiam corporis nostri acidiores & ponticos, quales in melancholicis concedunt veteres cum recentioribus omnes, ita attemperant spiritus sulphurei, ut corpora torpidiora alacria satis evadant & variis humorum lincinationibus atque doloribus vexata tranquilliores statum subeant. Nec video argumentum, quo defendere possent suam (si in spiritu vini supponatur aciditas) proterviam Medici & Chirurghi, quando spiritum hunc contra putredinem quamvis, in vulneribus capitis, quibus acidum omne corruptivum, & inflammationibus, ab
acido

acido sanguinis peregrino aut dependentibus, aut huic tale mox inducentibus, applicant: Quod nihilominus cum optima agri tolerantia, hujusque emolumento fieri, quotidiana testatur praxis. Imo si inflammabilitatem hic ab acido haberet, hanc in rectificatione super alcalia repetita perderet; quod tamen nunquam etiam in illo, qui sexies imo pluries a sale Tartari fuit cohobatus, observare potui; sed cum sapore quidem svaviorem minusque rodentem, totum interim deflagrabilem inveni, ne illa repetam, quæ de ejusdem vi coagulatoria cum spiritu urinæ superius tetigi. Paradoxa hæc, sed vera sunt, licet plures, quorum ingenia subtilissima interim magni æstimo, in illa sententia esse noverim rectificatione super Sal Tartari non minus activitate sua in alia corpora, quam inflammabilitate spiritum dictum spoliari: ita quidem ut Sal Tartari ab eodem tantum demum aciditatis acquirat volatilis, quantum pro illo volatilizando sufficiat.

Sed pace clarissimorum illorum virorum Tibi, *Vir Amplissime*, ponderandum sisto, annon potius spiritus vini aliquid ab alcali recipiat, hincque ipsius Textura aliquo modo immutetur? An pondus salis Tartari per frequentiore spiritus vini cohobationem augeatur, vel imminuatur, hætenus accurate examinare non potui licet sancte quendam amicum, cujus ingenuitas æque ac experientia chymica non parum laudis meretur, mihi asseverasse recorder, se aliquoties attendisse, notabilem dicto sali portionem hac ratione decessisse. Nihilominus alcalina quædam effluvia spiritui vini affricari credo, eo quod illa extrahat vel dissolvat alcalisatus hic liquor, quæ sine alcali non poterat imbibere. Ita spiritus vini satis alias rectificatus olea destillata neutiquam aggreditur, aut per minima recipit, sed hæc ipsi separatim innatant: Tartarisatus vero intimius illis connubit, & unitur. Idem Spiritus vini tartarisatus totum oleum nucis moschatæ expressum dissolvit, instar alcali pinguedinem imbibentis, quod a rectificatissimo alias frustra expectaretur. Brevibus, effectus edit alcalibus competentes, ergo ejus immutatio per rectificationem super alcali non in acidi cujusdam separatione; multo minus in hoc, sed in alio quodam, Spiritus vini inflammabilitas sita est, quod tertium locum inter Alcali & Acidum meretur. Et per consequens aut hæc duo non sufficiunt pro munere principiorum gerendo; aut quemadmodum alia acrimonia acida est in Nitro, alia in sale, alia acrimonia aromatica in pipere, alia in Cinamomo, aliaque in Caryophyllis &c. Ita tam Acidum, quam Alcali plures species distinctas complecti dicendum erit.

*An Spiritus
Sini Alcali
contineat?*

*Ejus inflam-
mabilitas a
tertio quodam
principio de-
pendet.*

Arbitrium negotii hujus penes *Tuam Amplitudinem* erit, causam saltem *Tibi*, ut *Judici* æquisimo non minus ac perspicacissimo exponere; *Tuamque* super eam sententiam experiri volui, cui cedere, gloriosum æstimo. Vincam enim sive vincar, nunquam maculabor, cum veritas scopus sit nostrorum studiorum communis & unicus: Quem si attigerimus, hæc, si non laudanda, sane nec culpanda erunt. Vnde si dubitationes meæ tantum ponderis gerant, ut ad ulteriorem quæstionis ventilatæ investigationem alios invitent, eosque me non adeo absurde ambigere persuadeant, gratulabor mihi: gratulabor tamen conatibus meis non minus, si levitatem meorum argumentorum, hinc alcali & acidi duumviratum firmum & firmatum, cognovero. Tu interim, *Patrone* colende, qui studiis meis, favorem nunquam detrectasti, Vale! & quod in pagellis his desideras, affectu perenni emenda.



D. JOHANN BOHN P.P.

MEDITATIONES
PHYSICO-CHYMICAE

DE

AERIS IN SVBLVNARIA
INFLVXV.

SCILICET:

HVNC NEQVE SECVNDVM PERIPATHE-
TICOS, NEC CHYMICOS, MATERIALEM, SED
FORMALEM SALTEM, VIDERI.

AD LECTOREM.

A Erem, five elementarem magis & simpliciozem, quem æthe-
rem vocant, five elementatum & heterogeneitatibus pluri-
bus refertum, ac Atmosphæræ nomenclatura notatum, in-
finitas mixtorum generationes, alterationes atque destructiones præ-
stare, catholica satis & per tot secula vindicata hypothesis est; ut-
pote quam Antiquitatis non minus proluxa & gravissima autoritas,
ac Neotericorum experientia infinita per concatenatam inductio-
nem firmat: Cui proin obstrepere, novamque hæresin fingere,
religio æque ac conatus irritus mihi erit. Non illam tamen Reipu-
blicæ Physicæ Dictatorum summorum severitatem auguror, quæ
non ferre possit inter cives suos me dubitantem super *modum seu*
rationem, qua influxum hunc generalissimum exequitur in tot millena, seu
innumera potius, sublunaria, Aer: Id est An materialiter, & molem ho-
rum per substantia cujusdam additionem augendo concurret? vel potius an for-
maliter & efficienter tantum se illis applicet; adeoque horum particulas divers-
mode saltem commovendo, eorumq; texturam immutando quicquid in illa agit,
agat? Quæ mea dubitandi argumenta horumq; intentio ne loco per-
spicuitatis Tibi, Lector Benevole, ambiguitatem pariant, neve, si non
assensum in opinione desideratum, ad minimum conatuum meorum
non moveant fastidium: quing, distinctis capitibus meam in ardua
hac materia sententiam declarabo. Quorum primum potentissimum

& catholicum Aëris in corpora sublunaria influxum profitebitur & confirmabit: *Alterum* modum, quo juxta Peripathericos aër mixtis inesse & ad horum mutationes concurrere dicitur, exponet ac dubium reddet: *Tertium* Chymicorum, de formali pariter ac materiali ejus concursu asserta atque argumenta enarrabit: *Quartum* eadem pariter insufficientia esse, monstrabit: Donec demum *quintum* efficientis saltem rationem in mixtorum productione, alteratione & corruptione Aeri decernat.

MEDITATIONES PHYSICO-CHYMICÆ. DE AERIS IN SVBLVNARIA

INFLVXV.

CAPVT I.

Capitis equidem hujus tractatione sine omni dubio superfedere potuissem, adeoque frustraneos plurimi forte meos pronunciabunt conatus operosos, persuadendi illud, quod a nemine sanæ mentis in dubium unquam vocatum fuit: sc. tantam, tam prolixam tamque amplam aëris potentiam esse, ut illam Tria Macrocosmi Regna nunquam non experiantur nullusque eorum subjectorum illa carere valeat. Sed quo & me hoc Naturæ naturantis beneficium mirari, circa inductiones plurimas, hunc adeo universalem auræ influxum confirmantes, sollicitum esse, & quid in pluribus corporibus præstet, innotescat; Meditationum & suspensionum mearum quasi proœmium volui sequentia.

*Aer cunctis
mixtis inest.*

Sc. Aërem cunctis mixtis inexistere, cum modernis Peripathetici sentiunt; secedunt tamen mox in partes; dum hi istum, ut elementum & concreti aliquam partem, illi vero poros saltem hujus, ut heterogeneum, subire & penetrare asserunt. Quam tamen controversiam capite sequente examinabo, inexistentiam duntaxat ejus, in se, nulla habita ratione hujusmodi, nunc per specialiora exempla demonstraturus.

*Ignis est aer
attenuatus.*

A corporibus proin simplicioribus & pro elementis vulgo habitis exordium fiat, inter quæ primo offendimus Ignem, cui sane Aërem copiosius interijci, aut potius quem nihil aliud, quam aërem attenuatum, pariter ac aërem ignem grossum, cum *Rege Alphonso in Clave Sapient.* pronunciare licebit: Cum ignis noster sublunaris non peculiaris quædam & ab aliis creatis distincta substantia, sed vertiginis saltem quidam motus, isque velocissimus, particularum sulphurearum sit, a diversis celerrime motis excitatus.

estatus. Motorem autem & modificatorem illorum minimorum ordinarium & magis catholicum aërem esse, i. e. hunc substantiæ sulphureæ, quæ materiale tantum ignis, formale quoque inducere, hujus non modo summa agilitas, qua reliquorum sublunarium volubilitatem antecellit, & infinitis observationibus comprobanda suadet; sed in præsentiarum concludere jubet, quod pro diversa hujus fluidi, perpetui moti, admissione vel exclusione unius sæpe ejusdemque corporis ab igne actuali commotæ particulæ modo in luculentam flammam, modo in fumum, modo in neutrum horum, sed aliud plane ens, abeant. Exemplo esto Nitrum carbonum pulveri commixtum & igni aperto in crucibulo expositum, quod in illo copiosas cum strepitu eructat flammæ, maximamque sui partem deflagrando perdit: Retortæ autem tubulatæ hacque interveniente prunis commissa eadem mixtura, flamma illa propter aëris sufficientem appulsus interclusum in fumum rutilantem cogitur; qui denique intra vas recipiens in liquorem acidum, spiritum Nitri dictum, condensatur. Adeoque una eademque Nitri substantia nunc flammæ, nunc fumi, assumit larvam, pro varia minimorum suorum agitatione, quam aëris motus, nunc rapidior nunc tardior ipsis imprimit: Imò tandem acidum & fixius stigma evadit, motu illo cessante. Pariter Spiritus Vini, olea quævis, terebinthina similesque resinæ a leviori igne in aëre libero facillime exardescunt & tota fere deflagrant: Ast illo excluso, i. e. hac vasis destillatorii inclusa in fumum resolvuntur, qui in excipulo in oleum aut spiritum facessit. Spectant denique huc vegetabilia lignosa, quæ sub diò liberiore accensa in flammam, fumum seu fuliginem atque cineres rediguntur, in vase autem clauso cremata flammam minime concipiunt, sed præter phlegma fumum saltem, diversæ consistentiæ & in spiritum acidum atque oleum coagulabilem eructant, remanentibus carbonibus, qui, ut per plura secula aëre excluso in igne detinerentur, nunquam in cineres resolvuntur.

Sed quia vix aliquem in physicis ac mechanicis adeo frigidum suspicari licet, qui aëris ad ignem formandum atque conservandum tantam necessitatem haud concedat; Aquam nunc perlustrabimus, ejus pariter atomis aërem interspersum esse illius elasticitas notabilis docet; quam Boyle de vi aëris elastica experim. 20. 21. & 22. non tantum per diversa experimenta certam reddit, sed ab aëris inclusis particulis continuo motu agitatæ eam prodire, evincit: Quatenus, dum phiala aqua plena vasi vitreo majori includitur, atque ex hoc ope syringæ adaptatæ aëris maxima portio evocatur, plurimæ bullulæ ex ea elevantur, aëris latentis seseque expandentis testes atque effectus. Accedit his, fluiditatis in genere, hinc aquæ pariter, formalis.

malitatem illam esse, ut corporis particula minimæ seu insensiles disjunctæ jugi agitatione cieantur ab alio & heterogeneo in motu existente & intra illarum spatiola intercepto; quod aut ignem, aut ærem, tanquam corpora continuo motu volutata, esse, veresimile sit: Quamvis illum propter caloris absentiam hic dimittere, huic autem in acceptis aquæ fluiditatem referre conveniat; ut taceam, sicut modo demonstratum, ignem quoque ab ære activitatem suam petere.

*Terra & aer in-
existit.*

Terra denique meatibus eundem ærem inexistere, hosque penetrare, ut alia ubivis obvia non tangam, sponte sua elucescet, si corporibus terreis magis cum inharere, variarumque in his mutationum autorem primum evadere, declaravero. In substantiis notabiliter & ad sensum porosis vix de illo dubitabit, qui cum Natura Peripatheticorum vacuum horret; hinc cavernas quoque illarum materia ipsis subtiliore refertas esse concedet.

*quod probatur
1) In mineralibus;*

A mineralibus E initium facturus, Antimonium, Cinabarium similiaque friabilia & laxioris texturæ corpora nunc transeo: solidioribus vero ac magis compactis v. g. metallis, ærem subesse horum arguit virtus sonorifica; in salibus eum horum strepitus ac crepatura, quam igni admota edunt, manifestat; In gemmis notabilem portionem contineri, harum diaphaneitas testatur, quam a pororum rectitudine moderni, iique accuratissimi, Philosophi deducunt. Imo clariora hæc sunt in gemmarum illa specie, quam Oculum Mundi seu Lapidem mutabilem vocant, quæque sibi relicta ex candore aliquid lutei ac levem saltem pelluciditatem præ se fert; sed aquæ immersa opacitatem reliquam cum diaphaneitate, albedinem vero omnem cum flavedine, immutat, ponderosior evadit, & quod ex observatione Goddardi Hooke *Micrograph. obs. 15.* refert, non raro bullulas de se ad aquæ superiora emittit; aqua postmodum extracta eolorem, opacitatem & pondus pristinum atque naturale reacquirat: hincque porositatem notabilem, hancque non vacuum, E. ære repletam, in se testatur. Molliores lapides hanc aeris inexistentiam magis confirmant, per friabilitatem nempe suam, quam e terra protracti & ære expositi eorum nonnulli contrahunt: quatenus aer his inclusus, quamdiu terræ frigidioribus cavernis immersi, valde condensatus nunc ab Atmosphæra tenuiore magis dilatatur, usque dum tandem continuitatem partium dissolvat; quod citius fiet, si igni prius committantur.

2) in Vegetabilibus

In vegetabilibus res plana magis reddita fuit per illa, quæ *Malpighius in anat. plantar. & N. Grevu. in the comparative anatomy of roots. item of trunks*

trunks de fistulis vegetabilium spiralibus seu vasis aeriferis singulari non minus subtilitate quam utilitate, hæcenus ediderunt: Per quos canales aer a terra percolatus plantarum quasvis subintrat partes, ut in his pariter ac in animalibus præter vitæ communicationem atque perpetuationem succorum motum intestinum atque localem juvet, insimul tamen harum erectionem in germinatione faciliat.

In sempervivo hanc aeris præsentiam ignis manifestat, cui hæc planta admota illum cum impetu & strepitu emittit, prout vulgo etiam innotescit. Sed curiosa magis minusque obvia sunt, quæ *Henshaw in Aero-Chalin. præfat.* de Quercu marina perhibet, quæ lapidi radicitus adhærescens & folia folliculis seu vesiculis ornata gestans, harum, aëre repletarum, ope, tanquam planta erratica, sub affluxum maris fluctuaret & sedem mutaret, simulque saxum, cui innititur, nisi hoc ponderosum nimis, secum raperet. Unde fieri, ut hac ratione notabiliter illa extendatur; cum in istius refluxu & laxatis denuo suis fibris nutrimentum intra poros laxiores admittat, non quidem per radicem, saxo affixam, sed per porosam corporis reliqui superficiem.

Imo summam aeris in vegetandis plantis exigentiam atque energiam esse, villicorum experientia nos docere poterat, sive in hortos, sive agros illos comitemur. Ille enim primarius arationis finis videtur, non ut glæ terreæ solidiores & majores discontinuentur, & comminuantur, sed ut aeris affluxum undiquaque excipiant singuli quasi earum pulvisculi. Cujus gratia *Evelin of Earth. pag. 63. &c.* ex observatione & communicatione D. Beale inter adminicula artificialia agrorum fertilitati promovendæ inservientia præter stercorationem terræ comminutionem adeo commendat; utpote cujus ope aëri per annum exposita & frequentius agitata terra novas vires acquireret. Spectat huc, quod in Eiderstadeni agro aliisque locis hanc familiarem habeant pro arvis meliorandis encheirismū ruricolæ, ut, cum terra recens & virginea magis peculiarem magnetismum in se habere credatur, ratione cujus virtutem illam aeris vivificam seu vegetantem alliceret, si solum desideratam & pristinam fertilitatem non amplius præstet, seu uti germanice loquuntur, *ausgebauet ist/* ad ulnas duas terram eruant, & inferius hujus stratum auræ liberiori exponant, atque hoc modo nova & tantum non luxuriante feracitate brevi ab hac eandem imbui patiuntur. Similem aeris vegetandi potentiam hortorum & arborum cultura experitur, ante quarum plantationem a nonnullis altiores fodiuntur foveæ, qua aer interiora terræ latera immediate magis contingere queat; Imo

eundem in finem circa arborum radices ab hortulanis prudentioribus cavernæ, pro aere sc. uberius & ad intimiora magis admittendo & colligendo parantur. Et quod tandem aeris inexistentiam in vegetabilibus certiorum reddit, aptitudo eorum fermentescendi est: ratione cujus inter fermentandum rarefiunt, & majus quærunt atque occupant spatium, adeoque non raro vasa, quibus continentur, diffingunt; cum profecto nulum adhuc inter corpora creata deprehensum fuerit, quod aere dispositum magis sit ad dilationem atque condensationem sustinendam.

3) in Animalibus.

Animalibus aerem inesse, hujusque reciprocæ per pulmones inspirationem atque expirationem (ut transpirationem illam insensibilem magis, per habitum scilicet corporis, nunc non tangam] vitalem humorum & spirituum motum conservare, vix indiget probatione: quoniam, quantum aeris penuria animali damnum ferat, id est, suffocationem & mortem subitam minetur, facile experiri liceat. Summam nihilominus in præsentiarum aeris in animantibus vim, in illis quoque, quæ cadavera dicere fas est, experimentum ab Hooke Societati Regiæ Anglorum communicatum hujus *Transactionum Philosophicarum* 28. insertum patefacit: Quatenus nempe pulmones remoto sterno & thorace aperto repetitis ictibus mediante folle, tracheæ immisso, instantur; artificiali vero hac respiratione motus cordis maximam partem extinctus restituitur, hinc mors imminens ad horæ nonnunquam spatium, & pro lubitu quasi differtur. Cui simile videtur, ab aliis æque ac a nobis aliquoties observatum, sc. cordis motum plane cessantem post satis frequentes in venam cavam, aut hujus aliquem ramum cordi vicinum, adeoque Ductum thoracicum quoque, per tubulum insufflationes ex postliminio restitui, eundemque per notabile tempus ab inspiratione superstitem manere. Illam equidem controversiam, quæ *Higbmorum Needham* &c. & *Sylvium*, *Soemmerdamium* &c. intercedit per autopsiam decidere nondum audeo, alias illorum potius, quam horum partes amplecterer: Sed hoc testari poterunt mecum illi, quibus administrationibus meis anatomicis interesse placuit, a reiteratis sc. in defuncto plane & rigido subjecto aeris per asperam arteriam in spirationibus sanguinem, alias nigricantem s. venosum, ex vena pulmonali & sinistro cordis sinu, spumofum, coloris minei & per splendentem rubedinem arterioso similem, prodire. Rubedinem autem hanc ab aeris solius appulsu derivari debere, suspicari jubent illa, quæ *Benedict. Theatr. Tabidor: exerc. 3. de Lovver. De Corde & Motu atque Colore Sangv. c. 3.* a quotidiana & cuivis obvia experientia proferunt.

Sed ut ut hæc pro certissima aeris inexistencia, summaque ad cuncto-
rum mistorum perennationem necessitate comprobanda sufficientia cense-
am: alios tamen adhuc, eosque nonnunquam stupendos, Lectori benevo-
lo commendare mihi licebit aeris externi & ambientis effectus, seu nonnul-
las concretorum immutationes ab hoc solo dependentes; cum forsan ma-
xima eorum pars nec a me, nec ab ullo mortalium adhuc observata
fuerit.

Initium autem hujus narrationis faciam a virtute illa peculiari, quam *Aeris effectus*
in immutandis diversis concretis, quæ intra loca sua naturalia, & ab aeris *in immutan-*
immediato contactu, seclusa, aliter se habent, aer exerit. Illam physi- *dis diversis*
corum traditionem, Corallium in fundo maris molle nasci, sed in aerem *concretis.*
liberum productum demum indurescere, examinandi mihi nunc occasio *Corallium*
deest: dubius E & ego in hac maneo, præprimis cum *quomodo in-*
reskii & Fournier in hydrograph. item Boyle hist. fluid. & firmit. ex relatio-
ne Medici cujusdam ex India Orientali reducis illam adstruant; *Boccone*
vero *dans les Recherches & Observations naturelles lettre 2. eandem neget,*
ac mauu mari immissa se sub aquis durissimum Corallii fruticem deprehen-
disse, testetur. Meo interim scopo sufficiat ille autorum consensus, quo
unanimiter perhibent, lacteum corallia succum in summitatibus suis con-
tinere, qui aeri liberiori expositus post paucas horas non modo indurescit,
sed annotante eodem *Boccone* colorem suum albicantem cum rubedine
transmutat. Pariter singulare & hujus loci est, quod *Petrus Pellepratus*
refert, prope fluminis Amazonum ostium argillæ viridis quoddam repe-
riri genus, quod sub aquis delitescens molle, aerem autem persentiscens
faxeam duritiem induit, adeo ut incolæ sæcures olim exinde confecerint.
Cujus generis sine dubio illud lutum fuit, quod a *Piereskio* in flumine Rho-
dano molle, extra aquas autem productum intra paucos dies induruisse ob-
servatum, superius nominatus Gassendus refert. Quæ *C. Piso hist. Brasl.*
l. 4. c. 68. de nonnullis plantis in fundo maris nascentibus inde vero erutis
& indurescentibus scribit; It. quæ Dn. Boyle de *Qualit. Aeris occultis ex*
dissertatione *de admirandis Hungariae aquis* anonymi cujusdam de miran-
do Quercus phænomeno profert, quasi hæc ex fodina salis effossa durissi-
ma intra quatrimum ab aeris contactu computruerit: ex ipsis autoribus no-
minatis repetantur.

Refero nunc huc illam aeris energiam, qua non saltem hæc vel illa
corpora immutare, sed nova potius concreta producere censetur: sc. in
mineralibus, quibus nemica salia inest, Vitriola; in terris omni sale exhaustis

nova salia; & quod fidem fere omnem superat, in mineris scoriis vacuis & plenarie emunctis metalla.

*Aer in mine-
ralibus nullo
sale præditis
vitriolum gi-
gnit,*

Quoad prius phænomenon observantur quædam mineræ, quæ, quamvis in iis, dum terra eruuntur, nulla salis suspicio sit, eo quod contusa & aqua macerata huic saporem salinum aut vitriolicum haud imprimant, Aeris nihilominus per aliquot menses expositæ notabilem postea Vitrioli quantitatem largiuntur. Exemplo mihi sit Marcasita illa Hassiaca, quam *Glauberus Furn. Phil. to. I. c. II.* mineram vitriolicam, *Cardilucius in Ercker. l. I.* Magnesium Vitriolatam, apud nos Mineram Martis Solarem appellant & exinde præparatam a pluribus annis in officinis nostris Pharmaceuticis, & nonnullarum vicinarum urbium, Tincturam, virium in diversis morbis non contemnendarum, venditant. Hæc recens in frustula fracta, aut in pollinem redacta, aquæ, cui incoquitur, nihil salis, nihil saporis vitriolici concedit; nec retortæ & igni veverberii commissa aliquid stigmati acidit stillat. Sed aerem aliquot mensium experta aquæ calidæ affusæ vitriolum suavissimum & subdulce communicat; & quidem hujus quantitatem tanto majorem, quanto diutius auræ influxum illa passa fuerit. In aliis Vitrioli & aluminis mineris simile quid observant quotidie metallurgi: Nempe earum quidem nonnullas vitriolum atque alumen suum mox ad aquam affusam deponere; alias autem aeris prius accessum, aliquod mensium, imo annorum, postulare, antequam foetus suos enitantur, vid. *G. Agricola de Re metall. l. 12. 456. 463. &c.*

*Salem exhau-
stum regene-
rat.]*

Nec minore admiratione dignum alterum superius annotatum phænomenon, quando in glebis seu terris, sale insito exhaustis & spoliatis temporis tractu sub dio libero idem specie sal regenerari, perpendimus, quamvis nihil notius sit, quam terras nitrosas atque aluminosas, e quibus jamdum omnis salina substantia elixiviata, aeris virtute reviviscere, novoque nitro & alumine copiosius imprægnari, prout operariorum plebejorum non tantum, sed scriptorum quoque rerum mineralium testimonia hoc uberrime probant, v. g. *Agricol. l. 12. p. 455. 457. & Ercker. l. 5. p. 315.* Quibus non immerito *Heinrici de Rochas* experientiam, per quam deprehendit, terram salinam, e qua per binas cum aqua pluviali infusiones sal quoddam dulce & valde fusibile ita evocaratur, usque dum ejus nihil remansisse videbatur, per paucos dies super granario aeri pervio relictam, denuo falsam redditam, i. e. pristina salis qualitate & virtute imbutam fuisse. Imo huc facit illa in rudibus ædificiorum efflorescentia nitrosa, satis locuples interdum; quam calx, ut lapis violentissima ignis tortura exustus, promittit. Et ut tandem

tandem in vitrioli quoque regeneratione aeris potentia innotescat, sane mechanicis chymicis constat, hujus caput mortuum, i. e. salina substantia depauperatum, si aeri aperto subjiciatur, tandem spiritum salinum exinde recuperare, antecedaneæ destillationis spiritu non tantum viribus haud inferiorem, sed ex observatione plurimum subtiliorem & efficaciorē, ita ut regenerati Spir. vitrioli nomen ipsi decreverint.

Ast omnem fere fidem superat, quæ de metallorum, ex mineris adhuc crudis & vacuis item harum scoriis post eliquationem metalli aeri expositis, generatione autores referunt: quorum nihilominus fidem mox subleſtam declarare, *Scoria Sacuæ aeri expositæ denuo imprægnantur.* turpe videtur. Nolo hujus loci facere, quæ de fodinis metallorum exhaustis, denuo vero crescentibus, *Barba de arte Metall. l. 1. c. 18. Jordanus de Balneis naturalibus c. 11. Matthef. in Sarept. conc. 3. ac Kircher. Mund. subterr. l. 4. f. 2. c. 8. propos. 3.* referunt: utpote quæ phænomena in terræ latebris contingunt, & aeris accessum vix permittentia, adeo directe scopum meum haud feriunt. Sed huic magis congrua erunt, ex autoribus omni exceptione majoribus nunc producenda. Sc. refert *Matthef. loco allegato*, Bismuth, & Cobalth. omni substantia metallica vacuum germanice *taub* aeris liberioris vim per aliquot annos expertum aliquot argenti marcas suppeditasse: quod idem *Petr. Albinus Weisnisch Berg-Chronica / tit. 16. §. 7.* confirmat. Quibus ex recentioribus *Barbam* pariter modo nominatum addo, perhibentem, glebas illas, quæ in monte Potosi, tanquam metallica substantia destituta, labore ulteriore indignæ judicatae fuerant, post nonnullorum annorum decursum argento novo dicatas fuisse. De auri ex scoriis regeneratione præter *Matthef. loco dicto Gerhardus decad. Quæst. Physico-chym. quæst. 1.* sequentia testatur: *Corbachii, quæ est civitas Westphalia, sub ditione Comitum de Isenburg & Waldeck, aurum excoquitur ex cumulis congestis, ita ut singulis quatriennis iterum elaboretur cumulus unus, semper per se restaurante natura, ex insita potentia generativa.* Plumbi ex scoriis resurrectionem nostræ æque ac inferioris Saxonie metallica-rum rerum periti asserunt: quarum aliæ intra triginta, viginti, imo pauciores annos novos proferant. Idem in *Medipæo Angliæ jugo* contingere, *Nobilissimus Borrichius* in Epistola ad Celeberrimum Bartholinum *cent. 4. epist. 92.* scribit, ubi ante centum annos excocta ac post exustionem relicta *Molybdæna*, vestem plumbeam iterum induit.

Plura hujus generis adducere possem, si in aliorum observationibus colligendis desudare vellem: sufficiant E. meæ intentioni hæc ex naturæ saltem penetralibus petita; quibus unum vel alterum ex artificum seu chymicorum Laboratoriis annectere conveniet. *Aeris admissi vel exclusi effectus in Chymia.* Quantum discrimen aeris admissio & exclusio

clusio in concremandis vegetabilibus pariat, ita ut ab hac modo carbonēs, modo cineres relinquantur, ex superiori discursus hujus membro repetere superfluum censeo, præprimis cum nec carbonarios hoc lateat. Ex Boyle de *Qualit. & form.* annotare consultius erit, hunc, cum post sublimationem Veneris, quam cum Mercurio sublimato conatus fuerat, metallicum gummi in fundo retortæ relictum, rubicundum & subflavum, aeris aliquot horarum occursum passum fuisset, coloris paradoxam satis mutationem in hoc, id est, loco rubedinis atque flavedinis viriditatem splendentem observasse. Quod experimentum cum ante biennium (quamvis alium, quam intenderat Dns. Boyle in finem) tentarem, vidi, non exteriorem saltem massæ hujus superficiem, sed postquam illa grosse contusa, interiorem quoque hujus substantiam viridi colore tingi, & viridiæris, in quo particulae urinosæ abundant, similem evadere, tali sc. in quo propter urinosarum particularum majorem copiam, cæruleum quid admixtum deprehenditur. Eadem colorum, hinc per bonam consequentiam, texturæ quoque non levis immutatio, in nitro cum carbonibus ad rubedinem fixato contingit: massa siquidem hæc a continuata ignis actione primo cœrulea, hinc graminea, tandem autem purpurea velle eadem ratione, ac si cum sulphure copiosiore recalcinetur, induitur, quam aliquandiu etiam, dum adhuc calet, aut studiosius ab aere secluditur, sibi adaptatam retinet: statim ac vero hujus directorio per momenta saltem nonnulla concedatur, brevi purpuram splendentem fusca, imo tantem nigra sorditie conspurcari patitur. De cætero non possum prætermittere, quod olim me præsentem se sistebat phænomenon *Domino le Febure; Chymico Regis Angliæ, dum in vivis esset, dexterrimo pariter atque experientissimo.* Abstraherat hic aliquando (quem in finem, non amplius recorder) a vitriolo spiritum salis armoniaci, & liquor stillans prodibat equidem limpidus, diaphanus nulloque colore peregrino tinctus, cum sedimento quodam, quod ille particulas quasdam veneris sulphureas, credebat, ego metallicas vitrioli suspicor; imo limpiditatem & pristinum colorem retinebat, cum in aliud vas ex recipiente spiritus ille cohobatus effunderetur: mox tamen & in momento apparebat tinctura maxime cœrulea in eodem; dum ejus aliquid sedimento dicto eluendo reaffundebatur, quam antea, diutius licet super metallicam hanc substantiam relictus contrahere haud poterat; sine dubio propter aeris defectum, quem nunc uberius admittebat. Taceam hoc in loco salis Tartari volatilisationem, quam aeris ope adornari posse, passim insinuat, *Zuelverus aut. m. pharmac. Reg. p. 247.* & ex eodem principio nitri volatilisationem, p. 244. per mechanicam evincit: utpote de cujus operationis promisso mihi que sperato successu gloriari

gloriari haud possum. Mitto etiam tincturam Auri per triturationem parandam, & a *Nobilissimo Langeloto in dissertatione epistolica ad curiosos* descriptam; quæ sine dubio menstruum suum ex aere capit. Quo vero hanc summam aeris in diversis operationibus chymicis potentiam quoque linquam, & narrationi huic finem imponam, per unicum saltem adhuc experimentum commemorandum: quod utut triviale sit, philosophicum tamen satis & themati meo adstruendo conveniens videtur. Communis equidem in chymicorum officinis mos est, alcalia per ignem & aquam depurandi; quæ tamen longe puriora & purissima evadunt, si aeris quoque secretoriam potentiam admittant, *Alcalia per aerem optime depurantur.* Ita ut *Rigenerii de igne & sale cap. 43.* effatum verissimum deprehendatur; quod in una istarum in humido resolutionum, quæ per se fiunt, omnia salia & alamina se depurent & subtilient magis, quam in duodecim aut quindecim dissolutionibus, quæ per acetum aut alia similia dissolventia fieri consueverunt. Experientia quippe quemlibet docebit, alcali v. g. Tartari per crebriorem, post reiteratas in igne calcinationes, in aqua solutionem, ad summum puritatis & homogeneitatis gradum redactum, si in aere liquefeat, fœces & sedimentum nihilominus nigricans post se relinquere, tale scil. quod nullo igne consumi nullaque aqua abstergi poterat. Imo multi inter chymicos labores observantur casus, in quibus Oleum tartari per deliquium, solutioni ejusdem salis cum aqua communi anteponitur: utpote in quo salis particulæ menstruo solventi arctius unitæ, quod per mechanicam facile demonstrare liceret.

CAPVT II.

Sicut capite præcedente exemplis diversis declaratum fuit primo, pluribus, imo probabiliter satis, omnibus concretis aërem inexistere; deinde ab interno æque ac externo aëre hæc plurimas mutationes pati; ita in hoc & duobus seqv. capitibus commodum erit inquirere, quomodo hæc asserta Peripathetici, quomodo Chymici, admittant; & quam infirmis eruribus eorum maximam partem innitantur hypothese demonstrare. Quorum posterius a me haud fiet per meram contradicendi libidinem: cum sane illos quoque juxta *Hipocr. de dieta lib. 1.* laudandos & æstimandos judicem, qui, quod vestigari conati fuerunt, invenire haud potuerunt. Destituti siquidem adminiculis, quæ Pyrotechnia imprimis nobis concessit, & imbuti illa lege fundamentali, physicæ incremento semper exitiosissima, quasi mechanica philosopho dedecori esset, non potuerunt a præconceptis suis opinionibus, & antecessorum dictatura suâ ingenia in libertatem, naturalibus rebus vacanti necessariam, vindicare.

Mox

Peripatheticorum de aeris inexistētia hypothesi,

reijcitur.

Aer quid sit?

Non commiscetur concretis, sed poros saltem replet.

Columna ob rarefactum

Mox in principio hujus discursus monui, Peripatheticos cum Physicis Modernis in hoc quidem concordare, quod illi pariter vix ulli mixto aëris inexistētiā denegent alio tamen, ac hi solent, i. e. elementari sensu; quasi sc. concreti aliquam partem elementarem, seu principium materiale, ille constitueret, ita, ut cum reliquis ejus elementis in moleculas mixti minimas fluidum & mobile ejus corpus coiret, ac in substantiam solidam figeretur.

Quæ profecto hypothesi neotericis arridere haud potuit, sed precaria satis illis semper visa fuit, utpote primo argumento potiore nondum comprobata: nisi quod a fumo, inter vegetabilium deflagrationem exhalante, petunt: hoc autem quam ficulneum sit, a pluribus recentioribus sufficienter fuit demonstratum. Cui accedit secundo, quod aëris simplicitas tanta & elementaris haud sit, quanta vulgo creditur, adeoque ille potius compositis accensendus veniat, quemque ætheris fluidam substantiam vaporibus aqueis & exhalationibus terreis turgidam *Cartes. meteor. cap. 1. §. 3. & Princip. Philos. part. 4. §. 49. Hock. Micrograph. pag. 13. 96. &c. ac Digby de Pulver. Sympath. pag. 49. 50. &c.* rectius asseruerunt. Id est aerem, in quo vivimus, quem nonnulli atmosphæricum appropriate vocant, quemque Peripathetici pro elemento habent, melius concipere haud licet, quam Tincturam, seu solutionem particularum terrestrium atque aquosarum, ab æthere dissolutarum atque continuo motarum. Quas heterogeneitates si ab æthere demas, ac proin hunc simplicius elementum tibiingas: hic non tam componet, quam penetrabit & permeabit cuncta sublunaria; quorum ideo elementum eodem jure dici poterit, ac liquor aqueus v. g. panni, lanæ aut ligni poros penetrans & replens, aut pari fundamento, ac aqua marina terræ, cujus cavernas alluit & transfluit elementum pronunciaretur.

Præterea sine multo labore, ac diversis ratiociniis, imo per mechanicam, adstrui valet, aerem reliquis materiæ concretorum minimis sensu Peripathetico nequiquam commisceri, sed poros saltem eorum replere atque permeare; imo in eorum spatiolis, tanquam totidem carceribus, ut heterogeneam plane substantiam, coerceri: quorum mixtorum materia si talis fuerit, quæ in minima se facile redigi seu explicari aut dilatari patitur, ille his inclusus, per virtutem suam expansivam seu elasticam, corporum substantiam discontinuat seu rarefacit: e contra repagula illorum spissiora & solidiora, cum impetu nonnunquam, majore aut minore, frangit, & pristinam seu communem libertatem amplectitur, potissimum si per calorem hic magis rarefiat, sicut de aqua, sempervivo, salibus &c. superiore capite hæc comprobata fuerunt. Addo his, quæ *Cabeus* de columna quadam mar-

morea

morea asserit, quæ licet tantæ moliserat cujus circumferentiæ amplexu men-
 turandæ ne trium hominum quidem expansa brachia suffecerint, cuique *aerem scissa.*
 divellendæ mille boum juga, ad oppositas plagas trahentia viribus imparia
 fuissent, nihilominus eam in medio perfractam se vidisse, ob lignum ali-
 quod prope hanc casu combustum; quatenus juxta *Boylium* hujus calor æ-
 rem porulis marmori inclusum rarefecerat, qui pro spatio sibi acquirendo
 solidissimum saxi corpus perruperit.

Usus illum aeris discontinuatorium & rarefactorium (ut taceam, *Effectus aeris*
 quæ fermentatio speciosa fatis super hunc suggerit) spiritus nitri, aqua *discontinuan-*
 fortis &c. poterant comprobare: æque stigmata acida, utpote vix unquam *tis & rarefa-*
 sine motu existentia, (non de illo motu loquor, quem fluida alia cum his *facientis,*
 communem habent) quia ab aeris vi non adeo accurate secludi queunt, sem-
 per quidem aliquales fumos emittunt; vase vero aperto aere uberius ad-
 misso, toti fere sub nebulæ specie exhalant. Sc. pari ratione res se habet
 cum ejusmodi fluidis, ac cum solidis illis, quæ novam quandam texturam
 atque formam induere videntur, dum a fluido menstruo discontinuantur,
 & cum hoc postmodum coagulantur in tale concretum, in quo vulgus non
 soluti substantiam sub pristina forma, sed aliud & novum plane ens, suspicatur;
 cum tamen nihil aliud sit, quam ipsius corporis soluti minores moleculæ,
 sub propria forma interveniente menstruo saltem dislocatæ atque distractæ.
 Exemplo sit differentia salis cujuscunque, per evaporationem aquæ totalem, *In Sale Chry-*
 & Crystallisationem parati; quippe bina hæc ejusdem quidem naturæ at- *stallisato:*
 que efficacæ sunt, quamvis hoc figuram cubicam, & ab aqua, porulis illi-
 us interjecta diaphaneitatem receperit. Sed quia hos liquores alii natura
 sua intrinseca valatiliores, secundum communem philosophandi rationem
 censent, i. e. qui sponte sua potius, non vero ab aere agitati, ita attenua-
 rentur & evolarent, corporeum etiam nimis menstruum argenti salinum &
 aqueum salinum apparent; aliud ab ambiguitate hac liberum, & ipsum æ- *In Vitriolo.*
 rem concernens magis, producam phænomenon. Scilicet a Vitriolo aliquan-
 do ex arena primo omnem, qui gradui hujus igni summo cedit, evocabam
 spiritum, quo factò coalehotar rubicundum, antequam multum aeræ hu-
 miditatis imbiberet, retortæ figulinæ & igni reverberii tradebam: a quo hu-
 jus particulæ salinæ fixiores seu aquea humiditate minus discontinuatæ, &
 oleum vitrioli rubicundum, alias quidem formantes, tandem ad excipulum
 sub fumi etiam specie urgebantur; refrigeratis tamen vasis non in fluidam
 & oleo dicto convenientem substantiam, sed in Crystallinam, magis massam
 condensabantur. Soluta autem postmodum luto altero die ita ut aliquid

aeris externi & ambientis se ad vas recipiens insinuare & crystallum hunc verberare poterat: mox ab eodem novæ nebulae, totum vas replentes, elevabantur, & quamvis oleum vitrioli alias odoris notabilis aut penetrantis **expers** sit, adeo sulphurea graveolentia nihilominus hi fumi nares & fauces adstantium feriebant, ut in suffocationis metu omnes versaremur. Quoniam autem alicui hujus massæ crystallinæ portioni liber aeris affluxus & refluxus permittebatur, quod illius non in fumos abibat, in oleum vitrioli obscure rubicundum facefiebat: Deponebat tamen etiam hoc iterum suam fluiditatem, ac per moderatum saltem calorem spissitudinem crystallinam reasumebat, per aeris appulsum denuo colliquabilem.

Ætiologia siquidem enarrati experimenti in hoc consistit, sc. primo, quia per primam ex arena factam destillationem potissimum cum saliquali saltem salina substantia tollitur phlegma, reliquis salinis in communi destillatione consecratum; contingit, ut hæc ab igne discontinuata atque commota sub vaporis quidem & nebulae forma appareant, dissolvante autem & motore hoc recedente, eadem ad quietem tendentes mox sibi denuo contiguæ fiant & implicatæ in corpus solidius & firmiter coalescant; nullum aliud solvens, sc. humiditatem aqueam, in vase recipiente invenientes, pauca, illa portione, quam aer inclusus concedere poterat, ad crystallisationem concurrente & per hanc consumpta, aereque hoc infimul admodum quieto. Statim ac vero deinde aer novus, fluidus & in continuo motu existens collum excipuli reclusum irrepit, abradit superficiales illius salis caustici particulas, has discontinuat, simulque in sublime rapit, ita ut ab his spissior redditus nebulam crassiores exhibeat. Cujus aliqua portio, eaque magis diluta seu atomis salinis minus saturata in auras evehitur & naribus atque faucibus molestam sensationem imprimit, iisdem vero magis infarcta atque onusta in oleum vitrioli crassius condensatur: quatenus aquea aeris humiditas sale vitriolico nimis imprægnata & quasi onerata ab æthereæ aeris portione in fluore amplius detineri nequit, sed cum illo ad fundum vasis præcipitatur. Tandem vero lenis aeræ hujus substantiæ, a qua fluorem receperat, evaporatio, aut potius in vasis clausis abstractio, discontinuatas atomos salinas denuo sibi implicari & crystallinam rigiditatem contrahere facit.

Sicut E. ærem, qui salinis colcotharis particulis interspergitur & nebulam illam densiorem format, aut qui cum his ad fundum vasis in oleum præcipitatur, aut qui denique cum iisdem crystallisatur (nulla enim crystallisatio sine aqua, & per consequens nec sine aere, quo hæc turget, fieri potest) in corpus salinum abire, seu ut elementum hujus compagem constituere, asserere

afferere neutiquam licet; cum ab iis, cum quibus nebulam, oleumque formabat, per evaporationem denuo separari possit, imo crystallus quoque ille portionem aeræ substantiæ, quam inter crystallisandum retinuerat, per calcinationem dimittat; ita nec, qua ratione similibus aliorumque corporum atomis intermixtus illaque rarefaciens aer, de elementi & eorum titulo gloriari possit, video.

Progredior nunc ad vires illas potentissimas, quas aerem in reliqua corpora exercere, & quibus mediantibus paradoxas satis mutationes in his adornare consuevit, quarum nonnulla exempla præcedente capite recensita fuerunt; & quid de his, eorumque ætiologia iidem Peripathetici sentiant, explicari postulo. Ubi mox illorum phænomenorum plura, quia ab ipsis *peripathetica* nunquam observata & axiomatice eorum doctrinæ non conformia, negant, *sententia in-* v. g. formalitatem ignis, plantarum vegetandi modum, *minerarum accre-* tionem, salium augmenta & regenerationem, uno verbo illa cuncta, quæ *fermitas.* qualitatem aeris primarum imperio se subijci haud patiuntur. Quippe has, quæ altera eorum hypotheseos incongruæ pars est, caliditatem sc. moderatam *Caliditas &* & humiditatem summam, sola aeris instrumenta esse supponunt, quibus *humiditas so-* *la aeris in-* omnem suam, tam in reliqua elementa, vim exereret. *strumenta non*

Verum sicut quæ ignoramus, quæque nobis videre non contigit, negare *sunt.* summæ audaciæ & imprudentiæ effectum censeo: Ita qualitates aeri assignatæ, tanquam huic propriæ, & ejus instrumenta solitaria, concedi haud possunt, a peripatheticis quoque pluribus jamdum denegatæ; utpote præter qualitatum primarum combinationes possibiles nullum jus in aerem habentes. Vtraque enim hac proprietate aer non raro caret, locum ejus contraria occupante, v. g. tempore æstivo, ubi non tantum nulla humiditas, sed siccitas quoque, in eo dominatur; pariter tempore hyberno in eodem non modo nullus caloris gradus, sed acerrimum etiam frigus observatur. Ex his siquidem difficultatibus ut se extricent, æstivam siccitatem hybernumque frigus qualitates aeris peregrinas, hinc atmosphæram quoque illarum capacem, elementatum pronunciant: Nequeunt tamen determinare illud $\nu\upsilon$ aut $\pi\tilde{\epsilon}$, quando & in quo aerem purum & ut simplex elementum concipere liceat. Momentum siquidem illud temporis nunquam admittere potest animalium respirationis continua exigentia: Locum vero, cui prior aer, seu æther inexistit, vix alium invenient, præter summam aeris regionem, quam sane ob astrorum (foras etiam juxta illos propter ignis sub concavo lunæ habitantis) vicinitatem semper calidissimum existere necesse est; imo nec humiditatis huic quicquam inerit, propter eundem calorem dissipantem, nisi foras etiam hoc loco

Aer ad qualitates primas indifferenter se habet.

de illis dicendum veniat, eos falsam mentem præceptoris suo affinxisse, quod τὸ ὑγρὸν per humidum, non vero per fluidum, explicuerint. Vno verbo, aer per se neque calidus, nec frigidus, nec humidus, nec siccus dici valet, sed indifferenter ad cunctas illas qualitates se habet, recte tamen corpus fluidissimum, si ætherem excipias, pronunciatur: a qua etiam sua proprietate forsan omnem in cœtera sublunaria potentiam sortitur, prout inferius videbimus.

CAPVT III.

Chymicorum de aere hypotheses.

Aerem cunctarum rerum semina in se continere.

HAs proin Peripatheticorum scholas derelinquentes Chymicorum recentium plurimi, aerem corpus compositum & nil nisi ætherem impurum concipiunt, qui præter sibi propriam & simplicissimam substantiam effluvia sublunaria diversi generis; adeoque salina, sulphurea & mercurialia quoque, contineret. Ex principiis E. dictis tribus cuncta naturalia phœnomena derivantes, non aeri, ut tali, sed potius his ejus incolis tot tantasque rerum mutationes in acceptis referunt: & quidem ut has præstent materialiter æque, ac efficienter. Eorum alii nec principiis hisce contenti panspermiam quandam in aere supponunt; in binas tamen mox denuo partes abeunt. Nonnulli siquidem horum cuncta rerum specialiora semina in aere fluctuare, hæcque a materia determinata attrahi & retineri, adeoque a reliquis, quibus quali confusa hæctenus internatarant, separari: Cœteri vero seminium s. sal universale, spiritum cuncta vivificantem & in diversis materiæ partibus, tanquam totidem uteris aut mineris, diversum corpus induentem aeri inhærere docuerunt.

Videntes siquidem tot salia, sulphura &c. specifica in hoc fluido vix concipi posse, quæ tot & infinitis corporum speciebus producendis & alterandis sufficeret; imo hæc sola formas concretis concedere haud valere, nisi seminium seu vis aliqua plastica accederet & superveniret: hoc ex aere, utpote in quo & sub quo illa phœnomena contingunt, demandarunt; nec defuerunt v.g. *Sendiavogius, Faber, Nuyssment, Rochas &c.* qui occultum hunc in aere cunctarum rerum cibum, tanquam sal aut mercurium universalem & philosophicum, pro tinctura metallorum universali, lapide philosophorum & medicamine universali conficiendo, magnis conatibus allicere, coagulare, exaltare &c. tentarunt, quali conatu, non testabor, ipsi testabuntur.

Rationes Chymicorum de aëris particulis activis.

1) a terra vir-

Ejusmodi autem particulas activas in atmosphæra dari variis modis comprobant, atque hunc in finem maximam illorum phœnomenorum seriem, quorum *cap. 1.* mentio facta fuit, producant. Sc. 1. terram virginæam, i.e. nullo vegetabilis cujusdam semine ingravidatam, si in vase aperto libero aeri noctu diuque exponatur, herbas varii generis sponte sua producere; quod fieri

feri haud posset, nisi terra hac ab aura, seminibus his, seu sale quodam vegetante fuisset imprægnata. Imo 2. talibus vegetabilium seminibus aeris ^{ginea herbas producente.} poros refertos esse odorem, quem tempore verno, &c. ubi vis germinandi summa ^{2) ab odore aeris verno} est, omnes experimur, quique modo mixtus, modo simplicior aut rosarum aut florum tilia, vitis &c. præsentiam testatur, manifestare. Quo referunt, ^{tempore,} auram ex Arabia felici flantem, quæ omnis generis aromata, gummata &c. redoleret, & horum effluviis turgida esset. Sicut eundem in finem a Digbæo experimentum *Ferrieri* adducitur de oleo tartari, quod per deliquium tunc temporis, quo rosæ in florem se induebant, paratum odore rosaceo mire fragrabat illum odorem rosæ deflorescentibus deponebat, eumque recurrente eadem tempestate, qua rosæ florent, æque ac olim fragrantissimum reassumebat.

Præterea & 3. huc ipse spectare videtur ignis & hujus flamma, sine aeris ^{3) Ab ignis ob aeris defe-} jugi affluxu haud subsistens & non levem suspicionem injiciens, spargi per athmosphæram ^{ctum extin-} substantiam quandam heteroclitam, nitro aeream &c. cujuratione tanta ad flammæ hypostasim aeris sit necessitas. Non enim confugere licere ad crassam fuliginem ex pabulo exhalantem & in vase clauso congettam adeoque flammam suffocantem: eo quod elychnium etiam perquam exiguum cum rectificatissimo spiritu vini, quæ nullum visibilem fumum exhalabant, imo solus etiam Spiritus vini, in amplo, obturato tamen, recipiente, intra temporis minutulum nihilominus extinguantur.

Et ut ex animali quoque regno promam, quibus suam hypothesin pro- ^{4) a respira-} bare conantur Chymici, observationes, 4. respirationis usum substantiam ^{trione.} quandam salinam, nitrosam &c. aeri inesse evincere putant; quæ ad vitam adeo necessaria in sanguinis massam transiret, atque summe energetica & fermentativa hujus fermentationem vitalem & motum animale perennem redderet.

Nec defunt ipsis argumenta a mineralium generatione, acratione &c. ^{5) a mineris} petita, dum sc. 5. terræ nitrosæ, glebæ aluminosæ, caput mortuum vitrio- ^{aere tenui re-} li, omni sale educto ab aere tenui reviviscunt: id est, hujus influxui expo- ^{sibilibus.} sitæ, inter aliquot annos per magnetismum sibi individuum novum nitrum alumen, vitriolum &c. attrahunt. Potissimum cum 6. eadem glebæ atque ^{6) Et impræ-} hoc, mineræ quod ex terræ cavernis haud unquam depromunt, ex aere re- ^{gnatis.} cipiant, pro ut de minera martis solari dictum fuit. Et ut discursum hunc paulo contraham, cuncta illa, quæ allegato capite de metallorum, ex scoriis regeneratione producebantur, ipsis inserviunt, pro confirmando, cœlestem quandam, salinam &c. substantiam, sicut per universum orbem, ita

imprimis per aerem, in prima creatione disseminatam, vim non saltem formatricem & genetricem seu sperma tantum omnium creaturarum masculinum, sed famineum quoque atque materiam earundem principalem fovere: Id est, quæ mineralia illa dicta non tam maturaret, & per incubationem quasi aliquam ad perfectionem justam perduceret, sed ipsam substantiam quoque illis concederet, sive omnem, v. g. in metallorum scoriis, terris elixiviatis &c. sive aliquam ejus tantum partem. v. g. salinam, quæ cum mineræ martis metallicis atomis in substantiam vitriolicam coiret.

7) a terra Arcevilensi.

Vix tamen me temperare possum, quin his 7. addam experimentum, quod ex Digbæi communicatione Dominus Borrichius de Ortu & Progressu Chymie refert, concernens terræ Arcevilensis virtutes metallicas, cujus diversæ portiones aeri liberiori commissæ & quotidie aqua pluviali aliquoties irroratæ mense primo vitriolum; secundo sulphur; tertio plumbum; quarto stannum; quinto ferrum; sexto æs cum argenti ramentulis proferebant: quodque phænomenon D. de l. Oberie & D. Locques pariter observasse idem Borrichius perhibet. Imo 8. hypothese Chymicorum, dari se. in aere solvens aliquod summæ potentiae & forsitan catholicum, non parum favet tinctura auri D. Langeloti superius quoque adducta, & per triturationem, sine alio additamento salino, præparata: cum trituratione hæc continuata illa sane ratione ad blandam hanc auri solutionem concurrat, quatenus solvens ex aere allicere videtur pollinem tandem hujus metalli ita disponens; ut oleum rubicundum per se ex arena stillet, sicut Nobilissimus illius autor per praxin æque in Epistola ad Curiosos ac per theoriam in præfatione ad experimenta Tilemanniana satis nervose deduxit.

9) a minera quadam Hungarica.

Ex quo posteriore 9. allegare convenit minetam illam Hungaricam, quæ in areula mobili, quam famulus ad dimidium apertam neglexerat, successu temporis adeo auctam, ut bona ejus pars prius deplenda fuerit, antequam pristino loco arcula reponi potuerit. Item huc spectabit ex eodem Autore, 10. sulphur illud vitriolatum, per extremam ignis torturam omni humiditate exhaustum: quod aeri expositum post aliquod tempus tam variis elegantissimisque figuris, vegetabilia diversi generis, flumina, valles, montes, solem &c. sistentibus, circumcirca exornatum apparuit, quales nulla unquam, etiam artificiosissimi pictoris manus plene expressisset.

11) a sale ex aqua pluviali collecto.

Nec prætermitto hic 11. quæ de sale & sulphure ex aqua pluviali & nivali collectis & exaltatis apud superius laudatum Dominum Borrichium Parisiis partim audiui, partim vidi, quorum etiam postmodum mentionem fecit in Hermete Egypt. a Conringii animadvers. vindicat. Nempe Aquam illam ad

ad centesimæ partis remanentiam evaporat, quam filtratam in cucurbita ex Balneo maris abstrahit, remanente mellagine crassiore & ribium succo perquam simili: quæ, si torreatur, ut in pulverem abeat, hic aeri expositus primo notabiliter intumescit, & in luculentam tandem flammam, sulphuris veri proditorem abit; ita tamen, ut cineres ejus residui aquæ affusæ, sal quoddam, marino simile, concedant. Idem spissimentum mellagineum, Autore testante, aqua stillatitia dissolutum & filtratum rubedine grata oculos & sapore svari linguam afficit, hujus tamen aquea humiditate sensim exhalante crytalli cubici ac omnes coloris expertes congelascunt, interjecto hinc inde succo rubeo & sulphureo deflagrabili. Quæ tota massa salino-sulphurea si per retortulam ex arena propellatur, oleum inflammabile, ac spiritum acidulum fundit. His 12. ex *Dn. Balduni Auro Aure c. 3.* jungo

12) ab aqua
mercuriali.

Aquam illam Mercurialem, quam magnetis philosophici, ex Nitro fixo præparati ope, ex aere attraxerat, quaque rectificata, licet insipida plane, tincturam ex corallis rubris se extraxisse, mutato horum colore in album, præfitetur.

Suppeditat *Zwelferus* 13. adhuc aliud aeris falsedinem probabilem reddens argumentum, dum *Mantiss Spagy. 2. c. 9.* colcothar vitrioli post fortio- rem destillationem aut calcinationem haud corrosivum remanere, hinc aquæ protinus ab operatione infusum nihil salis nisi, postquam aliquandiu ex aere hoc actuatum fuerit, impertiri: post hanc autem imprægnationem præcedaneam sal ex eodem capite mortuo elici, quandoque candidum, quandoque purpureum, quandoque nitrosum. Occasione nominati autores (video enim hunc quoque idempassim profiteri) 14. commemorandum, quod multos etiam circumspectos satis, viros metuere observo, antimonium diaphoreticum, ubi aeri commissum aut alias diutius asservatum hoc fuerit, ad genium redire, ac feroces denuo induere qualitates; per quas cordialgias, vomitus, convulsiones, similiaque tragica valde symptomata accerferet. Claudant tandem 15. argumentorum horum classem tinctorum experimenta, quibus profale aeris evincendo *Wilb. ten. Rhyne. meditat. in Hippocr. text. 24. de vet. medic.* prodit: dum illos omnibus suis machinis ac materiebus in varia loca contendentes colores ad amissim sibi congruentes pannis inducere non posse, perhibet; ita ut quando in Gallia Turone Parisios proficiscuntur, quos illic splendidos, hic obscuros, deprehendant &c. Et quoniam communiter aquarum disparitati hæc tincturarum diversitas imputatur, mox subdit, Harlemi v. g. in Hollandia plurimas non ita respondere tincturas, quam Amstelodami vel Leidæ, licet Harlempjes aquæ dulciores & sordibus eluendis aptiores existant,

13) a vitriolo
destillato.

14) ab anti-
monio diapho-
retico.

15) a tinctura-
rum diversitate.

Atque

*Quibus modis
aer mutatio-
nes rerum per-
eget.*

Atque hæc ex plurimis, quos aeris potentiam salinam asserere novi, scriptoribus allegata argumenta sunt: quibus examinandis sequens destinavi caput: Ad quod tamen antequam transeam, pro hypotheseos hujus, quam venditant, uberiore explicatione in fine hujus addendum esse duxi, quod superius duobus saltem annotavi verbis. Scilicet illam asserere, suppositam per aerem expansam catholicam substantiam duplici modo tantas rerum mutationes patrare, unum tamen horum sine altero vix contingere. Id est, particulas illas solventes, coagulantes, vegetantes, tingentes &c. non saltem efficienter concurrere, ut plantam v. g. calore suo foveant, salia dissolvant, mollia indurent: Sed aliquid etiam substantiæ & molis his concedere, hinc ratione sui salis acidi metallico corpori combinatas vitriolum producere, ratione aliarum metalla integra constituere, aut certe elementum unum vel alterum ad horum generationem suppeditare, reliquis quasi accrescere, vel cum illis coagulari, ita ut vitriolum in minera Hassiaca & capite mortuo vitrioli v. g. ab aere non maturetur, sed ex hoc illi instilletur, antimonium per nitrum fixatum ab alcali aeris volatili, nitri spiritum acidum destruyente, resuscitetur, idem sal per inspirationem attractum sanguinis purpuram simili ratione, ac sal urinæ, spiritus salis armoniaci &c. intendat atque exaltet, & huic corporaliter admisceatur.

CAPVT. IV.

*Rejicitur Chy-
micorum de
materiali ae-
ris influxu
sententia.*

QUæ capite præcedente exposita atque plurimis instantiis comprobata fuit sententia, ut ut non levi probabilitate gaudeat, & ratione hujus etiam a pluribus ac tantum non omnibus philosophis chymicis recepta fuerit: nihilominus haud adeo firmata tamque potens hætenus extitit, quin de illius consummata veritate aliquomodo ambigere mihi concesserit: quamvis dubitatione hac mea nullius scriptoris auctoritatem & fidem, dubiam reddere aut ejus assensum extorquere cupiam. Neminem proin vitio mihi versurum spero, si ambigendi rationes exponam, & ab illis Philosophiæ naturalis sectatoribus, qui veritatem magis quam dictaturam, in republica literaria ambiunt, aut istarum analyses, aut nova argumenta, præter hæc, quæ hætenus ex scriptis publicis & speculationibus privatis capeßere potui, expetam: quod si impetravero, de sine illo gloriabor, quem scriptulo hoc intendo, scientiæ certitudine. Scepticam autem hanc semitam duplici stipatus ingrediar comite, quorum prior argumentorum, pro materiali aeris influxu enarratorum monstrabit insufficientiam; posterior unum vel alterum contra hypothesein ipsam formabit ratiocinium: ita tamen ut mutui & reciproci sint utriusque conatus.

Fateri

Fateri utique per quotidianam experientiam cogimur omnes, latissimum esse in reliqua mixta aeris imperium, hocque non parum inter alia firmare recensita diversarum classium phænomena: Ita tamen cuncta hæc se habere videntur, ut per eadem nondum sufficienter determinari possit, quod querimus. Probant siquidem duo saltem, nunquam tamen in controversiam vocata, nempe, uti dixi, potentissimum & catholicum illum aeris influxum, & atmosphæram variorum cum æthere effluviis aggregatum esse: manet nihilominus semper quæstio decidenda, sc. qua ratione hæc potentiam illam in corpora reliqua exerat? i. e. an per substantiam salinam, sulphuream &c. hoc agat? an hæc, instar menstrui, cum soluto coeat & coaguletur? an ab hac, tanquam ingrediente, corpus recens productum dependeat? vel annon potius eadem materiæ in his latentis principium quasi seminale tantum excitet, maturet ac perficiat?

Argumentum adductum insufficiens.

Ante omnia siquidem suspicari liceret, illam salis, sulphuris, mercurii &c. inexistenciam non ita universalem, ac horum effluvia haud adeo æqualiter per aerem atmosphæricum expansa esse, ut tota hujus sphaera eorum aliquam necessario, aut ejus aliquod segmentum eandem cum altero tractu, portionem receperit atque contineat: Cujus contrarium quidem vel hæcenus creditum fuit, aut saltem supponendum erat; licet causæ hujus Patroni istud nunquam probarint, aut forte vix probare poterint, nisi mere passivum offendant auditorem vel lectorem, qui per salis universalis, spiritus mundi aut mercurii philosophici, quorum tamen esse neutiquam demonstrant, cantilenas se demulceri patitur. Econtra facillimum mihi erit palam facere, substantias illas aeri universaliter non inexistere posse.

Substantia illa salina, sulphurea &c. aeri non universa, licet inexistit.

Quorundam locorum aerem tales in ventre suo portare primo inde concludere fas est, quod ille in cuncta, quæ ambit, ut corpus fluidum, agens, ab his necessario tandem aliquod deradat, hæcqueamenta secum abripiat & quidem non de corporibus tantum, quæ natura sua volatilia & ad dimittendas atomos facilia v. g. aromata & salia volatilia; sed de his pariter, quæ fixiora dicuntur, & substantiam suam nonnisi post frequentiore & diuturniore aeris appulsum, seu repetitas demum menstrui hujus aeris cohobationes ipsi concedunt, ita, ut v. g. salis marini fixi alias satis, atomos ab aeris continuo impulsu atque agitatione simul cum aquea maris substantia in sublime rapi, maritimarum regionum auræ peculiaris textura, variis effectibus se prodens, evincat. Deinde idem persuadent effluvia diversæ indolis, sive ex cavernis terræ profundioribus, sive a superficie saltem hujus, exhalantia, & atmosphæra hunc vel illum ambitum seu tractum infarciunt: Idem suspicari jubent Laboratoriorum

Sed tantum quibusdam in locis. Aer etiam fixiora corpora arrodit.

chymicorum vicinitas, editæ strages, hinc cadaverum putrilago, similiaque, a quibus vel semper, vel per intervalla duntaxat, atomi variæ eructantur & aeri admiscuntur.

*Et insigniter
mutat.*

Quibus suppositis equidem concedo, concreta ejusmodi aere adulterato stipata, magnas ab hoc mutationes perpeti, imo hujus heterogeneitates adscititias illis corporaliter quoque adhærescere: ita ut cum metallis in crocum aut vitriolum degenerent, ac vegetabilibus syderationem inducant &c. Sic v. g. Atmosphæra Anglica, & imprimis Londinensis, a Carbonum fossilium quotidiano usu & concrematione tales ac tam uberrimas exhalationes sulphureo-salinas in se continet, ratione quarum utensilia diversa illa corrodit, horum splendorum obfuscat, & incolarum potissimorum pulmones inflammat atque exulcerat. Pariter quis negaret, auram Arabiæ felicis atomis aromaticis turgescere? fulgura & tonitrua atmosphære sulphureum quid communicare? Mense Maji & Junii rosarum aliorumque florum particulas salino-sulphureas per aerem vagari? prope minerarum fodinas & fuligines, modo arsenicales, modo sulphureas, modo alias, nobis adhuc plane ignotas, aerem inficere & sub ejus involucro corpora illi exposita materialiter quoque afficere? Sic quidem ideo & propter tot diversas aeris tractuum habitudines sine dubio contingit, quod vulnera nonnulla Parisiis sint periculosiora quam Aureliæ, & vice versa; quod Nitrum non sub quovis cœlo eadem ubertate producat; quod ferrum Vltrajecti citius quam in Geldria, Amstelodami quam Leidæ, rubiginem contrahat; quod lac a fulmine acescat, quod alia in laboratoriiis chymicis, spirituum acidorum frequentiori destillationi dicatis, facile saturantur & naturam suam mutant.

*Quod sit pro
locorum differ-
entiis.*

Quis autem a phœnomenis his particularibus argumentari vellet? E. exhalationes Londinenses aerem quoque Parisiensem replent; Arabiæ felicis fragrantia communis etiam est Arabiæ desertæ; fumi acidi officinarum chymicarum aerem adulterantes per plateam etiam remotiorem vagantur &c. Pariter quamvis largirer, rubiginem ferri, aut aris a solo aere inductum, ab hujus quodam sale heteroclitico prodire, vel sal aliquod ex rore majali aut aqua pluviali secerni: Alia tamen mox propullulat quaestio, an hoc sal aliis quoque & universalibus magis, aeris actionibus ministraret? v. g. an germinationi vegetabilium? an maturationi fructuum? an fermentationi? an vitrioli in glebis productioni? Negativam autem hujus inde colligerem, quod v. g. mineræ Hassiacæ intra aliquot menses plus in vitriolum abeat, quam rubiginis laminis metallicis inducitur intra totidem, imo plures, annos; utriusque licet eadem aeri expositis. Multo minus inferre licebit ex his & hujus generis aliis exemplis

exemplis totum athmosphæra, in quo vivimus, ambitum unius ejusdemque indolis vaporibus, exhalationibus aut ramentis repleti: Cum horum non easdem ubique terrarum offendant mineras; aut concreta, a quibus illa recipere & detergere possit.

Vnum mihi perspicere videor, quod pro destruendis his, e contra hypothese chymicorum adstruenda aliquid forsan faceret; nisi & hujus quoque enervatio præsto esset. Sc. hæc de salibus, sulphuribus seu exhalationibus particularibus ita se habere, dari tamen præter has in aere sal quoddam & principium universale, reliquorum moderatorem atque directorem. Si quæris, unde hoc sal mirabile? Derivant illud eorum alii a terra, alii a coelo & astris. Qui e terræ gremio hoc petunt, talem inter diversa & innumera salia contemplaturam sibi fingunt, ut nullo eorum prædominante, sed e cunctis, in proportionem conveniente concurrentibus, sal hoc enixum & universale prodeat: Coelo autem qui hoc in acceptis referunt; præter allegorias pomposas & vanas nihil eloquuntur. Sed quoad priorum conceptus, sane eo ipso, dum aerem in his aut aliis locis, hoc vel alio tempore, a terra novas, nunc copiosiores, nunc pauciores, atomos recipere concedimus, aut concedere cogimur; talem inter tot diversa & contraria sæpe salia harmoniam atque texturam catholicam admittere haud licet: aut, quamvis eam supponeremus, semper tamen restitaret dubium, an hæc vel illa corpori huic aut isto ab aere contingens mutatio sit ab hujus sale universali ipsique, ut ita dicam, proprio? an a sylvestri & particulari? Coelicolas quod spectat, i. e. qui a superioribus sal illud sperant, horum hypothesis ideo mihi suspecta est, quod astrorum in inferiora influxus a nullo alio, quam calore & lumine horum, dependeat; quod corpora simplicissima sint, adeoque nec salina, nec sulphurea possint pronunciari, nisi forsan Lunam ceterosque planetas pro heterogeneis corporibus habere cum recentioribus nonnullis placeat; quibus tamen salinum ejusmodi quid inexistere, aut inde emanare, pariter nondum demonstratum. Imo posito, astris his tale quid subesse, haud tamen constat, qua ratione per aeris regionem superiorem ad inferiorem illud devehire valeat, quin illam notabiliter incrasset, & huic parem reddat; Cum nihilominus æther corpus simplicissimum & purissimum ab omnibus physicis atque astronomis credatur, imo credi debeat; alias enim radios astrorum non ita libere & absque ulla resplendescentia seu refractione transmitteret.

Quibus cunctis accedit, quod universale hoc æris sal nec sub alcali, nec sub acidi aut tertii formalitate concipi possit; quod tamen necessarium: Cum sal aliquod quartum ens reale haud sit adeoque physicum infusum dimittat.

*Nec sub alcali
aut acidi for-
malitate con-
cipi potest.*

Mmm 2

Quod-

Quodcunque autem horum eligas, (varia siquidem sunt de his autorum opiniones, dum eorum alii ad alcali, alii ad acidum volatile inclinant) manebit illa difficultas, cur in diversis subjectis non contrarios edat effectus? & per consequens cur non, sicut alterius salium sublunarium virtutem intendit, alterius potentiam infringit ac destruit? Id est, sale illo mundi concessio metuendum foret, si illud alcalicum, spiritum sulphuris per companam destillandum non pure acidum, sed falsum evasurum a particulis sc. urinosis aeris ipsi combinatis; aut, si idem acidum supponatur, sal tartari, si per deliquium, in aëre fluat, non amplius pure alcalicum mansurum, sed in sal enixum degeneraturum. Imo sal aërem falsum similem aut aliam in salibus nostris mutationem præstiturum: Quorum neutrum tamen experientiæ conforme deprehenditur, hinc antecedens potius erit negandum.

*Cur oleum
tartari sali
tartari affu-
sum motum
& incalescen-
tiam excitet?*

Recordor equidem me olim, acidum quoddam occultum per aërem ferri, inde inter alia suspicatum fuisse, quod, cum alterius tentaminis causa nominatum sal tartari in aëre solverem, solutionem seu oleum tartari per deliquium sali tartari siccò affunderem, intestinum quendam inter hæc duo motum & vitri continentis notabilem incalescentiam observabam. Sed fessellisse me tunc temporis hoc phænomenon, judicavi postmodum, quam affusam quam fontanam & simplicem idem in hoc sale præstare videbam: affusam sc. non modo huic sali extreme calcinato, sed sufficienter tantummodo exsiccatò, cum hoc sensibilibiter incallescere. Quod experimentum profecto dubiam valde reddere mihi videtur illam de calcis vivæ ab affusa aqua incallescencia doctrinam, hæctenus a pluribus receptam: dari nempe in hac bina salia, quæ equidem mox a calcinatione quæta, ab aëris vero aut aquæ humiditate dissoluta in se agerent, & mutuo conflictu æstum illum excitarent. Sicut enim alcalia fixa puriora & pauca saltem terra discontinuata ab humiditate aquea, sine acidì collisione calorem movent: Ita in calce viva aciditatis inexistentiam, quam alias haud deprehendimus, ex unico & solitario hoc phænomeno minus circumspice concludimus.

*Specialior re-
futatio 15. ar-
gumentorum
supra addu-
ctorum.*

Sed his contra Chymicorum, de corporali aëris concursu, hypothesin in genere præmissis, nunc ad specialiora eorum experimenta & ratiocinia, quibus, ut totidem fulcris, illam superstruxerunt, me applicabo: brevissimis, per inductionem tamen, demonstraturus, me sub principium hujus capituli non sine omni ratione asseruisse, illa consequentia decenti destitui.

*Responsio ad
primum.*

Adeoque quoad primum, ex terra virginea nihilominus per aëris solius contactum, & sine ullo manifesto semine, herbulas diversæ speciei progerminare, dubium manet: an non seminia earum terræ (quæ vetus & recepta olim

olim sententia est) jamdum inextiterint, ab aëre saltem soluenda, movenda seu actuanda; pari forsan ratione, ac de mineralium nonnullorum productione mox dicam? Vel an, posito, ab aëre seminum v. g. plantaginis, acetosellæ &c. terræ infundi, hoc tamen illi non peregrinum, & particulare adeoque per accidens tantum insit? si enim universale, cunctarum vegetabilium species simul educeret; quod contra experimentum. Imo posteriorem hanc suspicionem ratiocinium illorum secundum adstruit, de fragrantia verni rosacea aut simili, de miasmatis aromaticis atque Balsamicis Arabiæ desertæ, ac de oleo tartari rosato: sc. evincunt cuncta hæc, atomos has aereas particulares atque temporarias saltem existere, adeoque seminium quoddam particulare continere posse, imprægnandæ terræ aptum, inprimis tamen rosarum odor in dicto oleo tartari ad tempus latens, postmodum reviviscens, incertos nos dimittit, terram pariter virginæam imbutam non esse seminibus occultis horum aut illorum vegetabilium. Tertio, quod ignem & flammam concernit, nihil urget, ut pro eorum pabulo in aere mox heteroclitam comminiscamur substantiam: Poterat siquidem phænomeno huic explicando sufficere, quod cum liberior aeris motus, ad flammæ formalitatem necessarius, ipsique essentialis in vase clauso deficiat, flammantes quoque particule quietem contrahant, adeoque flammæ fluor cesset, uno verbo, hæc extinguatur. Multo minus quarto respirationi animalium gratia sal ejusmodi aereum, sanguini eorum communicandum, concipere decet: cum motus tantum aeris sit, qui sanguinis & totius vitalitatem conservet, quod *cap. 1.* allegata experimenta anatomica bina magis confirmant. Nec quintum eorum de terris, sale omni exhausto de-
ad secundum.
ad tertium.
ad quartum.
ad quintum.

nuo ex aere ingravidatis sufficiens robur habet: quid enim obftet, non video, quin particule quædam salinæ adhuc immaturores, aut a terrea substantia nondum sufficienter evolutæ hinc primæ elixiviatiōni nondum cedentes, ab aere successive demum solvantur & maturentur; simili forsan modo, ac aluminis atque vitrioli glebæ nonnullæ, non, nisi postquam ab aere satis diu ventilatæ & a moderato igne assatæ fuerunt, salia sua dimittunt, cujus rei rationem argumenti sequentis monstrabit explicatio.

Sextum pro in argumentum, quia duo involvit, bimembrem quoque, & reliquis prolixiorē, exigit analysin. Primo enim non levem principii petitionem fovet, quando substantiam illam vitriolicam integram aut ejus saltem aliquam portionem, sc. salinam, ex aere in mineram v. g. Martis solarem derivari, concludit; cum tamen totum vitriolum ipsi materialiter, antequam aeri committebatur, inexistere per mechanicam palam sit. Sc. crudā hæc, & a-
ad sextum.
*Vitriolum mi-
nera martis
solari jam in-
existit.*

destillationem elicitur sulphur copiosissimum, ita ut ex quatuor aliquando ejus libris veri & inflammabilis sulphuris uncias novem, præter phlegmatis sulphurei & acidiusculi parum, me eduxisse meminerim; cujus particula salinæ quamdiu pinguedini propriæ immerfæ sunt, nihil juris in substantiam marcasitæ metallicam exercent, hinc nec cum his congregiendi vitriolum formant: aëris autem vi & motu contingit, ut illa sensim absumatur, salinæ agitentur & ab humiditate ejus solvantur, quo metallum rodentes cum hoc in vitriolum abeant. Hoc ita se habere, inde colligo, quod 1. caput mineræ hujus mortuum, i. e. a quo sulphur illud separatum erat, cum aqua maceratum notabilem salis vitriolici quantitatem suppeditabat, postmodum vero aeri per biennium expositum, paucissimam, & si cum aliis ejusmodi mineris comparetur, vix sensibile n, molem illius monstrabat: quatenus exhalantis sulphuris aciditas cum metallicis moleculis vitriolum quidem inter destillandum formabat; separata autem hac fere per concremationem omni, aëri subiectum appropriatum denegabatur. 2. Quod pro citius maturando in glebis aliis vitriolo metallurgi has igne per aliquot horas urant & torreat, donec fumum sulphureum exhalent, hoc est, sulphuris pinguedo secedere incipiat, ut ejusdem portio salina vela phlegmate proprio, vel ab aëris, cui postmodum ad aliquot menses traditur, humiditate, commodius dissolvi, hæcque soluta metallum roderè possit: ita ut, quemadmodum aër & ignis non nisi motus celeritate atque vehementia differunt, uterque quidem idem in marcasitis ejusmodi præstet: ignis tamen breviori & expedita magis manu, aër segniore. Aer E, quod vitriolo constituendo tribuit, nihil nisi ejus humiditas est, salinam substantiam glebæ solvens, & cum hac in vitriolum coagulanda; Quippe omne sal & vitriolum ad sui Crystallisationem multum phlegmatis postulare, ex mechanicis quam notissimum est: Cujus etiam humiditatis augendæ gratia, tostis per ignem & in struem congestis mineris, aquam bis aut ter de die adspargunt fodinarum operarii.

*Metalla ex
scoriis post in-
solationem re-
generata ipsis
inextiterunt.*

Sed metallorum ex scoriis regenerationem quod spectat, & hæc neutiquam adeo sufficienter declarata est, quin dubiis plurimis stipata observetur, hinc consequentiæ non absolutæ existat. Nam primo ambigi posset, an quæ ex scoriis post plures annos elicitur substantia metallica, non ipsis inextiterit, antequam insolationem illa experiebantur? i. e. annon relicta fuerit a metallurgis seu coctoribus incautis, aut ignaris. Deinde suspicari liceret, metallicas quasdam particulas nondum sufficienter a terreis evolutas, adeoque ad fusionem ineptas, & in illis scoriis relictas, temporis tractu vel motu intestino, vel ab aere impresso, ab illis secerni & perfici; ut post plures

plures annos repetitæ fusioni pareant. Quod posterius ut mihi persvadeam, duo pariter me monent, magni momenti. Sc. quod primo venarum aliæ divites intra octo vel decem horas excoquantur & liquecant, aliæ & pauperiores longiorem ignis vim postulent, imo nec huic soli, sed cementis demum additis, cedant, sicut officinæ metallariorum nos docent. Quod si proin ex inæqualibus & disparis maturitatis partibus vena constet, adeoque in prima coctione non statim omne, quod metalli speciem obfuscet, adimi queat; facile contingere potest, ut immaturior portio relicta, aut matura aliis implicata, temporis demum tractu maturescat, & a novo igne novisque cementis evocetur. Secundo me in hac opinione confirmat, quod non cunctæ scorix ita reviviscant & intra has pristina metalla regenerentur, cum tamen omnes aq; benignitatem cœli experiantur: ideoq; denuo concludo, si tale quid observetur, metalla in venis his excoctis saltem perfici & resuscitari, non vero ab aere huc deponi.

Atque hanc analysin applicari itidem posse puto septimo & a Digbæo *ad septimum* communicato, ab *Excellentissimo autem Borrichio* descripto experimento: potissimum cum non quælibet argilla, metallicis virtutibus utut valde imbuta, sed *ad octavum* Arcevilensis saltem hos promat fructus. Pariter octavo argumento a tindura auri petito sufficiet aeris motus, qui in pollinis aurei atomos agens, & hujus penitiora subiens aliquid forsan hujus salino-sulphureæ substantiæ dissolvit, ut reliquum metalli corpus solvens hæc guttulam unam vel alteram liquoris rubicundi formet, si ignis succedentis vim persentiscant ambo. Ab hac autem sulphureo-salinarum molecularum auro inexistentium solutione totum emergere phenomenon, odor sulphureus post continuatam satis triturationem observabilis, credere jubet, quem mihi, (nullum enim hujus operationis circumstantiarum proprium testimonium adferre possum, qui illam nunquam vidi) B. olim D. Kuferus, medicus Argentorati: si, sancte testatus fuit, quemque ex relatione Paynekii & Timpleri auct Prævotium confirmat *Laudatus Dn. Borrichius in vindic. contra Conring.*

Imo ut meam ad nonum, ab experientia locupletissima Dn. Lan- *ad nonum* gelori petitem, observatum explicem mentem, pace hujus (quem studiorum meorum Fautorem singularem veneror) dicerem, illud notabile mineræ vitrioli augmentum itidem ab aere, ut solvente saltem, non autem ut molam agente, forsan dependisse, simili ratione, ac de vitrioli in minerâ Hassiaca productione dictum fuit: Et quidem eo magis, quod in laboratorii loco calido, ubi aer magis rarefcit, ejusque motus intenditur, hoc contigerit; in loco etiam tali, ubi exhalationum etiam aquearum *ad decimum.* magna ubertas est. Ejusdem forsan generis Decimum quoque erit, ab eodem

Nobiliss-

Nobilissimo Viro mutuatum, de sulphure vitriolato, post distillationem novo sale & figuris egregiis exornato: malo tamen, quia concretum ipsum aliaque circumstantiæ me fugiunt, iudicium meum, donec melius informatus fuero, suspendere.

ad undecimum.

ad duodecimum.

ad decimum tertium.

ad decimum quartum.

ad decimum quintum.

Quæ Undecimo de sulphure & sale ex aqua pluviæ collectis allegant, nihil aliud evincunt, quam aerem, hinc aquam pluviæ quoque ejusmodi principia activa continere: His tamen universale in reliqua mixta regimen, multo minus materialem in his compingendis concursus noluit assignare *Experimentissimus eorum Autor*; nec ulli per adductas circumstantias licebit. Duodecimum a *Dn. Balduino* suppeditatum phænomenon equidem illis accenseri posset, quæ aeri nonnunquam particulas salinas inesse, svadent; illas tamen mixta materialiter ingredi, quod erat probandum, nunquam evincet: nihilo minus in hoc etiam ambiguum manet, an illis menstrui corallia extrahendi potentia aeri, an nitri fixati certis particulis, cum aqua inter distillandum alembicum transeuntibus, in acceptis referri debeat? Decimum tertium & a *Zwelferi* encheirisi petitum argumentum eandem, quam mineræ Hassiacæ Vitriolum, exigit analysin, quàm ex superioribus brevitatis causa nunc repetere nolo. Quæ decimo quarto de Antimonii diaphoretici degeneratione huc referunt, traditionem meram sapiunt, & si illud per nitrum purum probe fixatum fuerit, vanus omnis metus est; licet a nitro sale marino valde adulterato & ejus detonationi adhibito tractu temporis antimoniatum hujus medicamenti vis virulenta satis fuerit observata: Imo quamvis hæc ita se haberent, non probant tamen, quod conantur. Idem tandem habet decimo quinto a *ten Rhyne* producta tinctorum experientia fatum; Si præprimis ipsi applicentur, quæ superius in genere contra hanc hypothesein formavi argumenta.

CAPVT. V.

Conclusio.

Aeris continua agitatio.

EXpositis proin argumentis, quæ chymicorum sententiæ litem movent, i.e. Aerem in corporum alteratione nequitiam passive sed mere active se habere, persvadent; Coronidem hanc discursui præsentī impono: *Nec per sal, sulphur similiaque hypostatica principia, sed motu tantum, quod agit, præstare aerem, solamque ejus humiditatem aqueam in nonnullis concretis coagulari.*

Aerem fluidum continuo agitari, ab omnium scholarum scriptoribus conceditur, nihilque intererit, si hujus formalitatem & causam secundum *Cartesii* dogma ab ætheris interfluentis motu, siue *Boylei* hypothesein a propria spirâ

spira aut elatere derives: Supponamus, proin necesse est, (1) aerem qualibet corpora, ipsius occurfui expofita; & quæ continuam ejus allifionem fuffi-
 nent, aut horum particulas, commovere atque exagitare; i. e. eorum fitum,
 & texturam mutare: (2) Si concreta integra & fenfibiliora propter horum
 molem & gravitatem non translocet, horum partes tamen exagitare: hoc est,
 ratione atomorum fuarum, difparis figuræ atque foliditatis, illorum, quibus
 conflant, moleculas continuo diffolvere & deprædari. Hinc (3) quemad-
 modum motus corporum a craffioribus moventibus excitati, v. g. mortarii &
 piftilli, fufficiunt pro illorum compage laxanda & eorum minimis, primis pa-
 riter ac fecundis, difcontinuandis: fic exiliora aeris corpuscula particulas illas
 concretorum identidem ferientia non poffunt non continua hac quali affri-
 ctione aliquid ab his detergere, illudque fecum in motum ciere; a superficiali-
 bus citius, a profundioribus tardius. Suppono (4) fatis obviam atque certiffi-
 mam aeris craffitiei atque tenuitatis reciprocationem; quatenus ille modo con-
 densatur & comprimitur, modo rarefcit & expanditur: ratione cujus diverfæ
 habitudinis corporibus folidioribus magis minusque cedit, id est, eadem in
 fpacia, quibus includitur, modo admittit, modo ab iisdem arcet. Concede-
 rent tandem & (5) cuncti, aquearum potiffimum particularum magnam
 ubertatem per aerem ferri, feu ad hujus compagem pertexendam concurrere,
 ratione quarum falibus adhærefcentium hæc diffolvit & foluta tenet.

Præter E. illud materiale aquæum, quod aer in falibus & vitriolis diffolu-
 tis linquit, concludere nunc fas est, effectus cunctos, quos aer in terreis con-
 cretis producit, aut ab hujus expansione, aut condensatione, emergere. Illius
 generis funt (1) fertilitas terræ, cujus fal, terreftri jugo adhuc nimis fubje-
 ctum, ab aeris continuato appulfu & in infinitum quali repetita collifione pe-
 detentim folvitur & extricatur, imo cum eodem ad vegetabilium femina ho-
 rumque germina evehitur. (2) Mineralium tam in glebis immaturis quam
 ignem & aquam feu manum artificis jamdum expertis procreatio. Sicut enim
 terra nunquam fine fale eft, ita quod ejus a vinculis hujus & fulphuris magis
 liberatum, per aquam mox evocatur; quod autem iftis profundius immer-
 fum, præcedanea & potiora inftrumenta poftulat, qualia nonnunquam ignis,
 nonnunquam aer fuppeditat, ut ab his demum evolutum aqueæ fluiditati ob-
 temperet. Paulo aliter venarum metallicarum maturatio & fcoriarum revi-
 ficatio fe habere debet, hafque motus fermentativus particularum potius in-
 trinfecarum videtur præftare; cum in cavernis terræ & ab omnis aeris externi
 occurfu feclufæ exiftant venæ; quin tamen ad immaturores aeri expofitas

*Omnes aeris
 effectus ab ejus
 expansione vel
 condensatione
 emergunt.*

hujus pariter motus concurrat: si sc. harum principium seminale adhuc in motum existat, negari vix potest. Si præprimis illam ponderemus observationem, quod glebæ v. g. Vitrioli, aeris activitatem ferentes, item scorix metallorum resuscitandæ, similem fere intra se calorem concipiant, ac de venis metallicis sub terra demersis *Agricola Erasmus & Libavius* referunt: hæc siquidem prout interdum adeo ferventes observantur, ut attingere eas non liceat; ita illæ tantum non raro contrahunt æstum, qui igni actuali excitando ac stramini lignisve vicinis comburendis sufficiens sit. Spectat huc (3) animalium respiratio, sanguinis fluiditatem & motum conservans: de qua tamen, præter illa, quæ jam dum superius adduxi, nihil huic scopo conveniens dicendum restat. Ejusdem classis etiam (4) esse activitatem aeris, quam in flammam exercet, pariter ex dictis suppono: Item cunctas solutiones, quas ab aere experimur. Quod vero de ejus virtute condensatoria, hujusque in mixta reliqua potentia per specialia dici debeat, ex antecedentibus facile elici poterit; chartæ siquidem angustiores limites calami gradum sistunt.



D. JOHAN. BOHNII P.P.

EXERCITATIO PHYSIOLOGICA

DE

MENSTRVO VNIVERSALI ANIMALI.

Motu vitali quamdiu per & intra corporis nostri tubos ac canalicu- *Fluidum vivi-*
los agitatur fluidum vivificum & universale, tamdiu novis semper *ficum & uni-*
illud indiget succi nutritii suppetiis: Non tantum, quæ motoris il- *versale nobis*
lius lat. eis texturam atque impetum integrum, perennem atque *indiget succi*
æqualem semper conservent, sed in locum etiam glutinosi ac gelatinosi tomen- *nutritii suppe-*
ti, fibris solidarum machinularum intertexti, ac continuo istius appulsu deterfi *sis.*
atque deliquati, succedant. Vix enim poterat illa fluidi vibratio sive localis,
sive ejus molecularum vorticalis, sine notabili vel harum consumptione, vel
solidiorum partium attritione atque depeculatione, fieri, hincque vita nostra
non minus totius, ac singularum partium, dispendium asfiduum a quibusdam
satis congrue fuit dicta: i. e. pari ratione nobis vitalitatem imprimi, sive im-
pressam perpetuari, ac flamma oleo similive subjecto lucem atque calorem, in
destructionem nempe ejus, concedit, verosimile videtur.

Nutritimentum E. pariter, ut anima juxta Hippocratem, quo corpori no- *Succus, quem*
stro perpetuo innascatur, succus requirebatur, qui motum ac vitalitatem fluidi *chylum alias*
universalis & inde, derivatorum particularium Laticum perpetuet, solidiori- *ajunt, requiri-*
bus vero staminibus singulis nova fulcimenta suggerat, i. e. deperditum re- *tur.*
stauret, quem chylum, succum alimentarem, nutritium &c. ajunt. Cujus
producendi rationem sub diversis hætenus explicuerunt hypothesibus, suis
semper obvolutis difficultatibus: Nos vero eandem in præsentiarum, remotis
illis arbitris, hoc modo declarare conabimur.

Sc. ante omnia in fluido nostro Vniversali duplex supponendum substan- *In fluido du-*
tiæ genus, Cruor atque Serum: quorum illi sicut in nutritione hoc potissi- *plex supponen-*
mum officii assignamus, ut motu suo intestino hincque emergente calore par- *dum substan-*
ticulas feri nutritias secernat atque inspisset, seu digestionem ultimam si non *tia genus, sc.*
præstet, saltem inchoet, ita sero vitali postquam gelatinosa sua ramenta intraru- *rum, quorum*
poros partium solidarum deposuit, aut forsan alias insuper heterogeneitates *officium descri-*
bitur.

ipsi sanguinis purpuræ, vel particularibus magis humoribus, concedidit, in prima coctione primas nuncupamus vices, nulli infractioni obnoxias, sed integras semper ac perpetuas.

*Serum aliquot
post pastum
horas a chylo
accessorias
moleculas re-
cipit.*

Concipere quippe convenit Lympham sive Serum hoc sanguinis aut chyli substantia spissiore turgidum, aut eadem vacuum: qualem duplicem ejus statum præter rationem ipsa autopsia nobis confirmat. Nam perinde ac illi confor-
forme est, Serum aliquot postpastum horas a chylo accessorias moleculas reci-
pere, & ab his molem æque ipsius augeri ac consistentiam immutari, his vero
frequentiore circulatione depositis ad pristinam texturam ac simplicitatem se
recipere: sic ex animalium sectionibus reiteratis constat, humorem lymphaticorum
tubulorum modo Lymphæ simplicioris diaphaneitate splendere, modo lactea opacitate
turbari, imo serum cum sanguine venæ sectione educit, modo aqueum plane, modo
chylosum satis, conspicitur, pro diversitate nimirum temporis mox indigiti.
Ne latere poterit ullum, (modo tentamina ejusmodi haud meras nulliusque
usus curiositates cum simplicissimo credat) Serum sanguinis, calore leniore
inspissatum, plus minus gelatinosæ mucilaginis exhibere, prout vel a pasto, vel
inediam justo diuturniorem passo, hoc fuerit extractum: quæ disparitas non
raro tanta est, ut omnem fidem superet. Cum enim nuper certorum experimen-
torum gratia diversas feri sanguinis portiones ignis examini exponeremus,
sive ex balneo destillaremus, dispari successu contigit, ut ab una earum
notabilis phlegmatis quantitas prodiret, parum satis gelatinæ remaneret,
ab altera vero hujus vix paucæ guttulæ per alembicum ferrentur, quin totum
reliquum mox in offam spissam & albicantem congelasceret, mole sero
fluido pristino non tam parem, quam majorem.

*Duplex status
succu alibilis.*

In priore statu an succus alibilis, an alimenti vehiculum tantum, dici mereatur, ambiguum est: nisi forsân ejus substantiam gelatinosam priore, aquositate
vero, levi sedine tinctam, posteriore, nomenclatura magis dignam censeamus.
Ast in posteriore, & ubi munere suo in apportando victu fundum videbatur,
adeoque sibi conceditum hætenus alibile deposuerat, quæritur, an præter
illos usus secundarios, quos *Mercatus Tom. 1. l. 1. Part. 3. quæst. 94.* innuit,
humores sc. reliquos temperare & solidiores partes humectare, nihil plane
ulterius commodi corpori præstet, sed, ut purum putum excrementum,
mox ad urinarias vias & habitum glandulosum ablegetur, ac per horum
excretoria vasa eliminetur atque exturbetur.

*Quæritur:
annon potiores*

Vbi sane a communi Scriptorum asserto recedimus, problema vero hoc
paradoxum investigandi cupidis trutinandum exponimus; annon potiores
foran

forſan vires, hinc plus dignitatis, poſſideat ſerum vacuum, ſ. ex hypotheſi *habeat vires* vulgari excrementitium, quam maxime gelatiſoſum & ſatis rorulentum? *ſerum ſacrum* Hoc enim cur ſuſpicemur, vel illud ſuadet, quod notabilis ejus quantitas, con- *ſeu excremen-* tinuo quaſi fluore, ad canalem alimentorum, ſive organa aſſumptioni & di- *titium quam* geſtioni horum primæ mancipata, feratur: & quidem non tantum ſub nomi- *gelatiſoſum* ne ſalivalis humiditatis, ad & per os deſlux, ſed ex glandulis quoque ſtoma- *rorulentum?* chicis ac inteſtinalibus, imprimis Pancreate, ad ventriculum atque inteſtina emulſi liquoris lymphatici.

Dubitare equidem liceret, an hæc canalem alimentorum perluens *Dubitare li-* Lympha omnibus ſemper moleculis alibilibus deſtituatur, i. e. intra *cet, an lymphæ* glandularum conglomeratarum porulos illas omnimodè deponat, hinc *canalem ali-* illis vacua per vaſa excretoria profluat? Potiſſimum cum per ſali- *mentorum* vationes, ſive arte, ſive per naturæ motus extraordinarios, concitatas, copio- *perluens cum* ſius excreta Lympha corpus enormiter labefactet ac conſumat, & ſaliva per *etis moleculis* aliquot horas in vaſe commodo aſſervata ſedimenti candicantis modo parum, *alibilibus de-* *ſituatur?* modo plus, modo nihil plane, deponat. Imo ideo forſan contingit, ut ſames *Talis lymphæ* ſive alimentorum ſolidiorum appetitus intenſior obſervetur, quo longius a *famem exci-* paſtu abſumus: ita ut, quamvis prænſi circa duodecimam, coenam haud fa- *tat.* ſtidiamus, plus nihilominus vellicet ventriculum idem deſiderium tempore inſequente matutino aut meridiano, largiusque idem hoc epuletur. Quate- nus hic non tantum cum inteſtinorum tenuium tubo chylo ac alimentis vacuum exiſtit, ſed vaſa quoque ſeu canalis ſanguinis illius reliquias maximam partem depoſuerunt: adeoque Lympha pariter ad primas vias devoluta magis mera atq; adiva denuo evaſit. Nihilominus & eo ipſo, dum tenuior ac heterogeneita- tibus chyloſis minus refertum ſerum plus appetitus movet: non adeo incon- grue inferimus idem plus minus vacuum digerendis ac ſolvendis alimentis ſo- lidioribus maxime vacare, ac menſtrui chylicatorii nomen mereri, & quidem ratione portionis ſalivalis æque, ac illius, quam ventriculo atque inteſtiniſ te- nuibus propinquioreſ glandulæ inſtillant.

Vtut enim Salivæ notabilis portio ſputando a nobis ſingulis fere momen- *Salivæ portio-* tis, rejiciatur, in brutis nihilominus plerisque totum hujus flumen ac in nobis *nem exſpuunt* potior pars, vel per ſe, vel cum alimentis ad ventriculum ac inteſtina dimitti- *homines, plu-* tur; Inteſtiniſ vero accumbit glandula pancreatis major, cujus vaſ excreto- *rimam vero* rium ampliſſimum primo quaſi illorum limini laticem ſuum infundit; qui- *bruta, ut &* bus accedunt glandulæ Ventriculi ac Inteſtinorum tunicis intertextæ & perpe- *nos, ad inteſti-* tuo fluore ſtillantes: Vnde ſatis probabiliter inferimus, alimentorum aſſum- *na dimittunt.* ptorum gratia confluxum hunc Lymphæ ſolenniorem contingere. Atque

Non 3 hoc

hoc quidem eo magis, dum saliva peculiarem activitatem ponderamus, quam a priore evincit sal, quod post ejus destillationem, ad siccitatem usque factam, acrimonia notabili in residuo se exerit, & cujus tantillum etiam in ultimo destillato latitare, lingua pariter dijudicat, imprimis, si non recens, sed aliquamdiu digesta, saliva, destillationi exponatur; a posteriore confirmat substantia illa, sensibilis tamen admodum, alimentorum immutatio, quam in ore mox sustinent assumpta, tam odoris quam saporis intuitu, & quidem non fluida tantum, sed solidiora quoque, quæ dum inter masticandum cum Saliva intimius subiguntur, notante *Fernelio Physiol. l. 6. c. 1.* pristinam speciem ac naturam vix retinent, sed sibi animantis qualitates quodammodo admiscunt.

Sunt, qui Salivæ quandam ascribunt energiam, tum in alimenta,

tum in potum præparandum,

tum in morbos externos curandos.

Sunt Nonnulli, qui texturam saliva salinam, hincque in alimenta quodque energiam per illud etiam phænomenon pharmaceuticum comprobare fatagunt, quo mercurium vivum, si cum hoc agitetur, extinguere vel mortificare dicitur; qui nihilominus sibi metipsis imponunt: quatenus illa hydrargyri dicta extinctio non nisi ejus minimorum quædam discontinuatio atque inviscatio observatur, & globuli ejus minores trituratione divulsæ a glutinositate saliva detinentur, ut in massam magis contiguam non adeo prompte abeant, pariter ac alias per terebinthinam quoque fieri solet. Hinc quamvis ejusmodi mixtura exsiccata superficiei mortarii sub solidioris tegminis forma adhærescat, amalgama tamen spissius tantum æmulatur, quod reiterata trituratione brevi, & fractis quasi hamulis illis salivalibus, ad pristinum fluorem se recipit. Potior salivalis energiae ac \odot is inexistentiæ testis videtur humoris hujus fermentandi promptitudo, qualem passim deprehendimus: imprimis tamen annotare convenit in potus genere, quod ex milio grandi Maiz dicto, Brasiliiani sibi parant, dum grana hujus dentibus aut gingivis paulatim atterunt horum vetulae, sicque saliva imbuunt ac macerant, quæ reliquæ massæ fermentandæ, in cupis congruis asservatæ, commiscent, ut mediante hoc fermento potus acidulus atque inebrians prodeat, prout proluxius *Hier. Benzo Hist. Novi Orb. it. Job. Lerus Hist. Navig. Brasl.* aliique hæc describunt. Simile quid observare contingit in potu, quem Guianæ Incolæ ex Cassavi radice sibi peculiarem habent: dum perhibente *Betto de Ort. & Nat. Sang. cap. 1. s. 2.* quosdam ejus taleolos, a mulieribus ac pueris bene masticatos & cum saliva in pastam redactos, aliis, aqua maceratis adjiciunt, sicque mixturam hanc in fermentationem concitant. De cætero, quanta saliva in morbis externis ac cutaneis curandis vis sit, unde minimis salinis illam scaterere, probabiliter satis colligitur: diversa phænomena practica testatum faciunt, quorum, ne ex plurium Autorum lectione Lectori nostro molestia contingat, fasciculum ex *Nobilissimi Nuckii Anat. Salivæ c. 2.* commendamus.

Parem

Parem esse humoris pancreatici texturam inde auguramur, quod cum saliva easdem proprietates sensibiles præ se ferat, & eodem plane apparatu glanduloso prodeat, dum pancreaticæque ac sputuitariarum glandularum substantia ejusdem plane generis observatur. Neque dissimilis prosapia videtur Lympha glandularum, intestinis sive agminatim, sive sparsim, infixarum, ad tenuia æque ac crassa stillans. Quippe quamvis negari haud queat, potissimum chyli in superioribus tantum perfici ac ab iisdem vasis lacteis infundi: nihil tamen prohibet, quo minus in facibus coli atque recti nutritias quasdam adhuc alimentorum particulas admittamus, quibus evolvendis atque imbibendis latex ille inserviat. Gaudent siquidem crassa quoque intestina vasis lacteis, conspicuis satis, modo sectio animalis pacti congruo tempore, ubi scilicet reliquæ chyli cum fecibus ad hæc devolutæ fuerunt, administretur. Neque, si vasa aliquando offendere minime liceat, cum nonnullis ludicram mox naturam fingere convenit, quæ intestinorum tubo inferiori haud semper vasa lactea concesserit: sed potior, post intempestivam sectionem ratio hæc videtur, quod vasa lactea, sicut (tam primi quam secundi generis) lymphaticorum simul munere funguntur, ita hoc loco, ubi chylus magis dilutus ac ferofus supponi debet, vix unquam lacteo candore splendeant, hinc visum facile fugiant.

Verosimile itaque sit Lympham, quam glandulæ conglomeratæ totidem ad primas vias deponunt, *liquorem alcahest sive Menstruum Universale Animale esse*, quod in tot animalium speciebus, in tot alimentorum genera, quibus illas, imprimis vero hominem, frui contingit, potentiam solvendi exerat: i. e. quod ad assumpta speciei congrua quævis indifferenter se habet, ita ut, etsi hæc non in principia sua materialia discerpat, absque corrosione tamen & virium suarum attritione sive destructione determinatas & alimonix animalis adæquatitas particulas, cum seminii extinctione, ex iisdem educat, iisque, utpote minus radicaliter sibi combinatis, depositis integritate & activitate pristina, ad similem solutionem sive tincturæ extractionem præstandam, adhuc polleat, & viribus quasi infinitis gaudeat.

An Manibus ullius Philosophi ignis ejusmodi Philosophicus inextiterit, disquirere, hujus loci haud putamus, majoris fidei majorisque potentix æstimamus *Circulatum hoc Majus Animale*: utpote quod non tantum crebrioribus per corpus circulationibus tantæ puritatis symphonia nobiscum colludit, ut a corrumpente dissipari nequeat, ac in Laticem abiit, qui ad minimas reductus atomos, in natura possibiles, cælebs, omnis fermenti connubia spernat, prout ab Helmontio Alcahest materia pariter ac forma innuitur; sed quæ modo passive ad

Men-

Menstruum hoc animale se habebant, alimentorum particula, sol utique nomen ferebant, paucas post horas vim solventem cum illo parem nanciscuntur, adeoque *Serpens hic quoque se ipsum momordet, & reviviscendo semper mori unquam nescit*, i. e. chyli & feri chylicantis productio se mutuo & quasi per circulum excipiunt.

*Circulationis
principium,
quod est impe-
tus ille vitalis;
quin & motus
sanguinis per-
duratio unde?*

Quæ Circulationis ratio mutuaque humorum habitudo haud adeo paradoxa videbitur illi, qui potissimas corporis nostri functiones, imo totam ejus oeconomiam, per circulum quendam se respicere, serius attendet: quippe & hic illius Philosophorum axiomatis. *superius est sicut inferius, & inferius sicut superius*, (si verbis ludere fas est) veritatem observabit, sc. nec cor sine cerebro, nec hoc sine corde, nec sine his ventriculum, nec utraque illa sine hoc, munera sua exequi posse. Ast adequatum magis forsan præsentī scopo declarando erit, si ponderemus, impetum illum vitalem, quo sanguis noster agitur, chylicationis v. g. ventriculi, sicut cunctarum reliquarum actionum vitalium, causam existere primariam; econtra nihilominus motum illum sanguinis vitalem minime perdurare posse, nisi ventriculus novas semper eidem motori copias subsidiarias chylosas suggerat: adeoque qui motus sanguinis chylicationem moderabatur, ab hac, ut causa, sine qua non, sui perennitatem postulat.

*Falsa de circula-
tione animali
adducuntur
asserta,*

*subnectitur
tamen etiam
verum.*

Imo si adeptos problematis hujus arbitros postularem, sine dubio Secrum glandularum conglomeratarum vitale *Azoth animale* verum atque unicum proclamarent, dum eorum alii in ejus recremento urinoso materiam ignis sui frigidi, alii in saliva (& quidem cum lectorum nausea) testam sive \ominus suum catholicum quærunt: sed quia aliorum figmentis asserta propria superinstruere vanæ mentis est, neque forsan omnes, quas de productione ac natura sui arcani annotarunt circumstantiæ, nostro circulato animali quadrant; Artis illis filiis suas linquamus plumas. Sufficiat, innuisse, aut naturam artem aut hanc illam, æmulari, i. e. utramque suas solutiones radicales per fluidum simplicius peragere, & eodem, forsan potiore, jure naturam animale præ Artificis de ejusmodi solvente Universali gloriari posse, quod ex alimentis quibusvis sibi congruam substantiam seligat atque separet, viribus suis semper integris manentibus.

Mox equidem ingens videri poterat absurdum fluido ejusmodi simplici-ori chylicandi munus decernere, Ventriculi vero ac Intestinatorum conformationi organicæ, hujusque facultati, idem detrahere. Quod si tamen omne præjudicium, in scholis haustum, rite ac omnimode deponatur, quilibet fateri cogetur, actionem, qua ex alimentis chylus paratur, minime organicam, sed

sed similem (ut vulgo distinguunt) esse, i. e. quæ a ventriculo, ut tali, minime contingat: sed videtur hic receptaculum sive matracium tantum aliquod suppeditare, quod non modo maceranda ac digerenda ad sufficientem usque solventis actionem asservet, sed cujus substantiam ac parietes interflui totidem canales sanguiferi totidem quasi furnulos ac balnea concedunt, quibus median-
 tibus actio illa juvetur. Calor siquidem hic est, qui, motum feri illius solven- *Calor motum*
 tis dirigit, & instar motoris externi ejus impetum intendit ac quasi redintegrat: *feri solventis*
 pari modo ac in digestionibus atque solutionibus mechanicis evidens est, quæ *dirigit.*
 sine calore ambiente vix fiunt, aut ab hoc notabiliter maturantur sive accele-
 rantur. Nam & hæc digestio Animalis a coctione & elixatione non, nisi gra-
 du, differt, i. e. mitiore tantum calore peragitur: nihilominus quemadmo-
 dum in illa sensibilem magis motum a calore potentiore observamus, ita nec
 digestionem ullam, proinde nec hanc, quæ in ventriculo celebratur, sine
 motu, qualem præter Menstrui fluxibilitatem atque particularum ejus tenden-
 tias fluidum igneum subtilius seu calor, præstat, concipere valemus. Imo si-
 cuti major est caloris externi in digestionibus ac macerationibus artificialibus
 peragendis necessitas, si segniori ac lento magis motu solventis particulæ in
 solvendi moleculas ferantur, v. g. Menstrui aquei: ita profecto in hac digestio- *Digestio ani-*
 ne animali maturanda & absolvenda caloris influxu minus carere poteramus, *malis matu-*
 non tantum, quo feri agentis fluor conservetur, utpote sine quo illud in ven- *randa & ab-*
 triculo mox lentescit ac inspissatur, sed, quod potissimum, vitalis ejus motus, *solvenda calo-*
 qui causa chylicationis primaria, perpetuetur, *ris influxu ca-*
rere non pot-

Præterea etiam hoc in passu auscultandum erit *Erasistrato*, dum attritio- *est.*
 nem seu pristinam chyli productioni aliquid conferre, ait: quatenus ventri- *Attritio seu*
 culus per tunicam suam fibroso-carneam varie se vibrat suosque parietes colli- *pistura chyli*
 dere annititur, quos motus pariter inspiratorius atque expiratorius Diaphra- *productioni*
 gmatidis ac Musculorum abdominis per intervalla comprimit, quod lymphamen- *aliquid con-*
 strualis alimentis per minima atque intimius adeptetur, uno verbo, etiam hac *fert juxta opi-*
 ratione digestio, & quam hæc præstat, particularium alibilium evolutio *nionem Era-*
sistrati.
 levetur.

Minime proin stomachus alimenta, nihil plane immutata, pari ratione *Stomachus'*
 ac vesica urinam a renibus exceptam, excernit, atque intestinis tenuioribus *alimenta nihil*
 tradit: i. e. cavitatem hic suam non tantum recipiendis ad satietatem usque *plane mutata*
 alimentis accommodat, ut ex hac, tanquam promptuario, chyli materia in- *baud excernit;*
 testinis semper suppeteret, nec continuo comedendi desiderio urgeretur ho- *Sed ad ventri-*
 mo; sed vel eo ipso, dum Ventriculus caput intestinorum audit, dum moram *culum deducta*
 diuturniorem in eo trahunt deglutita, alterari quoque hæc inibi a Saliva, qua *per moram*
aliquam ibi
in moram,

in ore subigebantur; ac a Sero immediate magis ad ventriculum confluyente, verosimile fit.

Munus Ventriculi digestorium a nonnullis vocatur in dubium.

Haud latet, a quibusdam munus hoc ventriculi digestorium in dubium vocari, imo e scholis medicorum, quibus hactenus adeo gratus hospes extiterat, proscribi, aut, si mavis, ad exequias ejus pares, quales olim epati decernebantur, anatomicos invitari. Quorum pietatem in eo quamvis nobiscum laudaverint plures, quod in curando funere ministræ antiquæ ac a prima animalis creatione adeo fidelis, si forsan emoriatur, promptos se præstent: Veremur tamen, ne intempestive satis feralis Præconis munus susceperint, cum non statim sepeliendos esse illos, quos anceps sustulit mors, politicorum non minus ac medicorum legibus sancitum observemus. In argumentis illorum recensendis ac evolvendis nemini nunc creabimus molestiam: sufficit, in præsentiarum innuisse, quod, utut sub hypothesi nec coctionis, nec fermentationis, ciborum in stomacho commutatio concipi queat; vix tamen forsan deficere alias chylicationis ætiologias, quibus mediantibus syncopizans ventriculi in alimenta vis resuscitari, impensæ, ejus funeri destinatæ, revocari, & ex his ille sub reconvalescentia esuriens epulum lautum sibi polliceri queat.

Licet in Ventriculis animalium vis non chylus, sed massa inveniatur, nihil chyli ventriculo produci, aut nihil plane ad ejus productionem hunc ejusve lympham conferre.

Evidens est, in ventriculis animalium vivis, si dissecantur, chylum nuncquam, sed massam potius nauseabundam & ab illius facie quam alienissimam, reperiri: nec chyli vomitus contingere, nec circa ventriculum vasa chylum abducentia conspici: minime nihilominus ex his inferre licet, nihil chyli in ventriculo produci, aut nihil plane ad ejus productionem hunc ejusve lympham conferre. Pari siquidem ratione ac spiritus vini simileve Menstruum, Vegetabili cuidam affusum, quamdiu cum hoc agitatur, minime essentialiter subtilem & puram constituere observatur, sed tunc demum, postquam per decantationem aut filtrationem extractum a magmate separatum fuerit; & perinde ac uvis conquassatis adhuc confusum mustum, tale vix audit, torculari vero demum ab iis separatur: chylus quoque intra ventriculum paratus, quia scybalis adhuc confusus & ab horum mole subactus, sub propria forma haud apparet; nec sufficienter forsan evolutus vasa abductoria postulat.

Digestio chylicatoria in Ventriculo intestinis continuatur.

Neque tamen solum ventriculum vas illud esse, in quo digestio chylicatoria peragatur, sed eandem in tubo intestinorum continuari atque absolvi, probabile est; quatenus hæc non, nisi continuatus ventriculus, videntur, & quam tunicarum situs diversitatem in his *Riolanus* asserit, phantasæ potius, quam autopsiæ, foetus deprehenditur. Accedit quod similes succos, qualibus Ventriculus humectatur, intestina pariter recipiant a glandulis ejusdem cum salivalibus & stomachicis texturæ, prout superius dictum. Imo & eo ipso, dum præter

præter ferositates indigitatas bilis quoque intestino tenui infunditur, non sine ratione agunt, qui chylo perfectionem ejusmodi, qualem in ventriculo nunquam acquirere poterat hic, intra intestina induci, augurantur.

Atque in hoc asserto consentientes nobiscum plures offendimus equidem scriptores, in eo tamen dissentientes, an cruda plane, i. e. quibus a ventriculo nihil, aut parum admodum contigit, mutationis, an vero illa tantum, quæ in eodem prima chyli rudimenta receperant, in intestinis ultimam manum experiantur? Cruda plane assumpta secundum naturam in intestinis vix unquam reperire licet, hincque inferendum, chylicationem in Ventriculo inchoatam, tantum in his absolvi, i. e. nullum in crudiora intestinis jus esse. Posterius nihilominus probabile reddit hoc, quod præter fluores, quos ventriculus cum intestinis communes fovet, bilem quoque admittant in his alimenta, intra ventriculum macerata, ac proin hujus quoque actionem sustineat ventriculi productum: ut mittamus, illas ventriculi perpetuas contractiones vix sine crudioris æque ac omnimode digestæ, massæ protrusione fieri posse, quamvis nec rationi omnimode repugnet, aliquid chyli in ipso ventriculo perfectionem ultimam recipere.

Quod hic alterius a chylo intestinali texturæ adeoque lieni & epati tantum, quemadmodum intestinalis cordi, succus congruus existat, prout Neotericus quidam *Anonymus Gallus, de la Circulation des Esprits animaux* edisserit, difficile dictu: illud nihilominus probabile est, quibusdam assumptis chylosas particulas laxius coherere, ut a lymphæ salivalis ac ventriculi contactu facile abripi queant, & huic adaptatæ vix ulteriore digestionem aut exaltationem indigeant. Pari modo ac quasdam, ejusdem quamvis generis, moleculas interdum menstruum debilius ac simplicissimum, sine prolixiore digestionem, ab hoc vel illo vegetabili separat, pro quarum reliquiis evocandis illud, ut diversimode acuetur, aut ejus activitas aliis encheirisis juvetur, opus est. Ita v. g. tantillum equidem ex Myrrha, Castoreo &c. Spiritus vini rectificatus simplex imbibit, plus vero ejus solvit tinctura tartari aut idem spiritus vini, modo cum lixivio Salis tartari aliquandiu prius digeratur, aut eum eodem alcali sub aere humidior deliquefeat myrrha. Quidni E. in corpore animali simile quid contingere, i. e. quasdam assumptorum partes a sero facilius præ reliquis imbibi, possibile foret.

De coetere cum modo dictum fuerit, ad ultimum quasi perfectionis fastigium chylum in intestinis evehi, in quonam perfectionis seu exaltationis hujus character consistat, operæ pretium est, ut inquiramus. Ubi sane haud facimus cum *Helmontio*, qui chyli in ventriculo a fermento acido producti,

*Huic asserto scriptores qui-
dam consen-
tiunt, quidam
dissentunt.*

*Quibusdam
assumptis la-
xius coherens
chylosa parti-
cula.*

*Varia senten-
tia de chylo in
intestinis reji-
ciuntur.*

acorem, extra illius pomaria omnibus membris hostilem, a bilis alcali intra intestina destrui & in acido-salsum ejus sal converti, ait: multo minus cum Sylvii Triumviratu, seu bilis alcalicæ cum latice pancreatis acido effervescentis & sub exagitatione hac chylum a fœcibus alvinis præcipitantis pituitamque intestinale dissolventis & attenuantis, hypothesi. Quod experientia repugnet. 1. chylum esse acidum, 2. bilem cum acidis effervescente, 3. chylum a bile præcipitari, 4. succum pancreaticum existerè acidum, 5. acidorum saporem a bile in salsum converti, quatenus diversa acida bili commixta saporibus suos integros, aut amaritie fellea tantum adulteratos conservasse, novimus: unde Helmontianum æque ac Sylvianum dogma sponte evanescit, ac bilis sine strepitu in chylum dulciorem agit.

Duplicis sunt generis succi intestinalium.

Bilis succos reliquos acuit & torpescit resuscitat.

Sc. succi ad intestinum conflui vel ejusdem cum his, quos ventriculus recipit, vel diversæ ab iisdem, naturæ sunt: Priores, nempe pancreatis & glandularum intestinalium latex idem cum illis officium præstant, mox explicandum; ast posterioris generis bilis reliquos acuerit & torpescit fere resuscitare videtur. Ne enim repetamus, quod alias innotescere supponimus, illis animalibus, quorum bilis immediate magis ventriculo inspiratur, maxime voracia existere, confirmante idem in humano subjecto *Vesalio*, quod robustissimi ac voracissimi ventriculi ductum cholodochum stomacho implantatum gerebat: sane bilis texturæ adeo concentratæ videtur, quæ reliquis humoribus attenuandis atque exaltandis multum conferat.

Bilis gaudet particulis salinis & oleosis.

Ejus salino-sulphurea natura virtutem habet attenuandi.

Præter aquositatem siquidem particulis salinis & oleosis eam gaudere, vel sola smegmatica ejus natura, quam contactu declarat, & ex ejus virtute sordes eluendi ac detergendi deprehendimus, evincere poterat: quæ tamen invicem sic temperata esse, ut fluidis corporis reliquis, etiam sensu aqueis plane, omnimode & intimius commisceatur bilis, inde colligere convenit, quod aquæ infusa primo equidem fundum hujus petat, mox nihilominus ab hac eo usque solvatur, ut ambo in liquorem coloris aurei ac pellucidi, sine sensibili heterogeneitatum secessu, coeant. Quæ salino-sulphurea ejus natura, licet attenuandi virtutem in bile probabilem reddat, quam etiam pictores in viscidioribus suis pigmentis solvendis experiuntur: in corpore tamen vitali hanc magis efficacem esse, cachexiæ, quas bilis defectus parit, persuadent, singularem feri ac sanguinis visciditatem combinatam gerentes, item hoc, quod intestinis atque ventriculo vesicula fellis contactu saltem suo flavedinem conspicuam valde imprimat.

Saliva cum esca ad ventri-

Sc. Saliva, quæ prolixiore satis tractu cum esca ad ventriculum atque intestina derivatur, vel quia aeris ambientis appallum vix subterfugere valet,

vel

vel quia a vitali sanguinis alluitione maxime seclusa, mox lentescere & activita-
tis suæ aliquam portionem deponere videtur: imo ipsæ glutinosæ alimentorum
partes illam magis inviscant ac chyli insimul rudimentum primum viscidius
reddunt. Hujus proin æque ac illius causa natura bilem intra vesiculam magis
magisque concentrat, quo, tanquam flos sanguinis, qualis nonnullis audit, aut
potius fermentum hinc secretum, salivalis laticis potentiam solvendi exaltet,
utriusque autem lentorem emendet. Imo, quia haud verosimile, oranem
salivam, sine alimentis ad intestina demissam, cum horum recrementis per
anum deponi, sed notabilem ejus portionem, a vasis eorum lymphatico-lacteis
absorberi & e canali alimentorum ad canalem sanguinis, per circulum, redire.
Hujus quoque visciditatis corrigendæ causa epatica bilis perpetuo motu ad in-
testina fertur, blandior longe minusque penetrans illa, quam vesicula aliquan-
diu asservarat ac digestionem aliqualem perfecerat.

Ast quo ad *Azoth nostrum animale* revertamur, cum adeptis protesta-
mur, acetum hoc non esse acetum vulgare, i. e. ratione acoris, qualem men-
struo ventriculi communiter affingunt, nihil cum illo commune habet, sed in-
sipidum fere existit, talis enim observatur saliva ad os confluens, talis lym-
pha ventriculi ac succus pancreaticus, utut in his duobus posterioribus non oc-
cultum, sed linguæ obvium, acidum sibi conceperint, menstrui universalis
naturam ignorantes, utpote quod minus corrosivum. Et ventriculi atque
pancreatis aciditas, quamvis ingenia multorum adeo profunde invaserit, ut eam
plurimum applausu hætenus comprobata, vix amplius in dubium vocare au-
deant, merito nobis *Non Ens animale* dicitur, i. e. in corpore animali secundum
naturam haud reperitur, aut si adest, ex consensu omnium practicoꝝ pec-
culiare cruditatis stomachicæ genus constituit, ac digestionem depravat.

Cum enim scaturigo seu materia hujus menstrui proxima, serum sanguinis,
secundum naturam nunquam acidum, sed levissima potius salsedine imbutum,
existat: nec saliva, nec humor ventriculi & pancreatis, hinc emanantes rivu-
li, sibi acorem inde depromere poterunt, vel per se, vel sub chyli mixtura denuo
illius alveo infundendi. Et si sensibus nostris fidem haud derogemus, lingua
pariter ac oculus nihil aciduli in ullo eorum testabuntur: sed illa salivam po-
tius pronuntiabit insipidam, fluorem ventriculi ac pancreatis subsalsum; hic
vero in sirupo violarum, a neutro eorum affusorum laticum, aliquid rube-
dinis, qualem acida inducunt, sed cyaneum ejus colorem integrum, obser-
vabit, quamvis aliquando ab humore ventriculi tantillum viroris ipsi intro-
ductum recordemur. Ast dum nec aquea simpliciora colorem ejusdem siru-
pi alterant, ne dubites, revera aliquid salini, & quidem sensibilis, salivæ subesse,

culum & inte-
stina deriva-
tur, & per
anum deponi-
tur.

Ventriculi &
pancreatis
aciditas non
ens animale
dicitur.

Materia men-
strui proxima
est serum san-
guinis non
acidum sed
salsedine le-
vissima imbu-
tum.

præter experimenta superius producta hoc commendamus, quod nostra saliva quamvis, dum ad os confluit, linguamque præterlabitur, aquea ac insipida plane compareat, sin nihilominus ejus aliquid, sputando excretum ac vasculo exceptum, denuo delibetur, manifestam eidem linguæ salsedinem imprimat, illam sc. quam sub spumositate forsân & guttulis exilioribus, quibus rejicitur, recondit, post sui autem subsidentiam & sub majore mole exerit.

*Varia salium
productiones
tum ex urina,
tum ex capite
mortuo &c.*

Quæ ab aliis pro salis salivæ natura specialius determinanda destillatione similive mechanica tentantur, hujus loci facere nolumus, dum quantæ ab ignis diverso gradu diversaque applicandi ratione salibus eveniant mutationes, seu quam varia pro illarum circumstantiarum varietate ex uno eodemque subjecto prodeant salia, rebus chymicis leviter tinctum haud latet. Ne ab argumento præsentis alienis magis phænomenis hoc declaremus, sane ex urina, cujus sal, juxta *Helmontium*, non habet in toto natura systemate simile, quæque seri, propago, non semel post salis ac spiritus volatilis destillationem duplex adhuc separavimus sal fixius, quatenus ex capite mortuo, ad albedinem calcinato, per elixivationem sal cum marino ratione figuræ cubicæ & saporis omnimode idem, ex remanentia vero ultima denuo usta sal minime crySTALLIFABILE & alcalicum magis, educebatur; cujus posterioris solutio prioris solutionem turbat & ex hac coagulum album præcipitat, sirupo vero violarum, quem prioris solutio immutatum relinquit, virorem conspicuum in momento affricat.

*Alcabeft ani-
male est pri-
marium chyli-
ficationis or-
ganum.*

Cum E. in lymphæ glandularum intestinalium minorum texturam vix aliam, quam in salivali, ventriculi & pancreatis humore concipere queamus, concludimus tandem, *Alcabeft* hoc nostrum *Animale*, intuitu materiæ simplex æque ac quadruplex, primarium chylicationis organum esse, cui calor, ratione superius explicata, & ut causa, sine qua non, auxiliatrices manus porrigit. Quædam alimentorum genera, alias fermentescibilia, sub digestionem hac quantenus simul fermentescere, negari equidem haud valet: quoniam nihilominus, quæ alias nullo fermento auscultant, nec ab hoc suas moleculas in motum ejusmodi intrinsecum abripi patiuntur, non raro aptissima chyli subjecta existunt, fermentationem a negotio chylicatorio excludere jubemur. Et sola lymphæ est, quæ post aliqualem macerationem ex esca certas particulas evocat sibi que adaptat, atque cum his extracti seu tincturæ illam speciem, quam chylum vocamus, constituit.

*Alimenta so-
lidiora in ore*

Hunc in finem alimenta in ore non tantum probe atteruntur, sed eisdem sub agitatione hæc aliquid quoque *Solventis Universalis* adspargitur, quo humectata

meata in massam spissiore redigantur. Ventriculo vero ut vasi digestorio, *attrita in terris commixtis plus fluidi illius affunditur, i. e. quantum pro ciborum ramentis non tantum superficietenus irrorandis sufficit, sed quod penitus quoque eadem subeat ac eorum compagem, si non omnimode dilaceret, certe multum laxet. Præstat hoc partim per aquositatem suam, qua dissolvendis salinis, iisque, quæ his arctius implicantur, appropriata, partim per spicula salia, quibus in terram ac tenaciorem quamvis illorum substantiam agit, partim vero per motum illum vitalem, specificum ac individualem, seu intrinsicum, quo facile menstrua cuncta, imo illud Philosophorum Secretum antecellit. Hic siquidem est, qui aquosas ac salinas particulas moderatur, dirigit atque determinat, ut semper & ex quavis esca unius ejusdemque generis minimis connubant: talibus nempe, quales a saliva sibi relicta *Waleus* panem cum sputo macerans, frustra expectabat.*

Id est sicut vegetabilia lactescente, animalium carnes gelatinosa, substantia turgent, ita *Menstruum animale* totam equidem deglutitorum compagem macerat, dilacerat, aut laxando disponit, quo illam promptius dimittant: hanc tamen imprimis sibi combinat, reliquis eorum heterogeneitatibus spretis pariter circiter ratione, ac ex nucleis & vegetabilibus glutinosis emulsionibus ac mucilagines, ex carnibus consummata seu gelatinas provocamus. Evidentiora hæc *Menstruum animale deglutita macerat, dilacerat ac laxando disponit ad promptius dimittendum, quod probatur animalium exemplis.* in canibus atque animalibus, granis minus exorticatis vefescentibus, v. g. in quadrupedibus ac pennatibus quibusdam, quorum stercorea de assumptis fere integris adhuc testantur: quatenus album græcum ossium fragmentula, quam vis friabiliora, quam olim, continet, granivororum vero excreta maximam partem non nisi festucarum & corticum frumentorum magma, imo grana fere integra, ex succa tamen, deprehenduntur. Neque graminivororum scybala præter remanentiam herbaceam, e qua succus expressus, aliud quid videntur, ut vel eorum color atque odor evincere poterat: cujus ratione quoque ex stercorebus bovinis vernalibus recentibus, aqua non tantum satis fragrans, sub aquæ milleflorum titulo elicitur, sed eadem exsiccata & cum floribus svaveolentibus stratificata, horum aquarum fragrantiam inter destillandum notabiliter exaltant.

Quibus suppositis *Helmontio* chylicatio non adeo congrue *transmutatio* chylicatio rei in rem dicitur: tam ratione ipsius chyli, quam remanentiæ. Licet enim non recte describitur quod at, hujus tamen abolitio seu subactio non, nisi a secretionem ac translocationem rei in utriusque particularum, seu texturæ totius naturalis analysi, emergit: simili forsan

forſan modo, ac frumentorum grana ſola trituratione in farinam ac furfures redacta neutra ſui parte vim ſeminalem retinent. Imo nec cunctas qualitates aſſumptorum eſſentiales per actionem *Menſtrui Animalis* radicitus ac omnimode extirpari, vel inde ſuſpicari licet, quod corpus noſtrum pro illorum diſparitate varie alteretur, & animalium carnes ab alimentis, quibus illa veſcuntur, diverſos ſapores induant, v. g. aves piſciculis fruenter.

*Lympha men-
ſtruali ineſt
ſpecifica ani-
maleitatis
character.*

Nihilominus quemadmodum animaleitatis ſpecifica characterem *lymphæ* noſtræ *menſtruali* ineſſe, excrementa animalium diverſæ ſpeciei, uno eodemque pabulo ſaginatorum, diverſoque odore ac colore gaudentia docere poterant, quatenus & hæc vel quasdam illius impreſſiones ſuſtinuerunt, vel talis intra viſcera facta fuit ſecretio, qualis in alia animalis ſpecie minime expectanda: ſic *Fernelii* ſuperius indigitata verba hic repetere haud veremur, ſcilicet nutritiam aſſumptorum ſucculentiam *animantis qualitates aſſumere*, ſeu ab eodem *Menſtruo univerſali* ſpecificæ ac individualiter determinari, & quidem in canali partim alimentorum, partim ſanguinis.



D. JOHANNIS BOHNII P.P.

DISPUTATIO PHYSIOLOGICA

DE

DVVMVIRATV HYPO-
CHONDRIORVM.

Qui sub Automati, diversis nempe rotulis, vectibus, elateribus, clavis, ligulis, funiculis, similibusque machinulis instructi, compage corpus animale sibi concipiunt, ejusmodi necessario inter organa hujus cuncta harmoniam admittunt, cujus vi nullum illorum solitarium ad munus, quod toti debet, præstandum sufficit, sed communis inter hæc datur conspiratio & mutuum quasi consortium seu relatio, per quam sine *Datur inter corporis membra mutuum consortium,* ventriculo nec cor pulsare, nec cerebrum fluidum animale dispensare, valet, quemadmodum nec stomacho concessum alimenta appetere, digerere, expellere, nisi a cordis æque ac *ἐγκεφάλου* & potentis superioribus actuetur. Vno verbo mutux omnium viscerum atque membrorum sunt operæ, ut dubia relinquatur mens sana in principatu partium determinando seu juribus harum communibus atque dependentiis reciprocis dirimendis, de membrorum corporis, pro primatus dignitate altercantium, certamine ab *Æsopo Phryge* in fabula admonita, & *Hippocratis* æque ac *Galen*i suasu arbitri munus in contentione hac ambigua detrectat: quorum ille *de loc. in hom. text. 1.* ait, *Mihi quidem videtur corporis principium nullum esse, sed omnia similiter principium & omnia finis, ideo sc. quod text. 3. minima corporis pars omnia habeat, quæcunque & maxima;* Hic vero pro famulatu & subsidio partium mutuo confirmando *3. de usu part. cap. 11.* in hæc prorumpit verba: *Pes vero neque oculo neque cerebro deterius constructus est, omnes enim ejus particule optime se habent ad actionem, cujus gratia factæ sunt: neque cerebrum sine pede se probe haberet, neque pes sine cerebro, eget enim, opinor, illud quidem vehiculo quodam, hic autem sensu. Vehiculum E. cerebri est pes ac totum corpus reliquum, sensum autem ipsis cerebrum præbet.* *quod confirmatur.*

Per consequens de plurium membrorum, imprimis interaneorum, *Interaneorum* actione aut usu nemo, nisi meditationum figmenta, sibi promittere poterit, *conspiratio* qui consensum & conspirationem eorum non perspectam habuerit: sive hæc *scitu est necessaria,* fuerit

Ppp

que vel generalis vel specialis.

fuerit generalior ac remotior sive propinquior & specialis magis, ideoque inter bina organa stylo Helmontiano, & quidem non inepte forsan, *Duumviratus* dicenda.

Commune ventriculi officium.

Sicut autem illam ex circumstantiis diversis, ita hanc ex contentorum potius, particulari magis analogia, horumque immediata transfusione seu communicatione, auguramur, ventriculi nempe commune cum intestinis officium ex semidigestorum ad horum canalem detrusione, renum & vesicæ ex urinæ per ureteres ab illis ad hanc confluxu, folliculi fellis & pancreatis ex utriusque ductus excretorii communi ad intestinum insertione, pulmonum & cordis ex vasorum tantorum communione, & ex trajectu sanguinis ex uno hujus ventriculorum ad alterum, non immediato, sed per illos circulato &c. Hinc hæsitare ac in erroneas sententias illos abire observamus, qui lienis actionem indagaturi, commercium, quod cum epate ipsi intercedit, neglexerant, viscus hoc modo cum *Hippocrate* & *Aristotele* aquositate ab alimentis, instar spongiæ, attrahere, modo cum *Vlmo*, *C. Pisone*, *Hochstetero* & *Helmontio* cordi sanguinem arteriosum præparare, modo cum *Arabibus* plerisque & *Æ. Parisano* sanguinem aquosum, pro cordis refrigerio & humectatione, conficere, modo cum *Alex. Aphrodisæo*, *Aretæo*, *Bauhino*, *Varolio*, *Iessenio*, *Sennerto* & *Hofmanno* sanguinem crassiorem sibi ventriculo, colo, mesenterio &c. parare, unde organum hoc ἡπαρ νότον ὡς περ ἀντίζυγον audit; modo cum *Galeno*, *Oribasio*, *Avicenna*, *Fornelio*, *Highmore* &c. succum limosum & feculentum, nomine humoris melancholici, a sanguine secernere; modo, juxta *Quercetanium*, *Riolanum*, *Helmontium* & modernos alios, acidum fermentativum ventriculo gignere, modo secundum eundem *Helmontium* cum ventriculo & utero imaginationis primos conceptus formare, somnum ac insomnia concitare, testibus semen coquere & venerem inspirare; modo cum *Sylvio* intra illius cavernosam substantiam sanguinem arteriosum a superveniente fluido nerveo exaltari & plus quam perfici asserentes; modo cum *Erasistrato*, *Democrito* & *R. Epbesio* idem inutile plane ac otiosum microcosmi pondus membrumque ignavum proclamantes, sibi & scholis persuadentes.

Ad idem splenis officium indagandum requiruntur exercitia anatomica.

Hi tamen σπληνολόγοι cuncti, eo ipso, dum elucubrationibus suis anatomica exercitamenta haud rite combinabant, tantum abest, ut splenis officium verum indaginis suæ conatibus evolverint, quin potius minus lienosis quoque risum, aliisque stomachi subversionem, dogmatis suis concitarint. Seu, ut planius loquar, viscus, quod risum movere, antiquitas ridicule satis agebat, in mærores potius sui tot seculorum scrutatores anxios conjiciebat,

ut inter tot evanidas de illo theorias calamitatem publicam deflerint horum non pauci, alii de ejusdem natura penitus assequenda desperarint.

Quippe ut ab iis, quos postremos collocaveram, exordiar, quid temerarium quidve in naturam prudentem ac æquissimam injurium magis fingi poterat, quam dum posthabita organica & admirabili plane lienis structura, molem rudem, indigestam ac inutilem seu viscus nullo fungens ministerio hunc afferebant? In finitis inductionibus persuasi, naturam nec in minimis & vilioribus, multo minus in organo hoc, cujus textura mirabilis, otiosam s. frustraneam fuisse. Vix enim causam his creatoris & creaturæ cavillatoribus dicere poterit lienis prompta extirpatio actiones vitales ad sensum haud turbans, quatenus ad vitalitatem forsitan non immediate confert, seu ad vitam absolute necessarius observatur, aut ejus defectum aliquatenus supplet natura adminiculis, nobis haud conspicuis, quamvis probabilibus: perinde ac nec pancreatis extractio semper evidentiores in œconomia animali turbas movet, quod nihilominus organum nemo ἀνεργητον æstimabit.

Qui scaturiginem aquarum lienem pronunciant, quas instar spongiæ attraheret, postmodumque ad vesicam urinariam & alvum deponeret, ideo forsitan, quod hic, juxta Aristotelis dogma, illis tantum animalibus insit, quæ excrementa ventris & vesicæ habeant, illa vero, quibus vesica deficiat, v. g. Chamaeleon, splene quoque destituantur. Illis equidem propterea condonandum foret, quod membri hujus extirpationem nunquam tentaverint, minus tamen perspicaces eosdem ideo vereor, quod aquæ ductum, per quem superfluitates has de novo tracturus lien ad vesicam & alvum derivet, haud monstrarint, vel monstrare valuerint. Quemadmodum enim ex operatione illa aliquoties adornata prompte constat, animalia ejusmodi ἀσπλαγχα præ reliquis frequentius & copiosius misturare, nec alvum pigriorem circumgerere, hinc sine splene quoque plures longe ac antea acquositates ad vesicam demittere: ita viis ad hanc & intestina traductoriis quia caret idem, non video, quæ ratione, quod ab hoc absorptum, illuc secedere queat. Cum in propatulo imprimis sit ætiologia, cur liene mutilatum animal frequentius mingat: derivata sc. ad aortam descendentem sanguinis portione, spleni hactenus destinata, hinc per emulgentes ramos renes quoque impetuosius & copiosius irruente.

Terrei ac sordidi magis ingenii videntur, qui ad limositatum sanguinis terrestrium & ipso diabolo magis atrarum secretionem nobile hoc viscus damnant: carbone atro vel ideo notandi, quod nullum circa idem reperiatur vas excretorium, quod secretas inibi aut depositas feculentias s. crassamenta recreant.

recrementitia extra corporis ambitum eliminat ac expurget, dum quicquid ab illo, sive per venas sive vasa lymphatica, recedit, sanguinis alveo denuo infunditur. Neque enim, ut vulgo hactenus creditum, a venis Hæmorrhoidalibus hoc expectandum, quatenus hæ non minus cum mesenterico ramo & portæ trunco, ac cum splenico communicant, nec, quamvis hujus propagines existant, splenem hujusque venam depleant, sed huic potius sanguinem ab intestino recto, advehant. Siquidem etsi male se habente, i. e. in officio suo torpescente, liene hæmorrhoidalia illa vasa intumescant, fluantque, nihil tamen muneris excretorii ordinarii in hæc redundat; quatenus eorum turgescentia & fluxus symptomaticus sub lienis vitio ideo eveniunt, quod propter usum hujus deficientem sanguis ex eo per ramum splenicum & epar haud libere satis transvehatur; critica vero humorum evacuatio, quia extraordinaria, naturali concipiendæ aut confirmandæ vixerit adæquata. Præterea & quo demum autopsia quæstionem dirimat, si sanguinem per lienis cavernulas & venam fluctuantem, ligata prius hac, non in cadaveribus, sed animalibus vivis, contempleris non crassum, non atrum, non feculentum, sed fluidissimum, rubedinis minæ s. splendentis ac nitidissimum observabis, nisi cerebrum oculosque tuos spiritus melancholici, s. ut cum *Capivaccio Sennertus* loqui gestit, tenebricosi & opaci, æstuent, aut potius te in delirium agant.

*Splen cordi
subtiliorem
sanguinem non
preparat.*

Alteri extremo se applicant, qui ex chyli determinata portione splenem cordi sanguinem subtiliorem ac spirituascentem, i. e. qui ad fluidi arteriosi ac vitalis characterem excipiendum aptus, præparare ejusque ventriculis per arteriam splenicam & aortam infundere, autumant: prolixiore correctione vix indigentes, quod vasa chylifera hujus organi minime innuant, circulationi interim sanguinis figmento hoc insignem vim inferant. Cujus pariter notæ sunt, qui eidem cordi ab igne vitali æstuant, refrigerium aliquod refocillatorium inde promittunt, quasi aquosior intra lienem productus sanguis illius fervorem temperet & humectando illud ab aridura vindict: quippe & hi viis adductoriis & abductoriis destituti recti præcipites ac devios se sistunt. Quibus insuper associare convenit, quam præeunte *Baubino* aliisque *Hoffmannus* variis argumentis stabilire contendit, hypothesin, quasi ex chylo crassiore & terrestriore sibi, ventriculo, omento aliisque abdominis, vilioris indolis, partibus sanguinem conficiat lien: utpote nunquam comprobaturam, ventriculum v. g. & colon, præ intermediis sibi intestinis, & omenti ac mesenterii membranas præ peritonæo, peculiari frui alimonia, aut subtilissimis lienaris compagis fibrillis & membranulis crassiore succum in nutrimentum cedere; ne repetam, quæ circa canales chylum visceri huic advehentes atque immutatum distribuentes, nunquam obvios, moneri poterant.

*Neque ex chylo
crassiore
lien sanguinem
conficit.*

Pisto-

Pistorem ac fermentum intra illud qui concipiebant, haud uni massa fermentandæ hoc destinabant, i. e. modo chylicatorium, modo sanguinis perfectorium, illud proclamabant: utrique servilis satis ingenii homines, in pistrinum potius, quam pistrinam, detrudendi. Quippe horum alii ventriculo a *Falsum lienis* liene hoc subministrari sibi persvadebant, panificium in organa digestionis *stomachi offi-* primæ supponentes & chylicationis negotium operibus pistoriis analogum *cium*, fingentes: quas tamen ejusmodi fabulas stomachus nescit, nec pro iis ludendis opus habet hoc prologo s. promo condo, qui in animalibus, quibus liendextre extractus, commode appetit, digerit, imo longe voracior existit, prout præter *Celeberrimi Malpighii* experientiam & conjecturas quemlibet docebit propria observatio. Præterea quem laticem fermentativum, acidum & acrem, per totum lienis corpus diffusum hocque in substantiam raram ac spongiosam attollentem, ajunt hujus Patroni, sensus & ratio non tantum haud admittunt, sed dissuadent quoque, prout inferius prolixius ostendetur.

Qui Sanguinis conficiendi & exaltandi gratia cum tale quid deprecari putabant v. g. *Ryperus, Velthufius & Hogelandus*, illum a corde transmissum per peculiarem fermentationis modum intra hujus compagem spongiosam immutari ac ad fusionis statum perducere, asseriebant, quo tam chylo, cruoris purpure tingendo, quam toti sanguinis massæ, ultimam manum, nutritioni ac pneumatosi necessariam, imponat, seu sanguificationem juvet ac perficiat: quorum nihilominus effatum suos pariter patitur manes, fermentationem ac fermentum splenicum potius supponens, quam probans.

Dum imaginationis primas ex liene cum ventriculo & utero concitari *Helmontius* favillas, somnum & insomnia hinc inspirari, testibus semen destinari & *primas imaginationis favillas* stimulos venereos incuti, *Helmontius* fingit, sibi pariter ac experientiæ ubi *las fingens ex liene, sibi con-* vis terrarum obviæ, contradicit: ex una eademque scaturigine *Ne-* penthes ac Narcoticum propinans, dum ab eodem liene spiritus torpidos ac *tradit.* somnolentos reddi ac in orgasmos venereos evehi, ait; Somnum quoque insomnia & alacritatem genitalem illis per indirectum denegat animalibus, quæ splene mutilata, nihilominus ad vigiliarum & soporis vicissitudines satis apta, & eorum quædam ad rabiem usque lasciva, observantur.

Sanguinem intra lienem a spiritibus animalibus confluentibus digestionem quadam volatilifari & ad tincturæ s. fermenti sanguifici activitatem exaltari, theoria sublimioris ingenii est, ast eo ipso, dum ad actiones vitales evidentiores disposita valde & salacissima deprehendimus animalia *ἁσπληνα*, cur ab hoc, sive vase, sive furno, digestorio solo & unico tincturam illam universalem, chylum argenteum in sanguinem aurei coloris & nobilitatis tingentem, ex-

pectabimus? cum imprimis sanguinis & fluidi nervei commiscelam in toto corporis ambitu abunde fieri, hinc circulando per partes mixturam hanc commodius digeri & exaltari, probabile sit.

*Fluido nerveo
a sanguine
contingit ac-
cessorium.*

Non sanguini a fluido nerveo, sed huic ab illo, mediatore liene, contingere accessorium, succi nervorum nutritii primus forsan Stator, *Glissonius*, augurabatur: quasi nimirum hic, spissior & facile concrescibilis vehiculum magis aqueum recipiat, a fibris hujus membri nerveis epotum & intra ipsos nervorum canales affundendum. Sed quia (1) Colatorium, fluorem aqueum a sanguine secernens, in liene vix comparet, nec (2) cruor, per venam splenicam ab hoc refluus, crassitudinem, quam scriptor ille adeo conspicuam ait, præ se fert, nec (3.) constat, qua ratione per eundem nervorum tramitem cerebro adduci queat succulentia aquea, toti generi nervoso pro diluendo ejus alibili succo, impertienda, per quem ad easdem partes fluidum idem derivari debebat: minus probabilitatis huic quoque dogmati subesse videtur.

*Non omnes
lienis & epa-
tis duumvira-
tum bene de-
clararunt.*

Neque tamen cunctis, qui lienis atque epatis duumviratum admiserunt, meditationes suæ, quibus in hoc declarando delectabantur, æque feliciter cesserunt, v.g. qui cum *Erasistrato* illum pondus tantum, huic in sinistro hypochondrio æquilibrans, opinantur: quasi natura in dextro epar formans, ne artis suæ architectonicæ oblivisceretur, nec sinistrum inane dimittat, in hoc splenem jecori ex adverso, ornatus saltem gratia, seu ut corpus in æquilibrio magis conservetur, posuerit. Vanus siquidem sine usu observatur ornatus, nec hunc solitarium natura unquam intendit in abditarum partium potissimum conformatione; nec (ne prolixius cum hoc hominum genere conferam) molis epatis ac lienis ejusmodi est proportio, a qua librile æquum sibi promittere queat latus utrumque, quatenus hujus molem atque pondus illius molis & ponderi multo inferius rudis satis oculus & manus evincit.

Pariter qui viscus hoc epar nothum succenturiatumque vocabant, & operas socias in munere sanguificatorio utrique concredebant, illius actionem minus adæquate declarabant, sive crassioris tantum cruoris elaborationem, (quemadmodum epati tenuioris) sive totum sanguificationis negotium, huic (male affecto illo) concedentes: ob rationes partim superius indigitatas, partim alias contra viscerum sanguificandi potentiam prolatas. Refero huc *Conringium* & *Regium*, qui chylum aquosiores digestionem ventriculi nondum absoluta a liene attrahi & in sanguinem humidum ac frigidum mutari docebant, epati committendum ac in hoc perficiendum: ambos in viis ventriculo ac lienis intermediis inveniendis lufcos ac cæcutientes.

Jura & fundamentum hujus Duumviratus Splenico-Epatici illi planius explicant, qui, lienem epati in bilis confectione, aut mavis secretionē, manum porrigere, cum *Malpighio* ac *Diemerbrockio* ajunt, quorum vestigia premere nec me piget, recessurus nihilominus ab his quoad conspirationis formatam, postquam nempe ipsum hoc commercium asseruero.

Quidam Duumviratum splenico-epaticum bene explicant.

Epatis gratia lienem formari, hujusque functionem organicam illius actioni propriæ litare, adeoque huic fluido vitali non immediate, sed mediante, demum hepate, hujusque officio secretorio, perficiendo aut exaltando præsto esse, inde auguror, quod lienis producta bina tantum observentur, sanguis sc. & lympa. Quorum hanc, quia nec in modo secernendi, nec quoad excipulum, a reliquarum glandularum conglobatarum lympa discrepat (prodit enim a glandulis lienis conglobatis, hujus cavernulis intertextis per vasa lymphatica communia ad receptaculum lumbare.) productum ejus haud proprium, i. e. quod a conformatione ejus organica emergat, credere convenit: Sed sanguis, per ramum splenicum promanans, potius fluidum illud est, quod originem suam lienis constitutioni mechanicæ debet, epati destinatum.

Epatis gratia lienem formari probatur.

Quippe non venæ simplicis & communis, quæ cruorem suum in alveum communem seu venam cavam immediate deponat, splenicus canalis munus gerit, sed conformationis singularis præ cunctis venæ portæ ac cavæ ramis observatur: dum ejus interior, qua visceris hujus compagi cavernosæ continua, & per quam sanguinem hinc recipit, expansio s. diramatio non ex radicibus capillaribus, sed sinibus s. alveolis lienis latioribus, exurgit, si illas radículas minores excipias, quibus Arteriarum propagines, in stamina fibrosa & corpora glandulosa exporrectas comitantur; ita ut alveare hoc lienis perinde, ac compages, pulmonum trachææ, expansio Sinus Venosi, s. ampullosus hujus appendix ac scaturigo, videatur. Hinc sanguinem, quem epati adfert, non prout in reliquis partibus fieri solet, ab arteriarum extremitatibus & his ac sibi intermediis tubulis carnis, sed ex sinibus lienis latioribus, qui eum ab arteriarum osculis exceperant, admittit: proin lieni ac epati intermedius canalis est, per quem hoc ab illo recipit fluidum, sine quo Epar non foret Epar, i. e. ejus actio aut omnimode aut maximam partem frustraretur.

Splenicus canalis non munus gerit venæ communis.

Confirmat theoriam hanc duplex phænomenon, alterum sc. in sanguine lienari, alterum ex defectu Lienis observabile: quatenus ratione prioris sanguis qui ex vivi subjecti Liene aut ejus Vena lacerata stillat, non, ut reliquarum venarum fluor, spissus ac nigricans, sed floridus & instar arteriosi fluidissimi, cernitur, imo talis per aliquot horas sine superveniente grumescencia, se-

Cus ac venosus, permanet, ita ut mirari satis nequeam horum temeritatem, qui crassio rem & atrum sanguinem a liene redire *ἀντίπαρ* afferere non verentur.

*Errant lienis
colorem livi-
dum agentes
in proVectioris
etatis homini-
bus.*

Imo hac occasione non possum non annotare errorem illorum, qui lienis colorem lividum in proVectioris etatis hominibus naturalem agentes, hunc sanguini crassiori & nigredine sua melancholici humoris indolem exprimenti, rubedinem vero ejus, quam in foetu aut recens natis præ se fert, alimento seu sanguini ejus puriori, in acceptis referunt; quod in eorum cadaveribus sub grumi attri specie sanguinem & lienem lividum cernant, qualis tamen hic in animalibus vivis haud existit, unde nec in iis adeo obscuri coloris deprehenditur ipsum visceris hujus corpus; imo observarunt olim jamdum non semel *Vesalius & Spigelius*, hoc nec in cadaveribus jecori rubedini celsisse, adeoque Lienem hepatis parenchymate multo nigriorem non bene sani hominis pronunciarunt. Quod posterius sicut universaliter vix præsumerem, sed disparem hanc lienis rubedinem, a dispari potius cellularum ejus latitudine, & quidem naturali aliquando, depromerem: ita, quod foetibus lien splendidioris rubedinis præ adultis frequentius aut semper contigerit, exiguitati pariter alveolorum, ex quibus illius compages coagmentatur, hinc in moleculas minores sanguinem dirimentium magisque discontinuantium, hoc debent, qui in adultioribus latiores, in natu minoribus angustiores, majori æque ac minori illius molis coacervandæ sunt adequati; discontinuando itaque mineam, cumulando obscuriorem potius, rubedinem inducentes.

*Jecur bilem
producens fa-
tiscit.*

Quoad alterum argumentum, per plures satisque numerosas ex diversis animalibus lienis extirpationes evidens esse poterit, post harum administrationes Jecur in munere suo, quo nempe bilem producit, sensibiliter fatiscere. In quinque siquidem canibus, quos nuper demum successive hujus phænomeni martyres constitueram, & ab operatione illa biduum, triduum, octiduum ac brevius denuo aperueram, bilem intra folliculum suum crassam, lentam, viroris obscuri, in ductibus epaticis vero modo nullam plane, modo in thrombos congelatam & fere nigricantem, viderunt mecum astantes: In aliis vero tribus subjectis, quibus per vulnus, sub Hypochondrio dextro inflictam, simul vesiculam biliariam compresseram, sicque notabilem fellis portionem expresse- ram, post Nycthemeron biduum, it. sexto die, folliculum non omnino quidem bile vacuum, flaccidum tamen ac coloris obscure viridis, pori autem epatici propagines partim inanes, partim coagulo bilioso infarctas, annotavi, & annotabunt alii quoque, quibus adeo feliciter operari continget, quin, ut aliquando fieri solet, sub operatione prima, aut paulo post, expirent ejusmodi pro scholarum erroribus expiandis immolanda animalia.

Quos

Quos interim admonitos volo, ne qui cum lienis eductione receptaculum felleum emulgere contendunt, hoc adeo faciles successus sibi persvadeant, quasi una vel altera digitorum palpatione omne hujus fluidum elutriari queat: *Receptaculum felleum emulgeri non potest.* prohibet siquidem hoc structura cervicis illius valvulosa, qua illi digitorum apicum, quibus tantum in profundo operari licet contrectationi leviori renititur, imprimis in subjectis vivis & cum abdominis musculorum constrictoriis ac viscerum dilatoriis reactionibus; cum vix in cadaveribus & patulo satis ventre, nisi violentiore ac frequentiore compressione, omnem bilem exprimere concedatur, in quo expertos sine dubio mihi adstipulantes promitto.

Cum E. sanguinem peculiaris texturæ seu indolis, per vas excretorium singularis fabricæ a liene excipiat epar, hocque, extirpato seu deficiente illo, officio suo non rite, nec sufficienter, præsit, i.e. Bilem coloris ac consistentiæ naturalis haud conficiat, aut in hac producenda forsitan plane deficiat: non temere ac sine ratione suspicari licebit in dissolubile utriusque hujus organi commercium & sinistri Hypochondrii cum dextro conspirationem seu duumviratum, i. e. splenem bilis secretionem maxime moderari, vel ad hanc prædisponere, & quidem mediante sanguine, intra cellulas ejus congesto, seu lienoso communiter dicto.

Ast supposito hoc porro inquirendum remanet, quidnam differentiæ intercedat sanguinem hunc & reliquum venosum, seu in quo consistat illa ejus habitudo, per quam functioni Jecoris bilificatoriæ ministretur? cum denuo diversa aut a scriptoribus proponantur, aut sponte nobis emergant, cogitata, circa quæ nihilominus dubitare Philosophi est.

Vix interim e re esse videtur, multis argumentis illam quorundam discutere opinionem, quasi a sanguine illo per lienis conformationem organicam aliquid secernatur, bilis secessui alias moram nebens: Cum ex antecedentibus evidens sit, nullum circa lienem observari canalem excretorium, qui intra viscus hoc secretum recrementum, tanquam corpori inutile ac molestum, extra hujus ambitum, vel immediate ac motu continuo, vel mediante alveo ac interpolatis vicibus, eliminat.

In specie vero his, qui in sanguinem, a quositate ipsi subtrahendo, organum hoc agere, sicque ad bilis tanquam laticis magis concentrati, formam suscipiendam eum præparare autumant, cum Platone Idem Epatis aleva constitutum credentes, ut, *Dicentes lienem velut organum in sanguinem agere præmit diffcultas.* velut speculo parata promptaque semper affixa spongia, id mundum semper ac purum præstet, difficultatem parit, quod a Liene refluxus sanguis sero minus dilutus haud compareat, nec comparere queat, ad cellulas ejus ex arteria immediate ac nulla cribratione prævia depositus. Et quod for-

*Fel est lymphæ
species.*

san aquositate per lymphatica illius vasa emulgetur, glandularum, ad quas minorem sanguinis, per arteriam splenicam adducti, portionem ablegari, summa arteriolarum, in glandulas has definentium, exilitas evincit, ita quidem, ut, injecto per syringam liquore, Teste *Malpighio* omni exceptione majore, inter has & glandularum compagem internam connexam sensu assequi haud liceat, potiore ejus parte immediate magis ad cavernulas splenis latiores defluente. Cui accedit, quod ipsum Fel nihil, nisi lymphæ quædam species, sit, intra acinos hepatis glandulosos secreta, adeoque per porum biliarium, interdum leviter fatis tinctum, prodeat: aut, si hoc nimis paradoxum videatur, nonne ipsa epatis conformatio talis est, per quam non modo bilis, sed serum quoque, fecernitur, si forsan illius productioni hoc obicem poneret?

*De fluido sa-
lino & sub-
acido.*

Neque tamen ideo mihi per argumenta, magnæ alias penes me autorita-
tis, Scriptorum persuadere possum, fluidum aliquod salinum aut subacidum a glandulis Lienis cribratione quadam separari sanguinique, in cellulosa ejusdem compage undulanti, instillari, qui hunc subigat, & vel refermentando, vel præcipitando, vel in fluorem conjiciendo prædisponat, ut solutis vinculis, quibus biliosæ moleculæ sanguinis fluori hactenus arctius connectebantur, ejus colatio per mechanicum Jecoris apparatus promptius perficiatur: vel qui cum venosi sanguinis chylive particulis sulphureis, sibi intra epas specificè commixtis & excoctis, massam bilis amaricantis ac flavescens formet.

*Acidum quad-
dam sanguini
affusum hunc
fermentat.*

Dum sc. primo concepere nescio acidum quoddam, cujuscunque demum
gradus, & ubicunque demum, hinc nec intra lienis glandulas, sequestratum,
quod, sanguini affusum, hunc non tam fermentet, quam in cruorem & serum
aqueum secedere jubeat: quatenus cunctorum acidorum, vel naturalium, vel
arte chymica productorum, ejusmodi in sanguinem potentia observatur. Imo
idem a succo hoc lienari subacido pariter metuendum foret, fistagma, ex lie-
nis destillatione productum, sanguini recenter ab animali extracto, affusum
hunc, observante *Nobilissimo Malpighio*, in grumum nigricantem cogat; quod

*Lienis glandu-
las succulen-
tia acidula
colatoria non
bene dicimus.*

tamen, ut protinus addam, in mixtura hac deprehendere haud potui. Neque
secundo glandulas lienis adeo opportune colatoria hujus succulentia acidula
pronunciare licet, quod, ex conglobatarum genere, sine dubio vasis, præter
lymphatica ordinaria, excretoriis destituantur, adeoque intra se secretum lati-
cem non ad viscereis hujus interiora stillent, sed ad extra potius amandent. Mul-
to minus, tertio, unquam aliquid illius acoris, quem lienis carnem membra-
nasve sanguis interfluus sapere communiter tradunt, mea, aut aliorum, quos
Exploratores hujus rei a præjudiciis liberiores selegeram, degustare potuit
lingua: nec aqua, qua lienem bubulum, tunica sua exutum & in frustula

con-

concisum, per aliquot dies maceraveram, filtrata ejus tantillum; sed in hoc infuso pariter ac diversorum animalium sic dictis carnibus splenicis, dulcedinem potius, qualem inter alios quoque *Barberium*, de spir. Nitro aerei operat. in microcosmo in sanguine lienari adhuc calente se libasse refert, senseruntque mihi Parastatæ.

Netamen linguæ sensorio soli in re adeo ardua ac subtili arbitri partes concrederem, sed acidum, forsân occultum, magis manifestarem, variis insu- *Variis mecha-*
per usus sum mechanicis & primo quidem lienem bubulum recentem lacti in- *niciis manife-*
coquendo, an forsân hoc inde moleculas condensatrices ac motrices imbibe- *statur occul-*
ret: mutabat hoc equidem colorem & saporem naturalem, ast ejus compages *cum acidum.*
integra manebat, nihilque præcipitationis experiebatur. Syrupo violarum cæruleo idem infusum splenicum affudi, visurus hinc aliqualem (quæ acidulorum est) ad purpureum colorem illius mutationem: quam tamen frustra expectavi. Hinc nec per Pyrotechniam exin mihi promittere potui fluores salinos seu destillata acida: cum sal quoque acidum, si quod lieni subesset, ignis activitate in falsum seu urinosum commutetur. Nihilominus quo etiam hoc in passu experientia potius, quam rationi, hypothesebus formatis seu formandis non raro plus justo faventi, locum concederem, adustione vero nullum ab extra empyreuma salinæ lienis substantiæ imprimerem, aliquot caninos lienes mitiori & balnei calori commisi, horumque humiditatem ad siccitatem usque expuli, quæ peculiaris, levis tamen, fracedinis, syrupi illius violacei tincturam haud sensibilibiter immutabat.

Idem cum liquore, ex lienis bubuli maceratione emergente & filtrato, simili caloris gradu & ratione tentavi, & humiditas inde exurgens, leviter empyreumatica & ejusdem cum canini lienis destillato fracedinis, cæruleitatem illius intactam relinquebat. Cum vero reliquum infusi ex arena, blandiore igne, destillarem, ita tamen, ut prius destillatum a posteriore seorsim exciperem, i. e. certus redderem non ab adustione (ad minimum in priore) ejus falsedinem futuram: nec unus, nec alter, horum liquorum, ambo odoris urinosi, in syrupum illum acidi potentiam exerebat, i. e. ipsi rubedinem imprimebat, sed instar aliorum urinosorum, hinc ex animalium carne & sanguine quovis etiam destillati, virorem potius conciliabat, prior sc. tardius, posterior celerius. Vtrumque hoc destillatum spleneticum solutioni mercurii sublimati adpersi, quæ perinde ac alia alcalia volatilia, hanc mox in crassamentum lacteum congelabant, & in pulverem nivei coloris præcipitabant. Lacti affusa leviter hoc turbabant, & sensim in coagulum supernatans atque serum divellebant; quod salia urinosa perinde præstant, potentius tamen & celerius,

utpote magis concentrata: haud itaque salis subacidi inexistentiam hæc concludere jubent. Tandem destillati remanentiam ultimam, postquam eam pro salis (alī frustra) extractione cum aqua maceraveram, calcinatam elui, ac tantillum hinc eduxi salis haud alcalici, multo minus acidi, sed salis & marini æmuli, quod solutionem sublimati minime præcipitabat, virore tamen aliquali imbuebat, syrupum violarum.

Ex his similibusque phænomenis facile equidem, qualis futura sit salini hujus producti, in sanguinem activitas; i. e. minime, qualem alii asseverant, fermentativa, suspicari potuissem: nolui tamen nec huic soli conjecturæ Inharere, adeoque sanguini quoque, fluido æque ac congelato, illud instillavi, quorum nec unus nec alter plus effervecebat, quam si spiritu salis aromatizati aut cornu cervi irrorentur; nigrescebat tamen a salino splenico sanguis, a reliquis autem urinosis ejus rubedo magis splendebat.

Ad acidī splenici præsentiam & potentiam explorandam expectandum.

Imo ne aliquod eorum, unde acidī splenici præsentiam ac potentiam conjecturari liceret, intentatum negligere, tandem decocti & extracti splenis bovis examen aggressus, sciscitaturus, an, quas vires deopparativas ac mentes moventes in eo deprædicant vulgo, a textura salina seu vitriolica, haberet: qualem sane in decocto, cum aqua parato, libando deprehendere non potui, singularem vero & summam amaritudinem, in extracto cum spiritu vini facto, cui forsân potiori jure, quemadmodum aliis splanchnicis amaris, vim illam medicamentosam, si qua est, adscriberem. In cujus amaroris ætiologiam nunc minime disquiram, qui similem in remanentia infusi splenici, de quo dictum, post omnimodam humiditatis ex arena evocationem, hujusque nova cum aqua solutione animadverti, adustionis sine dubio productum.

Intra lienis cavernosum corpus fermentum non elaboratur.

Cum itaque ex his fatis superque elucescat, minime intra lienis cavernosum corpus elaborari fermentum, aut succum acidulum, qui vel fermentatione, vel fusione, vel præcipitatione sanguinem ad promptiorem bilis dimissionem disponat, seu vincula, quibus moleculæ biliolæ reliquis erroris partibus firmitus annexæ, laxet vel rumpat, aut qui cum substantia sanguinis portæ sulphurea fel constituat, adeoque lienis in sanguinem suum actionem haud fermentativam esse: per structuram potius suam organicam seu necessitatem mechanicam ille immediate magis præstare videtur hoc, quicquid Jecoris muneri ac fellis productioni juvanda confert. Quale quidem hoc sit ministerium, ambigere, quam determinare, mallem, nisi sagacioribus ingeniis exponere cogitata etiam minus exulta ipsum juberet desiderium, quo quemlibet, qui studia sua Philosophiæ Naturali & Arti Curatrici serio mancipavit, flagrare observamus, ac per quod melior edoceri ambit mens ingenua, nec vanæ gloriæ, sed veritatis indagini, nata.

Ante

Ante omnia proin recolligendum moneo, duplicem substantiarum heterogenearum nexum in sanguine notari, unum laxiorem & qui ad levioris tantum contactus rationem se habet, qualis est cruoris & liquaminis albuginei, alterum strictiorem, & per quem mutua magis & arctiore implicatione vincuntur seu colligantur illæ, qualis sine dubio est particularum biliosarum cum reliquo vel cruoris, vel feri, fluore. *Datur duplex substantiarum in sanguine nexus.* Quemadmodum enim illorum superficialem tantum mixtionem seu cohesionem hoc evincit, quod perinde, ac lac in fluidum glutinosum, pingue seu caseosum & aqueum seu serosum, ex quibus componitur, facile secedit, serum quoque gelatinosum a cruore sponte & sola quiete secernatur, aut levi artificio eorum divortium maturari queat: sic bilis contra, in statu naturali, nullo unquam spontaneo motu seu tendentia a sanguine extravasato recedere cernitur, sed diu latis asservatus hic nihil ejusmodi heterogeneitatis, vel subsidentis vel supernatantis, monstret.

Eundem arctiorem complexum palam facit saporis illius amaricantis adeo exacta occultatio, ut in sanguine portæ ne vestigium quidem illius lingua sentiat, ut alias in liquoribus, quibus guttula una vel altera bilis adpersa, fieri solet: quatenus partes ejus aculeatæ glutinosis sanguinis ita implicantur & ab his obtunduntur, ut pariter, ac acetum concretis terreis, similibusque v. g. coralliis, oculis cancerorum, plumbo &c. connubens, dulcescant. Imo fel in ictero, quamvis p. n. a sanguine secretum, aut per vasa biliaria ad hujus canalem regurgitans, quia sero adhuc incoctum videtur, per habitudinem sui sanguinisque mutuam, atque tendentis vitalibus reciprocis, hoc eo usque amplectitur, ut vix nisi in majoribus forsitan diluviis arquatis, illius amarorem in sanguine, venæ sectione educto, distinguere concedatur.

Cujus strictioris cohesionis & quasi conferruminationis intuitu contingere suspicor, quod natura sanguinem arteriosum & immediata seu velociore cordis vibratione appulsum, hinc rapidiorem ejus per epatis glandulas trajectionem, secretioni bilis haud congruam judicavit, utpote quali coacta seu festinata cribratione nec laxius mista semper dirimuntur: quod diversis operationibus mechanicis, in vulgus etiam notis, comprobari posset, Medicis nihilominus sufficiet illa duplex Decocta & Infusa colandi ratio, modo sine, modo cum expressione, hacque denuo nunc blandiore, nunc validiore, adornanda. *Duplex sc. decocta & infusa sanguinis colandi ratio.* Quorum sane illa quæ sine expressione colantur, plus crassamenti heterogenei pone se relinquunt, quam quæ compressa simul manica Hippocratis similive colio & impetuosius per hujus meatulos urgentur. Per consequens peculiarem hic sibi natura finxit venæ portæ conformationem, quæ quidem trunco suo per ramulos capillares, instar catararum venarum, cruorem, cujus impetus nota-

biliter jamdum retusus, recipit, eum tamen, denuo per novam & exquisitissimam porro ramificationem, acinis jecoris colatoris infundit, & per horum poros placido conamine urget.

*Borelli dogma
de circulo bilis
suspectum est.*

An felleum hoc sequestrandum sanguinis, an chyli crudioris, recrementum seu pars sit, inpraesentiarum haud ventilabo, exponam nihilominus dubitandi de *J. A. Borelli* dogmate, quo ex intestinis bilem, modo per ductum cholidochum chylo ac fecibus affusum, venarum Mesaraicarum oscula, tanquam totidem hirudines, exugere, & ad hepar denuo evehere asserit, argumentum. Sc. vel ideo circulum hunc bilis suspectum esse, quod nec intra intestinorum tubum, nec tunicas, fingi queat colatorium, quod ab assumtis chylove ac scybalis biliosum illud secernat: nec in extremitatibus dictarum venarum ejusmodi succitrix concipienda erit Organisatio; dum multae ejusdem venae Portae propagines ex ventriculo, omento & pancreate exurgunt, a quarum conformatione Mesaraica haud recedunt, vel has recedere vix probabitur; ut taceam, nihil amaritiei similisve biliosi phaenomeni in sanguine mesenterico degustari, ubi nihilominus confusanea & laxa satis foret utriusque mixtio

*Lienis officium
circa sanguinem,*

At, quia per motus sanguinis, a corde impressi infractionem, quam sub translatione ex arteriis ad venas ille patiebatur, fluor ejus, transcolationi ejusmodi secretoriae necessarius, notabiliter infringebatur, i. e. illa sine grumescentia aliquali fieri non poterat: Eidem dissolvendo, fundendo & quasi re-fermentando lien conspirat, sanguinem arteriosum, quem intra proprios alveolos congesserat, & cujus impetum primum extravasatione quasi fregerat, illi intra portae truncum affundendo, quo hujus fluor atque elasticitas arteriosa illius subsidentiam ac congrumescentiam aliquantum corrigit, & in novos motus eum concitandoejus particulas biliosas ad promptiorem secessum disponat.

*Materiam bili
adducit Vena
portae, hinc du-
plex sanguinis
genus.*

Sc. materiam bili cum sine dubio, praeter arteriam hepaticam, vena portae adducat, hacque duplex sanguinis genus vehat, equidem splenicum sanguinem solum, utpote texturae singularis, huic negotio adaequatum suspicari quid posset: Verum quia (1) natura hunc non per canalem peculiarem epatis acinos subire voluit, sed commixtum demum intra portam mesentericam, (2) totum hoc portae fluidum mediante demum colatorio illo ad cavam urget (3) sine liene quoque seu hoc extirpato bilis producit; nec, qui a mesenterio, ventriculo, omento &c. refluit, sanguis omnimode excludi debet. Sed probabiliter inferitur, splenicum formaliter aequae ac materialiter, reliquum autem portarum cruorem materialiter tantum, se gerere: & quidem illum non ratione texturae alteratum, exaltatum s. fermentativum magis redditum, sed mere arteriosum, cujus tamen motus localis eo usque

usque infraſtus, ut venoſo immediate commiſceri valeat. Non poterat ſiquidem commode hoc fieri per arteriam, ſive in portam, ſive epatis ſubſtantiam, hiantem: cum a tali inoſculationis genere abhorreat natura, quo motum ſanguinis, venoſi pariter ac arterioſi, integrum minusque turbatum præſtet; ſanguis vero ab arteria pulſante epati, ſine commiſcela illa intruſus, citius forſan, per potentioſiorem impetum epar elabatur, huiusque meatus trahat, antequam venoſus, cujus gratia appellebat, eum attingat.

Proin hæc ejus tranſuſio ſine pulſu fit, ut experimur, ſi animalis vivi vel ipſemet lien, vel ejus vena, incidatur, utpote e quorum vulneribus, ut ſuperius annotatum, ſanguis minæ ac ſplendentis rubedinis ac fluidiſſimus, i. e. arterioſus, ſine micatione tamen ſeu ſaltu, promanat: juvatur nihilominus a ſiſbris atque pelliculis, viſceris huius alveolos undique circumſcribentibus ac perreptantibus & tunicæ ejus propriæ continuis. Hoc involuſtrum, pluribus proſectoribus hætenus membraneum viſum, revera muſculoſum i. e. ex fibris motricibus contextum eſſe, oculis ac mente perſpicaciſſimus Malpighius, in epiſtola ante viginti jam dum, & quod excurrit, annos ad virum quendam Angliæ eruditum, ediſſerit, ita ut ex tranſverſalibus ſeu internis lienis fibris ſingularis congeratur muſculus, non abſimilis ſtructuræ & uſus, qualis in auriculis cordis quorundam animalium obſervatur, cujus ambitus fibrarumque intrinſecarum implicationes rete efformant, cellulas ſubjectas undique comprimens & ſanguinem ſplenicum per vas ſibi excretorium propellens.

Atque hanc hypotheſin de Uſu Lienis & Hypochondrii utriusque duumviratu, quamvis, ut probabilem tantum, venditem, non parum tamen confirmare comprobareque videntur phænomena male conſtituti huius viſceris, ſeu pathemata hypochondriaca communiter credita, quæ ſane per illam ſolam & ſine fermenti ſplenicæ corruptionibus & fæculentiarum ſplenicarum congeſtionibus, explicari valent. Potiſſimum & frequentius horum vitiorum annotatur lienis intumeſcentia, modo ſcirrhoſa, modo anomala magis, quarum illam ex lymphâ intraglandulas ejus congeſta & congelata, hanc ex ſanguinis inſtillati retentione & grumeſcentia conceipere convenit. Cui poſteriori tamen non ejusdem fluidi terreſtreitas, craſſities, fæculentia ſeu tartarus, ſed ut plurimum forſan ipſius organi cellularum parietum & involucri laxitas ſeu tonus vitiatus, quod viſceris imbecillitatem vulgo vocant, occaſioni exiſtit, ſanguinis congeſtionem uberiorem admittens, nihilve huius ex-turbans.

Porro, dum fellis productioni idem organum miniſtrare dictum, in promptu erit ætiologia cruditatum primarum viarum, hincque emergentium

Quod ſine pulſu fiat ſanguinis cujuſdam tranſuſio probatur experi-mentq.

Uſum lienis & hypochondrii utriusque duumviratum probant pathemata hypochondriaca.

Cruditatum, inflationum & ruſtum præven-

ma via de-
monstratur.

ventriculi & intestinorum inflationum, ructuum, borborygmore, quo nomine *Diocli* affectio flatuosa malum Hypochondriacum audit, alvi modo astrictæ, modo dejectionum lientericarum, biliosarum, æruginosarum & porracearum, seu melancholicorum recrementorum, Hypochondriacis familiarium. Quatenus deficiente bile digestio prima non tantum intestinalis fatiscit, sed mox in consensum rapitur ipsemet ventriculus, hinc totidem illius eveniunt symptomata: in specie vero alvum tardiores aut idem bilis defectus, aut jus visciditas, reddit, liene in munere suo torpidiore se præstante; in fluores vero, imprimis biliosos atque porraceos, concitat idem inordinatis atque impetuosioribus cellularum suarum contractionibus, hinc rapidioribus sanguinis sui ad epar tractionibus, vasa biliaria in laticis sui nimias ad intestina profusiones, hæcque ad crebriores excretiones, stimulans. Imo denique quod affectus animi vehementiores, tristitia imprimis & ira, vel soli interdum, diversa lienis vitia patrent, vel latentia moveant & symptomata varii generis erumpere faciant, profecto haud ideo contingit, quasi viscus hoc atræ bilis focus & juxta *Sennertum* ira fomes existat: Sed quia hæc similiave animi pathemata spirituum animalium motus per totum genus nervosum sensibiliter maxime turbant, lienis fibrarum motricum systoles modo inhibent, ac tardiores & imbecilliores reddunt, modo intendunt atque accelerant, seu inordinatos præstant, utraque ratione viscus hoc immediate afficientes & modo has, modo illas aberrationes concitantes.



D. JOHANNIS BOHNII P.P.

DISSERTATIO CHIRVRGICA

DE

TREPANATIONIS DIFFICVLTATIBVS.

Administratio illa chirurgica, quam trepanationem seu perforationem calvariaæ ajunt Artistaæ, diversorum equidem capitis affectuum creditur & observatum fuit remedium maxime potens ac fidum sc. Cephalææ pertinacis a J. C. Claudino de ingr. ad infirm. Quid sit trepanatio?

l. 2. c. 9. Fieno Chir. l. 1. c. 4. Rhodio cent. 1. obs. 69. & 70. Dureto Enarr. in Holer. de morb. intern. c. 1. Et Amat. Lus. cent. 1. curat. 4. Epilepsia. a Rondelet. meth. cur. l. 1. c. 41. Bened. Sylvat. cent. 1. obs. 47. Rhod. cent. 1. obs. 66. & Riverio. pr. l. 1. c. 7. Melancholia & Mania ab eodem Rondeletio. l. 1. a Rhodio cent. 1. obs. 43. & B. Sylvat. cent. 1. obs. 58. item Hydrocephali interni a M. A. Severino effic. Chir. part. 2. cap. 1. In percussionibus tamen capitis frequentioris deprehenditur usus eadem testanturque illius necessitatem ac efficaciam medicorum non minus ac chirurgorum multifaria experientia: dum eadem chirurgia in affectibus cephalicis a causa interna rarioris observationis est, ejusdemque ætiologia sapius incerta, hinc effectus salutaris in ejusmodi casibus fato forsan potius, quam consilio & arti, in acceptis ferri debet.

Nolo proin remedii hujus habitudinem ad morbos internos in præsentiarum eruere, sollicitus potius de eo, ut indicato plagarum capitis: & quidem vel ideo imprimis, quod perversi homicidarum defensores horumque interdum amanuenses, medici minus religiosi ac imperitiores, in percussionibus ejusmodi non, nisi modiolum, crepent, hinc ejus neglectum mali regiminis & erroris chirurgi speciem asserant: quo vulnus in se lethale per accidens tantum mortiferum red dere, sicque poenam criminis ordinariam in arbitrariam commutare, mercede cruenta conducti, satagant. Cui accedit, quod chirurgorum nonnulli, aut justo timidiore, in casibus urgentibus ab operatione hac abstineant, aut temere satis eidem ægros exponant, utraque ratione fato cæco & fallaci suos committentes.

Rrr

rite

rite pariter ac conscientiose casus ejusmodi quos vel infortunium seu vulneris conditio, vel ejusmodi hominum malevolorum audacia, an præcipitantia, ambiguos reddit, discernere, i. e. chirurgiam illam secundum rectam rationem suscipere, ac, an secundum hanc, an secus, in percussio hoc vel illo omissa fuerit, determinare.

Communiter hæc ab omnibus illis, qui medicinam manualemente sub certorum præceptorum directorio in artis formam redegerunt, in diareseos capite explicatur: verum, si scopum ejus primarium intueri quis velit, ex indicationibus inferius recensendis, constabit, eam commodius forsan aphæreseos speciebus accenseri, nisi in quantum aliquando ad elevationem calvariae depressæ, tanquam diorthoseos genus, eam præparat, id est, aperturam, per quam vectis elevatorius fragmento depresso, apte supponi queat, format. Quippe sicut diæresis inter quinque operationes speciales illa est, quæ unitati p. n. solvendæ, ut indicanti immediato, respondet, i. e. si per se expetatur, per illam, tanquam auxilium desideratum, aut auxilii materiam, unitati seu continuitati incongruæ immediate satisfacit, in membris sc. quæ p. n. coaluerunt v. g. in frænnuli linguæ latioris seu arctioris incisione, digitorum per symphysin junctorum separatione, ani occlusi apertione, Ancyloseos & Anchyloblephari chirurgia &c. ita aliquando alteri cuidam operationi, quæ indicanti suo pariter immediate opponitur, tantum ministratur, a cujus scopo illa non diæresis, sed v. g. Synthesis, in Herniotomia, Prosthoſis in curtorum chirurgia. Aphæresis in mammae cancroſæ extirpatione, ac demum Diorthosis, ubi musculus hujusve tendo membrum p. n. incurvans præciditur, ex consensu omnium, & forſan apposite magis, appellatur. Perinde ergo, ac calculi e vesica extractio, Paracentesis thoracis atque abdominis, venæ sectio similesque rerum præternaturalium e corpore eductiones, quæ sine diæresi fieri nequeunt, trepanatio quoque dum extractionem illorum, quæ a percussionibus capitis sub calvariæ p. n. secesserant, molitur aphæresis seu exæresis dici poterit.

Scilicet est trepanum seu trepanatio evacuans vel removens quoddam particulare ferum capiti p. n. inexistens, per foramen, calvariae terebratione inductum. Ita ut perforatio hæc cranii, quam alii excisionem & ferrationis speciem, ab instrumento, quo peragitur dentato seu ferræformi, ideo quibusdam circulum ferratum appellato, dicere malunt, foramen ossis pro immediato magis effectu agnoscat & in hoc acquiescat: eductio vero seu evacuatio materiæ cerebrum hujusve membranas lædentes, effectus sit foraminis, tanquam viæ seu aperturæ, arte paratæ.

Ex Nicolo Guidone de Cauliaco, Petro Martyre Trono, de ulcer. & vuln. cap. Berengario de fract. cran. aliisque siquidem notandum, tres præprimis circa per-

*Trepanatio a quibusdam di-
versa appella-
tur.*

percussione[m] capitis medelam offendi Sectas, diversis rationibus plagas sanan-
tes. Quarum prima est Hippocratis, Galeni, Eginetæ, Avicennæ, Celsi ac ple-
rorumque, tem antiquorum quam modernorum medicorum peritiorum, qui
in iis, ubi metus, ne aliquid sub calvaria p. n. contineatur, quod per hanc hu-
jusve fracturam, angustiore[m] egredi aut educi nequeat, eam perforant, ratio-
nem sc. hujus operationis ex natura rei petentes. Altera est Empirico-
rum, duplicis itidem classis, quarum prior sine ulla unquam operatione
manuali solis topicis & potionibus medicatis, una cum eduliis sa-
lubribus & vini potu, i. e. incarnando ac consolidando, curationis ne-
gotium absolvebat: Quod hac ratione nulla sanies generetur, tantillum
vero ejus, quod productum, medicamentis illis facile expellatur atque
exsiccecur. Secunda sola perforatione capitis vulnera hujus tantum non
omnia aggrediebatur de qua idem *tronius* perhibet, quod Nempapiæ chi-
rurgus quidam, alias doctrinatus, hospitalis illius civitatis magni aliquando
curam gesserit; a quo qui curabantur, in capite vulnerati omnes perierint, ita
ut Nosocomii curatores coacti fuerint, quendam conducere Empiricum, qui
cunctis ejusmodi vulneribus cerato medebatur, & quidem optimo cum suc-
cessu ac plerorumque vulneratorum reconvalescentia. Cujus diversi eventus
rationem scriptor judicat, quod ille primus omnes sine discrimine & temerarie
trepanarit, posterior vero singulari fato ejusmodi tantum offenderit subjecta &
casus, quibus nulla perforatio necessaria. Tertia denique secta quam Theo-
doricus Nicolus, Henricus & Lanfrancus profitentur, mediam terit viam,
dispari quamvis itidem ratione, dum priores bini post usum medicamentorum
internorum & externorum ac decursum quatuor vel quinque dierum demum
modiolum admovebant, Lanfrancus vero semper topicis utebatur & in duobus
tantum casibus chirurgiam administrabat, nimirum ubi os fractum vel punge-
bat, vel premebat.

*Trepanatio-
nem curan-
tium tres dan-
tur sectæ.
Prima est peri-
tiorum medi-
corum.
altera empiri-
corum,*

*Tertia media
ambiam te-
rentium,*

Quemadmodum autem harum prior, i. e. Hipocratica, Secta, reliquis
anteferenda, & chirurgia hæc remediis generosioribus merito accensetur, ob
præsentaneum, quod in casibus gravioribus & ancipitibus præstitisse ac præstare
auxilium, infinitis scriptorum testimoniis evincere possem: ita multum sane
eadem periculi involvit, aut sæpe frustranea seu incongrua deprehenditur;
hinc inefficax pronunciatur & vulgo, & illis, qui theoriam chirurgiæ præ praxi
amant, Medicis.

*Prior secta æn-
liquis est antea
ferenda.*

Periculi ratio in diversis consistit, qualia prolixius recensent *Joh. Baptista
Carcanus Leo de vulner. capit. Joh. Petr. Passerius de caus. mortis in vuln. Capit.*
Serm. 2. cap. 32. & Eienus chirurg. tr. 1. cap. 3. Nempe quod ab Operatione hac,
quæ in osse exercetur, labia vulneris externi inflammentur calvaria & huic sub periculis.

*Trepanatio
non est sine*

jacentes partes seu panniculi cum ipso cerebro, quatiatur ab eadem caput, hinc cerebri inflammatio intendatur, ossiculum modiololo excisum a membrana dura, cui strictius adhæret, non, nisi cum hujus fibrillarum & vasorum laceratione, avellatur, imo ab ipsius modioli trepani dentibus ac asperitatibus ossis, panniculus perforetur, atque ab hujus pariscidiis seu squammulis lādatur idem insigniter, neque osse denudata aeris externi appulsum sustinere queat, quin enormiter hinc afficiatur; quibus denique *Carcanus Leo* addit, quasi caro illa callosa, quæ locum ossis excisi explet, injuriis externis arcendis vulnere consolidato haud par existat.

Operatio trepanationis non est inutilis ac detrimentosa.

Verum quamvis aut cunctas, aut plerasque, harum circumstantiarum non omni difficultate carere, palam sit, vix tamen ab auctoribus cum in finem annotantur, quasi ineptam, inutilem ac detrimentosam plane operationem velint, per tot secula in medicorum scholis non minus commendatam, quam eorum officinis comprobata: Sed ideo potius, ne temerario ausu in illam, quasi minoris momenti negotium, ruant imperitiores chirurgi, hinc minus circumspicte operentur. Sc. per rationem aequæ ac experientiam constat, ossa aliquando quid inflammationi simile a violentiis externis pati, hinc forsā ab horum perforatione inflammari quoque interdum labia vulneris externi cum calvaria contentis. Haud nihilominus accidentia hæc perpetua & operationis individua comites sunt, & si deprehendantur, omnem renuunt medelam, quin per modioli applicati frequentiore extractionem, ejusdemque refrigerationem remedium defensivorum applicationem, commodamque deligationem iis periculis obviam ire, concedatur, imo paucissimæ forsā operationes manuales sine inflammationis supervenientis metu administrari queunt, certius nihilominus damnum ex illarum intermissione præ incerto, & cum leviori etiam reconvalescentiæ spe combinato, attendi postulat. Neque convulsio capitis, quam inter operandum adeo timet *Carcanus Leo*, tanta est, si modo a ministro illud commode detineatur, quæ cerebrum enormius commoveat & fluxionem novam patret. Porro nec a meningis laceratione & irritatione quæ violentiorem forsā ossiculi excisi separationem aut incautum modioli, rudiori operatoris manu impressi, ictum excipit, inflammatio & convulsiones, necessario metuendæ, cum dolor hinc excitatus, mox sponte cesset, aut remediis appropriatis deliniri queat. Notum enim est, festucam seu fragmentum ossis, sub fractura cranii membranæ cerebri impressum, hanc ad convulsiones & phrenitidem usque, equidem pungere atque lacerare: statim ac nihilominus hoc eximitur, dolores hos, epilepsiam & deliria in momento placari & evanescere: quare nec momentaneum hoc doloris, sine quo forsā

forſan avulſio & imperitior terebræ adactio fieri haud poterat, inflammationi reliſque ſymptomatis concitandis ſemper par erit. Ut taceam nec perpetuas eſſe in omni calvaria perforatione tales lacerationes; ſi modo peritior operator illam peregerit.

Fateor equidem, ſecundum naturam nullam inter cranium & duram materem intercapedinem dari, ſed ambas undique ſibi arctius cohæreſcere: con- <sup>Nulla datur
inter cranium
& duram ma-
terem interca-
pedo.</sup> cedo pariter *Berengario, Carcano Leoni*, & aliis, panniculum hunc in capitis collisione quavis non mox ab oſſea illa galea recedere, hinc ubi nondum ſeceſſit, nec adeo commode & tuto trepanari poſſe. Minime tamen iſdem largior, quaſi non, niſi ſeceſſu hoc facto & de illo certis perforare liceat, quatenus in Cranio fractis, trepanatione peracta, oris foraminis meningem undique adhuc cohæreſcere aliquoties vidi, & poſt aliquot dierum demum lapſum ſeceſſiſſe, nullis interim ſupervenientibus hinc pravis ſymptomatis, multo minus morte, quam ab ejuſmodi perforatione intempeſtive ſibi viſa, adeo metuit *Berengarius Cap. 35*. Et proſecto contra experientiam eſt, aut forſan non, niſi in tenerioris texturæ hominibus, obſervatur, dum eximitur oſſiculum, modiolò exciſum, huius a ſubjecta membrana avulſione dolorem, convuſſiones &c. concitari; ac quemvis docebit praxis, ſive ſtupore ſepultos ſive ſenſibus integros magis, ſub hac exemptione vix ſenſibiliter commoveri, ſeu plus moleſtæ ſenſationis vel ejulatu, vel geſtibus, teſtari. Præterea vix unquam adeo violenta ſegmenti huius oſſei a ſubjecto panniculo deprehenditur avulſio, ſed illud ut plurimum leni ac ſuſpenſa magis manu eximitur, aut ipſi modiolò inhæreſcere & cum hoc eximi obſervatur: ſine dubio, quod ambitus oſſiculi exſecti adeo exilis ſit, ut multum dilacerationis rupturæque vaſorum ex avulſione ejus a membrana non ſit metuendum. Imprimis eadem teſtaſur experientia, exempto hoc calvaria ſegmento ſæpius ſiccā plane minusque cruentatā comparare illam aut exiliſſimā tantum cruoris ſtillā per eam tranſudare facile detergendā, niſi forſan ab illo, a percuſſione extravaſato, inundetur. Addo his obſervationem ipſius *Leonis, Paſſerii* aliorumque qui graviora ſymptomata in capite percuffis expectare diſuadent, ſed omnes mox primis diebus, ſi indicans urgeat, perforare monent.

Nec pariſcidiōrum ſeu ramentorum atque ſquamularum inter forandum ſecedentium ac oſſis aſperitatum in ſuperficie huius interiore relictarum, impreſſiones panniculo adeo metuendæ, nec ideo uſum trepani formitandum eſſe *Fienus l. a.* prolixè diſſerit, vel quod illa non ſemper appareant, vel facile <sup>Uſus trepani
non eſt formi-
tandus.</sup> detergi ac tolli queant: qui pariter, aeris appuſſum modo rite temperetur, membranæ cerebri non adeo funeſtum eſſe, docet, cui hoc ſubnecto. Sc. in

Partes meningum & cerebri ferbentur aperiæ. Fracturis cranii enormioribus late satis denudari meninges & ipsum cerebrum, ac apertas & patulas relinqui & conservari has partes per plures non raro septimanas ac menses (sub prudentioris nimirum chirurgi cura) sine ulla tamen hinc superveniente vel inflammatione, vel mortificatione.

Trepanati per sitam varias sentiunt molestias.

Levioris longe momenti est illud periculum, a quo, plaga quamvis omnimode consolidata, per totum reliquum vitæ tempus homines ejusmodi vix immunes censentur, contra contrectationes externas paulo rudiores non tuti, neque aëris frigidioris inclementiæ sustinendæ pares, propter obrutaculum calvariæ perforatæ mollius minusque firmiter muniens. Quis enim nescit, quosvis capite gravius percussos, licet nunquam trepanatos, injuriis externis ferendis minus sufficere, contra quam commode operculis seu galeis, ex laminis metallicis confectis, capillitiis ac cucuphis huic incommodo prospicere detur? neque ullam futuram molestiam, vitæ ambiguae conservandæ causæ, detrectabit, ni fallor, ullus. Breviter productæ equidem circumstantiæ cunctæ difficilem reddunt operationem, adeoque circumspicte eandem aggredi moment, minime illam omnimode vetant, aut inutilem & noxiam per se proclamant.

Difficultatem parit mollium calvaria integumentorum incisio,

Interim & illud advertendum, peculiarem chirurgiæ præsentis difficultatem parere mollium calvariæ integumentorum incisionem, sine qua, aut vulnæris ad minimum illati dilatatione, dolorifica utraque, perforatio ejus raro administrari potest. Dum experientia itidem evidens est, ad apoplexiam fere seu sensuum omnium & motus torporem percussos ab incisione ejusmodi notabiliter commoveri & concuti, ut, quem non loquela, motibus tamen variis, clamore & mullitatione, exprimant cruciatum; quietos contra manere sibi-que linqui, ut modo dictum, dum terebratur os. Ast præter motum, quem dolor, & quæ hunc immediate magis excipiunt, symptomata incutiunt, aliud adhuc cutis & pericranii subest incisioni discrimen, idem nempe a quo nec capitis vulnera externa levissima immunia observamus; non cutis tantum contusæ, a chirurgo negligentius tractatæ, quo Hippocratis textus proœmialis de *Vuln. Cap.* ejusque interpretes imprimis inclinare videntur, sed incisæ quoque aut quocunque modo laceratæ, & cui solertiam possibilem adhibet ille.

Integumentorum vulnera esse mortifera probatur.

Vulnera horum integumentorum mollium simplicia, integro quamvis cranio, panniculis haud ruptis sine notabili cerebri commotione malove regimine & absque nova ulceris inkrudescencia gravia ac aliquando mortifera patrare symptomata, diversis autorum testimoniis comprobare possem, sufficient forsan eorum pauca. *Valeriolæ nimirum lib. 3. Obs. 8. Berengarii de fract. Cranii part. 2. Cap. 5. Hildani Cent. 1. Obs. 21. Joh. Petri Passerii de caus. mort. in Vuln.*

Cap. 3. *Panarola* pent. 3. Obs. 37. *Marchetti* Obs. Chir. 14. & *Carc. Leon. de Vuln. Cap. serm. 1. lect. 1.* Atque hoc interdum contingere ab inflammatione periostii, ad panniculos cerebri protensa, *Panarola*, *Hildano* aliisque equidem largior, eam tamen ætiologiam semper admittere vel ejusdem *Panarola* autopsia disfavet, qua in capite e vulnere ejusmodi succumbentis dissecto, & directo vulneris externi paucam tantum in membranis cerebri & corpore colloso nigredinem (nihil inflammationis) visam perhibet: item *Passerii*, qui in juvenis, a percussione leviter in cute syncipitis vulnerati, hincque vigesimo secundo die defuncti, cadavere nihil membranarum aut cerebri p. n. sed venas tantum, crassæ meningi intertextas, sanguine juxta turgidiores annotavit. Unde conjicio, per plagas ejusmodi, aliquando vasa, cerebro & hujus panniculis cum integumentis externis communia, præcidi & lacerari, hinc aut partium interiorum, propter circulationem turbatam inflammationem, aut sanguinis ad has extravasationem, lethalem evenire.

Idem equidem, quem modo nomino, *Passerius* cap. 24. asserto huic difficultatem movere videtur, dum vasorum præcisionem simplicem & solitariam mortem haud sequi, scribit, *alioquin abrasione nunquam utendum foret, quoniam am abradendo similiter vasa præcinderentur & mors sequeretur; quod tamen nunquam fieri arbitratur.* *Passerius* dicit: præcisionem simplicem haud sequi mortem. *Infinita enim, pergit, abrasiones non in superficie tantum, sed sæpe usque ad medullam & ultra semper a medicis factæ fuere, & quotidie sunt, nulla subsequente noxa; neque quoties in ejusmodi cranii præcisionibus (quas sedes in scholis ajunt) interitus contingit, est causanda vasorum præcisio, sed contusio potius, quam omni incisioni necessario combinari, modo prolixè asseverare annis fuerat.*

Verum eo ipso, dum quosdam ex incisionibus ejusmodi fortuitis graviter aliquando decumbere, imo perire, observamus, & quidem nulla in cranio comparante corruptione notabili, ac sine commotionis cerebri vehementioris notis, ut vel ipsum *Passerii* l. a. allegatum exemplum aliave hujus generis evincunt, meminerim etiam, me olim Lugduni Batavorum nautæ cujusdam sectioni interfuisse, qui ex mera, graviore tamen, seu majore, integumentorum capitis mollium ad calvariam usque incisione, cultro hoc hominum generi familiari, & quali in pastuæque ac pugna utuntur, facta, sine ulla contusione aut hujus suspitione, octava a vulnere accepto die sub torpore cum convulsionibus alternante, obierat, in cujus calvaria nihil corruptionis aut alterationis, membranam vero duram, ad duorum circiter digitorum latorum circumferentiam, nigricantem & cruore putrilaginoso in utraque sui superficie, cum tantillo subjacentis piz, quasi incrustatam cernere licebat, dirigente sectionem.

Non tamen ex
quibusvis in-
cisionibus.

tionem celeberrimo tunc temporis anatomico, *Van Horne*: Vascularum, cranio & panniculo cerebri communium lacerationem solam, qualem simplex incisio integumentorum externorum interdum præstat, sine contusione fractu, tave calvariae & cerebri commotione, lethalitatis causam aliquando existere posse probabile sit. Et prout facile concedo, nec quasvis incisiones calvariae huiusque integumentorum esse lethales, nec mortem rationes ejusdem semper excipere; experientiam quippe ad stipulantem mihi observo: ita nec omnes rationes illius secundi semper eventus evincere poterit vel *Passerius*, vel nullus, per eandem experientiam contrarii convicti, sc. vasis sanguiferis, calvariae & contentis ejus communibus, per illam violentiam plus minus laceratis, vid: *Carcanus Leo* serm: 2. lect. 1.

Sanies ex vul-
nere cutaneo
ad interiora
aliquando pe-
netrat.

Neque, quo nonnullos v. g. *Berengarium* l. a. inclinare deprehendo, quasi sanies ex vulnere cutaneo per poros ossis ad interiora capitis depluat, sique demum membranas & cerebrum corrumpat, adeo prompte concedere valeo, quod per vulnus patulum probeque detersum & mundificatum illa commodius evacuetur quam quod calvariae integrae minusque cariosa poros permeare queat. In promptu sunt exempla illorum, quibus sub calvaria congestum pus cranium porosius penetravit, qualia *Passerius* Cap. 32. & *Lamswerde* app. ad *Sculpt.* obs. II. recensent: nec suspectae fidei videri poterat, quam *Leo* serm. 2. lect. 6. refert historiam capitis cujusdam, ense pariter ac lapidibus percussis & a chirurgo negligentius atque ad lethalitatem usque curati: sub cujus sinuosa cute post diem vigesimam secundam non minus ac in dura meninge copiosa sanies fluctuabat, ex sinibus externis ad interiora delata, ut ex circumstantiis a scriptore hoc annotatis, satis probabile est.

Non tamen
semper.

Quia tamen Phenomena hæc satis paradoxa sunt, & erosioni calvariae, forsitan ab acrimonia puris factæ, ejusmodi porositas extraordinaria tribuenda, in priore imprimis casu, ubi pus intra meditullium potius ossis contusi, quam supra aut infra hoc, testante *Passerio*, colligebatur; neque in *Lamswerde* observationibus binis præsto sit ratio, quo minus saniem non sub calvaria productam, sed ab hac confusa seu fracta sensim ad membranas destillasse, credam, sc. quod in priore subiecto symptomata, a primo lapidis impetu concitata mox, cessarint, dolore tantum ad vigesimum usque diem remanente actum in cute integra non primis statim infortunii diebus comparuerit, sub qua mora laminam cranii utramque simul ad porositatem singularem erosam fuisse auguror, (ut ut ejus habitudinem neque in percussis vivis, neque horum cadaveribus, ipsemet scriptor allegatus exponat.) Minime ideo saniem ex labris vulneris aperti cranium integrum penetrare, inferre licet, quod exterius collecti puris moles

moles exigua, utpote quotidie deterfis, deficiat etiam comprimens & urgens, quo illud porositati ejusmodi cœcæ impellatur v. g. dum spiritu demum compresso *Passerii* percussio recrementum illud per poros cranii egrediebatur. *Carcani Leonis* historiam quod concernit, nec illa transudationem hanc puris ex vulneribus cutaneis undiquaque firmat, quod nimirum in illo casu sub repagulo seu involucri cutaneo crassiore santes forsan copiosius congesta ac compressa, & fortiore quasi expressione per poros calvariae, aut suturas potius, quibus percussiones hincque producti sinus externi viciniore, ad interiora coacta fuerit: quale premens in illis apertis s. incisionibus arte factis deest. Ast quoniam compages cutis sine dubio porosior & laxior præ calvaria ossea est, nihilque porositatis extraordinariae in calvaria conspexit aut annotavit Auctor, in hoc casu, licet in puero quodam illam tenuem, raram ac porosam seu infinitis foraminibus sensui patentibus scatentem animadverterit: *Serm. 2. lect. 5.* ambiguum adhuc penes me manet, an pus, in duræ matris locis diversis & regionibus sinuum cataneorum subjectis repertum, ex his per cranium descenderit, an potius ex interiorum pariter vasorum ruptura evenerit; potissimum cum primus cum vulnere, gladio inflicto, manifeste communicarit, hocque illius pus libere admiserit ac transmiserit.

Hinc potius, quod superius per Autopsiam anatomicam supposui, re-
to, vasorum sanguiferorum nonnulla, non minus ac nerveas & membraneas
fibrillas, a dura matre ad pericranium & cutem ac ab his integumentis externis
ad interiora capitis, non tantum per suturarum hiatus sed hinc inde per ipsa
calvariae ossa horumque cœca foramina quoque, ferri, sine dubio pro meditullio
calvariae, hujus tabulis binis interjecto, vitaliter irrorando; quamvis in
horum ramulorum traductione seu dispensatione insigniter ludat natura, mutetque
eorum magnitudinem ac penetrationis locum, ita ut illi aliquando visum
fugiant, interdum evidentiores conspiciantur; cujus rei testem nunc unicum,
magnæ tamen fidei & peritiæ, sc. aliquoties jamdum nominatum *Carcanum Leonem*
provoco, qui *serm. 1. Lect. 11. & serm. 2. lect. 5.* hoc vasorum interiorum
cum externis commercium immediatum seu continuitatem & foramina Cal-
variae, per quæ illa feruntur, manifesta ait. Quod si proin capitis parti illi,
ubi aliquod vas sanguiferum cranium permeat, hujusve cuti musculosa &
pericranio vulnus infligatur, sicque vasorum horum aliquod laceretur; ab
hoc, imprimis majore, sine errore externo aliave causa, graviora symptomata
evenire possunt.

Vasa quadam sanguifera ab externis ad interiora capitis feruntur.

Vasa interna cum externis habent aliquod commercium.

Atque hoc quidem triplici forte ratione, vel quod os subjacens hinc con-
tabescat & corrumpatur, proin sanies ex hoc deplua membranas ac cerebrum
rodatur.

Triplex ratio, cur graviora symptomata

*base aliquo la-
cerato esse-
niant.*

rodatur, & in putrilaginem cieatur; vel quod meninges certæ portioni alimonia vitalis ad sphacelum usque subtrahatur, aut in hujus & cerebri plexibus, vasi præciso continuis, circulatio turbetur, sicque inflammatio & gangræna mortalis contingant; vel quod sanguis ad panniculos extravasetur ibique putrescens eos cum cerebro corrumpat. Quale quid insuperius productis observationibus evidens reddunt pus, inter calvariam & duram meningem in ejusmodi casibus, juxta *Valeriolam* & *Berengarium*, detectum, super eadem extravasatus illaque inflammata, testante *Hildano*, nihil præternaturalis, nisi venæ, eidem panniculo intertextæ, sanguine turgidiores, annotante *Passerio*, ac pauca utriusque membranæ & cerebri nigredor, ex autopsia *Panarole* locis allegatis.

*Ab incisione
artificiali ma-
li ebentus sunt
metuendi,*

Paria symptomata similesque eventus ergo metuendi sunt ab incisione artificiali, si scilicet vasa capitis, ab intra ad extra & contralata, sub illa continui solutionem patiantur: qua sanguis modo ad meninges & cerebrum restagnat, modo ad illas & hoc profunditur, modo ejus effluxus intercipitur, sicque mortificantur eadem cerebrum ac totum; corruptionem ossis vero hincque tabum necroticum hoc in casu, ubi nimirum ossis portio modiolò excinditur, difficilior forsitan concipere licet.

*Atmosphæ-
ræ habitudo est
periculosa tam
endémica.*

Quod sectionis, hincque totius operationis, periculum evidentius intendit atmosphæræ habitudo non tantum endémica, per quam certis locis seu climatibus vulnera capitis, quamvis exiliora, maxime exitiosa existere palam est, Hispaniæ præ Germania, notante *Sebizio Exam. vuln. prodrom.* part. 3. sub & circa lineam æquinoctialem, testante *Pavio in Hipp. de vuln. cap.* Lutetiæ Parisiorum, innuente cum *Guidone de Cauliaco Paræo Chir. lib. 10. c. 8.* Florentiæ referente *Vido Viduo de curatione membrat. cap. 2. Jerem. Marrio obs. 18. & Jo-*

quam epidemica.

hanne *Vdalrico Rumlero obs. 26.* sed Epidémica quoque quæ iisdem vulneribus interdum exitium affert v. g. qualem olim aerem mantnanum per aliquod annos extitisse, *Marcell. Donatus de Variol. cap. 2.* Mediolanensem aliquando: *Cardan. 6. aph. 18. & de Bergomeni Passerius de caus. mort. ex vuln. cap. 1. & 2.* asserunt. Quibus accedit, quod *Pigraus Chir. lib. 4. c. 9.* scribit, contingere seu observari quosdam annos, quibus vulnera capitis maximam partem existant mortalia, sive levia sive gravia fuerint; & quidem per certam aeris conditionem seu habitudinem, qualem explicare difficillimum. Perinde forsitan ac alios morbos sporadicos aliquando epidémicos evadere & unum alterumve mensem gravidis & puerperis difficiliores & exitiosos magis existere ac frequentiores distocias in iis fieri, palam est variolos & morbillos plus minus malignos crassari, febriumque indolem sensibilibiter mutari, quotidie observamus. Sub ejusmodi igitur cœli statu fatali, sive perpetuo sive temporario,

rio, quid mirum, si administrationes chirurgicæ, quas Diæresis inprimis comitatur, non adeo feliciter semper succedant, seu salutare semper eveniant.

At quod frustraneo conatu eadem trepanatio nonnunquam administratur eamve effectus desideratus haud excipiat, hujus, ni fallor, duplex posset allegari ratio nimirum vel quod chirurgus inconcinne minusque dextre operatus fuerit, vel quod sine adæquato indicante & posthabitis prohibentibus magni ponderis operationem susceperit idem, vel decreverit ac jusserit medicus, i. e. uterque temerarie & haud perite egerit.

Cur trepanatio frustra sepe administratur, duplex ratio.

Errores operantis recensere, præsentis scopi haud est, qui illum nunc informare s. operandi modum exponere nolo, cum curæ mihi potius sit ratio inveniendi hoc auxilium s. auxilii instrumentum, aut eruendi ejus indicantia in capitis percussionibus. Vnde, quam infinitis modis falli queat ille, qui inconsideratius negotium suadet aut aggreditur, elucescet, quam quæ præceptis aliquando sit illorum judicium, qui ex incautius observatis in cadaveribus percussorum, culpa medici vel chirurgi administrationem hanc neglectam vel omissam fuisse sibi persuadent.

Scilicet non ipsa percussio, non fractura, ut talis, chirurgiam hanc indicat, sed certæ quædam hujus conditiones seu adjuncta. Inter quæ in præsentiarum haud referam cranii depressionem talem, quæ terebriformi elevatorio restitui aut cui vectis submitti nequit, ita ut huic parandus sit per trepanum ad interiora aditus adæquatus: cum tanquam evacuatorium remedium & Aphæreseos speciem me illam contemplaturum, sub principio statim hujus dissertationis meminerim. Ergo indicans ejus generalius & adæquatum erit, quicquid occasione percussionis, lapsus similisque violentiæ præter naturam aut ad *εγκέφαλον* detrusum delapsumve huic situ molestiam creat & exitium minatur; aut a quo ejusmodi descensus rei toto genere præter naturam metuendus erat.

Sunt certæ adjuncta, quæ chirurgiam hanc indicant.

Ad interiora calvariæ præcipitantur cruor, sanies, lympa & ossis fragmenta, quæ sui eductionem postulant: ne fluida illa aut mole membranas ac cerebrum premant, aut acrimonia, quam habent vel putrescendo seu supurascendo contrahunt, rodant, vellicent ac mortificent; fragmenta vero si non premendo, minora scilicet & leviora eorum, certe laceßendo ac stimulando, inprimis vero asperitatibus atque aculeis suis pungendo atque lacerando, urgeant. Qualium Aphæresis adornatur aut per fracturæ, casu fractæ, hiatus, aut, si talis non adfuerit, vel angustior & depromendis illis minus adæquata extiterit, per aperturam consilio & arte parandum. A quo vero descensus rei præter naturam seu saniei metuendus, ossis caries est, quam post vulnera capi-

Cruor, sanies, lympa &c. sui eductionem postulant.

tis, vel a sola ac simplici calvariae contusione, sine sensibili fractura, experitur hæc, quæ saniem ad meningem stillat, rodentem pariter ac spaculantem.

*Hinc ferra-
menta ab ex-
tra immittun-
tur.*

Quibus forte non incongruum erit accensere (quo *Leonem & Botallum* quoque collimare observo) ab extra immissa, ferramenta, v. g. lingua & globulus, sive calvariam omnimode superarint, sive eidem incuneata hæcant: & quidem hoc aliquando adeo tenaciter, ut citius calvaria vel infixa res in frustra divellatur, quam eripiat hæc. In quali casu ad imitationem *Botalli de vuln. cap. 17. & 27.* si v. g. globulus, sclopeto elisus, forcipibus congruis comprehendi aut protrahi nequeat, modiolus tantæ latitudinis erit applicandus, qui globulum non tantum, sed portionem aliquam calvariae majorem minoremve, pro diversa ejus contusionis peripheria, complectatur, sicque una cum circulo ossis plus minus angusto excindatur ille.

*Ossi fractio sta-
tim occurren-
dum, ne inflam-
metur.*

Fracturam calvæ equidem, ut talem, una cum carie ejus perforationem solitarie ac imprimis indicare *Gourmelinus* scribit, quasi os fractum nisi ipsi tempestive occurratur, gravi inflammatione concipiat. Sed ratione fracturæ aut erroneus, aut obscurus, valde videtur scriptor hic, quatenus non omni fracturæ, rite tractatæ, ejusmodi inflammatio corruptiva supervenit, sed fissuras tantum occultas atque contusiones cranii excipit, utpote per quas medulla vasculosa intra diploen illius laceratur, hinc sanguis extravasatur vel ad illud tabularum interstitium, vel si rima interiori laminam penetret, ad meningem crassam profunditur. Ubi putrescens in pricre casu ossi, ac deinceps per consensum seu vicinitatem partibus internis, corruptionem minatur in posteriore immediate in eundem panniculum, sicque in tenuem & cerebrum, mortaliter agit; quod periculum tempestiva & cauta trepani applicatio sine dubio declinat.

Declinat proin hoc dogma pariter *Gourmelini* & siqui alii hoc fovent, firman contra assertum, quo non tam fracturam, quam ejus nonnullas circumstantias, aut alia insuper, hoc evacuatorium instrumentum postulare, superius dictum fuit: & quidem primo cruor extravasatus, modo aut nulla fractura subsit, aut hæc illi transmittendo, ratione angustiae, non fuerit adæquata.

*Sanguis ob
percussiones
capitis ad in-
teriora pene-
trat.*

Sanguinem a percussione capitis cum & sine fractura calvariae, eaque minore, ac majore, extravasari & ad interiora ejus deponi, frequentior cada-verum testatur autopsia sc. ex vasis aut duræ aut piæ matris ac cerebri, aut duræ matri ac calvariae intermediis, aut vasculis medullarem utriusque hujus tabulæ intermediam substantiam percurrentibus, per fissuram vel contusionem utriusque aut interioris saltim laminæ ruptis, hinc cruorem ad duram matrem certofundentibus: at non æque facile in percussis viventibus hoc dignoscitur, imprimis si nulla omnimode, aut non evidens, contigerit fractura, vel si cruor lento

lento magis motu, v. g. ex diploe lacerata, defluxerit. Satis probabiliter equidem ex ictus capitis majore momento seu vehementiore ejus contusione fractam fuisse calvariam, commotum valde cerebrum, hinc rupta vasa, auguramur, quia tamen aliquando magnam violentiam tale quid non præstare, minorem patrare, multijuga experientia edocemur, insufficiens erit conjectura a violentia infortunii petita. Neque ipsam factam fracturam certo semper *Fracturam ex signis baud dignoscere licet,* dignoscere licet, dum ejus quædam signa aut nulla, aut fallacia sunt, nec sensibus illam semper dijudicare datur, nempe si sine vulnere externo, aut exiliore capillaris, extiterit, aut illa fuerit species, quam contusionem communiter ajunt. Vel quamvis ad extravasationem sanguinis percussis plerumque mox graviora superveniant symptomata, sc. oculorum rubedo, vomitus biliosi, motus impotentia, sensuum stupor & somnolentia; post aliquot temporis momenta tamen aut intra unam vel alteram horam eadem aliquando evanescent, ab ejusmodi etiam cerebri commotione, quæ vasis sanguiferis integris relictis contingit, adeoque forsan non inepte incruenta dici posset, evenientia; hinc non semper & necessario sanguinis ad interiora profusionem portendunt: quemadmodum contra aliquando etiam brevi disparent, sicque securos nos reddunt, ex improvise recidivantia. Majoris forsan ponderis illa sunt, si sanguis per nares & aures simul prorumpat, verum nec talia perpetua sunt, sed tunc demum observantur, ubi laceratio vasorum ingens & cruoris extravasatio major, cum nihilominus tantillum quoque sanguinis, quod sine notabili cerebri commotione, ac nullis hæcenus symptomatis se prodit, temporis mora horum lethalia patrare queat ac soleat. Ita ut asserere non verear, cranium non tantum aliquando leviter contundi, sed evidentius atque enormiter quoque confringi posse, nullis aut non magni momenti illorum symptomatum supervenientibus: quemadmodum nihilominus haud audiendi, qui, quod in ictus momento homo non ceciderit, non vomuerit, nullam sensuum interruptionem passus fuerit, ejus calvariam integram & illasam, nihilque sanguinis sub illa extravasatum, pronunciant.

Imo etsi vel ex symptomatis supervenientibus ac perdurantibus, vel ex *Quod ulterius declaratur.* fractura evidente satis, probabiliter conjicere liceat de cruore sub calva, locum tamen lacerati vasis, hinc hærentis cruoris, hæc signa minus determinant: Sc. an e regione percussione externæ lateat, an secus, an immediate sub calvaria, an sub membrana dura, aut in ipso cerebro, an immediate sub calvaria, an supra cerebrum, an sub eodem. Autopsia quippe in plagis ejusmodi defunctis quam frequentissime ostendit, rupturam aliquando existere in loco a percussione loco remotiore sub contrassuræ v. g. nomine, vel ex summitate v. g. capitis

istui viciniore, super dura matre profundius descendere versus temporum a ut sphenoides ossa, sanguinem extravasatum, unde nulla arte educi, aut certo, quod ibi existat, haud judicari potest.

Difficulus discernendus est sanguis extravasatus.

Eadem nobis difficultas manet in discernendo sanguine extravasato, sub calvaria immediate collecto, ab illo, qui sub panniculo crassiore, meninge tenui in anfractibus & ventriculis, cerebri hæret: qualem nihilominus quam diversum situm cadaverum sectiones manifestant, quemque educationem illius per aperturam, modiolò factam, plus minus turbare rationi atque experientiæ conforme deprehenditur. Quamvis hoc loco *Carcano* contradicere frequentiore autopsia & relationibus multis, Facultatis nostræ judicio expositis, persuasus, nullus dubitem, prolixa ratione & experientia locupletiore asseverare conanti, quasi vasa duræ matris non facile rumpantur, utpote solidiora ac firmiora, hinc non nisi, rarissime, immediate sub calvaria, seu super crassa cerebri membrana, cruor extravasatus conspiciatur. Sæpius cum dicto loco vidi, hujusque situs non adeo infrequentis veritatem multis exemplis vel ex sectionum, quas jussu Magistratuum diversorum locorum administravi, collectaneis manuscriptis vel ex facultatis nominatæ responsorum voluminibus producere possem, nisi supervacaneum hoc futurum crederem. Miror proin hallucinasse in re adeo manifesta scriptorem alias magnæ doctrinæ & peritiæ, & cui profecto in hoc argumenti genere multum debent, qui ejus opus frequentius volutarunt.

Nova ratio, cur trepanationis operatio fiat irrita.

Aliam potius addo nunc trepanationis difficultatem seu circumstantiam hætenus vix ab ullo scriptorum animadversam, cujus nihilominus ratione irritam fieri aliquando operationem necesse est. Sc. idem *Carcanus Serm. 2. Lect. 5.* nunquam equidem se sanguinem, sub osse extravenatum grumosum conspexisse, ait, ast talem non raro observari, itidem per experientiam assero, provocans simul ad aliorum medicorum sectiones seu autopsias, quas ejusdem facultatis nostræ censuræ diversis temporibus illi submiserunt, mecum testantes, sanguinem sub calvaria brevi aliquando eousque congelari & inspissari, ut duræ matri, instar picis seu resinæ agglutinetur, vixque ferramenti & multo conatu hinc deradi ac removeri possit. Quid ergo in ejusmodi casu sperandum a calvariæ perforatione, si nempe adeo spissus cruor panniculo tenacius adhærescat? Utpote non protinus evacuabilis, diuturniore vero mora, imo ut plurimum, si copiosior, intra horas aliquot, cerebrum ad apoplexiam usque lethalem comprimens, aut successive in pus dum degenerat idem graviter corrumpens. Quale sane phænomenon nulla quoque arte dignoscere conceditur.

Sicut

Sicut autem, juxta Hippocr. de arte, Medicus, qui suffecerit ad cognoscendum, etiam ad sanandum sufficiet; seu, prout de flat. se explicat, qui causas corporis affecti probe cognovit, potens est valde, ea adferre, qua corpori profunt: Medici & chiri- ita non mirum in rebus adeo obscuris & nulla sensus ac rationis acie cognoscibilibus, qualis præsens est, hallucinari ac falli præstantissimos non minus Medicos ac Chirurgos, ut subesse sibi persuadeant cruorem calvariae sub ejusmodi conditione & loco, qua & unde modioli ope educi queat; haud cogitent aliquando de eo, qui nihilominus exitium minatur. Adeoque vix culpandi sunt, qui in investigando ac pensitandis singulis circumstantiis assiduitatem & prudentiam suam comprobarunt, ut ut eos errasse, eventus doceat; nec negligentiae ac imperitiae accusandus, qui capite vulneratum, sub cujus calvaria post obitum secta cruor reperitur, non perforavit, multo minus vulnus, ob intermissam hanc chirurgiam, statim per accidens tantum lethale pronuncians. Quemadmodum enim minus peccat, qui in casu, ubi cum indicante prohibentia momenti majoris concurrunt, calvariam non perforat, nec ob neglectam tunc operationem vulnus minus lethale evadit: sic qui ita se habet sanguis extravasatus, ut de praesentia, situ & habitudine ipsius ambigui relinquamur i.e. qui cum suis conditionibus cognosci nequit, si per aperturam cranii non educatur; erroris chirurgum convincere haud valet, sed ob dignotionis difficultatem plaga, cui tale quid obvenit, insanabilis jure meritoque dicitur.

Sanies sub calvaria congesta duplicem imprimis agnoscit fontem, sc. aut sanguinem extravasatum, de quo haecenus, [qui temporis tractu sub calvaria] *Sanies sub calvaria congesta* eousque corrumpitur ut cerebrum ac membranas, quibus incumbit, pariter *duplici gaudet fonte,* in putredinem abripiat; aut ex fisso contusove osse mox sub tali forma super duram destillat hancque pariter cum subjacentibus partibus corrumpit. Quod vero insuper a vulnere externo per poros cranii ad crassam meningem transfundare nonnulli sibi concipiunt, pus multis difficultatibus implicitum videtur, ut superius demonstravi.

Vbi ratione prioris casus modioli, usus ut plurimum frustraneus observatur, & pauci illorum, quibus ejusmodi suppuratio aut potius corruptela famosa contigit, evadunt, sanie quo copiosius prodeunte; perinde ac iis, quibus extravasatio sanguinis ingens, per tenuem spem ostendi, dictum fuit. Ob moram nempe diuturniorem, quam sub calvaria trahit cruor, antequam in pus abeat, quaque interim vel decubitu multum ejus partium contentarum corrumpit: potissimum cum non vera hic eveniat suppuratio, sed cruoris potius in liquamen putrilaginosum corruptio, qualem foetor ejus cadaverofus reliquaque conditiones, quibus a pure ingenuo quam alienissimus observatur,

vatur, declarant. Adeoque tunc demum apparentia symptomata equidem materiæ situ & substantia peccantis eductionem urgent: corruptionem tamen satis enormem vixque medicabilem insimul innuunt. Accedit, quod incerti hæreamus, per superius monita, an supra, an infra, duram matrem fluctuet sanies hæc, ambigua de cruoris, ex quo hæc formabatur, situ.

In posteriore casu autem efficax magis videtur trepanatio, quia sanguis, ex fractura calvariæ descendens pedetentim satis & guttatim saltem stillat, hincque mole sua perquam exili non adeo graviter & impetuose affligit: modo semper atque tempestive satis constaret de saniei hujus primo defluxu, aut ejus caula, fissura nempe aut contusione, frequentius latente ac difficillimæ conjecturæ.

Signa siquidem diagnostica fracturæ, quæ in præsumtiva & sensibilia communiter distinguunt, huic partim cum cerebri commotione, sine calvariæ latione facta, communia sunt, v. g. subitanea prostratio in humum, sensuum & mentis stupor, oculorum rubedo, bilis vomitus, instrumenti lædentis habitudo, percutientis ac ictus robor similiaque a *Carcano* proluxius hinc inde recensita: unde symptomata hæc, ubi apparent, non semper fracturam infallibiliter innuunt, potissimum si brevius cessent & intra pauca momenta percussus pristino vigori restituatur perinde ac in cerebri commotione simplici s. in cruenta fieri solet. Partim, quamvis raro, haud necessario tamen & semper ipsi combinantur, & sæpe tarde satis, atque hoc quidem non sine certo vitæ discrimine, comparent. Pariter instrumenti lædentis conditio & ictus vehementia non raro fallunt, ut vel graviter & fustibus crassioribus percussus nihil fracturæ patiantur, quorum scilicet calvaria firmioris & tenacioris forsitan compagis; dum aliorum os fissile magis ictum ferule seu baculi exilioris incolume sustinere nequit; cujus effectus utriusque contrarii exempla quotidiana & tantum non prodigiosa observantur.

Tumor cutaneus non est infallibile signum fracturæ.

Signis his præsumptivis communiter accersent tumorem cutaneum mollem seu fungi ad instar flaccidam cutem, quasi hæc fracturam necessario excipiat, propter sui a calvaria rupta secessum, hinc factam suggillationem; verum nec hoc perpetuum est, scilicet in fissura capillari, aut ubi interior tantum lamina fracta, exteriore integra relicta. Neque tumor ejusmodi semper testatur de fractura, cum suggillationes simplices majores idem aliquando excipiat, modo insensibiliter discutiendus, modo sensibiliter seu per incisionem evacuandus & a cruore congesto liberandus.

In majoribus fracturis est

Porro sensibilibus signorum aliqua vis est in majoribus s. evidentioribus fracturis, minime in exilioribus, utut non sine vulnere existant, aut incisione
arti-

artificiali, quam sedulo explorentur : scilicet si vel maxime capillares, vel ^{aliqua bis sen-} tabulæ interioris, fuerint, vel extra percussione manifestæ locum seu per mo-^{sbilium signo-} dum resonitus, aut propter casum aliamque allisionem ictui primo superve-^{rum.} nientem, inciderint, qualia phœnomena frequentius, ut plurimum tamen tardius, id est, in cadaveribus demum, annotamus. In specie dubitare mihi liceat de illo, quod *Hippocr. de vuln. cap. t. 10.* innuit, scilicet capillos aliquando, a telo dissectos, vulnere, imo commentatore *Carcano Leone Serm. 1. lect. 2.* ipsi ossis fissuræ, arctius impingi : atque hoc quidem si appareat, fissuram certo profundissimam & tantum non penetrantem innuere, uterque horum scriptorum asserit, & posterior observatione vulneris mulieri infligti comprobare contendit. Hæc siquidem cum ex alto decidisset & in vulnere ac rima cranii a casu hoc factis, capillorum portionem huic infixam vidisset *Carcanus* statim de profundiore rima coniciens perforationem cum salute foeminae adoravit. Etsi enim conjectura ex phœnomeno hoc facta non omni probabilitate careat, ipsique fidem non parvam conciliet exemplum a *Carcano* productum : quia nihilominus huic solitario & unico par reponere possum, cur conjecturæ illius mox credulus subscribam, illud haud movet. Nimirum sexennium circiter est, quo juvenem quendam, equi sui curam gerentem, hic calce, solea ferrea instructa, adeo feriret, ut ille in terram concidens sensuum omnium deliquio corripereetur : paulo tamen post ex torpore hoc excitatus idem inæ & chirurgi curæ committebatur, qui vulneris rationem explorantes in syncipitis latere sinistro hoc exile deprehendebamus, eique fasciculum capillorum adeo firmiter in pactum, ut nullo conatu eum primis decem diebus evellere liceret ; ut ut quotidie hoc tentaret chirurgus : donec tandem, dilatato paululum vulnere, sub hujus altero labio protraheretur ille cirrus, brevique sine ullis fissuræ signis coalesceret plaga.

De cœtero nec expectanda sunt prava symptomata, tractu temporis supervenientia, quasi fracturæ & saniei destillantis ac panniculos & cerebrum rodentis seu corruptentis indices, prout quidem cum *Aegineta Berengarius* multique alii sentiunt : cum experientia circumspectior multorum Artista-^{Plerumque} rum doceat, ut plurimum tunc perire vulneratos, etsi dextre satis alias opera-^{tales vulne-} tio in illis peracta fuerit ; quique illam administrat, nihil levaminis ejusmodi^{rati pereunt.} miseris adfert, nisi quod propediem morituris mortem acceleret, aut qui ab ea reconvalescunt ope tantum divina & miraculose satis evadere videntur, Deo potius, quam chirurgus gratias debentes. Quamvis ejusmodi incipientibus symptomatis accelerare quam maxime conveniat ossis perforationem, successum fato committendo, cum admodum raro contingat, quod *Berengarius*

Cap. 35. perhibet. In quodam nempe Martino, ensis ictu sauciato, hincque fissuram exilissimam, penetrantem tamen, passo, ubi ad accidentium decima die ingruentium fracturæ dilatationem decrevisset, idem, se, renuente hanc ægro, solis topicis congruis per rimulam illam angustissimam saniem sufficienter eduxisse, natura demum insignem ossis portionem separante.

*Dolor hujus
percussæ manet
fixus & cre-
scit.*

Conjicere nihilominus licet fissuram aliquomodo ex dolore tensivo, quem in loco ictus aut vicino patitur percussus; sive a principio statim perduravit, sive post aliquot dies supervenerit, fixus tamen maneat, non remittat, sed quotidie potius exasperetur: quod infinitis Autorum observationibus comprobare possem, confirmat pariter sana ratio. Quatenus dura mater, calvaria undique & arctius attensa hujusque fibræ colligantes ab hiscentia fracturæ, etiam exilioris, tenduntur, ac tensionem hanc inflammatio & ruptura vasculorum tensorum tandem sequitur: ita ut non raro ab omnibus symptomatis per plures dies liberrimi vivant fissuram ejusmodi calvariam circumgerentes solo excepto dolore fixo, quotidie crescente ac tandem alia mala graviora mortis prodromos, sibi socia combinante.

*Lympham a
percussionibus
capitis extra-
vasari proba-
tur exempla
pueri.*

Lympham aliquando a percussione capitis extravasari & ad hujus interiora deponi, paradoxum illis haud videbitur, quibus de lymphaticorum cerebri existentia constat, qualia ante triennium in pueri decem circiter annorum, ex cephalalgia primo immani, hinc epilepsia & torpore omnium sensuum defundi, cadavere dissecto, circa anfractus imprimis cerebri turgidissima, vidi: imprimis, si hujus generis vasorum teneritudinem summam simul pensitet. Itaut perinde, ac vasa meningum atque cerebri sanguiflua, imo facilius forsan, per violentiam externam, hincque *Æne. Phal.* commotionem, rumpantur, cujus phaenomeni observationes diversas *de Renunc. Vulner.* p. 246. 247. &c. allegavi, additi etiam de puero ante hos decem circiter annos, ab alio puero baculo percusso, & post diversa capitis ac generis nervosi symptomata obeunte: in cujus capite jussu Pratoris oppidani dissecto nihil fracturæ, nihil sanguinis extravasati, concamerationem nihilominus ventriculorum cerebri feri limpidissimi unciis ad minimum duabus turgidam, ad corporis callosi intra bina cerebri hemisphæria intumescantiam & attenuatorem, (ut vix crasitiam lineæ amplius æquaret) notabilem conspexi. Si proin lymphæ ejusmodi intra calvam & duram matrem, aut forsan quoque intra hanc & piaam, extravasetur, nonne eadem ratione ac sanguis atque pus, sui eductionem urget, graviorum & lethalium symptomatum pariter autor? quamvis forsan non adeo prompte, ac cruor, corrumpatur, sed mole & comprimendo tantum, peccet.

Quia nihilominus, ut ut de lymphæ extra vasa profusa forsan certi, ambigui adhuc relinquimur de hujus situ, sc. an in ventriculis cerebri hujusve anfractibus, an sub dura membrana, an immediate sub calvaria, hæreat: meræ conjecturæ innitetur, qui hujus educendæ causa os perforaret. Adeoque difficilem pariter & non raro frustraneam in hoc casu experiemur hanc chirurgiam.

*Lympha extra
Vasa profusa
certius non est
locus.*

Porro squammulas & fragmenta ossis, tabulæ potissimum interioris, majora minorave, membranas ac cerebrum modo mole sua premere, modo compungendo lacerare, frequentioris est observationis: evidens quoque creditur a Chirurgis cunctis eorum indicatio, ut quamprimum nempe protrahantur. Imo hujus circumstantiæ intuitu perforationem quoque moliri convenit in sedis illa calvariæ specie, quæ a telo pungente seu perforante, v. g. pugione, clavo, tridente, infligitur: quatenus metuendum, ne ab instrumenti illius intrusione impetuosiore squammulæ quædam ossæ introrsum cogantur, hincque factum foramen interna sui parte versus membranam squammulis illis reflexis asperitatem formet, illi puncturis suis dolorificis ad febrem, convulsiones, deliria &c. usque quam molestissimam. Atque hic casus posterior quemadmodum per se patet, ita in fracturis cunctis fragmentorum ejusmodi molestiam, præter symptomata fracturæ & sanguinis extravasationis dolor imprimis innuit, cum insequente inflammatione hincque delirio. Quia tamen dolor hic aliquando non nisi confuse, a vulnerato sentitur, torpido nimirum aut delirante, aut ab illo quem fractura per se patrat, squammæ pungentis vellicatio vix discernitur, nec officula ejusmodi semper adeo vellicant, si vel minus asperitatis habeant, vel superficie sua læviore membranam contingant, interdum eadem fragmentula membranas & cerebrum profundius subeunt, ut per aperturam modiolò factam nec cerni, nec deprehendi, nec commode protrahi queant: earum præsentia minus certa aut his similibusque circumstantiis ignoratis trepida valde manu prudens ac conscientiosus hanc aggreditur operationem, ut ut in se quam necessariam atque utilem.

*Squammula &
fragmenta os-
sis membranas
& cerebrum
premiunt &c.*

Pergo nunc ad ossis calvariæ contusionem & corruptionem: quarum hæc ab illa, quamvis haud solitarie, evenit aut metuenda, cum aliæ quoque cariei seu corruptionis ossis hujus dentur causæ, sc. internæ, v. g. virulentia Gallica & ulcera inveterata. In carie, quæ calvariæ profundius penetrat, hoc perforare sana ratio dicitur, haud tamen illo modo, quem communiter commendant: quasi terebra simplici, crebris foraminibus, urgeri debeat caries ad sui

*Cariei & cor-
ruptionis ossis
dantur cause
internæ.*

profunditatem, hisque foraminibus intrudi candentia ferramenta, ac exsiccantia. Sed commodius, promptius ac tutius hoc fit modiolii ope, qui totum os cariosum exseindat, & quidem, si opus fuerit, id est, corruptio latior existat, repetitis perforationibus, donec totus ossis corrupto ambitus extirpatus fuerit. Atque hanc quidem operationem nihil, aut parum difficultatis involvere, palam est.

*Ossis calvaria
contusa est
difficulter di-
gnoscienda.*

Contra, contusionem quod spectat, ardua magis res videtur, vel quod difficillima sit certior & tempestiva ejus dignotio, dum medulla interim vasculosa-carnosa seu stratum calvariae spongiosum, binis hujus tabulis interjectum, quod cum Arantio & aliis tertium ejus laminam nominare sibi praesumit *Paw.* in *Hipp. de Vuln. capit.* p. 38. & 44. vel laceratum, vel compressum, sanguinem aut profundit ad diploen, aut intra vascula & tubulos suos stagnare facit, utraq; ratione, nisi tempestive ipsi succurratur putrescentem & ossis inflammationem ac corruptionem afferentem quæ tabum syderantem panniculo, ad interitum usque subjecti instillat. Quamvis hoc in uno citius, in altero tardius, contingat, quemadmodum *Paw.* l. 2. p. 82. quendam a compotatore in bregmatis os dextrum percussum, ita tamen, ut nihil fissi in hoc deprehenderit Chirurgus, consolidato paulo post vulnere paneraticæ & sine ullis symptomatis per decem menses valuisse, his vero elapsis, inter deambulandum vertigine correptum, coneidisse & brevi obiisse, cujus Cranium apertum in ictus loco cum substrata meningē putritum omnimode visum fuerit.

*Non omnis
calvaria con-
tusio vasa
rumpit in-
terna;*

Necque enim *Alvaro Nonnio*, *Schol. in Arcæum de Vuln. Lib. Cap. 3. & Carcano Leoni Serm. 1. Lect. 11. & Serm. 2. Lect. 4.* concedendum, quasi omnis calvariae contusio vasorum internorum insimul rupturam præstet, proin illa sine hac nihil periculi involvat & operationem manualet vix postulet: cum exiguum sanguinis, quod per ejusmodi collisionem extravasetur, a topicis facile resolvi seu discuti queat. Contrarium siquidem experientia loquitur, i. e. quamvis rarius forsan ejusmodi læsionem experiatur calvaria, quin interiora illius graviter & ad rupturam usque unius vel alterius vasis sanguiferi simul concutiantur: sine hac tamen commotione ita collidi valet os, ut vascula intra diploen ejus vel lacerentur, vel eousque comprimantur, ut sanguis hinc extravasatus seu stagnans ossis inflammationem & syderationem præstet ac infaniam corruptivam abeat, vel modo ex *Pavio* allegata observatio, vel *Passerii de Caus. mort. in vuln. Capit. cap. 31. & 35.* producta exempla comprobant, de craniis diversorum ita contusis, ut in horum superficie externa nihil læsionis cerni

cerni potuerit, deprehensa nihilominus postmodum in ejus meditullio fuerit sanies. Nec adeo facile & sine chirurgia his ossis contusionibus mederi datur, ac carniū mollium, quin os contusum sub mora aliquali corrumpatur & intra se ichorem, ossi vicino pariter ac subtensa membranæ exitiosum, concipiat: ita quidem ut vel hinc quoque emergentia symptomata in certum interitum agrum præcipitent, ac operationis tardioris vim eludant.

Hoc nihilominus itidem fateri cogimur, difficillimæ satis conjecturæ hanc fracturæ speciem esse, quatenus in eadem vel exercitatissimi chirurgi decipiuntur: ideo, quod Hippocrate indigitante, os collidi possit, quamvis in statu suo naturali servetur & colliso nullarima contingat. Id est, nulla in ossæ sensibilis a contusione apparet mutatio, quod ejus compages, juxta Fallopiū & P. Pertunium, ambo in Hipp. de Vuln. Cap. ab ictu compressa, mox (per elasticitatem nempe suam naturalem) ad statum seu formam pristinam relinquitur; quatenus in eadem continuum solvitur, non juxta magnas, sed minimas & latentes tantum, sui particulas per compressionem substantiæ talem, quæ attritionem imitatur.

Producuntur equidem a diversis diversa signa, quibus quam non oculo, ratione tamen, dignoscere possimus læsionem, petita nimirum ab ictus loco, sc. v.g. ossibus bregmatis cavernosis & rarioris texturæ; ab instrumenti lædētis mole, figura, percutientis robore & percutiendi seu collidendi ratione; ex calvariæ simul facta denudatione, superveniente quoque mox symptomatum, vomitus sc. oculorum obscuratiōis &c. syndrome ac a coloris in ossæ mutatione non tam in lividum, quam in album, seu ut maculam in tinguibus macula in calvaria æmuletur: quibus denique ex Hippocrate explorationem per rasionem addunt. Sed, quamvis hæc, si potissimum eorum plura combinentur, ad conjecturam rationalem formandam adæquata existant: quia nihilominus eorum evidentia & concursus rarioris observationis sunt, in specie, contusio ejusmodi aliquando sine vulnere observatur, (quod nihilominus signum *Pas- serius* primum & infallibile fere videtur asserere) & rasionem non temere, sed aliis demum signis præmonstratoribus, suscipere licet! profecto etiam hoc dubiæ existentia indicans difficilem indicatæ chirurgiæ, i. e. calvariæ perforationis, reddit administrationem, ut satius forsā videatur, ab hac manum abstinere, quam rem adeo dubiam tentare.

*Ossis collisio est
difficillima
conjectura.*

*Sunt, qui varia
signa læsionis
proferunt,*

*quæ tamen
non sufficiunt.*

*Trepanationis
operationem,
præstare ardui
est negotii.*

Atque hæc, quam arduum sit negotium, capite vulneratos Trepano sub-
mittere, satis sufficienterque evincere puto, illud saltim coronidis lo-
co adjiciens, me iis, ut superius jamdum innui, non inutile plane instru-
mentum hoc declarare velle, sed non, nisi probe pensitatis circum-
stantiis cunctis illud admovendum esse, monere, & tutius videri, in re incerta
se cautiorem præstare. Ab hac enim operatione haud desistendum, ubi
ex conjecturis prudenter factis eam necessariam judicamus, præstatque trepanum
aliquando frustra adhibere, utpote cujus vis sub manu peritior non adeo
formidanda ac illud & periculum, quod a sanguine & sanie sub calvaria &c.
certo imminet, negligere. Id est, audiendus potius *Arcaus l. a Cap. 5.* qui in
percussionibus capitis difficilem equidem ait conjecturam & indicationem, il-
lud tamen tutissimum consultissimumque arbitratur, ut locus percussus trepano
aperiatur. Namque, inquit, nullum timemus periculum nullamve
curationis dilationem: contra vero, si hoc negligatur, maximum
certissimumque periculum, & plerumque ipsa
mors, sequitur.



D. JOHANNIS BOHNII P.P.

DISPUTATIO THERAPEVTICA

DE

SYMPTOMATE VR- GENTE.

EX theorematis illis therapeuticis, quæ instar principiorum seu axiomatum fundamentalium methodi medendi observari merentur, primum & generalius videtur ex Hippocrate de flat. t. 3. petatum : quod secundum naturam, conservandum, quod præter naturam, tollendum : species indicationum, ntpote ex quo quadruplex indicationum species elicatur, curatoria nimirum, Præservatoria, vitalis ac mitigatoria, sub dichotomia illa conservandorum ac tollendorum comprehensa.

Ex Hippocratis principio sequuntur 4. species indicationum,

Quam bene maleve membra hujus divisionis rebus, quas exprimunt, quædrent, i.e. non æque forsan commodè notiones has ipsi negotio a scriptoribus applicari, prolixius disquirere, instituti equidem mei haud est: tantum in gratiam tyronum, quos per incongruitatem terminorum (commentatoribus & systematum medicorum compilatoribus frequentem) non raro confundi & angere valde deprehendimus, circa indicationem præservatoriam moniturus.

Sc. ni fallor, in hoc hallucinari mihi illi videntur, Galenum secuti, & curatoriam indicationem quemadmodum morbi, sic præservatoriam causæ, asserentes, v. g. Argenterius de offic. med. 2. cap. 9. Capiuacc. meth. med. 6. 7. & Mercatus de morb. 3. part. 3. class. 2. quæst. 207. ita ut Capiuaccius poster. loc. causam nullo modo indicans curatoriam, sed præservatoriam tantum, præstare scribat. Minime nimirum discernentes causam antecedentem seu procatacticam a continente: quarum priorem, tanquam ens quoddam, potentia tantum morbificum, equidem præservatorie indicare, omnimode largior, quia per hujus ablationem a morbo, hinc imminente seu metuendo, præservatur homo; non vero posteriorem, quæ illum immediate atque actu producit ac fovet, quæque a morbo adeo inseparabilis est, ut neutrum horum sine altero existere, aut tolli queat.

Errant curatoriam indicationem ut morbi, sic præservatoriam causam asserentes.

Exemplo

Exemplo resevadet perspicua magis, v. g. Erysipelas causam aliquando agnoscit sanguinem seu serum scorbuticum, quod quamdiu intra vasa per corpus undique æqualiter fluctuat, antecedentis seu prædisponentis tantum causæ rationem habet, & dum sui remotionem innuit, præservatorie indicat, non sui quidem, sed metuendi hinc erysipelatis intuitu: quale tamen si produxerit dyscrasia illa, seu ad intercapedines fibrarum cutanearum inæqualiter depositus fuerit sanguis ille vitiosus, ut ibi dolorem, ardorem, rubedinem mineam cum majore minoreve intumescencia formet, curatorie seu therapeutice magis, i. e. sui, tanquam causæ erysipelatis conjunctæ seu actualis & illud immediate foventis, sublationem.

Proin circumspectiores hoc in passu observamus non *Sylvium* tantum, sed *Sennertum* ac *Plempium* quoque, una cum aliis hujus generis commentatoribus, causam continentem tantum, non vero antecedentem seu procatarticam, cum morbo curatorie indicare, agentes. Præservamus siquidem, seu præservare annitimur a re præternaturali, non præsentem seu existentem, sed futura ac metuenda: E causa, quam præservando seu præservationis a morbo gratia declinamus, nondum præstat seu actu constituit morbum, productura tamen seu ad eum producendum apta est, hincque antecedens seu prædisponens communiter audit; donec vel sponte actuetur, seu vires nanciscatur, morbo gignendo adæquatas, vel, & frequentius, aliunde excitetur, commoveatur seu in actum deducatur a causa occasionali, perperam in scholis hæcenus procatartica appellata. Imo agnovit errorem hunc *Trincavellus* olim jamdum, dum de *Ven. Sectione* causam eandem modo curatorie, modo præservatorie, indicare, pleuritidis exemplo declarat: ut mirum, Prædecessorem hunc illustrem alios commentatores in re adeo perspicua non fuisse secutos.

Indicationum
medicarum
dichotomia.

Ut asserere hinc neutiquam verear, magis adæquatam magisque perspicuam videri indicationum medicarum dichotomiam, in conservatoriam sanitatis, causæ sanitatis & virium seu functionum integritatis; ac curatoriam, quæ res p. n. morbum, causam hujus & symptomata spectet; quam posteriorem indicationem urgentem atque mitigatoriam moderni appellant.

Sunt qui nul-
lam indicandi
vim in thera-
peia sympto-
matibus con-
cedunt.

Atque hanc ejusque formalitatem & vim nunc imprimis dispicere mens est: cum in illa admittenda dubios, in hac explicanda dissentientes, reperiamus Doctores. Quidam enim horum nullam omnimode indicandi vim in therapeia affectuum præternaturalium symptomatibus concedunt: quod nimirum per se nullam subsistentiam habeant, sed morbo demum superveniant, ut umbra, hoc sublato igitur mox simul evanescant, & sine peculiaribus sibi remediis cessent,

cessent, neque, nisi morbo primario extincto, ulli arti cedant. Alii sub præservatoria indicatione hanc symptomatum urgentium complecti malunt: quatenus sc. hæc, ob sui vehementiam, causâ rationem induant, & vires magis deiciant, vel utriusque periculi metum incutiant.

Priorem sententiam propugnant veterum plerique, v. g. *Trincavellus* *epist. 10. Joubertus med. pract. 2. c. 16. S. Sanctorius method. vitand. error. l. 11.*

c. 10. Inter quos tamen fervidius hoc agit posterior rationibus, ni fallor, minoris momenti. Nimirum, quod symptomata non sint aliquod positivum seu permanens, sed in fieri tantum & συμπεσνόν quid; quod eo ipso, quod positi-
 dum symptomata insinuent morbos, non possint aliud quid a morbo di-
 versum, nempe remedium, insinuare; quod sint res per accidens; & tantum.
 si ab iisdem hauriatur indicatio, committere faciat hæc elenchum non causæ, ut causæ, & quæ hujus generis plures promittit nenias. Quibus plerique ex-
 centioribus quoque ad stipularur, adeo ut invehantur in illos, qui in therapeia morborum mox in principio dolorem similiaque symptomata mitigantia propinant; ac si præter ac contra methodi medendi præcepta hac ratione agerent.

Quorum scriptorum nihilominus auctoritati opponere licebit non tantum ex modernis quosdam, v. g. *Mebium* & *Sylvium*, sed ex antiquioribus quoque *Mercatum*, qui de morbo. 3. part. 3. quest. 207. inter præternaturalia & a Therapeutico demenda symptomata etiam recenset: imprimis vero negotium judicabunt rationes varix, argumentulis illorum, garruli *Sanctorii* in specie, potiores.

Haud disquiram, quantum hallucinentur iidem, si ex propria hypothesi cum iis agatur, dum a solo morbo omne symptoma dependere supponunt. Cum, ne dicam, a symptomatis quoque symptomata generari, (quamvis hoc neget *Sanctor. l. 1. c. 1. cap. 6.*) multa eorum a causis morbificis immediate pro-
 pullulent, v. g. a sanguinis stagnatione circa pulmones dyspnœa, ab acrimonia
 humorum dolor, dysuria, prurigo, a spirituum motu incongruo vertigo, *Multa Symptomata a*
 spasmis &c. dum nihilominus humores ac spiritus subjectum morborum haud
 esse, seu hos pati, hinc inde & communi ore asserant: quo præter *Galenum de*
opt. sect. 5. 3. de caus. sympt. Argentarius de caus. sympt. c. 1. inclinare videtur. *causis morbificis proveniunt.*
 Et quamvis etiam commune illud suppositum concedamus, sive ex modernorum doctrina humorum ac spirituum habitudines p. n. quoque morbos & ad symptomata formanda aptas pronunciemus: minime tamen adeo generaliter hinc inferre datur, E. symptomata inde emanantia nulla peculiari indigere medela.

*Dantur sym-
ptomata, nisi
his succurra-
tur, agros est
pereundum.*

Ipsa siquidem experientia quotidiana edocemur, non raro adeo gravia urgere ac conficere ægros symptomata, quibus nisi succurratur quantocyus, neglecta etiam primarii morbi huiusque causarum medicatione, pereundum sit ægro prius, antequam vincatur morbus, qui interdum per naturam suam aliasve circumstantias ipsemet incurabilis existit: quæ attendentes peritiores medici, ipsis sine mora medendum esse rati, hinc inde in scriptis suis horum indicationum meminerunt, harumque appropriata remedia sedulo consignarunt; donec sedatis his aliquantum morbo primario medicinam facere opportuna detur occasio.

*Si interdum
causa antece-
dens remove-
tur, totus mor-
bus cedit,*

Præterea perinde ac aliquando morbus cum causa sua conjuncta cedit, si modo causa antecedens removeatur, i. e. satisfiat tantum therapieæ seu indicationi præservatorie, v. g. remotis ventriculi cruditatibus cessat nonnunquam febris, adeoque morbus peculiaria sibi auxilia haud perpetuo urget; succedit tamen hoc non semper, sed pertinacius crebro inhæret morbus, etsi causa illa antecedens fuerit deleta & evacuata: simili modo nec symptomata, nec omnia, nec semper propria sibi remedia postulant; neque tamen semper ad morbi, utut causæ immediatæ, medelam evanescent, animadvertente eodem *Argenterio de offic. med. cap. 11.* Et per consequens, sicut in priore casu alia est indicatio præservatoria, nempe causæ antecedentis, & alia morbi, seu curatoria: ita quoque, utut morbus vel sponte, vel remediis indicatis, cedat, symptomati tamen urgenti aliquando peculiaris manet indicatio; v. g. indicat morbus catharsin, dolor narcoseos introductionem, hæmorrhagia adstri- ctionem &c.

*Non tamen
semper levi ne-
gotio tollitur
morbus.*

Neque talis semper morborum est conditio, ut levi mox negotio tolli co- rumve solutio sperari valeat: dum interim quadam symptomatum adeo mo- lesta sunt aut periculosa, ut expectari illius medelam haud permittant, utpote qui sæpe non, nisi magno & multo molimine, tollitur; æger vero nimis & ad interitum usque ab illis torquetur, v. g. ab hæmorrhagia, dolore & strangulatione seu suffocatione in angina. Cui sane posteriori v. g. non medemur res- solvendo aut ad suppurationem deducendo inflammationem, hincque apo- stemam maturando, rumpendo & evacuando, sed tracheotomiam administran- do, i. e. nulla habita morbi primarii huiusve causæ ratione: cum strangulatio citius perimat, quam inflammatio faucium, utut acutus valde affectus, tem- pora sua percurrat & sui medelam admittat. Pariter ischuria, calculi sym- ptoma, citius non raro enecaret, utpote quam ultra septimum diem raro sa- lutarem *P. Sal. Diversus de affect. partic. c. 14. Rhodius cent. 3. obs. 26. & Jerem. Martius obs. 4.* imo citius etiam perimere, *Höchstetterus dec. 6. cas. 1. Tulpinus 2.*

obs.

obs. 45. & Panarolus pentedec. 5. obs. 17. annotarunt, antequam hic tollatur. Cujus etiam generis sunt animi deliquia, multis affectibus solennia: qualium tamen medelam nullus unquam medicorum prudentum horum medela postposuit.

Atque hoc vel multo minus fieri poterat, quod indicatio morbi curatoria interdum omnimode deficiat, aut a prohibentibus variis infringatur, vel huic non suppetant remedia aut instrumenta adæquata; dum v. g. calculus renum vel vesicæ, propter sui molem, figuram, tenaciorem adhæSIONem similemve circumstantiam removeri nequit: habenda tamen interim est ratio doloris, urinæ suppressionis, convulsionum, gangrenam & exitium minitanti-um. Quemadmodum tumores, collum vesicæ obstipantes, qualium meminerunt *Hildanus cent. 2. obs. 65. Riolanus anthropogr. l. 2. c. 28. Bartholinus cent. 2. hist. 52. Rhodius 3. obs. 36. & Sylv. pr. l. 1. c. 87.* pariter molestam ac periculofam ischuriam pariunt: quorum illos utut tollere nulla arte liceat, haud tamen negligenda hæc maxime urgens. Similiter in cancro, morbo per se incurabili, frustranea foret indicatio curatoria, cum remediis adæquatis destituamur, illi satisfaciendis: leniri nihilominus ac compesci urgent dolor & hamorrhagia, exulcerationi ejus supervenientia symptomata gravissima. Et, si unquam *Epiph. Ferdinandi hist. 54.* consilio subscribendum, multum nimirum referre, quinimo in opere medico conducere, ut quandoque a remediis abstineamus, cum quandoque remedium sit, nullum adhibere remedium: certe ejusmodi casibus hoc erit applicandum, ubi nimirum morbo, cujus extirpatio aut sine frustraneo conatu, aut sine periculo ingente, fieri nequit, intacto leniendis tantum symptomatis operam damus, i. e. palliative medemur ægris, quos verè sanare non possumus.

Quibus accedit, quædam symptomatum morbi primarii sublationem frequenter turbare ac sufflaminare, imo morbum novum patrare, adeoque sui mitigationem mox & omnium primo urgere. Quod quidem argumentum paradoxum & tantum non absurdum videri poterat scholarum communi præjudicio laboranti: evincunt nihilominus ejus firmitatem casus varii & Practicorum circa hos plerorumque consensus. In nephritidis quæpe seu calculi renum therapeia nonne omnes, tam veteres, quam receptiores, conveniunt, ante omnia anodynis atque narcoticis opus esse, quo nimirum dolori atrocissimo opem ferant? & huic demum indicato mitigatorio postquam aliquomodo fatifecerunt, calculum pellentia, quamvis cautius quoque, propinant, nondum tamen negligendo illa lenientia atque stupefactoria; imo rarissime, nisi dolore sopito, ejiciuntur calculus seu arenulæ.

*Meatus inter-
dum constri-
guntur, per
quos calculum
expellit na-
tura.*

Cujus quidem rei ratio hæc est, quod crispaturæ illæ spasmodicæ fibrarum, quas omni dolori subesse, seu hujus formalitatem constituere, nunc ex pathologicis suppono, meatus, per quos vel natura expellere annitebatur calculum & sabulum, eo usque constringant ut heterogeneitatibus his exturbandis viam intercludant: & quidem non illis tantum læcessitis villis renum seu horum pelvis, quæ incongruum & dolorificum illorum contactum seu impetum immediate sustinent, sed per consensum ureterum quoque, vesicæ peritonæi &c. tunicis; ut per harum constrictionem calculi non tantum, sed sanguinis & lymphæ etiam, motus interpellatur, sicque non una ratione exturbatio illorum turbetur. Donec remittente illa tensione laxiores & flaccidiores reddantur canales & per hanc laxitatem promptius cedant calculo & arenulis transitum molientibus. Cui accedit, quod eadem narcotica somnum inducendo spiritus recolligant, hinc vires restaurent: quibus excretio calculi juyatur.

*Calculi excre-
tionem non-
nunquam mo-
ratur Ischu-
ria.*

Pariter Ischuria, calculi urethram obturantis, productum, hujus excretionem nonnunquam moratur, & per consequens peculiaria sibi remedia, antequam calculus exturbari queat, urget. Nimirum dum collo vesicæ aut meatus urinario firmitus impaciens ille urinæ transitum denegat, a cujus congestione dum præter modum extenditur vesicæ fundus, fieri idem potest, quod a voluntaria urinæ cohibitione aliquando accidere, Galenus 6. de loc. affect. cap. 4. Forestus 25. obs. 12. & 14. in semet ipso, Paraus 16. cap. 48. Hildan. de lithotom. vesic. cap. 3. Panarolus pent. 1. obs. 27. & Riolanus encheir. anat. pathol. 2. cap. 30. perhibent, ut tono nempe illius præter modum ac omnimode laxato ad pristinam sui contractionem se recipere nequeat; hinc remoto quamvis calculo ischuria tamen non statim solvatur: imo & simul, quo magis extenditur vesicæ ambitus, eo magis constingitur seu arctetur ejusdem cervix, & sic hac ratione quoque lotii excretio moleste valde interpellatur.

*Tussis est mo-
lestissimum
symptoma.*

Porro tussis, sicut interdum ferina satis & symptoma molestissimum deprehenditur, ita ante morbi sui primarii, infarctus nimirum seu obstructionis pulmonum, stagnationis lymphæ in organis pnevmonicis, sui attemperationem exigit: non tantum molestiæ propriæ intuitu, qua corpus enormius exagitat, respirationem ac somnum turbat &c. sed quod excretionem quoque causæ morbificæ & morbi solutionem impediatur. Explosiones siquidem hæc expiratoriæ violentiores, crebriores & inordinatæ quia tonum tubulorum trachealium, vesicularum pulmonalium & muscutorum expiratoriorum laxant, irrita plane tussis evadit, ut expellendis seu exspuendis heterogeneitatibus ejusmodi pulmonum minus par reperiatur, hinc, quo crebrior, eo inanior ut plurimum evadat.

dat. Contra, ubi vel per opiata aliave appropriata tussis mitigatur, ut, si non dormiat ager, ferientur tamen a motu hoc expiratorio depravato aliquantulum organa pnevmonica: cum euphoria postmodum aliqua tussis repetit, i. e. cum excretionē tabi lymphæque pulmonalis fit.

In hæmoptoe par tussis mitigandæ urgentia videtur. Sicut enim illa modo cum & per tussim vehementiorem, modo leviolem & fere nullam, fit, ita in prioris casus therapæia primum sine dubio indicans præstat tussis gravior, & cruentam quasi e vasis pulmoniacis exprimens seu explodens, imo horum rupturæ aliquando quemadmodum evidens, ita solitaria, causa existens. Hinc ante omnia & quovis studio eo allaborandum erit medico, ut quemadmodum omnis pars sauciata & sanguinem fundens, ita ad quietem componatur quoque thorax, seu ab hoc tussis ferinæ concussiones avertantur: antequam rupturæ vasis, sanguine manantis, per balsamica & vulneraria successe mederi liceat; imo frequentius, tussi modo sedata, sponte cessat expuitio cruenta.

In vulneribus sane ante omnia hæmorrhagiæ levioris quoque habetur ratio, symptomatis nempe, non morbi, huicque prima deligatio aut tantum, aut maximam partem, accommodatur: adeo quidem, ut vulneris indicationi nec primariæ, sc. coalitioni, nec subordinatæ illi, quam adductionem labiorum vocant, satisfieri queat, nisi postquam illi, tanquam ex indicantibus subordinatis haud ultimo, obicem posuerit chirurgus. Id est labia vulneris sibi adducere nec convenit, nec licet, nisi cruoris profluvium sistatur: nullaque vel symphyssis, vel digestio in medela vulneris speranda, quamdiu hæmorrhagia illam adhuc turbat.

Isdem vulneribus interdum superveniunt spasmi, juxta Hipp. 5. aph. 2. Spasmus in periculofum admodum symptoma, vel ut illorum effectus; vel ut aliorum symptomatum genitor, v. g. in vulneribus temporum, quibus evenientibus advertente Hurnio in aph. eundem, officium partis, i. e. alimentorum assumptio & masticatio impeditur; vel ut ipsa vulnerum medela sive immediate, sive mediate, hinc turbatur. Ubi sane vel ex hoc posteriore capite illis celeriter succurrendum, per antispasmodica interna atque externa: antequam per spasmos temperies, ut loquuntur, partis vulneratæ destruat, synoviarum affluxus augeatur &c.

Est quædam symptomatum, ut superius innui, novum etiam interdum morbum patrare, adeoque hoc nomine quoque potissimum medicationis in se convertere, variis pariter casibus comprobare possem, modo nullam hinc prolixitatem vereretur. Tussim v. g. rupturam vasorum pulmonalium aliquando conceitare, modo dictum, hernias vero & abortus pariter hinc & ex vehementiore

tiore vomendi conatu fieri, experientia loquitur. Dolori inflammationem supervenire quid frequentius est? non equidem, quasi vitiosi humores, ex Scholarum doctrina communi, ex reliquo corpore parti dolenti affluant, aut a dolore attrahantur, sed quod per crispaturas forsan fibrarum sensibilium dolorificas circulatio sanguinis plus minus turbetur; ut taceam dolorem eundem vehementiorem synoviam in articularum vulneribus producere.

*Symptomata
quædam mor-
bum primari-
um non semper
pro causa im-
mediata agno-
scunt.*

Quibus accedit, symptomata quædam, morbo evidentiore & combina-
ta, morbum tamen hunc primarium haud semper pro causa immediata agno-
scere, sed ab alia præter illum causa aliquando foveri, adeoque illorum attem-
perationem de morbi illius medela minus participare. Explicat hoc exemplo
satis congruo Sylvius meth. med. cap. 16. inquiens: *Superveniat egro, febre ar-*
dente laboranti, hæmorrhagia, non mediocris & critica, quæ ipsam levet aut cu-
ret, sed symptomatica & larga, quæ ipsum valde debilitet, quin in vi-
ta discrimen conjiciat, perseverante ipsa febre. Tunc certe illa hæmor-
rhagia ortum habebit a bile valde acri, febrem ardentem quidem produ-
cente ac fovente, sed insuper sanguinem attenuante ac dissolvente, adeo
ut viam querat & inveniat in vasis ad nares tendentibus, ibidemque facile pa-
tentibus, vel in utero, vel in hæmorrhoidibus, vel in renibus, vel alibi. Unde
sanguis copiose eussens vires vitales extreme debilitat, & in præsens vitæ pericu-
lum conjicit ægrum, adeo, ut, nisi brevi compescatur sanguinis effluxus, morien-
dum sit ægro. In tali casu quamvis affectus primarius sit febris ardens, a bile
acriore producta, producitur tamen ab eadem quoque notata hæmorrhagia, ex-
trema periculosa, & ad sui medelam medicum vocans & urgens, licet neglecta
tantillum ipsa febre. Quemadmodum pariter alvi fluxus, item dolores partium
diversarum, v.g. capitis, febribus complicati, non ab hac, sed acrimonia humo-
rum, alvi aliorumque membrorum sensibilitate exquisitiore &c. non raro emer-
gunt; hinc remediis antifebrilibus minime, sed peculiaribus aliis demum, cedunt.

*Dantur casus,
ubi symptoma-
ta illos non pro
causa imme-
diata agno-
scunt.*

De cætero tales casus non in febribus tantum, sed aliis quoque affecti-
bus, non solummodo fingere, sed vere observare, datur: quibus nimirum
ejusmodi superveniunt symptomata, quæ nihilominus illos non pro causa im-
mediata agnoscunt, per consequens aliquid, præter morbi sublationem, po-
stulant. Sic v.g. diarrhœa, phthiseos consummatæ pedissequa, non ab ul-
cere pulmonum tabifico immediate emergit, sed ab acrimonia v.g. sibi & huic
communi parente: E. peculiariora quoque ab eodem remedia innuit. Sicut
itidem vomica pulmonum decumbentem si corripiat colica, symptoma ab
illa minime derivabile aut promanans, nisi in consensu satis prolixo, pulmone
& abdominis contenta intermedio, quis acquiescere velit: quid mitigationis
sperare

sperare poterit ille torminum, vomituum, tenesmi &c. colicum ejusmodi paroxysmum constituentium a remediis apostemati expurgando destinatis; nisi ad anticolica appropriata tempestive, posthabito interim morbo primario seu unitate in pulmone soluta, confugiat.

Vt mittam denique, nonnulla symptomata sanato & sublato quamvis *Symptomata morbo, unde dependere videbantur, diu satis adhuc interdum affligere: quædam re-* morbo, unde dependere videbantur, diu satis adhuc interdum affligere: quædam re-
 lia sane ideo peculiarem præter morbum indicationem formare, ratio & expe- *manent subla-* ria sane ideo peculiarem præter morbum indicationem formare, ratio & expe-
 rientia suadet. Experimur sc. frequentius, partibus, quæ olim aliquando *to quamvis* rientia suadet. Experimur sc. frequentius, partibus, quæ olim aliquando
 graviora vulnera perpeßæ fuerant, enormius refrigeratis, imprimis capiti, *marbo,* graviora vulnera perpeßæ fuerant, enormius refrigeratis, imprimis capiti,
 item huic ab ebrietate & crapula frequentiore &c. tantam imprimi infirmita- item huic ab ebrietate & crapula frequentiore &c. tantam imprimi infirmita-
 tem seu imbecillitatem, quæ percussionibus illis sanatis & erroribus in diæta tem seu imbecillitatem, quæ percussionibus illis sanatis & erroribus in diæta
 abrogatis atque emendatis membra nihilominus in dolores, vertiginem &c. abrogatis atque emendatis membra nihilominus in dolores, vertiginem &c.
 molestissimos conjicit; eaque aut solitaria, aut a levi occasione, aeris v. g. ali- molestissimos conjicit; eaque aut solitaria, aut a levi occasione, aeris v. g. ali-
 quali mutatione actuata. quali mutatione actuata.

Spestat huc dolor ille sympatheticus membri per chirurgiam extirpati, *Quod etiam* qualis multos ejusmodi miseros molestissime & per longum satis tempus in- *probatu* festat: ut nempe de dolore brachii, manus, tibiæ &c. detruncatæ, longius a
 corpore sensitivo remotæ & forsân jam dum sepultæ conquerantur, urgeant- *re sympath-* corpore sensitivo remotæ & forsân jam dum sepultæ conquerantur, urgeant-
 quæ a chirurgo illius mitigationem. Commemorant ejusmodi observatio- *tico.* quæ a chirurgo illius mitigationem. Commemorant ejusmodi observatio-
 nes *Parvus lib. 11. cap. 17. Hildanus de gangr. & sphacel. cap. 2. & 10. ac Scultet.* nes *Parvus lib. 11. cap. 17. Hildanus de gangr. & sphacel. cap. 2. & 10. ac Scultet.*
armam. Chir. part. 1. tab. 54. nec ignotæ esse valent iis, qui infelicio- *armam. Chir. part. 1. tab. 54.* nec ignotæ esse valent iis, qui infelicio-
 ribus ejusmodi hominibus præsto sunt: qualem tamen dolorem non per meram tan- ribus ejusmodi hominibus præsto sunt: qualem tamen dolorem non per meram tan-
 tum phantasie corruptionem fingi, & medelam vere admittere, testatur illa tum phantasie corruptionem fingi, & medelam vere admittere, testatur illa
 chirurgi cujusdam Angli, quam *James Fonge in epistola quadam ad amicum,* chirurgi cujusdam Angli, quam *James Fonge in epistola quadam ad amicum,*
 ejus *Curru triumphali e terebinthina,* ante octodecim jamdum & quod excur- ejus *Curru triumphali e terebinthina,* ante octodecim jamdum & quod excur-
 rit annos edito, adnexa & *Amstelodamensis, Petri Hadriani Ferduin cura para-* rit annos edito, adnexa & *Amstelodamensis, Petri Hadriani Ferduin cura para-*
 doxa membrorum detruncatorum per symphysin seu insitionem. Quæ in- doxa membrorum detruncatorum per symphysin seu insitionem. Quæ in-
 ter alios fructus & beneficia etiam hoc gaudet, ut, dum a communi & hæcenus ter alios fructus & beneficia etiam hoc gaudet, ut, dum a communi & hæcenus
 solenni operandi modo dolores illi post detruncationem perseverant, adhi- solenni operandi modo dolores illi post detruncationem perseverant, adhi-
 bito hoc modernorum, nihil omnimodè molestiæ hujus posthac persentif- bito hoc modernorum, nihil omnimodè molestiæ hujus posthac persentif-
 scant mutilati. Quod evidente exemplo comprobat Amstelodamensis in scant mutilati. Quod evidente exemplo comprobat Amstelodamensis in
 viro quodam, bis eadem tibia truncato, primo nimirum modo vulgari, ubi hoc viro quodam, bis eadem tibia truncato, primo nimirum modo vulgari, ubi hoc
 sympathetico dolore valde infestabatur; postmodum genu propius, & per sympathetico dolore valde infestabatur; postmodum genu propius, & per
 insitionem sanato, hinc nihil unquam illius molestæ sensationis percipiente. insitionem sanato, hinc nihil unquam illius molestæ sensationis percipiente.

Differt autem hæc *ἀποτομή* administrandi ratio a pristina & con- *Amputationis* sueta in hoc, quod, dum communiter in extirpationis loco omnes mustuli *pristina dif-* sueta in hoc, quod, dum communiter in extirpationis loco omnes mustuli
 transversim resecantur, nunc ab eodem loco juxta longitudinem cruris v. g. *ferentia ab* transversim resecantur, nunc ab eodem loco juxta longitudinem cruris v. g.
 pone *hodierna.* pone

pone ossa deorsum abscindatur cum cute suræ caro, quam muscoli gastrocnemii constituunt, tantæ longitudinis, qua ad anteriora reclinata truncus membri mutilati obtegi queat: reliquum vero cutis & carnis, ut moris, transversim inciditur, ut retroducta interim ob læsuræ ferræ metum serra os amputatur. Quo facto caro illa mox antrorsum reflectitur, mutilatæ parti coaptanda & agglutinanda: quod commoda deligatione, itidem prolixè descripta, ab *Amstelodamense* maximam partem feliciter peragitur.

*Refutatur Sanctorius
dicens, omne sympto-
ma a morbo
primario de-
pendere.*

Ex quibus cunctis abunde satis elucescere puto, non omne symptoma a morbo primario ita dependere, ut ejus mitigatio & cessatio hujus medelam necessario & semper vel sequatur, vel, donec hæc contigerit, expectari queat; sed peculiaribus gaudere eorum quædam indicatione atque auxiliis, iisque demum feliciter cedere: & quam vanæ ac evanidæ sint rationes, seu sophismata potius logica, quibus *Sanctorius* imprimis urgentem hanc symptomatum indicationem evertere annisus fuit. Eo ipso enim, dum symptoma cum morbo venit, venit morbus pariter cum symptomate, i. e. etiam hic in fieri est, & dum morbus generatur, symptoma etiam hinc emergens fit; dum vero ille factus & permanens, symptoma etiam stabile & firmum satis, imo iusto pertinacius, apprehenditur. Nec, quod hac ratione in fieri esse dicitur, omni entitate positiva destituitur, v. g. motus sanguinis præternaturalis in hæmorrhagia, motus ventriculi perversus in vomitu: E. & eo ipso contrarium sibi indicant hæc symptomata, motus nempe naturalis in sanguine perinde, ac in ventriculo, restitutionem. Neque, ut *Sanctorius* sibi persvadet, contradictoria sunt, innuere symptoma morbum, ut causam, & innuere, vel (technice magis loquendo) indicare remedium: sicut nec ideo symptoma, quod sit res per accidens, minus indicare valet, quam morbus, pariter accidentale quid. Evitabit vero in curatione symptomatum facile elenchum non causæ, ut causæ, Medicus peritus ac prudens, modo inter symptomata & motus criticos discernere norit: i. e. evacuationes præternaturales ita demum sistere annitatur, ne causa ejus, unde plus damni in corpus redundat, retineatur ac cumuletur. Brevi, non assero, symptomatum therapieæ semper & ubique vacandum esse, bene tamen eorum urgentiora, cæteris paribus, sui mitigationem postulare. Ejusdem, i. e. nullius roboris sunt, reliqua *Sanctorii* argumentula seu micrologiæ, a *Galeno* olim jamdum repressæ.

*Quod etiam a
praxi quoti-
diana refuta-
tur.*

Majoris forsân momenti videri poterat hoc, nunquam posse tolli seu sedari symptoma, nisi remoto vel cessante simul morbo, ut causa proxima, vel in totum, vel in tantum: quod nihilominus præjudicium discutiet crebrior praxis, dum, si non per anodyna, certe per narcotica, levatur, v. g. dolor nephriticus.

ticus, calculo adhuc in loco suo harente : strangulationis metum temperat seu avertit in angustia bronchotomia, cruda adhuc existente faucium harumque musculorum inflammatione. Olim equidem, calculo, vesicæ cervici adeo arcte impacto, ut catheterisino haud cederet, vel eadem inflammata & chirurgiam hanc minus admittente, incrementum nihilominus ad rupturam usque ischuria, prognostico linquebantur ægri, quod causa non mobili nec possit tolli affectus; donec puncturam peritonæi suscipiebant Galli, & per hanc, non calculum quidem, non inflammationem, urinam nihilominus, in solatium ejusmodi miserorum, feliciter educebant, symptomati sine morbo medentes.

Si urgeas, effectum nihilominus & causam adeo arctesibi cohærescere, ut ille sine hujus declinatione averti nequeat: rehero, non tollitur equidem cum symptomate semper morbus primarius & evidens magis, qui non raro causa symptomatum remotior tantum observatur, tollitur tamen semper simul causa illorum proxima. Ita v. g. non expellitur calculus, laxantur nihilominus & emolliuntur fibræ canalium p. n. tensæ seu rigidiores a lenientium atque anodynorum applicatione, ut a crispatura & tensione sua dolorifica aliquantulum, simulque ipse dolor, remittant: Stupefcunt eadem, seu spiritus potius intra has irritati ab usu opiatorum, ut impetus calculi tortoris minus sensibilis iisdem evadat. Quadrat huc casus, *a. Sylvio. l. 2. n.* annotatus, de febricitantium hæmorrhagia, cephalalgia & agrypnia: quibus symptomatis medicari licet, non extinguendo febrem ardentem, temperando nihilominus eorum causam proximam & continentem, humorum nempe acrimoniam sanguinisve turgescientiam nimiam compescendo. Cui plura exempla addenda forent; v. g. observantur ex continuis non tantum, sed intermittentibus quoque, febribus quadam asthmaticæ, strangulatoriæ seu suffocatoriæ, qualis dispnoea urgens a stagnatione cruoris intra pulmonum vala evenit: Venæsectione ac diaphoreticis solvitur illa, non sine stagnationis sanguinis solutione, quamvis perseverante febre ac hujus paroxysmo in statu pristino. Simili modo ex dentitione non unius generis & periculi infantibus contingunt symptomata, dolor, convulsiones, epilepsia, alvi fluxus &c. qualia nihilominus interdum feliciter satis delinimus, motu dentitionis haud infracto vel intercepto.

Atque sic me dilucide satis comprobasse puto, symptomata quoque inter indicantia therapeutica jure optimo numerari, simulque sufficienter redarguisse illos, qui hoc autoritatis illis denegant. Quando vero alii, mitius agentes, illis indicandi vim concedunt, sub hac tamen conditione, ut indicationem horum sub curatoria & præservatoria complectantur, i. e. non, ut causa vel continens, vel antecedens, indicent illa, v. g. *Galenus 12. meth. med. 1. &*

Urgetur, symptoma velut effectus a morbo tanquam causa non potest separari?

Dicunt quidam symptomatum indicationem completionem compleri sub curatoria &c.

Capivaccius meth. med. c. 7. quorum hic, postquam rerum p. n. removendarum duas tantum, morbum nempe ac causam, constituit, ita pergit: *Admonentur juniores, nos negligere symptomata, licet sint præter naturam, quoniam, ut suo loco (cap. 25.) cognoscetis, symptomata nequaquam indicant, nisi ut habent rationem causæ (& quidem loco poster.) vel agentis morbum, vel ledentis vires*, quibus plerique reliquorum Commentatorum subscribunt, v. g. *Trincavellus loco allegato, Sennertus, Plempius, Nardus &c.* v. g. si dolor inflammationi occasio existat, eamve intendat, hæmorrhagia membrum ad sphacelum disponat, eademque, fluores alvi, vigilie ac tussis vires enormius consumant. Eo ipso inter indicantia peculiarem symptomatis locum concedunt, licet hunc modificare & limitare magno conatu annitantur.

*Symptomata
tum vehementiora tum mitiora sui mitigationem indicant.*

Primo siquidem inter quos *Sylvius quoque meth. med. cap. 18.* condescendere in hoc nequeo, quasi vehementiora ac vires valde deicientia symptomata tantum sui mitigationem (virium nempe conservandarum gratia) indicent; sed mitiora quoque aliquando & viribus parum aut nihil derogantia idem præstant: ita quidem ut si his vere mederi haud liceat, palliativam tamen ad minimum curam postulent aut admittant, v. g. tremor artuum, vertigo levior, visus imbecillitas, obauditio, rauco. Quemadmodum loquela quoque depravata, a defectu dentium primorum aut ossis palati erosionem, argenteis, aureis, eburneis similisque generis machinulis, perditarum partium æmulis, corrigitur, visus debilitas in senescentibus conspiciis emendatur, ex crure detruncato ambulandi impotentia crure suppositio seu ligneo juvatur, foetorque alarum, pedum, oris &c. suaveolentium gestatione, illinitione aut masticatione obtunditur & occultatur. Referatur huc pariter rosio lumbri-
corum intestinalium, quam saccharo, lacte ac similibus dulcibus temperamus: item alvi constipatio levior, cui in diversis affectibus medicari convenit, utut non adeo urgeat.

*Symptomata
graviora si-
dentur inter-
dum blandiora, que tamen
non ita sunt,*

Imo urgentium seu graviorum quoque symptomatum forsitan experimur plura, ac hæcenus penes autores communiter recensentur: dum præter vomitum, alvi fluxus, sitim, hæmorrhagias, dolores, suffocationem, inquietudinem, vigilias, deliria, animi deliquia & convulsiones, urinæ suppressio, tussis, rigor & æstus febrilis enormior corpus maxime defatigant. Quorum quamvis pleraque aliquando observentur blandiora, vixque medici opem implorent, eadem tamen interdum ad altius ferocitatis fastigium evehuntur illamque valde urgent, v. g. parciore & uberiore hæmorrhagia, tussis levior & magis ferina, horripilatio levior & rigor ossa conquassans. Ut taceam, eadem plus minus urgentia deprehendi pro subjectorum varietate, dum v. g. vomitus
etiam

etiam frequentior prægnantibus minus nocet & tantum non naturalis est, præ non gravidis, tussis majore cum periculo affligit hæmoptoicos, hernifos & gravidas, quam alterius aut sanæ magis constitutionis homines, spasmi scorbuticis non æque, ac febribus acutis decumbentibus, periculosi observantur, atque dolores v. g. nephritici, animadvertente *Panarolo pentec. 3. obs. 8.* prægnantibus præ aliis foeminis magis exitiosi existunt.

Quibus ita se habentibus asserere licet, indicare quædam illorum quoque ^{*Hæc nentra, ut*} symptomatum, quæ nec vires dejiciunt, nec morbum augent, adeoque neu- ^{*causa possunt*} tra, ut causa, vim habent sui medicationem postulandi. Neque tamen ideo ^{*sui medicatio-*} urgentium magis symptomatum indicatio mox omnis curatoria & præserva- ^{*nem postulare.*} toria subordinanda, quod illa aliquando causæ formalitatem induant. Dum supposito seu concessio hoc, calculus frequentius forsan non curatorie sed præservatorie tantum, indicaret, ratione inflammationis renum aut vesicæ, obstructionis ureterum & urethræ ischuriæ ac convulsionum, hinc metuendum, vel quæ singulare inde capere possent augmentum : sc. quod causæ antecedentis enarratorum morborum & symptomatum rationem, habeat, vel habere possit. Porro si symptoma nullam, nisi sub causæ specie, sui medellam urgeret, nec morbus, v. g. fractura, quam excipit membri fracti inflammatio, curatorie, sed præservatorie tantum, nimirum ut cruris v. g. inflammatio præcaveatur indicaret : cum tamen propria etiam seu curatoria illam gaudere indicatione, in propatulo sit. Et ex eodem fundamento indicatio causæ antecedentis nimirum ut peculiaris morbi generis, v. g. plethoræ, indicatio curatoria appellari jure posset, quam alias & communiter præservatoriam ajunt ; si nimirum diversæ saltem habitudines rerum præternaturalium ad se invicem indicandi formalitatem determinarent.

Aut si hæc similesve relationes diversæ diversi aut unius generis formarent indicationes, quid obstat, quo minus symptomata, quod vires immediate magis prosteruant, virium conservationem innuant : eodem nimirum fundamento ac intuitu morbi præservatorie aut curatorie eas indicare communiter malunt ; per consequens vitalis potius hinc indicatio emergat. Sicut e contrario, dum non adeo infrequens est, virium defectum morbos generare, v. g. ex hypothese communi, renum imbecillitatem seu robur eorum deficiens calculum ; ita ob relationem hanc virium in renibus deficientium ad calculum, tanquam morbum, non vitalis seu virium, sed curatoria, aut ad minimum præservatoria, hæc indicatio nuncupari deberet ; sicque omnis his, per se, indicandi vis denegaretur, quod absurdum.

Virium defectui adscribitur renum imbecillitas.

Neque enim omnimode paradoxum censerī poterat, quod imbecillitatem renum, quam vulgo inter symptomata actionis laxa numerant, virium defectui adscribam: jubet enim hoc vel ipse imbecillitatis terminus, vel ipsa ejus formalitas, quam in tono renum compagis laxato fractove concipere decet. Deficiunt quippe non tantum vires vitales & animales toti communes seu publicæ, sed particulares quoque horum vel illorum organorum labascunt, sive has sub determinata humorum ac spirituum influentium crassi, sive spirituum quorundam insitorem specifica habitudine, sive sub textura partium seu fibrillarum, compagem illorum constituentium, certo mechanismo, tono &c. concipiamus. Quod ne proprio ausu asserere mihi præsumam, provoco ad auctoritatem & commentarios totidem medicorum magnæ eruditionis & famæ, singulis membris aut calorem congenitum, aut spiritum insitum & quasi particularem concedentium, aut fermenta specifica, aut structuræ intrinsicæ mechanicam pro rectore & opifice vitali illarum actionum adscribentium.

Per consequens & perinde, ac partium cunctarum functionum integritas vires earum integras innuit, fatiscencia harum easdem fractas credere jubet, v. g. actio imminuta vel abolita renum &c. minime quoque, quia hic virium defectus morbo seu calculo producendo occasione existit, mox præservatoria seu curatoria, quam in therapeia sui præstant, indicatio appellatur, sed conservatoria manet. Par exemplum concedet crurum imbecillitas, a frigore, vulnere &c. contracta & tumorum œdematosorum causam antecedentem constituens: quam nihilominus minime hujus effectus causa præservatoria, sed per naturam & formalitatem suam conservatorie, indicare, omnes fatentur.

Sed ne prolixius in ejusmodi absurdis, quæ ex doctrinâ illa de symptomatum indicatione præservatoria fluunt, recensendis digrediar, sicut rerum præternaturalium tres distinctæ sunt, quæ sui remotionem per methodum medendi postulant, eæque revera & formaliter differunt: sic cunctæ illæ per se & distinctim indicant. Aut quamvis cum illis adeo acriter litigare nolum, quibus symptomatum indicationem, sub intuitu vel ad præsentem vel ad futurum morbum, vel ad vires, præservatoriam appellare lubet: diversa tamen hæc est & manet indicatio ab illa, quam causa suppeditat, nisi terminorum confusione abblandiamur.

Symptomatum horum plus minus urgentium forsitan pleraque recensui, quæ cuncta sui aut remotionem, aut mitigationem aut succum seu occultationem, postulant: & quidem per indicata seu auxilia diversa, ac singulorum symptomatum formalitati adversa, quorum instrumenta seu materia ex diversis fontibus, pharmaceutico imprimis atque chirurgico, haurienda; singula vero

vero explicare systematis practici prolixioris, non hujus instituti, est, nisi quod pauca saltem de dolore, symptomate omnium universalissimo & frequentissimo hujusque indicato & remediis pramonere opportunum videatur.

Est nempe dolor tale symptoma, quod vires non modo enormiter de-
 el, sed cujus tristis & ingrata sensatio ægris quoque adeo molesta existit, ut
 omnia præter hanc, mortem etiam, perpeti malint, nihilque magis, quam
 hujus levamen & sublationem, urgeant: imo, prout superius innui, spasmi
 dolorifici causarum morbificarum aliorumque symptomatum remotionem
 maxime aliquando sufflamant, ut commode non, nisi illis aliquantum se-
 datis, v. g. calculus renum, fæces alvi, in Colica v. g. suppressæ, eliminentur
 vel educi queant.

Ejus ratio formalis sine dubio consistit in incongrua objectorum tangi-
 bilium impressione, qua spiritus ad motus præternaturales seu extraordinarios
 irritati fibras nerveas impetuosius & inordinate tendunt ac ad crispaturam us-
 que convellunt, quale incongruum seu disproportionatum tamen modo, &
 forsitan quidem frequentius, in fibras, ut tubulos, illos continentes, immediate
 agit, omne nimirum extra has constitutum, v. g. culter, calculus, easque vel
 pungendo, vel premendo, vel lacerando, rodendo &c. vellicans; modo &
 nitallor, rarius, ipsos spiritus seu fluidum nerveum mox afficit, magis intrin-
 secum, v. g. heterogeneitates lymphæ, cruoris & ipsius fluidi cerebrialis, v. g.
 in cephalalgia, dolore artuum catarrhali, scorbutico, arthritico &c. Fieri
 tamen vel concipi nunquam poterit dolor ullus, quin solidum & fluidum illud
 simul motus incongruos sustineant & mutua sit dolorosa affectio; utut primus
 hujus instinctus, uti dixi, diversam agnoscat originem.

Quibus suppositis concludere convenit, doloris indicationem specialem
 violentioris atque incongrui illius spirituum & fibrarum tensilium sedationem
 ac correctionem postulare: qualem præstabunt, ut auguror, remedia non uni-
 us generis; i. e. quorum alia agunt ab extra & immediate magis in fibras, alia
 intrinsecus in spiritus, alia tamen horum per consequens in utrosque simul.

Quæ in fibras præprimis agunt, hæc contra spirituum irritatorum insultus
 muniunt, & quidem easdem vel constringendo vel laxando. Prius præstant acer-
 ba atque austera quævis, v. g. acetum, vitriolum, alumen, vitriolum & gallæ, quo-
 rum vim sedativam in dolore dentium frequentius experimur: forsitan quod vil-
 los partium irritabiles adstringendo horum renitentiam in impetum spirituum,
 præter naturam commotorum, intendant ac firment, sicque stuporis quoddam
 peculiare genus inducant; quale ab usu ejusmodi remediorum in oris parti-
 bus residuum deprehendimus. Quo etiam spectant acriora alia v. g. spiritus

*Remedia in fi-
 bras agentia
 contra spiri-
 tuum irrita-
 torum insultus
 muniunt.*

salis gangranosis membris, annotante *Fr. Hoffmanno*, anodynum efficax, it. radix pyrethri, caryophylli, origanum horumque olea, quæ probabiliter leviter rodendo, perinde, ac caustica actualia, partes sensibiles quasi mortificant; sicut adustionem dentis carioli hujus dolorem sedare, oleum caryophyllorum, idem præstans, vi corrosiva præ cæteris oleis destillatis pollere, vel hoc innuit, quod in sphacelatis partibus a sanis secernendis adhibeatur, item ferrum in rubiginem seu crocum promptius corrodat. Vel hæc acriora, ab extra fibras, irritando, perinde, ac adstringentia communiter dicta, constringunt, quousque horum resistentia spirituum superet impetum.

*Remedia, quæ
Dolores leni-
unt sunt ano-
dyna s. pare-
gorica.*

Quæ autem fibras laxando dolores leniunt, sunt anodyna seu paregorica vulgo dicta, qualia emolliendo has faciunt, ut tensione earum dolorifica remittente & ingruentia spirituum quasi cedente dolor quoque remittat, v. g. radix altheæ lil. albor. Herba malvæ, violar. flores sambuci, meliloti, semen lini &c. aqua tepida, medullæ pinguedines & olea temperatiora ac minus acria. Cujus quoque generis videtur ætiologia missionis sanguinis in doloribus variis demulcendis præsentaneum remedium: non quatenus sanguinis & lymphæ stagnationes dolorificas, sicque causam doloris proximam, solvit depletio hæc, qua ratione hujus loci haud est; sed quatenus sanguinem & serum, quo hæcenus vel secundum naturam, vel propter crispaturas suas, turgebant, fibris subtrahit, ut hinc flaccescentes ingruentis dolorosis spirituum cedant, nec adeo profunde quasi hæc impingantur, hinc in spasmos dolorificos aut omnimode nullos, aut leviores tantum, illæ cieantur.

Verum quæ in spiritus immediate magis agunt, horumque turgescentias dolorificas sedant, itidem aut motus eorum tantum immutant, seu impetus a parte affecta avertunt; vel ipsos orgasmos compescunt seu supprimunt. Prioris generis ajo revulsoria communiter appellata remedia, nimirum frictiones, cucurbitulas & forsân cæteris potentiora, vesicatoria: utpote qualia non tam ex hypothesi veterum, in humores, quam spiritus, potius agunt, horumque motus invertunt & a parte ad partem vocant seu alliciunt; adeoque eadem pari modo, i. e. spiritus a dolente parte avertendo, doloribus mederi, ratio atque experientia suadet.

Posterioris generis potissimum narcotica sunt, in specie papaverina & opiata, crebrioris usus: quorum, sub majore mole licet, parti dolent extrinsecus applicatorum, vis nulla aut forsân exilis observatur in doloribus levandis, utut in praxi vulgari quotidiani usus sint: nisi quatenus eorum quædam minima subtiliora seu leviora fibras nerveas partis affectæ aliquando penetrant,

netrant, & secundum harum tractus in spirituum systema efferuntur. Quale quid observamus a narcoticis, ano injectis, auribus ac dentibus cariosis dolentibus immixtis, quæ a villis partium harum tenerioribus magisque, quam in habitu corporis cutaneo, patulis, sæpius usque ad stuporem, partis non tantum, sed totius quoque, imbibuntur, & sic aliquando dolores leniunt. Intrinsecus vero propinata sub exilissima quantitate stupendos in doloribus atrocissimis sistendis effectus præstant, activitatem spirituum naturalem æque ac præternaturalem temperando: ut ab hac minus actuata fibræ sensibiles laxentur seu torpescant, ut impressiones causarum dolorificarum minus persentiant; imo excessive paululum hausta instinctuum naturalium & vitalium quoque perceptiones eousque infringant illa, ut non tantum fluores alvi præternaturales, vomitus &c. hinc sedentur, sed alvus quoque pertinacius constipetur, pulsus rarus ac tardus & respiratio minor ac rarior reddatur.

Similis ætiologia forsan subest ambientibus seu admotis actu frigidis, v.g. nivi & aquæ frigida, qualia membris, quæ contingunt, stuporem inducere, palam est: quatenus nempe spirituum motum inhibent, eosque quasi congelant, seu, ut alias loquuntur, a parte affecta avertunt ac repellunt; adeo ut si frigus eorum iusto diutius ac incautius admittatur, lipothymias hoc pariat & ad toporem fatalem ut plurimum disponat, partes vero in sphacelum conjiciat. Qualium refrigerando stupefacientium efficacia non parum juvatur, si cum impetu majore, v.g. mediante syringa, aut folle potius, qualem *Lamswerde* *append. instrum. ad Scultet. tab. 28.* commendat, illa applicentur, aut si per embrocationis modum hoc fiat, aut si vesica, iisdem repleta, parti dolenti velocius & iterato admoveatur, seu hac quasi percutiatur eadem, innuente eodem *Lamswerde l. a.*

Denique huc refero Mercurii vivi, extrinsecus applicati, vim sedativam, qualem adeo eximiam testatur *Walaus Instit. med. lib. 3. cap. 3.* ut illos etiam dolores mitiget, quialiiis remediis sanari haud potuerint. Et experimur hanc ejus efficaciam hinc inde, v.g. in cancro occulto pariter ac manifesto, sive per se, sive cum plumbo amalgamati, aut si lamina tantum plumbea, illo incrustata, parti imponatur: item in gummatum gallicorum, aliisque artuum hujus generis doloribus immanioribus, in quibus unguenta & emplastra mercurialia topicis opiatissimis palmam præripiunt. Porro in dolore capitis effero valde præsentaneum remedium observamus emplastrum de ranis cum Mercurio, duplicato aut triplicato imprimis hujus pondere: imo artuum dolores catharrhicos quoque pertinacissimos brevi solvit idem.

*Mercurii vivi
vis sedativa.*

Qua-

Virtus hac sedatifa a potentia deliquatoria seu fusoria derivatur.

Qualem quidem virtutem sedativam illi, quibus innotescit, a potentia ejus deliquatoria seu fusoria derivant, qua viscidum seu spissum morbosum cum perinde attenuet atque resolvat, ac metallorum compactiora corpora summa agilitate penetret. Quam quamvis, vel propter singularem ejus mobilitatem ipsi denegare nefas ducam, quia nihilominus illius abusum seu incautam manipulationem spirituum systemati stuporem inducere, paralytis, tremores, convulsiones, lethargus, apoplexia & impotentia virilis, a Fernelio, Solenandro, Beguino, Oetheo, Williffo aliisque infinitis annotata symptomata, testantur; moderatiorem & congruum ejus usum levio-rem atque suaviorem narcosin inducere, & per hanc dolorum objectorum impetus retundere, probabile sit.



D. JOHANNIS BOHNII P.P.

DISSERTATIO MEDICA

DE

ARTE NATURÆ
ÆMVLÆ.

AN, qui de natura corporum naturalium, siue in genere, siue unius alteriusve tantum horum, v. g. hominis, commentati fuerunt, huiusve essentiam seu formalitatem eruere contenderunt, omnes æque feliciter & cum desiderato successu res suas egerint, nunc minime disquiram: cum lineolis his non theoriæ, sed praxi inprimis, litem; neque me credam, aliorum Philosophorum ac Medicorum eruditiorum, qui argumento huic lucubrationes suas manciparunt, & motorem hunc diuinum indagare allaborarunt, hypotheses varias rimari, harumque repugnantias dirimere, non Physiologum, sed Therapeuticum, nunc agens, multo minus dogmata virorum illorum celeberrimorum cribrare, confundere & cavillare, utpote quod, animadvertente Hippocrate de Arte, non scientia votum & opus, sed ignorantia artis, foret.

Sufficere scopo meo iudico, in hoc omnium Eruditorum assensum mihi promittens, si naturam humanam dixerò motorem corporis nostri intrinsicè, quem Summus rerum Conditor illi indidit, quoque omnes functiones vitales, sub determinata a natura naturante habitudine partium corpus constituentium singularum ad se invicem, eodem semper tenore ac modo, seu inuolabili quasi necessitate, celebrantur, integrum ac vivum perennat totum: & quem pariter morbis seu aberrationibus quibusdam hinc inde labefactatum per potentia ac integritatis suæ reliquias, illos modo superare, vitia introducta emendando, modo ab his subjugatum, vel pertinaciores & insanabiles magis eosdem experiri, seu cum valetudinaria infirmitate diutius luctari, vel omnimode cessare & mortuum pone se relinquere suum subiectum, deprehendimus. Paucis, erit mihi natura humana aggregatum seu series potentiarum, corporis nostri animalitatem integrantium: qualis valida minusque conturbata eousque dicitur, quàm diu omnes illius functiones vigent; debilis & concussa, si eadem

Quid natura humana sit, & quanam huius operationes.

plus minus imminuuntur, depravantur atque dispereunt. Seu, ut *Clarissimus* olim *Meibomius de Consuetudinis natura* differebat, *Natura* nomine complexum aliquem variarum causarum agentium, a Deo ita ordinarum, intelligimus, eique non tantum in sanitatis statu tam varias & pulchras actiones adscribimus, sed etiam valetudine afflicta Naturam morborum medicatricem, cum veteri & recente Medicorum Schola, agnoscimus, illiusque ministros & actionum ejus omnium diligentes observatores Medici nos profitemur.

*Per naturam
agit & patitur
corpus.*

Hæc quippe, per quam agit & patitur nostrum corpus, quod agere & pati a Creatore hoc jussu est, quamdiu integra, quamvis a nullo magistrorum hoc edocta, instinctu quasi quodam concreato, seu per necessitatem aliquam inevitabilem sui & corporis, cui præest, integritatem conservare annitur; & quidem molimine adeo assiduo ac strenuo, ut minoribus æque ac majoribus, solidis ac fluidis, hisque crassioribus ac subtilioribus partibus, plus minus fatiscientibus, operam mox & singulis momentis ferat; non tantum, dummodo ad habitudinem præternaturalem tantillum (quantum nobis insensile plane adhuc, & quo non observato nos in statu sano, nondum morbofo, ad minimum intermedio seu neutro, adhuc degere credimus) inclinamus, leviores & superficiarias aberrationes, ac ubi morbi evidentius ac profundius nos deprimunt, & altiores penes nos radices egerunt, has corrigendo atque exturbando.

*Ratio, cur na-
turas morbo-
rum mediatrici-
es dixerit
Hippocrates.*

Atque hoc est, cur *Naturas morborum medicatrices Hippocrates 6. epid. 5.* dixerit, quod nullum medicum prudentem abnegaturum confido; non tantum, quod illæ non raro affectus extreme deploratos, quibus per artem mederi hand conceditur, sanent; sed quod nec ars in his, quæ sphaeræ suæ sunt, vitiis corrigendis, sine illarum cooperatione, infirmorum ac medici desiderio par reperiatur, i. e. si hi illas non habeant propitias. Quin imo naturæ terminus, utut quibusdam chimæricus valde visus, ideo e scholis medicorum eliminari nequit, cum res ipsamet eundem commendet, & pro ejus reali existentia loquantur illius effectus, nec hac in vita quicquam illi præstare valeant. Hincque illud *Galen de tot. morb. tempor. 5.* fluxisse videtur: *Neminem servari, nisi natura morbum superarit, meminem mori, nisi natura victa fuerit: quemadmodum illud pariter, quo 3. method. med. 3. & 4. Naturam nunquam cessare scripsit.* Agit natura equidem sæpe sine medici opera, medicus vero nunquam sine naturæ concursu morbis medetur; Naturæ quippe major est potentia artis viribus, E, hæc non semper, quæ illa, præstare valet; seu natura humana genuina & potior cunctarum agritudinum domitrix jure optimo nuncupatur.

Ex quo pariter factum, ut Medicum Naturæ ministrum antiquitas, aut potius ipse DEus, constituerit, *Cassiodorus de Comitib. Archiarror.* termino illustriore, consiliarium ejus dixerit: qui ejus tendentias præmonstratrices sequatur, eas dirigat seu moderetur, eique parturienti quasi obstetricetur, ac opem ferat. Sub quo posteriore adjutorii sensu, quamvis hujus autoritas a quibusdam eousque evecta fuerit, ut Naturæ Dominus etiam audiat: meo tamen judicio fastuose & jactanter satis, nedum impudenter ac minus prudenter prædicato hoc nobis ablandiri videmur inopes homines, & quibus illud Hippocratis de fract. 1. applicandum erat; *Qui sapientes sibi videntur, medici, hi sunt, qui peccant*, dum juxta *Helmontium* victus rat. S. 26. ancillandum potius est Naturæ, nunquam imperandum. Tametsi idem hic *Catarrhi delirant*. ubi medicum equidem cum Hippocrate naturæ ministrum agnoscit, insequentibus mox tamen verbis: *ubi natura succumbit, eum non amplius ministrum, sed interpretem, rectorem ac herum præpotentem* nuncupet. Quale certamen nihilominus verborum lusorium ne ipsum negotium, majoris momenti, conturbet, dicendum puto, medicum non tantum modo ministrum, modo (rarius) magistrum, sed aliquando spectatorem nudum quoque naturæ agere: sub priorum persona manum operi plus minus admovendo sub posterioris quiescendo. Ego nec cum ullo medicorum, nec cum natura, de dominatu hoc disceptabo.

Antiquitas medicum nominabit naturæ ministrum, consiliarium,

& etiam, minus tamen recte, Naturæ Dominum.

Ministri interim munere fungi dicitur medicus, si naturæ molimina juvet, ac, quæ his impedimento sunt, removeat, v. g. cruditates primarum viarum evacuet, ossa luxata & fracta reponat ac coaptet, e vulnere tela, ossis fragmenta, grumos sanguinis similiaque heterogenea educat, hæmorrhagiam ejus compescat, calculum grandiore urethræ eximat, labia vulneris sibi adducat, cruoris stagnantis resolutionem maturet, aut quodcumque illa fatiscere deprehenditur, eidem opituletur. Qualia ministeria dum præstat, consiliiarii ac directoris œconomix nomen gerit, annotante *Eruditissimo Schelhamméro*, non servi aut vilis mancipii: neque forte, ut bajulus aut operarius inferioris conditionis, necessaria tantum comportat, vel subministrat, sed laboranti & velut auxilium imploranti liberaliter succurrit. Magistrum vero &, si non dominum, saltem moderatorem, agere idem videtur naturæ errantis, seu per motus ac tendentias indeterminatas atque inordinatas agentis, v. g. si hæmorrhagiam narium immoderatiorum aliosve fluxus cruentos aut quosvis nimios ac intempestivos supprimat, si gangrænam temperet, intestina ad inguina & scrotum vergentia reprimat. Quemadmodum demum ut merus spectator admitti potest medicus, non tantum, ubi, innuente *Casp. Hoffmanno*, mor-

Ratio cur medicus dicatur minister &c.

bis parvis vincendis sola natura sufficit, sed ubi majores & graviores quoque artis præsidia eludunt, soli illius virtuti & bonæ fortunæ medelam committendo: quorum priorum exempla sunt anorexia & cephalalgia a crapula, coryza aut quilibet catarrhus levior sine febre; posteriorum affectus plus minus desperati, v. g. phthisis tertii gradus, arthritis nodosa, vulnera cordis.

*Medicus non
est otiosus spe-
ctator agra-
tantis.*

Esti de his inter alios audiendus veniat *Fr. Sylvius prax. app. tr. 8.* acriter satis in illos invehens, qui maximam medelæ partem ægrorum naturæ frequentius concedunt, ac pugnx tantum spectatores adstant, quam inter morbum & naturam fabulantur, atque sic meri arbitri sunt victoriæ, nunc morbo, nunc naturæ cedentis; quos promachos & comilitones hujus strenuos se præstare, magis e re foret. Spectator sit medicus cautus & prudens non otiosus, hoc est, qui vires naturæ & morbi simul perspiciat & exactius commensuret, illi, quam parum etiam labascenti, tempestive subveniundo: si non statim per remedia pharmaceutica & chirurgica generosiora, per diætā tamen ad minimum moderamen congruum. Ita ut cruditates etiam primarum viarum, per crapulam congestas, nisi naturæ robore brevi superentur, eliminet aut digerāt, sicque nullibi occasionem præcipitem negligat: ut taceam, nec minorem digiti articulum luxatum spectatorem merum pati, sed operam manuariam æque mox, ac femur dearticulatum, exigere.

*Natura, nisi
perverse agat,
non est stimu-
landa.*

Ex quibus inferre convenit, Naturam, quamdiu sufficienter, moderate acrite agit, a Medico nunquam esse turbandam, nec ab hoc istam adiutorium postulare; sin succumbat, parum, nimirum vel perverse agat, stimulantem, juvandam, compescendam atque corrigendam: ubique motus ac modos ejus congruos imitando, i. e. secundum morem hujus remedia quærendo, atque applicando seu fluidis ac solidis partibus texturam & harmoniam suam reddendo, Leges speciales, secundum quas naturæ opitulari liceat, recensere, mei scopi haud est: qui, quando & quantum hanc præmonstratricem imitari plus minus concessum sit, disquirere, potissimum intendo.

*Vim suam ex-
erit natura
& in statu sa-
no & in valetu-
dinario.*

Illud extra omne dubium & firmum ex antecedaneis suppono, naturam vim suam non minus exerere in statu sano conservando, ac in valetudinario emendando, seu pristino illo restituendo: quorum illud præstat, libramentum, integritatem corporis constituens, custodiendo; hoc, inclinationes ab eo divergentes, ad librilē justum reducendo. Si non par, similis tamen huic est, artis potentia, quamvis non adeo evidens minusque necessaria ad valetudinem conservandam quam ad fractam restaurandam. Equidem tyrones ex prima statim medicinæ definitione illud præjudicii haurimus, esse eam artem sanitatem æque integram conservandi, ac labefactatam restituendi: vix nihilominus comparet, quid in sanitate

nitate firma conservanda artis valeat opera, utpote quæ natura si non inferior, nunquam potior; hinc quod hæc sola conservando præstat, ab illius adjutorio minime expectat vel desiderat, ut prolixè declaravit *P. Laurembergius partic. Æsculap. c. 13.* Et si forsan ad prophylaxin morborum aliquid conferre videantur medicorum consilia atque auxilia, hæc vel ipsam jamdum dispositionem valedudinariam, seu declinationem a sanitate exacta ac causas morbi procatasticas, antecedentes vulgo dictas, respiciunt; vel diætæ aberrationes, quæ naturæ, hæcenus recte agenti seu conservanti, vim inferre poterant, vitandas innuunt: quorum illud propriè mederi, hoc improprie aut remote satis tueri, vocatur.

Proin, quod in gratiam illorum, qui systemata medica condere gestiunt, dictum sit, caveant hi imposterum a labore hoc, quem in conscribenda methodo prophylactica frustra consumunt, ab antecessoribus & primis institutio- *Methodus prophylactica est minus utilis.* num artis scriptoribus seducti, quorum dogmata forsan de charta in papyrum transcribunt: complectitur eadem, quæ ullo modo huc faciunt, pars therapeutica, cætera erunt inutilia ac supervacanea. Quo etiam inclinare deprehendo *alleg. Hofmannum* in institutionum suarum diversis capitibus: ubi minorem ab exacta sanitate lapsum præsertationem a majore exigere contendit; quæ lapsa tamen integra pronuciari haud posse, adjicit. Atque eo ipso, dum sine triplici illo præsidiorum genere, diætetico nempe, pharmaceutico & chirurgico, præservare non datur, hæc autem semper a re quadam præternaturali indicatorum instrumenta sunt: necessario per ea non, nisi a sanitate plus minus deflectentes, tuemur, quid hoc est? a primordiis morborum eos liberamus, i. e. medemur. Idem vult *Hippocrates*, quando de arte l. 22. scribit: *Naturæ autem stimulata & impulsæ artis peritis, quæ faciendæ sunt, demonstrat, a morbo* sâ nempe corporis sui constitutione lacescita.

Sub morborum nihilominus curatione medicum haud alia ratione in corpus infirmi agere, ac naturam per motus suos reconditos, probabile est, cuiuscunque etiam generis remediis utatur ille: cum perinde humorum, spirituum & partium solidarum dyscrasias & ataxias temperet, corrigat atque moderetur, viscida attenuando, superflua subtrahendo, laxum firmando, ad motus impellendo, hos sedando, aut quodcunque adjumentum naturæ afflictæ afferendo, per præsidia a natura naturante concessa, horum & humanæ naturæ cum Medico Conditor communi. Ac quemadmodum, si naturam atque artem sub generalioribus conceptibus conferamus, illa nihil, nisi ars divina, est, juxta quam omnia maxime ordinata sunt; ars humana vero illius imitatrix seu virtus mentis, qua ad ejus leges opifex ea dirigit, quæ ab extra operatur.

tur, deprehenditur, & non tam primario ab opificis actione, quam ab hujus causarum naturalium moderamine, seu ab harum diversa applicatione, dependet artis opus: sic artis medicæ & naturæ opera non tam essentia, quam applicationis modo tantum, & quod eam artifex dirigat & moderetur, discrepare videntur. Agit nempe Centaurium minus v.g. in humores viscidos perinde, ac bilis, cujus particulæ activæ plus minus exaltatæ, eos carminando ac solvendo; mucilago Tragacanthæ perinde, ac gelatina lymphæ aut mucus intestinalis, acrimoniam obviam inviscando, & partes solidiores contra hujus stimulos defendendo; Venæsectio atque scarificatio eadem ratione, ac catameniorum & hæmorrhoidum apertura, sanguinem imminuendo; cathartica similiter, ac particulæ acres aut heterogenæ quævis, intrinsecus genitæ, massam humorum exagitando & organa excretoria irritando. Naturæ filia æque ac nutrix est ars, nec aliud quid patrare potest, nisi quod illius leges seu inclinationes permittunt: & hæ naturæ leges sunt methodus medendi genuina; non illa, quam ingeniorum quorundam volubilitas & præceptorum irritorum jussa fingunt ac typis passim conscripta legitur, quamque *Sylvius prax. med. libr. 3. c. 4.* evanidam ostendit. Uno verbo, medicina est ars principiis naturæ scientificis, tanquam totidem legibus, superinstructa: & qui his se suamque curandi rationem submittit, Medicus jure fidus naturæ minister dicitur.

Natura Variis gaudet potentiis,

Ars vero suppeditat remedia.

Evolvamus *Hippocratem*, de potentiis humorum naturalibus seu conservantibus ac præternaturalibus seu lædentibus hinc inde, *de veter. med. ac de natura human.* inprimis differentem: ubi corporis humani naturam ex amaro, falso, dulci, acido, acerbo, fluido & aliis præter calidum & frigidum infinitis omnigenis facultatibus copiamque & robur habentibus coagmentari, seu potentias has illi ita inesse scribit, ut, quamdiu mixta & inter se temperata, tum facultate, tum copia, nec conspicua seu sensibilia sint, neque hominem lædant, donec alterum horum præpolleat, aut deficiat, a cæteris secedat, seu his minime contemperatum fuerit. Totidem proin quoque & varii admodum generis ars suppeditat remedia, humores exuperantes & molestos per vias diversas evacuantes, qui deficiunt, suppletia & potentias eorum vitiosas ac corpori exitiosas alterantia, hinc opera naturæ æmulantia: seu, quod natura aliquando sponte agere novit, *1. de Diet. t. 14. Medicina, quod molestat, tollit, & id, a quo homo egrotat, auferens, sanum facit.* Quamvis remedium eorundem generosiora seu activa magis, plus justo copiosius aut in tempestive applicata, per potentias suas eadem ratione lædere ac economiæ nostræ hostilia evadere, perinde ac de potentiis naturalibus dictum, experientia testetur.

Præmon-

Præmonstratricem E. non minus naturam habet ars, ac curatricem sui ^{Ars naturam}
 experiuntur morbi, cujus, tanquam magistræ, ductum sequi, artis & medici, seu ^{habet præmon-}
 illius, est, qui naturæ officinam ingressus: non tantum tamen, juxta ^{stratricem ac}
Hofmannum, ubi illa valida fuerit, atq; activitati causæ morbificæ prædominetur, adeoq; ^{morbis sui cu-}
 ad mentem *Galenii* 3. de *crisibus* 10. per determinatos ac ordinatos sui motus, seu ^{ratricem.}
 operationes proprias, agat; sed ubi etiam deficere ac aberrare videtur, & in-
 determinati seu irregulares hujus motus sunt, hos juvando ac corrigendo. Li-
 cet motus hos perversos ac incongruos, incognitos quoque idem asserat *Gale-*
nus l. c. lateant etiam frequentius, qui a natura robustiore ac recte agente susci-
 piuntur, vixque sagaciori medico de iis constet, antequam in excretiones seu
 metastases evidenter erumpant: sc. si aut lento magis incedant gradu, aut ad
 alterandum tantum inclinent. Paucis, motus naturæ per effectus suos sunt evi-
 dentes, ast, quo modo fiant, non æque ac undique comparet; ita tamen ut,
 sicut hi aliquando salutares existunt, nec omnimode desperandum sit Medico
 sub gravioribus & periculosioribus eorum, quin casu exigente eosdem æmul-
 letur; postquam ex *Hippocrate* naturam stimulatam atque impulsam demum
 medico, qui faciendum, monstrare, superius dixi.

Et, ni fallor, Arti inveniendæ atque excolendæ multum occasionis sub-
 ministrasse videtur Natura, cum initia ac incrementa potiora ab experientia ^{Arti inveni-}
 illa ceperint, & secundum hanc remedia tentare, industriam humanam jussit ^{enda & exco-}
 rit: qualem experientiam præter externa varii generis phænomena quoque, ^{lenda in se habet}
 ipsis infirmis supervenientia, vel ex interioribus eorum mutationibus emer-
 gentia, præstant, & per quam ipsos morbos corporis salubritati cedere, palam
 est Sola illa intrinseca partium ac functionum conspiratio plus minus sensibi-
 lis, quam naturam dixi, frequentes in corpore *diagnosticæ* & *therapeuticæ* concitat,
 sub specie hæmorrhagiæ narium, mensium & hæmorrhoidalis fluoris, sudoris,
 diureseos, fluxus alvi, vomitus, salivationis, exspuitionis, per papulas ac exan-
 temata cutanea, abscessus, ac mediantibus his cum agrotantium levamine cor-
 pus diversimode alterat: ut vix adeo paradoxum videri debeat, etiam ipsos
 morbos naturam interdum ad medendum sollicitare, seu quæcunque
 præter naturam accidunt, eandem juvare aut allevare, ut reliquum mor-
 bifici postmodum facilius digerere & superare queat. Aliquando etiam mo-
 tibus paribus, interdum satis molestis, a morbis præservat, prima mox horum
 flamina destruendo, seu id, a quo metuendum, tempestive exturbando vel
 subigendo, ut quotidiana pariter testatur praxis.

Natura nempe ejusvis hominis ab alimentis non tantum, per legem sibi ^{Imo ab ali-}
 perpetuam, utile atque indoneum separat & ejus corpori integro conservando ^{mentis utilia}
 impen- ^{separat, cor-}
 dat. ^{pusque conser-}

impendit, recrementa vero aut quascunque heterogeneousitates minus congruas per excretoria naturalia rejicit: sed quæ chylo quoque, cruori, bili, spiritibus &c. vel ab his vel ab aliis, ab extra occurrentibus, vel quæ per digestionem hanc illamve vacillantem seu erroneam, affricantur, mechanisimis variis secernit, hæcque modo per vias naturales, modo præternaturales seu extraordinarias magis, exturbat, sicque morbos prævenit. Cujus asserti veritatem infinitis experimentis comprobare possem nisi penes peritiores medicos ideam jamdum in confesso scirem, aliter vero sentientes uno vel altero duntaxat in partes meas me tracturum considerem.

Vomitus spontaneus sæpe a nobis præferant.

Vomitus spontaneos nonnunquam a febribus præservare, i. e. primum harum fomitem excutere, frequentius deprehendimus, & illos spectat 1. aph. 2. ubi vomitus, qui sponte fiunt, si, qualia oportet, evacuent, conferre & ægros facile sustinere, asseritur: cum hac ratione eliminetur, quod naturæ, sive qualitate, sive quantitate, sive utraque ratione, molestum est, aut molestiam creare poterat. Et quoties non contingit, per vitiosum seu indulgentiorem appetitum assatim ingesta tensionibus hypochondriorum anxietatibusve præcordiorum occasionem præstare, quibus nihilominus illud ventriculi beneficium succurrit, cruditates hinc metuendas seu genitas ultro rejiciens. Nec illorum desunt exempla, qui perpetuo alimentorum aliorumque vomitu a cruditatibus morbificarum congestione sibi eousque cavent, ut sub hac vitæ ratione satis diu superstites maneant, etsi causarii. Cujus generis ille penes Panarolum 1. obs. 22. videtur, qui genio indulgens, quocumque mane lecto surgeret, mentis notabilem conturbationem cum nausea tam diu experiebatur, donec vomitu digitis intrusis provocato & materia vitiosa rejecta usque in diem insequentem bene se habuerit, & sic felicitati proximam transegerit vitam. Quo illa quoque ventriculi atonia referenda, quam Pecclinus 1. obs. 48. annotavit, quæ justo plus cœnatos aut pransos vomitu ulciscatur & incocta semesaque statim remittat, magno corporis commodo: contra, si moles illa in ventriculo relinquatur, exurgunt protinus dolores, borborygmi, tensiones hypochondriorum, pulsus magni sanguinisque ebullitiones, &c. Simile quid in illustri militum Duce etiam observavi, qui avidius edens ac bibens mox a pastu notabilem ingestorum quantitatem vomitu quotidiano exterminat; sine hoc levamine pejus semper se habens. Imo vomituum salubritatem prophylacticam experiuntur non raro gravidæ, primis gestationis mensibus eos passæ, hincque minus symptomatum in puerperio sustinentes.

Quinimo quosdam vomitionibus cruentis a gravioribus affectibus tutos reddi, experientia convincimur, quibus alia sanguinis solennior evacuatio deficit v. g. *Rhodi 2. obs. 64*, in binis foeminis, quæ imminente Catameniorum fatali pridie sanguinem per stomachum rejecerint. Meminique similis vomituritionis sanguinolentæ in ancilla quadam, alias aut omnino non aut non sine difficultate, tributum lunare solvente: Quod idem *Hippocrates 7. aph. 37.* confirmat, sanguinis vomitum, sine febre, salubrem pronuncians. Quemadmodum per alias quoque hæmorrhagias, easque interdum periodicas, varia plethoræ & cacochymix, incommoda naturam amoliri, cum observationum Scriptoribus deprehendimus, v. g. narium aliarumque partium, annuatim semel, bis vel pluries contingentes, & a vertigine, cephalalgia similibusque symptomatibus tuentes. V. g. juxta *Pechlinum* modo allegatum *2. obs. 9.* in viro quodam, narium stillicidio a prima juventute ad annum octuagesimum octavum crebrius exposito, qui eo demum deficiente lethargo correptus interierit; & in alio, itidem valde sene, cui ex salvatellæ sinistro ramo hæcenus per intervalla salutariter erumpens sanguis, si aliquando defecerit, in morbum eum primum reddiderit: sicut denique in ancilla quadam, cui ex occipitii arteriola copiosus & floridior exiliens cruor contumaces capitis dolores, quibuscum conflictabatur, solverit. Quale quid *Hippocrates* etiam *5. aph. 33.* innuit his verbis: *Mulier mensibus deficientibus sanguinem ex naribus fluere, bonum est.* Ne meminim fluxus hæmorrhoidalis moderati, qui, quamvis vix unquam corporis constitutionem exacte sanam significet, a diversis tamen gravioribus affectibus, v. g. melancholicis ac nephriticis paroxysmis, pleuritide, peripneumonia, lepra &c. secundum eundem *Hippocratem 6. aph. 11. de judicat. t. 10 ac 7. epidem. s. 3. t. 64.* custodit.

Præterea aliarum evacuationum, nedum transpositionum, obvia sunt exempla, morbos graviores avertentium, v. g. fluoris alvi, dum *Hippocrates 1. aph. 2.* perinde ac in vomitibus spontaneis, in conturbationibus alvi quoque, si, qualia oportet, purgentur, conferre, ait: ac *Celsus 4. cap. 19.* uno vel pluribus diebus alvum fluere valetudini prospicere scribit, modo febris absi, & ultra septimum excretio hæc non extendatur; purgari quippe hac ratione corpus, & quod læsum erat, effundi. Pariter ac ipsam dysenteriam, spleneticiis ac podagricis supervenientem, *Hippocrates 6. aph. 48. & 2. prædict. t. 15.* bonam pronunciat; accoryzæ vim in morbis capitis arcendis cum medicis vulgus, non sine ratione atque experientia, deprædicat. Per scabiem similesque efflorescentias ac papulas cutaneas heterogeneitates sanguinis morbificas opportune aliquando ad habitum transferri, sicque variorum corporis incommodorum

dorum caufarum procatarcticarum radices primas evelli, in propatulo est: in specie per scabiem, achores, favos, tineamque capitis insultus epilepticos averti, *Zacutus Lust. prax. histor. libr. I. cap. II. & Hasenrefferus de affect. cutis cap. 16.* alique referunt, quemadmodum variolas quoque; ipseque recordor ejusmodi subjectorum, quæ scabiei contumaciori exposita benignas & parcas valde eas experta fuerint. Perinde ac *Forestus 6. obs. 9. in Schol. tradit*, pestilentem malignitatem non facile subintrare illorum compagem, qui arthritide, lue venerea & ulceribus inveteratis laborant: ac *Sydenham obs. morb. acut. f. I. cap. I.* ipsius pestis symptomatum complicationem una cum arthritide ad miasmata morbifica & humorum massam depurandam collimare, asserit.

*Non omnes
excretiones &
motus naturæ
sunt salutes.*

Quamvis excretiones & motus ejusmodi naturæ medico non undique que feliciter imitari liceat, simili ratione, ac nec illi semper æque salutes contingunt, utpote symptomatice non raro, i. e. qui pristinos motus seu symptomata non imminuunt, quin potius aliquando intendunt. Neque omnis crisis seu motus naturæ criticus prodesse observatur: cum lethalem non minus seu malam, ac bonam seu salutarem, crisin monstrat quotidiana praxis. Et hallucinari sæpius deprehenduntur nostrates (quos methodicos ideo vocat *Sylvius l. a. quod non tam veritatem ipsam querant, quam, ut videantur ipsam possidere, allaborent.*) dum per omnem crisin ad salutem, per nullam aut nunquam ad pejus, morborum mutationem fieri, contendunt: cujus nihilominus contrarium vel ipse *Sennertus* similisve institutio ista trivialis, quem in arte sibi legislatorem fingunt, docere poterat, cuncti crisin subitanam vel ad salutem, vel ad mortem, mutationem agentes.

*Motus nec
Symptomati-
cas nec criticos
æmulari de-
cet,*

Quibus ita se habentibus motus, naturæ vindicatos, nec symptomatice unquam, nec criticos semper, æmulari quadrabit, nisi infelici ac incertæ medelæ ægrum exponere & naturam errantem ac succumbentem sequi malimus. Quis saniorum Medicorum præmonstratricem fidam agnoscat Hamorrhagiam narium in febribus acutis, ante septimum, seu in harum principio atque incremento evenientem, utpote symptomatice & pravam ab *Hippocrate 1. Coac. 186.* pronunciatam, aut certo ratissime boni ominis? Imo etsi forsan ejusmodi fluor cruentus in principio febris, cui sc. nihil cruditis, cujus coctio prius expectanda, subest, sed a plethora & stagnatione mera contingit, salutaris aliquando deprehendatur; neque hunc tamen semper mox imitari conceditur, quod de intrinseca massa sanguineæ habitudine morbosa haud adeo exactum semper & protinus ferre nobis liceat judicium. Hinc non mirum, quotidie tamen obvium, vena sectionem in principio continuarum adornatam,

urrit

utut consuetam, voto nostro & ægrotorum haud semper satisfacere, ac succumbere ex his æque, quibus cruet tempestive (ut ajunt) missis, ac quibus nulla ejus depletio facta. Quod de alvi dejectionibus sanguinolentis pariter advertendum, non symptomaticis tantum, quales *Höchstetterus dec. 1. obs. 8. 9. ac 10.* periculosas admodum, imo lethales, annotavit, sed de criticis quoque salutaribus, ab *Eodem dec. 2. obs. 2. & 3.* consignatis; quales imitari medico haud integrum relinquitur.

Et, quo ad narium hæmorrhagias revertam, quis a natura se cœusque duci, ni induci, patietur, ut, quemadmodum hæc septimo acutarum die salutares plerumque illas ciet, simile quid arte æmulari sibi præsumat? utpote quod sine dubio cum occumbentis fieret exitio & motu naturæ in statu morbi conturbato. In variolarum principio & antequam efflorescunt, nec in nostris regionibus sanguinis educationem chirurgicam reprobamus, ac minus, quam vulgo solet, hanc formidandam judicio: ast naturæ parem, quam sub ipsa papularum ejusmodi eruptione molitur frequentius, intendere atque adornare cruoris depletionem, res difficilis, majoris forsan periculi, quam spei, foret. Motus siquidem hi, ab intra facti, seu spontanei, non meri videntur evacuatorii, sed secretorii simul: quorum illis equidem forsan sanguinis missiones chirurgicæ pro modulo succenturiari, secretiones vero intestinas materiæ morbificæ ab humoribus laudabilibus nequiquam præstare, possunt, quin potius cohibeant easdem, elasticitatem sanguinis intrinsecam vel impediendo, vel intendendo, vel quocunque modo conturbando. Ut proin ars inepta in ejusmodi casibus futura sit potius naturæ simia, quam prudentior pedissequa, in illis etiam, ubi hæmorrhagiæ spontaneæ salutes eveniunt; multo magis, ubi infirmum præcipitem dant: cum priores imitari nequeat, nisi diacrises criticas salutes conturbare velit; posteriores haud debeat.

Sane si nobis ac vulgari Clinicæ non adeo abblandiamur, determinare difficile erit an sanguinis missio, in febribus continuis primariis administrata, plures conservet, quam perire faciat? ut ut a vulgo & medicis minorum gentium damnetur maxime ille, qui eam in ejusmodi casu aliquando (foran non sine fontica causa) intermisit, ægro vero suo egregie & secundum regulas artis prospexisse, huncque contra vim mortis præmunivisse, credatur, qui secundum methodum, comicis etiam theatralibus irrisam, venam aperire jussit. Moriuntur evacuatorum & non evacuatorum plures, pauci singulæ classis eluctantur: hinc prudentior Medicus, & qui non tam de methodo triviali, quam de artis fundamentis ac salute infirmorum sollicitus est, ambiguus evadit, quid

Hoc probat narium hæmorrhagia.

An sanguinis missio vel peragi vel institui debeat in febribus dubitandum.

agere debeat in simili casu, veritus, ne per phlebotomiam administratam æque, ac per neglectam, noceat, quamvis cavilletur potius moriente ægro, qui eam intermisit; nisi forte certius constet, a plethora, si non sola, certe socia, aut a cruoris stagnatione, febrem evenisse. Et sublesta fidei mihi semper visum fuit tritum illud quorundam pronunciatum, quasi præsidium hoc in febribus talibus, si non semper profit, nunquam tamen noceat: mirorque potius, generoso ejusmodi remedio in febribus adeo ancipitibus tam frivole ludere sanitatis a Deo constitutos curatores. Ingravescere a sanguinis missione febres has, earumque symptomata cumulari, experimur. succumbunt ægri: Tu, qua sagacitate evacuationem hanc factam ab eventus funesti culpa vindicabis? nisi per illam forsitan muliercularum tibi faventium sententiam absolutoriam: *Er hat alles, was möglich, gethan, auch bald zur Uder gelassen*/ quasi vero! Aliter longe se habet censura Doctissimi Fr. Vallesii 4. cap. 2. Neque illi non errant, quibus adeo opportunum videtur, semper sanguinem mittere, ut mittendi nullum finem faciant: hi NB. speciei humoris nullam rationem habent, Facultatem nunquam deesse judicant. Et paulo post: Facile sane concesserim, Venæsectionem esse optimum omnium auxiliorum, quibus Medici utuntur, est enim valentissimum ac maxime presentaneum & multiplex &c. Est nihilominus tenendus aliquis modus; nam, quæ eum excedit, missio sanguinis virtutem etiam, quam ulla alia evacuatio, debilitat, crudorum humorum copiam auget, aufert concoctiones &c. Palam lædit sanguinis missio in variolis, morbillis &c. secretionem illius, quod ad habitum transponi debebat, evidenter cohibendo, & efflorescentiam popularum interpellando: nonne, idem fieri, persuadere tibi poteris a secretionem cohibita materiæ peccantis, non sub metastaseos sensibilis forma, sed alia ratione, subigendæ atque exterminandæ, per minus opportunam cruoris depletionem.

*Non sanguinis
missiones sur-
roganda sta-
tim sunt defi-
cientibus hæ-
morrhagiis
spontaneis.*

Willisio proin Pharm. rat. part. 2. f. 3. c. 1. aliisque, veteribus æque ac modernis, haud absolute annuendum erit in omnibus illis affectibus, quibus hæmorrhagiæ spontaneæ juvamentum ferunt, si quando hæ deficient, medicinam, ut naturæ pedissequam, recte sanguinis missiones surrogare, postquam per has ipsum orgasmum sanguinis vitalem aliquando minus tempestive imminui, aliquando plus justo quoque intendi, in propatulo est; subtracto nimirum compressore adæquato, & elateribus intestinis impetuosioribus hætenus renitente. Quo facto illi majorem vim nanciscuntur, & contentiore nisu in cæteras sanguinis moleculas agunt: donec tandem, omni horum renitentia superata, ad pristinas inclinationes seu habitudines illi se recipere nequeant, hinc in nisibus suis vitalibus fatiscant, hoc est, omnis in sanguine elasticitas vitalis defici-

deficiat. Duobus inprimis phenomenis seu experimentis practiceis hoc meum effatum comprobare possum, quorum unum, quod a facta sanguinis missione hæmorrhagiæ narium, uteri &c. solenniores alias aliquando prompte evaniant, liberiolem *εοπη* seu expansionem cruori concedente: alterum, quod per eandem vomitiones, diarrhœæ similesque homorum exagitationes & effectus febriles in pejus concitentur, seu eorum frenum iusto plus

laxetur.

Ut mittam, non omnes ejusmodi evacuationes febriles spontaneas a mera plenitudine & orgasmo sanguinis dependere: quatenus sub declinatione quoque morbi eadem non raro contingunt, ubi subsidere illum ac deservere, probabile est, eveniunt pariter aliquando, ut alibi monui, natura dejecta atque prostrata; quorum utrumque in febribus acutis aliisque casibus experimur. Sic contingit tale quid etiam modo ab heterogeneorum morbificorum, quæ minus subigi ac solvi poterant, commiscela hostili ac exagitante seu stimulante; modo ab ipsorum vasorum sanguifluorum prava habitudine, per quam horum nonnulla p.n. vel diladantur, vel angustantur, sub utraque facie hæmorrhagiarum spontanearum causæ evadunt. v. g. in mensium ac hæmorrhoidum solenniorum supressionem, ubi cruor consuetas vasorum congruorum aperturas non offendens, per cœtera corporis vasa impetuosius ac inordinate rapitur, & tandem per loca extraordinaria prorumpit, sub hæmorrhagiæ narium, vomitus cruenti, hæmoptoseos &c. specie. Quemadmodum in scorbuticis pariter similibusque cachecticis vasorum extrema, ob fibras, quibus stipantur & ocluduntur, aliquando aut laxatas, aut spasmodice contractas, ad sanguinis extraordinarias profusiones adiguntur, arteriarum sc. osculis p.n. hiantibus, venarum constrictis.

Adeo ut, quamvis illis prompte assentiar, qui phlebotomiæ usum atque administrationem a natura per hæmorrhagias spontaneas præmonstratam ajunt: eo ipso tamen, dum harum non omnes critica, sed frequentius symptomatice, neque illæ semper salutare, sed aliquando funestæ satis, deprehenduntur; haud præcipitanter ejus ductum undique sequatur medicus, vel quod illa non raro erret, vel quod destituatur hic, sub chirurgia hac evacuatoria, crisi secretoria, quæ soli naturæ sagacitati concessa, & per quam hæc morbosum, sine sano aliquando salubriter, sub sanguinis fluore exturbat. Ne addam, per rationem æque sanam ac experientiam multifariam constare, per sanguinis eductionem Artem aliquando naturam in opere suo evacuatorio turbare; hincque illud hanc imitandi studium inconsideratius eidem præjudicare, ac intempestive adhiberi: quod oppido discernere, difficile erit. Opportune

Evacuaciones febriles spontaneas non saltem a plenitudine & orgasmo sanguinis dependent.

Errare sæpe faciunt medicum hæmorrhagia spontanea quæ sunt vel critica vel symptomaticæ.

aurem vellicare videtur *Fernelius 2 method. med. 4.* his verbis: *Neque imperitorum more, si vel nares stillant sanguine &c. protinus imperanda Venæsectio: etenim sanguinis porrumpit non ex plenitudine solum, quod evacuationem molitur natura; quibus enim exesa sunt vasorum oscula, quibus etiam viscera, imprimis jecur, imbecille aut scirrhum evasit, iis sanguis sæpe fluit e naribus, haud secus atque hydropicis.*

*De fluoribus
albi,*

Perinde res se habet cum alvi fluoribus, quales quidem variis catharticis ad naturæ imitationem movere, medico integrum relinquitur, vix tamen semper purgare seu evacuare conceditur, quæ oportet, seu qualia peccant, & cum ægri euphoria. Prodeunt a propinato pharmaco liquamina diversæ indolis, prava æque ac laudabilia, minime tamen semper hinc mitescit morbus, quin potius augeat & vires fatiscant: quia non concurrat vis secretrix seu electiva heterogeni morbifici a succo vitali, recrementi biliosi a fluidis temperatioribus &c. adeoque rarius, qualia debebant, per artem educuntur, quod nihilominus naturæ sagacitatis est. Majore paulo & certiore virtute hanc æmulatoria pollere videntur Emetica ad naturæ morem contenta ventriculi prava rejicientia: at quando recrementa morbifica ex remotioribus locis per ventriculum hæc exterminat, silet ars, nec simile quid æque facile præstare audeat.

*Quomodo sese
habeant in
statu febrium,*

Diarrhoeas seu fluores alvi in statu febrium, nedum acutarum valde, concitat natura, hasque aliquando cum singulari molestia & virium prostratione, aliquando cum bona infirmi tolerantia, quinimo morbus hinc commode solvitur; ut per evacuationes ejusmodi febres etiam pestilenciales satis feliciter terminari practicum perhibeant observationes, experientiæ *Hippocratis 3. epidem. 3.* conformes, ubi sub constitutione temporis pestilentis multos febres tales superasse refert, quibus abscessus contigerint suppurascentes, aut alvi conturbationes tempestivæ; quod sane ars periculoso ac infelici omine tentaret. Suppono nimirum ex communi peritiorum medicorum consensu, tunc demum pharmacis opportune educi posse materiam febrilem, ubi cocta, hoc est, secreta aut ad secessum disposita illa fuerit, seu sub morbi declinatione, & ubi natura victrix evasit: Atque tunc ambiguum manet, an ægrotantis salus naturæ, an pharmaco, veniat tribuenda? & si ambiguitas hæc juste decernenda fuerit, jure meritoque naturæ potius effectus hic salutaris adscribi debebat; cum victrix hæc sine pharmacis quoque morbum per vias congruas exturbare observetur. Imo, quid frequentius, sub declinatione quoque febrium a propinatis catharticis recidivas patrari, ut olim quidem jamdum annotarunt Practici cautiores, modernorum tamen plerique majore stu-

dio illis interdiciunt, quibus nempe usus corticis Peruviani adæquatus innotescit, purgantia propinare strenue vetantes, postquam febres intermittentes per illum fuerint exterminatæ, ob certiore ab eorum administratione recidivæ metum.

Scilicet si hoc tantum, quod morbosum & naturæ infestum, seu illud, quod hæc exterminat, evacuatoria ejusmodi eliminarent, certe omni tempore congrua & proficua forent materiæ febrili expellendæ remedia evacuatoria, juxta illud Hippocratis, *si purgunter, quæ convenit, tanquam noxia, educere, & æger hinc melius se se habeat*: Quale quid tamen quia raro, aut certe non, nisi in declinatione morbi, medicamenta præstant, alias vero, quod sanum est, simul conturbant atque exagitant, profecto per hæc naturam imitari vix conceditur medico. Quamvis si, ut aliquando fieri solet, illa vel nihil omnimode excernat, vel imperfectius evacuet, ejus defectum hic supplere teneatur, catharticum lenius propinando, ne, quæ a crisi in corpore relictæ, observante eodem Hippocrate 2. aph. 12. recidivas pariant; extra hunc casum autem ab evacuationibus ejusmodi abstinere, consultius videtur. Par naturam æmulandi difficultasprehenditur, ubi illa humores, crudos equidem, ast turgescentes, cum levamine exturbat: utpote qualem orgasmum, juxta Hippocr. 1. aph. 22. & 4. aph. 10. rariorem, rarissime dignoscere datur; neque de tendentiis seu inclinationibus naturæ ad hanc illamve partem semper constat, quas nihilominus in catharsi medica adornanda attendere, seu, quo natura vergit, eo recrementa morbifica ducere, jubemur; imo metuendum, humores ferocientes a pharmaco superveniente in vehementiores impetus, non absque majore periculo, concitari.

In testimoniis medicorum peritiorum recensendis, quia horum tantum non infinita suppetere, minus allaborabo, plurium locum teneat Hippocratis & Galeni autoritas amborum in eo consentientium, ut in febribus purgantia, exhibere, strenuo dissuaserint. Dum Prior de purg. ita disserit: *Quicumque igitur a febribus fortibus corripuntur, his medicamenta purgatoria dare non oportet, donec remiserit febris &c. act. 5.* Quapropter in febribus vehementioribus medicamenta purgatoria exhibere non oportet, ne sc. febris intendatur, purgans non excretum humores conturbet & in habitu quid morbo regio simile producat, appetitus omnimode destruat, pereatque ut plurimum hinc æger. Alter 2. de Vi&tu acut. cap. 11. ejusdem Hippocratis aphorismum in animum sibi revocans, qui in acutis morbis raro, & in principiis purgantibus medicamentis utendum esse, docuerat; commentario prolixiore eum comprobatur; præterea vero 2. de medicin. 12. ita disserit: *Alvus, si*

Evacuatoria non semper morbosum & naturæ infestum exterminant.

In febribus purgantia exhibere dissuadent peritiores medici.

vehe-

vehementius fluit, aut sapius ducitur, homines infirmat, E. nunquam in adversa valetudine medicamentum ejus rei causa datur, nisi ubi iis morbus sive febre est, &c. Ac paulo post: At ubi febres sunt, satius est, hujus rei causa cibos potionesque assumere, qui simul & ventrem molliant. Ut celsum ac modernos practicos taceam, quorum plerisque purgantium usus in febribus, continuis potissimum, suspectus valde semper visus fuit; fluoribus quamvis alvi spontaneis frequentius in salubritatem cedentibus.

Pleraque hæcenus dictorum dum evacuationes universales concernebant, his subnectere liceat ex particularibus sternutationem arte concitatum: quam equidem in quibusdam casibus naturæ conatibus surrogari posse, observo, v. g. in gravedine & secundinarum tardiore egressu juxta Hippocr. 5. aph. 49. nemini tamen suavis forem, ut, cum idem Hippocrates s. 5. aph. 35. sternutationem, quæ mulierem difficulter parientem corripit, bonam pronunciat, ad imitationem naturæ sternutamenta in pari casu administret, nisi forsitan re alias omnimode desperata. Quatenus hinc metuendum, ne ab ejusmodi violentiore concussione, peritonæi, uteri aliarumque partium, sub angustiiis his, eveniant rupturæ, fixusque situs naturalis conturbetur; cum tale quid ex sternutatione spontanea quoque aliquando eveniat, i. e. nec hæc semper omni periculo careat, in secundinarum vero exclusione secus. In oculorum affectibus plerisque usus pharmacorum a Practicis studiose inhibetur, v. g. in ophthalmia & gutta serena, quod per hæc tam ad oculos, quam nares, humores commoveantur: non obstante, quod aliquando sternutationis, a stimulo interno concitata, emolumenta evidentiora experiantur iisdem affectibus expositi, ut caliginem oculos obfuscantem hæcenus sibi quasi sensibilibiter discuti exclamant. Innititur, inquit Plempius ophthalm. 5. c. 30. Sternutatoriorum ratio maxime fortunæ adeoque periculo subjecta est, & materia peccans ab eorum usu circa oculum æquefigi, ac elidi, valet: postquam eadem experientia testatur sternutationem quoque spontaneam frequentius male cellisse, v. g. penes Hildanum cent. 1. obs. 26. adeo ut nec erhinorum administrationem adeo tutam semper observemus.

Fuerunt hæc occasiones totidem, qualibus abunde satis constare puto, remedia artis, præsidia naturæ paria visa, non idem, quod naturæ motus agunt, semper efficere: quibus jungo ejusmodi naturæ medicatricis phænomena, quorum pares effectus frustra ab arte expectamus; vulgari nihilominus dogmati inhaeremus, in talibus quoq; moliendis naturam ducem nos sequi debere ac posse. Sine adjutorio naturæ quælibet frustra suscipimus, & præ cæterarum artium subjectis istud peculiare habet ars medica, quod, cum illa vix co-

gunt,

De Sternutatione arte concitata num bona?

Sine adjutorio naturæ omnia

gant, sed passive tantum ad opus artificis se habeant, & obsequium, saltem huic præstent, medicinæ subiectum innata quadam potentia gaudeat, qua vel a medico adjutum, vel sponte etiam, ad sanitatem tendat: ast interdum potentia hæc intrinseca omnes artis operas eousque superat, ut nihil unquam salubritatis hinc in corpus infirmi redundet, ut ut simias naturæ motuum se gerant.

*sunt frustra-
nea.*

Mutationes morborum subitaneas seu conatus naturæ criticos vehementiores, illos præprimis, quibus ægri vel sanitatem integram subito recuperant, vel ad meliorem ad minimum statum reducuntur, nullis artis instrumentis æmulari possumus, licet hæc cum illis hoc commune habeant, ut corpus eximie pariter conturbent: aut si quid salubritatis conturbationes ejusmodi aliquando pone se relinquunt, casui & fortunæ bonæ potius, quam arti hujusque intentioni ac virtuti, illud in acceptis referre conveniet. Quæ equidem evacuant, non tamen morbosa tantum, nunquam abscessus formant, vel quancunque materiæ morbificæ metastasin, sub varia corporis conturbatione, præstant: adeo ut *Hippocrates 6. epid. 2. & 9.* febres acutas fere omnes naturæ beneficio judicari seu critice solvi, non inepte scripserit; dum non tantum evacuantium, sed cardiacorum quoque, farrago atque abusus sæpius intempetivos motus & excretiones ciet, ac efflorescentiis cutaneis symptomatibus variis perimit; illis reconvalescentibus, qui naturæ potissimum benignitati valetudinem suam committunt.

*Conatus natu-
re criticos
nulla arte
æmulari pos-
sumus.*

Sub diuresi, quæ natura ad lotii fluidum deponit crassamenta præternaturalia, modo nubem, modo eneorema, modo hypostasin, formantia & secretionem plus minus salutarem, sub illius directorio præstantia, medicamentis vix unquam, nullisq; artis præsidis auscultant, seu ad illud se ab hisce præcipitari patiuntur: adeo ut vanus deprehendatur omnis sub hac intentione eorum usus. Nec liquorosam ac fluxilem magis urinæ substantiam æque prompte semper eliminant diuretica, cujusunque generis ac gradus, ac naturam in diuresi symptomatice non minus ac critica facere, observamus; atque hoc quidem cum evidente ægri levamine: dum v. g. urinis derepente profluentibus lingua aliorumque organorum paralyfin tolli, *Hippocrates 3. coac. 89.* tradit, facta nimirum feri recrementitii atque incongrui, alicubi congesti, solutione & ad vias urinarias derivatione. Qualem naturæ vim bibuli quoque illius, optimi alias corporis habitus, moles ventris ingens intra octiduum mictione mirum in modum extenuata ac a *Fernelio 3. pathol. cap. 11.* annotata declarat: & quo plura alia hujus generis taceam exempla, fœmina illa sterilis ac aqua-

*Diuresis æpo-
nit crassamen-
ta præterna-
turalia.*

liculum, sub foetus specie gerens, quam Joubertus de urinis cap. 13 se rosarum humiditatum secretionem tumidum abdomen deposuisse, refert.

*Empyematis
saniem natura
validior inter-
dum anacathar-
si rejicit.*

Porro ejusdem Empyematis saniem natura validior ac de salute ægri magis sollicita interdum anacatharsi rejicit; aut omnino vana sunt artificis inspectanda illa molimina, quibuscunque Bechicis suscepta. Rejiciuntur motu ac tendentia naturæ intrinseca serum, cruor, imo vermes e capite per nares, cephalalgia, scotomia, convulsionum &c. patratores hactenus, a nulla arte artisque instrumentis mobiles: ne viarum plus minus extraordinarium meminerim, quibus menses per arteriam venulamve occipitii, verticis, per ulcus manus ac cruris, vomitu, tussi &c. rejectos, pus empyici per ulcus circa umbilicum, a natura paratum, excretum, cephalæ diuturnæ causam porrigine, sponte excitata, eliminatam fuisse, hinc inde constat, v.g. penes Kerckringium Spicil. anat. obs. 85. Pechlinum l. 2. obs. 9. Timeum 4. cas. 12. Panarolam pent. 1. obs. 61. Bartholinum cent. 5. hist. 32. ac cent. 2. epist. 85. & Tulpium 1. obs. 23; quales excretionem nulla arte imitari licet.

*Natura febrili
excandescen-
tia utitur in
supprimendis
morbis contu-
macioribus.*

Febrili excandescencia naturam in debellandis nonnullis morbis, iisque contumacioribus, tanquam præsidio, aliquando uti, ex Hippocrate 4. aph. 57. 3. coac. 84. de judicat. 1. 22. & aliis locis, Galeno 1. prorrh. comm. 2. aph. 50. & Celso 3. cap. 4. Salmutho cent. 2. obs. 84. Bartholino 2. hist. 68. aliisque constat, paralyti nempe ac morbis convulsivis. Sicut in specie Quartanam, scandalum medicorum alias proclamatum, si convulsionibus superveniat, bonam ait idem Hippocrates 5. aph. 70: ne hujus loci faciam, quod a peritioribus medicis maniacis salutaris fuerit observata. Accedit, febrium, plerasque corporis functionum non leviter conturbantium, imo enecantium, verna peculiali humorum fermentatione, seu per hyemem antecedaneam condensatorum atque inspissatorum, exagitatione, fusione atque secretionem prodesse. Adeo ut Sydenham method. cur. febr. s. 1. ac de morb. acut. s. 1. cap. 4. febrilem illam sanguinis commotionem a natura concitari asserat, vel ut heterogeneitates quædam hostiles ipsi intertextæ secernantur, vel ut sanguini nova aliqua diathesis inducatur; sintque febres nihil, nisi naturæ instrumenta, quibus partes impuras a puris secernant: & de morb. acut. 3. cap. 4. febrem machinam naturæ dicat, ad difflanda ea, quæ sanguinem male habent, perinde ac epistoma ejusdem naturæ machina videatur, quæ, quæ carnibus infesta, amoliatur.

*Quomodo pro-
cedendum sit
in febre, si
epilepsia eam
comitatur.*

Rem ita se habere, experientia loquitur, forsan quamvis minus perpetua: cum infantes v.g. epilepticos superveniente febre in symptomatis illius graviores paroxysmos aliquoties conjectos meminerim: modus vero, quo affectus ejusmodi graviores a febre solvantur, nos latet, multo minus naturam in hoc

in hoc æmulari licet. Per consequens *Sennerto* aliisque quæstionem moventibus, an in pari casu febris a medico concitanda sit? suaderem, ut primo indagaret, an in artis suæ potestate sit, febrem ejusmodi medicatricem ciere? seu, an instrumenta ipsi suppetant adæquata, quæ talem accendunt; quippe quæ de usu crebriore Theriacæ, aut Confectionis Anacardinx, inunctione oleorum calidiorum seu acriorum, v.g. Formicarum, Euphorbii, Scarabæorum lucanicorum &c. communiter perhibent, fabulis analoga deprehenduntur & experientiæ vix respondent, Quibus difficultas accedit moderationis, per quam febrem factam haud ita regere atque temperare conceditur, ut affectum, cujus tollendi causa producta, solum aggrediatur hujusque seminarium expugnet, minime functiones lædat, febremque concitatam non semper & mox pro lubitu & rei exigentia restinguere liceat; qualium circumstantiarum intuitu remedium hoc anceps ac minus tutum relinquere jubemur. Ut proin, quicquid commodi ex febrili humorum ac spirituum commotione valetudinariis ejusmodi evenit, per accidens demum contingere videatur, vix a priore, sed ex eventu saltem, cognoscatur: & quamvis inficiari haud queamus, hos naturæ motus aliquando salutares esse, adeoque, dum feliciter cedunt, auxilii speciem præ se ferre; quoniam nihilominus ejusmodi turbas etiam periculosas & subinde funestas experimur, nec ipsam naturam, quam salutis individualis adeo providam matrem ajunt, in bonum semper finem molimina sua dirigere, maloque pariter omni æque opem ferre, sed nonnunquam etiam temere agere, probabile sit. Prolixius quæstionem hanc tractavit *Vallesius* 8. controuv. cap. 10. argumentis haud vilioris momenti: petitionem principii asserens, quod natura febrem procuret, utpote de conservatione temperamenti naturalis maxime sollicita, hinc temerariam medendi rationem febrem excitatam ait, ac tandem concludit: *Intelligimus tamen Medicum esse naturæ imitatore, quia debet facere, quæ videt facere Naturam, quanquam neque illa quidem semper, sed cum natura commode operabitur. Cum enim sit aloga, ut nihil faciat per accidens bonum, sed per se: ita facit multa per accidens mala, & ut Medicus tenetur facere, quæ videt profutura, etsi profint per accidens, ita tenetur deviare, quæ per accidens nocent, etsi per se ferantur in bonum.*

Educere quandoque naturam aquas hydropicorum sive in thorace, sive ^{Natura} ^{aquam hydro-} abdomine hætenus fluctuantes sc. per fluorem alvi spontaneum, observatio-^{picorum edu-} nes infinitæ perhibent, v. g. *Ballonii epid. lib. 1. p. 6. Smetii miscel. l. 10. p. 564.* ^{cit. Bel per albi} *Langii 2. epist. 12.* aliquando etiam per vomitum simul, testantibus *M. Donato* ^{fluxum,} *hist. mirab. 4. cap. 21. & Pecklino lib. 1. obs. 63:* cujus molimina fausta se æmulari ^{Bel per Bomi,}

crediderunt communiter medici, pharmaca plus minus drastica ægris ejusmodi propinando. Quorum nihilominus effectus raro admodum salutare deprehenduntur, quin potius ab illorum usu malum ingravescat: contrarium quamvis asserant ex modernis *Sydenham & Lister, de hydropo*: quod mirari haud opus, dum *Ballonius l.a.* ab Hippocrate admonitus nec fluorem alvi spontaneum hydropicos semper juvare, sed necare quoq; experientia convictus, asserit. Pus pleuriticorum atq; empyicorum per eandem alvum naturam aliquando, quamvis rarius, exturbare, post *Galenum 6. de loc. affect. c. 4. Alex. Benedictus anat. 3. c. 9. Amatus Lusit. cent. 7. cur. 42. Valeriol. 1. obs. 4. Jacotius in 6. aph. 4. M. Donatus 3. cap. 9. Panarolus pent. 1. & 2. obs. 24. & 36.* alique referunt: quod frustra ac non sine vitæ periculo molietur ars. Exturbant cathartica heterogeneitates morbificas in primis viis æque collectas, ac a massa sanguinis, Cysti fellea, Pancreate aliisque ad illas inclinantibus emunctoriis exudantes atque confluentes: extravasata vero recrementa, quia sphaeram activitatis illorum excedunt, per eadem adduci & ad ac per intestina ablegari nequeunt. Quippe de qua corporis permeabilitate constat naturæ, eam ignorat ars: adeo ut, si forsan sub fatali illius termino aut impetu fortuito evacuatorio propinari contingat pharmaca, horumque virtuti auxiliatrices manus præstet natura, per quas illa nunc agunt, quod extra hoc fatale, vel decies pluriesve propinata, agere haud poterant; perperam arti seu medicamentis suis in acceptis refert medicus, quod naturæ casu cooperantis opus.

Cum hydropicorum mentionum fecerim, & quam rarissime idem levamen a catharsi medica, ac a fluore alvi spontaneo experiantur, non possum his non subnectere disparitatem illam, qua per umbilici v. g. rupturam *aquas illorum naturam fatumve* feliciter eduxisse, penes *Vidum Vidium cur. membr. lib. 10. cap. 5. Valeriolam 4. obs. 3. Marcell. Donatum hist. mirab. 4. cap. 21. Forestum 19. obs. 32. Schenckium 3. p. 440. Riverium 4. observ. 82. & Frid. Lossium 3. obs. 43.* legimus ac per ulcera sponte aut casu oborta simile quid factum, idem *Vid. Vidius l. a. Alex. Benedictus de curat. morb. lib. 15. cap. 4. Schenckius p. 438. ac Riverius obs. hinc inde decerpt. 15.* alique testantur: quaque Paracentesi equidem eundem aqualiculum evidenter imminuere deprehendimus; raro tamen per chirurgiam hanc medicus ita motum naturæ imitatur, ut ægro salutifera contingat.

Quin potius experiamur, a catharticatorum usu sæpius plus molestiæ ac conturbationum, quam emolumenti, in miseros hos redundare, quatenus forsan per hæc serum impetuosius exagitur & ad cavitates uberius præcipitatur, ut quod causa antecedens hætenus tantum extiterat, continens evadat, innuentibus *Poterio 3. obs. 34. Riverio or. II. l. cap. 6, Sylvio de hydrop. S. 154*

A Catharticatorum usu sæpius plus molestia quam emolumenti: Hydropicis obtingit.

& Willisio pharm. rat. part. 2. Sect. 2. c. 3. ac. 5., & præter hos aliosque experientia circumspiciore: Sicut educationem seri hydropici chirurgicam frequentius irritam, imo mortem accelerare, cum Riverio pr. 1. a & obs. 22. indigitata, observant, qui decumbentium ac adstantium precibus querulis ac desperatis compulsi manum operi admovent subsidentibus cum abdomine citius viribus. Accedit, quod interdum contigisse novimus, institutæ paracentesi vix adeo parca supervenientem diarrhœam salutarem extitisse, eamque satis vehementem: Dum illa nihilominus paulo indulgentior non sine virium evidentiore jactura agit, licet serieducti quantitas fluido per alvum excreto triplo, quadruplo minor &c. sit.

Sicut pariter irriti erunt ejusdem medici conatus, qui sub hypothesi, quod naturam mictu cruento pleuritidem aliquando solvisse, annotarit, v. g. *ex M. Donato l. a.* qui in olitore ejusmodi motum criticum felicissimum factum perhibet; cum tale quid imitari in artis potestate haud sit: perinde ac aquas quidem hydropicorum & saniem pleuriticorum atque empyicorum interdum per urinarias vias eliminari, hinc inde ex Scriptoribus constat, subinde confirmat experientia clinica. Qualia tamen rarissima obtingunt experimenta, & minus succedere observamus eadem, quæ medicamentis attentamus; aut, si aliquando effectum desideratum ab horum usu evenire deprehendamus, hoc nunquam, nisi prævia natura, quæ meatus ad renes, arti ignotos, recludat, & per hos medicaminum particulas activas dirigat, fiet. Serum intra renum compagem a sanguine, sub percolationis cujusdam modo secerni, hinc ad vesicam sub lotii textura deponi, penes pleurosque, ni fallor, in confesso est, quemadmodum pariter diuretica secretionem illam per fusionis vel præcipitationis modum aut quacunq; ratione intendere ac maturare: per consequens & eo ipso, dum ultra canalem sanguinis & renes nihil potentia illius exerunt, quamvis in hydropicis & empyicis quoque urinas copiosiores, diversæ indolis, plus minus crassas, turbidas &c. prodire faciant, ex ventribus ad canales hos serum saniemve illa cogere, vix concipere licet. Neque habet, cur gloriatur, medicus, si in ejusmodi casibus sub usu horum evacuantium aqualiculum subsidere & saniem eum latice seroso excerni observet; pluries fofan qui similiter, minus tamen feliciter, egerat, sine natura comite vias adeo obscuras ignorans. Agunt per vim suam catharticam & diureticam medicamina, alvum conturbando ac solvendo, lotii majorem molem exturbando; minime tamen ad intestina & partes urinarias movent seu urgent serum pusve in cavitatibus corporis p. n. fluctu-

Non imitandum, si quandoque natura mictu cruento pleuritidem solverit,

antia, utpote in quæ, extra spheram activitatis suæ constituta, agere nequeunt.

Natura interdum expellit febrium fomitem.

Expellit natura aliquando febrium intermittentium fomitem, sub pustulæ specie ad oris labium alterutrum, subigit etiam per metastasin hanc paroxysmum illarum quam felicissime; sub petechiarum, bubonum, anthracum facie eliminat malignarum & pestilentialium causam continentem, constitutionis variolosæ & morbillosæ per papulas sui generis: ast nullis artis instrumentis hoc imitari conceditur, nisi quantum hæc illos naturæ motus in tantum juvant. Quinimo non infrequentioris est experientiæ, sudorifera, metastasibus ejusmodi levandis idonea credita, eruptionem illorum exantematum atque tuberculorum intercipere ac conturbare, & quidem plerumque cum infirmi exitio; altquando ut dispareant eadem spem salutis non levem hætenus promittentia: quod notare moneo illos, qui sudores in affectibus his semper proficuos, nunquam noxios, esse, sibi & vulgo credulo persuadent.

Medici sapienter sudorifera, ut arceant articulorum dolores, sed male.

Arthritica recrementa natura sibi relicta ad juncturas extremorum destruit, & quidem sub remissione & subsidientia turgescentiæ ac molestiarum hætenus intestinarum: temere contra ac frivole ut plurimum agere deprehenditur Medicus, qui dolores articulorum ut interpellet vel arceat, vel materiæ peccantis metastasin festinet, sudorifera propinat; symptomatis nempe pristinis recrudescentibus ac ingravescentibus magis, vulgus ait, man hat ihm das Zipperlein in Leib getrieben; heterogeneitatibus nempe arthriticis secretis & quasi condensatis ab usu diaphoreticorum potentiorum denuo solutis & ad massam sanguineam vel generis nervosi fluidum reductis hisque confusis. Pariter per morbum regium spontaneum non raro febres intermittentes æque, ac continuæ, judicantur, si modo opportune seu tempestive ille eveniat; rejectis nimirum ad ambitum corporis recrementis febrilibus: ast qua arte imitari detur hunc naturæ salutarem motum, vix apparet. Ita quidem ut, etsi tale quid præstandi remedia supplerent, (qualia tamen, fateor, ignoro) metuendum nihilominus ab his semper, nec præpostere agendo aut intempestivum, hinc ancipitem valde, iterum producant, aut sanguinem plus justo præcipitando vel solvendo hujus crisin enormius evertant ac destruant, hincque naturæ potius vim inferant.

Natura vulnere sanat, ars tamen hoc imitari nequit, quod exempla demonstrant,

Ad vulnere chirurgiam si nos convertamus, non unum horum offendimus, quod natura sub *exulsiæ* specie sanat, sanare, sicque hanc imitari, nequit ars, testantibus hoc infinitis exemplis: quibus bina in præsentiarum mihi addere sufficiat. Suppono, vulnere pulmonum difficillimæ medelæ & ideo ut plurimum lethalia pronunciari, quod artis instrumentis ad ea penetrare minus

nus commodeliceat; consolidata nihilominus felicitat perhibent, *Valeriola, Platerus, Forestus, Glandorpius, Scultetus, Tulpius &c.* mera forte naturæ benignitate. Quibus addo, quod olim in Studioſo quodam annotavi, cujus ex vulnere thoracis pulmones transſoſſos innuebat ſanguis ſpumefcens cum ſt ridore ex vulnere & per tracheam rejeſtus, tuſſis cum aliquali ſpirandi difficultate &c. reconualeſcente nihilominus intra paucas ſeptimanas: cui ſimile memini in juvene generoſioris ſtemmatis, alibi jamdum a me productum, cujus thorax ſub læva papilla cum homoplata ejusdem lateris ita perſoſſus cernebatur, ut ille cruenta ac ſpumofa expueret & per vulnus antieum cum ſibilo emitteret, eum aliquot dierum ſuffocationis metu, ſanitati vero & liberæ reſpirationi brevi itidem reſtitutus; quale fatum pariter experiebatur juvencula villica, globulis pluribus minoribus, groben *Schrotly* / ſclopeto eliſis & latus thoracis dextrum cum homoplata hinc inde perforantibus graviter ſauciata & ſanguinem ſpumofum cum tuſſi rejiciens, commode nunc degens. Quibus adminiculis natura in ſubjectis his uſa fuerit, equidem hariolari nequeo, quid impedit tamen, quo minus pulmonum portio ſauciata ſpatio intercoſtali perſoſſo ſe inſinuet hujusque muſculis per cicatricem communem agglutinetur, qualis phaenomeni exemplum memorabile penes *Tulpium 2. obſ. 17.* legere datur. Ventriculi atque inteſtinorum vulnera raro consolidat chirurgia, frequentius naturæ potentia divina, ut cultrivororum feliciorum Prulli, Bohemi & Hallenſis nuperrimi (cujus poſterioris Hiſtoriam *Acta Erudit. Lipſ. 1692. menſ. Decemb.* tradunt) caſus edocent, confirman aliorum in epigaſtrio vulneratorum exempla: qualia nec deſunt, quibus inteſtina ſub trajectione teli infauſta lacerata fuerunt, non arte, ſed per naturam, miracula nonnunquam edente, reconualeſcentium. Cujus ſalubris eventus ſc. cauſam occasionalem inter cœteras concipere licet, quod interaneorum horum plagæ peritonæi & muſculorum abdominis ſibi contiguorum plagis mox arctius agglutinentur & cum his in cicatricem communem abeant: perinde ac poſt brutorum viviſectiones, tentaminum phyſiologicarum gratia adornatas, viſcera horum inter operandum plus minus lacerata peritonæo huicque inſtratis muſculis, inprimis circa horum factam plagam & ſuturam brevi agglutinari, reiterata paulo poſt horum incifio declarat.

Qualibus circumſtantiis minus ponderatis & quod a quibusdam, quaſi artis vis in vulnerum difficiliorem chirurgia naturæ æquiponderet, credatur, fieri etiam videtur, ut præcipiti ſatis arrogantia illas viſcerum, vaſorum majorum aliarumque partium nobilium plagas inter non lethales referant, ſicque ferant, ſicque homicidis perperam cauſam dicant: ideo quod unum alte-

Homicidis perperam cauſam dicatur a me.

*dicis, qui unum
vel alterum ex
tali vulnere
convaluisse
observarunt.*

rumve ex tali vel tali vulnere convaluisse observarint. Haud pensitantes, ejusmodi vulneratorum & sanatorum exempla rarissima esse, quæ ad regulas formandas vix sufficiant, pluribus nimirum funesti eventus percussionibus contrarium invenientibus: quarum quæ per singulare seu individuale vulnerati robor aut naturæ benignitatem salutaris evadit, arti curabilis mox dici nequit, cujus intuitu nihilominus vulnera lethalia & non lethalia audiunt. Sed horum omne illud lethale pronunciandum, quo obierat percussus, cuique ex artis regulis & per hujus instrumenta quævis adhibita mederi minus licebat: quamvis ex simili quendam aliquando eluctatum fuisse constet. Non quæstio est de salute a natura hujusque occultioribus instrumentis speranda & non speranda: sed de medela artis, utpote cujus remedia vulnere modo paria & potiora existunt, hinc illud sanant; modo imparia, seu gravitati plagæ minus adequata, quæ mortale hoc relinquunt, seu, ut lethale dicatur, faciunt, etiam si naturæ alias fuerit sanabile.

Ex Pathologia fracturarum, sive calvariae, sive quorumcunque ossium, neminem latere puto, horum fragmenta, quæ commode restitui nequeunt, hinc ossi reliquo non agglutinantur, temporis tractu demum sponte abscedere & a membris læsis separari ac protrudi: idque ideo, quod fragmenta hæc arefcentia a succrescente substantia vitali propulsentur, quod in nonnullis ossibus, v.g. majoribus, tardius, in aliis citius, fit; & quidem vel ob celeriores ossis abscissuri marcescentiam, vel festinatam magis carnis novæ succretionem. Hoc sane negotium soli naturæ concedendum, nec impedire, nec maturare simileve huic præstare, arti integrum est, sed sæpe per menses, nedum annos frustra naturæ conatum ultimum in hoc genere illa expectare tenetur; aut si festinare idem per machinas suas tentet, fiet hoc cum ægri discrimine & Artis infamia.

Et quo demum finiam discursum hunc, quæro, cui arti & quibus encheirisis conceditur facultas naturam in formandis Acidulis & Thermis æmulandi; utpote quarum textura adhuc profundissime nos latet. Conamur equidem hoc variis modis, quos subinde penes autores offendimus: verum eo ipso dum illarum particulas constituentes & impetus seu motus intrinsecos ignoramus, desperare etiam jubemur in combinandis illis ac ciendis his; & quam studiose excogitatos a Medicis fontes medicatos a virtute nativorum multum superari, quotidiana praxis docet. E. naturam undique æmulari arti minime conceditur: & illa hujus vires eminen-
nenter superat.

*Fontes medici-
cati a virtute
nativorum su-
perantur.*

D. JOHANNIS BOHNII P.P.

DISSERTATIO MEDICA

DE

MEDICAMENTORVM
CHYMICORVM ET GALENI-
CORVM PRÆPOLLENTIA
DV BIA.

MEDICAMENTA CHYMICA AN GALENICIS
VNDIQUE PRÆPOLLEANT?

INter cœteros fructus, qui in genus humanum ac variarum artium incre-
menta, ne dicam, Philosophiæ naturalis pleniorẽ evolutionem atque
auctarium, ex arte chymica redundarunt hactenus, non minor, sed exi-
mius & magnarum virium plerisque creditus fuit, quem Pharmacia seu
medicamentorum apparatus hinc cepisse videbatur, vitæ & salutis humanæ
proxime dicatus: adeo ut post introducta in scholas & officinas pharmacev-
ticas præcepta chymica illum medicum arti suæ minus parem dixerint, qui præ-
ter Galenica seu vulgaria pharmaca Spagyricis non fuerit instructus, hisque
in morborum medela uti minus norit, chymiatrorum aut utriusque medicinæ
Doctorum titulo superbientes. *Matthiolus* olim jamdum, ac ubi paucis dun-
taxat leviores quædam operationes chymicæ innotescabant, in *epist. ad A. de*
de Blau. neminem Medicum absolutum esse posse, imo, nec mediocrem quidem,
qui in chymia non sit exercitatus; scribebat: cui assentiri legimus alios non
inferioris notæ Doctores, a pedibus Galenicorum qui hactenus federant, *Mi-*
nadoun nempe, *Andernacum*, *Cratonem*, *Gesnerum* aliosque infinitos, cun-
ctos in eo consentientes, locuples augmentum a chymia accessorio artem no-
stram nactam fuisse, suppeditatis hinc armis novis, quibus majore vi & feli-
ciore aggressu, i. e. citius, tutius & jucundius illa operetur, & affectibus
gravioribus debellandis major evadat. Sub quali præeminentia autoritate
Hermetica seu Chemica secta ad hæc usque tempora stetit, ac huic plerosque

*Pharmacia Bi-
ta & salutis
humana pro-
dest.*

medicinam docentium atque facientium tantum adulari, cum indignatione, quam veritatis studium extorquet, observamus, ut præparata chymistarum vulgaria pharmaca multis parasangis antecellere edisserant.

*Chymici sua
euporista com-
mendant.*

Commendant sua euporista chymici, & inter hos *Beguinus*, artis suæ gloriosus præco & mercis chymicæ nundinator magniloquus, *tyrocin. chym. l. 1. c. 1.* prolixè satis, quasi Galenicis odore & sapore sint gratiora, ratione texturæ subtilioris promptioris efficaciam, corruptioni minus obnoxia & asservari aptiora, hinc corpori a corruptione morbosa vindicando potentiora, seu adæquata magis, ut sub minore dosi & cum minore nausea assumpta ingentes præstent effectus; dum Galenica vix unquam sine intertexta malignitate & absque cortice crudiore atque inefficaci offendamus, hinc sine multo labore a digestionibus vitalibus particulæ medicamentoſæ ac salubres a sordibus crassioribus & hostilibus secerni & in actum deduci nequeant, eadem corruptioni facile sint obnoxia, proin nec corpora nostra a corruptione tueri valeant, sint ingrata ac nauseabunda, quæque ægro sapius non minus molestiæ, quam ipse morbus, pariant, huncque rarius exturbent.

*Amulius me-
rito laudatur
chymia.*

Chymia beneficio, *Renæalmus in observationibus* morbos desperatos tuto, cito & jucunde debellari posse tradit, si præcipue Galenicis præceptis illius remedia veniant subsidio. Et *Crollius in præfat. admonit.* Philosophiam seu Chymiam Medicinam practicam ait, quæ medicamentum medicis in manum porrigat, quæ veram medicinam, seu concretorum naturalium quintam essentiam siliquis, corticibus & involucris suis evolvat, a sordibus liberet, magnalia, arcana, virtutes ac vires sanitatem concernentes manifestet. Et *Wimpenæus*, differens gravissimos morbos hodie a Paracelsitis promptius sanari, inter cæteras causas, etiam hanc allegat, quod *per Chymiam perfectiora medicamenta, quam olim, habeamus, utpote quæ ex mineralibus, eorumque præparationes nigellis Cadmi filiis exercitatis innotuerint.* Quantum chymica remedia, quasi usitatis longe lateque anteferenda, extollat *Davisonius*, ex hujus *Philos. pyrotechn. part. 1. c. 2.* constare potest: cui se comitem præstat *Quercetanus de graviss. morb. capit. c. 14.* ubi contra quorundam cavillationes chymistarum præparata defendere satagit, utilissimum & reipsa saluberrimum pronunciat eorum usum, utpote a quibus morbi tincturis validis & fixis ac profundis edomentur & subigantur, qui alioqui sumptis ex vegetabilibus medicamentis, ut minus potentibus, illudunt & procaciter recalcitrant.

*Chymia suâ
cultores effa-
scinandi vim
habet.*

Et singularem sui cultores plerosque effascinandam vim in chymia deprehendo, (Arte in se magnificienda) ut plus per eam secernere, plus per eandem undique se præstare, quam revera fit præpostere sibi persuadent, & inter hos sapien-

sapientiores quoq; quos laceffere mihi religio est. Nec aquam quidem stillatiam, inquit non nullus Scriptor de ortu & progressu chym. eruditissimus, (cujus cineres colo ac recolo) tam necessarium pharmacis vehiculum, nec oleum ad balsama generosum, nec salem ullum plantarum, tot febrium debellatorem, nec Spiritus ad corroborandum excitatissimos, cessante chymia quisquam produxerit. Et paulo post: Quod si ergo capiti dolet, succurret chymia, & provida medendi methodo duce efficacissima Luna tinctura; si cordi langvor obrepit, medebitur poculentus solis liquor; si hepar, lienem, pancreas, mesenterium oppilaverint perzinaces humorum discurrentium grumi, nil Martis extracto efficacius, nil minus periculosum; si renes aut vesicam tentaverit obstructio, expeditur a spiritu veneris: si Neopolitana lues totum corpus obsederit & invaluerit mora, conclamata jacet salus agri, ni fumi succurrerint mercuriales; si utero molesta est inqvies, pacabitur succo Jovis; si membra exteriora in tumorem elavarit inflammatio, a soluto Saturni sale innoxium sponderetur auxilium. Quis ardorem febrium coercet, nisi spiritu salis, spiritu vitrioli, spiritu sulphuris in consilium vocato? Quis facile accessionum initia sistit sine Lixivis plantarum salibus? quis animi deliquia sine cephalicis spiritibus suspendet? actum est de remediis generosis, jucundis, delicatis, nisi Chemia supplicemus: quis fert hodie, nisi exsurdati exolerique palati, ingratas illas Hippocraticas portiones, illa fastidiosa Galeni cathartica?

Nolo in jaſtantiis & conceptibus ejusmodi congerendis ac exponendis proluxiore justo me exhibere, quin concedam potius, non exilia arti illi hominum conservatrici ab inventis spagyricis obtigisse emolumenta & ultra priſtinos præceptionum pharmaceuticarum limites latiore atque illustriore agendi campum illam acquisivisse. Ast dum illa minime tanta, quantis turba chymicorum ac chymiatrorum major sibi abblanditur, circumſpectioribus observantur, nec ad laudes enormiores illis decernendas adeo pronum facilemve me sentio, hinc remediis chymicis, uti nec minimum, ita nec nimium, tribuere liberum mihi servo: postquam immodica ejusmodi encomia inflare sapius videntur hominum imperitiorum spes, mox tamen destituunt, & propriis aliorumque experimentis edocemur, non evenire semper ac protinus ab illis, quod speramus, vovemus, fingimus. Quondam & hætenus nemo non in novorum in praxi medica miraculorum spem certissimam erigebatur, si modo chymicis pharmacis uti licebat, & secretorum spagyricorum farragine fastuosa turgidi mortuis resuscitandis tantum non se pares ominabantur. Verum sicut, cum Billichio nihil moror moram eorum morositatem, qui superstitiosa antiquitatis veneratione dementati recentia chymicorum inventa su-

Inſentia ſpa-
gyrica magna
habent emolu-
menta.

percilioſe faſtidiunt ac ſpernunt ; ita nec chymiſtarum turgeſcentiæ frivolæ undique aſſentior , quibus nihil quicquam ſapit , niſi quod magiſterium , Tincturam , Flores , Sublimatum &c. paucis , fumum ſimumque ſpagyricum , ſapit ac olet. Novi & fateor , in remediis ejusmodi tum accipiendi ſvavitate , tum ſecuritate & ſuccurendi promptitudine ſeu efficacia , multa bona magni etiam me facere lucubrationes & labores chymicos , præſcribere pariter meis ægris frequentius ſpagyrica medicamina , illi norunt , qui me meaque norunt : quodſi tamen negotium ſine præjudiciorum apprehenſione trutino ; ambiguus hæreo , an tot tantæque prærogativæ chymicis præ Galenicis jure decerni , & hæc illis indifferenter poſtponi queant.

Quippe aut ego valde cœcutio , aut manus meæ minus oculatæ ſunt , ut in manipulatione & productis ſpagyricis ac horum virtutibus minus videant , quibus mens aſſentiri poſtuletur : aut precaria tantum hæc ſunt de ſuperioritate chymicorum pharmacorum popularia aſſerta. Ex quali ambiguitate proin quo me extricem , concedi mihi poſtulo a viris conſpectioris erudicionis ac fidei , poſtquam præjudicium & autoritatis venerationem ſepoſuerint , mentem oculosque tendere in diſquiſitionem hætenus aſſertæ atque aſſenſu communi firmatæ remediorum Hermeticorum præpollentiæ : nec ægre ferre , ſi quicquid dubiorum circa hanc per theoriām & praxin tot annorum annotavi & ad quæ alios mecum offendere ſcio , veritatis eruendæ gratia , & quo blanditias ejusmodi vanas , quibus forſan inefſcati plures , faſtidiamus ac detrectemus in poſterum , expoſuero. Quamvis cogitatis meis nemini , qui meliora perſpicit , moleſtus eſſe malim ; quin potius quemlibet ſenſu ſuo abundare , etiam a me diſſentire , placidus paciar.

*Sunt qui ſibi
propria eſpo-
riſta chymica
ſub nomine ar-
canorum ben-
dicant.*

In primo tamen mox limine , ac eo ipſo , dum in ſcrutinii hujus exordio animadverto , quosdam , qui ſibi propria evporiſta chymica , ſub nomine Specificorum , Arcanorum &c. venditant , horumque monopolia vendicant , his præ officinalibus Galenicis prærogativam ſingularem & tantum non traſonicis laudibus tribuere : ab his dubitandi aſſenſum mihi polliceri vix potero , quos lucri forſan ſeu auri ſacra fames eouſque fatigat , ut ad penſitandas æque meas ambigendi rationes minus apti exiſtant , nedum a furnis ſuis ſtupidiores fiant. Aut ſi forte unus alterve eorum me recte dubitare obſervet , præ ſtudio tamen contradicendi mero ingenuitati meæ minus ſubſcribet : ideo ſaltem , ut quamvis ego non erraſſe ipſiſmet videar , quoniam nihilominus quaſtui eorum problemate ejusmodi meo aliquid ſuccidam , par pari referant : hoc eſt , ſicut ego eorum penes vulgum arcana , hi cogitata mea liberiora penes hunc & prudentiores , ſuſpecta reddant , me bono publico (ni fallor , privato) ac chymicæ ſplendori

splendori iis derogare, prodant, cavillentur, sicque ulciscantur sibi a me illatas injurias; qui tamen absque injuriandi nocendique, potius arti nostræ, & qui hujus auxilium quærunt, prospiciendi ac conducendi animo hæc dissero.

Plerisque, quæ superius e diversis scriptoribus commemoravi, & quibus chymicorum præparata cætera medicamenta superare, illi sibi persvadent, posthabitis, nec de examine valoreque eorum sollicitus, utra horum efficaciora, generosiora ac fida magis, tantum disquiram; digladientur de cæteris inter se Beguinus, Quercetanus, Crollius, A Sala, Billichius, Conringius & Borrichius sique sunt alii plures. Neque pharmacorum spagyricorum fidem in genere laceßere conabor per hæc illave, prout egit *Conringius de hermet. med. l. 2. c. 8.* egerunt multi ante eum, post hunc pauci: sed hoc imprimis ventilandum aggredior problema? *An*, quod multi sibi persvadent, *plus præstiterint ac præstent præparata spagyrica, superiore & nostra ætate officinis introducta, ex his hætenus præscripta, & ab eorum Magistris ventilata ac vendita præ Galenicis? quin hæc potius & pharmaca simpliciora seu naturalia, aut leviora tantum plus præstiterint præparata expolita ac commendata idem cum illis, imo nonnunquam plus, efficiant, adeoque illis, si non anteponi, certe non postponi, jure queant ac valeant?* Quoad cæteras difficultates tantum adjecturus, quantum paradoxo hoc meo firmando & contradictionibus adversariorum declinandis necessarium videbitur.

Quod ut commodius & perspicue magis agam, neque de lana caprina disceptem, ante omnia & fundamenti loco determinandum erit: quænam chymica appellari vere mereantur? numne sub galenicorum & officinalium classe olim jamdum extiterint novis spagyricorum inventis postmodum adscripta? ne ambigui maneamus annon hæc vel illa chymica galenicis potius accenseri debeant? Galenicorum vero hæc illave chymicorum splendorem sibi arrogari possint? Ubi mihi concedi postulo, galenicorum nomine venire 1. simplicia cuncta cujuseunque regni plus minus depurata, correctæ vel præparata, horumque partes 2. omnia composita, simpliciore commiscela, interdum aliquali infusione ac coctione parata, pulveres nempe seu species, pilulas, infusa, decocta, gelatinas, vina, cerevisias atque aceta medicata, olea infusa, cocta & expressa, sirupos, conservas, succos, rob, pulpas, electuaria, loch, unguenta, balsama, emplastra, trochiscos, tabellas rotulasve: 3. naturalia immutato ignis contactu sensibilibiter immutata seu calcinata colchotar v.g. *Æs ustum, Cornu cervi ustum, Erinaceum calcinatum &c.* ac 4. aquas destillatas simpliciores. Cætera præparata cuncta officinis spagyricorum largior, nisi forsan

aquas, quæ mera & simpliciore destillatione producuntur, in ambiguo relinquere & ne prolixiore vanaq; de iis disceptatione primaria quæstio negligatur & superfuntorie magis agitetur, utrique parti communem velimus: imo, ut faciliores, ac propitiores quoad alia galenicis existant chymici, eas his galenicorum mandatario nomine trado, ac de jure in easdem renuncio.

Hermetici crystallos cremoremque tartari sibi tribuere nequeunt.

Qua proin in classes binas præparatorum disjunctione, si non ex compromisso, saltem per æquitatem, facta non video, quo jure crystallos cremoremque tartari sibi attribuerint Hermetici, quæ nihil, nisi concreti hujus per meram cum aqua simplici solutionem, colationem & evaporationem a sordibus extrinsecis liberata substantia sunt: perinde ac salia quævis ac Vitriola cum aqua soluta & denuo crystallisata puriora ac splendidiora evadunt; nisi operationes, metallurgis, salinariis & nitri coctoribus, ante chymicorum scholas & officinas, familiares, operariis his eripere quis velit. Pariter, dum ex fornicibus galeniorum prodire conceduntur infusa, decocta hincque gelatinæ, vina & acceta medicata ac olea simpliciore æque ac multiplici infusione concinnata, cur tincturas, essentias, elixiria extractaque, qualia, instar peculii, sibi arrogant spagyrici, non eodem jure galenicis vendicemus? Infunditur cum aqua, lacte, sero lactis, vino, aceto, oleo &c. vegetabile hoc vel illud, (ne dicam animalia nonnulla cum paucis forsan mineralibus) catharticum, alterans, resolvens, detergens, diureticum &c. eorumve plura simul in compositionibus minoribus majoribusve officinalibus; & postquam vel leni, vel potentiore, calore his cum liquore seu menstruo digestis ac subactis, prodire dicitur infusum, decoctum, acetum vinumque medicatum, oleum rosaceum, liliorum alborum, scorpionum simplex ac compositum: quid impedit, quo minus aquam, phlegma vitrioli ac spiritum vini medicatum infusumve rutaceum, menthæ, roris marini, lignorum, castorei &c. nuncupemus essentias totidem chymicorum, simplices ac compositas, balsamum sulphuris, oleum terebinthinæ, raparum &c. cum floribus sulphuris infusum? Elixir proprietatis cur non dicamus solutionem seu infusionem myrrhæ, aloes, croci cum spiritu vini ac sulphuris, aut cum tinctura tartari paratam. Contra acetum rosarum, florum tunicæ numne tincturæ eorundem florum appellari poterant? Vinum chalybeatum cur non essentiam tincturamve martis, perinde ac extractum hujus cum succo pomorum similive liquore eductum succum pomorum chalybeatum, ferratum aut infusum limaturæ martis appellare fas erit. Aqua fontana, cui ferventi violæ martiæ infunduntur, colorem cyaneum ex his provocat, hinc cum saccharo in sirupum inspissatur: cur infusionem hanc non potiore jure & ratione tincturam flosculorum horum vocabimus, eamque

que magis genuinam, quam phœniceam illam, quam cum phlegmate vitrioli, aut aqua, spiritu vitrioli acidulata, chymici conficiunt? Quibus nihilominus horumque solertia lubens concedo extractions, quæ prævia quadam præparatione seu encheirisi, præter infusionem, indigent, v. g. sulphuris, auri & chalybis quasdam tinduras, sc. vitrioli martis, ex commisceela hujus ac terræ foliatæ tartar. factas &c. Cornu cervi atque ebur, quibus per meram coctionem culinarem, perinde ac aliis ossibus succulentioribus, gelatinam subtraxerunt muliercula nostræ, philosophice ac spagyricè calcinata seu præparata appellare non erubescimus: sicque ex coquis etiam olidis Philosophos, Pharmacopæis Galenicis subtiliores & artittas facimus, hoc est, Doctores philosophiæ sine pileo cæruleo creamus, facimus ac proclamamus ringentibus ac ridentibus sophorum primiceriis.

Alcalia seu Salia lixiviosa educunt chymici ex vegetabilibus infiniti generis, parare olim noverunt ex lignis in foco combustis lotrices & cinerum clavellarum confectores, pro usu quamvis mechanico potius, quam medico. Umbros cinerem arundinis & junci aqua decoxisse, donec exiguum subesset liquoris, qui postquam refrigerit, salis copiam exhibuerit, penes Aristotelem 2. meteor. c. 3. legimus, legimus idem penes Plinium 31. c. 7. qui Theophrastum hujus rei Doctorem agnoscit; meminit tamen insuper salis columni & querni; ne commemorem quæ hujus generis Borrichius contra Conring. cap. 5. tradit, ac testes hujus salium lixivorum antiquitatis vel soli sales theriacales forent, olim notissima & famosa medicamenta. Vt injuste hinc agere videantur chymici, sales cinerum sibi suæque industriæ attribuentes.

Circa quos dubium insuper relinquitur, an específicas seu feminales virtutes vegetabilium ex quibus fiunt, retineant ac possideant, hincque eorum adeo diversos in officinis asservari, necesse sit? cunctos non omnibus affectibus, sed determinatos determinatis tantum, prospicientes? postquam scilicet planta per concremationem destructa, forma, essentia, vita media perierit, evanescant per consequens hujus potentia ac virtutes specificæ cum qualitatibus sensibilibus. Et difficultati huic solvendæ minime adæquata sunt a diversis commentatoribus in scenam producta phœnomena, qualium non exiguum penum concessit Ol. Borrichius contra Conring. l. a. Inter quæ quidem illud spectatissimum quibusdam visum fuit, quasi salia ejusmodi alcalisata in terram congruam sata per vim plantæ feminalem sibi relictam vegetabile germinare faciant ejusdem speciei, ut videre est penes Rocham de aquis miner. Vigenerium de igne & sale, Quercetanum ad veritat. hermet. meric. Helmontium Blas human. Kircherum mund. subterr. Bervin. tyrocin. Borrichium contra Con-

Alcalia educuntur ex vegetabilibus.

Dubitat an sales virtutes feminales vegetabilium retineant.

Conring. aliosque modernos pariter ab antiquiores : negatum tamen ab aliis viris magnæ industriæ atque peritiæ, ac cordate per experientiam & rationem negandum.

*Salia virtutem
seminalem ha-
bent juxta
Helmontium,
Sed minus con-
grue.*

Quippe primo per incinerationem sulphure & sale essentiali, quæ combinata virtutem specificam ac seminalem, constituere communiter dicuntur, separatis & in auras coniectis semen ipsius plantæ, hinc vis vegetativa perit: *Helmontius* equidem *l. a.* ubi inter alcalia quoque distinctas respublicas asserit, ea hinc fieri pergit, dum sal vegetabilis essentiali seu volatile sulphuri suo inter cremandum colliquetur, & ambo hæc in se fixentur; cui hypothese alios quoque annuere animadverto: hacque stante dicere liceret, hæc terræ commissorum salium principia seminalia seu activa, hæctenus arctiore nexu colligata, denuo evolvi, & libertati pristinæ data plantam sui generis formare. Verum aut ego fallor, aut ego fallor, aut eundem *Helmontium* sibimet temere satis contradicere deprehendo, quando *potestat. medicam.* scribit: *Salia, quæ sunt pars compositi ut lixivium & alcalia, virtutibus seminalibus orbata sensu, solamque habere absterivam, saponariam & resolutivam proprietatem: nisi sint volatilia, quibus sensu inesse initia concreti radicalia & balsamos seminales.* Et quamvis idem paulo post, fixa quoque, si ad statum volatilem evehantur, denuo evigilare & potestates magnorum pharmacorum adæquare, adjiciat: minime tamen hinc concludere licebit, ut alicubi factum memini, eadem principia radicalia balsamumque seminale his inesse, vel restitui. Dum ipse *Helmontius*, hujus resurrectionis & virtutis specificæ restitutæ immemor, negotium memtemque suam ita explicat, quod virtutem medicamentosam alcalium meteorizatorum incisoriam, resolutoriam & absterforiam, non vulnerrariam, non hythericam, breviter, non specificam seu seminantem, asserat. Et eo ipso, dum maxima pars pinguedinis seu sulphuris nativi cum sale volatili inter deslagrandum exhalat, cuicumque demum ignis gradui vegetabile incinerandum exponatur, aut ambo in fuliginem densantur; tantillum eorum, in cineribus forsan remanens, tuendæ ac constituendæ seminali seu vegetativæ potentie minus parerit. Volatilifantur eadem salia lixiviosa & sal essentiali per evolutionem hanc spargyricam aliquam efficaciam recuperare videtur: nunquam tamen declarant odorem saporemque specificum plantæ, cujus producta sunt. Adeo ut nec alcalia volatilifata vim ejusdem seminalem alant, quamvis forsan in volatilifatis gradu aliisque circumstantiis varient, ut v. g. Sal tartari volatilifatum æque ac fixum cætera sui generis vi agendi antecellere dicatur; hinc nec terræ, si quæ huic committantur, vegetativam virtutem concedant ac plantam depromant.

Dein-

Deinde utut forsan notabilis portio salis & sulphuris essentialis sub ustulatione in salibus hinc productis firmiore amplexu sibi combinata maneret, dum hæc non adeo difficili labore, secundum nonnullos artistas, in salia volatilia & substantiam oleosam dispescere licet: vix tamen ideo virtus seminalis & vitalis vegetabilis integri sarta testaque in alcalibus conservabitur. Dum nec oleum, nec sal, vim germinandi fovet, sed integra seminis compages: hoc est, vis seminalis aliud præ sale ac sulphure subjectum agnoscit; imprimis cum posterioris quantitas exilis admodum videatur, potiore nimirum per flammam consumpta, hinc ad germinationem usque actuandis cineribus horumve salis minus adæquata, quam integrum forte oleum in integro semine præstat. Ne addam, oleum hoc residuum & sub concrematione sali incuneatum odorem, saporem ceterasque potentias specificas haud retinere, in empyrevmaticum dum abit essentialis seu æthereum: proin pariter nec hujus substantiæ intuitu, idoneum vegetationis specificæ subjectum amplius existere; perinde ac de quorumvis vegetabilium oleis empyrevmaticis in vulgus constat. Offendimus de cætero in oleo essentiali, destillato odorem, acrimoniam rodentem, vim solventem, carminantem, cephalicam aut quamcunque medicamento-
sam; nihil potentiæ seminalis aut germinantis: quam nec planta, nec hujus partes ceteræ, sed semen tamen, nec hoc alcalisatum, nec ejus sal, oleum &c. sed integrum illud, continet.

*Probatur in
alcalibus fixis
vitalem semina-
lem non mane-
re.*

Quibus tertio accedit, seminis germinationem ac vegetationem plantarum actionem minime similem, sed organicam potius, esse; organica proin conformatione, per quam operatur, destructa, quod sub ignis tortura aliter fieri non poterat, perit etiam in illo omnis vis germinandi & vegetandi; ac frustra expectabunt plantam ex cineribus, secundum cujuscunque agriculturæ philosophicæ præcepta quamvis præparata cultave terra, hi philosophi, nisi per somnium & sub torpore comatoso talem ipsis cernere contigerit. Provocho hujus theoriæ comprobandæ gratia ad auctoritatem & avtopsiam Botanologorum modernorum, v. g. *Josephi de Aromatariis de gener. plant. Joh. Maria Ciasii de nat. plantar. Neb. Grevio. anat. plantar. Malpighii anat. plant.* cæterorumque horum sequacium ac experimenta eorum excolentium: cunctorum in eo consentientium, structuram cujuscunque seminis haud similem, sed dissimilem & mechanicam esse, ut nempe sub binis ejus involucris tres partes substantia seu textura & forma distinctas, vel plantam integre formatam hujusve embryonem cum suis organis, folia nimirum, instar loborum, duo & germen seu gemmam, conspiciere detur. Lobi quemadmodum gemmam, undique stipant, imo hujus ramos laterales binos, in quos inferiore sui

parte illa distrahitur, horumque fibrillas radicales recipiunt: ita ipsa hæc germen seu plantulæ caulem, aut mavis ipsam plantulam primordiale ac seminale, constituit, cui humidum terrenum, quod per peculiarem pariter mechanismum suscipiunt, (instar cotyledonum in quibusdam animalibus) lobuli illi adjacentes, præparant ac subministrant proprioque seminis succo commiscunt per hoc accretioni caudicis atque plantulæ inservientes: Unde sicut lobuli v. g. illi sine germine seu embryone vegetabili, germen sine lobulis, i. e. a se invicem divulsa hæc organa, sibi que minus exacte coherentia, nec potentia vegetandi gaudent, nec plantam promunt ita difficile dictu & omnino impossibile erit, animam seu texturam plantæ specificam tenerrimam sub incineratione ab interitu vindicare, ac ex destructa per flammam herba hujusque partibus integrantibus dilaceratis pristinum resuscitari vegetabile, cum leviter ab insectis arrosum seminis granum sterile plane experiamur; estque ac erit alcali quodvis sal omni virtute seminali orbatum.

*Nullo modo
potest probari
salia esse se-
men organi
cum.*

Et quo conceptu fingi saltim poterit, salia ejusmodi, vel in lixivium soluta & terræ commissa, vel ab hujus humiditate deliquescentia, utraque ratione in minutissimas atomos distracta, sibi denuo adaptari, combinari & semen organicum formare, ne dicam, dispulsis per ignem cæteris vegetabilis partibus constitutivis. Forsan æque difficulter hoc fiet, ac si ex ovo conquassato ac gallinæ pro incubatu supposito pullum quis expectaret, partium hujus integrantium textura naturali destructa. Alicujus momenti videri poterat experimentum illud fortuitum cujus *le Febure traité de la chymie* p. 262. meminit quoque nec caput mortuum plantarum, ex quo post incinerationem alcali elixiviatum, seminali virtute omnino destitui, comprobare annitur: fœniculum sc. postquam diversis examinibus pyrotechnicis, adeoque incinerationi & salis lixivi eductioni subjecerat, hujus cineres sale exutos & in fimetum conjecto in sequente anno fœniculum uberrimum & oleo essentiali factum protulisse. At, etsi fidem hujus Viri, dum viveret, peritissimi atque integerrimi, mihi que amantissimi & recensitum hoc ejus phænomenon in dubium vocare, mihi religio sit: superius nihilominus a me producta argumenta, quod inde concludit, ut mox mihi persvadeam, dissuadeant. Postquam casu forsan fieri poterat, ut in officina pyrotechnica, ubi fœniculi anatomen susceperat ille; seminis hujus quædam granula integra dispersa & pro perditis habita, cum terra ejusdem emortua, sub quisquiliarum farragine, eidem sterquilinio illata, fœniculum depromiserint, capiti mortuo ac terræ sterili nuncupatum. Id est, fato simili hoc contingere poterat, quod aliquando impostoris fraude cum sale Menthæ factum, *Kunckel Chymischer Annmerkungen* cap. 9. refert: ex alcali nempe

nampe hoc terræ concredito, vegetabile idem prodiiſſe, vel prodire ſibi viſum fuiſſe; donec per latioreſ huius proventum dubius factus ſcriptor, cum accuratius rem inquireret,prehenderit, ſemen integrum cum ſale callide ac fraudulenter terræ ſimul ab impoſtore hoc fuiſſe injectum. Sane credulitas chymiſtarum nimia eos illud *Eugenæ* intempeſtive ac præpropere nimis exclamare ſtimulat, ut ex uno ſæpe & apparente tantum experimento aut mere fortuito phænomeno, quod hypotheſi eorum favet, experientiam mox genuinam ſibi fingant; quam penes cautiores nihilominus non, niſi diverſorum ac plurium experimentorum, quorum circumſtantia ſingulæ circumſpectius ponderatæ, congeries ac conſenſus parit. Cur idem *le Febure*, quod caſu factum, altero anno non præmeditato tentavit, vel experiri non conatus fuit? cur aliis, qui hoc ſimileve tentarunt idem effectus ſimilive meſſis non compa-
ruit, hoſve non beavit?

Nec quarto majorem fidem palingeneſiæ huic conciliabit illorum autoritas, qui ſpeciem, effigiem ſeu ſimulacrum plantulæ e cineribus huius horumve ſalibus exurgens ſe paſſe aut conſpexiſſe perhibent: v. g. ex ſale Abſinthii *Joh. Dan. Horſt. epiſt. ad Schröder.* totum abſinthium oculis exhibens. Quemadmodum *Borrichius contra Conring. cap. 5. §. 8.* Sal Cupreſſi, phlegmate utrioli irroratum, in lateribus vaſis cypariſſi priſtini figuras expreſſiſſe, in medio autem ſui arbuſculum ſatis conſpicuum & eidem plantulæ ſimilem evexiſſe, ſcribit: & quod ex *Jac. Gaſarello Joh. chryſoſtomus Magnenus* de chymico certo refert, hunc ex roſarum cineribus calore candelæ veram roſæ faciem produxiſſe, remota quamvis candela evaneſcentem; *Rosenbergius* etiam *Rhodolog. ac Tackius myſt. reſurrect. rer.* modus operandi diverſos pro plantarum ex ſemine reſurrectione præſtanda, tradiderunt. Noli ſiquidem vera & genuina, ſubſtantia & affectionibus ſpecificis dotata, vegetabilia tibi concipere in productis his, ſed umbratica & repræſentativa tantum, imagines, ſpecies ſeu phantaſmata eorum: qualia pro caloris ab extra admoti diverſo gradu, aeris excluſione atque admiſſione, variare, i. e. comparere, exurgere, ſubſidere ac evaneſcere, eorum hitoriæ hinc inde edocent, ut halitus termino has apparitiones *Mullerus in mirac. chym.* congrue valde expreſſerit. Cujus generis non ſine ratione ominor illud Naturæ & Artis connubium, ſeu reſurrectionem plantæ artificialem, quam ex cineribus huius ſibi productam aliisque viſam *Kircherus mund. ſubterr. l. 12. f. 4. c. 5.* gloriatur, idem plantam, cujus cinere uſus fuerit, haud appellat nec productæ, nec huius rudimenti, poſtquam vaſ, illam continens & hermetice ſigillatum, frigore intenſiore ruptum, ullam mentionem facit; E. nec pro plantula vera, ſed imagine & larva tantum vege-

Neque antor-
tas in palin-
geneſi ſalium
ademonſtran-
da ſolet,

tabilis umbratili phænomenon illud phiolæ incarcerationum haberi poterat ac debebat, per rupturam hujus disprens.

Neque experi-
mentum.

Experimentum demum *petri Servii* urgent, quod *Bartholinus act. Hafn. vol. 2. cap. 20. & Borrichius loc. cit.* ex tract. ejus de *natura & artis mirac.* producunt, quasi ex cineribus rosarum, solerti atque ingenioso elaboratis & exaltatis, viginti quatuor horis natam rosam adultam perfectamq; viderit, non speciem, non umbram, sed verum vegetabile ex salibus alcalifatis germinans: nisi de fide ejus ambigere simul juberet vel temporis angustia nimia, qua hoc factum scribitur; vel temporis angustia nimia, qua hoc factum scribitur; vel quod sine radice, frutice, foliis cæterisque partibus vegetabilis hujus integralibus prodiisse asseratur hic ipse flos.

Non una affe-
ctio ad vim se-
minalem de-
monstrandam
sufficit.

Multo minus quinto figuræ salium modificatæ & ipsius plantæ, cui illaeducta, figuræ æmula, pro eorum virtute seminali & medicamentosa integra comprobanda sufficiunt, neque illæ activitatem omnem involvunt; sed cæteræ quoque affectiones essentielles, color, odor, sapor, vis resolvendi, cathartica, hypnotica &c, ab illis forent expectandæ: quibus deficientibus illas minus efficaces credere jubemur; & Armeniacæ v. g. mala cum perficiis eadem forent, utpote ejusdem figuræ externæ disparis quamvis coloris, saporis, nuclei, succulentia &c. Mansit sal lixivum post simulacrorum & phantasmatum ejusmodi productionem, nec conversum in compagem germinis, prout semen verum ac integrum in hujus partes constitutivas abit: mansit pariter idem sal post eorum evanescentiam. Neque sexto ex semine, sed ipso vegetabili, parabat cineres resuscitantes *kircherus*, parabant alii, v. g. *Digby*, ex radice, caule, foliis & floribus urticarum: quibus nihilominus extra semen, si forsan radicem excipias, vis sui simile producendi, haud inest; i. e. non frutici, sed nucleo granove, quod hic involvit ac constituit, atque demum radici.

Oculos oblectant magis, quam mentis assensum jubent huic, quod inde communiter formant, porismati, in lixivio cinerum, v. gr. urticæ, ligni fagi, congelati figuræ seu ideæ ejusdem vegetabilis, e quo illieducti: quales se observasse edisserunt *Quercetanus*, *Digbaeus*, *Borrichius* aliique v. g. *Kornmannus* penes *Tackium myster. resurrect.* aliis quamvis easdem diffinitibus; nisi phænomenon hoc fortuitum & phantasiæ potius spectatoris hujusve præjudicii, quam naturæ & artis, opus malis. Ludit in his ac similibus natura frequentius, & gesticulationum ejusmodi phænomena crebriora curiosiores hinc inde observant; quale quid de alcali serpilli *Bartholinus act. Hafn. vol. 2. c. 70.* testatur, quod non figuram suæ plantæ, sed ligneas illas crates, quas militari termino *equites hispanicos* ajunt, monstravit. Et hæc salia, dum motu ac tenden-

tendentia propria intra lixivia sua in crystallos congelantur, specificas figuras haud inedunt: qua vi per frigus congelans, feminium figurans ad modificationem ejusmodi actuari possit, non video.

Vnum alterumve quidem allegatorum experimentorum, etiam sine *In alcali filicis.* congelationis concursu in salibus his figuras specificas plantarum, e quibus oriundi, aliquando comparuisse, evincunt, simileve *Dan. Cox. Transact. phil. Angl. vol. 8. n. 108.* de alcali filicis testatur: quod nimirum hujus aliqua portio, in summitate lixivii sponte crystallisata, figuras ramulorum ac foliorum filicis herbæ exactius stiterit. Sed vel eo ipso, dum observator hujus phænomeni prior relationi illi subnectit, idem brevi denique evanuisse & in confusum chaos abiisse, ac ideo merum phantasma umbratile & fortuitum minimorum salis coalitum hoc fatetur, plus firmi & universalis inde inferre forsitan haud licebit: postquam non cunctis aliisque pyrotechniæ cultoribus, utut industriis maxime, talia cernere contingit. In educendis atque parandis salibus lixiviosis non semel allaboravi, ast in nullo eorum specificos ejusmodi iconismos deprehendere valui: vidi in iis cilindros, trigonos, tessulas, quadras, cubos, rhombos, trapezia &c. nunquam ipsorum vegetabilium umbras; quale quid pariter testatur *Fracassatus de Lingua* ex proprio & *Antonis Olive* instituto in diversis salium lixiviorum generibus, ac *Borrichius l. a.* ex Magni Ducis Hetruriæ laboratorio. Ne repetam, quod modo edisserui, nec ullam salium horum configurationem adæquate comprobare, seminale principium ea intertextum gerere: multo minus umbratiles ejusmodi icones de virtute medicamentosa eorum integra testari. Addo potius, si forsitan aliquid, exile tamen, principii seminalis, aut tantillum saltem ejus receptaculi, in sale fixo remanere, quocunque demum calcinationis gradu ac modo conficiatur: quod exiguum minoris etiam efficaciam æstimandum, vel ad imagines plantarum æmulas exprimendas, vel ad harum virtutes medicamentosas præstandas. Cui accedit, quod, quamvis omnes, contrarium asserentes, utramque hanc alcalium-energiam sulphuris, iis intertexti directorio, archeali adsignent, nec inficiari queat, olea essentialia quasi compendium aut quintam vegetabilium essentiam existere, cum his eodem odore, sapore aliisque tam sensilibus, quam latentibus magis, potentiis pollentia: experimentum nihilominus Dni Cox, modo indigitatum testatur, non illam coloris obscurioris alcali partem, quæ fundum vasis petierat, plusque olei involvebat, sed candidiorem & a pinguedine magis liberam, ideas filicis representasse.

Quemadmodum hujus loci itidem facio, quod *P. Borellus 3. Obs. 71. & Borrichius l. a.* ex Dn. Barleti observatione de arbusculo juniperino, sponte in tartaro

*Simulacra in
concretis fluidioribus for-
mantur.*

tartaro vitriolato exurgente referunt: ubi sane nec ulla de juniperi reliquiis seminalibus conjectura emergere, per consequens nec experimentum hoc pro vita media plantarum in earum alcalibus remanente allegari poterat. In glacie roris *de Ligua* arborem ad nucis figuram conspexit: ostende, si poteris, in rore ejusve glacie semen nucis incineratæ, aut hujus rudimenta. Ut mirer, *Borellum*, quod per phœnomenon hoc animas immortales in salibus latentes denuo suscitari, comprobari posse, asseruerit; cum nihil alcali nucis, sive juglandis, sive avellanæ, accessorii in rore comprobavit. In oleo nucum congelato rudem nucis figuram productam annotavit *de Hardi*, ac *Barlet*, peritum Chymicum, foccem quandam sic in patella coagulata se vidisse, idem *Borellus* l. c. refert, ut plantæ figura in ea perciperetur, quæ verbenacæ haud absimilis fuerit. Ex quibus colligere datur formari in aliis salibus & concretis fluidioribus simulacra, quibus seminalis alcalium determinata vis non inest, nec imaginibus his occasione existere poterat: & per consequens lixiviorum salium figuræ potentia cuidam seminali perperam in acceptis referuntur.

Sal tartari dum olim *le Febure* crebriore per acetum stillatitium & spiritum vini solutione ac cohobatione tractaret, hoc in sal volatile elevaturus, ascendebat demum in cucurbita, igni exposita moles uvæ similis, quam cum aliis mihi ab artifice hoc sagacissimo demonstratam vidi ac *Borrichius* eandem oculis suis usurpasse, commemorat. Simile quid, botrum videlicet, cono obtuso fundo phiolæ insistentem, obtinuit *Wirdigius*, *Medicina spirituum scriptor celebris*, cum salis tartari volatilisationi frustra incumberet. At utrumque phantasma tantum racemi fuisse, ipse ad spectus curatior cateræque circumstantiæ innuunt: dum plura concreta fluida tenaciora, si igni committantur, humiditate exhalante ebulliendo ac rarefciendo in bullosam & uvas mentientem compagem formantur. Qualis rarefactio etiam decepisse videtur *B. Langellottum*, quando sub confectioe salis seu spiritus tartari volatilis, in illa effervescentia (ab eodem fermentationis termino signata) quæ solutioni tartari calcinati, dum tartarus crudus ipsi successive inspergitur, (qualem manipulationem Tartari tarta risati præparationem alias ajunt) contingit, bullas elegantiore ordine elevari perhibet, quæ uvas veras referant: hincque concedi sibi postulat, Tartaro perinde ac salibus arte paratis potestatem subesse, pristini sui domicilii formam exacte repræsentandi.

Cum olim aliquando operationem hanc ex communicatione hujus *Viri celeberrimi*, *Fautorisque mei* in cineribus etiam æstumatissimi, privata molirer, bulla-

bullarum equidem hos racemos, inter effervescendum in tartaro calcinato & crudo annotavi, ita tamen, ut sine botriæque, ac subbotri, specie illas intuiti licuerit: i. e. nihil peculiare huic præ aliorum corporum effervescentiis subesse, mihi persuaferim, simulque obstupuerim, chymici hujus peritiam spectatissimam ab umbratili ejusmodi præsentatione & præjudicio subjugari ac obscurari potuisse. Quemadmodum, ni fallor, perinde hallucinari mihi videtur *M. Marci*, quando in *Philos. veter. restit.* scribit: *Principium cujusque essentie est in sale, a quo suam palingenesin habent planta, uti manifestum est in sale Tartari, aceto vini imprægnato, quod terram foliatam vocant, & calore quidem quovis, ut butyrum liquefcit, ab aere vero frigido rursus coagulatur in folia, vitium foliis si color adesset, similia.* Præter acetum quippe ad terræ hujus foliatæ confectiorem necessaria est crebrior spiritus vini alcolisati cohabitatio, alias talem formam vix induit; sed nigricans omnino cernitur; non congelascit, sed deliquescit in frigido; non folia vitis, sed lamellas, lapidis specularis seu scissilis bracteis analogas, refert: adeo ut nisi summa hujus scriptoris doctrina & autoritas obstaret, dubitare mihi vitio verti haud posset, an unquam sal hoc foliatum confecerit, aliosve parare conspexerit.

Nec majoris momenti erunt cætera, quæ hinc inde ab aliis observata & pro seminali virtute ac potentiis medicamentosis in vegetabilium ultorum salibus integris comprobandis adducta legimus, penes *Borrichium* v. g. l. a. nimirum quod 1. advertente jamdum *Galeno* 8. de *simpl. medic. facult.* cap. 133. *Quæni* nihilominus cineres adstringant. Ficulnei contra abstergant ac adurant, tilia juxta *Helmon. de lithias.* c. 3. vulneribus medeantur, corticis fraxini sal excitandis foniculis præ cæteris alcalisatis, secundum *Schröderum* autem vulnorum medelæ, intrinsecus atque extrinsecus usurpatum, inserviant. *Salem* *salium utilitatis.* menthæ commendant communiter ad ventriculum roborandum, sicut absinthii eundem in finem & contra febres intermittentes; Sal rubiæ tinctorum in Ictero laudat *Poterius*, & sal urticæ contra calculum *Qercetanus* pest. alexit. 2.) Quod vitrariorum, in specie *Meretti in neri art. vitrar.* observatione constet, alcalia diversa diversam vitris pelluciditatem ac nitorem conciliare, adeo quidem, ut, secundum *neri. lib. 1. c. 5.* cum sale filicis conflatum vitrum in tenuiora fila duci queat, & supra crystalli naturam flexile evadat. Pariter 3) fullones tinctorum & saponarii evidentissimum inter salia plantarum lixivium experiantur discrimen, ita ut ab horum aliis colores inquinentur & conturbentur, opera reddantur fragilia, ab aliis secus: quod *Plinio* jamdum *hist. nat. l. 28. c. 17.* in saponis confectiione annotatum legimus, cineres faginos dum cæteris in opificio hoc præfert. 4) Ex observatione *Tachenii Hipp. ch. c. 7. & 16.* Vitrioli mar-

martis & mercurii sublimati solutiones a diversis lixivis diversimode præcipi-
tentur & diversa earum sedimenta formentur.

*Salibus cun-
ctis his aliqua
ineft.*

Quamvis enim *primo* fidei illorum, qui de experientia virtutum harum
specificarum in alcalibus gloriantur, vel tantillum derogare mihi vix præsum-
mam, sed observationibus eorum hoc in passu lubens subscribam: minus
ægre tamen iidem ferent, si asseruero, hæc illos effectus, qui texturæ vegetabi-
lium, e quibus extracta, attribuuntur, per texturam suam communem seu sa-
linam exequi. Salibus his cunctis subest vis absorbendi, abstergendi, resol-
vendi, urinam movendi, hinc diversis pathematis, ab acido, viscido & fla-
gnatione humorum emergentibus, appropriata existunt remedia: Sal Quer-
cus & Fraxini febribus intermittentibus atque oppilationibus viscerum mede-
tur, perinde ac sal absinthii, rubiæ tinctorum &c. Tiliæ sal vulneribus pro-
spicit, acidum absorbendo, antecellere tamen hac potestate cœtera alcalia, non-
dum evictum. Porro concessio, hoc idem tiliæ alcali peculiari vi travmatica
gaudere, non habet nihilominus eam a vegetabili ipso, cujus productum:
cum, quamvis tiliam omni virtute balamica destitui affirmare verear, antecelle-
re tamen hac alia vegetabilia, nullus forsan practicum adverterit; aut cur
hoc ejus alcali non simul ratione potentia cephalicæ, antepilepticæ &c. alia
superat, prout tilia virtutibus his multis terræ nascentibus potior deprehendi-
tur? Carbones quidem ejus a quibusdam contra casum & pro sanguine con-
grumato dissolvendo commendantur: ast reprobantur ab aliis. Cortex fraxi-
ni resolvens, deobstruens & febrifugus salutatur cunctis, nulli causticus: quo
jure proin alcali ejus, dum fonticulis exsculpendis administratur, vim hanc
rodendi specificam a cortice suo hujusque virtute seminali tenebit? Habent
etiam cœtera salia lixiva, intensius ulsa, eandem virtutem causticam, v. g. La-
pis septicus officinarum, ex cineribus clavellatis & calce viva conflatus:
quemadmodum sal tartari pariter potentius, imprimis cum calce viva
denuo, ustum, & ad igneam magis naturam effectum. Cur sal Laureolæ non
simile præstat, cujus vegetabilis potentia erodens ac caustica nemini ignota?
Cineres quercus cum sale suo haud plus adstringunt, quam hellebori, asari,
gialappæ alcalia evacuant: levi tostione Rhabarbarum virtutem catharticam
perdit & adstrictorium fit, expellet proin majore vi illam gradus ignis incin-
ratorius. Emortui seu extincti in alcalibus ejusmodi sunt stimuli cathartici
perinde, ac aliorum non purgantium potentia medicamentosa. E parum
nihilve probant experimenta adducta.

*Nicotianæ vi-
rulentæ gene-*

Famosa satis est generi nervoso ac primis viis hostilis Nicotianæ virulen-
tia, utpote variis experimentis comprobata, ipseque memini, ex vegetabili
hoc

hoc cum butyro paratum linimentum & pro medela tineæ capitis puellæ applicatum, in hac vomitus ac dejectiones crebriores cum cordis anxietate, sudore frigido & lipothymiis aliquot horarum concitasse: quemadmodum pueri quoque recorder, qui, postquam Pater, chirurgus, pro similibus sordibus detergendis folia Peti arida, in aqua simplici macerata, hujus capiti admove-
rat, brevi post vertiginem, eversiones stomachi & convulsiones experiebatur. Qualia symptomata violentius concutiunt, si ipse Tabaci fumus ab improvidioribus ejus ductoribus ad ventriculum demittatur, aut si quis succo, decocto extractove hujus herbæ sanctæ utatur: & ex literis *Nobil. Dn. Kozebue*, archiatri Hannoverani spectatissimi, quondam ad me exaratis reminiscor, empiricum quendam per infusum ejus cum Sp. vini Tartarificato paratum, *δύο καὶ χάρω* evacuando, febres intermittentes quam felicissime fugasse. Nihil tamen horum metuendum tibi erit ex sale lixivioso ejus ad drachmam semis aut scrupulos binos assumpto, quod in me aliisque expertus testor: combusto nimirum & deflagrante illo oleo aut textura plantæ specifica, quibus generi nervoso adeo infestum deprehenditur vegetabile hoc.

Vitrorum *deinde* & saponis confectores, tinctorum similesque mechanici per observata artis suæ pro facultatibus medicis harumque ætiologiis explican-
dis admitti vix poterunt minusque quadrant: & sal filicis v. g. dum ductile ac flexile magis, simul tamen minus diaphanum, reddit vitrum, hoc non a vegetabilis sui amaritudine, anthelmintica ac uteri aliorumque viscerum obstru-
ctiones referendi energia habet. Cinerum clavellatorum insignem dispari-
tatem diversi experiuntur opifices, iidem v. g. smegmatis coctores atque infe-
ctores; non quod ex diversis prognati sint lignis, sed quod plus minusque ustulati: ratione cujus circumstantiæ linguæ modo occurrit ignei magis,
modo temperatioris ac nitrosi, hinc non eosdem omnino in opificiis ejusmo-
di effectus exerunt.

Tachenium *tertio* vel ideo asserto huic meo minus gravem futurum ju-
dico, quod ipsemet non tantum c. 3. sal alkali ex herba kali, quam annotante
Langio 2. epist. 32. & 58. alias anthillidem, it. tragum, ajunt, per incinerationem
eductum, tanquam compositi sui partem, ut reliqua salia, virtutibus semina-
libus orbatum pronunciet, huicque abstersivam tantum, saponariam & reso-
lutivam proprietatem decernat: sed quod c. 7. diversa in præcipitationibus
mercurii sublimati phænomena ab intensiore ac remissiore tantum alcalium
ustione emergere, asserat. Atque hoc quidem in *prima Hipp. Chym. edit. 1666.*
in posteriore liquidem 1678. utrinque sibi contradicere & sententiam mutare
videtur, sibi forsan in sententionando minus constans. Diversos præcipita-
torum

torum horum colores a vehementiore aut blandiore tantum salium ejusmodi diverforum calcinatione evenire, *Zwelfferus* pariter *apol. contra Tachen. p. 2. c. 7.*

Diberfus *fali-* putat: sine dubio, quod vegetabilia blandiore ac lento magis igne usta plus
um color unde? salis & quidem mitioris, seu quod acidi aliquid adhuc involvit, falsi ac nitrosi magis aut marino propinquioris; potentiori autem flammæ mox exposito- rum salia acidi essentialis minus, retineant, hinc texturæ igneæ magis, quæque linguam instar prunæ candentis petunt, evadant. Alias unum horum idem præstat, quod alterum, modo eandem cum illo ignis torturam subierit: ut v. g. regulus antimonii æque cum cineribus clavellatis & cæterarum vegetabilium alcalibus, potentius ustis, ac cum sale tartari, fiat, & aurum fulminans perinde cum alcali ex nitro & tartaro ac cum cæterorum vegetabilium salibus lixiviosis, præcipitatur, & ex his cum nitro & sulphure æque conficitur pulvis tonitruans ac cum sale tartari, negante quamvis hoc *Vigaro in medulla Chym.* Paucis, quæ salium alcalifatorum variorum in præcipitatione solutionis vitrioli martis & mercurii sublimati, diversa contingit, actio, & quæ diversa a contactu horum mutuo quæ observantur, phænomena non disparitatem specificam, sed disparem tantum proportionem salis mere alcalici, ac alterius, quod nitro aut marino sali simile, & qualia ambo pleraque forsan vegetabilium per incinerationem parata salia involvere, ex accuratiore horum examine constat, innuunt.

Ex tartaro ad nigredinem ustulato sal alcalicum extrahitur.

Occasione interim hac non incongruum puto notare *Zwelfferum*, dum *loco alleg.* Sal tartari perinde, ac alia vegetabilium salia lixiviosa, modo cum his eandem mitiorem potentioremve ustulationem perpeßum fuerit, diversa in præcipitationibus ejusmodi formare phænomena, addit. Aliud me docuit experientia, per quam ex tartaro leviter & ad nigredinem saltem ustulato salem mox mere alcalicum extrahi; quemadmodum ex cineribus denuo ac vehementius ustis pariter: ambos in hoc concordet, ut mercurii sublimati solutionem limpidam ad colorem aurantii mali conturbant, ac sedimentum obscure rubicundum fundum petere jusserint. Qualis salis tartari forsan textura privilegium illud ipsi conciliat, quod plerosque scriptores chymicos & alchymistas ipsi concedere observamus: totum sc. hoc est alcalicum, cætera aliquid salis essentialis ac marini sibi intertextum gerunt; utrumque ab his separabile, in alcali tartari nunquam observabile, de quibus prolixius differere limites instituti excederet.

Circumstantiæ e Vegetabilibus diversa

Neque graduum ignis tantum disparitas, sed eundem quoque applicandi diversa ratio, tempus similesque vix sensibiles, circumstantiæ, e vegetabilibus diversa alcalia prodire jubent, negotia etiam, quibus applicantur, hinc inde

inde variantia. Ita v. g. sal tartari Gallici sub fluore demum sex horarum, *producent al-*
 Hispanici alcali post fusionem unius quadrantis annotarat *Viganius medull. calia.*
chym. p. 19. ego tartari Rhenani sal intra dimidiam fusionis horam colorem
 mineum induisse, proin cum Hispanici Tartari sale aque celerem huic con-
 t' gisse mutationem, recordor, adeoque experimentum *Vigani* haud undique
 fidum deprehendi: forsan propter ignem ab eo in fusione Gallici lentum
 magis, a me aliisque mox intensiorem administratum, ne dicam, quam in
 Tartari sale fuso tantum observavit idem *Viganius*, nitro pariter cum carbo-
 nibus fixato contingere ab igne fusorio rubedinem. Quinimo non impossi-
 bile videtur, quasdam concretorum particulas, quas oculi & lingua nostra
 eundem ignis gradum perpeffas iudicarent, hinc salia quoque alcalifata, ope-
 rationes plane alienas in experimentis quibusdam, quibus adhibentur, ratione
 circumstantiarum ad minimum nonnullarum) crebrius edere: neque adeo
 paradoxum dicendum, corpora quædam, quæ sensibus simpliciora & unifor-
 mia comparebant, per unam alteramve causarum circumstantialium diversos
 in operationibus chymicis aliquando effectus præstare; hinc non materiæ
 semper, cum qua operamur, sed aliis circumstantiis, in acceptis referendos
 esse. Experimur hoc in reguli & vitri antimonii productione, cui sola fusio
 brevior aut diuturnior plus minus favet in antimonio ejusdem venæ ac
 generis: quemadmodum pariter in auri fulminantis, solutionis mercurii sub-
 limati & vitrioli præcipitatione, quam evidenter mutat, si solutiones illæ
 aqua plus minus dilutæ fuerint, si cum liquore præcipitante actu frigida vel
 calida extiterint, si præcipitans confertim, aut guttatim demum, celeri ac
 tardiore instillatione &c. affundatur.

Et quo tandem ratio genuina ac ac primaria, per quam diversa in aliis *Cur diversa in*
 concretis patrent diversa vegetabilium alcalia, evidens magis evadat, duo po- *aliis concretis*
 tissimum erunt attentenda: quorum unum eorum manipulationem, alterum *patrent diver-*
 salia producta, concernit. Ratione prioris, siquidem negotio huic (si con- *sa vegetabili-*
 cinne operari velimus), destinandæ sunt non plantæ aridæ seu exsuccæ, sed vi- *um alcalia*
 rides ac recentes: quarum hæ plus salis, v. g. libra una uncias duas vel tres, illæ *prima ratio.*
 vix drachmas binas; illæ minus lixivum, sed neutrum ac muriaticum magis,
 hæ purum putum alcali, suppeditant. Deinde nec incineratio earum mox
 fiat igne intensiore ac luculento, sed clauso ac lento, & ab aere magis secluso,
 dummodo in cineres nigricantes abeant; qua ratione pariter plus, & neutri
 quidem, salis præbent, quam rapidiori igni mox expositæ. Postmodum vero
 cineres hi in olla terrea, vel super lamina ferrea, carbonibus accensis, ad albe-

dinem usque calcinentur, neque tamen igne reverberii flagellentur: e quibus cum aqua calida lixivium paratum, & probe percolatum in sartagine ferrea evaporatur, ita tamen, ut, dum spissescere incipit, spatula volvatur subinde, sicque in pulverem gryseum abeat. Hic in crucibulo cooperto, sub carbonibus, moderato tamen calore, sensim & absque incandescencia notabili ac fusione, ad brunnitiem usque ustulatur, refrigeratis vero cunctis in aqua denuo solvitur, colatur hinc triduum vel quadriduum sub dio detinetur, donec fœces, instar terræ vel calcis candidæ subsederint. Quibus remotis tantum aquæ in arena sine ebullitione exhalare permittitur, donec cuticula salina in superficie liquoris compareat, & intra nycthemeron in loco frigido formabuntur in hoc salis granula, cum aqua limpida celeri manu abluenda: reliquum lixivii ad crustulam denuo evaporatur, & crystalli post moram hinc emergentes prioribus adjiciuntur. Quod vero salis ultimo in lixivio graveolente & urinoso remanet, non crystallizando, sed ad omnimodam siccitatem evaporando, in massam salinam facessit.

Secunda ratio.

Quoad alterum, salia hæc lixiva producta sapore atque effectu evidenter discrepant, sine dubio, quod crystallina plus acidi primigenii possideant, seu sub cautiore ustulatione retinuerint: hinc minus mirandum, quod neglecta hac encheirisi & triviali methodo confecta, prout plus minus acidi hujus involvunt, disparia patrent phænomena, aliis si admisceantur, neutiquam, quod crasin vegetabilis naturalem retinuerint; adeo ut spiritum acidum ex erucæ sale per distillationem cum bolo educum *Histor. acad. scient. gallic. l. 2. s. 1. c. 7.* referant. Prima siquidem bina salia, post blandam & aliqualem tantum lixivii evaporationem sponte congelata alcali seu lixivi salis nomen vix merentur, quod præter alcali acidi plus minus sibi intertextum teneant, & salis marini aut nitri texturæ propius accedant: ut Sal v. g. Centaurii minoris, carbonibus injectus, præ cæteris aliquando instrar nitri genuini, strepat, & minus paradoxum æstimari veniat, quod penes nonnullos legimus, salem plantarum fixum, interdum tartari, interdum marinum salem, referre; pro manipulationis videlicet diparitate. Quamvis priorum binorum seu crystallifatorum unum, si curatius examinetur, figura ab altero differat, posterius illis aere humidior facilius madescat: ne huc referam, quæ de sale vegetabilium incineratorum tripli: *in neb grevv of lixivial. salts. c. 1. & 2.* in scenam produxit.

E. quibus infero, perfecta alcalia, i. e. extreme usta, quoad operationes chymicas & mechanicas haud evidenter differre a cæteris in ejusmodi negotiis: differre hæc tamen crystallifatione producta virtutibus nimirum medicamentosis communibus, ut diversimode agant in corpus prout nitri aut salis marini inter-

texti plus minus possident, largior, licet non discrepent potentiis specificis, & secundum vegetabilium, e quibus educuntur, diversitatem, utpote sub concre-
matione necessario destructam, perinde ac alcalia mera seu magis alcalifata.

Similiter res se habere videtur cum salibus volatilibus Urinosi, quos ni-
hilominus specie discrepare autumant communiter, e. g. *helmontius de febr.*
c. 15. ubi tartari sal volat li satum pro extrahendis sulphuribus mineralium soli
diorum & pro penitiorum corporis partium obstructionibus referendis, hinc
morbis contumacioribus profligandis, præ cunctis salibus volatilibus, magno
elogio commendat. Cujus autoris dogmatum *G. Starkey*, angulus, prout
vindex strenuus, sic in *tr. de myster. alcal. ac Pyroteshmi asserted.* alcalium vola-
tilifatorum, tartari inprimis, in extrahendis sulphuribus mineralium & vege-
tabilium ac morbis contumacioribus eradicandis, vim singularem innuit. Qui-
bus demum, ut alios spagyricos mittam, accedit *Ludovicus de comitibus*, de-
liquore *alcahest &c.* ita tamen, ut vim eorum in mineralia fere nullam admit-
tat, visceribus tamen morbosus horumque recrementis detergendis ac ægritu-
dinibus gravioribus expellendis remedia generosa enunciet. Idem *Helmon-*
rius spir. vitæ spiritum sanguinis humani epilepsiæ mederi, urinæ minus, tra-
dit, & sic pariter salium volatilium disparitatem firmare contendit. Cujus
etiã sententiæ videtur *Rochas de aquis meneral. c. 4.* ita quidem ut diversarum
partium humanarum salibus volatilibus diversam & ad singula membra deter-
minatam potestatem medicamentosam assignet.

In quo tamen scriptores hos cum aliis, tam intuitu experientiæ, quam ra-
tionis, insigniter hallucinari, inde patet, quod, quam vim salis tartari volatilis
præ aliis hujus generis salibus mineralia & viscera penitius subeundi majorem
ebuccinant, nemini adhuc observare contigerit quin paria emolumenta a
salibus urinosi cœteris experiamur. Quemadmodum nec cruoris humani
sali potiore virtutem antepilepticam concedere possumus, postquam illam
in medela hujus affectus non una vice deficere, Urinæ contra, fuliginis ac salis
armoniaci spiritum in eadem æque validum, frequentius cernimus: ac *Hel-*
montius forsitan sui oblitus in hoc asserto videtur, dum *sextupl. digest.* Sal uri-
næ sibi in toto naturæ systemate simile non habere ait. Largimur *Rocha*, di-
versos rerum colores, odores & sapes diversæ innuere salia, neutiquam ta-
men remediorum diversitatem nobis inde polliceri valemus: ne dicam, diver-
sas simplicium substantias non tantum, sed harum quoque diversas modifica-
tiones, qualitatum sensibilibus ac insensibilibus, autores existere, hinc v. g.
idem sal cum eodem ac alio sulphure, ratione quantitatis seu proportionis, si-
tus &c: diversos odores, colores, sepos &c. formare. Nec salium volatili-

Sal tartari so-
latilifatum
singularem
habet vim.

Salia urinosa
paribus gau-
dent emolu-
mentis, quam
sal tartari.

um disparem figuram, quam nonnullos in iis observasse legimus, disparem virtutem medicinaleme necessario in iis determinare, superius, ubi de salibus fixis, dictum.

*Materia, ex
qua conficiun-
tur salia uri-
nosa.*

Educebantur salia hæc urinosa olim ex animalium partibus, tam solidis quam fluidis, tantum, hodie ex vegetabilibus quoque præter fuliginem cocturis: (ne spiritus terræ nitrosæ urinosi, olim a me parati, mentionem faciam) ex utroque priorum genere modo prævia, modo neglecta, putrefactione; ac in causa posteriore non, nisi igne vehementiore ac ustulante. Vegetabilium salia, interveniente putrefactione parata omni sapore atque odore specifico destituuntur, quia per putrefactionem æque ac adustionem olea essentialia & svaveolentia eorum in foetida & empyreumatica degenerant, hinc cum textura naturali potestates etiã sensibiles perdunt, cunctaque hæc olea nec odore, nec sapore differunt; nisi forsan vel casu, vel industria, vegetabilis odoriferi ac sapidi putrefactio non penitus absoluta fuerit: ubi tantillum olei essentialis atque ætherei texturam suam integram conservans sali seu spiritui volatili aliquid svaveolentiæ & saporis genuini concedit, ut in cochlearia ac mentha observavi. Animalium partes quia oleo ejusmodi odorifero seu essentiali carent, aut si forsan hujus aliquid intertextum gererent, id per putrefactionem ac destillationem ignis adurentis immutatur, non mirum si qualitatibus sensibilibus illarum privata salia ac spiritus fundant. Per consequens salia volatilia quousque aliquid olei essentialis integrum tenent, specificè differunt: eodem vero per putrefactionem aut destillationem ustulatoriam perduto, vix sensibilibus, nec virtutibus medicamentosis, discrepant: Imo sub ipsa mox putrefactione dum herbæ satorem urinosum induunt; Esula v. gr. lactescere & adurere desinit, & quæ earum natura sua extreme foetent v. gr. Atriplex olida, maximam partem graveolentiæ hujus deponunt. Hinc forsan spiritus fuliginis ac salis Armoniaci loco plurimum coeterorum esse possent: cum præter potentiam resolvendi, penetrandi ac acidum absorbendi nihil peculiaris seu specifici cuncta eorum contineant.

Quale assertum quo evidentius reddam sisto sal volatile cantharidum, per graveolentiam specificam, vim scepticam seu vesicatoriam & organis urinariis maxime infestam notissimarum: de quo *Charras* equidem *Pharmacop. reg. chym.* & ex hoc forsan *Taury des medicaments* tradunt, quasi per vim causticam, sibi cum animalculis ipsis communem ac integram, in lingua libantium mox ulcuscula pariat, hinc non, nisi prolixiore vehiculo dilutum aut opiatis accuratissime intermixtum, assumi queat, & si cuidam, pro diuresi juvando aut calculo atterendo assumendum fuerit, trium granorum pondus nequaquam excedere jubeat idem *Charras*, ob summam nempe, qua præ aliis hujus generis salibus

libus gauderet, acrimoniam. Quorum nihilominus gallorum binorum ef-
fatis credulus omnimode annuere nolui, quin potius ex animalculis dictis sal
elicere curarim: quod non magis graveolens, fugax & acre præ aliis salibus
urinosis deprehendi, nihil etiam acrimoniæ extraordinariæ seu corrosivæ aut
exulceratoriæ meæ aliorumque degustantium, linguæ idem imprimebat. Par-
tibus cutaneis, tam in aqua solutum, quam cum fermento pistorum ac Empla-
stro de Meliloto subactum, applicare per totidem horas curabam. Nulla hinc
observabatur (ut a Cantharidibus ipsis frequentius fieri consuevit) urinæ diffi-
cultas ardore, nullaque in cute comparebat vesica. Quare primo cani ali-
quoties, ac tandem ad grana sedecim, infundebam idem sal, exhibebam post-
modum hominibus, quorum nec adultioribus, nec pueris tenerioribus, ad
scrupulum dimidium quamvis propinatum, quemadmodum nec illi aliquid
doloris ardorisve partium internarum patrabat, nec ad lotium impetuosis
aut cum molestia ulla urgebat.

Perinde salium artificialium acidorum ac salforum apparatu facile super-
federe poterant nostræ officinæ, cum totidem naturalia ipsis commode succen-
turientur: quemadmodum quæ essentialia, nitro-tartarea & tartari vegetabi-
lium dicuntur, rarius in illis prostant, sic succi acidi vegetabilium quivis, tar-
tarus vini ac nitrum iis commode & adæquate furrogantur. Magis compo-
sita ex salibus alcalicis seu urinosis & acidis elaborantur, v. g. tartarus vitriolatus,
tartarisatus, arcanum seu terra foliata tartari, nitrum vitriolatum ac Panacæa
Holsatica vel arcanum duplicatum; qualia tamen cuncta, quemadmodum in
hoc conveniunt, ut virtute digestiva, resolutoria, absterforia & diuretica pol-
leant, ita naturalia quædam, sine laboris & impensarum jactura illis æquipol-
lent, v. g. sal marinum, gemmæ, armoniacum, nitrum: pari circiter ratione,
ac ex capite mortuo spiritus salis armoniaci sal elicitor, antihypochontriacum,
antifebrile &c. nonnullis dictum, a sale marino seu vulgari textura & viribus
parum distans. Similiter tartarum nitratum conficiunt nonnulli non parvo
molimine sal tartari cum spiritu nitri saturantes: quod productum tamen ni-
hil aliud, quam ipsum nitrum regeneratum est. Non verum equidem &
quod antea fuerit, nitrum idem esse *Viganus* credit, ideo quod pulvis sclope-
tans communis, quem hoc ingrediatur, nullum strepidum edat: cujus tamen
contrarium quemlibet docebit experientia, dum nitrum hoc artificiale non
tantum ad contactum prunæ candentis rapidissime & non sine strepitu defla-
grat, sed cum sulphure & sale tartari mixtum quoque fulminat.

Vitriolis artificialibus qualis præ naturalibus prærogativa decernenda, *Vitriola Arti-*
vix apparet, & cur vitriolum martis, hermaphrotiticum tanto conatu & tem-
pore *ficialia natu-*
pore alibus non

*sunt præse-
renda.*

pore paremus, quid urgeat, non video: dum quod de cupro participat, quoniam ventriculo nauseabundum ac hostile existit, studiose formidamus, a venere liberamus & liberare jubemur, facile quoque valemus. Equidem nonnulli chymicorum, *Basilio Valent. test. 1. c. 3.* subscribentes, vitrioli martis oleum ac spiritum majoris præ chalcanthi communis stigmatæ efficaciz censent, quasi illud vitriolum magis exaltum sit, hincque spiritus in eo recorporificatus majore activitate polleat, agatque potentius, quam antequam ideam & characterem vitriolicum in metallo denuo receperit: Verum, meo iudicio, prolixior de hoc dubitandi obtingit occasio. Cum eo ipso, dum spiritus vitrioli vulgaris nihil aliud, quam vapor mineræ sulphuris metallo immersus & in hoc condensatus est, adeoque ab eodem ejus activitas salina vel aliquantulum infringitur, vel corrosiva ac caustica magis intenditur, sub neutro horum modorum spiritus vitrioli martis vulgari anteponendus foret, vixque laboris molestiam hujus operosa productio compensaret; nisi forsan ex operatione hac vitrioli partes constitutivas & compositionem dignoscere, ac vitrioli partes constitutivas & compositionem dignoscere, ac vitriolum simplex & ab heterogeneitatibus liberum magis nobis comparare malimus, aliis operationibus, v.g. confectioi tincturæ vitrioli martis Zvvelferi, inserturum.

Spiritus sulphuris est subtilior spiritus vitrioli.

Quæ ut evidentiora evadant, hujus loci facio, quod a diversis asseritur, *Vnzero v. g. de sulph. f. 13. §. 2. Vigenerio de igne & sale c. 37. Tachenio Hipp. chym. c. 21.* Spiritum sulphuris spiritu vitrioli subtiliorem ac minus causticum existere: quod eo ipso, dum vitriolum metallicam substantiam intertextam gerere, penes omnes in confesso est, in destillatione hujus spiritus nonnullæ ejus partes cum fluore acido commoveantur & huic intimius adhærescant; unde corrosivam magis ac visceribus nostris minus gratam hoc sortiatur texturam, qualis in spiritu sulphuris, ramentis metallicis vacuo, metuenda haud erat. Vnde probabiliter inferre licebit, spiritum vitrioli recorporificatum, seu martis regeneratum, si non plura, certe non pauciora, ramenta metallica secum abripere, hinc non suaviorem, sed causticum magis, evadere.

Sulphura ex mineralibus producta a sulphure communi differre non probatum.

Sulphura ex mineralibus, in specie ex antimonio, producta, an, & quæ ratione, a sulphure communi differant, nondum comprobatum, licet de his multa jactitent spagyrici: quorum cerebris hoc phantasiæ corruptæ frequentius enascitur, ut ingentes in ac de rebus in concretis latentibus sibi polliceantur aut mavis fingant virtutes, quarum postquam multo labore compotes facti, ut v.g. de sale tartari volatili dixi, de iis silent, aut plura gloriari erubescunt, experientia fallente. Ita olim in sulphure antimonii genuino vis sanguini-

guinem purificandi singularis concipiebatur ac deprædicabatur: ubi vero nunc de variis hoc educendis encheirisis constat, tacent de hac omnes, floribus sulphuris communis & horum balsamo contenti: forsan quod nec per sensum, nec per observationes medicas de præpollentia hac constet, flammam expirat cœruleam antimonium dum calcinatur, gas pariter graveolens, utrumque cum sulphure vulgari commune. Estque proia sulphur, quod ab antimonio educitur, non centrale seu embryonatum, sed externum & superficiei tenus tantum adhærescens, quod in calcinatione prompte exhalat, remanente antimonio integro, denuoque in regulum splendentem ac striatum & vitrum, cujus color hyacinthinus nihilominus sulphuri in acceptis refertur, si arte tractetur, facessente: qualis etiam regulus, quia sulphur illo externo, sub fusione deflagrante, destituitur, cinnabaris antimonii parum ac minus longe, quam antimonium crudum minerave hujus exhibet. Ne dicam, vitrum antimonii, e quo tinctura extracta, hincque sulphur separatum, in perfectum nihilominus antimonium, e quo vitrum ac tinctura denuo confici possunt, redigi.

Paramus & sublimando rectificamus ex antimonio cum mercurio sublimato, post butyrum, cinnabarim, incautius paulo operantes eandem non raro comburimus, hinc oleum & operam perdimus: quasi antimonii sulphur quid peculiare præ vulgari teneret, ex quo cum hydrargyro cinnabaris officinarum seu pictorum conflatur, ejusdem cum illa credenda virtutis medicæ. Nec mirum, postquam simplex florum sulphuris & hydrargyri purificati, sub nomine athiopis mineralis, miscela, ex cinereo nigricans, hodie tutissime propinatur, ac in diversis affectibus præternaturalibus idem cum quavis cinnabari præstat remedium: quisque ignorat, cinnabarim nativam, quam Crato magnetam epilepsiæ ait, loco cinnabaris antimonii, quotidie propinari? Ita magno conatu, & multo labore nugæ agimus, res harumque virtutes secundum nostras ideas seu phantasmata concipimus, non hæc ex rebus; hinc fallimur, fallimus.

Sibi porro peculiaria postulant spagyrici totidem solutiones atque magisteria, coralliorum, margaritarum, lapidum cancrorum &c. per corrosiones ac præcipitationes formata & jus monopolii in hæc accerrime tuentur. Habent sibi hoc, habeant illa, habeant vero sub iis calces emortuas, naturalia quoad texturam operatricem immutata ac divulsa, hincque potentias medicamentosas destructas. Solvunt illa cum succo citri, aceto destillato, modo simplici, modo radicato, terebinthinato, spiritu ligni guajaci, nitri, salis, viridis aris ac stigmatibus mineralibus magis compositis: evaporantur hinc menstrua ac

Paratur ex
antimonio
cum mercurio
sublimato cin-
nabaris.

Spagyrici pe-
culiaria postu-
lant.

in minima per artem chymicam redacta dicimus ac cernimus concreta, adeoque penetrantiora credimus eadem, seu eorum virtutes magis evolutas. Erramus vero, & cum textura naturali intrinseca eorum virtutes immutatas ac everfas sana ratio atque experientia dicitur: acidum solvens quia sibi concentratum ac combinatum gerunt; ne dicam lac horum quod ajunt radicale seu primogeneum ac gelatinam intrinsecam destructam. Si præcipitatione, per tertium facta solutio convertatur in magisterium, emergit calx fixata magis, seu cujus textura a concreti naturalis textura aliena longe, & vis medicamento-fa, huic connata & efficax olim, omnino perit. Conqueruntur de spolio hoc corallia in specie, quorum compages dum sub solutione & præcipitatione hac perdit tincturam suam, cujus vires nihilominus tantis præconis decantant pyrotechni, perdit vel ex horum hypothese pariter, efficaciam: non rubra, sed plus minus albicans, quia conspicitur eorum solutio ac magisterium.

*Lotiones cum
aqua simplici
pro salibus
corrodentibus
eluidis sunt
frustranea.*

Pro solutionibus equidem ac magisteriis ejusmodi edulcorandis & pro salibus corrodentibus ac præcipitantibus eluidis lotiones cum aqua simplici aut medicamentosa aliqua reiteratas commendant ordinarie; sed æthiopem lavant & frustraneo conatu abstersiones has moliantur: quatenus salia solventa æque ac præcipitantia solutis ac productis his arctiore & indissolubili nexu combinantur, ut nulla aqua elui queant, sed eorum semper aliquid relinquatur, ut ita mutata illorum textura conformem cum mere tritis operationem edere nequeant. Hinc solutorum pondus, si recrementa inter solvendum recedentia computes, evidenter auctum, menstruum solvens perinde ac aqua eluens tantum non insipida observantur, neutrum horum a præcipitante adæquato conturbatur, ut non semel expertus sum: quod nihilominus fieri deberet, nisi acor illius corrosivus in solutis maneret fixatus. Quemadmodum quod solutiones ejusmodi post menstruum abstractum per deliquium fluant, ratione salis combinati contingit: paucis, in solutionibus toties lotis salsuginem amaricantem lingua notat. Quamvis negare vix ausim hæc artis producta pro acquisita novæ texture ratione aliis, forsitan scopis medicamentosis, a naturalibus alienis, ministrare posse.

*Beghini & Rol-
fini definitio
magisterii
chymici minus
est congrua.*

Nec adeo congrua videtur definitio magisterii chymici, quam *Beghini* & *Rolfini* tradit, quasi hoc sit corpus mixtum, citra extractionem ita paratum, ut omnes ejus partes homogeneæ serventur, in nobiliorem vel substantiæ, vel qualitatis, gradum traductæ, exterioribus impuritatibus segregatis: qualem etiam judicabunt omnes circumspetiores chymici illam *Rolfini*, qua magisteria ait, quæ in consortio, & homogeneo complexu tenent metalli, vel mineralis,

neralis, animalis & vegetabilis alicujus exaltationem, virtutem & qualitatem in vehiculo receptam, sine separatione essentiali. Sane descriptionum harum pleraque momenta totidem principii petitiones olent, & sub magisteriorum confectiōe homogeneitas corporum integra haud relinquitur, quin potius eorum substantia per sal menstrui solventis ac decutientis accessorium immutetur, hoc est, minima magisterii producti evadant heterogenea, nulla arte nullove menstruo, etsi summe corrosivo, in posterum solubilia, magna quamvis industria edulcorata: ideo nimirum quod a salibus pristinis tenacius adhærescentibus in terram minus solubilem, textura specifica destructa, abierint concreta soluta ac præcipitata. Similia sunt hæc valde calcinatis seu ustis, e quibus nec extrema ignis tortura quicquam extorqueri, aut quæ liquoribus corrosivis dissolvi queant. Magisterium cornu cervi ab eodem cornu usto minime discrepare, *Zwelferus Phar. Aug. p. 449.* tradit: quod neutrum horum coctura dimittat gelatinam, nec igni commissum spiritum salve urinosum eructet. Et quo unicum experimentum multis surrogem, quæro unde vis Magisterii auri sclopetans & cathartica, nisi a salibus in hujus præparatione accessoriis: quam reiterata quidem lotio temperat, haud tamen omnimode detergit.

Exiles ac leves præterea sunt heterogeneitates recrementitiæ, solutione a concretis, vel sub forma folliculorum, a Margaritis v. g. & lapidibus cancerum, vel arenæ subtilioris a coralliis, segregatæ; aut certe haud tantæ, quæ activitatem illorum impediunt: cum potissimum harum secretio sine medullosæ seu farinaceæ substantiæ concretorum destructione fieri nequeat, ut ex antecedaneis infertur. Neque virium exaltatio in magisteriis adhuc comprobata, quin potius per salia solventia ac præcipitantia concreti potentia fracta videatur. Equidem nihil essentialis ab his separari seu tolli, concedo; integrales tamen æque ac essentielles partes idem crudum seu simplex retinere certiores sumus, v. g. ex colore rubello corallorum lavigatorum, virtute oculorum canceri diuretica potentiore, præ magisterii horum. Nec demum sufficit, nullas concretorum partes medicamentosas sub præparatione magisteriorum secerni ac perdi; detestandum interim, earum quasdam immutari, adeoque hac etiam ratione potentiam integram labefactari, conturbari, tolli. Hincque denuo inferendum, concreta hæc recensita ac similia, lavigatione in pollinem subtiliorem redacta, viribus medicamentosis specificis aque, ac textura absorbente, solutionibus seu salibus ac magisteriis chymicorum officinalibus præpollere.

Heterogeneitates recrementitiæ a margaritis & lapidibus cancerorum segregatæ sunt exiles.

*Concretorum
medicamento-
zorum textu-
ram immutari
constat.*

Sed quo per chymiam concreta medicamentosa in potentia agendi non undique exaltari, non cruditates tantum recrementitias, sed activas & ladabiles pariter partes, aliquando succidi ac subtrahi, per consequens illa viribus castrari, eorumque texturam revera immutari, plenius & per exempla constet, post recensita hactenus alia adhuc addo. Et primo quidem spiritus vegetabilium sulphureos seu vinosos, quos ut substantiam eorum atheream ad æthera tolli & spiritibus nostris refocillandis horumque functionibus juvandis quasi homogeneos proclamari, in vulgus oppido innotescit, hos equidem per olea assentialia, quæ sibi intertexta gerunt, multum activæ substantiæ concreti continere, & sive intrinsecus, sive extrinsecus, applicatos corpus motu veloci permeare, negari nequit, hinc non exiguum fructum illis, qui tempestive ac moderate his utuntur, promittere. Eo ipso tamen, dum non totius concreti crasin involvunt, & salis v. g. maxima parte destituuntur, remanente nimirum in spirituum horum capite mortuo, ex quo demum incineratione illud educitur, textura & energia etiam olei specifica in perfecta & consummata fermentatione sensibiliter satis & eousque obtunditur, ut spiritibus mediante hac productis parum admodum odoris & saporis superstes maneat, nisi quantum horum post aliqualem sub aere liberiore moram denuo evolvitur; neque atherea omnibus æque subjectis ac morbis quadrant: ambiguus pariter hareo, an chymica hæc vegetabilium producta illis undique sint præferenda, quin potius crebro & in multis casibus postponenda. Propinantur phthisicis ac pulmoniacis tuto & cum fructu veronica, Hyssopus, salvia &c. sub pulveris, decocti, electuarii forma: minime horum spiritus, iisdem evidenter nocivi. Baccharum sambuci & juniperi rob in Erysipelate, scabie, calculo, febribus malignis &c. appropriata existunt, horum nihilominus spiritus in iisdem casibus dissvadent modo excandescencia sanguinis affectibus his combinata, modo narcosis iisdem sollennis & qualem non omnia subjecta æque ferunt. Non dubitavit *Helmontius* de destillatis in genere profiteri, naturalia, interveniente operatione hac, a genuina seminum potestate recedere, i. e. texturam naturalem & specificam perdere: quod concedendum non de illis tantum, quæ ignem potentiores sustinent, sed de his quoque, quæ mitiorem experiuntur ac fermentationem mediatricem habent.

*A minerali-
bus quoad ef-
fectus disse-
runt flagmata
acida.*

Deinde sensibiliter & quoad effectus differunt flagmata acida a mineralibus, e quibus educuntur, sale nimirum, nitro vitriolo, sulphure &c. proin his non semper, quasi chymica ac subtiliora, undiquaque præferenda ac substituenda, multo minus potentiora & opportuna magis dicenda. Tertio spiritus hi acidi olim febribus ardentibus extinguendis credebantur appropriati; quales

les hodie sine illis frequentius tolli, experientia loquitur: ne dicam, acida hæc cruorem congelando in ejusmodi casibus non omni suspitione carere. Pariter spiritus salis armoniaci aliud longe ens deprehenditur, ac ipsa salis hujus compago, quæ cum fundit: & effectuum p. n. habitudo atque conditio ita variat, ut modo sal ipsum compositum, modo spiritus hujus simplicior ac urinosus, plus valere videatur. Majoris longe efficaciam existit gummi ammoniacum sincerum ac depuratum in diversorum organorum infarctibus resolvendis, quam spiritus ejus simplex & compositus, Asthmaticus officinis nostris qui audit. In specie plures a dyspnæa, cujus causa obstructio pulmonum, liberantur per gummi hoc, sive per se, sive cum Benzoe, floribus sulphuris, croco & succo liquiritiæ in pilulas redactum, aut per potionem hinc cum vino & Hyssopi aqua paratam, *Brunnero consil. 34.* adeoque commendatam, quam per liquores illos acetosos maxime: utpote a quibus verendum, ne lymphæ ac sanguinis stagnationem circa organa pnevmonica plus intendant, tussim etiam combinatam in subjectis tenerioribus exasperent.

Ligni gvajaci, Sassafras &c. texturam ac virtutem, scorbuto, Arthritidi, Catarrhis, lvi venereæ aliisque affectibus chronicis medendi, quis quæreret in eorum spiritu acetoso, & per sui acorem corallis, margaritis &c. solvendis apto: dum ipsorum lignorum textura ab hujus textura longe alia deprehenditur, aromatica nempe, hinc saporis amaricantis, subacris &c. superant illa cum aliis lignis sine dubio spiritus suos acetosos in ejusmodi affectibus, quibus viscidum cum acido acriore fomes existit, quod acidum acor eorum non tam corriget, quam augebit, hinc decoctis galencis jure postponendi, interpellante pro his experientia infinitorum medicorum, si non etiam chirurgorum, balneatorum & totidem empiricorum.

*Ligni Gvajaci,
Sassafras &c.
textura & virtus.*

Essentiarum, extractorum & tincturarum e vegetabilium partibus diversis quot non parantur, ac Pharmacopœorum fornices gravant quasi ipsam concreti essentiam, sulphur medicamentosum, centralem virtutem, contineant, relictis eorum corticibus rcrementitiis & omnis potentiam activam expertibus; adeo ut quibusdam *calum philosophi* audiant. In specie tincturæ appellantur, ex floribus educta extracta liquidiora, tinctura v. g. rosarum, bellidis, tunicæ violarum &c. florem horum colorem præ se ferentia: quamvis de violarum tinctura superius jamdum animadvertim, eam a cœruleo seu cyaneo florum horum colore recedere, hincque genuinam vix dici posse. Circa quas tamen monendum est, eas, si quam vim medicamentosam teneant, hanc non tam a floribus, e quibus extrahuntur, quam a menstruo suo acidulo, petere: postquam levi experimento deprehendere licet tincturarum ejusmodi unciam

E Vegetabilium partibus parantur essentie extractorum.

nam vix aliquot grana substantiæ rosarum, florum, papaveris, hinc parum quoque virtutis medicæ, complecti; liquores etiam tales acidi simplices seu minus colorati idem agunt in corpore, quod præstant colore ascititio splendentes. Quemadmodum olim famosa, paucis hodie adhuc familiaris, est tinctura aperitiva Mœbii, vim digestoriam & incisoriâ non a torna solis, a qua colorem rutilum petebat, sed a spiritu salis volatilifato, qui ejus basis, petens 2. ratione doseos exilioris, qua propinari cosueverunt, hoc medicamenti genus efficaciam promittere, quam florum ejusmodi decocta, in majore quantitate & ad uncias hausta, siue tincta, siue colore vacua, tingentem nihilominus substantiam invisibiliter continentia, & quam prodit vel simplex gas sulphuris, si phiola cui decoctum *αλκοολ* infundendum, eodem imbuatur, aut si aliquot hujus vel vitrioli spiritus guttulæ huic instillantur, latentem in eo tincturam in momento evolventes.

Par est ratio essentiarum cœterarum alterantium, parum admodum ramentorum medicamentoforum, quia menstrua eorum ordinaria sibi adaptarunt. Ordinarium seu frequentius horum est spiritus vini, aut quilibet spiritus sulphureus, morbo & membro, quorum gratia ejusmodi pharmaca formantur, magis appropriatus: qualis sane non toti substantiæ activæ seu medicamentosæ, sed sulphuræ seu resinosæ tantum, evocandæ quadrat, salinam v.g. & mucilaginosam haud attingens seu solvens; & per consequens essentiæ ejusmodi, crassi vegetabilium integra destitutæ, iisdem ac horum decoctis inferiores longe

Lignorum decocta plus præstare quam eorundem extracta, probatur.

disendæ. Substantiam nimirum corticis peruviani, succum absinthii ac decocta lignorum plus præstare contra febres, luem gallicam, scorbutum &c. quam eorundem essentias aut extracta, vel lippis ac tonsoribus innotescit: ne plura hujus generis quotidiana commemorem, infiniti numeri. Decocta nimirum, cum aqueis liquoribus parata, equidem salinam & mucilaginosam tantum concretorum substantiam solvere ac imbibere posse, videntur; eo ipso tamen, dum salinas particulas imbibunt per modum lixivii portionem infimul sulphuræ, hinc plus activæ substantiæ, secum abripiunt; adeo ut decocti remanentia relictum esse, comprobet, quod spiritus vini, huic affusus & cum ea digestus, vix sensibiliter hinctingatur; nisi admodum resinosum extiterit concretum, & cujus substantia resinosa præpollens aquæ non facile cedat seu connubat. De cœtero exigua admodum essentiarum harum, qua præscribuntur, aut commode præscribi possunt, dosis morbo ejusve causæ minus adæquata videtur: eo ipso dum ex antecedaneis constat, totius concreti crasin & potentiam essentialem iis minime & ita inexistere, ut pauca earum guttulæ medicamenti crassioris vim superent. Cui menstrui nimia accedit

activæ

activitas, majorem illarum quantitatem haud permittens, in affectibus, nimirum illis qui sulphurea ejusmodi haud ferunt, v. g. ulcere pulmonum, affectibus soporosis & febribus, quibus pulveres, decocta & succi recenter expressi plus favent. Ubi simul ineptam miror timiditatem eorum, qui essentias & elixiria medicamentosa, cum spiritu vini similive parata, sub guttularum paucarum dispensatione, domestica seu voluptuaria magis ad uncias aliquot concedunt ac hauriunt. Elixir menthæ v. g. corticum aurantium &c. quorum confectio nec mulierculas nostras fugit, aliudve stomachale, pectorale, nephriticum &c. cochleatim ut plurimum & plenis haustibus, pro cruditatibus primarum viarum, ut ajunt, digerendis, flatibus discutiendis, pituita expectoranda & renibus detergendis, assumimus, essentiam menthæ, corticum aurantium, elixir stomachale quercetani, pectorale &c. guttulis triginta, vel quadraginta metimur: sicque nugas nugas cumulamur. Quæ de inertia essentiarum usualium disserui, docebunt te stationes nostrates, essentiis ejusmodi, omni virtute essentiali destitutis refertæ: quamvis non dubitem, a peritioribus, industriis & saluti ægrorum magis litantibus eas non parum emendari & exaltari posse, v. g. secundum a salæ, Mynsichti, Zvvelferi aliorumque modernorum operandi rationem.

Ratione extractorum solidiorum insuper, advertendum, hæc concinnandi artem non ex chymicorum demum prodiisse officinis, Dioscoridi jamdum innotescencia & l. 1. c. 110. ac 114. atque l. 3. c. 7. descripta, his verbis: *Contusa radix quinque diebus aqua maceratur, postmodum in eadem tantisper decoquitur dum mellis crassitudo fiat.* Ita ut extracta illa nihil aliud videantur, quam infusa seu decocta inspissata, hæcque nihil, nisi extracta liquidiora, ut ex præparatione extracti melampodii Mindereri cujus descriptionem in pharmacop. August. reperire licet, cassia extracta similibusque constat.

Refero huc decantatam tartari tincturam, famosam maxime, quod tartari specificum fixum & essentielle sulphur in hac delitescere sibi communiter perlivadeant, valde tamen ineptientes chymici triviales. Quatenus concipimus valet, qua ratione sulphur seu tinctura ejusmodi specifica sub tot ac adeo vehementioribus interdum tartari & hujus salis calcinationibus integra seu superstes manere queat: & ex tentaminibus chymicorum solertiorum innotescit cineres clavellatos non minus, ac nitrum fixatum cum aliis salibus alcalisatis, si cum spiritu vini rite digerantur, huic parem tincturam imprimere, qualem nihilominus in eorum concretis ac salibus nemo observarat; quin imo tartarus non modo ruber, sed albus pariter, eidem menstruo tincturam hanc concedit. Adeo ut, si rem penitius spectemus, hæc nihil aliud videatur

Falsum est in tartari tinctura delitescere sulphur essenziale.

tur, quam ramenta quædam salis alcalici, alcohol vini combinata, quæ hoc per modum lixivii tingunt: quod non tantum sapor hujus tincturæ lixiviosus & cum acidis affusus eveniens conturbatio evincit, sed manifestius testatur areniformia seu salina corpuscula, vitro, in quo illa asservatur post aliquam temporis moram adhærescentia, hisque recedentibus liquori superveniens pallor; sine dubio a spiritibus vini quarundam particularum exhalatione, hincque facta salis intertexti crySTALLIFICATIONE. Imo denique, si spiritus ille aut destillando subtrahatur, aut evaporetur, sedimentum remanet alcalinum, i. e. ipsum tartari sal candidum. Ratione cujus salis, tincturam hanc constituentis, etiam fit, ut quæ concreta vegetabilia, animalia & mineralia nec spiritus vini simplex, nec tartarificatus, solvere & extrahere poterat, subigat hæc dicta tinctura; prout ab operatoribus non tantum modernis fieri, sed olim jamdum factum, penes *Hartmannum de oleis chymic. destill.* legere licet; ac oleis destillatis solvendis atque imbibendis, hinc pro essentiis extemporaneis efficacioribus parandis, commodissimum menstruum deprehenditur. Nec ille ineptus dici meretur, qui huic tincturæ, mixturam tartari crudi & hujus salis, cum aqua solutorum, ad saturationem utriusque minus chymice factam, splendentis rubedinis & de tartaro plus participantem ac efficaciorē surrogat.

*In morbis
chronicis præ-
valent essen-
tiis Vegetabi-
lium succi ex-
pressi.*

Prævalent sane essentiis vegetabilium plerisque non tantum horum decocta, prout dictum, sed succi quoque eorum expressi, in chronicis imprimis morbis: quod plus crasseos totius concreti, hinc falsuginem quoque specificam complectantur. Qualis, quamvis linguæ non mox obvia fiat, levi tamen coctione e plerisque succis evolvatur, centro plantarum hætenus immersa: ut non tantum degustetur, sed a fluido vernaculo sub crySTALLORUM forma prompte secedat & conspicua evadat, *Beguino sal herbarum essentielle*, aliis *Tartarus* ac *sal Nitro-Tartareum*, dictum. Quamvis florum succis præferendi videantur liquores per deliquium ex iis parati, quorum confectioes *Hartmannus* hinc inde, v. g. flor. cichorei, thapsi barbati seu verbasci, tradit, ex aliis pariter, v. g. floribus liliorum convallium, anthos, tunicæ, commode fiunt, crassi concreti totius & efficacia majore gaudentes, licet pharmaciam galenicam potius, quam chymicam sapiant. Sane plus præstant cum succis expressis aut coctione aut deliquatione sine liquore alieno in vasis clausis paratis, absinthii v. g. in febribus villici, ad cyathos haustis, in *Hæmotoc*, ulcere pulmonum, ascite cum succis plantaginis, urticæ, bellidis minoris, hepaticæ, veronicæ, beccabungæ, in scorbuto cum succo nasturtii, beccabungæ, asellorum,

lorum, lumbricorum cum his quam per horum essentias, extracta & hujus generis magisteria chymica plura.

Ex Marte quot non a spagyricis conficiuntur croci ac tincturae, non sine temporis atque impensarum iactura; propinantur etiam incongrue in ejusmodi ansibus, quibus, ex consensu plerorumque practitorum, chymicorum quoque, fructuosior contingere poterat ac contingit chalybis purioris limatura subtilior, atque hoc quidem, ubi resolvendum atque aperiendum, perinde ac, annotante jamdum *Ludovico in Pharmac. modern.* Hæmatites lapis cuius marti adstringenti optimo jure substitui valet. Equidem oppido constat, liquidiora metalli hujus præparata spagyrica, tincturarum seu essentiarum nomine venientia, minore cum nausea assumi, stomachum minus gravare, ac diversis occasionibus morbificis tollendis ministrari; nec inficiari possumus, crocis quibusdam seu calcibus ferri suas esse vires medicas: observant nihilominus practici circumspectiores, limaturam martis simpliciorum in plerisque affectibus efficaciorum, in illis quoque, ubi præparata chymica, fluidiora æque ac solidiora, a multo tempore irritato conatu fuerunt propinata. Scriptores testes hujus rei multos producere possem, nolo tamen, quia eruditus, cum quibus mihi potissimum sermo, horum dogmata abunde innotescunt: provoco saltem ad communem dogmaticam tamen, praxin hujusque experimenta, testes omni exceptione majores. Aut si a pulverum & limaturæ ejusmodi soliditate delicatuli abhorreant: propinetur ipsis liquor terræ martis Hassiacæ, parium, si non majorum, cum tincturis ejus virium.)

*A spagyricis
conficiuntur
ex Marte croci
& tinctura.*

Haud ignoro, nec limaturam chalybis crudam omnibus æque ventriculis quadrare, prout a *Panorolopentec. 5. obs. 32.* annotatum legimus, in defunctorum, quibus illa & crocus martis propinata, ventriculis horumque fundo validissime ea adhærescentia comparuisse: ast nec profunt, nec morbo eliminando quadrant semper ipagyrica hinc præparata remedia. Ventriculus nempe unius alteriusve debilior chalybem crudum ferre renuit, vel quod pondere hunc gravet & non prompte satis hinc propellatur, vel quod commoratus in eo in vitriolum convertatur, sub qua forma ructus nauseamque concitet ac appetitum deiciat; quale quid tamen a crocis & tincturis ejusdem metalli non adeo metuendum: quibus aliquando accedit medici negligentia, qui post usum ejusmodi remedii non, ut methodus exigit, laxantibus in tempore utitur. Neque tamen stomachus imbecillior usum martialium crudorum semper prohibet; dum hypochondriaci alique, quibus ejusmodi atonia malum essentielle ac inseparabile, communiter & cum euphoria ea assumunt, eum

*Limitata
chalybis cruda
cunctis non
quadrat ven-
triculis,*

*Aliquando ta-
men suum ha-
bet usum.*

in finem, ut cum acido primarum viarum morbifico in vitriolum coeant, sicque has & urinarias detergant. Imo non in cacochymia acida tantum, & pro acore p. n. absorbendo valet metallum hoc, ratione terreæ nimirum suæ substantiæ, qua potissimum pollet: sed cruditatibus quoque chyli & sanguinis digerendis ac solvendis, per sal suum intrinsecum, medetur. Equidem nimis stricta videri posset compages illius, ut salis inexistencia realis in eo vix compareat; hinc per idem quoque principium terreum, quo adstringere observatur, oppilationes quoque viscerum referare credatur, acidum humorum coagulans & obstructioni occasionem præstans, imbibendo. Diversa nihilominus experimenta verosimile reddunt, asseruntque nonnulli medicorum, marti præter accessorium & peccaminosum viscerum sal acidum multum intrinseci & connati subesse & quidem non, (ut communiter ajunt) vitriolici, sed aciduli, & quod exagitatum ac solutum demum cum ipsa ferri substantia in vitriolum faceffit.

*Limatura fer-
ri aqua sim-
plici humecta-
ta exaestuatur
post horam.*

Quæ non gratis me dixisse quo evidens fiat, observandum, si vel laminæ, vel limatura, ferri aeri humidiori, v. g. cellæ subterraneæ, aut cœli aperti ro- rulento, aliquandiu exponantur, rubiginem eas induere, hancque crocum, aperitivum dictum, formare; qualem alias producit falsugo acida exterius ad- mota: unde probabile fit, solutum ab aquea humiditate sal acidum intrinse- cum subjectum suum arrodere, & cum eo in crocum rubiginosum abire. Qua- tenus eadem limatura ferri, si aqua pluviali aliave simplici humectetur & am- bo simul in pastam subigantur, post horulæ spatium sensibilibiter, instar calcis vivæ, aut limaturæ ferri cum acido irroratæ, exaestuatur & incalescat: ideo ni- mirum, quod idem sal constitutivum seu integrale martis, per aquam solutum, in ferrum agat, & cum hoc crocum & vitriolum constituat. Adeo quidem, ut, si humectatio & subactio hæc aliquoties reiteretur; exsiccata quamvis li- matura pondere nihilominus evidente aucta deprehendatur, humiditatis aqueæ affusæ notabili portione cum ferri ramentis in vitriolum congelata. Ex quo etiam fit, ut crocus hac ratione paratus, si aquæ simplici aliquamdiu infunda- tur, huic saporem vitriolicum & potentiam diureticam concedat, simili mo- do, ac frequentior ignitio ac in aqua extinctio: dum per incandescentiam ferri reiteratam hujus pori dilatantur, ut aquæ, cui immergitur hoc, facilio- rem aditum præstent, hinc salis intrinseci solutionem ac vitrioli quasi extem- poranei imbibitionem permittant; nisi forsan dicere malis, sal hoc ab igne in fluorem redactum cum metallo in vitriolum coire, ab aqua extrinseca sub ex- tinctione solubile. Porro perinde, ac ex croco, cum corrosivo extrinseco facto, per aquæ affusionem, digestionem ac crystallisationem aliquid vitrioli

evo-

evocatur: ita ex illo, qui cum aqua insipida paratur ideò expectandum, modo hujus quantitas notabilis aquæ infundatur, cum hac aliquandiu digeratur aut lente coquatur. Sic enim infusum hoc filtratum non tantum vitriolicum plane saporem linguæ imprimet, sed ad pelliculam evaporatum crystallos vitriolicas exhibebit, exilioris quidem quantitatis, evanescentibus forsitan & expulsi sub evaporatione sibi intertextis volatilibus vitrioli hujus moleculis. Quod posterius vel hoc innuit, dùm limatura martis lente, v. g. in crypta subterranea, humectata, si post aliquot septimanas ex retorta destilletur tantillum liquoris aquei, vitriolum redolentis, & cum decocto gallorum nigricantis, fundat. Quo itidem spectat experimentum *Burrhi epist. Badartholin. 2. De ocul.* ubi pastam ex limatura ferri cum aqua communi formatam retortæ indit, hanc que ex cipulo suo instructam multis pannis siccioribus probe obvolvit, donec intra bihorium circiter materia hæc cum vase multum incallescens aquam stillat, nidore vitriolico haud omnimode destitutam, & humoribus oculorum perditis restituendis aliisque affectibus p. n. remedium aptissimum. Quale sal martis E. si a laticibus ventriculi intestinorumque solvatur, sicque cum metallo suo vitriolum formet, digerendis horum cruditatibus ac obstructionibus aperiendis aptum evadit medicamentum; crudo quamvis assumpto metallo.

Qua occasione non possum non *Lemery*, Gallum, arguere, dum *cours de chymie* mixturæ limaturæ ferri & sulphuris, aqua irroratæ, exæstuationem acido sulphuris, ab aqua soluto seu diluto ferrumque penetranti, in acceptis refert: cum nihilominus fluidum hoc in sulphuris compagem agendi ejusque falsugini eluendæ minus adæquatum deprehendatur. Ferrum potius ab aqua, annuente eodem hoc scriptore, modo superius explicato, excandescens sulphuris bituminosum vinculum laxat & ejus gas acetosum aliquantulum exagitat, quod commotum seu actuatum denuo in martem agit, hinc exæstuationem pastæ magis, aliquando ad inflammationem usque sulphuris, (si quantitas hujus massæ major) intendit, ferrique calcinationem seu corrosionem juvat.

Nec antimonii & corallorum tincturarum major penes me fides, postquam de priore dubitandi ratio emergit non vana: sive ex vitro, ex mente *Ba- & corallarum filii*, sive ex antimonio hujusve minera, cum nitro, tartaro ac sale tartari detonatis, paretur. Quoad modum operandi siquidem priorem experientia sane convincimur, vitrum antimonii, e quo tinctura semeleducta, seu hujus caput mortuum, in verum antimonii regulum facile ac denuo redigi posse, sulphure suo intrinseco per extractionem pristinam minus orbatum, & qui ea-

dem ratione, ac prius antimonium, in vitrum hyacinthinum pariter faceffit, tincturæ ejusdem multiplicativum. Similiter nec, quæ ex antimonio crudo, indigitata encheirisi detonato conficitur, sulphuris hujus mineralis intrinseci seu embryonati aut specifici, sed externi & superficialis tantum, soboles videtur: quatenus illa integro ac nitidiore remanente antimonii regulo, seu antimonio ex scoriiis etiam saltem hujus communiter educi solet, & non exiguum radices suæ partem ipsis alcalisatis salibus, quibus inter detonandum combinatur, debet. A tinctura sulphuris communis, quod cum nitro aut sale tartari leviter calcinatum, qualitibus sensibilibus haud differt hæc antimonii tinctura: differre eam quoad latentes seu vim medicamentosam, si poteris, proba.

*Antimonii
tinctura in
obstructioni-
bus & morbis
chronicis non
est iners.*

Vigano aliisque operatoribus modernis solennis deprædicatur tinctura metallorum dicta, quæ ex antimonio, tanquam ex metallorum patre (adhuc dubio satis, marte, venere ac jove, in certa proportionem mixtis, & cum nitro detonatis, extrahitur, quamque in obstructionibus viscerum aliisque morbis chronicis commendant. Quam equidem vel ideo in casibus dictis non omnino inertem judicare audeo, quod ab alcalico nitri sale partes ramosæ seu oleosæ, spiritui vini intertextæ, hac ratione evolutæ & quasi præcipitatæ videantur: an autem præter tantillum hujus salis alcalisati aliquid substantiæ dictorum metallorum insit, minus adhuc comprobatur; dubitare nihilominus jubent hæc. Quod primo ex solo ac mero regulo antimonii cum nitro ad viriditatem saturatam calcinato similis cum spiritu vini extrahatur tinctura, ejusdem coloris, odoris atque saporis: alcalicis potius, quam antimonii, particulis in acceptis ferenda. Deinde si ramenta metallorum eadem tinctura contineret, haberet etiam cupri quædam, quæ vomituriendi conatum penes assumentes indubie patrarent: utpote cujus metalli visulencia nec in auro fulminante, si forsan ab eo aurum non probe liberatum fuerit, subigi nequit; concurrentibus quamvis in præcipitati hujus confectioe salibus solventibus. Ita ut omnis tincturæ hujus modificatio ac virtus itidem a tantillo alcali, quod spiritus vini absorpserat, videatur esse: nihil vero metallorum totidem, quorum titulo nihilominus splendet.

*Coralliorum
tinctura si
dantur suspen-
dit.*

Coralliorum tincturæ usuales vel ideo suspectæ videntur, quod forsan colorem suum aut menstrui longiori digestionem, aut salibus accessoriis, debeant. Quorum posterius credere jubet officinarum nostrarum operandi manipulatio communis, qua primo ex coralliis rubris cum aceto v. g. paratur solutio, quam extractum ajunt, quod post humiditatis omnis exhalationem dulcedinem stypticam, sacchari saturni æmulam, quæ aliquid amaritiei linguæ pone se relinquit,

linquit, præ se fert: ex quo postmodum spiritus vini, similisve, sub digestione aliquali evocat tincturam, seu potius solutionem illam sibi combinat ac diluit. Cui accedit, quod solutio eadem, frequentiore cum aquæ lotionem edulcorata, nihil omnino tincturæ spiritui vino affuso subministret, falsugine nimirum menstrui elota: nec tincturæ hæ coloris rutilantis & corallorum proprii, sed fusci potius comparent, in quibus non sulphur essenziale, sed tota corallorum compages, per menstruum acidum in minima redacta; hinc non sublimioris texturæ & majoris efficaciæ, ac ipsa coralliorum substantia aut solutio: in quarum posteriore tamen priorem non homogeneam, sed per falsuginem menstrui evidenter immutatam esse, ex superioribus repetendum. Ast larvam tincturis his omnimode detrahit tinctura ex coralliis albis sub iisdem encheirilibus prodians, ejusdem cum rubrorum corallorum saporis & coloris: in corallis tamen his, colore rubro vacuis, quis unquam sibi concepit tincturam, præter pallorem?

Plura hujus generis chymica, i. e. si non vana, Galenicis tamen haud extantiora, recensere ut facillimum foret, ita in præsentī minus necessarium judico: postquam oppido insuper liquet, multos affectus præternaturales ab illis non adeo prompte, ac a Galenicis, subigi & exturbari. Nullum destilla-*Essentia & li-*
tum, essentia salve ligni guajaci, sassafras, radicis sarsaparillæ, chinæ &c.*gni Guajaci,*
Morbi Neapolitani virulentiam, scorbuti aliorumque morborum contuma*Sassafras &c.*
ciorum, domat: quam radicitus extirpant eorum pulvis atque decocta. *morbos domat*
gentum vivum vel in substantia, vel secundum nonnullos, simplici infusione, *consumacio-*
res.
propinatum, lumbricos citius ac tutius exturbat, quam quodlibet ejus præ-
cipitatum ac sublimatum: imo hujus & cinabaris officinarum fumus Syphi-
lide laborantes potentius ac securius movet, quam diversa ejus producta spa-
gyrica. Exoticorum illorum potulentorum v. g. infusi herbæ Thee & Coffee, *Potulenta exo-*
vim variarum infirmitatum præservatoriam, ni fallor, etiam curatoriam, nul-*tica e. g. Thee*
lum horum productum spagyricum æquat: imo foliis Thee non tam salia *& Coffee sim*
volatilia aromatica similiave destillata aut extracta, quam species vegetabilium *habent cura-*
toriam.
appropriatas, ex veronica v. g. salvia, sassafras, polypodio &c. in infuso cali-
do sumendas, surrogamus. Ex cortice ganaperidis Peruviano, china chinæ
vulgo dicto, quis chymicorum hactenus educere ac præparare novit arcanum,
quod ejusdem substantiæ crudiori ac minus præparatæ prævaleat? Essentiam
seu extractum hinc conficere licet; Tertianam autem ac quartanam his fugare
minus conceditur. Colicos dolores decocto anisi se non semel placasse, re-
fert *Heurnius in praxi*, quos oleo hujus destillatio lenire haud poterat. Ca-
storeum perfecto omnes Jovis succos ac magisteria, igne & mensuris extorta,

*Opium infinita
pene chymi-
cos reperiun-
tur extractio-
nes imo ca-
strationes.*

in orgasmis hystericis temperandis longe antecellit. Opium infinita pene pene scriptores chymicos reperiuntur correctiones, extractiones &c. mallem dicere, castrationes; cui tamen simplex ejus depuratio sufficeret & cum quocunque liquamine aquoso, nedum cum aqua simplici, facta solutio ac colatura; utpote per quam resinosa ejus heterogeneitas secernitur, soluta tantum succi hujus papaverini substantia viscosa, in qua vis anodyna reconditur, & subidentibus foecibus resinosis, odoris ac saporis sensibilis expertibus, & quales assumptæ, sine ullo doloris levamine, anxietates præcordiorum graviores patrant. Vrgent equidem chymici triviales vim & sulphur narcoticum ab opio vel per tossionem, vel aliis modis secernendum: ast infinitas sub his cautionibus atque encheirisis committunt contradictiones, & narcoticam virtutem tollendo castrant concretum hoc ad inertiam usque; aut interveniente solutione per spiritum vini virulentiam resinosa ejus partis exaltant, i.e. sequestrandam retinent a laudabili substantiæ combinant. Crudum minusque correctum opium ad grana quatuor & aliquando plura secure assumitur: præparatum vero & extractum vix ad duo aut ad summum tria grana absque periculo narcoſeos lethalis propinari valet. Sine dubio, quod illud præter viscositatem somniferam non tantum sordes atque heterogeneitates ab extra accessorias, sed resinam quoque (in qua nihilominus olim facultatem hypnoticam sibi conceperant) involvat, utrasque vim desideratam partis viscosæ obtundentes, posteriorem simul ventriculum ad anxietates usque non leves gravantem. Hinc minus paradoxum videri debet, opii solutionem per menstruum aquosum factam plus emolumenti præstare, quam per chymica magis: viscositatem illam aut respuentia, aut destruentia, aut resinam virulentiam illi inconcinne adaptantia; nisi forsitan alcalicis aliquid prærogativæ correctoriæ concedendum fuerit.

*Succi ex arboribus multis
antecellunt
virtutibus plu-
ra chymica.*

Succos seu lachrymas, ex nonnullis arboribus, sive sponte ruptis, sive incisis, stillantes multis antecellere virtutibus plura chymica, testatur succus Betulæ, non e trunco, utpote insipidus & plane aqueus, sed e frondibus, opportuno tempore collectus, acidulus, ac quasi terebinthinatus, (hinc promptius fermentescens) in calculi, obstructionum, hydropis & sanguinis impurioris medela, ut post *Helmontium Boyle philos. experim. part. 2. p. 102.* ac *Bartholinus Aët. Hafn. part. 1. c. 19.* innuunt: hinc frustra agunt, qui eundem in finem aquam aut spiritum ex illo destillant. Juglandis succum, tanquam insigne præservativum & curativum diverſorum affectuum, quercus contra hydropem, deprædicant *Transact. Angl. philos. n. 40. ac 45.* quibus sane nullus lignorum horum spiritus salve par. Anagalidis decoctum maniacis commen-

dat

dat *Hartmannus*; simias ridiculas agunt, qui eidem essentiam ejusdem vegetabilis substituunt. Contraryervæ radicem venenis assumptis æque ac intus genitis mederi, multi annotarunt practici, nullus tamen horum extractum ejus quæsit. Radicem *Ipecacuanham* qui antidyntericam & alexipharmacam noruat, utuntur ea in substantia, non sub extracti similive tegmine. *Camphoræ* virtutes nullo præconio opus habent, integræ nempe & analyfin chymicam minus expertæ. Decocti calcis vivæ usum in ulceribus intestinorum ac pulmonum norunt medici nonnulli eximium, ne de ejus virtutibus in ulceribus externis, scabie &c. multa disseram, noli hōs morbos tentare cum ejusdem spiritu, quacunque encheirisi parato. Quid semen absinthii seriphii seu germanorum, alias sophiæ chirurgorum, in dysenteria præstet, præter *Forestum* nunc aliis innotescit: noli facultatem hanc deterforiam & consolidatricem ab ejus essentia expectare. Habent nonnulla medicamina vires suas per totam suam compagem ita diffusas, ut, advertente *Sennerto de cons. & diss. c. 18. vel omnino, vel maxima ex parte, eas perdant, si partes separentur: & paulo post: utendum igitur integris, cum vis, quæ expetitur, in toto est, & solutione perit.*

At quo demum asserto huic autoritatem, ex aliorum assensu vindicem, *Quæ fuerunt hætenus dicta probantur auctoritate eruditorum.* provoco ad antecessorum pariter ac modernorum commentaria practica, vel præceptorum, vel observationum, nomine congesta: quibus vel sine chymicis & solis galenicis, vel vix unquam sine his & per sola spagyrica, morbis mederi docent, seque ita feliciter egisse innuunt. Mitto Hippocratem, Galenum aliosque post horum tempora medicos principes, quibus ignota fuit chymia & secundum artem hanc concinnata remedia: præsto est *Forestus*, cujus opus observationum insigne & omnibus, ad praxin aspirantibus maximo potest esse usui, una cum scriptis *Rondeletii, R. a Fonseca, Hollerii, Solenandri, Alexandri Benedicti, Cratonis*, quorum plerique, quamvis non adeo methodici videantur, medicamentorum tamen egregiorum, non chymicorum, sed mere galenicorum, peritia magnam sibi conciliarunt existimationem, arti vero suæ multum incrementi foenerati fuerunt. Jungo his *Heurnium, Platerum, Petr. Joh. Lotichium, Fr. Joëlem*, quorum remediis tuto fidere licet, utpote qui, in praxi versatissimi, non, nisi quæ experti, consignerunt, & inter hæc nulla aut rarissima, spagyrica. Ipse *Theophrastus Paracelsus*, in quanto pretio habeat vegetabilia hinc galenica seu vulgaria, tam simplicia, quam vulgari modo composita atque præparata, in voluminibus suis hinc inde testatur, testantur pariter ejusdem fragmenta de variis simplicibus, v. g. *Hyperico, ruta, artemisia, persicaria, terebinthina &c.* publice extantia; ne dicam ab aliis quoque chymicis adhibita fuisse in morborum curatione medicamenta galenica.

Inter

Inter quos primum nominare mihi liceat *Arnoldum de Villa Nova*, quem chymicum insignem vel ejus scripta chymica diversa, vel aliorum, v. g. *R. Lullii*, testimonia perhibent, quique primus medicinam cum chymia in Galliam intulisse creditur: de quo nihilominus *Joh. M. Savonarola lib. de aque vit. prepar.* tradit, cum non chymico, sed vulgari, modo confectis remediis magnum illud nomen, quo alter Apollo ætatis suæ fuerit dictus, sibi comparasse, docentibus idem commentariis ejus præter chymicos variis. Pariter nec *P. Severinus*, narrante *Paludano in Epist. ad Smet.* medicamentis chymicis semper usus fuit, sed non raro Galenicis perinde, utut strenuus *Paracelsi* ejusque sectæ promachus. Quid de *Quercetano* dicam, chymicorum antesignano, pharmacie vulgari acrius hinc inde insultante? quem tamen cuncta hujus producta respuisse & dissuasse, ex scriptis ejus colligere vix licet. Omnium loco esse posset ejusdem *Pharmacopœa dogma, restituta*, de qua lector ingenuus facile judicabit, utrum plus chymicorum, an vulgarium, medicamentorum tradat? utpote in quo opere usque adeo pharmaciam vulgarem commendavit, ut legens hoc aliam desiderare haud queat: sicut in *Tetrad. gravissimor. capitis affect. c. 13.* se dogmaticorum remediis feliciter uti, refert, & *Consilium* ejusdem *de nephritide*, item pro *Virgine cachectica*, præter illa vix alia complectuntur. Imo sui oblitus, *Quercetanus* in *Consil. de arthrit.* quamvis vulgarium medicamentorum apparatus strenue vitiliget, vix tamen alia præter hydromel alterans ac purgans, pulverem diasennæ, pilulas helleborinas, aloem insuccatam similiaque suadet. *Crollius* cathartico-rum virulentiam rob cydoniorum, theriaca Anthromachi aliisque veterum officinarum præparatis ac compositis corrigere studet: ne dicam, illum electuario suo antimoniali ut augustum magis splendorem conciliet, præter aromatica simpliciora diversa eandem theriacam vulgarem admiscuisse. Plura penes *Greg. Horstium*, in consiliis æque, ac observationibus deprehendimus galenica, pauciora chymica: ac *Hartmanus* in *praxi* lectori suo non minus vulgaria, ac chymica, commendat, v. g. electuarium fol. sennæ æque, ac panchymagogum vegetabile, in eadem pagina describit: pulvis diasennæ laxativus aliaque vulgaria, numeri infiniti, infusa, apozemata atque electuaria illi in frequentiori usu fuisse videntur, ac chymica multis laudibus ab eodem evecta. *Poterii* opera si evolvam, utut galenicis medicis plus sapere gestiât, curationes tamen ple-rasque vulgaribus potius, quam chymicis, peregissee reperitur: suamque pharmacopœam spagyricam, æquo jure galenicam nuncupare potuisset, quæ hujus generis medicamentorum plurium præparationes perinde ac chymicorum, describit. *Sennerti*, & epitomatoris ejus, *Riverii*, practici libri non mi-

nus vulgaribus, ac magnalibus chymicis, scatent medicaminibus: quale quid dicendum pariter de *Mayerne*, *Sylvio*, *Willisio*, *Sydenhamo* cœterisque nostræ ætatis medicis, frequentius sine chymicis, raro sine vulgaribus, remediis dum eos nepotium suum aggressos legimus.

Quemadmodum nobis denique adstipulatur medendi ratio hodierna germanorum omnium, ne dicam Belgarum, Anglorum, Gallorum, Italorum, forsânque toti Europæ solennis: qualem a nemine, nunquam & nullibi solis remediis chymicis, sed insimul ac potissimum vulgaribus, administrari, eorum consilia ac formulæ una cum pharmacopœorum fornicibus loquuntur. Singuli eorum dum per experientiam edocti ac firmati illa aliquando aut omnino non quadrare, aut non sufficere. Tuum tandem, quicumque medicinam facis, ambiguus tamen in causa hac decidenda hæres, disquire cum infirmis agendi modum, disquire medendi auxilia: confiteri haud vereberis, plura horum tibi officinas vulgares præ chymicis suppeditare, adeoque eorum apparatus crebriori ac feliciori usui existere, hinc Galenicis chymica præparata minime undiquaque anteferri posse ac præpollere. Quod in præsentiarum erat comprobandum, ni fallor comprobatum.



D. JOHANNIS BOHNII P.P.

DISSERTATIO MEDICA

DE

ABORTU SALVARI.

DE ABORTU SALVARI.

*Abortus ali-
quando est sa-
lutaris,
Sæpe tamen
cum maximo
periculo qua-
que conjun-
ctus.*

ABortum aliquando salutarem seu salubrem fieri posse, res paradoxa ad-
modum videtur, ac medici circumspetiores ambigunt, plerisque ho-
rum præcociorem Foetus enixum rem omnino contra naturam asse-
rentibus, ex qua foeminae plures longe periclitentur, quam sub partu
maturo ac tempestivo, propter hæmorrhagiam, febres ac convulsiones illum
frequentius excipientes. Qualia quidem symptomata plus metuenda, si ab
injuria seu violentia externa præmaturior ejusmodi partus evenerit: utpote
quod sine placenta, ad secessum spontaneum nondum disposita, sed Vtero
strictius adhuc conferruminata, violentiore avulsione & cruenta maxime so-
lutione fieri nequit. In specie vero sine gestantis vitæ discrimine vix propi-
nantur ac hauriuntur pocula abortiva: neque adeo raro observamus, per di-
vinam nemescin

Necis artifices arte perire sua.

Confirmante idem Hippocrate Epid. 5. t. 22. & 7. t. 27. Quinimo per sanctio-
nes æque divinas ac humanas foetus ejusmodi præcox exturbatio frivola homi-
cidii accensetur, adeo ut Terrullianus Apolloget. c. 9. scripserit: *Etiā conce-
ptum tantum utero, dum adhuc sanguis in hominem delibatur, dissolvere non li-
cet. Homicidii festinatio est, prohibere nasci, nec refert, natam quis eripiat
animam, aut nascentem disturbet. Homo est, qui futurus est.*

*Femina præ-
gnantis abor-
tum in febre
graviore præ-
monere non
convenit.*

Quamvis enim ex medicorum turba nonnulli inveniantur, qui in qui-
busdam casibus ancipitibus, ac si utero gestans febre graviore & acuta labo-
ret, qualis sine præmatura gestati exclusione tolli alias commode haud valeat,
matris servanda causa abortum movere, i. e. infantem potius solitarium, quam
una cum hoc matrem, mortis discrimini exponere suadeant: saniores nihilo-
minus magisque religiosi dubium hoc remedium detestantur, & plus quam ne-
farium pronunciant, Hippocratem atque Galenum secuti. Quorum ille jure-
jurando

jurando & fide data, nunquam tale quid se adhibiturum pollicetur: *Hic* abortum cientia offerre ac describere in diversis commentariorum suorum locis v. g. *in libr. quod animal sit, & de simpl. medicam. proœm.* nefas proclamat. Quibus accedit, quod nec illi, qui morbi acuti occasione foetum præcocius ejicere audent, quasi hoc facto felicius exturbetur ille, sine suo potiuntur undique: postquam foetus exclusio affectibus equidem præternaturalibus, a gestatione immediate oriundis, levamini evidenti cedit, minime tamen cœteris, i. e. qui ab imprægnatione nullatenus dependent, ac in se periculosi observantur; pereuntque crebrius foeminae, abortum, aut a sanguinis missione minus oportune vel largius administrata, aut a pharmacis exturbantibus, passæ. Suppressis nimirum ab hoc ut plurimum Lochiis, quæ natura, ob vires, modo per evacuationes præcedaneas, modo per partum præternaturalem, fractas, rite propellere nequit: quorum nihilominus defectus in hoc casu plus, quam alias, funestus valde deprehenditur. Hinc sine dubio paradoxus admodum videbor, si inter præsidia medica salubriora foetus immaturioris exclusionem referam, & obstetrices chirurgosve adigere satagam, aliquando ut talem suscipiant. Discutiet nihilominus omnem in me vel præcipitantiam, vel criminis, notam seu suspicionem dissertationis præsentis contextus: modo cum ratione ac sine præjudicio eam legere, volupe fuerit.

Discernunt communiter abortum a partu præmaturiore seu anticipante: *Abortus distinctus* quasi prior ante septimum gestationis mensem ab imprægnatione fiat, vitali *scrimen.* nunquam, vivo quamvis aliquando, prodeunte foetu; posterior septimestrem octimestrem & nondum perfecte novimestrem, cunctos vitales (si forsan octimestrem ex vulgi opinione excipias) excludat. Mihi tamen abortus notatione in sensu generaliore hic uti liceat, ut sub hac omnis foetus enixus præmaturior, i. e. ante finem novi mensis, veniat, sive sponte factus, sive arte atque vi procuratus, modo talis ante tertium mensem non evenierit: utpote quo tempore vix adeo foetus conspicuum apparet rudimentum, i. e. intra secundinas membris singulis distinctus per omnia conceptus.

Mei haud facio, hoc loco edisserere, quantum emolumenti oportuna foetus mortui exclusio, medicamentis vias laxantibus, & expultricem irritantibus adjuncta, aut manu administrata, gestanti ac parturienti præstet, utramque non raro superstitem conservet: multo minus disquirere, quid Hippocrates 2. *Magnum emolumentum habet opportuna exclusio medicamentis adjuncta.* *fatus mortui epid. f. 2.* sibi velit per hæc verba: *Abortus masculus sexaginta dierum in exclusio medicamentis adjuncta.* *partuum suppressionibus salubris:* etsi Riverius partuum suppressiones per mensium imminutiones intepretetur, quas per hujusmodi abortum emendari credit; viis nempe, quæ hætenus occlusæ, per enixum præcoccem refe-

ratis & sanguine ad Vterum uberius derivato. Qualem nihilominus interpretationem diversa momenta suspectam reddunt, v.g. quod vocabulum *trōnes* seu partus & catamenia ac menstruorum fluor penes scriptores nunquam synonyma observentur; nec appareat, cur sexaginta dierum abortus in mensium difficultate solvenda majorem vim præ abortu plurium mensium aut partu naturali habeat. Vnicum hoc præliminariter adverto, de abortu per manum adornando hujusque exigentia seu emolumento superiorum seculorum monumenta (quæ mihi sane evolvere concessum) parum tradidisse, nedum multos modernorum scriptorum, si unum alterumve eorum excipias, mihi hinc inde nominandos: qualem chirurgiam nihilominus subinde necessariam admodum esse, ac salutarem contingere, ratio perinde atque experientia edocent.

*Fluor uteri
cruentus in
ipso partu, imo
mensibus ante-
cedaneis foetus
& matri exitium
minatur.*

Nimirum inter varias illas utero gestantium & parturientium molestias, quas sexum muliebrem divina sustinere jussit justitia non adeo infrequens observatur fluor uteri cruentus, qui modo in ipso partus termino, modo diebus ac mensibus antecedaneis, foetui æque ac matri exitium minatur, nisi provida ac promptior manus opem ferat, in utraque occasione foetum, i. e. sive perfectum ac maturum sive immaturiorem, & qui fatale exclusionis suæ nondum attigit, educens. Saltem antequam hoc ante terminum enixus naturalem seu decretorium suscipiatur, fluxus immoderator, quem Galli *la perde du sang*, ajunt, a leviori prudenter discernatur. Cum non adeo raro contingat, gravidarum muliebria cruore manare, & quidem ut plurimum periodice, per tres, quatuor, imo plures priores menses: atque hoc quidem sine gravidæ ac embryonis detrimento hujusque metu testantur præter *Brasavolam in Hipp. 5. Aph. 60. Solenandrum sect. 5. consil. 15. Schenckium obs. p. 574. & Rodoricum a Castro &c.* quotidiana experientia. Quamvis nec vagæ semper prægnantium Hæmorrhagiæ uterinæ adeo timendæ sint, primis nimirum mensibus evenientes, nec profusiores. Mediis tamen ac ultimis sine notabili & mali ominis uteri irritatione nunquam fiunt, & ni molam, abortum, portendunt: cujus periculum intenditur, si ex ruptura vasorum & abscessu seu separatione placentæ ab uteri fundo, per violentiam atque impetum externum facta, tale quid evenerit.

Secundine separatio aliquando est partialis, certo tempore fit totalis.

Ita tamen ut, quemadmodum hæc secundinæ separatio aliquando levior & quoad partem tantum, in principio contingit, tractu vero demum temporis major ac totalis evadit, usquedum corpus ejus ad ostium uteri ante foetum devolvatur, in priore casu fluor sanguinis primum observetur satis moderatus ac lentus, & aliquot interdum septimanas sub eo superstiti infante, quinimo matris etiam viribus ad partus terminum mediocriter sufficientibus. Quate-

nus non per totum sui ambitum seu omnimode, sed quoad partem sui solum, avulsa placenta, tantum adhuc sanguinis vitalis ab uteri vasis Embryoni conceditur, quantum ei sustentando par: nec gestans hoc mox enormius, i.e. ad lipothymias & spasmos usque, privatur; donec illius connexio totaliter solvatur, sicque, nisi subitanea superveniat medela, pereant ambo. Et memini juvenculam, scribæ uxorem, a percussione vehementiore non tantum hæmorrhagiam mediocrem, sed febrem etiam, convulsiones cum torminibus abdominis gravioribus & præcordiorum anxietatibus vehementioribus passam, nec in foetu per quatrimum aliquem deprehensum motum, enixam tamen fuisse die trigesimo puerulum, adpectu septimestrem, vivum, ast brevi mortuum.

Uteri Hæmorrhagias periodicas innuit primo earum typus, quem observant; si nimirum hic periodo catameniorum solenni respondeat: deinde quantitas cruoris promanentis minor hujusque fluor lentus magis: ac tertio, si orificium uteri sub fluore hoc clausum nihilominus contrectetur, nullique partus dolores superveniant; hincque probabile evadat, non ex ipso utero, verum e vagina tantum, scaturire hunc laticem. Contra vagæ seu erraticæ magis judicandæ excretiones sanguinolentæ, quæ fatale menstruum periodicum minus observant, quæ copiosiores, & confertim magis prodeunt, quæ ostium dictum patulum ac conatus partus comites sibi habent.

Hæmorrhagiarum periodicarum dantur indicia.

Quo discrimine supposito non parum autoritatis derogari videtur effato Hippocratis §. aph. 60. *Si mulieri, utero gerenti purgationes* (hoc est, fluor uteri cruentus) *fiant, impossibile est, fœtum esse sanum*; postquam contrarium hujus multi juga & tantum non quotidiana evincitur experientia: fluorem nempe ejusmodi periodicum matri ac foetui minus præjudicare, quam vagum, priorum potissimum quinque mensium, ubi parum adhuc succi vitalis materni infans sibi impendi postulat. Quinimo periodica ejusmodi evacuationio matriæque ac foetui aliquando salutaris ac proficua deprehenditur, si illa ex plethoricarum forsan numero: utpote qualibus varia alias symptomata gestationem molestam reddunt, atque abortum metuere jubent; nisi ab iis per sanguinis missionem tempestivam præserventur. Præterea periodici pariter ac vagi floris periculum gravius reddunt ac temperant utriusque major minorque impetus & quantitas uberior parciorve purgamentorum rejectorum: adeo ut intuitu hujus circumstantiæ vaga etiam uteri hæmorrhagia aliquando sine gestantis ac gestati discrimine fiat.

Fluor periodicus neque matri neque fœtui præjudicat.

Contingit hæc, ut modo dictum, frequentius per avulsionem secundinæ a Matrice, hincque solutam, si non continuitatem, certe contiguitatem, utriusque hujus generis vasorum: unde non nisi enormior ac impetuosior san-

*Separationem
præmaturam
patrant vio-
lentiæ exter-
næ diversa.*

guinis profusio, illi similis, ni major, quæ post partum naturaliter editum lochiorum nomine venit, emergit. Qualem divulsionem seu separationem præmaturam ac præternaturalem violentiæ externæ patrant, motus, exagitationes ac torsiones corporis nimix atque incongruæ, lapsus, percussiones, succussiones exvectione in curru, equitatione rudior &c. quibus accenseri debent ira & terror vehementior, item metus atque angores exquisitiores, una cum tonitru fragoribus & fulguribus horridis cuncta spiritus violentius exagitantia, perinde ac cæteri motus corporis & solidarum partium mechanismum conturbant. Peculiare avulsionis ejusmodi præternaturalis causarum genus constituit funiculi umbilicalis extraordinaria circa hanc vel illam foetus partem circumvolutio, qua ille sub motibus hujus non inordinatis tantum, sed moderatioribus etiam, eoque abbreviatur seu tenditur, ut secundinam sibi continuam attrahat ac secum hinc inde abripiat, seu plus minus avellat, cum subsequente necessario sanguinis immoderatiore profusione. Nec improbabile est, eundem funiculum a prima foetus formatione brevioris simile quid præstare posse: qualem in natis autopsia aliquando sistit, & ego vix tres ulnæ quartas eundem æquasse, memini.

*Placentæ
avulsio, qua-
viscunque sit,
reagglutinari
nequit.*

Qua placentiæ avulsione, sive cum impetu præcipiti, sive lente ac pedetentim magis, facta, utero illa reagglutinari nequit, unde copiosiore sanguinis fluor, qui nisi hac & foetu exclusis cessat. Post partum quippe naturalem & expulsis hætenus uteri contentis, hujus compages spongiosa ordinarie sensim sensimque ad molem sui naturalem constringitur, hinc oscula vasorum avulsorum cum uteri acetabulis subsident ac obturantur, & lochia successive imminuuntur: at in secessu ejusdem placentiæ intempestivo ac violentiore, quamdiu uterus a foetus secundinorum mole distensus tenetur, quinimo ab heterogeneis his sibi molestis ad expulorios conatus plus irritatur, vasa dicta sanguifera eoque hiant & patula manent, donec illis rejectis hic ad pristinam & naturalem magis figuram atque ambitum se denuo recipiat, i. e. parietes ejus undiquaque demum constringantur simulque comprimantur oscula vasorum, sanguinem hætenus effusus eructantia; quod interdum satis tarde fieri solet. Equidem post lacerationem involucrorum foetus subductis aquis imminuitur plus minus idem sanguinis profluvium, nunquam tamen penitus sistitur: quod uterus ad aliqualem tantum, nondum ad omnimodam, sui constrictionem redire valeat, quamdiu a contentis cæteris, foetu nempe ipso ac secundinis, adhuc molestat.

*In phænomeno
hoc sanguineo
remedium est,*

Hoc E. Phænomenon sanguinolentum, quia matri pariter ac proli exitiosum deprehenditur, cujus medela nullam moram patitur, subitaneum quoque & generosum postulat remedium, malo scil. graviori & præcipiti adæqua-

tum:

tum: si nimirum cruor confertim magis ac impetuosius profluat, hincque convulsiones ac lipothymia impendeant. Quale sane nullum aliud, præter *celeris fetus eductio* celerem foetus educationem, illi, qui gravidam & infantem forsan (ad minimum, donec S. Baptismo fruatur) salvare contendit, suppetit: adeo quidem ut, si unicum & solitarium hoc præsidium negligatur aut tardetur, foetus in utero extingatur, brevi post mater cum sanguine ultimum spiritum profundat; proin saluti, si non utriusque semper, matris ad minimum, prospiciat hic abortus manu paratus, i. e. occasionis præcipitis, ex Hippocratis instituto rationem habeat, stimulum illum ac remoram, quæ constrictionem uteri naturalem & valorem obturationem sufflammat, removendo.

Quamvis enim ex evolutione scriptorum & praxi triviali constet, in hoc casu plerumque commendari remedia diversa blandiora, styptica nimirum, interna pariter atque externa, una cum sanguinis missionibus, per venæ sectionem in cubito reiteratis: quibus imminuere & avertere sibi præsumunt affatim & cum impetu ad uterum ruentem sanguinem. Experientia nihilominus perquam funesta testatur, cuncta hæc auxilia, sive pharmaceutica, sive chirurgica, irrita deprehendi, & ejusmodi miseras nihilominus, sive per imperitiam ac meticulositatem obstetricis vel chirurgi, sive per morositatem ac pertinaciam adstantium, sub levidensium talium & malo minus proportionatorum remediorum usu fatis cedere, soli fato & naturæ vigori quæ committebantur: minus oportune extractis rebus, uteri constrictionem morantibus, quin potius erudationem cruoris uberiorem cientibus.

Exempla ejusmodi gravidarum, quas per fluorem cruoris immodicum in summum vitæ discrimen conjectas cum prole sua nihilominus chirurgia indigata orci faucibus eripuerit, commemorat *Guillemeau. P. heureux accouchem. lib. 2. c. 13.* quibus alia idem subnectit experimenta, talium nimirum, quæ neglecta hac obstetricatione brevi obierint: Paria utriusque generis enarrat *Mauriceau. des Malad. des femmes gross. lib. 1. c. 21.* ast in primis in volumine *des Observations sur la grossesse & l'accouchem, des femm.* Et *Bourgeois Seb. Ammenbuch's part. 1. c. 5.* foetus hanc educationem in casibus ejusmodi difficultoribus unicam salutis anchoram pronunciat ac observationibus authenticis comprobatur: ubi simul quoque innuit exempla gestantium, quæ ob eandem aut intermissam, aut tardius administratam, occubuerint, v. g. foeminæ illius, quæ post quadrantem horæ a celebrata hac (tardius justo sine dubio) chirurgia expiravit: quod in cadaveris ejusdem dissectis vasis parum admodum cruoris cernere licuerit, scilicet ante operationem copiosius profusi. Quemadmodum inter modernos *Henricus a Deventer* quoque in tali rerum statu nul-

lam coeterorum remediorum efficaciam, & pragnanti unâ cum foetu pereundum esse, ait, nisi partus excludatur. Nec adeo novam tamen hanc accipiem obstericandi encheirisin censerî posse, vel exin inferre datur, quod *Guillemeau allegatus*, seculi millesimi centesimi quinti medicus ac chirurgus, perhibeat, se operationem hanc vidisse peractam ab Ambrosii Parei Parente, eandemque sub hujus manu ductione primum felicissime fecisse in foemina quadam juvencula.

Et quemadmodum aliis similes observationes suppetere minus dubito, sic nec ego destituor experimentis cum successu desiderato factæ hujus obstericationis: tristiam tamen plurium simul recordor casuum, ubi modo propter imperitiam ac timiditatem obstericantium, modo cervicositatem assidentium, intermissum hoc ultimum auxilium victimam cruentam reliquerit matrem cum prole. Memini scil. bibliopolæ hujus urbis uxoris, quæ anno millesimo sexcentesimo septuagesimo nono, exsuccussione vehementiore avectione in curru rudiore, in principio noni gestationis mensis, fluori sanguinis immodico per biduum, ad extremam virium jacturam, extremorum refrigerationem & pulsus intermittentem, exponebatur, omnibus remediis sanguinem supprimentibus & corroborantibus frustraneis & ostio uteri mediocriter hiantem: cui suavis meo ab obsterice nihilominus vivus educebatur infans sexus sequioris, qui tamen aliquot, post acceptum baptismatis lavacrum, horis expirabat; matre puerpera per plures adhuc annos superstite, & bis, ni fallor, postmodum feliciter gestante atque pariente. Sexennium nondum omnino elapsum, cum ad mercatoris cujusdam conjugem vocatus reperirem penes hanc, in magna (ut communiter penes nos fieri solet) foeminarum turba, medicum in arte obstericandi satis peritum: quæ septimo mense gravida, ex terrore plus quam immani, in hæmorrhagiam uteri gravissimam conjecta demum consilio collato per illius manus ab hac & mortis periculo evidente, vivente puero, quamvis paucas tantum horas vitali, liberabatur. Anno millesimo sexcentesimo quinto, ipsis vigiliis pentecostalibus, in hortulani cujusdam uxore, cruenta morti post elevationem molis gravioris, medio mensis octavi, per imperitiam obstericis temulentæ adjudicata, cum foetus adhuc vivum mulierculæ ministrantes mecum censerent, deprehenderem quoque uteri ostium leviter patulum, seu laxius potius, ipsemet manum admovi, (nolebam siquidem salutis matris ac infantis posthabita complex steri,) & quia hujus involucra jamdum rupta erant, ac aquæ promanarant, mox digitis sine notabili renitentia dictum orificium sufficienter dilatavi, ut post leviora & pauca molimina mihi comprehendere liceret foetus crura & mediantibus his educere puellam

languidam valde & post anhelationes aliquot vitales, hinc inde interpellatas, intra horæ dimidium expirantem.

Adstiti tamen pariter ejusmodi casibus, quibus ex cruento fluore graviore gravidæ cum infante mortem obierint, spreto ac neglecto consilio filio saniore. Qualis tragediæ recordor de anno millesimo sexcentesimo septuagesimo nono, ubi a fulminis horrendi ictu templum nostrum percutiebatur vehementius, etiam hinc simul percellabatur mercatoris uxor mihi affinitate cognata: quæ mox insequente nocte fluore ejusmodi corripiebatur, intra triduum eousque ingravescente, ut cum foetu septimestri interiret tandem gestans, quod per matris superstitosam timiditatem commendata chirurgia adhiberi non poterat. Similis funeris memoria penes civitatem forsan nostram nondum excidit, quo ante biennium circiter gravida quædam juvencula, prosapiæ & conjugii spectatioris, post hæmorrhagiam uteti, ni fallor a terrore concitatam, in vanum adhibitis cunctis auxiliis cœteris, inopinato cum uteri sui inquilino octimestri, succumbebat, quæ propter evidentius remittentem fluorem medico, obstetrici & consanguineis in vado esse credebatur, insequente nocte recidivam lethalem passa.

Quare mirari satis & approbare nequeo *Cornelum van Solingen*, qui postquam *Embryulcia cap. 30.* in fluore uteri cruento, gravidis quocunque tempore obveniente, secundum consilium atque institutum *Guillemeau & Mauriceau* educationem foetus chirurgicam sancte commendaverat ac deliniverat in *besondere amerkingen de Frauen en Kinderen concernirende*, nihilominus satoris conjugem, propter virium ex hæmorrhagia uteri quatuordecim dierum imbecillitatem, consilio *Cornelii Stalpart van der Wiel* suffultus, soli fato concesserit, eique omnem manualet operam denegarit: postquam ex circumstantiis ab ipsomet scriptore recensitis hæc ejus meticulositas minime impunis pronuciari poterat. An obstetrices nostrates omnes æque hujus remedii ancipitis notitiam habeant, aut in usum trahant, non sine ratione ambigo: cum ad medicum informandum observata sua recensenda horumque ætiologias explicandas & ad quæ sita respondendum earum pleræque rudes valde atque ineptæ deprehendantur, cum mulierculis plebeis, sui admiratricibus, tantum garrire natæ; nec memini, ab ulla harum unquam me tale quid intelligere potuisse. Nisi quod nuper demum quandam harum enarrasse recorder, se ad principium octavi mensis gestanti, quæ enormiori sanguinis per uterum profusioni exponebatur, adstitisse, sibi que post frustraneum remediorum vulnerariorum usum & post sponte ruptas membranas obviam factos fuisse foetus pedes, quibus levi conatu & Labore ex utero protraxerit puellam per triduum

H h h h

viven-

viventem , hæmorrhagia illa usque ad mediocrem Lochiorum quantitatem brevi cessante.

*Remedium hoc
anceps sc. edu-
ctio fœtus ber-
git aliquando
in periculan-
tium salutem.*

Fateor , operationem hanc, prout generosam , ita anceps valde , remedium existere, necejus eventum desiderio ac spei gestantium atque amicorum æque semper respondere : quin aliquando mater, natus, vel ambo, sub eadem, aut paulo post, pereant. Discrimen tamen hoc quia, perinde ac aliæ hujus generis chirurgiæ , aliquando in salutem periclitantium vergit , sine dubio mortis certæ declinandæ gratia non adeo graviter & absolute formidandum, illique indubia mors minime anteferenda. Sane etiam hoc loco auscultandum erit *Celfo*: *Melius est experiri anceps remedium, quam nullum*: postquam nihil interest, an satis tutum præsidium sit, quam unicum. Vna cum *Galeno 10. meth. med. 10.* ubi, *quanto satius est, ait, aliquid nonnulla fiducia vel cum periculo facere, quam spe adempta certo perire ; tanto profecto satius est, potentibus præsidiis pugnare, quam nihil agere*: atque hoc quidem ubi spes non tantum aliqua mortis declinandæ, sed ubi salutis saltem prorogandæ quoque, comparet, v. g. ut fœtus debilior eousque tantum superstes conservetur, donec baptismo fruatur, ne alias consequentias magis politicas tangam. Et quæ nonnullas obstetrices nonnullosve operatores in ejusmodi casu difficili fallit, meticulositas ; per quam sibi suæque existimationi consultius ducunt a momentoso hoc similive remedio abstinere , ne mortem accelerasse plebi videantur, vel ideo suspecta judicanda, quod secundum *Hippocratis Legem, Imperitiam artis* arguat : hincque studiosè cavendum, ne, dum indemnitati Gestantis tutioribus sic dictis præsidiis litamus, ac soli naturæ nutui atque fato fallaci difficillimum ejusmodi statum concedimus, necessariæ atque adæquatæ opis neglectu periclitari sinamus ejus, & quem utero fovet, infantis salutem proin exitiosæ utrique existant blanditiæ pariter obstetricantis, ac obstetricationis durities. In desperatione versatur mater cum infante, dum fluor hic minime cessat, donec illa ab hoc fuerit liberata : cur non, si non ambo, unum ad minimum illi eripiamus, & quidem infantem in specie, si non vitalem, ad minimum eousque viventem, donec sacramento initiationis potiri valeat. Est præterea hæc operandi ratio non adeo difficilis, prout eam sibi concipiunt artis obstetricatoriæ minus periti : modo secundum sanam rationem ea adornetur, quæ in ea præprimis versatur, ut oportune ac in tempore fiat.

*Hæc chirurgia
non statim
in floris ini-
tatio est inci-*

Scilicet ante omnia nec properanda nimis, nec justo diutius procrastinanda erit chirurgia hæc. Non prius, hoc est, non statim, ac fluor apparet, neque, ubi nondum adeo impetuosus fuerit, & viribus adhuc polleat gravida : utpote in quali casu adornata atque repetita in cubito sanguinis missio gestationem

tionem non raro ad terminum usque partus naturalem integram conservat ac firmat. Si imprimis in lecto simul se quietam contineat ista, non, ut vulgus satis superstitiose sibi persuadet, per novem tantum dies, sed per plures etiam, imo ad mensem integrum; seu donec evanuerint symptomata, læsionem uteri concomitantia & consequentia. Spatium novem dierum a violentia illata equidem laxum satis videtur, læsionis magnitudinem seu gradum observandi, ex superingruentibus intra hoc symptomatis; ast fatale periculosi eventus per hoc non eousque restringitur, quin post idem, & ubi res transacta videbatur, de matre ac infante male adhuc agatur. Prout quippe contusio aut quævis utero facta injuria non unius generis, sed modo major, modo minor, existit, nihilominus disparitatem hanc a priori adeo exacte semper dignoscere vix datur: ita tutius agunt foeminae, quæ quieti ultra nonum diem indulgent, quam quæ ad motus ac labores hoc vix elapso statim se denuo recipiunt & periculo recidivæ enormioris se exponunt. Cum novennarii numeri, ut talis, nulla in operando vis, & commotio uteri levior intra paucas horas vel dies, gravior intra totidem septimanas, aliquando sanari ac firmari nequeat.

Quinimo aliquando ingens satis gestantibus cruoris evenit profusio, quamdiu tamen hæc vires matris nondum enormius attrivit, nec dolores etiam partus adhuc omnimode, evanuerunt; neque graviora symptomata, in specie convulsiones aut deliquia animi, superveniunt, & foetus in situ naturali deprehenditur, naturæ potius prudentiæ mora aliqua adhuc erit concedenda, quam violentiori atque extraordinario statim huic molimini mater exponenda: nisi ut, quamprimum hoc fieri queat, membranæ foetum involventes rumpantur, sicque latior placentæ avulsio declinetur, simul tamen fores pandantur infanti enixum quærenti. Approbat hoc consilium *Mauriceau Observat. sur la grossesse. & accouchem. obs. 624.* exemplo gestantis, hæmorrhagiæ uteri vehementiori, & quidem ad gestati usque extinctionem, expositæ: in qua cum dolores partus observaret, etsi non omnimode genuinos, vires vero nondum plane exhaustas, ac foetus caput ad ostium pronum, hujus educationem festinare noluit, ne matri præter necessitatem vim inferret, sed post factam involucrium rupturam naturæ motui enixum illius concessit, qui paulo post felicissime contigit. Quodsi vero ad Lipothymias aut convulsiones usque promanet cruor, mora omni posthabita embryulciam hanc tentare opus erit.

Præterea ratione sanguinis missionis commendatæ adhuc monendum, ne in quavis hujus generis hæmorrhagia uteri in usum trahatur, vi persuasionis, quasi in immoderatiore, si non undiquaque forsan prodesse, saltem minus obesse

obesse, valeat: dum quemadmodum in mediocri, & ubi vires adhuc constant, auxilio est, in cubito non tantum, sed crure quoque, administranda, si forsan convulsiones illam comitentur; sic in graviore, ac ubi illas jamdum nimis evolutas esse, inquietudo foeminae ingens hujusque pulsus languidior seu exilior innuit, ejusmodi sanguinis depletio periculum vitae intendit, ut aliquando sub ejus administratione, aut paulo post, gravida expiret, sanguine ac spiritibus ante hanc valde jamdum depauperata.

Fœtus edullio non prius est incipienda, priusquam aliquid dolorum partus adsit.

Neque accingere se debet obstetrix aut operator ullus ad fœtus hanc educationem, priusquam aliquid dolorum partus adesse vel adfuisse cognoverit, & quamdiu uteri orificium strictius adhuc clausum deprehendit. Adeo quidem, ut sub circumstantia hac, & ubi natura in illis concitandis simul deficit, matris intuitu satius sit nihil plane moliri, ut cum infantis præjudicio ac discrimine hoc fieret: cum per violentiorem matricis dilatationem sine dubio vivis eripiat mater. Pro qua interim juvanda ac doloribus partus movendis non immerito commendantur enemata paulo acriora, quæ simul stimulos spasmoticos, si forsan, ut dictum, convulsiones præsto sint, discutiant atque revellant. Quinimo, annotante *Riverio cent. 3. obs. 24.* ab administrato clystere sanguinis fluor aliquando evidenter satis imminuitur, qui forsan ab eodem magis intendi videri posset: forsan juxta eundem scriptorem ea ratione quod a scybalis intestini recti uterus hæcenus pressus motum illum sanguinis præposterum cohibere non potuerit, ab hac vero oppressione liberatus ad motum naturalem magis redeat. Nec si excretio sanguinis nondum enormior fuerit, & ostium uteri sub viribus mediocribus aliquantulum hiæt, aliquid agere, sed soli naturæ totum committere negotium, decet: nisi ut membræ foetum ambientes quam cito rumpantur, ne hæ, circumferentiæ placentæ undique continuæ, inter partus conatus tensæ hanc ab utero magis magisque avellant, sicque hæmorrhagiam graviorem reddant.

Parturientium ambitus orificii matricis ut plurimum est mollior.

Ordinarie ac ut plurimum penes parturientes ambitus orificii matricis tenuis, mollis ac æqualis deprehenditur, quales etiam facilius ac feliciter pariunt: illæ vero, quibus compages hæc crassior, durior & inæqualis contingit, v. g. primiparæ, provectioris ætatis, ac aliquando quæ laboribus multis & durioribus vacant, difficillime & non sine periculo partum enituntur. Pari-ter operationem faciliorem promittit prior & naturalis magis ostii hujus constitutio, ac quæ tali gaudent, eam ut plurimum salutarem maxime experiuntur & evadunt; dum contra compactius & prædurum magis uteri orificium eandem difficiliorem & non raro exitiosam præstat. Fallitur siquidem *A. Laurentius*, dum *lib. 7. c. 12.* ejus substantiam, quo partus propinquior, eo magis

incras-

incrassari atque rigescere tradit, & experientia eum contrarium docere potuisset, scilicet ostium hoc tunc magis attenuari, mollescere ac quasi complanari: nisi forsan sub doloribus nothis dispositione spasmodica, ubi ad aliqualem prominentiam atque rigiditatem idem manifeste constringitur.

Neq; tamen iusto diutius & ad extremorum usque ingruentiam differenda ^{statim, cum} erit hæc chirurgia, sed statim ac sanguinis fluor immodicus & continuus comp- ^{fluor immodi-} ret, de præcedanea gravidæ corporis collisione, tensione ac vehementiore animi ^{cus incipit, de} affectu similive causa evidente constat, deliquia animi superveniunt aut immi- ^{fœtus educio-} nent, unde ingentem secundinæ avulsionem augurari jubemur, de fœtus edu- ^{ne est cogitan-} ctione cogitandum. Ne; dum hanc ad convulsionum invasionem moramur, sub manibus cum illo expiret gravida. Aut si forsan post moram ejusmodi ancipitem vivus prodeat vel educatur fœtus, parturiens nihilominus, cessante quamvis fluore cruento, brevi post perit: tantum sanguinis cum ipsi vix resistet, quantum ejus vitalitati perpetuandæ ac deliquiis cordis lethalibus aver- tendis foret adæquatum, Casum hujus generis funestum ex *Bourgeois* superius allegavi, ubi post tardius eductum infantem puerpera mox animam exhalabat: ob defectum nempe sanguinis immensum, & vasa in cadavere tantum non omnino inania reperta. Cui forsan par dici poterat fatum sororis juven- culæ *du Mauriceau*, quod hic *des malad. des femmes* l. c. c. 21. prolixius exponit. Hæc octo atque dimidium mensem gravida, ex lapsu in genua gravem sustinebat uteri succussionem, ex qua etsi primis mox diebus nihil mali persentisceret, tertio tamen vehementioribus ac crebrioribus partus doloribus, cum enormiore sanguinis excretionem corripiebatur: attamen sive per imperitiam, sive meticulositatem obstetricis & adducti chirurgi, omnem evadendi spem denegantium, matris atque infantis salus soli fato, sine ullo artis adminiculo, fuit demandata, interim per horas novem sub continua & ultra trium quar- tarum cruoris promanatione viriumque evidentissimo decremento relicta. Donec tandem ab ipso hoc fratre feliciter quidem ac vivus educeretur fœtus, intra horulæ tamen spatium, sub deliquio graviore cum nato ex vivis decederet soror, sanguinis fluore quamvis suppresso.

Multo minus in ejusmodi occasione ancipiti dolores partus frequentio- ^{Neque in tali} res ac potentiores expectare conceditur, quasi hæc naturæ conamina artem ^{casu dolores} juvent: utpote quales in principio hujus floris plerumque quidem eveniunt; ^{partus fre-} imminuuntur tamen ac evidenter remittunt atque intermittunt, ubi ille ad ^{quentiores} lipothymias usque intenditur, hincque naturæ rententiæ expulsoariæ fati- ^{sunt expectan-} seunt. Demum, quamvis nondum sufficienter explicato seu aperto ostio matri- cis hæc operatio suscipi nequeat, ac remediis tantum ordinariis & blandiori-

bus tunc insistendum veniat: minime tamen eadem ad totalem & latiorems usque illius hiatum differri debet, utpote quam manibus non raro juvare licet, modo illud aliquantulum, pro digitis operatoris successive admittendis, hiscat: postquam profusio illa sanguinis hoc abunde humectat, viriumque imbecillitas tonum ejusdem perinde laxat, ac si potentiores sustineat, vel sustinuerit dolores eadem foemina. Par enim circiter in hac fieri videtur, ac in illis, quæ morbo quovis graviore forte ad ultimum fere spiritum attrita ac defatigata, hinc prognostico relicta, partum facilem & tantum non sine ullo dolore experiuntur, i. e. sub tali virium languore citius pariunt, ac se peperisse putant; relaxatis nempe ab hoc, seu per tantum animi & corporis deliquium, vinculis cunctis naturalibus, ut proin nullo vel exili conamine distensivo opus habeant. Nunquam vero solius naturæ nisi fidendum, si placenta eoque descenderit, ut in ostio promineat, postquam hic illius situs pravus totalem ejusdem secessum seu a superficie uteri avulsionem, hinc enormiorem sanguinis ac virium profusionem, roburque illius ad foetum commode expellendum impar, arguit. Seu in occasione hac infans quam celerrime educendus, si huic & matri tempestivam operam ferre, aut illo mortuo hanc nihilominus a morte vindicare malimus; juxta modum paulo post describendum.

Hanc operationem non sufflaminat maturius gestationis tempus.

De cætero operationem hanc neutiquam sufflaminare poterit gestationis tempus præmaturius forsan, quin potius quilibet ejus mensis, & foetus qualibet ætas, cæteris paribus, eandem admittat, imo postulet symptoma hoc valde urgens, quotiescunque ex hoc mater de vita periclitatur: proin non minus ante, ac post, septimum mensem. Quamvis, si illa post septimum oportune ac rite fiat, major spes subsit foetus æque ac matris conservandi, quam si præcocius & ante illum hanc adornare urgeamur: cum ante septimum mensem, sive sponte nati, sive arte educti, raro vivi, nunquam vitales, prodeant; i. e. utut vivi excludantur, diu tamen superstites haud maneant, sed brevi moriantur, robore nempe homini viventi adæquato destituti.

Sunt, quæ embryulciæ successum impediunt.

Unum adhuc est, quod feliciorem hujus embryulciæ successum interpellat, nihilominus quod a priore dignoscere vix unquam conceditur, ex cadaveris demum gestantis autopsia constat: Si nimirum hæmorrhagia ejusmodi, a vulnere seu dilaceratione, ipsius uteri evenierit, facta sive a violentia externa, v. g. percussione; sive a nimia ejus ab intra distensione, pravum foetus situm ejusdemque molimina plus quam ordinaria consequente. Qualis posterioris exempli recordor in serratoris cujusdam uxore annosiore primipara, dystocia, seu potius partu nullo, succumbente: in cujus cadavere dissectio foetum, facie ad anteriora abdominis materni conversa, capite ossis ilium sinistri costæ inni-

rum & tantum non impactum cernebant necum mulierculæ adstantes, simulque rupturam uteri lateris dextri, pedum foetus extremis propinquiorem ac digiti longitudinem æquantem: Sine dubio a pravo hoc foetus situ sub partus conatibus biduanis vehementioribus oriundam. Similium phænomenorum mentionem faciunt *Salmuth. 1. obs. 16. Schenckius l. 4. de utero obs. & 8. Gvillemeau l' heureux accouchem l. 2. c. 13.* atque horum quidem posterior in foemina quadam viginti quinque annorum, quæ sub partus termino fluore sanguinis trituano diffuens (causam seu occasionem hujus tacet scriptor) equidem facillime pariebat, post paucas tamen horas spiritum exhalabat; cujus uterus, abdomine dissecto, prope insertionem vasorum hypogastricorum, simul ruptorum, fissus ac laceratus comparebat, cum notabili cruoris extravasati in cavo abdominis collectione. Cujus quoque generis est, quod *Mauriceau alleg. loc. obs. 251.* de juvencula quadam refert, quæ biduum ante partum lapsum vehementem in genua passâ ex praternaturali & nullo partu mortem obierat: in cujus abdomine dissecto major offendebatur foetus portio, per rupturam matricis insigniorem eo deposita, solo capite in hac relicto, quamvis sub vitioso pariter situ; id est, facie & ventre sursum conversis, ipso vero capite ad latus inclinante. Breviter, mulieres, quibus ejusmodi ruptura uteri a quacunque occasione contingit, nunquam evadunt, sive sponte pariant, sive per chirurgiam juventur.

Sicut etiam quam maxime advertendum suggerit idem *Mauriceau obs. 411. & 422.* & hinc inde eandem operationem, etsi infanti forsan salutarem, vix tamen æque semper felicem contingere matri, si sanguinis illa eruptio vitiosa a lapsu similive læsione externa concitata fuerit, quam si, ut aliquando fieri observamus, a sola plenitudine vasorum tale quid evenierit. Hinc, quamvis circumstantia hæc operationem illam non omnino dissuadeat, prolis ad minimum salvandæ causa, existimationi tamen suæ & artis per eandem quam maxime prospicere licebit, majus hoc asidentibus exponendo periculum, ne in operatorem aut operatricem culpa redundet, extremitati potius aut gravitati morbi attribuenda; sicut quotidie fieri observamus, quodque penes artificem peritissimum quoque non parum meticulositatis gignit.

Quibus permittentibus ac prohibentibus cunctis circumspectius inda-
gatis ac trutinatis ipsa operatio hunc in modum suscipitur. Nimirum in le-
cto vel sella parturientibus solenni, simili ratione, ac in partu quovis, colloca-
ta seu situata gestante, chirurgus seu obstetrix sinui muliebri digitos arctius
complicatos blanda manu intrudit, hosque, postquam ostium uteri subintra-
runt, successive, hoc est, unum post alterum explicat, pro hoc sensim & quan-
tum

*Quomodo in-
choanda sit
editionis scia-
tus operatio.*

tum possibile, absque notabili violentia, dilatando: non, ut in aliis partus casibus caveri solet, dolores hujus adjutrices a natura expectando, sed sub prima statim manūs applicatione; vel quod, ut jam dictum, dolores illi in hac occasione deficiant, vel quod adjutorio eorum minus opus sit, relaxato jamdum p. n. ostio uterino ab hæmorrhagia profusiore ac virium fatiscentia. Quo facto & dum membranas foetum ambientes nondum laceratas deprehendit, has perfringere minus dubitat, quin potius festinat; partim quo, ut superius innui, major & omnimoda placenta avulsio, quæ extravasationem cruoris intendere poterat, interpelletur; partim ut via, ad foetum inquirendum atque extrahendum patula satis quantocyus reddatur: partim ne dum deficientibus aut languescantibus doloribus partus naturalibus, qui membranas nominatas alias, eas per ostium uteri experimendo & in angustias quasi cogendo, diffringunt & quasi crepare faciunt, obstetricatio hæc cum exitio matris procrastinetur, cujus tamen leviori moræ grave periculum subest.

*An divulsio
membrana-
rum manualis
quadret disce-
ptatur.*

An divulsio hæc membranarum manualis in partu naturali quadret atque suscipienda, inter rei obstetricatoriæ commentatores ac administratores valde disceptatur, eorumque ac obstetricum alios aliasve timidos satis deprehendimus, v. g. ex harum peritioribus *Louisse Bourgois* Heb. *Umenbuch* part. 1. cap. 8. quamvis earum alias adeo temerarias quoque offendamus, quibus moris nefarii est, tantum non in quavis obstetricandi occasione illam tentare ac perficere: sibi encheirisin hanc ad partum quemvis accelerandum proficuum valde esse persuadentes, aliquando eandem inter arcana servantes. Quam litem prolixiorum quo paucis dirimam, assero cum aliis, lacerationem hanc involutorum quandoque eximie necessitatis atque emolumenti esse, adeo ut matrem perinde ac prolem interdum ab internecione certa vindicet, modo oportune suscipiatur; quandoque tamen eandem exitiosam quoque satis utrique evadere. Non tantum quod aquis præmaturius profusis muliebria aridiora, hinc enixus foetus difficilior, evadant; sed quod idem foetus, perverse forsan locatus, perditis aquis circumfluentibus, in hoc situ pravo confirmetur ejusdemque figuræ vitiosæ correctio maxime turbetur atque impediatur. Quibus accedit, aquas intra membranas compressas os uteri præ infantis capite commodius aperire, adeoque partum minus forsan morari, quam juvare: cujus phænomeni intuitu illæ citius rumpi non debent, nisi postquam ostium hoc satis, h. e. ut latitudine sua capitis foetus, quod permeare debebat, moli respondeat; explicatum fuerit.

Urget divulsionem hanc partus aliquando omnino naturalis, si ostium *Aliquando*
 nempe matricis perfectius hiscat, sinui muliebri vertex foetus directo immine- *divulsionem*
 at, nec dolores parturiendi deficient; Involucrorum illorum densitas nihilo- *urget partus*
 minus seu tenacitas extraordinaria enixum ejus ultimum moretur, adeo ut *naturalis,*
 modo partus, naturalis equidem, tardior tamen ac difficilis, hinc veniat me-
 tuendus; modo fieri queat, ut sub mora hac a situ naturali plus minus diver-
 gat nascendus, proin sui enixum sibi ac parturienti molestiorem præstet. Quin-
 imo si caput ejus ad alterutrum latus declinet ac obliquetur, etsi hujus dire-
 ctio ac in situm naturalem reductio, integris quoque membranis fieri possit,
 ac commodius fieri soleat: casus nihilominus non raro emergit, quo sub co-
 namine hoc directorio foetus caput hinc inde commoveat ac retrahat, liberius
 adhuc aquis innatans. Quo observato rumpendæ sunt membranæ ac dimit-
 tendæ aquæ, ut caput foetus non modo commode dirigere, sed directum quo-
 que stabile ad partum usque conservare, sicque figuram vitiosam magis evi-
 tare, integrum maneat. Aliquando tamen situs quoque foetus præternatura- *Aliquando si-*
 lis obstetricatoriam dictorum involucrorum aperturam postulat; & quidem *us foetus præ-*
 in cunctis illis occasionibus, quibus illi corrigendo obstetrix allaborare tene- *ternaturalis*
 tur; utpote quod sub tunicarum seu aquarum integritate fieri nequit, v. g. si *postulat invo-*
 idem foetus alterutram manum extra uteri ostium promat, si funiculus umbili- *lucrorum*
 calis prolatur &c. quo nimirum utramque hanc aliamve partem errantem *aperturam.*
 pone caput illius proptius reponere liceat, iisque repositis caput solitarium
 altius & commodius prodeat.

Sed potioris sine dubio necessitatis atque emolumenti hæc membrana- *Rupturam*
 rum ruptura obstetricatoria deprehenditur, ubi vel brevius, vel longius, ante *membrana-*
 partus naturalis terminum fluor cruentus vehementior gestantem corripit: *rum obstetri-*
 vel ut excretionis hujus præternaturalis impetus retundatur, vel ut facilius *catoriam non*
 educatur embryo, prout superius monitum; proin minus differenda. Post *esse differen-*
 quam per experientiam innotescit, laceratis his repagulis, omnibus fere *dam probat*
 quamvis deploratis, sub effluxu aquarum hæmorrhagiam illam evidenter sa- *experientia.*
 tis imminui, si non omnino cessare; quatenus illis rejectis acetabula uteri ha-
 tænus distensi cum vasorum sanguiferorum ostiolis, ab avulsione secundinæ
 omnino patula, ab uteri compage subsidente & constricta magis arctantur:
 Foetum vero forsan in situ naturali constitutum aliquando per dolores, denuo
 quasi resuscitatos, mox ad partum urgeri, ac promptius, sine multa manuali
 opera, tantum non ab eadem uteri constrictione solitaria, in lucem protrudi:
 Aut si forsan enixus ejusmodi naturalis haud evenierit, sed per crura educen-
 dus fuerit Embryo, advertente *Guillemeau L. a.* matura illa tunicarum divulsio

hoc etiam commodi præstat, ut sub aquarum effluxus momento, & quamdiu uterus mollior atque laxior adhuc, manu illico & adverso quasi flumini immissa ad crurum conquisitionem & adductionem converti ac dirigi commodius possit in hoc infans; quam si impetu naturæ demum & ante manus applicationem profusus aquis, tale quid suscipiendum fuerit, in utero scilicet sicciore atque rigidiore.

*Tunica non a
fœtus calci-
tratione dila-
cerantur.*

*Sed per con-
atus uteri par-
turientis com-
primuntur.*

*Tunicarum
textura est sa-
tis tenera,*

*Et obstetricis
digitis potest
perfringi.*

Saltem circa negotium hoc dubitare licet, num ruptura commendata tunicarum in difficultate præsentiperinde fieri possit, ac in partu naturali, & qui sub pleniori naturæ vigore contingit? postquam ratione æque ac experientia convincimur, in hoc illas, non, ut vulgi & muliercularum hætenus tulit traditio, a fœtus calcitratione ac artuum ejus vehementiore nisu ac impulsu dilacerari, illumque ipsummet quasi claustra hæc novimestria referare: dum ruptura hæc in parte earum & ad per ostium uteri prominente & capiti fœtus directo opposita, seu in quam nec manibus, nec cruribus ullus conceditur impetus, observatur. Vt verosimile fiat, eas non ab intra divelli ac perforari, sed per conatus demum uteri parturientis constrictorios ad crepaturam usque comprimi; & quidem in parte sui maxime extra ostium uteri protuberante ac in angustias coacta, ab uberiore aquarum ad hanc impulsu atque pressione: per consequens sub hac quoque pressione hincque oriunda turgescencia demum membranarum earum rupturam arte juvari posse. Quibus ita se habentibus (provoco ad obstetricum prudentiorum attentionem) vix adeo facili concipere datur, qua ratione flaccidiora minusque tensa hæc involuera digito in præsentem casu adeo commode perfringi queant, pressione illa crepatoria haud concurrente? quam plerumque hic deficere, deficientibus nimirum doloribus parturiendi, pressionem hanc alias præstantibus & cum manu obstetricis coagentibus, ex antecedaneis repetendum.

At evanescet omnis ex circumstantiis adductis suborta difficultas, si attendamus satis teneram & lacerabilem tunicarum harum esse texturam naturalem, ut non tantum quamvis rudiorum illarum contrectationem evitare sedulo teneatur obstetrix, pro incautiore & intempestiva earum ruptura declinanda, si nimirum cum humoribus extra orificium uteri protuberent; sed eadem quoque non raro ante sui prominentiam tensionemve, ac doloribus vix incipientibus (ne dicam longius ante terminum fatalem) sponte crepare ac rumpi. Vt per consequens nec in hac occasione earum densitas atque tenacitas eousque timenda veniat, quasi unguibus digitorum superari ac perfringi haud possit; cujus contrarium manus applicatio arguit, vel hoc præsumere jubet, quod cum tale quid, uno vel altero ante partus terminum solennem mo-

liamur

liamur mense, has membranas æque, ac foetus membra, firmitudinem ac robur ultimum nondum acquisivisse, utique concedendum sit. Imo quid vetat uncinulo similive instrumento perforante hoc aliquando agere, quod digitis nudis haud concessum; ne tangam, per hæmorrhagiam grandiore morificatas quasi & tono naturali orbatas tunicas, digitos obstetricis vel operatoris promptius admittere, quam vigore suo tensivo ac renitentia vitali adhuc pollescentes. Illud saltem circa dilacerationem hanc membranarum, prout in genere, ita in præsentī casu, adverti debet, ne dum eam molimur, easdem validius attrahamus: ne hac ratione ab utero simul intempestive avellatur placenta, aut ejus unitas cum utero aliquatenus seu leviter tantum soluta, omnimode abrumptur, hinc sanguinis profusio in infantis ac matris præjudicium intendatur.

Majoris momenti existet negotium, si loco partis secundinarum membranarum carnosa, i. e. Placenta seu epar, uterinum dictum, infantem antecedit: h. e. ab uteri acetabulis penitus avulsum & ad ejus ostium devolutum fluorem ejusmodi cruentum patret viamque infanti intercludat. Hac ratione siquidem matri non tantum sanguis vitalis subtrahitur enormius, sed foetus quoque brevi suffocatur, respiratione destitutus: qua nihilominus maxime indigebat, postquam ejus sanguis intra epar uterinum avulsum nihil amplius vitalitatis a matre suscipit. Equidem status hic ab omnibus æque obstetricibus vix adeo prompte dignoscitur, quod corporis illius substantia carnosa ad contactum cum muliebris sinus compage eadem videatur: sagaciori tamen cum facile ominari licet ex enormissima sanguinis profusione, & si ostio uteri digitos cautius immittere, sicque uteri ac vaginæ parietes atque ambitum a contento hoc discernere norit. Insuper vero massam hanc carneam ab ipso foetu hujusque membris distinguimus, cum capite hujus mollior tangatur, molliæ quoque ac lubricitate carnes infantis compactiores & ossibus intertextas evidenter superet exossis omnimode ejus compages: ne dicam, continuum huic funiculum umbilicalem ejus præsentiam (nisi inversa forsā facie ostium uteri spectet) innuere. Interim quo gravius ab hoc casu præ cæteris a fluore sanguinis impetuosius imminet periculum, tanto magis festinanda erit foetus eductio, hujus ac genetricis gratia.

Communiter duplicem hujus secundinæ secessus sibi concipiunt modum seu gradum, v. g. *Guillemeau* ac *Mauriceau*: ita ut illa modo ad orificium uteri deprimatur, huicque propinquius immineat, modo idem præter ac elabatur & ad vaginam plus minus descendat. In priore casu illam eousque ad alterutrum uteri latus reclinare seu devolvere jubent, donec membranarum

Quomodo præcedendum, si loco partis secundinarum membranosa pars ad se carnosa.

Datur duplex secundina, secessus.

aliqua portio ostium spectet, pro educendis aquis dilaceranda (nisi forsan rupta jamdum fuerit) Foetumque mox & ante omnia cruribus educere: ast in posteriore occasione, & placenta extra matricem penitus elapsa, simulque si membranae ruptae fuerint, extrahi debere primo secundinas, hincque demum infantem. Verum cum opus non exiguae difficultatis sit, secundinarum nondum ruptarum portionem ad latus alterutrum dimovere, pro membranea commodius perforanda, subitaneam tamen sui educationem foetus urgeat; ipsam potius prominentem carneam placentam digito vel uncinulo mox perforare consultius erit: quod eo facilius fieri potest, dum ejus textura minus fibrosa molliorque, membranea quoque expansio, eam ab una parte obvelans, reliqua tunicarum substantia tenuior longe proin lacerabilis maxime existat. Hinc quantum per ostii uteri amplitudinem licet, digitis ruptura facta dilatetur: sic posteductas aquas fluor sanguinis evidenter imminuetur, & uterus ad aliquales conatus se denuo forsan accinget; sub quibus si caput foetus perpendiculariter & recta magis immineat, exiguum naturae momentum, pro infante expellendo concedatur. Quod si vero obstetrix aut operator infantem in pravo situ offendat, aut vires matris ad extremum magis ac ad dolorum partus evanescentiam fatiscant: rupta omni mora illum pedibus protrahere conveniet, modo sc. in partu quovis praternaturali quam maxime securo ac congruo.

*Paradoxum
erat veteribus,
factum per crura
ex matrice
protrahere.*

Paradoxum quidem plerisque veterum; ac inter hos *Carolo Stephano* 3. de *dissect. part. corp. human. c. 2.* videbatur, foetum unquam per crura ex matrice protrahere; quoniam hic mortuum viva matre dum educandi rationem tradit, semper caput hujus apprehendere jubet, nunquam vero tutam ejus extractionem, quae a primis pedibus fiat, pronunciat. Verum pari ratione, ac in aliis occasionibus difficilioribus, in hac quoque, ubi fluor uteri cruentus foetui ac matri periculum portendit, modus hic operandi, a cunctis forsan rei obstetricariae scriptoribus modernis, quinimo a praxi quotidiana, approbatur: & v. g. *Johannes Baubinus*, ex relatione fratris, *Caspari Baubini append. ad Rousset. de partu caesar. hist. 8.* Stephani modum undique fere alias secutus, in hoc nihilominus ab eo recedebat, dum in simili obstetricatione ante omnia pedes perquirebat, iisque inventis victoriam canens, foetum protrahere, obstetricem jubebat. Pariter *A. Paraeus lib. 23. c. 26.* ubi circa mortui infantis extractionem occupatus, dato etiam, quod hic in caput pronus se ad uteri ostium offerat, eum molliter fursum repellere ac circumvolvere investigatosque pedes uteri ostio adducere, monet. Neque hoc quidem sine ratione, quod nimirum capite globoso & crassiore commode apprehendere ac protrahere infantem

fantem minime liceat; nec in presenti casu ejusmodi foetus inversio tibiarumque perquisitio res adeo difficilis videri poterat, in utero a fluore cruento enormiore maxime relaxato, ac operationi minus renitenti.

Equidem videri poterat moles hæc carnea, ad ostium uteri devoluta, corpus ^{Moles carnea a ostium uteri devoluta ante foetum est auferenda.} plane heterogeneousum seu toto genere præter naturam, proin ante omnia, hinc ante foetum quoque, auferendum. Quale quid tamen, quia ob connexas ei-que continuas membranas fieri vix potest, quin his cum placenta attractis simul quidem adducatur, minime tamen educatur, nedum educi queat ille; earundem interim membranarum, internam scil. uteri faciem succingentium, lævor conversionem infantis similemve operationem necessariam evidenter juvat, &, ne inter operandum adeo facile lædatur matrix, prospicit: sine dubio infantem ante secundinas excludere, magis e re erit utpote cujus vita sub angustiis & mora ejusmodi valde periclitatur. Secus autem agendum videtur in occasione posteriore, ubi nimirum profundior & extra ostium uteri descenderit ac præcipitatum fuerit e par uterinum, hujusque membranæ ruptæ deprehenduntur penitus. Educendæ sunt scil. ante foetum secundinæ, ne ^{Educendæ quoque sunt ante foetum secundinæ.} operatori vel operatrici impedimento existant, moramque nectant matri ac infanti perniciosam admodum. Cujus circumstantiæ quoque intuitu ne qui- dem funiculus umbilicalis ante embryonis educationem deligandus ac rescindendus; non ut plebecula mulierum sibi persvadet, quasi per hunc aliquid vitalitatis a secundina ille interim adhuc capiat, sed ne exilissimum quidem temporis momentum pereat, & matris gratia fluor sanguinis quam primum sistatur.

Atque sic me abunde satis comprobasse puto, abortum gestanti pariter ac foetui salutarem arte aliquando adornari posse, imo, tanquam remedium in casu explicato, pro priore ad minimum superstitite conservanda, maxime necessarium fore: quin tamen, dum fluor sanguinis interdum immodicus, cum hinc emergentibus deliquiis ac convulsionibus, in ipso quoque partus termino enixum feliciorum turbat, prout §. 5. annotatum, parem ille obstetricationem postulet, in dubium vix vocari valet; i. e. citam & anticipantem foetus educationem, tanquam unicum hujus symptomatis remedium. A profluxu siquidem tali intempestivo foetus non tantum periclitatur, secundum observationem Hippocratis de Superfet. t. 7. Si cui ex partu laboranti fluxus multus sanguinolentus, citra dolorem, ante puerum prodeat, periculum est, puerum mortuum exvolvendum, & non vitalem: Sed parturienti quoque exin officio suo necessariae deficiunt vires, in Lipothymias ac convulsionem conjec- tæ; quibus declinandis irritum ac minus adæquatum usum præsidiorum ordina-

dinariorum esse obstetrices &, qui his succurunt, operadores latere nequit, diversis etiam exemplis confirmat *Gvillemean c. 13.* una cum frequentiore aliarum experientia.

Occasiones hujus parturientibus minus oportune supervenientis, hæmorrhagiæ vel partum brevi antecedunt, vel eidem combinantur seu superveniunt: quarum priores superius recensitæ, v. g. lapsus, contusio, succussio, terror; posteriorum forsitan frequentissima est, si ad crebriores atque intempestivos conatus enitendi ab imperita & morosiore obstetrice adigatur puerpera, aut pellentibus sic dictis remediis dolores partus præpropere ac præter necessitatem cieantur. Utpote qua ratione non tantum foetus, perperam forsitan locatus, in hoc situ vitioso confirmatur, ejusque enixus præpeditur, sed (quod hujus loci maxime) sanguis pariter, vasa matricis interfluens, præter modum & ad eruptionem usque exagitatur connexionem placentæ cum utero soluta. Quale quid aliquando etiam patrasse memini sub partu ab adstantibus abdominis desuper factam compressionem, & prout nugantur, infantis ad inferiora depulsionem: vel ideo pariter parturientibus haud æque proficuum, quod non sine discrimine contusionis matricis fiat, tunc temporis tensæ ac sensibilis valde. Nec denique rationi omnimode repugnat, rudiores inter parturientum contrestationes & vellicationes membranarum tale quid patrare posse, incessum epatis uterini festinantes.

Ejusmodi proin casus pariter solis naturæ nitibus haud committendus, verum omnis obstetricationis mora in illo excutienda, ne in remedia ordinaria stegnotica major justo fiducia collocata perire interim concedat matrem cum prole. Oparandi rationem ex antecedentibus repetere & de hujus feliciore successu tanto minus ambigere licet, quanto perfectior ac maturior in partus fatali existit nascendus; eodem etiam tempore cooperantem habemus naturam propitiam & peritam magis obstetricem.

D. JOHANNIS BOHNII P.P.

DISQVISITIO TRADITIONIS VVLGARIS DE

PRÆMATVRIORE INTERMITTENTIVM FVGA SVSPECTA.

Quid sit febris, quæque hujus signa pathognomica, nullum medicorum latere puto, cum in vulgus etiam hæc innotescant: quamvis de causa formali illius & phœnomenorum ejusdem, vix conceptu separabilem, ætiologiis non idem omnes sentiant. Concordant interim inter se, alias earum observari continuas, alias intermittentes, quarum illis equidem quovis tempore, & antequam ad statum usque evehantur, quantumcyus mederi præcipiunt i. e. nunquam non earum radices seu prima rudimenta averruncari opportune, tradunt; Intermittentium vero medelam quandoque præposteram & justo præcociorem fieri, i. e. antequam se ipsas sponte aliquantis per attriverint, plerique medicorum sentiunt, hancque non adeo tutam minusve fidam, nedum perniciosam, ajunt.

*Quid febris sit
neminem la-
tet, licet de
causa formali
non idem
omnes sen-
tiant.*

Quinimo, etsi quilibet ægrorum, hinc febricitantium etiam plerique, morbi fugam quam maxime desiderent atque anxie satis anhelent, & quidem aliquando, vix unum alterumve paroxysmum perpeffi, se tertio vel quarto ferendo minus pares esse, sub expressione desperabunda, ingemiscant, *Ich bin es nicht länger ausstehen* / rogant nihilominus contra alii, interdum etiam illi ipsi medicum, ne in medicando festinet, *er solle das Fieber nicht so balde vertreiben* / affectus, cujus medela gratia eundem accersebant, recidivam si non, pejora, metuentes. Quorum sane posteriores nesciunt, quid velint, per superstitionem antiquitatis persuasi, non, nisi post plures accessiones reiteratas, sibi fidam firmamque valetudinem promittunt. Et si forte febrem suo judicio citius tolli observent, malam hinc prognosin cavillatores ipsique convalescentes sibi met fingunt, ac illius recrudescentiam, vel gravius malum

*Sunt, qui fe-
brem abesse
desiderant,*

*Sunt, qui ro-
gant, ne me-
dicus in medi-
cando festinet,*

malum, præstolantur: adeo quidem ut, si ejusdem evanescentiam alius morbus, etiam e longinquo demum excipiat, hunc præmatvrioris illius medelæ in acceptis ferant.

Quod probatur exemplis.

Fluctuantes hujus generi homines frequentius tractare mihi obtigit, si ne dubio viderunt, non citra molestiam, alii, e quorum prolixiore numero recordeo inter nuperos viri cujusdam prænobilis tertianarii, cui cum sub vigore paroxysmi secundi, quem satis ægre ferebat, ut animum erigerem, brevem morbum ex his illiusve circumstantiis ominarer, ne citius justo febrem discuterem, petebat; at tertia invasione, febrilium symptomatum pertasus, ac pristini petiti immemor, compellendi tenorem mutabat, ut quamprimum se ex molestiis his eriperem, anxie efflagitans, post quartam accessionem nullam denovo expertus & hucusque sanus atque robustus. Ex superiorum vero annorum febricitantibus sponsæ memini, quæ aliquot septimanarum quartanæ exposita, termino interim nuptiarum appropinquante, me, nescio quibus non obtestationibus ac promissis, ut se a febre hac (autumnali) quam primum liberarem & ad torum conscendendum aptam redderem, urgebat; quod per Dei gratiam & remediorum congruorum administrationem etiam factum. Post aliquot menses vero dum hæmorrhagia uteri corripiebatur, præcocius julto a me sublatam febrem cum marito inculpabat, forsan ab altero medico, ine supplantante, hujus fabulæ pervasa.

Dantur medici, dicentes se febres brevi discutere nosse, sed paulisper se malle indulgere febri.

Scilicet ejusmodi aphorismos sibi format incautior plebs ex medicorum imperitorum auctoritate usurpata, qui vel per stuporem indelebilem, methodo ab antecessoribus subministrata, prolixa & fastidiosa non minus ac naturæ rei haud conformi, morbum tutius longe profligare sibi præsumunt: vel, quia hanc minus efficacem nolentes volentes deprehendunt, penes febricitantes interim ne sublesta suspectave evadat eorum in medendo inanis peritia, se equidem febres brevi discutere vel subigere nosse, gloriantur, litare tamen se præ cæteris medicis securitati magis, h. e. febris aliquandiu malle indulgere injuriis, quam vim vi præcipites dispellere; seu hostem haud adigere, ne, cum Marte aperto ipsi in corpus agere minus concedatur, ex insidiis, aut brevi, aut postliminio tamen, vires suas in idem exerat, ich fõnte euch das Fieber zwar bald vertreiben / ich habe aber mein Bedencken &c. ita loquuntur medici, quibus curta in arte supellex, qui nihilominus propriam allegare turpitudinem per leges publicas teneri haud malunt.

Suffolcire hunc plebis errorem ex modernis videtur Sydenham de febr. intermitt (felicissimus & dexterrimus utut communiter practicus & februm Medicus κατ' ἐξοχήν civibus suis appelletur) dum earum medelam tempori frequen-

frequentius committere ac fateri non ambigit, se ante constitutos a natura dies febres intermittentes expugnare haud posse: quasi sanguis, in motum febrilem, pro depuratione sui perficienda, semel concitatus, hunc sine conturbatione ab extra facta peragere opus habeat, seu remediorum quorumvis concursum vel opem detrectet. Cui suffragatur *Baglivius*, scriptor *de praxi medica ad priscam observandi rationem revocanda* eruditissimus ac perspicacissimus, dum l. 2. hinc inde, morbos cunctos, & sic febres pariter, æquabilem quandam, certam atq; individuum in motibus periodisq; suis constantiam servare ait, certas itidem in progresibus mutationibusq; regulas ac maturationas modos, quos nulla arte avertere aut immutare liceat. Quemadmodum in specie de tertiana exquisita asserit, in hac, qualiscunq; adhibeatur methodus, qualiscunq; præscribuntur remedia, ut ante statum tempus (quod secundum Hippocratem atq; experientiam, si illa sibi permittatur, quatuordecim diebus circumscribatur) hæc eradicetur, irrita esse cuncta: aut, si forsan ab aliquo febrifugorum, velut in ovo, jugularetur, paucis tamen interjectis diebus vel eandem ipsam ferocius erumpere, vel ejus loco graviores morbos, asthmata, hydropes, febres lentas, phthises &c. emergere. Paulo post vero se ita explicat: *Et adeo constans est natura ordo in perficiendis stato tempore humorum peccantium coctionibus depurationibusque, ut nonnullæ febres, quantacunque contra eas adhibueris remedia, prorsus cedere nolint, nisi peractum sit præfixum a natura tempus pro absolvenda despumatione: Imo ab adhibitis purgantibus, febrifugis aliisque medicamentis intempestive & imprudenter, non solum exacerbantur vel duplicantur, sed ad mortem quoque viam sternunt, ob maximam in humoribus excitationem confusionem, regularibus naturæ motionibus pene contrariam, sicut in acutis & intermittentibus febribus pluries observavimus.*

Sed rem si serius & discussa omni præjudiciorum caligine pensitemus, tri-viale hoc assertum, quasi febres intermittentes in principio artis operam sui que medicationem detrectent, experientiæ non minus genuinæ, ac rationi sanæ, evid-nter repugnat. Largior equidem, earum medelam, notante *Willisio*, modo empirice, modo dogmatice magis, adornari: nec illis renuo, v.g. *Har-* *Febres inter-* *mittentes non* *esse statim ex-* *pellendas re-* *pugnat tum* *rationi,* *veo art. cur. morb. expect.* ac *Sydenhamo de nova febr. ingress.* qui tempus me- dicorum frequentius felicissimum declarant, & morbum brevem facilemque aliquando in diuturnum ac difficilem a medico erudite converti, ajunt. Il-lud nihilominus mihi adeo prompte persuadere nequeo, febris medelam quamprimum susceptam & peractam methodo artis repugnare, vimque in-ferre ægris, qui in principio quoque illam decutere satagunt: neque Medicos

errare autumo, qui desiderio eorum operam conductam locant, modo in remedium applicatione, quoad cœtera, methodice agant:

*Tum experi-
entia.*

Provoco hujus gratia primum ad experientiam, propriam non minus, ac scriptorum conspectioris fidei, quæ medelam febrium mox inchoatam intra exiguum satis temporis spatium feliciter confectam testatur, v. g. *Riverii*, qui *cent. 1. obs. 20. & 26. cent. 2. obs. 57. it. observ. a Fomio comm. 12. & observ. hinc inde decerpt. 5.* Tertianarios post paucas accessiones commode restitutos, quinimo tertianas duplices in principio sui brevi sanatas *cent. 4. obs. 20. & morb. infrequ. obs. 19.* commemorat: confirmante idem *Poterio cent. 2. obs. 35. ac 49. Platero obs. 288. 289.* atque *Rhodio 1. obs. 6.* qui quartanas pariter tertio vel quarto paroxysmo subjugatas *L. a. obs. 13.* refert. Neque dubito de practicoꝝ cordatorum, penes nos atque alibi degentium, observationibus consentaneis, ab iis non adeo infrequenter intermittentes post pauciores periodos, sine ulla vel recrudescentiâ, vel aliorum pathematum, sequela fuisse extinctas ac hodiernum extingui: Quibus sine arrogantia impetu subnectere audeo breviores ejusmodi febrium medicationes, a me quam felicissime ac tutissime peractas, quales equidem literis nunquam consignavi seu in catalogum redigere suscepi, fideliter tamen testor, nisi quas ex schedis orphanotrophii nostratis alumnorum per quinquennium hætenus ex febribus decumbentium, qui nihilominus diætæ accuratiori ac necessariæ cultui vix vacant, repetere mihi integrum erit. Ex tabulis siquidem his cognovi, intra ambitum indigitati temporis ultra sexaginta tertianarios, quotidianarios nedum quartanarios, quorum therapiciam in prima mox turgescencia susceperam, post quinque, tres imo duos paroxysmos exantlatos & paucorum pharmacorum usum reconvaluisse, nihil plane aut recidivæ, aut alterius incommodi posthac expertos.

*Prima febris
flamina sunt
eradicanda, ne
vitium diges-
tionis primæ
ad secundam
derivetur.*

Habet & habeat natura suos motus ac circuitus febriles, habet etiam in aliis morbis; nihil tamen impedit, artis moderamine illos vel compescere, vel maturare, i. e. per instrumenta congrua febres quavis occasione & quovis termino oppugnare. Quæro potius num consultum & e re ægrorum sit, febris prima flamina, in primis viis plerumque congesta, tamdiu non attingere seu negligere, donec altiores in his radices egerint, & laticum horum digestiorum crasin magis everterint, hinc incrementa majora & propagines suas ad massam sanguineam exporrexerint, i. e. vitium digestionis primæ ad secundam derivatum fuerit, proficuum sine dubio magis erit, ut heterogeneitates febriles, antequam potiora incrementa capiant, & in prima herba, seu in primo statim sui exortu, extirpentur. Vel si materiam febrilem aliquando mox in ipso cruore generari nobis concipiamus, quid salutare magis minusque peri-

periculosum eveniet, illam quantocytus per artem exterminare, quam donec fluidum hoc vitale diutius & vehementius exagitet atque conturbet? h. e. ut habituale evadat hactenus accidentarium tantum malum, permittere. Brevi siquidem aliquando expugnat, proin in ovo quasi has jugulat natura febres, tertianas exquisitas, non tantum ante decimum quartum diem, sed quartam quoque periodum, E. hæc non adeo stata & fixa tenet tempora, quæ in medela earum non anticipare queat ipsamet, antevertere quoque sine periculo concedatur arti. Sane hypothesibus suis de tendentia despumatoria, maturatione causæ morbificæ, orgasmo febrili salubri &c. nimis litare videntur autores superius producti, præ experientia, rerum magistra ac testi omni fide superiore: hinc ex præjudicio, quale autoritas vel antecedaneorum, vel sociorum, iis formarat, negotium hoc decernere perperam satagunt.

Et quo insuper ex communi scholarum harumque Doctorum methodo medendi cum illis agam, hac ipsa sane edocemur, hos nunquam intermittendum medelam, per metum ejusmodi præposterum, quasi præmaturius sublata, totidem incommoda pone serelinquant, procrastinasse, sed vocatos ad vomitoria, purgantia statim progressos fuisse, præparationi humorum per media varii generis & vitio eorum appropriata incubuisse, febrifuga dicta specifica itidem diversæ indolis administrasse, æstum demum per refrigerantia extinguere molitos fuisse, & nullam unquam in cunctis his moram traxisse. Mirum E. eos, qui discipulos & asseclas illarum horumque se jactitant, lento adeo motu ad febrium earundem medicationem se accingere, nihilque agendo & ægrum sub illarum angoribus & digestionibus depravatis per torporem ac meticulositatem ejusmodi diutius relinquendo circumspectius agere videri velle. Contra nullum unquam festinationis frivola inculpandum ajo, qui perite festinat, i. e. occasionem præcipientem nunquam prætermittit.

Quæro porro, numne ex methodo dogmatica agat vulgus unicum tantum catharticum vel sudoriferum propinans, si per horum remediorum unum alterumve, post primum aut secundum febris insultum, eam levet: & quidem hoc adeo feliciter, quod in primo mox ejus principio obex tempestive fuerit posita, antequam nimirum in flammam apertam illius scintillulæ eruperint; i. e. quam oportune & sine prolixiore directorio, propinato pharmaco adæquato. Sane neminem reconvalescentium unquam de medela ejusmodi, quasi præpropæra & præva consequentiæ, conquestum aut adeo ineptum memini, ut illi iratus fuerit, qui unico mox medicamine, post paucos statim circuitus eum a morbo liberavit: cum & hic locum habeat illud: *principiis obsta.*

*Excipiunt hi
doctores, sed
statim illis re-
spondetur.*

Garriunt alii, man müssē die Feuermauer oder Camin erst wol lassen ausbrennen. Quibus rehero, aliquando equidem ita in ædium nostrarum caminis casu fieri cernimus: nec tamen facile aliquis in illam temeritatem se abripi patietur, ut nihil plane interim incendio illi restinguendo auxilii ferat, i. e. merum spectatorem agat, proin per hanc & eidem combinatam negligentiam ipsam domum comburio frivole exponat; ne dicam, simile hoc utrinque claudicare. Quibus nec saniora promunt, qui, cum *Sydenhamo* in intermittētibz ante usum præsidiorum congruorum tantum temporis spatium febrili turgescētiæ ejusque accessionibus concedunt, donec morbus suo se marte aliquantum attriverit, ne a præproprio remediorum usu sanguini, despu- mationem sui annitenti, mora derepente injiciatur, neque hoc sine vitæ periculo. Quippe si ipsam et moleculæ febriles se quoad sui partem subigere seu refringere valent, hincque earum activitas aliquantum enervatur, cur de cœteris non idem nobis promittimus? sicque turgescētia hæc naturæ secretoria nunquam foret interpellenda, sed eidem ad finem usque morbi indulgendum: E. nullam febris unquam artis postularet operam, quod absurdum & imperi- torum atque otiosorum artistarum.

*Febres diutur-
niores habi-
tuales esca-
dunt.*

Demum quid notius est & per experientiam agro pariter ac medico satis fastidiosam magis comprobatum, febres, quo diuturniores, eo altiores ra- dices agere, habituales magis evadere, hinc longe difficilius exterminari illis, quæ brevioris durationis. Quanto citius itaque de earum discussione solli- citi sumus, h. e. sine cunctatione id, quod ab illis indicatur, exequimur, eo pru- dentius sine dubio agimus, succidendo opportune earum incrementa, per quæ ad plus insuperabilem pertinaciam alias eveherentur. E. sine cuncta- tione omni febrium medela suscipienda, nunquam differenda, quod vul- gari traditioni repugnat.

*Remedia in fe-
bribus inter-
mittentibus
usurpanda.*

Remedia pro hac maturanda hætenus usurpata mihique adhuc in usu sunt modo vulgaria magis, nempe post emetica aut catartica, amara & salina, absorbentium pauca, quemadmodum nunquam forsan præscripsi decocta & julapia alterantia, medicis trivialibus tanti æstimata, nec sudorifera; modo cortex peruvianus: atque hic etiam mox a secunda vel tertia accessione in substantia propinatus, quo etiamnum, si occasio ferat, feliciter ac tutissime utor. Nec (de quo totidem a febribus intermittētibz sub directione mea hætenus breviter reconvalescentes testor) unquam aliquid pravi seu detri- mentosi succedanei ex maturata seu properata hac medicatione annotavi, li- cet aliquando morbus contumacior paulo illi non æque prompte cesserit, (sic- ut nec cæteris remediis) aut aliquando recidivarit. Sicque vulgarem illum

apho-

aphorismum toties quoties falsumprehendi, intempestivam, hoc est præproperam intermittentium medelam adeo evidens damnum alere & agris male cedere, his proin ac Medicis severius dissuadendam.

In specie ratione corticis dicti equidem concedendum, quod postquam hujus virtus, turgescencias febriles compescendi, per plura magnæ peritiæ ac fidei virorum experimenta, a medio circiter proxime antecedanei seculi innotuerat, tantum nihilominus penes homines nonnullos rationi suæ præjudicanti & tentaminibus minus rite administratis aut applicatis potius, quam experientiæ veriori ac crebriori, litantes contradicendi orgasmum concitarit ejus inventum, ut illum multis modis succutare ac usum hujus suspectum reddere ausi fuerint: perperam ac temere satis medicos illos, qui hoc febrifugum sibi familius gerebant, modo empiricos proclamarint, modo aliis convitiis persecuti fuerint. Inter quos primus olim comparebat *Chiffetius*, medicamini huic ex Peruvia in Europam vix delato primum dicam scribens, quem *Chr. Magnus* & *F. Plempius* paulo post in hoc secuti: quibus tamen alii scriptorum hinc inde contradicebant, *Brunnaccius* nempe & *Sturmius* in peculiaribus libellis, *Boyle de util. philos. experim. Willis & Sydenham de febr. ac Posterior in epist. ad Rob. Bradium de morb. epidem. & de morb. acut. Monginot. de febr. cur. per usum Quinquinae, Restaurant. Hippocr. de cur. febrium per usum Chinae Chinae, Morton. de morb. universal. Badus in anastaf. Cole & Jones de febr. intermitt. Bardus, Doncellus* aliique in moderni, vim & efficaciam hujus exoticici strenue vindicantes.

Cortex Peruvianus a medicis non rite administratus est, & exinde cum multi spererunt,

Quinimo inter medicos clinicos, qui dogmatici, non agyrta, videri volunt, ejusmodi hominum genus impostorium hinc inde offendimus, qui usum hujus corticis penes imperitiores suspectum reddere allaborant, quasi aliquid virulenti, visceribus & digestionibus vitalibus infesti &c. alat: propinant nihilominus idem remedium iisdem aliisque febricitantibus, sub præparat. onis certæ tegmine, v. g. electuarii, infusi, hocque unico, invita sua assertione, febres fugant. Quam fabulam ideo imprimis agunt, quo non trivialibus & in vulgus jamdum notis, sed arcanis meris, se morbos aggredi, plebi ignaræ persuadeant, aliorum interim medicorum, qui pone technas, imposturas & mendacia ejusmodi latitare nesciunt noluntve, famam laceissent ac avaritiæ suæ sordidiori prospiciant. Quale quid aliquando penes Ducem quendam belli strenuum Svecorum, dum quartana laboraret, factum fuisse. novi, norunt alii, Impostore ipsomet, nescio, qua præcipitantia, acto & subridente artificium hoc practicum mihi ultro fatente.

Quod fecerunt nonnulli inter Medicos Clinicos,

*Scriptores
quoque non-
nulli,*

Scriptoribus illis, qui virtuti hujus remedii derogant, accenseo *Christoph. Paravicinum & Walt. Harris*, quorum prior, utut in quartanis medicaminis hujus usum deprædicet, in tertianis tamen aliisq; biliosis creditis febribus, ob vim ejus calefacientem, improbat: posterior in quartanis ac autumnalibus tertianis equidem chinam chinæ optimum omnium remedium, in cæteris nihilominus intermittentibus pessimum, proclamat. Quasi textura hujus temperiei seu constitutioni corporum autumnali magis adæquata existat, nec deficiant alia remedia, vernalibus febribus plus appropriata, gratiora, seu palato minus molesta.

*Qui urgent in-
senti nobita-
tem.*

*Ad hoc dubium
respondetur.*

Cunctas difficultates dubiaque contra hoc remedium mota solvere atque discutere, in præsentiarum minime intendo, cum abunde jamdum hoc egerint commentatores nominati: illa tantum, quæ scopum meum propius feriunt, tentabo, quæque hodiernum in medicorum nonnullorum ore & ægrorum persvasione volutari, novi. Quorum potissima sunt, inventi novitas & quod idem sine omni evacuatione evidente agat, proin causam febrilem haud attingat & commoveat, humoribus ac visceribus eam profundius impingat, hinc modo recidivas, modo exquisitiora mala, sc. obstructions, cachexias &c. patret. Quibus tamen, cum *Bardo* regerere liceat, eos maledicendi libidine, non veritate, ductos irruere in innocens ac generosissimum hoc præsidium, a quo nihil omnino discriminis metuendum: assentiente insuper *Sydenhamo* in superius citata ad *Bradum* epistola his verbis: Vere affirmare possum, non obstante tam vulgi, quam per paucorum & doctis præjudicio, me, nihil mali agris ab ejus usu accidisse, vidisse unquam, vel cum ratione suspicari potuisse &c. Ac paulo post: Et profecto sitam effectorum durationem, quam Corticis hujus innocentiam, exploratam haberem, principem illi locum inter omnia, quotquot sunt, remedia deferre non dubitarem. nova quoque amplecti conceditur & jubemur, dummodo ratio & experientia hæc firment, ita tamen ne hæc ad rationem, quin potius hæc ad experientiam, componatur, i. e. experimenta non secundum præsupposita attendantur, seu fingantur.

Ante omnia mihi concedi postulo, concessuros tamen illos facile confido, qui remedium hoc partim per sensus, partim per tentamina mechanica cujuscunque generis, tractarunt, aut quibus in crebriore usu fuit hoc exotikum, aut qui ejus commentatores legerunt, ætiologias, ab his illisve in eo hætenus conceptas seu determinatas, negotium virtutis haud omnino exhaurire, hoc est dubiis variis hinc inde implicari: Ut proin cum *Monginot.* in eo ac quiescam, (præxi potius in præsentiarum, illius agendi, non secus, ac aliorum plurium phænomenorum; seu singulare quid in textura ejus latitare, nobis

nobis omnino abditum, & virtutem ejus feminalem integram illius energiam ac potestatem specificam constituere.

Quibus præmissis ideo profecto minime abhorrendum erit hoc medicamen, quod sine evacuatione sensibili agat, hincque aliter fieri nequeat, quin causa morifica remanens, licet ab illo ad tempus fixata, præcipitata suppressave, novos & prioribus aliquando acerbiores strepitus cieat, curationem proin imperfectam, seu paroxysmorum tantum aliqualem interceptionem præstet. Si enim experientiam consulamus, per hanc cuilibet observare licebit, ac mihi observare contigit, nihil tale ingenti satis numero eorum, qui ab assumpto hoc cortice brevi convaluerint, obtigisse. Nec ideo aliquid incommodi hinc timendum puto, quod sine evacuatione & alterando tantum agat, postquam non raro febres aliique fontici morbi, nec ulla præmissa evacuatione, per sola alterantia eliminantur: quamvis nemini eorum repugnaverim, qui catharticum, modo *ἀνω*, modo *κάτω* movens, illius exhibitionis præmittunt, prout ipsemet hactenus egi. Vim febres pellendi centaurium, absinthium, carduus benedictus, gentiana & hujus generis alia, a scholis olim autorisata, possident, eamque sine notabili evacuatione exerunt: a nemine tamen saniorum ideo e febrifugorum fidorum classe expunguntur, aut agris suspecta reddunt. Et quid dicendum erit de sudoribus spontaneis, declinationem paroxysmorum ordinarie constituentibus, nonne hi quod tempore intercalari congestum, salubriter eliminant? adeoque nec trivialia illa, nec cortex peruvianus, materiam peccantem figunt aut retinent, si horum usum, ut fieri solet, sudores cum euphoria excipiant. In specie de posteriore tale quid suspicari vix conceditur, post accessionem assumpto, reliquias a sudore antecedaneo relictas, seu futuri paroxysmi fomitem, cum potius subjuget, nec retineat, quod per poros jamdum eliminatum, seu corpori haud inexistit; adeoque pravitatis & consequentiarum morbosarum minime erat accusandus.

Accedit, quod nihilominus cathartici actioni febriles insultus integri superveniant, i. e. his nihil ab illa derogatum videatur; sine dubio, causa morifica per purgans nondum eliminata, nedum imminuta: donec demum per corticem illum similisve generis alterantia illi cum hac jugulentur. Alteranti ergo non, nisi ex præconcepta opinione, omnis in febrium therapia derogari poterit potestas, ne dicam, observante Sydenhamo & Jones, hoc remedium, quamvis virtute evacuandi minus forsan polleat, ita tamen cruditates febriles præparare ac dirigere, ut hinc, pariter, ac a cathartico potentiore, ager frequentius per alvum quam maxime evacuetur. Nec purgantia fortiora, sed cum emeticis lenientia tantum propinantur, hæcque non, ut in mat-

riam

Cortex Peruvianus post causam morificam remanentem non nobis excitat strepitus,

Neque materiam peccantem figit.

*Sunt practici
disuadentes
corporis præ-
parationem
per purgan-
tia.*

*Cruditates
primæ dige-
stionis non
semper per
purgantia
sunt remo-
benda.*

*Humores fe-
briles sine eva-
cuante com-
pesci queunt.*

riam febrilem agant, quæ aliquando extra primas vias hæret, sed ut harum tantum cruditates subducantur: postquam potentiora quatenus massam sanguineam violentius exagitant & lacerant, non sine ratione suspecta evadunt; quinimo non desunt practici, qui præparationem corporis, ante febrifugorum usum, per purgantia omnino disuadent, pariter ratione haud destituti, v. g. *Restaurand, Sydenham, &c.* Agit utique in causam seu materiam peccantem, quia obstructionibus hypochondriacis, mesenterii, uteri & stomachi affectibus & chlorosi medetur, hæmorrhoidum fluorem, dysenteriam ac epilepsiam sanat: non enim poterat hæc pathemata solvere, nisi subigendo & enervando eorum causam; quamvis modum quo hoc præstet, ignoremus.

Neq; cruditates primæ digestionis ut communis fert scholarum traditio, semper ac necessario per purgantia removendas esse, per praxin quotidianam edocemur; valide itidem hoc præstant stomachica seu digestiva & absterforia cujuscunque generis: inter quæ optimo jure referri poterit cortex noster febrifugus, qui simul ventriculi cujusvis anomalæ ac seminiorem morbosicorum correctorium efficaxprehenditur, vel ipsa hujus textura sensibili, per amaritiam v. g. stypticitatem, hoc innuente. Ausim cum *Monginot* asserere, remedium hoc turgescientiam febrilem sedare, seu eandem ad motum sanguinis naturalem, illi omnino adversum, reducere ac mediante hoc restituto sub humorum moderatione exagitatore viam per vasa sibi parare: quod dum fit, natura humores prævos, subactos facile per diversa emundatoria, per alvum nempe, lotium, sudores & diaphoresin, pro varia non minus humorum indole & tendentia, ac organorum excretoriorum habitudine, exturbat.

Præterea si alii humores, motu seu orgasmo peccantes, per præcipitantia, fixantia &c. corrigi experimur, quid obstat: quin febriles quoque eadem ratione, i. e. sine evacuante mitigari seu compesci queant. Imprimis cum rudior illorum videatur intellectus, qui materiam febrilem semper sub mole vastiore, nomine humorum saburræ, colluviei &c. sibi concipiunt, quibus alterantia, sine evacuantibus minus adæquata existant: aliud hos docere poterant pustulæ orisla & biorum exiliores, totum fermentum vitiosum excipientes, per qualem metastasin ipsa febris seu hujus miasma frequentius eradicatur. Quibus illorum adjicienda exempla, quos, postquam unam alteramve accessionem sustinuerunt, quosque nullis plane usi remediis, hinc sine omni, sive naturali, sive artificiali, exclusione humorum manifesta febrem nihilominus feliciter eluctatos fuisse, compertum habemus: prout contra, nisi vulgari methodo & veterum instituto nimis favere malimus, fateri nos urgeant infinitæ ab auctoribus consignatæ observationes cum experientia familiari, cathartica, re-

iterata

iterata imprimis, sæpenumero febres intermittentes potius fovere ac intendere, quam delere, qualiuna vel altera dosis chinæ chinæ tollit. Sine dubio, quod illa nunquam non organo digestoria horumque tonum infringant, coctiones conturbent, hinc cruditates perennes, ut totidem fermenta morbifica, producant. Denique sine omni virtute evacuatoria corticem hunc neutiquam agere, dum febres compescit, ex eo convincimur, quod non tantum sub reliquiis paroxysmorum, siqui forsan post ejus assumptionem restitent, sed post febrem quoque omnimode discussam, sudores aliquamdiu dormientibus maxime, superveniant.

Porro, quod usum illius valde suspectum reddidit, conqueruntur, ab eadem febres discussas frequentius recidivare, proin accessionem quidem non vero causam, vere subigi: quale quid tamen precarium satis esse, illorum adfruit experientia, qui idem lege artis seu methodice frequentius exhibuerunt. Et si forsan hinc inde quid eveniat, in ambiguo manet, an ægri prava admodum constitutioni, aut quod circa aliquam rerum non naturalium deliquerit, ac remedium adulterinum loco genuini, aut verum etiam minus recte, ipsi administratum fuerit, istud in acceptis referri debeat. Observamus itidem recidivarum molestias febrium, trita methodo, nempe per purgantia, sudorifera, præcipitantia, amara, salina & si quæ sunt alia, curatarum; manet tamen scholis virtus horum suorum remedium atque existimatio integra, & hæret in causa recidivæ determinanda circumspicior, num a reliquiis febris antecedanæ, num a novarum cruditarum congestione, hæc fiat.

*Conqueruntur
ab eodem cor-
tice febres di-
scussas sæpe
recidivare, sed
respondetur.*

Errores, febris reditus cientes, cunctos recensere supervacaneum duco quia cunctis innotescunt: Saltem quoad peruvianum hunc corticem unum alterumve inquirere, præsentis erit. Quorum prior ac frequentior forsan est, si adulterinus & effoetus a genuino & efficaciori non satis accurate discernatur: ut proin ab illo vim & succellum desideratum frustra expectemus. Alter, quod in dosi adæquata idem forsan haud propinetur, ejusque usus febre evanescente minus diu continuetur: Hoc est, vix ad unam alteramve drachmam medicamentum hoc communiter assumitur, & postquam accessiones semel tantum vel bis intermiserint, ejus æger pertæsus ac medicus negligentior ab ulteriore usu mox desistunt. Quamvis pueris puellisve ejus nunquam ultra tres, adultioribus ultra sex, drachmas, me exhibuisse meminerim, nulla tamen recidiva consequente. Tertius error committitur, si paroxysmo feriente purgans propinetur, inopportune satis, cum illum mox denuo accersat: imo sunt ex practicis quidam, v. g. Sydenham observ. de morb. acut. sect. cap. 5. qui nec catharsin, pro aliqua materiæ febrilis parte subducenda, & quo cortex suo mu-

*Errores circa
corticem Pe-
ruianum re-
solvantur.*

nere liberius fungatur, ante usum hujus admittunt, cum ab hac perinde, ac a phlebotomia, œconomia corporis non leviter labefactetur, & paroxysmi promptius recrudescant. Quale incommodum tamen a præcedanea purgatione nunquam observavi: quin potius vim & activitatem ejus a cruditatibus non, opportune subtractis inhiberi ac conturbari deprehenderim. Sublato tamen penitus morbo ægrum purgare, maxime necessarium erit, postquam dictu vix credibile, quantæ ac quales ex catharseos post febres defectu novorum morborum subnascantur occasiones.

Et quamvis ejusmodi recidivas frequentiores etiam concederem, quid mali demum exin metuendum? numne a febre, forsan diuturniore, defatigato ægroto, sub tranquillitate induciarum, etiam brevior, vires recolligere, Medico vero cruditates relictas, aut de novo genitas, emendare seu tollere spatium opportunum conceditur, sanitati firmandæ idoneum? aut, quod forte consultius, repetatur saltem idem medicamen, temporis tractu etiam in minore dosi; & febris omnimode extinguetur, si modo regimine diætæ accuratiore vis illius caute sublevetur. Nec cœtera antifebrilia a recidivis omnino securos nos reddunt, si nempe eadem minus congrue administrentur, aut morosiores justo ac minus obsequiosum offendant ægrotum.

*Obstant aliæ
cause quominus
omnes febres
cortici illi
cedant.*

Non diffiteor, experientia convictus, cunctas febrium intermittentium haud æque facile cortici illi cedere, utut circa administrationem & usum ejus se omnia recte habeant: Si nimirum vel contumacior hoc impediatur cacoehymia seu cruditatum abundantia, prava diætæ, aut constitutio aeris epidemica singularis: quale quid cum pariter deprehendamus sub aliorum remedium, alias satis efficacium, usu, nec ejus virtuti atque nobilitati aliquid detrahere valebunt hæ circumstantiæ. In specie quoad habitudinem cœli epidemicam, sicut hæc per singularem favorem febrium, perinde ac aliorum morborum, medelam aliquando eousque, juvat ac faciliat, ut levioribus etiam remediis solvantur, adeo ut quartanas quoque vernaes, pariter ac autumnales exiguis ac paucis medicamentis celsisse, penes commentatores præcticos legere detur, observarim & ego, septem, imo quatuor, periodis sæpe numero absolutas ac sanatas fuisse inprimis sub constitutione epidemica annorum 1681. & 1691. prout alia occasione animadverti: Ita eadem populares intermittentes frequentius contumaciores evadunt, aut aliquid *res* involvunt, quod consueta ac præstantissima alias pharmaca extirpare, vix semper sufficiunt. Non tantum per individua quasi anomalia quam cœli status corporibus nostris sub febris schemate inprimit, & cui subjugandæ remedium idoneum ars non semper invenire potest: Sed quod forsan perpetuo & inevitabili

tabili illo influxu miasmata morbifica æque facile refarciantur, ac a medicamento discutiuntur; seu quantum hoc profecit hactenus, tantundem pravitatis singulis fere aeris inspirationibus ingeratur. Juxta Hippocratem de humor. l. 7. *Qualia vero sunt tempora, tales erunt etiam morbi. Si tempora tempestive & ordinate se habuerint, morbos judicatu faciles faciunt: ac inferius: Recidivas enim etiam tempora faciunt, quemadmodum & morbos ita inducunt.* Per consequens hoc infirmitatis, ut cunctas febres non æque facile sanet, commune gerit cum cæteris artis instrumentis cortex ille, cum nec his istæ cujuscunque generis semper auscultent.

In eo tamen Walthero Harris assentiri nequeo, dum pharmacopol. arti empir. c. 12. cæterorum febrifugorum usum Peruviani hujus administrationi vel ideo anteferre suadet, quod nonnullorum ægrorum præjudicia eousque intenduntur, ut, si ab ejus assumptione post totidem menses eadem febre denuo corripiantur, mox illi hanc referant, hinc medico insultent, quasi hic pravum venenosumve olim propinarit medicamentum. Vix unquam enim Medicum prudentem atque honestum commovere aut conturbare debent infusa ejusmodi præjudicia, si modo recte ac perite egerit, etiamsi desiderata non semper eveniant: i. e. avertente Hippocrate: *secundum rationem facienti si non secundum rationem fiant, non transire oportet ad aliud.*

Quin potius cum practicis peritioribus denuo & constanter asseverem, *A practicis peritioribus laudatur cortex china china præ aliis medicamentis.* minus empirice, sed dogmatice omnino, illos agere Medicos, qui corticem chinæ chinæ in febribus intermittentibus commentatum ac familiarem sibi habent. Principem huic locum inter omnia, quotquot sunt, medicamenta jure tribuit Sydenham l. a. ac Jones de Febr. quod per specificam & feminalem virtutem febribus exturbandis efficacissimum & cæteris antifebrilibus potens magis ac tutissimum observetur præsidium, seu, quo, juxta Morgagni, natura hactenus nullum præstantius productum antifebrile, ideoque a Fr. Redi medicamentum miraculosum non incongrue dictum Prodeat, provocante Restaurando, in medium pari efficacia febres profligans remedium, quam China China nullum certe suppetit. Cui jungo Rob. Brady epist. 1. ad Sydenham. ubi corticem indicum magnum in curandis intermittentibus ait remedium &c. Cujus usus nec ob id formidandus erat, de quo imperitiores conqueruntur, quasi ebullitionem seu motum febrilem, a natura nihilominus criseos salutaris gratia adornatum, minus opportune, cum ægri damno, aliquando exitio, interpellet ac compescat: Contrarium hujus videtur declarare experientia diversorum, illaque, quæ de virtute ejus digestoria & in causam agendi ætiologia superius fuerunt commemorata.

*Singulare fa-
sum hujus
corticis.*

Breviter, singulare erat corticis hujus exotici fatum a prima mox ejus inventione: unde minus mirandum, ejus virtutem hodiernum ambiguum reddi. Per totidem secula hominum ingenia, non sine gravissimis altercationibus, allaborabant, abstrusas febrium causas investigare, & secundum hypothesas de his formatas remedia contra morbum evacuantia & alterantia excogitare atque applicare: donec feliciora secula & horum cultores theoriæ minus adæquatæ praxin malæ fidei olim fuisse adaptatam & antecessorum in hoc negotio conamina frustranea intelligerent, per inventum & usum faustum remedii hujus indies magis magisque suffulti. Cujus nimirum ope nos nunc humorum corpori febricitanti inexistens & secundum intermittentium diversitatem in totidem genera diremptorum, genis posthabitis illas facilius ac tutius extirpamus, theoriam vero earum satis precariam, nedum falsam, deprehendimus.

Quibus discussis ad primariam quæstionem me denuo recipio, qua num intermittentes præmaturius & mox in principio qui protelare annititur, & tollit, minus dogmaticæ, sed empiricæ potius ac non sine ægrotantium discrimine, agat, disquiritur? Quale quid cum per experientiam meam æque ac aliorum superius negaverim, argumentum etiam unum alterumque ipsi combinarim, horum quibusdam adhuc assertum meum confirmare contendam; postquam scilicet aliquot eorum ratiocinia enodavero, qui contrarium sentiunt: Sic enim empirici notam strenue ac feliciter declinabo.

*Sunt, qui dicunt
Orgasmos
semper extra-
ordinarii
quid insolbe-
re, naturam
vero ipsam esse
morti r. me-
dium.*

Inter hos primo loco stabunt *Helmontius Th. Campanella* alique asserentes, febriles sanguinis exagitationes seu orgasmos semper equidem extraordinarium quid involvere, conatus tamen naturæ determinatos & morbi remedium existere, quibus expellere satagat heterogeneous febrile, œconomix corporis hostile hæcenus. Aut, mutatis paulo terminis, accendere archeum semetipsum, a vitio materiæ seu causæ occasionalis irritatum, quo armatus in hanc potentius insurgat & ab ea illatam molestiam discutiat. Quibus non immerito combino *Joh. Anton. van der Linden*, quem in prælectionibus publicis olim differentem meminî, spirituum fervorem, materiæ morbificæ plus minus insultantem, formale febris constituere, & ut instrumentum intrinsecum in causæ morbificæ expulsiōe se habere, seu crisin hujus præstare ac dirigere. Qualium dogmata quantum conspirent, aut discrepent, equidem non disquiram, illud tamen hinc inferre satagunt singuli, & qui ab eorum partibus stant; quasi circa febrem nihil agere debeat Medicus, tanquam remedium pro materia morbifica deturbanda quam opportunum, nisi fervor ejus intendatur, mitigandus, aut fatiscat, exaltandus seu suscitandus. Medicum siquidem existe-

re naturæ ministrum, cui in morbis curandis nullæ partes sint, quamdiu illa sibi ac huic negotio par fuerit: multo magis hunc dedecere, illius molimini-
bus resistere, hæcque impedire. Quibus suppositis inferunt, ad minimum
non primas mox febrium accessiones conturbari posse, quin motus illi præpo-
stere & cum discrimine ægri sufflaminentur, seu Crisis, quam natura intendit,
inhibeatur: sed post intercapedinem & moram demum aliqualem & tunc, ubi
per illum orgasmum & breuem contemperata atque subacta fuerit causa mate-
rialis, ne hæc sibi relicta ejusve reliquiæ aut easdem denuo, aut graviores, cor-
pori posthac creent molestias.

Ab hypothese hac quamvis haud leviter recedant, *Hogelandus, Willisus, Sydenham &c.* Febrem ebullitionem, effervescentiam, fermentationem, motumque seu exagitationem sanguinis auctam vel extraordinariam agentes: in *In febre motui*
eo tamen cum superius nominatis scriptoribus conspirant, quod nec hunc *præmaturius*
motum præmaturius sistere, seu eidem resistere, ere seu valetudine ægrotan- *resistere a qui-*
tis sit, qui nempe crisin intendat, secretioni atque excretioni recrementorum *busdam dicitur periculo-*
morbificorum dicatam; qua intercepta fermenta peregrina intus maneat, si *sum.*
non viribus semper integris pro alio & graviore affectu formando, certe ali-
quantisper tantum fractis, pro recidivis suscitandis. Quinimo *Sydenham* ubi
rationem corticem peruvianum administrandi tradit, de ægri vita quoque agi
putat, si præpropere febrifugorum usu sanguini, fermentationis nisu se de-
spumanti remora repentina nimis injiciatur. Quibus valde conformem se
declarare *Baglivium*, ex antecedentibus constat.

Qualia ratiocinia nihilominus solvere vix adeo operosum contingit at-
tendenti, febrem perperam satis non morbum, sed hujus remedium, seu naturæ,
morborum medicatricis, vel archei irritati, opus asseri; quin potius dicen-
dum veniat, naturam, pro febre discutienda, crisin moliri atque adorare;
h. e. turgescencias febriles motibus intestinis partium fluidarum æque ac soli-
darum, nobis equidem maxime abstrusis, corrigere, ita tamen, ut totidem
materiæ morbificæ evacuationem ac metastases, tanquam motuum illorum in-
trinsecorum salutiferorum producta, sensus incurrant; naturam proin ad
crisin perficiendam febrem minime accendere. Sane haud comprobare lice-
bit, naturam (sub quocunque demum conceptu notio hæc admittatur) con-
silio spontaneo agitari, seu de industria & præmeditato quasi aliquid susci-
pere unquam: ac tota hæc enunciatio: *Natura contra morbum, ut hostem, se*
accingit, mere tropica est, neque hujus subjectum nec prædicatum, quod oc-
cultum ac inquiritur, determinat seu declarat, etsi manifestiora illustrent at-
que exornent: Naturæ sane motus extraordinarii non arbitrii, sed necessita-
tis.

*Natura non
consilio spon-
taneo agita-
tur, nec præ-
meditate quasi
aliquid susci-
pit.*

tis potius, sunt, quales qui interpellat, illam non turbat, sed pristinae oeconomiae restituit errantem & quasi seductam, i. e. quæ non sibi, sed irritanti morbosifico & extraordinario hactenus auscultaverat.

Neque ebullitio & fermentatio cruditas febrilis correctorium nuncupari potest.

Nec ebullitio, fermentatio, & quod simile correctorium cruditatis febrilis nuncupari aut concipi poterat, huc adeo commode quadrant, ac forsan in succorum & vegetabilium maturatione ac perfectione locum habent. Omnis quippe fermentatio massæ fermentescenti novam seu alienam inducit texturam; febrilis exagitatio pristinam; Ebullitio caloris effectus seu opus, non causâ dici valet, nec hæc illud quod calefacit, temperat. Neque motus fluidorum, sive ebullitionem, sive effervescentiam, dicas sibi remoram ponit, nisi fatiscente motore aut pugilibus, qui strepitum hunc concitarant, a pugna remittentibus. Ebullitio proin & effervescentia febrilis nunquam non sui sedationem indicant seu postulant, & quodcumque medicationi harum vacamus, non remedium morbi, sed vitium, hunc concitans, impugnamus. Demum quid dicendum de intermittantium horrore ac rigore crebriore & ab his unquam separabili symptomate? an motui calorifico conniventes huic medemur? quæ illo sæpius plus molestat & angit.

Cunctæ febres intermittentes fatale a scholis constitutum, haud attingunt.

Quæ præterea de constantibus febrium fatalibus, seu motibus ac periodicis legalibus superius ex Baglivio fuerunt producta, paradoxum præsens minime confirmant, postquam pauci febricitantium critice eluctantur, nec febres omnes sponte cedunt, nec illorum, qui nullum medicum aut medicamina admiserant. Cunctæ pariter intermittentes fatale a scholis sibi constitutum, haud attingunt, v. g. Tertianæ exquisitæ terminum quatuordecim dierum: sed in medio aliquando sui vel sibi relictæ, vel manum medici expertæ, evanescent ac jugulantur. Proin a remediis, quæ intra illud spatium administrantur, vix unquam intempestive ac imprudenter lacescuntur, exacerbantur vel duplicantur, neque ab his ejusmodi concitatur humorum confusio, quæ naturæ conatibus regularibus infesta & lethifera existat; modo cætera recte se habeant, vel gerantur. Tribus etiam vel quatuor periodis non raro terminantur tertianæ exquisitæ, teste Sennerto, & nothas ad quadragesimum diem extendi (ut communiter ferunt) minus frequens est, quam sub sexto vel octavo paroxysmo, ni brevius, cessare. Mirum sane, commentatores majoris fidei ac peritici talia adeo temere asserere, quæ vilissimus circumforaneus aliter fieri affirmaret, clinicus pariter dogmaticus, nisi Hippocratis auctoritatem plus, quam quæ præ oculis habet, venerari malit. Quinimo tantum non infinitas tertianas, nothas æque ac exquisitas vix tertia, quarta vel quinta accessione superatas sub usu remediorum adæquatorum evanuisse, adeoque Hippocrati-

cum fatale notabiliter, absque omni prava consequentia, anticipasse, novi. Vel si intermittentes stato ejusmodi dierum ambitui ineluduntur, ut non citius cessent, neque remediis admotis cedant; nec etiam fixum a scholis terminum transcendent, peracta nimirum intra hoc humorum coctione; sicque nulla febribus his opus foret medela: Cum nihilominus utriusque contrarium frequentioris observationis sit-

Insuper tertianæ sibi relictae, annotante *Mercato* aliisque aliquando inopi- *Febres tertiana sibi relicta aliquando acribus sunt periculosa.*
 nato agris periculosa atque exitiosa evadunt: ut taceam, nec omnes crises ac naturæ motus salutare, sed eorum quosdam pravo, deprehendi utut vulgus clinicorum, terminos artis semper crepans crisin bonam & malam discernere nesciat. Quemadmodum coctionum humorum non idem semper existit tempus, sed maturantur seu digeruntur horum alii citius, alii tardius; hinc nec morborum, quorum solutionem a coctione intrinseca expectamus, tempora semper erunt eadem, sed prout illud, sic hæc quoque, maxime variant. Naturæ proin soli intermittentium medela minime committenda hæcve differenda, sed illi ac his quam primum succurrere opus est ac licet, antequam ista fatiscat, hæcve degenerent. Id est, dum nec adeo constans & perpetuus in his ac in perficiendis humorum peccantium coctionibus naturæ observatur ordo, quin illa sæpe ab hoc recedat, nedum aberret, hinc emendatione atque adjutorio indigeat: haud otiosum semper, nec in principio febrium, se gerere debet medicus, & eo ipso, dum non singulæ harum constantem ejusmodi indolem perpetuo ostendunt, aliquid ad minimum, in tali occasione tentare jubemur.

Intermittentium medelam præcociorem suspectam non minus reddit *Medelam præcociorem in febribus non reddit suspectam, aphorismus practicus*
 aphorismus ille practicus, quasi causa nondum sublata, i. e. antequam humorum vitia seu cruditates, a quibus illæ foveantur, digestæ seu preparatæ fuerint, nec de sola ipsius febris curatione aliquid certi sperare datur: quin potius recidivæ metuendæ sint agris, aut in alios affectus graviores v. g. colicam, idcirco, cachexiam hydropem, abscessus mali moris &c. iidem incidant. Adeoque febrifuga corpore nondum expurgato tuto haud propinari, nec humores seu causam febrilem in morbi principio, tanquam cruditatis statu educi posse E. nec febres intermittentes tunc commode tolli: quin potius hoc moliri nefas videatur & methodo saniori repugnet.

Quibus ne gravior iusto videam, promptus concedo, quod causa nondum *Causa nondum remota febrem inhibere non decet.*
 remota nec febrem hujusve accessionem inhibere deceat, nec liceat, proin nec febrifuga, fomite febrili nondum emancipato, locum habeant, ac ejusmodi medela sine agri evidentiore damno vix suscipiatur: quod nihilominus in-

presen-

præsentiæ sub quæstionem minime cadit, & si negotium hoc ita tractetur, perperam cum ægro agitur. Sed hoc imprimis in controversiam cadit: An febres intermittentes sub initio sui protinus aggredi conveniat? seu an hoc ægrotantibus damno cedat? Cum *ἀπεθόρας* qui agit, nullo non morbi tempore, h. e. in principio æque ac incremento & statu ejus male agat, non temporis, sed medicandi, rationem negligendo. Nec apparet, qualibus remediis febris subigi valeat, nisi forte per narcotica, quæ non causâ simul digerendæ ac tollendæ præsto sint.

*Queritur
quænam re-
media in fe-
bre sint adhi-
benda, an eva-
cuantia &c.*

Num autem causâ febrilis destructio evacuantia semper postulet, ambiguum videri poterat vel per praxin vulgi, qua uni vel alteri visciditatem simile vitium primarum viarum, incidenti ac temporanti febres cedunt: cui *Sylvius* pr. i. c. 30. assentitur, solis alterantibus, aromaticis nempe ac Salibus volatilibus, cum anodynis negotium feliciter committens. A cujus partibus *Baglivium* quoque stare observamus, qui *prax. med. l. 2. c. 10. §. 4.* magnos interdum morbos, & inter hos etiam quartanas, non per evidentem aliquam evacuationem, sed per productam duntaxat novam aliquam mutationem in situ, textura, figura aliisque qualitatibus humorum morbum producentium, seu meram alterationem, sanari tradit. Et *cap. 12. §. 4.* addit, cruditates primarum viarum (quales intermittantium frequentior fomes) sponte sua (aliquando) digeri, vel potius per medicamenta stomachica & fermentorum vim digestivam acuantia & roborantia, non vero per imprudentem cathartidorum usum, solvi. Quia tamen solo ejusmodi alterantium ac digerentium usu intermittentes protelare nunquam ausus fui, aut sine cathartidorum emeticorumve adjutorio tale quid tentasse, memini, nec aliis hoc suadere, audeo, quin potius quæstionem primariam strictius limito: an per evacuantia aliaque remedia adæquata febrim medela mox in principio suscipi valeat? quam merito affirmo. Atque hoc quidem sub majore certitudine, postquam febrifuga pleraque, si non cuncta, cruditatem febrilem extirpandi apta nata existere, palam est, h. e. febrilem turgescientiam illa non modo compescunt, sed simul causâ morbificæ habitudinem evertunt, hinc nihil plane damni inferunt. Quin imo *Sennertus l. 2. de febr. c. 17.* ita scribit: *Et frustra purgantibus sæpe ægri macerantur, nisi dispositio & debilitas partis, humorem vitiosum generantis, ac inquinamentum illud humores corrumpens, tollatur.* Quibus accedit, febrifuga famosiora tempore apyrexix, seu ante accessum propinari; E. non tam in hunc, quam in ejus formitem seu causam occasionalem agunt: nunquam proin nocebunt, & sub initio quoque febris concedi possunt ac debent.

Sicque

Sicque argumentis contradicentium, seu præcociorem intermittentium *Morborum* medelam impugnantium, ut auguror, discussis, thesi meæ ultimum firma- *principiis ob-* mentum conciliare mihi difficile haud erit: per illa nempe, quæ secundum *standum est,* rectam rationem & salubriter sunt. concedet nemo non, morbo, cujus vis mox in principio & incremento refringi valet, minime, donec ad statum seu vigorem evehatur, indulgendum esse; utpote quo tempore cuncta ejus symptomata exacerbantur, viresque fatiscunt: cur febribus autem intermittentibus hanc medicandi encheirisin, denegabimus, utpote quibus incrementibus paria mala eveniunt? & eo ipso, dum continuas in prima statim herba suffocare, per præcepta artis jubemur, quid impedit, cur in intermittentes non idem jus statuamus? cum utrisque sit suus cruditatis status. Præterea quæ cruditates digerunt vel maturant, quemadmodum cathartica pariter, quæ cuncta febrili causæ, hinc accessibus, medentur, nonne in primo mox principio, modo medicus huic statim præsto fuerit, exhibentur, atque hoc quidem feliciter & ex Hippocratis & communi practitorum sententia: *Si quid movendum videtur, in principio moveatur.* Quid aliud hoc est, nisi febrrium intermittentium prima stamina eradicare? Hinc experientiæ fidem sublestem reddere, ne fas erit, quæ scilicet per remedia maturatam medelam approbat.

Antecedens ne quis in dubium trahat, ad practitorum famigeratissimo- *Quod practi-* rum commentaria provoco, præparationem seu digestionem materiæ febrilis *corum com-* serio & sine mora commendantium, atque hoc per talia, quæ alias incidentia *mentaria pro-* audiunt, ac cum medicis vulgus inter *πυρετλάγωνα* & specifica antifebrilia, *bant.* recenset; cujus generis ex simplicioribus sunt Cichoreum, Centaurium, Carduus benedictus, Origanum, Chamæmelum, Chamædris, Hyssopus, Taraxacum, Trifolium fibrinum, Gentiana, Cortex Fraxini, radix Cava, Sal Armoniacum, Salia lixiviosa, v.g. Absinthii, Centaurii cum Salibus urinosi, Tartarus vitriolatus, Arcanum Tartari, Duplicatum, Spiritus vitrioli, Salis, Tartari &c. &c. His proin qui quamprimum penes ægros suos utitur, sive sub digestivorum, sive febrifugorum, nomine, idem agit, quod antecessores nostri, *Sennertus* v. g. *Horslius*, *Riverius* aliique dogmatici egerunt, & hucusque agunt, i. e. febrem non sine methodo nec præmaturius aggreditur. Purgantia vero quod spectat, solis his quantocyus usurpatis incrementa febrrium sapius antevertuntur & per consequens hoc modo illis sub initio medela fida acuta contingit. In specie emeticorum virtutem salutarem maxime in principio experiuntur intermittentibus cujuscunque generis laborantes: ita ut non raro tertiam vel quartam accessionem nesciant his cum decente regimine

M m m m

utep-

utentes. Purgantibus E. & vomitoriis qui intermittentes præmaturius ag-
greditur, sine recidivæ aut alterius cujusdam mali metu operatur; ut proin-
vix dubitandum illum per remedia hæcce iis quam commode & lege artis
mederi.

*Febrim the-
rapeiam pro-
crastinantes
februm insti-
tutis nitun-
tur.*

Et eo ipso dum, qui intermittentium theapeiam procrastinare adeo
urgent, veterum institutis, de prolixis materiæ peccantis præparationibus ac
digestionibus innituntur, sui aut suorum præceptorum obliti, ratione febris,
ut ajunt, sub initio statim hujus sanguinem mittunt, refrigerantia ac hume-
stantia propinant & propinare jubent; quæ bili, quam causam v.g. tertianæ si-
bi concipiunt, digerendæ, eodem initii tempore quadrare asserunt, *Sennertus*
v.g. *Riverius*, *Platerus* &c. febris medelam nullo hujus tempore detrectant:
horum interdico, de non festinanda hac, minus obtemperandum, nisi eorum
dicteria plus, quam opera, æstimare malimus.

Ac prout neminem sanæ mentis facile diffisurum auguror, fomitem febrilem
antecedaneo paroxysmo non penitus subactum expulsumve ac proximæ acces-
sioni causam occasionalem futurum, intra unius vel alterius diei periodum de-
mum ad eam maturitatem, vel per fermentationis cujusdam specificæ, vel cu-
juscunque indolis, modum evehi, ut novo paroxysmo concitando par eva-
dat; sic quantocyus illas recrudescantias intercalares impedire & exaltatio-
nem illam morbificam intercipere non empirici, sed artistæ, erit opus. Et
quo citius, post secundum vel tertium quoque paroxysmum, quis hoc moli-
tur, eo promptius causæ occasionali & a productis seu metuendis accessionibus
derogat; antequam per harum multiplicationes seu pluralitatem digestionem
magis conturbentur, humorum crasis nimis depravetur, & febris tantum non
habitualis evadat.

*Ex diuturni-
tate intermit-
tentium visce-
ra sæpe non
levia contra-
hant vitia.*

De cætero quemadmodum nullam febrim, utcunque brevissimæ dura-
tionis & mitioris indolis fuerit, ex hypothese quorundam superius nominato-
rum doctorum, medicinam potius, quam morbum, nisi forsan aliquando per
accidens, mihi persuadere queo: sic mecum asserent plures, superioris etiam
ævi, ex pertinacia ac diuturnitate ejus majore minoreve viscera non levia inter-
dum contrahere vitia, atque inter hæc ventriculum potissimum, cujus digestio
præ cæteris evidentius ac enormius læditur: unde nova perpetim ac uberior
eidem feбри subministratur materia; ita ut eadem cruditates ventriculi fe-
brem, & hæc reciproce cruditates, alat. Quinimo materia febrilis, advertente
Sennerto, per moram indolem scorbuticam frequentius induit, ac vappescit
eiusque sanguinis massa, ut febris curatu difficilior longe evadat, & in ca-
chexiam tandem abeat corpus: quemadmodum in specie quotidiana brevi ali-
quando

quando in lentam atque hecticam degenerat. Ex quibus itidem probabiliter satis concludi potest, intermittentium curam nunquam differendam esse, ne ab hujus procrastinatione damna, vix adeo facile reparabilia, ægris eveniant. Ac eo ipso, dum secundum illa, quæ superius monui, tertianæ v. g. alias levioris momenti minorisque discriminis creditæ, vernaes quoque, ex diversis occasionibus perniciosæ fiunt, nonne simile aut aliud quid pravi a cæteris aliquando metuendum? pro degeneratione ergo hac avertenda sane non tardiore, sed prompta, medela opus erit.

Illud insuper advertendum puto, sanari aliquando febres intermittentes *Febres inter-* satis chronicas uno vel altero paucisve medicamentis, quamvis nulla habeatur, *mittentes* vel hætenus habita fuerit, cruditarum morbosicarum, probabiliter sub morbi *chronica in* hac diuturnitate uberius congestarum, & ubi radicum malum augurari erat, *initio possunt* ratio; nihil damni ex subitanea & tantum non inopinata medela in reconva- *sanari paucis* lescentem retundante: Quis igitur recenti & fieri quasi febre congrua dubita- *medicamentis.* bit applicare præsidia, cujus radices adhuc minus altæ, quæque minus crudita- tis seu cacochoymia adhuc fovet, si consummato atque habituali malo prom- ptum & subitaneum quadrat remedium? Sane me in hoc Baglivio subscribere jubet praxis, remedia, si non sola semper, certe crebrius, præ methodo, indica- tionibus technice satis, ut videbatur, superinstructa, morbos sanare, ho- rum vero eventus demum de indicatione verâ nos informare, proin a juveni- bus aliquando indicationes peti. Dum morborum, etiam frequentiorum ac in vulgus notorum, causæ, hinc indicationes genuinæ pariter, nos latent, & a posteriore demum patefcunt: adeoq; quidem, ut in unius ejusdem indolis febre diversorum subjectorum v. g. modo absorbentis seu terrea, modo aci- da, modo alcalica, modo salsa, modo amara, modo austera &c. profint.

Naturam aliquando febrilem turgescientiam brevi & post unam alteramve *Febrilem tur-* accessionem feliciter abrumpere, oppido constat, nonne idem tentare licebit *gescientiam* arti? ita quidem ut tentamen hoc ad votum succedat, & non minus hinc me- *brevi aliquan-* tuendum veniat, ac a naturæ properata medela. Et, utut forte illius conamina *do abruptit* recidiva excipiat, nec naturæ tamen virtus agendi adeo firma seu constans *natura, quod* semper observatur, quin & hanc aliquando morbi recrudescientia eladat: hæc *etiam arti* nihilominus paroxysmorum consuetudo, sive naturæ, sive artis, opera abrupta *tentare licet,* utrinque otium concedit, ut prior instrumentis ac nifibus sibi soli notis, pos- terior per pharmaca, aut pristina continuata, aut quæcunque appropriata, reliquias febriles, quæ temporis tractu in novos paroxysmos maturefcere seu exaltari poterant, successive digerat atque detergat.

Et eo ipso, dum haud abnuo, febreshas humorum ac spirituum exagita- tiones præternaturales existere, ab heterogeneo irritante concitatas, quid ve-

*Non metuen-
dum, quasi
præmaturius
curando fe-
brem, non ex-
stirparetur fer-
mentum fe-
brile.*

tat, recentissima febris hoc irritans peregrinum subtrahere, hinc turgescen-
tiam illam tempestive, & antequam in habitualem consuetudinem abeat, tem-
perare ac refrenare. Neque enim metuendum erat, propter excandescentiam
hanc præmaturius sedatam, fermentum febrile haud radicitus per artis reme-
dia extirpari: quin eo ipso dum a refractione ac subductione hujus orgasmus
febrilis evidenter cessabat, majorem causæ molem discussam probabile fuit;
ne dicam, despumatione hac, per artis instrumenta adjuncta, easdem heteroge-
neitatum reliquias, per diversa corporis emunctoria plus minus sensibilibiter elu-
triari. Tandem sicut cæteris naturæ motibus extraordinariis non adeo diu in-
dulgemus, metuentes ne vires enormius dissipent; cur febrilem naturæ cre-
ditum orgasmum concedemus, donec vires attriverit.

*Si signa febris
imminentis
compareant
medela ipsi
non est dene-
ganda.*

Quem communiter in principio intermittentium verentur cruditatis fla-
tus, quasi sub hoc arti nihil moliri liceat, manduco seu maniis ridiculis simile
quid videtur: cum nec cunctis earum ejusmodi cruditas, cujus prolixior co-
ctio expectanda, aut quæ multa digestionem indigeat, mox in principio sublit,
fomite sc. febrili ad massam sanguineam nondum delato, sed in primarum
viarum ambitu adhuc stabulante, qui tam per evacuantia, quam alterantia, su-
perius recensita, tantocyus domari valet ac debet, i. e. properare urgemur
quovis tempore digestionem illam, nullis etiam interdum cruditatis signis in
urina conspicuis. Et sicut imminenti febris, ac si ejus signa ex longinquo de-
mum compareant, medelam, seu ab eadem præservationem, inique ac inepte
denegaremus, ex hoc præjudicio, quasi febris ipsa, pro subactione causæ an-
tecedentis, primum expectanda foret: ita febris actu præsentis adulari, quo-
mitius cum agro agat, paradoxum videtur. Imo quo a posteriore hos adu-
latores convincam, horumque hypothesin autoritate adeo vetusta, nedum
decrepita, firmatam; uno quasi ictu transfodiam, hos in uroscopiam valde
pronos, monitos cupio, ut lotia a febribus præcocius æque ac tardius reconva-
lescentium inspiciant; cernent eadem utrinque consistentia, colore, conten-
tis aliisque phænomenis unius generis, i. e. cocta, unde opinari conceditur, cau-
sam cum febre non minus per maturatam, atque procrastinatam, medicatio-
nem vere atque secure esse sublatam, quamdiu contra urina cruda apparebit,
tandiu festinata æque ac lenta medela irrita ac vana erit. Sc. quæstio non for-
mabatur, an intermittentes cunctæ in principio sanari queant, sed an illis in
principio medicari conveniat seu deceat: prius asserere, frivolum, & contra
experientiam foret, posterius per totum dissertationis contextum, ut spero,
argumentis haud levioris momenti asserui; & quidem hoc sine præjudicio
illorum, quos vel ratio, vel experientia, secus sentire jubet.

D. JOHANNIS BOHNII, P.P.
DISSERTATIO MEDICA
DE
EXPERIENTIA
FALLACI.

Medicinam partem quandam Philosophiæ Naturalis practicam esse, i. e. hujus principiis innixam artem, nemo forsan ambiget: proinde ac in hac, in illa nihil admittendum foret, nisi quod ratione atque experientia fuerit suffultum. Scilicet eo ipso dum juxta *Galenum I. meth. med. 3.* quæ fidem recte inventis faciunt, duo penes homines observantur instrumenta, ratio nempe atque experientia, sine dubio binis his ad medicinæ peritiâ exactiorem comparandam & artem hanc exercendam opus erit: h. e. sicut in Physicis ratio sine experientia, velut navis sine nauclero fluctuat, & experientia, cui ratio minus præluet, cæca & fortuita plane, hinc manca est, ac parum utilitatis præstat; sic nec certitudinem ullam in arte morbis medendi consequi licet, nisi per observationes, quas ratio dirigat, hincque præcepta generaliora formet, ad minimum in uno subjecto annotata alteri prudenter ac congrue applicet.

palmaria instrumenta medicorum sunt ratio & experientia.

Et de harum combinatione cunctos medicos sagaciores horumque scholarum, si empiricos & methodicos excipias, inter se convenire, palam est: ut dogmatici nomen jure vix teneat, qui non ratione pariter ac experientia artem colere & facere allaboret: dum secundum eundem *Galenum 3. meth. med. c. 2.* sicut homini bina crura necessaria deprehenduntur, si non tam claudicare, quam ambulare malit, ita medicum, siue ratione, siue experientia destitutum, maxime hæsitare, titubare, corruiere; quinimo artem ipsam sine adminiculis horum conspiratione collapsuram & pessum ituram, me tacentem, omnes fatebuntur, quibus hujus prælegomena a primo tantum limine salutasse contigit. Inprimis vero hoc instrumentorum connubio opus erit in illa medicinæ parte operatrice, a qua nomen potissimum habet, therapia scilicet ac morborum medicatrice, seu per quam medicinam perite facere contendimus. Sub hac tamen disparitate, ut quamvis rerum naturalium inda-

fatentur medici rationem & experientiam requiri,

præprimis in therapia.

gatrici, (quæ meram scientiam sibi pro scopo habet) illa, quæ sensibus deprehenduntur, condendæ ejusve principiis scientificis ac universalibus constituendis, sine rationis adminiculo, minus sufficiant, quod singularia sint: mederi nihilominus satagens, quia individua & illa curat, quæ circa ægros agenda, Amethodicus minime veniat dicendus, qui aliquando experientiam præ ratione colit, i. e. tali quoque remedio, cujus ætiologia destituitur, quinimo quod rationi repugnare videtur, medelam ægri committit.

Interdum præferenda experientia,

quod probatur tum argumeto,

tum errorum auctoritate.

De momentis siquidem Therapeutice decernendi ratio si non falsis, ambiguis ad minimum, freta observatur hypothesibus, & quas in arte non minus nostra ac ejus prima matre i. e. scientia naturali, quotidie variare ac mutari, non sine stupore cernimus. Vnde sane acquiescere non raro cogimur in sola experientia, & de hac in affectuum p. n. curatione certos nihil urget de ejusmodi ratione sollicitos esse, quæ illi undiquaque adaptari queat, ejusve ætiologiam penitus declaret. Adeo ut, etsi hæc in puteo Democriti lateat, aut ab experientia procul recedat, cur tamen rationi ejusve defectui seu ignorantie potius, quam experientie evidentiori, a qua salus speranda, tot ægrotantium expectationem committamus, per sanam rationem asseri minime valeat. Et superat in medicina facienda experientia multis modis rationem sive annuentem, siue renuentem, illique in dubiis decidendis summum arbitrium erit concedendum, a quo ad superiorem aliumve judicem provocare, nemini integrum relinquitur. *Ad agendum, juxta Aristotelem I. metaph. c. 1. nihil videtur experientia differre ab arte ipsa, quinimo videmus, expertos magis id, quod intendunt, consequi, quam illos, qui rationem absque experientia tenent: ac paulo post: Si quis rationem absque experientia teneat, & universale quidem cognoscat, quod autem sub eo particulare est, ignoret, sæpenumero errabit a sanando.* Cui subscribere videtur *Guid. Harvey in the Conclave of Physicians c. 7. & arte curandi morbos expectat. c. 26.* ubi postquam remedium morbis vi methodi applicandorum notitiam in medico supposuerat, sub horum ignorantia vero omnia tam generalia, quam specialia methodi præcepta illuserat, hocque exemplo medelæ Phthysicos comprobat, demum hoc modo concludit: *Et verbo protulerim, quemnam morbo curando magis putabis idoneum? num remedium expertum callentem, medendique methodi nescium, an hujus gnarum? Ne, quod prior naturali methodo instructus ad curandum magis sit habilis, quam posterior, suæ artis methodo indutus, nemo inficias ibit: idcirco remedio apto & experto latente nihil pollet quævis medendi methodus.* Et qui experientia enutriti medendi artem aggrediuntur, semper plus pollent ac feliciores longe observantur illis, qui sublimiore turgent scientia, ut non

immerito nominis celebrioris Belga exclamarit: *Fuge Medicum scientia ple-*
num, & exercitio non probatum?

Rhabarbarum, Gialappam, Agaricum &c. alvum plus minus subducere, *Rhabarbari,*
Medicis æque ac vulgo innotescit, ætiologiam hujus virtutis catharticæ modo *Gialappa &c.*
in vegetabilium horum mucilaginosâ substantiâ, modo resinosa, modo salina, *Sarii effectus.*
quæsi verunt sibi quæ conceperunt materiæ medicæ commentatores: per
quam secundum horum alios in stomachi atque intestinorum velamenta in-
teriora, secundum alios in bilem, humorem pancreaticum, aut in totam
fluidorum massam agunt. Qui cuncti tamen conceptus (difficultatibus va-
riis adhuc involuti) Medicum eordatum a pharmacorum horum usu metho-
dico, qualem habitudo morbi & hujus circumstantiæ evidentiores sugge-
runt, minime deterrent.

Hydrargyri usum internum dissuadere hætenus poterat hypothesis & ra-
tio, quasi minerale hoc virulentia lethifera polleat: per inductionem nihilo-
minus, quam ex frequentiore ejus exhibitione formamus, edocemur, mer- *Mercurii Sir-*
curium non tantum arte chymica præparatum & transformatum, sed crudum *ius.*
quoque atque currentem, interne quam tutissime propinari, sicut lûi vene-
reæ ac lumbricis mederi, humores viscidos efficaciter solvere, epilepticis
opem ferre, abunde constat: quinimo ad uncias plures, sine ullo venenosita-
tis phænomeno, vivum hydrargyrum iliaca Passione pressis propinare, con- *Sunt, qui Si-*
tradicante quamvis ratione, haud verentur illi, qui hoc obstructionem alvi *rum hydrar-*
contumaciorem solvere sibi persuadent. Par fatum obtigit antimonio crudo, *gyrum iliaca*
quod ratione sulphuris sui externi aut cujuscunque demum texturæ, corpori *passione pres-*
nostro exitiosum existere, communiter tradunt, hinc venenis adscribunt. Quia *sis contra ra-*
tamen hoc nocendi argumentum vel per illud experimentum discutitur, quod *tionem propi-*
per calcinationem demum super ignem leniorem factam & sulphuris illius *nant.*
superficialis effumationem, oculis ac naribus operatoris sensibilem, virulentum
& drasticum maxime evadat hoc minerale, usum vero ejusdem minus præpa-
rati tutissimum ac salubrem in diversis sanguinis dyscrasiis experiamur, illa
nocendi ætiologia vix sufficit, ut antimonii crudi assumptionem suspectam
reddat ulli.

Opii vim anodynam & affectibus diversis salutiferam valde, observamus *Opii Sir singu-*
quotidie, & testantur ejus dotes, miranda somni dulcedo, quam nobis concii- *laris.*
liat, dolorum suave levamen, evacuationum p.n. plurium suppressio ac turbâ-
rum variarum sedatio, quæ illius usum consequitur, sudor, quem movet, simi-
lesque vires egregiæ, utut olim per virus stupefactorium illud insectum maxi-
me visum fuerit multis. Quoad modum vero agendi hæsitant ac discrepant
haud

haud parum scriptores, dum alii in potentia condensandi s. congelandi, alii attenuandi, acrimoniam temperandi, spirituum activitatem supprimendi, aut, mavis, horum quosdam per sulphur suum graveolens pessundandi, eum sibi concipiunt. Et ne plura hujus generis medicamina simplicia compositave, numeri forsan infiniti, commemorem, quorum effectus per experientiam multijugam confirmati, ætiologia operandi quamvis incerta ac nondum comprobata, sanguinis missionem in inflammationibus fonticis, e. g. angina, pleuritide, nephritide commendamus & administramus singulis, ejus vero neglectum evidenter exitiosum deprehendimus: digladiantur interim rerum medicarum scriptores, num illa cruoris depletio fluidum hoc & partem inflammatam alterando seu refrigerando, illius stagnationem solvendo, a membro affecto avertendo aut revellendo, seu quacunque demum ratione, salutem impertiatur.

*Sanguinis
eductionem in
pueris & puel-
lis suadet ex-
perientia.*

Sanguinem pueris puellisve educere metuunt illi, quos tot sibi repugnantium scriptorum asserta horumque argumenta ambiguos reddunt, in effectibus ejusmodi, quibus depletionem illam alias congruam praxis quotidiana innuit. Experientia promptissime litem componit, v. g. *Avenzoaris*, qui referente *Averroë* 7. collect. 3. filio suo trimo, aut secundum *H. Augerii* 4. de cur. per sang. miss. c. 3. potius septenni, venam incidit, *Celsi* 2. de re med. c. 10. *Fernel.* 2. meth. med. c. 11. *Valeriolæ* 5. enarr. 3. & 5. obs. 4. & c. quemadmodum ex modernis *Riverii* 5. inst. f. 2. c. 3. ac cent. 1. obs. 82. & 100. it. cent. 2. obs. 29. Cent. 3. obs. 39. & 43. *Walæi* 3. instit. med. c. 2. *Sylvii* de morb. infant. c. 9. atque *Sydenhami* de morb. acut. f. 4. c. 5. ac f. 6. c. 3. ac 5. cui meam propriam jungere liceat, in pueris ac puellis intra sextum & undecimum annum constitutis, pleuritide aliisque symptomatis suffocatoriis oppressis, felici cum successu administratæ, venæsectionis.

*Corallorum
tinctura a
multis sine ex-
perientia ce-
lebratur.*

Corallorum tincturam, medicis multis ac mulierculis nostratibus decantatam maxime novimus a multo tempore, quasi quicquid usus præstet medicamentosi compactius & crudam hoc marinum, sulphuri suo debeat, quod per menstrui vim eductam & ab heterogeneis suis liberatum efficacius in sanguinem & spiritus agat. Et tali garriunt hodiernum diversi ex præjudicio, experientiam in consilium minime vocantes, hinc minus advertentes, pro tinctura hac conficienda parari primo corporis solutionem, quam extractum ajunt, cum aceto destillato similive acido, omni rubedine destitutam, & ex hac demum educi tincturam cum spiritu vini simileve sulphureo rutilam seu fuscam potius: si salugo, a priore & solvente menstruo impressa, per lotionem cum aqua communi ante affusionem spiritus vini exin non fuerit deterfa; secus

secus enim nihil tincturæ provocabit menstruum hoc sulphureum. E. per experientiam & manipulationem pyrotechnicam demum innotescit, nullum menstruo affuso concedere sulphur aut tincturam coralliorum concretum. Cui si fidem adhuc detrectas, experire modo eandem operationem cum coralliis albis, concedent hæc similem colore atque sapore tincturam, quam nemo oculorum usu gaudens & sanæ mentis in illis unquam conceperat, nec hinc sibi promiserat.

Famossæ huic tincturæ aliquid splendoris conciliare videbatur *Lemery Cours de Chymie* experimentum, quamvis idem curiositati potius litare mox subnectat. Nimirum si coralliorum rubrorum fragmenta majora ceræ albæ deliquatæ infundantur, & in calore mediocri per biduum circiter detineantur, corallia rubedinem deponere, hincque ceram flavescere: qualis immersio coralliorum, sublatis semper prioribus, altera ac tertia vice si repetatur, ceram tandem rubicundam magis evadere, semper tamen albescere corallia. Feci hujus rei experimentum & contigit mihi videre rubedinem coralliis perditam ac ceræ impressam. Postquam autem cum albis coralliis eandem institui operationem, ac tandem ceram albam, sine ullo corallorum additamento, ejusmodi digestionem per triduum exposui, similem plane rubedinem utramque ceram induisse, conspexi. Et sic dubius mansi, an a rubedine corallorum ceræ illa tinctura prodierit. Dubius tamen pariter hæreo, cur corallia ab eadem immersione candida evaserint, atque hoc eo magis, quod sub eadem manipulatione & digestionem quatuordecim, ni plurium, dierum alia corallia æque ac ceram colorem naturalem retinuisseprehenderim.

Imo tanta vis experientiæ, etiam popularis, observatur, ut ex in theore- *Magna est his*
mata mere speculativa formare, aut de his motas prolixiores lites brevi com- *experientia*
ponere, per eandem liceat, v. g. Visionem non emissionem, sed receptione ra- *etiam popula-*
diorum ab objectis emanantium fieri. Postquam cætera sensoria cuncta sen- *ris.*
sibilis impressionem recipiunt, nares nempe, aures, lingua cum cute, ac ipse-
met oculus non secus, ac cætera organa, ab incongrua seu vehementiore ob-
jecti impulsu læduntur, v. g. a luce splendidiore, colore rubro; refocillatur
vero ejusque acies intenditur a virore; ne ejusmodi mentionem faciam expe-
rimentorum, quæ sub directorio magis philosophico adornata sententiæ huic
favent.

Et ne prolixior sim in documentis ejusmodi experientiæ Medicæ præ ra- *Historia natu-*
tione faventibus, recensendis, ipsamet historia naturalis frequentioribus phæ- *ralis frequen-*
nomenis scatet, adeo perpetuis, ut sensoria ac mentem de eorum veritate am- *tioribus scate-*
bigere haud permittant: unde emergant, seu quomodo fiant, sub discepta- *phenomenis.*

qua nos do-
cuit experien-
tia.

tionibus philosophorum interim relinquatur, & causarum harum determi-
natio ad nostra tempora deficit, v. g. frigoris, terræ motus, fluxus ac refluxus
maris, germinationis ac vegetationis plantarum & tantum non infinitorum.
Quæ nihilominus sensus adstruunt, & horum certitudo penes nos eousque in-
tegrat, donec contrarium persuadeat alia experientia & quamdiu fateri co-
gimur, parum admodum a priore seu per causas nos scire. Breviter, quid
historia naturalis aliud est, quam experimentorum totidem congestio, de qua
demum & ex qua de horum causis ratiocinamur.

Etiam non in
naturalibus
sensus, in arte
medicæ tamen
experientia
valat.

Ut proin forsan nimis crassa foret philosophia, quam sensus undique
metiantur, nec eo horum acumine præditi simus, quo palpare cuncta quea-
mus: quæ nihilominus sensibus & per experientiam percipimus, si non in
scientia naturali semper, certe in arte medendi illis, quæ sermocinando augu-
ramur, certiora pronunciamus. Et prout genuina de rebus naturalibus ser-
mocinandi ratio experientiæ & communibus sensuum notionibus innititur:
sic quæcunque differit aut agere suscipit medicus, primario ab experientia
depromit; adeo, ut injurius videri possit in sensus proprios, si ad tam longe
petita & abstrusa recurrat ratiocinia in illis eruendis, quorum maximam &
scopo suo primario immediate magis atque efficacius ministrantem partem,
i. e. morborum medelam, mediantibus his acquirit, seu acquirere poterat.
In specie vero ad instrumentorum therapeuticorum, seu medelæ per hæc fa-
cta aut perficiendæ, certitudinem pervenire hand conceditur, nisi per senso-
ria, hoc est, observationes seu experimenta per hæc facta: utpote quæ non
tantum principia artis inchoativa sed confirmantia quoque, sunt: i. e. prima
ejus stamina formant, eademque simul augent & firman, ac artis inveniendæ
pariter atque perficiendæ primum principium & scaturigo existunt.

Experientia
non apud
quemlibet est
infallibilis.

Differt expe-
rientia & ex-
perimentum
fortuitum.

Quia nihilominus experientiæ fidem haud leviter sublestatam declarare vi-
detur Hippocratis I. aph. 1. assertum, quo *πίσταν σφαλέρην* ait, annuentes
offendens non tantum sui interpretes, sed alios quoque artis commentatores,
& per experimenta in errorum devia non raro seducimur: investigare necesse
erit illas occasiones, quibus experientia minus fida & fallax evadat, & pro ha-
rum declinatione maximopere allaborandum. Secus experientia agyrta-
rum imperitiorum seu mere empirica cum genuina seu dogmatica confunde-
tur, & quod incrementum arti, agrisque emolumentum hinc pollicemur, illi
confusionem, his damnum & Medico dedecus pariet.

Qualis disquisitio ut commodius & cum fructu fiat, mox atque primum
discernenda est experientia atque experimentum fortuitum, seu ubi casu &
extra intentionem aliquid fieri per sensus observamus, ab illo, quod præme-
ditato

ditato & consilio fuit adornatum aut expectatum. Prioris exempla infinita deprehenduntur, v. g. quod a dosi mediocri radices gualappæ hypercatharsis eveniat, annotante *Galeno*, vinum viperinum elephantiasin sanat, animadvertente *Panarolo I. obs. 40.* Phreneticus ab imprudenti olei potu, hincque exorto alvi fluore restitutus fuerit: ex largiore hæmorrhagia præter modum refrigeratos calorem pristinum ab ira recepisse *Mæbius Inst. l. 4. part. 2. c. 8.* perhibuerit, & hydropem hæmorrhagia narium immodica curatum penes *Hildanum Cent. I. obs. 50.* legamus. Fœmina marito hydropico mortem acceleratura pulverem bufonum propinando, per diuresin hunc, annotante *Solenandro Consil. med. f. 5. consil. 15. obs. 10.* sanat, quem ex veneno perituum sperabat. Aquæ liberaliore potu eundem morbum præter omnem opinionem solutum, *Benivenius de abdit. morb. caus. c. 12. & Langius 2. epist. 12.* tradunt, vertiginem chronicam nullisque remediis cedentem gravi in caput lapsu, hinc hæmorrhagia profusiore discussam *Loffius 1. obs. 8.* narrat.

Cujus generis tamen observatis artifex prudens inniti, hincque experientiam genuinam seu dogmaticam sibi formare, haud poterit: nisi quatenus eorum unum alterumve occasionem subministrat, studio & consilio similia tentare seu imitari, quæ casus primum innuerat, v. g. bufonum pulverem non venenosum, sed in expellendo lotio salutarem, existere; Vertiginosis sanguinis missionem aliquando prodesse. Cunctarum vero ejusmodi observationum ratio minime habenda, v. g. ad iram vix concitandi ex immoderatiore hæmorrhagia refrigerati, ne hac ratione in periculum præsentaneum magis conjiciantur: multo minus hydropicis ideo largior potus concedendus, quod hunc vel illum ab eo fluorem alvi extraordinarium, salutarem tamen, expertum fuisse, *Benivenius & Langius* tradiderint.

Secus comparatum est cum experimentis medicis, studiosius & præmeditato institutis, occasione sc. observationis casualis, aut præcedaneæ cujusdam ratiocinationis, quæ ad tentamina, si non pro illius imitatione, certe pro examine alterutrius accuratiore, nos ducant, v. g. dum sanguinis missionem in vertigine proficuum judicamus, quod per hæmorrhagiam, ex lapsu concitatum, symptoma hoc discussum legamus: Si quis gualappæ pariter minorem dosin aliis quoque subjectis propinet, ejusque effectum tentet Et postquam *Galenus II. de med. simpl. Cap. II.* binos a vino, in quo viperæ per negligentiam suffocatae, ab Elephantiasin fortuito sanatos enarrarat, porisma hoc subnectit, multa casu inveniri & imitatione confirmari: Sicque Elephantiacis, Leprosis aliisque sanguinis dyscrasiis enormioribus correptis medicamina ex viperis confecta singulari emolumento esse, cognoscimus. Abdomine Asciticorum fortuito

Ea, quæ fortuito fuerunt sanata imitari non suades genuina experientia.

Experimenta medica præmeditato sunt instituenda.

perforato agros a sarcina tantum non suffocante aliquando liberatos fuisse, ex *Paschali*, *Valleriola*, *M. Donato*, *Fieno*, *Rouffeto*, *Rhodio*, *Meckren* aliisque innotescit: hincque non inepte cum antecessoribus sagacioribus, in specie *Fieno*, concludimus: Si casu facto vulnere, & aqua effluente, agri curantur, cur non & nos artificiali vulnere facto id imitari poterimus, & simili ratione etiam curationis spem expectamus?

*Casendum, ne
imitemur ea,
quæ sunt casu.*

Contra quemadmodum hydropis incrementum potus abstinentiam imitari, oppido & ex *Dodoneo*, *Hollerio*, *Panarolo* *Riverie* &c. constat: ita paradoxum valde ac minime imitandum erit hoc morbo decumbentibus, quod in quibusdam contigisse idem *Dodoneus obs. 116. Schenck. obs. p. 437. ac Panarolus pent. 2. obs. 24.* annotarunt, quosdam hydropicorum uberiore potu eludatos esse. Per accidens siquidem & casu mere fortuito tale quid evenisse, probabile fit, quatenus in ægotantibus his per rupturam umbilici, diarrhæam atque hæmorrhoidum fluxum, liberiore aquæ haustu concitatos affectus, præter omnem expectationem causa hydropis eliminabatur, quale quid amulari haud datur. Ex Hydrope quendam narium hæmorrhagia ad syncopen usque enormiore; alium incisione venularum in digitis annularibus facta, evasisse, *Hildan. I. obs. 50. & 60. obs. 41.* refert: Sanguinis tamen has evacuationes, casuales mere, imitari, rationi haud consentaneum videtur, nisi forsan in morbo recente, & cui suppressio mensium aut hæmorrhoidum occasione extiterit. Postquam ipsemet *Hildanus 6. obs. 92.* ambigit, numne potius remediis cæteris, ante venularum hanc sectionem administratis, quam huic, solutio illa Hydropis adscribenda veniat? Contingit non raro per errorem gravidis cathartica potentiora & frequentiora propinari, citra fetus & gestantis ullum damnum, quinimo feliciore subsequente partu: ast nemini suasor essem, huic, quasi experimento fido, inniti, & simile quid scienter suscipere, ne homicidium perpetret; nisi summa forsan urgente necessitate ac circumstantiis quam optime ponderatis.

Fortuitis ejusmodi experimentis, quorum rationem medicus dogmaticus minime habere debet, accenseo haud sine ratione crapulam, seu incongruorum ciborum longe ultra satietatem devorationem, & vini largiorem potum, quibus nihilominus, per propitiam magis fortunam, a quartana contumacissima quosdam liberatos, *Beniven. de abdit. morbor. caus. c. 59. & amat. Lusit. cent. 2. cur. 42.* tradunt, quorum tamen ineptias imitari forsan periculo plenum. Cujus generis pariter sunt, quæ *Zacut. Lus. 3. pr. admr. obs. 125.* de viro quinquagenario refert, qui sudorem frigidum molestissimum perpeßus post usum remediorum infinitorum irritum, demum vinum generosum ad ebrie-

ebrietatem usque insanientem potarat, hinc obdormiscens sanus omnimode evaserat; remedium inveniens fortuitum in eo, quod aliis forsitan usurpare sine periculo evidente vix liceret.

Accedit, quædam ejusmodi casualium experimentorum nulli arti æmulari concessum, omnes quamvis intenderet vires v. g. ex *Ephemer. Nat. Cur. Decur. I. ann. 2. obs. 161.* constare poterit, a vulnere arteriæ eruralis metuendam hæmorrhagiam lethalem ad decimum quartum usque diem a grumo sanguinis, tanquam obturaculo firmiore, in quodam fuisse inhibitam. Cui simile dici poterat a me alias observatum, sc. vulnere venæ iliacæ internæ particulam pinguedinis vicinæ, ab ense perfodiente simul laceratæ & quasi avulsæ, adeo incuneatam me in sectione cadaveris deprehendisse, ut sanguinis profluxum, sine dubio brevius mortiferum, ad decimum tertium usque diem sufflaminaret, hinc vulnerati terminum fatalem prolongarit; a nullo chirurgorum sagacissimo quod sibi promittere poterat.

Casualia experimenta non sunt æmulanda, licet omnes quis adhibuerit vires.

Ambiguae pariter fidei non raro deprehenditur experientia aliorum, observata numerosiora hinc inde, vel in scriptis, vel coram, crepantium: quibus sane haud undiquaque fidendum, ni falli ac fallere malimus. Perinde equidem videri poterat, siue propria, siue aliena in medicina facienda innitatur experientia, quandoquidem propter infinitam rerum varietatem cunctis omnia tentare haud conceditur: hinc aliorum quoque observatis assentiri, haud adeo absurdum, modo fidem mereantur. Quia tamen pro hac disquirenda ac comprobanda eadem experimenta repetere opus est, sicque illa demum a tentaminibus nostris s. propriis firmantur & aliorum foetus nostris disquisitionibus adaptantur, seu aliena experimenta hac ratione nostratia evadunt: sine dubio firmitus illa nos scire, in propatulo est, quæ ipsimet vera fallaque deprehendimus.

Aliena experimenta facere nostratia cautius procedendum.

Nullius equidem fides adeo facile suspecta mihi unquam erit, quasi falsa pro veris obtruserit, aut adhuc obtrudat: quin tamen figmenta fictave quotidie offendamus, quæ pro certis ac veris ex aliorum ore & calamo haurimus ipsi cum agris nostris, nemo praxi operam dans inficiabitur, nisi se nunquam errare, sibi abblandiatur. Haud deficiunt rei medicæ commentatores, quorum observationum fides vix omnino canonica visa fuit sagacioribus, v. g. *Plateri*, de qua haud injuria interdum dubitare licere *Conringius* introducit. in *art. med.* concedit. *De Amati Lus. Curat.* eadem est sententia *Fuchsi Cratonis Matthioli*, atq; *Conringii*, & quidem *Cratonis* in *præfat. ad Fernel.* his verbis: *Plura conficta, quam facta illum scripsisse & interdum opiniones suas isto modo comprobare voluisse.* Quale quoq; de *Zacuti Lusit. Historiarum opere* judicium ferunt idem *Conringius*

Sæpe figmenta audimus, le- gimus & offendimus.

ringius alique, eum nimirum fuisse hominem gloriosum, aliorum medicorum observationes suas fecisse, & , ut speciem aliquam haberent, casum aliquem affinxisse, qui æger ac hujus affectus vel nunquam in rerum natura extiterit, vel in loco incognito plane vixerit. Imo ut aliquid gloriolæ sibi conquiret, in locis universis ita se gessisse, ut ejus observationes quemlibet facile de earum veritate ambigere urserint. Quinimo de medicamentis a *Sennerto* in pr. commendatis *G. H. Welschius* in annot. ad *Walai meth.* ait, ea nunquam felici successu tentata fuisse.

Paradoxi casus in voluminibus medicis non sunt proberis habendi.

Et sane infiniti morborum paradoxi casus in voluminibus medicis hinc inde leguntur, quales forte neminem unquam mortalium, præter illius, qui eos somniavit aut finxit, cerebellum, infestant, solius vanæ gloriolæ aucupia: quibus si mox subscribat credula mens eodemque cum admiratione admittat, quia facile credit, facile decipitur. Hujus generis, i.e. paradoxas admodum, si non falsas ac fictas, declaratas novi a quibusdam viris multæ peritici ac fidei, *Poterii observationum centurias*, in quibus nempe usum catharticatorum & sanguinis missionis inutilem ac noxium in plerisque casibus ait, paucisque specificis rebelles maxime morbos brevi se profligasse, jactitat, v.g. sulphure metallorum, arcano vitrioli, antihectico, specifico stomachico, decoctis nonnullis levioribus &c. Peslime de hoc scriptore sentit *Gv. Patin part. 1. lett. 1.* his verbis: *Ce Livre est plein de mauvais remèdes, de vanteries de faussetes & plait à Dieu qu'on n'ait jamais rien imprimé de telle sorte &c.* Quibus equidem ex asse aditipulari nolo persuasus nihilominus per observationum illarum imitationes tentativas frequentiores, vix tanti æstimare valeo remedia ac methodum *Poterii*, quanti quidem ipsemet ea proclamat.

Observationes commentariorum multum sibi contradicunt.

Ne dicam, observationes, quas commentarii ejusmodi venditant, aliorum medicorum experimentis quam evidentissime repugnare, imo experientiam trivialem sibi contrariam offendere: adeo, ut mens vel contradicentium scriptorum lectione percussa, vel propria experientia subacta, hæreat maxime in evolvenda rei veritate. Facile mihi foret ejusmodi contradicentium documentis multifariis assertum meum comprobare, nisi de his conqueri constaret medicos cordatiores plurimos v.g. dum hic in malignis, variolis &c. purgantia, vomitoria, venæsectionem suadet; alter eadem remedia damnat, uterque suam allegat experientiam, utri horum fidendum, ambigit lector prudentior. Vnicum tantum hujus generis experimentum contradictorium nunc suppeditet pleuritidis medela, in qua sanguinis missionem omnino necessariam atque proficuum testantur plerique practicorum, *Helmontius* irridet ac rejicit; sæpius quoque eadem nos superfedere posse, *Sylvius* innuit.

Qui-

Quibus jungo *M. Rulandum* agyrtarum forsan & Thraſonum inter ceteros non poſtremum, qui pleuriticos plurimos ſine ulla phlebotomia, aut tardius ſaltem & tertio vel quarto demum, a prima invaſione, die, pro complemento quaſi ultimo medelæ, & pro confirmanda, ut loqui amabat, valetudine adminiſtrata, ſolo quodam cathartico, leni diaphoretico & bechico ac limimento ſanitati ſe reſtituiſſe, *Curat. empir. L. 2.* multis obſervationibus comprobat. Sanguis E. an in lateris dolore mittendus ſit, an ſecus, hæſitat practicus junior, experientia propria nondum confirmatus; niſi incidat in ejusmodi ſcriptores, quorum experimenta ab aliis comprobata intelligit.

Circa purgantium & emeticorum in eodem morbo uſum quantum non inter ſe diſcrepant experientiæ hincinde productæ? formidant eum experti plerique medicorum, legere datur alios, v. g. *A. Salam, Hartmannum* & proxime nominatum *Rulandum*, qui maximam & efficaciorẽ ejus curæ partem in catharticis ἀνω æque ac κάτω ponunt, & prioribus ſuam experientiã opponunt, earumque fidem valide concuſſunt. Quod quidem inprimis poſterior egit, tantum non infinitos numerando pleuriticos, quibus maximum & præſentaneum remedium illa extiterint. Quinimo idem quaſi præſaminis loco catalogo ſuorum ægrorum hiſ ſanatorum l. a. præfixit quaſtionem: *Virum in Pleuritide purgandum?* hanc affirmative decidit prolixius illorum argumenta cribrando, qui purgantia pleuriticiſ offerre verentur. Sicque adverſari videtur paucorum experientia plurium practicoꝝ obſervationi.

Circa purgantia & emetica inter ſe diſcrepant medici.

Qualibus tamen ſimilibusque aſſertis experimentalibus minus fidis ne lectori nimis moleſtus ſim, ſermonem contraho ſub exiliore monito: Experimentis non undique confiſdendum aut incertos rumores captandos, aut fabulis pondus ſtatim addendum eſſe. Et incremento artis medicæ proficuum maxime foret, ſi juxta *Celeberrimum Schelhammerum* in notis ad *Conring. Inſtrod. ad art. med. Viri exercitati & cordati, qui in curandis morbis conſeſcunt*, quid experientia ſua confirmatum viderint eorum, quæ ab autoribus commemorantur, remediorum, nobis impertiant; quidque expectationem ſeſcillerit. Satis enim ſuperque nobis eſt medicamentorum, ita, ut laboremus uberate, ſelectioni itaque ſtudentum, non ſimplici collectioni. Hoc enim pacto futurum eſt, ut illa, quæ memorata nobis eſt, per experientiam curandi ratio, unice excolatur, adeoque habituri ſimus mox utramque viam expolitam & a ſenſibus & offendi- culis repurgatam.

Quod in ſpecie ac præprimis applicandum videtur proceſſibus ſic dictis In proceſſibus ſpagyricis, quibus tot volumina ſcatere, quos frivole compilari, nunquam tentatos exſcribi & tranſcribi aſ pro veris venditari, ad nauleam innotefe- mini conſiderare. Expe- diunt.

Experire modo horum manipulationes, frustraneum omnem, quem impendis, laborem sumtusque offendes, ac temetipsum irridebis, quod tantum hactenus iisdem confusus fueris. Obstupefcit sane mens veritatis cupida, nubem pro Junone si arripiat, si Doctores artis adeo falsiloquos deprehendat: atque hoc quidem non in arduis ac mysticis magis tantum, sed vilioribus quoque ac trivialibus omnimode. Evolvam quæso *Begvinum*, *Quercetanium*, *A. Salam*, *Agricolam*, *Schræderum* aliosque Syntagmatum spagyricorum compilatores, quot non experti, ut ajunt, fixationes hydrargyri, eductiones mercurii antimonialis, auri, antimonii, corallorum &c. solutiones radicales atque extractions seu tincturas, vegetabilium quintas essentias similiaque arcana & astra a se eruta & parata tradunt? ad quorum tamen confectiorem secundum illorum chirargogias si te accingas, eadem quoque magno studio & labore suscipias. vana falsaque cuncta experieris, teque vel hoc ipso errasse fateberis, quod fidem ejusmodi præscriptionibus pomposis satis, concesseris & per harum bona fide tentatam elaborationem carbones cum tempore triveris.

In tinctura
corallorum
inter se multi
differunt.

Vix opus præsumo, talia prolixius recensere, nec ullum aliter judicaturum confido, qui operationum spagyricarum levi tantum pollet peritia: bina tantum hujus generis innuisse, sapienti sat erit. De tinctura corallorum vulgus cum *A. Sala*, *Tenzelio* & *Agricola* ita sentit, quasi pari ratione, ac in moscho, dempto odore, præter cadaver nihil restitet, tinctura hæc totum formale concretum hujus marini foret, quo educto reliqua ejus substantia susque deque habenda veniat. Cuncta nihilominus menstrua, confectiioni ejus hactenus a scriptoribus allegatis destinata, nihil omnimode præstare, sagaciorum docent tentamina: adeo, ut ipsum *Langelotum*, cum in vivis adhuc esset, de tinctura corallorum, quam cujusque menstruum ex tartaro & vitriolo *Schrædero* communicaverat, sibi que olim familiarissimam habebat, erubuisse ex literis ejus, noverim. Simul tamen illos Medicos miror, qui in tinctura corallorum omnem horum efficaciam ponunt, hacque deterfa, cadaver & caput mortuum sibi persuadent, remanentiam, solutiones, salia & magisteria eorum in morborum medela nihilominus tanti æstimare atque commendare: ne illa repetam, quæ de tinctura hac umbratili superius monui, experientiæ genuinæ multum derogantia; neque ipsam corallorum horumque tincturæ virtutem, vulgo adeo deprædicatam in dubium vocitem, de qua re inferius agam.

Modus quin-
tam essentiam
conficiendi
traditur sal-
sus.

De primo mineralium, gemmarum, herbarum & liquorum ente seu quinta essentia, quæ non promittit *Th. Paracelsus Archidox. 4. ac de Renov. & Restaurat.* ubi etiam modum hanc conficiendi tradit: aut obscurum tamen satis, aut falsum, in hac describenda & efficacia ipsi designata spagyrum hunc

magnum deprehendet quilibet, qui manu ductionem ejus amplectitur. Hujus loci tantum sit primum ens vegetabilium, Chelidonii v. g. majoris, melissæ &c. & quidem vel ideo potissimum, quod a sectatore ejus strenuo, *le febure chym. part. 2. l. 2. c. 9.* illius parandirationem & virtutes renovativas ac restaurativas prolixius recensitas legamus, neutrum tamen desiderio ac conamini nostro respondere observemus. Olim aliquando ex melissâ tale quid magno studio & ad præscriptionem dicti *le febure* conficere allaboravi, ast in vanum egi, nec adeo felicem reddi mihi contigit, ut liquorem ab illo commendatum, hincque primum plantæ ens, viderim. Recordor quondam, cum Londini degerem, virum hunc, chymistam multæ experientiæ; ast qui nugis Paracelsi pronas & laxiores aures præbebat, hinc per illas facile falli poterat.

Dum enim hic I. Renovationem corporis humani simili circiter ratione se habere contendit, ac in arboribus annuatim fiat, quæ vegetatione annua absoluta, seu floribus, fructibus & foliis decidentibus, exantlata bruma, horum nova denuo proferant: II. Halcyon avis, victu vegetabilium, quæ primo ente maxime turgeant, enutrita, itidem quotannis renovetur: his III. *le Febure* renovationem serpentis ac cervi annuam addit; quod postquam ille per menses hyemales in latebris certis absconsus degerat, has vere linquens & germinibus plantarum recentibus vascens exuvias pristinas deponat, novam splendentemque cutem ac sub hac novam vivacitatem & agilitatem adipiscatur; Cervus vero eodem verno tempore cornua pristina & exsucca deiciat, ac horum loco nova, succulentiora & vitalia magis erigat, nova nimium & uberiore alitura, dum hyeme superato fruatur. Decipitur uterque horum cum texturam & idiosyncrasiam specierum minus discernit, ac quod vegetabilibus ac quibusdam animalibus proprium, ad hominem perperam applicat. *Non bene facit, qui id, quod animalibus proprium habentibus applicat.* Habent quædam plantæ cum arboribus vegetationem ejusmodi intercalarem sibi propriam, existunt earum aliæ perennes, aliæ annuatim per-
eunt, & ex novo demum semine progerminant: proin quemadmodum ab una harum specie non ad alteram quoad singula phenomena, ita nec ab iis ad hominem concludere licebit; cui nempe natura ejusmodi constitutionem restauratoriam haud concessit. Habent porro animalia functiones & mutationes plerasque inter se communes, non tamen quasvis, v. g. dum bruta statis saltem temporibus turgescentia venerea urgentur, homo nullo non tempore, modo sanus, orgasmum hunc percipit. Nec ab alio animante ullo, secundum naturam constituto, præter cervum ac serpentem, quamvis forsan iisdem germinibus vernis, quæ primo illo ente restaurativo scatere supponunt, vescantur aliquam sui partem deponi, illudve renovari ab historiæ naturalis scriptori-

ptoribus annotatum legimus: frustra E. tale quid in homine, quacunque demum vegetabilium essentia seu ente fruatur, expectabimus.

*Potentiam re-
novatoriam
primi entis
comprobare
quidam sata-
gunt.*

Paracelsus quidem potentiam hanc renovatoriam quintæ essentia seu primi entis v. g. melissæ hinc comprobare satagit, quod ab ejus per aliquot dies usu ungues, capilli, cuticula decidant atque evidenter restaurentur; & ejusdem *Promachus*, aliquoties nominatus, triplici experimento illum levare contendit, cujus nullius tamen testem ex visu, sed ex auditu tantum, se profiteretur. Nimirum amico cuidam, postquam per quatuordecim dies singulo mane hoc remedium restaurativum cum vino assumpserat. Ungues manuum ac pedum sponte secessisse: eundemque, cum ancillæ sexagenariæ per decennium idem propinavit, huic fluxum menstruum restituisse. Tandem postquam grana frumenti, hoc mysterio imprægnata, gallinæ veteri in alimoniam exhibuerit, post octiduum circiter eam plumas suas omnimode perdidisse, postmodum novas ac elegantiores eidem cum crista succrevisse & in ponendis ovis fertiliorem ac olim se gessisse. Minime tamen hæc experimenta omnino ancipitio destituuntur, ut penes omnes emunctioris natis mox assensum inveniant. Fides sit penes autorem! Quærerem saltem ab hoc, &, qui ejus experimenta referebat, *le Febure*, cur talibus visis eadem non in aliis subjectis reiterarint, sicque rejuvenescentiam & renovationem penes plures homines ac bruta præstiterint? postquam hic imprimis manipulationem hujus remedium adeo exacte noverat & descripserat: simul vero concludo, chymiam fraudulentam seu deceptoriam maxime existere mechanicam, si non singulis, certe incautius cum illa agentibus, alias quamvis peritioribus, prout inferius forsitan constabit, maxime proficuum.

*Boyle experi-
mentum veri-
tatis minus re-
spondet.*

Addo his unicum adhuc a *Boyle*, experimentatore alias sagacissimo & fidelis, traditum; quod quamvis theoriæ potius litare videatur, forsitan tamen nec omni usu practico destitui, alia occasione patefcet. Perhibet nimirum *Of the Usefulness of Experimental Philosophy part. 2. Essay 5. s. 1. c. 4.* se ope spiritus vini notabilem cruoris extravasati quantitatem diu satis in fluiditate naturali conservasse: aliud nihilominus quemvis docebit propria experientia, eundem sc. cruorem vena incisa eductum a spiritu vini mox condensari & in grumum spissiore ac compactiore cogi. Proin phænomenon, viri illius celeberrimi, veritati minus respondere, citra ejusdem injuriam, profiteri haud vereor, postquam eundem *Histor. Sangv. hum. p. 29.* testatum legi, grumum sanguinis a sero suo separatam adhuc molliorem spiritui huic sulphureo dephlegmato immersum, intra aliquot horas duritiem evidentem induisse.

Ast quo demum liqueat, nostratia quoque seu propria & studiosius ador- *Propria ex-*
 nata experimenta aliquando minus fida existere & nostrammet expectatio- *perientia nos*
 nem frustrare, vel quatenus haud decenter ac minus circumspecte admini- *sape frustra-*
 strantur, vel quatenus hinc porismata incongrua formantur, horum quædam, *tur,*
 horumque fallendi occasiones adjicere e re duxi, ex quibus, cur, quod casu
 observare contigit, aut ab aliis nobis communicatum, non eadem ratione
 successerit, aut forsan olim propria experientia observatum & confirmatum,
 nostram nihilominus spem alio tempore fallat? innotescere queat. Sicque
 fateri compellemur, non adeo facile perfici posse in rebus medicis experimen-
 ta, quod annotante jamdum Hippocrate, de loc. in hom. t. 50. Medicina & nunc
 & statim non idem faciat, & hæc etiam contraria sibi ipsis &c. Atque hoc qui-
 dem non tantum, quod unus idemque morbus a causis diversis generetur,
 hinc disparia quoque remedia exigit; sed quod ab ægrorum forsan constitu-
 tione & textura varia virtus eorum non parum immutetur, supprimatur aut
 exaltetur, per temporis quoque momentum vel solum in eodem infirmo &
 morbi genere variet illorum successus. Quos proin perpetuos & indubios,
 qui edisserere mallet, sibi aliisque frivole imponeret, falsa quoque theoremata
 sine dubio ex fictilneis & infidis experimentis eliceret: unde lectorum minus sa-
 gacium industria facile corrumperetur, simulque propriæ famæ vis inferretur.

Bina hujus generis exempla in scenam producit Boyle de infid. experim. suc- *Quod ipse*
 cessu, alterum de pulvere ac unguento sympathetico; alterum de radice *Boyle fatetur,*
 pœconiz: quorum illa a se feliciter administrata complures equidem medici *imo adhuc alii.*
 alique viri graves meminerint, ac se quoque propriis sensibus eorum effica-
 ciam percepisse, aliquando ipsemet crediderit, multorum nihilominus suam-
 que expectationem etiam aliquando fefellerint. Minime tamen hinc se af-
 firmare contendere, hæc remedia sympathetica nullam unquam virtutem me-
 dicamentosam exerere: interim an tales effectus perpetuo præstent, aliis cre-
 dendum relinquere. Quod observationem de pœconiz radice concernebat,
 a medicis æque antiquis ac modernis tanquam epilepsiz amuletum certum,
 enixe eam quidem fuisse commendatam, ab aliis nihilominus inutilem ac
 nullius virtutis deprehensam. Quibus plura paris incertitudinis ex modo ab-
 leg. Hippocr. subnectere possem, alvum v. g. subducentia non in omnibus, nec
 semper, idem officium solvendi præstare, aut ex quotidianis & tantum non
 trivialibus observationibus innumera hujus generis, quæ ægris propinata, aut
 foris applicata statos ac similes effectus haud promunt. Verum ne prolixita-
 te molestus lectori evadam, momenta generaliora, quibus experimentorum
 therapeuticorum fides dubia reddatur, paucis tantum exponam, recensendo

potiores occasiones, quibus in experientia medica facienda & applicanda incautior quilibet errare poterat.

Cur vero medicina non
suum effectum
praestet, causa
est, quia non
omnes circum-
stantia obse-
vantur.

Sc. cum experientia, annotante, *Panarolo pentet. 2. obs. 20. non in eo tantum consistat, ut quis in arte consenscat, sed dum quis lynceis oculis omnia videt, omnia observet, quae faciunt ad rem*, illi in experimentis faciendis maxime hal-
lucinantur, qui non cunctas horum circumstantias circumspicere satis ad-
vertunt, v. g. pulsus intermittentem, quem aliquando in hoc vel illo individuo
sive integræ, sive fractæ valetudinis observant, mox & semper præternatura-
lem judicant. Postquam eadem observatione constat, senibus, quibus ipsa
senectus morbus, quemadmodum scorbuticis, pariter, saepe per plures annos
sine notabili detrimento trahi ejusmodi pulsus. Cujus posterioris singulare
exemplum tradit *Pechlinus l. 2. obs. 7. in Titio quodam, qui præter alia sym-
ptomata graviora pulsus modo quinto, modo decimo quovis intervallo, modo
serius, idque tota æstate & horis maxime pomeridianis, intermittente corri-
piebatur, sine virium & causarum suarum valetudinis evidentiore dispendio. Et
ipse met *Galenus jamdum de præcogn. ad Posthumum cap. 14. Pulsus deficientem
aliquando nihil omnimode præternaturale fovere, & a prima ortus origi-
ne talem existeri tradebat: cujus occasione *Zacutus Lusit. 2. de med. princ. hist. 44.
in prædicendo Medicos cavere suadet, ne tale phaenomenon deprehendentes
de valetudine recuperanda mox desperent. Quod singulari exemplo *Iterius
L. 1. obs. de cur. febr. malign. comprobatur cujusdam febre summe maligna labo-
rantis in quo licet pulsus intermittenter ac demum caprizantem observare,
hunc tamen soli prognostico minus linquebat, quinimo remediis congruis re-
stituebat. Sicut & ego viri cujusdam nostræ Civitatis primicerii recordor cu-
jus, etiam optime valentis, adeoque secundum naturam, pulsus ordinarie in-
termittebat, commode tamen & pancreaticæ alias ille valebat.****

Suppuratio
potest esse tum
in pulmonibus,
tum in aliis
partibus.

Quod *Aëtius tetrab. 2. serm. 4. cap. 65. perhibet, quosdam sine febre
suppurascere, illud in pulmonibus ac aliis partibus aliquando evenire,
animadvertimus, i. e. in his toties abscessus, sine febre ac inflammatione præ-
cedanea, si non omni, certe evidente, generari. Quod quidem paradoxum
comparat illis, qui canoni triviali inhaerent, quasi sine inflammatione nulla
metuenda suppuratio, fallere tamen hunc & experientiam, cui suffulcitur,
quandoque per cadaverum lustrationem convincimur, in horum visceribus
inertum tale quid cernentes, quod in corpore vivo nulla mentis acie omina-
ri licebat.*

Fallit pariter hos experientia, quam jactitant, qui crebriorem usum hu-
jus vel illius medicaminis in certis affectibus crepant, minime tamen atten-
dunt,

sunt, num frequentiori huic usui salus frequentior responderit an potius hanc fingant: Hoc est, non nosse, seu asserere, sufficit, nobis in frequentiore usu existere atque per totidem annorum praxin extitisse hæc vel illa, in his illisve morbis, pharmata, nisi simul de salute multijuga, quæ illum exceperit, audacter testari valeamus, frustra forsitan nos talia frequentius propinasse, testante experientia fida magis. Distinguere moris est in scholis Medicis inter morbos curare & sanare, & quidem nervose satis: pariter & ex eodem fundamento aliud erit, magno studio & promissis liberalioribus suadere & applicare medicamina, quæ efficacie desiderata credimus, ac ægros virtute eorum sanari & a morbis cluctari, quod frustra non raro expectamus.

*Distinguunt
medici inter
curare & sa-
nare.*

Exemplo mihi sit sanguinis Hircini pulvis veteribus pariter ac modernis. *Sunt qui pul-*
in calculo renum ac pleuritide quotidiani usus, in specie vero quibus *Helmontius*, *verem sangui-*
tanquam infallibile, posterioris cruciatus confestim sopire ac sanare, tradidit. *nio hircino pro-*
Abnuunt nihilominus experimento huic *Boyle de util. philos. experim. part. 2. §. 1. cæculo renum*
Essay. 5. c. 4. ac du Hamel de affect. corp. Lib. 2. c. 1. ambo testatum facientes, *frustra* *habent, aliqui*
frustra non raro id remedium genus exhiberi: confirmant alii, hoc Pleuriticis raro
adeo feliciter cedere, ac *Helmontius* quidem jactitaverit. Nec tantum dis-
criminis intercedit præparationem cruoris hujus secundum officinas vulgares,
quarum cavillatores nihilominus strenuum *Helmontius* hinc inde, in primis
Pharmacop. & dispensator. modern. atque in verb. herb. & lapid. magna est vir-
tus, se exhibet, ac præparationem, quam *Helmontius* adornare jubet. Offici-
na ex arteriis animalis tantum eum eliciunt, secus ac *Helmontius*, qui arterio-
sum & venosum confundit, e vasis testiculorum spermaticis arteriosis ac veno-
sis eundem colligens: ex quali circumstantia communis modus huic forsitan
potius, tradente ipso castigatore, anteponendus foret, & quidem eo plus,
quod dispensatoria hircum appropriatis herbis per mensem enutriendo in vi-
ctimam commodiorem præparent, quod *Helmontius* negligit, utat in deligan-
do & sacrificando eodem aliquas commendet ceremonias nullius momenti.

Ejusdem generis sunt alia infinita dicta euporista, quibus longior ac ere-
brior usus per totidem etiam secula insignem equidem auctoritatem concilia-
verat, effectus vero expectationi minus respondens, eadem illa denuo exuerit.
Ex modernis & meæ ætatis compositionibus saltem producam duas famosi-
res nec villicis ignotas, tincturæ nimirum Bezoardicæ ac pulveris specifici ce-
phalici, in malignitate febrili subigenda & epilepsia discutienda infallibiles
olim creditas; penes illos in primis, qui ex harum confectioe luterum capie-
bant. Quibus multum favebat plebis incautionis præceptum ac superstitiosus as-
sensus, cui in more positum est, promptius illorum garrulitati subscribere, qui

*Tinctura Be-
zoardica olim
arar infallibi-*
lis.

sua præ cæteris extollunt, eamque vana spe uberrime lactant. Nos interim, quibus olim & hæcenus remediorum horum in affectibus, quorum medelam certissimam ac crebriorem hinc promittebant alii, in ægris nostris adeo frequentem experiri felicibus esse non contigit, prædecessores per experimenta sua deceptos fuisse, arbitramur ac dolemus.

*Ægri multis
pharmacis
non sunt sati-
gandi.*

Cujus pariter fati, ni fatuitatis, dicendi, qui prolixo ac vario nimis medicamentorum apparatus ægros fatigant, simulque aut in sui, aut pharmacopolarum emolumentum eorum crumenas emungunt: toties hos visitando illa tantum non in horas mutantes, quamvis medelam ipsam admodum confuse & vix unquam ex artis lege tractent, i.e. modo cathartico, modo diaphoretico, modo resolvente, modo condensante, modo acido, modo alcalico seu urinoso eundem morbum aggrediantur, tempus interim ac nummos terunt: ita, ut morbo aut per bonam fortunam, at naturæ virtutem superato, quid egerint & cui medicamentorum propinatorum salutem ægri nuncupent ipsimet nesciant: fato potius, quam remediis eventum salutarem; contra funestum suæ ruditati præ morbi violentia qui adscribere debebant. Non raro vocatus cameras eorum subii, quibus per aliquot jamdum dies antedecaneos alius Clinicus sedulus magna cura adstitit (hätte allen möglichen fleiß angewendet) obstupui mox primo ingressu vastitatem & multitudinem lagenularum, pyxidum, icatularum, chartularum &c. vel omnino jamdum, vel vix ad medietatem, brevi medicamentis evacuatarum: ut mei officii & necessitatis crediderim, non tam plura & nova commendare ac præscribere, quam luxuriam pristini medici ac gulositatem miseri decumbentis, omni studio reprimere, & ut ille cum hoc mitius agat, suadere.

*Dubia sunt
experimenta
therapeutica,
per magnas
compositiones
adornata.*

Dubia pariter evadunt experimenta Therapeutica per magnas compositiones adornata, non tantum, quod harum, officinalium æque ac magistrali-um dictarum, magmata ex ejusmodi aliquando simplicibus congerantur, quorum pauciora forsitan scopum feriant; quinimo unum horum alterius, primarii etiam vis, virtutem obtundat, castret ac destruat: sed ignarum quoque dimittant sui administratorem, cui inprimis simplicium emolumentum ac noxam in acceptis referat? sicque confusæ earum ejusmodi mixturarum & longarum formularum usus impedimento existat, vires simplicium medicamentosas accuratius disquirendi ac dignoscendi. De cætero a compositionibus ejusmodi vastis non raro evenit, ut, dum præter illa, quæ prædominantis virtutis, & quibus intentioni nostræ atque morbi indicato inprimis litare studemus, alia adjiciuntur, quæ vel ratione individualis antipathix, vel ex quacunque causa, magis latente, in corpore, cui mederi malumus, seminia ignota, aut causas

ante-

antecedentes aliorum seu novorum pathmatum concitent ac commoveant, quinimo ex remediis aliquando venena evadant.

Nolo lectori decoctorum longiorum, electuariae completorum ac specierum magnarum memoriam refricare, quibus antiquiores superbiebant Medici, scatent eorum ac nostra dispensatoria, formant hodiernum aliquando talia, qui emunctioris nihilominus nasci videri gestiunt, postquam pauciorum simplicium concursus minus pensitatus pariter nos in experimentando decipere poterat, v. g. acidum lixivioso aut terreo confundentes. Commemorare hic congruum, ni fallor, erit, tradente Boyle l.a. ex narratione periti ac celebris Medici cujusdam ocularii, Petroselinum, remedium alias ophthalmicum expertum, si aliis intermisceatur, oculis male se habentibus, sive interne, sive externe applicatum, intensiores dolores ac inflammationem concitare. Quod idem Boyle sua confirmat experientia, sc. quod aliquando affectus quidam oculi sibi brevi & præter omnem expectationem exacerbatus fuerit, cujus ingravescentia nullam rationem concipere poterat: donec demum recordatus fuerit, se in ejusdem diei prandio jusculum, petroselino aliisque hujus generis rebus conditum, assumpsisse.

Anagallidis flore purpureo decoctum (sine omni additamento) maniacorum ferociam compescere, Hartmannus in prax. chymiatr. tradit; secus in compositione. Spiritus nitri ac vitrioli solitarii quibusdam morbis remedio existunt, junctim suspecti ac venena evadunt. Lapidem hamatiten, sibi relictum hæmorrhagiis prout cunctis remedium efficax existere vel in vulgus innotescit, ita, in potiuncula, v. g. aceto maritatus vitriolicam texturam ad vomitum urgentem recipit, Hæmoptoicis ac qui vomitu cruento laborant, minus congruum. Memini quosdam sal ammoniacum alcalibus commixtum aliquando præscribere; assumentibus tamen simile quid contingere observamus, quod in confectioe spiritus salis ammoniaci evenire constat, exæstare hæc humectata evidenter, & vapere urinoso fauces ad strangulationem usque ferire; singula eorum sine molestia deglutuntur. Admitione sacchari, forsitan mellis quoque, vires medicaminum magna ex parte frangi seu cohiberi, Helmontius perhibet; atque hoc quidem non, quod duleia fermento acido ventriculi repugnent, quam quod horum visciditate obliterata & quasi incrustata activitatem suam exereere prohibeantur.

Conqueritur jamdum idem Helmontius Pharmacop. Dispensator. mo. Helmontius dern. ac in verb. herb. & Lapid. vegetabilia medicamentosa per media correctiva vocat compo- plane alienari & sic in peregrinam transire familiam: quales simplicium confusiones siones simp- paulo post facultatum devastaciones & omnimodas extinctiones aiebat. Dispens. plices confu- siones. satoria

factoria volentes componere &nectere plurima, pergit, totum perdunt, & Deum non sufficienter composuisse in simplicibus completa morborum remedia, non sine blasphemia, innuunt. Declarat hoc ex Paracelso exemplo radicis consolidæ majoris, quæ solitaria eximium existat ossium fractorum remedium, additione vero boli, aceti &c. virtute hæc catagmatica maxime orbetur.

*Zwelfserus
damnat tot
tantasque
compositiones,*

Possem pro ineptitudine compositionum pharmaceuticarum Zwelfserum in partes vocare, quando *Pharmac. August. class. II.* prodigiosam ubertatem tot tantarumque compositionum damnat, quod ex tanta ut plurimum ingredientium, sibi repugnantium farragine, sine omni ratione & judicio conglomerata sint, ut vel utenti nauseam moveant, vel penitus perlustranti risum extorqueant, quod ex una alterave earum circumstantiarum & exemplis comprobatur: nisi eundem reformatorem Zwelfserum, sui & animadversionum immemorem, in ipsis in Pharmacopœam Augustanam animadversionibus, harum appendice ac pharmacopœia regia ex innumeris non raro simplicibus compositiones suas consarcinasse, quam conspicuum foret.

*qui tamen ipse
multas con-
sarcinabit.*

*Simplices quo-
que præpara-
tiones nos fal-
lunt.*

Nec cunctæ simplicium, sine plurium commixtione, præparationes semper e re ægrotantium sunt, sed aliquando horum æque ac nostram expectationem fallunt, hinc experimenta irrita seu minus fida reddunt, ut præter *Helmontium* injaculat. *mod. intrandi*, nos quotidiana docet praxis ac clinicorum circumspectorum assensus. Coctione similive mechanica vegetabilium potestates infringi, immutari & maximam partem perdi, hinc inde evidens fit. Deponit vires emeticas pristinas asarum coctione intensiore, & diureticum evadit: nec multam ac diuturnam attritionem, dum pulverisatur, annotante *Horstio Herbar. l. I. s. l. c. 3. & S. Pauli Quadrip. botan. p. 23.* sine virium notabili jactura ferre valet. Succos vegetabilium recentium quis non eorum aquis destillatis cum *Helmontio* anteponeret? Perit horum vis humectandi, emolliendi atque laxandi per exsiccationem, hinc virentia eorumque succi expressi hoc in passu majoris æstimanda. Radicis gialappæ pulvis merus non sine ratione præfertur resinæ ejusdem seu magisterio communiter dicto, perinde ac infuso mucilaginoso cum fero lactis, vino, cerevisia similibusque aqueis confecto, dum illa vix sine torminibus molestis agit, hoc languidus & tantum non vappidum deprehenditur. Extractum seu balsamum resinosum aloës, cum spiritu vini eductum, quamvis virtute cathartica haud omnino destitui, contra *Schræderum* testetur experientia: ejus nihilominus substantiam mucilaginosam lotionem seu cum aqua solutam ac denuo inspissatam, sicque majore portione resinositatis exutam, efficaciorē ac suaviorem ajunt plerique, forsan modernorum. Martem sive per inebriationem cum aceto

aceto, sive calcinationem cum sulphure, præparatum, aut majore industria confectum crocum recte postponunt peritiores limaturæ ferri magis homogeneæ & subtiliori, ubi cruditates primarum viarum acido-pituitosæ solvenda ac temperandæ, utpote quæ indicato huic evidentius satisfacit. Corallorum, margaritarum similiumque solutiones, magisteria, salia ac tincturas concretis his nullam artem expertis qui majorum virium credunt, fallunt experientiam & semetipsos: quod illorum textura specifica per præparationes has longe immutetur. Ne de sequestratis a toto per ignem, aut quamvis manipulationem, partibus dicam, alterius omnino habitudinis, ac corpus integrum, a quo illæ sequestratæ, v. g. spiritibus, salibus, essentiis & si quæ alia hujus generis, de quilibet de *Medic. chymic. & Galenicor. præpoll. dubia*, prolixius egi.

Ad experientiam temerarie satis provocant scriptores æque ac clinici in suggerendis variis morborum medelæ adæquatis instrumentis: eandem quippe si consulamus experientiam, vix ab illis desideratos effectus experimur, nec ab his quidem, quibus seculorum quoque vis auctoritatem canonicam videbatur decrevisse. Hujus generis post alia obervo clysteres sive sub abstergendi, sive demulcendi sive consolidandi, scopo dysentericis injectos, si nempe, ut a-junt, intestina crassiora ulcere seu erosione laborent: quam nihilominus enematum activitatem destruunt genuina & accuratiora hujus rei tentamina, hinc antecessores deceptos sistunt. Nolo prolixiorem me gerere in disquirendo communi dogmate, quasi in quovis hujus generis alvi fluore una vel altera intestini portio erosa sit, hæcque erosio causa ejusdem proxima & formalis existat; postquam idem a diversis olim jamdum labefactatum legimus, a *Riverio* v. g. qui, quamvis chorda cum aliis eadem, in causa hujus fluoris exponenda, primum oberret, paulo post tamen, ubi in reddenda illius mucaginis albæ, quæ in notabili quantitate a dysentericis rejicitur, ratione cum *Helmon-*rio non pus ex ulcere manans, sed excrementum intestinorum p. n. ex horum labefactata digestionem emergens, nervose satis edisserit. Cui associare fas erit *Platerum*, qui, quamvis hypothesei vulgari de exulceratione intestinorum pariter addictus, scribere nihilominus haud veretur, per irritationem validam nondum exulceratis intestinis, ex venarum osculis sanguinem rejici. Adeo quamvis intestina dysenteria defunctorum aliquando erosa & purulenta visa fuerint, ac a nobis cernantur: perpetuæ tamen hoc observationis minime deprehenditur, & exulceratio ejusmodi productum potius morbosum, quam causa morbi, erit dicenda; forsan ex contumacia affectus & enormiore humorum confluentium acrimonia eveniens. Quali erosionem dubia facta, nec,

utrum intestinorum illam sustineat, nec, quando enematis applicationem postulent, determinare licebit.

Et per consequens dum sine ulcere heterogeneousum aliquod specificum intestina ad excretionem, modo magis cruentas, modo mucilaginosas urget, non in unam, sed plures tubi intestinalis partes, agit. Unde, etsi injectio ejusmodi per anum facta, aliquam harum attingat, omnibus tamen simul delinientis minus par erit. Cum cujuscunque demum molis seu quantitatis, v.g. ultra binas libras, ejusmodi liquor medicamentosus injiciatur, vix tamen coli medietatem conscendat, utpote quod cum recto capacitatis tantæ, cui adimplendæ nec illa, (ad quam tamen nunquam transimus) sufficiet; ne addam in hoc casu, ubi enemata diutius retineri desideramus, vix ejus uncias octo vel decem admitti, dum major moles secessum prematurus urget, ac brevi, sine effectu, rejicitur. Potissimum cum probabile sit, ab irritante morbifico jamdum vellicata intestina ab heterogeneæ seu peregrinæ ejusmodi injectionis appulsu in contracturas, vehementiores cieri, hinc dolores, præter anticipatas nostras opiniones ac conjecturas intendi ac defectiones multiplicari. Quibus si addamus observationes quotidianas, hæc dictorum veritatem confirmabunt, i. e. Clysteres in dysenteria parum levaminis præstare, quinimo eandem exacerbare.

*Licet quidam
Dysenterici
reconvales-
cant, usque
clysterum, non
sequitur ta-
men, quod
omnes.*

Communiter equidem allegant historias totidem dysentericorum, qui usu clysterum reconvalescant: ast falluntur & ancipites relinquuntur, an, qui sub usu enematum evaserint, horum beneficio evaserint, & numne potius aut naturæ robore, aut ope cæterorum simul administratorum remediorum, ægri fuerint restituti? sicque improbos se ostendunt Philosophos, non causam pro causa habentes, seu fallaciam secundum non causam ut causam, præcipitanter satis committentes, hinc semet ipsos aliosque decipientes. Quævis indolis quoque dici meretur historia Hydropici, aquæ profusiore potu sanati, cujus ex Benivenio ac Langio mentionem superius feci: valetudinem ipsi conciliabat non repletio aquarum ab extra facta, sed consequens hanc enormior alvi fluor, tanquam evacuatio casu salutaris. Qui secus infert, eundem errorem logicum committit.

*Experientia
fida inquit
tam remedia,
quam tenta-
minis circum-
stantias.*

Et prout experientiæ fidæ multum interest, in morborum remediis, non tantum horum effectus, num juvent, numne noceant, attendere, sed simul quasvis tentaminis facti circumstantias advertere: sic inepte ac præcipitanter de illorum efficacia concludere sataget, qui imprudentius agit & superfundit orie hæc tantum tractat. Lac v. g. chalybeatum humoribus acerbis dysentericorum detergendis ac temperandis, torminibus leniendis ac intestinis robo-

randis.

randis ministrari, communis est experientia: contingit nihilominus, ab ejus potu cruciatus aliquando intendi, vomitus cieri & alvum vehementius conturbari, hinc experientiam unam alteri repugnare. Cujus posteriori phœnomeni rationem qui non attendit, priorem cavillat ejusque fidem superflam reddit: sc. qui a Platero per eandem experientiam edoceri poterat, nimis frequenter in lacte reiteratam ferri extinctionem, hinc uberiores ramentorum martialium impressionem, turbas ejusmodi minus pravisas concitare; atque hoc perinde si illud non recenter chalybeatum, sed post longiorem demum moram, & postquam minima ferrea ad hoc deposita in rubiginem seu crocum jamdum abierunt, agris propinetur. Qualium accuratior observatio experimentum diversimode immutat.

Nec minor in experiundo aut inferendo ex experimento facto, committitur fallacia ab illis, qui postquam morborum quorundam accessiones superarunt seu suppresserunt, præcipitanter satis suis remediis facultatem affectum ipsum radicitus extirpandi designant, seque Epilepsiæ, Arthritidis, calculi &c. vindices strenuos a plebe rudi proclamari gestiunt: quales tamen penitus solvi, totidem miserorum ejuslatus & conspectus diffiteri facit. Cessant aliquando aut mitescunt ab & sub usu hujus illiusve evaporisti symptomata convulsiva, discutiuntur ab emplastro quodam cruiatus unius alteriusve junctura, solvitur cum doloribus nephriticis Ischuria, propinatis anodynis similibusve: præmaturius nihilominus cum Archimede τὸ εὐρύκα, vix exclamabit, qui post totidem dies, septimanas &c. recidivas horum paroxysmorum observat, hinc inducias tantum, non pacem perpetuam, se mediatore, factas, ultro fatetur. Quamvis haud præfracte negare velim, remediis, ejusmodi appropriatis cooperante natura ac restitutis digestionibus hactenus conturbatis & discussis heterogeneitatibus peregrinis, aliquando hos cedere morbos omnimode, observationibus hujusmodi frequentioribus abunde convictus.

Quemadmodum pariter minus fida erit dicenda experientia, qualem ex uno alterove tantum tentamine seu observato sibi fingunt, ex particulari universalialia theoremata formantes. Quippe eo ipso dum experientia nihil aliud est, quam ejus, quod frequenter & eodem modo visum seu sensibus comperitum est, comprehensio & memoria; & quorum certiores cognitionem, sine demonstratione a priori, nobis promittimus, non, nisi inductione intelligi seu concipi valent: pauciora & singula experimenta non sufficiunt ad experientiam seu cognitionem historicam genuinam ac firmam constituendam, sed pluribus demum illorum seu observationum cumulo hæc comparatur atque ex his concinnata inductione asseritur. Qualem experimentorum ubertatem

sufficientem cum nemo mortalium sibi facile spondere possit, sagacioribus viris semper in more positum fuit de experientia possessione minus gloriari, ut vel in Boyle atque Silvio, Scriptoribus alias immensæ venerationis, deprehendimus qui vocabulis, *auguror, suspicor, opinor, verisimile videtur* sua theoremata atque asserta circumspicte pramuniunt, i.e. non, nisi ambigendo theoremataparant.

Mea in præsentiarum facio, quæ Boyle in commentatipræmiali tentaminibus physiologicis deversis præfixa quam prudenter monet, firmiter scilicet se sibi persuasum tenere, sibi longe minorem experimentorum atque observationum copiam suppetere, quam ad systema concinnandum requiri æstimet, imo complures defectus, qui in theoriis & ratiociniis magnorum virorum animadvertuntur, huic præcipue causâ deberi, quod præpropere, & vel paucis tantum observationibus instructi, vel iusto experimentorum numero destituti, principia tamen & axiomata constituere aggressi fuerint. Quippe raro aliter evenire, quam ut theoriis, quæ paucis & obviis experimentis innituntur, instantiæ aliquæ intercedant, quas liberior ac solertior inquisitio eruat solvatque. Et non absimile quiddam in multis theoriis philosophicis, quas anteriora secula tanto studio & applausu celebrarunt, accidere, quod cameram obscuram subintrantibus fieri solet, qui simulacra objectorum externorum in charta, quam accuratissime inspiciunt, quæ apertis denuo fenestris admissioque die protinus disparent. Hoc est, quantumvis illa in exiguo & debiliore lucis gradu singularem symmetriam atque splendorem præ se ferant, hoc tamen non, nisi in quodam quasi crepusculo habere, sub quo conspiciantur.

Quæ quamvis philosophiam naturalem & modum in hac formandi principia atque hypotheses primario concernant, medicis tamen rebus & disquisitionibus itidem commode satis adaptari valent, hisque præcepti & manu ductionis loco funto. Adeo, ut quod Conringius vitio vertit Galeno, in successibus pariter hujus minime dissimulandum veniat, quod speculationibus & ratiociniis meris plus iusto indulgentes, ab his in præceptis abripi se passi fuerint, ut neglectis experimentis & observationum collectione, elegantiam systematis artis medicæ veritati prætulerint, hujusque principia & axiomata in tempestiva libidine sancierint, ac de experimentis ejusmodi tantum solliciti fuerint, quæ sermocinationes ac hypotheses excogitatas firmarint, quoad cetera, quæ illas forsan dubias reddere poterant, negligentiores, satius sibi habentes, videri penes rudiores magis, quam eruditos, perum medicarum scientes atque peritos.

Defectus medicorum, qui sunt, demonstrantur.

Conringius vitio vertit Galeno, quod speculationibus indulserit.

Verum, ut plenius constet, quantum arti nostræ deroget, paucioribus tantum instructos experimentis ejus explicationem atque theorematum functionem adire, nonnulla saltem insuper adducam momenta, huic discursui forsitan faventia. Observamus, reconvallescere aliquando hydropicos congestos, vomica pulmonum pressos, dysentericos &c. certum nihilominus manet & frequentioris longe observationis est, ægrotos ejusmodi ut plurimum succumbere: & quam inepte ageret, qui ab uno alterove, morbos hos superantium inferre sibi præsumeret, leviores & minus lethales eos existere, sique a particulari ad universale concluderet. Memini periculum horum affectuum evadentes paucos, iisdem interemptos plures: pluris ideo æstimandus numerus plurimum præ paucis. Pariter nonnunquam renum calculi & cruciatus arthritici in quibusdam individuis, siue arti, siue naturæ, potentiori cedant, & quidem ita, ut per succedaneos viginti vel triginta annos ne tantillum eorum hæc præsentiant: quemadmodum in specia calculosi amici recodori, cui ultra quindecim a symptomatis nephriticis immunem vivere, fors concesserat, in aperto nihilominus, ex alio morbo defuncti, cadavere hujusque renibus nullum calculi aut arenularum vestigium, sed eosdem omnino sanos conspiciere erat, utut olim sub doloribus exquisitoribus calculos majores minoresve virum hunc exerevissent pariter meminimus.

In vulnerum lethalitate decernenda, simile quid fallaciæ crebrius committitur, ut illa quoque, qualia ut plurimum lethalia cum Hippocrate medici ac chirurgi peritiores pronunciant, a classe non-lethalium quidam eximere conentur, quod hunc illumve ex tali plaga reconvaluisse, quondam visum fuerit, qualis tamen ab uno alterove rarissime contingentium exemplo decernendiratione admitti nequit, quominus, quæ crebrius seu ut plurimum mortem inferunt, plagas in iis, quæ hinc moriuntur, subjectis per se lethales asseramus. Hoc est, si intercentum pluresve unus aut alter ex graviore vulnere evadat, salutaris ejusmodi eventus naturæ potius benignioris aliarumve circumstantiarum negotium erit dicendum interim tot funestorum casuum, ex simili plaga emergentium, major indijudicanda lethalitate individuali habenda ratio.

Vomitiva, Rulando, Pleuriticis aliquando prodesse, largior, sinimirum mox in principio morbi, pro cruditatibus stomachi removendis, propinquantur; extra vero hunc casum hocque indicatum locum nullum habent, neque, quod uni alterive aliquando profuerint, in genere seu universaliter commendanda, cum conatus emeticus vehementior circulationem circa partes premonicas insignius conturbando, inflammationem ac stagnationis periculum intendant. Dum de somno, a sanguinis missione mox concedendo aut de-

negando disceptatur, negativam defendunt, quod advertente *Ballonio, epidem. & ephemer. l. i. p. 70.* Vir quidam illustis indulto brevi a Phlebotomia somno repente interierit. Quale tamen exemplum, & si quæ alia, terrere non debent, quo minus ægris a somno speratam refocillationem indulgeamus; postquam in febribus cum sopore profundiore affligentibus ac plerisque affectibus soporosis sanguinem mittere haud veremur. Arcere illos ad exiguum temporis momentum tantum a somno, necessarium videtur, qui in deliquia animi, qualia quibusdam vel sub ipso evacuationis actu, vel paulo post, per singularem idiosyncrasiam, evenire solent, propendunt: fructum interim depletionis hujus non exiguum censemus, ægrum, qui noctes diesque hætenus infomnes egerat, hincque viribus exhaustum, somnum capeßere, quod pluribus declarat *Primerosius 4. de vulgi error. c. 26.*

Diversa Idiosyncrasia phænomena incautiores decipiunt.

Dum Idiosyncrasia seu individualis corporis habitudinis mentionem feci, de hac pariter asserere, me diversa jubent, ejus phænomena incautiores itidem aliquando decipere, si quod paucis singulare experientia universalis mox argumentum velint. Documento sint illi, quibus horumque integris familiis difficilis, quinimo lethalis, contingit Phlebotomia. Bina hujus infirmitatis exempla *Rosfincius meth. gener. l. 4. f. 2. c. 4.* refert, quorum unum Birronii, Mareschalli olim Gallia, qui febris ardente aliquando decumbens, cum tandem persusus venæ sectionem admitteret, in animi deliquium incidit, vir alias bello & formidulosis expeditionibus maxime advetus: quod quidem cum familia integra commune habebat. Alterum nobilis cujusdam, pariter *αποφύβη*, qui, dum in sanguinis missionem, stemmati suo toti terrificam, consentit, sanguine vix lucem vidente a superveniente syncope præter opinionem medicorum luce vitali privabatur. Quales averfationes in aliis quoque deliquia animi interdum concitasse, ipsemet novi, norunt forte alii: ne ex *Hippocrat. 7. epid. t. 54.* adducam cuidam Halicarnasensi obtigisse, ut a venæ sectione, ratione oralgia & cephalalgia administrata, brevi Phreneticus evaserit.

Singularis & individualis constitutionis documenta plura adhuc ex praxi quotidiana depromere possem: v. g. circa usum opii immoderatiorem ad scrupulos nempe ac drachmas, sine spirituum animalium evidentiore conturbatione: dum alios a modica ejus dosi non ad quietem ac somnum componi, sed ad temulentiam ac leve delirium plurium horarum, eorumque spiritus conturbari atque commoveri, novi. De Scammonio simile testor in Viro quodam, si hoc vel solitarium, vel aliis sui generis admixtum propinabatur,

batur, anxietates præcordiorum, cardialgiam, tormina insigniora ipsi semper concitasse. Ast cum in præsentiarum non tam idiosyncrasis confirmandis, quam iisdem eum in finem observandis, mihi sermo sit, ne qui ejusdem effectus universalibus hypothesibus cudendis ministrari credantur: monuisse sufficiet, ne hinc eruta experimenta in usus generaliores improvide trahantur.

Spectat interim huc advertere, ne in morborum popularium disquisitione, horumque medela constitutionum epidemicarum disparitatem negligamus, adeoque olim de his observata aliis temporum affectibus perperam applicemus, illorumque fidem præcipitatione ejusmodi sublestem reddamus, Solenne v. g. erat, referente *Ballonio* l. a. p. 27. Quatanarius anno 1573. raense Augulti numeroſe decumbentibus, ut sine remediis eorum plures reconvalescerent, interierint autem frequentius, quibus remedia, morbo alias congrua, curiosius fuerint administrata. Plus malignitatis ac contagii foveat quidam morbi hoc anno, carent iisdem aliquando inſequentibus, aut certe utriusque ratione mitiores longe deprehenduntur: sicque ad prognosticam eandemque seu generaliore, constituendam minus idonei existunt: & defraudantur aliosque defraudare videntur, qui ex unius coeli constitutionis morbis, horumque prognosi ac medela de alterius habitudinis epidemicæ affectibus ratiocinantur: quod infinitis insuper exemplis comprobare, mihi non adeo difficile foret.

In morborum popularium disquisitione constitutionum disparitas non est negligenda.

Tandem nec illa observata, quæ ex sectionibus cadaverum morbis defunctorum magno interdum satis labore & sub exhalationibus tetricis nobis acquirere conamur, omnia exceptione majora censenda: non quasi sensus fallant, oppido præſentes, sed quod rationis applicationem non raro conturbent, & ætiologias erroneas pro genuinis obtrudant incautioribus. Commendant equidem anatomen hanc pathologicam diverſi scriptores medici, quasi ad morborum causas eruendas valde utilem, v. g. *Eustachius de remb. c. 45. M. Donatus 4. de histor. mirab. 3. C. Piso de morb. ex ser. colluv. p. 115. 415. Riolanus Anthropol. c. 14. Tulpius 3. obs. 11. Helmontius*, hostis alias resectionum humanarum, *Ignot. Hydrops. Wepferus de apopl. in præfat. & Bartholinus anat. præ. p. 3. 4.* nec ego eam omnino negligendam puto, quoad diverſa olim obstrusiora medicos erudientem. Patitur tamen suas quoque difficultates, adeo ut *Glissonius de Rachit cap. 2.* hand perperam monuerit: Anatomicos non infrequenter in suis

Sectionibus cadaverum suas quoque patitur difficultates.

is observationibus lapsos fuisse, dum, quæ ad alium morbum spectant, alteri, cum quo ante obitum complicatus erat, adscripserunt.

Mortis causam medici possunt experiri in mortuis non vero morbi.

Certe ex inspicia hæc varias organorum diverforum obstructions, indurationes, rupturas, exulcerationes, gangrænas, polypōs, calculos, vermes, hydropes, consumptiones similiaque vitia, quæ a priore & in subiecto vivo dignoscere minus concedebatur, manifestant; morbos vero humorum ac Spirituum, qui forte horum illorumve affectuum p. n. causa extiterunt, haud declarant, nullaque industria oculari illi indagari valent. De cætero, nec cuncta in cadavere explorata ac perspecta vitia æque planas semper reddunt sui causas, hinc nec medicum erudiunt, quibus instrumentis, si occasio forte postulat, illas tempestive in posterum avertere & averruncare queat. Concedere equidem sana ratio jubet, nos illustrationibus his aliquando mortis causam experiri, non tamen morbi causam, quam antecedentem communiter ajunt, cujus medelam nihilominus curare debebat medicus solers. Neque mortis causam genuinam & proximam hoc labore & investigatione addiscimus, dubii aliquando ab ejusmodi sectionibus recedentes, numne visa productum morbum potius, quam morbus primarius, dicenda? an ascites v. g. viscera induravit, eroserit, corruperit? an horum læsiones hydropi ansam præstiterint? Polypis infarctos offendimus cordis ventriculos, determinare tamen hæsitamus, an hi, an asthma spasmodicum, aut hydrops cum illis concurrentia, ægrotum suffocarint. Accidit, annotante *Glissonio l. a. Morbos fere omnes tractu temporis alios diversi generis sibi addiscere, ideoque chronicos plerosque ante obitum esse complicatos.*

Non inferre licet, quæ in uno subiecto fuerunt in altero erunt etiam.

In qualibus tamen fusius recensendis ne prolixior sim, utpote de *Offic. med. part. 1. c. 1.* jamdum expositis, hoc insuper, quod præsens in primis argumentum spectat, unicum advertere crederet; ex illis, quæ in uno subiecto observata, similia haud adeo facile inferri, hincque inductionem & experientiam veram aut vix verosimilem, formari & ventilari posse. Et de iisdem circiter conqueruntur molestiis, quos vomica pulmonum, horumve annascentia latior seu æctior cum lateribus, induratio, hydrops pectoris, cordis ac polypus hujus, affligunt, hinc morbitales per symptomata hæc quam difficillime discernuntur, ac si eorum bini simul in uno cadavere conspiciantur, mens suspensa manet in morbo primario dignoscendo, qui vivum sub iisdem symptomatibus torqueat. Hæc equidem nobis per ejusmodi investigandi industriam contingit fors, ut ab uno æque ac altero, modo solitario, modo aliis combi-

combinato, vitio illa accidentia funesta evenire posse, intelligamus; quodnam vero illorum præsentem ægrotum, qui consilium ac medelam nostram petit, affligat, ambigimus.

De cætero obviam nobis aliquando fiunt corpora, quæ cultro anatomico subjecta notabiles viscerum anomalias ostendunt, alias gravia symptomata patrantes: qualia tamen, dum in vivis erant, illa haud patiebantur, hinc nulum ejusmodi viscerum morbum ominari jubebant, ex supposito nimirum talem nunquam sine suis symptomatis existere posse. *Sunt corpora, quæ in anatomia notabiles viscerum anomalias ostendunt,* Exempli ejusmodi paradoxa constitutionis haud deficiunt, quorum bias tantum recensere intendo.

Anno 1683 mense Maji juvenis cujusdam pulmones ense fero transfodiebantur, post decendium hinc mortui. Hujus cadaver cum secare juberet magistratus, post vulneris factam legalem indaginem, in corde Polypus tres ingentes cernere dabatur; binas in dextro, unum in sinistro ejus thalamo, singulos ad vasa majora longius protensos; quorum vastitatem & configurationem prolixius delineare præsentis instituti haud erit, illud tantum dum innuere gestio, hominem hunc adeo enormiter polyposum eos qui necessitate & familiaritate ipsi juncti, vix unquam de singulari dyspnœa, cordis palpitatione similiq; angustia, quas ejusmodi miseris alias solennes novit experientia, conquestum aut talibus confidatum fuisse, reminisci potuisse, nec talia symptomata eundem ex plaga decumbentem, neque tussim, nisi leviolem, interdum spirandi molestiam, sine ulla cordis sensibilis oppressione, passum fuisse. *quod exemplis probatur aerissimis.*

Concordat huic casui autopsia. quam Anno 1696. mense Martii concedebat cadaver fabri cujusdam lignarii, ad opificium suum haud exigui laboris, agilis & prompti, quem Polypi cordis symptomata unquam sustinuisse, nemo noverat eorum, quicquid noverant: Qui postquam capite graviter & ad apoplexiam intra paucos dies lethalem percussus fuerat, jussu pariter prætoris Urbani ejus interiora lustrari, & inter alia in hujus cordis, grumoso sanguine turgidi, utroque ventriculo Polypus reperi conspicuæ magnitudinis & per ramificationes arteriæ magnæ ac pulmonalis & venæ cavæ majores exporrectos, dextri simul ventriculi valvularum tricuspidalium apices & quibus hæ connexæ, columnas seu monticulos carneos, callosos & tantum non cartilagineos calculisque intertextos.

*Multi susti-
nent angores
non ab excre-
scentiis cordis
carneis sed ab
aliis vitiiis.*

Nonnunquam palpitaciones, similesve angores sustinent alii, non ab excrecentiis ejusmodi cordis carneis, sed ab aliis conformationis hujus organi vitiis maxime paradoxis, qualia quidem nemo mortalium in vivis augurari vel sibi concipere poterat, ut ut non semel in cadaveribus a se visa. Hujus indolis anomaliam olim conspicerem mihi licuit in cive & Mercatore hujus urbis primario, qui quondam jamdum spleneticus pulsus ut plurimum exiliorem & rarum circumgerebat, ab eo vero tempore, inquietudine, vigiliis, dyspnœa, demum virium imbecillitate, corporis contabescencia, subinde lipothymiis, palpitationibus, atque oppressionibus cordis & sudoribus frigidis corripiebatur, horumque symptomatum maxima parte ad aliquot menses agitabatur, cadavere hujus aperto comparebat cor extraordinariæ magnitudinis, moli illius, quod *Kerckringius Spicil. anat. obs. 26.* e pectore foeminae cujusdam extractum exhibet, secundum oculorum obtutum, par, ad stateram licet pensare occasio non ferret. Texturæ seu substantiæ hoc erat præter modum compactioris durioris, per quam ad systoles vitales peragendas plane ineptum videbatur, & in ambobus suis ventriculis equidem Polypos duos, sed exilissimos ac ambos vix drachmas tres æquantes, nec tanti momenti, qui motum cordis adeo diu & evidenter conturbare aut conturbationem reprimere potuerint, alebat. Ut proin pulsus in hoc misero non his, sed rigidiori minusque flexili cordis fibrositati, & polypos hos exiguos motui ejus vitioso, in acceptis referre rationi consonum videretur. Adde his recentius observatum, ubi in adolescentulo quodam per duodecim circiter septimanas ex variis symptomatis decumbente, sine dyspnœa notabili, & cum tussicula leviori tantum ac minus frequente, nihilominus defuncto, hydrops pectoris cernebatur, quem nulla hujus symptomata antecesserant vel suspicari innuebant.

*Non omnia
Symptomata
sunt medicis
nota.*

Contra, subjecta quædam aliquando gravia & talia affligunt symptomata, de quorum ætiologia parum aut nihil manifestat ætiopsia, in horum cadaveribus tentata i. e. ex hac evidens minus reddi potest ratio: quinimo tales hinc inde illa internorum anomalias sistit, quas & in vivis perpeffa vix ulla intercedit connexio, seu ætiologiæ ratio. Quod non tantum contingit, in illis, quæ per consensum partium fiunt, symptomatis, si ex his stomachum v. g. auguremur p. n. affectum, qui tamen vitio potius renum, capitis &c. male se habebat: sed aliis quoque occasionibus, quibus defunctorum cadavera horumque ætiopsia Medicum non tam infomant, quam ad stuporem usque conturbant, & ad alios ægros, qui plus minus similia patiuntur, applicari haud concedunt.

Et inter plura hujus generis tantum non quotidiana exempla meminisse *probat* sufficit adhuc viri cujusdam de civitate & Provincia hac per officia & expeditiones magni momenti, meritissimi. Laborarat hic per plures menses flatibus fere continuis, appetitu prostrato & fastidio fere omnium ciborum, tenesmo, Hæmorrhoidum dolore, dejectionibus alvi frequentioribus & retentricem omnimode dejectam innuentibus, hinc tandem virium prostratione enormi, citra tamen notabilem corporis contabescentiam. Ast defuncti cadaver cum dissecaretur, ventriculus, intestina ac epas conspiciebantur constitutionis naturalis, nisi quod folliculus felle bile maxime vacuus, aut crassamenti aliquid fellei tantum adhuc haberet; pancreas induratum ac scirrhum, ren sinister pariter scirrhusus, calculos continebat tres exiguos; præter pulmonis dextri adnascentiam in cordis ventriculo dextro crassus satis Polypus, in sinistro major, per aortam ad ulnam integram ac dimidiam exporrectus. Quis perspicacior symptomatum recensitorum rationem ex tali viscerum constitutione hariolari potuisset? quis qualis harum anomaliarum causa, quale productum morbosum, eorum extiterint, determinasset? quis denique eas aliis individuis, si paribus circiter symptomatibus laborarent, applicare, hincque horum ætiologias declarare auderet?

Facio demum hujus loci pestilentia defunctorum cadavera, horumque *Quid in pestilentibus defunctorum corporibus offendatur.* inspectiones, quales quamvis rariores & apaucis tantum animosioribus susceptas sciamus. Tradunt nonnulli sanguinem in peste affectis, sive per Phlebotomiam eductum, sive per hæmorrhagias rejectum, fluidiorem justo & tenuiorem maxime, nec in cadaveribus illorum coagulatum, offendi: Contrarium tamen huic *Willisus de febr. c. 12. & 13. asserit*, massam videlicet sanguineam in peste potius condensari atque grumescere, cui asserto *Georg. Thomsonus*, Medicus olim Londinensis scriptis & praxi celeberrimus, in *Loimotomia*, in specie in *historia de cadaveris pestilentis dissectione* 1665, a se administrata, calculum adjicit, fluidum venæ portæ arteriæ cællacæ ac vasorum thoracis majorum præter laticem ichorosum concretum cruoris spissius & thrombiforme monstrasse, i. e. sanguinem in duas partes, grumum nempe ac serum, fuisse secretum. Idem Scriptor autopsiæ huic adit, se in stomacho ejusdem cadaveris notabilem quantitatem succi velut atramenti scriptorii, tenacis ac nigricantis vidisse, tunicas vero ejus minus erosas seu eschara qualem caustica introducere solent, secus ac *Helmontius tumul. pest. p. 22.* se anotasse, perhibet. Ex quibus cunctis visis constat, sanguinis sive congelationem, sive fusionem, extraordinariam non omnibus æque pestilentia correptis contingere, i. e. in uno forsan ho-

rum sanguinem præter modum grumescere, in altero fluidiorem, adeoque neutrum horum causam luis conjunctam, sed effectum potius, existere. Neque in eschara seu carbunculo oris stomachi, qualem *Helmontius*, se vidisse, commemorat, pestis radicem delitescere, postquam ipsemet hic carbunculos, bubones, non ipsam pestem fovere, sed illos hujus tantum signa & productum esse, satis aperte fatetur. Quamvis paulo post idem asserat, pestem esse venenum terroris, hinc ejus sedem sive nidum primitivum in Hypochondrio, ubi prima terroris humani conceptio, quod imprimis ejus symptomata prima, nempe nausea, vomitus, deliria &c. innuant; adeoque haud mirum foret, si offendiculum hoc stomachi adeo insigne animam, per hypothesein *Helmontianam* ibi sitam, e sede sua præcocius exturbet. Ego duo ex his elicio, in resectionibus morbo eodem defunctorum non eadem semper observari anomala; multo minus hinc determinari, an illa causa continens, an productum morbosum, nuncupanda veniant. *Experimentum atque experientia fallax.*



INDEX RERVM.

A *Adominis compressio* intestinorum motum iuvat 148. musculi vid. *Musculi*.
Abortus quomodo a menstruorum fluxu moveatur 218. 230. aliquando est salutaris 598. an a medico promouendus 698. sq.
Acida appetitum non semper movent 116. 132
Acidum chylificare vetus est dogma 131. negatur 131. 133. vid. *Alcali*.
Acor ventriculi non raro ab assumtis 131
Aer quid 444. 448. componitur ex triplici materia 66. est principium vitale 62. etiam secundum veteres ibid. eo solo quomodo quædam animalia vivant 77. quomodo in eo vegetabilia extra terram vegetentur ibid. ab eo venis inflato animalia, in illo alias viventia, fere mortua reviviscunt 62. 438. an eunctis mixtis insit & quomodo 434. 444. 447. an ei particula activæ inexistat 448 sq. varii ejus effectus 440 sq. 461. in sanguinem per immediatum contactum agit 65. non motu oscillatorio 64. nec tota substantia eum intrat ibid. nec particula ejus salino-sulphureæ 78. sed portio media naturæ 66. 67. an ad pulmones attrahatur 81. per pondus & elasticitatem intrinsecam eos subintrat, non vacui fugandi causa 81. 83. 85. an a thorace dilatato eis impellatur 85. non omnis semper in respiratione ejicitur 88. an nares per cerebrum penetret 277. est odororum vehiculum 325. non est medium, sed subjectum soni 344. an ejus materia subtilior cuncta penetrat 67. ejus partes inspiratæ cum activis alimentorum particulis constituunt

quoque spiritus animales 276. portio ejus subtilior minus elastica nec ad motum oscillatorium sustinendum apta est 65. in aere ambiente ordinarie nullæ particulae salino-sulphureæ 77. nec panspermia ibid.
Inspiratus superfluiditates serosas absorbet 73
Implantatus non datur in tympano 351. nec in labyrintho 352. sed per nares & aquæ ductum Fallopii subit ibid.
tenuior cur respirationi incongruus 85
Alantoides in homine non datur 23
Alcali & acidum an sufficientia corporum naturalium principia 413. sq.
Alcalia per aerem optime depurantur 443. an retineant virtutem seminalem 563. sq.
Alimonia quomodo ab utero ad embryonem deferatur 25
Amalgamatio metalli per mercurium vivum 425
Albi fluvii quomodo se habeant in statu febrium 546. *faeces* vid. *Fæces*.
Amnion & Chorion sibi maxime contigua 23
Amnii humor qualis & unde 28. unde juxta Drelincourtium 30. particulis nutritiis tandem destituitur 31
Anastomoses arteriarum & venarum non dantur 99
Anima rationalis in nobis non est causa efficiens motuum spontaneorum 43. 47. neque voluntariorum ibid.
sensitiva est corporea 47. cui corporis parti radicaliter inexistat 49. viæ ad æquatè comparatur igni 58
Animales functiones vid. *Functiones*.

INDEX RERUM.

Animalia ex ovo 2. in fluido determinato degunt 70. vid. *F.* eorum vitalitas ex aere 61. 438. ab aere venis inflato fere mortua reviviscunt 62. machinae pneumaticae inclusa quomodo se habeant 62. an menstruum patiantur fluxum 222. eorum calor & fugus vid. *Calor.*

quodam post castrationem adhuc generare possunt 9. cur quorundam oculi in tenebris luceant 359

aerea non vivunt extra aerem 61.

aquatilia quaedam ad tempus extra aquam degunt ibid.

frigida etiam sunt perfecta 57

bisipara & *obipara* vid. *V. & O.* confer *Bruta.*

Animi passiones in corde haud contingunt 104

Antimanii tinctura quibus polleat viribus 591. seq.

Appetitus stomachi 114. ejus subiectum non solus est ventriculus 116. non semper ab acidis excitatur 132. a bile juvatur 140. naturalis non datur 115

Aqua an ei aer insit 435. interdum etiam est soni subiectum 345. an sibi immersos urinatores premit 83. arteriis injecta partibus cadaveris. aliquid motus restituit 69. nulla pericardii 283. nec ventriculorum cerebri ibid. longius ante partum fluens unde 23

Aqueductus Fallopii 125. 352

Aquatilia. vid. *Animalia.*

Arationis finis primarius quis 437

Ars medica quid 538. naturam viribus non assequitur 534. seq. an naturam sequatur 539. ejus opera non raro motus spontaneos maxime emulantur 44

Arteria, harum actio 98. quid pro secretionem spirituum conferant 282. liquor arteriis emulgentibus injectus, cur non redeat per uretorem 197. aqua arteriis injecta vid. *Aqua.*

Arteriarum Carotidum ac Cervicalium exortus 275

cerebri multiplex inosculatio 281
Articulorum dolores an sudoriferis sedentur 554

Asperitas & *lebitas* saepe haud sensibiles 319

Asperum & *lebetacta* dignoscuntur 309

Auditorius mentus vid. *Mentus.*

Auditus quomodo ab objectis afficiatur 341. quomodo a tympani laxitate latur 348. cur visu tardior 356. ejus spera latior est, quam olfactus 341. usus excellentior 341. organum primarium est nervus 354. *officula* vid. *Officula.*

Aves, quid usus in earum ventriculis praestent lapilli aliaque duriora 122. 132

Augmentatio quomodo differat a nutritione 209. cum pubertatis annis cessat 110

Aures, in iis sonus modificatur 346

Auriculae usus 346

B.

Bilis cum acidis non effervesceat 139. an ab ea praecipitetur chylus ib. hunc attenuat, sanguinique combinat 140. appetitum & digestionem juvat 140. 472. temperatur a succu pancreatico 142. sine ea nulla fit chyli & fecum excretio 145. haud stimulat harum excretionem 149 an tinctura & folledinis urinæ causa sit 187. secernitur ab epate 232. an ex vesicula ad porum epaticum deferatur ibid. a ductu epatico aliquid bilis recipit vesicula 234. nec non folliculus per proprias radices ibid. cur amaricet in folliculo, non item in sanguine, nisi ab extra huic instilletur 238. quomodo ex ductu epatico ad cystin feratur 238 non deferatur ad venam portae & cavam 272. cur ad vesiculam secedat 245. quas mutationes subeat ab affusis 246

epatica & *vesicaria* differunt 235. utraque ad intestinum fertur 242. illa continuo magis ad duodenum fertur 243. haec per vices tantum ad intestinum movetur 243

Bilis

INDEX RERUM

- Bilis circulus an detur* 490
confectio est secretoria 237. non fermentativa & transmutatoria 237
generatiōi inservit sanguis a liene refluxus tanquam hujus productum 255
materia est sanguis hujusque substantia sulphurea paucō sale mixta 236.
 472. materia parum arteria plus venae portae suppeditat 242
intus ad intestinum an sit continuus, an interruptus? 242. de hoc Glissonii hypothesis ponderata in dubium vocatur 243. sq. Sylviique sententia refellitur 240 sq.
productio, ad hanc ineptus est folliculus fellis 233
qualitates sensibiles 246
secretio & excretio de hac sententia Colle videtur difficultatibus implicata 244
Bruta an similem menstruis patiantur excretionem uteri 223. eorum olfactus ad pauca tantum objecta restringitur 327. cur in iis major olfaciendi necessitas 330. vid. *Animalia*
Buccarum glandula 124
 C.
Calculi excretionem nonnunquam morantur ischuria 520
Caliditas & humiditas sola aeris instrumenta non sunt 447
Calidum innatum veterum quid 52
Calor concurret ad chylicationem 137. ejus sensus videtur a tactu diversus 306
 309
innatus partium solidarum non datur 52
animalium intrinsecus est ab ambiente fluido 70. non vero ab effervescentiis diversis 71. nec a motus intrinseci celeritate ac tarditate 72
Calvaria integumentorum mollium incisio est periculosa 498. *confusio*, an interrumpat vasa interna 512
Canes castrati generare minime possunt 9
Caries ossium unde 422
Cerebrum quid pro secretionē spirituum conferat 282. ab eo omnes nervi 292 in eo non aequē velociter moventur spiritus, ac quidem in nervis 288. quomodo in eo fiat sensatio 304. cur laesa ejus una parte, una interdum ejus tantum laedatur functio 382
Cerebri consensus cum testiculis 10
arterie multiplices gaudent in osculatione 281
cortex est spirituum animalium officina 279
fibrae medullares diversos observant tractus 290
involutum quoddam tertium 291
Medulla substantia est fibrosa atque tubulosa 289
Ventriculi, naturaliter nulla in his congeritur lymphā 283. nec olfactus contingit 337
Chalybis limatura vid. *Limatura*.
Chinachina, ejus virtus 631. sq.
Chorioli, nulla propria est carnositas 23. vid. *Amnion*.
Choroidem pro primario sensorio vendit Mariotte, refutatur tamen Pecquetto 372
Chylicatio est actio similis, non organica 130 non transmutatio rei in rem 473. an acido contingat 131. 32. non fit per fermentationem 133. neque per imutationem 135. sed per extractionem 135. 136. ad eam concurrunt fermentationes item calor & motus ventriculi 137. an & intestinis competat 138. 479. 471. sequenti, male denegatur ventriculo 129. 470. ejus duratio 138
Chylifusus succus, quo foetus nutritur, ubi fercernatur 26
Chylus quid 142. est lactis materia 174. non est acidus 133. non praecipitatur a bile 139. attenuatur tamen ab ea sanguiniq; combinatur 140. diluitur a succu pancreatico 142. separatur a facibus non per praecipitationem 144. sed per transcolationem solam 145. 146. per vasa lactea fertur 150. an per venas quoque mesaraicas

INDEX RERUM.

saracae moveatur 1501. 56. eo vehendo
 vasorum lacteorum apparatus est pro-
 portionatus 152. cur ex intestinis primo
 feratur ad glandulas 157. per ductum
 thoracicum deportatur 160. sanguini
 infunditur 165. eum tamen in fermenta-
 tionem non abripit 55. nunquam pu-
 rus ad cor fertur 166
Chyli color semper albus 143. non a spiritu-
 um turgescencia 152. sed a substantia ali-
 mentorum oleosa a quæ commixta 143
motor quis 163
motus e receptaculo per ductum thoraci-
 cum 164. quomodo ad hunc lactea-
 rum & ductus thoracici faciant val-
 vulæ 163. sq. 165 a motu musculorum
 abdominis juvatur 164. sententia
 Marchetti de eo refutatur 158
secretio nulla fit sine bile 145
Chymica medicamenta an Galenicis undi-
 que præpolleant 557
Cicatricula solitaria ovi pennatorum pars
 essentialis est 2. 3.
Colliquamentum genitale & sanguis non
 differt active 50
Columna ab ære rarefactum scissa 444
Conatus natura criticos nulla ars amulari
 potest 549
Conceptio in muliebri testiculo celebra-
 tur 10
Conceptus totus a testiculo ad uterum de-
 fertur 21. ejus materia est in ovulo 6
perfecti intra testiculos formati 12
Cor est musculus 92. membrum nobilissi-
 mum 103. quicquid agit, motu agit ibid.
 movetur a spiritibus animalibus 95. eti-
 am si pectore evulsum 95. Stimulatur a
 sanguine ventriculorum 97. non confi-
 cit spiritus 104. nec sanguificat 177. in
 eo passiones animi haut contingunt 104
 nec ulla sanguinis ebullitio ibid.
Cordis auricula quid? harumque usus 93
fabrica musculosa 391
fermentum rejicitur 104. nec non ignis
 vitalis ibid.
motus duplex 92. cur non perpetuus 96

ad hunc cum spiritibus animalibus
 concurrit sanguis per arterias coro-
 narias adfluens 97
pulsu sanguis irruit arterias 98
Valvula tricuspidales quem præsent
 ulum 94
usus 103
Corallium quomodo indurescat 439
Coralliorum tinctura videntur suspecta 592
 644
Corpus movetur non a se ipso, sed ab alio 47
 nostrum machina est 42. per naturam
 agit & patitur 534
Cortex Peruvianus quam polleat vir-
 tute 625. eq.
Costarum motus ratio 79
Cranium inter & duram matrem intercapedo
 nulla datur 497. vid. *Calvaria*.
Cutis organum tactus 213
anatomie 314
habitus multum ad sudorem facit 210
papilla sunt primarium & eius organum
 134. sq.
 D.
Deglutitio 125. usus linguae in hac 126. an
 gula in hac etiam agit ibid.
liquidorum cur interdum difficilior pro-
 cedat, quam solidorum ibid.
Dentes horum usus 120. loco horum natu-
 ra in quibusdam animalibus aliis orga-
 nis utitur 121
Dieresis quid 494
Diaphragmatis motus 80
Digestio, quomodo peragatur 469. 475. ju-
 vatur a ventriculi contractione 128. nec
 non a bile 140
prima an felicior sit in dormientibus, an
 in vigilantibus 412
secunda & *tertia* in dormientibus prom-
 tius succedunt ibid.
Dolor quid 529. ejus ratio formalis ibid.
membrum amputati, cur de eo interdum
 conquerantur ægri 316. 523.
Ductus lacrymales 125
salivales Bartholini 124. salivales novus
 Nuckii 125
 thoracici

INDEX RERVM.

thoracici insertio 166. hujus valvulæ
164. qua ratione ad chyli motum fa-
ciant 165

E.

Elasticitas quid 49. subest aeri 84
Embryo quomodo nutriatur §24. quomodo
in eo oriatur & augmentetur sanguinis
circulus 25. sanguificatio in eo ibid.
Epar non habet vasa lymphatica ab intesti-
nis 153. 183. non sanguificat 175. se-
cernit bilem 232. ejus connexio
cum diaphragmate non semper lædit
respirationem 230. substantia & vasa
231
Epilepsia si febrim comitatur, quomodo
procedendum 550
Evacuationes naturæ interdum salutare
541. seq. febriles unde 545
Essentia vegetabilium interdum prævalent
horum decocta & succi expressi 588
Experientia sæpe nos fallit 641. 199.
Expiratio duplex 87. ejus usus 88. in hac
non omnis aer, semper rejicitur 88

F.

Facultates, inter vitalem & animalem con-
sensus 284. de earum sede sententia
Villisi locum non habet 383
Fæces albi non primæ tantum coctionis re-
crementa sunt 246
earum *fator* non contingit a præcipita-
tione 146
excretio quomodo fiat 149
Feminarum testiculi sunt ovaria 2
Fallopia aqueductus 135. 352
Fames non semper supponit appetitum na-
turalem 118. cur tandem fatiscat, si eam
diutius sustineamus 117. cur magis fa-
memus longius, quam brevius a chy-
lificatione 117. 465
Febres quoduplices 619. an a medico conci-
tari possint 551. quandoque profunt 550.
an statim expellendæ 619. sq. quibus
remediis 624. sq. an profint remedia
evacuatoria 547. 636. an purgantia

547. fomes nonnuquam a natura ex-
pellitur 554. 545. fatalia non sunt certa

654

Fermentatio ab aeris interelusione non sta-
tim cessat 56. ad chylicationem con-
currit 137. sanguinis nulla 55. nec ab
ea calor sanguinis 69

Fermentum non est causa nutritionis veræ
113. cordis intrinsecum refellitur 104
stercoreum non datur 146

Fibræ nervæ non habent in se medullam
295. ipsæ tamen fibræ medullares sunt
ibid. harum interstitia canalis vices ge-
runt ibid. *sanguis* vid. S.

Fluidum an tactus obiectum 308. ambiens
intrinseco debet esse proportionatum
85. animalia ambiens & vivificans est
duplex 61. in fluido determinato omnia
animalia degunt 70

Fluxus uteri cruentus immodicus gravidis
interdum exitiosus 600. 603. unde
602. an hoc superveniente foetus edu-
cendus 605. sq. an sanguinis missio exer-
cenda 607. periodicus an matri & foe-
tui salutaris 601

Fluxus menstruus. vid. *Menses* it. *Men-
struum*.

Fecundationis modus a motu, cujus ratio
tamen obscura, dependet 16. 17

Fœtus non alitur sanguine, sed succo chy-
loso 26. nutritur etiam per os 27. non
respirat 36. qui jam respiravit, an mox
ab aeris externi penuria extinguatur 38.
an ante partum in caput convertatur
39. editur vivus matre mortua ibid. non
rumpit membranas ib. quando & cur ei
respiratio matris non sufficiat 36. quo-
modo sufficiat ibid. in eo sanguinis cir-
culatio 32. an alimoniam capiat ex san-
guine ventriculus 31. an hic digerat ib.
ejus meatui auditorio præfixa valvula

347

Folliculus felle ineptus est ad bilis produ-
ctionem 233. aliquid bilis a ductu epa-
tico recipit 234. nec non per proprias
radices ibid. ad eum cur, secedat bilis

R r r

245

INDEX RERVM.

245 ex eo nihil bilis ad porum epaticum fertur 232. eo compresso car intumesceat porus epaticus 241
Prigus, ejus sensus videtur a tactu diversus 306. 309. cum eo non semper mera salina effervescent 71. quorundam animalium non est ab effervescentiis aut motibus diversis intrinsecis 71. 72
Fuliginis anatome 429
Functiones animales non sine motu 45

G.

Galénica medicamenta, quæ 561. b. an præpolleant chymicis 557. sq.
Gemelli unde 21. an uni includantur involucri 24
Generatio vix differt a nutritione 105. inchoatur in testiculo muliebri 10. absoluitur in utero 12. duplex requirit semen 2. materiam ejus sola præbet mater, non pater 6. perficitur quoque ab animalibus quibusdam post castrationem 9
Genitalis humoris summa nativitas 10
Genitalium muliebrium humor non est semen 5
Genitura sexus utriusque haud commiscetur in uteri cavo 8
Glandule, ab his sanguinis partes pingues & caseosæ secernuntur 172
conglomeratæ, harum serum 174
cutaneæ, harum pro sudore secernendo conditio 210
intestinales, quem in finem eructent lympham, obscurum 142
maxillares 125
palatina 124
parotides 125
renum, fibris horum continuæ 191
splenica ab his nihil recipit sanguis 257
sublinguales 124
Glandulosum ovuli corpus, huic filtri loco est 19. non generatur sine prævio coitu 18
Glissonii hypothesi de motu bilis ponderata in dubium vocatur 243 sq.

Grafitas & lebitas tactus objectum haud sunt 311
Gula vid. *Oesophagus*.
Gustandi sim nullam habent fauces ac oesophagus 326
Gustatus ad esse animalis facit 319. perfectissimo an polleat homo ibid.
Gustus objectum 320. organum primum sunt linguæ papillæ nervæ 324. sq. ei cum olfactu singularis est cognatio 331

H.

Hæmorrhagiæ spontaneæ unde proveniant 545. quoruplices sint ibid. interdum salubres 541. his cessantibus, an sanguinis missiones surrogandæ 544. *narium*, an salutares in febribus acutis 542. an a medico in hoc statu concitandæ 543
Homo tactu cuncta animalia superat 308. ejus olfaciendi torpor non tam a causa externa, quam naturali est 330
Humidum & siccum quid 311. non sunt tactus objectum 310
Humor quomodo differat a vapore 207. qualis esse debeat pro sudore 209
crystallinus a vitreo non dimovetur 368. dum contrahitur dilatatur pupilla ib.
genitalis, summa ejus activitas 10. genitalium muliebrium non est semen 5. hujus ortus ibid.
lacteus sanguinis interdum præter naturam est, interdum tamen chylus 165. sq.
pancreatici textura 467
Ventriculi est lymphæ seu serum 136. est salus 115. non acidus 116. 136
Sitreus vix mutat radium 371
Hydropici a natura interdum recreantur 551. an catartecorum usus ipsis proficius 552
Hypochondriorum duumviratus 477. sq.

I.

Ignis est aer attenuatus 434. ejus natura, in quo consistat 426. in vase clauso non extinguitur per fuliginum exhalationem impe.

INDEX RERUM.

- impeditam 73. hujus & sanguinis motus
vitalis analogia non per omnia quadrat
58
Bitalis nullus 69. neque in corde 104
Imaginatio quid 378. cum sensatione inter-
dum confunditur 386
Indicationes medica, quot earum sint spe-
cies 516. sq.
Inedia parit virium defectum 107
Infantes cur voraces 117
Inspiratio, ejus principium a thoracis de-
pendet musculis 78. in ea aer non fu-
gandi vacui causa pulmones ingreditur
81. nec attrahitur ibid. nec a thorace
dilatato 115. impellitur ibid. sed per
pondus & elasticitatem intrinsecam eos
ingreditur 83. ad eam nihil facit pulmo-
num compressio 87
Intestina cur alia crassa, alia tenuia vocen-
tur 147. an chyloscent 138. eorum
motus qualis 97. 147. est a tunica car-
nea 147. *Balsule* conniventes motum
peristalticum adjuvant 148. item abdo-
minis compressio ibid.
Ischuria a plethora 199. nonnunquam
moratur calculi excretionem 520
L.
Labyrinthus, ejus partes 353. ad eum soni
via ibid. in eo nullus aer implantatus 352
Lac cur primum serosius 174. cur chylo cras-
sius 175. ejus materia non sanguis, sed
chylus 174
Lactea Vasa vid. *Vasa*.
Lamy dubia adversus viviparorum ovula,
solvuntur 4. 19
Lebe & *asperum* tactu dignoscuntur 309
Levitas saepe haud sensibilis 310. non est
tactus objectum 311
Licetti duplex circulatio 91
Lien cur sine vitæ excidio tolli possit 249.
non sanguificat 254. 485. nec ventri-
culo fermentum parat ibid. 488. nec
sanguinem condensat ib. nec sanguinis
motum temperando agit 254. ei non
adducitur sanguis crassior 252. inest
acidum 487. in eo non secernitur ex-
crementum melancholicum 252. nec
sanguis crassior 253. nec exaltatur san-
guis a spiritibus animalibus 254. nec
secernitur a sanguine aquositas 257. nec
accessit sanguis ibid. ab eo nihil rejicitur
per vasa brevia 253. nec per hæmorrhoi-
dalia ibid. nec per ductum pancreati-
cum ibid. nec per vasa lymphatica ibid.
sanguis, qui ab eo refluit, ejus est pro-
ductum, bilis generationi inserviens
255. sq.
Lienis arteria 250
extirpacio 248
substantia 249. vena 250
usus obscurus est 251. de hoc sententia
Malpighii 255. lienis bovini deco-
ctum & extractum 257. vid. *Splen*.
Lignorum decocta plus valent, quam eorum
extracta 586
Limatura chalybis cunctis non quadrat
ventriculis 589
ferri aqua simplici humectata exæstuat
post horam 590
Lingue usus in deglutitione 126. partes 323.
papillæ nervæ primarium gustus orga-
num 324. sq.
Lochia 41
Lotiones cum aqua simplici pro salibus cor-
rodentibus eluendis sunt frustraneæ 582
Lux est visus objectum 357. oculis innata
non datur 358
oculorum non testatur de lucida spirituum
natura 263. an hæc objecta illumi-
nentur 358
noctis bagorum a conformatione oculi est
360
Lympha non est acida 183. nec differt a
sero sanguinis 168. an in ea spiritus ani-
males & succus quidam nervens 172
ejus productio & sanguificatio una est
actio 180. usus 184. affluit per arterias
181. movetur ad peripheriam & attra-
hitur a partibus juxta Bilgum 182. cir-
culatur 183. refluit per venas lymphati-
cas & lacteas 381. cur quædam per ve-
nas,

INDEX RERUM.

- nas, quædam per lymphatica redeat 174.
denuo sanguini affunditur ibid. an per
ductum thoracicum ad glandulas capitis
feratur 133. a percussionibus capitis ali-
quando extravagatur 510. canalem ali-
mentorum perluens an cunctis molecu-
lis alibilibus destituatur 465. quænam
menstruum universale 467
Gentriculi non est acida 131
glandularum intestinalium, hujus usus est
obscurus 142. textura 467
Lymphatica vasa vid. *Vasa*.
M.
Magisterium chymicum quid 582
Mammillarum in foetu usus 29
Marchetti (Ant.) de Chyli motu senten-
tia refutatur 158
Masculinum semen vid. *Semen*.
Masticationis usus 123
Mater in partu agit utero & diaphragmate
40. ea mortua editur infans vivus 39.
Meatus auditorius, in hoc intenditur sonus
348. foetus meatui auditorio præfixa est
pellicula 347
Medicorum officium 536. *tituli* 536
Medulla spinalis corticali etiam gaudet
substantia 276. fibrosa simul est 293. e-
lus cortex est officina spirituum 276
280
Membra corporis, mutuum inter ea confor-
tium 477
Membrana tympani. vid. *Tympanum*.
Membrane non sunt organum tactus 313
Memoria quid 379. minus cognoscit, sed
tantum passive se habet ibid.
Menses foemini nec propter desidiam nec
propter frigidius temperamentum flu-
unt 213. cur foeminis tantum humanis
fluant 214. hæ illos non patiuntur ut
peccati poenam ibid. an in statu integri-
tatis obnoxia fuissent ibid. non fluunt
iis quod, corpori foetus tantum materi-
am commodent. 215. quando primum
erumpat ibid. quædam eos ad decrepi-
tam usque ætatem patiuntur 216. an ex
utero, an ex vagina tantum fluant 216.
217. cur & quomodo a plethora sistan-
tur 221. cur per uterum evacuentur 222.
non a fermento uterino excitantur 225.
neque a fermento circa uterum conge-
sto 226 sq. neque a luna 228. cur iis
quædam puellæ corripiantur 229
Menstruata nunquam foemina etiam
concipiunt 215
Menstrua quidam patiuntur viri 213 iis fo-
minæ quædam citius obnoxia sunt 215
cur simia habeat 223. cur nulla reliqua
animalia patiantur 222. non coacer-
vantur circa uterum 224. qua ratione
sine iis foeminæ quædam concipiant 229
erumpentia quomodo abortum move-
ant 218 230. 21
Menstruum tempus foeminæ quædam anti-
cipant 215
Menstruum universale quid 467. 473 qui-
bus indigeat suppetiis 463. ejus materia
proxima 473. est primum chylica-
tionis organum 474. ejus vis 475
Menstruus fluxor a venis, non ex arteriis ne-
que ex tubulis uterinis 225
Menstruus sanguis quid 219. vitiosus non
est 228. eum esse exuberantiam quan-
dam foetui destinatam defenditur.
219. sq. 643
Mercurii virtus
Sibi vis sedativa 531. unde 532
Mesaraica venæ vid. *Vena*.
Metalla & mineralia putrefactioni ac fer-
mentationi minus obnoxia sunt 56. ae-
re non destituuntur 436
Methodus prophylactica minus utilis 537
Molle peculiarem tangibilibus classem haud
format 311
Morborum naturas cur mediatrices dixerit
Hippocrates 534
Motus non fit per solam tensionem fibra-
rum 260. etiam ad esse simpliciter facit
259. cur nonnunquam in paralyticis
aboleatur, maneat sensus & contra 284.
aliquid motus partibus cadaveris resti-
tuit aqua ejusdem arteriis injecta 69
minus adæquate dividitur in naturalem
& ani-

INDEX RERV M.

- & animale 387. voluntarius, coactus
& naturalis, quomodo differant 402
animalis quid 387 ejus organum proximum est misculus 390
sanguinis natura, an salutare 541. sq.
an medicus hos æmuletur 542. hujus
ætiologia 68. ratio est obscura ibid.
spontanei in homine unde 43. eos præcedit
sensatio 388. artis opera quandoque
maxime æmulantur 44. brutorum vix
vere spontanei 43
stilis ratio est obscura 68
voluntarii, an debeant ab anima rationali
ibid.
Muliebres testiculi vid. *Testiculi*.
Musculus est organum proximum motus
animalis 390. ejus venter cur tendine
mollior 393. movetur non per modum
corrugationis 395. neque trahitur a
nervis ibid. sed inflatur potius a spirituum
animalium & sanguinis arteriosi
affluxu 396. sq.
Formati & non formati quid 390. hic
eosdem & communes cum illo partes
habet ibid.
Musculi de iis omnis pars nobilis participat
389. nulla iis caro præter fibrosa inest
392. unde eorum rubedo 393. quæ ratione
moveantur ab appetitu 401. item
ab objectis externis 402. quidam moventur
motu magis naturali dicto, qui
nervos non a cerebello recipiunt 406
cur quidam in dormientibus moveantur,
quidam quiescant ibid. eorum motus
quomodo se habeat 400 an spontaneus
388. in eo Willisii virtus explosiva
locum non habet 399. neque Borelli
ebullitio expansiva 400. nec Majovv
effervescencia contraria ibid.
Abdominis chyli juvant motum 164. urine
adjuvant excretionem 199
intercostales non simul dilatant & constringunt thoracem 79
N.
Nares, harumque primario tunica interior,
olfactus sunt organum 339. sq. per eas
aer non penetrat cerebrum 277
Narium vasa 125
conformatio in homine & brutis diversa
329
Natura humana quid 533. 537. nisi per
verse agat, haud est stimulanda 536. vim
suam exserit & in statu sano & in valedinario
536. ejus vires sunt majores quam artis
534. variis gaudet potentis 538 ab alimentis
ut illi separat 539 anti inveniendæ & exolendæ
inferri ibid.
Nervus; quæ ratione in uno contrarii spirituum
agant motus 288
auditorius 353. an a nervi quinti paris
inoculatione cum auditorio surdi
nativitate sint muti 355
Nervi, ex fibris coagmentantur 291. e partibus
non absorbent humores 278. in iis
velocius moventur spiritus, quam in
cerebro 288. omnes a cerebro 292. alii
duriore, alii molliore & cur 293. sq.
olfactorii & opici non sunt perforati 292
Nervorum succus vid. *succus Nervens*.
Nocturnorum lux est a conformatione
oculi 360. & quidem varia 361. sq.
Nutrienti usus 114
Nutritio quomodo differat ab augmentatione
109. an a generatione 105 ejus
necessitas 105. materia 111. vera causa
efficiens 112. nulla sine spiritibus animalibus
113
O
Oculus, eum non subeunt species intentionales
364. nec imagines Epicuri 365. sed lucis
ratio ibid. refractionum in eo
usus 366. cur oculo duplici visa non
pareant gemina 374. sq.
ejus *fabrica* mechanica 365
elongatio non est a musculis 367
partium motus ut se habeat ibid.
pupilla dilatatur, dum humor crystallinus
contrahitur 368
Rrr r 3
Oculi

INDEX RERVM.

Oculi an illuminent objecta 358. 363. animalium quorundam cur in tenebris luceant 359 vid. *lux*
Odor non est simplex qualitas 331. sed effluvia corporea ibid
Odores dependent a particularum salino-sulphurearum certa modificatione 334 an sine inspiratione percipiantur 336 *odorifera effluvia* non sunt ignea 333 nec mere sulphurea 334.
Odorifera particula, magna est harum subtilitas 333. ab earum exhalatione concreti immisuietur pondus ibid.
Oesophagus an etiam agat in deglutitione 126. nullam gustandi vim habet 326 tunica ejus musculosa 126
Oleum tartari, sali tartari affusum, cur motum & incalescentiam exciter 456
Olea expressa an ratione acidi effectus præstent 422. an iis insit acidum 423 *destillata*, an in his acidum primas teneat 423
Olfaciendi hebetudo non primario ab instrumenti abusu dependet 328. sed ab hujus conformatione 329 *necessitas* cur major in brutis 330 *potentia* hominem alia antecellunt animalia 327 *sopor* hominis non tam a causa externa, quam naturali est 330
Olfactur, ei cum gustu singularis intercedit cognatio 331. non contingit in cerebri ventriculis 337. nec processibus mammillaribus 338. ejus organum sunt ipsæ nares, primario tunica earum interior 339. sq.
brutorum ad pauca tantum objecta restringitur 327
Opii vis 643
Ossa pubis in partu non divelluntur 40
Oscula auditus videntur sonum propagare 351. eorum usus obscurus 350
Ovaria quid neoterici 2.
Ovarium pennatorum cum simplex, duo vero testiculi muliebres 5. cur dispereat cum ovi ductu ibid

Obipara inter & vivipara, quæ traditur distinctio, male applicatur 3. eorum analogia ibid
Obulum quomodo a semine masculino ad secessum urgeatur II. expellitur non a corpore glanduloso, sed a fibris morricibus ventriculi 19. glandulosum ejus corpus non generatur sine prævio coitu 18. ei glandulosa hæc excrescentia filtratura est 19. in eo totius conceptus materia, etiam aliquid alimonix 6. triplex in eo substantia etiam aerea, quæ ab aere ambiente perpetuatur 59
Obula vix sine præcedaneo cordu testiculos deferunt II. ad uterum deferuntur per tubos 19
Biviparorum congenerantur & fluidum suum ab arteriis spermaticis recipiunt 4. frustra a Lamy impugnata ibid.
Obum ex eo animalia cuncta 2
obi exturbati vestigium in testiculis reperitur 19
obipennatorum partes duplices 2. pars essentialis sola est cicatricula 2. 3.
Ova a famellis quoque viviparis ponuntur 3

P

Pancreas, ejus succus non est acidus 140 nec cum bile intra intestinum ebullit 141. chylum diluit ac bilem temperat 142. Afellii datur etiam in homine 156
Paralytici, cur nonnunquam in iis aboleatur motus, maneat sensus & contra 284
Partes corporis omnes sunt spermaticæ III. quarundam textura fibrosa seu musculosa quomodo evolvi possit 391
solida quomodo a sanguine vivificentur 68. nihil substantiæ perdunt 109. cui corporis parti anima sensitiva radicaliter inexistat 49
Particularum fluidarum & solidarum semper aliquid in corpore nostro deperditur 106
Partus causæ 33. 39. tempus solenne 33. an

INDEX RERVM.

- an ante eum fœtus, in caput convertatur 39. eo instante, membranæ fœtus non tam ab hoc, quam ab humoribus contentis rumpuntur 39. in eo mater agit utero & diaphragmate 40. an in eo ossa pubis divelluntur ibid. aqua longius ante partum profluens unde 23
- Passiones animi* non contingunt in corde 104
- a Passu* virium restauratio 107. cur mox contingat 118
- Pater* nihil materiæ ad generationem contribuit 6
- pericardii* aqua nulla 283
- Pinguis* an ratione acidæ effectus præstent 22
- piscēs* multo sulphure scatent 71
- Plethora* cur & quomodo mens sitat 221
- Pleuritis* natura interdum solvitur 553. quod arte non imitandum 553
- Pori* præter sensibiles dantur minores insensibiles 211. sunt glandularum cutaneorum vasa excretoria 208. eorum valvulæ 209. habitudo non est causa efficiens nutritionis vere 112
- Principium vitale* non est ens hypostaticum 51. sed motus tantum sanguinis ibid. est aer, etiam secundum veteres 62
- Processus mammillares* an in iis olfactus contingat 338. per eos nullum evacuat serum pro odoribus acrioribus temperandis 339
- abium* non sunt porvii 279
- Pulmones* in respiratione potius passive, quam active se habent 78. in iis sulphurea sanguinis substantia evadit vesiculosa 179. eorum compressio nihil facit ad inspirationem 87
- structura in calidis & frigidis animalibus variat 70. vulnera sunt periculosa 555
- Purgantia* an in febribus exhibenda 547
- Qualitates* sensibiles quid 301
- intentionales* non dantur 302
- Refractionum* in oculis usus 366
- Renes* an aliquid ad Amnii conferant humorem 30. quomodo heterogenea crassiora, non sanguis, penetrant 197
- eorum* substantia 190. adductorii canales an alii præter arterias 187. sç. fibris glandulæ continuæ 191. per solam eorum configurationem fit urina 195
- Respiratio* est actio ex naturali & spontanea mixta 89. non est pro fuliginibus eliminandis 72. nec pro refrigeratione sanguinis 74. nec pro condensatione ejus ibid. nec pro spirituum materia suppeditanda 75. neque pro circulatione sanguinis ibid. vitali principio immediate magis præest, item sanguificationi 76. non semper læditur ab epatis connexione cum diaphragmate 230. cur ei aer tenuior incongruus 85. ejus principium in thorace hujusque musculis quærendum 78. instinctus internus & externus 89
- fœtus* in utero nulla 36
- matris* quomodo fœtui sufficiat 36 an & cur fœtui sufficere cesset ibid.
- Retina* substantia & textura 371
- S.
- Sal*, ejus vis non est a sola figura 323. in glebis, aere infuso exhaustis, ab aere regeneratur 440. a modificato sapor 321. universale aeris non datur 455
- urina* non est alcalicum, sed salis armoniaci simile 202
- tartari* volatilifatum, ejus vis 577
- Salina alcalisata* an retineant virtutem seminalem 563. sç.
- artificialia*, acida & salsa an necessaria 579
- urinosi* unde 578
- Salina* mera non semper cum frigore effervescent 71
- Saliva* quid 125. non est excrementum 135. ejus fontes 124. usus 123. 466. ordinario ad ventriculum descendit 135. 465. 473. requiritur ad saporum dignotionem 322. cur fames eam moveat 118
- sanguificatio* est functio ex similari & organica composita 179. ejus modus est obscurus ib. hæc & lymphæ productio una est functio 180. non peragitur ab epate 175. nec a corde

INDEX RERVM.

corde 177. nec a solo sanguine ibid. nec a sanguinis fermentatione 178. sed a sanguine cum organis 177. in embryone quomodo fiat 25
Sanguis non alit foetum 26. non nutrit materialiter III. non stagnat circa uterum 42. quomodo differat a colliquamento genitali 50. ineptus ad fermentescendum 54. est materia bilis 236. non vero lactis 174. ei radicaliter anima sensitiva inexistit 50. qua ratione partes solidas vivificet 68. per arterias coronarias adfluens ad motum cordis cum animalibus spiritibus concurrit 97. irruiat arterias pulsu cordis, coagentibus tamen arteriis 98. redit per venas 98. 100. numero idem per omnem aetatem haud manet 174. nihil recipit a glandulis splenicis 257. non exaltatur in liene a spiritibus animalibus 254. a liene refluit est productum-lienis generationi bilis interviens 255. sq. vid. *Aer.*
arteriosus, huius usus 103
menstruus vid. *Menstruus.*
rubri ad serum proportio 172
venosus non movetur tractu 98. sed ab arterio propellitur concurrente motu venarum peristaltico, it. partium tono ibid. hic nullius est usus 103
ventriculorum cor stimulat 97
Sanguinis accensio, V Villisi de hac sententia in dubium vocatur 57
calor non est a fermentatione, nec ab effervescencia, neque ab aere vitali 69. nec principium vitale 52
circulatio, huius utilitas 103. 468. duplex secundum Licetum rejecta 91
consistens diversa quomodo vires moderetur 68
ebullitio nulla in corde 104
fibrae arte parantur non sanguini inexistunt 169
fluiditas non est principium vitale 52
grumo gelatina inest 169. grumi pars inferior non differt a superiore 170

humor laticus interdum praeter naturam est, interdum tamen chylus 165 sq.
missio, an in febribus continuis instituenda 543. sq. an surroganda haemorrhagia spontanea deficiente 544 ac in quavis uteri haemorrhagia exercenda 607
motus duplex 53. de hoc sententia Varioli refutatur 95. intestinalis & circularis sudoris est efficiens 211. intestinalis probatur 53. non est fermentativus 54. intestini sive vitalis aetologia 59. inter vitalem & fermentationem nec non ignem quamquam analogia 57. 58
partes duae 167. pingues & caesae 172
pulsus ad urinam facit excretionem 198
rubedo unde 179. 180. rubicunda pars minor longe sero 171. 172. 180
substantia fibrosa & gelatinosa non differunt 112. sulphurea est rubicunda 179 evadit vesiculosa in pulmonibus 179
Sapor quid 19. non est ab elementis Peripatericis 320. nec a sale simpliciter ibid. sed modificatum 321. ejus motio duo significat 320. ad saporum dignotionem humor requiritur salivialis 322
Semen duplex ad generationem necessarium 2
masculinum efficienter tantum concurrit 7. per contactum agit 8. a testibus imprimis virilibus est 9. per quas vias his adferatur 13. in coitu excrementum vesicularum est 9. summa est activitate 10. qua ratione ad secessum urgeat ovulum 11
feminarum non est harum genitalium humor 5. solum principium prolis materiale existit 6. 7
Sensatio sine activitate non est perfecta 299 ejus modus 320. quomodo in cerebro fiat 304. quomodo in quibusdam dormientibus 404. subiecta spiritus non omnimode recedunt 304. cum imaginatione interiorum confunditur 386
Sensoria externa modificant species 303
Sensus

INDEX RERVM.

- sensus* quid & quoduplex 298. 305. non fit per solam tensionem fibrarum 260. cur nonnunquam maneat in paralyticis, aboleatur motus & contra 284. an mere passive se habeant 299. an errent 384. nunquam falluntur circa proprium objectum 385. ad conservationem animalium maxime necessarii sunt 297. ad esse quoque simpliciter faciunt 259. in quibusdam animalibus pauciores, forsitan etiam plures 297
- caloris* & frigoris videtur a tactu diversus 306. 309
- communis* quid proprie 377. duplex ejus acceptio ibid.
- externi* qui 307. eorum ratio formalis 303. objecta semper sunt materialia 301. fallunt 415
- interni* qui 300. quot 376. 380. objecta sua petunt ab externis 301. realiter non sunt distincti 377. sedibus haud distinguuntur 381. in cerebri medullari exercentur substantia 383
- Serum* nutrit III. 168. per mamillares processus non evacuatur neque odoris species temperat 339. ejus excrementum urina 185. feri gelatinosa pars differat a serosa 169. sq.
- feri* gelatinosae partis abundantis diversae causae vid. *Lympha*.
- glandularum* conglomeratarum 164
- nutritium* est succus homogeneus 112
- Vacuum* an potiores habeat vires ac gelatinosum 465
- Siccum* & humidum quid 311. non sunt tactus objectum 310
- Simia* cur menstrua patiat 223
- Sitis* 118 naturalis vix datur 119
- Solida* non tantum sonora sunt 343. sonoricos etiam motus transvehunt. 345
- Solidum* & fluidum sunt tactus objectum 308
- Somnus* quid 403. sensuum externorum affectio 404. an afficiat sensus internos 407. an motum spontaneum 405. a cerebro, non a sensorii incipit 408. ejus causa 409. somni tempore digestionem facilius peraguntur 411
- Sonori motus* determinati tractus sunt 344. vid. *Solida*.
- Sonorus motus* est peculiaris 346
- Sonus* modificatur in auribus 346 in meatu auditori intenditur 348. primus & secundus 342. alius actu, alius potentia 342 ejus actum consistere in motu asseritur ibid. formalitas non a subiecto, sed motus ratione emergit 343. subiectum non medium est aer 344. interdum etiam aqua 345. ejus via ad labyrinthum. 353.
- Spazyrica* inventa nimis extolluntur 559. sq.
- Spasmus* in vulneribus est periculosum symptoma 521
- Species visibiles* cur non appareant inversae 368. inversae pinguntur in retina 369. non eriguntur in cornea ibid. non invertuntur ac eriguntur per objectorum diversam distantiam 369. sq.
- Spiritus* nulli a corde conficiuntur 104. quia ratione a spirituosos & urinosos roborentur 268. velocius moventur in nervis quam in cerebro 288. a quo ad nervos, & partes impellantur 389. an explosione musculos contrahant 398. an perversascentias 399. sub sensatione non omnimode recedunt 304. eorum usus primarii sunt functiones animales 286. unus est, qui per meram secretionem producit vi motus sanguinis & cerebri 280. sq.
- Aereus* non vivificat 63. *nitro aereus* non datur 266
- animalis* an sit nitro-aereae naturae 265. de spiritu nitro aereo haud participat 266. nec spiritus sulphurei, nec urinosi natura gaudet 267. cunctas movet partes 389
- animales* movent cor 95. an materialiter, an formaliter ad nutritionem concurrant 114. an in lymphis 172. non sunt acidi 269. an succulentiam habeant 270. ab aeris partibus inspiratis constituuntur 276. in dormientibus non cessant ab

INDEX RERV.

omni motu 407. sine illis nulla contingit nutritio 113. eorum existentia probatur 260. materia est subtilior pars sanguinis & feri 275. non est vaporosa ibid. motus quoduplex 287. in hoc omnis eorum activitas consistit 286. motus contrarii qua ratione in uno nervo contingant 288. natura qualis 262. 270. an oculorum lux tesseretur, quod sit lucida 265. officina est cortex cerebri 279. & medulla spinalis 276. 280. volatilitas singularis & modificata 270. usus 283 pro eorum secretionem quid conferant arteriæ quid cerebrum 282
sensorii & motorii non differunt 284
italis vix datur 60. 64. an solus functionibus animalibus sufficiat 60. 261 sq.
Splen maximum ei cum epate est commercium 478. quid sit 479. ejus officium 480. sq. color 484. quomodo in sanguinem agat 485.
Sternutatio arte concitata an salutaris 548
 spontanea an gravidis proficua 548
Stomachus alimenta ut decoquat 469
Succus nervæus an existat 271. sqq. a fluido animali non datur diversus 296. non nutrit 111
Succi arboribus multis antecellunt virtutibus plura chymica 594
Sudor testatur de assumtis 204. an naturale sit excrementum 206. 212. cur interdum copiosus cum urina 203. cur non æque frequenter ac urina eliminetur 205 ei insunt partes laudabiles 207. an in eo nullus foetor 204. eo copioso paucior urina 203. ejus efficiens est motus sanguinis circularis & intestinus 211 materia est humor naturalis 206. eadem, quæ urinæ 203. organum secretorium non sunt vasa, sed glandulæ cutanæ 208. requisita 209. sapor sal sus & sal 204. usus 212
morbundorum unde 110
Sulphur antimonii an vulgari virtute saperet 581
Sulphura, quomodo per acida separentur 424. ex mineralibus quomodo a com-

munibus differant 580. essentiale an delitescat in tartari tinctura 587
Sulphuris spiritus quid 580
Surdi an nativitate sint muti ob nervi quinti paris cum auditorio inosulationem 355
Symptomata prolixè explicantur 517

T

Talus sensuum externorum primus 304 facit ad esse hominis 298. eo cuncta animalia superantur ab homine 308. ab eo sensus caloris & frigoris est diversus 306. 309 ejus objectum non sunt humidum & siccum 311. nec molle ibid. nec gravitas & levitas ibid. sed solidum & fluidum 308 item asperum & leve 309. organum non sunt membranæ 313 sed cutis ibid. non tamen hujus nervorum substantia medullaris ibid. primarium pupillares cutis sunt eminentiæ 341. sq.
Tangendi modus 315
Tendo quid & quid præstet 393. sq.
Terra inest aer 436
Testiculi, ingens eis est cum cerebro consensus 10
muliebris conceptionis locus ibid. ei semen masculinum adfertur per porosam uteri substantiam 14. quomodo tuba appropinquet 20. ejus fibra motrices expellunt ovulum 19. in ei veritigium exturbati ovi reperitur ibid. muliebres sunt ovaria 2. cur duo, unum vero & simplex ovarium 5. intra hos percepti conceptus formati 12
Siriles cum vesiculis seminalibus communicant 9. ab his inprimis semen est ib.
Transpiratio, ei etiam insunt particulæ laudabiles 207. ejus efficiens 211. materia eadem quæ urinæ 203. organum 208. requisita 209. usus 212
Trepanatio quid 493. sqq. plurimis difficultatibus involuta 494. seqq. cur sæpe frustra administretur 503. sq. 506. sq.
Tuba uterina quomodo testiculo appropinquet 20. per tubas uterinas ovula deferuntur ad uterum 19. nihil seminis masculini

INDEX RERUM.

scullini adfertur testiculis 13
Tunica foetus quot 22. ante hunc existunt
 ibid. partu instante non a foetu, sed ab
 humoribus rumpuntur 39
Tussis est molestissimum symptoma 520. in
 hæmoptoe primario mitiganda 521
Tympanum, in hoc non datur aer implanta-
 tus 351. sed per nares & aquæductum Fal-
 lopi subit 352. ejus laxitas quomodo au-
 ditum lædat 348. membrana non tendi-
 tur ac laxatur a masculis, nisi extraor-
 dinarie 349. hujus usus 348

V

Valvula conniscentes intestinorum peristal-
 ticum horum motum juvant 148
ductus thoracici qua ratione ad chyli mo-
 tum faciant 165
lacteorum etiam Affellio visæ 163. quo-
 modo ad chyli motum faciunt ibid.
lymphaticorum 181. negantur a Billio 182
vasculorum excretoriorum, quibus cuta-
 nea gaudent glandulae 209
Vapor & humor non differunt substantia 207
Vasa lactea cur nulla circa ventriculum
 130. chylo ferendo destinata sunt 150.
 152. cuncta sunt etiam lymphatica 154.
 in glandulas mesenterii abeunt 158. cur
 non habeant pennata 151. eorum con-
 formatio & progressus 156. contentum
 non est lympa glandularum intestina-
 lium 153. ramificatio. tortuosa 161.
 valvulae vid. *Valvulae* usus quibus impu-
 gnetur argumentis 150
lymphatica valvulas habent 181. non
 gaudent duplici tunica ibid. ab omnibus
 partibus emanant 182. terminantur in
 venam subclavium & jugularem 182.
 horum conformatio 181. in liene termi-
 nus 251
sanguinea, per hæc nihil seminis masculi-
 ni adportatur ovario: an chylicet 129.
 circa eum nulla vasa lactea 130. ad eum
 ordinarie descendit saliva 135. 472. sq.

ejus acor non raro ab assumtis 137. con-
 tractio digestionem juvat 128. fluidum
 137. humor est salus 115. non acidus
 131. 136. serum seu lympa 136. chyli-
 ficat per extractionem ibid. motus ad
 chylicationem concurrit 137. orificia
 non omnimode clauduntur 128. vulnera
 arte vix sanantur 555. *Fetus* vid. F.
Vegetabilia iis inexistit aer 436. quomodo
 in aere extra terram vegetentur 77
Vena per has redit sanguis 150. harum mo-
 tus peristalticus 98
mesaraica an chylum vehant 150. sq. 156
 harum structura & amplitudo 155
Vena sectio an in tenera ætate locum inve-
 niat 644
Ventriculus non solus est appetitus subje-
 ctum 116. cur animalibus quibusdam non
 simplex.
Vesica ad eam immediati a ventriculo & in-
 testinis canales haud dantur 189. ejus
 fundi vulnera non sunt lethalia 200. tu-
 nica ejus carnea expellit urinam 199
 musculosa fibras tantum longitudinales
 habet 200
Vesicula biliaria vid. *Folliculus* Fellis.
Vesiculae seminales semen in coitu sugge-
 runt 9. inter eas & testiculos datur com-
 municatio ibid.
Vigiliae quid 403. earum causa & usus 411
Vini spiritus an aliam contineat 431
Vires quomodo a sanguinis diversa mode-
 rentur consistentia 68. earum defectus
 ab inedia 107. restauratio a pastu ibid.
Viso non fit per remissionem radiorum 360
 fit in retina 371. terminatur in cerebro
 373 ejus modus 366. 373
Visus cur celerior auditu 356. quomodo
 afficiatur 341. fit per receptionem radio-
 rum 364. quomodo a sensili excellenti
 lædatur 373. ejus objectum lux 357. in eo
 non subeunt oculum species intentiona-
 les 364. nec imagines Epicuri 365. sed
 radii oculi retinæ imprimuntur.
Vitalis motus ratio est obscura 68
Vitalitas animalium ex aere 62

INDEX RERVM.

Vitriolum in mineralibus, nullo sale præditis, aer gignit 440
Vitriola artificiosa an naturalia virtute superent 579
Vivipara, homine excepto, stata conceptionis tempora habent 223. gemellæ vivipara etiam ova ponunt 3
Volucres cur arenulas devorent 122, 132
Vomitus spontanei a febribus nonnunquam præservant 540
cruentia gravioribus affectibus liberant 541
Veteres cur ligati ab urina non semper distendantur 197. cur per ureterem non redeat arteriis emulgentibus injectus liquor 541
Urina quid 185. est feri excrementum & quidem cunctarum digestionum 185. 186. non adeo celeriter a potu redditur 189. cur quandoque celeriter a potu reddatur ibid. cur ureteres ligatos non semper distendat 197. per ureteres ad vesicam descendit 199. expellitur a tunica vesicæ carnea & musculis abdominis ib. parcius sudore copioso 203. cur cum ea interdum sudor copiosus 203. *Urina materica* 203

partes elementares sunt aqua, sal, terra & sulphur 201. sq. integrales, liquor & contenta 200
secretio contingit percolatione 191. ad hanc facit pulsus sanguinis 198. nulla digestio concurrit 193. nec præcipitatio ibid. nec fusio 194. nec fermentatio sanguinis 195. nec attractio ibid. sed sola renum conformatio ibid.
tinctura & salsedo non est a bile 187
Vrinosa qua ratione spiritus roborent 268. substantia cur non omnis simul seceretur 198
Vterus an in eo generatio absolvatur 12. quomodo ad eum deferantur ovula 19. circa eum sanguis non stagnat 42. nec menstrua coacervantur 224. ejus conformationis ratione non est, cur reliqua animalia a menstruo fluxu excludantur 222
Vteri humiditas interna unde & quem præstet usum ibid.
substantia an in gravidis incrassetur 41. per ejus substantiam porosam semen masculinum testiculis effertur 14
Basa & horum conformatio 224
Evacuata a natura sanata 554 sq.

FINIS.



